


সৌরভ

সচিত্র মাসিক পত্র ও সমালোচন ।



—সম্পাদক—

শ্রীকেশবনাথ মজুমদার ।

—দ্বিতীয় বর্ষ—

কার্তিক ১৩২০ হইতে আশ্বিন ১৩২১ ।

ময়মনসিংহ ।

বার্ষিক মূল্য—দুই টাকা ।

PUBLISHED FROM
RESEARCH HOUSE—MYMENSINGH.

বিষয় সূচী ।

অভীভ নৃতি	শ্রীযুক্ত পূর্ণচন্দ্র ভট্টাচার্য্য	...	২৬৩
অভূষ্টি (কবিতা)	শ্রীযুক্ত যোগেশচন্দ্র চক্রবর্তী	...	২০৯
অদৃষ্টের উপহাস (গল্প)	কুমার শ্রীযুক্ত সুরেশচন্দ্র সিংহ বি, এ,	...	২৬
অভাব (কবিতা)	শ্রীমতী হৈমবতী দেবী	...	৫২
অভাব ও দুঃখ (কবিতা)	শ্রীযুক্ত দেবেন্দ্রনাথ মহিষ্ঠা	...	২৬৪
অবাচিত (কবিতা)	শ্রীযুক্ত সুধীরকুমার চৌধুরী	...	৩৯১
অশ্রুজল (কবিতা)	শ্রীযুক্ত চন্দ্রকুমার দে	...	২৮
অসময়ে (কবিতা)	শ্রীযুক্ত দেবেন্দ্রনাথ মহিষ্ঠা	...	৩০
আকাশ পথে	শ্রীযুক্ত বীরেশ্বর সেন	...	১৫২
আত্ম সমর্পণ (কবিতা)	শ্রীমতী বিভাবতী সেন	...	৩১১
অদৃত স্বপ্ন (নক্সা)	শ্রীযুক্ত অমরেন্দ্রনারায়ণ আচার্য্য চৌধুরী	...	৩৯৭
আনন্দ-সাগর (কবিতা)	শ্রীযুক্ত গোবিন্দচন্দ্র দাস	...	১৫৭
আমাদের কোনপন্থা অবলম্বনীয়	মহারাজা শ্রীযুক্ত কুমুদচন্দ্র সিংহ বাহাদুর বি, এ,	...	২
আমাদের স্বর্গীয় প্রতিবেশী ইকু (সচিত্র)	সম্পাদক	...	৭৮
আমেরিকার অন্ধ নিবাস (সচিত্র)	শ্রীযুক্ত অবিলাশচন্দ্র রায়	...	১৮৬
আরতি (কবিতা)	শ্রীযুক্ত সুধীরকুমার চৌধুরী	...	৩০৪
আলুকা পরিবারভুক্ত উদ্ভিদ—	শ্রীযুক্ত ঈশ্বরচন্দ্র গুহ এফ, আর, এইচ, এম,	...	৩৩৩
আবাহন (কবিতা)	শ্রীযুক্ত বঙ্কিমচন্দ্র সেন	...	২১১
ইতর প্রাণীর বুদ্ধি (সচিত্র)	শ্রীযুক্ত যত্ননাথ চক্রবর্তী বি, এ,	...	১০
ইতর প্রাণীর মনোবুদ্ধি (সচিত্র)	শ্রীযুক্ত অবিলাশচন্দ্র রায়	...	১৬৪
উকীলের লাইব্রেরী (কবিতা)	৮ মনোমোহন সেন	...	৩৯৫
উৎস (কবিতা)	শ্রীযুক্ত সুধীরকুমার চৌধুরী	...	৩৭
ঋণশোধ (গল্প)	শ্রীযুক্ত প্রভাতচন্দ্র চক্রবর্তী বি, এ,	...	৩৫০
ঐতিহাসিক প্রসঙ্গ	শ্রীযুক্ত রামপ্রাণ গুপ্ত	...	৪৮
কবিতার দীনেশচরণ বসু (সচিত্র)	শ্রীযুক্ত অমরচন্দ্র দত্ত	...	১০৬
কবে (কবিতা)	শ্রীযুক্ত জীবেন্দ্রকুমার দত্ত	...	১১৮
কালের ডায়রী (সচিত্র কাহিনী)	শ্রীযুক্ত নরেন্দ্রনাথ মজুমদার	...	৫৭
কুমারী ত্রস্তের নৃতি (সচিত্র)	শ্রীমতী—	...	১৩৩
গারোপল্লিতে একদিন (সচিত্র)	২০৪
গো-জাতির উন্নতি	রাজা স্বর্গীয় কমলকৃষ্ণ সিংহ বাহাদুর	...	২৭৩
গো-যান	অধ্যাপক শ্রীযুক্ত গিরিশচন্দ্র বেদান্ততীর্থ	...	৫৩
ঐহ-সমালোচনা	১৩৯. ১৭৪. ২১০. ২৪০

ଚକ୍ରକାନ୍ତ ପ୍ରସଙ୍ଗ	ଶ୍ରୀଯୁକ୍ତ ନୀଳଚକ୍ର ଚକ୍ରବର୍ତ୍ତୀ ବିଦ୍ୟାନିଧି ଏମ, ଏ,	...	୧୩
ଚିତ୍ର-ପରିଚୟ (ସଚିତ୍ର)	୪୦
ଛୋଟ ଓ ବଡ଼ (କବିତା)	ଶ୍ରୀଯୁକ୍ତ ଗୋବିନ୍ଦଚକ୍ର ଦାମ	...	୧୨ ✓
ଜନ୍ମ ରହସ୍ୟ	ଅଧ୍ୟାପକ ଶ୍ରୀଯୁକ୍ତ ଉମେଶଚକ୍ର ଭଟ୍ଟାଚାର୍ଯ୍ୟ ଏମ, ଏ, ବି, ଏମ	...	୨୪
ଜାତକ	ରାମ ସାହେବ ଶ୍ରୀଯୁକ୍ତ ଜ୍ଞାନଚକ୍ର ଘୋଷ ଏମ, ଏ	...	୨୨୨
ଜାପାନେ ସାହିତ୍ୟ ଚର୍ଚ୍ଚା	ଶ୍ରୀଯୁକ୍ତ ଯତ୍ନାଥ ସରକାର	...	୧୫
ଜୀବନ ମରଣ (କବିତା)	ଶ୍ରୀମତୀ ଅନୁଜା ସୁନ୍ଦରୀ ଖୁଣ୍ଟା	...	୨୮୧
ଡାକ୍ତାର (ଗଳ୍ପ)	କୁମାର ଶ୍ରୀଯୁକ୍ତ ସୁରେଶଚକ୍ର ସିଂହ ବି.ଏ.	...	୩୧୩
ତନ୍ତ୍ରସାହିତ୍ୟେ ଜ୍ୟାମିତି-ପ୍ରଭାବ	ଶ୍ରୀଯୁକ୍ତ ସତୀଶଚକ୍ର ସିଦ୍ଧାନ୍ତଭୂଷଣ	...	୯
ତପୋବନ (କବିତା)	୭ତୀରାମସିଂହ	...	୧୪୧
ତାମାକୁତରେ ବିପତ୍ତି (ଗଳ୍ପ)	ସମ୍ପାଦକ	...	୧୬୬
ତାମ୍ରକୂଟ ପ୍ରସଙ୍ଗ	ଅଧ୍ୟାପକ ଶ୍ରୀଯୁକ୍ତ ଉମେଶଚକ୍ର ଭଟ୍ଟାଚାର୍ଯ୍ୟ ଏମ, ଏ, ବି, ଏମ	...	୧୧
ତିନଟି ରତ୍ନ କବିତା	ମୌଳବୀ ଶ୍ରୀଯୁକ୍ତ ଆବଦୁଲ କରୀମ	...	୨୨୦
ତିର୍କତ ଅଭିଧାନ (ସଚିତ୍ର)	ଶ୍ରୀଯୁକ୍ତ ଅତୁଲବିହାରୀ ଖୁଣ୍ଟା ବି. ଏ, ବି. ଏମ. ସି. ୨୦, ୫୦, ୧୦୦, ୧୧୩, ୧୪୩, ୧୭୨, ୨୨୨, ୨୫୬, ୨୮୨, ୩୪୪, ୩୨୧	...	
ତୁଷାର ହିତେ ବିଦାୟ (କବିତା)	ଶ୍ରୀଯୁକ୍ତ ପ୍ରମଥନାଥ ରାୟ ଚୌଧୁରୀ	...	୧୧
ଦଶଚକ୍ର (ଗଳ୍ପ)	ଶ୍ରୀଯୁକ୍ତ ଗିରୀଜନାଥ ଗନ୍ଧୋପାଧ୍ୟାୟ ଏମ, ଏ, ବି, ଏମ	...	୧୨୦
ଦନ୍ତ୍ୟ କେନାରାମ	ଶ୍ରୀଯୁକ୍ତ ଚକ୍ରକୂମାର ଦେ	...	୧୧୫
ଧାତୁସମୂହର ଉତ୍ପତ୍ତି କଳ୍ପନା	ଅଧ୍ୟାପକ ଶ୍ରୀଯୁକ୍ତ ତାରାପଦ ଗୁଣୋପାଧ୍ୟାୟ ଏମ, ଏ	...	୩୬୪
ନାରାୟଣ ଦେବ	ଶ୍ରୀଯୁକ୍ତ ରାମନାଥ ଚକ୍ରବର୍ତ୍ତୀ	...	୧୨୨, ୧୫୩
ନାରାୟଣଦେବ (ପ୍ରତ୍ୟୁତ୍ତର)	ଶ୍ରୀଯୁକ୍ତ ବିରଜାକାନ୍ତ ଘୋଷ ବି, ଏ	...	୨୮୧, ୩୩୬, ୩୬୧
ନିଜାମୁଦ୍ଦିନ ଆଉଲିୟାର ଦରଗା (ସଚିତ୍ର)	କୁମାର ଶ୍ରୀଯୁକ୍ତ ଶୌରୀଜ୍ଞକିଶୋର ରାୟ ଚୌଧୁରୀ	...	୨୮
ନିୟତି (କବିତା)	ଶ୍ରୀଯୁକ୍ତ ବିଜୟାକାନ୍ତ ଲାହିଡ଼ି ଚୌଧୁରୀ	...	୪
ନିଶିର ପ୍ରତି ଶଶୀ (କବିତା)	ଶ୍ରୀଯୁକ୍ତ ଜୀବେନ୍ଦ୍ରକୂମାର ଦତ୍ତ	...	୪୦
ନିଷାଦଳ	ଅଧ୍ୟାପକ ଶ୍ରୀଯୁକ୍ତ ତାରାପଦ ଗୁଣୋପାଧ୍ୟାୟ ଏମ, ଏ	...	୨୫୪
ନିଖ ଅଭିଭାଷଣ	୨୬୮
ନିଲ୍ମି ଜନନୀ (କବିତା)	ଶ୍ରୀଯୁକ୍ତ ରମିକଚକ୍ର ବନ୍ଧୁ	...	୪୧
ନାଟର ଗୀତ (କବିତା)	ଶ୍ରୀଯୁକ୍ତ ଗୋବିନ୍ଦଚକ୍ର ଦାମ	...	୩୧୨ ✓
ପ୍ରଜାପତିର ନିର୍ବନ୍ଧ (ଗଳ୍ପ)	ଶ୍ରୀଯୁକ୍ତ ପ୍ରଫୁଲ୍ଲକୃଷ୍ଣ ଘୋଷ	...	୨୫୮
ପ୍ରାଚୀନ ଭାରତେ ଚୌର୍ଯ୍ୟ-ଶିଳ୍ପ	ସମ୍ପାଦକ	...	୫
ପ୍ରାଚୀନ ଭାରତେ ପର୍ବଚକ୍ରିୟା	ମହାରାଜା ଶ୍ରୀଯୁକ୍ତ କୁମୁଦଚକ୍ର ସିଂହ ବାହାଦୁର ବି, ଏ	...	୧୦, ୧୦୨
ପ୍ରେମ (କବିତା)	ଶ୍ରୀଯୁକ୍ତ ସୁଧେନ୍ଦୁମୋହନ ଘୋଷ	...	୩୨୩
ଫୌଜଦାରୀ ଆଦାଲତେ ଅନୁପ୍ରାସ	କୁମାର ଶ୍ରୀଯୁକ୍ତ ସୁରେଶଚକ୍ର ସିଂହ ବି.ଏ.	...	୬୧
ବନ୍ଦୀର ସାହିତ୍ୟ ସମ୍ମିଳନ (ସଚିତ୍ର)	ଶ୍ରୀଯୁକ୍ତ ନରେନ୍ଦ୍ରନାଥ ମଜୁମଦାର	...	୨୬୪
ବର ପଣ, ଆତ୍ମହତ୍ୟା ଓ ସମାଜ	ଶ୍ରୀଯୁକ୍ତ ଯତ୍ନାଥ ଚକ୍ରବର୍ତ୍ତୀ ବି, ଏ	...	୩୧୨


বস্তু-বিকার	কবিরাজ শ্রীযুক্ত গিরিশচন্দ্র সেন কবিরত্ন	...	৩৪৮
বাজুর কারুস্থ সমাজ	শ্রীযুক্ত রসিকচন্দ্র বসু	...	১৪১
বাদল রাতে (কবিতা)	শ্রীযুক্ত সুধীরকুমার চৌধুরী	...	৩৫৮
বাল্যবন্ধু (গল্প)	কুমার শ্রীযুক্ত সুরেশচন্দ্র সিংহ বি, এ	...	১২১
বাসনা (কবিতা)	শ্রীযুক্ত জগদীশচন্দ্র রায় গুপ্ত	...	২২০
বিজ্ঞাপন-বিজ্ঞান	অধ্যাপক শ্রীযুক্ত উমেশচন্দ্র ভট্টাচার্য্য এম, এ, বি, এল	...	৩৮২
বিধবা মেয়ে (কবিতা)	কুমার শ্রীযুক্ত সুরেশচন্দ্র সিংহ বি, এ	...	২৩৮
বিবাহ পণে বালিকার আয়তন (সচিত্র)	শ্রীযুক্ত যত্ননাথ চক্রবর্তী বি, এ	...	২০৮
বিষ্ণুর বিকাশ	শ্রীযুক্ত শীতলচন্দ্র চক্রবর্তী বিদ্যানিধি এম, এ	...	২১৯
ভয় (কবিতা)	শ্রীযুক্ত মহেশচন্দ্র ভট্টাচার্য্য	...	৩৩৫
ভাদ্রের শৈশব-স্মৃতি	শ্রীযুক্ত চন্দ্রকুমার দে	...	৩৫৯
ভারতীয় শিল্পকলা	শ্রীযুক্ত সুরেন্দ্রনাথ মিত্র	...	৩৪১
ভারতীয় আখ্যায়িকার শিষ্টাচার পদ্ধতি	শ্রীযুক্ত যোগেন্দ্রচন্দ্র বিদ্যাভূষণ	...	৩০১
ভিক্ষা (কবিতা)	শ্রীযুক্ত দেবেন্দ্রনাথ মহিস্তা	...	১২৬
ভুবন রায়	শ্রীযুক্ত কৈলাসচন্দ্র সিংহ বিদ্যাভূষণ	...	১৮৮
বঙ্গলের কথা (সচিত্র)	অধ্যাপক শ্রীযুক্ত উমেশচন্দ্র ভট্টাচার্য্য এম, এ, বি, এল	...	১১৮
বনসা ভাসান	শ্রীযুক্ত চন্দ্রকুমার দে	...	৩২৩
বয়স	রাজা শ্রীযুক্ত শিবকৃষ্ণ সিংহ বাহাদুর	...	৬৪
বয়সসিংহের ভক্তকথা	শ্রীযুক্ত অচ্যুতচরণ তর্কনিধি	...	৭৬
বয়সসিংহের ভক্ত রূপচন্দ্র	ঐ	...	১৫৫
বয়সসিংহের দাণ্ড রায়	শ্রীযুক্ত চন্দ্রকুমার দে	...	২৪৩
বয়সসিংহে শ্রীগৌরাজ (সচিত্র)	শ্রীযুক্ত অচ্যুতচরণ চৌধুরী তর্কনিধি	...	৪৫
বরিরাম	শ্রীযুক্ত উপেন্দ্রচন্দ্র মজুমদার বি, এল	...	৩৯৬
বহিলা কবি চন্দ্রাবতী (সচিত্র)	শ্রীযুক্ত চন্দ্রকুমার দে	...	১৪৮
বহীশ্বর রাজ্য (সচিত্র)	শ্রীযুক্ত কেদারনাথ সেন	...	২৩১
মার্কিন সাধারণতন্ত্রে প্রথম বাঙ্গালী উপনিবেশিক (সচিত্র)	শ্রীযুক্ত কালীপ্রসন্ন চক্রবর্তী	...	৩
মারার খেলা (গল্প)	কুমার শ্রীযুক্ত সুরেশচন্দ্র সিংহ বি, এ	...	৮
মালীর যোগান	শ্রীযুক্ত চন্দ্রকুমার দে	...	২১
মিলন (গল্প)	শ্রীযুক্ত হরিচরণ গুপ্ত	...	৪০
মুক্তি (কবিতা)	শ্রীযুক্ত রমণীমোহন ঘোষ বি, এল	...	১০১
মুরাদের নিকট অগ্নিকণ্ঠের পত্র	শ্রীযুক্ত বিজেন্দ্রনাথ নিরোগী বি, এ	...	৮৯
মৃত্যুর স্বরূপ (কবিতা)	কুমার শ্রীযুক্ত সুরেশচন্দ্র সিংহ বি, এ	...	১৪০
যৌবন (কবিতা)	শ্রীযুক্ত সুরেশচন্দ্র পত্রনবিষ বি, এ	...	২৭১
রসায়ণ বিদ্যার উৎপত্তি	অধ্যাপক শ্রীযুক্ত তারাপদ মুখোপাধ্যায় এম, এ	...	৫১

রাজপুত্রের অধঃপতন	শ্রীযুক্ত রামপ্রাণ গুপ্ত	১৮৪
শরশয্যা কাব্য (সমালোচনা)	৩৪০
শারদা ভিলকের রচনাকাল	অধ্যাপক শ্রীযুক্ত গিরিশচন্দ্র বেদান্তদীর্ঘ	২৪১
শুভ-দৃষ্টি (সচিত্র উপস্থাপন)	৩৪, ৬৯, ১০৭, ১৩৬, ১৫৭, ২০১, ২২৭, ২৫০, ২৯৯, ৩৩০, ৩৮৬	
সইদ খাঁ পন্নি (সচিত্র)	শ্রীযুক্ত রসিকচন্দ্র বসু	৩০৫
সইদ খাঁর বিচ্ কোঠা	শ্রীযুক্ত রসিকচন্দ্র বসু	২২৬
সখের যাত্রা (গল্প)	শ্রীযুক্ত প্রভাতচন্দ্র চক্রবর্তী বি, এ.	২৩৫
সৎসঙ্গ (কবিতা)	কুমার শ্রীযুক্ত সুরেশচন্দ্র সিংহ বি, এ,	১৭৪
সত্যতা সঙ্কে দুইটি উপপত্তি	শ্রীযুক্ত ষজেশ্বর বন্দোপাধ্যায়	৪১
সমতট	শ্রীযুক্ত আনন্দনাথ রায়	২৮৬
সমুদ্র গর্ভ	শ্রীযুক্ত মনোরঞ্জন রায় বি, এ,	১৫৩
সাময়িক প্রসঙ্গ (সচিত্র)	শ্রীযুক্ত যোগেশচন্দ্র চক্রবর্তী বি, এ,	১০৩
সাহিত্য সেবক (সচিত্র)	৩৮, ১০২, ১৭০, ২৩৯, ৩০৩, ৩৩৫, ৩৭১,	
সিদ্ধ গ্রন্থ (কবিতা)	শ্রীযুক্ত প্রমথনাথ রায় চৌধুরী	৩৪৭
সিদ্ধি মাওলা	মৌলবী শ্রীযুক্ত নুরুলহোসেন কাসিমপুরী	৩৫৫
সে কালের চিত্র	শ্রীযুক্ত কালীকৃষ্ণ ঘোষ	১৭২
সে বেনী সুন্দর (কবিতা)	মুনোমোহন সেন	৬৩
সেরিবগিজ জাতক	রায় সাহেব শ্রীযুক্ত ঈশানচন্দ্র ঘোষ এম, এ,	২৭৮
সৌরভের নব সাধনা	১
সংস্কৃত শিক্ষায় বিলাস	শ্রীযুক্ত মুরারিমোহন ব্যাকরণদীর্ঘ	৩৭০
স্বর্গীয় কেশবচন্দ্র আচার্য্য (সচিত্র)	শ্রীযুক্ত অমর চন্দ্র দত্ত	১২৬
স্বর্গীয় মহেশচন্দ্র সেন (সচিত্র)	শ্রীযুক্ত রাজেন্দ্রচন্দ্র সেন	১২৯
স্বর্গীয় রজনীকান্ত চৌধুরী (সচিত্র)	শ্রীযুক্ত অধিনাশচন্দ্র রায়	৩২৮
হরিশচন্দ্র (সচিত্র কবিতা)	শ্রীমতী হৈমবতী দেবী	১৭২
হাজং জাতির বিবরণ (সচিত্র)	রাজা শ্রীযুক্ত দ্বিজেন্দ্রচন্দ্র সিংহ বি, এ,	৯৩
হারাগো মাণিক (গল্প)	কুমার শ্রীযুক্ত সুরেশচন্দ্র সিংহ বি, এ,	৩১৫
স্কুদ্র ও বৃহৎ (কবিতা)	শ্রীযুক্ত গোবিন্দচন্দ্র দাস	৪৯
কেন্দ্র-কাহিনী (সচিত্র)	শ্রীযুক্ত পরমেশ প্রসন্ন রায় বি.এ	২৯৩

চিত্র-সূচী।

- ১। সঙ্গীত ও সৌরভ (ত্রিবর্ণ) মিঃ ললিতকুমার হেস অঙ্কিত
- ২। মহারাজ শ্রীযুক্ত কুমুদ চন্দ্র সিংহ বাহাদুর
- ৩। শ্রীযুক্ত প্রমথ নাথ রায় চৌধুরী
- ৪। যজ্ঞকুণ্ড
- ৫। অর্ঘ্যস্থাপন মণ্ডল
- ৬। হস্তী বক্ষে ধারণ করিয়া শায়িত রামমূর্তি
- ৭। তিব্বত অভিযানে শালবন
- ৮। তীস্তা তীরে
- ৯। তিব্বত পথে ইংরেজ শিবির
- ১০। শ্রীঅক্ষয়কুমার মজুমদার (মার্কিন সাধারণ তন্ত্রে প্রথম বাঙ্গালী উপনিবেশীক)
- ১১। আপন মনে পথ চলিতেছিলাম
- ১২। শ্রীযুক্ত ললিতকুমার হেস
- ১৩। ব্রহ্মপুত্র তীরে শ্রীগোরাঙ্গ শ্রীযুক্তবৈকুণ্ঠনাথ দাস অঙ্কিত
- ১৪। তিব্বত পথে ফলবিক্রেতাগণ
- ১৫। সিকিমের অধিবাসীগণ
- ১৬। লক্ষ্মীনারায়ণের প্রাচীন মন্দির
- ১৭। কৃষ্ণদাসের জীর্ণ অট্টালিকা
- ১৮। একুশ রত্নের দলিল
- ১৯। পরামণিকের অভিধালা ও শিব বাড়ী
- ২০। একুশ রত্ন
- ২১। একুশ রত্নের বর্তমান স্থান
- ২২। জলটঙ্গী বা গ্রীষ্মকাল
- ২৩। কৃষ্ণ শস্যের পার্শ্বে
- ২৪। বিভিন্ন বয়সে কবিবর রবীন্দ্র নাথ
- ২৫। জন্মাপ পণ্ডিত ডাঃ উইট
- ২৬। ডাঃ উইটের ফটোগ্রাফিক টেলিস্কোপ
- ২৭। আকাশের আলোক চিত্র
- ২৮। হাজং স্ত্রী পুরুষ
- ২৯। হাজং তাঁত
- ৩০। নিজামুদ্দীন আউলীয়ার দরগা
- ৩১। যতীন্দ্র চরণ গুহ ওরফে গোবর
- ৩২। মুদগর হস্তে পলোয়ান গোবর
- ৩৩। প্রস্তর বলয় স্বন্ধে গোবর
- ৩৪। কবিবর দীনেশ চরণ বসু
- ৩৫। তদীয় দস্তখত
- ৩৬। শৈবালের সঙ্গীত
- ৩৭। স্বর্গীয় কেশবচন্দ্র আচার্য্য চৌধুরী (ত্রিবর্ণ)
- ৩৮। চুষ্টি উপত্যকা
- ৩৯। তিব্বতের পার্কৃত্যপথে
- ৪০। দলবল সহ তিব্বতীয় কর্মচারী
- ৪১। ফারী দুর্গ
- ৪২। টেলিস্কোপে গৃহীত মঙ্গল গ্রহের ফটো
- ৪৩। পুকুর ঘাটে ভেকুয়া ভাণ্ডান
- ৪৪। প্রাঙ্গনে মণ্ডল
- ৪৫। শ্মশানে হরিশ্চন্দ্র ও শৈব্য
- ৪৬। চুমলহরি শৃঙ্গ
- ৪৭। কারীদুর্গের বহির্ভাগ
- ৪৮। অধিবাসীগণ কারীদুর্গ ছাড়িয়াদিতেছে
- ৪৯। চন্দ্রাবতীর মঠ
- ৫০। শৈবাল বাইতে বাইতে ফিরিল
- ৫১। গণিত শিক্ষার্থী অধ্যয়ন
- ৫২। ক্রম সাহেব অথকে অঙ্ক শিখাইতেছেন
- ৫৩। স্বর্গীয় মহেশ চন্দ্র সেন
- ৫৪। ব্যায়ামাগারে অঙ্কগণ ব্যায়াম ও ক্রীড়া করিতেছে
- ৫৫। অঙ্ক বালকগণ দৌড়িয়া নামিতেছে
- ৫৬। পদ ধারণ
- ৫৭। গারো স্ত্রী পুরুষ
- ৫৮। গারো জাতির বাস গৃহ
- ৫৯। কুমারী স্নেহলতা
- ৬০। সাহিত্য সম্মিলনের সভাপতিগণ
- ৬১। সিকিমি কুলিগণ বুড়ী নির্মাণ করিতেছে
- ৬২। টুনা উপত্যকায় ইংরেজ শিবির
- ৬৩। টুনা উপত্যকা অধিক্রম
- ৬৪। মহীশূর রাজ প্রাসাদ
- ৬৫। সপারিষদ মহীশূর রাজ
- ৬৬। প্রৌঢ়াবস্থায় আচার্য্য বিজ্ঞেন্দ্রনাথ
- ৬৭। শিলংএর পার্কৃত্য পল্লি
- ৬৮। ডাঃ প্রসন্নকুমার রায়
- ৬৯। মহামহোপাধ্যায় শ্রীযুক্ত হরপ্রসাদ শাস্ত্রী
- ৭০। মাননীয় ডাঃ দেন প্রসাদ সর্কাধিকারী
- ৭১। রায় রাজেন্দ্রচন্দ্র শাস্ত্রী বাহাদুর
- ৭২। শ্রীযুক্ত রায় যতীন্দ্রনাথ চৌধুরী
- ৭৩। পুরীর নক্সা
- ৭৪। পুরীর সমুদ্র স্নান
- ৭৫। চন্দন সরোবর
- ৭৬। শ্রীকেশবের শ্রীমন্দির
- ৭৭। শৈবাল শিশুকে কোলে নিয়া নামিয়া গেল
- ৭৮। শ্রীযুক্ত উপেন্দ্রকিশোর রায় চৌধুরী
- ৭৯। এগারসিন্দুর মসজিদ
- ৮০। সাহেবসার দরগা
- ৮১। স্বর্গীয় রজনীকান্ত চৌধুরী
- ৮২। চিন্তামণ
- ৮৩। মাননীয় লর্ডকারমাইকেল
- ৮৪। মাননীয় লেডি কারমাইকেল
- ৮৫। তিব্বতীয় দিগের সহিত সন্ধির আলাপ
- ৮৬। যুদ্ধের এক মিনিট পূর্বে তিব্বতীয় সৈন্তের অবস্থান
- ৮৭। আটীয়া মসজিদ
- ৮৮। রামহৃদ - অদূরে চুমলহরি শৃঙ্গ
- ৮৯। চুমলহরি শৃঙ্গের পাদদেশে চমর সমূহ।


সৌরভ



সঙ্গীত ও সৌরভ ।



টটাল প্রত্যাগত শ্রীযুক্ত বলিত কুমার হেন কতক অঙ্কিত ।

Asutosh Press, Da



মহাশয়: জ. শ্রীযুক্ত কুমুদচন্দ্র সিংহ বাহাদুর।

Asahi Press, Dacca.



শ্রীযুক্ত প্রমথনাথ রায় চৌধুরী।

সৌরভ

দ্বিতীয় বর্ষ ।

{ ময়মনসিংহ, ১৩২০ । }

প্রথম সংখ্যা ।

সৌরভের নব সাধনা ।

কোন কোন পুষ্টিকর খাণ্ডে সাময়িক সাহিত্য সবল হয় এবং সুস্থ থাকে, তাহা নির্দেশ করা সহজ নহে । রাজা রামমোহন রায়ের সময়ে বাঙ্গালা সাহিত্যের প্রসার অতি সক্ষীর্ণ ছিল । শিক্ষার প্রচার, ধর্মের প্রতিষ্ঠা, সমাজের সংস্কার লইয়া তিনি ব্যস্ত ছিলেন । তৎকালে সাময়িক সাহিত্য উক্ত তিন বিষয়ের বাগ্‌বিতণ্ডায় বল সঞ্চয় করিয়াছিল । এক সময়ে ঈশ্বর গুপ্ত কবিতায় কুরুক্ষেত্রের সৃষ্টি করিতেন । অল্প সময়ে রাজেন্দ্রলাল মিত্রের “রহস্য সন্দর্ভ”, এবং “বিবিধার্থ সংগ্রহ” জ্ঞান বিজ্ঞানের উপাদেয় খাণ্ড যোগাইত । হুতুমী ভাষা এবং আলালী ভঙ্গী এক নূতন উপচার । ভাষার যদি হৃদয়, মন, শরীর ও আত্মা থাকে, তাহা হইলে বন্ধিমচন্দ্রই “বঙ্গদর্শনে” উহার শক্তি ও স্বাস্থ্যের নিদর্শন দেখাইয়া গিয়াছেন । তিনি যাহা বুঝিয়াছিলেন এক শ্রেণীর লেখক তাহা অল্পরূপে বুঝিলেন । তাঁহারা বুঝিলেন—টীকা টীপনিতে পাশ্চাত্য গ্রন্থের বহু উল্লেখই বাঙ্গালা সাহিত্য চর্চায় এক মাত্র বাহাদুরী । তখন সাময়িক সাহিত্যে “Vile Volume”এর অতিশয় আধিক্য । দেখিতে দেখিতে চীন পরিব্রাজক হিয়েনত্‌সং, ফাহিয়ান্ ইত্যাদি না হইলে আর সাময়িক পত্রের সম্ভব থাকিত না । শিলালিপি এবং তাম্রশাসন—অল্প এক যুগ । বৌদ্ধদেবের প্রভাবে সাময়িক পত্র এখন

আর এক নূতন মূর্তি ধারণ করিয়াছে । নিশিকান্ত এক সময় রুব-কাহিনী লিখিয়াছিলেন । তদবধি ভ্রমণ বৃত্তান্তের অন্ত নাই । বর্তমান সময়ে সাময়িক পত্রে গল্প না থাকিলে পাঠকের মন মাত্রই মজে না । গল্পের চাপে কবিতার কাকলী হারিয়া গিয়াছে ।

উপরে যে কয়েক প্রকারের খাণ্ডের উল্লেখ করা হইল, উহাদের সকল গুলিরই প্রয়োজন ছিল । দেহ এবং ধাতু বুঝিয়া উহার পরিমাণ লইতে হয় এবং সময় অনুসারে প্রয়োগ করিতে হয় । পঞ্জিকাকার প্রতি তিথিতে একই প্রকারের খাণ্ড নিষেধ করিয়া গিয়াছেন । সাহিত্যেও একই প্রকারের সুর সর্বদা ভাল শুনায় না । উহাতে শক্তি ও স্বাস্থ্য লাভ ত দূরের কথা, সাহিত্য চর্চায় অরুচি এবং অবসাদ আনয়ন করে ।

দেশ কাল পাত্র অনুসারে সাহিত্যে নূতন নূতন অঙ্গ-রাগ হইয়া থাকে । ইংরেজি সাহিত্যে তাহাই হইয়াছে । এডিসন এবং জনসনের লিপি ভঙ্গি এখন অচল । বিলাতী সাময়িক পত্রগুলির একটা বিশেষত্ব এই—প্রত্যেকেই নূতন নূতন বিষয় লইয়া আলোচনা করিয়া থাকেন । একের পত্রে প্রকাশিত চিত্র অল্প পত্রে প্রায় দেখিতে পাওয়া যায় না । বিলাতী সাময়িক পত্রের বৈচিত্র্য এবং বিপুলতার কারণ ইউরোপীয় জাতির নিত্য নূতন কল্প-ক্ষেত্র । সাগর ও পর্বত তাহাদের আয়ত্ব । সাময়িক অভিযানে তাহারা অগ্রদূত । বর্তমান সময়ে আকাশ

পথে পুষ্পক রথ উড়িয়া চলিয়াছে। তাহাদের স্বাধীন সমাজ এবং স্বাধীন সামাজিক রীতি নীতি সাহিত্যের প্রসার বাড়াইয়া দিয়াছে। এই সকল ব্যাপারের বর্ণনা সাময়িক পত্রগুলিকে সজীব করিয়া রাখে। উহাতে অর্থব্যয় আছে, অধ্যবসায় আছে। আমরা এতদুভয়েই দরিদ্র। নানা খাঞ্চে সাহিত্যের অঙ্গ পুষ্টি করিবার সামর্থ্য অর্জনের পথ হইতে আমরা এখনও বহুদূরে।

সৌরভ সাহিত্যের সাধনায় কোন্ কোন্ উপচার অতি মাত্রায় কিম্বা অল্প মাত্রায় বিতরণ করিতেছে, সে বিচার আমরা করিব না; সৌরভ, ময়মনসিংহের অনাধিকৃত তথ্য সংগ্রহে যত্ন করিয়াছে; ইতিহাস-ভূগোলে, লোক-চরিত্র এবং প্রত্নতত্ত্ব-যাহা জাতব্য যথাসাধ্য তাহার সন্ধান লইয়াছে। ময়মনসিংহের প্রবীণ লেখকগণের চিন্তা সংগ্রহ এবং নূতন লেখকের সৃষ্টি সৌরভের সাহিত্য সাধনার এক প্রধান অঙ্গ। আমরা গতবর্ষে বহু পুরাতন এবং নূতন লেখকের সহায়তা পাইয়াছি।

বর্তমান বর্ষে আমরা আর একটা কর্তব্য বৃদ্ধি করিয়া লইলাম। আমরা আমাদের জেলা—ময়মনসিংহের চিত্র-শিল্পীগণের অঙ্কিত চিত্র সমাদরে গ্রহণ করিয়া তাহাদের উৎসাহ বর্ধন করিব। উপস্থানের অপূর্ণ চিত্রগুলির ভাব বিকৃত করিয়া ফেলিবে ভয়ে বঙ্কিমচন্দ্র কখনও চিত্রকরের সহায়তা গ্রহণ করেন নাই। তাহার সে সময় এখন নাই। বটতলা, কালীঘাটের দিন গিয়াছে। চমৎকারিহের হাতে এখন আর শিশু-বোধকের “বৃষকেতু” বিকায় না। তবুও এদিকে বহু উন্নতি করিতে হইবে। চিত্রে ভারত ইউরোপের অনেক পশ্চাতে পড়িয়া রহিয়াছে। চিত্রে বর্ণের বিচার এবং ভাবের বিকাশ এক কথা নহে। ভাবব্যক্তি প্রতিভা সাপেক্ষ। ময়মনসিংহ দুই একটা চিত্রকর-প্রতিভার স্পর্শ করিতে পারে। আমরা এই স্পর্শের পরিধি বর্ধিত দেখিতে চাই। চিত্র সাহিত্যে প্রাগ মঞ্চের করে—বর্ণনা চিত্র আকৃষ্ট হয়। সৌরভের উৎসাহে আর দুই চার জন, যদি তুলিকার সন্মান রক্ষা করেন, তাহা হইলে আমরা আমাদের যত্ন সার্থক জ্ঞান করিব।

আমাদের কোন্ পন্থা অবলম্বনীয় ?

ব্যক্তি ভাবে প্রত্যেক মানুষের জীবনে এবং সমষ্টি ভাবে প্রত্যেক জাতির ইতিহাসে এমন একটা সময় আসিয়া উপস্থিত হয় যে তখন স্বতই জিজ্ঞাসা করিতে প্রবৃত্তি হয়—“ভোগেই সুখ, অথবা ত্যাগেই সুখ?” বর্তমান কালে আমাদের জাতীয় ইতিহাসে এই প্রকার জিজ্ঞাসার সময় উপস্থিত হইয়াছে বলিয়া মনে হয়। পাশ্চাত্য শিক্ষার মূল মন্ত্র—“জ্ঞানই শক্তি” (Knowledge is power) এবং ভারতবর্ষীয় (প্রাচ্য) শিক্ষার মূলমন্ত্র—“জ্ঞানই মুক্তি”। পাশ্চাত্য শিক্ষা বলিতেছেন—এই শক্তি লাভের উদ্দেশ্য—নিত্য নূতন অভাব কল্পনা করতঃ তাহা পূরণের চেষ্টা। এক কথায় বলিতে গেলে পাশ্চাত্য শিক্ষা পার্শ্বব ভোগ মূলক এবং ভারতীয় আর্য্য শিক্ষা ভোগবাসনা ত্যাগ মূলক। ত্যাগের দৃঢ়ভিত্তির উপরই প্রাচ্য শিক্ষা প্রতিষ্ঠিত। পাশ্চাত্য শিক্ষা বলিতেছেন—“ভোগেই সুখ” এবং প্রাচ্য শিক্ষা বলিতেছেন—“ত্যাগেই শান্তি এবং তাহাতেই সুখ।” “ত্যাগাচ্ছান্তিঃ”, এবং “অশান্তস্ত কুতঃ সুখম্!” মানবের সুখ ও শান্তি দুইটা বিভিন্ন অবস্থা। অনেকেই পার্শ্বব ভোগ বিলাসে সুখী হইতে পারেন, কিন্তু তাহার পক্ষে শান্তি লাভ নাও ঘটিতে পারে। বাস্তবিক সুখ অপেক্ষা শান্তি যে অধিকতর স্পৃহনীয়, তাহাতে কাহারও মতদ্বৈধ নাই। প্রচলিত কথায়ও বলা হয় যে, “সুখ অপেক্ষা শোয়াস্তি ভাল”। ভোগ দ্বারা ক্রমে ভোগবাসনা বৃদ্ধিই প্রাপ্ত হয়, তাহাতে শান্তি লাভের আশা সুদূর পরাহত।

“কামঃ কামোপভোগেন ন যাতি সাম্যতাং,
হবিষা কৃষ্ণবর্ষে ভূয়এবাভি বর্ধতে।”

বাসনা ক্ষয় করিতে না পারিলে শান্তি লাভের সম্ভাবনা নাই এবং বাসনা ক্ষয় দ্বারাই মুক্তি লাভের আশা করা যায়। ইহাই ভারতবর্ষীয় ঋষিগণের প্রায় সর্ববাদি সম্মত মত। এখন জিজ্ঞাস্য এই যে—আমরা বর্তমান সময়ে কোন্ পন্থা অনুসরণ করিব? ভোগের পথ, কি ত্যাগের পথ? জড় বিজ্ঞানের ক্রমোন্নতি সহকারী পাশ্চাত্য জাতিগণ জগতের

উপর প্রভূত ক্ষমতা বিস্তার করিতেছেন এবং পার্থিব ভোগলালসার চূড়ান্ত সীমায় উপনীত হইতেছেন। আমরা পাশ্চাত্য শিক্ষার অধীনে থাকিয়া ক্রমশঃই ভোগবিলাসী হইতেছি এবং ত্যাগের মহিমাও ধীরে ধীরে বিস্মৃত হইতেছি। পাশ্চাত্য জড় বিজ্ঞানের কতকগুলি উপপত্তি (Theory) কর্তৃক করিয়াছি বটে, কিন্তু কার্যক্ষেত্রে সেগুলির যথাযথ প্রয়োগ করিয়া বিদ্যার সাফল্য প্রতিপাদন করিতে পারিতেছি না। এই অবস্থা যে তাদৃশ বাঞ্ছনীয় ও প্রকৃত উন্নতির পরিচায়ক নহে, একথা বোধ হয় কোমণ্ড বিবেচক ব্যক্তিই অস্বীকার করিবেন না। সত্য বটে আমরা অধুনা শিল্প বিজ্ঞান সম্বন্ধে কিছু কিছু আলোচনা করিতেছি, তাহাতে কিছু সাফল্যও লাভ করিতেছি, কিন্তু তাহা প্রচুর নহে। আমার সন্দেহ হয়, আমরা ক্রমে—“শ্রেয়ঃ ও প্রেয়ঃ” এই দুই পথ হইতেই ভ্রষ্ট হইতেছি। সময়োচিত সতর্কতা অবলম্বন না করিতে পারিলে আমরা “ইতো ভ্রষ্ট স্ততো নষ্ট” হইবই। পাশ্চাত্য জড় বিজ্ঞান আমাদের অনেক শিক্ষা দিতে পারে, একথা সর্বথা স্বীকার্য, কিন্তু কল্যাণময়ী ক্রতি বলিতেছেন যে এমন পদার্থ অবগত হও যাহা জানিতে পারিলে জগতে আর কিছুই জানিবার অংশিষ্ট থাকিবে না। তাহা কি ? “আত্মা” বা “ব্রহ্ম”। ক্রতি বলিতেছেন “আত্মা বা অরে মস্তব্যঃ শ্রোতব্যো নিধন্যাসি চব্যশ্চ, তস্মিন্ জ্ঞানত সর্বমেব বিদিতং স্যাৎ এবং ব্রহ্মবিদ্ ব্রহ্মৈব ভবতি।” উপনিষৎ বজ্র গন্তীর স্বরে বলিতেছেন—“নায়ে সুধমস্তি ভূমত্বেব সুধম্” এবং ইহাও বলেছেন যে—বিদ্যা দুই প্রকার, অপরা ও পরা। ঋগ্বেদাদি (কর্মকাণ্ড) ও অগ্ন্যগ্নি শাস্ত্র (শিল্প প্রভৃতি) “অপরা” এবং জ্ঞানকাণ্ড (ব্রহ্মবিদ্যা) পরা। পরা তদক্ষর মধিগম্যতে, ‘যে বিদ্যা দ্বারা ব্রহ্মলাভ হয় তাহাই পরা’।

আমার মনে হয় পাশ্চাত্য জড় বিজ্ঞান যতই উন্নতির পথে অগ্রসর হইবে, ততই তাহা ভারতের ব্রহ্ম বিদ্যার সন্নিক্ত হইবে। আমরা দেখিতে পাাইতেছি—পাশ্চাত্য ব্যক্তিগণ এখন যেন কেবলমাত্র জড় বিজ্ঞানের আলোচনার ভেমন তৃপ্তিলাভ করিতে পারিতেছেন না! বোধ হয় তাঁহারা যেন কতকটা শান্তির অনুসন্ধান

অনুসন্ধান হইয়াছেন। চতুর্দিকের লক্ষণ দেখিয়া অনুমান করিতে ইচ্ছা হয় যে, আর কাল সমগ্র পাশ্চাত্য বৃহৎগুণী ভারতের অধ্যায় বিদ্যা লাভের জন্য লালায়িত হইতেছেন এবং অচিরে সমস্ত পাশ্চাত্য গগণ ভারতীয় ঋষিচরণে প্রণত হইবেন এবং সেই দিনই ভারতের প্রকৃত গৌরব রবি পাশ্চাত্য গগনে উদিত হইয়া ভাস্বর দীপ্তিতে শোভমান হইবেন।

মৌভাগ্য ক্রমে হিন্দুর নিকট এখন পাশ্চাত্য বিজ্ঞান এবং পাশ্চাত্য জ্ঞানের দ্বার সমভাবে উন্মুক্ত। ইচ্ছা করিলেই এখন হিন্দু উভয় রত্ন ভাণ্ডার হইতে প্রভূত রত্ন সম্ভার আহরণ করতঃ ভারত মাতার শিলাভ্রমণে স্তরে স্তরে সজ্জিত করতঃ তাঁহাকে জগৎ-র সমক্ষে মহিয়সী সমাজীকরণে প্রতিষ্ঠিত করিতে পারেন।

আমার নোদ হয়, হিন্দুই জগৎকে সভ্যতার পূর্ণ মূর্তি দেখাইতে পারিবেন। কারণ জ্ঞান বিজ্ঞানের সমন্বয় সাধন তাঁহা দ্বারাই সহজে সাধিত হইবার আশা আছে। বর্তমানে এই শুভ চেষ্টার যে সুযোগ উপস্থিত হইয়াছে, তাহা অবহেলায় হারাইলে আমাদের পক্ষে পরিণামে অল্পতপ্ত হইতে হইবে। আমাদের পিতৃ পুরুষের সময়ে রক্ষিত রত্ন ভাণ্ডারে যে সমস্ত রত্ন বিরাজিত আছে, তাহার প্রকৃত মর্যাদা আমরা যেন বুঝিতে পারিতেছি না এবং ঘরের লক্ষ্মীকে যেন আমরা পদাঘাতে বিদূরিত করিতেছি।

আমরা বর্তমান সময়ে কতকটা পরপ্রত্যয়নেয় বুদ্ধি হইয়াছি। ইহাতে বিস্মিত হইবার কোনও কারণ নাই। আমাদের ধীশক্তি কতকটা ক্ষীণ হইয়াছে সত্য কিন্তু ভাগ্য ক্রমে তাহা একবারে বিলুপ্ত হয় নাই, কারণ এখনও বিশ্ব-বিশ্রুত কীর্তি অধ্যাপক শ্রীযুক্ত জগদীশচন্দ্র বসু মহাশয়ের দ্বারা ধীশক্তি সম্পন্ন মহাত্মা আমাদের দেশে জন্ম গ্রহণ করিতেছেন। এই মহাত্মা নিজের উদ্ভাবিত অভিনব বৈজ্ঞানিক যন্ত্র দ্বারা ইহঁই প্রতিপন্ন করিয়াছেন যে, ভারতের সনাতন ক্রতি বাক্য “সর্বঃ ঋষিদং ব্রহ্ম” কেবলমাত্র দার্শনিক কল্পনা নহে; ইহা বিজ্ঞানের দৃঢ় ভিত্তির উপর প্রতিষ্ঠিত এবং অলঙ্ঘ্য সত্য। এই মহাত্মা অধুনা বহু গবেষণা দ্বারা অভিনব যন্ত্র সাহায্যে

ইহাও প্রত্যক্ষ ভাবে প্রতিপন্ন করিয়াছেন যে, জীবজগতের জায় উদ্ভিদ জগতও প্রাণ নিশিষ্ট এবং তাহাদেরও সুখ দুঃখানুভূতি আছে ; বলিতে আনন্দ বোধ হয় যে মহর্ষি মনু বহু সহস্র বৎসর পূর্বে ঘোষণা করিয়াছেন যে “অন্তঃসংজ্ঞা ভবন্ত্যেতে সুখ দুঃখ সময়িতা” । আমার পুনঃ পুনঃই বলিতে প্রবৃত্তি হয় যে, পাশ্চাত্য জড়-বিজ্ঞানের উন্নতি সহকারী ভারতীয় ঋষির বেদালঙ্কার সমস্তই সত্য বলিয়া প্রতিপন্ন হইবে এবং ঋষিগণ যে বাস্তবিকই ত্রিকাল-দর্শী ছিলেন, ইহাতে আর কাহারও সন্দেহ থাকিবেনা ! আমার সনির্বন্ধ অনুরোধ—হিন্দু সম্মান যেন মোহাক্ষ হইয়া একবারেই পাশ্চাত্য বিলাসের শ্রোতে ভাসিয়া না যান ।

সত্য বটে পাশ্চাত্য জড় বিজ্ঞান আমাদের অনেক অভিনব বিষয় শিক্ষা দিতে পারেন । কিন্তু আমাদের অধ্যাত্ম বিজ্ঞানের নিকট ও পাশ্চাত্য জাতির শিক্ষণীয় বিষয় আছে এবং এ বিষয় আমরা তাহাদের গুরু স্থানীয় হইবার স্পর্শা করিতে পারি—একথা বলিলে বোধ হয় অত্যাচার হইবে না । আমাদের সর্বদা এই কথা মনে রাখিতে হইবে যে, “ভারতঃ কৰ্মভূমিস্ত অশ্বেতুভেদ ভূময়” এবং আমরা ভারতীয় আৰ্য্যংশ সত্ত্বত । সংসারে বাস করিয়া নির্গিণ্ড ও নিষ্কাম ভাবে কৰ্ম সাধন করাই ত্রীভগবানের আদেশ । কৰ্মেই আমাদের অধিকার আছে মাত্র কিন্তু কৰ্ম-ফল দাতা ভগবান । “কৰ্মণ্যোবাধিকারস্তেমাফলেষু কদাচন ।” কৰ্ম ত্যাগ প্রকৃত ত্যাগ নহে ; কৰ্ম-ফলাকাঙ্ক্ষা ত্যাগই প্রকৃত ত্যাগ । বনে গেলেই সন্ন্যাসী হওয়া যায় না । সত্য বনে নহে কিন্তু মনে । একথা প্রকৃতই বলা হইয়াছে :—

“বনে হপি দোষাঃ প্রভবন্তি রাগিণাং
নিবৃত্তরাগস্ত গৃহস্তপোবনম্ ।
অকুৎসিতে কৰ্মণিয়ঃ প্রবর্ততে
গৃহেষু পক্ষেদ্রিগ্ন নিগ্রহস্তপঃ ।”

ত্যাগের ও সংযমের পবিত্র আবরণে ভোগকে আবৃত করতঃ সংসার যাত্রা নির্বাহ করাই প্রকৃত মনুষ্যোচিত । ইহা না করিতে পারিলেই ভোগ বাসনা আমাদের বিপথগামী করতঃ পশুদের দিকে অগ্রসর করিবেই । প্রেয় অপেক্ষা প্রেরঃ পথে চলিবার চেষ্টাই সর্বধা কর্তব্য ।

পক্ষান্তরে আমরা ভোগ বাসনার প্রবল শ্রোতের মুখে তৃণ ধণ্ডের জায় কোপায় ভাসিয়া যাইব তাহা কে বলিতে পারে ! অশেষে আমাদের অস্তিত্ব শেব চিত্ত টুকুও তু পৃষ্ঠে হিন্দু নামের পরিচয় দেওয়ার জন্য বিদ্যমান থাকিবেনা । প্রবন্ধের বিস্তৃতি আশঙ্কায় সকল কথা বিশদ-রূপে বলিবার সুবিধা হইলনা । সৌরভেও স্থানাভাব, অতএব সংক্ষেপে আমাদের বর্তমান সময়ে কোন্ পন্থা অবলম্বনীয় তাহাই ইঙ্গিতে মাত্র ব্যক্ত করতঃ পাঠক গণের নিকট বিদায় গ্রহণ করিলাম ।

(সুসঙ্গ)

শ্রীকুমুদচন্দ্র সিংহ শর্মা ।

নিয়তি

স্বপ্নের সাপীহেধা কত যে আসে,

ব্যথার ব্যথী হয় কখনা ?

ধরায় কেবা কার বলিতে আপনার,

কে আছে বহিষ্কার বেদনা ?

দুঃখের সাথে দুঃখ গুমরি যবে

হতাশ এনে দেহ জীবনে,

ব্যথিত আনমনে নীরব নিরঞ্নে

কে যায় কার সনে মরণে ?

তবুও চায় প্রাণ ব্যথার ব্যথী—

মনের কথা তার কহিত,

প্রেমের নিনিময়, হোক সে অভিনয়,

মাধুরী মনে হয় প্রীতিতে ।

যার যে দুঃখ সুধু সেইতা বুঝে

বুঝাতে চায় কেন কহিয়া ?

প্রাণের জ্বালা হায়, পর কি বুঝে তায়,

গোপনে হেসে যায় চলিয়া ।

এইত স্নেহ আর প্রণয় ভক্তি

প্রেম ও ভালবাসা জগতে !

ইহারি মাঝে সুখ বিরহ-শোক-দুঃখ

বিদারি যায় বুক—কহিতে !

শ্রীবিজয়াকান্ত লাহিড়ী চৌধুরী ।

প্রাচীন ভারতে চৌর্য্য-শিল্প।

(ঢাকা পূর্ববঙ্গ সাহিত্য সমাজের বিশেষ অধিবেশনে পঠিত।)

আমার পরম শ্রদ্ধের বন্ধু শ্রীযুক্ত সত্যেন্দ্রনাথ তদ্র মহাশয় পূর্ববঙ্গ সাহিত্য সমাজে পাঠের জন্য ২৪ ঘণ্টার মধ্যে একটি প্রবন্ধ রচনা করিয়া উপস্থিত করিতে আদেশ করিয়াছেন। তাঁহার আদেশ অবহেলা করিবার আমার উপায় নাই। সুতরাং তাহা শিরোধার্য্য করিয়া কি লিখিব নিবিষ্টচিত্তে তাহাই ভাবিতে ভাবিতে বাসায় ফিরিতেছিলাম। গৃহে ফিরিতে জনৈক বন্ধুর গৃহে একখানা সাহায্য পুস্তকের প্রত্যাশায় উঠিয়াছিলাম। বন্ধু সুদীর্ঘ ভূমিকা করিয়া আমাকে যাহা নিবেদন করিলেন, তাহাতে আমি তাঁহার বক্তৃতার সার মর্ম্ম এই গ্রহণ করিলাম যে—সম্প্রতি সভ্যতার সঙ্গে সঙ্গে এক প্রকার সভ্য চোরেরও প্রাদুর্ভাব হওয়ায় পুঁথি-পত্র রক্ষা করা দায় হইয়া উঠিয়াছে। এবং সেই একমাত্র কারণেই আমার প্রার্থিত গ্রন্থখানা তাঁহার সম্বন্ধ রক্ষিত পুস্তক পেটিকা হইতে অন্তর্হত হইয়াছে।

নিরাশ হইলাম বটে, কিন্তু বন্ধুর প্রতি অসন্তুষ্ট হইলাম না। কারণ তাঁহার মন্তব্যের সত্যতায় আমার গভীর আপত্তি থাকিলেও অভিযোগের সত্যতা সম্বন্ধে অণুমাত্রও সন্দেহ ছিল না।

এখানে আমরা উপস্থিত সকলেই সভ্য—সুতরাং সভ্যতার উপর কেহ ক্রকুটি করিলে কাহার না আপত্তি হইবে? তাই মনে মনে স্থির করিলাম—সভ্যদেশ হইতে সভ্যতার বিস্তারের সঙ্গে সঙ্গে এদেশে যে সভ্য চোরের সৃষ্টি হইয়াছে, সাধারণের এট বিখ্যাসের বিরুদ্ধেই আজ একটি প্রবন্ধ লিখিয়া উপস্থিত করিব।

আপাততঃ মুখবন্ধেই এক পৃষ্ঠা বায় করিলাম, এখন প্রকৃত বিষয়ের অবতারণা করা যাউক।

যাঁহারা ইংরেজী ভাষায় অভিধ, ফরাসী ও ইংরেজী ডিটেক্টিভ নাভল গুলির গুণাগুণ ও বণামীর কাহিনী পাঠ করিতে করিতে আহার নিদ্রা ভুলিয়া যান, তাঁহাদের মনে অবশ্যই এই ধারণা বদ্ধমূল যে চৌর্য্য বা তস্করবৃত্তির পরিচয় প্রদানে ইয়োরোপীয় সমাজ অন্যান্য দেশের

সমাজ অপেক্ষা শ্রেষ্ঠ। ঐ সমাজে চৌর্য্যবৃত্তির দস্তুর মত শিক্ষাদান চলিত, নতুনা তস্করগণ একেবারেই মাংগর্ভ হইতে সিঁধ কাঠি লইয়া বাহির হইয়া আসিতে পারে না।

আমার অগ্ৰকার আলোচনার বিষয়—ইয়োরোপীয় চোর, তস্কর লইয়া নহে; প্রাচীন ভারতের চৌর্য্য-শিল্প লইয়া। যাঁহারা মনে করেন, উপযুক্ত শিক্ষার গুণে চৌর্য্য বিদ্যা ইয়োরোপে উন্নতি লাভ করিয়াছে, তাঁহারা নিশ্চয়ই ভারতীয় চৌর্য্যশিল্পের আলোচনা করেন নাই। আলোচনা করিলে তাঁহারা দেখিবেন—ভারতেও এক সময় চৌর্য্য বিদ্যার বেশ আদর ছিল। চোর সম্প্রদায় প্রাচীন ভারতীয় শিক্ষাগারে যত্নের সহিত জ্যামিতি, ত্রিগুণমিতি, ইতিহাস, ভূগোলে জ্ঞান লাভ করিত। ভূতত্ত্ব বা আবহাওয়া তত্ত্ব তাহার অল্পজ্ঞান হইলে চলিত না, চিকিৎসা বিজ্ঞান ও রসায়নে তাহাকে বিশেষজ্ঞ হইতে হইত। মনোবিজ্ঞান ও আলোক বিজ্ঞানে তাহার জ্ঞান পরিস্ফুট হওয়া প্রয়োজন হইত; জীব বিজ্ঞান এবং সমাজ বিজ্ঞানে সম্যক পরিপক্বতা লাভ হইলে—তবে এক এক জন চৌর্য্য বিদ্যায় ব্যাপ্তি লাভ করিয়া ‘পঞ্চচোর’ উপাধি প্রাপ্ত হইত।

“বেদ, বেদাঙ্গ, স্মৃতি, পুরাণ, রামায়ণ, মহাভারত, তন্ত্র, উপনিষদ ইত্যাদি ইত্যাদি হইতে সংস্কৃত শ্লোক উদ্ধৃত না করিতে পারিলে প্রবন্ধের জমাট বাঁধে না।” ইতি—রাজেন্দ্রলাল মিত্র।

কিন্তু আমার যে এগুলির একটীতেও দখল নাই!

যাহা হউক অগ্ৰ আমি শ্রুত কথাই এবং একখানা পঠিত গ্রন্থের সহায়তায় আমার স্বন্ধে গৃহীত বোঝা নামাইতে আপাততঃ চেষ্টা করিব। চুরির উৎপত্তির ইতিহাস বেদে আছে। শ্লোক বলিতে পারিব না, কারণ—বেদ পাড়ি নাই, পড়িবার শক্তিও নাই। শুনিয়াছি—অসত্য অনার্য্যগণকেই সুসভ্য আর্য্যগণ দস্যু তস্কর ইত্যাদি বাচ্যে অভিহিত করিয়াছেন। সুতরাং প্রত্নতত্ত্ব বিষয়ক প্রমাণ আইনের প্রচলিত ধারা বা ব্যবস্থা অনুসারে প্রমাণ হইল যে, অতি প্রাচীনকালেই চুরি নামক বিদ্যাটি ভারতীয় আর্য্য সমাজে না হউক—অনার্য্য সমাজে প্রচলিত ছিল।

অতঃপর সমাজ গঠনের পূর্বে “লতা চুরি পাতা চুরি” প্রথা প্রবর্তিত হইয়াছিল। ইতি প্রসঙ্গঃ।

ইহার পর চুরি ক্রমে সভ্য সমাজে প্রবেশ করিতে থাকে। ১ম অনার্য্য সভ্য সমাজে—লক্ষায়; ২য় আর্য্য সমাজে—হস্তীনায়ে।

সভ্য সমাজে চুরির প্রচলনে স্ত্রী হরণই প্রথম বলিয়া মনে হয়। প্রমাণ—সীতা হরণ। ইতি রামায়ণঃ।

দ্বিতীয়—গরু চুরি—বিগাটের উত্তর গো গৃহে। ইতি মহাভারতঃ।

তৃতীয়—বস্ত্র হরণ। ইতি ভাগবতঃ।

চুরির ক্রম বিকাশ লক্ষ্য করিলেই বুঝা যায়, সমাজের প্রয়োজন অনুসারেই এই বিঘাতীর প্রসার বৃদ্ধি পাইয়াছিল। সমাজের অন্তর্ভুক্ত হইয়া থাকিতে হইলেই স্ত্রীর প্রয়োজন, তৎপর অর্ধের, তারপর অন্ন বস্ত্রের। ইহার পর যাহা প্রয়োজন, ক্রমে সমাজের গতি সেই দিকেই বিস্তৃত হইতেছিল, “লতা চুরি পাতা চুরি” দেখিতে দেখিতে সিঁধে চুরি প্রচলিত হইতে লাগিল। অবস্থা বুঝিয়া সমাজ-নেতাগণ আইন বা সংহিতা প্রণয়ন করিয়া সমাজ রক্ষার প্রয়াস পাইতে লাগিলেন।

চুরি তত্ত্বের ক্রম বিকাশ আলোচনা করিলে আপাততঃ ইহাই চুরির পুরাতন বলিয়া মনে হয়।

সমাজ-নেতা শাস্ত্রকারগণ আইন বা সংহিতা প্রণয়ন করিয়া চোরের দণ্ড বিধানের ব্যবস্থা করিলেন দেখিয়া কি চোর সম্প্রদায় “তল্লিতল্লা” বাধিয়া, সিঁধ কাঠি ফেলিয়া, মুনি ঋষির দল বৃদ্ধি করিলেন? তাহা অবশ্যই নহে। বরং তাহারা গভীর উৎসাহে চৌর-শাস্ত্র বিদ পণ্ডাগণকে লইয়া শত শত নৈমিষারণ্য আবিষ্কার করিয়া, তাহার নোবিড় ক্রোড়ে সহস্র সহস্র চৌর বিদ্যালয় স্থাপন করিয়া চুরি-শিল্প বিষয়ক শাস্ত্র গ্রন্থাদি আরও নিবিষ্ট চিত্তে শিক্ষা করিতে লাগিলেন। সিদ্ধান্তটী অবশ্যই প্রমাণ সাপেক্ষ্য

পূর্বেই বলিয়াছি—আমি কোন শাস্ত্র গ্রন্থ পাঠ করি নাই। সুতরাং প্রাচীন ভারতীয় চুরি পদ্ধতি শিক্ষা সম্বন্ধে কোন ঋষির কি গ্রন্থ ছিল? অথবা কোন ঋষির আদর্শে কোন গ্রন্থই ছিল কিনা, জানি না। তবে আমার

পঠিত একখানা প্রাচীন ভারতীয় নাটক গ্রন্থ হইতে প্রাচীন ভারতের চৌর্যা-শিল্প সম্বন্ধে আমি যতদূর আনুমানিক অভিজ্ঞতা লাভ করিতে সমর্থ হইয়াছি, তাহা এস্থলে বিবৃত করিতে প্রয়াস পাইলাম।

মুচ্ছকটিক বোধ হয় সংস্কৃত সর্কাপেক্ষ্য প্রাচীন নাটক। বয়ঃক্রম দুই সহস্র বৎসরের নূন নহে। এই মুচ্ছকটিকের বেষ্ঠাসক্ত ব্রাহ্মণ তনয় শর্কিলক একজন সিঁধ কাটা চোররূপে পরিচিত। মুচ্ছকটিকের তৃতীয় অঙ্কে শর্কিলকের চৌর্যা নৈপুণ্য বেরূপ ভাবে বর্ণিত হইয়াছে, তাহা পাঠ করিয়া এবং উপলক্ষি করিয়া আমার পট্টই মনে হইতেছে, একটা বিরাট বিশ্ববিদ্যালয় না হইলেও চুরি বিদ্যা শিক্ষার জন্য যে একটা বিরাট আয়োজন প্রাচীন ভারতে অনুষ্ঠিত ছিল তাহার আর বিন্দু মাত্রও সন্দেহ নাই।

মুচ্ছকটিকে উক্ত হইয়াছে—ভগবান শঙ্কর দেবের ‘মনঃগোরা’ রূপবান পুত্রটীই এই কলা বিদ্যার গুরু। ভারতীয় চোর সম্প্রদায় সেই শিখি-বাহন শ্রীমান কার্ত্তিকেয়ের শিষ্য। সুতরাং বোধ হয় বিদ্যাটা নিতান্ত নিন্দনীয় নাও হইতে পারে!

অতি প্রাচীন কালে বোধ হয় অন্ধকার রাত্রিতে চুরি হইত না। হইলে তাহা অতিশয় নিন্দনীয় ছিল। আচার্য্য তনয় অশ্বথমা কর্তৃক এই ব্যাপারটী সর্বপ্রথম অন্ধকার রাত্রিতে অনুষ্ঠিত হইয়াছিল। মুচ্ছকটিকে এই মূল্যবান তত্ত্বটী সম্বন্ধে গ্রন্থিত হইয়াছে। যথা—

অশ্বথমা এই পথ করে প্রদর্শন।

নরপতি সৌপ্তিকেরে করিয়া নিধন ॥

(অনুবাদ—শ্রী:জ্যোতিরিন্দ্রনাথ ঠাকুর)।

মহাভারত প্রত্নতত্ত্বের হিসাবে পাঠ করি নাই, সুতরাং অশ্বথমা সিঁধ কাটিয়া গৃহে প্রবেশ পূর্বক কার্য্যটী করিয়াছিলেন কি না—সঠিক বলিতে পারিলাম না।

মুচ্ছকটিকে শর্কিলকের মুখে তাহার নিজের শিক্ষাদাতা গুরু ও তন্তু গুরুগণের ধারা বাহিক নাম সম্মানে গৃহীত হইয়াছে। অপিচ তিনি নিজে যে তাহার গুরুর প্রথম শিষ্য তাহাও কথিত হইয়াছে। যথা—

“নমো বরদায় কুমার কার্ত্তিকেয়ায়, নমঃ কনকশঙ্করে ব্রহ্মণ্যায় দেবায় দেব ব্রতায়, নমো ভাস্কর নন্দিনে, নমো

যোগাচার্য্যায়, যস্যাহ প্রথমঃশিষ্য, তেনচ পরিতুষ্টেন যোগ
রচনা মে দত্তা” । সূতরাং প্রমাণ হইল যে—ইত্যাদি ।

এইবার চৌর্য্য-শিল্পের বাহাহুরী ও কৌশল গুলির
পরিচয় আপনাদিগের বিশ্বাস জ্ঞান : সমন্বিত চ্ছন্দে
নিবেদন করিতেছি ।

ব্রাহ্মণ তনয় চোর শর্কিলক মহাশয় ‘সিঁধ কাটি’ হস্তে
রঙ্গ মঃ প্রবেশ করিয়া বলিতেছেন (অবশ্যই স্বগতঃ)

রুহা শরীর পরির্গাহ সুখ প্রবেশং
শিক্ষা বলেনচ বলেনচ কস্ম্যমার্গং ।
গচ্ছামি ভূমি পরিসর্পণ ঘৃষ্ট পাশ্বৌ
নির্ম্মুচ্যমানইব জীর্ণ তনুর্ভুজঙ্গ ॥

অর্থাৎ আমি শিক্ষা বলে ও শারীরিক বলে আমার
এই বৃহৎ শরীরের অনায়াসে প্রবেশ যোগ্য সন্ধি (সিঁধ)
করিয়া খোলোস মুক্ত জীর্ণ তনু ভুজঙ্গের ণায় ভূ-বিবরে
পার্শ্ব ঘসিয়া গৃহাভ্যন্তরে প্রবেশ করিব ।”

‘শিক্ষা বলেন’ শব্দ দুটী—তৎকালে যে চুরি শিক্ষার
বিশেষ বন্দোবস্ত ছিল—তাহা প্রকাশ করে । অতএব
প্রমাণ হইল যে—ইত্যাদি ।

অতঃপর শর্কিলক বলিতেছে—

“আমি বৃক্ষবাটীকায় সন্ধি করিয়া মধ্যম কক্ষায় প্রবেশ
করিয়াছি । এক্ষণে চতুঃশালে সন্ধি করি ।”

সন্ধি গৃহের কিরূপ স্থানে করিতে হয়, তৎসম্বন্ধে
চোর শর্কিলক বলিতেছে—

“গৃহের কোন অংশ জলাবসিক্ত হইয়া শিথিল আছে,
যাহাতে সিঁধ কাটিলে শব্দ হইবে না, অথ ভিত্তি সম্মুখে
পতিত না হওয়াতে সন্ধির আয়তনও বৃহৎ হইবে, কোন
স্থানটা লোনা লাগিয়া জীর্ণ হওয়ার ভিত্তির আয়তন কম
হইয়াছে, কোন স্থানে সন্ধি করিলে স্ত্রীলোকের সহিত
সাক্ষাৎ না হয় ; অথচ কার্য্যসিদ্ধি হয় । সে রূপ স্থান
এখন নির্বাচন করা যাউক ।”

অতঃপর ঐরূপ উপযুক্ত স্থানের জ্ঞান গৃহের ভিত্তি
গাত্রে হস্ত বুলাইতে বুলাইতে বলিল—

এই যে, এই স্থানটার প্রতিদিন সূর্য্য কিরণ পড়িয়া ও
জলে ভিজিয়া লোনা হইয়া ক্ষয়প্রাপ্ত হইয়াছে, ইহুরেও
মাটি তুলিয়াছে । বেশ—নিশ্চয় কার্য্য সিদ্ধি । ইহাই

স্কন্দ পুত্রদিগের অর্থাৎ চোরদিগের প্রথম সিদ্ধির লক্ষণ ।
এইবার সিঁধ কাটা যাক । কিন্তু কি প্রকার সিঁধ কাটিব ?
গুরুদেব ভগবান কনকশক্তি চারি প্রকার সন্ধির উপায়
প্রদর্শন করিয়াছেন ।

(১) পাকা ইটের গৃহ হইলে ইট খুলিয়া লইতে
হইবে ।

(২) কাঁচা ইটের গাথুনী হইলে ছেদন করিয়া
লইতে হইবে ।

(৩) মৃত পিণ্ডের ঘর হইলে জল সিঁধনে দ্রব করিয়া ।

(৪) কাঠেরগৃহ হইলে কঠন করিয়া লইতে হইবে ।”

এখন আপনারা দেখুন—আলোক-তত্ত্ব, ভুলোক-তত্ত্ব,
মেটিরিয়লজি—চুরি বিদ্যায় প্রয়োজন কি না ?

অতঃপর সিঁধ কয় প্রকার হইতে পারে, তাহা শ্রবণ
করুন । চোর বলিতেছে—

“পদ্মাকার, ভাস্করাকার, অর্ধচন্দ্রাকার, দীর্ঘিকাকার,
স্বস্তিকাকার ও পূর্ণকুম্ভাকার—সিঁধ এই কয় প্রকার হয় ।
এখন আমি কোথায় এই শিল্প নৈপুণ্য প্রকাশ করিব,
যাহা দেখিয়া কল্যা প্রাতে পুরবাসিগণ বিশ্বয়ে অভিভূত
হইবে ।”

সভ্যগণ স্মরণ রাখিবেন, শুধু চুরি করিলেই হইবে
না, তাহা যাহাতে সবিশেষ শিল্প নৈপুণ্য সম্পন্ন হয়,
তদ্বিশয়েও সম্যক বিবেচনা করিয়া এবং তদনুরূপ বুদ্ধি
প্রয়োগ করিয়া চুরি করিতে হইবে—তবেই বাহাহুরী ।

এরপর চোর স্থির করিল—গৃহস্থানা যখন পক ইষ্টক
নির্ম্মিত তখন সিঁধটা কুম্ভাকার করিলেই শোভন হইবে ।
তাহাই করি ।

“তদত্র পকেষ্টকে পূর্ণকুম্ভএব শোভতে । তমুৎপাদয়ামি।”

শিল্পকারগণের কার্য্যারম্ভে যেমন নান্দী প্রথা প্রচলিত
আছে, চোর-শিল্পেও এটির ব্যত্যয় দৃষ্ট হয় না । চোর
কার্য্যারম্ভে তাহার ইষ্টদেবকে ও মহামহোপাধ্যায় চোর
পণ্ডাগণকে স্মরণ করিয়া রক্ষিগণের দৃষ্টি ও অন্ত্রাঘাত
হইতে যাহাতে শরীরকে রক্ষা করা যায় তজ্জ্ঞান সর্ব্বাঙ্গে
একটা রাসায়নিক পদার্থ লেপন করিল ।

এইবার চৌর্য্যশিল্পে জ্যামিতি ত্রুণমিতি প্রভৃতিও
শিক্ষণীয় বিষয় কিনা তাহা আপনারা উপলক্ষি করুন ।

শর্কিলক কার্যারম্ভ করিতে যাইয়া অকস্মাৎ বিষয় চিত্তে বলিল—“ও যাঃ । কি করিবারিছ, যে সূত্রদ্বারা সিঁধের স্থান পরিমাপ করিতে হইবে, তাহাও ভুলিয়া ফেলিয়া আসিয়াছি।” যাই হউক, সে নিরাশ হইল না। প্রত্যাশপূর্ণমতিত্বের বলে তাহার তৎক্ষণাৎ স্মরণ হইল— সে তো ব্রাহ্মণ—যজ্ঞসূত্র কিসের জ্ঞাত! এনামিধ সূক্ষ্ম শিল্পেই যদি তাহা ব্যক্ত না হইল, তবে তাহা বৃথা ধারণের প্রয়োজন?

এইস্থানে শূদ্রক কবি যজ্ঞোপবীতের বিভিন্ন কার্য-কারিতা ও প্রয়োজনীয়তা দেখাইতে ক্রটি করেন নাই। বর্তমানে যজ্ঞোপবীতের আদর যেমন তুচ্ছ করিয়া বৃদ্ধি হইতেছে—বক্ষ্যমান প্রবন্ধে তাহার সম্বন্ধে কিছু বলা বোধ হয় তখন “ধান ভানিতে শিবের গীত” হইবে না—ধরণ প্রয়োজনই আছে। কি প্রয়োজন—প্রবন্ধ লেখকের পক্ষে তাহা প্রকাশ করিয়া বলা সমীচীন নহে। যজ্ঞোপবীত ধারী চোর, উপবীত হস্তে লইয়াই তাহা ব্যক্ত করিতেছে—

“এই যজ্ঞ-সূত্র দিয়া সিঁধ পথ মুখ মাপা যায়,
পরিহিত অলঙ্কার টানি লই ইহারি রূপায়।
যজ্ঞ-বন্ধ কপাটেরে এরি যোগে করি উন্মোচন,
কাল সর্পে দংশে যদি অঙ্গ এতে করিগো বেষ্টন।

(জ্যোতির্বিজ্ঞানার্থে অনুবাদ ।)

অনন্তর শর্কিলক যজ্ঞসূত্র সাহায্যেই সন্ধিস্থান মাপিয়া কার্য আরম্ভ করিল। ইতিমধ্যে গ্রন্থকার চোরের পক্ষে চিকিৎসা শাস্ত্রে অধিকার থাকা প্রয়োজন কি না তাহাও দেখাইতে চেষ্টা করিয়াছেন। শর্কিলককে হঠাৎ সর্পে দংশন করিল, সে যজ্ঞসূত্র সাহায্যে অঙ্গ বাধিয়া আত্ম-চিকিৎসায় সুস্থ হইয়া কার্য আরম্ভ করিল।

সিঁধ কাটা শেষ হইয়া গেলে সে ঘরে প্রবেশ করিয়াই প্রথমে আত্মরক্ষার্থ গৃহের দ্বারটা উন্মোচন করিবার আয়োজন করিল। দ্বার খুলিতে শব্দ হইবে দেখিয়া জল অনুসন্ধান করিয়া লইল এবং অল্প অল্প জল দ্বারা কপাটটিকে নমনীত করিয়া—কেমন বৈজ্ঞানিক সে চোর—নিঃশব্দে কপাটটি উন্মোচন করিয়া রাখিল। অতঃপর বিবিধ পরীক্ষাধারা গৃহস্থিত সকলেই যথার্থ নির্দ্রুত জানিয়া

তাহার সঙ্গে রক্ষিৎ এক প্রকার আঘের পোকা উড়াইয়া দিয়া প্রজ্জ্বলিত নিরীহ প্রদীপটির ভবসীলা সম্বরণের উপায় করিয়া দিল।

গ্রন্থকার চোরের মুখে আরও এইরূপ অনেক “অন্ধি সন্ধির” কথা বলাইয়াছেন। চোরের পক্ষে তাহা শিক্ষণীয় বিষয় হইতে পারে কিন্তু কার্যকালে কার্যকরী কি না তাহা পরীক্ষা সাপেক্ষ। আমার কিন্তু দৃঢ় বিশ্বাস—গ্রন্থকার চোরকে যতই প্রকৃষ্ট চোর বলিয়া পাঠক সমাজে পরিচিত করিতে প্রয়াস পাউন না কেন, নির্ধন চারু-দন্তের মৃদঙ্গ-মন্দিরা দক্ষুর-ভেরী-বীণা-বাঁশী সমন্বিত গৃহে সিঁধ কাটাইয়া তাহাকে ধুব ওস্তাদ প্রতিপন্ন করিতে পারেন নাই। এবং সঙ্গে সঙ্গে গ্রন্থকার নিজেও যে উক্ত শিল্পে একজন সুনিপুণ ব্যক্তি ছিলেন, তাহার সম্বন্ধে আধুনিক সমাজে গভীর সন্দেহের কারণ রাখিয়া গিয়াছেন।

যাহাই হউক আমরা গ্রন্থের বা গ্রন্থকারের বিচার করিতে বসি নাই। আমরা কাল পাত্র ও অবস্থা বিচার করিয়া চুরির পুরাতত্ত্ব জিখিতে বসিয়াছি, তাহাই লিখিলাম।

প্রাচীন কালে সভ্য আর্য্য সমাজে চুরী প্রথা বিস্তারিত ছিল এবং মুছকটিকের সময় তাহা একটা শিল্প বলিয়া পরিগণিত হইয়াছিল—ইহাই আমার অঙ্গকার বক্তব্য বিষয়। *

* সাহিত্য সমাজের সভাপতি অনারেবল জীযুক্ত আনন্দচন্দ্র রায় মহাশয় প্রবন্ধে দস্যু বাণীকির উল্লেখ না দেখিয়া একটু মধুর মন্তব্য প্রকাশ করেন।


বাণীকির দস্যু অপবাদ কোন প্রাচীন সংস্কৃত গ্রন্থে দেখিবার সুবিধা পাই নাই। সেজন্য এই নিরপরাধ কবির ঘাড়ে এত বড় একটা বদনাম চাপাইবার ইচ্ছা করি নাই। তারপর বাণীকির প্রবাদ প্রচলিত প্রকাশ্য দস্যুতা আশাদের আলোচ্য শিল্পের অন্তর্ভুক্ত কিনা তাহাও বিচার্য্য বিষয় বলিয়া মনে করি। (লেখক)

তন্ত্র-সাহিত্যে জ্যামিতি-প্রভাব

জ্যামিতি শাস্ত্র পূর্বে রেখা গণিত নামে প্রসিদ্ধ ছিল, অধুনা জ্যামিতি [Geometry] নামে প্রসিদ্ধি লাভ করিয়াছে। জ্যামিতির উৎপত্তি বিষয়ে স্থান ও কাল নিয়া বিশেষ মতভেদ আছে। এক পক্ষ বলেন, প্রাচীন কালে মিশরদেশে নীল নদের তীরবর্তী উচ্চাভূমির পরিমাপের জন্ত এই শাস্ত্র উদ্ভাবিত হইয়াছিল; অপর পক্ষ বলেন, ইহাপেক্ষাও অতিপ্রাচীন কালে ভারতবর্ষে বৈদিক যজ্ঞকুণ্ড-স্থূণ্ডিলাদি নিৰ্মাণের জন্ত ঋষিগণ এই শাস্ত্রের উদ্ভাবনা করিয়াছিলেন। বর্তমান সময়ে দ্বিতীয় মতই বিশেষ প্রসিদ্ধি লাভ করিয়াছে। প্রাচীন কালে জ্যামিতি পৃথক শাস্ত্র বলিয়া আখ্যালাভ করে নাই, এবং সংস্কৃত সাহিত্যে তদ্বিষয়ে কোন গ্রন্থ ছিল বলিয়াও নিদর্শন পাওয়া যায় না; কেবল রাজা জয়সিংহের সভা পণ্ডিত জ্যোতির্কিং জগন্নাথ সম্রাট কৃত “রেখা গণিত”-নামক সপ্তদশাধ্যায়িক গ্রন্থ পাওয়া যায়, তাহাও আরবীয় রেখা গণিতের অনুবাদ মাত্র। বৈদিক “শুগ্নসূত্র”-নামক গ্রন্থে কুণ্ড স্থূণ্ডি প্রভৃতি নিৰ্মাণের প্রণালী উক্ত হইয়াছে, তাহাতেই রেখা গণিতের আবশ্যিক সূত্রগুলির অস্তিত্ব দেখা যায়। উত্তরকালে ইহা শিল্পকার্যের উপযোগিতা লাভ করিয়া শিল্পশাস্ত্রেরই অন্তর্ভুক্ত হইয়াছিল। পরিশেষে বহুবিদ্যায় ইহার উপকারিতা উপলব্ধি করিয়া পণ্ডিতগণ ইহাকে রেখা গণিত নামে পৃথক শাস্ত্র বলিয়া স্বীকার করেন। আমরা এই প্রণক্ষে জ্যামিতির ইতিহাসের পর্যালোচনা করিব না, তন্ত্র সাহিত্যে ও আমাদের নিত্য ব্যবহার্য ক্রিয়াকাণ্ডে জ্যামিতি শাস্ত্র কিরূপ আধিপত্য লাভ করিয়াছিল তাহাই দেখাইব।

সহস্র হোমে হস্ত প্রমাণ কুণ্ড, অযুত হোমে দ্বিহস্ত প্রমাণ এবং লক্ষহোমে চতুর্হস্ত প্রমাণ কুণ্ড করিতে হইবে। বিশিষ্টপঞ্চরাত্রে উক্ত হইয়াছে—কুণ্ড চতুরস্র [Square] করিতে হইবে [সর্বাধিকারিকং কুণ্ডং চতুরস্রস্ত সর্কদম্] অতএব যে চতুরস্র কুণ্ডের ক্ষেত্রফল এক হাত তাহার নাম হস্তপ্রমাণ কুণ্ড, ষাটার ক্ষেত্রফল দুইহাত তাহার

নাম দ্বিহস্ত এবং ষাটার ক্ষেত্রফল চারি হাত তাহার নাম চতুর্হস্ত কুণ্ড। হস্ত প্রমাণ কুণ্ডের ভূজ এক হাত এবং চতুর্হস্ত কুণ্ডের ভূজ দুই হাত হইবে। কিন্তু জ্যামিতি শাস্ত্রের সাহায্য ব্যতিরেকে দ্বিহস্ত কুণ্ডের ভূজপরিমাণ নির্ণয় করা হঃসাধা। জামনে উক্ত হইয়াছে—হস্ত প্রমাণ কুণ্ডের কর্ণরেখা পরিমিত ভূজ দ্বারা কুণ্ড প্রস্তুত করিলে দ্বিহস্ত কুণ্ড এবং দ্বিহস্ত কুণ্ডের কর্ণরেখা পরিমিত ভূজ দ্বারা কুণ্ড প্রস্তুত করিলে চতুর্হস্ত কুণ্ড হইবে। [পূর্বপূর্বস্র কুণ্ডস্র কোণ সূত্রেণ নিৰ্মিতম্। উত্তরোত্তর কুণ্ডানাং মানস্তং পরিকা- র্তিতম্।] জ্যামিতির নিয়ম অনুসারে বলিতে হইলে এইরূপ বলিতে হইবে—কোন এক বর্গ ক্ষেত্রের কর্ণরেখার উপরি আর একটা বর্গক্ষেত্র অঙ্কিত করিলে দ্বিতীয় বর্গক্ষেত্র প্রথম বর্গ ক্ষেত্রের দ্বিগুণ হইবে। যথা—




ক খ গ ঘ বর্গ ক্ষেত্রের কগ কর্ণরেখার উপরে কগ চ ঘ বর্গক্ষেত্র অঙ্কিত হইয়াছে। ক গ ঘ ত্রভূজ কখ গ ঘ বর্গক্ষেত্রের অর্ধ এবং ক গ চ ঘ বর্গক্ষেত্রের এক চতুর্হস্ত, ইহা জ্যামিতি শাস্ত্র দ্বারা সহজেই উপপন্ন হয়। অর্থাৎ ক গ চ ঘ বর্গক্ষেত্র কখ গ ঘ বর্গক্ষেত্রের দ্বিগুণ হইবে। প্রথম বর্গক্ষেত্রটি হস্তপ্রমাণ কুণ্ড হইলে দ্বিতীয় বর্গক্ষেত্র দ্বিহস্ত কুণ্ড হইবে। জ্যামিতির সাহায্য ভিন্ন এই বিষয় উপপন্ন করিবার উপায়ান্তর নাই।

শ্রীতত্ত্বচিন্তামণি গ্রন্থে দ্বিহস্ত কুণ্ডের ভূজ পরিমাণ এক হাত আট অঙ্গুলি উক্ত হইয়াছে। [হস্তমাত্রমিতে কুণ্ডে সমস্তাচ্চতুরঙ্গুলম্। বর্কয়েত্তেন মানেন দ্বিহস্তঞ্চ প্রচক্ষতে।]

একহস্ত পরিমিত ভূজের দুই দিকে চারি অঙ্গুলি বাড়াইলে ভূজ পরিমাণ এক হাত আট অঙ্গুলি হইবে। ইহা আসন্ন পরিমাণ, প্রকৃত সূক্ষ্ম পরিমাণ নহে। যে হেতু ১ হাত ৮ অঙ্গুলি = $১\frac{১}{২}$ হাত, ইহা ভূজের পরিমাণ হইলে ক্ষেত্রফল $১\frac{১}{২} \times ১\frac{১}{২} = ১\frac{১}{৪}$ হাত হইবে।

জ্যামিতির অঙ্গুলীমানের অভাবে পরবর্তী সংগ্রহকার ও টীকাকারগণ উপপত্তি বুঝিতে না পারিয়া অন্তরালে ব্যাখ্যা করিয়াছেন। স্বর্গ রঘু নন্দন ভট্টাচার্য্য ত্রিভিত্তরে কুণ্ড প্রকরণে এইরূপ দ্বিহস্ত কুণ্ডকে পারিভাষিক বলিয়াছেন, বস্তুতঃ ইহা পারিভাষিক নহে, প্রকৃতই দ্বিহস্ত কুণ্ড। শ্রীচন্দ্র চিন্তামণির টিপনীতে উক্ত হইয়াছে “দ্বিহস্তকুণ্ড কোণ সূত্রমানেন চতুর্হস্ত কুণ্ডঃ চতুর্হস্তকুণ্ডঃ কোণ সূত্রমানেন ষড়্ হস্তঃ এবমণ্ডত্র”। এই উক্তি নিতান্তই ভ্রান্তিপূর্ণ, যে হেতু চতুর্হস্ত কুণ্ডের কর্ণ সূত্রদ্বারা অষ্টহস্ত কুণ্ড হইবে, ষড়্ হস্ত কুণ্ড হইতে পারে না।

কালী দুর্গা প্রভৃতি সকল দেবতার পূজাঘন ও ধারণ ঘন প্রভৃতি জ্যামিতির সাহায্যেই উদ্ভাবিত হইয়াছে, ইহা তত্ত্বদ্ যন্ত্রাদি অঙ্গুলীমান করিলে স্পষ্টতই সন্দেহ হয়। সামান্য স্থাপনের ত্রিকোণ বৃত্ত-চতুরস্র মণ্ডলটিও জ্যামিতি প্রভাবের সূচনা করিতেছে। তান্ত্রিক ক্রিয়াকলাপের যে দিকে দৃষ্টিপাত করা যায় সেই দিকেই জ্যামিতি প্রভাব পরিলক্ষিত হয়। কুণ্ড, কুণ্ডের মেখলা যোনি প্রভৃতি,



অর্ঘ্যস্থাপন মণ্ডল।

স্বণ্ডিল, পূজাঘন, ধারণঘন, অর্ঘ্যস্থাপন মণ্ডল, নৈবেদ্যমণ্ডল, ভোজনপাত্রমণ্ডল, স্রুৎ, স্রব, মেক্ষণ, জুহু প্রভৃতি প্রত্যেকেই জ্যামিতি প্রভাবের সূচনা করিতেছে। চতুরস্র কুণ্ড, ত্রিকোণ কুণ্ড, যোক্তাকার কুণ্ড, অর্ধচন্দ্রকুণ্ড, বৃত্তকুণ্ড, অর্ধবৃত্তকুণ্ড প্রভৃতিতে জ্যামিতির বিশেষ প্রভাব পরিলক্ষিত হয়।

শ্রীসতীশচন্দ্র সিদ্ধান্তভূষণ।

ইতর প্রাণীর বুদ্ধি।


হস্তী

ইতর প্রাণীর মধ্যে হস্তীর বুদ্ধি সম্বন্ধে অনেকেই অনেকরূপ গল্প শুনিয়া থাকিবেন। যখন শিশুশিক্ষা ৩য় ভাগ পড়িতাম, তখনই এই প্রাণীর বুদ্ধি কৌশলের বিষয় পাঠ করিয়াছিলাম। তার পর আরও অনেক পুস্তক পত্রিকাদিতে এবিষয়ের অনেক তথ্য অবগত হওয়া গিয়াছে। বাস্তবিক হস্তীর অনেক কার্য্যে এমন বুদ্ধি ও বিবেচনা শক্তির পরিচয় পাওয়া যায় যাহাতে বিশ্বিত না হইয়া পারা যায় না। আমি নিজে এই সম্বন্ধে যাহা প্রত্যক্ষ করিয়াছি তাহা নিয়ে সংক্ষেপে বিবৃত করিলাম।

যখন আমি ময়ুরভঞ্জ রাজ্যে কর্ম্মস্থানে অবস্থান করিতাম, সেই সময় তথায় হাতী ধরার অনুষ্ঠান হয়। আজ কাল সকলেই বোধ হয় জ্ঞাত আছেন যে ময়ুরভঞ্জ উড়িষ্যার একটি করদ রাজ্য। এই রাজ্যের পার্শ্বত্যা প্রদেশে অনেক হস্তী আছে। মহারাজের পক্ষ হইতে মধ্যে মধ্যে হাতী ধরা হয়। আমরা হাতী ধরা দেখিতে গিয়াছিলাম। তাহার বিস্তৃত বিবরণ সেই সময়কার প্রদীপ পত্রে (২য় ভাগ, চৈত্র ১৩০৫) প্রকাশিত হইয়াছিল। এস্থলে সে বিষয় আর বেশী কিছু বলিব না।

যে স্থানটাতে বন্য হাতী আবদ্ধ হইয়াছিল, তাহার চতুর্দিকে একটা পরিধা খনিত হইয়াছিল। সেই পরিধার বাহিরে মজবুত ভাবে বেড়া দেওয়া ছিল। যখন হাতীটাকে বাধিবার অনুষ্ঠান করা হইল। তখন ডাল পালার বড় বড় আঁটি দ্বারা পরিধার কতকটা স্থান পূর্ণ করা হইল। এবং লোক জন তাহার উপর খুব নাচিয়া কুঁদিয়া তাহাকে শক্ত করিয়া লইল। তারপর তাহার উপরে এমন মাটি ছড়াইয়া দেওয়া হইল যে দেখিতে পাথরের মত বোধ হয়। শেষে পালিত হস্তিনী গুলিকে ঐ আবদ্ধ বন্য গজের নিকট লইয়া যাইবার চেষ্টা হইতে লাগিল। হস্তিনী গুলি সেই পথের নিকটে আসিল, স্থিরভাবে পথটি পরীক্ষা করিল, শেষে অতি সন্তর্পণে একখানি পা আস্তে আস্তে ঐ পথের উপর

স্থাপন করিল। এইরূপে সে পরীক্ষা করিয়া লইল যে ঐ পথ তাহার ভার সহিতে পারিবে কিনা। তারপর সে পা সরাইয়া লইয়া একদিকে দাঁড়াইয়া রহিল। অক্ষুণ্ণের আঘাত, মাহুতের উদ্বেজনা কিছুতেই সে সে পথে পদার্পণ করিল না। তখন আরও কিছু ডালা পালা দিয়া পথ আরও শক্ত করিয়া দেওয়া হইল। আবার হাতী আসিল, পরীক্ষা করিল, কিন্তু তাহাদের সন্দেহ দূর হইল না। একের পর এক আসিল, প্রত্যেকেই ফিরিয়া গেল। এই পরীক্ষা কার্যে তাহারা তিন



পায়ের উপর সকল গায়ের ভার রাখিয়া অপর পা খানি যে ক্রম সাবধানতার সহিত পথের উপর ফেলিতেছিল তাহা লিখিয়া বুঝাইবার সাধ্য নাই। মাহুতেরও ঐরূপ সাবধান হইতে পারে কিনা সন্দেহ।

ঐ হাতীগুলির মধ্যে একটি ছোট হাতী ছিল। শেষে উহার নিজেদের মধ্যে যেন পরামর্শ করিয়া সর্ব কনিষ্ঠা হস্তিনীকে ঐ পথে প্রেরণ করিল। সেও অতি সতর্পণে প্রথমে এক পা, তারপর আর একখানি, এইরূপ ক্রমে ক্রমে চারি পায়ের ভার ঐ পথের উপর রাখিয়া যখন একটু স্থির হইয়া বুঝিল যে যাওয়া সম্ভব পর, তখন আস্তে আস্তে পা ফেলিয়া সে পরিধা পার হইয়া গেল। তাহাকে নিরাপদে অপর পারে উত্তীর্ণ দেখিয়া অল্প হস্তিনী গুলিও ধীরে ধীরে উদ্বাস্ত করিল। এই পার হওয়া ব্যাপারেও তাহাদের গতি-ভঙ্গী দেখিয়া বোধ হইল যে তাহারা “গায়ের ভার গায়ে রাখিয়া” পা ফেলিয়া যাইতেছে।

তারপর বন্য গজটির পারে দড়ি বাধার সময়েও হস্তিনী গুলি যেরূপ ক্রিপ্রতার সহিত মাহুতদিগকে সাহায্য করিয়াছিল, তাহাও ঐরূপে বিবরণ। শুঁড় দিয়া দড়ি দড়া, মাহুতের হাতে দেওয়া, সম্মুখ পদঘরের আড়ালে

মাহুতকে গুপ্ত রাখা, একটু বিপদাশঙ্কাতেই শুঁড়ের সাহায্যে মাহুতকে পৃষ্ঠে তুলিয়া লইয়া বন্য গজের নিকট হইতে সরিয়া যাওয়া ইত্যাদি কার্যে তাহারা বিশেষ বুদ্ধি কৌশলের পরিচয় দেয়।

পালিতা হস্তিনীগণের এইরূপ সাহায্য না পাইলে বন্য হস্তী ধৃত করা অসম্ভব হইত। Andrew Lang সাহেব তাহার Animal Story Book নামক পুস্তকে হস্তীর সম্বন্ধে যে সব গল্প লিখিয়াছেন, তাহাও হস্তীর বুদ্ধি বিবেচনার পরিচায়ক। একবার এক হস্তীযুগ ক্রমপে সরকারী চাউলের গোলা লুট করিয়া ছিল, সেই ববরণটি বড়ই কৌতুক পূর্ণ। সংক্ষেপে তাহা নিম্নে বিবৃত করিতেছি। লক্ষা ঘোঁপের একটি চাউলের গোলাতে যে সব সিপাহী পাহাড়ায় ছিল, নিকটবর্তী কোনও গ্রামের একটা দাঙ্গা নিবারণ করিবার জন্ত তাহারা হঠাৎ গোলা ছাড়িয়া গ্রামে যাইতে আদিষ্ট হয়। তাহারা চলিয়া যাইবার কিছুক্ষণ পরেই একটি বৃহৎকায় হস্তী সেই গোলার নিকট আসিয়া গোলাটির চারিদিক বিশেষরূপে পর্যবেক্ষণ পূর্বক পুনরায় জঙ্গলে চলিয়া গেল এবং অনতি বিলম্বেই আপনার দল সঙ্গে করিয়া তালে তালে শ্রেণীবদ্ধভাবে গোলার নিকট উপস্থিত হইল। গোলাটিকে

নিরাপন্ন করিবার জন্য ছাদের উপরে উহার দ্বার
সংক্রান্ত হইয়াছিল। হস্তীর দল সহজেই তাহা বুঝিতে
পারিল কিন্তু সিঁড়ি লাগাইয়া উপরে যাওয়া তাহাদের
পক্ষে সোমসম্ভব নহে সুতরাং কিরূপে তাহাদের অতীষ্ট
সিদ্ধ হয়? সকলে একত্র মিলিয়া এবিষয় যেন পরামর্শ
করিল। তারপর একটা বৃহৎকায় হস্তী আসিয়া গোলার
এক কোণে সজোরে দস্তাঘাত করিতে লাগিল। সে
ক্লাস্ত হইলে আর এক দস্তী তাহার স্থান অধিকার
করিয়া ঐ কার্য্যে প্রবৃত্ত হইল; কিন্তু গোলাটি সুদৃঢ়
থাকায় তাহাদের চেষ্টা ফলবতী হইল না। কিন্তু তাহারাও
হটিয়ার পাত্র নহে। আর এক বিপুলকায় হস্তী আসিয়া
পূর্ণ বনে সেই কোণে দস্তাঘাত করিতে লাগিল। অবি-
শ্রান্ত ঐকান্তিকী চেষ্টা সর্বত্রই ফলদায়িকা; এই হস্তীযুগে
চেষ্টাও সফল হইল। তাহাদের দস্তাঘাতে গোলার
কোণের একখানি ইট ধসিয়া গেল।

আর যার কোথা! তখন সহজেই এক খানার পর আর
এক খানা ইট তার পর আর একখানা আসিল এবং অল্প
কালেই সমস্ত যুগের গমনোপযোগী পথ খোলা হইয়া
গেল। তখন ৩৪টি হস্তী এক যোগে গোলার ভিতরে
গিয়া সেট ভরিয়া চাউল খাইয়া বাহিরে আসিতে লাগিল,
আবার আর এক দল ভিতরে প্রবেশ করিতে লাগিল।
এইরূপে যখন সর্বশেষ দল গোলার মধ্যে চাউল খাইতেছিল
তখন বাহির হইতে প্রহরী-হস্তীর ভীত বৃংহিত ধ্বনিত
হইল; আর অমনি গোলার মধ্যের দল বাহিরে
আসিল এবং সকলে একযোগে শুঁড় আকাশে তুলিয়া
জঙ্গলের মধ্যে পলায়ন করিল। প্রহরী-হস্তীটি দূর
হইতে সিপাহীগণের শ্বেত পরিচ্ছদ দেখিয়াই সঙ্কত
করিয়াছিল। প্রহরীরা গোলায় ফিরিয়া ব্যাপার
দেখিয়া স্তম্ভিত হইল এবং পলায়মান হস্তী যুগের প্রতি
বন্দুচ চালাইল, কিন্তু তাহাতে তাহাদের কোনই অনিষ্ট
হইল না। তাহারা লেজ নাড়িয়া যেন সিপাহীদিগকে
উপহাস করিতে করিতে জঙ্গলের মধ্যে অদৃশ্য হইয়া
গেল।

ইহাতেও হস্তীর বুদ্ধি, কৌশল, সাবধানতা, উদ্ভাবনী
শক্তি প্রভৃতির পরিচয় পাওয়া যায়।

এই প্রবন্ধের সঙ্গে যে চিত্রখানি দেওয়া গেল ইহাও
হস্তীর বুদ্ধি কৌশল ও সাবধানতার পরিচায়ক। প্রসিদ্ধ
বীর রামমূর্ত্তির নাম সকলের নিকটই পরিচিত। এই
চিত্রে তিনি হস্তী পদতলে পতিত আছেন। সকলে
চিত্রখানির প্রতি বিশেষ রূপে দৃষ্টিপাত করিলে দেখিতে
পাইবেন যে হস্তী কিরূপে রামমূর্ত্তির বুকের উপ-
রের তক্তাখানির উভয় প্রান্তে সম্মুখ ও পশ্চাতের পদদ্বয়
স্থাপিত করিয়া স্বীয় দেহের অধিকাংশ ভার ঐ দুই
প্রান্তেই রাখিয়াছে। যদি হস্তী এরূপ না করিয়া স্বীয়
বিশাল পদ ঠিক প্রফেসর বীরের বুকের উপরই রাখিত,
তাহা হইলে সে চাপ সহ্য করা তাহার পক্ষে বড়
সম্ভব হইত না! হস্তী স্বীয় বুদ্ধি কৌশলে ঐ বুকের
উপরের তক্তার উপর দিয়াই এমন ভাবে পা ফেলিয়া
চলিয়া যাইতে পারে যে তাহাতেও তক্তার নীচের বীর-
বরের তেমন কোন কষ্ট বোধ হয় না। অবশ্য আমাদের
মত ক্ষীণজীবী ব্যক্তির কথা আমি বলিতেছি না!

হস্তীর প্রভুত্ব, হস্তীর শিশুপ্রিয়তা, হঠাৎ কোন
অন্য কার্য্য করিয়া ফেলিয়া তৎপরে তাহার জ্ঞান
অনুভূতি, প্রতিহিংসা, কৃতজ্ঞতা, প্রভৃতির অনেক বিবরণ
পাওয়া যায়। হস্তী আমাদের দেশেরই জীব কিন্তু
হৃৎধের বিষয় আমরা ইহাদের বিষয়ে আলোচনা করিয়া
সময় নষ্ট (!) করার প্রয়োজনীয়তা দেখি না, অথচ
অনেক পাশ্চাত্য পণ্ডিত ইহাদের অনেক ব্যবহার পর্যা-
লোচনা করিয়া বহু নূতন তথ্য প্রচার করিয়াছেন।

শ্রীযত্ননাথ চক্রবর্তী।

ছোট ও বড়

অতি উর্দ্ধ উড়ে বটে অতি উর্দ্ধে বাস,
তথাপিও শকুনীর নীচ অভিলাষ!
নীচে থেকে চাতকের সদা উর্দ্ধ মুখ,
বোঝ দেখি, ছোট বড় কেবা কতটুক!

শ্রীগোবিন্দচন্দ্র দাস।

চন্দ্রকান্ত প্রসঙ্গ।

আমি তর্কালঙ্কার মহাশয়ের একজন অতি নগণ্য ছাত্র। তাঁহার স্মৃতি-সম্বন্ধে “সৌরভে” আলোচনা হইতেছে দেখিয়া বিশেষ সুখী হইলাম। এই প্রসঙ্গে তাঁহার সম্বন্ধে আমি যে কয়েকটি কথা জানি তাহা তাঁহার জীবন চরিত রচনায় কার্য্যকারী হইবে বলিয়া প্রকাশ করিতেছি।

যখন আমরা সংস্কৃত কলেজে এম. এ শ্রেণীতে পড়ি, তখন একদিন গায়রত্ন মহাশয়ের নিকট অধ্যয়নার্থ আমরা এম. এ শ্রেণীর ছাত্রগণ তাঁহারই খাস কামরায় বসিয়াছি, এমন সময় তর্কালঙ্কার মহাশয় তথায় উপস্থিত হইলেন। গায়রত্ন মহাশয় তাঁহাকে দেখিয়াই একটি শব্দের প্রয়োগ সম্বন্ধে নূতন আবিষ্কার করিয়াছেন এরূপ আশ্চর্য্যমাত্মক ভাবেই যেন আফ্লাদের সহিত বলিয়া উঠিলেন—‘তর্কালঙ্কার মহাশয়! এই দেখুন এই শব্দটির প্রয়োগ এই বিশেষ স্থলে পাওয়া গিয়াছে।’ ইহা শ্রবণ মাত্রই তর্কালঙ্কার মহাশয় বলিয়া উঠিলেন, “কেন মহাশয়, এরূপ প্রয়োগ ত আরও অনেক রহিয়াছে। দেখুন না এই এই স্থলে এইরূপ প্রয়োগ দেখিতে পাওয়া যায়।” শুনিয়া গায়রত্ন মহাশয় একেবারে নির্ঝাঁক অপ্রতিভ হইয়া রহিলেন।

আর একদিন তর্কালঙ্কার মহাশয় লাইব্রেরীতে বসিয়াছেন, লাইব্রেরীয়ানও বসিয়া আছেন, আমরা দাঁড়াইয়া আছি। লাইব্রেরীয়ানের নাম উমেশ চন্দ্র কবিরত্ন, তিনি নিজেও পণ্ডিত—ডাকের চিঠি দেখিতেছেন। তর্কালঙ্কার মহাশয়ের একখানি চিঠি তিনি হাতে লইয়া বলিলেন, “এই আপনার একখানা চিঠি। ‘কি চিঠি?’ তর্কালঙ্কার মহাশয় জিজ্ঞাসা করিলেন। কবিরত্ন বলিলেন, “চিঠিখানা কোনও পণ্ডিতের টোল হইতে আসিয়াছে, সাহিত্যের একটি কুট প্রশ্নের মীমাংসা জানিতে চাহিয়াছে?” তর্কালঙ্কার মহাশয় তাঁহাকেই চিঠিখানা পড়িতে বলিলেন। চিঠিখানার মর্ম শুনিয়া বিন্দুমাত্র না ভাবিয়া এবং চিঠিখানা একবার হাতেও না লইয়া তর্কালঙ্কার মহাশয় তৎক্ষণাৎ বলিলেন, “ইহার এই উত্তর আপনিই লিখিয়া দিন।” শুনিয়া কবিরত্ন মহাশয় ও আমরা একেবারে স্তম্ভিত হইয়া গেলাম।

লাইব্রেরীতে অত্র একদিনের ঘটনা এই—তর্কালঙ্কার মহাশয় তথায় বসিয়া আছেন, নবদ্বীপ অঞ্চলের কয়েকটি পণ্ডিত তাঁহার নিকট একটি ব্যবস্থার জ্ঞান আসিয়াছেন। তিনি ব্যবস্থাটি বলিয়া—দিয়া একটু হাসিয়া বলিলেন, আপনাদের অঞ্চলের বড় স্বার্থ মধুসূদন স্মৃতিরত্ন মহাশয় কলেজে থাকিতে আমার ব্যবস্থার কি প্রয়োজন? ইহাতে পণ্ডিতগণ মুক্ত চণ্ডে বলিয়া উঠিলেন, “এতদেশে আপনার অপেক্ষা আর কাহাকেও আমরা বড় পণ্ডিত বলিয়া মনে করি না—আপনার ব্যবস্থা হইলেই আমরা নিঃসংশয় হইতে পারি।” ইহার উত্তরে তর্কালঙ্কার মহাশয় বলিলেন, “আমাকে আপনারা যে বড় বলেন, তাহা আপনাদেরই সৃজনতা।” তর্কালঙ্কার মহাশয় যেরূপ বিনয়ের সহিত কথাটি বলিলেন, তাহাতে তাঁহার পাণ্ডিত্য যেন আরও উজ্জলরূপে প্রতিভাত হইল।

অত্র একদিন গায়রত্ন মহাশয়ের খাস কামরায় আমরা অধ্যয়নার্থ বসিয়া আছি, এমন সময়ে গায়রত্ন মহাশয়ের নিকট কয়েকটি ধনী ভদ্রলোক দত্তক গ্রহণ সম্বন্ধে ব্যবস্থার জ্ঞান আসিলেন। গায়রত্ন মহাশয়ের সহিত তাঁহারা যে আলাপ করিলেন তাহাতে বুঝা গেল যে ইহারা অত্রায় মত ব্যবস্থা লইতে আসিয়াছেন। গায়রত্ন নিজে ব্যবস্থা দিতে স্বীকৃত হইলেন, এবং মধুসূদন স্মৃতিরত্নের ব্যবস্থাও লওয়া যাইতে পারিবে বলিয়া মত প্রকাশ করিলেন। তখন তাঁহারা তর্কালঙ্কার মহাশয়ের মত পাওয়া যাইবে কিনা জানিতে চাহিলেন। গায়রত্ন মহাশয় প্রত্যুত্তরে বলিলেন যে তর্কালঙ্কার এরূপ প্রকৃতির লোক নহেন যে কোন প্রকার প্রলোভনে বাধ্য হইবেন। তখন তাঁহারা বলিলেন, তর্কালঙ্কার সংস্কৃত কলেজের একজন বড় পণ্ডিত; সংস্কৃত কলেজের দুই জন বড় পণ্ডিতের মত গ্রহণ করিয়া তর্কালঙ্কার মহাশয়কে বাদ দেওয়া বড়ই বিসদৃশ হইবে। অতএব যেরূপেই হউক তর্কালঙ্কার মহাশয়ের মত লইতে হইবে। তাহাতে গায়রত্ন মহাশয় উত্তর করিলেন, তাঁহারা স্বয়ং তর্কালঙ্কার মহাশয়ের সহিত আলাপ করিয়া দেখিতে পারেন, যদিও কোন ফল হইবে বলিয়া তিনি বিশ্বাস করেন না; কিন্তু তিনি নিজে আলাপ করিতে কখনই সাহস পান না। একজন অধীন অধ্যাপকের গায়নিষ্ঠ।

ও নিরোগপুতার প্রতি তদীয় উচ্চতন সংস্কৃত কলেজের অসৎ ঞায়রত্ন মহাশয়ের ঞায় অধ্যক্ষের ঙ্গদৃশ সম্মম ভাব পোষণ করা যে তাহার পক্ষে কিরূপ গৌরবের বিষয় তাহা সহজেই অনুমিত হইতে পারে।

তর্কালঙ্কার মহাশয়ের অশ্রু দিনের আশ্র মর্যাদার একটা ঘটনাও এই স্থানে উল্লেখযোগ্য। ঞায়রত্ন মহাশয়ের স্বীয় প্রকোষ্ঠে আমাদের সাক্ষাতে তর্কালঙ্কার মহাশয়ের সহিত আলাপ প্রসঙ্গে তিনি তর্কালঙ্কার মহাশয়কে কোন এক ভদ্রলোকের বাড়ীতে নিমন্ত্রণে যাওয়ার কথা বলিলে পর তর্কালঙ্কার মহাশয় তাঁহার মুখের উপরই বলিলেন, ‘মহাশয়, কলিকাতার নিমন্ত্রণে পাণ্ডিত বর্গের প্রতি যেরূপ সমাদর ও অভ্যর্থনার অভাব পরিলক্ষিত হয়, তাহাতে আমি এইরূপ নিমন্ত্রণে উপস্থিত হওয়া আমাদের পক্ষে সম্মান জনক বোধ করিনা।’ ঞায়রত্ন মহাশয় তাহার প্রত্যুত্তরে কহিলেন, “এরূপ রীতি যখন বরাবরই চলিয়া আসিয়াছে, তখন আর কি করা যায়?” তর্কালঙ্কার মহাশয় ইহাতেও নিরস্ত না হইয়া বরঞ্চ ঞায়রত্ন মহাশয়কে অনুযোগ দেওয়ার ভাবেই বলিলেন, “মহাশয় অধিকাংশ নিমন্ত্রণেই অধ্যক্ষতা করিয়া থাকেন, ইচ্ছা করিলেই সমুচিত ব্যবস্থা করিতে পারেন।” তর্কালঙ্কার মহাশয়ের এই স্পষ্ট উক্তিতে নির্ভীকতা ও আশ্র মর্যাদার ভাব স্পষ্ট রূপে ব্যক্ত হইলেও তাহাতে ভব্যতা ও শিষ্টতার কিছুমাত্র ব্যতিক্রম লক্ষিত হয় নাই, কারণ তাঁহার এরূপই মধুর প্রকৃতি ছিল যে তিনি কর্কশতা কাহাকে বলে তাহা জানিতেন না।

উপরি উক্ত ঘটনা গুলি সমস্তই আমার প্রত্যক্ষীকৃত। এখন একটা শ্রুত ঘটনার বিষয় লিখিতেছি। কোন সময়ে মহীশূরের মহারাজ বাহাদুর তদীয় দ্বারপণ্ডিত সহকারে সংস্কৃত কলেজ দেখিতে আসেন। ঐ দিবস কি কারণে (কেহ বলেন সংস্কৃত আলাপে তেমন অভ্যস্ত না থাকায় ইচ্ছা করিয়াই) তদানীন্তন অধ্যক্ষ ঞায়রত্ন মহাশয় কলেজে অনুপস্থিত ছিলেন। মহারাজ বাহাদুর অধ্যক্ষ মহাশয়কে না পাইয়া মনে মনে যেমন একদিকে ক্ষুব্ধ হন, তেমনই অপরদিকে সংস্কৃত কলেজের লোকবিশ্রুত প্রতিষ্ঠার প্রতি বীতশ্রদ্ধ হন। এদিকে দ্বার পণ্ডিত

মহাশয়ও ঞায়রত্ন মহাশয় তাহার সহিত বিচারের ভয়ে অনুপস্থিত রহিয়াছেন, তাবিয়া মনে মনে আশ্র পাণ্ডিত্য-ভিমানের ক্ষীণ হইতে থাকেন। এমন সময়ে তর্কালঙ্কার মহাশয় সংস্কৃত কলেজের গৌরব নষ্ট হইতেছে, দেখিয়া মহারাজ বাহাদুরকে অধ্যক্ষ মহাশয়ের সম্বন্ধে অনু-সন্ধানের কারণ জিজ্ঞাসা করেন, এবং তাঁহাচারিা তদীয় প্রয়োজন সিদ্ধ হইতে পারে কিনা জানিতে চাহেন। তখন মহারাজ বাহাদুর তর্কালঙ্কার মহাশয়কে তদীয় দ্বার পণ্ডিতের সহিত বিচারার্থ আহ্বান করেন। তর্কালঙ্কার মহাশয় অকুণ্ঠিত চিত্তে তখনই বিচারে প্রবৃত্ত হইলেন। তাঁহার অনর্গল সুমার্জিত সংস্কৃত কথন ও সর্বতোমুখী প্রতিভার গুণে তিনিই বিচারে জয়ী হইলেন। তখন দ্বার পণ্ডিত মহাশয়ের আশ্রাভিমান যেমন চূর্ণ হইয়া গেল, মহারাজ বাহাদুরেরও সংস্কৃত কলেজের একজন অধ্যাপকই যখন এত বড় পণ্ডিত তখন অধ্যক্ষ মহাশয় আরও যে কত বড় পণ্ডিত, এই ভাব হইতে কলেজের প্রতিষ্ঠা ও অধ্যক্ষের পাণ্ডিত্যের প্রতি পূর্বের ইতাদর ভাব বিদূরিত হইয়া গৌরব ভাব দ্বিগুণ বর্দ্ধিত হইল। এইরূপে তর্কালঙ্কার মহাশয় কেবল কর্তব্য বুদ্ধি প্রণোদিত হইয়া সংস্কৃত কলেজের সুখ্যাতি শুধু অক্ষুণ্ণ রাখিয়াছিলেন তাহা নহে, প্রত্যুত ইহাকে উচ্ছলতর করিয়াছিলেন।

তর্কালঙ্কার মহাশয় তদীয় ছাত্রদিগকে সাধারণতঃ ‘বাবা’ সম্বোধন করিতেন। তদীয় স্নেহময় ‘বাবা’ সম্বোধন ও বাৎসল্য পূর্ণ বাক্য শ্রবণ করিলে মনে হইত যেন আর কেহই তাঁহার অধিক আশ্রের পাত্র নহে। শিক্ষকদিগের মধ্যে এরূপ বাৎসল্যভাবের পরিচয় আর কাহারও মধ্যে পাইয়াছি বলিয়া মনে হয় না।

উপরে তর্কালঙ্কার মহাশয়ের পাণ্ডিত্য, চরিত্র ও ব্যবহারের যে সমস্ত কথা বিবৃত হইল, তাহা পাঠ করিয়া সকলেই বোধ হয় স্বীকার করিবেন যে তিনি আমাদের দেশের কেবল যে একজন আদর্শ অধ্যাপক ছিলেন তাহা নহে, তিনি একজন অসাধারণ প্রতিভাবান্ ও চিরস্মরণীয় ব্যক্তি ছিলেন।

শ্রীশীতলচন্দ্র চক্রবর্তী

জাপানে সাহিত্য চর্চা

আজ কাল বাঙ্গলা দেশে সাহিত্যের নবযুগ উপস্থিত হইয়াছে। ছোট বড় অনেকেই সাহিত্যের উন্নতিকল্পে মন প্রাণ ঢালিয়া দিতেছেন; জাতীয় জীবনে ইহা একটি শ্রেষ্ঠ লক্ষণ বলিতে হইবে। জাতীয় জীবন বিকাশের মূলে সাহিত্য। প্রত্যেক দেশের সাহিত্য সেই সেই দেশের সভ্যতার মাত্রা নিরূপক মাপকাটি। আমরা সময়ের সহিত দৌড়াইয়া উঠিতে না পারিয়া রসাতলে গেলেও আমাদের সেই আৰ্য্যভাষা, আমাদের প্রাচীন শাস্ত্র, আমাদের দর্শন—আজ পর্য্যন্ত আমাদের সভ্যতার কীর্ত্তিস্তম্ভ স্বরূপ দণ্ডায়মান। নব্য সভ্য জাতি ভারতবাসীকে অসভ্য বর্ষের বলিয়া চীৎকার করিয়া উঠিবার বেলায় যেন আমাদের প্রাচীন সাহিত্য ও দর্শন তাহাদের মুখ চাপিয়া ধরিতেছে।

পৃথিবীতে এমন কোন সভ্যজাতি নাই, তাহাদের উন্নতির মূলে সাহিত্য নহে, অথবা এমন কোন অসভ্য জাতিও নাই তাহাদের সাহিত্য বিলক্ষণ পুষ্টিলাভ করিয়া ধরণী তলে এক নূতন সমস্যা আনয়ন করিয়াছে। যেদিন হইতে এরূপ অসভ্য জাতির সাহিত্যের উন্নতি হইতে দেখা যাইবে, সে দিন হইতেই বুঝিতে হইবে সভ্যশ্রেণীভুক্ত হইতে তাহাদের আর বিশেষ বিলম্ব নাই। যখন ভারত, গ্রীস প্রভৃতি সভ্যজগতের মস্তকস্বরূপ ছিল, তখন সংস্কৃত, গ্রীক, লাতিন প্রভৃতি ভাষাই সর্বশ্রেষ্ঠ ভাষা বলিয়া বিবেচিত হইত। আজ ইংরাজ জগতের অধিতীয় জাতি; ইংরাজী ভাষাও জগতে অধিতীয়। কয়েক বৎসর পূর্বে হিজ হাইনেস্ আগা খাঁ যখন জাপানে গিয়াছিলেন, তখন তত্রস্থ ভারতীয় ছাত্রগণ তাঁহাকে অভিনন্দন প্রদান করেন। সেই সভায় আমাদের উপদেশ ও উৎসাহ দিবার বেলায় প্রসঙ্গ ক্রমে তিনি বলিয়াছিলেন, ইংরাজের সভ্যতা অসভ্য জাতির শিরোধার্য্য বলিতেই হইবে, যেহেতু ইংরাজের ভাষা মুখে লইয়া এবং ইংরাজের গিনি পকেট লইয়া পৃথিবীর যে কোন দেশে আমরা অবাধে এবং অক্লেশে বিচরণ করিতে পারি, আর সভ্য জগতের প্রত্যেক দেশেই অভ্যর্থিত এবং সমাদৃত হইবার আশা পোষণ করিতে পারি।

জাপান পঞ্চাশ বৎসরে পুরাতন খোলোস বদলাইয়া এক নূতনদেশে পরিণত হইয়াছে। কর্ম্মজগতে আজ তাহারা কত শীর্ষস্থানে! তাহাদের রণকৌশল দেখিয়া জগতের যাবতীয় প্রধান প্রধান শক্তি ভীত ও সম্বস্ত হইয়াছে। তাহাদের পণ্য ভারতের দরিদ্র পরিবারের ভিতর হইতেও অর্থ শোষণ করিতে আরম্ভ করিয়াছে। তাহাদের কর্ম্ম জগতের কৃতিত্ব আমরা ঘরে বসিয়াও উপলব্ধি করিতেছি। কিন্তু পাঠকগণ তাহাদের সাহিত্য সম্বন্ধে হয়তো অনেকেই অতি সামান্য বিদিত আছেন। সাহিত্য ক্ষেত্রেও আজ তাহারা নিয়ম স্তরে নহে; তাহারা এরূপ দ্রুত গতিতে দৌড়াইতে আরম্ভ করিয়াছে যে ভাবিলে অবাক হইতে হয়। তাহাদের প্রাচীন সাহিত্যের কথাই হাসি পায়। তাহাদের নিজেদের কোন অক্ষর ছিল না। কায়েই ধর্ম্মন্দিরে শ্লোক কিস্বা গানের ধরণে যাহা মুখে মুখে শিখান যাইত, তাহাই তাহাদের প্রাচীন সাহিত্য। পাঁচ শত বৎসর পূর্বে জাপানে একধালা সাহিত্যও ছিল না। ইহাদের প্রাচীন গ্রন্থে বর্ণিত আছে যে—“যে কোরিয়ার ভিতর দিয়া ভারতের বৌদ্ধধর্ম্ম এবং দর্শন জাপানে আসিয়াছে, সেই কোরিয়ার ভিতর দিয়াই চীনে সাহিত্য প্রথম জাপানে প্রবর্তিত হইয়াছে”। জায়গীর প্রথা প্রবর্তনের পূর্বে পর্য্যন্ত জাপানে কয়েক শতাব্দী কেবল চীনদেশীয় শাস্ত্র এবং আচার পদ্ধতির আলোচনা হইত, এবং চীনা পুস্তক জাপানী ভাষায় অনুবাদিত হইত। এই সময় অনুবাদ-কাল (Translation period) নামে জাপানের ইতিহাসে উল্লেখ দেখিতে পাওয়া যায়। জায়গীর প্রথার সঙ্গে সঙ্গে অনেকেই রাজ্যলিপ্সায় ব্যতিব্যস্ত থাকায় ১৫০০ খৃঃ পর্য্যন্ত সাহিত্যের কোনরূপ আলোচনাই হয় নাই। এই সময়কে তমোযুগ (Dark period) বলিয়া থাকে। আবার ষোড়শ শতাব্দীতে আমেরিকার সহিত কিঞ্চিৎ জানা শুনা হওয়ায় এবং ছাপিবার অক্ষর আবিষ্কৃত হওয়ায় পুনরায় জাপানে শিক্ষা বিস্তার আরম্ভ হইতে থাকে। ৩৫০ বৎসর পূর্বে স্পেন ও পর্তুগাল হইতে জেসুইট মিশন এদেশে আগমন করেন, এই সময় কেহ কেহ খ্রীষ্টধর্ম্ম অবলম্বন করিতে থাকে। এবং জাপানী শিক্ষা

অবজ্ঞা করতঃ বৈদেশিক গ্রন্থপাঠে মনোনিবেশ করে। গবর্ণমেন্ট বৈদেশিক জাতির সংস্পর্শে জাতীয় শক্তির শিথিলতা ঘটিবার আশঙ্কায় স্পেনিশ ও পর্তুগিজদিগকে তাড়াইয়া দেন। সে সময় কেবল ওলন্দাজগণ নাগাসাকি সহরে থাকিতে আদেশ পায়। বিদেশী গ্রন্থের আমদানী বন্ধ হয়। এই সময় হইতেই জাপানীরা আগ্রহ সহকারে সাহিত্য এবং দর্শন আলোচনায় প্রবৃত্ত হয়। যখন ইংলণ্ড, আমেরিকা এবং রুশবাসিগণ ক্রমেই এইদিকে অগ্রসর হইতে থাকে, তখন জাপানীরা ভূগোলশাস্ত্র এবং চিকিৎসা শাস্ত্র অধ্যয়নে মনোনিবেশ করে। আজ দেখিতে দেখিতে এই কয়েক বৎসরের মধ্যে উহাদের সাহিত্য ও বিজ্ঞানের কি অসাধারণ পরিবর্তন সংঘটিত হইয়াছে! সঙ্গ্রে সঙ্গ্রে দেশ এবং জাতির অভাবনীয় বিকাশের ছটা সমগ্র সভ্যজগৎকে স্তম্ভিত করিয়াছে। কয়েক বৎসর পূর্বে সংবাদ পত্র স্তম্ভে দেখিয়াছিলাম যে ১৯০৬ খ্রীঃ সমগ্র ইংলণ্ডে এবং আমেরিকার যুক্তরাজ্যে যত মুদ্রণ কার্য্য হইয়াছে, ঐ বৎসর এক জাপানেই তাহার চেয়ে অধিক মুদ্রণকার্য্য হইয়াছে। ইংরাজী, জার্মান এবং ফরাসী ভাষায় যত বড় বড় লেখকের গ্রন্থ আছে, সমস্তই জাপানী ভাষায় তর্জমা হইতেছে। উচ্চ প্রাইমারী স্কুলের ছেলেমেয়েদের সঙ্গ্রে গল্প করিতে তাহারা বলিয়া থাকে যে তাহারা মার্চ্যাণ্ট-অব-ভেনিস, কিং-লিয়ার প্রভৃতি পড়িয়াছে। উদ্ভিদ বিজ্ঞান, পদার্থ-বিজ্ঞান, রসায়ন বিজ্ঞান প্রভৃতি বৈজ্ঞানিক গ্রন্থ যাহা কিছু পৃথিবীর সভ্যদেশে নিত্য নূতন ভাবে প্রকাশিত হইয়া থাকে, কয়েক দিবসের মধ্যেই উহা জাপানী-ভাষায় মুদ্রিত হইয়া জাপানের হাতে, বাজারে এবং পল্লীগ্রামে দৃষ্ট হইতেছে। আজ রপটোরের সংবাদে দেখা গেল যে ইউরোপে একটা নূতন কিছু আবিষ্কৃত হইয়াছে, কালই উহা জাপানী সংবাদ পত্রে ও সভা সমিতিতে এক নূতন জাপানী নামে অভিহিত হইয়া সর্বসাধারণের ভিতর উহার ক্রিয়া কলাপ এবং বিশেষত্ব প্রচারিত হইতেছে। ছার্ক-লাইট, মটরকার, ইলেক্ট্রিক ট্রাম, স্টিম-ইঞ্জিন প্রভৃতি বলিলে অনেক শিক্ষিত ব্যক্তিও বুঝিয়া উঠিতে পারে না, যেহেতু উহাদের ভাষাতেই উহার প্রতিশব্দ রহিয়াছে এবং

ছোট বড় সকলেই নিজেদের প্রতিশব্দ ব্যবহারে অভ্যস্ত।

জাপানের উত্তর প্রদেশে সাগালিয়েন দ্বীপের কিঞ্চিৎ দক্ষিণে হোকাইদো দ্বীপ ভূগোলে উহা ইয়েছো নামে পরিচিত। প্রাচীনকালে যখন সভ্য জাপানিগণ অসভ্য পার্শ্বত্যা জাতি হইতে জাপান দখল করিয়া লয়, তখন পার্শ্বত্যা জাতি এই হোকাইদো দ্বীপে আশ্রয় লয়। আজ পর্য্যন্তও অসভ্য আইনু জাতি তথায় দেখা যায়; সভ্যতা এবং লোকসংখ্যা বৃদ্ধির সঙ্গ্রে সঙ্গ্রে ভদ্র এবং বিশিষ্ট জাপানীও এ দ্বীপেতে গিয়া বসতি বিস্তার করিতে আরম্ভ করিয়াছে। হাজার হইলেও জাপানের অন্যান্য প্রদেশ অপেক্ষা এ প্রদেশ আজ পর্য্যন্তও বিঘ্না ও সভ্যতায় হীন। সেই দ্বীপের দ্বিতীয় সহরে তথাকার গবর্ণর বাস করেন। গবর্ণমেন্ট ঐ প্রদেশ উন্নত করিবার উদ্দেশ্যে তথায় ইম্পিরিয়াল কৃষি কলেজ স্থাপন করিয়াছেন। আমি আমার জাপান জীবনের প্রথম বৎসর সেই কলেজে কাটাই। সহরটির নাম ছাপ্পোরো। সহরটি লোক সংখ্যায় অনেকটা ময়মনসিংহ জিলা-সহরের অনুরূপ। সেখানে যাওয়ার কয়েকদিন পর আমার এক সহাধ্যায়ীকে জিজ্ঞাসা করিয়াছিলাম যে সে সহরে কোন সংবাদ পত্র প্রকাশিত হয় কিনা। উত্তরে জানিতে পারিলাম— ঐ ক্ষুদ্র সহরে দৈনিক পাঁচখানা সংবাদ-পত্র বাহির হইয়া থাকে, এবং ২৩ মাইল দূরবর্তী অপর একটি সমুদ্র তীরবর্তী সহরে দৈনিক চারিখানা সংবাদ পত্র প্রকাশিত হইয়া থাকে। জাপানী বন্ধু আরো জানাইলেন যে তাহাদের সেই অর্ধ সভ্য দ্বীপের একেই একটি উল্লেখ যোগ্য গ্রামের একখানা উৎকৃষ্ট দৈনিক, সমগ্র জাপানের শিক্ষিত সমাজের মনোযোগ আকর্ষণ করিয়া থাকে।

অনুন্নত প্রদেশেই সাহিত্যের সেবায় জাপানীরা যে ভাবে নিয়োজিত রহিয়াছে, তাহাতেই স্পষ্ট উপলক্ষি হইয়া থাকে যে সে জাতির উত্থান অবশ্যম্ভাবী। মধ্য এবং দক্ষিণ প্রদেশে দেখিয়াছি যে সামান্য সামান্য নাপিত, দরজি, দুধওয়াল, তরকারীওয়াল প্রভৃতির ক্ষুদ্র ক্ষুদ্র সভা, সমিতি বা ক্লাব হইতেই পান্থিক কিম্বা মাসিক পত্র প্রকাশিত হইত, উহাতে উহাদের নিজ নিজ সম্প্রদায়ের উন্নতির জন্য যাহা কিছু সম্ভব তাহাই আলোচিত হইত।

যে দেশের শতকরা ৯৮৯৯ জন শিক্ষিত, সেখানে সাহিত্যের চর্চা না হইলে কেন! প্রাতঃকালে হাত মুখ ধোয়ার পরই প্রত্যেকের প্রধান কর্তব্য— ৩ দিনের সংবাদ পত্র পাঠ। প্রাতে সাতটার সময় অফিসার এবং কর্মচারী অফিসের দিকে ছুটিয়াছে; অধ্যাপক এবং ছাত্র বিদ্যালয়ের দিকে দৌড়াইতেছে, কুলি কারিগর মজুরিতে যাইতেছে, তবু তাহাদের বিরাম নাই; অবসর না থাকিলেও অন্ততঃপক্ষে মোটামুটি প্রধান প্রধান সংবাদ কয়েকটি দেখিতে দেখিতে চলিয়াছে। সত্তর বৎসর বয়সের বন্ধ চশমা চক্ষে দিয়া দোকানে বসিয়া সংবাদ পত্র পড়িতেছে, ট্রামে কিম্বা রিকশায় বসিয়া আরোহিণী কাগজ দেখিতে ব্যস্ত। আরোহীর প্রত্যাশায় কোন কোন রিকশাওয়াল। চৌমাথায় রিকশার উপর বসিয়া কাগজ পড়িতেছে। চাকর চাকরানী তাড়াতাড়ি প্রাতঃকালীন কাজ সমাধা করিয়াই খবরের কাগজ লইয়া বসিয়াছে, আমাদের চাকর চাকরানীদিগকেও দৈনিক কাগজ লইতে দেখিতাম।

নাপিতের দোকানে চুল কাটাইতে গেলেন, নাপিত হয়তো অল্পের কৌরকার্য্যে ব্যস্ত; আপনাকে বাধ্য হইয়া ১০ ১৫ মিনিট অপেক্ষা করিতে হইল; ঐ সময়টা ঘাহাতে আপনার অপব্যয় না হয়, সে জন্য নাপিত তাহার আগন্তুকদের তত্ত্ব টেবিলের উপর দৈনিক, সাপ্তাহিক, পাক্ষিক কাগজ কয়েকখানা রাখিয়া দিয়াছে। বিশিষ্ট দোকানে কোন জিনিস খরিদ করিতে গেলেন, জিনিসটা ঠোর খুঁজিয়া বাহির করিতে কতকটা সময়ের আবশ্যিক। দোকানদার গ্রাহকের হাতে একখানা নূতন সংবাদপত্র পড়িতে দিয়া জিনিস খুঁজিতে গেলেন। এইভাবে আজ কাল, জাপানে সাহিত্যের চর্চা আরম্ভ হইয়াছে। পাহাড়ের পাদদেশে নিভৃত পল্লীতে পার্বত্যজাতির ভিতরও সাহিত্য চর্চা দেখিয়া অবাক হইয়াছি।

১৬০০ মাইল দূরবর্তী রাজপুতনার মরুভূমি প্রদেশেও “সৌরভের” সৌরভ আসিয়া পৌঁছায় দেখিয়া আমার সেই জাপানের কথা স্মরণ হইল। বেশ বুদ্ধিতে পারিতেছি যে আমাদের মরা গাঙ্গে জোরার লাগিয়াছে। উপযুক্ত অর্থের সহিত রাজধানী হইতে সুদূর জেলাসহরেও

সাহিত্যের পূজার বন্দোবস্ত হইতেছে। সাহিত্যের গৌরব ঘরে ঘরে রটুক; প্রতি জেলায় প্রতি মহকুমায় প্রকৃত আরাধনার জন্য সাহিত্য মন্দির প্রতিষ্ঠিত হউক। সাহিত্যের প্রভাবে বৈজ্ঞানিক যুগের আলোক ছটা সন্মেলের ভিতর প্রকটিত হউক। নষ্ট গৌরব উদ্ধার করিয়া ভারত পুনরায় সেই ধর্মশিষ্ঠ জাপানের গুরুদেবের স্থলে অভিষিক্ত হউক।

শ্রীযত্ননাথ সরকার।

তুষার হইতে বিদায়।

আসি তবে, হে হিমাদ্রি, পরেছে যাত্রার স্বপ্ন,
দূরে হ'বে যেতে,
আঁধি ভরে, দেখি রূপ, ধবল আদর্শ তব,
মর্মে নিই গঁথে!
শুনালে তোমার বার্তা, বুঝলে তোমার তব,
কাছে কাছে রাখি,
পেল ছুটি স্বর্ণ পাখা, লভিয়া তোমার স্বর্ণ
পিঞ্জরের পাখী।
তব ফুলে নব গন্ধ, তব গীতে নব ছন্দ,
কি কার্তিক কাস্তারে,
বুরিয়া হিমের পুরে, তুষার মোর গেল দূরে
তোমার তুষারে!
শূণ্ডে শূণ্ডে এত মুক্তি, এত লীলা, এত ক্ষুধি,
নিশায় দিবসে,
অবসাদ ফুরাইল, দেহ মন জুড়াইল,
শীতল পরশে!
তোমার নভের মেঘে আমার কল্পনা লেগে,
হয়ে গেছে সোণা,
আমারে করিল কবি জ্যোৎস্না ধৌত তব ছবি,
সোণার প্রেরণা!
প্রকৃতির জল-যন্ত্র, করিল কি শত-রন্ধু,
মুরলী তোমায়?
সে ডাকে করিল আত্মা মুক্তি-মান সেই শত
স্বধা রবণায়।

দেখিতে তুমার দৃশ্য, পদপ্রান্তে ভক্ত বিশ্ব
গদদ অস্তরে !

শিখিপুচ্ছ মনোলোভা না, এ বরফের শোভা,
শিখরে শিখরে ?

পাহাড়ের খাত বেয়ে বরফ নামিছে গলে
তপ্ত রবিকরে,

আনন্দ কি পড়ে ঢলে, করুণা কি নামে গলে,
পাষণের স্তরে ?

তোমার কৃত্রিম হৃদ, তাও কত মনোমদ,
কাকচক্ষু নীর,

সেই হৃদে দাঁড় ধরি, বাহিয়াছি ক্রীড়া তরী
উল্লাসে অধীর !

কোথা আধিত্যকা-পথে শুয়ে দীর্ঘ শুরু মেঘ
পোহাইছে রোদ্,

তব বাহবন্ধে যেন ধবল ঝর্ণা-ধারা
হয়েছে নিরোধ !

বিচিত্র মধমল-প্রায়, শৈবাল শিলার গায়,
মহুণ কোমল,

তোমার নীহারে স্নাত, রোদ্-করে ঐতিভাত,
করে ঝল্ মল্,

রবি-চন্দ্র তব দ্বারে, সন্ধ্যা প্রাতে করে করে
মঙ্গল আরতি ?

কন্দরে কন্দরে শাস্তি, শিখর-কান্তার কান্তি,
গম্ভীর বিগতি !

তপোমগ্ন তরু-লতা, সমাধির বিজনতা
দিতেছে পাহারা,

পাছ যদি করে, শব্দ, 'চূপ! চূপ! বলে' শুদ্ধ
করায় তাহারা ।

সে নিশ্চিতি ভঙ্গ করে, নিব'র নামিছে জোরে,
তার দুই ধারে—

আকাশে উঠেছে বন, পাতালে নেমেছে বন,
শূন্য অন্ধকারে !

কত গাছে অর্ধ-শুদ্ধ, কত গাছে মর'-মর'
রংটা পাতার !

হেমস্তের হিমে স্নাত, বসন্ত, হরিত, পীত,
পাতার বাহার !

ও কি কাননের ভূপ ? না, গিরিকদম্ব-রূপ,—
কোমল বনের ?

উদ্ভিদ-স্বপ্নের মত রবারের গাছ কত,
ঐশ্বর্য্য মনের !

নিয়ে বিদারিয়া শিলা ধাইছে পার্বতী নীলা
গম্ভীর গর্জনে,

ক'য়ে লক্ষ তরু সা'র দু' ধারে গৈরিক পার
মিশেছে গগনে ;

শিখর-কান্তার-কাঁকে, প্রকৃতি গড়েছে 'লন'—
আঙ্গিনা তোমারি !

কোথা শিলা-সিঁড়ি বেয়ে থাকে থাকে নামিয়াছে
চা গাছের সান্নি ।

তব তুঙ্গ-শূঙ্গ প'রে সমতল দেখা যায়—
অকুল সাগর !

সৃষ্টির ইঙ্গিত পেয়ে ও কি সে কারণ-বারি
স্তম্ভিত নিধর ?

স্বপ্নন-প্রভাষে তাই, নভে নভোমণি নাই,
উলঙ্গ গগন !

রবি-সৃষ্টি আশা করে, তোমার নিসর্গ বৃষ্টি
ধ্যানে নিমগণ !

—সহসা ইঙ্গিতে কা'র উঠে রবি সিদ্ধ সম
সমতলহতে

সাঁঝে তব শূঙ্গ পাছে স্বর্ণমেঘ যেথা আছে.
নামে' সেই পথে ।

রঞ্জি' দূর চক্রবাল বহুক্ষণ লালে লাল
খেলে স্বর্গ-হাসি,

সুখ-স্বপ্নে ধর ধর, দাঁড়াইয়া চরাচর
নমে রূপরাশি !

হেম, না ও হিম-শূঙ্গ ? না, প্রবাসী দেবতার
রক্ত-বস্ত্রালয় ?

দেবাত্মারে লয়ে' বন্ধে দেখিছে কি মুগ্ধ চক্রে
বিশ্বের বিশ্বয় ?

এই উদয়াস্ত-ভটে বসিয়া কে যেন কহে,—
 ‘পথিক লুটাও !’
 নয়নের ষার খোল, ভোল’; এ ছনিয়া ভোল,’
 যাও, ডুবে যাও !
 —এসেছিনু তব ছায়ে ভগ্ন প্রাণে, রুগ্ন কায়ে,
 তোমার আত্মানে,
 দিলে স্বাস্থ্য, দিলে সুখ ভরিয়া এ শূন্য বুক,
 গাঁথা প্রাণে প্রাণে !
 দেখে প্রাণ, গিরিরাজা, যেন ফুল ফুল, তাজা
 কচি পত্রপুটে,
 ধৌত মেঘে হিমानीতে, নব রক্ত ধমনীতে
 টগ্‌বগ্‌ ফুটে ।
 প্রাণতন্ত্রী বাজাইলে, সাধনারে সাজাইলে
 তোমার সঙ্গীতে,
 শিরায় তাড়িত ছুটে’, হিয়ার কবিতা ফুটে’
 তোমার ইন্দ্রিতে !
 আলোতে রচিয়া ছায়া জীবনে মৃত্যুর মায়া
 দেখালে নিভতে,
 দেবতারে চিনাইলে, আত্মা মোর জিয়াইলে
 তোমার অমৃতে !
 আছে যে কুহক-পুরী, মৃত্যুমন্ত্র দিয়া ঘেরা
 জীবনের পারে,
 আনন্দে উধাও চিন্তা আসিল আঘাত কার’
 তারও বজ্রধারে !
 কিছু রাখ নাই ঢাক, কিছু রাখ নাই বাকি,
 দিলে ঢেলে সব,
 ক্ষুদ্র এ হৃদয়-পুটে কত আর নিব লুটে
 অসীম বৈভব ?
 আজ স্বপ্ন টুটে’ যায়, নৈরাশ্র বিদায় গায়,
 ফেটে যায় প্রাণ,
 কিরে’ কিরে’ চাই সুধু তোমার অনন্ত মধু,
 আঁধি করে পান ।
 মস্ত কলাপীর মত ক্ষুতির পেখম ধরে’
 এ শৈল-বিহার,

স্বচ্ছন্দ, স্বাধীন, দীপ্ত জীবনে গর্কের দিন
 আসিবে কি আর ?
 আর কবে হ’বে দেখা চিত্র-চিত্রপটে লেখা
 ও দিব্য মুরতি ?
 ভাষা-ভাব ধুলে লুটে, ভাল করে নাহি ফুটে
 বিদায়-ভারতী !
 প্রাণ হবে কৃষ্ণহারা পার্শ্বের গাণ্ডীব সম
 বিহনে তোমার,
 ভাব-মোরে যাবে ছেড়ে, ভাষারে কে নেবে কেড়ে,
 স্বপ্ন চুরুমার !
 চোখের এ ছাড়াছাড়ি জানি সুধু বাহিরের,
 অন্তরের নয়,
 তিলেক রবে না ছাড়া, পূর্ণ করে’ রবে তুমি
 ভক্তের হৃদয় !
 তথাপি তোমার কাছে আমার নিরাশা যাঁচে
 বিদায়-প্রসাদ,
 আজ তুমি কর মোরে শেষ দিনে প্রাণ ভরে’
 শেষ-আশীর্বাদ !
 দেখিনু যা, শুনিমু যা, বুঝি, আর না-ই বুঝি,
 প্রাণে যেন থাকে,
 সংসারের ঝঞ্জাবাতে ফেরে যেন সাথে সাথে
 শুভে মতি রাখে !
 এই উঁচু দিকে চাওয়া, এই উর্ক পানে ধাওয়া
 যেন নাহি ভুলি,
 যেন ও ধবল চূড়া, ঢেউ খেলাইয়া প্রাণে
 দেয় স্বর্গ খুলি’ !
 ছপারে হৃজন মোরা, যাকে বিরহের সিন্ধু,
 স্মৃতি ভাসে তাতে,
 কাঁদিব বসিয়া একা, তুমি ত দিবে না দেখা
 সে বিরহ রাতে !
 পূর্ণ স্মৃতির মাত্রা, সমাপ্ত ভূষার-যাত্রা,
 হিম্যানি, বিদায় ।
 মেলরাজ্য রাখি পিছে নামিয়া যেতেছি নীচে,
 স্বর্গপ্রষ্ট প্রায় !

মাথা নাহি রয় খাড়া, ফুটি নাহি দেয় সাড়া।
চিন্তা মূর্ছাহত !

রক্তধারা আসে ধমে, হৃদয় যেতেছে নেমে
নামিতেছি যত !

শোভাজি, যেওনা ছেড়ে, আমার সর্বস্ব কেড়ে
কর'না কাঙ্গাল ;

যতই যেতেছ সরে' তোমারে জড়িয়ে ধরে
মোর স্বপ্নজাল !

ক্রমে, আশ-আশ দেখা, যেন কুহকের রেখা,
ভাল লাগে তাও।

পায়-পায় কোথা যাও ? বারেক ফিরিয়া চাও,
একটু দাড়াও !

প্রাণ নাহি যেতে চায়, তবু যেতে হয়, হায়,
এ বিধান কার ?

সৃষ্টিছাড়া বুঝি সেই, বিধে তা'র কেউ নেই
হাসার, কাঁদার !

গেল হিয়া ফেটে গেলে', তোমারে যে অশ্রুজলে
দেখিতে না পাই,

শুভ-শোভা, ধীরে ধীরে ডুবে' গেলে আঁধিনীরে ?
যাই, তবে যাই ।

শ্রী প্রমথনাথ রায় চৌধুরী ।

তিব্বত অভিযান ।

উদ্দেশ্য ।


বহুদিন হইতে আমাদের ভারত গভর্নমেন্টের ইচ্ছা, তিব্বতের সহিত অবাধ বাণিজ্য সম্বন্ধ স্থাপন করেন। এই উদ্দেশ্য সিদ্ধির জন্ত কোনও প্রকার যত্ন না চেষ্টার অভাব হয় নাই। কিন্তু বহু যত্ন চেষ্টায়ও কার্য্য অধিক দূর অগ্রসর হয় নাই। শেষ ১৯০৩ খ্রীষ্টাব্দের প্রারম্ভে যখন ইংরাজ অবগত হইলেন যে তিব্বতের রাজধানী লাসার কয়েক জন রুশ কর্মচারী উপস্থিত হইয়া তথাকার প্রধান লামার সহিত নানা প্রকার পরামর্শ করিতেছেন, তখন আমাদের গভর্নমেন্ট বুঝিলেন, তাঁহাদের সমস্ত আশা ভরসা

আকাশ কুম্ভমে পরিণত হইবার উপক্রম হইয়াছে। রুশ যদি তিব্বত আধিপত্য লাভ করেন, তাহা হইলে ইংরাজকে যে তথা হইতে গুরু মুখে ফিরিতে হইবে, তাহা নিতান্ত স্বতঃসিদ্ধ ব্যাপার। ইংরাজ তখন স্পষ্ট বুঝিলেন যে, অবিলম্বে প্রতিবিধানের বন্দোবস্ত না করিলে রুশ রাজ্য একদিন দারজিলিং পর্য্যন্ত বিস্তৃত হইয়া পড়িবে। তখন ভারত রক্ষার জন্ত তাঁহাদিগকে কোটি হুই মুদ্রা ব্যয় করিতে হইবে। সুতরাং বিনাভেদে মন্ত্রিসভা স্থির করিলেন যে, তাঁহাদের দূত অতি শীঘ্র, গিয়াংসি পর্য্যন্ত অগ্রসর হইবেন; ঐ দূতকে রক্ষা করিবার জন্ত উপযুক্ত পরিমাণ সৈন্য বল তাঁহার সহিত প্রেরিত হইবে; চূড়ি উপত্যকা অধিকার করিতে হইবে, ও যত দিন পর্য্যন্ত তিব্বত তাঁহাদের সহিত চিরস্থায়ী বাণিজ্য সংস্থাপিত না কারিতেছেন, তত দিন পর্য্যন্ত তাঁহারা চূড়ি ত্যাগ করিবেন না।

তখন চারিদিকে সাজ সাজ রব পড়িয়া গেল। বাছিয়া বাছিয়া কষ্ট সহিষ্ণু সৈন্য ও সেনানায়কগণ নিযুক্ত হইতে লাগিলেন। তিব্বত পার্বত্য দেশ। এখন নবেম্বর মাস, যে হিমালয় প্রদেশ অতিক্রম করিয়া সৈন্য দিগকে গমন করিতে হইবে, তথায় এখন ভীষণ শীতের প্রকোপ। এই প্রকার স্থানের জন্ত যে বিশেষ সৈন্তের প্রয়োজন তাহা সকলেই বুঝিতে পারেন। ব্রিগেডিয়ার জেনারেল ম্যাকডোনাল্ড সাহেব এই তিব্বত অভিযানের ইংরাজ দূত নিযুক্ত হইলেন। সৈন্য পরিচালনার ভার সেনা-তি ইয়ংহাজ্‌ ব্যাণ্ড্‌ সহিষ্ণুদের উপর সমর্পিত হইল। ইংরাজ দূতকে রক্ষা করিবার জন্ত প্রায় আড়াই হাজার সৈন্য নিয়োজিত হইল। এতদ্ব্যতীত, সামরিক ইঞ্জিনিয়ার, ইমপ পাভালের ডাক্তার, কমিসেরিয়েটের কর্মচারী এবং অপরাপর প্রয়োজনীয় লোকজন ছিল। উপর্যুক্ত সংখ্যক সৈন্য ব্যতীত এই অভিযানের সহিত আরও প্রায় পাঁচ হাজার লোক ছিল। অশ্ব, অশ্বতরী, বলদ, মূর্গি, ছাগল প্রভৃতির সংখ্যাই নাই।

আমি তখন এলাহাবাদের কমিসেরিয়েট আফিসে কাজ করিতাম। একদিন বেলা একটার সময় আমাদের বড় সাহেব আফিসের সমস্ত কেরানীকে ডাকিয়া

পাঠাইলেন। আমরা সকলে সমবেত হইলে তিনি বলিলেন—অতি শীঘ্র আমরা তিব্বতে সৈন্ত পাঠাইব মনস্থ করিয়াছি। এই অভিযানের জন্য অনেক কেরাণীর প্রয়োজন। তোমাদের মধ্যে কেহ যাইতে চাহ কি ?” তাহার পর তিনি আমাদিগকে পথের নানা প্রকার কষ্টের কথা বুঝাইয়া দিলেন। কিয়ৎকাল পরামর্শের পর আমাদিগের মধ্যে আমি ভিন্ন আর কেহই যাইতে সম্মত হইলেন না। সাহেব বিশেষ সন্তুষ্ট হইলেন বলিয়া মনে করিলাম। তিনি বলিলেন—আমি ও যাইব। যাহাতে তুমি সর্বদা আমার সঙ্গে ২ থাক, তদ্বিষয়ে আমি যথাসাধ্য চেষ্টা করিব।” আমি সাহেবকে ধন্যবাদ প্রদান করিয়া চলিয়া আসিলাম। তাহার পর একদিন এলাহাবাদ ত্যাগ করিয়া শিলিগুড়ি উপস্থিত



হইলাম। সমস্ত সৈন্তাদি ও কমিসেরিয়েটের কর্মচারীবর্গের মিলন স্থান এই শিলিগুড়িতে নির্দিষ্ট হইয়াছিল।

শুনিলাম, যে পথে আমাদিগকে যাইতে হইবে, তাহাতে কোনও প্রকার খাদ্য দ্রব্য পাওয়া যায় না। সুতরাং সঙ্গের সমস্ত লোকের আহারের বন্দোবস্ত সঙ্গ সঙ্গে থাকা চাই। তাহার উপর পথের দুর্গমতা। এক এক স্থানে খচ্চরেরও পথ নাই। এই প্রকার স্থানে প্রায় আট হাজার লোকের খাদ্য দ্রব্য লইয়া যাওয়া যে কি প্রকার দুঃসাধ্য ব্যাপার, তাহা অনুমান করা বিশেষ দুঃকর নহে। অনেক বাদামুখাদের পর হিঁস হইল যে, সঙ্গ আমরা কেবল মাত্র দেড় মাসের খাদ্য দ্রব্য লইয়া যাইব। যে যে

স্থানে খচ্চর যাইতে পারিবে না, সেখানে পাহাড়ীরা কুলি নিযুক্ত করা হইবে।

ভারতের ভিন্ন ভিন্ন স্থান হইতে নানা প্রকার প্রয়োজনীয় দ্রব্যাদি রেশমোগে শিলিগুড়িতে উপস্থিত হইতে লাগিল।


আমরা ঐ সকল দ্রব্য গরুর গাড়ী বোঝাই করাইয়া পাঠাইতে লাগিলাম। যতদূর পর্যন্ত পথ সুগম ছিল, গোশকট গমন করিল। যখন রীতিমত চড়াই আরম্ভ হইল, তখন খচ্চরের সাহায্য গ্রহণ করা হইল। ইহাদের সহিত পার্কত্য কুলি প্রেরিত হইল। পথ নিভান্ত দুর্গম হইলে তাহারাই মোট লইয়া গমন করিত। এই সমস্ত কুলি কাশ্মীরী, নেপালী, ভূটানি, গড়োয়ালি, বাস্তি, লাপ্চা প্রভৃতি জাতি দিগের মধ্য হইতে সংগৃহীত হইয়াছিল।

নিয়ম হইল যে, প্রত্যেক যুরোপীয় কর্মচারীর সহিত এক মণ ও প্রত্যেক দেশীয় কর্মচারীর সহিত অর্ধ মণ দ্রব্য যাইতে পারিবে। শুনিলাম, পশ্চিমধ্যে ভীষণ শীতের সহিত যুদ্ধ করিতে হইবে। সেই জন্য বিশেষ বিবেচনার পর, সঙ্গ একখানা খুব মোটা লেপ, দুইখানা রগ, দুইখানা কামল, তুলাভরা জামা ও পাজামা কবেকটা, লোমের জুতা চারি জোড়া ও চারিটা ব্যালারুতা টুপি লইয়াছিলাম। এতদ্ব্যতীত, চা ও ডিম সিদ্ধ করিবার সমস্ত দ্রব্যাদি সঙ্গ ছিল। আমার দ্রব্যাদি ২০ সেবের অনেক অধিক হইয়াছিল কিন্তু আমার সাহেবের অনুগ্রহে তাহাতে কেহ আপত্তি উত্থাপন করে নাই। এই স্থানে

বলিয়া রাখা ভাল যে, আমার সহিত আরও দুই জন বাঙ্গালী ছিলেন ; একজন ইঁসপাতালের ঠোর কীপার রায় মহাশয় ও দ্বিতীয়—আমাদের একজন গোমস্তা সেন মহাশয় ।

ভীস্তাতটে রাত্রিবাস ।

১৯০৩ খ্রীষ্টাব্দের ৬ই নবেম্বর আমরা সিলিগুড়ি ত্যাগ করিলাম । এখানে 'আমরা' কপার একটু টীকার আশ্রয়ক । ২রা নবেম্বর প্রায় দেড় হাজার সৈন্য রওনা হইয়াছিল । তাহার পর কমিসেরিয়েট—আমরা ক্ষুদ্র ক্ষুদ্র দলে বিভক্ত হইয়া ভিন্ন ভিন্ন খাণ্ডাদির তত্ত্বাবধান করিতে-ছিলাম । আমার নিজের দলে তিন জন বাঙ্গালী, দুই জন সাহেব, পাঁচ জন হিন্দুস্থানী ও একজন শিখ ছিলেন ।



অবশ্য সঙ্গে আরও কয়েক জন নিয়ন্ত্রণীর ভৃত্য ছিল । আমরা উপযুক্ত এগার জন কর্মচারী এক একটি করিয়া পনি পাইয়াছিলাম । সন্দের অপরাপর সকলে অবশ্য পদব্রজেই-গমন করিতেছিল ।

শিলিগুড়ি হইতে প্রথম চারি মাইল পথের মধ্যে বিশেষ কোনও বিশেষত্ব নাই । তাহার পর আমরা এক বিশাল শাল বনের মধ্যে প্রবেশ করিলাম ।

কয়েক বৎসর পূর্বে আমি উত্তর ব্রহ্মে অনেক শালের জঙ্গল দেখিয়াছি । কিন্তু এমন উন্নত ও বিশাল বৃক্ষের একত্র সমাবেশ দেখি নাই । এ জঙ্গল অতি বিশাল । শুনিলাম, হিমালয়ের শাল বন পৃথিবীর মধ্যে অতুলনীয় । এই জঙ্গলের মধ্যে আরও অনেক রকম গাছ দেখিলাম । কিন্তু শালের সংখ্যাই খুব অধিক । প্রায় তিন ঘণ্টার পর আমরা নিপুণ পথ প্রদর্শকের সাহায্যে এই জঙ্গলের এক দিক অতিক্রম করিয়া ভীস্তা নদীর তটে আসিয়া উপস্থিত হইলাম । এই স্থানে বলিয়া রাখা ভাল যে, এই পথে আমাদের সৈন্য আসিবার কিয়দ্বিঘস পূর্বে একদল রাস্তা পরিষ্কারক সৈন্য (Pioneers) আমাদের জন্ত পথ প্রস্তুত করিয়া গিয়াছিল ।

ভীস্তা একটি পার্বত্য নদী । ইহার বিস্তৃতি অধিক নহে, অত্যন্ত ধরশ্রোতা । উত্তর তটে নিবিড় শাল বন—অনেক স্থানের জল বোধ হয় কখনও রবিতাপ অনুভব করে নাই । অপর পারে ঢেউখেলান পার্বত্য মালা—উত্তর দিকে ক্রমে ক্রমে উচ্চ হইয়া শেষে যেন মেঘের রাজ্যে প্রবেশ করিয়াছে । ভীস্তার অপর পার হইতে ভোট রাজ্য আরম্ভ হইয়াছে । ভোটেরী নিজেদের দেশকে 'ভিউক' বা 'ভুক' বলে । তাহার অর্থ 'চপলার রাজ্য' । উহাদের দেশে চপলার বিশেষ প্রাচুর্য্য বলিয়া এই প্রকার নাম হইয়াছে ।


আমরা যখন ভীস্তা তটে উপস্থিত হইলাম, তখন বেলা প্রায় একটা । আমরা

সে দিন ঐ স্থানেই গমন স্থগিত রাখিলাম । এই স্থানের কিয়দূরে, ভীস্তার উত্তর তট হইতে দুইটি পার্বত্য যেন নদীকে আলিঙ্গন করিবার জন্ত ছুটিয়া আসিয়াছে । অবশেষে উভয়ে উত্তর তটে দণ্ডায়মান হইয়া যেন মুষ্-

ভাবে ভীস্তার অপূর্ণ সৌন্দর্য উপভোগ করিতেছে। এখানে ভীস্তার বিস্তার ১০।১২ গজের অধিক হইবে না। নদীর জল অত্যন্ত পরিষ্কার, তলদেশের ক্ষুদ্র ২ উপলব্ধ পর্যন্ত স্পষ্ট দেখিতে পাওয়া যায়। নদীর মধ্য স্থলে একখানা বিপুলাকার প্রস্তর খণ্ড জলের উপর যেন প্রহরীর মত মাথা তুলিয়া দণ্ডায়মান।

আহারাদির পর আমরা তিনজনে নদীর তীরে বেড়াইতে বাহির হইলাম। জঙ্গলে ব্যাঘ্র, ভল্লুক, হস্তী

প্রভৃতি হিংস্র জন্তু অনেক আছে শুনিয়া, আমি ও সেন মহাশয় এক একটা বন্দুক সঙ্গে লইলাম। অধিক দূর যাইতে হইল না। প্রায় এক মাইল পথ গমনের পর রায় মহাশয় সহসা দাঁড়াইলেন। চাহিয়া দেখি, তাঁহার সমস্ত মুখ এক-বারে সাদা হইয়া গিয়াছে। সত্য কথা বলিতে কি, তিনি ধর ধর করিয়া কাঁপিতে-ছিলেন। ব্যাপার কি জিজ্ঞাসা করিতে তিনি স্নুধু অঙ্গুলি সঙ্কেতে দেখা ইয়া দিলেন। যাহা



দেখিলাম তাহাতে তাঁহার কাপুরুষতার জগু তাঁহাকে বিশেষ দোষী করিতে পারিলাম না। আমাদের বাম দিকে প্রায় ২০ গজ দূরে একটি উচ্চ স্থানের উপর একটি প্রকাণ্ড ব্যাঘ্র দণ্ডায়মান। ইহার পূর্বে আমার সহিত ব্যাঘ্র জাতির কয়েকবার দেখা সাক্ষাৎ হইয়াছিল বলিয়া আমি নিতান্ত অভিভূত হইয়া পড়িলাম না। সেন মহাশয়কেও বিশেষ ভীত বলিয়া মনে হইল না। আমরা তখন কর্তব্য সম্বন্ধে বিচার করিতে লাগিলাম। আমার ইচ্ছা

বন্দুক চালাই, কিন্তু রায় মহাশয় বলিলেন, “যদি এক গুলিতে না মরে, তবে বিষম বিপদ হইবে।” তাঁহার কথা শেষ হইতে না হইতে বাঘটা পর্বতের অপর দিকে অদৃশ্য হইয়া গেল। সকলে যেন নিশ্বাস ছাড়িয়া বাঁচিলাম।

রাত্রি নয়টার পর আমাদের দলের সকলেই শয্যার আশ্রয় গ্রহণ করিলেন। সমস্ত দিবস পরিশ্রমের পর আমরা তিনজনেই অত্যন্ত ক্লান্ত হইয়া পড়িয়াছিলাম। শয়নের সঙ্গে সঙ্গে নিদ্রা দেবী দয়া করিলেন। রাত্রি প্রায়

একটার সময় একটা বিষম চীৎকারে আমার নিদ্রা ভঙ্গ হইল। ঠিক এই সময়ে রায় মহাশয় ‘বাব’ বলিয়া চীৎকার করিয়া উঠিলেন। আমি পার্শ্বস্থিত বন্দুকটি হাতে লইয়া এক লম্ফে দণ্ডায়মান হইলাম। শিবিরের মধ্যে তখন অন্ধকার। পকেটে একটা মাচ বাক্স ছিল, তাড়াতাড়ি একটা মোম বাতি জ্বালিয়া ফেলিলাম। এইখানে বলা উচিত, আমরা তিনজন বাঙ্গালী একই তাঁবুর মধ্যে ছিলাম। রায় মহাশয়ের ক্যাম্প খাটটা

ঠিক দরজার সম্মুখেই ছিল। তাঁবুর অপর প্রান্তে আমার ও সেন মহাশয়ের খাট। আমি রায় মহাশয়ের খাটের প্রতি দৃষ্টিপাত করিয়া দেখি, তিনি খাটের নীচে পতিত; আর তাঁহার খাটে অপর একজন কেহ রহিয়াছে। নিকটে যাইয়া দেখি, আমাদের মহারাজ (পাচক ব্রাহ্মণ রামনাথ) বেশ আরাধের সহিত শয়ন করিয়া আছে। অনুসন্ধানে জানিলাম, আসল ব্যাপারটি এই—রামনাথ রাতে নিজের শয্যা শয়ন করিয়া আছে এমন সময়

সহসা তাহার নিজা ভঙ্গ হয়। সে দেখে, কি একটা জন্তু তাহার পা চাটিতেছে। তাহার মনে হইল, বুঝি বা বাঘ। সে তখন প্রাণপণ শক্তিতে চীৎকার করিতে করিতে আমাদের তাঁরু সম্মুখে দেখিতে পাইয়া ঢুকিয়া পড়িল। সম্মুখেই রায় মহাশয়ের খাট। সে 'বাঘ—বাঘ' বলিয়া উহার উপর উঠিয়া পড়াতে সত্ত্ব নিদ্রোখিত রায় মহাশয় বেচারী তাহাকে একটা আস্ত্র বাঘ মনে করিয়া একলক্ষে একবারে মাটিতে মুছিত হইয়া পড়েন।

তাঁহার মুছিয়া ভঙ্গ হইল বটে, কিন্তু তিনি আর ঐ খাটের উপর শয়ন করিতে চাহিলেন না। অগত্যা আমার সহিত তাঁহার শয়ন বদল করিতে হইল।

প্রাতে সামান্য অনুসন্ধানই জ্ঞাত হইলাম, যে আমাদের সাহেবের একটা বড় কুকুর এই সমস্ত অনর্থের মূল।

(ক্রমশঃ)

শ্রীঅতুলবিহারী গুপ্ত !

জন্ম-রহস্য ।

গৃহটা আঁলোকিত করিয়া আসিয়া যখন নারী ও শিশুও পৃথিবীর আলোক সন্দর্শন করে, তখন সকলেই মনে করেন—আগন্তুক হয় হেলে না হয় নিশ্চয় মেয়ে। কিন্তু কেহই বোধ হয় এই সহজ স্বাভাবিক সিদ্ধান্ত ছাড়িয়া ইহা অপেক্ষা অল্প কোন জটিল অনুমানে উপনীত হইতে ইচ্ছা করেন না।

যমজ বা ততোধিক সন্তানের একেবারে জন্ম গ্রহণ একটি অপেক্ষাকৃত জটিল সমস্যা। সন্তান জন্মিবার পূর্বে বোধহয় কেহই এরূপ একটা ঘটনা ঘটবে সহসা অনুমান করিতে পারেন না। সম্প্রতি বিলাতের ট্রেণ্ডমেগাজিনে Dr Norman Porritt এই জন্ম রহস্যের একটু আন্বেষণ করিয়াছেন। তিনি সমস্ত পৃথিবীর যমজ সন্তান-জন্মের গড় ধরিয়া বলিয়াছেন, গড়ে শতকরা ৮০ জনের মধ্যে একজন শিশু যুগলে আগমন করে। তবে এই যুগলে আসিবার হার সকল দেশে সমান নহে। আয়র্লণ্ডে প্রতি ৬০ জনে একজন, খাস বিলাতে প্রতি ১১০ জনে

একজন, ডাব্লিন সহরে প্রত্যেক ৫৮ জনের মধ্যে একজন যমজ সন্তান। নেপলস্ সহরে কিন্তু ১৫৮ জনে একজন যমজ। আমাদের দেশে যমজের হার শতকরা কিরূপ তাহা জানিবার উপায় নাই। সেন্সাসেও তাহা নির্দিষ্ট হয় নাই। তবে আমাদের দেশের যমজ সন্তানের সংখ্যা মোটামুটি দেখিলে ও অপেক্ষাকৃত গ্রীষ্ম প্রধান নেপলস্ সহরের উচ্চহার চিন্তা করিলে, শীতাতপই এই হ্রাস বৃদ্ধির কারণ বলিয়া মনে হয়।

তিনটি সন্তান একসঙ্গে খুব কদাচিৎ হইয়া থাকে। Dr Porritt বলেন—বোধ হয় সাড়ে ছয় হাজারের মধ্যে এক বারের বেশী তিনটি সন্তান একসঙ্গে হয় না। কিন্তু প্যারিসের এক রুটী বিক্রেতার পত্নী নাকি প্রতি বৎসরে ৩টি করিয়া ৭ বৎসরে তাহাকে ২১টি সন্তান উপঢৌকন দিয়াছিল!

যমজ-সংহের কোন এক স্থানে একটা নিম্ন জাতীয়া জ্রীলোকের ১ম গর্ভে একটা, দ্বিতীয় গর্ভে তিনটি, তৃতীয় গর্ভে তিনটি সন্তান জন্মিয়াছিল। কিন্তু হৃৎথের বা স্নুথের বিষয়, ইহাদের একটাও টিকে নাই। বলা দরকার, এই জ্রীলোকটা প্যারিসের সেই জ্রীলোকটির মত "সমাংসমানী" ছিল না। ফরাসী দেশে জন্মের সংখ্যা অত্যন্ত কমিয়া গিয়াছে বলিয়া প্রায়ই শুনা যায়। ডাঃ নর্মাণ পরিট বলেন, কেবল ফরাসী দেশে নয়, সমগ্র ইউরোপেই জন্মের সংখ্যা কমিয়া গিয়াছে। আর কলিকাতার ডাক্তার ইউ, এন্ মুখার্জি তাঁহার রচিত "A dying race" নামক পুস্তিকায় প্রমাণ করিতে চেষ্টা করিয়াছেন যে হিন্দুজাতির ভিতর জন্মের সংখ্যা এত কমিতেছে যে অদূর ভবিষ্যতে ভালর দিকে কোন পরিবর্তন না হইলে হিন্দুজাতি একেবারেই লোপ পাইবে। এখন হ্রাস সব দেশেই জন্মসংখ্যা কম। কিন্তু জন্মসংখ্যা খুব বেশী হইলেও, William Stutton নামক এক ব্যক্তির প্রতি যা যেরূপ কৃপা করিয়াছিলেন, তাঁহার এরূপ কৃপা-বাৎসল্যের কথা সচরাচর শুনা যায় না। এই ব্যক্তি দুইবার দার পরিগ্রহ করেন; এবং প্রথম জ্রীর গর্ভে ২৮টি দ্বিতীয় জ্রীর গর্ভে ১৭টি—একুনে ৪৫টি, সন্তান লাভ করেন। ২৭ বৎসর বয়সে ইনি মারা যান। তখন তিনি ৮৬ জনের

পিতামহ, ২৭ জনের প্রপিতামহ এবং ২৩ জনের বৃদ্ধ প্রপিতামহ হইয়াছিলেন! একুশে তাঁহার বংশে ২৫১ জন জন্মগ্রহণ করিলে পর তিনি মহিষ বাহনের আস্থানে আত্ম হন। এই কলিকালেই যদি একজন হইতে একশ বছরেরও কম সময়ের মধ্যে ২ : ১টা প্রাণীর উদ্ভব সম্ভব হয়, তবে ত্রেতায য়ে রাবণের “একলক্ষ পুত্রি আর সোয়ালক্ষ নাতি” হইয়াছিল, তাহা কি আর কেহ অসম্ভব মনে করিবেন? Countess of Henneberg সম্বন্ধে গল্প আছে যে, তাঁর—বছরে যতটা দিন ততটা—অর্থাৎ ৩৬৫টা—সন্তান জন্মিয়াছিল। ইহাও কি কেবল উপকথা মাত্র? এদেশের প্রাচীন রাজারা নাকি শত সহস্র পত্নী গ্রহণ করিতেন;—কিন্তু সেই পরিমাণ সন্তান পাইতেন কি?

‘আগস্ত্যক’ আসেন কিন্তু প্রায়ই রাত্রে;—তার মধ্যেও আবার শেষ রাত্রিটাই তাদের পছন্দ হয় বেশী। দিনে আসিলেও দিনের যে অংশটা রাত্রির সন্নিকট (অর্থাৎ শেষবেলা বা সকাল বেলা) সেটায়ই আসা হয় বেশী।

তুলসী দাসের একটি দোহা আছে, তাতে তিনি মৃত ব্যক্তিকে লক্ষ্য করিয়া বলিতেছেন ‘তুমি যখন এ পৃথিবীতে আসিয়াছিল তখন সকলই হাসিয়াছিল, কেবল কাঁদিয়াছিলে তুমি; আজ তুমি মুক্ত হইয়া চলিয়া যাইতেছ, সেজন্য—তোমার হাসি; কিন্তু এ পৃথিবীতে তুমি যাহা-দিগকে আত্মীয় মনে করিতে, তারা সকলই এখন কাঁদে।’

আগস্ত্যকের আগমনে বাড়ীর সকলই যে সমান আনন্দ লাভ করে তা ঠিক নয়। পিতা মাতার অবশ্য আনন্দ হয়ই; ভগ্নীদেরও আনন্দ হয়; কিন্তু ভাইদের বোধ হয় তত আনন্দ হয় না। আমাদের দেশে একটা বিশ্বাস আছে যে গর্ভস্থ শিশু যদি ছেলে হয়, তাহা হইলে সে ছেলে প্রসব না হওয়া পর্য্যন্ত, কোলের ছেলের পেটের অনুধ করে,—যাকে চলিত কথায় “আড়ি লাগা” বলে। কিন্তু গর্ভে মেয়ে থাকিলে অথবা কোলেরটা মেয়ে হইলে আর তা হয় না। আগস্ত্যককে যে ভাইয়েরা তত ভালবাসে না, ইহাই কি তাহার কারণ? পিঠেপিঠি ভাইয়ে ভাইয়ে ঝগড়া বেশী হয় বলিয়া অনেকেই বিশ্বাস করেন; বিশ্বাসটা কিন্তু খুব অলীক নহে।

শিশু কোথা হইতে আইসে, তাহা শিশুর ভাইবোনদের নিকট যেমন রহস্যময়, শিশুর নিকটও তেমনি রহস্যময়। ‘আমি কোথা হইতে আসিয়াছি’—এই প্রশ্নে শিশু মাতাকে কত রকমে জ্বালাতন করে, রবীন্দ্র নাথের ‘শিশু’ তাহার উদাহরণ। “এলেম আমি কোথা থেকে, কোন্ খানে তুই কুড়িয়ে পেলি আমারে?”

যুমে থাকিয়া শিশু যখন কাঁদে বা হাসে, প্রাচীনরা বলেন, শিশুর তখন যমের মায়ের সঙ্গে কথাবার্তা চলিতে থাকে। যমের মা বলে, “তোমার বাপের ঘরে আশুন লাগিয়াছে” শিশু তখনও বাপকে চিনে না—সুতরাং সত্য মিথ্যা বুঝিতে পারে না, তাই কাঁদে। যমের মা বলে ‘তোমার মা মরিয়াছে।’ শিশু বলে ‘এই ত আমি মার বুক হইতে দুধ খাইয়া আসিলাম’—আর হাসে।

জন্ম দিন হইতে ষষ্ঠ দিনে ছপুর রাত্রে ভাগ্য বিধাতা শিশুর কপালে যে দেবনাগর অঙ্করে তাহার ভাগ্য লিখিয়া দিয়া যান, এ বিশ্বাস বাঙ্গালায় খুব প্রবল।

হিন্দুর ঘরের শিশু যেদিন প্রথম ভাত খায় সে দিন, বাঙ্গালার স্থানে স্থানে তার সামনে একটি পাত্রে করিয়া কিছু ধান, কিছু মাটী, কিছু সোণা, দুই একটি টাকা এবং একটি দোয়াত কলম রাখা হয়। শিশু তখন হাত বাড়াইয়া এ গুলির মধ্যে যেটা ধরিতে চাইবে, জীবনে সে তারই অধিকারী হইবে, এরূপ বিশ্বাস আছে।

পুত্র আসিলে পরিবারে যতটুকু আনন্দ হয়, কন্যা আসিলে ততটুকু হয় না। কন্যাদায়গ্রস্ত পিতা জানিলে নিশ্চিত হইবেন কি না জানি না, কিন্তু তথাপি দেখা যায় পৃথিবীতে মেয়ে অপেক্ষা ছেলেই আসে বেশী। মেয়েদের আয়ুর পরিমাণ কিন্তু ছেলেদের চেয়ে বেশী। ছেলেদের আয়ু যেখানে গড়পড়তার ৪৪ বৎসর, মেয়েদের সেখানে ৪৭½ বৎসর। বর্তমান সময়ে বিলাতে প্রত্যেক এক হাজার পুরুষে, এক হাজার আটষট্টি জন স্ত্রীলোক আছে। সুতরাং সমুদায় জন সংখ্যায় পুরুষের চেয়ে স্ত্রীলোকের সংখ্যা দশ লক্ষেরও অধিক।

আগস্ত্যকদের মধ্যে হাজার করা দশ জন আন্দাজ আগমনের দিনই বিদায় গ্রহণ করে। জায়গায় জায়গায় বোধ হয় তারচেয়েও বেশী। ডাঃ পোরিত বলিতেছেন,

বিলাতে হাজার করা এক শতের ও বেশী শিশু এক বৎসর অতিক্রম করিবার পূর্বেই মারা যায় ।

শিশু আসিলে পিতা মাতার যত প্রকার সমস্যা উপস্থিত হয়, নাম নির্বাচন তার মধ্যে একটি । নামটি ‘চন্দ্রে’ হইবে না, ‘মোহনে’ হইবে, ‘নাথে’ হইবে, না, ‘কিশোরে’ হইবে, ‘কুমারে’ হইবে না “প্রসন্ন” হইবে— ইহা ভাবিয়া কত পিতা মাতা নাতিশাস্ত হন । নামের ভিতরেও নাকি প্রতিভার বীজ নিহিত থাকে । এ বিষয়—যাহারা ঈশ্বরচন্দ্র বা নন্দমচন্দ্র প্রভৃতি নাম রাখিয়া দেখিয়াছেন, তাহারাষ্ট বিশেষজ্ঞ ।

শিশু—জাতির আশা স্থল । শিশু দীর্ঘজীবী হইয়া দেশের কল্যাণ করুক, ইহাই আমাদের কামনা ।

শ্রী উমেশচন্দ্র ভট্টাচার্য্য ।

অদৃষ্টের উপহাস ।

গা হইতে তখনও ভাল করিয়া কলেজের ছজুগে গন্ধ দূর হয় নাই । বার লাইব্রেরীর খাতায় নাম লেখাইয়া সবে দেশ পূজ্য হওয়ার যোগাড় করিয়াছি মাত্র—এমন সময় আমার বাসার খুব নিকটে একটি নূতন পাবলিক লাইব্রেরী স্থাপিত হওয়ার, সর্বসাধারণের সুবিধা কুবিধা যেকোনই হইয়া থাকুক, আমার নিজের মস্ত একটা কাজ জুটিয়া গেল । তখন পর্য্যন্ত আমার সময়ের উপর মকেলের কোনও প্রকার দৌরাণ্ডা ছিলনা । সুতরাং প্রত্যহ রীতিমত লাইব্রেরীতে দুইবার করিয়া হাজিরা দিতে লাগিলাম । লাইব্রেরীর ছোট দালান খানি প্রতিদিন সকালে-বিকালে, অজাত-শত্রু চসমিত চক্ষু তরুণ ভক্ত মণ্ডলীর তর্কোচ্চাসে ও হাস্তধ্বনিতে মুখরিত হইয়া উঠিতে লাগিল । শিশুকাল হইতেই মিঃ লাহিড়ীর ইক্ষুদণ্ডের স্তায় গ্রন্থিতে গ্রন্থিতে রস-মাধুর্য্য । সম্প্রতি মাস কয়েক ফিলেডেলফিয়াতে চিরুণী নির্মাণ শিক্ষা ব্যপদেশে বাস করিয়া আসাতে, তাঁর রসাত্মক বিলাতী বোল-চাল দিবার বিশেষ্টা অসাধারণ পরিপকতা লাভ করিয়াছিল । তিনি যখন আমাদের লাইব্রেরী গৃহে স্বতঃপ্রবৃত্ত হইয়া ভক্ত

শিবামণ্ডলীর মধ্যে গুরু-গৌতমের আসনটী অধিকার করিয়া আসর জমকাইয়া তুলিলেন, তখন সত্য সত্যই আমাদের আড্ডাটী বেশ জমিয়া উঠিল ।

আমরা যে সময়ের কথা বলিতেছি, তখন শিক্ষিত বাঙ্গালীর বাংলা গ্রন্থে আশঙ্কিত খাকাটা একটা ভয়ানক নৈশ কাপুরুষোচিত লক্ষণ বলিয়া গণ্য হইত । লাইব্রেরী ঘরে মাত্র দুইটা কাচের আলমারীতে পুস্তক রাখা হইয়াছিল । তাদের নীচের তাকগুলি খালিই পড়িয়াছিল । কারণ যে সমুদয় হালুকা বই অন্তঃপুরে রপ্তানি হইত, তাহারা পুনরায় লাইব্রেরীতে বড় একটা ফিরিয়া আসিত না । অন্ততঃ অক্ষত শরীরেত নয়ই । সুতরাং আমাদের আড্ডাটী যে অল্পপাতে জমকিয়া উঠিল, ক্ষয়শীল ক্ষুদ্র পুস্তকাগারটীর যদি সেই অল্পপাতে কলেবর বৃদ্ধি না হইয়া থাকে, সে জন্ত কারো আপসোস করিবার কোনও কারণ নাই ।

পুস্তকাগারটীর নাম রাখিয়াছিলাম “কোহিনুর” পাঠাগার ! যে দেশে বেশীর ভাগ কাণা ছেলের নামই পদ্ম-লোচন. সে দেশে আমাদের পুস্তক হীন সারস্বত ভবনের সহিত কোহিনুর স্বপ্ন জড়িত করিয়া দেওয়াতে যে অলঙ্কার শাস্ত্রোক্ত অতিশয়োক্তির দোষ ঘটয়াছিল এরূপ মনে করিবার কোনও সম্ভব কারণ দেখা যায় না ।

যা হোক, পাকা মেরুদণ্ডশালী পৃষ্ঠপোষক জোগাড় করিতে পারিয়াছিলাম বলিয়া আমাদের সর্বসাধারণের পাঠাগারে সংগ্রহের যথেষ্ট অভাব থাকিলেও পান চুরুট সোডালেমোনেড এমন কি চা কাফির ও ভাল রকম বরাদ্দ ছিল । মাঝে মাঝে আমাদের গুরু-গৌতম লাইব্রেরীতে “অ্যাট হোম” হইতেন, সেই উপলক্ষে গান বাজনারও মঞ্জলিস বসিত । গুরু গৌতম রহৎ বেতের হাঁজি চেয়ারে আপনার অরক্ষণীয় বপুখানা কোনও রূপে সামলাইয়া দশনপংক্তির মধ্যে বেতের লাঠির মত মোটা একধণ্ড চুরুট স্থাপিত করিয়া যুমস্তভাবে আমাদিগকে জিজ্ঞাসা করিতেন—“ওহে, তোমাদের এটা রিডিং রুম না প্যারির কাফে (Cafe) ? আমরা চারিদিক হইতে দ্রংষ্ট্রা ময়ূধ বিকীর্ণ করিয়া তাঁর সরস রাঙ্গকতার নিছক আনন্দটুকু উপভোগ করিতাম ; ইহার মধ্যে যে মস্ত একটা গাল

প্রচ্ছন্ন ছিল, সেদিকে আদৌ চক্ষু পড়িত না। এই ভাবে আমাদের সাহিত্য চর্চা পূরাদমে চলিতে লাগিল।

এমন সময় একটা বৃদ্ধ ভদ্রলোক আসিয়া আমাদের বাগধিলা মূনির দলে ভর্তি হইলেন।

লোকটির বেশ মোটা মোটা ভারি ভার্কজন রকমের দোহারা চেহারা। দাঁড়ি গোপ-টাঁচা। অত্যন্ত সাদা সিঁথে রকম পোষাক পরিচ্ছন্ন—দেখিয়াই বোঝা যায় বেচারী মা কমলার অমুগ্রহ বঞ্চিত; ধরণ ধারণটা কতকটা সেকলে ব্রাহ্মণ পণ্ডিত গোছের, অপচ পাণ্ডিত্যটা যে খুব বেশী প্রগাঢ়—এরূপ আশঙ্কা করিবার কোনও সম্ভব কারণ ছিলনা, যেহেতু আমাদের লাইব্রেরীর কড়িবঁধা রূপার ছঁকাটির উপর তাঁর যে পরিমাণ আশক্তি ছিল, পুস্তক পত্রিকাগুলির উপর তাঁর শিকিমাত্রা অমুরাগও দেখা যাইত না। এই সদাশয়, অমায়িক প্রকৃতির বৃদ্ধ ব্রাহ্মণটিকে আমাদের লাইব্রেরীর উশৃঙ্খল সন্তা মণ্ডলীর হাতে পড়িয়া সময় সময় বিলক্ষণ লাঞ্ছনাও ভোগ করিতে হইত, কিন্তু তাহাতে তাঁর গম্ভীর প্রকৃতি কিছুমাত্র বিচলিত হইত না। শিশুর মত সরল মুখ খানি! হাসিতে গেলে দুইগালে টোল খাইত এবং তাহাতে করিয়াই ঘেন বঁ। গালের তিলটা তাঁর আরো বেশী মানাইত!

(২)

সে দিন সন্ধ্যার পর লাইব্রেরী গৃহে আমরা সকলে মিলিয়া তুর্ক-বুলগেরিয়া যুদ্ধ উপলক্ষে সমগ্র ইউরোপ খণ্ডের রাষ্ট্রনীতির তীব্র সমালোচনা করিতেছিলাম বলিয়া রাত একটু বেশী হইয়া পড়িয়াছিল। শরতের প্রকুল জ্যোৎস্নায় পাড়াটা জননীর স্নেহ দৃষ্টির নিয়ে আনন্দিত শিশুটির মত আরামে ঘুমাইয়া পড়িয়াছে। কেবল আমাদের লাইব্রেরী ঘর হইতে তর্কের জ্বালাময় অগ্নোদগম হইতেছিল এবং তাহাতে চারিদিকের সুপ্তি-মগ্ন নীরবতা ঘেন স্পন্দিত হইয়া উঠিতেছিল। আকাশের দর্পণ স্বচ্ছ নীলিমার উপর সারসীর ঝারা পালকের মত লবু শুভ্র তরঙ্গারিত একখানি মেঘ খণ্ড, তাঁর উপর ঝাঁকা টাদ বিচিত্র লীলাভরে হেলিয়া পড়িয়াছেন। জ্যোৎস্নার লাবণ্য ধারা পান করিয়া আকাশের তারকারাজি নীহা-

রিকা পুঞ্জ সকলই নিতান্ত পাণ্ডুর। নিকটস্থিত কৃষ্ণচূড়া গাছটির পত্রবিজ্ঞাসের ভিতর দিয়া টাদের সুধা স্বর্ণ জালের মত কমমল করিয়া পৃথিবীর বুকের উপর লুটাইয়া পড়িতেছিল।

বুড়া ভদ্রলোকটির কিঞ্চিৎ আমাদের রাষ্ট্রনীতির আলোচনায় মন ছিলনা। তিনি আকাশের অনন্ত নীলিমার মাঝে আপনার মুগ্ধ নয়ন নিমগ্ন করিয়া কোন্ রহস্যময় জগতের স্বপ্ন দেখিতেছিলেন কে জানে! তাঁর ভাব দেখিয়া রসিক রগড় করিয়া বলিয়া উঠিল :—

“আরে চক্রবর্তী খুঁড়া তো একেবারে সমাধিস্থ মনে হছে!” আমাদের মজলিশে বুড়া ভদ্রলোকটি চক্রবর্তী খুঁড়া নামে পরিচিত। শরৎ রসিক হইলেও একটু চিকণ কাটিতে ভালবাসে। তাই সে একটু বাগ্জঙ্ঘলে বলিল :—

“দেখচো না, এর নাম সবিকল্প সমাধি—ইংরাজীতে একে moon struck বলে।

নগেন ছোড়াটা অতি অল্প বয়সে মোক্তারি আরম্ভ করিয়া ইঁচড়ে পাকিয়া গিয়াছিল। ইয়ার্কিতে সে ভারি মজবুত, বাপ দাদা মানে না। সে চক্রবর্তী মহাশয়কে আলগোছে একটা নাড়া দিয়া বলিল :—

“শরতের ঝাঁকা টাদ বেধে কার টাদ বদন মনে পড়েছে খুঁড়া মহাশয়?”

বৃদ্ধ চমকিয়া উঠিলেন; যেন চন্দ্র লোক হইতে ধপ করিয়া মাটিতে পড়িয়া গিয়াছেন তারপর গন্ধহীন কাঠ গোলাপের মত একটু হাসির ভাণ করিয়া বলিলেন—
ঠিক ধরেছ বাপু! ঐ টাদ দেখে, অমনি ধারা আরেক খানা টাদ খানা কচিমুখ বুকে ফিরে মনে পড়েছিল—

চারিদিক হইতে তার স্বরে প্রশ্ন উঠিল—“কার টাদ খানা মুখ?” চক্রবর্তী মহাশয় বলিলেন :—“আমার মেয়ের ঘরের নাভনী—কমলার!”

নগেন হাসিয়া বলিল :—“আমি ভাবছিলাম, বুঝি দ্বিতীয় পঙ্কের গৃহিণীর! তবু যাইটুক সম্পর্কটা আঁা ততঃ মধুর বটে! আপনার মেয়ের স্বপ্নের বাড়ী কোথা?”

বুড়া একটা আবেগ ময় দীর্ঘ নিশ্বাস ফেলিয়া বলিলেন :— “আমার মেয়ে—নীলাচলের মহারানী! কমলা—রাজ কন্যা।”

নগেন হিহি করিয়া হাসিয়া উঠিল। তার হাসির পর-
দায় পরদায় অবিশ্বাস! আমার কাছেও কণাটা নিতান্ত
অলীক বলিয়াই বোধ হইল। ভিখারীর কণা রাজরাণী!
ভাবিলাম, বৃদ্ধ বোধ হয় আফিমের নেশা করিয়া থাকেন
এবং আজ মোতামের মাত্রা কিছু বেশী চড়াইয়াছেন।

চক্রবর্তী মহাশয় আমাদের মনের ভাবটা লক্ষ্য করিয়া
ধীরে ধীরে পকেট হইতে কাপড় বাধা একটা ছোট
পুলিন্দা বাহির করিলেন। তারপর পুলিন্দার কাপড়ের
আবরণ খুলিয়া ভিতর হইতে কয়েক ভাঁজ কাগজ
মোড়ক খসাইয়া ধীরে ধীরে অতি সম্বরণে ফরাসের উপর
একখানা পুরাতন ফটো রাখিয়া দিয়া বলিলেন :—

“গাঁজাখুরি কথা নয় মহাশয়, এই দেখুন না, বর কণের
ছবি—ডানদিকে নীলাচল, বাঁদিকে আমার মেয়ে রাজ-
রাণীর বেশে।”

আমি কৌতুহল সহকারে তাড়াতাড়ি ছবি খানা
তুলিয়া লইলাম। কেবিনেট সাইজের ফটোখানা।
বয়োধিক্য হেতু আসল রং অলিয়া গিয়া ছবিতে শুকনা
পাতার জরদা রং ধরিয়াছে, ছবিটীতে বর-বধুর বিবাহ
বেশ! বিবাহের রাত্রিতে এই বিচিত্র লাস্তি পূর্ণ জগতটা
আমাদের চোখের উপর যে নন্দন কাননের ছায়া-স্বপ্ন
ফুটাইয়া তুলে ছবির বর বধুর মুখে চোখে সেই মৃগ
তৃষ্ণিকার চলনা ময় মধুর আশ্বাস! ছবিখানা আমাদের
কুতুহলী সভা মণ্ডলীর হাতে হাতে দিগিরিতে লাগিল।
নগেন বাবু ছাড়িবার পাত্র নয়! সে বলিল :—ইনিই
যে নীলাচলের মহারাজ, তার সেনাক্ত যোগ্য প্রমাণ
কোথায় খুঁড়ো মহাশয়?

শর্করী তখন ছবিটা দেখিতে ছিল। সে মুখ খানা
একটু গভীর করিয়া বেশ একটু মুকুন্দরানা ভাবে
বলিল :—“এ ছবি নীলাচলের রাজারই বটে।”

সে নীলাচলের মহারাজাকে চিনিত।

বৃদ্ধের মুখ খানি সহসা প্রসন্ন হইয়া উঠিল। সহসা
যেন তাঁর বহুদিনের ক্রুদ্ধ মেহ সাগর আজ একেবারে
উধলিয়া উঠিল। তিনি আজ আমাদের অসংখ্য কণা
বলিয়া ফেলিলেন। তাঁর মেয়ে মুরলা রূপে গুণে রাজরাণী
হওয়ারই যোগ্য বটে! রাজ জামাতা তাকে ত গরীব

বলিয়া কখনো অশ্রদ্ধা করেন না! আর কমলা!
নেতো একখানা জীবন্ত ছবি, যেমন দুখে আলতায় রং;
তেমনি ডাগর ডাগর চক্ষু! যেমন মমতা মাখা চাহনি,
তেমনি ঘনকৃষ্ণ নয়ন পল্লব। তেমনি লতায় ঢাকা তোরণের
মত বাঁকানো জোড়া ভুরু আর কোণায় আছে * * * *

নাতিনী কমলার রূপ বর্ণনা করিতে করিতে বৃদ্ধার
চোখের কোণে মুক্তার কলির মত দুটা অশ্রুর বিন্দু তার
শীর্ণ করতলের উপর আসিয়া বাড়িয়া পড়িল! বৃদ্ধের
ভাবোচ্ছাসের ভিতরে কেমন যেন একটা আশ্চর্য
মোহিনী শক্তি ছিল। আমি যেন দিব্যচক্ষে দেখিতে
পাইলাম—আমার চোখের সম্মুখে—নীলাচল! ঐ যেন
নীলাচলের মর্ম্মর প্রাসাদ স্বপ্নের কুহেলী জাল ভেদ করিয়া
ফুটিয়া উঠিতেছে; সেই মর্ম্মর প্রাসাদ যুক্ত প্রাচীর
ঘেরা অন্তঃপুরে রাজা রাণীর সুখ দুঃখের বিচিত্র সংসার!
আর দেখিতে পাইলাম—সে রাজ প্রাসাদকে উষার
নবরূপে উদ্ভাসিত করিয়া ফুটিয়া উঠিয়াছে আর একটা
অপরিস্ফুট রূপ লাভ্য ভরা চির কল্যাণময়ী বালিকামূর্তি।
সে মূর্তি রাজকণা কমলার।

শরত চক্রবর্তী মহাশয়কে বলিল “এমন জায়গা
থাকতে আপনি ভববুরের মত যেখানে সেখানে পড়ে
থাকেন কেন! জীবনের কটা দিন নাতিনার কাছেই
কাটিয়ে দিন না।”

চক্রবর্তী মহাশয় হাঁকাটা দেয়ালের উপর রাখিয়া
দিয়া একটু হাসিয়া বলিলেন :—“ও! তা হ’লে তো
ওরা হাতে হাতে স্বর্গ পায়! কিন্তু কণাটা জানেন
কি?—এক জন ধরে দৈতের সঙ্গে বন্ধুত্ব করে বাস
কচ্চি;—সে কখনো আমার সঙ্গে বিশ্বাস ধাতকতা
করলে না, আর আমি কিনা বাকী কটা দিনের জন্ম
তাকে ত্যাগ করে যাবো!”

আমি কিছু উচ্ছ্বাসিত ভাবে প্রত্যুত্তর করিলাম :—“না
কখনো না। দৈতাই দয়াময়ের সব চাইতে বড় দান,
তাকে অবহেলা করলে ঠকতে হয়!”

এবার বৃদ্ধ আমার চোখের উপর তাঁর মেহের
কোমল ব্যথাভরা নীল দৃষ্টিখানি নিবদ্ধ করিয়া আবেগ
কম্পিত ব্যাকুল স্বরে বলিয়া উঠিলেন :—

“কিন্তু কমলার নামে প্রাণ যে কেমন করে ওঠে তা আর কি বলবো আপনাকে! সে যেন আমার প্রাণের শিকড় ধরে টানছে; মনে হয়, পাখী হয়ে তার হাতের উপর গিয়ে উড়ে পড়ি!”

বৃদ্ধের আবেগময়ী বাণী বাতাসে একটা ভাবের ঝঙ্কার তুলিয়া দিয়া মিলাইয়া গেল। আমি দীর্ঘনিশ্বাস ত্যাগ করিলাম। এমন সময় “বিদ্বাৎবার্তা” নামক সাপ্তাহিক কাগজ খানা পড়িতে পড়িতে শর্করী বলিয়া উঠিল:—

“ভারি সুখস্বর চক্রবর্তী খুড়ো! নীলাচলের মহারাজ সপরিবারে এখানে আসবেন—আসচে শনিবার।”

এ শুভ সংবাদে কিন্তু চক্রবর্তীর মুখখানা সহসা ভয়ঙ্কর বিবর্ণ হইয়া গেল। তিনি কোন রকমে নাকের উপর ভাঙ্গা চশমাটা স্থাপন করিতে করিতে শর্করীর দিকে আপনার কম্পিত শীর্ণ হাতখানি বাড়াইয়া দিয়া বলিলেন:—“মহাশয় কাগজখানা দিন দেখি আমায় একবার।”

শর্করী ধবরের কাগজ খানা বৃদ্ধের হাতে দিল। তিনি পড়িলেন:—“আমরা বিশ্বস্ত স্ত্রে অবগত হইয়াছি, নূতন টেনিস ক্লাব খোলা উপলক্ষে নীলাচলের মহারাজ আগামী শনিবার (২শে ভাদ্র) অত্র সহরে শুভাগমন করিবেন। মহারাজ “রাজনিবাস” ভবনে কিছুদিন সপরিবারে বাস করিয়া দারাজলিং যাইবেন। তাঁহাকে যথোচিত অভ্যর্থনা করিবার জন্ত সহরে বিপুল আয়োজন চলিতেছে। পাঠকগণের স্মরণ থাকিতে পরে, এই ক্লাব প্রতিষ্ঠার জন্ত মহারাজ এককালীন একহাজার টাকা টাঙ্গা দিয়াছেন।”

বৃদ্ধ ধবরটা অনেকবার পড়িলেন। কিছুক্ষণ চুপ করিয়া থাকিয়া বৃদ্ধ বলিলেন:—“ওঃ! আমাকে বাক এরা এবার গোপনে জালে আটকাবার ফন্দি করেছে! কিন্তু আমি যে শিকল কাটা টিয়ে”।

কথাটা বলিয়া আবার একটু হাসিলেন। কিন্তু মুখখানা তখনো অচিরোদ্যত তৃণরাশির গায় পাণ্ডুর

“হায়রে সে হাসি নয়, হাসির সে অভিনয়,
সিদ্ধ করে কবির নয়ন!”

আমি একটা কি কথা বলিতে যাইতেছিলাম, এমন সময় বৃদ্ধ তাড়াতাড়ি উঠিয়া দাঁড়াইয়া বলিলেন—
“আজ তবে আমি?”

নগেন বলিল:—সে কি চক্রবর্তী খুড়ো, আজ এত সকালে যে?”

বৃদ্ধ গুজ গুজ করিয়া হিজি হিজি কি একটা বলিতে বলিতে ঘর হইতে বাহির হইয়া গেলেন।

(৩)

সেই যাওয়াই শেষ যাওয়া—আর আমরা বৃদ্ধের সাক্ষাৎ পাই নাই। আমরা সকলে আবার লাইব্রেরী ঘরে রীতিমত সন্ধ্যা সমিতি জুড়িয়া দিয়াছি কিন্তু চক্রবর্তী খুড়োর অভাবটা আমরা সকলেই ভিতরে ভিতরে বেশ অনুভব করিতেছিলাম, তাই যেন আমোদটা ভাল করিয়া জমিতেছিল না। আমি বলিলাম, কিহে নগেন, চক্রবর্তী খুড়োর যে আর কোনও খবর পাওয়া যাচ্ছেনা, ব্যাপার খানা কি?”

নগেন শুনিয়া বলিল, খুড়ো নিশ্চয় রাজবাড়ীর সীতা-ভোগ সরপুলির মাঝে একবারে আত্মবিসর্জন করেছে।”

আমি মাথা নাড়িয়া বলিলাম:—“উহঁ, খুড়ো সে ধাতের লোকই নয়।”

শর্করী বলিল:—“রাজ জামাতা এবার নিশ্চয় ভবঘুরে শ্বশুরটিকে আটক দিয়েছেন—বোধ করি এবার ঠাকুরের নীলাচল পর্য্যন্ত দৌড়াতে হচ্ছে।”

কথাটা যেন অনেকটা সম্ভবপর মনে হইল, আমি মনে মনে খুব আরাম বোধ করিলাম। ভাবিলাম কণ্ঠ্য বৃদ্ধ এতদিন পরে তাঁর উপায়হীন অভিমানী বৃদ্ধ পিতাকে মাতৃহীন শিশুটার মত আপনার স্নেহের অঙ্কে ডাকিয়া লইয়াছেন! রাজকুমারী কমলার মুক্ত প্রীতিরসে বৃদ্ধের হৃদয়ের গুঁড় শাখাটা এতদিনে বৃদ্ধি আনার ফুলে পাতায় মুঞ্জরিত হইয়া উঠিয়াছে।

আমি প্রফুল্ল হইয়া বলিলাম:—“চলনা আমরা সকলে একদিন রাজবাড়ীতে গিয়ে বৃড়োকে একটা অভিনন্দন পত্র দিয়ে আসি।”

প্রস্তাব করা মাত্র অমনি “রিজিউসন পাশ” হইয়া গেল। অনেক সখের সেনা জুটিয়া গেল,

সকলেই ভলান্টিয়ার! কিন্তু কার্য্য কালে দেখা গেল, ওটা একটা নৈদান্তিক মায়া মাত্র। কারণ বৃদ্ধের খোঁজে আমাকে একাকীই “রাজদ্বারে” উপস্থিত হতে হইল। রাজদ্বার বা তত্ত্বল্য স্থানে বন্ধুত্ব সম্ভাবনা যে, এই প্রকারই হইয়া থাকে, শাস্ত্রেও ঐরূপ প্রবচন আছে।

যাই হউক, যৎকিঞ্চিৎ কাঞ্চন মূল্য রাজবাড়ীর খান-সামাকে অল্প প্রায়শ্চিত্ত স্বরূপ দান করিয়া তার সহিত মিত্রতা স্থাপন করিলাম। তারপর বন্ধুত্ব কিছু গাঢ় হইলে পর তাহাকে জিজ্ঞাসা করিলাম :—

“রাজাবাহাদুরের খশুরটীর সন্ধান আমাকে বলে দিতে পার?” সে ত কিছুতেই সে কথা আমাকে বলিবে না। সে বলিল :—

“মশায়, ওসব বড় লোকের ঘরের কথা, আপনি শুনে কি করবেন!” অল্প প্রায়শ্চিত্তটা নিতান্ত ভয়ে বি টালা হইল দেখিয়া আমি আরো এক শিশি কবুল লইলাম। তখন খানসামা মহাশয়ের মুখ ধুলিল। তিনি সংক্ষেপে বলিলেন :—

“দেখুন আমাদের রাজাবাহাদুরের খশুর টুতুরের খবরাখবর আমরা কিছু জানি না। তবে কিনা আজ কদিন হলো একটা বুড়ো ভদ্রলোক রাণী মা ও রাজ কুমারীর সঙ্গে দেখা কস্তে এসে এখানে তারকেখরের মতো হত্যা দিয়েছিল। রাজাবাহাদুরত চটিয়া আশুন। নায়েবের উপর হুকুম হলো, বুড়োকে এখনি বাড়ী থেকে বের করে দাও। বুড়োট’ও নাছরবান্দা, দেখা না করে কিছুতেই যাবে না। অবশেষে রাজাবাহাদুরের দার-জিলিং রওনা হওয়ার আগে বুড়ো অনেক কষ্টে রাণীমার সঙ্গে একবার দেখা করার হুকুম পায়। যখন দেখা হয়, তখন দরজার পাশে দাঁড়ায়ে আমি সব ব্যাপারখানা দেখেছিলাম। রাণী মুখ হেট করে দাঁড়ায়ে ছিলেন। রাজাবাহাদুরত একেবারে অগ্নিশর্মা। আর রাজ কুমারী কমলা, আমাদের মা লক্ষ্মী চোখে আচল দিয়ে দাঁড়ায়ে খালি কাঁদছিলেন। রাজাবাহাদুর বুড়োকে খুব রাগ হয়ে বললেন—

“তুমি আর আরগা পেলো না, শেষকালে সহরে এসে

আমার মুখ হাসাতে আরম্ভ করলে। দশলোকে শুনে কি বলবে যে নীলাচলের রাজার খশুর একটা ভববুরে যাত্রার দলের অধিকারী!”

রাণী মা মুখ চোখ রাঙ্গা করে বলেন :—“বাবা, এই জন্মই কি তোমায় আমি চুপি চুপি মাসে মাসে পাঁচ টাকা করে সাহায্য করে আসছি—”

কমলা অশ্রুসিক্ত মুখে রাণীকে বলিল :—

“তাতে আর ওঁর দোষ কি হয়েছে মা, বড়লোকের কি গণীত দুঃখী আপনার মানুষ থাকতে নেই?—বাবা! তুমি যদি একদিন গরীব হয়ে যাও, তবে কি তোমায় আমি বাবা বলে ডাকবো না?”

রাঙ্গা বাহাদুর ধমক দিয়ে বলিলেন :—চুপ কর কমলা, তোর আর ভাগবত ব্যাখ্যা কস্তে হবে না।

বুড়ো আর কি করে!—রাজকুমারীর মাথা ছুঁয়ে আশীর্বাদ করে ধীরে ধীরে সেখান থেকে চলে গেল— আর তার কোন খবর রাখিনা আমরা।”

পরদিন সারা সহর ভরিয়া বৃদ্ধের অনুসন্ধান করিলাম। কোথাও তার কোনও সন্ধান পাওয়া গেল না। মনটা ভারি খারাপ হইয়া গেল।

কয়েক দিন পরে বিহাৎবার্তার স্থানীয় স্তম্ভে পড়িলাম একটা স্থানে লেখা আছে :—“আজ কয়েক দিন হইল সহরের প্রায়শ্চিত্ত খালে একটা বৃদ্ধের মৃতদেহ ভাসমান অবস্থায় পাওয়া গিয়াছে। বাম গালে একটা কৃষ্ণ তিল ভিন্ন সেনাক্ত যোগা আর কোনও চিহ্ন নাই। স্থানীয় পুলিশ তদন্তে ব্যাপ্ত আছেন!”

শ্রীশুরেশচন্দ্র সিংহ শর্মা ।

অসময়ে ।

লুটিয়া মধুর ভাও
অলি যবে চলে যায়,
ফুল বালা কহে কাঁদি—
“আয় অলি! বুকে আয়!”
অলি কহে—‘ওণ্ ওণ্’
সে ওণে কহিছে তার—
“এসেছি এসেছি প্রিয়ে!
কি ওণে বাঁধিবে আর ?

শ্রীদেবেন্দ্রনাথ মহিস্তা ।

মার্কিন সাধারণ তন্ত্রে প্রথম বাঙ্গালী উপনিবেশিক।

প্রাচীন আর্ধ্যগণ পৃথিবীর নানা দেশে আধিপত্য বিস্তার ও উপনিবেশ সংস্থাপন করিয়াছিলেন, নানা দিগদেশে তাহার বহু নিদর্শন আজও দেখিতে পাওয়া যায়। সুবিখ্যাত কোলম্যান সাহেব বলেন যে, সুপ্রসিদ্ধ জর্মন পরিব্রাজক বৈজ্ঞানিক ব্যেরণ হাম্বোল্টের বর্ণনায় দেখা যায়, তিনি আমেরিকায় হিন্দুবসতির সুস্পষ্ট পরিচায়ক বহু নিদর্শন দেখিতে পাইয়াছিলেন। পেরু প্রদেশের সামাজিক রীতিসমূহের সহিত ভারত বর্ষের রীতির বহু সোসাদৃশ্য দেখিয়া ঐতিহাসিক পকক্ সাহেব তদ্বি-রচিত India in Greece গ্রন্থে (১৭৪পৃঃ) লিখিয়াছেন যে, পেরু প্রদেশের ও ভারতবর্ষের লোক, উভয়ই যে এক জাতি সম্ভূত, তাহার সন্দেহ নাই। প্রাচীন আমেরিকার স্থাপত্য, হিন্দু স্থাপত্যের আদর্শে গঠিত বলিয়া হার্ডি সাহেব এনং সুইর সাহেব সিদ্ধান্ত করিয়াছেন। প্রাচীন আমেরিকার পৌরাণিক প্রসঙ্গে হিন্দুদের ঞায় ধরিত্রী মাতার পূজা বা বাস্তু পূজার কথা শুনিতে পাওয়া যায়। শ্রীবন্দাবন, গোকুল প্রভৃতি হিন্দুতীর্থে শ্রীকৃষ্ণ ও বুদ্ধ দেবাদির যে প্রকারে চরণ পূজা করা হয়, মেক্সিকো দেশেও সেইরূপ জাতীয় বীরশ্রেষ্ঠ মহাপুরুষ নর-দেবতাদের পদ চিত্রের পূজা করিবার প্রথা আজও প্রচলিত আছে। আমেরিকানেরাও ভারতবর্ষীয় লোকের ঞায় চন্দ্রগ্রহণ ও সূর্যগ্রহণ উপলক্ষে নানা অনুরূপ অনুষ্ঠানচরণ করিয়া থাকে। মেক্সিকোর লোকে হিন্দু দেবতা



শ্রীযুক্ত অক্ষয়কুমার মজুমদার।

কাহিনী হিন্দুদের ঞায় প্রাচীন আমেরিকানেরাও বর্ণনা করিয়া গিয়াছেন। এই পৃথিবী যে কূর্ম পৃষ্ঠে অবস্থিত রহিয়াছে, ভারতবর্ষীয় পুরাণের ঞায় প্রাচীন আমেরিকানেরাও এ মতে বিশ্বাস ক রতেন। মনসাদেবীর পূজাও ভারতবর্ষের ঞায় আমেরিকাতে প্রচলিত ছিল। প্রাচীন আমেরিকান নরনারীর পরিচ্ছদও বহুলাংশে হিন্দু নর-নারীর অনুরূপ ছিল। প্রাচীন পেরু-ভিয়ারেরা অপনা-দিগকে সূর্য্য বংশোদ্ভূত বলিয়া বিশ্বাস করিত ও গৌরব বোধ করিত। শ্রীরামচন্দ্রের বিজয়োৎসব সময় প্রতি বৎসর আমেরিকার নানা স্থানে “রামসীতা” উৎসব আজও অক্ষুণ্ণিত হয়। প্রাচীন গ্রীস, রোম, ব্যাবিলন, মিশর প্রভৃতি নানা জনপদে গমন করিয়া ভারতবর্ষীয় আর্ধ্যেরাই যে উপনিবেশ স্থাপন করতঃ সর্বপ্রথম জ্ঞানা-লোক ও সভ্যতা বিস্তার করিয়াছিলেন, উচ্চশ্রেণীর বহু পাশ্চাত্য পণ্ডিত তাহা নানা প্রমাণ প্রয়োগ করিয়া নির্ধারণ করিয়া গিয়াছেন।

আমাদের প্রাচীন পুরাণেতি-হাসেও আর্ধ্যগণের বিভিন্ন দেশে উপনিবেশ স্থাপন ও সভ্যতা বিস্তার সম্পর্কে অনেক বিবরণ লিখিত আছে। মহাভারতে আছে, তৃতীয় পাণ্ডব অর্জুন পাতালপুরীর রাজকন্ঠা উলুপীর পাণগ্রহণ করিয়াছিলেন। শাস্তিপর্কে মোক্ষ-ধর্ম বিষয়ে ব্যাস—শুক সংবাদ পাঠে জানা যায়, মহাত্মা ব্যাসদেব আপন পুত্র শুকদেব ও শিষ্যের সহিত পাতালে গিয়া কতক

দিন বাস করিয়াছিলেন। কপিল মুনিও পাতাল-পুরে বাস করিতেন। সগর রাজার পুত্রেরা এবং পৌত্র অশ্বমান, সকলেই পাতালধণ্ডে গমন করিয়াছিলেন। স্বামী দয়ানন্দ সরস্বতী প্রভৃতি প্রাচ্য পণ্ডিত শিরোমণি

এবং এমেরিগো ভেস্পুসির আমেরিকা এক এক অভিন্ন। মোট কথা, প্রাচীন আর্য্যগণ জলপথেও বর্তমান ইউরোপ, আফ্রিকা, আমেরিকা প্রভৃতি নানা দেশে গমনাগমন করিতেন ও উপনিবেশ বিস্তার করিয়াছিলেন তাহার সন্দেহ নাই। ভারতের এখন আর সে দিন নাই; এসব কাহিনী কিম্বদন্তী এখন আমাদের অনেকের নিকট অলৌকিক স্বপ্নের বোধ হওয়া বিচিত্র নহে,—অনেকে এ সব কথার সত্যতায় হয়ত বিশ্বাসই করিতে পারিবেন না, বরং উপহাস করিবেন। *

আমেরিকা এখন ইউরোপীয় উপনিবেশিকদের নিজস্ব সম্পত্তি। সে দেশের কোথাও প্রাচ্য এশিয়ার কোন অধিবাসীর এখন “নাগরিকের অধিকার” লাভ করা সুলভ বা সহজ সাধ্য নহে। আমেরিকার ইউনাইটেড স্টেটসের ক্যালিফোর্নিয়া প্রদেশের রাষ্ট্রীয় সভা, সে দেশ হইতে জাপানী প্রবাসীদিগকে বিতারিত করিবার জ্ঞান নানা কঠোর বিধি প্রণয়ন করিতে উদ্যত হইয়াছে। এ বিষয় লইয়া পাছে নব্য জাপানের জাতীয় অভিমানে আঘাত লাগে, পাছে মার্কিনের সহিত যুদ্ধ বাধে, এই আশঙ্কায় মার্কিনের অনেক মনস্বী ব্যক্তি, এমন কি মার্কিন সাধারণতন্ত্রের স্তাপিত মহাশয় পর্য্যন্ত ব্যস্ত ও চিন্তিত হইয়া পড়িয়াছেন। এ বিষয় নিয়া জাপানের সহিত তাঁহাদের কোন যুদ্ধ বাধিবে কি না, ভবিষ্যতব্যতাই বলিতে পারেন। পাশ্চাত্য জগতের কোন দেশ প্রজাতন্ত্র শাসনাধীন হইলেও পশ্চিম সর্বদা এবং সর্বত্রই পশ্চিম। সুতরাং জাপানীরা অতি সহজে আমেরিকায় খেতাজ অধিবাসীদের তুল্য নাগরিক অধিকার লাভ করিতে পারিবে, বিশ্বাস হইতেছে না। এদিকে আবার জাপান বিগত চীন ও রুশের সহিত সংগ্রামে যেরূপ অসাধারণ বীরত্ব ও শক্তিমত্তার পরিচয় দিতে পারিয়াছে, তাহাতে পাশ্চাত্য শক্তিসমূহ এখন সকলেই জাপানকে “সত্য” জাতি বলিয়া স্বীকার করিতে বাধ্য হইয়াছেন। সুতরাং

জাপানের অপমান ও স্বার্থহানি করা এখন আর নিতান্ত সহজ নয়।

যাহা হউক, সে সকল বড় বড় কথায় আমাদের প্রয়োজন নাই। আজ আমরা আমাদের পাঠকস্বর্গকে একটা আফ্লাদের সমাচার শুনাইতে চাই।

আমাদের এই বঙ্গদেশের,—আমাদের স্বজাতি এই ময়মনসিংহের শ্রীযুক্ত অক্ষয়কুমার মজুমদার নামক এক ভদ্র সন্তান সম্প্রতি এমেরিকার ইউনাইটেড স্টেটসে অধিবাসী নাগরিকের সভ্যধিকার (Citizenship of the U. S. of America) প্রাপ্ত হইয়াছেন। ষ্টাণ্ডার্ড পত্রিকায় নিউইয়র্ক নগরের সংবাদদাতা এ সম্পর্কে যে বিবরণ লিখিয়া পাঠাইয়াছেন, তাহার মর্ম্মোদ্ধার করিয়া আমরা এখানে প্রকাশ করিতেছি।

শ্রীযুক্ত অক্ষয়কুমার মজুমদার মহোদয় সে দেশের বিচারালয়ের সাহায্যে দীর্ঘ দুই বৎসর কালব্যাপী মোকদ্দমায় লিপ্ত থাকিয়া বহু ব্যয় ও পরিশ্রম করিয়া এই অধিকার লাভ করিয়াছেন। পূর্বে একবার ওয়াশিংটন সহরের বিচারপতি ফ্রাঙ্ক রাড্‌কিন সাহেব মজুমদার মহাশয়কে অনধিকারী সাব্যস্ত করিয়াছিলেন। এবার পুনর্বিচার করিয়া পূর্বসিদ্ধান্ত পরিহার করিয়াছেন। এবারের রায়ে বিচারপতি রাড্‌কিন বলিয়াছেন, অক্ষয় বাবু অত্যাগ্ন মুক্ত খেতাজ নাগরিকের সমতুল্য লোক (A free white person)। এ সিদ্ধান্তে উপস্থিত হইতে জজ বাহাদুরকে অনেক তথ্যের আলোচনা করিতে হইয়াছে।

অক্ষয় বাবু তাঁহার আবেদন পত্রে লিখিয়াছিলেন :— “আমি হিন্দুস্থানের উত্তর ভাগ—আর্য্যাবর্ত্ত হইতে এদেশে আসিয়াছি। আমি একজন উচ্চশ্রেণীর হিন্দু,—রণ-ব্যবসায়ী অর্থাৎ বিত্তক কৃত্রিয় বংশে আমার জন্ম। উচ্চ শ্রেণীর হিন্দুগণ আপনাদিগকে আর্য্যবংশোদ্ভব বলিয়া বিবেচনা করেন। এজন্য তাঁহারা তাঁহাদের স্বদেশীয় ভাষায় হিন্দুস্থানকে “আর্য্যাবর্ত্ত” বলিয়াই অভিহিত করেন। আর্য্যাবর্ত্তের অর্থ—আর্য্যদিগের আবাসভূমি।”

বিচারপতি রাড্‌কিন সাহেব রায়ে লিখিয়াছেন :— “মুক্ত খেতাজ ব্যক্তি কথাটা প্রথমে ইউরোপের উত্তরাংশ

*এ সম্পর্কে বিস্তারিত বিবরণ জানিতে উৎসুক হইলে, আগামী নগর নিবাসী শ্রীযুক্ত পণ্ডিত হরবিলাস প্রণীত Hindu Superiority নামক সুলিপিত গ্রন্থখানা পাঠ করিবেন। (লেখক)।

হইতে সমাগত ব্যক্তিবর্গকেই বুঝাইত এবং প্রচলিত আইনে এই অভিপ্রায়েই এ কথাটা ব্যবহৃত হইয়াছিল। যে সময়ে বর্তমান আইন প্রণীত হইয়াছিল, তখন উত্তর ইউরোপের অধিবাসীদের সহিতই এ দেশের রাষ্ট্রীয় সভা ও কংগ্রেসের সম্পর্ক ছিল। ভারতবর্ষ ও আফ্রিকার অধিবাসীদিগকে এই অভিধান হইতে বাহিরে রাখাও বোধ হয় কংগ্রেসের উদ্দেশ্য ছিল। কংগ্রেসের মূল উদ্দেশ্য যাহাই থাকুক, প্রকৃত ককেশীয় বংশোদ্ভব কোন ব্যক্তিকেই এ দেশে নাগরিকের অধিকার হইতে বঞ্চিত করা কংগ্রেসের অভিপ্রায় ছিল না, আমার এইরূপ ধারণা। ভারতবর্ষের কতকগুলি লোক যে ককেশীয় বংশোদ্ভব, তাহার সন্দেহ নাই। উপস্থিত আবেদনকারীর কথার উপর নির্ভর করিয়া, তাঁহার ককেশীয় বংশে জন্ম হইয়াছে, আমি এইরূপ সিদ্ধান্ত না করিয়া পারিতেছি না। “মুক্ত খেতান ব্যক্তি” বলিতে ভবিষ্যতে কোন নির্দিষ্ট গণ্ডীভুক্ত মনুষ্য মণ্ডলীকেই বুঝাইবে কি না, এ দেশের কংগ্রেস রাষ্ট্রীয় সভা এরূপ কোন স্পষ্ট বিধান প্রণয়ন করা প্রয়োজন মনে না করিলে, এবং সেরূপ কোন স্পষ্ট বিধান প্রণীত করিয়া প্রচলিত আইনের পরিবর্তন না করিলে, বিচারক এইরূপ ক্ষেত্রে এইরূপ মীমাংসা না করিয়া পারিবেন না।

উপস্থিত প্রার্থীর আবেদন ও প্রমাণাদির আলোচনায় সন্তুষ্ট হইয়া আমি তাঁহার ইউনাইটেড স্টেটসের নাগরিকের অধিকার স্বীকার করিলাম।”

বিচারকের সিদ্ধান্ত পত্রের উপসংহার ভাগের মন্তব্য ভবিষ্যতে আমাদের ভারত প্রবাসীদের পক্ষে বিশেষ সফল প্রসূ হইবে, মনে হইতেছে না। আমাদের আশঙ্কা হইতেছে, সে দেশের তীক্ষ্ণদর্শী ও দূরদর্শী কংগ্রেস রাষ্ট্রীয় সভা হয় ত অচিরে “মুক্ত খেত মনুষ্যের” অভিধানে নূতন বিধানে সংকীর্ণতর গণ্ডীতে আবদ্ধ করিবেন।

সে যাহা হউক, এখন আমরা শ্রীযুক্ত অক্ষয়কুমার মজুমদার মহাশয়ের অধ্যবসায়ের শতবার প্রশংসা করিয়া অতি সংক্ষেপে তাহার বংশ পরিচয়াদি উল্লেখ করতঃ এই প্রবন্ধের উপসংহার করিতেছি।

শ্রীযুক্ত অক্ষয়কুমার মজুমদারের নিবাস ময়মনসিংহ জেলার অন্তর্গত টাঙ্গাইল। ইঁহার আটবেদের মজুমদার

বলিয়া পরিচিত। আটবেদ টাঙ্গাইল মহকুমার দক্ষিণ প্রান্তে অবস্থিত। আটবেদের মজুমদারের বাজুর সমাজে কুলীন। এই বংশের উদয়নারায়ণ মজুমদার মুর্শিদাবাদের নবাবের দেওয়ান ছিলেন—তাঁহার উপাধি ছিল ‘রায় সাহেব’; রায় সাহেবের পৌত্র ৮পূর্ণচন্দ্র মজুমদার অল্পদিন হইল পরলোক গমন করিয়াছেন। ইনিও মুর্শিদাবাদের বর্তমান নবাবের দেওয়ান ছিলেন এবং মুর্শিদাবাদে থাকিয়া ‘বাঙ্গালার মসনদ’ নামক সচিত্র ইংরেজী গ্রন্থ প্রণয়ন করিয়াছিলেন।

এই গুহ মজুমদার বংশে—অক্ষয়কুমার জন্মগ্রহণ করেন। তাঁহার পিতা—৮ ছর্গানাথ মজুমদার টাঙ্গাইল ওকালতি করিতেন। তিন ভ্রাতার মধ্যে অক্ষয় কুমার জ্যেষ্ঠ। অক্ষয়কুমার টাঙ্গাইল বিন্দুবাসিনী স্কুলের ২য় শ্রেণী পর্য্যন্ত পড়িয়া স্কুল পরিত্যাগ করেন এবং বহু স্থান ভ্রমণ করেন।

ছোট বেলা হইতেই তাঁহার স্বাধীন জীবিকা অর্জনের প্রবল বাসনা ছিল। পাঠ পরিত্যাগ করিয়া তিনি নিঃসম্বল পদব্রজে চট্টগ্রাম চলিয়া যান। সেখান হইতে পীড়িত হইয়া তিনি বাড়ী ফিরিয়া আসিতে পথে ঝড়ে ভয়ানক বিপদ গ্রস্ত হন। ইহাতে তাহার কণামাত্রও ভয়ের সঞ্চার হয় না। তিনি ভারতের নানা স্থান একাকী পরিভ্রমণ করেন। অক্ষয় বাবু অবশর পাইলেই ইংরেজী সাহিত্য অধ্যয়ন করিতেন।

১২০০ সনে সন্তোষের শ্রীযুক্ত মনমথনাথ রায় চৌধুরীর (অতঃপর—রাজা) অর্থ সাহায্যে জাপান গমন করেন। তিনি জাপানে তিন চার বৎসর অবস্থিতি করিয়া আমেরিকা গমন করেন এবং তথায় অর্থ উপার্জন করিতে প্রবৃত্ত হন। বর্তমান সময় তিনি আমেরিকায় একটা স্বর্ণখনির আংশিক মালিক হইয়াছেন। অক্ষয়কুমারের বয়স এখন ৩৫ কি ৩৬, এখনও তিনি অবিবাহিত জীবন-যাপন করিতেছেন।

শ্রীকালীপ্রসন্ন চক্রবর্তী

শুভ-দৃষ্টি ।

আভাষ ।

কৈশোর যৌবনের সঙ্গম সময় হইতেই বন্ধিম বাবুর নায়িকা গুলির রূপ-মাধুর্য্য আমার হৃদয় দ্বারে চুপি চুপি উঁকিঝুকি দিতে চেষ্টা করিতেছিল। ফলে—বিংশতি বর্ষ বয়সেই বাণী মন্দিরের সকল সম্পর্ক ত্যাগ করিয়া আমি সূর্য্যমুখীর ঞায় নায়িকার অনুসন্ধানে লালায়িত হইয়া উঠিয়াছিলাম।

পিতৃদেবের মৃত্যুর পর ঋণদায়ে প্রায় সর্ব্বস্ব নীলাম হইয়া যায়। অবশেষে “বাস্তাভিটা” খানা নীলামে চড়িল। অবস্থা দেখিয়া, মাতুল মহাশয় একজন ধনবানের কন্টার সহিত আমার সম্বন্ধ স্থির করিয়া পৈত্রিক ভিটাখানা রক্ষা করিবার ব্যবস্থা করিলেন। ধনবানের সহিত ধনহীনের সম্মিলনের পরিণাম চিন্তার অবসর আমাদিগের একেবারেই ছিল না। অবস্থা চিন্তা করিয়া মাতাঠাকুরাণী তাহার ভ্রাতার কথায় সায় দিলেন; অগত্যা আমিও সম্মতি দান করিতে বাধ্য হইলাম। আমার প্রমত্ত হৃদয়ের অনন্ত কল্পনা একেবারে চুরমার হইয়া গেল। ঋণদায়ে ঠেকিয়া ভাবের রাজ্য হইতে গনটাকে ফিরাইয়া লইলাম। শুভদিনে সরলা আসিয়া আমার পৈত্রিক “খামার খানাবাড়ী” রক্ষা করিলেন। আমার জীবন নদীতে নূতন বাণের জোয়ার ভাটা খেলিতে লাগিল। স্মৃতির ও রোজ নামচার সাহায্যে সে জোয়ার ভাটার সংক্ষিপ্ত ইতিহাস সদাশয় পাঠকগণের সম্মুখে উপস্থিত করিলাম।

প্রথম পরিচ্ছেদ ।

বিকার ।

বৃহস্পতিবার—শুভদিন। শুভদিনে শুভকর্ম্ম হইল বটে কিন্তু দিনের দুর্ঘ্যোগে শুভ-দৃষ্টিটা হইল না। কোন প্রকারে প্রাণে প্রাণে বাসর ঘরে আসিয়া আশ্রয় লইলাম। মূলধারে বৃষ্টি পড়িতে লাগিল।

ঋণদায়ের হর্ভাবনা ভুক্তভোগী ব্যতীত অন্তে বৃঝিবে না নিতান্ত দায়ে পড়িয়া যে ভাবের রাজ্য হইতে বিদায়

গ্রহণ করিতে বাধ্য হইয়াছিলাম, ঋণমুক্তির পর, ফুল শয্যায় শুইয়া, সরলার অনিন্দ্য সুন্দর মুখ খানা দেখিয়া মন পুনরায় সেই ভাবের রাজ্যে উধাও হইয়া ছুটিয়া চলিল। অনন্ত কল্পনা হৃদয়ে আবার লহর তুলিয়া খেলা করিতে লাগিল।... সরলার মুখ খানা বাস্তবিকই আমার চোখে বড় সুন্দর লাগিল। আমি একটু অতিরিক্ত বেহায়া হইয়া তাহার লাজমুদ্রিত চক্ষু ছুটির পানে চাহিয়া রহিলাম। বাসর ভরা লোক, হাসি ঠাট্টার রোল, ঠেলা ধাক্কার কুরুক্ষেত্র, বৌদিদি কোম্পানীর অত্যাচার— আমার তাহাতে ক্রম্পও নাই। আমি সূর্য্যমুখীর সহিত সরলার তুলনা করিয়া ভাব রাজ্যে একটা নূতন সৌধ নির্মাণ করিতে ছিলাম; সুরেশকে হরদেব ঘোষালের স্থানে অভিষিক্ত করিয়া তাহার নিকট সরলার রূপ ও গুণের একটা বিস্তৃত চিঠির মুসাবিধা কল্পনা করিতেছিলাম! ভাব-রাজ্যের এমনট মহিমা !!

ক্রমে ভিড় কমিতে লাগিল। ছেলে পিলে গুলি ঘুমাইয়া পড়িল; পাড়ার বৌদিদি কোম্পানীও ভাটার স্রোতে বিরল হইয়া পড়িতে লাগিলেন।

সময় বুঝিয়া আমি আমার জীবনের চির-সঙ্গিনীর সহিত প্রণয়ের প্রথম সম্ভাষণের ভাষা অনুসন্ধানে ব্যস্ত হইলাম। কি কথা বলিয়া প্রথম সম্ভাষণ করিব?

ঠিক করিলাম প্রথমে তাহার নামটাই জিজ্ঞাসা করিব। অমূল্য সময় বৃথা নষ্ট না করিয়া আমি নব বধুকে চুপি চুপি প্রথম সম্ভাষণ করিয়া ফেলিলাম।

চাপামুখে স্মিত প্রভা ফুটিয়া উঠিল। সে হাসির স্পন্দন আমার বুকের ভিতর আসিয়া অমৃত সিঞ্জন করিয়া গেল।

নিতান্ত লজ্জিত ভাবে মুখে কাপড় টানিয়া দিয়া সরলা পাশ ফিরিতে চেষ্টা করিল। চেষ্টা ব্যর্থ হইল। প্রতিধ্বনি নিরন্তর।

জীবনের প্রথম, প্রেম-সম্ভাষণ এইরূপ নির্দয় ভাবে উপেক্ষিত হওয়া নিতান্তই সাংঘাতিক। আমি অপ্রতিভ হইলাম বটে, কিন্তু নিরাশ হইলাম না। বুঝিলাম সম্ভাষণটার মাঝে গল্পভাবের ‘পান’ পড়িয়া গিয়াছে বেশী। ইহার একটা এম্বেণ্ডমেন্ট বা প্রতি প্রসবের নিতান্তই প্রয়োজন। • নূতন ‘কিণ্ডার গার্টেন’ প্রণালী

অবলম্বনে প্রস্তুতি হওয়া উচিত ছিল। তাহাই করিলাম।
একটি পানের খিলি লইয়া জিজ্ঞাসা করিলাম—
“পান খাবে?”



‘আপন মনে পথ চলিতেছিলাম।’

পুনরায় মুখে চোখে জ্যোৎস্না ফুটিয়া উঠিল। কিন্তু মুখ ফুটিল না। আমি আদর করিয়া খিলিটা মুখে গুঁজিয়া দিলাম। আমার বুক ছুঁছুঁ করিয়া স্পন্দিত হইতে লাগিল। প্রেম অবজ্ঞাত হওয়ার চেয়ে মর্মান্তিক দুঃখ প্রেমিকের নিকট আর কিছুই নহে।

এবার আর তাহা হইল না। প্রথম উপহার উপেক্ষিত হইল না দেখিয়া হৃদয়ে অপরিসীম আনন্দ উপভোগ করিতে লাগিলাম। সাহস বাড়িয়া গেল। বোটার করে একটু চুণ লইয়া বলিলাম “চুণ চাই কি”?

এবার মাথায় সায় পাইলাম। হৃদয়ে আনন্দ আর ধরে না। মনে মনে বুঝিলাম, এইরূপ ‘কিওয়ারগাটেন’ প্রণালীই আশু ফলপ্রসূ। কার্যতঃ তাহাই দেখা গেল। ইহার পর সরলা অতি অল্প সময়ের মধ্যেই বিদ্রোহ পরিত্যাগ করিয়া আমার নিকট আত্মসমর্পণ করিল।

শনিবার, শুভরাত্রি। আজ সরলার সহিত লঘু অবগুষ্ঠনের অন্তরাল হইতেই অনেক কথাবার্তা হইল। সরলা তাহার একখানা ফটো আমাকে উপহার প্রদান

করিল। আমিও তাহার সহিত অনুরী বিনিময় করিলাম। আদান প্রদান অনেক হইল, কিন্তু ‘শুভদৃষ্টি’ হইল না। অনুরয় বিনিময়ের ক্রটি করিলাম না, কিন্তু

কিছুতেই চারি চকের সম্মিলন হইল না।

বুধবার। সরল পিত্রালয়ে গিয়াছে। বিবাহের দেনা পাওনা মিটাইয়া আমিও সংসার প্রতিপালনের উপায় অন্বেষণে বাহির হইলাম।

(২)

মাতুল মহাশয়ের চেষ্টায় আমি ২০ বেতনে কালেক্টরীতে একটা ফেরাণী নিযুক্ত হইলাম।

বিবাহের পর কতক গুলি সুদীর্ঘ রজনী অতিক্রম করিয়া ক্রমে বড়দিনের ছুটি আসিল।

প্রবাসী বাঙ্গালীর প্রাণের কাণায়

কাণায় সাড়া পড়িয়া গেল। আমি ভাবের রাজ্যে নূতন নূতন কল্পনা সৃষ্টি করিয়া অভিনব সুখ সম্মিলনের প্রত্যাশায় গৃহাভিমুখে ধাবিত হইলাম।

২৩শে ডিসেম্বর। পল্লিবাটের শাস্ত মধুর দৃশ্য, মুক্ত মাঠের হরিৎ শ্রামল শোভা, জাগ্রত জগতের উচ্চ কোলাহল—আমার ভাবের রাজ্যে অধিকার পাইল না। আমি চারি দিকের মুক্ত সৌন্দর্য্যকে তুচ্ছ করিয়া প্রাকৃতিক জগৎকে অন্তরালে রাখিয়া, আপন মনে পথ চলিতেছিলাম।

সুখস্মৃতি, পুণ্য আশা—জীবনকে স্নেহে রক্ষা না করিলে কঠোর সংসারের নির্দয় নিষ্পেষণ সহ্য করিয়া থাকিতে এ সংসারে ক’জন সমর্থ হইত। আমি যখন অসীম বিশ্বের অনন্ত সুখকে কল্পনার জালে ছাকিয়া তাহার আনন্দের জল্পনা করিতে করিতে ক্রান্তি, শ্রান্তি ও ক্ষুধা তৃষ্ণাকে তুচ্ছ করিয়া পথ চলিতে ছিলাম, তখন পশ্চিম গগনে সহস্ররশ্মি স্বর্ণজাল বিস্তার করিয়া অস্তাচলে গমন করিয়াছেন, পক্ষীকুল আকুল ভাবে কুলায় ফিরিতে ছিল, দূর পল্লীর শ্রামলরেখা ক্রমে কুয়াশার আবরণে ঢাকা পড়িতেছিল

সন্ধ্যার ধূসর ছায়া বিশ্ব জগৎ গ্রাস করিল। আমি পুঞ্জাকৃত সুখ কল্পনার হৃদয়কে উচ্ছ্বসিত করিয়া আসিয়া মাতৃচরণে প্রণত হইলাম।

আমার উৎসুক দৃষ্টি গৃহের চতুর্দিক হইতে নিরাশার বার্তা লইয়া ফিরিয়া আসিতে লাগিল। কি ভয়ানক! কি চাই, কি যেন নাই!

মা বলিলেন, ‘বউকে আনিতে লোক পাঠাইয়া ছিলাম—বেহাইন ছাড়িয়া দিলেন না। লিখিয়াছেন পৌষ মাসে যাত্রার দিন নাই।’

নিরাশ হৃদয়ে, অবসন্ন প্রাণে, ধীরে ধীরে শয্যা লইলাম। মাতাঠাকুরাণী আমার মনের দুঃখ বোধ হয় বুঝিলেন না—তিনি আমার উদরের সংস্থান জগু অতিরিক্ত মাত্রায় ব্যস্ত হইয়া পড়িলেন। আমি রাগে, ঘৃণায়, অপমানে ও নিরাশায় লিখিতে লজ্জা বোধ হয়—অতি গোপনে উপাধান অভিষিক্ত করিয়া ফেলিলাম।

(৩)

২৫শে ডিসেম্বর। সমস্তদিন কল্পনার রাজ্যে বিচরণ করিলাম। বড়দিন বাস্তবিকই যেন অকুরস্ত হইয়া আমার ঘাড়ে চাপিয়া বসিয়াছে। সমস্ত দিনটা গৃহ রচনার ব্যস্ত করিলাম। যে স্থানে যে জিনিসটি রাখিলে মানাইবে, তাহা সেই স্থানে রাখিলাম—পুনরায় মানাইল না দেখিয়া অকৃত্র লইলাম। এইরূপ ছেলে খেলা করিয়া বারটা মূল্যবান্ ঘণ্টা মাটা করিয়া দিলাম।

মা পুনরায় বউ আনিতে পাকী পাঠাইয়াছেন। সন্ধ্যায় সন্ধ্যায় আসিয়া পঁতছাইবারই কথা। তা এখনও আসিল না; কুচিন্তায় মাথাটা বড় ঘুরিতেছিল, এমন সময় বাল্য সহচর সুরেশ ডাক্তারের আবির্ভাব হইল। সুরেশ “সাঁচিপন্দরে” থাকিয়া নুতন হোমিওপ্যাথিক ডাক্তার হইয়াছে। সে খুব চৌকোশ ছেলে। আসিয়াই সে আমার জগু একটা Prescription করিয়া ফেলিল। বলিল—“চল বেড়াইয়া আসি, তীর্থের কাকের মত বসিয়া থাকিলেই কি বৌ মিলবে নাকি? উপযুক্ত সময়ে আসিয়া জমাট ফুর্ন্তি ছাকিয়া লওয়া যাইবে।”

সুরেশের কথায় পরিমাণ মত পইট্রি ছিল। আমার ভাব প্রবন হৃদয় তাহার Prescription এর প্রতি বড়ই

আকৃষ্ট হইল। শীত বস্ত্র গায়ে জড়াইয়া সুরেশের সহিত তাহার Dispensaryতে গিয়া উদয় হইলাম।

সুরেশের আড্ডায় অনেক ভাব অভাবের কথা হইল। সুরেশ এ বিষয়ে আমা অপেক্ষা সিনিয়র এবং একটু অধিক প্রেক্টিচ্যালও বটে। তাহার নিকট হইতে কিছু কিছু তালিম লইলাম। আশা এমনি জিনিস বটে!

সুরেশ রবীন্দ্রনাথের সস্ত্র প্রকাশিত একটা সঙ্গীত স্বরলিপিসহ আমাকে উপহার প্রদান করিল। গানটা পড়িয়াই মুগ্ধ হইয়া গেলাম। সুরেশ গাইল।

“কেন যামিনী না যেতে জাগালে না নাথ বেলা হ’ল

মরি লাঞ্জে।

সরমে জড়িত চরণে কেমনে চলিব পথেরি মাঝে।

আলোক পরশে মরমে মন্দিয়া, হেরগো শেফালী

পড়িছে ঝরিয়া,

কোন মতে আছে পরাণ ধরিল্ল কামিনী শিখিল সাজে।

নিভিয়া বাঁচিল নিশার প্রদীপ উষার বাতাস লাগি।

রজনীর শশী গগণের কোল লইল শরণ মাগি।

পাখী ডেকে বলে, গেল নিভানরী, বধু চলে কলে

লইয়া গাগরী।

আমি এ আকুল কবরী আবারি, কেমনে যাইব কাজে।”

সুরেশের এই অমূল্য উপহার প্রাণের সহিত গাঁথিয়া লইলাম। যথার্থই অতি স্বাভাবিক এবং সাময়িক উপহার।

রাত্রি ৮ টার পর গৃহে ফিরিয়া আসিলাম। তখনো কোন সংবাদ নাই। মা বলিলেন—“নিশ্চয়ই আসিবে। না আসিতে হইলে সন্ধ্যায় পূর্বে লোক চলিয়া আসিত।” কথা যথার্থই বটে। আশা বৈতরণী নদী!

আহার করিয়া আসিয়া বসিয়া বসিয়া সঙ্গীতটির সাময়িক ভাব চিন্তা করিতে লাগিলাম; এবং ক্রমে ক্রমে বাতাসের শব্দে, বৃকপত্র পতনের শব্দে, শৃগাল কুকুরের পদ শব্দে—চমকিত হইয়া উঠিতে লাগিলাম। আমার অবস্থাটা ঠিক গীত গোবিন্দের—

“পততি পতত্রে বিচলিত নেত্রে শঙ্কিত ভবহৃয়জাম্

রচয়তি শয়নং সচকিত নয়নং পশ্যতি তব পছানম্।”

হইয়া উঠিল। উপায় নাই। দেখিতে দেখিতে শেষ

“নিশি শেষ, বদন মলিন, মন উদাসীন” অবস্থায় সেই ‘সুখহীন’ শস্যারই আশ্রয় লইলাম।

২৬ শে ডিসেম্বর। অতি ভোরে, কাক ডাকিবার পূর্বেই নিদ্রাভঙ্গ হইয়াছিল। শুনিলাম—“আমার শ্মশান চাকৎসা নিষ্ফল হইয়াছে। ভগবান্ রক্ষা করুন!

(৪)

আশ্বিন মাস। পূজা আসিয়াছে। বঙ্গের ঘরে ঘরে মায়ের আহ্বান গীতি বাজিয়া উঠিয়াছে। মা যেমন আসিবেন, বাঙ্গালার ছেলেরাও মার ঘরে যাইবে। প্রবাসী বাঙ্গালীর এ মহা মিলনের পবিত্র সুযোগ অতি অল্প লোকেই পরিত্যাগ করে। যে করে, সে বড়ই দুর্ভাগ্য।

বাড়ীর চিঠি হইতে ইতঃপূর্বেই অবগত হইয়াছিলাম, নববধূকে ফাল্গুন মাসে আনা হইয়াছিল, আবার পূজায় লইয়া গিয়াছে। পিত্রালয়ে পূজা সূতরাং ৮ মাস পর নূতন বধূর পিত্রালয় যাওয়ার পথে মা কণ্টক হইয়া দাঁড়াইতে সাহস করেন নাই, ইচ্ছাও করেন নাই। তবে কথা আছে, বিজয়ার দিন না হইলেও, একাদশীর দিন বধূকে তাঁহারা নিজ হইতেই পাঠাইয়া দিবেন।

১৭ই আশ্বিন। বাড়ী পহঁছিলাম। প্রেমের প্রথম প্লাবন যখন আমার উপর দিয়া নিতান্ত নির্দয় ভাবেই চলিয়া গেল, তখন সংসারের গতি বুদ্ধিয়া ভাবরাজ্য হইতে অনেকটা দূরে সরিয়া দাঁড়াইয়াছিলাম, কার্য-স্থলে যাইয়া কতকগুলি নূতন আকর্ষণে মনকে আকৃষ্ট করাইতে চেষ্টা করিতেছিলাম। সূতরাং নববধূর ‘শুভ-দৃষ্টির’ সুখ কল্পনা, আর আমাকে ততটা পীড়িত করিতে পারিতেছিল না। বার দিন ছুটি, না হয় মাতৃসেবারই কাটাওয়া যাইবে—এই চিন্তা করিয়াই গৃহে আসিয়াছি।

বিজয়া। বাড়ীতে পূজা নাট, সূতরাং বিজয়ার করুণ-ভাব আমার হৃদয়কে তেমন অবসন্ন করিতে পারিল না। কিন্তু নববধূর শুভাগমনের সম্ভাবনায় বিজয়ার বিদায়-গীতিই যেন আমার প্রাণে আগমনীর উল্ধ্বনি বলিয়া বোধ হইতে লাগিল। লজ্জার কথা সন্দেহ নাই!

২৫শে আশ্বিন। বিজয়া চলিয়া গেল। ইহার পর একাদশীও আর অপেক্ষা করিল না। মা বড়ই লজ্জিত

হইলেন। তিনি আজ লোক পাঠাইবার বন্দোবস্ত করিলেন। আমি নিবেদন করিলাম—অসচ্ছল সংসারের টাকা পয়সা এইরূপে ‘খামখেয়ালে, নষ্ট হওয়া সঙ্গত নহে।’

বাস্তবিক আমার মন আমার সংসারের এই নূতন অতিথিটির প্রতি হাড়ে হাড়ে চটিয়া গেল। আমি তাহার প্রতি একেবারেই সহানুভূতি শূন্য হইলাম। মনে মনে বুঝিলাম—অল্পম দরিদ্রের পক্ষে ধনীর কণ্ঠার ভাগবাস লাভের কল্পনা নিতান্তই বিড়ম্বনা। আজ ধনী ও নিরুনের প্রভেদ আমার জীবনে সম্পূর্ণ রকমে প্রত্যক্ষীভূত হইল। ধনী, নিধনের অবস্থা বুঝিতে পারে না; তাই এ উভয়ের সম্মিলনে সংসারে সর্বদা বিফল প্রসূত হয়। দরিদ্র সে বিফলের আশ্বাদন করিয়া জীবনকে প্রতিপদে লালিত করে।

২৬শে আশ্বিন। ছুটি ফুরাইয়া গেল। যাত্রার উন্মোগ করিতেছি, ঠিক এমনি সময়ে গৃহঘারে আসিয়া একখানা পাকী পহঁছিল।

মা বলিলেন—“যাত্রার দিন পরিবর্তন কর।” মার মুখের কথা বাহির হইতে দিলাম না; তাঁহাকে প্রণাম করিয়া মঙ্গলচণ্ডীর অষ্টদুর্কা পকেটে রাখিলাম। মা মুখের দিকে চাহিয়া রহিলেন। আমি বলিলাম—“চাকুরী রাখিতে হইলে এরূপ কথা বলোনা মা। গোলামের আর স্বাধীনতা কোথায়?” মা অশ্রুসিক্ত নয়নে মস্তক আশ্রয় করিলেন।

সিদ্ধিদাতার নাম স্মরণ করিতে করিতে বিষপত্র নাসিকায় ধরিয়া গৃহত্যাগ করিলাম।

আমার ভাবরাজ্যে নূতন কল্পনা দেখা দিল।

(ক্রমশঃ)

উৎস।

রুদ্ধ আবেগে পাষণ টুটিয়া উর্ধ্ব আকাশে ছুটি, ব্যর্থ যতক প্রয়াস, ধরার বকে পড়ি যে লুটি।

স্নেহ বারি মোর মুক্ত-গগন-বক্ষে পেলনা স্থান,—

তৃপ্ত হইব—তপ্ত ধরার শান্ত হইলে প্রাণ।

শ্রীসুধীরকুমার চৌধুরী।

সাহিত্য সেবক ।

শ্রীঅমৃতলাল গুপ্ত ।—অমৃত বাবুর নিবাস খুলনা জেলার অন্তর্গত উৎকুল গ্রামে, কিন্তু এখন আর সেখানে বাড়ীঘর নাই। অল্প বয়সেই তিনি ব্রাহ্মধর্ম গ্রহণ করেন। চৈতন্য লীলামৃত প্রণেতা ভগবদ্ভক্ত স্বর্গীয় জগদীশ্বর গুপ্ত মহাশয় খুলনা জেলার বাগেরহাট মুনসেফ হইয়া যান এবং উক্ত স্থানে ব্রাহ্মধর্ম প্রচার করেন। তাঁহারই মুখে ব্রাহ্মধর্মের কথা শুনিয়া অনেকগুলি বালক ও যুবক ঐ ধর্মের পক্ষপাতী হইয়া উঠেন। ঐ সকল লোকের মধ্যে অমৃত বাবুও একজন। ইহার পর তিনি কলিকাতায় গমন করিয়া “সঞ্জীবনী” সংশ্রবে একটি সামান্য কর্মে নিযুক্ত হন এবং ব্রাহ্মসমাজে বিশেষ ভাবে যোগদান করেন। ব্রাহ্মসমাজে যোগদান করার পর অমৃত বাবু ধর্ম প্রচারে ত্রুতী হইবার জন্য বদ্ধ পরিকর হন। একুশ বৎসর পূর্বে সাধারণ ব্রাহ্মসমাজের আচার্য্য পণ্ডিত শিবনাথ শাস্ত্রী মহাশয় প্রচারার্থী লোকদিগের জন্য সাধনাশ্রম প্রতিষ্ঠিত করেন। অমৃত বাবু শাস্ত্রী মহাশয়কে অত্যন্ত ভক্তি করিতেন তিনি প্রচার ত্রুত গ্রহণ করিবার জন্য শাস্ত্রী মহাশয়ের আশ্রমে প্রবেশ করিলেন। এই সময় তিনি শাস্ত্রী মহাশয়ের সঙ্গে এক স্থানে থাকিতেন, তাঁহার ধর্মশিক্ষার অধীন হইয়া চলিতেন। তৎপরে চারি বৎসর প্রচারক দিগের সহকারী হইয়া নানা স্থানে ধর্ম প্রচার করেন। অবশেষে সাধনাশ্রমের কর্তৃপক্ষের আদেশে তিনি ঝাঁকিপুর গমন করিয়া উক্ত স্থানের ব্রাহ্ম বালকদিগের বোর্ডিং এর কার্যভার গ্রহণ করেন। এখন অমৃত বাবু ঢাকায় বাস করিয়া পূর্ববাঙ্গালা ব্রাহ্মসমাজের প্রচারকের কার্য করিতেছেন। অমৃত বাবু ছেলবেলা হইতেই অহুরাগের সহিত বাঙ্গালা গ্রন্থ পাঠ করিতেন। বঙ্কিমচন্দ্র ও রবীন্দ্রনাথের গ্রন্থগুলি পড়িতে পড়িতে বাঙ্গালা রচনা লিখিতে ইচ্ছা হয়। প্রথমতঃ সঞ্জীবনী পত্রে লিখিতে আরম্ভ করেন তন্নিম্ন মুকুলে গল্প ও কবিতা লিখিতেন। বালক বালিকাদিগের জন্য “ছেলেদের গল্প” শীর্ষক একখানা সচিত্র গ্রন্থ প্রকাশ করিয়াছেন। এখন

ঢাকা ব্রাহ্মসমাজের পত্র “সেবক” ও “ভারতমহিলা” প্রভৃতি সাময়িক পত্রে প্রবন্ধ লিখিয়া থাকেন।

শ্রীঅমৃতলাল সরকার—রেভারেন্ড অমৃতলাল—ঢাকা মিসনারী সোসাইটি কর্তৃক পরিচালিত ‘ম্নেহময়ী’ পত্রিকার সম্পাদক। ইনি ‘ভোষণী’ প্রভৃতি শিশু পাঠ্য পত্রিকায় প্রবন্ধাদি লিখিয়া থাকেন।

শ্রীঅমৃতলাল সন্দরী দাস গুপ্তা—শ্রীমতী অমৃতলাল সন্দরী পাবনা জেলার সিরাঙ্গগঞ্জ মহকুমার অন্তর্গত ভাঙ্গাবাড়ী নামক পল্লীগ্রামে জন্ম গ্রহণ করেন। ইহার পিতা ৬গোবিন্দনাথ সেন রাজসাহীতে একজন ধ্যাত নামা উকিল ছিলেন। অমৃতলাল সন্দরীর খুলতাত সবজজ ৬গুরুপ্রসাদ সেন মহাশয়ের পুত্রই সুকবি ৬রজনীকান্ত সেন। কবি রজনীকান্ত বয়সে ইহার বড় ছিলেন।

অমৃতলাল সন্দরীর বয়ঃক্রম এখন ৪০ বৎসর। তিনি অতি বাল্যকাল হইতেই সাহিত্য চর্চা আরম্ভ করিয়া ছিলেন। তিনি পিতা মাতা ভ্রাতা অথবা কোন বন্ধু বান্ধবের সাহায্য গ্রহণ না করিয়াই সাহিত্য জীবনের উন্নতি করিয়াছেন। তাঁহার মত অধ্যবসায়শীল জীলোক সচরাচর দৃষ্ট হয় না। বাংলাতে এমন পত্রিকা কমই আছে খাহাতে তিনি লেখেন নাই। বিবাহের পূর্বে তিনি অধিক লেখা পড়া জানিতেন না, বিবাহের পর নিজের অধ্যবসায় গুণে এখন বহু বিদ্যা শিক্ষা লাভ করিয়াছেন। তাঁহার প্রথম পুত্র বিনয়ভূষণের মৃত্যুতে তিনি “খোকা” নামে বৃহদাকার কবিতা পুস্তক লিখিয়াছিলেন। তৎপূর্বেই তাঁহার “প্রীতি ও পূজা” প্রকাশিত হয়। “প্রভাতী” “হুটী কথা” “গল্প” “ভাব ও ভক্তি” এবং “প্রেমও পুণ্য” নামে আরও তাঁহার পাঁচখানি গ্রন্থ বাহির হইয়াছে। মন্মথনসিংহ জেলার টাঙ্গাইল মহকুমার অন্তর্গত টেরখী গ্রামে তাঁহার শ্বশুরালয়। ইহার শ্বশুর ৬গতিগোবিন্দ সেন মুন্সী মহাশয় টাঙ্গাইলে ওকালতী করিতেন। ইহার স্বামী শ্রীযুক্ত কৈলাশগোবিন্দ দাস গুপ্ত এম, এ, একজন ডেপুটি ম্যাজিষ্ট্রেট।



শ্রীযুক্ত ললিতকুমার হোস ।

চিত্র-পরিচয়

“সঙ্গীত ও সৌরভ”

সঙ্গীত বড় কি সৌরভ বড় ? নারদের বীণা-ধ্বনিতে বিষ্ণু দ্রব হইয়া মন্দাকিনীতে পরিণত হইয়াছিলেন । কান্নুর বেণু এবং অরফিয়সের বংশী রবে মুক প্রকৃতি পুলকে মুখরা হইয়া উঠিত । পুষ্পগন্ধে স্বর্গের দেবতা নিত্যকাল মর্তে আগমন করিতেছেন । প্রসিদ্ধ ঔপন্যাসিক Dumas একটা Black Tulipএর প্রভাব কি অদ্ভুত ভাবেই প্রতিষ্ঠা করিয়া গিয়াছেন ! মহাসম্রাট উৎসবে রুদ্রাবতার Robespierre প্রদত্ত বিরাট পুষ্পগুচ্ছ সৌন্দর্য্য সম্ভার এবং গন্ধ গেরবের এক উল্লেখ যোগ্য উদাহরণ । Wordsworth কবিতায় পুষ্পপ্রীতির চূড়ান্ত করিয়া গিয়াছেন । বহু উদাহরণ চয়ন করিয়া আমরা বিচার করিতে চাহিনা । স্বর মিষ্ট হইলে কেহ আফ্রিকার কাফ্রির তত বিচার করেনা । গন্ধ মধুর হইলে, কেহ ফুলের রূপ তেমন দেখিতে চাহে না । কিন্তু রূপ গান্ধিকা এবং কুসুম উভয়েরই সম্মোহন অঙ্গ । “চরাচরসার” হইতে বাগ্দেরী ; রূপ ও সৌরভে পদা হইতে পদিনী । সঙ্গীত এবং সৌরভ উভয়ই অতুলনীয় ।

পূরোভাগে ইটালী প্রত্যাগত ময়মনসিংহ নিবাসী চিত্রশিল্পী শ্রীমান ললিতকুমার হেসের এক খানা চিত্র প্রকাশ করিলাম । একটা রমণী হৃদের পার্শ্বে বীণ যন্ত্র ধোগে সঙ্গীতে মগ্নাছিলেন ; ধীরে ধীরে সূর্য্যের উদয় হইতেছে ; ধীরে ধীরে কমল-কোরক বিকসিত হইতেছে ; ধীরে ধীরে উহার স্নিগ্ধ সৌরভ চারিদিক আশোদিত করিয়া তুলিতেছে । রমণী সৌন্দর্য্যে এবং সৌরভে আশ্চর্য্যহারা । যে সকল অঙ্গুলী এতক্ষণ স্বর্ণ-ভূঙ্গবৎ তাঁহার সাধের বীণার সোপানে সোপানে নৃত্য করিয়া বেড়াইতেছিল, উহার সন নিষ্পন্দ হইয়া গিয়াছে— তাঁহার সুকণ্ঠ নীরব । অদূরে কুঞ্জগন;—জলদর্পণে কুঞ্জবনের রুক্ষকমনীয় ছায়ার উপর আর তাঁহার মন নাষ্ট । তাঁহার মন ঐ কমলে, দৃষ্টি ঐ প্রফুল্ল কমলদলে, ঘ্রাণেন্দ্রিয় ঐ মনোহর সৌরভে, স্পর্শ ঐ মৃগালে—রমণীর মুখে চোখে ভগ্নয় ভাবের মধুর বিকাশ দেখিয়া সঙ্গীত ও সৌরভ—যাহার জয় ঘোষণা করিতে হয় কর ! ‘চিত্রকরে ময়মনসিংহের স্পর্শ করিবার আছে’—সৌরভের নব সাধনায় ; ভরসা করি, আমাদের সে উক্তি ব্যর্থ হয় নাই ।

নিশির প্রতি শশী ।

ওগো কৃষ্ণসপ্তমীর প্রেমসী যামিনী,
মনে পড়ে বহুক্ষণ তুমি একাকিনী
নিঃশব্দে করিয়াছিলে আমার ধেয়ান
সেই কবে দিনান্তে আসিয়া, সুমহান
প্রেম-অর্ঘ্য রেখেছিলে সাজিয়ে সুন্দর
বিশাল অম্বরপটে, নক্ষত্র নিকর
বিনা-সূত্রে গেঁথেছিল ফুল রত্ন-মালা
মোর লাগি যত্নে কত !

অগ্নি মুক্কা বালা !


তব সে অর্চনা-ভূমে নীরবে যখন
পশিছু, হাসিল বিশ্ব সে পূত মিলন
নিরখিয়া দু'জনার ! তুমি আশ্র-হারা
সর্ব্বশ্ব বিলালে মোরে ! ঢালি হৃদি ধারা
তোমারে বাধিছু বন্ধে—করিছু চূষন—
উপলে চৌদিকে কিবা হর্ষ-শিহরণ
অকমাৎ !

কতক্ষণ—কিছু নাহি জানি—
কেটেগেল স্বর্গ-সুখে, মনে মনে মানি
লইলাম সার্থক জীবন ! ধন্য আমি
তোমা হেন লভি দেব-দান ! প্রিয়ে, যামি,
বুঝাব কি সে গৌরব !

হেরি আচম্বিতে

তুমি কবে সরে গেছ, হায়, অলক্ষিতে
ঘুচাইয়ে অভাগার বাহুর বন্ধন
সুনিবিড় ! প্রেমময়ী, তুমিত কখন
এমন পাষণী নহ ! তবে কে তোমায়
করিল হরণ সখী. মায়াবীর প্রায়
কোন ক্রুর মন্ত্র বলে ? হায়, তব দান
তব দত্ত বর মালা হয়ে ছিন্ন ম্লান
একে একে মিলাল কোথায় ! সাস্তনার
শেষ-আশা হইল নিঃশেষ ! স্মৃতি শুধু
সারা শূন্য-বন্ধে মোর দাবানল ধু ধু
জ্বালিল সঙ্গনী ! শুধু বিষয়ে ব্যথায়
অশ্রু মোর পড়িল ঝরিয়া ধীরে হায়,
সুপ্ত ধরণীর অঙ্গে !

— চকিতে ভুবন
ভেগে উঠে ; বিশ্ব-প্রাণ প্রেমিক পবন
ঘারে ঘারে ছুটে যায়, কহে বিলাপিয়া
মিলনের পরিণাম কিংবা অদৃষ্টের
নিদারুণ অভিশাপ ! কাল-তপনের
পরিহাসে রুদ্র কর, তুণের আগায়
চেয়ে দেখি অশ্রুমোর নীরবে শুকায় !





ব্রহ্মপুত্রতীরে শ্রীগোবিন্দ ।

সৌরভ

দ্বিতীয় বর্ষ । }

ময়মনসিংহ, অগ্রহায়ণ, ১৩২০ ।

{ দ্বিতীয় সংখ্যা ।

সত্যতা সম্বন্ধে দুইটি উপপত্তি ।

বিশ্বব্রহ্মাণ্ড ও মনুষ্যসম্বন্ধে অল্পপর্যাপ্ত যতগুলি মতের সৃষ্টি হইয়াছে ; তৎসমুদয়কে দুই ভাগে বিভক্ত করা যাইতে পারে ;—সেই দুইটি মত বা উপপত্তির মধ্যে একটি দেবতত্ত্ব এবং অপরটি বিজ্ঞানতত্ত্বের অন্তর্গত । যাহারা দেবতত্ত্বের প্রাধান্য স্বীকার করেন, তাঁহাদের মত এই যে, জগৎ ভগবানের বিভূতি দ্বারা সৃষ্টি হইয়াছে এবং তদ্বারাই পালিত হইতেছে । ইহারা অতিপ্রাকৃত ও অতিমানুষ শক্তির প্রাধান্য স্বীকার করিয়া থাকেন । যাহারা বিজ্ঞানের পক্ষপাতী, তাঁহারা বলেন, কোন অজ্ঞাত ও অজ্ঞেয় শক্তিরূপিনী মূলপ্রকৃতির প্রাকৃতিক নিয়মানুসারে বিশ্বের সৃষ্টি হইয়াছে এবং ইহার ক্রমোৎকর্ষ সাধিত হইতেছে । মনুষ্য সম্বন্ধেও ঠিক এইরূপ দুইটি মত, দেখা যায় । যাহারা দেবতত্ত্বের পক্ষপাতী, তাঁহারা বলেন বাইবেল-কথিত আদিম হইতে নৈতিক পরাকাষ্ঠার অত্যাচ্চ অবস্থায় অল্পদিন হইল মানবের সৃষ্টি হইয়াছে । ভগবানের অবাধ্য হওয়াতে মানব সেই অত্যাচ্চ অবস্থা হইতে পতিত হইয়াছে এবং তাহার বংশধরগণ অমরত্বে বঞ্চিত হইয়া পাপগ্রস্ত ও মরণশ্রের অধীন হইয়া পড়িয়াছে । ঈশ্বরের নিজপুত্র ঈশ্বররূপে অবতীর্ণ হইয়া স্বীয় প্রাণ উৎসর্গ পূর্বক কতকগুলি মনুষ্যের উদ্ধার করিয়াছেন । এদিকে বৈজ্ঞানিক উপপত্তির সমর্থকগণ বলেন, মনুষ্যগণ

একদিনে সৃষ্টি হয় নাই, এককালেও উন্নতি লাভ করিতে পারে নাই । জীবের ক্রমোন্মেষ সহকারে মনুষ্যের উদ্ভব হইয়াছে । প্রথমে বন্য বা অসভ্য অবস্থা ; ক্রমে মানব সভ্যতার সোপানে আরোহণ করিয়া বর্তমান অবস্থায় উপনীত হইতে পারিয়াছে ; এই অবস্থা হইতেও ক্রমে তাহার অধিকতর উৎকর্ষ সাধিত হইবে এবং সে সভ্যতার চরম সীমায় আরোহণ করিবে ।

সেই চরম সভ্যতার লক্ষণ কি, কতদিনে তাহা সাধিত হইবে, আজি সুদীর্ঘ কালের বিশাল ব্যবধানে থাকিয়া অনুমান সাহায্যে তাহার আংশিক অবধারণও অসম্ভব । কিন্তু এস্থলে সেই আনুমানিক ব্যাপারের আলোচনা সম্পূর্ণ নিষ্প্রয়োজন । পাশ্চাত্য জগতে সভ্যতার বিকাশসম্বন্ধে যে দুইটি মত প্রচলিত আছে, তাহার কোনটাই অসম্ভব বলা যায় না । উভয় মতেরই মূলে অল্প-বিস্তর যুক্তি দেখা যায় এবং জগতে উভয়েরই অস্বাধিক সমর্থক আছেন । তাঁহাদের সকলের মতামত লইয়া আলোচনা করিতে হইলে প্রবন্ধের কলেবর অযথা বর্ধিত হইবে ; সেইজন্য এস্থলে কেবল এই কথাই বলা যাইতে পারে যে, উক্ত উভয় মতেরই সংশোধন আবশ্যিক । জগৎ একদিনে উদ্ভূত হয় নাই এবং মানবও একদিনে সভ্যতার হেম-মুকুট মস্তকে ধারণ করিয়া ঐশ্বর্যের উচ্চ সোপানে আরোহণ করিতে পারে নাই ;—একথা সত্য বটে ; কিন্তু বিশ্বের সকল সভ্যতাই যে, ভ্রষ্টের ঞায় ক্রমে ক্রমে উন্নত

হইয়াছে এবং সকল মানবই যে, পাষাণযুগ (Stone Age), ব্রোঞ্জযুগ (Bronze Age) ও লৌহযুগের (Iron Age) * অভ্যস্তরাদিয়া সভ্যতার পথে পর্যায়ক্রমে অগ্রসর হইয়া আসিয়াছে, একথা সকল স্থলেই প্রমাণরূপে পরিগৃহীত হইতে পারে কি না, সন্দেহ ।

মানবের ঐয়া সভ্যতারও জাতি বা প্রকার-ভেদ দেখা যায় । পেলিওলিথিক (Paleolithic), নিওলিথিক (Neolithic) ও কালচার ষ্টেজ্ (Culture stage) নামে ইংরেজীতে সভ্যতার যে তিনটি যুগ বা পর্যায় দেখা যায়, সেই পর্যায়ক্রমিক উৎকর্ষের নিদর্শক ভিন্ন আর কিছুই নহে । মনুষ্যের প্রায় সকল সময়েই উক্ত তিনটি অবস্থার অস্তিত্ব যে, কোন না কোন সময়ে ছিল, তাহার বহুল উল্লেখ প্রাচীন পুস্তকাদিতে লক্ষ্য হইয়া গাকে । একমাত্র ভারতীয় আৰ্য্য-সভ্যতায় আমরা ইহার কোন নিদর্শন দেখিতে পাই না । বেদ আমাদের সেই সভ্যতার জ্ঞান্যমান প্রমাণ । সেই বেদে আমরা যে সভ্যতার বিবরণ দেখিতে পাই, তাহাতে পাষাণযুগের কোন চিত্র আমাদের নয়ন গোচর হয় না ।

ঋগ্বেদের সর্বত্রই স্বর্ণ, রৌপ্য লৌহের প্রভূত উল্লেখ দেখা যায় । কচিৎ কোন স্থলে শূঙ্গ, অস্থি, বা কাষ্ঠ-নির্মিত কোন প্রকার ধনুঃ, কিংবা পাষাণনির্মিত কোন যন্ত্র বা পাত্রেয় কণা দৃষ্টিগোচর হইলেই যে, তাহাকে পাষাণযুগ বলিতে হইবে, এ যুক্তি কোনক্রমেই সমীচীন নহে । ভূতত্ত্ববিৎ কতকগুলি পাশ্চাত্য পণ্ডিত দাক্ষিণাত্য ও নন্দী উপত্যকার কোন কোন স্থল হইতে প্রস্তুতনির্মিত নানাবিধ অস্ত্রশস্ত্রাদির উদ্ধার + করিয়াছেন বটে, কিন্তু সেই সকল অস্ত্রশস্ত্র অনার্য্যগণ ব্যবহার করিত ; আৰ্য্যের সহিত তৎ সমুদায়ের কোন সঙ্গাই

ছিল না । দাক্ষিণাত্যে আৰ্য্য-সভ্যতার প্রচার হইবার বহুপূর্বে উক্ত দেশের প্রায় সর্বত্রই কোল, ভিল প্রভৃতি অনার্য্যগণের এবং ড্রাবিড়দিগের আধিপত্য বিস্তৃত ছিল ; সেইজন্য মনুসংহিতায় ঐ সকল দেশ অনার্য্যরাজ্য নামে বর্ণিত হইয়াছে । এতদ্ব্যতীত কপি ও জাম্বুবৎ নামক দুই প্রকার অনভ্য মনুষ্যজাতির বাস দাক্ষিণাত্যের স্থানে স্থানে ছিল । প্রথমোক্ত মানবগণ পর্বত বা বৃক্ষের উপরিভাগে কুটীর নির্মাণ করিয়া এবং জাম্বুবৎগণ নানা স্থানে পাতাল গৃহ প্রস্তুত করিয়া বাস করিত । * ড্রাবিড়গণ তাহাদিগের অপেক্ষা অনেকাংশে সভ্য ছিল ।

পূর্বোক্ত অনার্য্যগণ পাষাণনির্মিত অস্ত্রশস্ত্রাদি ব্যবহার করিত । ড্রাবিড়গণও আদিম অবস্থায় লৌহের ব্যবহার জানিত না । এতদ্ব্যতীত কপি ও জাম্বুবৎগণ শাখাপল্লব বা দারুময় মুমল-মুদগরাদি লইয়া শক্রের সহিত যুদ্ধে প্রবৃত্ত হইত । পাশ্চাত্য ভূতত্ত্ববিৎ পণ্ডিতগণ ভারতের ভিন্ন

* হাচিস, জলী প্রভৃতি পণ্ডিতগণ বলেন, আদিম অবস্থায় মানবগণ গিরিগুহার বাস করিত ; অল্পকাল ভূমির অভ্যন্তরে গৃহ নির্মাণ করিয়া নিরাপদে থাকিত । ভারতের মধ্য প্রদেশে, মিশরে ও মেকসিকো দেশে এখনও বিস্তৃত অতি প্রাচীন পাতাল-গৃহ সকল দেখিতে পাওয়া যায় । ইয়ুরোপের উত্তর ও পশ্চিম ভাগে—বিশেষতঃ বৃটিশ দ্বীপপুঞ্জের অনেক স্থানে কতকগুলি গিরিগুহার অভ্যন্তরে বায়ু, ভল্লুকাদি হিংস্র জন্তুগণের অস্থি-মালার সহিত আদিম মনুষ্যগণের অগণ্য জীর্ণ কঙ্কাল পাওয়া গিয়াছে ।

পুরাণে বর্ণিত আছে, রামভক্ত জাম্বুবান মধ্য ভারতের কোন একটা স্থানে পাতাল-গৃহে বাস করিত । সেই স্থলেই ত্রীকক্ষ তাহাকে যুদ্ধে পরাস্ত করিয়া স্তম্ভক মণি উদ্ধার করিয়াছিলেন । ইংলণ্ডে যতগুলি গুহাগৃহের বিবরণ লক্ষিত হয়, তন্মধ্যে কার্কডেল্ গুহা, ড্রিম গুহা, উকী হোল, ও কেট ক্যাভার্ন প্রসিদ্ধ ।

History of Mankind, Story of Man প্রভৃতি গ্রন্থে বৃক্ষ-নিবাসী কয়েকটি মানবজাতির বৃত্তান্ত দেখা যায় । শেষোক্ত গ্রন্থে বর্ণিত আছে, দাক্ষিণাত্যে অতি প্রাচীন কালে এইরূপ একটা জাতি বাস করিত । তবে তাহারাই কি ত্রীকক্ষের সাহায্যকারী কপিসৈন্য ?

History Of Mankind pp. i.106. ii. 47.

The Story Of Man, pp, 58 to 73, 340, 341.

Man before Metals, p. 60.

Prehistoric Man and Beast, pp, 47 to 61.

Man the Primeval Savage, pp, 45 to 59.

* Tylor's *Early History of Mankind* pp, 208,209.

Arctic Home in the Vedas, pp, 4, 10, 11.

Smith's *Man, the Primeval Savage*, p, 166.

Prehistoric Man pp, 16, 154, 244.

Joly's *Man before Metals*, pp, 20 to 22.

+ *Indian Empire*, pp, 89, 100.

The Early History of Mankind, p, 215.

ভিন্ন স্থানে সৃষ্টিকার অভ্যন্তরে যে সকল প্রস্তর-নির্মিত বা প্রস্তরীভূত অস্ত্রশস্ত্রাদি পাইয়াছেন, তৎসমুদায় ঐ সকল অসত্যজাতিই ব্যবহার করিত। কিন্তু আর্য্যগণ যে কখনও ঐরূপ প্রস্তরনির্মিত অস্ত্রশস্ত্রাদি ব্যবহার করিতেন, অর্থাৎ তাঁহারা যে, ধাতুসমূহের ব্যবহার জানিতেন না, বেদে আমরা তাহার কোন উল্লেখই দেখিতে পাই না। আর্য্য সত্যতা প্রথম হইতেই উন্নত সোপানে সমাক্রমিত। বরং যুগপর্য্যায়ের সঙ্গে সঙ্গে তাহার ক্ষয় ও অবনতি ঘটিয়াছে।

বেদে আমরা যে সত্যতার বিবরণ দেখিতে পাই, তাহা আমাদের ভারতবর্ষেই সৃষ্টি পাইয়াছিল, কিন্তু তাহা জগতের কোন্ স্থলে উদ্ভূত হইয়াছিল, বিদ্যমান প্রবন্ধে তাহার আলোচনা নিম্প্রয়োজন। বেদে আমরা এই কয়টি বিষয় দেখিতে পাই :—

- (১) মনু ভারতীয় আর্য্যগণের আদি পুরুষ।
- (২) তিনি আদি যজ্ঞকর্তা ;
- (৩) তিনিই আর্য্য সত্যতার প্রবর্তক ;
- (৪) সেই আর্য্যসত্যতা জগতে শ্রেষ্ঠ,—তাহাই আদর্শ সত্যতা।

আমরা ক্রমে উক্ত চারিটি বিষয়ের আলোচনা করিব। হিন্দুশাস্ত্রের মতে এক একটা কল্পাবসানে সমগ্র জগতের মহাপ্রলয় হইয়া থাকে। সেই মহাপ্রলয় ব্রহ্মার ব্রাহ্মি নামে বর্ণিত। মানবগণের বহুসহস্র কোটি বৎসর লইয়া ব্রহ্মার এক দিন। উক্ত ব্রাহ্মি দিবসে জগৎ সংসারের আবার নূতন সৃষ্টি হয় ; তাহাতে পর্য্যায়ক্রমে নানা জীবের সঙ্গে সঙ্গে মানবের সৃষ্টি, পালন ও ধ্বংস সাধিত হইতে থাকে। মনুষ্যের বহুসহস্রকোটিবর্ষপরিমিত উক্ত একটা ব্রাহ্মি দিবসের মধ্যে অর্থাৎ প্রত্যেক ব্রাহ্মি দিবসে পর্য্যায়ক্রমে চতুর্দশ মনু অবতীর্ণ হইয়েন। তাঁহারাি জগতের প্রকৃত শাসনকর্তা। মনুগণের সেই শাসনকাল হিন্দুশাস্ত্রে মন্বন্তর নামে প্রসিদ্ধ। প্রত্যেক নূতন মন্বন্তরের পূর্বে জগতের নানা প্রকার নৈসর্গিক পরিবর্তন ঘটিয়া থাকে। তাহাতে ভূমিকম্প, প্লাবন, বা উৎকট তাপে জগতের অনেক অংশ বিধ্বস্ত হইয়া যায় এবং তাহার পরে অনেক নূতন অংশের আবির্ভাব হইয়া থাকে। প্রত্যেক মন্বন্তরে

এক একজন নূতন মনু, নূতন স্রষ্টা, নূতন সৃষ্টি আবির্ভূত হইয়া নূতন নূতন মনুষ্য সৃষ্টি করেন।

এইরূপ জগতে কত ভিন্ন ভিন্ন মানবজাতির সৃষ্টি হইয়া গিয়াছে, তাহার ইয়মা নাই। তন্মধ্যে অগণ্য মানববংশ একেগারে লয়প্রাপ্ত হইয়াছে, কোন কোন বংশের এখনও সামান্য সামান্য অবশেষ আছে ; কিন্তু তাহাদিগের অবস্থা প্রভূত পরিমাণে রূপান্তরিত হইয়া পড়িয়াছে। গত ছয়টি মন্বন্তরের ক্ষয়ব্যয় সহ করিয়াও যে সকল মানববংশ এখনও জীবিত আছে, তাহারা জগতের নানা স্থানে বিক্ষিপ্ত হইয়া পড়িয়াছে। নৈসর্গিক নানা প্রচণ্ড বর্ধাবিঘ্ন বশতঃ অনেকের সন্ধান হয়ত আজিও বিদ্যমান পাশ্চাত্য বৈজ্ঞানিকগণের অধিগত হয় নাই। প্রাচীন মানবজাতিসমূহের যাহারা আজিও বাঁচিয়া আছে, তাহাদের এবং তাহাদের পূর্ব পূর্ব পুরুষগণের পরম্পরের অমূল্য ও বিলোম সংস্রবে নানা সঙ্করবর্ণের সৃষ্টি হইয়াছিল। এইরূপ মূলবংশ ও শাখাবংশসকলের অগণ্য সঙ্করবংশ সমুদায়েরও বিস্তর শাখা প্রশাখাদি উৎপন্ন হইয়াছে। তন্মধ্যে কোন কোনটা একেগারে লোকলোচন হইতে অস্তহিত হইয়া পড়িয়াছে ; কোন কোনটা উন্নত জাতিসমূহের সহিত মিলিত ও নব্বন্ধে প্রাপ্ত হইয়া নূতন নূতন আকারে ও বর্ণে এবং অশ্লিষ্ট বর্ধাবিঘ্নের আবেগে নবীভূত উৎসাহে ভবিষ্যতের অভিমুখে অগ্রসর হইতেছে। কে তাহাদিগের সংখ্যা করিবে ?

কোণায় আতলাস্তিসু নাম লিমুরিয়ার সুবিশাল মহাদেশ এবং তাহার আত বিশালদেহ মানবগণ ? ছুরিঃছুরিতর দুস্তর নরকযন্ত্রণা ভোগ করিয়া বহুসহস্র বৎসর পূর্বে কোন্ অশ্লীল মন্বন্তরে তাহারা জগৎ হইতে অস্তর্কান করিয়াছে। আজি তাহাদের অতিমানুষ অবয়ব ও বলবিক্রমের বিষয় গল্পগাথা পর্য্যবসিত হইয়া লোকের ভয় ও বিশ্বয় উৎপাদন করিতেছে। যে জাতি অযোধা, ইন্দ্রপ্রস্থ, শ্রাবস্তী ও দ্বারকা প্রস্তুত করিয়াছিল, ব্যাবিলনের বিরাট মন্দির, মিশর ও মেক্সিকোর অত্রভেদী পিরামিড ও পাতাল-গৃহ, চীনের মহাপ্রাচীর যে সকল অদ্ভুত মানবের অদ্ভুত শাস্ত্র-সাধনার নিদর্শন,

সেই সকল জাতি কোথায় ? * তাহারা কোন্ মন্বন্তরে কোন্ মানবকুলে জন্মগ্রহণ করিয়াছিল, তাহা কে বলিবে ? মাডাগাস্কার ও অষ্ট্রেলিয়ায়, দাহোমী-দেশে ও পাপুয়ায়, সিংহলে ও অকরাজ্যে আজিও যে সকল দুর্ভাগ্য মানব বাস করিতেছে, তাহাদের পূর্ব পুরুষগণ কোন অতীত যুগে জগতে প্রভূত লাভ করিয়াছিল ; কিন্তু তাহারা কোন বংশে উৎপন্ন, তাহা কে বলিবে ? পুরাতন এবিষয়ে নীরব ; মানবতত্ত্ব এ সম্বন্ধে কিয়দূর অগ্রসর হইয়াই বিশ্বয়ে নিরস্ত ; ভূতত্ত্ব ও ভূগোলতত্ত্ব মায়োসিন ও প্লায়োসিন স্তর এবং উত্তর ও দক্ষিণ কেম্ব্রের কয়েকটা দৃষ্টান্ত প্রকাশ করিয়া আশ্চর্য্য হইয়া রহিয়াছে । কে তাহাদিগের উদ্ধার করিবে ?

আর কত উদাহরণ দেখাইব ? ঋগ্বেদে যে সূর্য, যে শম্বর, যে পিতৃ, যে নমুচি, দৃভীক, অনর্শনি, ত্রীবিন্দ ও ইন্দ্রীবিশ প্রভৃতি দানব, রাক্ষস ও যাতুধানদিগের বিবরণ দেখা যায়, যে পণি নামক অনার্য্যগণ আর্ষ্য ঋষিগণের গাভী হরণ করিয়া লইয়া যাইত, এবং যে সরমা মধ্যে

* বেদ, পুরাণ, রামায়ণ, মহাভারত প্রভৃতি প্রাচীন হিন্দু গ্রন্থসমূহে অতিকায় মনুষ্য ও অতি ক্ষুদ্র বামনদিগের যে সকল বিবরণ লক্ষিত হয়, অনেক উৎসমুদায়কে গল্প বলিয়া মনে করিতে পারেন, কিন্তু পাশ্চাত্য মানবতত্ত্ব পণ্ডিতগণ বহুল অনুসন্ধান দ্বারা স্থির করিয়াছেন যে, পুরাকল্পে বা অতি প্রাচীনকালে জগতের নানাস্থানে ঐরূপ মানবগণ বাস করিত। কেহ কেহ বলেন, লিমুরিয়া বা এটল্যাণ্ডিস্ সীপে পুরাকালে যে সকল লোক বাস করিত, তাহাদের সকলেরই বিশাল দেহ ছিল। জলপ্লাবনে সেই দেশের প্রায় সমস্ত অংশ বিধ্বস্ত হইয়া গিয়াছিল। পণ্ডিতবর বিউএল ও র্যাটজেল ঐরূপ বিস্তর অতিকায় মানবের বিবরণ উদ্ধৃত করিয়াছেন।

রামায়ণ, আরণ্যাকাণ্ড ও কিঙ্কিকাণ্ড ; মহাভারত, সভাপর্ক।

শ্লোক—নি সর্বসেন ইযুধী রসজ্ঞ সমর্গো গা অতি যশ্ব বষ্টি ।

চোকুমাণ ইংজ ভূরি বামং মা পণিভূন্নদধি প্রবৃদ্ধ । ১।৩০।৩

কেহ কেহ বলেন, এই পণিশব্দ হইতেই ফিনিশীয় শব্দ ব্যুৎপন্ন হইয়াছে। কিন্তু তাহা ঠিক নহে।

কর্ণপ্রাবরণাশ্চৈব তথা চাপোষ্ঠকর্ণকাঃ ।

ঘোরলোহনুধাশ্চৈব অবনাশ্চকপাদকাঃ ॥

পুনঃ—শ্রীগামখমুধীনাঙ্ক নিকেতত্তত্তত্তত্ত ॥

রামায়ণ, কিঙ্কিকাণ্ড, ৪।১২৬ এবং ৪৩।৩০ ।

বক্রমাসং বিরূপাকং দীর্ঘাশ্চ নির্ণতোরসম্ । ৩।৭।৫ ।

মধ্যে তাহাদের দূতরূপে আর্ষ্যদিগের নিকট আগমন করিত, তাহাদিগের অস্তিত্ব কি কেবল কল্পনাগ্রন্থত, না ইতিহাসে স্থান পাইবার যোগ্য ? প্রজাপতি কশ্যপকে কেহ কেহ কচ্ছপ ও মহারাজ ঋককে ভল্লুক বলিয়া বর্ণন করিয়াছেন, তাহা কি সত্য ? তবে কি শূনক ও কৌশিক মাণ্ডুকেয় ও মৎস্য, অঙ্গ ও শৃঙ্গিগণ বাস্তবিকই কুকুর ও পেচক, ভেক ও মৎস্য, ছাগ ও মেবাদি প্রাণী হইতে উদ্ভূত হইয়াছিল ? পুরাণে ও রামায়ণ-মহাভারতাদি প্রাচীন সংস্কৃত গ্রন্থে যে হয়মুখ, হয়গ্রীব, একচক্ষু, নৃসিংহ, নৃব্যাস, কবন্ধ ও একপদ মানবগণের বিবরণ দেখা যায়, তাহারা কোন্ কোন্ নরবংশে উদ্ভূত হইয়াছিল, তাহা কে বলিবে ? অধিক আর কি বলিব ? যে দ্রবিড় ও খশ, শক ও পারদ, কেল্ট ও গগ প্রভৃতি মানবগণ এককালে জগতে বিশ্বয়কর বীরত্ব প্রকাশ করিয়াছিল, কোন্ মন্বন্তরে কোন্ কোন্ মনুর চেষ্টায় তাহারা জগতে আসিয়াছিল, তাহা নিরূপিত হইতে পারে না। তবে অপর জাতির কথা কি বলিব ? *

এক মন্বন্তরের মানবীয় ধর্ম, আচার-ব্যবহার ও বর্ণাদির সহিত অন্য মন্বন্তরের মানবীয় ধর্ম, আচার-ব্যবহার ও বর্ণাদি বিষয়ে বিশেষ বা সামান্য পার্থক্য সংঘটিত হয়। বর্তমান কল্পের নাম বারাহ কল্প। ইহাতে ছয়টি মনুর শাসন চলিয়া গিয়াছে। এখন সপ্তম মন্বন্তর। এই সপ্তম মনুর নাম শ্রাদ্ধদেব। ইনি বিবস্বান্ অর্থাৎ সূর্য্যের পুত্র। ইনিই আর্ষ্যজাতির সৃষ্টিকর্তা ও আদি-পুরুষ। ইহার মন্বন্তরের ২৭ যুগ অতীত হইয়াছে, অষ্টাবিংশ যুগে কলি চলিতেছে। কলির অবসানে আবার সত্য, ত্রেতাাদি যুগ আবর্তিত হইবে এবং সেই সঙ্গে সেই সেই যুগের নির্দিষ্ট অবস্থা ও লক্ষণ সকল প্রাচুর্ভূত থাকিবে। আবার সপ্তমের পর অষ্টম মন্বন্তরের আবির্ভাব হইবে, এইরূপে চতুর্দশ মন্বন্তর অথবা সহস্র চতুষ্টয় যথাক্রমে অতীত হইবে, তবে কল্পাবসান এবং সেই সঙ্গে মহাপ্রলয় ঘটবে।

শ্রীযজ্ঞেশ্বর বন্দ্যোপাধ্যায় ।

* *Vedic Mythology*, pp. 40, 60, 160, 161, 162, 163.
The Secret Doctrine, pp. i, 92, 348, ii 230.
Early History of Mankind pp. 321, to 325.

ময়মনসিংহে শ্রীগৌরান্দ ।

ময়মনসিংহ জিলার উত্তর পূর্ব প্রান্তস্থ সুসঙ্গ-দুর্গপুর নামক স্থানে হাজঙ্গ জাতীয় যে সকল লোকের বাস, তাহাদের আচার ব্যবহার দেখিলে আশ্চর্যান্বিত হইতে হয়। হাজঙ্গেরা গারো প্রভৃতি পার্শ্বত্যা জাতি হইতে বিশেষ ভিন্ন নহে। কিন্তু সুসঙ্গ-দুর্গাপুরের হাজঙ্গদের অবস্থা ভ্রূপ নহে; ইহাদের গৃহগুলি পরিষ্কার পরিচ্ছন্ন, অঙ্গন সর্বদা গোময় লিপ্ত এবং প্রত্যেক বাড়ীতেই তুলসী বৃক্ষ রোপিত আছে। ইহারা বিনীত এবং অতিথি-সেবাপরায়ণ; জীবহিংসা না করিয়া কৃষিবৃত্তি দ্বারাই জীবিকা নির্বাহ করিয়া থাকে।

সুসঙ্গ-দুর্গাপুরের হাজঙ্গগণ বৈষ্ণবধর্মাবলম্বী; মৃদঙ্গ-করতাল সহ সঙ্গীর্জন করাও তাহাদের মধ্যে অপরিজ্ঞাত নহে। এমন কি, তাহাদের কেহ কেহ শ্রীচৈতন্য চরিতামৃতোক্ত গুরু ও পঞ্চতন্ত্র প্রণামাদি শ্লোক বংশানুক্রমে জানে ও বলিতে পারে। তাহারা জন্মাষ্টমী, রাস, ও দোল যাত্রা প্রভৃতির অনুষ্ঠানও করিয়া থাকে। ইহাদের মধ্যে যাহাদের খ্যাতি অধিকারী, তাহাদের গৃহে শ্রীবিগ্রহ স্থাপিত আছেন,—অধিকাংশ মূর্তিই রাধাকৃষ্ণ অথবা বাল গোপালের। * ফলতঃ ইহারা আচার ব্যবহার ও ধর্ম্যে সর্বতোভাবে বৈষ্ণব। আজকাল বৈষ্ণব হয় নাই—পুরুষানুক্রমে বৈষ্ণব।

এই অঞ্চলের হাজঙ্গেরা ঈদৃশ ভাব ও ধর্ম্য কোথা হইতে পাইল? ইহা অল্পকালের অনুশীলনের এবং বাঙ্গালীর অনুকরণের ফল নহে; তাহা হইলে বাঙ্গালী-পল্লীর সন্নিকটবর্তী অপর পার্শ্বত্যা জাতিও এইরূপ আচার বিশিষ্ট হইতে পারিত। কোন পার্শ্বত্যা জাতীয় ব্যক্তিকে তাহার চিরাচরিত প্রাচীন সংস্কার ও আচার ত্যাগ করান সামান্য শক্তির কার্য্য নহে। অবস্থা বিবেচনায় মনে হয়, হয় ইহা স্বয়ং শ্রীচৈতন্য মহাপ্রভুর কার্য্য, নয় তাঁহার

* সুসঙ্গ-দুর্গাপুর হইতে সেরপুরের হাজঙ্গেরা বৈষ্ণব হয়। ভ্রূত্যা হাজঙ্গ বসতির মধ্যে অনেক গ্রামেই অধিকারীদের বাস ও শ্রীবিগ্রহ স্থাপিত আছেন। দাউধারা গ্রামের অধিকারীর গৃহে শ্রীগৌর নিতাই বিগ্রহ স্থাপিত।

কোন শক্তিমান বিশিষ্ট ভক্ত দ্বারা ইহারা পবিত্রীকৃত হইয়াছে।

শ্রীমহাপ্রভু পিতৃভূমি শ্রীহট্ট গমন কালে এপথ দিয়া গমন করিয়া ছিলেন কি না বলা যায় না। প্রেম বিলাসাদি প্রাচীন বৈষ্ণব গ্রন্থ পাঠে জানা যায় যে, পূর্ববঙ্গ ভ্রমণোপলক্ষে তিনি অনেক স্থানে গিয়াই হরিনাম প্রচার করেন।

চৈতন্য ভাগবতে লিখিত আছে :—

“বঙ্গদেশে মহাপ্রভু হইলা প্রবেশ।

অন্যাপিও সেই ভাগ্যে ধন্য বঙ্গদেশ ॥”

“সেই ভাগ্যে অতাপিও সর্ব বঙ্গদেশে।

শ্রীচৈতন্য সঙ্গীর্জন করে স্ত্রীপুরুষে ॥”

শ্রীমহাপ্রভু যে কেবল পদ্মাবতী তীর পর্য্যন্ত আগমন করিয়াছিলেন,—অতঃপর যান নাই, তাহা নহে; “সর্ব বঙ্গদেশ” লিখিত থাকায়, ময়মনসিংহ, শ্রীহট্ট চট্টগ্রামাদি সমস্ত পূর্ববঙ্গই স্মৃতিত হইতেছে।

যখন শ্রীমহাপ্রভু পূর্ববঙ্গে হরিনাম প্রচার করেন, আশ্চর্য্যের বিষয় যে নবদ্বীপে সেই সময়ে তিনি ভ্রমেও হরিনাম করেন নাই।

শ্রীমহাপ্রভু ভক্তিবপুরের ঘাটে পদ্মা পার হইয়া গোপালপুরে গমন করেন, তথায় কিছুকাল বাস করিয়া পদ্মা-যমুনা-সঙ্গমে উপস্থিত হইয়া স্নান তর্পণ করিয়া ছিলেন; তাহার পর ফরিদপুরে প্রবিষ্ট হন। ফরিদপুরে কিছুকাল হরিনাম ও বিদ্যাবিতরণের পর বিক্রমপুরের অন্তর্গত মুরপুরে * আগমন করেন। এই সময়ে তাঁহার পিতৃভূমি শ্রীহট্ট দর্শনের অভিলাস জন্মে, “প্রেমবিলাসে” ইহা বর্ণিত আছে—

“কিছু দিন থাকি প্রভু ভাবিলা মনেতে।

যাইতে হইল মোর শ্রীহট্ট দেশেতে ॥

পিতৃ জন্ম স্থান পিতামহেরে দেখিয়া।

পদ্মাবতী তীরে ঝাট আসিব চলিয়া ॥”

শ্রীমহাপ্রভু অনতিবিলম্বে যাত্রা করিয়া সুবর্ণগ্রামে আসিয়া উপস্থিত হন। সেই সময় বর্তমান ময়মনসিংহ জেলা ভিন্ন ভিন্ন ভাগে বিভক্ত ছিল। সুবর্ণগ্রাম হইতে তিনি

* এগ্রাম অধুনা পদ্মাগর্ভে বিলুপ্ত।

উত্তর পূর্ব মুখী যাইয়া লাজলবন্ধে ব্রহ্মপুত্র স্নান করেন ; কথিত আছে বলরামের করধৃত লাজলে আকৃষ্ট হওয়ায় এ স্থান লাজলবন্ধ নামে খ্যাত হয় । *

তথা হইতে শ্রীমহাপ্রভু পঞ্চমী ঘাট গমন করেন ; এবং তৎপরে প্রাচীন নগর এগারসিঙ্গুর আগমন করিয়া ঐ স্থান পবিত্র করেন । এগারসিঙ্গুর হইতে তৎপূর্ববর্তী প্রসিদ্ধ বেতাল গ্রামে তিনি উপস্থিত হন ; ইহার নিকটেই ঢোলদিয়া ও ভিটাদিয়া প্রভৃতি প্রাচীন গ্রাম । শ্রীমহাপ্রভু ভিটাদিয়া নিবাসী লক্ষ্মীনাথ লাহিড়ীর গৃহে আতিথ্য স্বীকার করেন । লক্ষ্মীনাথ পরম বৈষ্ণব ছিলেন, প্রভু তাঁহার গৃহে ৩৪ দিবস ছিলেন । **লক্ষ্মীনাথের গৃহে একটি বকুলতলার বসিয়া উভয়ে কৃষ্ণ কথা আলাপ করিতেন । † তাহার পরে শ্রীমহাপ্রভু শ্রীহট্টে আগমন করেন । ‡

* “বলরাম লৌহিত্য স্নান করিবারে ।
লাজল বন্ধে উপনীত হইলেন ধীরে ॥
কিছুদূরে ছিল সেই ব্রহ্মপুত্র নদ ।
বলরাম ডাকিলেন করি উচ্চ নাদ ॥
বলরামের ডাক লৌহিত্য না গুলিল ।
ক্রোধকরি বলরাম লাজল ধরিল ॥
লাজলে আকর্ষণ করি নিকটে আনিল ।
লাজলে বাকিয়া স্নান তর্পণ করিল ॥
এই কারণে এই স্থানের নাম লাজলবন্ধ হয় ।
শীতল লক্ষার সঙ্গম এই স্থানে হয় ॥
সঙ্গমেতে স্নান কৈলে শতগুণ ফলধরে ।
নানাদেশ হৈতে লোক আসি স্নান করে ॥”
—রঘুদাস বৈষ্ণব কৃত প্রাচীন স্বরূপ চরিত্ত গ্রন্থ ।

* সেই স্থানে আছেন বিপ্র লক্ষ্মীনাথ লাহিড়ী ।
পরম বৈষ্ণব সর্বগুণে সর্বোপরি ॥
তার ঘরে কৈলা প্রভু ভিক্তা নির্ঝাহনে ।
দুইচারি দিবস রহি তার ভক্তি গুণে ॥”
প্রেম বিলাস ২৪ বিঃ ।

† “ঐ দেখ তমাল আর বকুল বৃক্ষ হয় ।
লক্ষ্মীনাথসহ গৌর তার তলে রয় ॥
ইষ্ট গোষ্ঠী করে আর নাম সর্কার্ডন ।
যে দেখে তাহার রূপ মোহিতসে জন ॥”—সরূপচরিত ।

‡ “লক্ষ্মীনাথে বর দিবা প্রভু গৌরহরি ।
কিছুদিনে শ্রীহট্টে আসিলেন চলি ॥”—প্রেম বিলাস ।

ভিটাদিয়া হইতে তাঁহার শ্রীহট্ট গমন কোন্ পথে হইয়াছিল, বলা যায় না ; সুতরাং হাজঙ্গ জাতির উদ্ধার যে স্বয়ং তিনি করিয়াছিলেন, এমন কোন প্রমাণ নাই ।

যিনি নীলাচলে শ্রীচৈতন্যদেবের আদেশে রায় রামানন্দ সদনে গিয়া কৃষ্ণকথা শুনিয়াছিলেন, সেই প্রচ্যুত মিশ্র বিরচিত শ্রীকৃষ্ণচৈতন্যদয়াবলী নামক সংস্কৃত গ্রন্থেও শ্রীমহাপ্রভুর শ্রীহট্টাগমন লীলা বর্ণিত আছে । কিন্তু সে পরবর্তী ঘটনা—সন্ন্যাসের পরে শাস্তি-পুর হইতে তিনি যশোড়া, অম্বিকা, ও শ্রীহট্টে “লীলাছলে” গমন করিয়াছিলেন ; ইহাই বর্ণিত আছে । এই সময়ে শ্রীহট্টের বুরুগঙ্গা (বরঙ্গা) ও ঢাকা দক্ষিণে তিনি কোন কোন ভক্তকে বিশেষ ভাবে হরিনাম প্রচারে প্রেরণ করেন ; কিন্তু এই সময়েও তাঁহার সুসঙ্গ-দুর্গাপুর প্রভৃতি গমনের কোন সংবাদই পাওয়া যায় না ।

শ্রীহট্টের জনৈক প্রাচীন কবি কৃত “রসতত্ত্ববিলাস” নামক একখানি হস্তলিখিত কীট দংশিত পুঁথি প্রাপ্ত হওয়া গিয়াছে । তাহাতে লিখিত আছে যে শ্রীমহাপ্রভু শ্রীহট্টবাসী রামদাস ও মাধব এবং জ্ঞানবর ও কল্যাণবর নামক ভক্ত চতুষ্টয়কে হরিনাম প্রচারার্থে আদেশ করিয়াছিলেন । এই আদেশ—পরে তিনি যখন শ্রীহট্ট আগমন করিয়া ছিলেন, সেই সময় প্রদত্ত হয় ।

“এতবলি মহাপ্রভু ডাকে রামদাস ।
দুই ভাই সঙ্গে চলে মাধব দাস ॥
এই নাম বিলাহবা উত্তর দিগেতে ।
জ্ঞানবর কল্যাণবর ডাকরে ত্বরিতে ॥
মোর আজ্ঞাবলে বাপু পূরব দিগেতে ।
যারে তারে এই নাম বিলাও ভালমতে ॥
জন্মে জন্মে তুমাদোহার হৃদয়ে বসিয়া ।
আমি প্রেম বিলাইব নিশ্চয় জানিয় ॥”

রসতত্ত্ববিলাস । *

শ্রীমহাপ্রভু জ্ঞানবর ও কল্যাণবরকে পূর্বদিকে এবং রামদাস ও মাধবকে উত্তর দিকে হরিনাম প্রচারার্থ “শক্তি” (“মোর বল”) দিয়া প্রেরণ করেন । জ্ঞানবর

* এ গ্রন্থ রামানন্দ মিশ্র প্রণীত, রামানন্দের সহোদরের বংশে অধুনা অখণ্ডন ৬ষ্ঠ পুরুষ চলিতেছে ।

ও কল্যাণবর কোথায় গমন করিয়াছিলেন? শ্রীহট্টের পূর্বে হেড়মদেশ; তাঁহাদের প্রচার ক্ষেত্র ঐ দেশই হইয়াছিল। তাঁহারা শীঘ্রই তাঁহাদের কার্য সুসম্পন্ন করিয়া হেড়ম (কাছাড়) হইতে শ্রীহট্টে (পঞ্চখণ্ডে) প্রত্যাবর্তন করেন। *

রাম দাস ও মাধব শ্রীমহাপ্রভুর আজ্ঞার উত্তর দিকে হরিণাম প্রচারার্থ গমন করেন। জানা যায় যে তাঁহারাও কৃতকার্য হইয়াছিলেন। †

কিন্তু তাঁহারা দুইজনে সঙ্কীর্তন প্রচারের সুবিধা করিয়া উঠিতে পারেন নাই; তাঁহারা “কেবল নাম প্রচারে” সে দিক তরাইয়া ছিলেন।

যখন এই প্রচার কার্য অসুষ্ঠি হয়, তখন সুসম্পন্ন কিয়দংশ সরকার শ্রীহট্টেরই অন্তর্ভুক্ত ছিল; রামদাস ও মাধব শ্রীহট্ট জিলার উত্তরাংশে সেই স্থানেই হরিণাম প্রচার করিয়াছিলেন। পার্শ্বত্যা হাজঙ্গ জাতীয়েরা প্রথম হইতেই সঙ্কীর্তনে আকৃষ্ট হইতে পারে নাই, তাহারা প্রথমতঃ “কেবল হরিণামেই” দীক্ষিত হইয়াছিল। ইহাই স্বাভাবিক এবং রামানন্দ কর্তৃক সেই জন্তই একথা বর্ণিত হইয়াছে।

শ্রীহট্টে শ্রীচৈতন্যমহাপ্রভু আগমনের অনেক চিহ্নই বর্তমান আছে। শ্রীচৈতন্য মহাপ্রভু ময়মনসিংহের ভিটাদিয়া, ঢোলদিয়া, বেতাল, এগারসিদ্ধুর প্রভৃতি স্থানে যে সকল লীলা করেন, ততস্থানে তাঁহার কোন চিহ্ন আছে বলিয়া শূন্য নাই; সম্ভবতঃ তাহা কালগর্ভে বিলীন ও বিস্মৃতির আবিল জলে ডুবিয়া গিয়াছে; কিন্তু দুর্গাপুর ও সেরপুরের হাজঙ্গ জাতির আচার ব্যবহার ও ধর্ম তাহা একবারে বিলোপ হইতে দিচ্ছে না। ইহাদের আচার ব্যবহারাঙ্গি দেখিলেই মনে হয় যে শ্রীগোরাঙ্গের সহিত তাহার কোন সংস্রব না থাকিবার কথা নহে। সে সম্বন্ধটি কি, এ ক্ষুদ্র প্রবন্ধে তাহাই দেখাইতে চেষ্টা করা গিয়াছে।

শ্রীঅচ্যুতচরণ চৌধুরী তত্ত্বনিধি।

* “ফুরা (ফিঁয়া) গেলা জানবর হিঁড়মদেশ হৈতে। পঞ্চখণ্ডে বাস হৈয়া প্রেম বিলাইতে।”—রসতত্ত্ববিলাস।

† “রামদাস মাধবদাস উত্তর দিকে যাই। তথা যায়া বিলাইলা প্রভুর আজ্ঞাবলে। কেবল নাম প্রচারে সেদিকে তরাইল”—ঐ।

পল্লী-জননী।

হে মম পল্লী-জননী,

স্নিগ্ধ শ্রামকান্তি তব

দীনসন্তান-পালিনী

২

উষার স্নিগ্ধ অরুণ-কিরণে

বিকাশে তোমার হাস্য,

সন্ধ্যার শান্ত পবিত্র মুরতি,

সে যে মা তোমার আস্য!

বাজে ষষ্ঠী কাশি মন্দিরে মন্দিরে,

ধূপগন্ধ-বায়ু বহে ধীরে ধীরে,

স্বতিগীতি ছন্দে তুমি চিরদিন

সন্তান শুভ কারিনী।

৩

তোমার ক্ষেত্রে শশু-ভাণ্ডার,

ক্ষুধিত সন্তান তরে,

তটিনীর জলে মেহের প্রবাহ

কীর হারা সম করে।

সন্তানের তরে কত আয়োজন,

কত মায়া তব কতই যতন,

শিরায় শিরায় বেঁধেছে আমায়,

তোমার মেহ-বন্ধনী।

৪

ষড়ঋতু আনি কুমুম অর্ঘ্য;

নিয়ত তোমায় বন্দে,

বিহঙ্গের গানে ভরে উপবন,

কান্ত মধুর ছন্দে।

মাঠে কৃষকের বারমাসী গানে,

সাঁঝে রাখালের বাশরীর তানে,

হে সর্বমঙ্গলা সন্তান বৎসগা

তুমি যে জাগ মা আপনি!

৫

তোমার রুদ্র গীর্ষ্য জাগায়
 হৃদয়ে চণ্ড চেতনা,
 তোমার বর্ষা-মেহুর সমীরে
 মনেপড়ে কত বেদনা।
 কুটীরে কুটীরে ক্ষুদ্র সুখে দুখে,
 রাখ ঢাকি তুমি আপনার বুকে,
 অঞ্চলে মুছাও নয়নের জল,
 তুমি মা কষ্ট-হারিণী।

৬

তোমার মৃত্তিকা নহে তুচ্ছ মাটি
 এ যে পিতৃগণ দেহ,
 মিশেছে উহাতে শত বরষের
 কত আশীর্বাদ মেহ।
 তুচ্ছ ধূলিকণা আমিযে তোমার,
 তুমি পুণ্যতীর্থে সম সাধনার,
 ধরিয়াছ ক্রোড়ে জনমে আমারে
 মরণে ধরিও ভেমনি,
 তোমার ধলায় এদেহের শেষ
 মিশে যায় যেন জননী।

শ্রী—পল্লীবাসী।

ঐতিহাসিক প্রসঙ্গ।

১১৯৮ বা ১২০৫ খৃষ্টাব্দ—মোসলমান কর্তৃক বঙ্গ বিজয়ের সময় রূপে নির্দিষ্ট হইয়াছে। এক দিকে দিনাজপুর জেলার অন্তর্গত গঙ্গাতামপুর থানা, অপর দিকে বীরভূম জেলার উত্তরাংশ, কেবল এই দুই সীমাবর্তী প্রদেশ বিজয়ী সেনাপতি বক্তার খিলজী অধিকার স্থাপন করিতে সমর্থ হইয়াছিলেন। বঙ্গদেশের অন্যান্য অংশ স্বাধীন ছিল।

কতিপয় মোসলমান দরবেশের উৎকট সাধনায় বঙ্গের অন্যান্য প্রদেশে হিন্দুর রাজত্ব বিনষ্ট হইয়া মোসলমানের অধিকার স্থাপিত ও ইসলাম ধর্ম প্রচলিত হয়।

আমরা দৃষ্টান্ত স্বরূপ মকহুম শাহদৌলা নামক একজন ইসলাম ধর্ম প্রচারকের বৃত্তান্ত লিপিবদ্ধ করিতেছি। জনশ্রুতি আমাদের অবলম্বন।

আবর দেশের অন্তর্গত এয়মানের শাসন পতির পুত্র শাহজাদা মকহুম দৌলা দ্বাদশজন দরবেশ ও বহু সংখ্যক অশুচর সহ পিতার অনুমতি গ্রহণ পূর্বক ধর্ম প্রচারার্থ বহির্গত হন। তাঁহারা স্বদেশ পরিত্যাগ করিয়া প্রথমতঃ প্রসিদ্ধ বোখারা নগরে গমন করেন এবং তত্রত্য ধর্ম বেতা শাহ জালাল উদ্দীন বোখারী কর্তৃক সাদরে গৃহীত হন। শাহ জালাল, মকহুমকে কতিপয় থাকি রঙ্গের কপোত উপহার দেন। অতঃপর তাঁহারা জলযানে আরোহণ করিয়া ভারতবর্ষাভিমুখে যাত্রা করেন এবং বহু দেশ পরিভ্রমণান্তে বর্তমান পাবনা জেলার অন্তর্গত পোতাঙ্গিয়া নামক স্থানে উপনীত হন। এই দেশ তৎকালে জলগর্ভে নিহিত ছিল! সমস্ত স্থান বিশাল সমুদ্র সদৃশ প্রতীয়মান হইত। এই স্থানে যাত্রীদের জলযান হঠাৎ চর ভূমিতে আবদ্ধ হইয়া পড়ে; তাঁহারা আর অগ্রসর হইতে অসমর্থ হন। তাঁহারা অনন্যোপায় হইয়া জল যানে বাস করিতে আরম্ভ করেন। তাঁহাদের সঙ্গীয় কপোত দল প্রাতঃকালে জল যান পরিত্যাগে পূর্বক বহির্গত হইত, সন্ধ্যাকালে নৌকায় ফিরিয়া আসিত। এক দিন এই সকল পক্ষীর পদে কদম দেখা যায়; এজন্য যাত্রীদের অদূরে বাসোপযোগী ভূমির অস্তিত্ব অনুমান করেন। শাহ জাদা মকহুমের আদেশে নাবিকেরা ডিজি নৌকায় আরোহণ করিয়া পর দিন প্রাতঃকালে পক্ষী-গুলির অনুসরণ করে এবং বর্তমান শাহজাদপুর নামক স্থান তাহাদের দৃষ্টিপথে পতিত হয়। অতঃপর মকহুম এই স্থানে দ্বাদশজন দরবেশ ও অশুচর বর্গ সহ বাসস্থান নির্দিষ্ট করেন।

শাহজাদা মকহুম দৌলার অভিনব বাসভূমি তাঁহার উপাধি অনুসারে শাহজাদপুর নামে পরিচিত হয়। মকহুম তথায় মসজিদ নির্মাণ করিয়া স্বীয় ধর্ম সাধনে প্রবৃত্ত হন। তদদেশের হিন্দু অধিপতি বিজাতির আবির্ভাব দেখিয়া ভীত হন এবং তাহাদিগকে বিধ্বস্ত ও বাহিষ্কৃত করিবার জন্য একদল সৈন্য প্রেরণ করেন।

উভয় পক্ষে প্রবল যুদ্ধ উপস্থিত হয়। ক্রমান্বয়ে তিনবার যুদ্ধ হইয়াছিল; তৃতীয় যুদ্ধে শাহজাদা মক্কেদৌলা কতিপয় সহচর সহ প্রাণ পরিত্যাগ করেন। একজন হিন্দু সৈনিক পুরস্কার লোভে মক্কেদের ছিন্ন শির লইয়া স্বীয় প্রভুর নিকটে গমন করে। হিন্দু অধিপতি এই মস্তকে নানা প্রকার সুলক্ষণ দর্শন করিয়া মক্কেদের একজন মহাধার্মিক বলিয়া বুঝিতে পারেন এবং তজ্জন্ম তাঁহার মৃত্যুতে দুঃখ প্রকাশ করেন। অতঃপর মক্কেদের অবশিষ্ট দরবেশ ও অনুচর নিরুপদ্রবে বাস করিতে আরম্ভ করেন। মক্কেদের মৃত দেহ সমারোহ সহকারে সমাহিত হয়।

শাহজাদা মক্কেদৌলার মসজিদ ও কবর অद्याপি পরিদৃষ্ট হইয়া থাকে। মসজিদ ও কবরের রক্ষণাবেক্ষণ জন্ম ৭২২ বিখা নিষ্কর ভূমি নির্দিষ্ট রহিয়াছে। এই নিষ্কর ভূমির অধিকাংশ প্রাপ্তকৃত দরবেশ ও অনুচরগণের উত্তরাধিকারীরা ভোগ দখল করিয়া আসিতেছেন। প্রত্যেক বৎসর বৈশাখ মাসে এই ঘটনার স্মরণার্থ শাহজাদাপুরে মেলা হইয়া থাকে, এই মেলায় বহুদূর হইতে হিন্দু মোসলমান আগমন করিয়া তাঁহার স্মৃতির তর্পণ করে।

আমর শাহজাদা মক্কেদৌলার বঙ্গদেশে আগমন কাল নির্ণয় করিতে প্রবৃত্ত হইতেছি। শাহজাদাপুর অঞ্চলের জনশ্রুতি অনুসারে তিনি মহাপুরুষ মোহাম্মদের জীবদ্দশায় বঙ্গদেশে আগমন করিয়াছিলেন। তাঁহার পিতার নাম মোয়াজ্জউদ্দীন জবল। তিনি মহাপুরুষের সহচর ও এয়মানের শাসন কর্তা ছিলেন। হজরত মোহাম্মদের আবির্ভাবের বহুকাল পরে বঙ্গদেশে মোসলমানের বিজয় পতাকা উড্ডীন হইয়াছিল। এক্ষণ অবস্থায় বঙ্গদেশের এক প্রান্তে তাঁহার সম সময়ে ইস্লামের প্রবর্তন ও মোসলমানের আধিপত্যের সূত্রপাত বিশ্বাস যোগ্য নহে। এই ঘটনা উপলক্ষ্য করিয়া প্রসিদ্ধ ঐতিহাসিক ডাক্তার বুকানন লিখিয়াছেন যে, বহু মোসলমান খৃষ্টীয় অষ্টম শতাব্দীতে ভারতবর্ষের নানা স্থানে বাণিজ্য উদ্দেশ্যে আগমন করিতেন এবং তাঁহাদের অনেকে ভারতবর্ষে উপনিবেশ স্থাপন করিয়াছিলেন। অতএব এক্ষণ সম্ভব পর যে, মোসলমানের তরবারি হস্তে আগমনের বহু

পূর্বেই একদল দুঃসাহসিক মোসলমান পূর্ববঙ্গে উপনীত হইয়া উপনিবেশ হইয়াছিলেন। ইহা বুকানন সাহেবের অনুমান মাত্র; পক্ষান্তরে একটি আভ্যন্তরীণ প্রমাণে দেখা যায় যে, মোহাম্মদ বক্ত্রিয়ার খিলিজির সম সময়ে অথবা পরবর্তী কালে মক্কে সাহেব বঙ্গদেশে আগমন করেন। মক্কে সাহেব ধর্ম প্রচারার্থ বহির্গত হইয়া প্রথমতঃ বোখারা নিগাসী সাধু প্রবর শাহ জালাল উদ্দীন বোখারীর সঙ্গে সাক্ষাৎ করিয়াছিলেন। এই জালাল উদ্দীন সাধু ভারতবর্ষে আগমন করেন এবং মুলতান নগরের অধিবাসী হইয়েন। তাঁহার পৌত্রের নাম মক্কে-ই-জাহানিয়া। মোসলেম ইতিহাসে মক্কে-ই-জাহানিয়ার নামোন্লেখ দেখিতে পাওয়া যায়। ইনি মুলতানের নিকট উচ্চনামক স্থানে ১৩২৭ খৃষ্টাব্দে পরলোক গমন করেন। পিতামহ ও পৌত্রের মৃত্যু মধ্যে ১০০ বৎসরের ব্যবধান ধরিয়া লইলে আমরা ১২২৭ খৃষ্টাব্দে উপনীত হই। এই সময়ে অথবা ইহার কতিপয় বৎসর পূর্বে শাহজাদা মক্কেদৌলা বঙ্গদেশে আগমন করেন। আমাদের নির্দেশ ঠিক হইলে বলিতে হইবে যে, মক্কে সাহেব মহাপুরুষ মোহাম্মদের শিষ্য মোয়াজ্জউদ্দীন জবলের পুত্র নহেন, বংশধর। খৃষ্টীয় ত্রয়োদশ শতাব্দীতে বহুসংখ্যক মোসলমান সাধু বোখারা হইতে ভারতবর্ষে আগমন করেন ইতিহাসে এক্ষণ দেখিতে পাওয়া যায়। মক্কে সাহেবকে তাঁহাদের অগ্ৰতম বলিয়া নির্দেশ করা যাইতে পারে। *

শ্রীরামপ্রাণ গুপ্ত ।

ক্ষুদ্র ও বৃহৎ ।

ক্ষুদ্র হয়ে তবু করি যতন অশেষ,
গড়িছে প্রবালকীট কত দ্বীপ দেশ।
অতিকায়-তিমি শুধু ফিরে গর্ভ ভরে,
ফুৎকারে সমুদ্রজল তোলপাড় করে।

শ্রীগোবিন্দচন্দ্র দাস ।

তিব্বত অভিযান।

হিমাচল বন্ধে।

৭ই নবেম্বর প্রত্যাহে চা পানের পর আমরা পুনরায় রওনা হইলাম। এখন আমরা তীস্তার দক্ষিণ তট দিয়া গমন করিলাম। নিবিড় জঙ্গল মধ্য প্রবাহিতা তীস্তার সৌন্দর্য্য ও সেই ভ্রমণ বৃত্তান্ত জীবনে কখনও ভুলিব না। যেদিকে দেখি কেবল জঙ্গল ও অনন্ত হিম-মুকুট-শোভিত হিমাচলের অপূর্ণ মনোরম শোভা; আর কিছুই দেখা যায় না;—তাহাও ঠিক কথা নহে। মস্তকের উপর অনন্ত নীল আকাশ, ক্রমে ক্রমে দূরে হিমালয়ের অনিন্দ্য শুভ্র মহাকাশের সহিত মিশিয়া গিয়াছে। প্রতি মুহূর্তে ঐ স্বর্গীয় দৃশ্যপট পরিবর্তিত হইতে ছিল, যেন আজি কোনও অদৃশ্য নারিকর স্বীয় বায়োস্কোপযন্ত্রের দৃশ্যাবলি আমাদের চক্ষের সম্মুখে খুলিয়া দিয়াছেন। নিতান্ত ছুঃখের বিষয় এই যে, কবির হৃদয় লইয়া জন্ম গ্রহণ করি নাই। তাহা হইলে আজ মনের সাথে ঐ দুর্লভ দৃশ্যের বর্ণনা লিপিবদ্ধ করিতাম।

মধ্যে মধ্যে আমরা দুই চারি জন স্থানীয় অধিবাসীকে দেখিতে পাইতেছিলাম। শুনিলাম, ইহার শীকার অথবা কাষ্ঠ সংগ্রহের জন্য এই গভীর জঙ্গলে ঘুরিয়া বেড়াইতেছে। ইহাদের মধ্যে নেপালী, লাপ্চা ও তিব্বতিয়েরাই প্রধান। ইহার জঙ্গলের এক এক স্থানে কুটির নির্মাণ করিয়া বাস করিতেছে। আমরা এই পথে আসিয়াছি শুনিয়া তাহারা সোণালু (হরিদ্রা বর্ণ বিশিষ্ট এক প্রকার সুমিষ্ট পার্কত্য ফল; খাইতে অনেকটা নাস্পাতির মত) নারঙ্গি প্রভৃতি ফল রাস্তার ধারে, সাজাইয়া রাখিয়াছে। শুনিলাম, এই নারঙ্গি সিকিমে অপূর্ণ্যাপ্ত উৎপন্ন হয়। এক আনা সের দরে আমরা প্রায় সকলেই কিছু কিছু খরিদ করিলাম। এই নারঙ্গি শ্রীহট্টের কমলা অপেক্ষা নিকৃষ্ট মনে হইল না।

অন্ত প্রাতঃকালে আমরা দেখিলাম—কোনও সময়ে এই জঙ্গলের মধ্যে একটি পথ নির্মিত হইয়াছিল, উহার নিদর্শন এখনও বেশ স্পষ্ট বিদ্যমান রাখিয়াছে। অল্পসন্ধানে অবগত হইলাম যে, ১৮৮৮ খ্রীষ্টাব্দে জেনারেল

গ্রাহামের সৈন্যদলের জন্য চূষী পর্য্যন্ত এই পথ প্রস্তুত হইয়াছিল। বলা বাহুল্য আমরা সকলে এই পথ অনুসরণ করিতেছিলাম। এই সুবিধা সত্ত্বেও আমরা পদে পদে পথের দুর্গমতা অনুভব করিলাম। একদিকে অনভেদি পর্বত ও অপরদিকে সুগভীর খড় বা নিয় ভূমি। পূর্বে এই খড়ের দিকে মজবুত বেড়া দেওয়াছিল।



কল বিক্রোভাপণ।

এক্ষেণে কিন্তু তাহা আর দেখিতে পাইলাম না। শুনিলাম, গাড়ী, ঘোড়া, বা যাত্রীরা মধ্যে মধ্যে এ খাদে পড়িয়া গিয়া একবারে ছাতু হইয়া যায়। সৌভাগ্যের বিষয় আমাদের মধ্যে সেপ্রকার কোনও দুর্ঘটনা ঘটে নাই।

আজ বেলা এগারটার সময় কিয়ৎকালের জন্য গতি-রোধ করিয়া আহালাদি করিয়াছিলাম। তাহার পর বেলা একটার পর আবার চলিতে আরম্ভ করিলাম। ঘণ্টা দুই পরে আমরা তীস্তা পার হইলাম। ইহারই কিয়ৎদূরে ডালিংএর কয়লার খনি অবস্থিত। নদীর অদূরে রিয়াং গ্রাম। সিকোনা উৎপন্নের জন্য ভারত গভর্ণমেন্ট এখানে একটি কুঠি নির্মাণ করাইয়াছেন। একজন ইংরাজ ইহার

অধ্যক্ষ। আমরা সে দিবস উহার সম্মুখে শিবির সন্নিবেশ করিলাম।

এই গ্রামের পাঁচ মাইল দূরে কালিম্পং। ইহা একটি উচ্চ পর্বত শৃঙ্গে অবস্থিত। শুনিলাম স্থানটি এ দেশে স্বাস্থ্যের জন্য প্রসিদ্ধ। স্ফট মিশ্রনের গ্রাহাম্ সাহেব এই স্থানে একটি অনাথ যুরোপীয় ও যুরেসিয়ান্ বালক—বালিকাদিগের শিক্ষার জন্য একটি আশ্রম স্থাপন করিয়াছেন। যাহারা এক সময়ে হরত সমাজের কতকগুলি আবর্জনার সৃষ্টি করিয়া দেশের পাপের স্রোত বৃদ্ধি করিত, তাহারা আজ গ্রাহাম্ সাহেবের নিঃস্বার্থ দয়াগুণে এই স্থানে সুস্থ ও সশল দেহে নানাপ্রকার কল্যাণময়ী বিদ্যা অর্জন করিয়া সমাজের শ্রী ও বল বৃদ্ধি করিবার জন্য প্রস্তুত হইতেছে। হায় ইংরাজ পাদরী! কি বলিয়া তোমার প্রশংসা করিব? ধর্মের ও দেশের মঙ্গলের জন্য তোমার অদ্ভুত স্বার্থত্যাগের দৃষ্টান্ত জগতে বড় বিরল। আফ্রিকা, আমেরিকা, ও এশিয়া খণ্ডের সহস্র সহস্র দুর্গম স্থানের নিরক্ষর বহু অধিবাসীরা তোমার রূপায়, সত্যতার ও ধর্মের আলোক লাভ করিতেছে।

এই কালিম্পংএর অনাথ আশ্রমের কয়েক মাইল দূরে পাদরী দেশ-গোডিন্স (Father Des-godins) সাহেব অবস্থান করেন। ধর্ম প্রচারের জন্য তিনি স্বদেশ, স্বজন প্রভৃতি পরিভ্যাগ করিয়া একমাত্র দ্রৌকে সঙ্গে লইয়া এই গভীর অরণ্যে বাস করিতেছেন। প্রচার কার্যে তিনি প্রায়ই স্বীয় আবাস হইতে ১৫০, ১৬০ মাইল দূরবর্তী স্থানে গমন করেন। আজ প্রায় চারি বৎসর যাবৎ তিনি এই স্থানে আছেন। আমাদের ডাক্তার সাহেবের সহিত পাদরী সাহেবের পরিচয় ছিল বলিয়া তিনি আমাদের শিবিরে উপস্থিত হইলেন। তাঁহার বাক্যালাপে বুঝিলাম যে, তিনি এই নির্জন স্থানে বেশ সুখে কাল যাপন করিতেছেন। তাঁহার একান্ত ইচ্ছা তিনি জীবনটা এইখানেই কাটাইয়া দেন; কারণ, তাঁহার বিশ্বাস এখানকার অসভ্য অধিবাসীরা আজকাল ধীরে ধীরে সত্যতার আলোক লাভ করিতেছে ও খ্রীষ্ট ধর্মের প্রতি দিন দিন আকৃষ্ট হইতেছে। পাদরী সাহেবের ভূষার শুভ্র শাশ্রু-গুচ্ছ, তাঁহার সরল কথা বার্তা,

তাঁহার সর্বভূতে সম ব্যবহার প্রভৃতি দর্শনে আমার প্রাচীন যুগের ঋষিদিগের কথা মনে পড়িল।

৮ই নবেম্বর। পরদিবস আমরা প্রাতরাশ সমাপ্ত করিয়া রওনা হইলাম। প্রায় তের মাইল গমনের পর আমরা থিগাংপংএ গতিরোধ করিলাম। আজ পথের অবস্থা বড়ই শোচনীয়। অনেক স্থানে আমাদিগকে দুর্গম চড়াই সকল উত্তীর্ণ হইতে হইয়াছিল। পথ এত বন্ধুর যে, আমাদিগকে অথ হইতে অবতীর্ণ হইয়া গমন করিতে হইয়াছিল। যে স্থানে আমরা শিবির সংস্থাপন করিয়াছিলাম, তথায় কোনও গ্রাম ছিল না। স্থানটি সম্পূর্ণ নির্জন। উত্তর পূর্ব ও উত্তর-পশ্চিম দিকে বিশাল ও অনন্ত সৌন্দর্যের আধার হিমালয়, কোন অজ্ঞাত রাজ্যে যাইয়া মিশিয়া গিয়াছে। আমাদের চারিদিকে ক্ষুদ্র ক্ষুদ্র নানা প্রকারের বৃক্ষ ও লতা। দূরবীণের সাহায্যে আমি বহুদূর পর্য্যন্ত দৃষ্টিপাত করিলাম। কোনও প্রকার লোকালয়ের চিহ্নমাত্র দেখিলাম না। রাত্রি আটটার পর আমাদের শিবিরের সকলেই নিদ্রার বিমল অঙ্কে সমস্ত দিনের পথশ্রম বিস্মৃত হইলেন। আমি কিন্তু রাত্রি প্রায় এগারটা পর্য্যন্ত জাগ্রত রহিলাম; কারণ, আমি সেই দিন প্রাতঃকালে দেশের ডাক পাইয়াছিলাম।

একখানা সংবাদ পত্র পাঠ করিতেছি, এমন সময় অনতিদূরে ব্যাঘ্রের গভীর গর্জন শুনিতে পাইলাম। রায় মহাশয় ঠিক, আমার পাশেই একখানা ক্যাম্প খাটে শুইয়াছিলেন। ঐ গর্জনের পর তিনি সহসা শয্যা হইতে গাত্রোথান করিয়া একলক্ষি আমার খাটের উপর আসিয়া পড়িলেন। খাট নির্মাতা অবশ্য এপ্রকার ব্যায়ামের জন্য ঐ খাট নির্মাণ করে নাই। রায় মহাশয় লক্ষ দিবা মাত্র খাটখানা কবুল জবাব দিয়া তিনখণ্ড হইয়া গেল, সঙ্গে সঙ্গে আমরা দুই জনই ভূমির আশ্রয় গ্রহণ করিলাম। যাহা হউক, সে রাত্রে ব্যাঘ্র মহাশয়ের আর কোনও সাড়া শব্দ পাওয়া গেল না। প্রাতঃকালে শুনিলাম, আমাদের সাহেবের একটা টেরিয়ারের কোনও সংবাদ পাওয়া যাইতেছে না। শিবিরের বাহিরে ব্যাঘ্রের পদচিহ্ন দর্শনে তাহার গন্তব্য স্থান সম্বন্ধে আমাদের বিশেষ কোনও সন্দেহ রহিল না।

৯ই নবেম্বর। পর দিবস দ্বিপ্রহরের পর আমরা র্যাপো গ্রামে উপস্থিত হইলাম। ইহা সিকিম রাজ্যের অন্তর্গত। গ্রাম খানি একটি পর্বতের পাদদেশে অবস্থিত। গ্রামের অধিবাসী সংখ্যা প্রায় ৬০০। এক প্রান্তে এক বিস্তৃত ময়দানের পার্শ্বে গ্রামের বাজার। আমরা সেই স্থানে শিবির সংস্থাপন করিলাম। এই গ্রামে আমাদের কমিশেরিয়েটের একটি প্রধান আড়াল স্থাপিত হইয়াছিল। কারণ, সিলিগুড়ি হইতে এই গ্রাম পর্য্যন্ত গোলশকটের পথ ছিল। ইহার পর পথ অত্যন্ত দুর্গম বলিয়া দ্রব্যাদি এখান হইতে গরুর ও কুলির সাহায্যে প্রেরিত হইয়াছিল।

এই স্থানের প্রকৃত নাম রাম্পু। আমরা যখন ঐস্থানে উপস্থিত হইলাম, তখন দেখিলাম এই অভিযানের অনুগ্রহে উহা একটা নাতি ক্ষুদ্র



নগরে, পরিণত হইয়াছে। প্রায় ২০০ খানা আটচালা নির্মিত হইয়াছে। উহাদের প্রায় অর্ধেক আমাদের

দ্রব্যাদিতে পরিপূর্ণ; অপরাধী কুলি, তাহাদের কর্মচারী ও খচ্চর সমূহে পূর্ণ। দেখিলাম একটি ডাকঘর খোলা হইয়াছে। পোষ্ট মাষ্টার মহাশয় বাঙ্গালী। আমাদের আসিবার কয়েকদিন পূর্বেই আসিয়া আফিস খুলিয়াছেন। দ্রব্যাদি দেখিবার ও রওনা করাইবার জন্ত আমাদের

এই স্থানে কয়েক দিবস থাকিতে হইল বলিয়া আমরা তিনজন বাঙ্গালী মাষ্টার মহাশয়ের বাসায় আশ্রয় গ্রহণ করিলাম। দিনগুলো বেশ আমোদ প্রমোদে অতিবাহিত হইতে লাগিল। মাষ্টার মহাশয়ের শিকারে খুব সন্ধ্যা বলিয়া আমরা দুইজনে দিবসের অধিকাংশ সময় পাহাড়ে পাহাড়ে ঘুরিয়া বেড়াইতাম। শুনিলাম, এখান হইতে কয়েক মাইল দূরে একটা জঙ্গলে বন্যহস্তী, ভল্লুক প্রভৃতি প্রচুর দেখিতে পাওয়া যায়। গ্রামের নিকটে

কোন হিংস্র জন্তু বড় একটা দেখা যায় না। একদিন আমাদের ডাক্তার সাহেব রাত্ৰিকালে বিশেষ ভাবে বিপন্ন হইয়া পড়িলেন।

॥অতুলবিহারী গুপ্ত।

অভাব ।

অভাব অভাব শুধুই অভাব !

অভাব তবে কি জগত ময় ?

অভাবের বাস এখানে কি শুধু ?

অন্তত অভাব নাহি কি রয় ?

দিব কি উত্তর একথার আর ?

—অভাব নিজের মনের মাঝে ;

আকাঙ্ক্ষা পূরিত যাহাদের প্রাণ,

অভাব তাদের লাগিয়া আছে।

বাসনা বিহীন হতে যদি পার,

অভাব যাবেনা কখনো পাছে,

ধাতার দানে তুষ্ট যেই জন,

অভাব তাহার আসেনা কাছে।

শ্রীহৈমবতী দেবী।

গো-যান ।

মানুষ সভ্য পদবীতে আরুঢ় হইলেই তাহার গতা-
য়াতের সুবিধাজনক বিবিধ যানের আবশ্যকতা অনুভব
করে। এবং তদনুসারে স্ব স্ব প্রতিভা বলে নানাপ্রকার
যানের উদ্ভাবনা করিয়া থাকে। পুরাকাল হইতে
অষ্টাদশি যে সকল যানের আবিষ্কার হইয়াছে, তন্মধ্যে
গোযানই সর্বাঙ্গপ্রাচীন বলিয়া বোধ হয়। কারণ
অসমান পথে গতায়াতে গরু যেমন পটু, তাহার দ্বারা
পরিচালিত যান ও তদনুরূপ নিরাপদ। পৃথিবীতে
সমতল ভূভাগাপেক্ষা অসমান ভূভাগের মাত্রা অধিক
সুতরাং নিত্যনৈমিত্তিক প্রয়োজন নির্কাহার্ষ অসমান পথে
গমন পটু যানের দিকেই সর্বাঙ্গে মাননের বুদ্ধি লাবিত
হওয়া সম্ভব।

“গোযান” সাধারণতঃ রথ এবং শকট এই দুই
শ্রেণীতে বিভক্ত। যে চক্রযুক্ত যান যুদ্ধে ব্যবহৃত
হইত তাহার নাম—শতাজ স্তন্দন এবং রথ, যাহা
যুদ্ধে ব্যবহৃত হইত না, বিলাস ভ্রমণাদিতে নিযুক্ত হইত
তাহা পুষ্টরথ নামে প্রসিদ্ধি লাভ করিয়াছিল। যাহা
বর্তমান সময়ে গাড়ী নামে পরিচিত, তাহারই পুরাণ
নাম শকট এবং অনসু।

রথ এবং শকট এই উভয়ের মধ্যে রথই যেন প্রথম
আবিষ্কৃত হইয়াছিল। কারণ চক্রের একটি নাম রথাজ
এই যোগরুঢ় নাম দেখিয়া বোধ হয় চক্রের যাহাযে
প্রথমতঃ কেবল রথই পরিচালিত হইত, এবং রথের
একশত অবয়বের মধ্যে চক্রের প্রাধান্য বর্ণিতঃ তাহাই
রথাজ নামে প্রসিদ্ধি লাভ করিয়াছিল। শতাব্দের
নির্মান এবং চালন—প্রয়াস সাধ্য, এবং সর্বত্র এই বিপুল
কায় পদার্থের আবশ্যকতাও অনুভূত হয় না সুতরাং
পাখোয়াজ হইতে তবলার উৎপত্তির স্থায় বৃহৎকায় রথ
হইতে ক্ষুদ্র প্রয়োজন সম্পাদনোপযোগী ক্ষুদ্রকায় শকটের
আবিষ্কার হইয়াছে। আচ্ছাদিত যে ক্ষুদ্র রথ রমণীদিগের
গতায়াতে ব্যবহৃত হইত, তাহার নাম—কর্নারথ প্রবহণ
এবং ওরণ। যদিও অমরকোষ প্রভৃতিতে তিনটি নাম
দেখিতে পাওয়া যায় কিন্তু সাহিত্যে ওরণ শব্দের প্রয়োগ

প্রায় দেখা যায় না। কালিদাসের বর্ণনায় “কর্নারথে”র
পরিচয় পাওয়া যায়।

‘কর্নারথস্থং রঘুবীর পত্নীম্’ (রঘুবংশ ১৪)।

শুদ্রকের লেখনীর রূপায় মৃচ্ছকটিকে প্রবহণ বিশেষ-
রূপেই পরিচিত হইয়াছে।

রথ এবং শকট এই উভয় যানই গরুর দ্বারা চালিত
হইত, প্রাচীনগ্রন্থে এই বিষয়ে প্রমাণের অভাব নাই।
উপনয়নের পর গুরুকুলে বেদপাঠ সমাপ্ত করিয়া সমা-
বর্তনের পর যে সকল বস্তুর মন্ত্র পূর্বক ব্যবহার বিহিত
হইয়াছে, তন্মধ্যে রথের উল্লেখ আছে; এই রথের
আবোহণ মন্ত্রে রথবাহক গরুর সুস্পষ্ট উল্লেখ দেখিতে
পাওয়া যায়।

যথা—“হে বনস্পতি বিকার (কাষ্ঠময়) রথ ! তুমি
স্থিরাবয়ব হও। এবং আমাদের সখা (মিত্রস্বরূপ) হও।
প্রতরণ অর্থাৎ দুর্গম পথ হইতে তরণের উপায় হও।
এবং সুন্দর সারথিযুক্ত হও। তুমি গো সকলের সহিত
যুক্ত হইয়াছ; অতএব আমাদিগকে তীব্র বেগযুক্ত কর।”

ঋগ্বেদের ৮ মণ্ডলের ৫৩ স্তোত্রে রথ এবং রথবাহক
গরুর উল্লেখ আছে। *

যে জিনিস প্রথমতঃ কেবল কোনও প্রয়োজন
নির্কাহের অভিপ্রায়ে উদ্ভাবিত হয়, ক্রমে তাহা বিলা-
সিতার উপকরণ মধ্যে পরিগণিত হইলে আদিম অবস্থার
প্রভূত পরিবর্তন ঘটিয়া থাকে, ইহা সচরাচর প্রত্যক্ষ
হইতেছে। এই রীতি অনুসারেই বোধ হয় রথ বহনের
ভার ক্রমে গরুর ক্ষমতা হইতে অশ্ব এবং অশ্বতরীর ক্ষমতা
নিহিত হইয়াছিল। ইহার ফলেই রথবাহক অশ্বের
এবং অশ্বতরীর বর্ণনায় প্রাচীন সংস্কৃত সাহিত্যের কলেবর
পরিপূর্ণ হইয়াছে। অশ্বতরীযুক্ত রথ বিশেষ বিলাসিতার
জিনিসরূপে পরিচিত হইয়াছিল; ইহা বিশিষ্ট উপহার
স্বরূপ প্রদত্ত হইত। ছান্দোগ্যোপনিষদের একটি
আধ্যাত্মিক পাঠে জানা যায়—রাজা জানশ্রুতি উপদেশ

* ঋগ্বেদ বর্তমান সময়ে অজাভক্ষণ বালকের ক্রীড়নক রূপে
ব্যবহৃত হইতেছে, এই হেতু আমি কোন প্রবন্ধেই ঋগ্বেদের প্রমাণ
উদ্ধৃত করি না, সুতরাং নাম এবং স্থান মাত্রের উল্লেখ করিয়াই নিবৃত্ত
হইলাম।

পাইবার অভিলাষে রৈক ধর্মির নিকট উপস্থিত হইয়া তাঁহাকে ছয় শত গো একটি নিক (কণ্ঠহার) এবং অশ্বতরী যুক্ত রথ প্রদান করিয়াছিলেন ।

রৈকেমানি ষট্শতানি গবাময়ং নিষ্কোহয় অশ্বতরী রথোন্ময় এতাং ভগবোদেবতাং সাধি যাং দেবতানুপাতৈশ্ব ইতি—৪ অধ্যায় ।

রথ বিলাসোপকরণে পরিণত হইলে তাহার নানা প্রকার সাজ সজ্জার উদ্ভাবন হইয়াছিল । এমন কি শুধু আবরণের পার্থক্যানুসারে ইহার বিভিন্ন সংজ্ঞার পরিচয় পাওয়া যায় । পাণিনির কয়টি সূত্র এই স্থলে উল্লেখ যোগ্য ।

‘পরিবৃত্তোরথ’ ৪.২.১০। তাহার দ্বারা পরিবৃত্ত হইয়াছে. রথ, এই অর্থে তদ্ধিত প্রত্যয় হয় যাহারা সমস্ত অবয়ব আবৃত হইয়াছে পরিবৃত্ত শব্দে তাহাকে বুঝায় । (কাসিকা) বস্ত্রের দ্বারা পরিবৃত্ত রথ বস্ত্রে, কঙ্কলাবৃত্ত রথ কাঞ্চল এবং চর্ম্মাবৃত্ত রথ-চর্ম্মণ ।

“পাণ্ডুকঙ্কলাদিনিঃ”—৪.২.১১। পূর্কোক্ত অর্থে পাণ্ডুকঙ্কল শব্দের পর ইনি প্রত্যয় হয় । পাণ্ডুকঙ্কলের দ্বারা আবৃত রথ—পাণ্ডুকঙ্কলী । পাণ্ডুকঙ্কল শব্দ রাজাস্তরণ কঙ্কল বিশেষকে বুঝায় ।

“দ্বৈপনৈয়ান্নাদঞঃ” ৪.২.১২ দ্বৈপ এবং বৈয়ান্ন শব্দে দ্বীপি এবং ব্যাঘ্রের চর্ম্মকে বুঝায় । দ্বৈপ এবং বৈয়ান্নের দ্বারা পরিবৃত্ত রথ অর্থে অঞ প্রত্যয় হয় । দ্বৈপরথ বৈয়ান্নরথ ।

ক্রীড়ার্থ ভ্রমণাদিতে ব্যবহৃত পুষ্টরথের শিশুপাল বধে যে বর্ণনা দেখা যায়, তাহাতে বোধ হয় ইহার নিষ্ঠাণে বিশেষ কৌশল প্রযুক্ত হইত । যথা—“রথাজী” (কৃষ্ণ) ইষ্টে সিদ্ধির সম্পাদক সর্বদিকে অপ্রতিবিদ্ধ গতি অর্থাৎ যাহার গতি কোন দিকেই প্রতিহত হয় না ঐদৃশ পুষ্টরথে আরোহণ করিয়া পুষ্টানক্ৰমগত বস্ত্রের জায় শোভা পাইয়াছিলেন । সর্বদিকে অর্থাৎ সম বিষম পথে গতির অপ্রতিঘাত সম্পাদন করিতে হইলে কিরূপ নৈপুণ্যের আবশ্যিকতা তাহা সহৃদয় ব্যক্তি মাত্রই হৃদয়ঙ্গম করিতে পারেন ।

শকট গোমহিষাদি বিভিন্ন শ্রেণীর জন্তুর দ্বারা চালিত

হইত, এক জাতীয় শকট কেবল গরুতেই বহন করিত, এবং তাহা গন্ধী নামে পরিচিত হইয়াছিল । “গন্ধীকাঞ্চলি বাহু কন্ম” অমর) ।

গোচালিত শকটের স্বতন্ত্র সংজ্ঞা দেখিয়া সাধারণ শকটে অন্যান্য জন্তুর বহনাধিকার সহজেই অনুমেয় । বাহকের সংখ্যানুসারেও শকটাদির বিভিন্ন সংজ্ঞা দেখা যায় । চারিটি গরু অথবা মহিষে যে শকটকে বহন করে, তাহার নাম চাতুরগ (সিদ্ধান্ত কো) ।

নারীদিগের বহনোপযোগী প্রবহণ টামিতে বলি-বর্কেরই নিয়োগ হইত, । অন্ততঃ মৃচ্ছকটিকের সময় পর্য্যন্ত এই রীতিরই পরিচয় পাওয়া যায় । কারণ চারু-দত্তের মত উম্মাও নায়কের সহিত উদ্ভানে মিলনাভি-লাষণ বসন্তসেনার মত বারমুখ্যা নায়িকার প্রবহণ টামিতেও কবি প্রবর বলদেরই ব্যবস্থা করিয়া গিয়াছেন । শূদ্রকাপেক্ষা অর্কাচীন কবি মাধের বর্ণনায় রমণী বহনে নিযুক্ত লঘবী নামক এক প্রকার যানের পরিচয় পাওয়া যায় । * এই লঘবী করত অর্থাৎ এক প্রকার সঙ্কর জাতীয় অশ্বের † দ্বারা চালিত হইত, তাহারও নিদর্শন পাওয়া যায় । হেমচন্দ্রের মতে লঘবী এক প্রকার স্কন্দন অর্থাৎ রথ । §

বর্তমান সময়ে দেবতার জন্ত যে রথ প্রস্তুত হয়, তাহাতে বহু চক্রের সমাবেশ দেখিতে পাওয়া যায় । কিন্তু পূর্বকালের সাহিত্যে “দ্বিচক্র স্কন্দনঃ যথা” ইত্যাদি দৃষ্টান্তে দুইটি মাত্র চক্রের উল্লেখ আছে ।

গোযানে আরোহণ পাপ জনক বলিয়া অতীত স্থানে স্থানে বিবেচিত হইয়া থাকে । যে দেশে এই কল্পিত পাপের আশঙ্কা, তথায় কিছুদিন পূর্বেও গোযান সাধারণের দৃষ্টি গোচর হইবার কারণ ছিল না । অভিনব রীতির অনুসরণ করিতে হইলে নানা প্রকার খুঁটিনাটি সমাজে দেখা দেয়, ইহা এক প্রকার সাধারণ নিয়ম ।

* এতৌ সমাসয় কবেহু স্তংকৃত্য নিয়ন্তরি ব্যাকুল মুক্তয়ক্কে ।

† কিণ্ডাব রোধাকল মুৎ পথেন গাং বিলজ্য লঘবীং কর তৌ বভগ্গতঃ । ১২স ২৪ ।

§ “করতো বেসরেঃ পুাত্রে ইতি স্কন্দনঃ ।

লঘবী লঘব যুক্তয়াং প্রভেদে স্কন্দন স্তচ ।”

বিশেষতঃ হিন্দুর পরমাশ্রাধা গো জাতির অবমাননার পাপের আশঙ্কা অনাভাবিক বলিয়া কোথ হয় না।

কিন্তু পূর্ব প্রদর্শিত প্রমাণের প্রতি দৃষ্টিপাত করিলে আশঙ্কার কোন কাণ থাকে না। অধিকন্তু বাঙ্গালীর মুখ পাত্র মহাত্মা কুল্লুকভট্ট এই বিষয়ে সুস্বীমাংসা করিয়া গিয়াছেন। যথা ভগবান মনু বলিয়াছেন—

“গবাঞ্চ যানঃ পৃষ্ঠেন সর্কথিব বিগহিতম” । ৪।৭২
গরুর পৃষ্ঠে গমন সর্কতো ভাবে নিষিদ্ধ। এই স্থানের ব্যাখ্যায় কুল্লুক বলিয়াছেন—“পৃষ্ঠে:নেত্যভিধানাদাকৃষ্ট শকটাদৌন দোষঃ” পৃষ্ঠে আরোহণ করিবেনা এই উক্তিছে সূক্তিতে হইবে যে গরুর দ্বার, আকৃষ্ট শকটাদিতে আরোহণে কোন দোষ নাই। ভাষ্যকার মেধাতিথিও বলিয়াছেন “গস্তী প্রভৃতি গোচালিত যান পৃষ্ঠ-যান নহে সূত্রাং তাহাতে কোন দোষ নাই।”

“গস্তাদি যুক্তে যুক্তে পৃষ্ঠ যানতাদ প্রতিবেধঃ।”

উপসংহারে বক্তব্য এই যে গোযানের বিষয় আলোচনাই এই প্রবন্ধের উদ্দেশ্য, রথের বিষয় প্রসঙ্গতঃ সামান্য হুচার কথা বলা হইয়াছে মাত্র। হিন্দু শিল্পে রথ অতি উচ্চ স্থানে অধিষ্ঠিত, এই ক্ষুদ্র প্রবন্ধে তাহার আলোচনা সর্কতোভাবে অসম্ভব।

শ্রীগিরিশচন্দ্র বেদাস্তৃতীর্ণ।

রসায়ণ বিজ্ঞান উৎপত্তি

বর্তমান ইউরোপীয় “কেমিষ্ট্রি” বিজ্ঞান পূর্বে “আলকিমি” নামে অভিহিত হইত। “আলকিমি” বিজ্ঞান তুল্য “রসায়ণ” নামে এক বিজ্ঞান চর্চা ভারত-বর্ষেও হইয়াছিল। এস্থলে আমরা “কেমিষ্ট্রি” ও “রসায়ণ” উভয় বিজ্ঞানকেই “রসায়ণ” নামে উল্লেখ করিব। এই রসায়ণ বিজ্ঞান উৎপত্তি ইউরোপে ও ভারতে কিরূপে সাধিত হইয়াছে ও এই বিজ্ঞান বীজ মানব সভ্যতার কোন অতীত যুগে উৎপন্ন হইয়াছে তাহা ঐতিহাসিক ও প্রত্নতত্ত্ববিৎগণ নানা দেশের প্রাচীন ইতিহাস ও গ্রন্থ প্রভৃতি আলোচনা করিয়া কতক পরিমাণে নির্ধারণ করিতে সক্ষম হইয়াছেন। আমরা তাঁহাদের পদাঙ্ক

অনুসরণ করিয়া দেখাইতে চেষ্টা করিব, কিরূপে এই বিজ্ঞান প্রাচীন কাল হইতে মানবের চিত্ত আকর্ষণ করিয়া বর্তমান যুগে বিজ্ঞান পদবী লাভ করিয়াছে।

ডাইওস্কোরাইডিস, প্লিনি ও নষ্টিক সম্প্রদায় খৃষ্টের প্রথম শতাব্দীতে বর্তমান ছিলেন। তাঁহাদিগের পুস্তক-বলী হইতে জানা যায় যে তাম্রকে সুবর্ণ ও রক্ততে পরিণত করিবার প্রণালী তাঁহাদের সময়ে পরীক্ষা সিদ্ধ ফল বলিয়া গ্রহণ করা হইয়াছে। খৃষ্টীয় ৪র্থ শতাব্দীতে জুলিয়াস ফারমিকসের কলিত জ্যোতিষ গ্রন্থে নিকৃষ্টধাতুকে সুবর্ণাদি উৎকৃষ্ট ধাতুতে পরিণত করিবার বিজ্ঞানকে “কিমিয়া” আখ্যা দেওয়া হইয়াছে। ইহার পূর্বে “কিমিয়া” শব্দ এই অর্থে কোন স্থানে ব্যবহৃত হইয়াছে বলিয়া জানা যায় নাই। জোসিমস নামে এক প্রসিদ্ধ রসায়ণ বিদ্যুৎ খৃষ্টীয় ৫ম শতাব্দীতে প্যানোপলিস নগরে জন্মগ্রহণ করেন। তিনি লিখিয়া গিয়াছেন যে “কিমিয়া” বিজ্ঞান “কিমিউ” নামক এক গুহ পুস্তক হইতে লাভ করা হইয়াছে বলিয়া ঐ বিজ্ঞান নাম “কিমিয়া”।

প্রাচীন মিশরীয়গণ স্বদেশকে “কমিৎ” অর্থাৎ কুম্বদেশ বলিত; কারণ সে দেশের মৃত্তিকা কুম্ব বর্ণ। অনেকে মনে করেন যে এই “কমিৎ” শব্দ হইতে “কিমিয়া” শব্দ উদ্ভূত হইয়াছে। এরূপ মনে করিবার বিশিষ্ট কারণও আছে। নিম্ন লিখিত ঐতিহাসিক তথ্য গুলি দ্বারা ইহার উপলব্ধি হইবে। খৃষ্টের পূর্বে ৪৩৬৬ অব্দে তেতা বা এথোপিস নামে এক রাজা মিশরে রাজত্ব করিতেন। প্রবাদ আছে যে তিনি শারীর সংস্থান বিজ্ঞান এক পুস্তক রচনা ও তাঁহার মাতা “শেব” কেশ বৃদ্ধির জন্য এক প্রকার তৈল প্রস্তুত প্রণালী আবিষ্কার করিয়াছিলেন; “এবার” দ্বারা ক্রীত ভূর্জপত্রের ইহার উল্লেখ দেখিতে পাওয়া গিয়াছে।

খৃষ্টের ছয় সহস্র বৎসর পূর্বে মিশরীয়গণ তাম্র অল্প ২ ব্যবহার করিত। কিন্তু খৃষ্টের পাঁচ সহস্র বৎসর পূর্বে তাহাদিগের মধ্যে স্বর্ণ, রৌপ্য, তাম্র ও লৌহের ব্যবহার প্রচলিত হইয়াছিল। রাজা দ্বিতীয় রামসেসের সময়ে (খৃষ্টের পূর্বে ১৩৪৫ অব্দে) বারকোটা পঞ্চাশ লক্ষ পাউণ্ড (sterling) মূল্যের সুবর্ণ প্রতিবৎসর মিশরে আনীত

হইত। নিউবিয়া দেশ হইতে পাওয়া যাইত বলিয়া মিশরীয়গণ স্বর্ণকে 'সুব' বলিত। তাহারা কঠিন অস্ত্রাদি লৌহ দ্বারা ও অপরাপর অস্ত্রাদি পিত্তল দ্বারা প্রস্তুত করিত। তাম্র ও পিত্তল আবিষ্কারের পর লৌহ মিশরে আবিষ্কৃত হইয়াছিল। লৌহগলনোপযোগী অগ্নিকুণ্ডে ভস্মা বা ভাতি যন্ত্রের সাহায্যে তাহারা লৌহ প্রস্তুত করিত। পিরামিড গাত্রে খোদিত চিত্রাবলীতে লৌহগলনের এবস্থিৎ চিত্র দেখিতে পাওয়া যায়। বর্তমান কালেও আফ্রিকা মহাদেশের নানাস্থানে প্রাচীন মিশর দেশীয় ভাতি যন্ত্র (বা হাপর) ব্যবহার করিতে দেখা যায়। পূর্বে সম্ভবতঃ পিত্তলবর্ণ আকর (Brown Hematite) ও চৌম্বিক আকর (Magnetite) হইতে লৌহ গলন সম্পন্ন হইত।

অতি প্রাচীন কালে মিশরে কাচ প্রস্তুত প্রণালী আবিষ্কৃত হইয়াছিল। সম্ভবতঃ নিম্ন লিখিত রূপ ঘটনায় অযাচিত ভাবে মিশরীয়গণ ইহা লাভ করিয়াছিল। মিশর দেশে সর্জিকা ক্ষার (sodium carbonate or Trona) স্বাভাবিক অবস্থায় বহুল পরিমাণে পাওয়া যায়। বালুকা মিশ্রিত সূবর্ণ হইতে মিশরীয়গণ সূবর্ণ পৃথক করিবার নিমিত্ত খুব সম্ভব সর্জিকা ক্ষার সহযোগে উহা উত্তপ্ত করিয়া থাকিলে। বালুকা ও সর্জিকা-ক্ষার একত্র উত্তাপ সংযোগে কাচে পরিণত হইতে দেখিয়া কাচ প্রস্তুত প্রণালী আবিষ্কৃত হইয়াছিল। মিশরে এই শিল্পের সমূহ উন্নতি সাধিত হইয়াছিল। মিশরীয়গণ এনামেল ও কৃত্রিম মণি মাণিক্য প্রস্তুত প্রণালীও আবিষ্কার করিয়াছিল। খৃষ্টের পূর্বে পঞ্চম শতাব্দীতে গ্রীকগণ ইহাদের নিকট হইতে কাচ প্রস্তুত প্রণালী শিক্ষা লাভ করেন।

প্রাচীন মিশরের প্রত্যেক দেব মন্দিরের মধ্যে একটি করিয়া পরীক্ষাগার নির্দিষ্ট থাকিত। ডেণ্ডেরা ও এড্‌ফুর মন্দিরস্থ কক্ষ মধ্যে চিত্রাবলী ও চিত্রলিপি সকল ইহার সাক্ষ্য প্রদান করিতেছে। এই সকল পরীক্ষাগারে নানাবিধ ও নানা বর্ণের কাচ, বস্মাদি রঞ্জনোপযোগী রং এবং ধাতু, নানা ভেষজ ও পচন নিবারক ঔষধ প্রস্তুত করণ প্রণালী সম্বন্ধে গবেষণা হইত। দেশীয় পুরোহিতগণ এই সকল শিল্প বিদ্যা অতি গোপনীয় ভাবে রক্ষা করিত। রাজা ও

রাজপুত্র ব্যতীত অপর কেহ এই বিদ্যা লাভে অধিকারী ছিল না। কিন্তু চিরকাল ইহা স্বদেশে আবদ্ধ করিয়া রাখিতে মিশরীয়গণ সক্ষম হয় নাই। ফণিক, যিহুদী গ্রীক ও রোমানগণ মিশরীয় দিগের শিষ্যত্ব গ্রহণ করিয়া এই সকল বিদ্যা আয়ত্ত করতঃ স্ব ২ দেশে প্রচার করিয়াছেন। পিথাগোরস (৫৮০—৫০০ খৃঃ পূর্বে), সোলন (৫০০—৪০০ খৃঃ পূঃ) ডেমোক্রিটস (খৃঃ পূঃ ৪র্থ শতাব্দী) ও প্লেটো (খৃঃ পূঃ ৪র্থ শতাব্দী) মিশরীয় বিদ্যার প্রচারক ছিলেন।

গ্রীক দেবতা "ত্রি-ঔণিত-মহান্ হার্মিস" সর্ব প্রকার শিল্প ও বিজ্ঞানের আবিষ্কার কর্তা বলিয়া প্রসিদ্ধ। নিকৃষ্ট ধাতু উৎকৃষ্ট ধাতুতে পরিণত করিবার বিদ্যা ইনিই উদ্ভাবনা ও গ্রন্থাকারে লিপি বদ্ধ করিয়াছেন বলিয়া গ্রীক ও রোমানগণ মনে করিতেন। এই নিমিত্ত রোমানদিগের অধিকার কালে হার্মিসের উদ্দেশ্যে বহু স্তম্ভ মিশরদেশে প্রতিষ্ঠিত হইয়াছিল। এই সকল স্তম্ভের উপরিভাগে, ধাতু পরিবর্তন বিষয়িণী নানা কথা চিত্র লিপি যোগে অঙ্কিত রহিয়াছে। কিন্তু এই গ্রীক দেবতাকে প্রাচীন মিশরীয়দিগের খটদেব ভিন্ন অপর কোন দেবতা নহেন, তাহার বিশেষ প্রমাণ আছে। নীলনদের তীরবর্তী ডক্কের মন্দিরে খটদেব প্রতিষ্ঠিত আছেন। এই মন্দিরে মিশরীয় চিত্রাকরে ও গ্রাক এবং রোমান অক্ষরে উৎসর্গ পত্র খোদিত রহিয়াছে। অত্যাধি দেখিতে পাওয়া যায় এই খোদিত উৎসর্গ পত্রে খট, হার্মিস ও মার্কুরিয়াস এই তিনটি নাম বর্তমান। প্রথম নাম চিত্রাকরে, দ্বিতীয় গ্রীক ও তৃতীয় রোমান অক্ষরে লিখিত হইয়াছে। ইহাতে বুঝা যাইতেছে যে গ্রীক দেব হার্মিস, রোমান দেব মার্কুরিয়াস ও মিশরের খট দেবতা অভিন্ন অথবা মিশরের এই খটদেবই গ্রীসে হার্মিস নামে এবং ইটালিতে মার্কুরিয়াস নামে পূজিত হন। অতএব মিশরেই যে সর্বপ্রকার শিল্প ও বিজ্ঞানের এবং "কিমিয়া" বিদ্যার সূত্রপাত হইয়াছিল এবং এই সকল শিল্প ও তাহাদের অধিপতি খট নামক দেবতাকে গ্রীক ও রোমানগণ মিশরীয়দিগের নিকট হইতে গ্রহণ করিয়াছিলেন ইহা বিশ্বাস করিবার যথেষ্ট কারণ আছে।

“লীডেন ভূর্জপত্র” নামে যে প্রসিদ্ধ ভূর্জপত্র মিশরের খীসনগর হইতে পাওয়া গিয়াছে, তাহা সম্ভবতঃ ৩০০ শত. খ্রীষ্টাব্দে লিখিত হইয়াছিল। কিন্তু উহার রচনার কাল জানিবার কোন উপায় নাই। ফরাসী পণ্ডিত বার্বেলো ইহার অর্থ অতি যত্ন সহকারে উদ্ধার করিয়া এই মত প্রকাশ করিয়াছেন যে, মূল্যবান ধাতু প্রস্তুত করণ, বস্ত্রাদিরঞ্জন ও নানাবর্ণের কাচ প্রস্তুত করণ প্রণালী ইহাতে বর্ণিত আছে। রসায়ণ বিজ্ঞান চর্চা অপেক্ষাকৃত আধুনিককালেও যে মিশরে প্রচলিত ছিল, তাহা ইহা দ্বারা সপ্রমাণ হইতেছে।

শ্রীতারাপদ মুখোপাধ্যায় ।

কালের ডায়রী ।

প্রথম পরিচ্ছেদ ।


নিরাশ্রয়ের কথা ।

ভগবান বিষ্ণু আমাকে অনাদি বলিয়াই সম্বোধন করিয়াছেন ; সুতরাং আমি অনাদি । আমি সেই অনাদি কাল হইতে সুখ, দুঃখ ও দৈন্তকে বৃকে করিয়া ছুটিয়াছি। সে একদিন কাঙ্গালবেশে আসিয়া আমার স্মরণ লইয়াছিল ; সে সময় এই বিপুল সংসারে সে নিরাশ্রয় । আমি তাকে ফেলিতে পারিলাম না। অসহায়কে আশ্রয় দেওয়াই আমার কার্য। গর্কীত এবং অত্যাচারীকে শাস্তি দেওয়াও আমার সীমার বাহিরে নহে।

আমি মানবের স্পর্ধা ও গর্কের ভস্মস্তূপ—জগতের ধন জন শোভা সম্পদের নশ্বরের ভাজ্যমান দৃষ্টান্ত। আমি নিত্য নবভাবে কত অরুহুদ করুণ কাহিনীর অভিনয় করিয়া যাইতেছি, সুখের অট্টহাস্তে গমন মেদিনী প্রাবিত করিতেছি। ঐশ্বর্য্য মদের প্রমত্ত তাণ্ডবে জগৎ প্রকম্পিত করিয়া তুলিতেছি এবং তাহার ফলে জগতে তোমরা নিত্য নব নব সত্যের লীলা খেলার অভিনয় স্বচক্ষে প্রত্যক্ষ করিতেছ।

—মানুষ যখন সম্পদের মাঝখানে অবস্থান করে, তখন

আমায় বড় গ্রাহ করিতে চায় না ; কিন্তু সে যখন কাঙ্গালবেশে আমার দ্বারে এসে দাঁড়ায়, তখন আর আমি তাকে হেলায় ফেলিতে পারি না। সে তখন আমায় বেশ চিন্তে পারে। জগতের এই উত্থান পতন ও সুখ দুঃখের চিত্র আমার হৃদয় ফলকে খোদিত হইয়া যায়। সে স্মৃতি আমি ভুলতে পারি না। আমার সেই ডায়রী জীর্ণ হয় না, নষ্ট হয় না। আমার ডায়রীর পৃষ্ঠা যে এরূপ কত কীর্তি কাহিনীতে রঞ্জিত হয়ে রয়েছে,



লক্ষ্মীনারায়ণের প্রাচীন মন্দির ।

তার সংখ্যা নাই। সে ডায়রীর এক পৃষ্ঠা আজ সৌরভের পাঠককে উপহার দিতে প্রয়াস পাইব।

সে দিনটী আমার বেশ মনে হইতেছে। তখন ধরাত্রোতা নরগুন্দা বেশ বুক ভরা প্লাবন লইয়া প্রবাহিত হইত। কত সওদাগর সেই জগত্স্রোতে তরী ভাসাইয়া চলিত, কত লবণের প্লুপ আসিত যাইত, কত যাত্রী আপন মনে অবাধে চলিয়া যাইত—সে অতীত কালের



“কৃষ্ণদাসের জীর্ণ-গৃহের প্রাঙ্গনে এই অট্টালিকা নির্মিত হইল” ।

অতীত কথা স্মরণ করিয়া আজ ফল নাই সত্য, কিন্তু এই উত্থান পতনের চিত্র চিরকাল মানব সমাজকে দেখানই আমার ব্যবসা ।

সেই যে দিনের কথা বলিতেছি—একদিন নববসন্তের স্নেহ প্রদোষে দেখিলাম—সে নিতান্ত দরিদ্র, একটা ভাঙ্গা টি সন্ধ্যা, স্নান মুখে আসিয়া আমার স্মরণ লইল। কেউ জানে না, কোথা থেকে সে এল, কোথাইবা গর বাড়ী ঘর। তখন যুবকের মাথা রাখিবার একটু স্থান নাই। উদরে অন্ন নাই, অঙ্গে বসন নাই : রুগ্ন কথ, শীর্ণ দেহ, কে আশ্রয় দেয় ? আশ্রয়ের অন্বেষণে রিভেছে সে যুবক। বুঝিলাম আমি ভিন্ন আর জগতে রিভ্রকে আলিঙ্গন করে এমন কেউ নাই। আমি সেই পথের কাঙ্গালকে আমার বুকে তুলে নিলাম ; সে নখাস ফেলিয়া যেন প্রাণে বল সঞ্চয় করিল।

জগতের কিছুই আমার অগোচর নাই। আমি সেই ঠথারীকেও জানিতাম, তবু তার পরিচয় লইলাম। সে বলিল—“আমার নাম কৃষ্ণদাস, পূর্ব নিবাস বারপাড়া। রিভ্রের প্রবল নিষ্পেষণে, তদুপরি জমিদারের খাজনার গীষণ পীড়নে আমি এই একটা ভগ্ন ঘটা, সাতটা শিশু

সন্তান ও স্ত্রীকে সঙ্গে করিয়া ভগ্নবানের নাম করিতে করিতে গৃহ ত্যাগ করিতে বাধ্য হইয়াছি। আমি এখন নিরাশ্রয়।”

আমি সেই নিরাশ্রয় যুবককে সাদরে বরণ করিয়া লইলাম। যুবক এই নদী তটের স্বাভাবিক সৌন্দর্য্য প্রাণে প্রাণে অনুভব করিয়া এই স্থান টুকুর জন্য বিশেষ প্রলুব্ধ হইল। ভূমিটুকুও সেই দীন দরিদ্রকে বরণ করিয়া লইল। দিন চলিতে লাগিল।

দ্বিতীয় পরিচ্ছেদ ।

আশ্রিতের কথা ।

ব্রহ্মপুত্রের এক প্রবল স্রোত নরগুন্দা দিয়া প্রবাহিত হইত, তাই নরগুন্দা ধরস্রোতা ছিল। নরগুন্দাতটে ইংরেজ ফরাসি ও পুর্তগীজদিগের কুঠি ছিল। এই সকল বণিক সম্প্রদায় তখন শুকনা মাছ, তজ্জাব ও লবণ প্রভৃতির ব্যবসা করিত। “ঢাকাই মসলিন” নামে যে মসলিন তখন ঢাকা হইতে আরব্যা, পারস্ত ও চীনে রপ্তানি হইত, দিল্লীর বাদশাহ, বেগমগণের চিত্ত রঞ্জনের

জন্ম যে মসলিন ব্যবহার করিতেন, তাহার অধিকাংশ এই নরসুন্দাতট হইতে ঢাকায় যাইত এবং “ঢাকাই মসলিন” নামে পরিচিত হইত।


এই নরসুন্দাতটে সেই নিরাশ্রয় কৃষ্ণদাস কোন প্রকারে একটু মাথা রাখিবার স্থান করিয়া বাস করিতে লাগিল।

* * * *

সহসা আর এক দিন দেখিলাম কৃষ্ণদাসের জীর্ণ গৃহপ্রাঙ্গণ স্তূপাকার ইষ্টক রাশীতে সমাচ্ছন্ন! কৃষ্ণদাস ভারি ব্যস্ত। তার বুকে অদম্য উৎসাহ, প্রাণে প্রভূত বল। সেই ব্যস্ততার মধ্যেই কৃষ্ণদাস বলিতে লাগিল “আপনার যে অবশ্যস্তাবী বিধানে, জগতে নিত্য নূতন উত্থান পতনের চিত্র প্রত্যক্ষীভূত হইতেছে, সেই বিধানে আমারও এই পরিবর্তন। আমি ক্লতজ্ঞতার সহিত আমার জীবনের এই অংশ বলিয়া যাইতেছি, আপনি শ্রবণ করুন।”

“আমি এই—পর্ণ কুটীরে মাথা রাখিবার স্থান করিলে পর আমার চক্ষু এখানকার ব্যবসা বাণিজ্যের উপর পতিত হইল। আমি তখন ইংরেজ ও ফরাসি কুঠিতে যাতায়াত করিতে লাগিলাম। অল্পদিন মধ্যে তাঁহাদিগের শুভদৃষ্টি আমার উপর পতিত হইল, আমি তাঁহাদের অনুগ্রহ লাভ করিলাম। এই সময় একটা অভূতপূর্ব ঘটনা ঘটয়া গেল, একদিন শুভ সন্ধ্যার নিবিড় আঁধারে, এক সন্ধ্যাসী আসিয়া আমার পর্ণকুটীরে আবিভূত হইলেন। তখন বাড়ীতে কেহই ছিল না। জটাঙ্গুট ভূষিত সন্ধ্যাসী দেখিয়া আমার জ্ঞী ভীতা হইলেন। সন্ধ্যাসী গোপনে, আমার অগোচরে আমার জ্ঞীকে একটা শালগ্রাম

শিলা প্রদান করিয়া বলিলেন “মা আমি বিশেষ কারণে তীর্থে যাইতেছি, এই লক্ষ্মীনারায়ণ তোমার নিকট রাখিয়া যাইব। এই গৃহ দেবতা যতদিন তোমার গৃহে থাকিবে,




তত দিন [তোমার] কান দুঃখ নাই। ইহাকে আশ্রয় দাও ইহার চিন্তা ইনিই করিবেন।” হিন্দুরমণী লক্ষ্মী নারায়ণের নামে মুখ ফুটিয়া “না” কথাটা বলিতে পারিলেন না; নিজ অবস্থা চিন্তা করিয়া কেবল অশ্রু ত্যাগ করিতে লাগিলেন। উত্তরের প্রতীক্ষা না করিয়া সন্ধ্যাসী সেই রাত্রির আঁধারে গা ঢাকা দিলেন।

“যে দিন এই নূতন অতিথি গৃহে আসিল সে দিন

আমার বেশ ছুপয়সা উপার্জন হইল। অধিক রাত্রে গৃহে আসিয়া যখন এই নূতন অতিথির কথা শুনিলাম, তখন প্রাণে বড় একটা সুখ অনুভব করিলাম। ইহার পর হইতে আমার দিন দিন উন্নতি হইতে লাগিল। নিত্য নূতন অর্থাগমের পস্থা বা হর হইতে লাগিল। আমার বিশ্বাস—লক্ষ্মীনারায়ণের শুভ আগমনের সঙ্গে

নিবে—দুহাতে কত রাখবে”। দেখিতে দেখিতে চতুর্দিক হইতে কৃষ্ণদাসের অর্থাগম হইতে লাগিল। যশে চতুর্দিক ব্যাপ্ত হইল। সৌভাগ্য দীপ্তিতে উৎকৃষ্ট কৃষ্ণদাস আমাকে ভুলিতে পারিল না। সে নিত্যই তাহার অভিনব অর্থাগমের পথ আমাকে বলিতে লাগিল, আমি তখন অশ্রু হইয়া শুনিতে লাগিলাম।



অতিথি শালা ও শিব বাড়ী।

সঙ্গেই আমার শুভ দিন দেখা দিয়াছে। তাই লক্ষ্মী নারায়ণের জন্ম বাড়ী ও মন্দির নির্মাণ করিবার উদ্যোগ করিলাম। আপনি সর্বদর্শী সর্ব নিরুপা—আপনার বিধানই আমরা মাথা পাতিয়া লইতেছি।”

নরসুন্দার পশ্চিম তটে কৃষ্ণদাসের জীর্ণগৃহের প্রাঙ্গণে এই অট্টালিকা ও মন্দির নির্মিত হইল।

তৃতীয় পরিচ্ছেদ ।

উথানের কথা ।

সৌভাগ্য লক্ষ্মী কখন কি সূত্রে আগমন করেন, কেহ তাহা জানিতেও পারে না ; আবার কখন কি সূত্রে তাহার

অন্তর্ধান হয়, তাহাও কেহই বুঝিতে পারে না। কথার আছে “দশ হাতে দেয়—দুহাতে কত নিবে, দশ হাতে কৃষ্ণদাস তাহার সাধুতা ও বিশ্বস্ততা দ্বারা ক্রমে স্থানীয় ইংরেজ কুঠীর একমাত্র এজেন্ট নিযুক্ত হইল এবং বিশ্বস্ততার চিহ্নরূপ প্রামাণিক উপাধি লাভ করিল।

আর এক দিন দেখিলাম, সে ক্ষুদ্র পল্লি একটু চঞ্চল হইয়া উঠিয়াছে। অন্তরে সুখ, মুখে হাসি, বুকে উৎসাহ ও সঙ্গে জ্যেষ্ঠপুত্র নন্দকিশোরকে লইয়া কৃষ্ণদাস নৌকায় উঠিলেন। শুনিলাম—সন্মান ও যশ প্রতিষ্ঠার জন্ম কৃষ্ণদাস নাটোর যাইতেছেন। কৃষ্ণদাস বিপুল উপঢৌকন দ্বারা নাটোর রাজকে পরিতুষ্ট করিলেন। রাজা রাম

চতুর্থ পরিচ্ছেদ ।

পতনের কথা ।

চঞ্চলা যখন বাম হন, তখন মানুষ বুদ্ধি হারায।
প্রামাণিকের সৌভাগ্যলক্ষ্মী যখন অলক্ষিতে অদৃশ্য হইলেন,
তখন পরিবারে আত্মকলহ উপস্থিত হইল। দেখিতে
দেখিতে সৌভাগ্য স্বর্ঘ্য অস্তমিত হইল। বিবাদের সূচনায়
একুশরত্নের আকাশস্পর্শি চূড়া ধ্বসিয়া পড়িল। তার পর
আর এক দিন—আসিল। সে দিন কি দেখিলাম—যাহা
দেখিবার তাহাই দেখিলাম। দেখিলাম—কৃষ্ণদাসের
সাধের পুরী ভগ্ন ইষ্টক স্তূপে পরিণত !

এখন সেই বিরাট প্রাক্কনের বিজনভাব বিগত গৌর-
বের স্মৃতি বন্ধে লইয়া বিষন্নতাই বিকীর্ণ করিতেছে।

চক্কের সম্মুখে প্রামাণিকদিগের সৌভাগ্যলক্ষ্মী তিন
পুরুষ মাত্র থাকিয়া এতদ অঞ্চলের লোককে একটা উৎকৃষ্ট
প্রত্যক্ষ শিক্ষা প্রদান করিয়া গিয়াছে। সেই একুশরত্ন
সমস্থিত সৌধশ্রেণীর স্থানে আজ অযত্নবর্জিত কণ্টকগুল্য
বিস্তার লাভ করিতেছে, আর সেই কণ্টকবন সমাচ্ছন্ন
ভগ্ন জীর্ণ গৃহে তাহার দুর্ভাগ্য বংশধর অতীত সম্পদ-
স্মৃতির দীর্ঘনিশ্বাসকে সম্বল করিয়া চিরসত্য প্রচার
করিতেছেন ; আর আমি আজ তাহারই সম্মুখে দণ্ডায়মান
থাকিয়া তাহাদের উত্থান পতনের ইতিহাস কীর্তন
করিতেছি' । *

শ্রীনরেন্দ্রনাথ মজুমদার ।

সে বেশী সুন্দর !

(কবি-ভ্রাতা শ্রীযুক্ত গোবিন্দচন্দ্র দাসের “কে বেশী সুন্দর ?”

কবিতাটি পাঠান্তে)

সে বেশী সুন্দর !

অন্যত্রাত যুধিকার, তুলনা কি মিলে আর ?

গন্ধরাজে ?—নাহিসাজে—ভ্রাণ উগ্রতর !

দুই হাসে সাদাহাসি, তবু তারে ভাল বাসি

অতবড় ফোটা ফুল দেখে লাগে ডর !

সে বেশী সুন্দর !

জবার রঞ্জিম রাগে দেখে মনে ভয় লাগে
একেবারে এত লাল চোখের উপর !

কচিহতে দেখে তাম, মোর বুকে স'য়ে যায়
শিরায় শিরায় বহে প্রেম তরতর ।

সে বেশী সুন্দর !

ছোট বেলা হতে সেই, শিখেছে ধরিতে এই
মৃগাল বাহতে তার প্রিয় সহচর
(নাহি প্রাকটিক্যাল জ্ঞান), যুবতী ধরিলে, প্রাণ-
গুরুভারে বড় বুকি হইত কাড়র ।

সে বেশী সুন্দর !

“অনাবিল প্রেমধার”, তুমি(ই) বল বালিকার
আবার জিজ্ঞাসা কেন কে বেশী সুন্দর ?

ও ধারেই তুপ্তপ্রাণ, কে চাহে পদ্মার গান
স্রোতের প্রথর বেগে হতে মর মর ।

সে বেশী সুন্দর !

সে যোগো মলয়াধীর, মৃহু খাস বাসন্তীর
পাতাতলে হলে হলে খেলে মনোহর !

এ ছাড়ি, ঝটিকা-খাসে যেই জন ভাল বাসে
নমস্কার তার পায় যোড়ি দুই কর ।

সে বেশী সুন্দর !

উপবনে তরু থাকে, লতিকা জড়ায় তাকে
শৈশবে গ্রামল ডোরে বাঁধে কলেবর

আগে যদি লতা ধরে, তরু হৃদে দাগ ধরে
উন্মূলিতা লতা যবে পড়ে তরুবর ।

শৈশবে না দৌহে বাঁধি, যৌবনে বাঁধহ যদি
সে কেমন ধাপছাড়া ঠেকে নিরন্তর

এই যেন মিশে মিশে এই যায় ভেসে ভেসে
পদ্মপত্রে জল যথা—দৌহে স্বতন্তর ।

সে বেশী সুন্দর !

শরতের সরোবরে সরোজিনী শোভা ধরে
সুধীরে সমীর চূমে—চূমে মধুকর ।

লতা লজ্জাবতী হাসে, নিভৃত কোণের পাশে
একটি চুমায় হয় শিহরে ফাঁফর ।

সে বেশী সুন্দর !

* ময়মনসিংহ কাহিনীর পাণ্ডুলিপি অবলম্বনে লিখিত ।

জলদে বিজলীবালা সত্য দিশি করে আলা

সে রূপে আঁধার আরো হয় গাঢ়তর ।

এ-হতে জোনাকী ভাল, মিটি মিটি দেয় আলো

চলিতে জীবন-পথ করি নির ভর ।

সে বেশী সুন্দর !

ফোটাফুল যদি দেখি, মুগ্ধ বটে হয় আঁধি

ভয় হয় এই বুঝি করে কর কর

কুমারী কলিকা সেই তাই কোলে তুলে লই

এবে কলি ফোটা শোভা হবে এর পর ।

সে বেশী সুন্দর !

যুবতী ভাদ্রের নদী একটু উছলে যদি

ভুকুণ ভাদ্রিয়ে বেগু ধায় ধরতর

সে যে কি প্রচণ্ড টেউ সামলাতে পারে কেউ ?

কোথায় এমন বীর অবনী ভিতর ?

যুবতী দেখিলে তাই, আমি দূরে সরে যাই

নিকটে যাহারে দেখি, বলি সর সর ।

বালিকা শিশির প্রায় দূর হতে শোভা পায়

যেই ছুঁই গ'লে যায় আদরে কাঁতর !

সে বেশী সুন্দর !

বালিকা গোলাবী নেশা. থেকে থেকে বাড়ে ভূষা

যুবতী-স্পিরিট টানে সার ধড় ফড়

অল্পেতে মাতাল হই, তাই তারে ভাল কই

ডুবুক যে ডোবে দেখে একসা সাগর ।

সে বেশী সুন্দর !

“বালিকা অতনা বোঝে, চোখে চোখে চোখ বোঝে”

স্বর্গীয় মাধুরী এ যে মনোমোহকর !

যুবতী আঁধির যায় হাত পা ভাদ্রিয়ে যায়

কে তাহারে সাথে চায় বল কবির ?

তারে বেশী ভাল বাস সে বেশী সুন্দর !

মনোমোহন সেন ।

ময়না ।

বিশ্বস্রষ্টার শিল্পচাতুর্য্য ও রচনা নৈপুণ্যে তাঁহার অপার মহিমারামি বিকসিত । স্রষ্টার অনন্ত-সৃষ্টি অনন্তের ছায়া মাত্র । সুনিয়ন্ত্রিত ও সুবিগ্ৰহ নিয়মান্বলী সেই অনন্তের মহিমারামি চতুর্দিকে ছড়াইয়া রাখিয়াছে । অভিনিবেশ পূর্ব্বক তৎপ্রতি মনঃসংযোগ করিলে হৃদয়ে এক অভূতপূর্ব্ব ও অতুলনীয় আনন্দরসের উদ্বেক হইয়া থাকে । ক্ষুদ্র বাসুকণা হইতে সুরহং গ্রহ, অনন্ত সৌর জগৎ, সকলই যেন পরস্পর একই সম্বন্ধ সূত্রে গ্রথিত হইয়া একই অনন্তের পরিচয় প্রদান করিতেছে । জগতের তুলনায় জীব ক্ষুদ্র হইলেও জীবত্ব ক্ষুদ্র নহে বৃক্ষ লতা, পশুপক্ষী, কীটপতঙ্গ, জড় ও মানব প্রভৃতি যাবতীয় পদার্থ মহিমময় বিশ্বনিষ্কতার নিয়মিত পথে নিয়ন্ত্রিত এবং জ্ঞাত বা অজ্ঞাতসারে পরস্পরের হিতসাধনে দীক্ষিত হইয়া প্রতিনিয়ত জগতের স্বল্প বিধান করিতেছে । ইহাই সৃষ্টির বৈচিত্র্য ও মহিমার অনন্তত্ব । মানুষ্য মতিমান; তাই সে শ্রেষ্ঠ জীব । বুদ্ধি তাহার বৃত্তি, তত্ত্বপরিচালনা তাহার সাধনা, উন্নতি তাহার পরিণতি । গুরুতর কর্তব্যভার লইয়াই মানুষ্য, আমার জন্ম জগৎ, আমি জগতের জন্ম, তাই ভগবান সকলের সার-ভূত উপাদানেই যেন মানুষ্য দেহের সৃষ্টি করিয়াছেন । এই অযাচিত ভগবদত্ত তত্ত্বানুগ্ৰহান বৃত্তির পরিচালনার অভাবেই আমরা অনন্ত হইতে দূরে সরিয়া পরিত্যক্ত । মানুষ্যের আত্মচিন্তা ও আত্মসেবার জায় ইতর জীবের প্রতিও একটা গুরুতর কর্তব্য রহিয়াছে । জ্ঞান শুধু সাহিত্য বা ঐতিহাসিক ক্ষেত্রে আবদ্ধ নহে, প্রকৃতিই জ্ঞানের রাজ্য; মনুষ্যজ্ঞান তাহার অন্তর্ভুক্ত । জগতের প্রতি পদার্থে জ্ঞান ও বাসনা, প্রেম ও সৌন্দর্য্যে মিলাইয়া দিয়া মানুষ্যকে ভাস্কর্য্য দিকে টানিয়া লয় । ভক্ত-মানব, প্রেম ও সৌন্দর্য্যে অনন্তত্ব লাভ করে ।

পক্ষী, সৌন্দর্য্য জগতে ভগবানের এক অপূর্ব্ব সৃষ্টি । উহার পক্ষবিগ্ৰহে সৌন্দর্য্য ও স্বর মধুর্য্যে তাঁহার মহিমা পূর্ণ বিভাসিত রহিয়াছে । বিহগকুল যখন শাধি-শাধে অথবা লতাকুলে বসিয়া সুস্বরে বায়ু ও বনমণ্ডলী উদ্ভাসিত করিতে থাকে, তখন তদীয় স্বরমধুর্য্যে কোন্ পাষণ

হৃদয়ে ভগবদ্ভক্তির অমৃতধারা সিঞ্চিত না হয়? কাহার মন অনন্ত আনন্দ রসে আপ্লুত না হইয়া থাকিতে পারে? বিহগ-কাকলী মৃতদেহেও অমৃত সঞ্চার করে।

ভারতবর্ষ নানাপ্রকার সুগায়ক ও সুদৃশ্য পাখীর উৎপত্তি ও বসতিস্থান। এখানে মনুষ্য স্বরের অনুকরণকারী পাখীর সংখ্যাও নিতান্ত বিরল নহে। ময়না, মদনা, ভীমরাজ প্রভৃতি অনেক সুগায়ক ও সুন্দর পাখী এদেশে জন্মিয়া থাকে। তন্মধ্যে ময়নার অনুকরণ ও সুস্পষ্ট উচ্চারণ শক্তি সর্বাপেক্ষা শ্রেষ্ঠ। ইহাদের স্বর এতই সুস্পষ্ট যে, অনেক সময় মানুষের স্বর বলিয়া ভ্রান্তি ভ্রমে।

ময়না দুইপ্রকার, সিঙ্গাপুরী ও আসামী। সিঙ্গাপুরী অপেক্ষা আসামী ময়নাই অধিক সুন্দর। এই ময়নার সুবর্ণ বিনিন্দিত কণ, সুবিশুদ্ধ ও সুরঞ্জিত পক্ষাবলী, হরিদ্রাভ পদদ্বয়, আরক্তিম চঞ্চু অতীব চিত্তরঞ্জক। আসাম, গারোহিল খসিয়া প্রভৃতি পার্বত্য ভূমি ইহাদের বাসস্থান। ইহারা পার্বত্য প্রদেশ ছাড়িয়া নিম্নভূমিতে আসিতে চায় না; পার্বত্যের সংলগ্ন অরণ্যে কখন ময়না পাখী দেখিতে পাওয়া যায় না। ইহারা সচরাচর সুনির্মল স্রোতস্বতী তীরে বাস করিতে ভালবাসে এবং বিরল-পত্র উচ্চরুক্ষ কোটরে সন্তান উৎপাদন করিয়া থাকে। অর্ধ-লোলুপ মনুষ্যগণ অর্ধলাভের আশায় ঐ সকল উচ্চ বৃক্ষে বংশ নির্মিত কৃত্রিম কুলায় প্রস্তুত করিয়া দেয়; অনেক পাখী, তাহা সুদৃঢ় ও জল প্রবেশের সম্ভাবনা নাই মনে করিয়া তাহাতে আসিয়া সন্তান উৎপাদন করে।

চৈত্র ও বৈশাখ মাস ইহাদের সন্তান উৎপাদন কাল। বয়সের আধিক্য অনুসারে সন্তান উৎপাদন কালেরও অগ্র পশ্চাৎ হইয়া থাকে। ১ম বৎসরের ময়না জ্যৈষ্ঠ মাসের পূর্বে সন্তান প্রসব করেন। কিন্তু ২ | ৩ বৎসরের ময়না চৈত্র অথবা বৈশাখ মাসেই শাবক উৎপাদন করিয়া থাকে। পুরাতন ও অধিক বয়স্ক ময়নার শাবক অগ্রে জন্মে বলিয়াই তাহার শিক্ষা ও স্বাস্থ্য ভাল হয়। অল্প বয়স্ক পাখীর শাবক দুর্বল স্মরণশক্তি শক্তির পরিমাণও অপেক্ষাকৃত অল্প। সেই জন্মই সর্বত্র বৈশাখের বাচ্চার আদর অধিক। অধিক বয়স্ক পাখী চৈত্র বৈশাখ মাসে একবার এবং আষাঢ় শ্রাবণ মাসে দ্বিতীয় বার সন্তান

প্রসব করিয়া থাকে। ইহারা একবারে ৩ | ৪টা অণু প্রসব করে, শেষ অণু প্রসবের দিন হইতে ১৮ দিন তা দেওয়ার পর শাবক জন্মিয়া থাকে। এক সপ্তাহ অতীত হইতে না হইতেই অল্প অল্প পক্ষাকুর উদ্গত হইতে আরম্ভ হয়। সপ্তাহের পর পিতা মাতার সহিত উড়িয়া বেড়াইতে ও ধীরে ধীরে আহার অন্বেষণ করিতে শিক্ষা করে; পুনরায় পিতা মাতার সন্তান উৎপাদন কাল নিকটবর্তী হইলেই তাহাদের সঙ্গ পরিত্যাগ করে। ইহারা আরণ্য অবস্থায় কীট পতঙ্গ ফল পত্র ইত্যাদি আহার করিয়া জীবন ধারণ করে এবং সচরাচর ২৫.৩০ বৎসর বাচিয়া থাকে। আরণ্য অবস্থায়ও ইহারা অন্তান্ত পশু পক্ষীর স্বর অনুকরণ করিয়া থাকে।

ময়নাকে মনুষ্য স্বরের অনুকরণ শিক্ষা দিতে হইলে শৈশব হইতেই লোকালয়ে আনিয়া প্রতিপালন করা আবশ্যিক, নচেৎ বড় হইলে ইহারা প্রভুর প্রতি অনাসক্ত ও সর্বদাই স্বাধীনতা লাভের জন্য ব্যাকুল থাকে। পোষণ অবস্থায় ছোলার সাতুর সহিত শীতল জল মিশাইয়া দিনে তিন বার খাইতে দেওয়া প্রয়োজন। মধ্যে মধ্যে আম, জাম, কাঁঠাল প্রভৃতি নানা প্রকার ফল খাইতে দিতে হয়। মৎস্য মাংস ও কিছু কিছু দেওয়া প্রয়োজন। মধ্যে মধ্যে বিষফল (তেলাকুচ) খাইতে দিলে বর্ণের ঔজ্জ্বল্য ও কোষ্ঠ পরিষ্কার থাকে, কিন্তু অধিক মাত্রায় ব্যবহার ভাল নহে। বিষফল অগ্নিমান্দ্য রোগের মহৌষধ। অগ্নিমান্দ্য রোগে থানকুনী পাতাও উপকারী। সকালে ও বিকালে অল্প সূর্য্য কিরণ ভোগ করিতে দেওয়া কর্তব্য।

পাখীদিগের সচরাচর দুইটা অবস্থা দেখা যায়। জন্ম হইতে পক্ষ পরিবর্তন পর্য্যন্ত সময় শৈশব; তৎপর যৌবন। শৈশব অবস্থার স্বর, বয়সের পরিণতির সঙ্গে সঙ্গে রূপান্তরিত হইতে থাকে। এই দুই অবস্থায় আহার বিহারের পার্থক্য রাখা আবশ্যিক; নচেৎ স্বাস্থ্য অপ্রতিহত রাখা সম্ভব নহে। শৈশবে মৎস্য মাংস ও জল মিশ্রিত সাতু; নানাবিধ ফল ও সামান্য পরিমাণে কীট পতঙ্গ খাইতে দিলে ভাল হয়। বয়োবৃদ্ধি সহকারে কীট পতঙ্গাদি আহার বন্ধ করা আবশ্যিক। পক্ষ পরিবর্তনের পর হইতে জল মিশ্রিত সাতুর সহিত ঘৃত, মাখন বা মেহ

পদার্থ মিশ্রিত করিয়া দিলে শারীরিক বলবিধান ও বর্ণের চাকচিক্য রক্ষিত হইয়া থাকে। পানীয় জল ও জল পাত্র সর্বদাই পরিষ্কার রাখা আবশ্যিক। ধাতু নির্মিত জল পাত্র ভাল নহে, তাহাতে পক্ষের সৌন্দর্যের হানি জন্মে। উহা এত বৃহদায়তন হওয়া আবশ্যিক যে পাখী অনায়াসে উহাতে অবতরণ করিয়া ইচ্ছানুসারে স্নান পানাদি করিতে পারে। মুহূর্ত্ত মাত্র পানীয় জলের অভাব হইলে গুরুতর পীড়ার আক্রান্ত হইতে পারে। সুস্থাবস্থায় প্রতিদিন নিয়মিত ভাবে সুন্দর পরিষ্কৃত জলে ইচ্ছানুরূপ স্নান করিতে দেওয়া প্রয়োজন। প্রাতে ৭টা হইতে ৯টা ও বৈকালে ১টা হইতে ৩টার মধ্যে সমস্ত পাখীই স্নান করিয়া থাকে। শীতকালে প্রাতে ও গ্রীষ্মকালে বৈকালে স্নান করাই পাখীদিগের প্রাকৃতিক নিয়ম। পাখীগুলি প্রথম একবার জলে স্নান করিয়া ডালে বসিয়া পুচ্ছের পশ্চাৎ ভাগস্থিত একটা স্বাভাবিক তৈলাধার হইতে চঞ্চু দ্বারা তৈলবৎ পদার্থ বাহির করিয়া সমস্ত পক্ষই মাখাইয়া পুনরায় স্নান করে। ইহাতে স্নান জগ্ন আর্দ্রতা হইতে রক্ষিত ও পক্ষের মৃগতা হইয়া থাকে। অনেক সময় বর্ষার প্রাবল্যে অথবা শীতের আধিক্যে স্নান বন্ধ করার পাখীর স্বাস্থ্য ভঙ্গ হইয়া থাকে। অনেকে অনেক সময় পাখীকে রুগ্ন বা দুর্বল দেখিলে কিম্বা ভ্রান্তি বশতঃ অগ্নিমান্দ্যাदि পীড়ার প্রকৃত কারণ স্থির করিতে না পারিলে ঐ স্বভাবজাত তৈলাধারকেই রোগ চিহ্ন (প্রবাদ কথায় যাহাকে পাখীর গৌঁজ বলে) মনে করে। সময় সময় অনেকে পাখীর পোষণোপযোগী ঐ স্বাভাবিক তৈলাধারকেই রোগের কারণ মনে করিয়া উহা দন্ধ বা কঠন করিয়া স্বভাবের বিরুদ্ধাচরণ করে। ফলে পাখী মৃত্যুমুখে পতিত হয়।

আমাদের দেশে পশু পক্ষীর অচিকিৎসায় মৃত্যু অপেক্ষা এইরূপ রোগ নিদান অবধারণের অভাবে কুচিকিৎসায় মৃত্যুর সংখ্যাই অধিক। ভগবান শীতাতপ উপভোগের জগ্ন পাখীদিগের প্রতি অতি সুব্যবস্থা করিয়াছেন। গ্রীষ্মের আতিশয্যে অর্থাৎ আষাঢ় শ্রাবণ মাসে পক্ষ পরিবর্তন কার্য আরম্ভ হইয়া শীতাগমের পূর্বে অর্থাৎ ভাদ্র আশ্বিন মাসে সম্পূর্ণ নূতন

পক্ষ উদ্গত হয়। পাখীদিগের এই পক্ষ পরিবর্তন অবস্থাকে 'কুরিঙ্গ' বলে। এই সময় ইহাদিগকে বিশেষ সাবধানে রাখা আবশ্যিক। নচেৎ পাখী নানা রোগে আক্রান্ত হইয়া থাকে। এই সময় ছোট বড় সমস্ত পাখীর প্রত্যেকটি নূতন পাখা উদ্গত না, হইলে পাখীর স্বাস্থ্য ভাল নয়, বিবেচনা করা উচিত। অপরিবর্তিত পক্ষের বর্ণের রূপান্তর হইয়া থাকে। যাহাদের পক্ষী পালনে অভিজ্ঞতা আছে, তাহারা সহজেই তাহা উপলব্ধি করিতে পারেন। কোন কোন পাখীর পক্ষ পরিবর্তন ৭২সরে দুইবারও হইয়া থাকে। দুই বার পক্ষ পরিবর্তন সময় কেবল বর্ণান্তর পক্ষই পরিবর্তন হয়। যাহা হউক, আমরা যে পাখীর কথা বলিতেছি, তাহার একবার মাত্র পক্ষ পরিবর্তিত হইয়া থাকে। স্বাস্থ্য অগ্নাহত থাকিলে প্রায় তৃতীয় মাস (বয়স) হইতেই পক্ষ পরিবর্তন কার্য আরম্ভ হয়। প্রথম বৎসর পক্ষ পরিবর্তন কার্য অতি ধীর ভাবে এবং ২য় বৎসরে সেরূপ না হইয়া অপেক্ষাকৃত শীঘ্রই সম্পন্ন হয়। পাখীর এই পক্ষ পরিবর্তন কালে স্বাস্থ্যের প্রতি বিশেষ মনোযোগ দেওয়া আবশ্যিক। এই সময় প্রচুর পরিমাণে পুষ্টিকর খাদ্য দেওয়া, শীতল বায়ু হইতে সাবধানতা নেওয়া ও মধ্যে মধ্যে সূর্যাতপ ভোগ করিতে দেওয়া আবশ্যিক। এই পক্ষ পরিবর্তন বিলম্বে বা অনিয়মিত সময় হইলে পাখীকে দুই তিন দিন রুষ্টির জলে স্নান করিতে দিবে; ইহাতে উপকার হইয়া থাকে। শীতল ও আর্দ্র বায়ু হইতে সতর্ক রাখা আবশ্যিক; হঠাৎ শীতল বায়ু লাগিলে পক্ষ পরিবর্তন কার্যে ব্যাঘাত জন্মে। যদিও ভগবান পাখীদিগকে মলিনতা হইতে দূরে রাখিবার অন্ততর উদ্দেশ্যে রুক্ষের উচ্চ শিখরে আবাসস্থান নির্দেশ করিয়াছেন, তথাপি এই সময় পতিত পক্ষগুলি খাচা হইতে অন্তরিত না করাই সঙ্গত। ইহাতে অবশিষ্ট পক্ষ পতনের সাহায্য হইয়া থাকে। এই সময় স্নানের মাত্রা অল্প করা মন্দ নয়। কিন্তু পক্ষোদ্গমের সঙ্গে সঙ্গে শীতল জলে স্নানের সুবিধা করিয়া দেওয়া আবশ্যিক। মদনা পাখীর স্নান সর্বদাই প্রচুর পরিমাণে প্রয়োজন। অনেক পাখী স্নান ও পানীয় জলের অভাবে হঠাৎ আক্ষেপ

রোগে পতিত হয়। পাখী এই রোগে আক্রান্ত হইলে প্রচুর পরিষ্কৃত পাখীর জল ও স্নান দেওয়া এবং প্রতিদিন মৎস্য ও মধ্যে মধ্যে মাংস খাইতে দিলে রোগের উপশম হইয়া থাকে। গৃহ পালিত পশুপক্ষী যত নানা বর্ণের হইয়া থাকে, আরণ্য গুলির সেকপ দেখা যায় না। আরণ্য পশুপক্ষী প্রায়ই এক বর্ণের হইয়া থাকে। সুতরাং আহার্য্য পদার্থ ও জল বায়ু দ্বারা যে সহজেই বর্ণ পরিবর্তন ঘটয়া থাকে তাহাতে সন্দেহ নাই। ময়না পাখীতে এই প্রমাণ অতি সহজেই উপলব্ধি করা যায়। সচরাচর ময়নার সোণাকাণ ও রূপাকাণের কথা প্রচলিত আছে। বাস্তবিক তাহা আর কিছুই নহে, আট দশ দিন সোণাকাণ ময়নাকে দুধ ও ভাত খাইতে দিলে, কর্ণের বর্ণ ক্রমে শুভ্র হয় এবং রূপা কাণ ময়নাকে হরিদ্রা ঘৃত মিশ্রিত সাতু কিম্বা বিষফল খাইতে দিলে, সোণা কাণ হইয়া থাকে। পাখীর খাদ্য সাতুর সহিত অল্প হরিদ্রা চূর্ণ ও সামান্য লব্ধা চূর্ণ মিশ্রিত করিয়া ব্যবহার করা কর্তব্য।

আর্য্য ঋষিগণও আহারীয় পদার্থ দ্বারা যে বর্ণের ও মানসিক প্রকৃতির পরিবর্তন ঘটয়া থাকে, তাহা সম্যক উপলব্ধি করিতে পারিয়াছিলেন বলিয়াই মনে হয়। নৈষধ চরিত রচয়িতা কবিবর শ্রীহর্ষের কাব্যে আছে, নল রাজা সুবর্ণ পক্ষ বিশিষ্ট হংসকে ধরিয়া যখন তাহা সুবর্ণময় পক্ষ লাভের কারণ জিজ্ঞাসা করিয়া ছিলেন, তখন হংস প্রত্যুত্তরে বলিয়া ছিল যে, আমরা স্বর্গ-গঙ্গার স্বর্ণ মৃণালের অগ্রভাগ আহার করিয়াই সুবর্ণ বর্ণ পক্ষবিশিষ্ট হইয়াছি।

“স্বর্গাপগা-হেম-মৃণালিনীনাং,
নানা-মৃণালাগ্র-ভুলো ভজামঃ।
অন্নানুরূপাং তনু-রূপ-ঋদ্ধং,
কার্য্যং নিদানান্ধি গুণান ধীতে ॥”

আমার বোধ হয় আর্য্য ঋষিরা গুণ ও কর্ম্মানুসারে জাতি নির্ণয় করিয়া বিভিন্ন জাতির মানসিক বৃত্তি গুলির সম্যক পরিষ্কৃষ্ট উদ্দেশ্যেই জাতি গত আহার ভেদের ব্যবস্থা করিয়া ছিলেন।

শ্রীশিবকৃষ্ণ সিংহ শর্মা ।
রাজধানী—মুম্বাই ।

ফৌজদারী আদালতে অনুপ্রাস

বঙ্গবাসী বিদ্যালয়ের বিজ্ঞ ও বিচক্ষণ অধ্যাপক শ্রীযুক্ত ললিতকুমার বন্দোপাধ্যায় মহাশয় অনেক দিন অবধি অনুপ্রাস অবলম্বনে গভীর গবেষণায় নিযুক্ত আছেন। তাঁহার উত্তম ও উৎসাহে অনুপ্রাসের অশেষ প্রকার আলোচনা আরম্ভ হইয়াছে। অনুপ্রাসের অধিকার যে রাজ দরবারেও প্রসার লাভ করিয়াছে, সে বিষয়ে যৎকিঞ্চিৎ আলোচনার অভিপ্রায়েই আমার আজকার প্রবন্ধের অবতারণা।

ফৌজদারীর কাচারীতে অনুপ্রাসের অধিকার প্রত্যক্ষভাবে লক্ষিত না হইলেও, ক্রিমিনেল কোর্টে অনুপ্রাসের কি পরিমাণ রসিকতা আছে, তাহা ভুক্তভোগীরা সবিশেষ অবগত আছেন। দণ্ডবিধি কার্য্যবিধি আইনের নাম নির্দীচনে আইন কর্তারা অনুপ্রাসের অধিকার অস্বীকার করিতে পারেন নাই। তারপর কনস্পিকেসী কেস হইতে শুরু করিয়া কনটেমমট অব্ কোর্ট পর্য্যন্ত—অনুপ্রাসের ক্রম বিকাশ বেশ দেখিতে পাওয়া যায়। তা ছাড়া মারামারি, বাকবিতণ্ডা, জোর জুলুমে অনুপ্রাসের আবেগ কিছুমাত্র হ্রাস পাউয়াছে বলিয়া বোধ হয় না। সর্বপ্রকার চুরি চামাতিতে অপচয়-অনধিকার প্রবেশে, খুন ধরাবতে, গালিগালাজে, বকাবকিতে, বেয়াইনি জাতায়, দাঙ্গা হাঙ্গামায়, সমন অমান্তে, কিংনেপিং কেসে, কাউন্টার ফিট করেন কেসে, পরস্বীহরণে, সিডিশনে, মানহানিতে—অনুপ্রাসের অটুহাস আছে।

দণ্ডবিধি ছাড়িয়া দিয়া কার্য্যবিধি হাতড়াইলেও, মুচলিকার মামলায়, সচাচরণের জন্ত জাভিন গ্রহণে, জাভিন যাচাই কার্য্যে, জাভিন জর্দে, শান্তি ভঙ্গের সম্ভাবনায় অনুপ্রাসের তির্য্যক দৃষ্টি পড়িয়াছে! এমন কি পাঁচ আইনের পাঁচ পড়ার মধ্যেও যে অনুপ্রাসের কারসাজি আছে, তা কে না স্বীকার করিবে!

ফৌজদারী আদালতের কায-কর্ম্মে আগা-গোড়া অনুপ্রাসের আকার অক্ষুণ্ণ আছে;—নালিশি পিটিসনে, পুলিশ কেসে, ক্রম কেসে, ধোরপোষ খেসারতে, সর্বসাধারণের রাস্তা ধোলাসায় অনুপ্রাসের অত্যন্ত সমাদর দেখা যায়।

হাজির জাবিনে, সাকী-সালিস-মাণ্ডে, আপোষের অচলনামায়, সাকীর সমনে, জেরা জবানবন্দীতে, সোয়াল জবাবে অনুপ্রাস। উকীলের ওকালত নামায় এবং মোক্তারের মোক্তার নামায় অনুপ্রাসের রক্তত টঙ্কার টুকু বেশ স্পষ্ট শোণা যায়। এভিডেন্স এক্টেও অনুপ্রাসের একটু খর-দৃষ্টি না পড়িগাছে এমন নয়।

মাছিমারা কেরণী হইতে আরম্ভ করিয়া আমলা ফয়লা, সেরসদার, নায়েবনাজির বকসি বাবু, নকল নবিস, পেয়াদা আর্দালী, মোক্তারের মহররীর, টলি-টাউট, বাদী প্রতিবাদী, সাকী আসামী, পক্ষাপক্ষ, প্রেসিডেন্ট পক্ষায়ত, চৌকীদার দফাদার, বাদী বিবাদী—সকলে বিনা বাকা-ব্যয়ে অনুপ্রাসের দাসত্ব করিয়া আসিতেছে। এমন কি বেঞ্চ ও বারের সম্পর্কটাও সম্পূর্ণ অনুপ্রাস ষটিত।

আরো অভিনিবেশ সহ অনুসন্ধান করিলে দেখা যাইবে যে জজের এজলাসে, দলিল দস্তাবেজে, নাম বকলমে দাখিল দস্তাবেজে, দণ্ডবরদারি বারবরদাবি আদি দাখিলে, কাগজে কলমে, কাল কালিতে, লাল কালিতে বিবাদীর বর্ণনায়, সহি মোহরে, সরাসরি বিচারে, নথি-নজিরে, বার-লাইব্রেরীতে, জজে জুরীতে, কাটিজ কাগজে, হলগান জবানবন্দীতে অনুপ্রাসের আদর আবহমানকাল রক্ষিত হইয়া আসিতেছে।

জেল আপীলগুলি যে প্রায়ই “সামারিলি ডিনমিস” হয় সে অনুপ্রাসের অনুরোধ। মোক্তার মহাশয়গণ যে বাদীবিবাদীর প্রতিনিধি স্বরূপ গতিবিধি করিয়া থাকেন, সেও অনুপ্রাসের প্রতি অতি মাত্রায় অনুরাগ বশতঃ। আজ কাল যে বাঙ্গালী হাকিমেরা হ্যাট কোট ধরিয়াছেন, উকীল বাবুরা যে আঙো চোগা চাপকাণের মায়া পরিত্যাগ করেন নাই, সে নিতান্তই অনুপ্রাসে আশক্তি আছে বলিয়া। ছোট খাটো হাকিমদিগকে যে মস্ত মস্ত মামলা মোকদ্দমা সেসনে সোপর্দ করিতে হয়, সেও অনুপ্রাসের বিধিতে। হাকিমের হিন্মতে, হোমরা চোমরা উকীল মোক্তারের বাদপ্রতিবাদে অনুপ্রাস সশরীরে মূর্তিমান।

বিবাদ বিসম্বাদ লইয়াই মামলা মোকদ্দমার সৃষ্টি, এবং মামলা মোকদ্দমায় আইন আদালতই আশ্রয়। অথচ

আইন আদালতে রীতিমত তদ্বির ভালফি না করিলে কোনও ফল হয় না, এ সকলের মূলেই অনুপ্রাসের ইঙ্গিত আছে।

পুলিশ প্রতিকূল হইলে তিসকে ভাল করিয়া নারাজি দরখাস্ত দাখিল না করিলে মামলা কাঁশিয়া যায়, ফিল ফাজিল তুড়িয়া, কড়াক্রান্তি আদান প্রদান করিতে গিয়া উকীলের মহলে নেয়াক্লেগ মক্লেগ অনেক সময় জেরবার, নাস্তা নাধুক হয়। তার চাইতে আপোষে নিষ্পত্তি করিয়া গোলমাল মিটমাট করা ভাল।—এ সমুদয় ব্যাপারেই অনুপ্রাসের রস আশ্বাদন করা যায়।

বলিতে কি বিচার বিভাগের সকল রকমের আবেদন নিবেদনে দেনা পাওনায় দরদস্তুরে, তদন্ত-তদারকে, প্রমাণ পর্যালোচনায়, সাকী সমালোচনায়, প্রাসঙ্গিক প্রশ্নের প্রস্তাবনায় অনুপ্রাসের কাণ্ড-কারখানা জাজ্জল্যমান। তিনি সাকীর বাক্বে দাঁড়াইয়া জবানবন্দী করেন, আসামীর টিকটিকিতে দাঁড়াইয়া একরার করেন। তিনি উকীলের সামলায় সশরীরে বিরাজ করেন। আইন-কানুনেও তাঁর সায়তশাসন বহুকাল ধরিয়া চলিয়া আসিতেছে। এমন কি অনুপ্রাস-প্রিয় হাকিমেরাই বিচার-বিভ্রাট করেন।

জেল জাবিন হওয়ায়, হুজুরে হাজির হওয়ায়, হাজতের হুকুম দেওয়ায়, গ্রেপ্তারী পরোয়ানায়, জেল জরিবানায়, পুলিশের পোষাকে, সর্বত্র অনুপ্রাসের মূর্তিপ্রকাশ দেখিতে পাওয়া যায়।

হাকিমের রায় দেওয়ায়, ডেপুটীর “ডিপোজিসন” লেখায়, শুমানির দিন নিরূপণে অনুপ্রাসের আশ্রয় প্রকাশ জাজ্জল্যমান হইয়া থাকে। সাকী-সাবুদে, আপীল আদালতে, বায়নার টাকায়, সেয়ানা সাকীতে অনুপ্রাসের আভাস আছে। শাসন বিভাগ হইতে বিচার বিভাগ বিভাগ করিবার জন্ত যে আন্দোলন আরম্ভ হইয়াছে, সে কেবল শাসনে বিচারে অনুপ্রাসের অভাব হেতু।

অল্প আইনে, নূতন সিডিসন আইনে, অনুপ্রাসের মর্যাদা রক্ষিত হইয়াছে। সশ্রম কারাবাসে, যাবজ্জীবন স্বীপাস্তুর, এমন কি ফাঁসিকাঠেও অনুপ্রাসের দস্ত-বিকাশ লক্ষিত হয়। শুধু তাই নয়, বেকসুর খালাসেও অনুপ্রাস বর্তমান!

কোর্টের বড় বাবু যে হাকিমের কাছে 'প্রথম এতলা' 'পেশ' করিয়া থাকে, টাঠক বসাইয়া যে আপোষের আলাপ আরম্ভ হয়, সে সমুদয় কিছুই অশু-প্রাসের অগোচর নয়। বলা বাহুল্য, মোকদ্দমা মূলতুবি রাখায়, জ্ঞানিনের প্রার্থনা নামঞ্জুর করায়, অশুপ্রাস। প্রকাশ থাকে যে সাক্ষর শিখানে ও ভাগানে অশুপ্রাস ওতপ্রোত ভাবে জড়িত। আইনে অপরাধীকে যে আত্মরক্ষার অধিকার দেওয়া হইয়াছে সে কার অশুরোধে?

আদালতের পুলিশ পাহারায়, আপল দলিলের নকল লওয়ায়, প্যানার পরোয়ানায়, টেক-তলপে, অশুপ্রাসের আদেশ আছে! কাঠগড়ার খাড়া করিয়া হাকিম যে আসামীর নাম ধাম বাপের নাম, ইত্যাদি লিখিয়া লন, তাহেও অশুপ্রাস। পুলিশের চার্জশীটে অশুপ্রাসের স্বরূপ প্রত্যক্ষ না হইলেও তাদের ফাইনেস ফারামে তিনি পুরাদস্তুরভাবে বিদ্যমান।

নোহাই দস্তুর দেওয়ায়, অশুপ্রাসের করগালি বাঞ্চে। জমিভূমির সীমা সরহদ ঘটিত মামলাগুলি যে ক্রিমিনেল কোর্টে টেঁকে না, সেও অশুপ্রাসের মাহায়ে।

অধিক আর বলা নিস্প্রয়োজন—কারণ কাছারী কম-পাউণ্ডস্থিত পানের নোকানে, মোড়ালেমোনেডের আড্ডায়, রুটী বিস্কুটের দোকানে, সিগার সিগারেটের ষ্টলে, এমন কি বার লাইব্রেরীর টিকে তামাকের মধ্যে পর্যন্ত অশুপ্রাসের মাল-মসনা বিরাজিত।

শ্রীসুরেশচন্দ্র সিংহ।

শুভ-দৃষ্টি।

দ্বিতীয় পরিচ্ছেদ।

কর্ম।

বুঝিলাম—ভাবরাগ্য হইতে প্রকৃত বিষয়কর্মে মনকে বিব্রত না করিলে আর চলিবে না। আর বুঝিলাম—অর্থই জীবনের সার পদার্থ—অর্থই সম্মান, অর্থই কুল, অর্থই প্রেম; অর্থই জগতে মূর্খকে বিদ্বান, অযোগ্যকে যোগ্য ও অকুণীনকে কুলীন করিয়া দেয়। মাতাপিতা, স্ত্রী পুত্র কেহই অর্থ ব্যতীত স্নেহ-ভালবাসা দেয় না। অর্থ চাই।

আপাততঃ একটীন কার্য্য পরিত্যাগ করিয়া অর্থ উপার্জনের জন্ত আসাম ফরেস্ট ডিপার্টমেন্টে (বনবিভাগে) কার্য্য লইয়া গেলাম।

অগ্রহারণে আসাম যাই, মাঘ মাসেই মাতাঠাকুরাণীর মৃত্যুসংবাদ আমার নূতন আশা ও উত্তমের পথে ভয় ও বিভীষিকার ছায়ারূপে উপস্থিত হয়।

১৩ই মাঘ। টোলগ্রাম পাইয়া একেবারে হতাশ হইয়া পড়িয়াছিলাম। অশু সুরেশের সুদীর্ঘ লিপি পঁহ-ছিল। চিঠিতে জানিলাম, মৃত্যুকালে মা আমাকে দেখিতে চাহিয়াছিলেন। তাঁহার এই শেষ অর্পণ আকাঙ্ক্ষার জন্ত নিককে শত সহস্র ধিকার দিলাম। উপায় নাই। সুরেশ লিখিয়াছে—“পিতামাতা লইয়া চিরকাল কেহ বাস করিতে পারে না। তোমাকে বর্তমান রাখিয়া যে তোমার বৃদ্ধা জননী স্বর্গলোকে গমন করিয়াছেন, ইহা তাহার পক্ষে পরম সোভাগ্যের বিষয়। তোমার পরিতাপের বিষয় কিছুই নাই। খুড়ীয়ার সেবা শুশ্রূষার কোনই ক্রটি হয় নাই। তোমার স্ত্রী যেক্রপ অক্লান্তভাবে ও প্রসন্ন মনে শাশুড়ীর সেবা ও শুশ্রূষা করিয়াছে, তুমি সেইরূপ নিশ্চয়ই করিতে পারিতে না। তবে মৃত্যুকালে তুমি তাঁহাকে দেখিতে পাইলে না, তিনিও তোমাকে সম্মুখে দেখিয়া যাইতে পারিলেন না—এই যা দুঃখ।

“তোমার মার মৃত্যুর পর তোমার শশুর মহাশয় আসিয়া তোমার স্ত্রীকে লইয়া গিয়াছেন, তোমার বাড়ীরও বন্দোবস্ত করিয়া গিয়াছেন।”

সুরেশের চিঠিতে আরও অনেক সংবাদ ছিল।

শ্রদ্ধ কারবার জন্ত বাড়ী আসিবার আর প্রয়োজন দেখিলাম না। বজুবাবুর উপদেশ অনুসারে কর্মস্থলেই মাতৃকার্য্য সম্পন্ন করিলাম।

২৩শে ভাদ্র। কলিকাতা পঁহছিলাম। আসামের জলবায়ু আমার স্বাস্থ্যের অশুকুল হইল না। প্রথম ছয় মাস বেশ ছিলাম। বর্ষায় Forest-এর হাওয়ার আমার স্বাস্থ্যভঙ্গ হইল। তখন স্বাস্থ্য লইয়া আরও কতক দিন দেখিলাম। দিন দিনই শরীরের অবস্থা শোচনীয় হইতে লাগিল। শেষ চারি মাসের বিদায় লইয়া স্বাস্থ্য সংশোধনের জন্ত কলিকাতায় আসিলাম।

(২)

বিবাহের সময় স্বশুর মহাশয়ের অর্থে আমার পৈত্রিক বাসভিটা রক্ষিত হইয়াছিল—এই সূত্রে তিনি আমার সম্মতির অপেক্ষা না করিয়াই সংসারের বন্দোবস্ত কার্যে হস্তক্ষেপ করিয়াছেন মনে করিয়া আমার বড়ই অভিমান হইল। এই প্রবল অভিমান আমাকে গৃহে যাইবার সম্বন্ধে প্রতিনিবৃত্ত করিল। আমি ভাবিতে লাগিলাম—

মাতা যশু গৃহে নাস্তি, ভার্য্যা চ —

অরণ্যং তেন গন্তব্যং যথারণ্যং তথা গৃহম্ ।

যাই হউক মহাজনের পস্থা অনুসরণ করিয়া পুনরায় আরও গভীরতম অরণ্যে না গিয়া, কোলাহল মুখরিত কলিকাতা নগরীতেই আসিয়া উপনীত হইলাম।

কিছুকাল ডাক্তার কবিরাজের উপদেশ শিরোধার্য্য করিয়া রহিলাম। শরীর একটু সুস্থ হইলে বায়িত অর্থ পুনঃ সঞ্চয়ের জ্ঞে চেষ্টা করিতে লাগিলাম। ইচ্ছা কয়েক দিন কলিকাতা থাকিয়া শীতের প্রাকালে মহাজনপত্রের অনুসরণ করিয়া বনে গমনের ব্যবস্থা করিব।

৪ঠা কার্তিক। অশ্ব চাকুরীর চেষ্টা ফলবতী হইল। Burn কোম্পানীর বাড়ীতে এক কেরণীগিরী লইয়া কিছুদিন কলিকাতা থাকিবার সুবিধা করিলাম।

(৩)

Burn Co.র হেড্‌বাবুর সহিত শুভদিনে শুভদৃষ্টি হইয়াছিল। সুতরাং কলিকাতা পরিত্যাগের পূর্বে তাঁহার সহিত সাক্ষাৎ করিয়া যাওয়া আমি আমার একটা প্রধান কর্তব্য মধ্যে গণ্য করিয়া, বেলা ৪ ঘটিকার সময় তাঁহার বাসায় পহঁছিলাম। সে দিন রবিবার। তিনি বাগার ছিলেন। আমি যাইয়া নমস্কার করিয়া বসিলাম।

তিনি বলিলেন “আপনি আগ্রহই চলে যাচ্ছেন?” আমি বলিলাম—“আজ্ঞা না, আমি কাল যাব।” তিনি একটু আগ্রহের সহিত বলিলেন—“তা বেশ, আমি আপনাকে একটু কষ্ট দিতে ইচ্ছা করি—আপনাদের কবে পর্য্যন্ত যেয়ে পহঁছাতে হবে?”

আমি বুঝিলাম, তিনি কি যেন বলিতে ইচ্ছা করিতেছিলেন, লজ্জাবশতঃ বলিতে সঙ্কোচ বোধ করিতেছেন। আমি আগ্রহের সহিত বলিলাম—“আমার আরও এক সপ্তাহ বিদায় হাতে রহিয়াছে। আমার



“রুগ্ন-শয্যার পার্শ্বে দাঁড়াইলাম।”

দ্বারা আপনার কোন কার্য্য হইলে, আমি আরো দু'এক দিন থাকিয়া যাইতে পারি। আপনি নিঃসঙ্কোচে বলুন।”

তিনি বলিলেন—“আমার ভগ্নী কাল ঢাকা যাচ্ছেন। আপনার ঞ্চয় একজন বন্ধু ব্যক্তির সহিত তাঁহাকে পাঠাতে পারলে নিশ্চিত হ'তে পারতুম। অবশি তাঁর সহিত আরও দু'জন লোক যাচ্ছে। তবে, মেয়ে ছেলে নিয়ে যাতায়াত—

আমি বলিলাম “তা আমি তাঁহাদিগকে ঢাকায় রাখিয়া যাইব। এ আর কষ্ট কি? আমি ঢাকা হইয়াই বরং আসাম যাইব।”

হেতু বাবু আমাকে ধন্যবাদ প্রদান করিয়া বলিলেন —
“তবে কাল প্রাতঃকালেই বিদেয় হয়ে আমার বাসায়
আসবেন, এখানেই আহার হবে—এই কথা বলো।”
আমি সম্মতি প্রদান করিয়া বিদায় হইলাম।

বড় রাস্তায় পড়িয়াই দেখি—সুরেশচন্দ্র। “একি তুমি
এখানে কেন” ? যুগপৎ উভয়কে উভয়ে প্রশ্ন করিলাম।
সুরেশ আমাকে একবারে অনেকগুলি প্রশ্ন করিল, আমি
ও সেই প্রশ্নগুলিই পুনরায় তাহার প্রতিবর্ষণ করিয়া
উভয়ে উভয়ের উত্তর প্রতীক্ষায় রহিলাম।

রাস্তায় দাঁড়াইয়া হঠাৎকেনে কুশল, মঙ্গল, বাড়ী, ঘর,
সংসার, পরিবার, আত্মীয়স্বজন, চাকুরী ব্যবসায় প্রভৃতি
যাবতীর বিষয়ের জিজ্ঞাসাবাদ হইল। তাব অভাব
সম্বন্ধীয় কথাও যে না লইল, তাহা নহে।

অনেক কথাবার্তার পর সুরেশ বলিল, “আমাদের
রাধারমণ বাবু পীড়িত হইয়া এখানে চিকিৎসার্থে
আসিয়াছেন, চল একবার তাঁহাকে দেখিয়া আসি।
তিনি তোমার একজন উপকারী বন্ধু। অতি শোচনীয়
অবস্থা—বাঁচিবার আশা নাই। আমি সেখানেই যাচ্ছি।”

রাধারমণ বাবু আমাদিগের প্রতিবেশী। বাবার মৃত্যুর
পর তিনি আমাদিগকে একরূপ রক্ষাই করিয়াছিলেন।
সুতরাং সুরেশের প্রস্তাবে সম্মতি প্রদান করিতে তিলার্দ্ধ
বিলম্ব করিলাম না। আমরা ট্রাম কার ধরিলাম।

বাগবাজারের একটা ভাড়াটে গৃহে আমরা প্রবেশ
করিলাম। সুরেশের অপেক্ষা রাধারমণ বাবু আমার
অধিক আত্মীয় পিতৃবন্ধু। আমি অগ্রবর্তী হইয়া যাইয়া
বাড়ীর ভিতর একখানা রুগ্নশয্যার পার্শ্বে দাঁড়াইলাম।
শয্যায় রোগী শায়ন, পার্শ্বে একটা যুবতী ও একটা
প্রৌঢ়া রমণী। যুবতী আমাদিগের আগমনে অবগুণ্ঠনটী
অপেক্ষাকৃত অধিক টানিয়া দিল। প্রৌঢ়া অল্প অবগুণ্ঠন
টানিয়া সুরেশকে ইঞ্জিতে বসিবার আসন দেখাইয়া দিল।

আমি রাধারমণ বাবুকে চিনিতেই পরিলাম না।
রোগীর চেহারার প্রতি, আমি অবাক হইয়া তাকাইয়া
রহিলাম। সুরেশ আমার অবস্থা বুঝিতে পারিল।
সে আমাকে সম্বোধন করিয়া বলিল—

“যোগেশ, তোমার খন্তর শাণ্ডীকে প্রণাম কর।”

আমি অজ্ঞাতসারে যেন আকাশ হইতে পড়িয়া গেলাম।
আমার অস্তরের ভিতর একটা তুমুল ঝটিকা বহিয়া
যাইতে লাগিল। সুরেশের চক্রান্তে বড়ই বিরক্তি বোধ
হইয়াছিল বটে কিন্তু রোগীর অবস্থার প্রতি লক্ষ্য করিয়া
আমি নিজেকে মুহূর্ত্ত মধ্যে সংযত করিলাম এবং শিষ্ট
ছেলেটির তায় সুরেশের আদেশ প্রতিপালন করিলাম।

মুহূর্ত্ত মধ্যে একটা চঞ্চল পরিবর্তন ঘটয়া গেল।
রুগ্নশয্যা যেন এক অভিনব আনন্দ হিল্লোলে হিল্লোলিত
হইয়া উঠিল। গৃহখানায় নূতন অতিথির পুণ্য আগমনে
যেন অপূর্ব পুলক বিরাজ করিতে লাগিল। চারিদিকের
সাগ্রহদৃষ্টি সেই পুলক শতগুণে জাগাইয়া তুলিল। (ক্রমশঃ)

তাত্রকট প্রসঙ্গ ।

কঙ্কিপুরাণ বলিয়া সংস্কৃতে যে একখানা উপপুরাণ
আছে—যাতে কুলির অবতার কঙ্কির বীরপণা বর্ণনা
করা হইয়াছে—তাহা বোধ হয় অনেকেই জানেন। কিন্তু
বাংলায় যে ঐ নামে একখানা বই আছে, তাহা বোধ হয়
সকলের জানা নাই। ইহার গ্রন্থকারের বা প্রকাশকের নাম
আমি জানি না এবং প্রাপ্তিস্থান কোথায় তাহাও বলিতে
পারিব না, কিন্তু বই খানা আমি দেখিয়াছি, তাহা বলিতে
পারিব। সে কঙ্কিপুরাণেও কঙ্কির কথাই বলা হইয়াছে ;—
কিন্তু সে চেতন কঙ্কি নহে, মৃত্তিকা নির্মিত হাঁকার
শিরোভূষণ কঙ্কি।

কবি বলিয়াছেন, সৌন্দর্য্য বিষয়ে শকুন্তলা বিধা-
তার আত্মা সৃষ্টি। আমাদের গ্রন্থকার বলিয়াছেন,
কেবল সৌন্দর্য্য বিষয়ে নয়, মাহাত্ম্য বিষয়েও কঙ্কিই
বিধাতার আত্মা সৃষ্টি। এ মত ভেদের মীমাংসা কে
করিবেন জানি না, কিন্তু তামাকু সেবাদিগের যদ ভোট
গ্রহণ করা হয়, তাহা হইলে কঙ্কিকে অশুদ্ধ বলিবার সাধ্য
নাই। পাদ্রীরা বলেন, যীশুকে যদি বুঝতে চাও, আগে
তাঁহাতে বিশ্বাস কর এবং ভক্তি কর। না বুঝিলে
বিশ্বাস ও ভক্তি হয় কিনা জানি না, এবং বিশ্বাস ও ভক্তি
হইয়া গেলে, বুঝবার কোন দরকার থাকে কিনা,
তাহাও বিচার্য্য নয়। কিন্তু আমাদের গ্রন্থকার বলিতেছেন,
এবং তামাকের উপাসক মাত্রেই অবশ্য বলিবেন—“কঙ্কির
সাহায্য যদি বুঝিতে চাও, আগে তার সেবক হও।
বিধাতা কত কষ্টে এবং কত অপসার ফলে কঙ্কির স্বরূপ
জানিয়াছেন। মৃত্তিকা যে এই আকার গ্রহণ করিতে
পারে এবং তাহাতে যে বিধাতার সমস্ত বিধান শক্তি গুণ
ধাকিতে পারে, কে আগে তাহা জানিত ? বেদ যেমন
নিত্য, কঙ্কিও তেমন নিত্য ;—বিধাতা ইহাকে সৃষ্টি

করেন, এমন কি সাধা তাঁর। তিনি ইহাকে 'লোকেতে প্রচার' করিয়াছেন মাত্র।"

আম্বা ভিন্ন দেহের মাহাত্ম্য নাই, প্রাণ ভিন্ন জীবের মাহাত্ম্য নাই ;—তেমনি তামাক ভিন্ন কঙ্কির মাহাত্ম্য নাই। এই যে পদার্থটির নাম করা হইল, আমাদের গ্রন্থকার বলিয়াছেন, ইহার মাহাত্ম্য বাসুকি সহস্র মুখেও গাহিয়া উঠিতে পারেন নাই!—ব্রহ্মার ত মোটে চারটি মুখ—বিশ্বেশ্বরেরও পাঁচটির অধিক নয়! এই যে সৌম্য সুদর্শন, সুগন্ধ, সুরস, সুস্পর্শ, সুস্বর, বিধি-বিষ্ণু-মহেশ্বর বন্দিত মহাশক্তি সম্পন্ন পদার্থটি কলিতে জীবগণের একান্ত দুর্দশা দর্শনে করুণা-সিক্ত হইয়া কঙ্কি বাহনে মর্ত্যে বিচরণ করিতেছেন, ইনি এতই মহানু যে ইহার বাহনের ও বাহন রহিয়াছে! এং ইহার বাহন যেমন লোক পরিচিত, বাহনের বাহনটি ও তেমনি লোক পরিচিত ও লোক বন্দিত। তাহার নাম 'হকা'। এমন যে তামাক তাহাকে যে অজ্ঞান বশতঃ সেবা না করে, মরিয়া সে শৃগাল হয় এবং 'হকা হকা' করে! শৃগালের প্রতি যদি কাহারও ঘৃণা থাকে, তাহার প্রতি গ্রন্থকারের উপদেশ সরল।

তামাকের মাহাত্ম্য এখন জগৎ জুড়িয়া প্রচার হইয়াছে। একজন পাশ্চাত্য ঔপন্যাসিককে একবার একজন সম্পাদক জিজ্ঞাসা করিয়া পাঠাইয়াছিলেন, আপনি কি প্রণালীতে লিখেন? উত্তরে একটি হিসাব আসিয়াছিল, তাহা এলা আগস্টের T. P.' S. weekly হইতে সত্য উদ্ধার করিয়া দিলাম।

পত্রিকার জন্য যখন লেখা হয়।

২	নল তামাকে	=	১	ঘণ্টা।
২	ঘণ্টার	=	১	বিষয়।
১	বিষয়ে	=	৩	প্যারাগ্রাফ।
৩	প্যারাগ্রাফে	=	১	প্রবন্ধ।

উপন্যাস যখন লেখা হয়।

৮	নলে	=	১	আউন্স তামাক।
৭	আউন্সে	=	১	সপ্তাহ।
২	সপ্তাহে	=	১	অধ্যায়।
২০	অধ্যায়ে	=	১	নিব।
২	নিবে	=	১	উপন্যাস।

সাহিত্যিকগণের বিশেষরূপে এই হিসাবটি দেখা উচিত।

তামাকের উপাসনায় নানাদেশে নানা প্রণালী অলম্বিত হইয়া থাকে। ইংরেজ রাজত্বের পূর্বে এদেশে পঞ্চোপচারের পূজা হকা দ্বারা হইত; বোড়শোপচারের বেলা আলবোলায় দরকার হইত। হকাটি ভারতীয় পূজার বিশেষত্ব। অন্তত সব জায়গাই নলের প্রভাব দৃষ্ট হয়।

এই নল আবার সব দেশে সমান নয়; ভিন্নকিচিহ্ন লোকঃ। আফ্রিকাতে লোহার এবং কাচের নল দৃষ্ট হয়। আমেরিকার আদিম অধিবাসীদের মধ্যে নানা রকমের নল দৃষ্ট হয়। জায়গায় জায়গায় মাটির নল ও ব্যবহৃত হয়। ভারতে শ্বেতমুখে কি কি পদার্থের নল শোভা পায়, চাপরাসিগণ তাহা বলিতে পারে!

উপাসনায় যারা উন্নত হন, তাহাদের ঋষি লাভ হয়। শুদ্ধ অনেক ঋণ ধরিয়৷ ভগবানকে স্মরণ না করিয়া থাকিতে পারেন না; তামাকের বাস্তবিক সেবক যিনি, তিনিও বেশীকণ তাহার সেবা না করিয়া থাকিতে পারেন না। একজন বিচারক একদা বলিয়াছিলেন—'কি অবচার! এতকণ ধরিয়৷ ঋদালতে নল-নিহনে বসিয়া থাকা!'

তামাক সেবনে কাল হইলের বোধ হয় ঋষি লাভ হইয়াছিল। তাহার যকৃতের দোষ ছিল বলিয়া ডাক্তার তাহাকে তামাক খাইতে বারণ করেন। কিন্তু তা সত্ত্বেও তাঁর কোন উপকার হয় নাই। একদা মাঠে বেড়াইতে ২ একটা নল এবং কিছু তামাক দেখিতে পাইয়া কাল হইল আর থাকিতে পারিলেন না। সেই হইত তিনি তামাকের চির সেবক ছিলেন।

দেবতার নিন্দা উপাসকের প্রাণে নয় না; এবং ধর্ম্মে আঘাত করিলে প্রজা রাজভক্তি ছাড়িয়া দেয়;—তাই যখন কিছুদিন পূর্বে Sir G. Fleetwood Wilson ভারতবর্ষে বিদেশী তামাকের উপর টেক্স বসাইলেন, তখন ভারতসাম্রাজ্য প্রায় ডুবুডুবু হইয়াছিল।

শ্রীউমেশচন্দ্র ভট্টাচার্য্য।

গত সংখ্যায় প্রকাশিত

“আমাদের কোন পস্থা অবলম্বনীয়”

প্রবন্ধের শুদ্ধিপত্র

পৃষ্ঠা	পং	শুধ	অশুদ্ধ	শুদ্ধ
২	৩২	২য়	সহকারী	সহকারে
৩	২২	১ম	জ্ঞানত	জ্ঞানতঃ
"	২	২য়	পাশ্চাত্য	প্রাচ্য
৪	৭	১ম	সহকারী	সহকারে
"	"	"	বেদান্ত	যোগসূত্র
"	১৮	"	ভেদ	ভোগ
"	১৯	"	ভূময়	ভূময়ঃ
"	৩০	"	কর্ম্মণিয়ঃ	কর্ম্মণিয়

সৌরভ



—বিভিন্ন বয়সে—
কবিবর—রবিদ্রনাথ।

Asutosh Press, Dacca.



সৌরভ

দ্বিতীয় বর্ষ । }

ময়মনসিংহ, পৌষ, ১৩২০ ।

{ তৃতীয় সংখ্যা ।

প্রাচীন ভারতে পশু চিকিৎসা ।

(Veterinary Science in Ancient India.)

হস্ত্যায়ুর্বেদ ।

(কবিকাতা সাহিত্য সভায় পঠিত ।)

প্রাচীন ভারতে পশুচিকিৎসা বিষয়ে কীদৃশ উন্নতি সাধিত হইয়াছিল, তৎসম্বন্ধে সংক্ষেপে কয়েকটি কথা আলোচনার জন্য এই ক্ষুদ্র প্রবন্ধের অবতারণা ।

বর্তমান কালে পাশ্চাত্য শিক্ষাপ্রাপ্ত অন্বদেশীয় অনেকেরই বোধ হয় এই বিশ্বাস যে প্রাচীন ভারতের ঋষি সম্প্রদায় মানবের ব্যাধি উপশমার্থে আয়ুর্বেদ গ্রন্থের কতক প্রচার করিয়া থাকিলেও গৃহপালিত পশুচিকিৎসা বিষয়ক আলোচনা ও তৎসংক্রান্ত গ্রন্থ প্রণয়নে তাঁহারা সম্পূর্ণ উদাসীন ছিলেন । এবং এসম্বন্ধে তাঁহারা কোনও গ্রন্থ লিপিবদ্ধ করিয়া যান নাই । এই ধারণা যে সম্পূর্ণ ভ্রান্তিমূলক তাহাই আমরা যথাসাধ্য প্রতিপন্ন করিতে চেষ্টা করিব । উক্ত মহাত্মারা ইহাও বলিয়া থাকেন যে আমাদের পূর্বতন ঋষিগণ ধ্যান নিমিত্তনেত্রে কেবল মাত্র পারলৌকিক ও অধ্যাত্মবিষয়ের আলোচনাতেই কালাতিপাত করতঃ ইহলৌকিক সর্ববিধয়ে উপেক্ষা প্রদর্শন করিয়া ভারতবর্ষের ঐহিক উন্নতির পথ একবারে রুদ্ধ করিয়া গিয়াছেন ; এই উক্তি কতদূর বিচারসহ

সত্য বটে, আর্ষা ঋষিগণ “ব্রাহ্মবিদ্যা”কেই ‘পরা’ (শ্রেষ্ঠ) বিদ্যা নামে অভিহিত করিয়াছিলেন, কারণ তাঁহারা বলিয়াছেন যে “পরা যথা তদক্ষরমাধিগম্যতে” এবং তদব্যতিরিক্ত সর্ববিধ লৌকিক শাস্ত্রকে তাঁহারা “অপরা” বিদ্যা আখ্যায় আখ্যায়িত করিয়াছিলেন ; পরন্তু যাহারা প্রকৃত তত্ত্বানুসন্ধানী তাঁহারা অবগত আছেন যে লৌকিকহিতৈষণা প্রণোদিত প্রাচীন ভারতীয় ঋষিসম্মত ধর্ম, অর্থ, কাম এবং মোক্ষ এই চতুর্কর্গ সাধনোপযোগী বিবিধ গ্রন্থ প্রণয়ন করতঃ জগতের অশেষ কল্যাণ সাধনে যত্ন ও পরিশ্রমের ক্রটি করিয়া যান নাই । অবশ্য, আমাদের দুর্ভাগ্য বশতঃ এই সমস্ত গ্রন্থের অধিকাংশই নানা বিপ্লবে কালের করাল কুল্লিগত হইয়াছে ; তথাপি অত্মপি যাহা অবশিষ্ট আছে তদ্বারাই বিলক্ষণরূপে প্রতীতি জন্মে যে পরম কারুণিক ঋষিগণ একদিকে অধ্যাত্ম বিষয়ে চিন্তারত থাকিয়াও, অপরদিকে লোকহিতকর নানা বিদ্যালোচনায় পরাশ্রুত ছিলেন না । তাঁহারা যেমন ষড়ঙ্গবেদ (শিক্ষা, কল্প, ব্যাকরণ, নিকৃন্ত, জ্যোতিষ এবং ছন্দঃ এই ছয়টি বেদের অঙ্গ) উপনিষদ্ প্রভৃতির আলোচনা দ্বারা অধ্যাত্ম জ্ঞানের উন্নতির উচ্চ সোপানে আরোহণ করিয়াছিলেন এবং ষড়দর্শন আলোচনাতে সূক্ষ্ম বিচারশক্তি এবং তীক্ষ্ণ মনীষার পরিচয় দিয়াছিলেন, পক্ষান্তরে লোকহিতকর আয়ুর্বেদ, (মহুষ্ণায়ুর্বেদ, পখায়ু-

ত্রিকোণমিতি, পরিমিতি, খগোল প্রভৃতি) গান্ধর্বেদ, (সঙ্গীতশাস্ত্র) ধনুর্বেদ, শিল্পশাস্ত্র, বাস্তববিদ্যা, স্থপতিবিদ্যা, কাব্য, অলঙ্কার, নাটক, কথা প্রভৃতি, ঐন্দ্রজালিক বিদ্যা, কৃষিবিদ্যা প্রভৃতি নানা বিদ্যার আলোচনা দ্বারা ঐহিক উন্নতির পথও উন্মুক্ত করিয়া গিয়াছেন ।

চতুঃষষ্ঠী কলাবিদ্যা (আমরা এগুলিকে fine arts বলিয়াই আখ্যাত করিলাম) প্রাচীন ভারতে রীতিমত আলোচিত হইত । বাৎস্যায়ন প্রণীত “কাম সূত্র” গ্রন্থের সাধারণাধিকরণের তৃতীয় অধ্যায় পাঠে কলাবিদ্যার প্রত্যেকটির নাম অবগত হওয়া যায় এবং যশোধর কৃত উক্ত গ্রন্থের টীকায় চতুঃষষ্ঠী কলাবিদ্যার ব্যাখ্যাও দেওয়া আছে । এই সমস্ত নিবিষ্টাভিঃকরণে পর্যালোচনা করিলে স্পষ্ট উপলব্ধি হয় যে, প্রাচীন ভারত এক সময়ে আধ্যাত্মিক জ্ঞানের ত কথাই নাই, পরন্তু ঐহিক শাস্ত্রাদির আলোচনাতেও উন্নতির পরাকাষ্ঠা লাভ করিয়াছিলেন । বর্তমান ইউরোপীয় সভ্যতাভিমानी বুদ্ধবন্দ ভারতের জ্ঞানগভীরতার অবিসংবাদিত পরিচয় পাইয়া বিস্মিত ও স্তম্ভিত হইয়াছেন । ভারতের নানা স্থানে প্রাচীন মন্দির প্রভৃতির ভগ্নাবশেষ অত্যাধি বিদ্যমান থাকিয়া ভারতীয় স্থপতিবিদ্যার প্রকৃষ্ট সাক্ষ্য প্রদান করিতেছে । এই সমস্ত বিষয়ে বিস্তৃত আলোচনা আমাদের অভিপ্রেত নহে ; প্রাচীন ভারতে পশুচিকিৎসা বিষয়ক আলোচনাই আমাদের অতীত আলোচ্য বিষয় ।

অষ্টাঙ্গ আয়ুর্বেদ ((১) শল্যতন্ত্র, (২) শালক্যতন্ত্র, (৩) কায়চিকিৎসা (৪) কোমার ভৃত্য, (৫) অগদতন্ত্র, (৬) ভূত-বিদ্যা (৭) রসায়নতন্ত্র, (৮) বাজীকরণ তন্ত্র এই আটটি আয়ুর্বেদের অষ্টাঙ্গ) প্রচার দ্বারা যেমন মানবের আগন্তুক দোষ সমূহ এবং কৰ্ম্মজ এই ত্রিবিধ ব্যাধির উপশমার্থ ঋষিগণ নানাপ্রকার ভেষজ আবিষ্কার করতঃ মানবজাতির অশেষ কল্যাণ সাধন করিয়া গিয়াছেন তদ্রূপ পশুআয়ুর্বেদ (অশ্বায়ুর্বেদ, গজায়ুর্বেদ, বৃষায়ুর্বেদ প্রভৃতির) প্রচার দ্বারাও মানবের নিত্যপ্রয়োজনীয় গবাখাদির রক্ষা ও ব্যাধি প্রশমের উপায় চিন্তা করিতেও বিরত ছিলেন না । কেবল ইহাই নহে, তাঁহারা বৃক্ষাদিকেও (উদ্ভিজ্জ যাত্রকেই) জীবশ্রেণীর অন্তর্ভুক্ত করতঃ তাহাদের ব্যাধি

প্রতিকারের জন্ত “বৃক্ষায়ুর্বেদ” প্রচার করিয়া বুদ্ধিমত্তার ও অনুসন্ধিৎসার প্রকৃষ্ট নিদর্শন প্রকাশ করিয়া গিয়াছেন । আয়ুর্বেদে প্রাণীগণ চারিভাগে বিভক্ত হইয়াছে ; যথা,—

(১) জরায়ুক (মানুষ, বানর প্রভৃতি ও অন্যান্য চতুষ্পদী স্তন্যপায়ী জীব)

(২) অণুজ (পক্ষী ও কীট পতঙ্গ, মৎস্য ও সরীসৃপাদি)

(৩) শ্বেদজ (মশক, দংশ, উৎকুনাদি) এবং

(৪) উদ্ভিজ্জ (বৃক্ষ, লতা, তৃণ ও গুল্মাদি) ।

বহু সহস্র বৎসর পূর্বে মহর্ষি মনু গভীর স্বরে বলিয়াছিলেন —“বৃক্ষাদিরও প্রাণ আছে এবং তাহারাও সুখদুঃখানুভব করে ; যথা—“অন্তঃসংজ্ঞা ভবন্ত্যেতে সুখদুঃখ সমন্বিতাঃ ।” আমাদের শাস্ত্রে বৃক্ষাদির শ্রাদ্ধ ও তর্পণের বিধান আছে, অত্যন্ত আফ্লাদের বিষয় এই যে, অগদ্বিখ্যাত অধ্যাপক শ্রীযুক্ত জগদীশচন্দ্র বসু মহোদয় অধুনা আবার প্রাচীন ঋষি বাক্যেরই সত্যতা তাঁহার উদ্ভাষিত যন্ত্রের সাহায্যে প্রমাণিত করতঃ পাশ্চাত্য জগৎকে চমৎকৃত করিয়াছেন । বৃক্ষায়ুর্বেদ সম্বন্ধে “দার্শনিক পদ্ধতি”, “কেদার কল্প”, “কৃষি পরাশর” প্রভৃতি গ্রন্থ পাঠে অনেক বিবরণ জানা যায় । বর্তমান প্রবন্ধে বৃক্ষায়ুর্বেদ আলোচ্য বিষয় নহে, অতএব তাহা পরিত্যক্ত হইল ।

পাঠকবর্গ বোধহয় বিলক্ষণ রূপে হৃদয়ঙ্গম করিতে পারিয়াছেন যে, ভারতীয় ঋষিগণ লোকহিতকর কোনও বিষয়ের আলোচনাতেই উদাসীনতা প্রকাশ করেন নাই । তাঁহারা যে কেবলই পারলৌকিক চিন্তারত যোগী ছিলেন, তাহা নহে, অপিচ পার্থিব উন্নতি চিন্তায়ও রতছিলেন, একথা বলিতে বোধহয় কোনও আপত্তি হইবে না এবং পাশ্চাত্য শিক্ষাপ্রাপ্ত মহাত্মাগণের উক্তি যে বিচার সহ নহে তাহাও বোধহয় প্রতিপন্ন হইবে ।

অপ্রাসঙ্গিক বিষয়ের আলোচনায় আমরা প্রকৃত প্রস্তাব হইতে একটু দূরে আসিয়া পড়িয়াছি ; এখন প্রকৃত বিষয়ের অনুসরণ করা যাউক । সংস্কৃত কাব্যাদির টীকা এবং নানাপুরাণ পাঠে অবগত হওয়া যায় যে, হস্তায়ুর্বেদ ও অশ্বায়ুর্বেদ সম্বন্ধে পৃথক পৃথক গ্রন্থ প্রাচীন ভারতে প্রচারিত ছিল । প্রমাণস্বরূপ আমরা অধি-

পুরাণের ২৭৬ অধ্যায়ের একটা শ্লোক উদ্ধৃত করিতেছি যথা—

“পালকাপ্যোহঙ্গরাজায় গজায়ুর্বেদমত্রবীৎ ।

শালিহোত্রঃসুশ্রুতায় হস্তায়ুর্বেদমুক্তবান ॥”

এতদ্বারা ইহা প্রতিপন্ন হইতেছে যে—মহর্ষি পালকাপ্য অঙ্গাধিপতির নিকট গজায়ুর্বেদ এবং মহর্ষি শালিহোত্র সুশ্রুতের নিকট অস্থায়ুর্বেদ বলিয়াছিলেন; অতএব পালকাপ্য এবং শালিহোত্র, এই দুই মহাত্মা যে গজায়ুর্বেদ ও অস্থায়ুর্বেদের আদি প্রচারক তাহা প্রতিপন্ন হইতেছে ।

পালকাপ্য প্রণীত হস্তায়ুর্বেদ গ্রন্থ অতি বিস্তীর্ণ । ইহা—(১) মহারোগস্থান (২) ক্ষুদ্ররোগস্থান (৩) শল্যস্থান এবং (৪) উত্তরস্থান এই চারিটা ভাগে বিভক্ত । প্রথমে, (মহারোগস্থানে) ১৮টা, দ্বিতীয়ে (ক্ষুদ্ররোগস্থানে) ৭২টা, তৃতীয়ে (শল্যস্থানে) ৩৪টা এবং চতুর্থে (উত্তরস্থানে) ৩৫টা অধ্যায় আছে, অর্থাৎ সমগ্রগ্রন্থ ১৬০টা অধ্যায় যুক্ত । অগ্ৰাণ্ড আয়ুর্বেদ সংহিতার অ্যায়ুর্বেদের ভাষাও গল্প পঞ্চময়ী এবং ইহাতে দুই সহস্রের অধিক শ্লোক নিবদ্ধ আছে ! গ্রন্থে হস্তীর ৩১৫ প্রকার বিভিন্ন ব্যাধির নিদান ও চিকিৎসাদি বিষয় বর্ণিত আছে । গ্রন্থের ভাষা আর্থ, গভীর, প্রাজ্ঞল এবং প্রাসাদগুণবিশিষ্ট । ইহাও এই গ্রন্থের প্রাচীনত্বের অকৃতম প্রমাণ । শল্যস্থানের ত্রিংশাধ্যায়ে হস্তীর অঙ্গচিকিৎসা সাধনার্থে যে সমস্ত যন্ত্র শস্ত্রাদির বর্ণনা আছে, তাহা প্রায় সুশ্রুত সংহিতা বর্ণিত যন্ত্রশস্ত্রাদিরই অনুরূপ, হস্তীর অবয়ব প্রভৃতির পার্থক্য-নুসারে বাহা কিছু বিভিন্নতা আছে, ইহা হওয়াই স্বাভাবিক ও সম্পূর্ণ বৈজ্ঞানিক যুক্তি সঙ্গত । ফলতঃ এই অধ্যায়টি অতিবিস্ময় জনক । এইগ্রন্থে অঙ্গ-কর্ষ সাত প্রকার কথিত হইয়াছে । যথা—

(১) ছেদ (Incision) (২) ভেদ (puncturing) (৩) লেখ্য (Scratching) (৪) বিস্রাবণীয় (Evacuating fluids) (৫) বিদারণীয় (বোধ হয় Boring) (৬) এষ (probing) এবং (৭) সেবণীয় (sewing) । সুশ্রুত সংহিতায় এতদতিরিক্ত আহাৰ্য্য (Extracting) নামক একটি অধিক ক্রিয়ার উল্লেখ আছে ।

এতদ্ব্যতীত প্রত্যেক অঙ্গ সাধ্যরোগ চিকিৎসার বর্ণন-

কালে তৎস্থানে কীদৃশ অঙ্গ কি প্রকারে প্রয়োগ করিতে হইবে, তৎসম্বন্ধে বিশদ উপদেশ সন্নিবেশিত আছে । হস্তায়ুর্বেদ গ্রন্থে হস্তীর শারীর স্থান (anatomy, physiology প্রভৃতি বিষয়), মূচগর্ভ বিদারণ, দস্তোৎপাটন অঙ্গচিকিৎসার্থে হস্তীকে নানাপ্রকার বন্ধন, কবল (Poultice) স্বেদকর্ষ, বাস্তকর্ষ (application of syringe & enema) অগ্নিকর্ষবিধান, ক্ষারকর্ষ (alkaline treatment) নম্ব, ধূপ ইত্যাদি বিবিধ বিষয়ে বিস্তৃত উপদেশ দেওয়া হইয়াছে । হস্তি-শালা নির্মাণ, হস্তী-প্রতি পালন, হস্তি-শিক্ষা এবং শাস্ত্রাধ্যয়নের প্রণালী বিষয়েও এই গ্রন্থে বিশদ বিবরণ লিপিবদ্ধ আছে । এক কথায় বলিতে গেলে বলা যায় যে হস্তী সম্বন্ধে এমন কোনও জ্ঞাতব্য বিষয়ই নাই, যে সম্বন্ধে হস্তায়ুর্বেদগ্রন্থে আলোচিত হয় নাই । হস্তায়ুর্বেদ গ্রন্থখানা মনোনিবেশ সহকারে অধ্যয়ন করিলে বাস্তবিকই বিস্ময়ে অভিভূত হইতে হয় এবং স্মরণাতীত কাল পূর্বেও যে মহর্ষি পালকাপ্য কতদূর অনুসন্ধিৎসা জ্ঞানগভিরতা এবং সূক্ষ্ম পর্য্যবেক্ষণ শক্তির পরিচয় দিয়াছেন তাহা বিলক্ষণ রূপে হৃদয়ঙ্গম হয় । এই গ্রন্থখানা ১৮৯৪ খৃঃ চারি খানা হস্ত-লিখিত পুস্তকবলম্বনে পাঠান্তরাদি সহ ত্রিযুক্ত মহাদেব চিমেনজী আপ্তে মহোদয় পুনা আনন্দাশ্রম হইতে প্রকাশিত করতঃ জন সমাজে প্রচারিত করিয়াছেন । প্রচারক মহাশয় ইহাতে ভারতবাসী মাত্রেই কৃতজ্ঞতা ভাঞ্জন ও ধন্যবাদ হইয়াছেন । গ্রন্থে কোনও টীকা সংযোজিত না হওয়ায় এবং হস্তলিখিত আদর্শ পুস্তক-গুলির স্থানে স্থানে ক্রটি থাকা নিবন্ধন, কতক শ্লোক অসম্পূর্ণ ভাবে মুদ্রিত হওয়ায় গ্রন্থের গোপ সৌকার্য্যের কথঞ্চিৎ অন্তরায় ঘটিয়াছে । ইহা প্রকাশক মহাশয়ের দোষ নহে । আয়ুর্বেদ শাস্ত্রানুশীলনকারী সুধীবর্গ যদি এই গ্রন্থের বঙ্গানুবাদ ও ভারতীয় অগ্ৰাণ্ড প্রাদেশিক ভাষায় অনুবাদ করিয়া প্রচার করেন, তবে হস্তীপালন-কারী ব্যক্তিগণের বিশেষ উপকার হয় । ভারতবর্ষের নামাঙ্কানে রাত্ৰ ও ভূম্যধিকারীগণ হস্তী প্রতিপালন করিয়া থাকেন, অতএব তাঁহাদের পক্ষে এই গ্রন্থ বিশেষ প্রয়োজনীয়, তাহাতে সন্দেহ নাই । অনুবাদে হস্তক্ষেপ

করেন। পদ্মগর্ভের পাণ্ডিত্যের পরিচয় প্রদান করিতে তৎকৃত “ক্রমদীপিকার টীকা” “পৈঙ্গী রহস্য” “উপ-নিষত্তাশু” প্রভৃতি গ্রন্থ বর্তমান আছে।† পরম পণ্ডিত ও পরম বৈষ্ণব এই পদ্মগর্ভই পুরুষোত্তমের জনক।

পদ্মগর্ভ পরে জন্মভূমি ভিটাওয়ালে আগমন করেন ও তথায় আরও দুই বিবাহ করেন। সেই দুই বিবাহেও তাঁহার অনেক পুত্র কন্যার উদ্ভব হয়। “ময়মনসিংহে শ্রীচৈতন্য” প্রবন্ধে আমরা যে লক্ষ্মীনাথ লাহিড়ী নামক এক সাধু ব্যক্তির প্রসঙ্গ উত্থাপিত করিয়াছি, তিনিই পদ্মগর্ভের দ্বিতীয় স্ত্রীর গর্ভসন্তৃত পুত্র—পুরুষোত্তমের বৈমাত্রেয় ভ্রাতা ছিলেন।

সার্ক ত্রিপাত্রেয় একতম—এই বিশিষ্ট ও প্রধান গৌরপার্শ্বদ এই ময়মনসিংহের লোক ছিলেন, পূর্ববঙ্গের বৈষ্ণববর্গ ইহা স্মরণে গৌরব অনুভব করিবেন সন্দেহ নাই।
শ্রীঅচ্যুতচরণ চৌধুরী তত্ত্বনিধি।

আমাদের স্বর্গীয় প্রতিবেশী ইরু।

প্রবন্ধের নাম দেখিয়া যদি কেহ মনে করিয়া থাকেন যে আমরা ‘ইরু’ নামক আমাদের কোন প্রতিবেশীর স্বর্গ প্রাপ্তির প্রসঙ্গ লইয়া এই প্রবন্ধের অবতারণা করিয়াছি, তবে তিনি নিতান্ত অন্তায় মনে করিয়াছেন কিনা, তাহা নিশ্চিত করিয়া বলিতে পারি না।

তারারা কারা? এই প্রশ্ন লইয়া বহু যুগ যাবৎ তর্ক চলিয়াছে। ঠাকুর মা, দিদি মা প্রভৃতির নিকট শুনিয়াছি, মানুষ মরিয়াই স্বর্গে যাইয়া তারা হয়। সুতরাং আমরা যে ইরুর প্রসঙ্গ উত্থাপন করিয়াছি, এই ইরুও হয়ত একদিন আমাদেরই কাহারও নিতান্ত নিকট প্রতিবেশী ছিলেন, স্বর্গ প্রাপ্তি বশতঃ এখন তারা হইয়া সম্প্রতি ইরু (Eros) নামে পরিচিত হইয়াছেন।

† “সেই পদ্মগর্ভ কৃষ্ণভক্তোত্তম।

ক্রমদীপিকার টীকা করিল রচন ॥

পৈঙ্গীরহস্য, ব্রাহ্মণের ভাষ্য কৈলা।

উপনিষদের দৈত ভাষ্য তাহা বিরচিলা।

অধ্যয়ন শেষ করি পদ্মগর্ভ মহামতি।

জন্মস্থান ভিটাওয়ালে করিলা বসতি। (প্রেমবিলাস)


বাস্তবিক ইরু মর্ত্যধামে বাস করিতেন কিনা এবং করিলেও তিনি আমাদের কারো প্রতিবেশী ছিলেন কিনা—তাহা আমরা অবগত নহি। সম্প্রতি তিনি স্বর্গের যে লোকে বাস করিতেছেন, তাহা জর্জন পণ্ডিত Dr. Witt দূরবীক্ষণ যন্ত্র সাহায্যে আবিষ্কার করিয়াছেন।



Gustav Witt

এই আবিষ্কারে ডাক্তার প্রমাণ করিতে চেষ্টা করিয়াছেন যে, অন্তরীক্ষে যতগুলি গ্রহ বা লোক সূর্য্যকে কেন্দ্র করিয়া ঘুরিতেছে, তন্মধ্যে ইরুই আমাদের ভুলোকের নাকি সর্বাপেক্ষা নিকটবর্তী প্রতিবেশী। এতদিন আমরা শুক্র গ্রহকে এবং মঙ্গল গ্রহকে আমাদের নিকটবর্তী জানিতাম। মঙ্গলের অধিবাসীদের সহিত সম্বন্ধ সংস্থাপন প্রয়াসে বৈজ্ঞানিক সমাজও আকাশ পাতাল কল্পনা করিতেছিলেন। ইরু (Eros) আবিষ্কৃত হওয়ায় ইহাকে লইয়াই বেশ একটু আলোচনা চলিয়াছে। আমরাও আমাদের পাঠকগণের নিকট আমাদের এই স্বর্গীয় প্রতিবেশীটার পরিচয় প্রদান করিতে চেষ্টা করিব।

এ পর্য্যন্ত যে নয়টি গ্রহের অস্তিত্বের বিবরণ আমরা অবগত আছি, তাহারা সূর্য্য হইতে যথাক্রমে এইরূপ নিয়মে দূরে অবস্থিত। সূর্য্যের অতি সান্নিধ্য প্রতিবেশী বুধ, বুধ সূর্য্যের তিন কোটি ষাট লক্ষ মাইল নিকট অবস্থিত। তারপর শুক্র, তারপর পৃথিবী, তারপর মঙ্গল, তারপর গ্রহপুঞ্জ, তারপর বৃহস্পতি, তারপর শনি, তারপর উরেনস, সর্ব্বশেষ নেপচুন। নেপচুনের পর জ্যোতির্বিদগণের দূরদৃষ্টি পুনঃ পুনঃ নিরাশ হইয়া ফিরিয়া আসিয়াছে।



ডাঃ উইটের ফটোগ্রাফিক টেলিস্কোপ ।

আর কত দূরই বা যাইবে?—কেন না নেপচুনটি আমাদের প্রতি যখন খুব সুপ্রসন্ন হইয়া আসিয়া আত্মীয়তা সংস্থাপন করেন, তখনও তাহার দূরত্ব আমাদের নিকট হইতে দুই শত আটাত্তর কোটি মাইলের বেশী থাকে। সময় সময় তিনি আমাদের নিকট হইতে ৯১০ কোটি মাইল দূরেও চলিয়া যান।

বৃহস্পতি ও মঙ্গলের মধ্যে ১৮৯৮ সনের মধ্যভাগ পর্য্যন্ত ৪৩২টি গ্রহ আবিষ্কৃত হইয়াছিল। ইহার সংখ্যায়

এত অধিক হইলেও জ্যোতির্বিদ সমাজ ইহাদিগকে একটি সাধারণ ‘গ্রহপুঞ্জ’ নামেই পরিচিত করিতেছেন।

গ্রহপুঞ্জকে লইয়া এত দিন ‘নবগ্রহ’ ছিল, সম্প্রতি ইরুর আবিষ্কারে তাহা ‘দশ গ্রহে’ পরিণত হইল।

ইরু কি প্রকারে লোক-লোচনে আবদ্ধ হইলেন, তাহার ইতিহাস বেশ কৌতূহলাবহ। আমরা নিম্নে অতি সংক্ষেপে তাহার ইতিহাস বিবৃত করিলাম।

১৮৯৮ খ্রীষ্টাব্দের জুন মাসে এক রাত্রিতে বার্লিনের মানমন্দির হইতে ডাক্তার উইট আকাশের একখানা ফটো গ্রহণ করেন। তিনি সাধারণ কেমেরার পরিবর্তে ফটোগ্রাফিক টেলিস্কোপ (আলোক চিত্র গ্রাহী দূরবীক্ষণ) ব্যবহার করেন।

মনুষ্ট চক্ষু এক দৃষ্টে দূরর্তী নক্ষত্রের দিকে স্থাপন করিলে ১০ সেকেণ্ডের মধ্যে পরিশ্রান্ত হইয়া যায়। কিন্তু ফটোগ্রাফিক টেলিস্কোপ কখনও পরিশ্রান্ত হয় না। এই যন্ত্র অনেকক্ষণ আকাশের দিকে খুলিয়া রাখা যায়। এইরূপে রাধিলে যন্ত্রের আয়ত্ব অনুসারে দূর আকাশের নক্ষত্র গুলির অবিকল ফটো উঠিবে। যে নক্ষত্র প্রথম দৃষ্টি নিক্ষেপেই ধরা না দেয়, তাহাকে তখন অধিক চেষ্টা করিলেও ধরা যায় না।

ইরু যন্ত্রাবদ্ধ হইয়া ধরা পড়িলেন। তাহার শরীরের বিশেষ রেখাকৃতিগুলির পরীক্ষা দ্বারা ডাঃ উইট বুঝতে পারিলেন যে তাহার কলে একটি নুতন জগৎ ধরা পড়িয়াছে। তিনি তাহার ফটো লইয়া এবং তাহার অবস্থিত স্থানের দূরত্বের পরিমাণ লইয়া শীঘ্রই বুঝিতে পারিলেন, যে, তাহার কলে আবদ্ধ এই নুতন স্বর্গীয় মহাআতী আমাদের অত্যন্ত নিকটে থাকিয়াও এ পর্য্যন্ত জ্যোতির্বিদগণের ‘চোখে’ খুলাদিয়াই ফিরিতেছিলেন।

ইরু ধরা পড়িয়াই যে এই উপাদেয় নামটি প্রাপ্ত হইয়াছিলেন, তাহা নহে। ইরুর আত্মপ্রকাশের পূর্বে নক্ষত্র পুঞ্জ ক্ষুদ্র ক্ষুদ্র ৪৩২টি নক্ষত্র আবিষ্কৃত হইয়াছিল; সুতরাং ইরু জ্যোতির্বিদ সমাজ কর্তৃক ‘৪৩৩ নং ১৮৯৮ D. Q.’ এই চিহ্নিত নামে অভিহিত হইলেন।

এই ৪৩৩ নং ডি কিউ মহাশয়ের আবিষ্কারে

জ্যোতির্বিদ সমাজে যে একটু আলোচনা চণিয়া-ছিল, তাহা, তাহার বিশেষ গুণের বা আকারের অন্ত নহে। তাহার একমাত্র কারণ—চন্দ্র ব্যতীত তিনিই আমাদের একান্ত নিকটবর্তী প্রতিবেশী।

ইরুর আবিষ্কারের পূর্বে শুক্রকেই আমরা আমাদের নিকটবর্তী বলিয়া জানিতাম। শুক্র যখন পৃথিবীর অত্যন্ত নিকটে আসেন, তখন আমরা শুক্রের দুইকোটি পঞ্চাশ লক্ষমাইল নিকটে



আকাশের আলোকচিত্র।

(চিত্রের ঠিক মধ্যস্থলে এইরূপ—আকৃতি যুক্তটাই ইরু।)

ঘাই। ইহার পর মঙ্গল—সময় সময় তিনকোটি ৫০ লক্ষ মাইল নিকটে আসেন। কিন্তু ইরু যখন আমাদের ধূম নিকট আসে তখন আমরা তাহা হইতে মাত্র এককোটি ত্রিশলক্ষ মাইল দূরে থাকি।

এত নিকটে আসিলেও ইরুকে নগ্ন চক্ষে দেখা

অসম্ভব। ইহাকে দেখিতে খুব উচ্চশ্রেণীর দূরবীক্ষণের প্রয়োজন। ইহার কারণ—ইরুর আকার অত্যন্ত ক্ষুদ্র। ইহার ব্যাস Crommalin এর মতে ১৭ মাইল মাত্র। Sir Robert Ball গণনাধারা নিরূপণ করিয়াছেন যে চন্দ্রকে দশলক্ষ খণ্ডে বিভক্ত করিলেও এক এক খণ্ড চন্দ্র, ইরুর আকারের দ্বিগুণ থাকিলে।

কোন জিনিস তাহার আকারের পাঁচ হাজার গুণ পর্য্যন্ত দূরে থাকিলে দেখা যায়। ইরু তাহার আকারের পাঁচ হাজার গুণ অপেক্ষা বহু অধিক দূরে অবস্থিত। সুতরাং চন্দ্রচক্ষে তাহাকে দর্শনের আশা বৃথা।

এখন জিজ্ঞাস্য হইতে পারে এই যে—এই ক্ষুদ্র গ্রহটির আবিষ্কার হইতে জ্যোতির্বিদ সমাজ কি উপকার বা নূতন সত্য লাভ করিতে পারিয়াছেন? অবশ্য কিছু যে না করিয়াছেন তাহা নয়। পৃথিবী হইতে সূর্য্যের দূরত্ব এ পর্য্যন্ত নির্ধারিত হয় নাই। আধুনিক জ্যোতিষীদের মধ্যে দক্ষিণ আফ্রিকার মানমন্দিরের অধ্যক্ষ মিঃ গিল সূর্য্যের ব্যবধান যথা সস্তা নির্ধারণ করিতে সমর্থ হইয়াছেন। তাহার গণনাই শেষ গণনা। তিনি বলেন সূর্য্য পৃথিবী হইতে ৯২৬৭৪০০০ মাইল দূরে অবস্থিত। এই সর্ব্বাপেক্ষা শেষ বিস্তার (?) গণনাতেও ৫০ হাজার মাইলের গোলমাল রহিয়াছে। ইরুর আবিষ্কারে এই ৫০ হাজারী গোলমাল ২৫ হাজারে আসিয়া নামিয়াছে। এখন অনেকের আশা হইয়াছে যে এই ২৫ হাজারের ও সূক্ষমাধান হইবে। আপাততঃ ইহাই কম সত্য লাভ কি?

কেহ কেহ মনে করেন, ইরু অধুনা আসিয়া আমাদের পৌরজগতের অগ্ৰভুক্ত হইয়াছে। কেহ কেহ বলিতেছেন না, তাহা নহে। সৌরজগতের সৃষ্টি হইতেই ইহা সূর্য্যের চতুর্দিকে ঘুরিতেছে। যাহাই হউক, ইরু ধৃত হওয়ায় জ্যোতির্বিদগণ অত্যন্ত প্রীত হইয়াছেন এবং আশা করিতেছেন যে তাহার সাহায্যে বিশ্বব্রহ্মাণ্ডের আরও অনেক নূতন তথ্য উদ্ভাসিত হইবে।

মায়ার খেলা ।

রায় চৌধুরী ও বন্দোপাধ্যায়েরা এক পল্লীগ্রামেই বাস করেন। এখন আর রায় চৌধুরীদের বাড়ীর ভাঙ্গা দেয়ালের জীর্ণ সংস্কার হয় না। নানা প্রকার ঝোপ ঝাড় ও আগাছা বন জঙ্গলে কোনও রকমে ভাঙ্গা বাড়ীটির আকৃতি বক্ষা হইতেছে। আর নদীর কূল বন্দোপাধ্যায়দের নুতন চূর্ণ ফেশাণো প্রকাণ্ড পাকা উমান্ত—খেন নক্ষত্রালোকের পানে সদা ধপ ধপে ডানা ছুঁটি মেলিয়া রহিয়াছে। আগে এ অঞ্চলের লোকেরা রায় চৌধুরীদেরই রীতিনীতি, আদব কাগজের অনুকরণ করিত। এখন আর সে দিন নাই। আপাততঃ সম্পন্ন লক্ষী বন্দোপাধ্যায়দের বাড়ীতেই কিছুদিনের জন্য আশ্রয় লইয়াছিলেন।

এই রায় চৌধুরীদের বাড়ীতে কর্ম করিয়াই কিন্তু বন্দোপাধ্যায় পরিবার স্মৃতির মুখ দেখিয়াছেন। সে বড় বেশী দিনের কথাও নয়, বন্দোপাধ্যায় কুলের নর্ত্তমান বংশধর অমরনাথের পিতা অহিভূষণ এই রায় চৌধুরীদের বাড়ীতেই জমা সেরেস্ভায় একটা মহুরীর পদে অধিষ্ঠিত হন। ক্রমে মহুরী হইতে জমানবীস, কমানবীস হইতে ডিহির নায়েব এবং শেষকালে বাবুদের তনুগ্রহভাঙ্গন হইয়া সদর নায়েবী পদে উন্নতি লাভ করেন। অহিভূষণ যতদিন জীবিত ছিলেন, ততদিন নিজের স্বার্থসঙ্কীর্ণ করিতে কখনো কল্পন করেন নাট; কিন্তু তিনি কখনো লবণের মর্ষাদা বিস্মৃত হন নাট। ববং বরাবর রায় চৌধুরীদের সম্মান রক্ষা করিয়াই চলিয়াছেন। প্রতিবেশীদিগের মধ্যে ছোট বড় সকলের বাড়ীতেই সর্বদা যাতায়াত ছিল। পাড়ার সকলের সহিত কুটুম্বিতা রক্ষা করিয়াই চলিয়াছেন। ও পাড়ার গোলকের পিসিকে কখনো টাকাটা সিকিটা না দিয়া প্রণাম করিতেন না। প্রতি বৎসরই পূজার সময় হরকুমারের খোঁড়া নাভনীটি তাঁর নিকট হইতে একখানা ডুরে চারখানা শাড়ী পাইয়া আসিত। এবং কোনও বছরই মৈত্রীদের জটা দোল যাত্রা উপলক্ষে অহিভূষণের নিকট হইতে এক শিশি মেজেন্টারং এবং এক মানসা আদর হইতে বঞ্চিত হয় নাই।

অহিভূষণ মৃত্যুকালে নগদ টাকা রাখিয়া যান যথেষ্ট। অমরনাথের আর এখন তাঁর বাপের মত সাদাসিধে চাল চলন নহে। তাঁর এখনকার আদব কায়দা সবই পাকা বুনেনি ধরণের। তিনি বলিতেন—বাবা ছোট থেকে বড় হয়েছিলেন, তাই ভাবটা একেবারে বদলাতে পারেন নি; কিন্তু আমি তো রূপার চামচে দাঁতে করেই ভূমিষ্ট হয়েছি। এমন কি রায় চৌধুরীরা এখন পর্যন্ত রিটার্ন ভিজিট দিতে শিখে নাই বলিয়া অমরনাথ তাঁহাদের বাড়ীতে যাতায়াত একেবারে বন্ধ করিয়া দিয়াছেন। সেবার দুর্গোৎসবে প্রতিমা বিসর্জনের মিছিলে বন্দোপাধ্যায় বাড়ী হইতে যে সব আসা ছোটা ও জরি জহরতের আসবাব বাহির হইয়াছিল রায় চৌধুরীরা কোন পুরুষে ওরূপ জিনিস পত্রচোরেও দেখে নাই।

রায় চৌধুরীদের যখন প্রতিপত্তি ছিল, তখন তাদের বাড়ীতেও বারে ম সে তের পার্কিং রীতমত জাকজমকের সহিত সম্পন্ন হইয়াছে। কিন্তু এখন আর সে দিন নাই। নাট মন্দের কাচের কাঁচের টুংটাং ধ্বনির সহিত কাঁচটের সুমুঠ আলাপ মাস্তত হইয়া পল্লীর হৃদয় এখন আর অপূর্ণ পুলক রসে মাদর হইয়া উঠে না। সাবেক কর্তাগণ নিজেদের মহৎ অস্তঃকরণের পারচয়াদিতে গিয়া যে ভাবে ব্রহ্মোত্তর নাথেরাজ দান করিয়া গিয়াছেন, তাহাতে এখনকার কর্তাদের সদর খাজানা চাণাইয়া মোটাধকম অল্প বস্ত্রের সংস্থান করিতেই আয় অপেক্ষা ব্যয় অধিক হইয়া পড়ে। তবু এখনো এ বাড়ীতে দাস দাসীর অস্ত নাই। খানসামারা এখনো সাবেক নিয়মে চাকরাণ জাম পুত্রপৌত্রাদক্রমে ভোগ করিয়া আসিতেছে। এখনো মাসিক সাড়ে ছয় মুদ্রা বেতনের কর্মচারীদের বাড়ীতে পাকা ইমারত তুলবার প্রথা একেবারে উঠিয়া যায় নাই।

বাবুরা ছুঃসময় নিকটবর্তী দেখিয়া পূর্ব সম্পদের কথা স্মরণ করিয়া দীর্ঘ অনশ্বাস ফেলিতেন। কিন্তু এক করিয়া আয় অল্পসারে ব্যয় সংক্ষেপ করতে হয়, কি করিয়া নিজের অবস্থার উন্নত করতে হয়, ইনমজ্জমান সংসারের এখনো যতটুকু অবশিষ্ট আছে, সে দিকে কিছু মাত্র দৃষ্টি ছিল না। তা থাকবেই বা কি করিয়া। ইহারা এত কাল বাই

নাচ দেখিয়া, ফুলবাগান সাজাইয়া, বুলবুল পাখীর লড়াই করাইয়া এবং সুমিষ্ট আদুরী তামাক সেবন করিয়াই দিন পাত করিয়া আসিতেছেন। এ বাড়ীর ছেলেপিলেদের লেখাপড়ার দিকে কোনও কালেই অতিরিক্ত ঝোক দেওয়া হয় নাই। ইহারা তো আর সাধারণ ভদ্র ইতর সকল লোকের ছেলেদের সঙ্গে এক বেঞ্চে বসিয়া এক বই পড়িয়া লেখাপড়া শিখিতে স্কুলে বাইতে পারে না! তারপর তালুক মুলুক কি আছে, না আছে, কাগজ পত্রের অবস্থা কিরূপ—নিজেদের যদি এসব খুঁটি নাটিও দেখিতে হইবে, তবে এত নায়েব গোমস্তা, লোক লঙ্কর বেতন দিয়া ভরণ পোষণ করিবারই বা প্রয়োজন কি!

সম্প্রতি এক টুকরা জমি লইয়া বন্দোপাধ্যায় ও রায় চৌধুরীদের মধ্যে ভারি রকমের একটা মামলা বাধিয়া গেল। উভয় পক্ষ হইতেই খুব সঙ্গিন ভাবে মামলা চলিতে লাগিল। রায় চৌধুরীরা এখন দৈন্য দশায় পড়িয়াছেন বটে কিন্তু তাই বলিয়া জেদ ও ইজ্জতের জন্য টাকা ধরচ করিতে কখনো কুণ্ঠিত নন। আর বন্দোপাধ্যায়দের টাকার কথা তুলিয়াই কাজ নাই। গ্রামে প্রবাদ যে একটা পড়ো দালানে যেকের গুপ্তধন পাওয়ার পর হইতে নাকি তারা সত্য সত্যই দিনে তারা দেখিতে পায়।

রায় চৌধুরীরা নিয় আদালতে মামলাটা হারিয়া যাওয়াতে এখন তাঁহাদের জেদ আরো বাড়িয়া গিয়াছে। বাড়ীতে বড় উকিল আসিয়া খুব ঘটী করিয়া আপীলের দরখাস্তের মুসাবিদা করিতে ছিল। এমন সময় পান চিবাইতে চিবাইতে ভূত মহাশয় রায় চৌধুরীদের বৈঠক খানায় দেখা দিলেন।

আমাদের এই “ভূত মহাশয়” ঠিক প্রেতাঙ্গা না হইলেও নরাকার রক্ত মাংসধারী ঐ জাতীয় একটা দুপ্রাপ্য জীব; “ভূত” ইহার বংশগত উপাধী। আসল নাম-রাজীব লোচন ভূত। ইনি সেকালের দুর্শ্বুখের বিংশ শতাব্দীর নূতন সংস্করণ। এপক্ষের খবর ও পক্ষের নিকট পহঁছাইয়া যেমন একদিকে কলহটি সজীব রাখিতেন, অপরদিকে উভয় পক্ষের নিকট হইতে নিজের খোরাকীর ও বন্দোবস্ত করিতেন। আশ্চর্যের বিষয় এই যে, উভয়

পক্ষই এই আশ্চর্য্য গ্রাম্য অপ-দেবতাটাকে আপনাদের অকৃত্রিম সুহৃদ বলিয়াই মনে করিতেন! এ হেন রাজীব-লোচনকে দেখিয়া রায় চৌধুরীদের বড় বাবু উমাচরণ আলবোলাস রূপার নলটা মুখে পুরিয়া যুহু হাস্তে বলিলেন—

“ওদিককার খবর কিহে রাজীব?”

রাজীবলোচন নিতান্ত ঞ্চার মত একটু হাসিয়া বলিল :—“কর্তা পিপড়ের পাখা হয় উড়বার জন্তে নয়, মরবার জন্তে।” উমাচরণ এই মুখরোচক মন্তব্যটা আশ্বাদন করিয়া বলিলেন :—“কি রকম?”

রাজীব লোচন—“আজ্ঞে ওরা কি এখনো আপনাদের সঙ্গে এটে উঠতে পারবে। এখনো আপনাদের হারুতে হারুতে জিৎ—কি আজ্ঞে করেন উকীল বাবু?”

উকীল ভবতারণ বাবুর আপীলের দরখাস্ত মুসাবিদা করিতে করিতে কপাল ঘামিয়া উঠিয়াছিল। ইনি রায় চৌধুরীদের ঘরের বাঁধা উকীল। ভূতটা ভয়ানক ধূর্ত! ভবতারণ বাবু উপস্থিত নগদ ফিসের লোভটা সামলাইতে পারিবেন না মনে করিয়াই সে সঙ্কসা তাঁহাকে এমন সাজাতিক প্রশ্নটা জিজ্ঞাসা করিয়া বসিল।

ভবতারণ বাবু এই রায় চৌধুরীদের সংসারের অনেক নিমক্ খাইয়াছেন এবং আরো অনেক খাইবেন, এরূপ আশা রাখেন। কিন্তু ভবিষ্যতে আরো খাইবার আশা রাখিলেও সম্প্রতি নসদ ফিসের আশু লোভটা কিছু সম্বরণ করিয়া বাবুদের পৈত্রিক সম্পত্তির যে ডগা-খানা এখনো বিনাশ জলধির উপরে ভাসমান আছে, সেটাকে রক্ষা করা প্রয়োজন! কবি চণ্ডীদাস বলিয়াছেন “কি হইবে গোড়া কাটি আগে জল দিয়া!” ভবতারণ বাবু একটু ভাবিয়া চিন্তিয়া উমাচরণ বাবুকে খাঁটা কথাই বলিলেন:—

“দেখুন, আপীলে যে এমামলয় আমরা বড় যুৎকরে উঠতে পারবো, এমনতো মনে হচ্ছে না!”

উমাচরণ বাবু বিদর্ঘমুখে আলবোলাস নলটা খুটু করিয়া ফরাসের উপর ফেলিয়া দিয়া উদ্বিগ্নভাবে বলিলেন :—“কেন কেন, না হয়, বড় ব্যাধেরার দিন, টাকা যত লাগে আমি আছি!”

ভবতারণ বাবু পাকা উকীলের মত হাসিয়া বলিলেন :—“টাকা ধরচ করে নধি দুক্লস্ত করার সময়

আপনারা লোয়ার কোর্টে হারিয়েছেন । এখন টাকায় আর ঋণি বদলাবে না” !

তারপর ভাঙা ভাঙা বাবু সাক্ষীগণের উক্তির পরস্পরের অনৈক্য ও বিরুদ্ধতা দেখাইয়া মোকদ্দমার অবস্থা ও আইন ঘটিত তর্ক সমুদয় বাবুদের নিকট যথাযথ বিবৃত করিয়া উপসংহারে বলিলেন :—“আপনাদের এ মামলা জিৎবার আশা খুবই কম । ওপক্ষেও মামলা করে যে টাকাটা খরচ হবে তাতে ঐ রকম দশগুণ জমি কিনে ফেলা যায় । এখন মানে মানে আপোষ না করলে আপনাদের আর ইচ্ছিত বজায় থাকে না” !

বাস্তবিক, বর্তমান অবস্থায় আপোষের প্রস্তাবটি যে সত্য সত্যই মুক্তিঙ্গত, এবং উভয় পক্ষেই লাভজনক এই সোজা কথাটা ছই পক্ষকে বুঝাইতে গিয়া উকীল বেচারীকে ছই বাড়ীতে যে পরিমাণ হাঁটাচাটা করিতে হইয়াছিল, তাহাতে একটা পুরাতন অজীর্ণ গ্রন্থ রোগী অনায়াসে বিনা চিকিৎসায় আরোগ্য লাভ করিতে পারিত । যাহোক, ইহা উকীল বাবুর পরম সৌভাগ্য যে অবশেষে উভয় পক্ষই আপোষের প্রস্তাবে এক রকম ‘নিমরাজি’ হইলেন ।

(২)

বিখ্যাত রায় চৌধুরীদের পরিবারে এখন ছই সহোদর বর্তমান । উমাচরণ ও বামাচরণ । ছই ভাই একান্নবর্তী, উমাচরণই জ্যেষ্ঠ । অবস্থা পরিবর্তনের সঙ্গে সঙ্গে পারিবারিক ব্যয় বাহুল্য এখন যথাসম্ভব সংক্ষেপ করা হইয়াছে । কিন্তু এ বাড়ীতে জ্যেষ্ঠে জামাই-যষ্টি, ভাদ্রে মহান যষ্টি এবং অগ্রাণে গুহ যষ্টি প্রভৃতি যা যষ্টির তুষ্টি-বিষয়ক ব্রতগুলি খুব ঘটা করিয়াই বরাবর সম্পন্ন হইয়া আসিতেছে । তার ফলে এ বাড়ীতে যষ্টি দেবীর বাৎসল্য দৃষ্টিটা যে খুব তীক্ষ্ণ ছিল, কিছুতেই এরূপ সিদ্ধান্ত করা সম্ভব হইবে না । বংশতত্ত্ব আলোচনা করিলে স্পষ্টই প্রতীয়মান হইবে, দত্তকপুত্র দ্বারাই এ পরিবারের এতদিন বংশরক্ষা হইয়া আসিতেছে । বর্তমান সময়েও রামাচরণ নিঃসন্তান । উমাচরণের একমাত্র কন্যা কিরণশশী । ছদয়ের সমুদয় স্নেহধারা এই একটা মাত্র কন্যার উপর অপরিমিত ভাবে সঞ্জন করিয়াও ছই ভাইএর বাৎসল্যের

ক্ষুধা পরিতৃপ্ত হইত না । দেখিতে দেখিতে কিরণশশী ডাগর হইয়া উঠিল । এ বাড়ীতে কন্যাকে অষ্টমবর্ষে গৌরীদান করিয়া পরলোকে অক্ষয় পূণ্যসঞ্চয় করাই কৌলীক প্রথা । তবু যে কেন কিরণ শশী নবযৌবনে পদার্পণ করিয়াও পিতৃ-গৃহে এতদিন আইবড় অবস্থায় ছিল, তার একটা ছোট্ট ইতিহাস আছে । কথাটা আর কিছু নয়, কিরণশশীর বিবাহ হইয়া গেলে উমাচরণ আর কি লইয়া সংসারে ভুলিয়া থাকিবেন ? এক নন্দ-কুল-চন্দ্র বিনা যে তাঁর সাধেব বৃন্দাবন অন্ধকার হইয়া যাইবে !

কিরণ শশীর চোখের আড়াল হইবার দিন নিকট-বর্তী হইয়া আসিতেছে দেখিয়া শ্রীশ্রীমামুন্দরীও এখন হইতেই দিনে দুইবার করিয়া কালাকাটির “মহলা” দিতে শুরু করিয়া দিয়াছেন । অথচ, নিতান্ত বাড়ীর ফুল বাগানের পাশেও তো কোন সুশ্রী, বিদ্বান, বিনীত, অর্থশালী, তরুণ সৎপাত্রের সন্ধান পাওয়া সম্ভবপর নয় । এ সমুদয় না হইলেই বা কেমন করিয়া ঘুম হইতে উঠিয়া ঘার মুখ দেখা যায় তার হাতে এমন ক্ষীরের পুতুল বিলাইয়া দিয়া নিশ্চিন্ত হওয়া যায় । দেশের এমনি ছরবস্থা যে সুশ্রীর মিলে ত সে সচ্চরিত্র হয় না । সচ্চরিত্র হয় ত সে বিদ্বান হয় না । যদিবা একাধারে এই তিন গুণ মিলিত হয়, তবে সে বরের লেঞ্জে হাতে দেয় কার সাধ্য । তার পণের কড়ি ও যৌতুকের আসবাব পত্র যোগাইতে গেলে, জমাজমি বাড়ী ঘর মহাজনের শ্রীকরকমলে সমর্পণ করিয়া দ্বীপুত্র সহকারে মুক্তিলাসানের চেরাগ লইয়া একেবারে রাস্তায় আসিয়া দাঁড়াইতে হয় !

কিরণ শশী নবযৌবনের প্রেমোজ্জ্বল নাট্যালায় প্রথম পদার্পণ করিয়াই অমুভব করিল, যেন ভগবান পুষ্পধনুর একটা মাত্র মধুর ইঙ্গিতে সমুদয় প্রকৃতি এক অকাল বসন্তের বিচিত্র ফুল-পল্লব, গন্ধ-গুঞ্জন, মোহ-মদিরা লইয়া তার চারিধারে সজীব হইয়া উঠিয়াছে ! যে বনফুলটার দিকে সে এতদিন চোখ তুলিয়াও তাকায় নাই, এখন তারি শোভা দেখিয়া সে মুগ্ধ হয় । আয়না সম্মুখে করিয়া চুল বাধিবার সময় আপনার কপোলরঞ্জিতা আয়নার ভিতর সে প্রতিফলিত দেখিতে পাইয়া নিতান্ত অকারণে

লজ্জিত হইয়া পড়ে ! কখনোবা তার সজ্জ-নিবিড়-নেত্র-পল্লবের উপর অশ্রু মুক্তাকালর আপনি সাক্ষিয়া উঠিয়া এক সমীপাগত বিরহ বেদনার সুমধুর পূর্বাভাষ জাগাইয়া তোলে ।

(৩)

অবতারণ বাবুর মধ্যস্থতায় স্থির হইল যে, উভয় পক্ষ আপীল আদালতে রফানা মা দাখিল করিয়া মামলাটি আপোষে তুলিয়া লইবেন । কিন্তু এ আপোষের মূল সর্ভ—উমাচরণ বাবু, অমরনাথের পুত্র সচীন্দ্রনাথের সহিত কন্যা কিরণশর্মীয়া বিবাহ দিবে । আইন ঘটিত ব্যাপারে প্রজাপতি ঠাকুরদার একরূপ রহস্য পূর্বে আর কখনো শোনা যায় নাই । উমাচরণবাবু প্রথমে একটু ইতস্ততঃ করিয়াছিলেন । কারণ, হাজার হোক, বন্দোপাধ্যায়েরা হালের বড় মানুষ ; কুলেশীলে এরা কখনো রায় চৌধুরীদের সমকক্ষ নয় । কিন্তু এদিকে আবার অমরনাথেরও শতর্ভঙ্গ পণ—এ প্রস্তাবে রায়চৌধুরীরা রাজ না হইলে, তিনি কিছুতেই এ মাংলা আপোষ করিতে দিবে না । যথাসময়ে সাক্ষাৎ ভূমহাশয়, সশরীরে বন্দোপাধ্যায়দের “আগটিমেটাম্” উমাচরণের নিকট উপস্থিত করিয়া বলিলেন :—“নাথঃ পন্থা বিচ্ছতে অন্নায় !”

অমরনাথের মতলব—মেয়েটিকে একবার কোন-রকমে সাত পাক ফিরাইয়া অন্তরধানাগ পুরিতে পারিলে চাঁদেরা আর যান কোথায় ! উহাদের আর সকল রকমেই জদ করা গেছে, এখন কোলীনের গর্ভটুকু মাটি করিয়া দিতে পারিলেই বন্দোপাধ্যায়দের কিস্তিমাৎ ।

উমাচরণও অনেক ভাবিয়া চিন্তিয়া অবশেষে স্থির করিলেন যে, মোকদ্দমাটা এখন আপোষ না করিলে মোকদ্দমার “জাবেদা ও বেজাবেদা” ধরচা হইতে এ নিমজ্জমান সংসারটী ভাসাইয়া তোলা নিতান্ত সহজ হইবে না ! তার পর শচীন্দ্র ছোলটী তেমন লেখাপড়ায় “চৌধুরী” না হইলেও নিগেট গো-মুর্থ নয় ; বিশেষ ধরে খাওয়া পরার কোনও ছুঃখ নাই ! একরূপ বর্কিষ্ণু ধরে মেয়ে পড়িলে তা তার সুখে থাকিগরই কথা ! আসল কথা, উমাচরণ যখন দেখিলেন বন্দোপাধ্যায়দের

ঘরে মেয়ের বিবাহ হইলে তিনি মেয়েটিকে যখন তখন দেখিতে পাইবেন, তখন এই ভরসাই অল্প সকল যুক্তির অকাট্যতা অতিক্রম করিয়া নিরতিশয় প্রবল হইয়া উঠিল ! যাহা উহক এমন অবস্থায় বিবাহের মত পাক হইতে কোনও পক্ষেই অসম্ভব বিলম্ব হইল না ।

একদিন শুভক্ষণে উজ্জল দীপালোনের সাহানার আলোপে চাঁরটী মিননোৎসুপ নঘনের দৃষ্টি মিলিত হইল ! সচীন্দ্রের সহিত কিরণশর্মীয়া বিবাহ নিরীক্সে নিরীক্স হইয়া গেল ।

এ বিবাহে কোনও পক্ষেই ধুমধাম কম করিয়া করা হইল না । কন্যাপক্ষ হইতে মধুর ভাষায় যাত্রার দল বায়না করা হইয়াছিল । বহুকাল পরে রায়চৌধুরীদের নাটমন্দেরের ছাউনি মেরামত করিয়া, আলিসার রুল কাড়িয়া, চাম চকাদের নিকরপদব বাসগুণি ভাঙ্গিয়া দিয়া তাহাতে কাড়-ফালুস, মৃৎ পবনে কাচের দোলক ছলাইয়া টুং টাং শব্দে মধু আর্দ্রনাদ করিয়া জাগিয়া উঠিয়াছিল ! এ-ভীতে সেকরুপ আমোদ প্রমোদের ফোয়ারা অনেক দিন খেলে নাই ! বরপক্ষ হইতেও লক্ষ্মী হইতে ইছদী বাইজী বায়না করিয়া আনা হইয়াছিল । এবং এতই হকেক রকম বাজি বক্রুত পোড়ান হইয়াছিল যে বরোনে-শনের সময়ও নাকি লোকে কলিকাতায় একরূপ অশচ্য্য তামাসা দেখেনাই ।

ধীয়ে ধীরে রঙ্গালয়ের অভিনয়ের মত বিবাহের আনন্দোৎসব চলিয়া গেল । বিবাহের পরেই রফানা মা রেজেটরী হইয়া আপীল আদালত হইতে মামলাটি তুলিয়া লওয়ার কথা, কিন্তু বন্দোপাধ্যায়দের তরুপ হইতে রফানামায় লিখিত আরেকটী সর্ভের আলোচনা উপলক্ষ্যে এমন সব ব্যাসকূটের অবতারণা করা হইল, যে তাহাতে সমুদয় আপোষের প্রস্তাবটা একেবারে বাতিল হইয়া গেল । রায় চৌধুরীরা ক্রকুঞ্চিত করিয়া বলিলেন, বটে, কেবল আমাদিগকে জদ করিবার জগুই এ বিবাহের ষড়যন্ত্র করা হইয়াছিল ! বন্দোপাধ্যায়রা শৃকণী পরিলে-হন করিয়া বলিলেন—আপোষের নাম করিয়া, ফাঁকিদিয়া বেয়ারিং পোষ্টে মেয়েটী গছাইয়াদিয়া আবার অত মুগনাড়া—ব্যাপারখানায় হাত ছাপাই আছে বটে !” রায় চৌধুরীরা তর্জনী দেখাইয়া বলিল—বুঝা যাবে ।

বন্দোপাধ্যায়রাও অসুস্থ নাড়া দেখাইয়া বলিল
“আচ্ছা।”

রফানাটার কথা শুনিয়া অবধি আমাদের পরিচিত
ভূত মহাশয়ের অন্ত উঠিবার যো হইয়াছিল এবং সেই
সঙ্গে দুশ্চিন্তায় তাঁর আহার নিদ্রা লোপ পাইল।
বেচারি গলবস্ত্র হইয়া মা কালীর বাড়ীতে গিয়া সাফ-
নয়নে জোড় পাঠা ‘মানস’ করিয়া আসিল, যেন রফা-
নামাটা বাতিল হইয়া যায়। মা কালীর আম মাংসের
উপর অত্যধিক আভির্কৃতি বসতই হউক অথবা
ভূত মহাশয়ের প্রাক্তন কর্মফলবসেই হউক আপোনের
প্রস্তাব শরতের মেঘের মত বায়ুলোকে মিশাইয়া গেল।

ভূত মহাশয় আবার অন্তসংস্থানের উপায় হইল
দেখিয়া পুনরায় ভাল রকমে কোমর বাঁধিয়া লইয়া
রীতিমত, এবাড়ীর কথা ও বাড়ীতে এবং ও বাড়ীর কথা
এ বাড়ীতে গাহিয়া বেড়াইতে লাগিলেন।

বিবাহের গোলযোগ মিটিয়া যাওয়ার কিছু দিন
পরে একদিন বিকাল বেলা রায় চৌধুরীদের
বাড়ীর লোকজন খুব ঘটী করিয়া আসিয়া বন্দো-
পাধ্যায়দের বাহের বাড়ীর টঠানে পালকী নামাইল।
সঙ্গে রায় চৌধুরীর বন্ধ গোমস্তা লক্ষ্মীকান্ত শিখার
কিরণশীক বাপের বাড়ী লইয়া যাতে আসিয়া-
ছেন। অমরনাথ তাঁহাকে কলের জলের মত অতি
পরিষ্কার ভাসাঘ বুঝাইয়া দিলেন যে, যৌতুকের জিনিস
পত্র বরাদ্দমত কিছু বরকে দেওয়া হয় নাট। এবং
পান-ভরা মেকী গহনা দিয়া মেয়েকেও ভারি ঠকানো
হইয়াছে। এ ব্যাপারে তিনি নাকি আত্মীয় কুটুম্বের
নিকট অতিশয় অপদস্ত হইয়াছেন। মোট কথা—কতি-
পূর্ণের টাকাটা নগদ হস্তগত না হওয়া পর্যন্ত বন্দো-
পাধ্যায় পত্নী কিছুই বৌমাকে বাপের বাড়ী ছাড়িয়া দিতে
রাঙ্গি নহেন ইত্যাদি।

কর্মচারিণী যথাসম্ভব বিনয় সহকারে বলিল ‘বাবুর
শরীর অসুখ, তাই মেয়েটিকে ছাড়িয়া দিবার জন্ত
বিশেষ পীড়াপীড়ি করিয়া বলিয়া দিয়াছেন।

অমর বাবু বলিলেন “বেহাইকে বলিও, মেয়ে বিয়ে
দিয়েছেন; এখন মেয়ে ছেড়ে দেওয়া না দেওয়া

আমাদের ইচ্ছা। এখানে অত ছুঁকু ছারি চলিবে না।”
লক্ষ্মীকান্ত লোক জন ও শূণ্য পালকী লইয়া ফিরিয়া আসিয়া
বাবুদের নিকট সব কথা বলিলেন।

এরূপ স্পষ্ট জবাবের পর, উমাচরণ আর কিরণ-
শীকে আনিবার জন্ত সহসা লোক পাঠাইতে পারি-
লেন না। ভাবিলেন এরূপ ভাবে লাঞ্ছিত হইয়া
মেয়ে আনিতে যাওয়া অপেক্ষা মৃত্যু ভাল। দিন দিন
তিল তিল করিয়া লোক চক্ষুর অন্তরালে বাপের বুক
কেমন করিয়া ফাটিতে লাগিল, হতভাগিনী কল্লার পিতা
বই তা আর কেহ বুঝিবে না। কিরণশী দিনে দুবার
করিয়া বাপের নিকট কি পাঠাইতে লাগিল। ঝিকে
দিয়া বার বার বাপের কাছে আদার করিয়া বলিয়া
পাঠাইল—বাপের বাড়ী তাহাকে শীঘ্র না লইয়া গেলে,
তাঁরা আর তাকে দেখিতে পাইবেন না। তবুও যখন
বাপের বাড়ী হইতে মেয়েকে লইয়া যাওয়ার কোনও
উদ্যোগ দেখা গেল না, তখন মেয়ে অভিমান করিয়া
বাপের বাড়ী লোক পাঠান বন্ধ করিয়া দিল। কিছুদিন
পর যখন ভগ্নহৃদয় উমাচরণ শয্যাশায়ী হইলেন,
তখন সুযোগ্য জামাতার প্রতিনিধি স্বরূপ হইয়া ভূত
মহাশয় আসিয়া একদিন বলিয়া গেলেন :—ওরা
বলিতেছে—এখন কেমন জুড়!

এদিকে কিরণশীও লাঞ্ছনা ভোগ আরম্ভ হইল।
উঠিতে বসিতে শাস্ত্রী মোক্ষদা কিরণশীকে এত
দোষ দেখিতে লাগিলেন, যে তাতে প্রকৃতিবাদ অতি-
ধানের মত একখানা মূল গ্রন্থের অর্থধারণা করা যায়।
একদিন শ্রীমা গোয়ালিনী শাস্ত্রীকে প্রসন্ন করিবার
ছলেই পুত্রপুত্র রূপের সুখ্যাতি করিয়াছিল। গিন্নী
মোক্ষদাসুন্দরী অল্পমত নাসিকাস্থিত বৃহৎকার বৃহৎ
নখটাতে একটা ভীষণ নাড়া দিয়া বলিয়া উঠিলেন :—
“তোমাদের যে সবই বেশীর ভাগ বাপু! এরি নাম রূপ!
বালাই নিরে মরে যাই! মুখুয়াদের কণক-চাঁপার বা
পায়ের দাসী হবারও তো এর যোগ্যতা নেই, তার আবার
অত কথা!”

যদি কিরণশী বাপের কথা মনে করিয়া কখনো ঘরে
বসিয়া গোপনে দুই ফোঁটা চোখের জল ফেলে, তবে

আর রক্ষা নাট। গিন্নী অমনি তেলে বেগুণে জলিয়া উঠিয়া চিৎকার করিয়া ঘলিয়া উঠেন :—‘বৌমা, একি নিল্লজ্জ বেহায়াপণা হোমার!—চক্কিণী ঘণ্টা ঘেনর ঘেনর আর—থামেনা! ফের যদি তুমি চোখের জল ফেলে আমার ছেলের অকল্যাণ কব, তবে কিম্ব ভালো হবে না, আমি আণ্ড থাকতেই বলে বাধ্চি কিম্ব!’

কিরণের ভারি সর্দি করিয়াছিল—এই তার অপরাধ। বাপের বাড়ীর অভ্যাস মত কিরণের বাপের বাড়ীর কি পাতকুয়া হইতে জল তুলিয়া গরম হইবার জন্ত বাগতিটা রোদে রাখিয়া দিয়াছিল। ব্যাপার দেখিয়া অমরনাথ একেবারে বাতাহত দীপশিখার ঞ্চান কাঁপিতে লাগিলেন,—“ইস্! কোথাকার মেম সাহেব যেন! এ সব বাবুগিরী এখানে চলবে না!” এই বলিয়া পদাঘাতে উঠানের উপর বালতির জল উপড় করিয়া ঢালিয়া দিলেন।

কিরণশরীর স্বামী শচীন্দ্রনাথ স্কুলে পড়িবার সময় হইতেই রীতিমত তালেম দিয়া একটু আধটু উড়িতে শিখিয়াছিলেন। এণ্টে সফল করিয়াই একেবারে পাখী হইয়া পড়িয়াছেন। অমরনাথের নিকট সম্প্রতি বিষয় কর্ম শিক্কালাভ করিতেছিলেন। এবং ইয়ার কোম্পানীর অনুরোধে গ্রামে একটা সখের নাট্যশালা খুলিয়া তালিমদিতে ছিলেন। গ্রামের বকাটে ছোকরা-গুলিকে দিয়া স্ত্রীলোকের পাট্‌গুলি ভাল অভিনীত হইতেছিল না। তাই কি করিয়া সহর হইতে ঠিয়ে-টারের স্বনামধন্য দু'একটা অভিনেত্রী ভাগাইয়া আনিয়া পল্লার নাট্যশালা জমকাইয়া তুলা যায়, সেই ভাবনায় আজকাল শচীন্দ্রনাথের রাত্রে ঘুম হইতনা, তাই রাত্রে আহারের পূর্বে প্রাতাদনই একটু সুরঞ্জিত ভাবের ব্যবস্থা করিয়াছিলেন। এমন অবস্থায় যদি শচীন্দ্রের পত্নীচর্চার অবসর না ঘটে, তবে তাঁকে বোধহয় খুব বেশী দোষ দেওয়া যায় না।

শচীন্দ্রের মানসিক অবস্থা তরল হইবামাত্র তাঁর মাতৃভক্তির উচ্ছ্বাসটা সহসা দামোদরের বন্তার মত একেবারে রাতারাতি বাড়িয়া উঠিত। সময় বুঝিয়া শচীন্দ্রের রত্নগর্ভা মাতা মোক্ষদাসুন্দরী কিরণশরীর যতগুলি

বেহায়াপণা ও বড়মানুষী রকম সক্রম আছে, সেগুলি টীকাভাষ্য সহকারে পুত্রের নিকট ব্যাখ্যা করিয়া যাইতেন। আর শচীন্দ্রনাথও উদ্বেজিত অবস্থায় রায় চৌধুরীদের যে চৌষটি রকম বজ্জাতি আছে, সেগুলি কিরণশরীকে বিশেষ ভাবে শুনাইয়া শুনাইয়া, অমিত্রাকর ছন্দে মারকাছে অনর্গল বর্ণনা করিয়া যাইতেন। বেড়ার আড়ালে বসিয়া কিরণশরীর বুকটা যে ছিন্নমুণ্ড কপোতের মত ধড়রফড় করিয়া মরিত, সে জন্ত একটা দীর্ঘনিশ্বাস ফেলিবার মানুষও সে বাড়ীতে ছিল না! এমনি করিয়া, পতিপুত্র লইয়া মোক্ষদাসুন্দরী প্রতিদিন কিরণশরীকে তুষানলে দগ্ধ করিতে লাগিলেন।

এমন সময় একদিন অপরাহ্নে বাপের বাড়ী হইতে কিরণের নিকট খবর পৌছিল—উমাচরণের ব্যামোটা আজ হঠাৎ বেজায় বাড়িয়া গিয়াছে আজকার কাল-রাত্রি বুঝি আর পার হয় না!

(৪)

সূর্য্যদেব যেন অস্তাচলে ডুবিয়া যাইবার পূর্বে করতলে চিবুক ঞ্চাস্ত করিয়া পশ্চিমদিগন্তের উপরদিয়া শ্রামায়মান পৃথিবীর পানে বার বার প্রেমাকরণ চক্ষে চাহিতেছিলেন। পশ্চিম আকাশটা তখনো স্বর্ণজালে জড়িত হইয়া জ্বলিতেছিল। মোক্ষদাসুন্দরী রান্নাবরের বারান্দায় বসিয়া নথ নাড়াইয়া, হাত ছুলাইয়া, পাড়ার বৌবাদের অমেক রকম কুৎসা সম্বন্ধে সুদীর্ঘ—বক্তৃতা করিতেছিলেন। নিকটে যে বিটা বঠির গোড়ায় বসিয়া মাছ কুটিতেছিল, সে মাঝে মাঝে এমনি ভাবে দু'একটা হঁ হঁ ঠুকিতেছিল যে, তাহাতে বুঝা যায়, বিশ্ববাংলার সমুদায় বৌঝিই মন্দ, সেওয়াই মোক্ষদাসুন্দরী—বক্তৃতা-কারিণীর এই যে বক্তৃতার মর্মটুকু সে তাহা সম্পূর্ণ বিশ্বাস করিতেছিল। মোক্ষদাসুন্দরীর দ্বিতীয় শ্রোতা একটা ভিক্রে বিড়াল। সে লেজের উপর বসিয়া বির হস্তস্থিত মাছটার পানে অতিভক্তের মত ভাকাইয়াছিল। মোক্ষদাসুন্দরীর বক্তৃতা শুনিতে সে আসে নাই। এমন সময় কিরণশরী সহসা তাঁরের মত ছুটীয়া আসিয়া মোক্ষদার পায়ের কাছে গুরুর মত আপনাকে লুটাইয়া দিল। শুধু কোমল বেদনা-কম্পিতস্বরে ‘মা’ এইটুকু

উচ্চারণ করিতেই যেন কণ্ঠে তার কণ্ঠ রোধ হইয়া আসিতেছিল ;—আর কিছু বলিতে পারিল না। মোক্ষদা ঈষৎ ব্যঙ্গের সহিত কৃত্রিম ব্যস্ততা দেখাইয়া, পা গুটাইয়া লইয়া বলিলেন—“কর কি, কর কি বৌমা! বড় ধরের মেয়ে তুমি, আমার পা ছুঁতে আছে, মা বলতে আছে?—ছঃ! আমরা তোমার গুটেকুড়োনী দাসীরো যোগ্যতা রাখিনা!”

পুত্রবধূর সহিত শাশুড়ীর মিষ্টালাপ প্রায় এই রকমেরই হইত। কিন্তু কিরণ আজ মিষ্টালাপের প্রত্যাশায় শাশুড়ীর কাছে আসে নাই। তার বুকের ভিতরে যে আশঙ্কার ঝড় বহিতেছিল, তার নিকট অপমান অতি তুচ্ছ জিনিষ। বাণবিদ্ধ বনের হরিণীটার মত অশ্রুপূর্ণ কাতর দৃষ্টি শাশুড়ীর মুখের উপর রাখিয়া অতি ক্ষীণ কণ্ঠে কিরণ বলিল—“একবার বাবাকে শেষ চোখের দেখা দেখে আসতে দাও মা’ বাবা বুঝি আর বাঁচেনা!”

কথা শেষ করিয়া, কিরণ শাশুড়ীর পায়ের উপর পড়িয়া কাঁদিতে লাগিল। গিন্ধী অবিখ্যাসের সুরে বলিলেনঃ—“আমাদের কোন খবরাখবর নেই—তুমি জানলে কেমন করে?”

কিরণ অপরাধিনীর মত শুষ্ক বিবর্ণ মুখে উত্তর করিল—“কাকীমা কি পাঠিয়েছিল মা!—নেই এসে বলে গেল!”

আর একটা সমালোচনার বিষয় পাইয়া গিন্ধী মুখে একটা প্রবল ঝামটা দিয়া বলিয়া উঠিলেনঃ—

“ওমা! কি লজ্জার কথা! এমনি করে মথুরার দূত চূপ করে আসেন যান, তার কোন খবর রাখিনা আমরা; এ সব বাপের বাড়ী যাওয়ার ফন্দি! আমরা কি এ সব চালাকিও বুঝিনা!”

কিরণ তখন মন্দির মূর্তির মত উঠানে নিশ্চলভাবে দাঁড়াইয়াছিল। চোখে তার জল ছিল না। বুঝি বা জমিয়া বরফ হইয়াগিয়াছিল। মাথার ভিতরটা যেন রিম্ রিম্ করিতেছিল এবং সেই সঙ্গে তরুলতা, গৃহপল্লী, আলো অন্ধকার, স্বামী ভবিষ্যত, সব যেন একে একে মুছিয়া যাইতে লাগিল—সে এমনি একটা অসুভব করিল। যেন সমুদয় জগৎ ব্যাপ্ত করিয়া কিরণশশীর বুকের ব্যথা চেঁটে খেলিতেছে এবং সেই নীল চেঁটেএর চুড়ায় চুড়ায়

যেন তার পিতার রোগ-শীর্ণ, নিরাশা পাণ্ডুর, স্নেহ-মধুর কাতর মুখখানি ভাসিয়া ভাসিয়া বেড়াইতেছে।

এমন সময় রায় চৌধুরীদের বাড়ীর দিক হইতে একটা উচ্চ ক্রন্দনের রোল পড়িয়াগেল। কিরণ তখন সম্পূর্ণ বাহজ্ঞান শূন্য। তার চোখের জল শুকাইয়া গিয়াছে, মাথার কাপড় পড়িয়া গিয়াছে। সে যে বন্দোপাধ্যায়-দের বাড়ীর বধুসে কথাও সে ভুলিয়াগেল! কেবল তার মনে হইতে লাগিল—এ জগতে সকলি মিথ্যা, কেবল ক্রন্দনই সত্য। মাতৃস্নেহ তালবাসা, সকলি পদ-দলিত করিয়া মরণরথের চক্রনেমি হাহাকার শব্দে বিশ্বচরাচর পরিভ্রমণ করিতেছে।

কিরণ আর স্থির হইয়া থাকিতে পারিল না। সে ঐ ক্রন্দনের রোল লক্ষ্য করিয়া পাপলিনীর মত পিছুত্বনের দিকে ছুটিতে লাগিল। সে যতই তাহার বাপের বাড়ীর নিকটবর্তী হইতে লাগিল, রোদনধ্বনি ততই সে স্পষ্টতর শুনিতে পাইল। সে যখন শিথিলবেশ, মুক্তকবরী ও অশ্রুসিক্ত কাতর নয়ন দুটী লইয়া, অন্তঃপুরে প্রবেশ করিল, তখন উমাচরণের মৃতদেহ তুলসী তলায় আনীত হইয়াছে। কিরণের মা মৃতস্বামীর পদ প্রান্তে মুচ্ছিতা হইয়া পড়িয়া-ছেন। বামাচরণ পাগলের মত মাথা কুটিতেছেন। দাসদাসীরা কাঁদিতেছে। মনে হয় যেন গৃহে পশু পক্ষী ও অজ্ঞানের চরুলতা গুলিও যেন কাঁদিতেছে।

চলন্ত পথিকের মাথায় যখন আকাশের বহু ভাঙ্গিয়া পড়ে, তখন তার মর্ষ দন্ধ হইয়া যায়, কিন্তু তবু সে দাঁড়াইয়া থাকে। অন্তঃপুরের সে ভীষণ দৃশ্য দেখি কিরণশশী চলিতে চলিতে হঠাৎ নিন্দস্ত হইয়া থামিয়া গেল। তার পর, ধীরে ধীরে মঙ্গুমুগ্ধার মত সে আসিয়া উমাচরণের মৃতদেহের পাশে বসিল। বিবাহের পর কন্ডায় পিতায় এই প্রথম সাক্ষাৎ! কিন্তু যে ব্যক্তি সহস্র ষাতনার ভিতরেও কিরণের মুখখানি দেখিলে আর সকল দুঃখ ভুলিয়া গিয়া শিশুর মত খুসী হইয়া উঠিতেন, সেই উমাচরণ আজ তুলসী তলায় কি করিয়া কিরণকে এত নিকটে পাইয়াও সে মিলনের তীব্র আনন্দ বেগ অনায়াসে সঞ্চার করিয়া লইলেন, এ পৃথিবীর লোকের কাছে সে তব চিরকাল রহস্যাবৃত!

কিরণ ধীরে ধীরে নির্ঝাঁক নিষ্পন্দ মস্তুর নির্মিত তরুণ মাতৃমূর্তিটির মত মৃগালশুভ্র বাহুটী দিয়া পরমস্নেহভরে শুভ্র স্বর্ণ মণ্ডিত, ধ্যানসুত্মিত লোচন বৃদ্ধ শিশুটীকে আপনার কোলের উপর টানিয়া লইল। আজ বহুকাল পরে, মৃত্যুনাশীর পরপারে বাঞ্ছিত মাতৃ অঙ্কের পরশ পাইয়া বুঝ সে বয়স্ক শিশুটির সমুদয় পার্শ্বিক ক্ষুধা তৃপ্ত হইয়া গিয়াছিল। তাই বুঝ সে আরামলোভী নিদ্রাতুর, ক্লান্ত শিশুটী মাতৃনোল পাইয়া এ বিচিত্র জগতের পানে আর একবার চোখ মেলাও তাকাইল না! যেমন সুন্দর, অথচ করুণ মাতৃ মূর্তি বুঝ চত্রকর র্যাফেলও আঁকিতে পারিতেন না!

একটা প্রচণ্ড ঝড়ের অকরুণ স্মৃতি যেমন ফুলগাণের ছিন্নপল্লব ও লুপ্ত পুষ্পরাশির মত রাখিয়া যায়, রায়-চৌধুরী পরিবারে উমাচরণও যেমন শোকের সত্ত্ব স্মৃতি রাখিয়া পরপারে চলিয়া গিয়াছেন। যথা সময়ে উমাচরণের পারলৌকিক ক্রিয়া কাণ্ড নিরানন্দে সম্পন্ন হইয়া গেল। তখনো কিরণশশী বাপের বাড়ীতেই ছিল। বামাচরণ কিরণকে শিশুর রাড়ী পাঠাইয়া দিবার জন্য কোনওরূপ ব্যস্ততা দেখাইলেন না। বন্দোপাধ্যায়দের তরপ হইতেও কেহ কোন উচ্চ বাচ্য করিল না। সেখানে অমরনাথ ও মোকদ্দমা সুন্দরী পরামর্শ করিয়া স্থির করিলেন, এ হেন স্বেচ্ছাচারিণী বধূকে আর বাড়ীতে ফিরাইয়া আনা হইবে না। শচীকে এখন আর একটা বধু আনিয়া দিলেই রায়চৌধুরীদের নির্যাতন পালা সমাপ্ত হয়। ক্ষটিকা-ছাদিত দীপের চারিদিকে শত যেমন ঘুরিয়া মরে, শচীন্দ্রও একটা অভিনেত্রীর চতুর্দিকে সেইরূপ ছুটাছুটি করিতে-

(৫)

ছিলেন। একটা লক্ষ্মীমস্ত বউ দেখিয়া দিবার জন্য অমরনাথ বৈঠকখানায় ঘটককে ডাকাইয়া আনিয়া পরামর্শ করিতে-ছিলেন এমন সময় তারে খবর আসিল আপীল আদালতে পূর্বোক্ত মোকদ্দমায় বন্দোপাধ্যায়দের হার হইয়াছে, আর রায় চৌধুরীরা ময়ধরচ ডিক্রি পাইয়াছেন। এ মামলায় যে বন্দোপাধ্যায়দের হার হইতে পারে, একথা মোকদ্দমা নিষ্পত্তির পূর্বে কোন পক্ষের উকীল

অনুমানও করিতে পারেন নাই। অমরনাথ ক্রোধে, ও অপমানে জ্বলিতে লাগিলেন। মোকদ্দমা খরচা যাহা ডিক্রি হইয়াছে, তাহাও নিতান্ত সামান্য নয়, সে কথাটাও থাকিয়া থাকিয়া মনে হইতেছিল। এমন সময় ভূত মহাশয় আসিয়া অমরনাথকে খবর দিলেন যে উমাচরণ ভী-বত থাকিতেই, উমাচরণ ও বামাচরণ দুই ভাইএ মিলিয়া সমুদয় সম্পত্তি কিরণের নামে উইল করিয়া দিয়াছেন। এখন কিরণশশীই রায় চৌধুরীদের সংসারের মালীক— কিরণের নামেই মোকদ্দমা খরচার জন্য বন্দোপাধ্যায়দের সম্পত্তি ক্রোক করা হইবে। ভূত মহাশয় উপসংহারে বলিলেন :—“আপনাদের উপযুক্ত পৌমা অর এদকে মাড়াচ্ছেন না! বন্দোপাধ্যায়দের ভাটের উপর তনি যুব্ চরানেন!

অমরনাথ স্নানাগার পরিত্যাগ করিয়া হাইকোর্ট আপীল দায়ের কারবার আভলাষে তৎক্ষণাৎ সহরে রওনা হইয়া গেলেন। টাকাকড়ি সহরে, বড় একটা ব্যাঙ্কে মজুত ছিল। দেশে চোর ডাঙ্গারের প্রাদুর্ভাব বাড়িয়া যাওয়াতে তিনি টাকাকড়ি ইস্তক মেয়েদের গহনাপত্র সমুদয় ব্যাঙ্কেই রাখিতেন। সে ব্যাঙ্কে লোহার সিক্ক কবোকাই করিয়া রাখা হইত। এবং বন্দুকের উপর সঙ্গীন চড়াইয়া সিপাহীরা সেই ব্যাঙ্কের মজুত টাকায় পাহারা দিত। সুতরাং অমরনাথ আপনার নগদ টাকাকড়ি সম্বন্ধে এক প্রকার নিশ্চিন্ত ছিলেন।

সহরে পহুঁছিয়া অমরনাথ শুনিলেন ব্যাঙ্কের অবস্থা-অনুরূপ। মা লক্ষ্মী রাতারাতি তাহার নিশাচর বাহনটির পীঠে চাপিয়া ব্যাঙ্কের ত্রিসীমানা ছাড়িয়া যে কোথায় অদৃশ্য হইয়া গিয়াছেন, তার ঠিকানা নাই। এমন কি, যাইবার সময় তাঁর বাহনটী শুদ্ধ সে ব্যাঙ্ক ঘরে ভুলেও একটা সোণার পালক ফেলিয়া যায় নাই!

* * * *

এই ঘটনার কয়েক দিন পর একদিন সন্ধ্যারাত্রে একখানি পালকী রায় চৌধুরীদের ভিতর বাড়ীর দেউড়ীর সমুখে আসিয়া দাঁড়াইল। তাজা ঘাসের উপর সবুজ জ্যোৎস্না ঝকঝক করিতেছিল। হাওয়া লাগিয়া সুপারি গাছের পাতা শির্ শির্ করিতেছিল। পালকী হইতে

বাহির হইয়া মোক্ষদা সুন্দরী বরাবর চৌধুরীদের অন্তঃ-
পুরে প্রবেশ করিল ।

তখন লাল চেলা পরিয়া, সিঁথিতে সিন্দূর মাখিয়া
পবিত্র মনে ঠাকুর ঘরে বসিয়া কিরণশশী মদনমোহনের
চরণযুগল আর্দ্র হৃদয়ে ধ্যান করিতেছিল । ঠাকুর ঘর
নীরব লোকশূন্য—গৃহে ঘুতের প্রদীপ জ্বলিতেছে ! আর
কোমর পর্য্যন্ত ফুলে ঢাকা মদনমোহন মুরলীটী মুখে
ধরিয়া তাঁর তরুণ পূজারিণীর পানে তাকাইয়া তাকাইয়া
যেন হাসিতেছেন !

“বৌ মা ! বৌ মা !”

কিরণশশী সহসা চমকিয়া উঠিল, চোখ মেলিয়া চাহিয়া
দেখে শাশুড়ী—মোক্ষদাসুন্দরী, তার পাশে দাঁড়াইয়া
স্নেহপূর্ণ কণ্ঠে ডাকিতেছেন—“বৌমা, ও বৌমা !” কিরণ
সুপ্রোথিতের মত আসন ছাড়িয়া উঠিয়া শাশুড়ীর পা
ছুইয়া প্রণাম করিল, মুখে একটু স্নান হাসি ফুটাইয়া
বলিল :—“কেন মা ?”

মোক্ষদাসুন্দরী কাঁদিয়া উঠিলেন, বলিলেন :—
“ঘরের লক্ষ্মী পায়ে ঠেলে আমাদের সর্বনাশ হয়েছে মা ।
এখন তুমি ফিরে না গেলে ও বাড়ীর আর কল্যাণ হবে
না ।” কিরণশশী শব্দর বাড়ীর সমুদয় দুর্ঘটনারই খবর
পাইয়াছিল । তাই সে সম্বন্ধে আর কোনও প্রশ্ন না
করিয়া চুপ করিয়া দাঁড়াইয়া রহিল । কিরণকে নীরব
দেখিয়া মোক্ষদা আবেগ ভরে কিরণকে আপনার বুকের
মাঝে টানিয়া লইয়া বলিলেন :—বৌমা, আর আমার
লজ্জা দিও না ! তুমি না হলে শচীনকে আর কেউ
ঘরে রাখতে পারবে না, বাছা আমার বিরাগী হয়ে
চলে যাবে ।”

কিরণের বড় ইচ্ছা হইল একবার জিজ্ঞাসা করে—
সে অভিনেত্রীটার কি হইল ? কিন্তু শাশুড়ীর কাছে
তার মুখ ফুটিল না । তবে শচীন যে ঘরে ফিরিয়া তার
জন্ম চঞ্চল হইয়াছেন, তাতেই বুদ্ধিমতী কিরণ বুঝিতে
পারিল, ওদিকে ব্যাপারখনা বড় সুবিধাজনক নয় ।
মোক্ষদা আবার আর্দ্রস্বরে বলিয়া উঠিলেন :—এস,
এস, মা লক্ষ্মী আমার ! তুমি এসে তোমার সংসার
বুকে নাও !” কিরণশশী আবার ভক্তিতরে মদনমোহনকে
লুটাইয়া প্রণাম করিয়া শাশুড়ীকে বলিল :—

“তা যাবো বই কি মা ! তুমি পালকী ডাকাও—আমি
ততক্ষণ কাকাবাবু ও কাকীমার পায়ের ধুলো নিয়ে আসি !

শ্রীসুরেশচন্দ্র সিংহ ।

মুরাদের নিকট অউরঙ্গজেবের পত্র

(উত্তরবঙ্গ সাহিত্য সম্মিলনের দিনাজপুর
অধিবেশনে পঠিত ।)

ইতিহাসজ্ঞ ব্যক্তিমাত্রেই বিদিত আছেন যে সম্রাট
সাজাহানের চারি পুত্র মধ্যে দারা সৌকো সর্বশ্রেষ্ঠ,
সুজা মধ্যম, অউরঙ্গজেব তৃতীয়, এবং মুরাদ বকস সর্ব
কনিষ্ঠ ছিলেন । ইঁহারা সকলেই সাজাহানের এক
মহিষীর সন্তান । আগ্রার তাজ বাহার নাম চির
জীবিত রাখিয়াছে, ইঁহারা সকলেই তাঁহারই গর্ভে জন্ম
গ্রহণ করেন ও তাঁহারই অঙ্কে বর্দ্ধিত হন । ভারতের
মোগল রাজবংশে কি অভিসম্পাত ছিল—পিতৃভক্তি,
অপত্যস্নেহ, সৌভ্রাতৃত্বের দৃষ্টান্ত ইহাতে বিরল । জাহা-
ঙ্গীর, সাজাহান এবং অউরঙ্গজেব তিন জনেই পিতৃ-
দ্রোহী ছিলেন, জাহাঙ্গীর আপন পুত্র খসরুকে ক্রমাগত
নির্যাতন করিয়া এবং কারারুদ্ধ রাখিয়া হত্যা করিয়া-
ছিলেন বলিতে হয়, এবং অউরঙ্গজেব তাঁহার পুত্রগণকে এত
অবিশ্বাস করিতেন যে বৃদ্ধাবস্থায় অস্ত্রমব্যাহির কালেও
তিনি তাঁহাদের কাহাকেও আপনার শয্যাপার্শ্বে উপস্থিত
থাকিতে দেন নাই । শূরবংশীয় সের-সাহ কর্তৃক নানা
যুদ্ধে পরাজিত হইয়া যখন হুমায়ুন বিশ্ব অন্ধকার
দেখিতেছিলেন, তাঁহার ভ্রাতৃগণ তখন তাঁহাকে
সাহায্য করা দূরে থাকুক, তাঁহার ঘোর বিপক্ষতাচরণই
করিয়াছিলেন । কর্ণত আছে, রাজ্য হারাইয়া পারশ্ব
অভিমুখে পলায়ন কালে কান্দাহারে তাঁহার শিশুপুত্র
আকবর পিতৃব্য মিজা অঙ্কারির হস্তে পতিত হন ।
বৎসল পিতৃব্য তাঁহাকে কামানমুখে স্থাপিত করিয়া
হুমায়ুনকে ভীত করিয়া কান্দাহার পরিত্যাগ করিতে
বাধ্য করেন । জাহাঙ্গীরের পুত্রগণ ভ্রাতৃ-বিদ্বেষ-বিষে
জর্জরিত হইতেন । যুবরাজ পরভেদ্য কনিষ্ঠ ভ্রাতা
ধরমকে আশ্রয় হইতে আরম্ভ করিয়া দক্ষিণাভিমুখে
সমস্ত দক্ষিণাত্যে এবং পূর্বাভিমুখে কলিঙ্গ, বঙ্গ ও
বেহারে ক্ষুধার্ত শার্দূলবৎ তাড়না করিয়াছিলেন এবং
অউরঙ্গজেব ভ্রাতা এবং ভ্রাতৃপুত্রের রক্তে পদ প্রক্ষালন
করিয়া ময়ুরাসনে আরোহন করেন । সর্বত্রই যদি

বংশানুক্রমে চরিত্র গঠন হইত, তবে যে বাবর পুত্র হুমায়ূনের জীবন রক্ষার্থ তাঁহার রোগশয্যা- পার্শ্বে আপন জীবন বিনিময় করিয়াছিলেন, তাঁহার বংশধরগণের মধ্যে কেহ কেহ পুত্রদেবী হইলেন কেন ? এবং যে হুমায়ূন ভ্রাতৃবৎসল্য বশতঃ পিতার সাম্রাজ্য অগ্নান বদনে আপন ভ্রাতৃগণ মধ্যে বিভক্ত করিয়া দিয়া ছিলেন, তাঁহার উত্তর পুঞ্জগণ মধ্যে ভ্রাতৃশোণিত পিপাসা এত প্রবল হইল কেন ? সে যাহাই হোক, আমি এই প্রবন্ধে অউরঙ্গজেব-মুরাদ জীবন বৃত্তের একটীমাত্র ঘটনার বর্ণনা করিব।

প্রিয়তমা মহিষী মমতাজমহলের মৃত্যুর পর হইতেই শোকে প্রোট স্মার্ট সাজাহানের স্বাস্থ্য ভঙ্গ হইয়াছিল, তথাপি তিনি অসাধারণ মানসিক তেজে দৈহিক দৌর্বল্য উপেক্ষা করিয়া যথোচিত বিধানে রাজকাৰ্য্য পর্যালোচনা করিতেছিলেন। ক্রমে তাঁহার জীবনের ষষ্টিতম বর্ষ অতিক্রান্ত হইল; পরবর্তী কয়েক বৎসরে তিনি আরও শোক পাইলেন; প্রিয়তম বন্ধু, ধীমান মন্ত্রী, ও চিরসহায় কুশল সেনাপতি জাফরজঙ্গ, সাহুল্লা খাঁ এবং আলিমর্দান তাঁহাকে ক্রমে ক্রমে পরিত্যাগ করিয়া অনস্তধামে প্রস্থান করিলেন। তখন সাজাহান বার্কেক্যের করাল অঙ্গুলী-স্পর্শ অনুভব করিতে লাগিলেন। তিনি ইতঃপূর্বেই জ্যেষ্ঠপুত্র দারাকে স্বকীয় উত্তরাধিকারী মনোনীত করিয়াছিলেন এবং অল্প তিন পুত্রকে রাজ্যের ভিন্ন ভিন্ন প্রদেশত্রে শাসন কর্তৃত্বে নিয়োজিত করিয়া তাঁহাকে নিজের পার্শ্বে রাখিয়াছিলেন। খ্রীষ্টিয় ১৬৫৭ অব্দে যখন তিনি পুনরায় পীড়িত হইয়া পড়িলেন তখন তিনি আপন মন্ত্রীসভার সদস্যগণকে আহ্বান করিয়া তাঁহাদিগের সমক্ষে দারাকে উত্তরাধিকারিত্বে বরণ করিলেন। দারা পিতৃবৎসল, ও প্রপিতামহ আকবরের ন্যায় ধর্মপরায়ণ এবং উদারচিত্ত ছিলেন। আরব্য, পারস্য ও সংস্কৃত ভাষায় তাঁহার অগাধ পাণ্ডিত্য ছিল, এবং তিনি ধর্মবিষয়ে কয়েকখানি গভীর তত্ত্বপূর্ণ গ্রন্থও রচনা করিয়াছিলেন। একে তিনি পিতার জ্যেষ্ঠপুত্র, তাহাতে বহুগুণালঙ্কৃত; তাঁহার সিংহাসন লাভ করায় তাঁহার কনিষ্ঠ ভ্রাতৃগণের ক্ষোভের কোনই

কারণ ছিল না। তথাপি মোগল কুলাধিষ্ঠাত্রীর অভিসম্পাত বশতঃ তাঁহারা জ্যেষ্ঠের প্রাপ্য রাজদণ্ড স্বায়ত্ত করিবার জন্ত বন্ধপরিকর হইলেন। তখনও দারা রাজদণ্ড প্রাপ্ত হন নাই; কেননা, সাজাহান তখনও জীবিত।

বাল্যকাল হইতেই অউরঙ্গজেব ও মুরাদ, দারার ভয়ঙ্কর বিরোধী ছিলেন, ইহারা তাঁহাকে প্রাণের সহিত ঘৃণা করিতেন, এবং সর্বপ্রযত্নে ইহার অনিষ্ট সাধনের চেষ্টা করিতেন। সুজা দারার তত আততায়ী ছিলেন না, কিন্তু রাজ্যলোভে তিনিও জ্যেষ্ঠভ্রাতার সহিত যুদ্ধ করিতে প্রস্তুত হইলেন। অউরঙ্গজেব নিজে সংকীর্ণ হৃদয় ও ধর্মোন্মাদ মুসলমান ছিলেন; এবং ধর্মবিষয়ে জ্যেষ্ঠ ভ্রাতার উদারতাকে তিনি অবর্ণনীয় ঘৃণার চক্ষে দর্শন করিতেন; কিন্তু মুরাদের ভ্রাতৃবিদ্বেষের মূলে কেবল তাঁহার বিশ্বয়কর আত্মভ্রমিতা ও অউরঙ্গজেবের প্ররোচনা ছিল। বহুদিন পূর্বে হইতেই অউরঙ্গজেব, মুরাদ ও সুজা ষড়যন্ত্র করিতেছিলেন এবং পরস্পরের মধ্যে পরস্পরের অভিপ্রায় জ্ঞাপক লিপি পরিচালনের জন্ত আপন আপন অধিকারে দলে দলে লিপিবাহক নিযুক্ত করিয়াছিলেন। তখন অউরঙ্গজেব দাক্ষিণাত্যে বর্হানপুরে, মুরাদ গুজরাটে, এবং সুজা বাঙ্গলায়। গুজরাট ও বর্হানপুরের মধ্যে লিপিবাহকগণের গমনাগমন যেমন সহজ সাধ্য ছিল, বঙ্গদেশের পথে সেরূপ ছিল না। সেই জন্ত অউরঙ্গজেব ও মুরাদের মধ্যে মন্ত্রণাই প্রথমে পরিপক্ব হইল। তখন তাঁহারা দুইজনে সুজার সহায়তা প্রাপ্তির চেষ্টা পরিত্যাগ করিলেন। সাজাহান অত্যন্ত পীড়িত হইয়াছিলেন। দেশময় সে কথা বিদ্যাদেগে রাষ্ট্র হইয়া পড়িয়াছিল। তিনি আরোগ্য লাভ করিলেন, দারা সে সংবাদও রাজ্যের সর্বত্র প্রেরণ করিলেন; কিন্তু মুরাদ ও অউরঙ্গজেব আপনাদের কু-অভিপ্রায়ের প্রতি-কূল সে সংবাদ ইচ্ছা করিয়াই বিশ্বাস করিলেন না এবং আপনাদিগের অসুচর ও সহচরগণকেও বিশ্বাস করিতে দিলেন না। তাঁহারা সর্বপ্রযত্নে প্রচার করিতে লাগিলেন যে পিতার মৃত্যু হইয়াছে; কাফের দারা সিংহাসন অধিকার করিয়াছে। যে পর্য্যন্ত সে সিংহাসনে সুদৃঢ়

হইতে না পারিবে সে পর্য্যন্ত এই যত্ন সংবাদ গোপন রাখিয়া আরোগ্যের মিথ্যা সংবাদে সকলকে ভুলাইতেছে।

সাজাহানের চারি পুত্রের মধ্যে সর্বকনিষ্ঠ মুরাদ সর্কাপেক্ষা অদূরদর্শী ও নির্কোষ ছিলেন ; তিনি রাজ-কার্যেও পারদর্শী ছিলেন না এবং সর্কদা বিলাসশ্রোতে ভাসিয়া থাকিতেন। যে যত অকর্মণ্য হয়, গর্কও তাহার তত অধিকমাত্রায় হইয়া থাকে ; মুরাদেরও তাহাই হইয়াছিল। যুদ্ধক্ষেত্রে তাঁহার সাহস ছিল না—তাহা নহে, বরং তিনি অসমসাহসিক ছিলেন ; কিন্তু সমর-পরিচালনার কূটরীতি ও কৌশল তাঁহার পরিজ্ঞাত ছিল না। তাঁহার নির্কু ক্রিতার প্রকৃষ্ট পরিচয় এই যে, অউরঙ্গজেবের সঙ্গে মঙ্গলা সমাপনের ও তাঁহার সহিত মিলিত হইবার পূর্বেই তিনি আপন শাসনাধিকৃত গুজরাটের রাজধানী অহমদাবাদে মরুওয়াজুদ্দিন নাম ধারণ পূর্কক রাজ-মুকুট পরিধান করিয়া বসিয়াছিলেন।

মুরাদ যেমন স্বল্পদী, বিলাসী, অলস ও আত্মস্তুরী ছিলেন, অউরঙ্গজেব তেমনি সূচ্যগ্র-ভীক্ষুবুদ্ধিশালী, কূটনীতিপরায়ণ, কঠোরশ্রমী এবং দৃঢ়প্রতিজ্ঞ ছিলেন। যদিও কনিষ্ঠ ভ্রাতা মুরাদের সহিত মঙ্গলারম্ভকাল হইতেই অউরঙ্গজেব তাঁহার প্রতি অত্যন্ত স্নেহের ভাণ করিতে-ছিলেন, তথাপি অল্পবুদ্ধি-মুরাদ একথা বুঝিয়া-ছিলেন যে, তিনি একেবারে নিঃস্বার্থভাবে সমগ্র সাম্রাজ্যের সিংহাসন প্রাপ্তি বা সাম্রাজ্যের অংশ বিশেষ লাভ বিষয়ে তাঁহার সহায়তা করিবেন না। সেই জন্ম তিনি ভ্রাতাকে বারম্বার অরুরোধ করিয়াছিলেন যে, উভয়ের মধ্যে একটি সর্ক-পত্র লিখিত হোক, তাহাদ্বারা উভয়ে পরিষ্কাররূপে বুঝিতে পারিবেন যে, বাহার কি উদ্দেশ্য, কাহার কত আশা এবং আগামী মহাতাওবে কে কি ভালে নৃত্য করিবেন। কোন কোন ইংরাজ ঐতিহাসিক লিখিয়াছেন যে, অউরঙ্গজেব প্রথম হইতেই মুরাদকে বলিতেছিলেন যে, সমগ্র সাম্রাজ্য বা উহার ঋণ্ড বিশেষে তাঁহার কোনই আকাঙ্ক্ষা নাই ; তদ-পেক্ষা পবিত্রভূমি মকার কোন অজ্ঞাত কোণে ফকীর বেশে অধিষ্ঠান করার লোভট তাঁহার অধিক। তিনি অপধর্মী, পৌত্তলিক দারাকে বিভাড়িত করিয়া হিন্দু-

স্থানে ধর্মরাজ্য সংস্থাপন করার একমাত্র উদ্দেশ্যেই স্বধর্ম পরায়ণ, পরমস্নেহ ভাজন মুরাদের সহিত মিলিত হইতেছেন। আমি যে প্রামাণ্য গ্রন্থের উপর নির্ভর করিয়া এই যৎসামান্য প্রবন্ধ রচনা করিতেছি, তাহাতে দেখিতে পাই যে, অউরঙ্গজেবের দারাকে অপমৃত্ত করিয়া মুসলমান ধর্মের গৌরব অক্ষুন্ন রাখার বাসনার ভান করা সত্য, কিন্তু ফকীরী গ্রহণ করিয়া মকার কোন নিভৃত কোণে জীবন কর্জন করার অভিপ্রায় প্রকাশ—সত্য নহে। তিনি একখানি দীর্ঘপত্রে মুরাদের নিকট আপন অভিপ্রায় প্রকাশ করিয়াছিলেন। এই পত্র মুরাদের সহিত মিলিত হইবার অব্যবহিতপূর্কে, খ্রীষ্টীয় ১৬৫৮ অব্দের প্রথমভাগে লিখিত ও প্রেরিত হইয়াছিল। নিম্নে উহার অনুবাদ প্রদত্ত হইল। কপটতার লীলা এইপত্রে যতদূর বিস্তৃত হইয়াছে এবং ভগবানের এবং কোরাণের পবিত্র নামের সহিত মিথ্যা ও ছলনার বাক্য ইহাতে যেরূপ সংযুক্ত হইয়াছে, এরূপ আর কোথাও হইয়াছে বলিয়া আমাদের মনে হয় না।

স্পেনের রাজা দ্বিতীয় ফিলিপের সম্বন্ধে এরূপ কথিত আছে যে, তিনি এরূপ ধল-প্রকৃতি ছিলেন যে স্বয়ং যদি কার্য্য বাপদেশে তাঁহার নিকটে আসিতেন, তবে তিনি তাহাকেও প্রবঞ্চনা করিতে ছাড়িতেন না। অউরঙ্গজেব সম্বন্ধেও অনুরূপ অভিমত প্রকাশ করা যাইতে পারে। এই প্রবন্ধের বিষয়ীভূত পত্রখানি এই—

“প্রাণাধিক প্রিয় কনিষ্ঠ সহোদর যুবরাজ মুরাদ বন্ধ,

দেখিতেছি যে, পিতৃ পরিত্যক্ত সাম্রাজ্য লাভের অভিপ্রায় বিশদরূপে প্রকটিত হইয়াছে এবং পয়গম্বরের পতাকাসমূহ লক্ষ্যাভিমুখে প্রসারিত হইতেছে ; এধর্ম-যুদ্ধ জেহাদের বজ্রনির্ঘোষ দিগন্তে প্রতিধ্বনিত হউক। আমার অন্তর নিহিত ঐকান্তিক বাসনা এই যে, ইসলামের প্রিয় বসতিভূমি এই যোগলসাম্রাজ্য হইতে অপধর্ম ও পৌত্তলিকতার কটক সমূলে উৎপাটন করিয়া এবং এই অপধর্ম ও পৌত্তলিকতার প্রধান পুরোহিত অবাচ্যনামা শয়তানের ধ্বংস সাধন করিয়া সত্যধর্মের মহিমা পুনরায় প্রতিষ্ঠিত করি। অধর্ম ও অপধর্মের ধূলি তাহা হইলে আর জনগণের মনকে কলুষিত করিবে

না ; ইরান, তুরান, রুম ইত্যাদি জনপদবাসিগণ তাহা হইলে আর আমাদেরকে স্বর্গের চক্রে অবলোচন করিবে না ; হিন্দুস্থান শস্য সমৃদ্ধিশালী হইবে ; প্রজাগণ রোগ শোকের হাত হইতে নিষ্কৃতি লাভ করিবে এবং স্বচ্ছন্দে সুখ শান্তি উপভোগ করিবে। তুমি আমার প্রাণপ্রিয় ভ্রাতা ; তুমি এই পবিত্র মহদভিযানে আমার সহিত সম্মিলিত হইয়াছ এবং খোদাতালার নাম গ্রহণ করিয়া ও কোরাণ স্পর্শপূর্বক বহু শপথ করিয়া স্বীকৃত হইয়াছ যে, বর্তমানে ও ভবিষ্যতে, যুদ্ধক্ষেত্রে ও রাজপ্রাসাদে, দুর্ভাগ্য ও সৌভাগ্যে, সর্বত্র ও সর্বাবস্থায় তুমি আমার সহচর ও সহায় থাকিবে, এবং সনাতন ধর্মের ও এই ধর্মরাজ্য-হিন্দুস্থানের পরম শত্রু নিপাত হইলেও তুমি চিরদিন আমার বন্ধু এবং আমার বন্ধুগণের বন্ধু এবং আমার শত্রুগণের শত্রু হইয়া বিরাজিত থাকিবে। তুমি তোমার স্বাধীন ইচ্ছায় নিজের জন্ত সাম্রাজ্যের যে যে অংশ প্রাপ্তি ও চিরাধিকারের অভিপ্রায় ব্যক্ত করিয়াছ, তাহার অধিক আকাঙ্ক্ষা করিবে না ও লাভের চেষ্টা করিবে না। তোমার সরল হৃদয়ের আভিব্যক্তি আমাকে অত্যন্ত তুষ্ট করিয়াছে ; তোমার আকাঙ্ক্ষা অতি ন্যায্য। আমার দৃঢ় বিশ্বাস যে, তুমি ও আমি চিরদিন একচিত্ত থাকিব ; একই অভিপ্রায় সাধনের জন্ত আমাদের মিলিত শক্তি প্রযুক্ত হইবে, এবং তুমি কখনও তোমার কোন কার্য্যদ্বারা আমার অভিপ্রায় সাধনের প্রতিকূল হইবে না। আমাদের উভয়ের মঙ্গল পথ এক। আমি জানি তুমি সত্য প্রতিজ্ঞ ; তুমি এ পথ হইতে বিচলিত হইবে না। তোমার প্রতি আমার স্নেহ ও অনুগ্রহ ক্রমশই বর্দ্ধিত হইতে থাকিবে, তোমার লাভ ও ক্ষতিকে আমি আমার লাভ ও ক্ষতি বলিয়া মনে করিতেছি ও চিরকাল করিব। ঈশ্বর পরিত্যক্ত ও কুকর্ম্মান্বিত এই দারা সৌকোপৌত্তলিক হিন্দুর গোলাম, ভক্ত বিশ্বাসীর শত্রু। ইহার বিনাশের পর তোমার প্রতি আমার রূপা আরো বর্দ্ধিত হইবে। আমি নিরাবিল মনে তোমার প্রতি আমার অঙ্গীকার সততই রক্ষা করিব ; অর্থাৎ সাম্রাজ্য অধিগত হইলে তুমি পাজাব, কাশ্মীর এবং সিন্ধুদেশ গ্রহণ করিয়া

এই তিন প্রদেশের সম্মিলনে যে বৃহৎ রাজ্য সংঘটিত হইবে তাহাতে একাধিপতি নৃপতি হইবে, তাহাতে আমি কিছুমাত্রও আপত্তি করিব না ; বরং ঐ রাজ্য রক্ষার জন্ত প্রয়োজন হইলে আমি যথাসাধ্য তোমার সহায়তা করিব। তুমি তোমার রাজ্যে স্বাধীন নৃপতির ধ্বজা উত্তোলন করিবে, নিজ নামাক্রিত মুদ্রা প্রচলন করিবে ; এবং নিজ নামে খোদবা প্রচারিত করিবে। অবশ্যস্তাবী ধর্ম্মযুদ্ধে জয়লাভ করিলে আমাদের হস্তে যে সকল ধনরত্নাদি মূল্যবান বস্তু, দাস, দাসী, অশ্ব, গবাদি যে সকল জীব, এবং যুদ্ধের যে সকল উপকরণ পতিত হইবে, তাহার এক তৃতীয়াংশ তোমাকে দিব এবং অবশিষ্ট আমি গ্রহণ করিব। আমি কোরাণ শরিফ শিরে ধারণ করিয়া এবং আল্লাতালার ও পয়গম্বরকে সাক্ষী করিয়া লিপি যোগে এই সকল অঙ্গীকার করিতেছি। পয়গম্বর যেমন খোদার প্রত্যাদেশে বিশ্বাস স্থাপন করিয়াছিলেন, তুমিও তেমনি আমার এই প্রতিজ্ঞাপত্রে বিশ্বাস স্থাপন করিও। ধর্ম্মের কণ্টক এবং গাজীর চক্ষুশূল পৌত্তলিক দারা বিনষ্ট হইলে এবং রাজ্য নিরাময় হইলেই তুমি তোমার স্বরাজ্যে সিংহাসন স্থাপন করিও ; আমি আপত্তি করিব না এবং কাহাকেও আপত্তি করিতে দিব না।

আমি অউরঙ্গজেব হইতে সবার্হীনী যাত্রা করিয়া সত্বরেই নর্ম্মনা উদ্ভীর্ণ হইব ; তুমিও তোমার সৈন্য সামন্ত লইয়া অভিযান আরম্ভ কর, যেন বড়মণ্ডলের নিকট তুমি কোন স্থানে আমরা মিলিত হইতে পারি।”

অউরঙ্গজেব তাঁহার পুনঃপুনরুচ্চারিত অঙ্গীকার কতদূর রক্ষা করিয়াছিলেন এবং তাঁহার “প্রাণাধিক প্রিয়” কনিষ্ঠ ভ্রাতা মুরাদ তাঁহার অপরিমিত স্নেহের কি প্রকার নিদর্শন পাইয়াছিলেন, তাহা ঐতিহাসিকগণই লিখিয়া গিয়াছেন।

শ্রীদ্বিজেন্দ্রনাথ নিয়োগী।

হাজং জাতির বিবরণ ।

সুসঙ্গ পরগণা ময়মনসিংহ জিলার অন্তর্গত ; ইহা ময়মনসিংহের উত্তর পূর্বাংশে বঙ্গদেশের শেষ সীমায় অবস্থিত । গারো পাহাড় পূর্বে সুসঙ্গের অন্তর্ভুক্ত ছিল ; পরে ভারতগবর্ণমেন্টের ১৮৬৯ খৃঃ অব্দের ২২ আইনানুসারে ইহা আসাম প্রদেশের অন্তর্ভুক্ত হওয়ায় বর্তমান সময় গারো পাহাড়ই সুসঙ্গের উত্তর সীমারূপে পরিণত হইয়াছে । এই গারো পাহাড়ের সাহুদেশের সমস্ত্রপাতে নিম্নভূমিতে একপ্রকার অর্ধসত্য জাতির বাস আছে ; ইহারা হাজং নামে অভিহিত হইয়া থাকে । এই জাতি

ময়মনসিংহ ব্যতীত অন্য কোন স্থানে নাই । ইতঃপূর্বে ইহারা সেরপুরের অন্তর্গত করইবাড়ীর অধিবাসী ছিল । হাজংদিগের মধ্যে একপ্রবাদ প্রচলিত আছে যে, ইহাদের আদিম বাসস্থান উত্তর পশ্চিম প্রদেশান্তর্গত আজমগড় নামক স্থানে । পূর্বে ইহারা কত্রিয় ছিল । যখন পরশুরাম কত্রিয় লোপ সাধনে উল্লত হন, তখন ইহারা প্রাণ ভয়ে ভীত হইয়া পলায়ন পূর্বক করইবাড়ীতে আসিয়া বাস করিতে আরম্ভ করে । এই প্রবাদ সম্পূর্ণরূপে ভিত্তিহীন বলিয়াই অনুমান হয় । সুসঙ্গ রাজ্য

পূর্বে অধিকাংশ স্থলেই গভীর অরণ্যানী দ্বারা পরিবৃত্ত ছিল ; নিশিযোগে পার্শ্বভূমি হইতে নানাধিবারণ্য জন্তু আসিয়া কেন্দ্রের শস্যাদির অপচয় করিত

ও নানারূপ উপদ্রব করিত । গারো পর্বতের পাদদেশে লোকালয় স্থাপিত হইলে এই সমস্ত উপদ্রব নিবারণ হইবে, ইহা মনে করিয়া সুসঙ্গ রাজবংশের প্রতিষ্ঠাতা পবিত্রাত্মা সোমেশ্বর ঠাকুর হইতে অধস্তন দ্বাদশ পুরুষের রাজা কিশোর সিংহ করইবাড়ী হইতে হাজংদিগকে আনাইয়া নিজরাজ্যে গারো পর্বতের পাদদেশের সমস্ত্রপাতে উপনিবিষ্ট করান ।

হাজংদিগের নাসিকা চাশা, ক্ষুদ্র ক্ষুদ্র, হনুদেশ উচ্চ, শ্রুণ ও গুলফ বিরল ; ইহারা মধ্যাকৃতি । ইহাদের মধ্যে



হাজং স্ত্রীপুরুষ ।

গৌরবর্ণ বিশিষ্ট লোকের সংখ্যা অতি অল্প পরিমাণে আছে বটে কিন্তু গাঢ় কৃষ্ণবর্ণের সংখ্যা অতি বিরল ; সুসঙ্গপা ইহাদের আকৃতি অনেকটা অগ্নাত অনার্য্য জাতীয় মনুয়েরই ঠায় ।

হাজংদিগের পুরুষগণ অলঙ্কার মাধারণতঃ হাঁটুর পরিচ্ছদ উপর পর্যন্ত বস্ত্র পরিধান করে ; অধুনা ইহাদের মধ্যে কেহ কেহ কিছু কিছু শিক্ষা লাভ করতঃ বান্দালীর ঠায় বস্ত্রাদি পরিধান করিতে এবং সাট, কোট ও নানা প্রকার বিলাস সামগ্রী ব্যবহার করিতে আরম্ভ করিয়াছে । ইহাদের স্ত্রীলোক-

গণ নিজেদের প্রস্তুত একপ্রকার বস্ত্র বঙ্গদেশের উপরি ভাগে স্তনমণ্ডলী পরিবেষ্টন করতঃ হাঁটুর নিম্ন দেশ পর্যন্ত লম্বমান ভাবে পরিধান করে । এই সমস্ত বস্ত্র প্রস্তুতের

জন্ম পূর্বে ইহারা নিজেরাই চরকা দ্বারা সূতা কাটিত ; সম্প্রতি অনেকেই বিলাতী সূতা ব্যবহার করিতে আরম্ভ করিয়াছে । স্ত্রীলোকগণ অলঙ্কারের মধ্যে সাধারণতঃ শাঁখা ও পয়ালের মালা ব্যবহার করিয়া থাকে ।

হাজংগণ মৃদুস্বভাব বিশিষ্ট ও ইহাদের কর্ণস্বর মিষ্ট ।

প্রকৃতি ।

ইহাদের পুরুষদিগের অপেক্ষা

স্ত্রীলোকগণ সাধারণতঃ অধিক

পরিশ্রম শালিনী । ধাতু রোপণ ও ছেদন, মৎস্য ধৃত করা, বস্ত্র বয়ন ও অন্যান্য গৃহ কর্মাদি স্ত্রীলোকগণই করিয়া থাকে । পুরুষগণ হলচালনা, গো-চারণ, হাট বাজার করা প্রভৃতি কার্য্য করিয়া থাকে । ইহারা অতিশয় অতিথি সেবা পরায়ণ । বাড়ী ঘর ইহারা সর্বদাই পরিষ্কার পরিচ্ছন্ন রাখে । ইহারা সাধারণতঃ শান্তিপ্রিয় ; ইহাদের মধ্যে একতার ভাব প্রবল ও কলহ বিবাদ অত্যন্ত কম । কেহ কেহ তীর ধুক ও বন্দুক চালনায় অতিশয় নিপুন ।

বাঙ্গালা ভাষা

ছেলে পেলে

হাঁস

তোমার

আমার

এই দিকে

কোন্ দিকে

কে গিয়াছে

এখনই

মা

মা দিয়াছে

বাবা দিয়াছে

আসিতেছি

হাজংদিগের ব্যবহৃত ভাষা ।

হাপাল ।

অহিস ।

তলাক ।

মলাক ।

ইংকে ।

কোন্ দিকে ।

কাই গেছে ।

এলাই ।

মাও ।


মাওরা দেছে ।

বাবারা দেছে ।

যায় যায় । ইত্যাদি ।

ইহাদের আচার ব্যবহার অনেকাংশে হিন্দুদিগের ঠায় । ইহারা হিন্দুধর্মাবলম্বী বলিয়া পরিচয় প্রদান করিয়া থাকে । ইহাদের মধ্যে ধর্ম আচার ব্যবহার খাটু ইত্যাদি ।

শাক্ত বৈষ্ণব উভয়ই বিদ্যমান আছে । ইহারা অধিকারী, বৈরাগী ও হাজং এই তিন ভাগে বিভক্ত । খড়দহ ও কালীগঞ্জ নামক স্থানের গোস্বামীগণ ইহাদের মধ্যে কাহাকে কাহাকে বৈষ্ণব মন্ত্রে দীক্ষিত করিয়া শিষ্য করেন ; এই শিষ্যগণই অধিকারী বলিয়া কথিত হয় । অধিকারীগণ হাজংদিগের পৌরহিত্যের কার্য্য করিয়া থাকে । অধিকারীগণ হলচালনা করেনা কোন প্রকার মাংস ভক্ষণ বা মদ্যপান করেনা ; ভেক ধারণ



হাজং তাঁত ।

ইহাদের ভাষা বাঙ্গলারই অপভ্রংশ । নিম্নে ইহাদের

ব্যবহৃত ভাষার ২৪টা দৃষ্টান্ত

দেওয়া গেল ।

ভাষা ।

বাঙ্গালা ভাষা

আমি যাইব না

হাজংদিগের ব্যবহৃত ভাষা ।

ময় না যাং অথবা ময় না যাবো ।

করে । অধিকারীগণ খড়দহের গোসাইগণের নিকট হইতে মন্ত্র গ্রহণ পূর্বক অন্যান্যকেও মন্ত্র প্রদান করে । অধিকারীর বংশধরগণ বৈরাগী নামে অভিহিত হইয়া থাকে । বৈরাগীগণও হলচালনা করেনা ; হরিণ কচ্ছপ প্রভৃতির মাংস ভক্ষণ করে কিন্তু হংস, কপোত ও ছাগ

মাংস ভক্ষণ করেনা; তুলসীর মালা ধারণ করে। অধিকারী ও বৈরাগী ব্যতীত অন্যান্য সকলে হাজং নামে অভিহিত হয়। ইহারা হলচালনা করে, মাংস খায়। কুকুট মাংস ভক্ষণ করে না। কিন্তু বন্য বরাহের (গৃহ-পালিত বরাহের নয়) মাংস ভক্ষণ করিয়া থাকে। হিন্দু বলিয়া পরিচিত হওয়ায় গোমাংস যে ইহাদের সকলেরই অভক্ষ্য তাহা বলাই বাহুল্যমাত্র। অধিকারী বৈরাগী ও হাজং সকলেই মৎস্য ভক্ষণ করিয়া থাকে; শুধু মৎস্য ইহাদের অতীব প্রিয় খাদ্য। শাক্তগণ মাংস ভক্ষণ করিয়া থাকে ও কামাখ্যা দেবীর পূজা করিয়া থাকে। হাজংদিগের স্ত্রীলোকগণ পুরুষদিগের উচ্ছৃষ্ট ধোত করে না। অধিকারী ও বৈরাগীগণ হাজংদিগকে মন্ত্র প্রদান পূর্বক বৈরাগী করিয়া পরে তাহাদের কন্যা বিবাহ করিতে পারে কিন্তু এরূপ বিবাহ সুসঙ্গের রাজ-পরিবারের অনুমতি লইয়া প্রায়শ্চিত্তাদি করিয়া করিতে হয়। প্রায়শ্চিত্ত স্বরূপ কন্যাকে গঙ্গোদক পান করায় ও তাহার কেশ অল্প পরিমাণে ছেদন করতঃ তাহাকে বৈরাগী করিয়া লয়।

হাজং দিগের মধ্যে কন্যা সন্তানের বিবাহ সাধারণতঃ

৮ হইতে ১২ বৎসরের মধ্যেই বিবাহ।

হইয়া থাকে। পুরুষদিগের

বিবাহের কোন নির্দিষ্ট বয়স নাই। বিবাহ পিতামাতা বা অপর কোন আত্মীয় কর্তৃক স্থিরীকৃত হয়। যে গ্রামের যে ব্যক্তির কন্যার সহিত বিবাহের প্রস্তাব উপস্থিত হয়, বরের পিতা বা অপর কোন আত্মীয় ঐ গ্রামে যাইয়া কন্যার ও তাহার বংশাদির সমস্ত বিবরণ সংগ্রহ করে। তৎপর উভয় পক্ষের বিবাহ দেওয়ার ইচ্ছা থাকিলে ঐ গ্রামের কোন লোক মধ্যবর্তী হইয়া বিবাহ সম্বন্ধ স্থির করিয়া দেয়। হাজংদিগের মধ্যে যে সমস্ত কন্যা বস্ত্র বয়ন কার্যে নিপুণা তাহারাই সাধারণতঃ বিবাহে পছন্দনীয় ও নির্বাচিত হইয়া থাকে; এই কারণে কন্যাসন্তানদিগকে শৈশবকাল হইতেই সূতা কাটা ও বস্ত্র বয়ন কার্যে শিক্ষা করিতে হয়। ইহা একটা অতীব সুন্দর প্রথা। হাজংদিগের স্ত্রীলোকগণ প্রায়ই নিজেদের প্রস্তুত বস্ত্র পরিধান করে। সুসঙ্গে আসিবার পূর্বে করই

বাড়ীতে অবস্থান কালে যে গ্রামে বাস করিত বর ও কন্যা পক্ষের পূর্ব পুরুষগণ যদি সেই এক গ্রাম বাসী হয়, তাহা হইলে বিবাহ হইতে পারে না; ভিন্ন গ্রামবাসী হইলে বিবাহ হয়। হাজংদিগের মধ্যে বর পক্ষ কন্যা পক্ষকে পণ প্রদান করে। এই পণের পরিমাণ পূর্বে ৩০৪০ টাকার অধিক ছিল না; অধুনা বৃদ্ধি পাইয়া :০০।১৫০ পর্য্যন্ত হইয়াছে। বিবাহের প্রস্তাবে উভয় পক্ষ সম্মত হইলে কন্যাপক্ষ তাহার গ্রামের কতিপয় লোককে ও পাত্র পক্ষের লোকদিগকে কিছু কিছু পান শুপারি ও চিনি দিয়া বিদায় করে। তৎপর ঐ রাত্রিতে উভয় পক্ষ কোন স্বপ্ন দর্শনের আশায় নিশি যাপন করে। কোন প্রকার স্বপ্ন না দেখিলে অথবা কোন সুস্বপ্ন দেখিলে বিবাহ হওয়ার পক্ষে আর কোন বিঘ্ন থাকেনা, কিন্তু কোনরূপ কুস্বপ্ন দেখিলে বিবাহ প্রস্তাব ভঙ্গ হইয়া যায়। এইরূপ স্বপ্নদর্শনের পর যদি বিবাহ সম্বন্ধ স্থিরীকৃত হয়, তাহা হইলে বিবাহের জন্ম একটা শুভ দিন স্থির হয়। বিবাহের পূর্বে একদিন পূর্কোপেক্ষা অধিক পরিমাণে ধৈ, দধি, পান, চিনি, শুপারী ইত্যাদি সহ পাত্র পক্ষীয় বহু স্ত্রীলোক ও পুরুষ পাত্রীর বাড়ী গিয়া ঐ গ্রামস্থ লোক দিগকে খাওয়ায়। সেই দিবস বিবাহে কত টাকা পণ দিতে হইবে তাহার পরিমাণ ঠিক হয়। যে দিন বিবাহ সম্বন্ধ স্থির হয়, ঐ দিন কন্যাকে বস্ত্রালঙ্কারে ভূষিতা করতঃ সকলকে আনিয়া দেখায় ও প্রণাম করায়। বিবাহের পূর্বদিবস অধিবাস হয়। অধিবাসের দিবস পাত্রের বাড়ীতে সত্যনারায়ণের সেবা হয় ও গ্রামস্থ লোকদিগকে খাওয়ায়। বিবাহের দিবস প্রত্যবে এক খানা পাকী ও বাগ্গাদি সহ কতিপয় পুরুষ ও স্ত্রীলোক (এই স্ত্রীলোকদিগকে হাজংগণ তাহাদের প্রচলিত ভাষায় 'আইরো' বলিয়া থাকে) পাত্রীর বাড়ীতে গমন করে। তথায় গেলে পাত্রীর অভিভাবকগণ ইহাদিগকে খাওয়ায়। তৎপর পণের সমস্ত টাকা দিয়া কন্যাকে স্নান ও ক্ষৌরকর্ম করাইয়া ঐ গ্রামস্থ অন্যান্য লোকজন সহ পাত্রের বাড়ীতে লইয়া যায়। ইহারা পাত্রের বাড়ীতে গিয়া বহির্কীর্টিতে অপেক্ষা করে, অন্তঃপুরে প্রবেশ করিতে পারেনা! পাত্রীর বাড়ী হইতে যে সমস্ত লোক আসে, তাহাদিগকে প্রচলিত

ভাষায় 'দারুলী' বলে। পাত্রী পক্ষীয় লোকজনদিগকে পাত্রের বাড়ীতে আসিয়ে আহারাদি প্রদান পূর্বক অভ্যর্থনা করে ও সধবা স্ত্রীলোকদিগকে তৈল, সিন্দূর ও পান প্রদান করে। পাত্রের বাড়ীর বহিঃপ্রাঙ্গণে একটা মণ্ডপ প্রস্তুত হয়; এই মণ্ডপে বর আনীত হইলে 'আইরোগণ' কণ্ঠ্যকে স্নান করাইয়া নূতন বস্ত্র পরিধান করায় এবং তৎপর কণ্ঠ্যকেও বিবাহ মণ্ডপে লইয়া যায়; পাত্রী বিবাহ মণ্ডপে আনীতা হইলে পাত্রের কনিষ্ঠা ভগ্নী অথবা দাতু-পুত্রী আসিয়া তাহার পদপ্রক্ষালন করিয়া দেয়। পাত্রের পিতা অথবা অন্য কোন অভিভাবক পাত্রীকে যে সমস্ত অলঙ্কারাদি প্রদান করিতে ইচ্ছা করে, তাহা কোন একটা পাত্রে স্থাপন পূর্বক এই সময় পাত্রীর সম্মুখে উপস্থিত করে; পরে ঐ অভিভাবকের স্ত্রী আসিয়া পাত্রীকে সিন্দূরাদি দিয়া ঐ সমস্ত অলঙ্কারাদি পরিধান করায়। তৎপরে দারুলীগণের মধ্যে দুই জন পুরুষ আসিয়া এক খানা পিঁড়ির উপরে বসাইয়া কণ্ঠ্যকে বরের চতুর্দিকে সাতবার প্রদক্ষিণ করাইয়া বর ও কণ্ঠ্যর বস্ত্রের অগ্রভাগ দ্বয় গ্রহিবদ্ধ করিয়া দেয় এবং তাহাদের উভয়ের হস্ত অগ্ণোত্তপরি স্থাপন করতঃ স্বীয় স্বীয় অবস্থানুসারে যাহার যাহা দিবার ইচ্ছা হয় তাহা তাহাদিগকে প্রদান করে এবং ধাতু দুর্কা দ্বারা আশীর্বাদ প্রদান করে। পরে বস্ত্রগ্রহি খুলিয়া দেয়, এই সময়ও সকলেই আবার কিছু কিছু বর ও কণ্ঠ্যকে প্রদান করে। বস্ত্রগ্রহি খুলিয়া দেওয়ার পর বর ও কণ্ঠ্যকে আনিয়া সকলকেই প্রণাম করায় ও দেখায়। তৎপর সমস্তকে আহারাদি প্রদান করে। বিবাহের পর একদিন পাত্রপক্ষ কণ্ঠ্যপক্ষীয় লোকদিগকে নিমন্ত্রণ করিয়া খাওয়ায় এবং তাহার পর আবার আর একদিন কণ্ঠ্যপক্ষও পাত্রপক্ষীয় লোকদিগকে নিমন্ত্রণ করিয়া খাওয়ায়। এই দিবস বর ও নবপরিণীতা বধূসহ যায় ও তথায় সিন্দূর, কাপড় ও অর্থ প্রাপ্ত হয়। এই প্রকারে ইহাদের বিবাহ ব্যাপার নির্বাহ হইয়া থাকে। ইহাদের মধ্যে কোন কোন স্থলে বিধবা বিবাহ ও বহু বিবাহেরও প্রচলন আছে। বিবাহের পর যদি কোন স্ত্রীলোকপর পুরুষগণ হইয়া তবে তাহার স্বামীকে ত্যাগ করতঃ প্রায়শ্চিত্ত করিয়া এবং সুসঙ্গ রাজপরিবারের অমুমতি

লইয়া ঐ পুরুষকে গ্রহণ করিতে বাধ্য হয়। ইহাকে প্রচলিত ভাষায় 'দাইমারা' বলে। এরূপ স্থলে তাহার স্বামী পত্নাস্তর গ্রহণ করিতে পারে। ইহাদের বিবাহ সন্ধ্যার সময় গোধূলি লগ্নে হইয়া থাকে।

কোন ব্যক্তির মৃত্যু হইলে গ্রামস্থ সকল লোককে ডাকিয়া মৃত ব্যক্তিকে তিল ও তুলসী সহ জল দ্বারা স্নান করাইয়া নববস্ত্র পরিধান করায়। তৎপরে সংকীর্ণন করিতে করিতে শ্মশান ঘাটে লইয়া যায়। তথায় পুত্র অথবা অপর কোন আত্মীয় মুখ অগ্নি করিয়া বাড়ীতে চলিয়া আসে এবং মৃত ব্যক্তির পরিহিত বস্ত্রদ্বারা ধরা গ্রহণ করে; এই দিবস ঐ ব্যক্তি অনাহারে থাকে, পরদিন ভালধাতুদ্বারা ঐ প্রস্তুত করতঃ রাত্রে সমস্ত নিদ্রাভিত্ত হইলে একটা অলাবু নির্মিত পাত্রে করিয়া জল আনয়ন পূর্বক গৃহের কোন এক নিভৃত কোণে বসিয়া নিঃশব্দে তাহা ভক্ষণ করে; আহারের সময় যদি কোন ব্যক্তি, এমন কি কোন পশু পক্ষী হঠাৎ কোন প্রকার শব্দ করে, তাহা হইলে আর আহার করিতে পারে না। তৎপর দিবস পূর্বোক্তরূপে অলাবু নির্মিত পাত্রে করিয়া জল আনয়ন করতঃ একটা নূতন হাঁড়িতে অন্ন প্রস্তুত করে। রন্ধনাদি ক্রিয়ার জন্ত শ্মশান ঘাট হইতে আসিবার সময় খড় দ্বারা একটা লম্বা বেণী প্রস্তুত করতঃ তাহাতে অগ্নি প্রজ্জ্বলিত করিয়া লইয়া আইসে। এই আগুন নিভিয়া গেলে আবার নূতন অগ্নি জ্বলাইয়া রন্ধনাদি করিতে পারে না। কেহ কেহ ৩ দিন অথবা ১০ দিন অশোচ ধারণ করে। অশোচ ধারণ কালে ইহারা নিরামিষ ভক্ষণ করে, পান ভোম্বাক খায় না, বড়ের বিচালির উপর নিদ্রা যায়। যাহারা ৩ দিনের পর শ্রাদ্ধ করে, তাহারা প্রথম দিবসেই তিন বেলা তিনটা নূতন পাতিল পোড়ায়; আর যাহারা ১০ দিবস পর শ্রাদ্ধ করে, তাহারা তিন দিনে তিনটা নূতন হাঁড়ি পোড়ায়। ইহারা শ্রাদ্ধের দিবস মস্তকমুণ্ডন করতঃ ধরা ত্যাগ করে ও নূতন বস্ত্র পরিধান করে। শ্রাদ্ধের দিবস কোন একটা পরিষ্কৃত ভূমিতে তিল ও তুলসীসহ একটা নূতন জলপূর্ণ ঘট স্থাপন করিয়া তাহার উপর জল ও পয়সা দেয় এবং অধিকারীকে দক্ষিণা প্রদান করতঃ

প্রণাম করে ; পরে বাড়ী আসিয়া সত্যনারায়ণের সেবা দেয় ও সংকীর্তন করায় । শ্রাব্দের দিবস নিজে মৎস্ত খায়না কিন্তু অন্নাচ্ছ লোক মাছ মাংস খায় এবং অধিকারীর চরণামৃত পান ও প্রসাদ ভক্ষণ করে । শ্রাব্দের পরদিবস মহোৎসব করে ও শক্ত অন্নসারে দান দক্ষিণাদি করিয়া থাকে । শ্রাব্দের ও বিবাহাদিতে অধিকারীগণই পৌরোহিত্য করিয়া থাকে ।

ইহাদের কোন আত্মীয়ের বাড়ীতে নিমন্ত্রণ হইলে নিমন্ত্রিত ব্যক্তিগণ নিজ নিজ আহাৰ্য্য দ্রব্য (ঠৈ, দধি ইত্যাদি) সঙ্গে লইয়া যায় ও পয়সা দেয়, কিন্তু অপরিচিত ব্যক্তিগণ আহাৰ্য্যের দ্রব্যাদি সঙ্গে লইয়া যায়না এবং পয়সাও দেয়না । শ্রাব্দের নিমন্ত্রণে কেহই পয়সা দেয়না ।

গারোপাহাড় যখন সুসঙ্গরাজ্যের অন্তর্ভুক্ত ছিল, তখন সুসঙ্গের রাজপুরুষগণ প্রায় অন্নাচ্ছ জাতব্য বিষয় । প্রতিবৎসরই উক্ত পাহাড়ে খেদাকরিয়া অনেক হস্তীধৃত করিতেন । এই খেদার কার্য্যে হাজংগণই কুলীর কার্য্য করিত । এই উদ্দেশ্যে ইহারা 'রায়ত' ও 'ওয়াল্লা' এই দুই ভাগে বিভক্ত ছিল ; সাধারণতঃ রায়তগণই কুলীর কার্য্য করিত ; এই কারণে ইহারা যে সমস্ত জমি ভোগ করিত তাহার কোন কর গ্রহণ করা হইত না ; ওয়াল্লাদিগকে অতি সামান্য পরিমাণে করদিতে হইত । রায়তদিগের মধ্যে কুলী না পাওয়া গেলে সময় সময় ওয়াল্লাগণ দ্বারাও কুলীর কার্য্য নির্বাহ হইত । হাজংদিগের প্রত্যেক গ্রামে অথবা ২ । ৩টা গ্রাম লইয়া এক এক জন মণ্ডল থাকিত । মণ্ডলদিগকে সংবাদ প্রদান করিলেই তাহারা কুলী সংগ্রহ ও অন্নাচ্ছ আবশ্যক সমস্ত কার্য্যাদি সম্পাদন করিত । হাজংগণ গ্রামের মণ্ডলের উপর এতদূর নির্ভর করিত যে ইহাদের কাহারও পিতার নাম জিজ্ঞাসা করিলে বলিত আমি জানিনা, মণ্ডল জানে । অবশ্য এখন শিক্ষা বিস্তারের সঙ্গে সঙ্গে এ অবস্থার বহুল পরিবর্তন সাধিত হইয়াছে । পূর্বে সুসঙ্গের রাজপুরুষগণ জালদ্বারা ব্যাজ্র, হরিণ প্রভৃতি আবদ্ধ করতঃ শিকার করিতেন । ইহা অতীব কৌতূকাবহ ও বিপদসঙ্কুল বলিয়া ইহাতে যথেষ্ট সাহসের আবশ্যক ছিল । এই সমস্ত কার্য্যেও হাজংগণ জাল ও কুলী সরবরাহ

করিত । সুসঙ্গরাজ পরিবারস্থ কেহ কোন স্থানে যাতায়াত করিলে হাজংগণ ভারবাহীর কার্য্য করিত । ইহারা রাজবাড়ীতে বৎসরের অনেক সময় প্রহরীর কার্য্যও করিত ।

বিগত কতিপয় বৎসর অতীত হইল ইহাদের মধ্যে কেহ কেহ সামান্য পরিমাণে শিক্ষালাভ করতঃ পূর্বে-ল্লিখিত কার্য্যাবলী ঘণিত ও অপমান সূচক মনে করিয়া ঐ সমস্ত কার্য্যত্যাগ করিয়া রাজপরিবারের বিরুদ্ধে বিদ্রোহ ভাবাবলম্বন করিয়াছিল । ইহাদের দখলীয় ভূমির পরিমাণ ও স্বত্ব সাব্যস্ত হইয়া কর ধার্য্য হওয়ার এখন ইহারা ইহাদের ভূমির জন্ম রীতিমত কর প্রদান করিতেছে । গারো প্রভৃতি অনেক অসভ্য জাতি আঙ্গ কাল বহু পরিমাণে খৃষ্টধর্ম্মাবলম্বন করিতেছে, কিন্তু অতীব বিশ্বাসের বিষয় এই যে, আজ পর্য্যন্ত হাজংদিগের মধ্যে একজনও স্বীয়ধর্ম্মত্যাগ পূর্বক অপর কোন ধর্ম্মাবলম্বন করে নাই । দীপাবিতার সময় হাজংগণ নানারূপ বেশ-ধারণ করতঃ রাজবাড়ীতে ও অন্নাচ্ছ ভদ্রলোকের বাড়ীতে রামরাবণের যুদ্ধ প্রভৃতি প্রদর্শন পূর্বক ও রাম মঙ্গল ও অন্নাচ্ছ গান করিয়া পয়সা আদায় করে ; ইহাকে প্রচলিত ভাষায় 'চরমাগা' বলে । এইরূপ তামাসা দেখাইয়া ও গান করিয়া যে অর্থলাভ করে তাহা দ্বারা বাস্তব পূজা ও মহোৎসবাদি করিয়া থাকে ।

সুসঙ্গে গারো পাহাড়ের পাদদেশে হাজংদিগের গ্রাম আর একপ্রকার অর্দ্ধসভ্য জাতির বাস আছে ; ইহা-দিগকে বানাই বলে । ইহাদের আচার ব্যবহার অনেকাংশে হাজংদিগেরই গ্রাম, কিন্তু বানাইগণ কুকুট ও শূকরের মাংস ভক্ষণ করিয়া থাকে । গোমাংস ভক্ষণ করে না । হাজংদিগের ও বানাইদিগের মধ্যে ষণ্ডের ক্লীবত্ব সম্পাদন করিবার প্রথা আছে ; ইহা তাহারা দোষ বলিয়া মনে করে না । ইহাদের মধ্যে সতীত্বের ভাবও খুব প্রবল বলিয়া মনে হয়না । হাজংগণ হিন্দুদিগের গ্রাম নবান্নশ্রদ্ধ করিয়া থাকে ; এই সময় ইহারা মণ্ডপানও করিয়া থাকে । হাজংগণ অত্যধিক পরিমাণে মণ্ডপায়ী নয় ।

শ্রীদ্বিজেন্দ্রচন্দ্র সিংহ শর্ম্মণঃ ।


অশ্রু-জল

সুবিমল প্রাতে বিধি একদিন বসি কল্প তরুমূলে,
 দিক্‌দূত গনে নিকটে ডাকিয়া, আদেশ করিলা ছলে।
 “মম প্রয়োজনে যাও মর্ত্য ভূমে, নিশ্চল পবিত্র যাহা
 এমর জগতে, আমার নিকটে আনিয়া দেখাও তাহা।”
 আজ্ঞা মাত্র তাঁর দূত ছয় জন, চৌদিকে ছুটিয়া গেলা;
 পূর্বে পশ্চিমে, উত্তরে দক্ষিণে, উর্ধ্বে অধেঃ মিশাইলা।
 নিমেষ ভিতরে ঘুরি দশদিক্‌, আসি দিক্‌ দূতগণ,
 শির লুটাইয়া করিলা বন্দনা, বিধাতার শ্রীচরণ।
 হাসি কন প্রভু—‘কোন দ্রব্য কেবা এনেছ দেখাও মোরে,’
 একে একে সব যে যাহা আনিলা, দেখাইলা বিধাতারে।
 কেহ তীর্থ রেণু, কেহ গঙ্গাজল, কুসুম, কেহ চন্দন,
 ঋশান মৃত্তিকা রাখিলা সম্মুখে, এইরূপে পঞ্চজন।
 বাকি একজন বিনীত বচনে কহিলা বিধিরে—ভব।
 ব্রহ্মাণ্ড ঘুরিয়া না পাইলু কিছু, পূজিতে চরণ তব।
 তীর্থ কলঙ্কিত, কীট দষ্ট ফুল, কলুষিত গঙ্গাজল,
 পবিত্র ঋশানে পিশাচের বাস, কিছু নাই নিরমল।
 ভ্রমিতে ভ্রমিতে, কোন স্থানে দেখি, মহাপাপী একজন,
 আত্মকৃত পাপে মনের সস্তাপে তুষানলে দহে মন।
 আপনার দেহ দশনে কাটিছে, কভুবা হানিছে শির ;
 কতক্ষণ পরে শাস্ত মূর্ত্তি ধরে, করিলেক মন স্থির।
 মহাঝড় শেষে স্তবধ প্রকৃতি, বিধি প্রেমে মাতোয়ারা,
 লইতে তোমার শাস্তিময় নাম, নয়নে বহিল ধারা।
 এক্ষুদ্র বুদ্ধিতে এর চেয়ে কিছু নাপাইলু নিরমল ;
 মধুপের বেশে এনেছি হরিয়া, প্রেমিকের অশ্রুজল।”
 বলিতে বলিতে, তিতিল নয়ন, কাঁদিলা সে অশ্রুচর,
 শাস্তির আবাসে কাঁদে পশু পাখী, কল্প বৃক্ষে বহে ঝড়।
 কহিলা বিধাতা, “—দাও মোর মাথে, প্রেমিকের অশ্রুজল,
 এর চেয়ে কিছু নাহি এ সংসারে, সুপবিত্র নিরমল।”

শ্রীচন্দ্রকুমার দে।

নিজামুদ্দীন আউলিয়ার দরগা।

ময়মনসিংহ জিলার কেলা বোকাই নগর একটি পরি-
 চিত স্থান। সহর হইতে ইহা ১৩ মাইল পূর্বে অবস্থিত।
 এক দিন যে স্থান ধনে, জুনে, ঐশ্বর্য্যে ও সত্যতায় শ্রেষ্ঠ
 ছিল এক্ষণ তাহার সে শোভা সমৃদ্ধি বিদূরিত হইয়াছে।
 সেই প্রাচীনতার নিদর্শন স্বরূপ মৃত্ত প্রাচীর, গৃহ ভিত্তি,
 সেতু প্রভৃতি দুর্গের কঙ্কাল চিহ্ন অত্মাপিও বর্তমান আছে।
 খ্রীষ্টিয় ষোড়শ শতাব্দীর শেষভাগে মোগলরাজ এই স্থানে
 একটা দুর্গ নিৰ্ম্মাণ করেন, এমত জানা যায়। তখন
 ব্রহ্মপুত্র নদ এই স্থানের সন্নিকট দিয়া প্রবাহিত হইত।
 সেই জন্ত বোধ হয় এই স্থান দুর্গ স্থাপনের জন্ত নির্বাচিত



নিজামুদ্দীন আউলিয়ার সমাধি।

হইয়াছিল। এই দুর্গ মধ্যে নিজামুদ্দীন আউলিয়া নামক
 এক সিদ্ধ পুরুষের সমাধি অবস্থিত। কোন্‌ সময়ে ইহা
 নিৰ্ম্মিত হয় তাহা নিরূপণ করা কঠিন। স্থানীয় লোক
 মুখে ঐত হওয়া যায় যে, এই স্থানে সিদ্ধ পুরুষ নিজামুদ্দীন
 আউলিয়া আগমন করিলে তাঁহার স্মৃতি রক্ষার্থ একটা
 আস্তানা (আশ্রম) স্থাপিত হয়। উহাই দরগা নামে
 পরিচিত। নিজামুদ্দীন আউলিয়া আপন কার্য্যান্তে দিল্লী
 অঞ্চলে গমন করেন এবং সেখানেই সমাধিস্থ হন। তিনি
 ধর্ম্মপ্রচার উদ্দেশ্যেই এতদ্দেশে আগমন করেন। আমরা
 যে কবরটি দেখিতে পাই তাহাতে নিজামুদ্দীন আউলিয়ার
 দেহ রক্ষিত নাই বলিয়া প্রকাশ। কেবল তাঁহার স্মৃতি

রক্ষার্থই কবরাকারে গঠিত হইয়াছিল। তিনি বহু কোচ মেচ জাতিকে ইসলাম ধর্মে দীক্ষিত করেন। পূর্বে পরগণা ময়মনসিংহ প্রভৃতি স্থানে কোচ মেচ জাতির বসবাস অধিক ছিল। এমন কি বোকাইনগরেও একটি শক্তিশালী কোচ রাজা বাস করিতেন। কালক্রমে কোচদিগের রাজত্বের অবসান হইলে ক্রমে মোগল আধিপত্য স্থাপিত হয়। এখনও কোচদিগের বৃহৎ দীর্ঘিকাগুলি অতীত যুগের সাক্ষ্য দিতেছে। নিজামুদ্দীন আউলিয়ার এই সমস্ত অসভ্য জাতিকে ইসলামধর্মে দীক্ষিত করতঃ নূতন সভ্যতালোকে আনয়ন করা অসম্ভব নহে।

এই মহাপুরুষ কোন সময় উদ্ভূত হইয়াছিলেন তাহা আলোচনা করা কর্তব্য। দিল্লীতে সমাধিস্থ নিজামুদ্দীন আউলিয়া একজন প্রসিদ্ধ ব্যক্তি ছিলেন। ইনি বদাওন জেলায় ১২৩৬ খৃঃ অঃ জন্মগ্রহণ করেন। ইনি সফরগঞ্জের সেখ ফকিরউদ্দীনের শিষ্য এবং সৈয়দ আশ্রদের পুত্র। মুসলমান সম্প্রদায় মধ্যে নিজামুদ্দীন আউলিয়া বিশেষ শ্রদ্ধাভাজন এবং বিখ্যাত সাধু বলিয়া পরিচিত ছিলেন। খ্যাতনামা কবি আমীর খস্র গুরু বলিয়া নিজামুদ্দীন আউলিয়া জনসমাজে আরও খ্যাতিলাভ করেন। আমির খস্র বাহলীক দেশ হইতে ভারতের উত্তর পশ্চিমে পাতিয়ালা নগরে আসিয়া বাস করেন। যখন সম্রাট গায়েসউদ্দীন তোঘলক ভারতের সিংহাসন উজ্জ্বল করিতেছিলেন, সেই সময় আমীর খস্র “তোঘলক নামা” ইতিহাস প্রণয়ন করেন। তিনি সর্বসমেত ৯৯ খানি গ্রন্থ লিখেন, এমত প্রমাণ পাওয়া যায়। শিষ্যের মৃত্যুর ৬ মাস পূর্বে ১৩২৫ খৃঃ অঃ গয়াসপুরে (পুরাতন দিল্লী) সিদ্ধ পুরুষ নিজামুদ্দীন আউলিয়া ইহলীলা সম্বরণ করেন। ধর্মপ্রচারের উদ্দেশ্যে এই ব্যক্তির বোকাই নগরে আগমন অসম্ভব নয়।

দিল্লী নগর হইতে ৮ মাইল পশ্চিমে নিজামবাদ নামক স্থানে আর এক নিজামুদ্দীন আউলিয়ার কবর দৃষ্ট হয়। এই কবরের উপর পারস্য ভাষায় খোদিত ১৫৬১ খৃষ্টাব্দের শিলালিপি দেখা যায়। এইরূপ প্রবাদ যে, ঐ নিজামুদ্দীন হইতেই এই নগরের নাম ‘নিজামবাদ’ হইয়াছে। এই ব্যক্তিই বোকাইনগরে আসিয়াছিলেন কিনা কে বলিতে পারে? ইতিহাস আলোচনায় দেখা

যায়, খৃষ্টিয় ষোড়শ শতাব্দীর শেষ কিম্বা মধ্যবর্তী সময়ে ৩৬০ জন আউলিয়া (সাধু) পদ্মানদী পার হইয়া পূর্ব বঙ্গের দিকে আগমন করেন। শ্রীহট্ট পর্য্যন্ত বিস্তৃত স্থানের প্রায় পরগণায়ই এক এক জন ‘আউলিয়ার’ সমাধি দেখা যায়। ইহারা ইসলাম ধর্ম প্রচারার্থই এতদঞ্চলে আগমন করেন।

পূর্বোক্ত নিজামুদ্দীন আউলিয়ার সহিত শেষোক্ত নিজামুদ্দীনের অনেক দিনের পার্থক্য হইয়া পড়ে। এক্ষণে কোন ব্যক্তি বোকাই নগরে আসেন তাহা অনুমানের উপর স্থির করা কঠিন। অধিবাসিগণের নিকট হইতে এই সম্বন্ধে কোন স্পষ্ট (সন্তোষ জনক) বিবরণ পাওয়া যায় না। আমরা বোকাই নগরের সন্নিহিতে একটি নিজামাবাদ গ্রামও দেখিতে পাই। ইহা হইতে কতকটা শেষোক্ত ব্যক্তিকে অনুমান করা যায়। এইরূপ দরগা এতদ্দেশে আরও দেখিতে পাওয়া যায়। কোন কোন দরগার নিয়ম প্রণালীর সহিত ইহার নিয়মের ঐক্য হয় কিন্তু ঐ সমস্ত দরগার ইতিহাস ও এরূপই তমসাক্ষর।

বোকাইনগরের সমাধিক্ষেত্র এ অঞ্চলের একটি পবিত্র স্থান বলিয়া খ্যাত। কালের আবর্তনে সমাধিটা নষ্ট হইয়া যাইবার উপক্রম হওয়ায় ইহার পুনঃ সংস্কার হইয়াছে। সমাধিটা প্রাচীর বেষ্টিত; প্রাচীর প্রাচীরের কতকাংশ ও আলো দিবার প্রাচীন পাকা স্তম্ভটা বিচ্যমান আছে। প্রতিদিন দরগার জন্ত নিযুক্ত ফকির সঙ্ঘার সময় আলো দিয়া থাকে। বেষ্টিত প্রাচীরটির দৈর্ঘ্য ১৫ হাত এবং প্রস্থ ১০ হাত। এই দরগাটিকে যে কেবল মুসলমানগণ সম্মান করিয়া থাকেন এমন নহে, হিন্দুগণও যথেষ্ট সম্মান প্রদর্শন করেন। নেষ্টনীর মধ্যে হিন্দু মুসলমান সকলেই সম্মনার্থ কুর্ণীণ করিয়া থাকেন। সমাধির দক্ষিণ ভাগে বহুকালের একটি কূপ আছে। উহার জল এখনও ব্যবহৃত হইয়া থাকে। কতকগুলি শ্রেণীবদ্ধ বটবৃক্ষ স্থানটিকে ছায়াময় ও মনোরম করিয়া রাখিয়াছে। দরগার সম্মুখস্থ ভূমিতে প্রতিবৎসর বৈশাখ মাসের বৃহস্পতিবার ও রবিবার মেলা হইয়া থাকে।

শ্রীশৌরীন্দ্র কিশোর রায় চৌধুরী।

মুক্তি

কত গ্রহ-উপগ্রহ রবি-শশি তারা
 খচিত এ মুক্ত মহাকাশ,
 ব্যাকুল কল্পনা ফিরে হ'য়ে দিশাহারা
 অসীমের লভিতে আভাস ।
 কতটুকু এ জগৎ! ক্ষুদ্র কারাগারে
 বন্দী মোরা কাটাই জীবন ।
 বাহিরে অনন্ত বিশ্ব; রহিয়াছে দ্বারে
 অচঞ্চল প্রহরী মরণ ।
 পিঞ্জরের পাখীসম আমার অন্তরে
 জাগে তবু মুক্তির স্বপন;
 বিচিত্র-অপরিজ্ঞাত—মহা চরাচরে
 যাব নাকি টুটিয়া বন্ধন!
 জানি, মৃত্যু, একদিন আসি' শুভক্রমে
 মুক্ত করি' দিবে রুদ্ধ দ্বার;
 চির স্বাধীনতা লভি' অনন্ত ভুবনে
 বাহিরিব প্রসাদে তোমার ।

শ্রীমণীমোহন ঘোষ ।

তিব্বত অভিযান ।

গ্যাটং—এভারেফ্ট ও গোরিশঙ্কর-শৃঙ্গ ।

৫ই ডিসেম্বর আমরা গ্যাটং উপস্থিত হইলাম। পশ্চিমধ্যে সেই পর্বত, বরফ ও হাড়-ভাঙ্গা শীত। গ্যাটং প্রায় তের হাজার ফিট উপরে, কিন্তু আমাদের অগ্রবর্তী সিপাহীরা এখানে একটা কাঠের আবাসস্থান নির্মাণ করিয়াছিল বলিয়া আমরা অনেক দিবস পরে ঘরের মধ্যে শয়ন করিলাম। মনে হইল যেন নরকে ভ্রমণ করিতে করিতে সহসা স্বর্গরাজ্যে উপস্থিত হইয়াছি। ঘরের একদিকে একটা বড় লোহার পাত্রে আগুণ থাকাতে বিশেষ আরাম বোধ করিলাম। তাহার পর মহারাজ যখন পাত্রে পাত্রে গরম লুচি ও মাংস আনিয়া টেবিলের উপর রাখিল তখন মনে হইল মহারাজকে প্রাণ ভরিয়া আলিঙ্গন করি। ক্রমাগত প্রায় মাসাবধি কাল বরফের মধ্যে থাকিয়া আলুর তরকারি ও মোটা রুটি খাইবার পর যদি এইপ্রকার

গরম ঘরে গরম গরম রসনা-তৃপ্তিকর দ্রব্যাদি পাওয়া যায়, তাহা হইলে এমন ইঞ্জিয়বিজয়ী কে আছে যে আফ্লাদে উন্নত হইয়া না পড়ে?

গ্যাটং যেন—প্রাচীন কালের স্বর্গদ্বার। রায় শরচ্চন্দ্র দাস বাহাদুর তিব্বতকে পাণ্ডবদের স্বর্গরাজ্য বলিয়া উল্লেখ করিয়াছেন। আমরা তাঁহার কল্পনা শক্তির প্রশংসা না করিয়া থাকিতে পারি না তিব্বতের কয়েকটি স্থান প্রাকৃতিক সৌন্দর্য্যে অতুলনীয়। গ্যাটং ইহাদের অন্যতম। আমরা এখান হইতে হিমালয়ের যে শোভা দেখিয়াছিলাম তাহা কখনও ভুলিব না।

আমাদের বাসার ঠিক সম্মুখেই এক হ্রদ। শুনিলাম গ্রীষ্মের সময় ইহাতে অতি গভীর জল থাকে। তখন ইহার উপর বোট যাতায়াত করে। এখন কিন্তু উহা প্রায় ১১০ ফুট পুরু বরফে আচ্ছন্ন। মনে হয় যেন এই পর্বতময় স্থানে সহসা এক সুবিস্তৃত ময়দানের আবির্ভাব হইয়াছে। নৈনিভালেও এক হ্রদ দেখিয়াছি। ইহা কিন্তু তাহার অপেক্ষা অনেক বড়,—শীতকালে জন্মিয়া যায় না।

এই প্রকাণ্ড বরফের মাঠ দেখিয়া আমাদের সাহেবেরা স্কেটিং করিবার লোভ সম্বরণ করিতে পারিলেন না। সাক্ষ সজ্জা সঙ্কেই ছিল। এক ২ ছোড়া খড়ম পায়ে বাধিয়া সেই হ্রদের উপর দৌড়াইতে আরম্ভ করিলেন। আমাদের ছোট ডাক্তার বিশেষ নিপুণ বলিয়া মনে হইল। তিনি যাইতে যাইতে সমকোণ, চতুর্ভুজ, বৃত্ত, ত্রিভুজ, প্রভৃতি জ্যামিতির নানা প্রকার বিষয় সকল বেশ স্পষ্ট দেখাইয়া দিতে লাগিলেন। বড় ডাক্তার কিন্তু আমারই মত পণ্ডিত। বারি পাঁচ সাত আছাড় খাইবার পর কোনও রকমে ৮।১০ হাত গমন করিয়া আবার ধরাতল আলিঙ্গন করিলেন। একবার এই সখের খেলায় যোগ দিবার প্রাণ ইচ্ছা হইয়াছিল। কিন্তু ডাক্তারের অবস্থা দর্শনে মনের সাধ মনেই মিটাইলাম। এইখানে একটা কথায় প্রশংসা না করিয়া থাকিতে পারিলাম না। বড় ডাক্তারের বয়স পঞ্চাশের কাছাকাছি। কিন্তু তাঁহার—উৎসাহ আমাদের যুবকদের মধ্যেও বড় একটা দেখা যায় না। ভাল জানেন না, বারবার বিফল মনোরথ হইতেছেন, কিন্তু তথাপি নিবৃত্ত

হইলেন না। এ বয়সে এ রকম ভাব আমাদের দেশে কয়জনের আছে?

এখানকার লোকদের মুখে শুনিলাম, এই হ্রদের মধ্যে নানা জাতীয় মৎস্য বাস করে। বড় বড় মহাসের অসংখ্য জন্মিধা থাকে। এক একটা মাছ দেড়মণ পর্য্যন্ত হয়। বাঙ্গালীর প্রাণ! এই সব কথা শুনিয়া আমি আর স্থির থাকিতে পারিলাম না। একটা লোককে এক টাকা ইনামের লোভ দেখাইলাম। লোকটা ঐ দেশীয় নিতান্ত দরিদ্র বলিয়া মনে হইল। এক টাকা বোধ হয় জীবনে সে কখনও এক সঙ্গে দেখে নাই। সে ঘণ্টা দুইএর মধ্যে একটা বৃহৎ মহাসের আনিয়া হাজির করিল। মাছটা ওজনে ২৭ সেরের উপর। স্বাদের কথা আর কি লিখিব। জীবনে তেমন মাছ আর কখনও খাই নাই। শীত কালে হ্রদ বরফ ঢাকা থাকে বটে, কিন্তু তাহার জল মাছ ধরা বন্ধ হয় না। খানিকটা স্থানের বরফ কাটিয়া মাছধরা হয়। আর এইরূপ ভাবে বরফ ঢাকা না থাকিলে ভীষণ শীতে একটা মাছও বাঁচিয়া থাকিত না। শীত প্রধান দেশের ফুলের গাছ গুলিও এই উপায়ে রক্ষা পায়।

একদিন আকাশ বেশ পরিষ্কার থাওয়াতে আমরা বেড়াইতে বাহির হইলাম। সঙ্গে এক জন পথ প্রদর্শক চলিল। গাটংএর নিকট একটা অনতি উচ্চ শৃঙ্গ আছে। আমরা তাহার উপর আরোহণ করিলাম। দক্ষিণ পশ্চিম দিকে যাহা দেখিলাম, তাহা অনির্কচনীয়। অদূরে ধবলগিরি বিশাল মস্তক উত্তোলন করিয়া দণ্ডায়মান। সার্থক ইহার নাম! সমস্ত দেহ অনন্ত বরফ রাশিতে ঢাকা থাকাতে সাদা ধব ধব করিতেছে। কি বিশাল, কি মহান, কি অনন্ত সৌন্দর্য্যের ভাঙার খুলিয়া দিয়াছে! প্রাচীন ঋষিরা যে কি জন্ত এই সমস্ত স্থানে আসিয়া অনন্তের আরাধনা করিতেন তাহা এই বিরাট ব্যাপার দর্শনে বেশ স্পষ্ট বুঝা যায়। ধবল গিরির অনতি দূরে (মনে হয় অনতিদূরে, কিন্তু প্রকৃত পক্ষে উহাদের মধ্যে ব্যবধান অনেক)—গৌরিশঙ্কর অবস্থিত। কিন্তু উহা কতকটা দূরে বলিয়া উহার সৌন্দর্য্য বেশ ভাল করিয়া অনুভব করিতে পারিলাম না। দারজিলিং

হইতে একবার ধবলগিরি দেখিয়া ছিলাম বটে, কিন্তু এতটা স্পষ্ট নহে।

এই স্থানে গৌরিশঙ্কর পর্বত সম্বন্ধে দুই একটি কথার উল্লেখ অসম্ভব হইবে না। সকলেই জানেন, হিমালয়ের উচ্চতম শৃঙ্গ এভারেটকে অনেকে গৌরীশঙ্কর বলিয়া মনে করেন। কিন্তু এ সম্বন্ধে আজ-কাল বহুবিধ সন্দেহ উপস্থিত হইয়াছে। ইহার সংক্ষেপ ইতিহাস এই :—১৮৫৪ খ্রীষ্টাব্দে এভারেট শৃঙ্গ সর্বপ্রথম আবিষ্কৃত হয়, এবং ইহাই যে পৃথিবীর সর্বোচ্চ শৃঙ্গ তাহা স্থির নিশ্চয় হয়। সে সময়ে ইহার প্রকৃত দেশী নাম না জানা থাকাতে, ইহাকে পঞ্চদশ শৃঙ্গ নামে অভিহিত করা হয়। এই সময়ে এভারেট সাহেব সার্ভে বিভাগের সর্বপ্রধান কর্তা। অবশেষে তাহার নামানুসারে উহার এভারেট নাম নির্দ্ধারিত হয়। তখন হজসন্ (Hodgson) সাহেব নেপালের রেসিডেন্ট। তিনি বলিলেন যে, কাঠমণ্ডপ (Khatmandu) হইতেও ঐ শৃঙ্গ দেখিতে পাওয়া যায়। উহাকে সেখানকার লোকে “দুধগঙ্গা” বলে। ঠিক ঐ সময়ে আর দুইজন সাহেব জানাইলেন যে, উহা নেপালে গৌরীশঙ্কর নামে প্রসিদ্ধ। তখন উক্ত শেষ নাম বিলাতের Royal Geographical Society কর্তৃক গৃহীত ও প্রচারিত হয়। এই মতই তখন জন সমাজে চলিতে থাকে। তাহার পর ১৮৯৮ খ্রীষ্টাব্দে সুপ্রসিদ্ধ ওয়াডেল সাহেব (Lt. Colonel L. A. Waddell) Among the Himalyas নামক একখানি অতি উপাদেয় পুস্তক প্রকাশ করেন। ইহাতে তিনি হিমালয় সম্বন্ধে অনেক নূতন ও অজ্ঞাত কথা উল্লেখ করিয়াছেন। ইহার এক স্থানে ইনি বলেন—এভারেট শৃঙ্গ কাঠমণ্ডপ হইতে দেখিতে পাওয়া অসম্ভব। অপিচ গৌরীশঙ্কর হিমালয়ের এক সাধারণ শৃঙ্গ। ইহা কখনও এভারেট হইতে পারে না। তাঁহার মতে প্রকৃত এভারেটকে তিব্বতীয়েরা “যশকঙ্কর” বলিয়া উল্লেখ করে। তাহারা ইহাকে তাহাদের দেবতাদের আবাস স্থান ভাবিয়া অত্যন্ত ভক্তি ও করে। তিব্বতীয় ভাষায় “যশ কঙ্কর” শব্দের অর্থ “তুষার পর্বতের গুরুবর্ণা দেবী।” ওয়াডেল সাহেবের এই কথায় ভারতগবর্ণমেন্ট কাপ্তেন উড্কে প্রকৃত তদ

নির্ণয়ের হস্ত নিযুক্ত করেন। তিনি প্রায় এক বৎসর কাল বিশেষ অন্বেষণ করিয়া স্থির করেন যে, প্রকৃত এভারেট্ট কাঠমণ্ডপ হইতে আদৌ দেখিতে পাওয়া যায় না। যাহা ঐ স্থান হইতে দেখা যায় তাহার নাম “গৌরী শঙ্কর।” ইহা কাঠমণ্ডপ হইতে মোটে ৭৮ মাইল দূরে অবস্থিত এবং ইহা হিমালয়ের এক নগণ্য শৃঙ্গ। ইহার পর নির্ধারিত হয় “গৌরীশঙ্কর” ও এভারেট্ট এক নহে।

গাটংএর সমস্তকার্য্য শেষ করিবার জন্য আমাদিগকে কয়েকদিন ঐ স্থানে থাকিতে হইয়াছিল। অবশেষ ১০ই ডিসেম্বর আমরা উহা ত্যাগ করিয়া চুম্বি অভিমুখে রওয়ানা হইলাম।

শ্রীঅতুলবিহারী গুপ্ত ।

সাহিত্য সেবক ।

শ্রীঅমঙ্গানন্দ বসু—১২৭৫ সালে ঢাকা জেলার অন্তর্গত জয়কৃষ্ণপুর গ্রামে ইনি জন্ম গ্রহণ করেন। তাঁহার পিতার নাম ৮ বিদ্যানন্দ বসু। ইনি বিশ্ববিদ্যালয়ে বি, এ, উপাধি লইয়া জমিদারী সেরেস্তায় কার্য্য লইয়াছেন। বাল্যকালে গীতিমালা, সরোজবাসিনী ও সত্যনারায়ণের পাঁচালী প্রভৃতি পুথি লিখিয়াছিলেন। ‘উপাসনা’ পত্রে তাঁহার রামেশ্বরের দুর্গ, ‘ছত্রশাল’ ও ‘দেবী নিবাস’ নামক তিনখানা ঐতিহাসিক উপন্যাস, বাহির হইয়াছিল। রামেশ্বরের দুর্গ পুস্তকাকারে বাহির হইয়াছে। ইনি বিভিন্ন মাসিক পত্র—পত্রিকায় গল্প উপন্যাস ও প্রবন্ধাদি লিখিয়া থাকেন।

শ্রীঅশ্বিনীকুমার দত্ত—১৮৫৬ খৃষ্টাব্দে ২৫ শে জ্যৈষ্ঠায় বরিশাল জেলার অন্তর্গত বাটাঙ্গোর গ্রামে শ্রীযুক্ত অশ্বিনী কুমার দত্ত জন্ম গ্রহণ করেন। তাঁহার পিতার নাম ৮ ব্রজমোহন দত্ত। অশ্বিনীবাবুর পিতা সামান্য বেতনের চাকুরি হইতে বৃদ্ধ বয়সে সবজজ পদে উন্নীত হইয়াছিলেন। অশ্বিনী বাবু ১৮৭২ সনে এম,এ, ও ১৮৮০ সনে বি এল পাশ করিয়া বরিশালে উকালতি আরম্ভ করেন। অশ্বিনীবাবুর শিক্ষানুরাগ আদর্শ স্থানীয়। তিনি ১৮৮৪ খৃঃ স্বীয় পিতার নামে বরিশালে ব্রজমোহন ইনষ্টিটিউশন নামে একটা স্কুল প্রতিষ্ঠা করেন। সেই

স্কুলটা তাঁহারই উদ্যোগে ১৮৮২ সনে দ্বিতীয় শ্রেণীর কলেজে পরিণত হয় এবং তিনি বিনা বেতনে তাহার কার্য্য করিতে থাকেন। ১৮৯৮ সনে ঐ কলেজ প্রথম শ্রেণীতে উন্নীত হইয়াছে।

অশ্বিনী বাবু সাহিত্য সেবী। ১২৯২ সালে তাঁহার শ্রেষ্ঠ গ্রন্থ “ভক্তি যোগ” প্রথম মুদ্রিত হয়। এই গ্রন্থের এখন সপ্তম সংস্করণ চলিতেছে। ভক্তিযোগ ব্যতীত অশ্বিনী বাবু “প্রেম” এবং “দুর্গোৎসব তত্ত্ব” নামক আরও দুইখানা পুস্তক লিখিয়াছেন।

শ্রীঅশ্বিনীকুমার দাস—শ্রীহট্ট করিমগঞ্জ হাই স্কুলের শিক্ষক। ‘বৈষ্ণবচারণ কৌমুদী’ নামে একখানা গ্রন্থ প্রণয়ন করিয়াছিলেন।

শ্রীঅশ্বিনীকুমার শর্মা—পিতার নাম ঙ্গেশানন্দ চক্রবর্তী। নিবাস শ্রীহট্ট জেলার অন্তর্গত ছাতক, ইনি “মঙ্গলা” নামে একখানা মাসিক পত্রিকা বাহির করিয়াছিলেন। প্রবাসী, প্রতিভা, বিজয়া প্রভৃতিতে প্রবন্ধ লিখিয়া থাকেন। বর্তমান ঢাকা ট্রেইনিং কলেজে কার্য্য করেন।

শ্রী অশ্বিনীকুমার বর্ষণ :—ময়মনসিংহ জেলার অন্তর্গত নোয়াপাড়া গ্রামে জন্মগ্রহণ করেন। ইহার পিতার নাম স্বর্গীয় কৃষ্ণকমল বর্ষণ রায়। অশ্বিনী বাবু শৈশব হইতে চিত্র শিল্পে বিশেষ অমুরাগী ছিলেন। বিগত তিন বৎসর যাবত তিনি ইতালিতে থাকিয়া চিত্র বিচার অনুশীলন করিতেছেন। বাঙ্গালা মাসিক পত্রে চিত্রশিল্প সম্বন্ধে প্রবন্ধ লিখিয়া থাকেন। বয়স অনুমান ৩০ বৎসর।

শ্রীঅশ্বিনীকুমার ভট্টাচার্য্য :—১৮৮০ খৃষ্টাব্দে বরিশাল জেলার অন্তর্গত তারপাশা গ্রামে জন্মগ্রহণ করেন। তাঁহার পিতার নাম ৮ গিরীশচন্দ্র ভট্টাচার্য্য। অশ্বিনী বাবু ১৮৯৬ সালে এণ্ট্রান্স পরীক্ষায় উত্তীর্ণ হইয়া এফ এ পড়িতে থাকেন। এই সময় হইতে ঢাকার “শিক্ষক সূহৃদ” নামক পত্রিকায় তিনি প্রবন্ধ লিখিতে থাকেন এবং “নির্ঝান” নামক এক খানা ক্ষুদ্র পুস্তিকা তাহাতে মুদ্রিত হয়। তিনি “জ্যোৎস্না” নামে অল্প একখানা গ্রন্থ লিখিয়া ছিলেন। ১৩১০ সালে তিনি “নিরাশ প্রেম” নামক এক খানা ক্ষুদ্র উপন্যাস প্রকাশ করেন। অশ্বিনী বাবু এক্ষণে গবর্ণমেণ্টের কাষে নিযুক্ত আছেন।

সাময়িক প্রসঙ্গ।

কবির রবীন্দ্রনাথ।

আজ বাঙ্গালার সর্বত্র আনন্দের উচ্চ কোলাহল শুনা যাইতেছে। জননী বঙ্গ ভাষার আজ আনন্দের সীমা নাই। ভাষা-জননী প্রতীচ্যের জ্ঞান গগনে তাঁর দীপ্ত রবিকে মাহেঞ্জদগে প্রেরণ করিয়া যে উজ্জল আলোকে ইউরোপ উদ্ভাসিত করিয়াছেন, তাহাতে প্রাচ্য জগৎ বহু উর্ধ্বে উঠিয়াছে, সঙ্গে সঙ্গে বঙ্গভাষা জগতের ভাষার ইতিহাসে এক শ্রেষ্ঠ স্থান অধিকার করিয়া লইয়াছে। রবি কিরণে আজ বঙ্গ ভাষা উদ্ভাসিত।

ঐহিক সুখ-নিরত প্রতীচ্য জাতি রবীন্দ্র নাথের “গীতাঞ্জলির” উচ্চ ভাব মাহাত্ম্য লক্ষ্য করিয়া মুগ্ধ হইয়াছেন। গীতাঞ্জলির ভাব এদেশে নূতন নহে। উপনিষদের আধ্যাত্মতত্ত্বের রেণু কণা লইয়াই ভারতভূমি গঠিত। বেনী দিনের কথা নহে, বিবেকানন্দের বেদান্ত ব্যাখ্যা শুনিয়া আমেরিকা স্তম্ভিত হইয়াছিল, ইউরোপও সে তরঙ্গে আন্দোলিত হইয়াছিল। এবার রবীন্দ্রনাথ এক নূতন তান তুলিয়াছেন। উহা বেদ মন্ত্রের প্রতিধ্বনি। উহার স্বাকার ইউরোপের প্রাণ স্পর্শ করিয়াছে, তাই ইউরোপ তাহার সর্বশ্রেষ্ঠ পুরস্কার এবার রবীন্দ্রনাথকে প্রদান করিয়া তাঁহার সম্মান ও সম্বর্ধনা করিয়াছেন। এই পুরস্কার ইউরোপ ও আমেরিকার মনস্বীগণের সাধনার সর্ব শ্রেষ্ঠ সম্মান।

সুইডেনের সুবিখ্যাত বৈজ্ঞানিক ডাইনামাইটের আবিষ্কর্তা আলফ্রেড বার্নহার্ড নোবেল মৃত্যুকালে (১৮৯৬ খৃষ্টাব্দে) কয়েক জন ট্রস্টীর হস্তে দুই কোটি বাষটি লক্ষ পঞ্চাশ হাজার টাকা রাখিয়া একটা উইল করেন যে, তাঁহার এই টাকা হইতে প্রতি বৎসর (১) প্রকৃতি বিজ্ঞান (২) রসায়ন (৩) আয়ুর্বেদ ও শারীর বিজ্ঞান (৪) সাহিত্য (৫) শান্তি প্রতিষ্ঠা :—মানবের চেষ্টায় জগতের হিতকর যে সর্বশ্রেষ্ঠ কার্য্য প্রতিবৎসর হইবে, তাহার জন্য ব্যয়িত হইবে। সাহিত্য বিভাগের পুরস্কার এবার আমাদের রবীন্দ্রনাথ প্রাপ্ত হইয়াছেন। ষ্টক-হলমের সাহিত্য পারিষদ পুরস্কারের যোগ্য পাত্র নির্ণয়

করিয়াছেন। এই পুরস্কারের পরিমাণ এক লক্ষ বিশ হাজার টাকা।

রবীন্দ্রনাথের গৌরবে আমরা গৌরবান্বিত। রবীন্দ্রনাথের যশঃ সৌরভ দিগদিগন্ত পরিব্যাপ্ত হইয়া বঙ্গ ভাষার ও বঙ্গ জননীর মুখ উজ্জল করিয়াছে।

সেদিন দেশের পক্ষ হইতে হিন্দু, মুসলমান, খৃষ্টান সমবেত হইয়া রবীন্দ্রনাথকে বোলপুর শান্তি নিকেতনে সংবর্ধনা করিয়াছিলেন। ইহা জাতীয় শুভসংকল্প সন্দেহ নাই। কিন্তু রবীন্দ্রনাথ অভিভাষণের প্রত্যুত্তরে যে ভাষায় নিজের শ্রেষ্ঠত্ব প্রদর্শন করিয়াছেন, তাহাতে আমরা মর্মা-হত হইয়াছি।

রবীন্দ্রনাথের অভিমান, তাঁহার নিজ ভাষায় এইরূপ প্রকাশ পাইয়াছে—“দেশের লোকের হাত থেকে যে অপযশ ও অপমান আমার ভাগ্যে পৌছিতেছে তার পরিমাণ নিতান্ত অল্প হয়নি এবং এতকাল আমি তাহা নিঃশব্দে বহন করে এসেছি।” অর্থাৎ তাঁহার স্বদেশ তাঁহার জ্ঞান গরিমার উপযুক্ত পূজা করিয়া তাঁহাকে চিনিয়া লইতে পারে নাই, বরং এতদিন বিদ্রোষের চক্ষেই রহিয়াছে, তাই তিনি তাঁহার সেই unrecognised প্রতিভার পণ্য সম্ভার সাজাইয়া “গুণিগণের রস বোধের জন্য” প্রতীচ্যে যাত্রা করিয়াছিলেন, এখন তৎ বিনিময়ে “পূর্ণ মনস্কাম” হইয়া জগতের জ্ঞানী জনের চরম সম্মান লাভ করিয়া ফিরিয়াছেন এবং সঙ্গে সঙ্গে তাঁহার স্বদেশকে জগতের নিকট গৌরবান্বিত করিয়াছেন। তাঁর নিজের কথায় বলিতে গেলে—“আজ ইউরোপ আমাকে সম্মানের বরমাণ্যদান করেছেন। তার যদি কোন মূল্য থাকে তবে সে কেবল সেধাকার গুণিগণের রসবোধের মধ্যেই আছে। আমাদের দেশের সঙ্গে তার কোন আন্তরিক সম্বন্ধ নাই।”

রবীন্দ্র নাথ যখন প্রতিভার পসরা লইয়া বিদেশ যাত্রা করেন, তাহার বহুপূর্বেই বঙ্গজননী রবীন্দ্রনাথকে আপনার স্নেহ ও আদর দানে আপ্যায়িত করিয়া বাণীর বরপুত্র রূপে ঘোষণা করিয়া যশের বিজয়মালা প্রদান করিয়াছিলেন। আজ ইউরোপ খণ্ডে রবীন্দ্র নাথের গীতাঞ্জলির আদর দেখিয়া, তাহার কবিপ্রতিভার সম্মান সংবর্ধনা দেখিয়া, তাঁহাকে জগত বিস্তৃত নোবেল পুরস্কারে পুরস্কৃত

দেখিয়া যে বাঙ্গালি তাঁহার প্রশংসা গীতি গাহিতেছে, তাহাকে সংস্কর্না করিতে উদ্ধুদ্ধ হইয়াছে তাহা নহে। বঙ্গবাসী ইহার পূর্বেই তাঁহাকে কবি সম্রাট রূপে বরণ করিয়া কমলদলে তাঁহার অভিষেক নিম্পন্ন করিয়াছিলেন। বঙ্গ সাহিত্যের মুখপাত্র “সাহিত্য পরিষদ” বিদেশ যাত্রার পূর্বেই তাঁহার মস্তকে মুকুট পরাইয়া দিয়া স্বীয় গুণগ্রাহিতার পরিচয় প্রদান করিয়াছিলেন। জগতের কোন কবিই বোধ হয় জীবিত কালে এরূপ সম্মান তাহার স্বদেশ ও সমাজ হইতে প্রাপ্ত হন নাই।

যানছিলেন এবং তাঁহার অন্ততম পুত্র, গোবরের জ্যেষ্ঠতাত, স্বর্গীয় ক্ষেত্রচরণ গুহও একজন বিখ্যাত পালোয়ান ছিলেন। ক্ষেত্র বাবুই গোবরের শিক্ষা গুরু। গোবরের বয়স এখন মাত্র কুড়ি বৎসর উত্তীর্ণ হইয়াছে। এই



শ্রীযুক্ত ক্ষেত্রচরণ গুহ ওরফে গোবর।

বয়সেই তিনি অসাধারণ শক্তি লাভ করিয়াছেন। সম্প্রতি ইংলণ্ডবাসী তাঁহার শক্তির পরিচয় পাইয়াছেন। আশা করা যায় কালে সমগ্র জগৎ এই বাঙ্গালী যুবকের শক্তি সামর্থ্যের পরিচয় পাইয়া বিস্মিত হইবেন।

গোবর বিখ্যাত ইংরাজ পালোয়ান দুই জনকেই পরাজিত করিয়াছেন। গত ৩০শে আগষ্ট গ্রাসগো নগরে গোবর খ্যাতনামা কুস্তিগীর কাম্বেল (Campbell) সাহেবকে পরাজিত করিয়াছেন। তারপর এডিনবার্গ ওলিম্পিয়া ক্রীড়ামঞ্চে তিনি প্রসিদ্ধ পালোয়ান জিমি এসনের (Jimmy Esson) সঙ্গে লড়িয়াছিলেন। জিমি

বিজয়ী রবীন্দ্রনাথকে সংস্কর্না করিয়া বাঙ্গালী অঙ্গন কর্তব্য পালন করিয়াছেন। রবীন্দ্রনাথ শ্রেষ্ঠ কবি, বাঙ্গালির গৌরব। কিন্তু জনসমাজের নেতাগণের সমক্ষে, যাঁহারা তাঁহার সংস্কর্না করিতে সম্মত, সেই সংস্কর্না-কারীদিগের মুখের উপর এরূপ অহমিকা প্রদর্শন তাঁহার পক্ষে সমীচীন হয় নাই। তিনি বাঙ্গালির আনন্দোদ্ভূত হৃদয়ের গভীর কৃতজ্ঞতার কমনীয় পুষ্পহার সাদরে গ্রহণ না করিয়া হেলায় পদদলিত করিয়া স্বদেশ-বাসীকে যেরূপ অপ্রমানিত করিয়াছেন, পৃথিবীর ইতিহাসে বোধ হয় এরূপ উদাহরণ আর দুটা নাই। আমরা কবিদের এই শ্লেষ বাণী ভুলিতে পারিব না।

ভগবান রবীন্দ্রনাথকে দীর্ঘজীবী করিয়া বাঙ্গালির ও বঙ্গভাষার গৌরব বৃদ্ধি করুন।

শ্রী—

বাঙ্গালীর বাহুবল।

সম্প্রতি বাঙ্গালীর বাহুবলেরও কতকটা পরিচয় হইয়া গিয়াছে। এই দুর্বল বাঙ্গালী জাতিরই একজন আজ কয়েক মাস হইল যুরোপে গিয়া সেখানকার নামজাদা কুস্তিগীর পালোয়ানদিগকে একে একে পরাজিত করিতেছেন। এই বাঙ্গালী বীরের নাম যতীন্দ্রচরণ গুহ, ডাক নাম গোবর।

যতীন্দ্রচরণ ১৮৯২ সনে কলিকাতার জন্মগ্রহণ করেন। তাঁহার পিতার নাম বাবু রামচরণ গুহ হোর মিলার কোম্পানীর ম্যানেজার, তাঁহার পিতামহ স্বর্গীয় অধিকাচরণ গুহ— অম্বুবাবু নামে পরিচিত। অম্বুবাবু তৎকালে প্রসিদ্ধ পালো-

এসন সেই দেশে “অজেয় জিমি এসন” (The unconquerable jimmy Esson) নামে পরিচিত। গোবর কিন্তু সেই অজেয় জিমি এসনকেও পরাস্ত করিয়াছেন। গোবর ইংলণ্ডে প্রতিদ্বন্দ্বীহীন হইয়া আসিয়া ফ্রান্সের রাজধানী প্যারিসে অবস্থান করিতেছেন ও কুস্তি দেখাইয়া বহু অর্থ উপার্জন করিতেছেন। তিনি শীঘ্রই আমেরিকার প্রসিদ্ধ পালোয়ান গণের সঙ্গে লড়িবার জন্ত আমেরিকা যাত্রা করিবেন। গচকে নাকি পৃথিবীর কোন পালোয়ান আজ পর্য্যন্ত পরাজিত করিতে পারে নাই। গোবর যদি গচকে পরাস্ত করিয়া আসিতে পারেন, তবেই

শরীরে এই দ্বিতীয় জোড়া মুদগর লইয়া ব্যায়াম করিতে থাকেন তখন তাঁহার দৈত্যের মত প্রকাণ্ডকায় চেহারা দেখিয়া ভীমসেনের কথা মনে উদয় হয়। তিনি বৃক নামক অগ্নিকে উদরস্থ করিয়াছেন এরূপ অবগত নহি। কিন্তু তাঁহার খাণ্ডের পরিমাণ বৃকোদরের খাণ্ডের মতই কি না নিম্নলিখিত তালিকা হইতেই সকলে বুঝিতে পারিবেন। বাঙ্গালীর সাধারণ দৈনিক খাণ্ড ছাড়া গোবর কলিকাতায় নিম্নলিখিতরূপ আহার করিতেন। “তিন পোয়া ঘি মিশ্রিত মাংসের আকনি ; ৪০০ বাদাম ও এক ছটাক ছোট এলাচ, দেড় সের বেদানার রস ; একটাকার সোনার

পাত ও দু আনার রূপার পাত, বাদাম ও মসলা মিশ্রিত ঠাণ্ডাই ও এক সের দুধ এবং প্রত্যহ একটাকার ফল।” খাণ্ডের পরিমাণ শুনিয়া নহে, খাণ্ডের মূল্যের কথা ভাবিয়া যে সকল চিন্তাশীল মস্তিষ্ক



প্রস্তুতবলয় স্বক্ষে গোবর।

বুখা আলোড়িত হইবে তাহাদের অব-
গতির জন্ত আমাদিগকে বলিতে হইতেছে
যে গোবরের পিতামহ গোবরের উদর
পালনের পক্ষে প্রচুরের অপেক্ষাও অনেক
বেশী সম্পত্তি রাখিয়া গিয়াছেন। গোবর

সম্পন্ন ও সম্ভ্রান্ত পরিবারের সম্ভান।

ভগবান এই বাঙ্গালী বীরকে জয়যুক্ত করুন।

শ্রীযোগেশচন্দ্র চক্রবর্তী।

তিনি বিশ্ব বিজয়ী পালোয়ান হইলেন সন্দেহ নাই।

গোবরের শরীরের দৈর্ঘ্য ৬ ফুট ১ ইঞ্চি, বুক—৪৮
ইহতে ৫০ ইঞ্চি, কোমর ৪২ ইঞ্চি, গলা ১৮।০ ইঞ্চি, জাম্বু
৩০ ইঞ্চি, ওজন তিন মণ। তাঁহার দুই জোড়া মুদগর আছে
এক জোড়ার প্রত্যেকটার ওজন ২৫সের ; আর এক জোড়ার
প্রত্যেকটার ওজন একমণ দশ সের। তিনি যখন খোলা

কবিবর দীনেশচরণ বসু ।

নূতন যুগে বঙ্গদেশে যে সকল সুকবি জন্ম গ্রহণ করিয়াছেন, দীনেশ চরণ তাঁহাদের মধ্যে একজন । ঢাকা জিলার অন্তর্গত মাণিকগঞ্জ মহকুমার অধীন শ্রীবাড়ী গ্রাম তাঁহার পৈত্রিক বাস স্থান । তাঁহার পিতা অভয়চরণ বসু পূর্ণিয়ার সেরিস্তাদার ছিলেন । এই পূর্ণিয়া নগরে



কবিবর দীনেশচরণ বসু ।

দীনেশচরণ ১২৫৭ সনের ১২ই ফাল্গুন জন্ম গ্রহণ করেন । পিতা অভয়চরণ ৩৫ বৎসর পূর্ণিয়ায় ছিলেন ; তৎপর ভাগলপুরে স্থানান্তরিত হইলেন । দীনেশচরণের বাল্য-জীবন শ্রীবাড়ী, পূর্ণিয়া এবং ভাগলপুরে অতিবাহিত হয় ।

বাল্যের বাসস্থান এবং বাল্য-সহচর বাল্য-জীবনে অতিশয় প্রভাব বিস্তার করে এবং এই প্রভাব অনুসারে মানুষের জীবন গঠিত হইয়া থাকে । শ্রীবাড়ী, পূর্ণিয়া এবং ভাগলপুর কবির জীবন গঠনে কিরূপ সহায়তা করিয়াছিল, আমরা ক্রমে সংক্ষেপে তাহার উল্লেখ করিব ।

শ্রীবাড়ী তৎকালে অতি সমৃদ্ধিশালী গ্রাম ছিল । ব্রাহ্মণ, কায়স্থ সম্রাট ধনী লোকে গ্রামটা পূর্ণ ছিল । প্রায় প্রতি সম্রাট লোকেরই দ্বিতল ত্রিতল অট্টালিকা ছিল । ফস ফুলের উদ্যানে নগর সুশোভিত ছিল । ইষ্টক সোপানে সুশোভিত বহু জলাশয় গ্রামের শোভা বর্ধন করিত । সম্রাট ভূম্যধিকারী হৃদয়নাথ রায়ের গৃহ, বিদ্যালয়, দেবালয়, নাট্যশালা, রং মহল, বৈঠক খানা, সরোবর, উদ্যান ইত্যাদিতে একটি রাজপুরী বিশেষ ছিল । এক শ্রেণীর সুদীর্ঘ ঝাউ তরু এই পুরীর এক বিশেষ শোভা ছিল । কবি তাঁহার কবি কাহিনীতে “প্রত্যাগত প্রবাসী” কবিতায় এই রাজপুরীর এক উজ্জ্বল বর্ণনা রাখিয়া গিয়াছেন ।

এই রাজ বাড়ীর রং মহলের পাঠশালায় কবিবরের প্রথম শিক্ষা আরম্ভ হয় । উক্ত কবিতার একস্থলে তিনি আপনার বাল্য-চিত্র এইরূপ আঁকিয়াছেন—

“এই ঘরে কতদিন উচ্চতম স্বরে
“পাখী সব করে রব” পড়েছি হরষে
কশেছি সেটে অঙ্ক গুরু অগোচরে
একেছি আরবী অশ্ব সাবধানে ব’সে
সহসা শিক্ষক যদি দিত দরশন,

“এক” ; “দুই” হাতে “চার” ভরসা তখন ।”

পাঠশালায় কিছুদিন পাঠ করিবার পর অনেক বৎসর তিনি শ্রীবাড়ী গ্রামে আইসেন নাই ; পূর্ণিয়াই পড়িতেন । তাঁহার পিতার মৃত্যুর পর তাঁহার জ্যেষ্ঠ সহোদর ভগবতী চরণ বসু ভাগলপুরের কমিশনারের সেরিস্তাদার হন । দীনেশচরণ পূর্ণিয়া হইতে ভাগলপুর তাঁহার ভাই এর সহিত বাস করিতে থাকেন । ভাগলপুর এন্ট্রান্স স্কুলের প্রধান শিক্ষক শ্রীযুক্ত নিবারণচন্দ্র মুখোপাধ্যায় এম এ মহাশয়ের ইনি অতি প্রিয় ছাত্র ছিলেন । প্রবেশিকা পরীক্ষায় উপস্থিত হইবার পূর্বে সহসা তিনি তাঁহার এক বাল্য সুহৃদের সহিত দেশ ভ্রমণার্থ পলায়ন করেন । দেশ ভ্রমণ করিয়া আসিবার পর বৎসর ১২৭৭ সনে তিনি প্রবেশিকা পরীক্ষা দেন এবং প্রথম বিভাগে উত্তীর্ণ হন ।

প্রবেশিকা পরীক্ষায় উত্তীর্ণ হইয়া তিনি কলিকাতা মেডিক্যাল কলেজে প্রবেশ করেন । ডাক্তারী শিক্ষার অধিকাংশ সময় তিনি রাণী স্বর্ণময়ীর বাগানে ছাত্রাবাসে বাস করিতেন । বাল্যকাল হইতে বাংলা সাহিত্যের প্রতি তাঁহার বিশেষ অনুরাগ ছিল এবং ইংরেজী সাহিত্যের অনেক উচ্চশ্রেণীর গ্রন্থ তিনি অধ্যয়ন করিয়াছিলেন । অবকাশের সময়ে তিনি শ্রীবাড়ী আসিতেন । শ্রীবাড়ী গ্রামে তাঁহার সময়সের ছাত্রদের সঙ্গে প্রায় প্রতিদিনই বৈঠক হইত । এই বৈঠকে হরিদয়াল গুহ (রাজা চন্দ্রনাথের সহকারিতায় ইনি সৈনিক বিভাগে প্রবেশের চেষ্টা করিতেছিলেন) স্বরকা নাথ বসু, (সব-ডেপুটী ম্যাজিষ্ট্রেট) এবং আমরা অনেকে সমবেত হইতাম । এই বৈঠকে সাহিত্যমোদের একটি প্রধান বিষয় এই ছিল যে, একজনকে একটি কবিতার এক চরণ বলিতে হইত । ঐ কবিতা যে অক্ষরে শেষ হইয়াছে বক্তার দক্ষিণ পার্শ্ববর্তীকে ঐ অক্ষর প্রথম করিয়া কবিতা বলিতে হইত । প্রভাকর, মাইকেল, হেমচন্দ্র, বিহারী লাল প্রভৃতির কবিতা যাহাদের কণ্ঠস্থ ছিল না তাঁহারা সমস্তা পুরণে অসমর্থ হইতেন । কবি দীনেশ চরণের বহু কবিতা কণ্ঠস্থ ছিল ; তাঁহাকে প্রায় ঠকিতে দেখা যায় নাই । তিনি নিজেও তখন কবিতা লিখিতেন । কখন লিখিতেন, কি লিখিতেন, তাহা কাহাকেও জামাইতেন না । দেখা যাইত দিবসের অনেক সময় তিনি তাঁহার হাতে একখানি খাতা ও একটি পেন্সিল রাখিতেন । পরে জানা

গিয়াছে তাঁহার, পিতৃদেব শাণ বাঁধা ঘাটের উপর যে শিব মন্দির প্রতিষ্ঠা করেন সেই শিব মন্দিরের সম্মুখে বসিয়া এবং তাঁহাদের দ্বিতল গৃহের ছাতে বসিয়া দীনেশ চরণ অধিকাংশ সময় কবিতা লিখিতেন।

রাণী স্বর্ণময়ীর বাগানে তাঁহার “মানস বিকাশের” জন্ম। অতি গোপনে লেখা তাঁহার অভ্যাস ছিল। ক্রমাগত কয়েক দিন কবিতার কয়েকটি চরণ পূরণ জন্ত শব্দের আলোচনায় উহা ধরা পড়িয়া যায়। আমি তখন তাঁহার স্বহিত ঐ ছাত্রাধাসেই থাকিতাম। তখন দীনেশ চরণ “প্রাচীন ভারত যন্ত্রে” তাঁহার কবিতার কতক কপি দিয়াছেন কিন্তু তখনও পুস্তকের নাম স্থির হয় নাই। যখন ধরাই পড়িয়া গেলেন তখন গ্রন্থের নামের আলোচনা হইল। আমি কতকগুলি নাম বলিলাম। তিনি উহার মধ্য হইতে “মানস বিকাশ” গ্রহণ করিলেন। ঐ নামেই উহা প্রকাশিত হয়। প্রকাশিত হইবার পর তিনি সমালোচনার্থ উহার এক খণ্ড বঙ্গদর্শন সম্পাদক ৬ বঙ্কিমচন্দ্রকে পাঠাইয়া দেন। বঙ্গদর্শনে একটা স্বতন্ত্র সঙ্কর্ভে যখন সমালোচনা প্রকাশিত হয়, তখন তিনি পীড়িত হইয়া দেশে ছিলেন। বঙ্কিমচন্দ্র সমালোচনার একস্থলে লিখেন “মিলন” নামক কবিতার প্রথমাংশ এমন সুন্দর যে তাহা হেমবাবুর যোগ্য বলা যায়। এই কবি বিশেষ আদরের যোগ্য সন্দেহ নাই।” পৌষ ১২৮০। এই সমালোচনার সংবাদ পাইয়া দীনেশ বাবু আমাকে যে পত্র লিখেন তাহা নিয়ে উদ্ধৃত হইল—

সুখী হইলাম। বঙ্গদর্শনে আমার “মানস বিকাশের” অমুকুল সমালোচনা বাহির হইয়াছে। উহা দেখিতে অধীর হইয়াছি। এক খণ্ড বঙ্গদর্শন অতি সহর পাঠাইয়া দিবেন। ইতি

৩১।২।১৩

আপনার

শুভ-দৃষ্টি ।

তৃতীয় পরিচ্ছেদ ।

জ্ঞান।

(১)

আমি নির্দিষ্ট দিনেই চণ্ডীবাবুর পত্নী ওরফে মাটিন কোম্পানীর হেড্ বাবুর ভগিনীকে লইয়া কলিকাতা পরিত্যাগ করিয়াছিলাম।

সে ঘটনার পর অনেক দিন গত হইয়াছে। ইতি মধ্যে জীবন, কর্ম ও ভাব রাজ্যে অনেক পরিবর্তন সংঘটিত হইয়া গিয়াছে। প্রাকৃতিক এবং রাজনৈতিক রাজ্যেও যৎপেষ্ট পরিবর্তন হইয়াছে। এই সকল পরিবর্তন প্রভাবে জাতীয় জীবনের ঞ্চায় ব্যক্তিগত জীবন ও গঠিত হয়, ধ্বংসও হয়। এই নিয়মে আমার ব্যক্তিগত জীবন গঠন ও ধ্বংসের ভিতর দিয়া যাইয়া এক নূতন পথে দাঁড়াইয়াছে।

আসামের বনে ঙ্গলে ঘুরিয়া, নিস্তরতার সহবাসে, জীবনের সেই প্রাথমিক বিকার ভাব কাটিয়া গিয়াছিল। অর্থের জন্ত কর্মকেই জীবনের অবলম্বন করিয়া লইয়া ছিলাম। ইহার পর রাজনৈতিক পরিবর্তনে যখন কর্ম-স্থল শিলং ও অতঃপর বুড়ীগঙ্গার তীরে পরিণত হইল, তখন এক অপূর্ব সংসর্গে আমার এক অভূতপূর্ব পরিবর্তন সংঘটিত হইল।

ঢাকা রাজধানী স্থাপিত হইলে পর আমাদিগকে শীতের ছ'মাস ঢাকায় থাকিতে হইত। এখন চণ্ডীবাবু আমার মুৎসী। ঢাকায় আসিয়া চণ্ডীবাবুর বাড়ীতে উঠিলাম। তাঁহার স্ত্রীকেই আমি কলিকাতা হইতে ঢাকায় রাখিয়া গিয়াছিলাম।

ঢাকায় আসিয়া চণ্ডীবাবুর নিকট গীতা, উপনিষদ, ভাগবৎ প্রভৃতি পড়িতে লাগলাম।

চণ্ডীবাবুর সহবাসে আমি আমার আত্মশক্তি সম্পূর্ণরূপে বিস্মৃত হইলাম। ঞ্চায়, অন্য়, ভাগ, মন্দ, সকল কার্যই আমি মানুষবুদ্ধির অতীত ও বিশ্বপতির ইঙ্গিত বলিয়া বুঝিতে পারিলাম। বুঝিলাম—ভগবান্ ইচ্ছাময়—“তয়া হৃষিকেশ হৃদিস্থিতেন যথানিযুক্তহৃদ্বি তথা করোমি।”

ভোর বেলা গীতা পাঠ করিতাম। চণ্ডীবাবুর ছেলে মেয়েরা কখন কখন আসিয়া আমার নিকট বসিয়া পড়িত। সন্ধ্যার পর চণ্ডীবাবুর বড় মেয়ে শৈবাল হারমনিয়মে ব্রহ্ম সঙ্গীত গাইত, আমি ও চণ্ডীবাবু একাগ্র চিত্তে তাহা শুনিতাম। শৈবালের মিষ্ট-

রাগিনী যখন তান লয়ে গাইয়া উঠিত :—

“আমার সাধ না মিটিল, আশা না পুরিল
সকলি ফুরিয়ে গেল মা ॥
জনমের শোধ ডাকি মা তোরে,
কোলে তুলে নিতে আয় মা ॥
পৃথিবীর কেহ ভালত বাসেনা,
এ পৃথিবী ভালবাসিতে যানে না
যেথা আছে শুধু ভালবাসাবাসি,
সেথা যেতে প্রাণ চায় মা ।
বড় দাগা পেয়ে বাসনা ত্যজেছি,
বড় জালা সয়ে কামনা ছেড়েছি ।
অনেক কেঁদেছি কাঁদিতে পারিনা,
আমার বুক কেটে ভেঙ্গে যায় মা।”

তখন তাহা মর্মে মর্মে অনুভব
করিয়া আত্মজালা হইয়া যাইতাম ।
শৈবালের সঙ্গীত ক্রমে আমার
এম ন প্রিয় হইয়া উঠিল যে, যখন
তখন আমি শৈবালকে ডাকিয়া
সঙ্গীত শুনিতাম । চণ্ডীবাবু বা
তাঁহার গৃহিনীর তাহাতে কোন
আপত্তি দেখিতাম না । বরং সঙ্গীত শুনিয়া সময় সময়
চণ্ডীবাবুও আসিয়া তাহাতে যোগ দিতেন । এইরূপে
সৎসঙ্গে ও সৎপ্রসঙ্গে দিন চলিতেছিল ।

(২)

২৭ শে পৌষ রবিবার । অল্প চণ্ডীবাবুর বিশ্রামের
দিন । তিনি রবিবার মোয়াক্কেলের কাজ করিতেন না ।
দিনের বেলা আহারের পর ধর্মগ্রন্থ পাঠ ও তাহার ব্যাখ্যা
করিতেন । আমরা তাহা শুনিতাম । আজ তাহাই
হইতেছিল ।

শৈবাল আসিয়া আমার শরীর ঘেষিয়া বসিয়া
আমার হাতের আঙ্গুল মসকাইবার চেষ্টা করিতেছিল ।
শৈবালের এই আচরণে আমি নিতান্ত সঙ্কোচিত ভাবে
আমার হাত টানিয়া লইয়া সরিয়া বসিলাম । চণ্ডীবাবু
তাহা লক্ষ্য করিলেন । এই সময়েই চণ্ডীবাবু ভাগবতের
বিশ্বপ্রেম ব্যাখ্যা করিতেছিলেন ।

চণ্ডীবাবু আমার দিকে চাহিয়া বলিলেন—“যোগেশ,
তুমি সঙ্কোচিত হইলে কেন?”

আমি মাথা অপেক্ষাকৃত নীচু করিয়া বলিলাম—“শৈবা-
লের বয়স হইয়াছে—ইহাতে মনে সঙ্কোচ আসে বই কি?”

চণ্ডীবাবু হাসিয়া বলিলেন—“তোমার একথাটি
আমাকে বুঝাইয়া বলিতে পার কি?”

আমি বলিলাম—“কেন সঙ্কোচ বোধ হয়, ঠিক বুঝাইয়া
বলিতে পারিব না, তবে আমি ইহা ভাল মনে করি না ।”

চণ্ডীবাবু বলিলেন—“আমাদের মন সর্বদা পাপ চিন্তায়
সঙ্কোচিত,—বিশ্বপ্রেম আমাদের সম্ভবেনা । তাই স্ত্রী-
জাতির প্রতিও আমরা সম্মানের চক্ষে তাকাইতে জানিনা।”

আমি বলিলাম—“এ সম্বন্ধে আমার মত বড়ই রক্ষণ-



“শৈবাল উঠিয়া গিয়া হারমোনিয়মে গান ধরিল ।”

বলিলেন—“তোমাদের ছায় শিক্ষিত লোকের গোড়া-
মিতেই সমাজ আরও অধঃপাতে পিয়াছে ।

ভাগবত পাঠ চলিল । শৈবাল ঠিক সেই ভাবেই
বসিয়া রহিল । চণ্ডীবাবুর গৃহিনী আসিলেন, আরও ২-১
জন আসিলেন, শৈবাল নড়িলও না । আমি ফাঁফর
হইয়া উঠিলাম । মনে মনে ভাবিলাম—“ত্বয়া হৃষীকেশ
হৃদিস্থিতেন যথা নিযুক্তোহস্ম তথা করোমি ”

সন্ধ্যা ৫টা । চণ্ডীবাবুর যুক্ত আমার নিকট নিতান্তই
অসঙ্গত বলিয়া মনে হইতোছিল । বুড়ীগঙ্গার তাঁরে পায়-
চারি করতে করিতে বিষয়টি মনে মনে আলোচনা
করিতে লাগিলাম । এতক্ষণে বুঝিলাম, চণ্ডীবাবুর
মন্তব্যই যথার্থ । আমরা স্ত্রীলোককে যথার্থই উচ্চভাবে
দেখিতে জানিনা । স্ত্রীলোকের মুখপানে চাইতেই
আমাদের প্রাণ দুর্বলতা আইসে । মনে বিভীষিকা
দেখাদেয় । দুর্বলতাও বিভীষিকা কুচিন্তাবু ফল । বাসায়
ফিরিয়া আসিয়া দেখিলাম, শৈবাল আমার বিছানায়
শুইয়া শুইয়া ‘সঙ্গীত মুক্তাবলী’ দেখিতেছে । আমি
নিঃসঙ্কোচে বলিলাম—“কর্তা কোথায়? বেড়িয়েছেন কি?”

শৈবাল বলিল—“না, তিনি আপনাকে খুঁজিতেছিলেন ।”

চণ্ডীবাবু আসিলেন । শৈবাল তখনো বিছানায়
গা ঢালিয়া পুথির পাতা উন্টাইতে লাগিল । আমি
কোনই সঙ্কোচভাবে দেখাইলাম না ।

চণ্ডীবাবু বিছানায় উপবেশন করিলে শৈবাল উঠিয়া
গিয়া হারমোনিয়ামে গান ধরিল ।

প্রথমেই শৈবাল আমার সেই প্রিয় সঙ্গীতটা গাইল,
“আমার সাধ না মিটিল, আশা না পুরিল”—এটি আমি
বড়ই ভালবাসিতাম । শৈবালও এটি সর্বাগ্রে গাইত ।

সৌরভ —



স্বর্গীয় কেশবচন্দ্র আচার্য্য চৌধুরী ।

N. M. Press, Dacca.

সৌরভ

দ্বিতীয় বর্ষ । }

ময়মনসিংহ, মাঘ, ১৩২০ ।

{ চতুর্থ সংখ্যা ।

প্রাচীন ভারতে পশু চিকিৎসা ।

শেষাংশ ।

পূর্বেই বলা হইয়াছে যে অগ্নিপুত্রের রচনামু-
সারে জানা যায় যে “শালিহোত্র” সূক্তের নিকট
হয়ানুর্বেদ বলিয়াছিলেন, অতএব শালিহোত্র যে অশ্ব-
চিকিৎসা গ্রন্থের আদি প্রচারক তাহাতে সন্দেহ নাই।
এই সূক্ত এবং প্রসিদ্ধ শারীর শাস্ত্রবিৎ—সূক্ত সংহিতা-
কার মহর্ষি সূক্ত অভিন্ন ব্যক্তি কিনা, তাহা বলা দুঃস্থ।
আমাদের কিন্তু মনে হয় যে, ইঁহারা দুইজন একনামধারী
বিভিন্ন ব্যক্তি। পূর্বকালে গ্রন্থকারের নামানুসারেই গ্রন্থের
নামাকরণ হইত। আয়ুর্বেদ প্রচারক অগ্নিবেশ, তেল,
জাতুকর্ণ, ক্ষারপাণি, পরাশর, হারীত প্রভৃতি ঋষি প্রণীত
গ্রন্থগুলি স্বীয় স্বীয় নামানুযায়ী সংহিতা বলিয়াই প্রচারিত
হইয়াছিল। অগ্নিবেশ তদ্বই উত্তরকালে মহর্ষি চরক
কর্তৃক প্রতিসংস্কৃত হইয়া “চরক সংহিতা” নামে লোক
সমাজে প্রচলিত হইয়াছিল। তদ্রূপ শালিহোত্র প্রণীত
অশ্বশাস্ত্রও “শালিহোত্র সংহিতা” নামেই বিখ্যাত। এই
গ্রন্থ আজও পূর্ণাবয়বে প্রকাশিত হয় নাই। কচিং দুই
চারিটি অধ্যায় মাত্র মুদ্রিত হইয়াছে। শুনা যায় এই
গ্রন্থও বিশাল এবং অশ্বচিকিৎসা বিষয়ক অতি প্রাচীন
ও বিশদ গ্রন্থ। গ্রন্থখানা সমগ্রভাবে মুদ্রিত হইলে
এ সম্বন্ধে আলোচনা করিবার অবকাশ হইবে।

কতিপয় বৎসর পূর্বে Bengal Asiatic Society হইতে
কবিরাজ উমেশচন্দ্র গুপ্ত মহোদয় চতুর্থ পাণ্ডব মহাত্মা
নকুল প্রণীত অশ্ব-শাস্ত্র এবং জয়দত্ত কৃত “অশ্ব বৈদ্যক”
মুদ্রিত করতঃ প্রচারিত করিয়াছিলেন। মহাত্মার
পাঠকগণ অবগত আছেন যে মহাত্মা নকুল অশ্বচিকিৎসায়
বিশেষ নিপুণ ছিলেন। বিদর্ভাধিপতি মহারাজ নলও
এ বিষয়ে বিশেষ পারদর্শী ছিলেন। তিনি বোধ হয়
অশ্বচিকিৎসাপেক্ষা অশ্বশালন ও অশ্বশিক্ষা বিষয়ে সমধিক
দক্ষ ছিলেন। এবং সূপ (পাক) শাস্ত্রেও তাহার বিশেষ
অভিজ্ঞতা ছিল। প্রাণ্ডক কবিরাজ মহাশয়ের প্রকাশিত
গ্রন্থে প্রাচীন অশ্বানুর্বেদ গ্রন্থের একটি বিস্তৃত সূচী দেওয়া
হইয়াছে, গ্রন্থখানি সম্প্রতিক আমাদের নিকট না থাকায়
সে গুলির নাম উল্লেখ করিতে পারিলাম না। তবে
একথা নিঃসন্দেহে বলা যায় যে, অশ্বচিকিৎসা সম্বন্ধেও
প্রাচীন ভারতে বহু গ্রন্থ লিখিত হইয়াছিল এবং অশ্বেরও
অশ্বচিকিৎসা প্রভৃতির ব্যবস্থা ছিল। ইংরেজী ভাষায়
এ বিষয়ে বহুগ্রন্থ আছে, তথাপি সংস্কৃত গ্রন্থ গুলিরও
প্রচার এবং সেগুলির অনুবাদ প্রচার প্রয়োজন; হয়ত
তাহাতে অনেক অভিনব বিষয়ও জানা যাইতে পারে
এবং এতদ্দেশীয় ভৈষজ্য দ্বারা অশ্বের রোগ প্রতীকারও
অধিক মাত্রায় সম্ভাবিত হইতে পারে। অশ্ব প্রতি
পালন ও তাহার শিক্ষা প্রদান প্রভৃতি বিষয়ে পূর্বোক্ত
প্রকাশিত গ্রন্থদ্বয়ে অনেক প্রকার উপদেশ আছে।

কুতূহলী পাঠক বন্দ উক্ত গ্রন্থ দ্বয় পাঠে প্রাচীন ভারতে অশ্চিকিৎসা বিষয়ে কি পরিমাণ উন্নতি হইয়াছিল, তাহার কতকটা আভাস পাইতে পারেন।

ইতঃপর আমরা গো চিকিৎসা বিষয়ে প্রাচীন ভারতের জ্ঞান সম্বন্ধে আলোচনা করিব। মহাভারত পাঠে অবগত হই যে পঞ্চম পাণ্ডব শ্রীমৎসহদেব গোপালনে ও তাহাদের চিকিৎসা বিষয়ে বিশেষ নিপুন ছিলেন। কিন্তু দুঃখের বিষয় এই যে, এ পর্য্যন্ত আমরা তৎকৃত গো চিকিৎসা বিষয়ক কোনও গ্রন্থই দেখিতে পাই নাই। অশ্বশাস্ত্র নিপুণ তদীয় ভ্রাতার গ্রন্থ যখন এখনও বিদ্যমান তখন তাঁহার প্রণীত গোপালন বিষয়ক কোনও গ্রন্থ যে ছিল না, একথা বলিতে প্রবৃত্তি হয় না। হয়ত তৎপ্রণীত গ্রন্থ একদাই নষ্ট হইয়া গিয়াছে অথবা তাহা আজও অনাদরে ও অবহেলায় লোক লোচনের অন্তরালে ভারতের কোনও প্রদেশের নিভৃত কক্ষে ধূল্যবলুষ্ঠিত ও কীটদষ্টাবস্থায় বর্তমান আছে। আসমুদ্রহিমাচল বিশাল ভারত ভূমির কোন্ দেশের কোন্ রত্নভাণ্ডারে কত অমূল্য রত্ন লুকায়িত আছে, তাহা কে বলিতে পারে? বৈদেশিকগণ যে সকল রত্ন আহরণ করতঃ ধনী হইতেছেন, আমরা সে গুলিকে অবহেলায় হারাইতেছি। ইহা আমাদের দশা বিপর্য্যয়েরই পরিচায়ক। “প্রায়ঃ সমাপন্নঃ বিপত্তিকালে। ধীরোহপি পুংসাং মলিনী ভবন্তি।”

সম্প্রতি Colonel S. A. Waddel নামক জনৈক বিদ্যোৎসাহী ইংরেজ মহাত্মা তিব্বতের প্রধান নগরী লাসা হইতে সহস্রাধিক হস্তলিখিত সংস্কৃত গ্রন্থ সংগ্রহ করিয়া নিয়াছেন। সেগুলি অধুনা লণ্ডন নগরীর ইণ্ডিয়া অফিসস্থিত পুস্তকাগারে সযত্নে রক্ষিত হইয়াছে। গুণিতে পাওয়া যায় যে, এ গ্রন্থ গুলির অধিকাংশই আয়ুর্বেদ সংক্রান্ত। এ সমস্ত গ্রন্থের মধ্যে পশুচিকিৎসা সম্বন্ধে কোনও গ্রন্থ আছে কি না তাহা বলিতে পারি না। কালে বোধ হয় ভারতীয় আয়ুর্বেদ সম্বন্ধে এই সকল গ্রন্থ রাশি হইতে অনেক তরুই প্রকাশিত হইবে; কিন্তু আমরা তাহার ফলভাগী হইব কি না সন্দেহ।

অগ্নিপুরাণ ও অগ্ন্যায়ু পুরাণে গো চিকিৎসা বিষয়ে সামান্য সামান্য ব্যবস্থা লিপিবদ্ধ আছে, কিন্তু এই

মহোপকারী জীবের রক্ষার্থ আর্ষ্য ঋষিগণ যে প্রকার আগ্রহাতিশয়া ও ঐকান্তিক যত্ন প্রকাশ করিয়া গিয়াছেন তদনুযায়ী বৃষায়ুর্বেদ সম্বন্ধে কোনও প্রণালী বদ্ধ গ্রন্থ অত্য়পি আমাদের নয়ন বা শ্রুতি গোচর হয় নাই। ইহার কারণ বৃষ্টিতে পারা যায় না। পুরাণ ও অগ্ন্যায়ু গ্রন্থ এবং ইতস্ততঃ বিক্ষিপ্ত শ্লোকাদি একত্র করিলেও গো চিকিৎসাদি বিষয়ে কতক বিবরণ জানা যাইতে পারে। কিন্তু তাহা গজাশ্বাদি চিকিৎসা গ্রন্থের ন্যায় প্রচুর নহে এবং তাদৃশ বিশদও নহে। গোজাতির উন্নতি ও অবনতির সহিত ভারতবর্ষের উন্নতি অবনতি অবিচ্ছেদ্যরূপে সম্বন্ধ। “গোষু লোকঃ প্রতিষ্ঠিতঃ” একথাতে কোনও সন্দেহ নাই। পরিতাপের বিষয় এই যে, আমরা এই মহতী বাণীর মর্যাদা রক্ষা করিতে পারিতেছি না এবং তন্নিবন্ধন ক্রমেই আমরা দুর্দশা গ্রন্থ হইতেছি। সময়োচিত সতর্কতা অবলম্বন বিধেয়। অপ্রাসঙ্গিক হইলেও একথাগুলি বলিতে বাধ্য হইলাম। অনেকের ধারণা এই যে গো-চিকিৎসায় প্রবৃত্ত হওয়াটা একটা বড়ই হেয় এবং ঘৃণ্য কার্য্য; এমন কি আমরা গো চিকিৎসককে “গোবদ্দি” বলিয়া গালি দিতে ও কুণ্ঠিত হই না। ইহার পরিণাম এই দাঁড়াইয়াছে যে, জগতের একটা মহোপকারী জীবের চিকিৎসা প্রভৃতির ভার কতকগুলি অর্ধাচীন ও মূর্খের হস্তে গুস্ত হইয়াছে এবং ইহার পরিণাম যাহা হইবার তাহাই হইতেছে। চিকিৎসার্থ গোশরীরে অস্ত্রাদি প্রয়োগ করিলে প্রায়শ্চিত্তই করিতে হয়—এই ভ্রান্তি বশতঃ অনেক হিন্দু ধর্মাবলম্বী ব্যক্তি গো চিকিৎসায় বিরত থাকেন; কিন্তু প্রায়শ্চিত্তাধিকারে স্মৃতি শাস্ত্রে যে ব্যবস্থা আছে তৎপ্রতি দৃষ্টিপাত করিলে আর এ ভ্রম থাকিতেই পারে না। আমরা স্মৃতির দুইটি বচন এখানে উদ্ধৃত করিয়া দিলাম, এতদ্বারাই প্রকৃত তত্ত্ব জানা যাইবে—

“দাহচ্ছেদং, শিরাবেধং প্রযত্নৈরুপকূর্বতাং।

দ্বিজাণাং গোহিতার্থায় প্রায়শ্চিত্তং নবিদ্যতে ॥১॥

অপিচ—“যন্ত্রণে গোচিকিৎসায়ানং মৃতগর্ভ বিদারণে।

যদি কার্য্যে বিপত্তিঃ স্যাৎ প্রায়শ্চিত্তং নবিদ্যতে ॥২॥

উপর্যুক্ত শ্লোকদ্বয়ের সরলার্থ করিলে ইহাই প্রতিপন্ন হয়

যে, গাভীর হিতার্থ (রোগ প্রশমনার্থ) যত্নের সহিত গো শরীরে দাহ, ছেদ (অস্ত্রাদি প্রয়োগ) প্রভৃতি করিলে এবং অস্ত্রাদি দ্বারা শিরা বেধ করিলে ব্রাহ্মণের (অথবা ব্রাহ্মণ, ক্ষত্রিয় বৈশ্য এই তিন বর্ণেরই) কোনও প্রায়শ্চিত্ত করিতে হইবে না। ব্রাহ্মণ জাতির পক্ষে শু কোনও কথাই উত্থাপিত হইতে পারে না। অতঃপর গোকে চিকিৎসার্থ বন্ধন করিতে গিয়া (অবশ্য ইহাও যত্নের সহিত করিতে হইবে) অথবা গর্ভস্থ মৃতবৎস অস্ত্রপ্রয়োগে বহির্গত করিবার সময় যদি গাভী দৈবাৎ মৃত্যুমুখে পতিত হয়, তবে কোনও প্রায়শ্চিত্তের ব্যবস্থা নাই। কূটতর্কজাল বিস্তার করতঃ হয়ত কেহ কেহ বলিবেন যে, দ্বিজানাং শব্দে উদ্ধৃত শ্লোকে ব্রাহ্মণকে লক্ষ্য করা হয় নাই, ইহা ব্রাহ্মণ স্বামিত্ব সূচকমাত্র। তথাস্তু, আমরা কোনও তর্কযুদ্ধে অবতীর্ণ না হইয়া একথা বোধ হয় নিঃসন্দেহে বলিতে পারি যে প্রাচীন ভারতে গাভীর শরীরে ব্রণাদি বিদারণার্থ এবং মূঢ়গত বিদারণ জন্ত অস্ত্র প্রয়োগ প্রথা প্রচলিত ছিল, অজ্ঞাথায় শাস্ত্রের পূর্বোক্ত ব্যবস্থার অবসর কি প্রকারে সম্ভাবিত হইতে পারে? শাস্ত্রকার বিশেষ বিবেচনা ও ভবিষ্যদর্শিতার সহিতই এই ব্যবস্থা বিধিবদ্ধ করিয়াছিলেন, তাহাতে বোধ হয় কাহারও বিপ্রতিপত্তি হইতে পারে না। বর্তমান সময়ে সদাশয়, গবর্ণমেন্ট ভারতবর্ষের নানা স্থানে পশুচিকিৎসা শাস্ত্রাধ্যয়নার্থ বিদ্যালয় স্থাপিত করতঃ দেশের অশেষ কল্যাণ সাধন করিয়াছেন। এই বিদ্যালয় গুলিতে আত্রাহ্মণ চণ্ডাল সকলেই অধ্যয়ন করিতে পারে এবং ব্রাহ্মণ সন্তানও গবাদির অস্ত্রচিকিৎসা শিক্ষা করিতেছেন এবং তদর্থে গাভীর শরীরে অস্ত্রাদিও প্রবেশ করাইতেছেন; ইহাতে কোনও প্রায়শ্চিত্তের ব্যবস্থা হইতেছে না এবং গোচিকিৎসায় ভদ্রসন্তানগণ আর “গোবৈশ্য” বলিয়া উপেক্ষিত ও উপহাসিত হইতেছেন না। আমার বিবেচনায় ইহা সাময়িক শুভ লক্ষণ বটে। প্রসঙ্গাধীন আমরা কতকগুলি অনাবশ্যক কথার আলোচনা করিয়া ধৃষ্টতা প্রকাশ করিয়াছি, আশা করি পাঠকবর্গ ক্ষমা করিবেন। শুনিতে পাই “বারাহী সংহিতাতে” গৃহপালিত ছাগ, মেষ, কুকুর প্রভৃতির চিকিৎসা প্রণালী

বিষয়ে সংক্ষেপে উপদেশ দেওয়া আছে; এতদ্বারা প্রতিপন্ন হইতেছে যে, কোনও জীবই করুণ হ্রদয় ঋষিদের অসীম দয়াল্যে বঞ্চিত হওয়ার যোগ্য বলিয়া বিবেচিত হয় নাই।

প্রাচীন ভারতে “গারুড় বিদ্যা” নামক একপ্রকার গুরু মুখী বিদ্যা প্রচলিত ছিল, ইহা বিহগ সম্বন্ধীয়। এ বিদ্যা বিধায়ক কোনও গ্রন্থ আছে কিনা তাহা আমরা অবগত নহি। সম্প্রতি মহামহোপাধ্যায় শ্রীযুক্ত হরপ্রসাদ শাস্ত্রী এম, এ মহোদয় এশিয়াটিক সোসাইটি হইতে “শৈথনিক শাস্ত্র” নামে একখানা অভিনব ক্ষুদ্রায়তন বিশিষ্ট অতি বিশদ ও বৈজ্ঞানিক প্রণালীতে লিখিত সংস্কৃত গ্রন্থ মুদ্রিত করাইয়াছেন। এ গ্রন্থখানাতে শ্বেন পক্ষীর (বাজপক্ষীর) প্রতিপালন, চিকিৎসা ও তদ্বারা মৃগয়া (পাখী শিকার) শিক্ষা প্রভৃতির বিষয় আলোচিত হইয়াছে। গ্রন্থকার কামায়ূনাধিপতি রাজা রুদ্রদেব। এই মহাত্মার আবির্ভাব কাল নির্ণয়ের জ্ঞান শাস্ত্রী মহাশয় গ্রন্থের ভূমিকায় বিশেষ চেষ্টা করিয়াছেন। কুতূহলী পাঠকবর্গ তাহা পাঠ করিলেই সবিশেষ বিবরণ অবগত হইতে পারিবেন। এই গ্রন্থ সম্বন্ধে উল্লেখ করার উদ্দেশ্য এই যে প্রাচীন ভারতে পক্ষীপালন ও তাহাদের চিকিৎসা বিষয়ও যে আলোচনা হইত তাহারও প্রমাণ পাওয়া যাইতেছে।

ভারতে বৌদ্ধধর্মের অভ্যুদয়কালে উক্ত ধর্মাবলম্বী নরপতি বৃন্দ বিশেষতঃ দেবাগাং প্রিয়দর্শী ভারতের একছত্রী সম্রাট মহারাজাধিরাজ অশোক পশু চিকিৎসার নানাবিধ সুব্যবস্থা প্রচলন দ্বারা অহিংসা পরমধর্মের মর্যাদা রক্ষা করিয়া গিয়াছেন এবং ইতর জীবের প্রতি অসীম করুণার নিদর্শন প্রকাশ করিয়াছেন, ইতিহাস পাঠক মাত্রেই একথা অবগত আছেন। জৈন ধর্মাবলম্বী মহাত্মারাও ইতর জীবের প্রতি অপরিসীম করুণা পরবশ হইয়া ভারতের নানা স্থানে পশু রক্ষা কল্পে “পিঞ্জরা পৌল” স্থাপন করতঃ দেশের অশেষ কল্যাণ সাধন করিয়াছেন। শুনিতে পাওয়া যায় বোম্বাই প্রদেশে প্রাচীন ভারতের পশুচিকিৎসালয়ের ভগ্নাবশেষ অতীত বিদ্যমান আছে। এতাবতঃ সংক্ষেপে যে সমস্ত কথা

বলা হইল, তাহাতে বোধ হয় প্রতিপন্ন হইতেছে যে প্রাচীন ভারতে গৃহ পালিত পশু চিকিৎসার বিশেষ উন্নতি সাধিত হইয়াছিল। ঋষিগণ মনুস্মার্ত্ত্যুর্কেদ প্রচারের সঙ্গে সঙ্গে পশুস্মার্ত্ত্যুর্কেদ প্রচার করিয়াছিলেন। তাঁহারা দিব্যচক্ষে দেখিতে পাইয়াছিলেন যে, মানবের হিতাহিত গৃহপালিত পশু পক্ষীর হিতাহিতের সহিত আবিমিশ্র-ভাবে জড়িত। এখন বোধ হয় একথা বলা অত্যায়া হইবে না যে, প্রাচীন ভারতের অধিবাসীগণ লৌকিক সমস্ত বিষয়েই তীক্ষ্ণ দৃষ্টি রাখিয়া জগতের হিতকামনাতেই তাঁহাদের সমগ্র শক্তি ও বুদ্ধি নিয়োজিত করিয়া গিয়াছেন।

আমরা তাঁহাদেরই বংশসম্মত আর্য্যসন্তান; আমাদেরও কর্তব্য তাঁহাদেরই পবিত্র পদাঙ্কানুসরণ করতঃ নিকামভাবে নানা লোক হিতকর শাস্ত্রাদি আলোচনা দ্বারা জগতের হিতসাধন করা। অবশ্য বর্ত্তমানকালে ঋষিদের ত্রায় একেবারে নিকাম ও নিঃস্বার্থ ভাবে শাস্ত্রালোচনা ততটা সম্ভবপর নহে; তথাপি তাঁহাদের মহান আদর্শ সর্বদা আমাদের নয়নপথবর্ত্তী করিয়া কার্য্যক্ষেত্রে অবতীর্ণ হওয়া সমীচীন।

উপসংহারে বক্তব্য এই যে পশুস্মার্ত্ত্যুর্কেদ সংক্রান্ত প্রাচীন সংস্কৃত গ্রন্থগুলির প্রচার ও সেগুলির বঙ্গভাষায় সঙ্কলনের জন্ত বিশেষ চেষ্টা কর্তব্য। এতাদৃশ কার্য্যে দেশহিতৈষী ব্যক্তিমাত্রেরই সহায়তা করা সর্বথা সঙ্গত। আয়ুর্কেদাশু-শীলনকারী পণ্ডিতবর্গ মধ্যে যদি কেহ কেহ গজায়ুর্কেদ, অশ্বায়ুর্কেদ, ও বৃষায়ুর্কেদ প্রভৃতি পশুস্মার্ত্ত্যুর্কেদ গ্রন্থের অধ্যয়ন অধ্যাপনা প্রবর্ত্তনের চেষ্টা করেন তবে বিশেষ উপকার হয়। এতাদৃশ কার্য্যদ্বারা যে তাঁহারা নিন্দাই ও একেবারেই উপেক্ষিত হইবেন এমন আশঙ্কার কোনও কারণ দেখা যায় না। অপিচ পশুস্মার্ত্ত্যুর্কেদ অশুশীলন দ্বারা যে অর্থগমের সম্ভাবনা নাই, এ কথাও সাহস করিয়া বলা যায় না। জৈন সম্প্রদায়ের অনুকরণে বঙ্গদেশের নানা স্থানে “পিঞ্জরা পোল” স্থাপনের চেষ্টাও অকর্তব্য বলিয়া মনে হয় না। অবশ্য এতাদৃশ কার্য্যে সমবেত চেষ্টা ও বহু অর্থব্যয় সাপেক্ষ হইলেও, বর্ত্তমান কালে নানা প্রকার দেশ হিতকর কার্য্যে অস্বদেশীয় ব্যক্তি

বর্গের যে প্রকার আগ্রহ ও উৎসাহ পরিলক্ষিত হইতেছে, তাহাতে কতকটা আশার সঞ্চার হইয়াছে। আমাদের অনুরোধ এই যে শত প্রকার সংকার্য্যের অনুষ্ঠান মধ্যে গৃহপালিত পশুদির রক্ষা প্রতিপালন ও চিকিৎসাদির সুব্যবস্থা বিধানও যেন একটা অবশ্য কর্তব্য বলিয়া পরিগণিত হয়।

গো জাতির উন্নতি ও রক্ষা প্রভৃতি বিষয়ে সর্বাপেক্ষা অধিক যত্ন ও প্রয়াস সর্বদা বিধেয়; কারণ, পূর্বেই বলা হইয়াছে যে “গোমূলোকঃ প্রতিষ্ঠতঃ”। ইংরেজী ভাষায় গৃহপালিত গো, অশ্ব, ছাগ, মেষ, কুকুর, বিড়াল প্রভৃতি জন্তুর চিকিৎসা ও প্রতিপালন বিষয়ে অসংখ্য গ্রন্থ আছে। এতদ্ব্যতীত অত্যায়া নানাবিধ পশুপক্ষী প্রতিপালন সম্বন্ধেও বিস্তর গ্রন্থ আছে। বঙ্গ ভাষাতেও এতাদৃশ গ্রন্থ প্রণয়ন দ্বারা ভাষার অঙ্গ পুষ্টি সাধন করা সর্বথা বিধেয়। সুখের বিষয়, অধুনা কেহ কেহ গোপালন সম্বন্ধে ২৪ খানা গ্রন্থ প্রচার করিয়াছেন। সেগুলি বিষয় গৌরবে প্রচুর না হইলেও আদরনীয় এবং এতদ্বিধ গ্রন্থপ্রচারের পথ প্রদর্শক।*

আমাদের এই ক্ষুদ্র প্রবন্ধ পাঠে যদি কাহারও প্রাচীন সংস্কৃত পশুস্মার্ত্ত্যুর্কেদ আলোচনার এবং বঙ্গ ভাষায় সেগুলির অনুবাদের ও বঙ্গ ভাষায় পশুপক্ষী পালনের গ্রন্থ প্রচারের সদিচ্ছা উন্মেষিত হয়, তবে লেখনী ধারণের উদ্দেশ্য সফল হয় এবং উৎসাহ পরিশ্রমেরও সার্থকতা হয়।

শ্রীকুমুদচন্দ্র সিংহশর্মা ।

(সুসঙ্গ)

* মদীয় পিতৃব' রাজা কমলকৃষ্ণ সিংহ প্রণীত “গো-পালন” ও “অশ্ব-তত্ত্ব”, শ্রীযুক্ত প্রভাতচন্দ্র বন্দ্যোপাধ্যায় প্রণীত “গো-জীবন” (৪ খণ্ডে সম্পূর্ণ) “গোজাতির উন্নতি”। শ্রীমদাধর রায় প্রণীত “গো-চিকিৎসা”, শ্রীযুক্ত সত্যেন্দ্রনাথ মিত্র প্রণীত “গো-পালন” এই কতিপয় গ্রন্থের নাম এতৎপ্রসঙ্গে উল্লেখযোগ্য।

তিব্বত অভিযান।

ফারী দুর্গাভিযানে।

খাটং ত্যাগ করিবার পর আমরা ভীষণ জ্বলেপ গিরিপথে (pass) প্রবেশ করিলাম। ছেলে বেলায় ইহার নাম ভূগোলে মুখস্থ করিয়া ছিলাম বটে, কিন্তু আসল জিনিষটা যে কি, ভীষণ তাহার আভাষ পর্য্যন্ত মাষ্টার মহাশয় দিতে পারেন নাই। দুই দিকে অত্রভেদি-পর্বত-শাখা সমুদ্র প্রবাহের মত দূর দূরান্তরে চলিয়া গিয়া কোন এক অজ্ঞাত রাজ্যে যাইয়া শেষ হইয়াছে। মধ্যে সামান্য পথ—সম্পূর্ণ ভাবে বরফে আবৃত। সৌভাগ্যের কথা এই যে, আকাশে মেঘ ছিলনা এবং মন্মভেদী ঠাণ্ডা হাওয়া এক রকম বন্ধ ছিল। তথাপি কষ্ট

সকলকে খুব ধীরে ধীরে যাইতে হইতেছিল। খচ্চরগুনা নেপালের কিন্তু তাহারাও বোধ হয়—কখনও এমন দুরন্ত শীত সহ্য করে নাই। অনেক গুনা এই গিরিপথে চিরতরে দেহ-রক্ষা করিল। আমরা কোনও মতেই তাহাদিগকে বাঁচাইতে পারিলাম না।

একটা কথা বলি নাই। এক দল লোক শিলিগুড়ি হইতে আমাদের সঙ্গে সঙ্গে তারের লাইন বসাইয়া যাইতেছিল। দারজিলিংএর সহিত ইহার যোগছিল। ইহারা এই কর্ম্ম এত শীঘ্র শীঘ্র সমাধা করিতেছিল যে এপর্য্যন্ত ইহাদিগকে ছাড়াইয়া যাইতে পারি নাই। ইহারা বরাবর আমাদের সঙ্গে সঙ্গে আসিতেছিল। যাহাইউক, আমরা অনেক কষ্টের পর এই গিরিপথের সর্বোচ্চ স্থানে উপস্থিত হইলাম! কি বিষম হাড়ভাঙ্গা শীত! জামার একটা

দোকানই প্রায় আমি আমার সঙ্গে জড়াইয়াছিলাম—পায়ে দুই জোড়া খাঁটিউলের কুল মোজা, তাহার উপর মোটা একটা উলের ড্রাস, তাহার উপর খুব গরম ও মোটা কাপড়ের প্যাণ্ট। পা হইতে হাটু পর্য্যন্ত কাশ্মীরার পটি। গায়ে প্রথমে একটা শোরেটার, তাহার পর আসল ফ্র্যানেলের কামিজ, ইহার উপর ক্রমাগত আর একটা গরম কামিজ, ওয়েষ্টকোট, দুইটা গরম কোট সকলের



চূষি।

খুবই হইয়াছিল। এই সময়ে আমাদের সঙ্গে প্রায় ৭০০ লোক ও ২৩০টা অশ্বতরী ছিল। ইহাদের মধ্যে প্রায় সকলেই ভারতের গ্রীষ্ম প্রধান স্থানের অধিবাসী। এমন সর্ব্বনেশে শীত বা বরফ তাহারা কখনও অনুভবও করিতে পারে নাই। তাহারা বিশেষ কষ্টের সহিত ও অতি ধীরে ধীরে পদচালনা করিতেছিল। আমরা কয়েকজন ঘোড়ার উপর ছিলাম কিন্তু তাহাদের জ্ঞান আমাদের

উপর বিষম মোটা কাশ্মীরার, ওভারকোট এক-বারে পা পর্য্যন্ত। মস্তক এমন ভাবে আবৃত করিয়া ছিলাম যে, শুধু চক্ষু ও নাসিকার ছিদ্রপথ ছাড়া আর কিছুই খোলা ছিল না। কিন্তু ইহাতেও শীতের বিশেষ কিছু করিতে পারিলাম না। বুকের ভিতরটা যেন বরফ হইয়া গেল। শীতের প্রকোপে রীতিমত কাঁপিতে আরম্ভ করিলাম। সেন মহাশয়ের অবস্থা আরও শোচনীয়। তিনি ঘোড়ার উপর বসিয়া থাকিতে না পারিয়া

পদব্রজে গমন করিতেছিলেন। ছোট ডাক্তার সাহেব এই সময়ে আমাদের কাছে উপস্থিত ছিলেন; তিনি আমাদের অবস্থা দেখিয়া তাড়াতাড়ি পকেট হইতে একটা ছোট ব্রাণ্ডির বোতল বাহির করিয়া তাহার খানিকটা আমাদের পান করাইলেন। তখন কিযে আরাম পাইলাম, তাহা আর কি বলিব! যেন নবজীবন লাভ করিলাম।

এই গিরিপথ পার হইয়াই আমরা চুষ্টি উপত্যকায় প্রবেশ করিলাম। আমরা যে এখন খাস তিব্বতের মধ্যে প্রবেশ করিয়াছি তাহা মনে করাইয়া দিবার জগুই যেন ঠিক এই সময়ে চুষ্টির তিব্বতীয় গভর্নর ও কয়েকজন চীন কর্মচারী আমাদের নিকট উপস্থিত হইলেন।

এই খানে দুই একটা আনুসঙ্গিক কথা উল্লেখ আবশ্যিক। আমরা শিলিগুড়ি হইতে রওনা হইবার পূর্বে কয়েকজন কর্মচারী, কয়েক শত সিপাহী কতক পরিমাণ খাদ্যাদিসহ তিব্বত অভিমুখে রওনা হইয়াছিল। ইহারা সকলেই আমাদের কয়েক দিবস আগে গাটংএ উপস্থিত হইয়াছিল, এবং আদেশ না থাকাতে আর অগ্রসর হয় নাই। আমরা গাটংএ আসিয়াই চুষ্টির গভর্নরের নিকট দূত পাঠাইয়াছিলাম। কিন্তু তিনি কোনও উত্তর দেওয়া আবশ্যিক মনে করেন নাই। তখন সর্ব প্রধান কর্মচারীর আদেশ অনুসারে ৩০০ সিপাহী সঙ্গে লইয়া আমরা ভীষণ জেলেপাগিরি পথ অতিক্রম করিয়া তিব্বতে প্রবেশ করি। অতএব এই অভিযানে আমরাই সর্বপ্রথম তিব্বতে প্রবেশ করিয়াছিলাম।

গভর্নর ও তাঁহার কর্মচারীগণ সকলেই পদ ব্রজে আসিয়াছিলাম। প্রত্যেকের মস্তকের উপর এক একটি সুবহু ও কারুকার্যময় রেশমের ছাতা। সকলের আগে চারি জন উন্মুক্ত অসিধারী শরীর রক্ষক। তাহার পর

কয়েকজন কর্মচারী ও তাঁহাদের পশ্চাতে গভর্নর। তাঁহার পশ্চাতে ক্রমান্বয়ে কর্মচারী ও শরীর রক্ষক। অভিযান প্রভৃতি (ইংরাজি প্রায়) হইবার পর গভর্নর মহাশয় আমাদের উপস্থিত প্রধান কর্মচারী মহাশয়কে বিশেষ বিনয়ের সহিত ভারতে ফিরিয়া যাইতে অনুরোধ করিলেন। এই সমস্ত গোলোষণা হইবে, তাবিয়াই বোধ হয় এই অভিযানের সর্বপ্রধান সামরিক কর্মচারী



পাক্ত্য পথে।

কর্ণেল ইয়ংহুজ্‌ব্যাও সাহেব আমাদের সঙ্গে সঙ্গে আসিয়াছিলেন। তিনিও বিশেষ নম্রতার সহিত গভর্নরকে জানাইলেন যে, উপস্থিত অবস্থায় ফিরিয়া যাওয়া অসম্ভব, কেন না, তাঁহার উপর আদেশ আছে যে, যে পর্যন্ত না তাঁহার সহিত প্রধান (দলাই) লামার সাক্ষাৎ হইতেছে, তিনি যেন ফিরিয়া না আসেন। যদি লামা পর্যাস্ত যাইতে হয়, তিনি প্রস্তুত আছেন। গভর্নর সাহেব আরও দুই চারিটা শিষ্টালাপের পর সদল বলে প্রস্থান করিলেন।

আমরা সেদিন ঐ স্থানে (ল্যাংগ্রাম) বিশ্রাম করিয়া পরদিবস রওনা হইলাম। এই সব স্থান এমন ভয়ানক যে গাটং হইতে এ পর্যাস্ত মানুষ ত দূরের কথা, কোনও প্রকার পশুপক্ষীও দৃষ্টিগোচর হয় নাই। চারিদিক পর্বতময়— তাহাতে বৃক্ষ বা লতা গুল্মের চিহ্ন পর্যাস্ত নাই। এমননীরগ

স্থান জীবনে দেখিয়াছি বলিয়া মনে হয় না। ঐ দিবস সন্ধ্যার পর আমরা ইয়াটং গ্রামে উপস্থিত হইলাম। তিব্বতীয়েরা ইহাকে নাভং বলে। আমরা এ গ্রামে জন মানব দেখিতে পাইলাম না। অনেকগুলি দগ্ধাবশিষ্ট বাড়ী ঘর দেখিলাম। বোধ হয় আমাদের শুভাগমনের সংবাদ পাইয়া গ্রামবাসীরা গ্রামে আগুণ লাগাইয়া দিয়া সরিয়া গিয়াছে। উদ্দেশ্য বোধ হয়—

যাহাতে আমরা কোনও প্রকার সাহায্য না পাই। বাস্তবিক, আমরা যদি প্রয়োজনীয় সমস্ত দ্রব্যাদি সঙ্গে না লইয়া যাইতাম, তাহা হইলে আমাদের নিশ্চয়ই অনাহারে মরিতে হইত। আরও কিয়দূর অগ্রসর হইয়া আমরা ইয়াটুং দুর্গের সম্মুখে উপস্থিত হইলাম। দুর্গটি ঠিক রাজ পথের মধ্যস্থলে নিশ্চিত হইয়াছে।

যাতায়াতের পথ এইসব দুর্গম

স্থলে 'একমেবদ্বিতীয়'। সুতরাং অগ্রসর হইতে হইলে, ইহার ভিতর দিয়া ভিন্ন অণু পথ নাই। অত্যন্ত আশ্চর্যের বিষয় এই যে, দুর্গের দ্বার উন্মুক্তই ছিল। তিব্বতীয়েরা যদি এই দুর্গের উপর তোপ রাখিয়া আমাদের সেদিন বাধা দিত, তাহা হইলে আমাদের যে বিশেষ বিপদে পড়িতে হইত, তাহাতে কোনও সন্দেহ নাই।

সেনাপতি ইয়ংহুজ্ব্যাঙ সদলবলে দুর্গের মধ্যে প্রবেশ করিতেছেন, এমন সময় কয়েকজন তিব্বতীয় সিপাহী আসিয়া তাঁহার পথ রোধ করিয়া দাঁড়াইল। ইতিমধ্যে একজন অল্প বয়স্ক তিব্বতীয় কর্মচারী আমাদের সম্মুখে উপস্থিত হইলেন। শুনিলাম, ইনি এই দুর্গের প্রধান কর্মচারী। তিনি বলিলেন যে, তিনি প্রধান লামার নিকট একজন দূত পাঠাইয়াছেন। যতদিন না তিনি ফিরিয়া আসেন, ততদিন আমাদের এ স্থানে অপেক্ষা করিতে হইবে। তাঁহার সহিত কয়েকজন চীন

কর্মচারী ছিলেন। তাঁহারা বলিলেন যে, দলাই লামার সর্বপ্রধান চীন কর্মচারী অশ্বনু স্বয়ং ঐ স্থানে উপস্থিত হইবেন। তাহার পর যাহা হয় করা যাইবে। আমাদের সেনাপতি বলিলেন যে, তাঁহারা যে দলাই লামার লোক তাহার কোনও নিদর্শন নাই। এতএব তিনি শুধু তাঁহাদের কথা উপর নির্ভর করিয়া থাকিতে পারেন না।



দলবলসহ তিব্বতীয় কর্মচারী।

তখন দুর্গবাসী বলিলেন "আমার কর্তব্য আমি করিলাম। এখন আপনাদের যাহা ইচ্ছা করিতে পারেন। এ সময় আপনাদের লোক বল অধিক, আমাকে অগত্যা নীরব থাকিতে হইবে। কিন্তু মনে রাখিবেন, আপনারা জোর করিয়া আমাদের স্বাধীন দেশে প্রবেশ করিতেছেন। এ পর্য্যন্ত আমরা আপনাদের সহিত কোনও প্রকার অসহ্যাবহার করি নাই" তাঁহারা চলিয়া গেলেন। আমরা দুর্গের ভিতর দিয়াই অগ্রসর হইলাম।

পরদিবস আমরা রনুচেনুগং নামক স্থানে উপস্থিত হইলাম। চুস্বি উপত্যকার ইহাই প্রথম উল্লেখ যোগ্য স্থান। এইস্থানে বলিগা রাখা ভাল, এই উপত্যকা সিকিম ও ভোট রাজ্যের ঠিক মধ্যস্থানে অবস্থিত। ভৌগলিক হিসাবে ইহা তিব্বতের বাহিরে। ইহার কোনও স্থানই ২০০০—১০০০০ ফুটের অধিক উচ্চ নহে। ইহার অধি-

কাংশ স্থানের প্রাকৃতিক দৃশ্য, সৌন্দর্য্য ও জল বায়ু কাশ্মীরের মত । এসময়ে এখানে শীত খুব প্রবল বটে, কিন্তু জেলেপ গিরি পথের সহিত তুলনায় এখানে এখন বসন্ত বলিলেও অত্যাুক্তি হয় না । বরফের ও বিশেষ অত্যাচার নাই ।

এ প্রদেশে রিন্‌চেন্‌গং একটা গও গ্রাম বলিয়া

প্রসিদ্ধ । এখানে অনেক বন্ধিষ্ট লোকের বাস আছে বোধ হইল । প্রায় ৩০।৩৫ খানা বেশ ভাল অট্টালিকা দেখিলাম । শুনিলাম, সমগ্র সিকিম রাজ্যে এমন কি দারজিলিংএ পর্য্যন্ত এমন সুন্দর বাড়ী নাই । গ্রামের অধিবাসীর সংখ্যা ৩০০০ এরও অধিক হইবে । সুখের বিষয় এই যে, এখানকার কেহই আমাদের ভয়ে গ্রাম ত্যাগ করিয়া যায় নাই । খাণ্ডদ্রব্য গ্রামে যথেষ্ট দেখিলাম । আমাদের সহিত খাণ্ড দ্রব্য ছিল কিন্তু ভবিষ্যতের চিন্তায় আমরা

কয়েক শত মণ চাউল, কয়েক মণ আলু ও আরও কিছু দ্রব্য খরিদ করিলাম । অধিবাসীরা কিন্তু আমাদের উপর বড় সন্তুষ্ট দেখিলাম না । আমাদের সহিত কোনও প্রকার অসহ্যবহার করে নাই বটে, কিন্তু আমাদের নিকট হইতে সর্বদা দূরে ২ অবস্থান করিত । পথের মধ্যে কোনও ভদ্রলোকের সহিত দেখা হইলে, তিনি প্রায়ই মুখ ফিরাইয়া লইতেন ।

এ দেশের অভিবাদনের প্রথা জিহ্বা বাহির করিয়া দেখান । ভদ্রলোকদের সহিত আলাপ করিবার জন্ম সাহেবদের পরামর্শমত আমরা প্রায়ই কালী মূর্তির অভিনয় করিতাম ; কিন্তু তাহার প্রতিদান প্রায়ই পাইতাম না । আমাদের সহিত তাহারা বড় একটা আলাপ করিত না ।

পর দিবস (১৪ই ডিসেম্বর) আমরা ঐ গ্রাম ত্যাগ

করিলাম । ঐ দিন অপরাহ্নে আমরা চুখি গ্রামে উপস্থিত হইলাম । বলা বাহুল্য, সমস্ত উপত্যকা এই গ্রামের নামে পরিচিত । অধিবাসীরা কিন্তু এই উপত্যকা ও গ্রামকে 'টোমো' বা 'গোধুম' প্রদেশ নামে অভিহিত করিয়া থাকেন । শুনিলাম, সমগ্র তিব্বতের মধ্যে এইস্থানে গম খুব অধিক উৎপন্ন হয়, সেইজন্য ইহার এই নাম ।



ফারী দুর্গ ।

এতদিন পরে আমাদের পথের উত্তর দিকে বৃহৎ ময়দান সকল দেখিতে পাইলাম । ইহাতে গম, ধান, যব, আলু প্রভৃতি নানা প্রকার প্রয়োজনীয় দ্রব্যাদির চাষ হইতেছে । তিব্বতের প্রায় সমস্ত অশাব চুখি হইতে সরবরাহ হয় । কয়েক স্থানে গম ভাঙ্গিবার কলও দেখিলাম । কলগুলি জলের দ্বারা চালিত হয় । পথের ধারে ২ অনেক প্রাচীন স্তূপ দেখিলাম । সেগুলি প্রাচীন লামাদের সমাধি স্থান । এই স্তূপ সকল নানা প্রকারের ; কোনটা গম্বুজের মত, কোনটা আমাদের দেশের প্রাচীন বৌদ্ধ স্তূপের মত, কতকগুলি চতুর্ভুজ । সকলগুলিতেই কিন্তু একই কথা খোদিত দেখিলাম "ওঁ মণিপদমে হুং" । পরে জানিয়াছিলাম, সমগ্র তিব্বতের ইহাই মূলমন্ত্র । ইহার ইতিহাস ও অর্থাদি অল্প স্থানে বিশেষ ভাবে বর্ণিত হইবে ।

ইহার পর আমরা বেশী গ্রামে পহঁছিলাম । এখানে

যেন এক নূতন রাজ্যে প্রবেশ করিলাম। এখানকার অধিকাংশ অধিবাসী চীনপ্রবাসী। ইহার বাণিজ্য উপলক্ষে এখানে আসিয়া উপনবেশ স্থাপন করিয়াছে। অনেকে এদেশে বিবাহ করিয়া স্থায়ী হইয়াছে; অনেকে মধ্যে মধ্যে দেশেও গমন করে। বাড়ীগুলি চীন দেশের মত আগাগোড়া কাষ্ঠ নির্মিত। অনেকেই জানেন, সমগ্র জগতের মধ্যে চীনাদের মত স্ক্রু কাঠের কাজ আর কেহই করিতে পারেন না। তিব্বতের এই ক্ষুদ্র গ্রামেও ইহার যথেষ্ট নিদর্শন পাইলাম। বাহিরের দালান ও প্রাচীরের স্তম্ভগুলি এমন সুন্দর যে, দাঁড়াইয়া দেখিতে ইচ্ছা করে। পথের দুইধারে সমস্তই দোকান। কয়েকজন ফিরিওয়াল ভাৱের মধ্যে ভাত, মাংস, তরকারী প্রভৃতি বিক্রয় করিয়া বেড়াইতেছে। ৪৫ পয়সায় একজনের আহারের উপযুক্ত খাদ্য দ্রব্য দেয়।

আমরা একটা চীনা দোকানে প্রবেশ করিলাম। হাঙ্গার উপর প্রথমেই একটা বিস্তৃত দালান। উহার দেয়ালের উপর চীনা ভাষায় নানা প্রকার জিনিষের নাম লিখিত রহিয়াছে। যাঁহারা ঐ ভাষার অক্ষরাদি কখনও দেখেন নাই, তাঁহারা লেখাগুলিকে নানা প্রকারের ছবি বলিয়া মনে করিবেন। চীনারা বড় ফুল ভাল বাসে। ঐ দালানের চারিদিকে নানা জাতীয় ফুলের হোট ছোট টব সকল ভারের শিকার উপর অতি নিপুণভাবে সাজান রহিয়াছে। উহার কাছে কাছে নানা প্রকার পাখীর দাঁড় ও খাঁচা। এইরূপ ভাবে দোকানের সামনের দালানটি এমন সাজাইয়াছে, যে দোকান বলিয়া মনে হয় না। কলিকাতায় ও বোম্বাইএ বড় বড় ইংরাজ সওদাগরের দোকান দেখিয়াছি। কিন্তু এমন ভাবে সাজাইতে কেহ পারে নাই।

আমরা দালানে প্রবেশ করিয়া দেখি, দোকানদার মহাশয় একখানা আরাম কেদারায় আরামের সাহিত বসিয়া আফিংএর ধূম-পান করিতেছেন। ঐ কেদারার ঠিক সম্মুখে একখানি ক্ষুদ্র গোল টেবিলের উপর চার পাত্র। চণ্ডু খাইতে খাইতে কণ্ঠ স্ক্রু হইতেছে, আর চার বাটিতে চুমুক দিতেছেন। 'চণ্ডু' আর 'চা' এই দুইটি ভিন্ন চীনারা নাকি এক মুহূর্তও থাকিতে পারে না।

আমাদের ইচ্ছা ছিল, দোকানদার মহাশয়ের বাড়ীর ভিতর প্রবেশ করিয়া সমস্ত ভাল করিয়া দেখিব। কিন্তু তাহা হইল না। তিনি একজন অপরিচিতকে বাড়ীর ভিতর প্রবেশ করিতে দিলেন না। আমাদের মত ইহারাও পর্দা রাখিয়া থাকেন। ভদ্রলোকের বাড়ীর মেয়েরা অন্দর ছাড়িয়া অল্প কোথাও যায় না।

এই গ্রাম ত্যাগ করিবার পর আমরা একটা নাতিউচ্চ পর্বতের উপর আরোহণ করিলাম। ইহার একস্থানে সিকিম রাজ্যের গ্রীষ্মাবাস অবস্থিত। সিকিমরাজ চুস্বী উপত্যকার কিয়দংশ খরিদ করিয়া এই প্রাসাদ নির্মাণ করাইয়াছেন। এখন কিন্তু ইহার মধ্যে কেহই থাকেন না। শুনিলাম, সিকিম রাজ্য এই খানে আসিয়া তিব্বতীয়দিগের সহিত ভারত গণগণমেটের বিরুদ্ধে নানা প্রকার ষড়যন্ত্র করিতেন, ইহা প্রকাশ হওয়ার এখন আর এখানে আসিতে চান না। এই জন প্রবাদ যে কতদূর সত্য, তাহা আমি ঠিক বলিতে পারি না।

এইবার আমরা একটা অস্থায়ী দুর্গ নির্মাণের উপযুক্ত স্থান অনুসন্ধান করিতে লাগিলাম; অনেক অনুসন্ধানের পর খাংতু উপত্যকার একটা স্থান মনোনীত করা হইল। স্থানটিতে আমরা নূতন চুস্বী নামে অভিহিত করিলাম। স্থানটি একটা ক্ষুদ্র শৈলের উপর। পর্বতের ঠিক নীচে য়ুসক গ্রাম। ইহার পশ্চিমে টংকর গিরিপথ। স্থানটার একটা বিশেষ দোষ এই যে, ইহার পূর্বদিকে একটা উচ্চ পার্বত থাকতে সূর্যালোক বড় একটা পাওয়া যাইত না।

আমরা এইস্থানে দুর্গাদি নির্মাণের আয়োজন করিতেছি, এমন সময় অভিযানের সর্বপ্রধান কর্মচারী জেনারেল ম্যাকডোনাল্ড। General Macdonald আসিয়া উপস্থিত হইলেন। তিনি আমাদের নূতন চুস্বীর উপর বিশেষ সদয় ভাব প্রকাশ করিলেন না। তিনি বলিলেন যে, এখান হইতে ২৮ মাইল দূরবর্তী ফারী দুর্গ আমাদের পক্ষে অতি উপযুক্ত স্থান। উহা চুস্বী ও নিজ তিব্বতের প্রায় মধ্যস্থানে অবস্থিত। চুস্বী হইতে যাইতে হইলে উহা অতিক্রম করিতেই হইবে; বিশেষ উহা যথেষ্ট সুরক্ষিত ভাবে নির্মিত। এমন দুর্গ থাকিতে বৃথা কতক গুণা অর্থব্যয়ের কোন প্রয়োজন নাই। ইয়ংহজ-

মঙ্গলের কথা ।

গ্যেণ্ড্ সাহেব বলিলেন যে, উহা এখন ও পর্য্যন্ত তিব্বতীয় দিগের হাতে এবং উহার মধ্যে বহুসংখ্যক তিব্বতীয় সৈন্য অবস্থিতি করিতেছে । এমন অর্থাৎ উহা অধিকার করিতে আমাদের বিশেষ বেগ পাইতে হইবে । জেনারেল সাহেব কিন্তু দমিলেন না । তিনি সেই দিনই আদেশ দিলেন যে, পরদিবস প্রাতঃকালে যেন ৬ দিনের খাদ্যসহ ৮০০ সৈন্য ও ৪টি তোপ ফারী অভিমুখে রওনা হয় । আমার সাহেব ঐ সৈন্য দলের নায়ক নিযুক্ত হইলেন । তাঁহার আদেশ অনুসারে আমিও তাঁহার সহিত যাইবার জন্ত প্রস্তুত হইলাম ।

পর দিবস যে আমরা ফারী দুর্গ আক্রমণ করিতে যাইব, তাহা সকলেই অবিলম্বে জানিতে পারিলেন । তিব্বতের নাম যে কি প্রকার ভীতিপ্রদ তাহা আমরা এতদিন বুঝিতে পারি নাই । আজ তাহা স্পষ্ট জানিতে পারিলাম । পর দিবস প্রাতঃকালে আমরা উঠিয়া দেখি যে, আমাদের সঙ্গের সিকিমি সৈন্য ও তিব্বতীয় কুলিরা প্রায় সকলেই অদৃশ্য হইয়াছে । তাহারা পূর্বেই প্রকাশ করিয়াছিল যে, তিব্বত সাক্ষাৎ সমনপুরী । ঐ স্থানে গমন করিলে কাহাকেও আর ফিরিয়া আসিতে হইবে না ।

শ্রীমতুলবিহারী গুপ্ত ।

কবে ।

বসন্ত আসার আগে প্রমত্ত পবন
ছুটে আসে উর্ধ্ব-খাসে বন্যার মতন
উষ্মলিয়া দশদিশ, বিশীর্ণ মলিন
বিশুদ্ধ পত্রেরে করি বন্ধন-বিহীন
উড়াইয়ে নিরে যায় ব্যাকুল-উচ্ছ্বাসে
দূর হতে দূরান্তরে!—‘ঋতুরাগ আসে
কে রহিবে ম্লান দীন, আনন্দে শোভায়
সাজি অভিনয় বেশে বরি লহ তায়
ওরে মুগ্ধ বসুন্ধরা!’—সে যেন ইঙ্গিতে
সবারে ডাকিয়ে কহে! হায়রে চকিতে
আগমন-বার্তা তব ঘোষি হে রাজন,
কখন আসিবে হেন মদির-প্লাবন
জীর্ণ দীর্ণ প্রাণে মোর, রচিত্তে কেবল
সকল কালিমা-যুক্ত অর্থ্য নিরমল !

শ্রীজীবেন্দ্রকুমার দত্ত ।

পাঠ্যপুস্তকের বাহিরে প্রকৃতির রহৎ পুস্তকে যে সত্য লিখিত আছে, আমাদের দেশে তাহা কেহ বড় পড়িতে চাহে না । চূড়ান্ত মীমাংসা হইয়া পুস্তকাকারে যখন কোন বিষয় প্রকাশিত হইবে এবং সে পুস্তক যখন পাঠ্য-রূপে নির্দিষ্ট হইবে, তখনই আমাদের তাহা জানিবার প্রবৃত্তি হইবে, তার পূর্বে নয় । আকাশের গ্রহ তারার জ্ঞানলাভ করিতে হইলে নানারূপ যন্ত্রের সাহায্য প্রয়োজন ; তাগা বহুবায় সাপেক্ষ ।—সুতরাং এবিষয়ে যে আমরা কেবলমাত্র কথার প্রমাণের উপর নির্ভর করিব তাহার আর আশ্চর্য্য কি ?

গত জুলাই মাসের Windsor Magazine নামক পত্রিকায় H. C. O'Neill মঙ্গল গ্রহ সম্বন্ধে কয়েকটা কথা লিখিয়াছেন ; তাহা আশ্রয় করিয়া আমরা মঙ্গলের কথা ভাবিবার অবসর পাইয়াছি । অনেকেই জানেন যে কয়েক বৎসর পূর্বে মঙ্গলগ্রহ পৃথিবীর এত নিকটবর্তী হইয়াছিল যে, তখন তাহার সহিত কথাবর্তী চালাইবার বন্দোবস্তের জন্ত আমেরিকাতে মহা হুলস্থূল পড়িয়া গিয়াছিল । পর্তাকার আয়না তৈয়ার করিয়া তাহা দ্বারা সঙ্গত প্রেরণ করা হইবে ; একজন বিজ্ঞানবিৎ বেলেনে চড়িয়া অনেক দূর অগ্রসর হইয়া মঙ্গলের জবাব গ্রহণ করিয়া তাহা পৃথিবীতে প্রেরণ করিবেন ইত্যাদি অনেক প্রস্তাবই তখন হইয়াছিল । এত যে সব কাণ্ড হইয়াছিল, তাহার কারণ, অনেক জ্যোতির্বিদেরই মনে একটা বদ্ধমূল ধারণা আছে যে, মঙ্গলগ্রহে মানুষ অথবা মানুষেরই মত বুদ্ধিমান কোন জীব আছে । এই ‘বুদ্ধিমান প্রাণী’কে কেহ কখনও চক্ষে দেখিতে পান নাই । দূরবীক্ষণের সাহায্যে পণ্ডিতেরা মঙ্গল গ্রহের মধ্যে কতকগুলি রেখা মাত্র দেখিতে পান—এবং মনে করেন, এই সমস্ত কৃত্রিম খাল । কৃত্রিম খাল মানুষের মত বুদ্ধি না থাকিলে কেহ খনন করিতে পারে না ; সুতরাং ঐখানে মানব-জাতীয় কোন প্রাণী আছে । কিন্তু খাল থাকিলেই যে মানুষ থাকবে, আর না থাকিলেই মানুষ থাকিবে না, তা নয় । কৃত্রিম খালের অস্তিত্ব ছাড়া মঙ্গল গ্রহে যে

জীবিত প্রাণী আছে, তাহার অণু কোন প্রমাণ নাই। তবে সেখানকার বায়ুমণ্ডলের অবস্থা হইতে এইমাত্র প্রমাণিত হয় যে তাহাতে জীবিত প্রাণী থাকিতে পারে। বাস্তবিকই আছে কি না, তাহা বলা যায় না।



টেলিস্কোপে গৃহীত মঙ্গলের দৃশ্য।

(১০ ফেব্রুয়ারী ১৯০১)

দূরবীক্ষণের সাহায্যে যে রেখা-জাল মঙ্গলগ্রহে দেখা যায়, সে গুলি যে পয়ঃপ্রণালী এবং কৃত্রিম পয়ঃ-প্রণালী তাহা মনে করিবার কতকগুলি যুক্তি আছে। প্রথমতঃ, এ গুলি কৃত্রিম :— কারণ, অধ্যাপক Lowell বলেন, প্রথমে মাত্র ১১৩টি এইরূপ রেখা দেখা গিয়াছিল, তার পর, তিনি ঐ ১১৩টি ছাড়া আরও ৩২৩টি রেখা আবিষ্কার করিয়াছেন। ইহাদের সকল গুলিরই একটা বিশেষত্ব এই যে প্রত্যেকটাই অত্যন্ত সরল। ইহাদের অনেকগুলি অত্যন্ত দীর্ঘ ; একটা প্রায় ৩৪৫০ মাইল লম্বা। প্রত্যেকেরই এক প্রান্ত হইতে অপর প্রান্ত পর্যন্ত পরিসর প্রায় সর্বত্রই সমান। এমন কোন স্থান নাই, যেখান হইতে ৩০০ মাইলের ভিতরে ঐরূপ একটা রেখা না আছে। এই সমস্ত দেখিয়া মনে হয় যে, এই রেখাগুলি কৃত্রিম। প্রকৃতি কখনও এমন সুন্দর এবং সুশৃঙ্খলভাবে খাল কাটিতে পারে না।

কিন্তু কৃত্রিম জিনিস মাত্রেরই একটা উদ্দেশ্য থাকে। “প্রযোজনমহুদ্দিগ্য ন মন্দোহপি প্রবর্ত্ততে।” কোন বুদ্ধিমান জীব যদি এগুলি খনন করিয়া থাকে, তবে নিশ্চয়ই এদের একটা সার্থকতা আছে। এই সার্থকতাটা কি ?

এগুলি পয়ঃপ্রণালী এবং জলকষ্ট নিবারণের জন্তই খনন করা হইয়াছে। বাঙ্গালার গ্রামের চেয়েও মঙ্গলে জলকষ্ট বেশী। মঙ্গলগ্রহের জল নাকি প্রায় ফুগাইয়া আসিয়াছে—যাহা, আছে তাহাও অনেক স্থান হইতে হ্রস্বগম্য। এই খাল গুলি দ্বারা নাকি এই জলকষ্ট নিবারণের চেষ্টা হইতেছে।

খাল গুলি মেরুপ্রদেশ পর্য্যন্ত চলিয়া গিয়াছে ; এবং শীতকালে, যখন মেরুদেশে প্রচুর বরফ জমে, তখন এই গুলিকে স্ফীত দেখায় ; আর, গ্রীষ্মে বরফ গলিয়া গেলে ইহারাও স্ফীণ হইয়া পড়ে। যখন ঐ খালগুলি দিয়া প্রচুর জল বহিতে থাকে, তখন চতুর্দিকের ভূমিতে উদ্ভিদের শ্রামল ছায়া ফুটিয়া উঠে ; কিন্তু সে—বছরের অতি অল্প সময়েরই জন্ত। এই সমস্ত হইতে মনে করা হয় যে, এই রেখাগুলি পয়ঃপ্রণালী ভিন্ন আর কিছুই নহে। যদি বাস্তবিকই মেরুদেশ হইতে জল এই সমস্ত খাল দিয়া প্রবাহিত হয়, তাহা হইলে মাধ্যাকর্ষণের নিয়মানুসারে তাগা বিষুব-রেখার দিকেই অগ্রসর হইবে ; প্রকৃত প্রস্তাবেও তাহাই হয়। সুতরাং, অধ্যাপক Lowell এর মতে এগুলি যে পয়ঃপ্রণালী তাহাতে সন্দেহ করিবার আর কোন কারণই রহিল না। পরন্তু, যারা এ সমস্ত খনন করিয়াছে, তারা যে খুশি বুদ্ধিমান জীব তাহাও প্রমাণিত হইল। কিন্তু এত বুদ্ধি সবেও ইহারা যে বেশী দিন টিকিতে পারিবে, এরূপ ভরসা হয় না। কারণ, মেরুদেশের সঞ্চিত বরফ এবং তাহার ফলে এই খালগুলির জল এত তাড়াতাড়ি ফুগাইয়া যায় যে, তাহাতে মনে হয়—উক্ত গ্রহে জলের পরিমাণ বড়ই কমিয়া গিয়াছে। এই জল কষ্ট কে নিবারণ করিবে ? এবং কেই বা এদের প্রাণরক্ষা করিবে ?

এই রেখাগুলির অস্তিত্ব স্বীকার করিয়াও, কোন ২ পণ্ডিত এগুলি খাল নয়, এরূপ মত প্রকাশ করিয়াছেন। কেহ বলেন, এগুলি ভিন্ন ভিন্ন প্রদেশের সীমা মাত্র।

আবার কেহ বলেন, এগুলি বাস্তবিক রেখাই নয়, কতকগুলি পৃথক পৃথক বিন্দু-সমষ্টি মাত্র ; অনেক দূর হইতে দেখা যায় বলিয়া এই বিন্দুগুলির মধ্যে ব্যবধানটুকু আর দেখা যায় না। আবার কেহ বলেন, এগুলি এমন কতকগুলি জটিলতার সমষ্টি যে, সে গুলিকে আর কখনও পৃথকভাবে দেখিবার আশা নাই।

কতকগুলি ব্যবহিত বিন্দুকে দূর হইতে দেখিলে যে একটা রেখার মত দেখাইবে তাহা ঠিক ; এবং এই যুক্তির বলে অনেকেই মঙ্গলগ্রহে দৃশ্যমান রেখাগুলির একরূপ ব্যাখ্যা দিয়া থাকেন। কিন্তু তাহা হইলেও সমস্যার মীমাংসা হইল না। এই রেখাকার বিন্দু-সমষ্টির সংখ্যা প্রথমে যা দেখা গিয়াছিল তারচেয়ে এখন অনেক বাড়িয়াছে, এবং আরও বাড়িতে পারে। ইহার ব্যাখ্যা কি ? আর এই বিন্দুগুলিই বা কি ?

মীমাংসা হইয়া পুস্তকে সন্নিবিষ্ট না হওয়া পর্য্যন্ত, আমাদের কিছু বলিবার নাই।

শ্রীউমেশচন্দ্র ভট্টাচার্য্য

দশচক্র ।

১

ওকালতি আরম্ভ করার ৩৪ বৎসরের মধ্যেই এক-রকম পশার হইয়া উঠিয়াছিল। কিন্তু তাহার সহিত অলক্ষ্যে যে দারুণ ডিসপেপসিয়া রোগও বাড়িয়া উঠিতে-ছিল, তাহা কে জানিত !

অবশেষে শরীর যেন একান্ত অপারগ হইয়া উঠিবার উপক্রম করিল, তখন ডাক্তার বলিলেন—আর নয়, এইবার একবার পশ্চিম বেড়াইয়া আসুন !

আমার পশ্চিমের সীমা বর্ধমান পর্য্যন্ত। আমার এক ভগিনীর বিবাহ সেখানে হইয়াছিল, তাই এইটুকু জানা আছে ! সুতরাং ডাক্তার যখন বলিলেন পশ্চিম বেড়াইয়া আসুন, তখন আমার চোখের সম্মুখে এক সীমাহীন, নির্দেশহীন, রাজ্য জাগিয়া উঠিল !

কিন্তু তখনই মনে হইল, আমার এক বন্ধু এলাহাবাদে ওকালতি কবে। সে আমাকে ক্রমাগতই তাহার নিকট যাইবার জন্ত অনুরোধ করিতেছিল,—সেখানে গেলেও ত হয়। ডাক্তার ও বলিলেন, তা' মন্দ হয় না, আপনার এখন প্রয়োজন, পরিবর্তন ও প্রীতিকর কার্য্যে মনো-নিবেশ ! দেখিবেন, সেখানে গিয়া যেন ওকালতি আরম্ভ করিবেন না—বলিয়া তিনি একটু হাসিলেন।

সে হাসির অর্থ উকীল মাঝেই বুঝিবেন। আমি বলিলাম—না, সে ভয় নাই। তবে প্রীতিকর কার্য্যের অর্থ কি !

ডাক্তার বলিলেন—অর্থাৎ যে কাজ করিতে ভাল লাগিবে, যাহাতে মানসিক চর্চা বেশী না হয়, মোটের উপর হালকা কাজ ! এই যেমন বেড়ান, গল্পগুজব করা ইত্যাদি।

সুতরাং তাহার ২।১ দিনের মধ্যেই এলাহাবাদ যাত্রা করিলাম।

২

অতুল ষ্টেশনে আমার ভ্রম্ব অপেক্ষা করিতেছিল, আমাকে দেখিয়া মহাখুসী হইল।

সে কহিল—তুমি একা যে ?

আমি কহিলাম—একা মানে ?

সে কহিল—তোমার স্ত্রী,—স্ত্রী কোথায় ? তোমার অসুখে পরিচর্যা করিবে কে ?

আমি কহিলাম—আমার পরিচর্যা কে করিবে, সে কথা আমার বন্ধু-পত্নীকে জিজ্ঞাসা করগে, উত্তর পাইবে। আর আমার স্ত্রীর কথা এইটুকু বলতে পারি যে, এই অল্পদিনের মধ্যে তাড়াতাড়িতে কাহাকেও ঠিক করিয়া উঠিতে পারি নাই।

অতুল আমার মুখের দিকে বিস্ময়ের সহিত চাহিয়া কহিল—সত্যই বিবাহ কর নাই ?

আমি কহিলাম—সত্যই ! তুমি আমার যে কথাটাকে বরাবর মিথ্যা ভাবিয়াছিলে, সেটা বরাবর সত্যই ছিল !

অতুল কহিল—আশ্চর্য্য ! তবে আর তোমার ডিসপেপসিয়া না হইবে কেন ? পৃথিবীতে সমস্ত উপভোগের জিনিসই যাহারা একলা খায়, অপরের সহিত ভাগ করিয়া

লইবার মত যাহাদের পরার্থপরতা নাই, তাহাদের অগ্নিমান্দ্য না হওয়াই যে আশ্চর্য্য !

আমি কহিলাম—ব্রাতো !

অতুল কহিল—সত্যই, আমার খিওরি এই যে, অগ্ন্যতঃ ডিপেপসিয়াটা সারাইবার জন্ত ও লোকের বিবাহ করা উচিত !

অতুলের বাড়ীতে পৌঁছিয়া দেখিলাম, আমার সুবিধার সে সর্ব্বপ্রকার বন্দোবস্তই করিয়া রাখিয়াছে। এমন কি, আমি সস্ত্রীক আসিতেছি মনে করিয়া বাড়ীর ভিতরকার একটা ঘর ও আমার জন্ত সাজাইয়া রাখিয়াছিল।

আমি যে সস্ত্রীক আসি নাই, এমন কি আমার সস্ত্রীক আসিবার সম্ভাবনাই নাই, এ সংবাদটা বাড়ীর ভিতর একটা অশাস্তি জাগাইয়া তুলিল, বেশ বুদ্ধিতে পারিলাম। গৃহ কর্ত্তী যখন একটি আসন্ন বন্ধু লাভের আশায় উৎসুক হইয়া জানালার পার্শ্ব গাড়ী হইতে অবতরণশীলা বন্ধুটির প্রথম দর্শন লাভের আশায় অপেক্ষা করিতেছিলেন, সেই সময়ে এই সংবাদটায় নিশ্চয়ই তাঁহার ধৈর্য্যচ্যুতি ঘটাইয়াছিল ! একটা অসহিষ্ণু চুড়ির আওয়াজ, ক্ষিপ্ত চাবির ঝনঝন। এ সত্যটাকে আমার নিকট প্রত্যক্ষ করিয়া তুলিল। ধানিক পরেই অতুল হাসিতে হাসিতে আসিয়া কহিল—তুমি স্ত্রী আনো নাই এই অপরাধে, আমার স্ত্রীটিকেও যে আমি হারাইতে বসিলাম ! তাঁহার অভিমান ও ক্রোধের সীমা নাই, গৃহ কার্য্য অচল হইবার উপক্রম !

৩

সেণা কাহাকে বলে এতদিনে ভাল করিয়া বুঝিলাম ! অতুলের স্ত্রী আমার জন্ত যাহা করিয়াছিলেন, আমি নিজের স্ত্রীর নিকটও তাহা আশা করিতে পারিতাম না। ডাক্তারের অদ্ভুত বিধান ও অদ্ভুততর পথ্যের ব্যবস্থা মুহূর্ত্তের মধ্যে অক্ষরে অক্ষরে প্রতিপালিত হইত, সিকি-গরম ও তিন-পোয়া ঠাণ্ডা স্নানের জল হইতে আরম্ভ করিয়া সিকি ভরি আন্দাজ জোয়ান ও নেড়খানি লবঙ্গ দেওয়া পানি পর্য্যন্ত—ইন্দ্রজালের মত যথাসময়ে ও যথা-স্থানে আসিয়া উপস্থিত হইত !

রীতিমত ঔষধ সেবন ও তদপেক্ষা বেশী শ্রান্তিহীন সেবায়, পনের দিনের মধ্যেই শরীরটা অনেক ভাল বোধ হইল।

সেদিন বিকালে অতুলের বাড়ীর সম্মুখে দুইটা চেয়ার লইয়া আমরা বসিয়াছিলাম। আমি কহিলাম—তোমার স্ত্রীর জন্তই আমি নূতন করিয়া জীবন পাইলাম !

অতুল কহিল—তোমার জীবন পাওয়ার সম্বন্ধে তার যতখানি উৎসুক্য, তার চেয়ে বেশী উৎসুক্য তোমার একটি জীবনার্ক জুটিয়ে দেওয়ায় ! সেইটি দিতে পারিলেই মে নিশ্চিন্ত হয় !

আমি কহিলাম—কেমন করে ?

অতুল কহিল—তার সাধ্য আর কতটুকু ! কিন্তু আজকাল will-powerএর কথা শোনা যায়। প্রবল ইচ্ছার যদি কোন ক্ষমতা থাকে, তা বোধ হয় তোমাকে একলাটী না ফিরে যেতেও হ'তে পারে !

আমি কহিলাম—তাঁকে বহু ধন্যবাদ। কিন্তু স্ত্রী জিনিষটাকে চিরদিনই আমি একটা অপ্রয়োজনীয় ভার বলিয়া মনে করি—মে মতের যতদিন না পরিবর্তন হয়, ততদিন আমি একা !

অতুল খুব জোরে হাসিয়া উঠিয়া কহিল—তুমি এখনও আগাগোড়া ছেলে মানুষ ! মত—মত মানুষের জীবনের কতটুকু ? যে মতটাকে তুমি মস্ত বড় সত্য বলে আর্জ পোষণ করছ—সময় যখন আসবে, তখন সেটা ঝড়ের মুখে তুলোর মত একমুহূর্ত্তে উড়ে চলে যাবে ! তাকে পরিবর্তন করিবার দেরী তোমার সহিবে না ! —সেই অবসরের অপেক্ষা মাত্র !

আমি কহিলাম—অলৌকিক কথাগুলোকেও তুমি এমন করে গুহ্মিয়ে বলতে পারো যে তা' সত্যের মত শোনায় !

অতুল একটু হাসিল মাত্র। কিছু ক্ষণ পরে অতুল কহিল—হাঁ, হাঁ, তোমার সঙ্গে প্রাণকৃষ্ণ বাবুর আলাপ করিয়ে দিইগে চলো—প্রাণকৃষ্ণ বন্দ্যোপাধ্যায়,—এই আমা-দের বাড়ীর পাশেই তাঁর বাড়ী :—তিনি এখানকার স্কুলের হেডমাষ্টার, ভারি সজ্জন ! এ কয়দিন এখানে ছিলেন না, আজ এসেছেন। আলাপ করে সুখী হবে। কি বল ? আমি কহিলাম, বেশত' ভাল কথা। চলো।

৪

প্রাণকৃষ্ণ বাবুর বয়স পঞ্চাশের কাছাকাছি—অতি অমায়িক সজ্জন। আমার সহিত আলাপ হওয়াতে পরম প্রীত হইলেন।

বাড়ীর দিকে লক্ষ্য করিয়া কহিলেন—“উষা পান নিয়ে আয়।”

প্রাণকৃষ্ণ বাবুর নিজের কতকগুলি বিশেষ মতামত ছিল। তাহার মধ্যে একটি এই যে আজকালকার পড়াশুনার পস্থা একেবারে ভ্রান্ত। আমার দিকে ফিরিয়া তিনি বলিলেন—যত লোক পড়াশুনা করে, তাহার মধ্যে এক সহস্রাংশের-কেন,—তাহা অপেক্ষাও কম লোক প্রকৃত মানুষ হইতে পারে—তাহার অর্থ কি? অর্থ আর কিছুই নয়, মনুষ্যত্ব অর্জনের পস্থা নির্দেশ করা হয় না। লেখাপড়ার চূড়ান্ত উদ্দেশ্য মানুষ হওয়া, কিন্তু লেখাপড়ার সময় সে উদ্দেশ্য কটা লোকের মনে করিবার সুযোগ হয়?—সে আয়োজনই আমাদের নাই।”

আমি কহিলাম—তা ঠিক!

এমন সময় পান লইয়া উষা উপস্থিত হইল।

আমার চোখ উষার মুখের উপর নিবদ্ধ হইল। একি অপক্লম মুক্তি! এত সুন্দর! আমি এত রূপ কখনও দেখিয়াছি বলিয়া মনে হয় না! আমার অপরাধ, কি চোখের অপরাধ—জানি না, কিন্তু আমার দৃষ্টি তাহার মুখ হইতে ফিরাইতে পারিলাম না। উষাও আমার পানে চাহিয়া লজ্জার লাল হইয়া গেল—ধীরে ধীরে পানের বাটি রাখিয়া চলিয়া গেল।

প্রাণকৃষ্ণ বাবু তখন প্রকৃত মনুষ্যত্ব অর্জনের উপায় নির্দেশ করিতেছিলেন। আমার মাথার মধ্যে উষার রূপের রেখা লাগিয়াছিল,—প্রাণকৃষ্ণ বাবুর কথা শুনিবার অবসর ছিল না। আমার মনে হইতেছিল—এত রূপ!

প্রাণকৃষ্ণ বাবুর বলার উদ্দেশ্য বোধ হয় এইরূপ ছিল যে আজকালকার বই উঠাইয়া দিয়া তাহার পরিবর্তে বাস্তব দৃষ্টান্তের দ্বারা শিক্ষা-দানই প্রকৃষ্ট উপায়। যেখানটায় তিনি অত্যন্ত কোঁকের সহিত বলিতেছিলেন, সেখানটাতেই বোধ হয় আমি সবচেয়ে অমনোযোগী হইয়া পড়িয়াছিলাম,

তাই তিনি হঠাৎ ধামিয়া বলিলেন—আচ্ছা নরেশ বাবু, এ সম্বন্ধে কাল আমাদের বিশেষ করে চর্চা হবে,—এ সম্বন্ধে আমার নিজের অভিজ্ঞতা ও আপনাকে বলব।

আমি ও তাঁহাকে ধন্যবাদ জানাইয়া সেদিনকার মত উঠিয়া পড়িলাম।

বাহিরে আসিয়া অতুল কহিল—কেমন দেখলে?

আমি কহিলাম—কি?

অতুল হাসিয়া কহিল—তা তুমি জান।

আমি ঢাকিবার চেষ্টা না করিয়া বলিলাম—সত্যিই সুন্দর! এরূপ অল্পই দেখেছি।

অতুল কহিল—এ প্রাণকৃষ্ণ বাবুর মেয়ে। এই মেয়ের বিয়ে হয়নি—কেননা প্রাণকৃষ্ণ বাবু দরিদ্র! আশ্চর্যের কথা নয়!

আমি কহিলাম—আশ্চর্য্য!

অতুল কহিল—সুবর্ণ সুযোগ উপস্থিত। এই মেয়েকে বিবাহ ক’রে তুমি নিয়ে যাও!

আমি হাসিলাম বিবাহ যদি করতে হয় ত ইহার মত সুযোগ কম। কিন্তু বিবাহ যে করবে না—তার পক্ষে এ একটা—এমন কিছু বিশেষ সুযোগ নয়।

উষার বয়স চৌদ্দ হইবে,—মুখ দেখিলে মনে হয় সর্গের সরলতা ও সৌন্দর্য্য একত্র মিলিত হইয়াছে।

আপনাদের নিকট এখন স্বীকার করিতে আমার লজ্জা নাই—যে উষা আমাকে মুগ্ধ করিয়াছিল। অন্ধকারের মধ্যেই আলো বেশী করিয়া জলিয়া উঠিবার সুযোগ পায়, তাই বুঝি আমার কঠিন মনের মধ্যে উষার রূপ এতটা মোহ বিস্তার করিয়াছিল।

রাত্রে স্বপ্ন দেখিলাম যে—সমস্ত স্কুল হইতে বই উঠিয়া গিয়াছে এবং প্রাণকৃষ্ণ বাবুর এই নূতন স্কুলের মাত্র—আমি ছাত্র এবং উষা ছাত্রী!

৫

প্রাণকৃষ্ণ বাবুর এই নূতন ধরনের স্কুল সম্বন্ধে অধিক জানিবার জন্ত যে আমার বিশেষ কোন উৎসুক্য হইয়াছিল, তাহা নহে—তবু নিয়ামত সময়ে আমি প্রত্যহ তাঁহার বাড়ীতে তাঁহার ভাষণ পাঠশালা সম্বন্ধে তাঁহার মতামত শুনিতে যাইতাম। বেশী দিনই আমি একলা যাইতাম,

কারণ অতুল কাচারী হইতে ফিরিতনা । তখনকোনও দিন যদি উষা চকিতে পান অথবা জল লইয়া উপস্থিত হইত, তাহা হইলে মনে হইত প্রাণরক্ষণ বাবুর বক্তৃতা শুনা সার্থক হইয়াছে ।

এমন করিণা—জীবনটা বেশ স্বচ্ছন্দ বোধ হইতেছিল—দিনগুলি ক্ষিপ্রগতিতে যাইতেছিল । শরীর ও অনেকটা ভাল বোধ হইয়াছিল,—এমন কি ফিরিবার কথাও মনে হইতেছিল,—কিন্তু অতুলের আগ্রহাতিশয়ো আর ২।৪ দিন থাকিতে হইল ।

বেলা তিনটা আন্দাজ,—ইজি চেয়ারটায় সমস্ত দেহ ছড়াইয়া দিয়া মনটাকে কল্পনা রাজ্যে ছাড়িয়া দিয়াছিলাম । বাহিরে কালোমেঘ সমস্ত আকাশ আঁধার করিয়া দিয়াছিল—আর্দ্র গভাস আমার মাথার দিকের জানালা হইতে আসিয়া দেহ শীতল করিয়া দিতেছিল ।

আমার সমস্ত মনটায় যেন কিসের একটা নেশা লাগিয়াছিল—একটা রঙ্গীন নেশা ! বাদী, প্রতিবাদী, আরজি, জবাব, নিগাম ইস্তাহারের রাজ্য হইতে আসিয়া একি অভিনব রাজ্য । ডাক্তার বলিয়াছিলেন, হালকা কাজে মনোনিবেশ করিতে ! জীবনটা যেন এই দিনকতকের জন্ত কোন এক অভিনব রাজ্যের মধ্য দিয়া হাওয়ার মত উড়িয়া চলিতেছে ।

ভাবিতেছিলাম—উষা ! কি সুন্দর, কি স্নিগ্ধ ! উষাকে আশ্রয় করিয়া মনের ভিতর কি বাসনা সেই অন্ধকার আর্দ্র দিনে জমাট বাঁধিয়া উঠিতেছিল, তাহা আলোকে প্রকাশ না করাই ভাল ।

এমন সময় পিয়ন একটা চিঠি দিয়া গেল । অপরিচিত হস্তাক্ষর—সুন্দর কিন্তু অপরিপক্ব ।

চিঠি খানা খুলিয়া পড়িয়া শুরু হইয়া গেলাম । উষা লিখিয়াছিল । চিঠিখানা এইরূপ :—

পূজনীয়—

আগে আমিই লিখিতেছি—কমা করিও । লজ্জা করিতেছি—কিন্তু শুনিলাম তুমি নাকি চলিয়া যাইবে—তাই লিখিতেছি ।

এত শীঘ্র যাইবে ? তবে ছুদিনের জন্ত আসিয়াছিলে কেন ?

চিঠির উত্তর দিও । আমাদের বাইরের টেবিলের পশ্চিমকোণে টেবিলরূপের নীচে রেখে দিও । আমি তাহ'লে পাব । দয়া করো ।

তোমার উষা ।”

চিঠিখানা পড়িয়া মাথার ভিতর কিম্ব কিম্ব করিতে লাগিল । একি সত্য ? চিঠিখানা উল্টাইয়া, ভাল করিয়া দেখিলাম, দ্বীলোকের লেখাই বটে । তাহার উপর চিঠির উত্তর যে জায়গায় রাখিবার কথা লিখিয়াছিল, তাহাতে আর কোন সন্দেহই থাকেনা !

চিঠির প্রত্যেক কথাগুলো যেন আমার চোখের সন্মুখে জীবিত হইয়া উঠিল । উষা আমাকেই চায় ! “তোমার উষা”র অর্থ অতি সুস্পষ্ট ! “এত শীঘ্র যাইবে—তবে ছুদিনের জন্ত আসিয়াছিলে কেন ?” আসিয়াছিলাম যখন তখন কে জানিত আমার এত সৌভাগ্য সঞ্চিত ছিল ! উষার মত লক্ষ্মী, সে স্বচ্ছায় লিখিয়াছে “তোমার !”

আমি তখনই একটা উত্তর লিখিলাম—

“কল্যাণীয়ায়ু.

তুমি “তোমার উষা” লিখিয়া আমাকে যে সৌভাগ্যের অধিকারী করিয়াছ, তাহা আমি কল্পনাও করিতে পারি নাই ! তোমাকে যে আপনার করিতে পারে, সে বহু ভাগ্যবান ।

আমি মনে করিয়াছিলাম কোনও দিন বিবাহ করিবনা । কিন্তু বোধ হয় সে কল্পনা পরিবর্তন করিব । তোমার মত লক্ষ্মী যার কপালে জুটে, সে যদি তাহা গ্রহণ না করে, তবে তার মত লক্ষ্মী ছাড়া আর কে ?

আমি তোমার কথায় আরও কিছুদিন এখানে থাকিব ।”

উত্তর যথাস্থানে রাখিয়া দিলাম । তাহার পর দিন প্রত্যুত্তর পাইলাম । এমন করিয়া অল্পদিনের মধ্যেই চিঠির মধ্য দিয়া আমাদের দুজনের মতামত ও কল্পনা সুস্পষ্ট হইয়া উঠিল ।

আমার শেষ চিঠিটা দেখিলেই আপনারা বুঝিতে পারিবেন, আমরা কত দূর অগ্রসর হইয়াছিলাম । তাহা এই—

“তোমার চিঠি পেলাম । ভাগ্য তোমার না আমার ? আমার মনে হয় এতদিন ভগবান তোমার জন্তেই

আমাকে অপেক্ষা করিতে বলিয়াছিলেন। সার্থক সে অপেক্ষা করা !

আমি যে শুধু তোমাকে বিবাহ করিব তা নয়, এই যাত্রাতেই বিবাহ করিয়া ফিরিব। অতুলকে বলিয়া বাবা কে জানাইব। এক একটা দিন আমার পক্ষে এক এক বৎসর বলিয়া মনে হইতেছে।

তোমার নরেশ !”

সেই রাত্রেই কথায় কথায় অতুল কথা পাড়িল। বলিল—তুমি যাইবার জন্য তাড়াতাড়ি করিতেছ—কিন্তু আমার একটা অনুরোধ আছে।

আমি কহিলাম—কি ?

অতুল কহিল—প্রাণরক্ষণ বাবুর একান্ত ইচ্ছা তুমি উষাকে বিবাহ কর। তুমি নিজে তাহাকে দেখিতেছ—লক্ষ্মীর মত মেয়ে ! কিন্তু তুমি তার সম্বন্ধে সবটা হয়ত জাননা, শুনে ও সে তার রূপের চেয়ে কিছু কম নয়। একে বিবাহ করবার যদি কথা দাও—ত বড় ভাল হয়।—গরীব ব্রাহ্মণের মহত্বপূর্ণ করা হয়—তা ছাড়া তোমারও ত ক্ষতি কিছু নেই।

মানুষ আপন দুর্বলতা সহজে প্রকাশ করিতে পারে না—তাই আমি গজীর হইয়া কহিলাম—“কিন্তু বিবাহ তো আমি করব না মনে করেছি।”

অতুল হাসিল—তাহার পর কহিল—ও তোমার ছেলেমানুষি ! বিবাহ না করে কি সারা জীবন কাটাতে পারবে ? মানুষের অভাব—বিচিত্র, আজ রক্তের জোর আছে, মনে করছ বিবাহে দরকার নেই, কিন্তু কিছু দিন পরে প্রয়োজন হবে। তা ছাড়া এক্ষেত্রে প্রাণরক্ষণ বাবুর উপকারটা মনে করো।

সে দিন বিবাহের বিপক্ষে তর্ক করিতে বসি নাই—বিবাহের উদ্যোগেই রত হইয়াছিলাম, সুতরাং অতুলকে বেশী বুঝাইতে হইল না। অল্পক্ষণের মধ্যেই আমি এতদূর রাজী হইলাম যে—স্বীকার করিলাম, সেই যাত্রাই বিবাহ করিব।

অতুল কহিল—প্রাণরক্ষণ বাবুকে তা হলে খরব দিই গে

আমি সংক্ষেপে কহিলাম—দেওগে।

সেই মূর্ত্তে জানালার পাশ হইতে উচ্চ শব্দধ্বনি হইয়া উঠিল ! শব্দের কম্পিত নিনাদ ও চুড়ীর আওয়াজে অস্পষ্ট বুঝিলাম যে আমার আনন্দ অপেক্ষা বাদিকার আনন্দ কম হয় নাই ! অতুল হাসিল, কহিল—তোমাকে দেখে আমারও যে হিংসা হচে :

৬

যথাসময়ে বাবা, মা সকলেই আসিয়া উপস্থিত হইলেন, এবং এক শুভ রাত্রে উষার সহিত আমার বিবাহ হইয়া গেল।

সেদিন ফুলশয্যার রাত্রি। ঘরের ভিতরের আলো কমাইয়া দিয়াছিলাম এবং আপনার হাতে উষাকে ফুলে সাজাইয়া দিতেছিলাম। অস্পষ্ট আলোকে ফুলের সৌরভে ও সৌন্দর্য্যে তাহাকে অপরূপ সুশ্রী দেখাইতেছিল।

গলায় মালা পরাইয়া দিতে দিতে কহিলাম—“কিন্তু তোমার সাহস ত' খুব।”

উষা কহিল—“কেন ?”

আমি কহিলাম—“তুমি আগে আমাকে চিঠি দিলে কি করে ?”

বিস্ময়ে তাহার চোখ দুটা বড় বড় করিয়া সে কহিল—“চিঠি, কই, আমি তো দিইনি !”

আমি হাসিলাম, কহিলাম—“বাস, তারই জন্তে যে তোমার সঙ্গে আমার বিয়ে। আর তুমি দেওনি !”

উষার মুখ লাল হইয়া উঠিল, কহিল—“সত্যি বলছি, আমি তোমাকে একটা চিঠিও দিইনি !”

আমার ও বিস্ময়ের সীমা ছিল না। আমি কহিলাম—ভুলে যাচ্ছ। চিঠি ! আমি তার উত্তর তোমাদের বাইরের, ঘরের টেবিলের পশ্চিম কোণে রেখে দিতাম—তোমার কথামত !

উষা কহিল—এসব আমি কিছুই জানিনে ! কি বলছ তুমি !

বাহিরে জোৎস্না এবং ভিতরে সুখমার অস্ত ছিল না এমন রাত্রি নষ্ট করবার ইচ্ছা ছিল না। কহিলাম,—তা বেশ সে পরে ভাবা যাবে।

পরের দিন অতুলের নিকট হইতে একপত্র পাইলাম । চিঠিখানা এইখানে উদ্ধৃত করিয়া দি,—তাহা হইতেই আপনারা ব্যাপার বুঝিবেন ।

“ভাই-নরেশ,

তোমার বিয়েটা যখন একটা অভ্রান্ত সত্য হয়ে দাঁড়িয়েছে,—তখন ভেতরকার কথা বলায় আর কোন বাধা নেই ।

তোমার এই বিবাহের প্রজ্ঞাপতি তোমার শুভাকাঙ্ক্ষারিণী, আমার অর্দ্ধাঙ্গিনী, শ্রীমতী শৈল । তোমাকে দেখে অবাধ তাঁর নিয়ত কল্পনা হ'য়েছিল তোমাকেও একটি অর্দ্ধাঙ্গিনী দান করা,—এবং তিনি সফলও হয়েছেন ।

কেমন ক'রে—বলি । উষাকে দেখে তোমার মনের ভাবের কতক পরিবর্তন আমি লক্ষ্য ক'রে ছিলাম, সে কথা যে যথাসময়েই তাঁর কাছে পৌঁছান উচিত ছিল এবং পৌঁছান হইয়াছিল, তা বোধ হয় তুমি এখনও বুঝতে পারচ না ।

সুপ্ত সিংহ জেগে উঠল,—শৈল সম্বন্ধে এ উপমাটা বোধ হয় ঠিক হলো । যা হোক আমার বলবার ভাব এই যে, তার ভারি উৎসাহ লেগে গেল ! সে ক্রমাগতই উপায় উদ্ভাবনের চেষ্টা করতে লাগলে, প্রেমের ডাইগনোসিস মেয়েরাই ভাল করতে পারে, অন্ততঃ তোমার কেস থেকে আমারও সে ধারণা অভ্রান্ত হয়েছে,—অবশেষে যে সময়টি সে খুব শুভ ব'লে মনে করিল, সেই সময়ে তার অমোঘ বাণ ত্যাগ করিল ।

তার আভিনব কল্পনা আমাকেও আশ্চর্য ক'রে দিয়েছিল । সে জানিত উষার লেখা তুমি দেখনি, সে তার হ'য়ে তোমাকে এক চিঠি লিখলে !

রাবিবাবুর কথায় বলিতে গেলে—আমি বিরাট অবোধের মত চাহিয়া রহিলাম, এবং পোষ্টাফিসে নিজ হাতে চিঠি দিয়া আসিলাম, কারণ চাকরের হাতে পাঠাইবার অসুস্থতি ছিল না !

মেঘাকার সেই বিকালে তোমার হাতে চিঠি পরার পর, তোমার যে সকল ভাব-পরিবর্তন হ'য়েছিল, শৈলর কাছে তা এখনও বায়স্কোপের ছাঁবির মত সুস্পষ্ট ! যাহোক

তুমি যখন প্রাণকৃষ্ণ বাবুর বাইরের ঘরের টেবিলের পশ্চিম কোণে চিঠি রেখে দিলে, তখন শৈলের আনন্দের অবধি ছিল না । ডাক্তার রোগীকে ঔষধ দেওয়ার পর সে ঔষধে কাজ করিলে ডাক্তারের যেমন আনন্দ হয়,—শৈলের আনন্দটা সেই ধরণের !

তুমি বাহির হইয়া যাওয়ার পরই সে চিঠি শৈলর হস্তগত হইল । রাত্রে তাহা সে আমাকে দেখাইল । তোমার চিঠিখানি পড়িয়া বুঝিলাম, যে বুধাই তুমি এতদিন অবিবাহিত ছিলে ! এত শীঘ্র পরাজয় যে শুধু আমাদের মত চিরপরাজিতেরই সম্ভব !

তাহার পর—তোমার এবং উষা নামধারিণী শৈলর মধ্যে ঘন ঘন পত্র ব্যবহার ! শৈল এত ঘন ঘন পত্র আমাকেও কোন দিন দেয় নাই । তোমার কাছে অস্বীকার করিব না, ইহাতে আমার যে একটু হিংসা হয় নাই, তাহা নহে,—কিন্তু কি করিব, আমি চাহিয়া থাকিতাম এবং নিয়ম মত পোষ্টাফিসে চিঠি দিয়া আসিতাম !

অবশেষে তোমার শেষ পত্র যে দিন আসিল, সে দিন দৌত্যের ভার আমার উপর পড়িল । সে দিনকার কথা মনে করিয়া আমার এখনও হাসি পায় । তুমি তখনও বলিতেছ, বিবাহ করিব না, অথচ তুমি তখন আগাগোড়া আমাদের কাছে ধরা পড়িয়া গিয়াছ, তোমার মনের ভাবগুলি তখন আমাদের কাছে কাচের মত স্বচ্ছ !

দশচক্রে তুমি ভূত হয়েছ বটে, কিন্তু এটাও বলতে হবে ভূতের ভাবটা তোমার নিজের মধ্যেও অনেকটা ছিল । বাকি প্রশংসা গ্রাপ্য—চক্রান্তকারিণী শ্রীমতী শৈল-বালার । পরাজয়, তোমার সম্পূর্ণ পরাজয় শৈলর কাছে । আমি ভাবিতাম, তার কাছে পরাজয়ের অধিকার কেবল আমারই, কিন্তু তুমি ও আমার অধিকারে অংশী হইয়াছ, ইহাতে আমার মন কিছুতেই সুপ্রসন্ন হইতেছে না !

কিন্তু এই পরাজয় তোমাকে চিরদিন আনন্দ দান করিবে ! উষার মত রূপ-গুণসম্পন্ন স্ত্রী যার ভাগ্যে জুটে সে লক্ষ্মীবস্ত ! যতই দিন যাবে, ততই দেখবে যে, চক্রান্ত করে আমরা তোমার চিরজীবন সুখ ও সৌভাগ্যের আয়োজন করেছি মাত্র ।

শেষে একটা কথা চুপি চুপি বলি ! তোমার বিবাহ

হওয়ার পর থেকে শৈলর ভারি অহঙ্কার হয়েছে, সে মনে করেছে পুরুষ জাতটাকে সে আগাগোড়া বুকে নিয়েছে ! কিন্তু আমি যদি তার চিঠি পোষ্টাফিসে না দিতাম,—ত' কোথায় থাকতো সে ! এ কথা সে ভুলেই যায় ! ইতি—
তোমার অতুল ।

পু:—আশা করি ডিসপেনসিয়া সমূলে নির্মূল হয়েছে !
আমার থিওরিটা ক অত্রান্ত সত্য নয় ? —অ:

* * *

চিঠি পড়িয়া মনের যে ভাব হইয়াছিল, তাহা গোপন রাখাই শ্রেয়:। ভাগ্যিস এলাহাবাদে ছিলাম না ! শৈলর স্নেহ ব্যবহার ও গুণগ্রাম সত্ত্বেও তাহার উপর ক্রোধ সঞ্চিত হইয়া উঠিল ! মানুষকে কি এমনি করিয়া অপদস্থ করিতে হয় !

কিন্তু পাঁচ বৎসর পরে আজ আর সে ক্রোধ নাই ! মোটের উপর একথা বলিতে পারা যায় যে, আমার জীবন আনন্দের পথেই চলিয়াছে এবং তাহার একমাত্র কারণ শৈল ! সে শুধু আমাকে রোগের হাত হইতে মুক্ত করে নাই,—সত্যই সে আমার সৌভাগ্যের আয়োজন করিয়াছিল ! দেবতা যদি পৃথিবীতে অবতীর্ণ হন, ত' সে স্নেহময়ী নারীরূপেই !

শ্রীগিরীন্দ্রনাথ গঙ্গোপাধ্যায় ।

ভিক্ষা

জীবন্টারে

তোমার তরে

এয়ি করে

কাটতে চাই !

কোন্ সে মায়ায়

টান্ছে আমায় !

বুঝতে আজো

পারি নাই !

চাইনি বিভব

দিয়েছ সব !

লজ্জাহীনের

তবু সাধ—

বারেক তরে

করণ-করে

মুক্ত কর

মায়া-বাধ ।

শ্রীদেবেন্দ্রনাথ মহিস্তা ।

কেশবচন্দ্র আচার্য্য চৌধুরী ।

সেই একদিন গিয়াছে । তখন এই নগরে আমলা, উকীল, মোক্তার, মাষ্টার, হাকিম, ডাক্তার এবং প্রজা, জমিদার সকল শ্রেণীর লোকের মধ্যে পরস্পরের একটা প্রীতির বন্ধন ছিল । এমন কি, সাহেব এবং বাঙ্গালীতেও সদ্ভাবে মিলিয়া মিশিয়া কাজ করিতে দেখা যাইত । অনেক ব্যাপারে উচ্চ, মধ্য ও নিম্নশ্রেণীর লোক মিলিত হইতেন । আমি গত ৫০ বৎসরের কথা বলিতেছি । উকীল ৩ দাতা কালীকুমারের নাম লইলে সুপ্রভাত হইল বলিয়া লোকে মনে করিতেন । তিনি নগরের সকল শ্রেণীকে দয়া গুণে বাঁধিয়া রাখিয়াছিলেন । শ্রীযুক্ত বাবু কালীশঙ্কর সেই উপাদানে গঠিত । তিনি এখন রোগে এবং বয়স গুণে পীড়িত হইয়া পরিগাছেন ।

বড় বাসা বলিতে তখন স্বর্ণীয় কৃষ্ণসুন্দর ঘোষকে বুঝাইত । তাঁহার বৈঠক সর্বশ্রেণীর লোকের আরাম স্থল ছিল । ৩অন্নদা প্রসাদ দাস, ৩দেবীদাস সেন এই নগরের অভিভাবক স্বরূপ ছিলেন । ব্রাহ্ম ৩গোগীকৃষ্ণ সেন, ৩গোবিন্দচন্দ্র গুহ বিপত্তিতে বন্ধু ও রোগ শয্যায় অতি সহৃদয় গুণগ্রাম কারীর আয় সেবা করিতেন । চিরকুমার ছাত্রবৎসল অকুতোভয় ৩শরচ্চন্দ্র রায় সরলতা এবং সেবাপরায়ণতা গুণে রাজা প্রজা সকল শ্রেণীর প্রীতির এক বন্ধন রজ্জু স্বরূপ ছিলেন । তাঁহার ব্রাহ্ম দোকান তো দোকান ছিল না—মিলনমন্দির ছিল । ডাক্তার বরদাকান্ত এখন বৃদ্ধ । যেখানে ডেগ ডেগচির শব্দ শুনা যাইত সেখানেই সরলপ্রাণ ডাক্তার বরদা কান্তের ডাক । এমন সিদ্ধ হস্ত স্থপকার অধিক দেখা যায় না । তিনি এখন বার্ককোর সীমায় উপস্থিত ।

জমিদার ৩হুর্গাদাস আচার্য্য চৌধুরী, ৩অমৃত নারায়ণ আচার্য্য চৌধুরী তাঁহাদের উচ্চ আসন ভুলিয়া সকল শ্রেণীর সহিত কিরূপ সদ্ভাবে মিশিতেন সে চিত্র অরণ করিতেও মন এখন আনন্দে নাচিয়া উঠে । দেখিয়াছি, সেরপুরের হরচন্দ্র চৌধুরী, ব্রহ্মগণের জীর্ণকুটীরে ছিল আসনে বসিয়া দিন কাটাইয়া দিতেন । ১৮৮৭ সনে সারস্বত সন্মিলন-ক্ষেত্রে নৈশ যুক্ত-আকাশ তলে কাজাল

ফিকির চাঁদ যখন ভাবে বিভোর হইয়া “এই ফি সেই আর্থ্য ভূমি, আর্থ্য সম্ভান”, “কেনরে ব্রহ্মপুত্র ঝরে নেত্র” গাইয়াছিলেন তখন সে গান শুনিয়া সকল শ্রেণীর সঙ্গে সমান আসনে বসিয়া রাজা সূর্য্যকান্তকে, অশ্রু জ্বলে সিক্ত হইতে দেখিয়াছি। ডিপুটীম্যাজিষ্ট্রেট প্রাণ কুমার দাস, বাবু শশীকুমার দত্তকে আমরা ভুলিতে পারি না। সবজ্জ প্রথমনাথ প্রতি দিন প্রত্যুষে নগরের এক একদিকে আমলা, উকীল, শিক্ষক, ডাক্তারদিগের গৃহে উপস্থিত হইয়া শুভদিন জানাইয়া দিতেন। মোক্তার ৮কানী ঘটক, ৮রামকুমার সন্ধ্যা, ৮জগন্নাথ চৌধুরী, ইহারাও সে কালের আদর্শ স্থানীয় অমায়িক ব্যক্তি ছিলেন। সহস্র বৃদ্ধ মৌলবী হামিদ উদ্দিন কশ্ম ক্লেত্র হইতে অবসর গ্রহণ করিয়াছেন; তিনি হিন্দুর মন হইতে “দুরন্ত যবন” এই কথাটা মুছিয়া ফেলিবার জন্য কি প্রাণগত চেষ্টাই না করিয়াছেন। ইংরেজ হাকিম মিঃ বেনল্ডস্, আলেক-জেন্ডার, বাঙ্গালীর মা, বাপ স্বরূপ ছিলেন। আঠার বাড়ীর মোকদ্দমায় মিঃ পসির প্রতি লোকের ভাব বিরূপ হইলেও যখন তিনি রাজ পথে গেড়াইবার সময় দোলোৎসবে ছলির আবির্ভাব কুম্ভকুন্ হাসিতে হাসিতে গ্রহণ করিতেন, তখন আমরা উভয় জাতির বিচ্ছেদ ভুলিয়া যাইতাম। মিঃ ব্রেড্‌বরী সাহেবকে শীমলাই ধূতি চাদর পড়িয়া রাত্রিকালে নগরের গৃহে গৃহে ভ্রমণ করিয়া নানা তত্ত্ব সংগ্রহ করিতে দেখিয়াছি। সেই সকল তত্ত্ব লইয়া তিনি বিচার আসনে বসিয়া হাশ্বামোদ করিতেন, তখন এক অপূর্ব দৃশ্য হইত। জজ মিঃ মানি, ষ্টীভেন্স, হার্ডিঞ্জ, বিসক্রপট সদাশয় ব্যক্তি ছিলেন। চট্টগ্রামে মিঃ কারকুডের দুর্গাম থাকিলে ও তিনি সারস্বতে নববলের সঞ্চার করিয়া সকল শ্রেণীর লোকের হৃদয় কিনিয়া লইয়াছিলেন। মিঃ রমেশচন্দ্র দত্ত, মিঃ অম্বিকাচরণ সেন—তঁাহাদের কথা আর কি বলিব? তঁাহারাত আমাদেরই গোক ছিলেন। ডাক্তার ধর্ম দাস বসু এবং ডাক্তার কলভার্টকে আমরা ভুলিতে পারি না। এই শ্রেণীর লোক এখন আর অধিক দেখিতে পাওয়া যায় না। কেন এমন হইল?

এখন আমলা-উকীল, মোক্তার-ডাক্তার, বিচারক-

ব্যবহার জীবে আর তেমন সম্ভাব দেখিতে পাওয়া যায় না। এক শ্রেণী যদি মর্তবাসী, অন্য শ্রেণী শনৈশ্চর বাসী। এমন বিভিন্ন শ্রেণীর ইহারা যে একই গ্রহে পালিত নয় বলিয়া অনেক সময়ই ভ্রম হইয়া থাকে।

১৮৮৫ সনে প্রজ্ঞা ভূম্যধিকারী আইনের সৃষ্টিতে উচ্চ এবং নিম্নস্তরে একরূপ মনো মালিগ উপস্থিত হয়। ঐ ১৮৮৫ সনে জাতীয় মহা সমিতির প্রতিষ্ঠা। ধীরে ধীরে ঐ সময় হইতেই কি ইংরেজ বিচারক, কি বাঙ্গালী বিচারক ইহাদের অনেকেই অন্য শ্রেণী হইতে দূরে সরিয়া দাঁড়াইয়াছেন। পরস্পরে সম্ভাবের অভাবের অন্য কারণ জীবন সংগ্রাম। ঋষি দ্রব্যের মহার্যাতার জন্য এখন সর্ব শ্রেণীর লোক কিম্বা একই শ্রেণীর বহুলোক নিমন্ত্রণাদিতে মিলিত হইতে পারেন না। আমি এই নগরে ভাল চাউল প্রতিমণ ১৫০ আনা, উৎকৃষ্ট ঘূতের সের ৫০ আনা দেখিয়াছি। মৎস. মাংস অতি সুগভ ছিল। দিবারকান্দার বেগুন কে কত খাইবে! ৮ যোগেন্দ্র নারায়ণ ও ৮অমৃত নারায়ণ যখন নৈমিষারণোর পাতলা চিড়া আনাইয়া তপার মূলার সঙ্গে পরিবেশন করিতেন, তখন উহা দ্বারা কি সুন্দর প্রাতরাশই না হইত। বেগুনবাড়ীর চিড়া প্রসিদ্ধ ছিল।

এখন সে চিড়া চিবাইতেও আকেশ দাঁত জগাব দেয়। ঔপন্যাসিক বুলওয়ার লীটন বলিয়াছেন “Stomach is the seat of sympathy” ঋষি দ্রব্যের মহার্যাতায় উদয় পূজার আর সে সমারোহ নাই। ৮ শ্রীকৃষ্ণবাবুর “কঠু মেলায়” বন ভোজনের যে ভুরি আয়োজন হইত তাহার আর এখন সম্ভবনা কি? দুই এক স্থানে দুই পাচ জন বন্ধুলাকের সাক্ষ্যসমিতি হইলেও পূর্বের সে আনন্দ সেখানে মিলে না। দুই এক জন সহদয়ের গৃহে দুই এক পেয়লা চাতে চিত্তের সে প্রসন্নতা জন্মায় না। এই নগর হইতে জানকীনাথ ঘটকের অন্তর্ধানে সমাজের অমায়িকতায় একটা শক্ত বাধ ছিড়িয়া গিয়াছে। জনহিতৈষী, ভারত মিহিরের প্রতিষ্ঠাতা কালীনারায়ণ সান্যালের গৃহ সর্বশ্রেণীর লোকে পূর্ণ থাকিত। দেবনিবাসের দেবেন্দ্র-কিশোরের ভো দোশর দেখি না।

উপরে সর্বশ্রেণীর পরস্পর প্রীতির যে একটি চিত্র

দিলাম । ৬ কেশবচন্দ্র আচার্য্য চৌধুরী তাহার এক প্রধান পুরুষ ছিলেন । ইনি ভূম্যধিকারী, ইনি উকীল, ইনি মুন্সেফ, ইনি রাজনীতি বিৎ, ইনি সমাজতত্ত্ব বিৎ । সকল শ্রেণীর লোকের সঙ্গে মিলিয়া তিনি সকল শ্রেণীকে এক প্রীতিসূত্রে সংবদ্ধ করিয়া রাখিয়াছিলেন । তিনি অতিশয় আতিথেয় ছিলেন । কখনও একাকী আহার করিতে পারিতেন না । বৃষ্টি বাদলের আধারে যে রাত্রিতে তাঁহার গৃহে বহু সমাগমের ব্যাঘাত ঘটত, সে দিন তিনি ভিজিয়া হইলেও বহু সংগ্রহ করিতেন এবং একত্র আহারের আনন্দ উপভোগ করিতেন । আমরা তাঁহার বাল্য জীবনের কথা আর উল্লেখ করিতে চাই না । তিনি মুক্তাগাছার জমিদার পরিবারের সুসন্তান । বাল্যকাল হইতে শিকারের প্রতি তাঁহার অত্যন্ত অনুরাগ ছিল । জমিদার গর্ভে ভুলিয়া শিকার সাধারণ ক্ষেত্রে সন্মিলিত হইতে তিনি কখনও কুষ্ঠা বোধ করিতেন না । তিনি বহুযত্ন ও বহু আয়াস স্বীকার করিয়া এলাহাবাদ হাইকোর্টের ওকালতী পরীক্ষায় উত্তীর্ণ হন এবং ময়মনসিংহে ওকালতী ব্যবসা আরম্ভ করেন । এখন যেখানে সারকিট হাউস, সেটা তখন আদালত গৃহ ছিল । উকীলদের গৃহ উহারই এক পার্শ্বে । ঐ গৃহ অনেকেই উকীলদের যোগ্য বলিয়া মনে করিতেন না । ভারত মিহিরে “হরিদাসের গোশালা” বলিয়া উহার এক গ্লানি সূচক প্রেরিত পত্র প্রকাশিত হইয়াছিল ।

“হরিদাসের গোশালা যেমন

হাইকোর্টের লাইব্রেরী তেমন

কেহ আসছে কেহ যাচ্ছে—নজীর বগলে ।”

মুখে মুখে তখন এই কবিতারও আবৃত্তি শুনা যাইত । কেশব বাবু ঐ উকীল গৃহ পছন্দ করিলেন না । তিনি তাঁহার জন্ম এক স্বতন্ত্র গৃহ নির্মাণ করাইয়া লইলেন ! সেখানে তক্তপোষ, তোবক, তাকিয়া, তামাক ইত্যাদির অতি সুবন্দোবস্ত ছিল । ওকালতীতে স্বাধীন বুদ্ধির পরিচয় দিয়া তিনি যথেষ্ট সূক্ষ্ম অর্জন করিয়াছিলেন । তিনি কখনও আত্ম সম্মান বিসর্জন করিতেন না ।

তাঁহার জীবনের আত্ম-সম্মান-বুদ্ধির প্রকৃষ্ট দৃষ্টান্ত ঢাকার প্রকাশ পাইয়াছিল । ইহা তাঁহার উকীল জীবনের

পূর্বের ঘটনা । ওয়াইজ সাহেব ঢাকার একজন প্রবল প্রতাপান্বিত জমিদার ছিলেন । তাঁহার কর্মচারী মিঃ ডন । একদা ঢাকার রাজপথে ভ্রমণকালে ডন সাহেবের ‘গাড়ীর সঙ্গে ৬ কেশবচন্দ্রের গাড়ীর সংঘর্ষ হয় । এই সংঘর্ষে ডন সাহেব কেশব বাবুকে আক্রমণ করেন । ডন সাহেব কেশব বাবুর হস্তে যথেষ্ট প্রহৃত হন । এই ঘটনা উপলক্ষ করিয়া তিনি কেশব মহারাজ নামে অভিহিত হন । মিঃ ডন ইহার প্রতিশোধ লইবার সুযোগ অব্বেষণ করিতে ছিলেন । ১৮৬৬ সনে ময়মনসিংহে কৃষিপ্রদর্শনী মেলা হয় । ঐ মেলার কার্য্যভার মিঃ ডনের হস্তে অর্পিত হয় । ঐ মেলা ক্ষেত্র উদ্ঘাটনের দিন বহু জমিদারের সমাগম হইয়াছিল । কেশব বাবুও নিমন্ত্রিত ছিলেন । প্রবেশ পথে তাঁহাকে অপমান করা হয় । বকলঙ সাহেব তখন ঢাকার কমিশনার । তিনি প্রদর্শনী ও অধিবেশনের সভাপতি ছিলেন । তদ্ব্যতীত দর্শী বয়ঃবৃদ্ধ শ্রামাচরণ রায় মহাশয়ের নিকট গুনিয়াছি, এই ঘটনা উপলক্ষ করিয়া কলিকাতার Indian Mirror পত্রে একটা অগ্নিবর্ষী প্রবন্ধ প্রকাশিত হইয়াছিল । এই মেলার সময়ে ব্রহ্মানন্দ মহাত্মা কেশবচন্দ্র সেন এই নগরে উপস্থিত ছিলেন । অনেকে অনুমান করিয়াছিলেন, এই প্রবন্ধ ঐ মহাত্মারই লিখিত । ঐ প্রবন্ধের ফলেই হটক ক্রিয়া অন্ত কারণেই হটক বকলঙ সাহেবকে ক্রটি স্বীকার করিতে হইয়াছিল । ময়মনসিংহ নগরেও কেশব আচার্য্য — কেশব মহারাজ বলিয়া অভিহিত হইতেন ।

রাজনৈতিক সভায় আমরা তাঁহাকে অগ্রগণ্য দেখিয়াছি । ময়মনসিংহ রেলওয়ে আন্দোলনের পুরোভাগে তাঁহাকে পাইয়াছি । তাঁহার গৃহ রাজনৈতিক অধিবেশনের কেন্দ্র স্থান ছিল । ভূম্যধিকারী সভা তাঁহার যত্নে প্রতিষ্ঠিত হইয়াছিল । ময়মনসিংহের সারস্বত সমিতির তিনি অন্যতম প্রতিষ্ঠাতা । তিনি বহু বৎসর দক্ষতার সহিত সারস্বত সমিতির সভাপতিত্ব করিয়া গিয়াছেন । তাঁহার এক বিরাট লাইব্রেরী ছিল । উহাতে ইংরেজী বাঙ্গালা সংস্কৃত বহু ভাষার গ্রন্থ ছিল । তিনি গ্রন্থ ক্রয় করিয়া আপনার বিদ্যাবত্তার পরিচয় দিবার জন্য আলমারী সজ্জিত করিতেন না । তিনি

তাহার প্রত্যেক খানি পুস্তক পুথানুপুথ রূপে পাঠ করিতেন। তিনি “আফগান বিবরণ” প্রণেতা, “Law of Adoption” যাহা By a Hindustane Hindu Vakil কর্তৃক রচিত বলিয়া প্রকাশিত হইয়াছিল, কেশবচন্দ্রই তাহার গ্রন্থ কর্তা।

ইনি সাহিত্যিকদিগকে সন্মান করিতে জানিতেন। এই নগরের প্রধান সাহিত্যিক শ্রীযুক্ত ব্রজনাথ বিখাস, আদি মানবের বাসস্থান লেখক পণ্ডিত উমেশচন্দ্র বিষ্ণারত্ন এবং কবিবর গোবিন্দচন্দ্র দাস তাঁহার নিকট বিশেষভাবে ঋণী। যে কমিটী কর্তৃক “ময়মনসিংহ ইনষ্টিটিউসন (বর্তমান সিটী স্কুল) প্রতিষ্ঠিত হয়—যাহার পরিণতি আনন্দমোহন কলেজ—সেই কমিটীর সভাপতি ছিলেন ৬আনন্দমোহন বসু, সহকারী সভাপতি ছিলেন ৬কেশবচন্দ্র আচার্য্য।

শিকারে তিনি সিদ্ধহস্ত ছিলেন। তাহার অনেক শিকার কাহিনী স্থানীয় মাসিক পত্রে প্রকাশিত হইত। তিনি অগম সাহসী পুরুষ ছিলেন। ৬গগনচন্দ্র চৌধুরীকে বহু মুদ্রা সহ ইনি কলিকাতায় পৌছাইয়া দেন। সে কালে কলিকাতা যাত্রা সামান্য সঙ্কট সঙ্কুল ছিল না। এখানে অবাস্তর হইলেও এ কথাটি উল্লেখ করিতে চাই—৬গগনচন্দ্র চৌধুরী তাহার অগণিত মুদ্রা জলে ধুইয়া রৌদ্রে শুকাইতেন।

কেশবচন্দ্র একজন মুক্তহস্ত দাতা ছিলেন। একদিন এক জন ভিখারিণী তাঁহার নিকট ভিক্ষার জন্ত উপস্থিত হয়। তিনি বলিলেন—“আজ ওকালতীতে যাহা পাইব, সব তোকে দিব।” এমনি সময় এক জন লোক আসিয়া এক মুঠা টাকা দিল। এই এক মুঠা টাকাই তিনি ভিখারিণীকে দিয়া ফেলিলেন। অনেক দরিদ্র ছাত্র এবং অন্ত শ্রেণীর লোক তাঁহার নিকট হইতে অর্থ সাহায্য পাইত।

জীবনের শেষ ভাগে তিনি ওকালতী ব্যবসা পরিত্যাগ করিয়া কাশীবাসী হন। ১২৯৮ সালের ১২শে জ্যৈষ্ঠ কাশীতে তাঁহার মৃত্যু হয়। কেশবচন্দ্রের মৃত্যুতে ময়মনসিংহ একজন শিক্ষিত, সংসাহসী, অমায়িক সদাশয় ভূম্যধিকারী হারাইলেন। জানি না তাঁহার স্থান কত দিনে পূর্ণ হইবে।

• শ্রীঅমরচন্দ্র দত্ত।

নারায়ণ দেব।

আজ তিন বৎসর যাবৎ ‘নারায়ণ দেব’, ‘নারায়ণ দেব’ বলিয়া বঙ্গ সাহিত্য মহলে একটা ছল্‌ছল পড়িয়া গিয়াছে। মাসিক পত্রিকায় প্রবন্ধের পর প্রবন্ধ, “এক যায় আর আসে, সাগর তরঙ্গ যথা।”

রঙ্গপুর সাহিত্য পরিষৎ পত্রিকায় (১৩১৮, বর্ষভাগ, ২য় সংখ্যা) “নারায়ণ দেব ও পদ্মাপুরাণ” শীর্ষক একটি প্রবন্ধ শ্রীযুক্ত সতীশচন্দ্র চক্রবর্তী মহাশয় প্রকাশ করেন। এই প্রবন্ধে সতীশ বাবু শ্রীযুক্ত অচ্যুতচরণ চৌধুরী তত্ত্বনিধি ও শ্রীযুক্ত পঞ্চানন বাবু মহাশয় দ্বয়ের পূর্ব প্রকাশিত প্রবন্ধে প্রকাশিত নারায়ণ দেব সম্বন্ধীয় বিষয়ের প্রতিবাদ করেন। আর্ধ্যাবর্ত্ত পত্রিকায় (১৩১৯) ‘মনসা মঙ্গল’ নামীয় এক প্রবন্ধে শ্রীযুক্ত দীনেশচন্দ্র সেন মহাশয় নারায়ণ দেব সম্বন্ধে এক অভিনব মত প্রকাশ করেন। সতীশ বাবুর এবং দীনেশ বাবুর প্রবন্ধ দ্বয়ের প্রতিবাদে রঙ্গপুর সাহিত্য পরিষৎ পত্রিকায় (ত্রৈমাসিক, সপ্তমভাগ, দ্বিতীয় সংখ্যা) শ্রীযুক্ত বিরজাকান্ত ঘোষ মহাশয় এক প্রবন্ধ এবং বর্তমান অগ্রহায়ণ মাসের সাহিত্য সংবাদ পত্রিকায় শ্রীযুক্ত অচ্যুত বাবু এক প্রবন্ধ প্রকাশ করিয়াছেন।

পূর্বেই বলিয়া রাখিয়াছি, রঙ্গপুর সাহিত্য পরিষৎ পত্রিকায় সতীশ বাবুর, আর্ধ্যাবর্ত্ত পত্রিকায় দীনেশ বাবুর এবং নব্যভারতাদি পত্রিকায় অচ্যুত ও পঞ্চানন বাবুর প্রবন্ধ সকল আমি পাঠ করি নাই; তবে বিরজা বাবু ও অচ্যুত বাবু তাঁহাদের শেষোক্ত প্রবন্ধদ্বয়ে যাহা যাহা উদ্ধৃত করিয়াছেন, এবং যেরূপ সমালোচনা করিয়াছেন, তাহা হইতেই সকল প্রবন্ধের মূল কথা এবং স্কুল মর্শ্য অবগত হওয়া যায়। এই অবগতি অনুসারেই বর্তমান প্রস্তাব বিবক্ষিত হইল।

অগ্রে সতীশ বাবুর এবং বিরজা বাবুর বাদপ্রতিবাদের আলোচনা করিব। যত দূর বুদ্ধিতে পারিয়াছি, সতীশ বাবু নারায়ণ দেবকে ময়মনসিংহ জেলার কবি বলিয়া, তাঁহার উক্তি, তিনটি স্মৃৎ প্রমাণের উপর সংস্থাপন করিয়াছেন।

১ম। নারায়ণ দেবের নাম ময়মনসিংহে আবালবৃদ্ধ-বণিতার নিকট সুপরিচিত।

২য়। নারায়ণ দেবের নিজের উক্তি—

“পূর্ব-পুরুষ মোর অতি শুদ্ধমতি।

রাঢ় ত্যজিয়া বৃড় গ্রামেতে বসতি ॥”

বৃড়গ্রাম ময়মনসিংহ জেলায়।

৩য়। বৃড়গ্রামে নারায়ণ দেবের বংশধরগণ বাস করিতেছেন, তাঁহাদের বংশাবলীতে নারায়ণ দেবের ও তাঁহার কথিত পূর্ব-পুরুষগণের নাম আছে।

এই তিন প্রমানে দোষারোপ করিতে বসিয়া বিরজা বাবু বহু বাক্য বিচার করিয়াছেন; কিন্তু তাঁহার বাক্য সতীশ বাবুর অনুকূল ভিন্ন প্রতিকূল হয় নাই। প্রথম প্রমান সম্বন্ধে তিনি দুই দফা প্রতিবাদ করিয়াছেন। এক দফায় উক্তি করিয়াছেন,—“ইহা সাহস করিয়া বলিতে পারি যে, “বংশীদাসের পদ্মাপুরাণের সংস্করণ বাহির হইবার পূর্বে ময়মনসিংহবাসী শিক্ষিত সম্প্রদায় মধ্যে শতকরা ৫ জন লোকেও জানিতেন না যে, দ্বিজ বংশীদাসের পৃথক পদ্মাপুরাণ আছে। তাহারা শুধু এই জানিতেন যে, নারায়ণ দেবের পদ্মাপুরাণে বংশীদাসের ভণিতা আছে এবং ইহা এই পদ্মাপুরাণ নকল করিবার সময় স্থানে স্থানে স্বীয় নামটি বসাইয়া দিয়াছেন। বংশীদাস কোথাকার লোক, তাহা অনেকেই জানিতেন না। নারায়ণদেব কোন জেলার লোক জানিতে চাহিয়া ময়মনসিংহের কয়েক স্থানের টোলের অধ্যাপক হইতে এই উত্তর পাইয়াছি যে তিনি পূর্ব দেশের লোক, ময়মনসিংহের কিনা তাঁহারা জানেন না।” বিরজা বাবু তাঁহার প্রবন্ধে সতীশ বাবুর প্রবন্ধের যে অংশ উদ্ধৃত করিয়া সমালোচনা করিয়াছেন, তাহাতে বংশীদাসের পৃথক পদ্মাপুরাণ থাকা না থাকার কথা নাই। সতীশ বাবু এই মাত্র বলিয়াছেন যে নারায়ণদেব এবং দ্বিজবংশীদাস ময়মনসিংহবাসীর চিরপরিচিত। একথা বিরজা বাবুর উপরের উদ্ধৃত উক্তি দ্বারা দৃঢ় হইতেছে।

দ্বিজবংশীদাসের পৃথক পদ্মাপুরাণ ছিল বলিয়া ময়মনসিংহবাসী জানিতেন বা নাই জানিতেন, তাহারা বংশীদাস ও নারায়ণদেবকে জানিতেন। সুতরাং বংশীদাস ও

নারায়ণদেব তাঁহাদের চির পরিচিত। টোলের অধ্যাপক গণ নারায়ণদেবের বাড়ী কোন্ জেলায়, তাহা জানুন বা নাই জানুন কিন্তু নারায়ণদেবকে জানেন, নারায়ণদেব তাঁহাদের চির পরিচিত। বিরজা বাবুর নিজের কথা মতেই ইহা প্রমাণিত হয়। এখানে বিরজা বাবুকে একটি কথা আমাদের জিজ্ঞাস্য আছে,—“বংশীদাস নিজে নারায়ণদেবের পদ্মাপুরাণ নকল করিবার সময় স্থানে স্থানে স্বীয় নামটি বসাইয়া দিয়াছেন, বলিয়া জানিতেন”, একথা কোন ময়মনসিংহবাসী স্বীকার করিবেন কি? স্বীকার করিতে পারেন কি? ইহাই আবার তিনি “সাহস করিয়া” বলিয়াছেন, তাঁহার “সাহস”টা ব্যসন নহে কি? কোন মৃত মহাত্মা সম্বন্ধে কোন কথা বলিতে হইলে, সংযত ভাষায় সঙ্গত কথা বলিতে হয়, বিরজা বাবু এখানে এ বিবেচনা করেন নাই, ইহাই দুঃখ।

বিরজা বাবুর আর এক দফা এই,—সতীশ বাবু লিখিয়াছেন, “শৈশবে মাতৃ স্তনের সহিত যঁহার কবিতার পরিচয়, তাঁহাকে আপনার লোক বলিয়া বিশ্বাস করা ময়মনসিংহবাসীর পক্ষে অতি মাত্র স্বাভাবিক।” বিরজা বাবু বলেন, ইহা কি যুক্তি? যদি এই প্রকার বিশ্বাস স্বাভাবিক হয়, কবিগুরু বাম্বীকি, মহামতি-চাণাক্য, মদনমোহন তর্কালঙ্কার, ইহাদিগকেও ময়মনসিংহবাসী বলিয়া মানিয়া লইতে হইবে, কারণ তাহাদের গাথার সহিত অত্র স্থানের ঞায় ময়মনসিংহের শিশুদিগের পরিচয় হইয়া থাকে।” দেখিতেছি বিরজা বাবু সতীশ বাবুর বাক্যের সরল ভাব গ্রহণ করিতে বড়ই নারাজ। তিনি বক্র পথ ধরেন, আবার ঘুরিয়া ফিরিয়া সোজা পথেই আইসেন। এখানে তিনি নিজেই নিজের বিতর্ক ধ্বংস করিয়া, সতীশ বাবু যা বলিলেন তাই বলিতেছেন। তিনি নিজেই বলিতেছেন, বাম্বীকি, চাণাক্য, মদনমোহন তর্কালঙ্কারের গাথা অত্র স্থানের শিশুর ঞায় ময়মনসিংহের শিশুরও পরিচয় হয়, কাজেই একা ময়মনসিংহবাসী তাঁহাদিগকে আপনার বলিয়া ভাবতে পারে না। কিন্তু নারায়ণদেবের গাথার সহিত একা ময়মনসিংহের শিশুর পরিচয় হয়, সুতরাং তাঁহাকে ময়মনসিংহবাসী আপনার বলিয়া ভাবা স্বাভাবিক। সতীশ বাবুর কথার এই

সুন্দর ও সঙ্গত বৃক্তি। মাতৃস্মৃতির সহিত পরিচয় হয় কথা অতিরঞ্জিত ভাবিয়া বিরজা বাবু সতীশবাবুকে ব্যঙ্গ করিয়াছেন। কথাটা একটু অতিরঞ্জিত হইলেও হইতে পারে; কিন্তু আমরা দেখিয়াছি মাতা স্তম্ভপায়ী শিশু ক্রোড়ে করিয়া এবং সঙ্গে লইয়া পদ্মপুরাণের পাঁচালী শুনিয়াছেন।

সতীশ বাবুর দ্বিতীয় প্রমাণের প্রতিবাদে বিরজাবাবুর নিজের কিছুই বলিবার নাই। পঞ্চানন বাবু একটি প্রবন্ধে অহেতুক অতর্কিত ভাবে বলিয়াছিলেন, “বুড়গ্রাম পূর্বে শ্রীহট্ট সরকারের অন্তর্গত ছিল।” সতীশ বাবু তাঁহার প্রবন্ধে পঞ্চানন বাবুর এই কথার প্রমাণ চাহিয়াছিলেন। পঞ্চানন বাবু ভ্রমশতঃ হঠাৎ এই কথা বলিয়াছেন, বুদ্ধিতে পারিয়াই, বোধ করি, বিজ্ঞানোচিত মৌন অবলম্বন করিয়াছেন, কোন উত্তর দেন নাই। মনুষ্য মাত্রেই ভ্রম করে। ভ্রম করা মনুষ্যের স্বভাব। কিন্তু ভ্রমের সমর্থন করিতে যাওয়া নিতান্ত অবিজ্ঞের কার্য, কারণ ভ্রম ব্যতীত ভ্রমের সমর্থন হয় না। তাই বিজ্ঞ ব্যক্তির তাহা করেন না। বিরজা বাবু পঞ্চানন বাবুর সেই কথা সমর্থন করিতে অগ্রসর হইয়া প্রথমেই সতীশ বাবুকে পুনরায় জিজ্ঞাসা করিলেন, “তিনি কোন প্রমাণের বলে ঠিক করিলেন বুড়গ্রাম চিরদিন ময়মনসিংহের অন্তর্গত ছিল?” এরূপ প্রশ্ন বিরজাবাবুর মুখে দূরে থাকুক, আজ কাল কোন শিশুর মুখে শুনিলেও আমরা ব্যথিত হইতাম। বুড়গ্রাম যখন ময়মনসিংহ জেলার অন্তর্গত, তখন চিরদিনই উহার অন্তর্গত আছে, এ ধারণা স্বাভাবিক। ইহার প্রমাণ প্রয়োজন করে না। কিন্তু যিনি বলিবেন বুড়গ্রাম কোন সময়ে শ্রীহট্টের অন্তর্গত ছিল, সে কথার প্রমাণের ভার তাঁহারই উপর পড়িবে। এ কথাও আমাদের বলিতে হইল! না বলিলে নয় বলিয়া, বড় অনিচ্ছার সহিত একটা কথা আমাদের বলিতে হইতেছে, লেখক মহাশয়দ্বয় ক্ষমা করিবেন। “সত্যম্‌ য়াৎ প্রিয়ম্‌ য়াৎ নক্রমাৎ সত্যম্‌ প্রিয়ম্‌।” বচনটির অর্থ আমি করি,— সত্য বলিবেই কিন্তু প্রিয় ভাবে বলিবে, অপ্রিয় ভাবে সত্য বলিবে না। অথ এক জননী অথ ভাষায় বলিয়াছেন,—Truth pleases less when it is naked. অর্থাৎ সদা সত্য কথায় মনস্তৃষ্টি কমই হয়। আমি বোধ

হয় সেরূপ প্রিয়ভাবে বলিতে পারিব না; এই জ্ঞান ক্ষমা চাহিতেছি। বিষয়টি এই,—বিরজা বাবুর এবং অচ্যুত বাবুর প্রবন্ধদ্বয়ের একটা বিশেষত্ব পরিলক্ষিত হইল। যে বিষয়ের আদৌ কোন প্রমাণ নাই, সে বিষয় প্রমাণসিদ্ধ বলিয়া মূল প্রবন্ধে লিখা হয়। পাদটিকায় যবেস্তবে যাহা কিছু একটা লিখিয়া, প্রচ্ছন্ন ভাবে প্রকারান্তরে অকৃতকার্যতার পরিচয় দেওয়া হয়। পঞ্চানন বাবু স্বয়ং যে বিষয়ে নিরব আছেন, বিরজা বাবু স্বয়ং আগ্রহাতিশয় প্রকাশ করিয়া স্পর্কার সহিত বলিলেন,—“পঞ্চানন বাবুর কৈফিয়ৎটা আমরাই দিতেছি।” সে কৈফিয়ৎ দিলেন, মূলপ্রবন্ধে এই—“শ্রীযুক্ত কেদারনাথ মজুমদার মহাশয়ের ময়মনসিংহের বিবরণে এবং শ্রীযুক্ত অচ্যুতচরণ তত্ত্বনিধি মহাশয়ের শ্রীহট্টের ইতিবৃত্তে আছে—ময়মনসিংহের জোওয়ানসাহী পরগণা সরকার শ্রীহট্টের অন্তর্গত ছিল।” নিয়ে নোটে লিখিলেন,—“বোরগ্রাম জোওয়ানসাহী পরগণার অন্তর্গত, ইহা আমি জানিতে পারিয়া, সত্য অনুসন্ধান করিয়া জানাইবার জ্ঞান কেদার বাবুকে অনুপ্রোধ করিয়াছিলাম। সম্প্রতি (এই প্রবন্ধ লিখিত হইবার পর) কেদার বাবু একখানা চিঠিতে তাঁহার ভ্রম স্বীকার করিয়া, আমাকে জানাইয়াছেন যে বোরগ্রাম নসিরুদ্দিন পরগণার মধ্যে অবস্থিত।” বিরজা বাবু স্পর্কার সহিত যাহা আরম্ভ করিয়াছিলেন, আক্ষেপের সহিত তাহা নিজেই খণ্ডন করিয়া পরিসমাপন করিলেন। আমাদের বলিবার আর কি আছে? তবে এই মাত্র বলি, বিরজা বাবু যখন প্রকৃত বিষয় জানিতে পারিয়াছিলেন এবং কেদার বাবুও আপনার ভ্রম স্বীকার করিয়াছিলেন, তখন, ঐ ভ্রমাত্মক বিষয় মূল প্রবন্ধে সত্য স্বরূপ লিখিয়া পাঠকের চক্ষে ধূলি নিক্ষেপ করিবার প্রয়াস পাইলেন কেন? এবং বঙ্গ সাহিত্যের প্রতিইবা এ অত্যাচার করিলেন কেন? এবং কেদার বাবুর উত্তর পাইয়া তিনি টিকা লিখিতে পারিলেন, অথচ মূল প্রবন্ধের ভ্রম রহিত করিলেন না! ময়মনসিংহের জোওয়ানসাহী পরগণা কোন সময় শ্রীহট্টের অন্তর্গত ছিল কিনা, সে মীমাংসা এ প্রবন্ধের বিষয়ভূত নহে

বলিয়া আমরা তাহার আলোচনা করিলাম না, কিন্তু বিরজা বাবু তাহাও প্রমাণ করিতে পারেন নাই। কারণ, পঞ্চানন বাবু প্রভৃতি যাহার কথার “বশবর্তী” এবং যিনি সকলের অগ্রবর্তী সাহিত্যকার, সেই দীনেশ বাবু এমন কথা তাহার গ্রন্থে লিপেন নাই।

সতীশ বাবুর তৃতীয় প্রমাণ সম্বন্ধে বিরজা বাবু বলেন,— “নারায়ণ দেবের বংশধরগণের বংশতালিকা একটু সন্দেহ জনক বলিয়া বোধ হয়।” এই সন্দেহের কারণ স্বরূপ বলা হইয়াছে, “সতীশ বাবুর কথায় বুড়গ্রামের বিশ্বাসেরা নারায়ণ দেব হইতে সপ্তদশ পুরুষ অধস্তন, আর পদ্মা-পুরাণের প্রস্তাবনায় (এই প্রবন্ধের লেখকের লিখিত) নারায়ণদেব হইতে তাহার বর্তমান বংশধর ২০ পুরুষ ব্যবহিত বলিয়া লিখিত আছে।” বিরজা বাবু বলেন,— “পরস্পর বিরোধী দুইটি কথার উভয়টি সত্য হইতে পারে না।” সাধারণ ভাবে বলিতে গেলে, বলিব, উভয়টিই সত্য হইতে পারে। এক প্রকারে নহে, একাধিক প্রকারে পারে। নারায়ণ দেবের বংশধরগণ সকলেই কি সকল কালেই সম পর্যায়ের থাকিবেন? আজ যে গণনা হইবে, ৫০ কি ১০০ বৎসর পূর্বের গণনায় তাহার সূচনাধিক্য হইতে পারে না কি? তৎপর যাহার বংশ সপ্তদশ অথবা বিংশতি পুরুষ পর্য্যন্ত বর্দ্ধিত হইয়াছে, তাহার বংশতরু অবশ্য একাধিক শাখায় বিভীর্ণ হইয়াছে। সকল শাখাতেই কি পুরুষের সংখ্যা সমান হইবে? তৎপর কোন কোন পুরুষ পুত্র পৌত্রাদি সহ বর্তমান থাকেন, এরূপ স্থলে, কেহ পুত্র পৌত্রাদি সহ গণনা করেন। কেহ বা পুত্র পৌত্রাদি গণনায় ধরেন না, তাহাতেও উভয় মধ্যে সংখ্যার কম-বেশী হয়। হইলে ও উভয় গণনা সত্য। আমাদের উভয় গণনায় যদি কেহ ভুল ও করিয়া থাকি, তাহা আমাদের একের ক্রটি ব্যতীত নারায়ণ দেবের বংশাবলীর প্রতি সন্দেহের কারণ হইতে পারে না। বংশাবলী কি কখন বিশিষ্ট বিরুদ্ধ প্রমাণ নাপাইলে অগ্রাহ্য হইতে পারে? উহা স্বতঃসিদ্ধ প্রমাণ, অথ প্রমাণের অপেক্ষা করে না। পিতৃ পিতামহের নাম কি কেহ কৃত্রিম লিখিয়া থাকে?

বিরজা বাবু আর একটি কথা বলেন, “বুড়গ্রামের বিশ্বাসেরা দেশে বিশিষ্ট সম্মানিত কায়স্থ নহেন। শ্রীযুক্ত কালীকান্ত বিশ্বাস মহাশয় তাহাকে জানাইয়াছেন যে, তিনি অনুসন্ধানে অবগত হইয়াছেন, বুড়গ্রামে দক্ষিণ রাঢ়ীয় কায়স্থ নাই। কিশোরগঞ্জের মোক্তার বুড়গ্রাম নিবাসী শ্রীযুক্ত গগণচন্দ্র বিশ্বাস মহাশয় এক পত্রে আমাদেরকে জানাইয়াছেন, “আমি বুড়গ্রামের নারায়ণ দেবের বংশোদ্ভব। আমরা দক্ষিণ রাঢ়ীয় কায়স্থ। স্বর্গীয় মহেন্দ্রচন্দ্র দে (বিরজা বাবুর প্রবন্ধের উল্লেখিত মহেন্দ্র-চন্দ্র বিশ্বাস) আমাদের জাতি নহে, সে আমাদের জনৈক সিংহের ছেলে।” গগণচন্দ্র বিশ্বাস মহাশয়ের এই কথার পর কালীকান্ত বিশ্বাস মহাশয়ের অনুসন্ধান ঠিক বলিয়া পরিগৃহীত হইতে পারে না, কারণ গগণচন্দ্র হোম মহাশয় তাহার সহযোগী মহেন্দ্র দেকে নারায়ণ দেবের বংশধর বলিয়া বিশ্বাস করিয়াছিলেন। অথচ মহেন্দ্র দে নারায়ণ দেবের বংশধরের দাসের ছেলে। যাহাদের দাসের পুত্র বর্তমানে ভদ্রলোক হইয়া অত্যাচার ভদ্র বাগকের সহিত চলিতেছেন, তাহারা যে বহু প্রাচীন মৌলিক সম্মানিত কায়স্থ, এ বিষয়ে কোন সন্দেহ হইতে পারে কি? বিরজা বাবু বুড়গ্রামের বিশ্বাস মহাশয়দের বংশাবলী সম্বন্ধে কেদার বাবুর নিকট পত্র লিখিয়াছিলেন, কেদার বাবু তাহাকে জানাইয়াছেন, “নারায়ণ দেবের পিতা মাতার নাম বংশাবলীর সহিত মিলিয়াছে—আমার বিশ্বাস। ধনপতি, নরসিংহ, প্রভাকর—বিশ্বাসদের বংশাবলীতে আছে।” এইরূপ লিখিতে বিরজা বাবু জিজ্ঞাসা করিয়াছেন, বংশাবলীতে মাতামহের নাম থাকে কিরূপে? দেখা বাইতেছে কেদার বাবু বংশাবলী দেখিয়া পত্রের উত্তর দেন নাই, নাহিলে “বংশাবলীর সহিত মিলিয়াছে আমার বিশ্বাস” একথা লিখিতেন না। বোধ হয়, নারায়ণ দেবের বংশধরের নিকট জিজ্ঞাসা করিয়া লিখিয়াছিলেন। নারায়ণ দেবের মাতামহের নাম প্রভাকর ছিল, ইহাও উক্ত বংশধরে বলিয়াছিল, তাই ধনপতি, নরসিংহ নামের এক সঙ্গে উক্ত নাম লিখিয়াছিলেন। যাহা হউক এ প্রশ্নের উত্তর কেদার বাবুর দেয়, তিনি দিবেন। বিরজা বাবু

যে তর্কই করুন না কেন, নারায়ণ দেবের বংশীয়গণ যে, বুড়গ্রামে আছেন, একথা সর্ববাদী সম্মত—কেহই অস্বীকার করেন নাই। বিরজা বাবুর সহকারী লেখক অচ্যুত বাবু তাঁহার প্রবন্ধে লিখিয়াছেন, “ময়মনসিংহ জেলার ভিতরে নারায়ণ দেবের বংশীয়গণ বাস করিতেছেন” তাঁহার এই কথার সাক্ষী রামধন ভট্টচার্য্য বলেন,— “নারায়ণ দেব ময়মনসিংহ জেলার বুড়গাঁও নামক স্থানে বাইয়া বাস করেন।” বুড়গ্রামের বিশ্বাস মহাশয়েরা নারায়ণ দেবের বংশধর বলিয়া পরিচয় দিতেছেন এবং তাঁহাদের পিতা পিতামহের নাম সম্বলিত বংশাবলী দেখাইতেছেন ; তাঁহারা ভিন্ন নারায়ণ দেবের বংশধর আর কাহারো হইতে পারেন ? (আগামী বারে সমাপ্য।)

শ্রীরামনাথ চক্রবর্তী।

কুমারী ব্রতের স্মৃতি।

মাঘ মণ্ডল।

সে শৈশবের কথা। তখনও ভোরের পাখী ডাকিয়া যায় নাই, কুয়াসার চতুর্দিক ঘেরিয়া আছে, তার উপর অন্ধকার। পিসিমার ডাকে ঘুম ভাঙিল। পৌষ মাসের হাড় ভাঙ্গা শীতে লেপ ছাড়িয়া উঠিলাম, তখন ও চোখের ঘুম যায় নাই। সেই শীতের মধ্যে প্রবল উৎসাহ লইয়া আমাদের বাড়ীর সন্মুখের বেমুকুঞ্জ সমাচ্ছন্ন পেনা পঁচা পুকুরের শীতল জলে স্নান করিতে গেলাম। দেখিলাম—আমাদের পাড়া প্রতিবেশী বহু ছেলে মেয়েও নববধু উৎসাহ ভরে জলে নামিয়া ডুবাইতেছে, আমিও তাহাদের উৎসাহে অনুপ্রাণিত হইয়া জলে ঝাঁপাইয়া পড়িলাম, কি আনন্দ! সে দিন উত্তরায়ণ সংক্রান্ত। মাঘের করে রাজ্যভার দিয়া পৌষ মাস বিদায় মাগিতেছে।

উৎসাহ ভরে স্নান করিয়া উঠিলাম। তখন আমাদের বহিঃপ্রাঙ্গণে পুকুরের ধারে অগ্নি প্রজ্জ্বলিত হইল। গ্রামের ছেলে বুড়া আসিয়া সমবেত হইয়া স্নুখে আগুণে হাত পা গরম করিতে লাগিল। কত গল্প গুজব চলিতে লাগিল। আনন্দে উৎসাহে বহুক্ষণ কাটিয়া গেল। তখনও রাত্রি প্রভাত হইল না।

যখন পূর্বদিক নবীন রাগে রঞ্জিত হইবার আভাস পাওয়া গেল, তখন অর্ধম দীঘীর ঘাটে গেলাম; পূর্বদিবসই আমার ছোট দিদি আমার জন্ত দুর্কা বাঁধিয়া রাখিয়াছিল। আমি তাহা হাতে করিয়া ঘাটে গিয়া কাক ও বককে এই মন্ত্র উচ্চারণ করিতে করিতে জল দিতে লাগিলাম।

কাকে না ছুঁইতে বকে না ছুঁইতে
ছুঁইলাম ছুঁইলাম দুর্কার আগে
দুর্কা সরস্বতী কিবর মাগে
আইবর ভাইবর বিয়ার বর মাগে।

এইমন্ত্র বলিতে বলিতে জল নাড়িতে লাগিলাম ও পরে দুর্কা জলে ফেলিয়া চলিয়া আসিলাম। নিত্য নূতন নূতন দুর্কা বাঁধিতে হইত। কাক ও বককে জল দিয়া পরে ফল ভাসাইতে হইত। সাত দিনে সাত প্রকার ফল। ফল ভাসাইবার মন্ত্রও এইরূপ :—

“সুশীলা আইতে সুশীলা বাইতে, কইও চিত্র গুণের
মায়ে বার বছর পরে ফলটা পাঠাইয়া দেয়।”

ব্রতের প্রথম সাত দিন আমি নিরামিষ আহার করিলাম। অষ্টম দিনে ভেরুয়া (ভেলা) প্রস্তুত করিয়া তাহা পত্রপুষ্প সুসজ্জিত করিয়া যখন বাড়ীর ঘাটে ভাসাইতে বাইতাম, তখন কত খেলার সাথী আসিয়া জুটিত। বড় স্নুখে ভেলা নিয়া ঘাটে ভাসাইতাম। সে শৈশব স্মৃতি কত মধুর।

ইতিমধ্যে বাড়ীর প্রাঙ্গণে পঞ্চবর্ণ চূর্ণদিয়া কত চিত্র বিচিত্র মূর্তি অঙ্কিত হইয়া বাইত। মধ্যে গোলাকার মণ্ডল আঁকিয়া তাহার পূর্বদিকে সূর্য্য, পশ্চিমে চন্দ্র, অঙ্কিত হইত; বামে অর্ধ চন্দ্রাকারে উদয় আঁকিয়া তাহার পূর্বে সূর্য্য পশ্চিমে চন্দ্র, তাহার পার্শ্বে একটা পুষ্করিণী—পাড়ে একটা পাখী জল পান করিতেছে, একখানি খাট, দোলা, ত্রিকোণা পৃথিবী, এক গোড়া মথড়, পান ওপারীর গাছ পানের বাটা, শাটী, হস্তী, অশ্ব, ছত্র, পঞ্জিকা, পুঁথি, দর্পণ প্রভৃতি নিত্য প্রয়োজনীয় দ্রব্য অঙ্কিত করিয়া একটা তুলসী পত্রদ্বারা স্পর্শ করিয়া পূজাকরিতে হয়। এইগুলি সবই ভবিষ্যতে সংসার পাতিবার আসবাব পত্র। এগুলিকে পূজিবার মন্ত্র এইরূপ :—

প্রথম—মণ্ডল স্পর্শ করিয়া :—

মাঘ মণ্ডল সোণার কুণ্ডল বাপ রাজা ভাই প্রজা


মা পাটেশ্বরী আপনি বিত্যাধরী

ধালে ভাত ভুজারে পানি—জলে জন্মে এয়োরানী ।

(চাঁদে হাত দিয়া) —চান্দ পূজি চন্দনে

(সূর্যে হাত দিয়া) সুরুজ পূজি বন্দনে, চাঁদ পূজিয়া ঘরে বাই,

সুরুজ পূজিয়া বি ভাত খাই ।



পুকুর ঘাটে ভেরুয়া ভাসান ।

(উদয়ে হাত দিয়া) —উঠ উঠ ললিতা সোহাগের ঝলিতা

স্বত—ভাত কর্পূর হাত

মুই পূজি উদয় হাত ।

(খাটে হাত দিয়া) —খাটে আইলাম খাটে গেলাম

বাপের বাড়ী গিয়া ছুধ ভাত খাইলাম ।

পুকুরিনী—মামার দিল পুকুরিনী ভাগিনায় দিল পাড়

সোরা পাখী পানি খায় দেখরে সংসার ।

পান—পানি গলাজল গুয়া খাষি কল

ভারে খাইয়া বর্তী বইনে বর্ত কর ।

আমি পূজি গুঁড়ির শাড়ী আমার লাগিয়া আইব

পাটের শাড়ী

আমি পূজি গুঁড়ির আয়না " " " আভের আয়না

" " কটুয়া " " " কাঠের কটুয়া

" " কাকট " " " হাড়ের কাকট

" " মচকা " " " কাঠের মচকা

" " শাখা " " " শাখের শাখা

ধড়মে—পুঙ্ড়মে দিয়া পাও সুস্বামীর ঘরে চলে

যাও ।

পাঁজি—পাঁজি পুঁধি পাঁজিখর, বাপ ভাই লক্ষ্মেখর ॥

ত্রিকোণা—তিন কোণা পৃথিবী যায় ভাসিয়া

মুই বর্তীর বর্ত করি সিংহাসনে বসিয়া ।

কুরাল :—ওরে ওরে কুরাল ডালে তোর বাসা

ধালে তোর আশা

মুই বর্তী গুঁড়ি খাইতে তোর বড় আশা

তালগাছ—তাল পূজি তালেশ্বর

বাপ ভাই লক্ষ্মেখর ।

ঘোড়া—উতল ঘোড়া নকল ঘোড়া

ষোল ভাইয়ের ষোল ঘোড়া

তেল কলসী হাতে ঘি কলসী মাথে

প্রথম পুতে করে কাজ

প্রথম বউ ভোগে রাজ

অস্ত কালে শ্রী কৈলাশ ।

মণ্ডল পূজিয়া গুঁড়িগুলি একত্র করিয়া রাখি-

তাম । ইহার পর সূর্যোদয় হইলে আবার পুকুর

ঘাটে যাইয়া সূর্য্য প্রণাম করিয়া সূর্য্যকে অস্ত্র এক

গুচ্ছ দুর্বা দ্বারা জল দিতে হইত । তাহার মন্ত্র এইরূপ :—

লও সূর্য্যাই লও তোমার পানি

লেখিয়া জুধিয়া ছয় কুড়ি পানি

ছয় কুড়ি পানির মধ্যে এক কুড়ি উনা

উনা দোনা ভরিয়া দিলাম মেঘের কাণের সোণা ।

মেঘের কাণের সোণা নায়ে নাড়িয়া পিস্তল

ধাক্কা দিয়া ফালাইয়া দিলাম বাড়ীর ভিতর ?

বাড়ীর ভিতর নায়ে আড়ু গাড়ু পানি

ভাঙেঝা দিয়া আইলাম সূর্য্যের পানি ।

সুরুজ ঠাকুর সুরুজ ঠাকুর দিয়া যাও বর
বাপ ভাই হউক লক্ষ্যবর।

সাত দিন অন্তর ভেরুয়া ভাসাইবার রীতি। ভেরুয়ার
সঙ্গে মণ্ডলের সঞ্চিত চূর্ণগুলি ও প্রতিদিনের ৭ গুচ্ছ
ছুর্কা দিতে হয়। ভেরুয়া ভাসাইয়া স্নান করিতে হয়।
৮ম দিনে সন্ধ্যার পূর্বে খাইয়া উদয়ের ও নক্ষত্রের পূজা
করিতে হয়। সাত দিনের সাত নক্ষত্র ও সাত উদয়
পশ্চিম দিকে আঁকিয়া পূজিতে হয়।

যন্ত্র এইরূপ :—



প্রাকমে মণ্ডল।

উদয় পূজি অর্ধ না জানি
সন্ধ্যা হইলে ভাত না খাই
গোয়ালে গাই-গরু বাধি
স্বত—ভাত কর্পূর হাত
মুই পূজি উদয় হাত।

(চাঁদের হাত দিয়া) চান্দ পূজি চন্দনে

(সূর্য্যে হাত দিয়া) সুরুজ পূজি বন্দনে।

নক্ষত্রে হাত দিয়া :—

ওরে ওরে তারা তুই মোর সাকী স্বত মাধি পঞ্চ গ্রাসী
এই ঘরে কে আগে তারা বালি হু তইন আগে

আগে বালি আগে বর খুঁজিয়া লইলাম বিদ্যার বর।

শাস্তাশাস্তি বাড় ভাতস্তি মাইল পুতস্তি

তারা পূজিয়া ঘরে যাই যে বর মাগি সেই বর পাই।

এই দিন রাত্রিতে আহার নিষেধ। এমন কি
ঘরের বাহির হইতেও পিসিমা নিষেধ করিলেন, পাছে
নক্ষত্র দেখিয়া ফেলি।

মাঘ মাসের শীতে প্রতি দিন ভোরে উঠিয়া স্নান
করিতাম ও ব্রত করিতাম। মাঘের সংক্রান্তি দিন উঠানে
বৃহৎ মণ্ডল আঁকা হইল। ব্রাহ্মণ আসিয়া পূজা করিয়া

গেলেন তারপর ভেরুয়া
ভাসাইতে চলিলাম। গ্রা-
মে র চেলে বুড়া সকলে
আসিয়া পুকুর পাড় বে-
ড়া ও করিয়া দাঁড়াইল।
আমি ভেরুয়া ভাসান
হইয়া গেলে বাড়ী আসিয়া।
সেই অঙ্কিত মণ্ডলের মধ্য-
স্থলে একটা গাইলের
উপর বসিলাম। আমার
ছোট ভাই বোন ও সম-
বয়সীরা আমার চতু-
র্দিকে সমবেত হইল।
আমি একটা ছাতি ধরিয়া
ঘুরাইতে লাগিলাম ;তখন
আমার ছোট ভাই পুটু

আমার মাথায় ঠে ও ছুঁকের “লাড়ু” ঢালিতে লাগিলে যেন
চতুর্দিকে লাড়ু ও ঠে বৃষ্টি হইতে লাগিল। সকলে লাড়ু-
গুলি তুলিয়া মুখে দিতে লাগিল। তারপর মণ্ডলে বসিয়া
সকলকে লইয়া দধি-চিড়া ভক্ষণ করিলাম। এইরূপে
চারি বৎসর করিয়া এই ব্রত প্রতিষ্ঠা করিলাম। এক
বৎসর করিয়া ব্রত প্রতিষ্ঠা করা যাইতে পারে।

এখনও আমাদের পূর্ব-ময়মনসিংহের অনেক পরি-
বারের মেয়েরা এই সকল ব্রত করিয়া থাকে।

শ্রীমতী—দাসী।

শুভ-দৃষ্টি ।

তৃতীয় পরিচ্ছেদ ।

৩

আমি ক্রমে সঙ্কোচ ভাব অনেক পরিমাণে কমাইতেছি দেখিয়া ও বুঝিয়া চণ্ডী বাবু ও তাঁহার গৃহিণী যেন আমাকে আরও একটু অধিক আপনার করিয়া লইলেন ।

শৈবাল ও এখন, যখন তখন আসিয়া অগ্ন্যন্তু ছেলে-পেলেদের জায় আমার আঙ্গুল মসকাইত, পিঠে হাত বুলাইত, মাথা আঁচড়াইত, সময় সময় ইহা অপেক্ষা আরও একটু অতিরিক্ত মাত্রায় উপদ্রব করিত । আমি নিঃসঙ্কোচে সে সকল অত্যাচার সহ্য করিতাম । সময় সময় চণ্ডী বাবু ও তাঁহার গৃহিণী তাহা দেখিতেন ; কিন্তু কোন কিছু বলিতেন না । আমি মনে মনে স্বরণ করিতাম—“ত্বয়া হৃদীকেশ হৃদিস্থিতেন যথা নিযুক্তোঽস্মি তথা করোমি” ।

৪ঠা মাঘ রবিবার । প্রাতঃকালে বড়ই বিরক্তি বোধ করিলাম । গত কল্যা ভয়ানক অসুখ হইয়াছিল । সমস্ত দিন লজ্বন, আফিসেও যাই নাই । চণ্ডী বাবু ও তাঁহার গৃহিণী শৈবালকে আমার গুণ্ণবায় নিযুক্ত করিয়াছিলেন । আমার একান্ত নিবেদন সত্ত্বেও শৈবাল সারা দিন রাত আমার সুখ সাক্ষন্দ্য বিধানের চেষ্টা করিতেছে । শৈবালের পরিচর্য্যার রাত্রিতে আমার বেশ স্ননিদ্রা হইয়াছিল । প্রাতঃকালে উঠিয়া দেখি, শৈবাল আমার শয্যা পার্শ্বে নিদ্রিতা ! ইহাতে মনে বড়ই বিরক্তি বোধ হইল । চণ্ডী বাবুর নিকট এই বিষয় উত্থাপন করিয়া প্রতিবাদ করিলাম । চণ্ডী বাবু অগ্ন্যন্তু বাজে কথা উত্থাপন করিয়া আমার উত্থাপিত কথায় একেবারেই কর্ণপাত করিলেন না । তাঁহার এইরূপ ব্যবহারে আমি নিজকে ঘোরতর মায়াজালে বেষ্টিত বলিয়া মনে করিতে লাগিলাম । যাহা হউক, সময়ে আমি ইহার তীব্র প্রতিবাদ করিব বলিয়া স্থির করিলাম এবং নিজের আত্যন্তরীণ ভাবগুলির প্রতি একটু সতর্ক দৃষ্টি গ্রহণ করিতে সচেষ্ট হইলাম ।

দ্বিপ্রহরে আহার ও বিশ্রামের পর চণ্ডী বাবুর খাস কামরায় বাইরা দেখি, তিনি স্ত্রী ও কন্যা লইয়া ভাগবতের স্থান বিশেষের ব্যাখ্যা করিতেছেন । আমি বাইরা এক

খানা পৃথক আসনে উপবেশন করিলাম । ব্যাখ্যা ও পাঠ চলিতে লাগিল । ভাগবতের কৃষ্ণলীলার প্রতি আমার তেমন শ্রদ্ধা ছিল না । বলিতে কি, স্ত্রী-কন্যার সহিত একত্র উপবেশন করিয়া ভাগবতের ঐ সকল অংশ পাঠ করিতেছেন দেখিয়া আমি একটু সঙ্কোচ বোধ করিতে ছিলাম । এই সময় চণ্ডী বাবুর স্ত্রী কার্য্য কারণে প্রকোষ্ঠান্তরে গেলেন । আমি চণ্ডী বাবুর নিকট ধীরভাবে কৃষ্ণলীলার প্রতি আমার বক্তব্য বলিলাম ।

চণ্ডী বাবু ঈষৎ হাস্য করিয়া আমার প্রতি মুখ তুলিয়া চাহিলেন । তাঁহার চাহনির ভিতর অমায়িকতা ও সহানুভূতির চিহ্ন সম্পূর্ণরূপে বিদ্যমান থাকিলেও, আমার বুক দূর্ব দূর্ব করিয়া কম্পিত হইতে লাগিল । মনে হইল যেন আমি কোন অজ্ঞায় বিষয়ের অবতারণা করিয়া ফেলিয়াছি, জ্ঞান বৃদ্ধ এবং বয়োবৃদ্ধের প্রতি অবজ্ঞা করিয়াছি ।

চণ্ডী বাবু আমার দিকে চাহিয়া রহিলেন । আমি তাঁহার দিকে তাকাইয়া আর কোন কথা বলিতে পারিলাম না । নীরবে রহিলাম । এই সময় শৈবালও উঠিয়া তাহার মাতার অনুসরণ করিল । আমি অবসর বুঝিয়া বলিলাম কৃষ্ণলীলা আমাদের মনে যে সকল অসংযত ভাব প্রকটিত করে, এইরূপ ভাবের অধিক বিস্তৃতি বোধ হয় সমাজের পক্ষে কল্যাণ কর নহে ।

চণ্ডী বাবু যেন একটু বিরক্তির ভাবে বলিলেন—তোমাদের জায় যাহারা কুচি বাগীশ—ভগবতের কোন কিছুই তাঁহারা স্নন করে দেখিতে পারেন না । চণ্ডী বাবুর ভাব বুঝিয়া আমি নীরব হইয়া রহিলাম ।

চণ্ডী বাবু বলিতে লাগিলেন—ভগবৎভক্তি ও ভগবৎ-প্রেমের বিকাশ জগতে আর কোন গ্রন্থেই এত দেখিতে পাওয়া যায় না । কিন্তু তোমাদের জায় সুরূচি বাগীশ দিগের চক্ষে কিনা তাহা মহা অশ্লীল । যাই হউক, মেয়েরা যখন চলিয়া গিয়াছে, তখন আর শাস্তিভঙ্গের কোন আশঙ্কা নাই । চল আমরা আজ সুরূচির মাপকাঠি ধরিয়া দেখি ভাগবতে কি পরিমাণ কুরুচি আছে ।

চণ্ডী বাবু পুস্তক খুলিয়া বলিতে লাগিলেন—“এই ‘বন বিহার’ অধ্যায় ভাগবতের এক নম্বর কুরুচি । তুমিও

অবশ্যই সেই অধ্যায়টির কথাই মনে করিতেছ। যাহা হউক, মনে করিয়া লও যে গোপীগণ কামভাবেই কৃষ্ণকে পাইবার চেষ্টা করিয়াছিলেন, কিন্তু কৃষ্ণ কি তাহাদের এই কার্যে—উচ্ছ্বল ও বদি বল—অনুমোদন করিয়াছিলেন? কৃষ্ণ যতক্ষণ পর্যন্ত গোপীগণের মনোভাব বুঝিতে না পারিয়াছিলেন, ততক্ষণ পর্যন্ত তাঁহাদিগকে সদোপদেশ প্রদান করিতে ক্রটি করেন নাই। সে উপদেশ অমূল্য। হিন্দুর সাহিত্য ব্যতীত অন্য কোন জাতির সাহিত্যে এইরূপ উপদেশ নাই; থাকিতে পারে না।

শ্রীকৃষ্ণ বনমধ্যে বিহার করিতেছেন, গোপীগণ তাঁহাকে কিছুতেই পরিত্যাগ করিতেছেন না। তখন কৃষ্ণ তাঁহাদিগকে সঙ্ঘোষন করিয়া বলিতেছেন—

“মাতরঃ পিতরঃ পুত্রাঃ ভ্রাতরঃ পত্যশ্চৈব ।

বিচিন্তয়ন্তি হৃদয়স্তো মাকধবং বন্ধু সাধবগং ॥

* * * *

“দুঃশীলো দুর্ভগো বৃদ্ধোজড়ো রোগ্যাধনোপিবা ।

পতি স্ত্রীভিন্ৰহাতব্যো লোকেহ স্মৃতিরপাতকী ॥

* * * *

“অঙ্গর্গময় শশ্বকং ফল্লুকুচ্ছং ভয়াবহং ।

জুগুপ্সিতকং সর্বত্র হোপপতং কুলস্ত্রিয়াঃ ॥”

ইহার পর শ্রীকৃষ্ণ স্ত্রী-ধর্ম বুঝাইতেছেন—

“ভর্তৃঃ শুশ্রবণং স্ত্রীণাং পরোধর্মোহমায়রা ।

তদ্বন্ধুনাঞ্চ কল্যাণ্যং প্রজানাং চাকুপোষণং ॥”

এগুলি কি লম্পটের প্রলোভন?

তারপর দেখাযাক গোপীগণ শ্রীকৃষ্ণের এবিধ উক্তির পর কি বলিলেন? তাঁহারা বলিলেন—

চণ্ডীবাবু আত্মহারা হইয়া বান্দালাতেই বুঝাইতে লাগিলেন—

“হে ভগবান! পতি, পুত্র, সুহৃৎদিগের সেবা পরিচর্যা যে তুমি স্ত্রীধর্ম বলিয়া বলিতেছ, তোমার ঐ উপদেশ বাক্য তোমাতেই থাকুক। আমরা বুঝিয়াছি, তুমি ঈশ্বর, তুমি আত্মরূপে সমস্ত জগৎ ব্যাপিয়া রহিয়াছ। কে কাহার পতি, কে কাহার বান্দব, কেই বা পুত্র।”

চণ্ডীবাবু এইমাত্র বুঝাইয়াই বলিলেন—এখন মনে ভাব দেখি, এই সকল উক্তিকে কি লম্পটের উপদেশ ও

অভিসারিকাগণের উক্তি বলিয়া মনে করা যাইতে পারে? চণ্ডীবাবু আরও অনেক কথা বুঝাইয়া ছিলেন।

চণ্ডীবাবুর বুঝাইবার ভঙ্গিতে ও বিষয়ের গুরুত্রে আমার মন আকৃষ্ট হইয়া আসিতেছিল। আমি লজ্জিত হইলাম।

চণ্ডীবাবু বলিতে লাগিলেন—গোপীদিগের এই ভাবকে ভক্তেরা বলিবে—“প্রেমোন্মত্ততা”, তত্ত্বদর্শীরা বলিবে “ভগবানে তন্ময়তা”, আর নিকটশ্রেণীর কামুকেরা বলিবে—লাম্পট্য বা কামোন্মত্ততা। রুচি বাগীশেরা শুনিবেওনা, পড়িবেওনা—তাহাদের শ্রীলতার আঘাত লাগিবে ভয়ে * * *

আমি লজ্জিত হইয়া বলিলাম—আমার নিকট বেশ ভাল লাগিতেছে, বলুন তারপর কি হইল?

চণ্ডীবাবু পাতা উন্টাইতে উন্টাইতে সংক্ষেপে বলিতে লাগিলেন—অন্তর্যামী ভগবান যখন বুঝিলেন, গোপীগণের সাধনা পূর্ণ হইয়াছে, তখন তিনি সকলেরই অন্তরে প্রবেশ করিলেন অর্থাৎ তখন গোপীগণ ভগবানকে অন্তরে অনুভব করিল। তাঁহার সহিত মনে মনে রমণ সুখ লাভ করিতে লাগিল।

কহা ভাবন্তমাশ্রানং যাবত্যো গোপ যোষিত ।

ররাম ভগবাংস্তাভিরাত্মা বাশোহপি লীলয়া ॥

ভগবান ভক্তের হৃদয়ে যে ভাবে লীলা খেলা করেন অথবা ভক্ত যে ভাবে আত্ম হৃদয়ে ভগবানের চিন্ময় মূর্তি গঠিত করিয়া তাহার প্রতি হৃদয় মন সমর্পণ করে, তাহা ভক্ত ভিন্ন অন্যের পক্ষে ধারণা করা কঠিন। অন্যের পক্ষে সে “ররাম লীলয়া” অশ্রীলতার একশেষ।

ভগবান শঙ্করাচার্য্য প্রভৃতি টীকাকারগণ বলিয়াছেন, ভগবান ঠিক অগ্নির গায়। অগ্নির নিকট যেমন ভাল মন্দ বিচার নাই, মিত্র অমিত্র জ্ঞান নাই, সকলকেই দগ্ধ করিয়া রূপান্তরিত করিয়া ফেলে, ভগবান ও ঠিক সেইরূপ— তাহাতে আত্ম সমর্পণ কর, তোমার তুমিই ভাব থাকিবেনা।

ভগবান গোপীদিগকেও তাহাই বলিতেছেন—

“নময্যাবেশিতধিরাং কামঃ কামায় কল্পতে ।

ভর্জিতাঃ কর্জিতা ধাত্মা প্রায়োবীজায় নেশতে ॥”

অর্থাৎ ভর্জিত ও সিদ্ধ ধাত্মের যেমন শক্তি দগ্ধ হইয়া

যায়, তদ্রূপ আমাতে যাহাদের বুদ্ধি সমর্পিত হইয়াছে, তাহার কাম আর কাম-ভোগের (সংসার বন্ধনের) নিমিত্ত নহে।

গীতাতেও ভগবান তাহাই বুঝাইয়াছেন—

“জ্ঞানাগ্নিঃ সর্ষকশ্মাণি ভস্মসাৎ কুরুতে তথা।”

চণ্ডী বাবু এই পর্য্যন্ত বুঝাইয়া বলিলেন—“যাই হউক, এই সকল বিষয় যার যে প্রকার বিশ্বাস, তৎসম্বন্ধে সে সেই প্রকার ভাব মনে পোষণ করিয়া থাকে। ভাগবতের এক স্থানে আছে, শ্রীকৃষ্ণ কংসালয়ে উপস্থিত হইলে তাঁহাকে মল্লগণ বজ্রের ঞায়, সাধারণ লোক রাজার ঞায়, স্ত্রীগণ কামদেবের ঞায়, গোপগণ আত্মীয়ের ঞায়, অসাধুগণ প্রচণ্ড শাসন কর্তার ঞায়, বাসুদেব ও দৈবকী নিজ গুলের ঞায়, কংস যমের ঞায়—দর্শন করিতে লাগিলেন। যাহারা মূর্খ তাহারা কৃষ্ণকে জড়ের ঞায়, যোগিগণ পরম তত্ত্বজ্ঞের ঞায়, যদু বংশীয়েরা পরম দেবতার ঞায় দর্শন করিতে লাগিলেন। অর্থাৎ যাহার মন যেমন, তিনি কৃষ্ণকে ঠিক তেমন দর্শন করিতে লাগিলেন। তুমিও তত্ত্বদর্শী হইয়া যদি কৃষ্ণলীলা দেখিতে চাও, দেখিবে কৃষ্ণ পূর্ণ ব্রহ্ম—আর যদি আদিরস প্রিয় কবির বর্ণনা পাঠ করিয়া ও আর্ট ষ্টুডিওর চিত্র দর্শন করিয়া কৃষ্ণলীলা বুঝিতে চাও—দেখিবে—যাক। আজ আর সময় নাই।” বলিয়া চণ্ডী বাবু ভাগবত বন্ধ করিলেন।

দেখিলাম আমার কুতর্কেই আজ আমাদের এই বসিবাসরিক ধর্মগ্রন্থ পাঠ ক্রিয়া অঙ্গহীন হইয়া গেল। নিজ কৃত-কর্মের জন্ত মনে মনে বড়ই অনুশোচনা হইল। আমি চণ্ডী বাবুকে বলিলাম, ব্রহ্ম হরণ ব্যাপারটা তবে কি কোন আদিরসের কবির উদ্ভট বর্ণনা, না তাহার ভিত্তির সত্য আছে? চণ্ডী বাবু বলিলেন—কৃষ্ণলীলা সত্য কি মিথ্যা, এখানে আমরা তাহার কিছুই বিচার করিতেছি না। আমাদের বিচার্য্য বিষয়ও তাহা নহে। কৃষ্ণ ভগবান ছিলেন কি মানুষ ছিলেন আমাদের সে সত্যানুসন্ধানের কোন প্রয়োজনও নাই। ভগবানের নাম করিয়া প্রাচীন ঋষিগণ যে ভগবৎ-ভক্তি প্রচার করিয়াছেন, তাহাকে যদি সাধিক ভাবে গ্রহণ করা যাইতে পারে ও তাহা দ্বারা বিশ্বাসজ্ঞ মনকে একটু ভগ-

বানের চিন্তায় নিরত করা যাইতে পারে, তবে এই আলোচনায় ইহাই যথেষ্ট।” ব্রহ্ম হরণে যদি ভগবৎ প্রেমের উচ্চতাব থাকে, তবে তাহা উপেক্ষণীয় হইবে কেন?

কামং ক্রোধং ভয়ং স্নেহমৈকং সৌহৃদ্যমেব চ।

নিতং হরৌ বিদ ধতো যান্তি তন্ময়তাং হিতে ॥

যাহারা এ সকল বৃত্তির কোন একটীও ভগবানে অর্পণ করিতে পারে, তাহারা ঈশ্বরত্ব (তন্ময়ত্ব) প্রাপ্ত হয়। গোপীগণ কৃষ্ণে কাম সমর্পণ করিয়া, শিশুপালাদি ক্রোধ, কংসাদি ভয়, পাণ্ডবগণ স্নেহ, তত্ত্বদর্শী যোগিগণ জীব ব্রহ্মের ঐক্য সাধন ও ঋষিগণ সৌহৃদ্য করিয়া মুক্তি লাভ করিয়া গিয়াছিলেন। ভগবানের নিকট স্নু কু নাই।

কবি—দেশ কাল পাত্র বিচার করিয়া কৃষ্ণলীলা বর্ণন করিয়া গিয়াছেন। আদি রসের রসিক কবির হস্তে পড়িয়া এই গোপীগণের কাম সমর্পণই “ব্রহ্ম হরণ” রূপে চিত্রিত হইয়াছে। কামুক লম্পট তাহা পাঠ করিয়া চরিতার্থতা লাভ করে, জ্ঞানিগণ তাহা পাঠ করিয়া তত্ত্ব জ্ঞান লাভ করেন, আর রুচি বাগীশগণ তাহার নাম শুনিয়া ঘৃণায় লজ্জায় জ্বকুটা করেন। তবে এই পর্য্যন্ত মনে করাই ভাল—যে “কৃষ্ণ কেমন? না যার মনে যেমন।”

* * * *

অপরূহ ৪½ ষটিকা। চণ্ডী বাবুর সহিত বড়ী গঙ্গার তীরে সাক্ষ্য ভ্রমণ করিতেছিলাম। চণ্ডী বাবু সেই ভাগবতের কথার আলোচনা করিয়া অবশেষে বলিলেন—‘দেখ যোগেশ, তুমি পবিত্র হও, জগৎ তোমার নিকট ততোধিক পবিত্র বলিয়া বোধ হইবে। তুমি অপবিত্র হও, জগতের প্রতি পদার্থ তোমার নিকট ততোধিক অপবিত্র বোধ হইবে। তুমি আজ প্রাতে আমার নিকট যে অভিযোগ উপস্থিত করিয়াছিলে, কেন বল দেখি তোমার মনে এ অভিযোগের প্রয়োজন উপস্থিত হইল? তুমি যদি সৎ হও, বিশ্ব ব্রহ্মাণ্ড তোমাকে টলাইতে পারিবেনা, ইহা মনে রাখিও। রাজ পথে মণি মুক্তা পড়িয়া থাক, সাধু তাহার প্রতি দৃকপাতও করিবেনা। অসাধু তাহা দেখিয়া চমকিয়া উঠিবে।’

চণ্ডী বাবুর উপদেশ সারবান হইলেও ইহার বিরুদ্ধে বলিবার অনেক ছিল। আমি আজ সাহস করিয়া তাহা

বলিলাম না। চণ্ডী বাবু অনেকক্ষণ নীরব থাকিয়া বলিলেন,—“যোগেশ ! আর এক কথা, আমাদের দেশে যাহারা একান্ত রুচি বাগীশ অনুসন্ধান করিলে দেখা যায় তাহাদের মধ্যে অনেকেই সমাজের অধঃপতনের মূল ও কুকাণ্ডের অগ্রদূত।” আমরা কথায় কথায় আসিয়া সমাজের মন্দিরের সম্মুখে উপস্থিত হইলাম। চণ্ডী বাবু সমাজে গেলেন। আমি বাসায় ফিরিয়া আসিলাম।

বৈশাখ মাসে আমরা ঢাকা ছাড়িয়া শিলং আসিয়াছি। চণ্ডীবাবু, তাঁহার পত্নী ও শৈবালের কথা সর্বদাই মনে পড়িতে লাগিল।

যে সময় হইতে শৈবালের উচ্ছৃঙ্খল ভাব আমাকে নিজ আভ্যন্তরীণ ভাব নিচয়ের প্রতি সতর্ক যত্ন লইতে প্রবুদ্ধ করিয়াছিল, তাহার পর হইতে বাস্তবিক আমি একটু একটু করিয়া সাবধান হইতেছিলাম এবং সময়ের সদ্যবহার সম্বন্ধে আরও একটু অধিকতর মনো-যোগী হইয়াছিলাম। প্রাতঃকালে উঠিয়া হাত মুখ ধুইয়াই কোঠার দরজাটা বন্ধ করিয়া গ্রন্থপাঠে নিযুক্ত হইতাম। ৯টার উঠিয়া স্নানাহার করিয়া আফিসে যাইতাম। বৈকালেও যতক্ষণ প্রয়োজন মনে করিতাম নিঃসঙ্গ বসিয়া গ্রন্থপাঠ করিতাম! সন্ধ্যায় চণ্ডীবাবু আসিলে শৈবালের সঙ্গীতে মনোনিবেশ করিতাম।

আমার এই মনোযোগ ও আত্মরক্ষার চেষ্টা অল্পে অল্পে অনুষ্টিত হইতেছিল, তাই চণ্ডীবাবু প্রভৃতির দৃষ্টিতে তাহা বিশেষ লক্ষ্যের বিষয় হইয়া উঠে নাই।

এখানে আসিয়া প্রাতঃকালে গীতা প্রভৃতি পাঠ করিতাম। অপরাহ্নে শিলংএর অভ্রভেদী শৃঙ্গে দাঁড়াইয়া পৃথিবীর নগ্ন সৌন্দর্য্য দেখিয়া পুলকিত হইতাম। সন্ধ্যার পর যখন অবসন্ন প্রাণে গৃহে ফিরিতাম, তখন শৈবালের সঙ্গীত ধ্বনি যেন কর্ণকুহরে প্রবেশ করিত। তখন আকুলভাবে হারমোনিয়াম সাহায্যে সেই প্রিয় সঙ্গীতটি গাইতাম।

“আমার সাধ না মিটিলই আশা না পূরিল”—

শিলং আসিয়া প্রথম প্রথম চণ্ডীবাবুর ২।১ খানা চিঠি পাইয়াছিলাম। শৈবাল সর্বদাই লিখিত। আমি কখনও কাহার চিঠি পত্রের উত্তর দিতাম না।

চিঠি পত্র ব্যবহারও একপ্রকার বন্ধ। আমি সে বন্ধনের মধ্যে আবদ্ধ হইতে ইচ্ছুক ছিলাম না।

অবস্থা বুঝিয়া চণ্ডীবাবু চিঠিপত্র লিখা বন্ধ করিয়া দিলেন। শৈবালের চিঠি বন্ধ হইল না। সে রীতিমত লিখিত। কিন্তু দুর্ভাগ্যবশতঃ তাহার বহু চিঠি ধামের ভিতরই নিবদ্ধ থাকিত; খুলিয়া পড়িবার অবসর হইত না। দুই একখানা কদাচিৎ খুলিয়া পাঠ করিতাম। তাহার ভাষা সংযত, ভাব উচ্চ। চিঠিগুলি মন্দ লাগিত না; তথাপি কিন্তু সে চিঠি পত্রের অধিক আদর আমার নিকট ছিল না।

শিলংএর দিনগুলি এমনি ভাবে কর্তিত হইয়া যাইতে ছিল।

১২ই শ্রাবণ। চণ্ডীবাবুর রেজেষ্টরী করা চিঠি পাইলাম। তাঁহার নিকট আমি চিঠিপত্র লিখা বন্ধ করিয়া দিয়াছি, তাই তিনি তাহার এই প্রয়োজনীয় চিঠিখানা রেজেষ্টরি করিয়া পাঠাইয়াছেন। চিঠিখানা রেজেষ্টরী করা, তাই বিশেষ আগ্রহের সহিত পাঠ করিলাম। শৈবালের বিবাহে আমাকে উপস্থিত থাকিতে চণ্ডীবাবু অনুরোধ করিয়াছেন।

২৫শে শ্রাবণ। দাসত্ব-শৃঙ্খল — গুরুতর শৃঙ্খল। তার পর শিলং হইতে নামিয়া যাওয়ায় সামান্ত কথা নহে—ইচ্ছা করিলেও তাহা হয় না। শৈবালের বিবাহে উপস্থিত থাকিতে যথেষ্ট যত্ন করিলাম—পারিলাম না। অল্প ছুটির দরখাস্ত অগ্রাহ হওয়ার—চণ্ডীবাবুর পত্রের জবাব দিলাম। পত্রে নবদম্পতীর প্রতি আশীর্বাদ জ্ঞাপন করিলাম এবং শুভকার্য্য সুসমাপ্তির জন্ত ভগবানের নিকট কায়মনোবাক্যে প্রার্থনা করিলাম। (ক্রমশঃ)

গ্রন্থ-সমালোচনা ।

মেষেলি ব্রত কথা—শ্রীযুক্ত পরমেশ প্রসন্ন রায় বি. এ. প্রণীত। প্রকাশক-আন্তোষ লাইব্রেরী, কলিকাতা। মূল্য বার আনা।

গ্রন্থে ঢাকা জেলার প্রচলিত মেষেলি ব্রতের কথা সরল ভাষায় বিবৃত হইয়াছে। এই শ্রেণীর গ্রন্থ যত

প্রকাশিত হয় ততই মঙ্গল। এগুলি আমাদের জাতীয় সমাজ-ইতিহাসের ধ্বংসাবশেষ, কত যুগ যুগান্তরের সাক্ষী তাহা নির্ণয় করা কঠিন। এই ব্রতকথাগুলির ভিতর আমরা হিন্দু রমণীর একখানা অপূর্ব-চিত্র দেখিতে পাই। মার্কান্দেয় জীবনের উপর এই ব্রতকথা গুলি একটা অসীম শক্তি বিস্তার করিয়াছিল। পাশ্চাত্য সভ্যতার ধর প্রোভে, ভোগ বিলাসের প্রবল বজায় আমাদের অন্তপুর হইতে সে সংঘম, আচার, নিষ্ঠা সব ধীরে ধীরে ভাসিয়া চলিয়াছে। এসময় যিনি অতীতের তিমির গর্ভে প্রবেশ করিয়া লুপ্ত প্রায় রত্নগুলির সারোদ্ধার করিয়াছেন এবং ঐ সকল রত্ন সুনিপুণ হস্তে গাথিয়া মাতৃভাবার কণ্ঠে উপহার প্রদান করিয়াছেন, তিনি ধন্যবাদের পাত্র। গ্রন্থকারের গল্প বলিবার ক্ষমতা আছে। ছবি ও চিত্রে গ্রন্থখানি বেশ হইয়াছে। বাধাই সুন্দর

সুভদ্রা—শ্রীযুক্ত বরদাকান্ত মজুমদার প্রণীত। প্রকাশক আশুতোষ লাইব্রেরী, কলিকাতা মূল্য এক টাকা।

এইগ্রন্থ প্রকাশে প্রকাশক মহাশয় অকাতরে অর্থব্যয় করিয়াছেন। গ্রন্থের চিত্রগুলি বিলাত হইতে ছাপাইয়া আনিয়াছেন ও গ্রন্থখানি তিন কালিতে ছাপাইয়াছেন। এরূপ চারু যত্ন বড় দেখা যায় না। গ্রন্থকার সুভদ্রার চিত্রও বেশ নিপুণতার সহিত অঙ্কিত করিয়াছেন। গ্রন্থে তিনখানি ত্রিবর্ণ-চিত্র ও দুই খানা অঙ্ক ছবি আছে। গ্রন্থ-সির্কে বাধাই।

আদর্শ সারী চরিত :—শ্রীযুক্ত হরেন্দ্রনাথ ঘোষ বি, এ, ও শ্রীযুক্ত তারকচন্দ্র রায় প্রণীত। মূল্য ১।০। গ্রন্থখানি সচিত্র গ্রন্থ। প্রকাশক আশুতোষ লাইব্রেরী; কলিকাতা। আমরা পুস্তক খানি দেখিয়া আশ্চর্য হইয়াছি। ইহাতে হিন্দু, মুসলমান, খৃষ্টান সকল সম্প্রদায়েরই আদর্শ রমণীগণের চিত্র একত্র গ্রথিত হইয়াছে। আমাদের এই মৈত্রেয় অধঃপতনের দিনে এরূপ গ্রন্থের প্রচার শুভ। হৃৎ ও দৈহিক পীড়িত বাল্যের হৃদয় জুড়াইবার একটা মাত্র স্থান অন্তঃপুর, তাহাও ঐহিক ভোগ বাসনারই কাম্যবস্তু হইয়া উঠিয়াছে। আধ্যাত্মিক শিক্ষার অভাবেই এই অবনতি। এ গ্রন্থের আদর্শ চরিত্র গুলি রমণী সমাজের বহু উপকার সাধন

করিবে। গ্রন্থের ভাষা সরল ও চিত্তাকর্ষক। ছাপা সুন্দর। আমরা এরূপ গ্রন্থের সর্বদাই অভিনন্দন করি।

বিদ্যাসাগর—শ্রীঅমল্য কৃষ্ণ ঘোষ প্রণীত, মূল্য ১/০। আনা। কলিকাতা ব্রাহ্মমিশন প্রেসে মুদ্রিত। পুস্তক খানার ছাপাই, কাগজ উৎকৃষ্ট। বিদ্যাসাগর, তাঁহার জনক, ও জননী এই তিন জনের তিন খানি হার্টোন্ চিত্র সন্নিবেশিত হইয়াছে। প্রাতঃস্মরণীয় বিদ্যাসাগর মহাশয়ের জীবন ক্ষুদ্র ও বৃহৎ আকারে আরও কয়েক খানি প্রকাশিত হইয়া থাকিলেও, আলোচ্য গ্রন্থখানি মহাপুরুষের পবিত্র জীবনের সংক্ষিপ্ত পুণ্য কাহিনী বলিয়া আমরা সাগ্রহে পাঠ করিয়া প্রীতলাভ করিয়াছি। বিদ্যাসাগর মহাশয়ের বৈচিত্র্যময় জীবনের এক একটা আধ্যাত্মিক এরূপ সংক্ষিপ্ত ও সুন্দর ভাবে প্রথিত করা হইয়াছে যে, তাহা উচ্ছলে মধুরে ফুটিয়া উঠিয়াছে। গ্রন্থখানি শিশুদিগের উপযোগী প্রাঞ্জল ভাষায় লিখিত। আশা করি গৃহে গৃহে পুস্তকখানি সমাদৃত হইবে।

মৃত্যুর স্বরূপ ।

নগরে লেগেছে মারী ;—চারিদিকে ত্রাস ।
মৃত্যু ফিরে লোকালয়ে করি অটুহাস !
ধেমে গেছে হাসি-পান,—চলেছে সমানে
মৃত লয়ে শোভা-যাত্রা শ্মশানের পানে !
মৈত্র মহাশয় বাধি জিনিষ পত্তর
শ্রীপুত্র সহিত ঘরা ছাড়েন নগর
পতি পত্নী পাংশু যুগে চার দৌহা পানে,
অবাক্ কোলের শিশু,—মৃত্যু নাহি জানে !
করে কমণ্ডলু কাল ব্রাহ্মণের বেশে
মৈত্রে শুধালেন “কিহে, চলেছ কি দেশে ?”
মৈত্র কন শুক মুখে, “নাগো মহাশয়,
সম্প্রতি চলেছি বেধা নাহি মারীতর ।”
কাল মৃত্যু-রূপ ধরি হেসে কহে তার—
“আমার শাসন ছাড়ি পালাবে কোথায় ?”

শ্রীযুক্ত চন্দ্র সিংহ ।



সৌরভ

দ্বিতীয় বর্ষ । }

ময়মনসিংহ, ফাল্গুন, ১৩২০ ।

{ পঞ্চম সংখ্যা ।

বাজুর কায়স্থ সমাজ ।

আদিশুর বর্জুক ব্রাহ্মণ ও কায়স্থগণের পূর্বপুরুষগণ কালুকুজ হইতে এদেশে আনীত হইয়াছিলেন। পাল ও সেন বংশীয়দিগের সময় এই কনোজিয়া ব্রাহ্মণ ও কায়স্থগণের বংশ-বিস্তৃতি ঘটিয়াছিল। পালনৃপতিগণ বৌদ্ধধর্মাবলম্বী হইলেও হিন্দুবিধেবী ছিলেন না। তাঁহারা ব্রাহ্মণদিগকেই মন্ত্রীপদে নিযুক্ত করিতেন, ভূমি দান করিয়া ব্রাহ্মণদিগকে প্রতিষ্ঠিত করিতেন। বহু কায়স্থ, পালরাজগণের রাজস্ব অমাত্য পদবী প্রাপ্ত হইয়াছিলেন।

বল্লাল সেন, ব্রাহ্মণ ও কায়স্থদিগের মধ্যে নব-গুণ-সম্পন্ন ব্যক্তিদিগকে কৌলিষ্ঠ-মর্যাদা প্রদান করেন। তাঁহার প্রদত্ত এই মর্যাদা ব্যক্তিগত ছিল, বংশগত ছিল না। কুলীনের পুত্র হইলেই কুলীন হইবে, বল্লাল এমন বিধি করেন নাই। বল্লালের দিগ্বিজয়ী পুত্র লক্ষ্মণ সেনের সময়ে ও গুণবিশিষ্ট ব্রাহ্মণ ও কায়স্থদিগকে কৌলিষ্ঠ মর্যাদা প্রদত্ত হয়। লক্ষ্মণের পুত্র কেশবসেন, মুসলমানদিগের ভয়ে বরেন্দ্রভূমি পরিত্যাগ করিয়া বঙ্গে আগমন করেন। তাঁহার সঙ্গে সঙ্গে বহু ব্রাহ্মণ ও কায়স্থ বঙ্গে আসিয়া বসতি স্থাপন করেন। কেশবসেন কাহাকেও কৌলিষ্ঠ মর্যাদা প্রদান করেন নাই। বোধ হয় তিনি, এইরূপ মর্যাদা প্রদান সঙ্গত মনে করিতেন না। কেশবসেনের পৌত্র দক্ষুজমাধব চন্দ্রদ্বীপে রাজপাট

স্থাপন করিয়া তথায় এক সুনিয়মবদ্ধ কায়স্থ সমাজ স্থাপন করেন এবং স্বয়ং সেই সমাজের সমাজ-পতি। দক্ষুজ-মাধব কেবল যে কায়স্থ সমাজেরই সমাজ-পতি ছিলেন তাহা নহে, তিনি ব্রাহ্মণ-সমাজেরও সমাজ-পতি ছিলেন। তাঁহার সভায় দুইবার কুলীনদিগের সমীকরণ হয়। এই দুই বারে ৮ জন ব্রাহ্মণ কৌলিষ্ঠ মর্যাদা প্রাপ্ত হন। দক্ষুজমাধবের সভায় পঞ্চগোত্রের ৫৬ গ্রামীণ ৫০৮ জন ব্রাহ্মণ উপস্থিত ছিলেন। ইহারা কুলীন, সাধ্য শ্রোত্রীয়, সিদ্ধ শ্রোত্রীয়, সুসিদ্ধ শ্রোত্রীয় এবং কষ্ট শ্রোত্রীয় এই কয়েক ভাগে বিভক্ত হন। খৃঃ ত্রয়োদশ শতাব্দীর প্রথম ভাগে দক্ষুজ রায়ের সভায় এই সমীকরণ হইয়াছিল।

দক্ষুজ মাধবের সময়ে চন্দ্রদ্বীপ সমাজের কায়স্থগণ চারি শ্রেণীতে বিভক্ত ছিলেন :—

- (১) কুলীন—ঘোষ, বসু, গুহ, মিত্র।
- (২) মধ্যল্য—দত্ত, নাগ, নাথ দাস।
- (৩) মহাপাত্র—সেন, সিংহ, দেব, রাহা।
- (৪) নিম্নমহাপাত্র—কর, দাম, পালিত, চন্দ, পাল, ভদ্র, ধর, নন্দী, কুণ্ড, সোম, রক্ষিত, কুরু, বিষ্ণু, আশ্র ও নন্দন।

এই চারি শ্রেণীর সাতাইশ বংশের আদিপুরুষগণ আদিশুরের সময়ে তিন বারে এদেশে আগমন করেন।—

- ১ম বারে—মকরন্দ ঘোষ, দশরথ বসু, বিরাট গুহ, কালিদাস মিত্র, ৬৩ পুরুষোত্তম দত্ত এই ৫ জন।

২য় বারে—দেবদত্ত নাগ, চন্দ্রভানু নাথ, ও চন্দ্রচূড় দাস...এই তিন জন।

৩য় বারে—জয়ধর সেন, ভূমিঙ্গয় কর, ভূধর দাস, জয়পাল, চক্রধর পালিত, চন্দ্রধ্বজ চন্দ, রিপুঞ্জয় রাহা, বীরভদ্র ভদ্র, দণ্ডধর ধর, তেজধর নন্দী, শিখিধ্বজ দেব, বশিষ্ঠ কুণ্ড, ভদ্রবাহু সোম, বীরবাহু সিংহ, ইন্দুধর রক্ষিত, হরিবাহু কুরু, লোমপাদ বিষ্ণু, বিশ্বচেতা আশু মহীধর নন্দন...এই ১২জন।

আদিশূর এই সাতাইশ জনের বসতির জন্ম ২৭ খানি গ্রাম—রাজরাট, সপ্তপুর, রাজপুর, বটগ্রাম, মল্লপুর, পদ্মদ্বীপ, লোহিত, মল্লকোট, লক্ষীপুর, কেশিনী, কুমার, কীর্ত্তিমতী, নন্দীগ্রাম, দোগ্রাম, বাটাগোড়, স্বর্ণগ্রাম, দক্ষ-পুর, মাণ্ডব, মণিকোট, ভল্লকোট, শত্ৰুকোট, সিংহপুর, মৎস্যপুর, মেঘনাদ, ভল্লকুলি, ও সিদ্ধুরাট, প্রদান করেন। এই গ্রামগুলির বর্তমান অবস্থান নির্ণয় সুকঠিন। তবে উহারা যে গোড়ের নিকটবর্তী ছিল তাহাতে সন্দেহ নাই।

বলিতে গেলে চন্দ্রদ্বীপই কায়স্থগণের আদি সুব্যবস্থিত সমাজ। এই জন্মই—

“চন্দ্রদ্বীপঃ শিরঃস্থানং যত্র কুলীনমণ্ডলং” কথিত হইয়া থাকে। দক্ষ মাধবের সময়ে অধিকাংশ কুলীন কায়স্থই চন্দ্রদ্বীপে বাস করিতেন। সেনরাজগণের সময়ে সরকার বাজুহাতে কায়স্থ সমাজ স্থাপিত হয় নাই। বোধ হয় তৎকালে এই স্থানে বৌদ্ধাচারের প্রাবল্য ছিল। এ প্রদেশে কোন হিন্দু নৃপতি—বিশেষতঃ কায়স্থ নৃপতি বা ভৌমিক তৎকালে ছিলেন না বলিয়াই এ দেশে সেই সময়ে কনোজাগত কায়স্থগণের বংশধর কেহ আগমন করেন নাই। কেবল রামচন্দ্র ব্রাহ্মণদিগের মধ্যে দুই ঘর বাজুহার অন্তর্গত আটীয়াপরগণার ভাদড়া ও দেউলি গ্রামে বসতি করিয়া ভাদড় ও দেউলি গ্রামিণ (গাঁঞী) হইয়াছিলেন।

দক্ষ মাধবের পরবর্তী সময়ে ও বহুকাল পর্যন্ত সরকার বাজুহা কায়স্থবাসের অনুপযুক্ত বলিয়া বিবেচিত হইত। চন্দ্রদ্বীপের অধিপতি পরমানন্দ বসু রায়, দক্ষ মাধবের অধস্তন চতুর্থ পুরুষ। তাঁহার সময়ে বাজুহাতে

কায়স্থ বসতি স্থাপিত হইয়াছিল। কিন্তু তখনও বাজুর বসতি প্রশংসনীয় বলিয়া বিবেচিত হয় নাই। পরমানন্দ রায় নিয়ম করিয়াছিলেন—“পূর্বে ব্রহ্মপুত্র, উত্তরে ইচ্ছামতী, পশ্চিমে মধুমতী, দক্ষিণে সমুদ্র—এই চতুঃসীমার মধ্যে শ্রেষ্ঠ কায়স্থগণ বাস করেন। অল্প স্থানস্থিত কায়স্থ-দিগকে ইতর বলা হয়।”

“সেলিমাবাদ, ফতেআবাদ, খোড়াঘাট, বাজুহা, তেলিহাটী, চতুর্নগল, চাঁদনী, ও বেঙ্গগ্রামাদি স্থানে বাস করিলে কুলীন, কুলভ্রষ্ট হইবেন।”

“মাণ্ডব বর্জিত স্থান (ব্রহ্মপুত্রনদের পূর্বতীর হইতে পূর্বদিগবর্তী স্থান সমূহ) স্বেচ্ছাচার (বোধ হয় বৌদ্ধাচার) পূর্ণ। এই স্থানবাসিগণকে ‘বান্দাল’ বলা হয়। বান্দালের সহিত কার্য্য করিলে বঙ্গজ জাতিভ্রষ্ট হইবে।”

পরমানন্দের এই সাধনে বাজুতে কোন কায়স্থ সহজে বসতি করিতে চাহিত না। নিস্তান্ত বিপন্ন বা প্রলুক না হইলে কেহ বাজুতে আসিত না। এই জন্ম বাজুতে কায়স্থ সমাজ স্থাপিত হইতে বহু বিলম্ব ঘটয়াছিল। শেষ কেহ বা প্রলুক হইয়া, কেহ বা বিপন্ন হইয়া বাজুতে বাস করেন। কিন্তু চন্দ্রদ্বীপের দক্ষ মাধব যশোহরের প্রতাপাদিত্য বা ত্রীপুরের কেদার রায়ের মত কোন সমাজস্থাপয়িতা ভূপতি বাজুতে না থাকায় তখনও সুশৃঙ্খলরূপে সমাজ স্থাপিত হইতে পারে নাই। পলায়িত ও বিপন্নগণের অনিয়মিত সমাজ বলিয়া বাজুর সমাজ চিরদিনই বঙ্গজ কায়স্থগণের অগাণ্ড সমাজের নিকট অনাদৃত রহিয়াছে।

বঙ্গ কায়স্থগণের পাঁচটি সমাজ—(১) চন্দ্রদ্বীপ, (২) যশোহর, (৩) বিক্রমপুর (৪) ফতেআবাদ (৫) বাজুহা। চন্দ্রদ্বীপ সমাজের স্থাপয়িতা ও সমাজপতি দক্ষ মাধব, যশোহর সমাজের স্থাপয়িতা ও সমাজপতি প্রতাপাদিত্য, বিক্রমপুর সমাজের স্থাপয়িতা ও সমাজপতি কেদার রায়, ফতেআবাদ সমাজের স্থাপয়িতা মুকুন্দ রায়। বাজু সমাজের স্থাপয়িতা বা সমাজপতি কেহ ছিল না। এক সময়ে খলসীর শ্রীবৎসরাহা বাজুর সমাজের কুলীন-গণের পরিতুষ্টি-কালে গোষ্ঠীপতি পদবী পাইয়া এ সমাজের সমীকরণ ও শৃঙ্খলা-বিধানের চেষ্টা করিয়াছিলেন। কিন্তু

তিনিও বাজুর কলক ভঞ্জন ও মর্যাদা স্থাপন করিতে পারেন নাই। যে সকল ঘটক শ্রীবৎসারাহাকর্তৃক আহত হইয়া পুঁথি পত্র সঙ্গে লইয়া সমীকরণ করিতে আসিয়াছিলেন, তাঁহারা দেখিলেন এ সমাজের সমীকরণ অসম্ভব; কুলীন বলিয়া যাহারা এদেশে কথিত হন, তাঁহাদের সকলেরই একটা না একটা কুলচ্যুতির দোষ আছে। এজন্য ঘটকেরা এক 'কারিকা' লিখিয়া রাখিয়া রাত্রিযোগে স্বদেশে পলায়ন করিলেন। সে কারিকা এই

“কুশা-পোড়া, বৈরাগী হরণ, নেড়া নেড়ীর দলে,
কেউ লালের বিষে জরজর, কেউ আপনিই মোড়ল।
আদির পক্ষে বিশেষ শঙ্কা, মূলে পড়ল বাধা,
আর যে কয় ঘর বাকী রৈল, তাদের কুল আধা।

দরগ্রামের ঘোষ দিগের 'কুশা পোড়া' দোষ, আদা-জানের ঘোষদিগের 'বৈরাগী হরা' দোষ, সিংহরাগীর বসু দিগের 'নেড়ানেড়ী' অপবাদ, শিমুলিয়ার গুহ রায়েরা, “নাগের বিষে” জর্জর, আঁধেদের গুহ মজুমদারেরা “আপনি মোড়ল” বলিয়া এবং কাহারও আদি পুরুষ সম্বন্ধে নিঃসন্দিগ্ধ প্রমাণ না থাকায় ঘটকগণ কাহাকেও কুলীন বলিয়া স্বীকার কারিয়া যাইতে পারেন নাই। এই কয়েক ঘর ব্যতীত আরও যাহারা সে সময়ে বাজুতে কুলীন বলিয়া আপনাকে পরিচিত করিতেন, তাহাদিগকে অর্ধকুলীন বলিয়া ঘটকেরা লিখিয়া গিয়াছেন।

বাজুর অধিকাংশ কায়স্থের পূর্ব পুরুষই ষোড়শ শতাব্দী ও তৎপরে এ প্রদেশে আগমন করেন। অনেকেই চন্দ্রদ্বীপ হইতে বিক্রমপুর হইয়া বাজুতে প্রবেশ করেন। কেহ কেহ যশোহর হইতে ও আসিয়াছিলেন। এই পলায়িত ও বিপন্ন ভদ্র লোকদিগের প্রথম আশ্রয় দাতা আমডালার কর বংশ। যখন বাজুর অধিকাংশ স্থান জলমগ্ন ছিল, তখন আমডালার করগণই এ প্রদেশে সর্বাধিক পরাক্রান্ত ছিলেন। আমডালার করের অবনতির পর ভারেন্দ্রার 'কাইলাই' বংশ বাজুর সমাজ পতি হন। ইঁহারা বারেন্দ্র ব্রাহ্মণ। 'কাইলাই' বংশের অবনতির পরে রোয়াইলের কাশ্যপগণ বাজুর সমাজে আধিপত্য করিতেন; ইঁহারা রাঢ়ীয় ব্রাহ্মণ। এই তিন বংশই অবদান-প্রসিদ্ধ ছিল। এজন্য প্রবাদ আছে :—

“কর, কাইলাই, কাশ্যপ,
তিনই বাজুর সৌষ্ঠব।”

কাইলাই ও কাশ্যপ ব্রাহ্মণ, ইঁহাদের দ্বারা কোনও কায়স্থ কুলীন স্থাপিত হইয়াছিলেন এমন জানা যায় না। আমডালার কর, খলশীর রাহা, বাফলার রায়, তিল্লীর দত্ত, বাজুর সমাজের অধিকাংশ কুলীন ও মৌলিকের প্রতিষ্ঠা-পয়িতা। অত্রপুরের (শ্রীবাড়ীর) বসু মজুমদার, পাটপশার পরগণার (লটা খেলার) বসু মজুমদার, শিমুলিয়ার রায়, এ সমাজের প্রাচীন মনসবদার কায়স্থ ভৌমিক। মুসলমান ভৌমিকদিগের মধ্যে আটীয়া পরগণার আদিম ভূপতি সইদ খাঁ ও তদীয় বংশধরগণ, বহু ব্রাহ্মণ ও কায়স্থ আটীয়া পরগণায় স্থাপিত করেন। সইদ খাঁ ও তদীয় বংশধরগণ, “আটীয়ার পাঠান” নামে বিখ্যাত। ইঁহাদের অবদানে আটীয়া উজ্জল হইয়া উঠিয়াছিল।

শ্রীরসিকচন্দ্র বসু।

তিব্বত অভিযান।

ফারীদুর্গ অধিকার।


১৮ই ডিসেম্বর আমরা 'নূতন চুষ্টি' ত্যাগ করিলাম। আমরা 'শো' নদীর পাশ দিয়া অগ্রসর হইতে লাগিলাম। শুনিলাম, আজ পর্যন্ত কেহই এপথে তিব্বতে গমন করেন নাই। পথ বড়ই বজুর দুই ধারে উন্নত পর্বত, মধ্যে অতি সামান্য পথ। পথের অধিকাংশ স্থান কাঁকরে পরিপূর্ণ। এক এক স্থানে একদিকে গভীর খাদ। ঈষৎ পদ ঋলন হইলেই একবারে ৪০০.৫০০ ফুট নীচে যাইয়া পড়িতে হয়। নূতন চুষ্টি ত্যাগ করিয়া কয়েক মাইল পরে আমরা 'শ্রাবজং' নামক এক উন্নত পর্বত শৃঙ্গে উপস্থিত হইলাম ইঁহার উপর চীনারা এক দুর্গ নির্মাণ করিয়াছে। এইস্থানে সর্বদা একশত চীনা সৈন্য অবস্থান করে। কিন্তু আমাদের আগমনের সংবাদ পাইয়া ইঁহারা পূর্বেই দুর্গত্যাগ করিয়া গিয়াছিল।

ইঁহার পর শ্রালিংকা গ্রামে উপস্থিত হইলাম। এই স্থানের উন্নত পর্বত শৃঙ্গের উপর অনেক গুলি বৌদ্ধ

খঠ দেখিলাম। এক একটা এত উচ্চপাহাড়ের উপর যে, আমাদের নিকট উহা পায়রার খোপের মত বোধ হইতেছিল। শুনিলাম, ঐ সকলের মধ্যে তিব্বতীয় লাসারা (বৌদ্ধ সন্ন্যাসী বা ভিক্ষুক) বাস করেন। আরও কয়েক মাইল দূরে এক উচ্চ প্রস্তর স্তূপ দেখিলাম। বহুকাল পূর্বে একবার এই স্থানের একটা পর্বতের কিয়দংশ ভাঙ্গিয়া পড়িয়াছিল। তজ্জন্ত এই পথ বহুকাল পর্য্যন্ত বন্ধ ছিল।

পরদিনস আমরা লিংকোর সুন্দর অধিত্যকা ভূমি অতিক্রম করিয়া এক ভীষণ স্থানে উপস্থিত হইলাম। সমস্ত পথ ক্ষুদ্র ও বৃহৎ প্রস্তর খণ্ড এবং কাঁকরে পূর্ণ। তাহার উপর আবার বরফের উপদ্রব। বরফ নিতান্ত নরম ছিল বলিয়া আমাদের চলিবার বড় অসুবিধা হইয়া

চড়াই। বেলা একটার সময় আমরা ১৪,০০০ ফুট উর্ধ্বে উপস্থিত হইলাম। আবার সেই অনন্ত বরফের রাজ্য চারিদিক অমল ধবল আকাশ পৃথিবী সবই যেন একাকার হইয়া গিয়াছে। চুষ্টি উপত্যকার প্রবেশ পর্য্যন্ত পাহাড়ে শীতের নিকট হইতে একপ্রকার বিদ্যার গ্রহণ করিয়া ছিলাম। আজ আবার বিলম্ব আলাপ পরিচয় হইল। সেদিন ঐ পর্বতের এক স্থানে শিবির সন্নিবেশ করিলাম। সে দিন সেই কাপড়ের ঘরের মধ্যে যে শীত ভোগ করিয়া ছিলাম তাহা শীঘ্র ভুলিব না। তাঁবুর ভিতর আগুন জালিয়া যথাসাধ্য কাপড় জড়াইয়া ছিলাম। কিন্তু তবুও অত্যন্ত কষ্ট বোধ হইতে লাগিল। আমার পূর্বের অভিজ্ঞতা ছিল খানিকটা ত্রাণ্ডি পান করিলাম। বলা বাহুল্য অনেকটা আরাম পাইলাম।



পড়িল কখনও বা পা জাহ্নু পর্য্যন্ত বরফে ডুবিয়া গেল, কখনও বা বরফঢাকা পাথরের উপর পা পিছলিয়া পড়িয়া গেলাম। সে দুর্গতির কথা আর কি বলিব। ৪০।৫০টা খচ্চর জনমের মত ধোঁড়া হইয়া গেল।

একটা কথা বলিতে ভুলিয়াছি। সিলিগুড়ি হইতে নুতন চুষ্টি পর্য্যন্ত ঘোড়ার উপর আসিয়াছি। এই ফারী দুর্গ আক্রমণ অভিযানে কিন্তু কাহাকেও ঘোড়া দেওয়া হয় নাই। আমাদের সহিত ১১ জন সাহেব কর্মচারীও ছিলেন। তাঁহারাও সকলে পদব্রজে আসিতে ছিলেন। এ প্রকার পথে হাঁটিয়া যাওয়া যে কি কষ্টকর তাহা অনেকটা অনুমান করা যাইতে পারে।

ক্রমে ক্রমে আমরা উর্ধ্বে আরোহণ করিতে লাগিলাম। চড়াইএর উপর চড়াই, আবার চড়াই, ক্রমাগত

আমাদের একজন সাহেব একবার গুস্তর মেরু প্রদেশে শীতকালে বাস করিতে বাধ্য হইয়া ছিলেন। তিনি বারম্বার বলিলেন যে, সেখানকার শীত এই হিমালয়ের শীত অপেক্ষা অধিক নয়।

পরদিনস সূর্য্যোদয় হইবার পর আমাদের সেই ভীষণ যন্ত্রনার অনেকটা লাঘব হইল। প্রাতরাশ হইবার পর আমরা আবার অগ্রসর হইলাম। এবার অবতরণের পালা। প্রায় তিন মাইল উতরাই অতিক্রম করিবার পর আমরা আবার উপত্যকা ভূমিতে উপস্থিত হইলাম। ইহারই নাম 'ফারী উপত্যকা'। ইহার প্রায় ১২ মাইল দূরে প্রসিদ্ধ 'চুমলহরি' শৃঙ্গ। এই তিব্বতীয় শব্দের অর্থ 'দেবী পর্বত'। পশ্চিমধ্যে অনেক হরিণ দেখিলাম। কিন্তু উপায় নাই আমাদেরকে বাধ্য হইয়া হরিণ শীকারের

প্রলোভন পরিত্যাগ করিতে হইল। আমরা খাস বৌদ্ধ দেশে প্রবেশ করিলেই আমাদের কর্তৃপক্ষ বিশেষ আদেশ প্রচার করিয়া শীকার বা প্রাণ হত্যা করিতে নিষেধ করিয়া দিয়াছিলেন। হরিণ শীকারের এমন সুবর্ণ সুযোগ ত্যাগ করিতে হইল বলিয়া সাহেবেরা প্রায় সকলেই বিলক্ষণ অসন্তোষ প্রকাশ করিতে লাগিলেন।

বেলা দুইটার সময় আমরা ফারী দুর্গের সম্মুখে উপস্থিত হইলাম। দুর্গের ঠিক সম্মুখে একটি পথ দক্ষিণ দিক হইতে আসিয়া ঐ স্থানে শেষ হইয়াছে। এই পথ ভোটরাজ্যের ভিতর দিয়া ভারতবর্ষে গিয়াছে। বোগল টরনর্ এবং স্থানিঃ সাহেব প্রায় এক শতাব্দী পূর্বে এই

বারম্বার নিষেধ সত্ত্বেও আমরা ঐ দিন (২০শে ডিসেম্বর) দুর্গ অধিকার করিলাম। যুদ্ধাদি কিছুই হইল না। দুর্গের দ্বার উন্মুক্তই ছিল। আমরা উহার মধ্যে প্রবেশ করিলাম অথচ তিব্বতীয় সৈন্যেরা উহা ত্যাগ করিয়া চলিয়া গেল! অনতিবিলম্বে ব্রিটিশ পতাকা দুর্গের সর্বোচ্চ শিখরের উপর পত ২ রবে উড়িতে লাগিল। আমরা সকলে সমবেত কণ্ঠে ভারত সম্রাটের বিজয় ঘোষণা করিলাম। নিজ তিব্বতে ইহাই আমাদের প্রথম অধিকার। অবশ্য ইহার জন্ত বিন্দুমাত্র রক্তপাতের আবশ্যক হয় নাই।

আমরা দেখিয়া বিস্মিত হইলাম যে, দুর্গের মধ্যে

বন্দু, বারুদ, ও অস্ত্রাদি প্রচুর রহিয়াছে। তথাপি যে আমরা বিনা রক্তপাতে দুর্গ অধিকার করিতে সমর্থ হইয়াছিলাম তাহার কারণ এই— আমরা নূহন চূড়ি হইতে এত তাড়াহাড়ি ও সন্দোপনে বাহির হইয়াছিলাম যে তিব্বতীয়েরা আদৌ আমাদের অভিপ্রায় বুঝিতে পারে নাই। উহাদের অনেক সৈন্য ষাষাঙ্গ নামক স্থানে একত্র হইতেছিল। বিন্দুমাত্র সংবাদ পাইলে উহারা কখনও এত সহজে আমাদেরিগকে



পথে তিব্বতে প্রবেশ করিবার চেষ্টা করিয়া ছিলেন। আমরা দুর্গের প্রধান প্রবেশ দ্বারের নিকট উপস্থিত হইবা মাত্র কয়েকজন তিব্বতীয় কর্মচারী আমাদের নিকট উপস্থিত হইলেন এবং আমাদেরিগকে দুর্গের মধ্যে প্রবেশ করিতে নিষেধ করিলেন। সেদিন সন্ধ্যার আর অধিক বিলম্ব ছিল না বলিয়া আমরা দুর্গের সম্মুখে একটি উপযুক্ত স্থানে শিবির সন্নিবেশ করিলাম। পর দিবস প্রাতঃকালে জেনারেল সাহেব স্বয়ং আসিলেন। তিনি যে সহস্রা কেন আসিলেন তাহা আমরা ঠিক বলিয়া উঠিতে পারিলাম না।

যাহাউক, আমাদের তিব্বতীয় পথপ্রদর্শকদিগের

ফারী দুর্গ অধিকার করিতে দিত না।

দুর্গের ভিতরের অবস্থা বড়ই শোচনীয় দেখিলাম। বহুকালাবধি মেরামত না হওয়াতে অনেকগুলি কক্ষ ও দালান একেবারে পতনোন্মুখ। আর আবর্জনার কথা কি বলিব। বোধ হইল ৪:৫ বৎসরের ময়লা আদৌ পরিষ্কার করা হয় নাই। প্রায় প্রত্যেক কক্ষের আবর্জনা ঐ কক্ষের একদিকে স্তুপীকৃত হইয়া রহিয়াছে। তাহার কাছে দাঁড়ান কাহার সাধ্য। দেখিলাম, কোনও কোন ঘরের মধ্যে বিষ্ঠা ত্যাগ করা হইত। মানুষের যে এত পিশাচ প্রযুক্তি হয় তাহা জানিতাম না। এই সকল ময়লা

দূর করিতে আমাদেরকে কয়েক দিবস পর্যন্ত অত্যন্ত পরিশ্রম করিতে হইয়াছিল। কিন্তু একটা বদ চাম্বে গন্ধ কোনও মতেই দূর হইল না। অগত্যা আমরা হাল ছাড়িয়া দিলাম। দুর্ভাগ্যক্রমে, আমাদের সহিত ফেনাইল বা ধূনার কোনও বন্দোবস্ত ছিল না।

দুর্গটি অতি প্রাচীন। নির্মাণের সময় ঠিক কেহই জানে না। তবে ১১২২ খ্রীষ্টাব্দে ইহার অধিকাংশ স্থান যে পুনঃনির্মিত হইয়াছিল তাহাতে কোনও সন্দেহ নাই।

ঐ সময়ের পূর্বে ইহার নাম 'নম্ জিয়াল্ কর্লো' বা 'বিজয়ী খেতদুর্গ' ছিল। নিকটে চির-তুষারাবৃত চুমলহরি অবস্থিত বলিয়া ইহার এই নাম হইয়াছিল। উক্ত পুনঃনির্মাণের সময় ইহাকে 'ফগ্‌রী' বা 'বিশাল পর্বতদুর্গ' নামে অভিহিত করা হয়। ইংরাজ এখন ইহাকে 'ফারী' নামে পরিবর্তিত করিয়াছেন।

দুর্গের চারিদিকে কয়েকশত ক্ষুদ্র ক্ষুদ্র বাসভবন দেখিলাম। ইহার নাম ফারী গ্রাম। ইহাদের মধ্যে অধিকাংশ

দুর্গের দক্ষিণ দিকে। ইহার অধিবাসীর সংখ্যা প্রায় দুই হাজার। গ্রামের মধ্যে দেখিলাম, প্রত্যেক বাড়ীর সমস্ত ময়লা সম্মুখস্থ রাজপথের উপর ফেলা হয়। তাহা স্থানান্তরিত করার প্রথা নাই। এইভাবে চলিতে ২ রাস্তার দুই দিক অনেক উচ্চ হইয়া পড়িয়াছে। এমনকি নিম্ন ভাগের ঘর সকল রাস্তার level হইতে অনেক নীচ হইয়া পড়িয়াছে। যে সকল ঘর রাস্তা হইতে ৮১০ ফুট উপরে ছিল, এখন উহারা রাস্তার সহিত প্রায় সমান হইয়া

পড়িয়াছে। তিব্বতের লোক যে কি প্রকার নোংরা এবং অপরিষ্কার তাহা পাঠক হয়ত কতকটা বুঝিতে পারিয়াছেন। চূড়ি উপত্যকার চীনারা কি প্রকার পরিষ্কার, তাহা আমরা বিবৃত করিয়াছি। তাহাদের প্রতিবাসী তিব্বতীয়েরা যে কেন এত অপরিষ্কার তাহা বুঝিতে পারিলাম না।

ফারী গ্রামে জীলোকের সংখ্যা অনেক অধিক বলিয়া মনে হইল। তাহার কারণ, পুরুষদের মধ্যে অনেকেই

আমাদের সহিত যুদ্ধ করিবার জন্য ধ্বংসপ্রচলিয়া গিয়াছে। আমি ভারতের ও বর্মার অনেক অসভ্যজাতি দেখিয়াছি। কিন্তু তিব্বতের লোকের মত ময়লা ও কুশ্রী জাতি আর কখনও দেখি নাই। নাক সকলেরই চাপা—নাই বলিলেও হয়। ধর্ষকার, ময়লা রং। বহু দিনের মাটি, কাঁদা, ধোয়া প্রভৃতি মুখের উপর আঁকিত হওয়াতে চেহারা কি রকম হইয়াছে তাহা বোধ হয় অনুমান করা বিশেষ কষ্টসাধ্য নহে। শরীরের



মধ্যে অগাধ ভাগ দিবারাত্রি আবৃত থাকে বলিয়া আমি শুধু মুখের কথা বলিলাম। শুনিলাম, তিব্বতে অঙ্গাদি ধৌত বা পরিষ্কার করা অত্যন্ত নিন্দনীয়। ইহা করিলে সমাজচ্যুত হইতে হয়। পাঠক, ইহা আরবোপন্যাসের অলীক কথা বলিয়া মনে করিবেন না। সত্য সত্যই এদেশে জল পাণীয় মাত্র—অঙ্গাদি ধৌত বা মার্জনা করা নিষিদ্ধ। এ অবস্থায় এখানকার লোকের মুখে বা গায়ে যে কি প্রকার ভীষণ গন্ধকারজনক দুর্গন্ধ বাহির হয় তাহা সকলেই

বুঝিতে পারেন। রমণীরা কিন্তু অত্যন্ত অলঙ্কারপ্রিয় দেখিলাম। নানাপ্রকার ধাতু ও হাড়ের বিচিত্র আকারের বহুতর গহনার দ্বারা জ্বীলোকদের সর্কাজ পূর্ণ। এই সকল গহনার বাঙ্গালা নাম নাই বলিয়া আমি তাহার বিশেষ বৃত্তান্ত দিতে পারিলাম না।

ফারী ব্যবসায়ের এক প্রসিদ্ধ কেন্দ্র। ভারত হইতে তিব্বতে দ্রব্যাদি আমদানী বা রপ্তানি করিতে হইলে ফারী হইয়া যাইতেই হইবে। পশম, লবণ, সোরা, শিলা-জতু, সুবর্ণ, চামরা প্রভৃতি তিব্বতের প্রধান পণ্যদ্রব্য। ইহার বদলে নানাপ্রকার গরম কাপড়, লৌহদ্রব্য, খাণ্ডদ্রব্য প্রভৃতি ভারত হইতে প্রেরিত হয়। ভারতবর্ষীয় দুই জন মাড়োয়ারি ও একজন মুসলমান সওদাগর আমাদের সঙ্গে আসিয়া ফারীতে দোকান খুলিয়াছিলেন। আমরা প্রায় তাহাদের দোকানে যাইয়া বসিতাম। শুনিলাম তাহারা খুব লাভ করিতেছেন। আমাদের দেশের যুবকেরা যদি এই প্রকার কর্মে যোগ দেন তাহা হইলে নিজের ও দেশের অনেক উপকার হয়। দেশের যুবকেরা যদি অনেকে মিলিয়া একত্রে কোম্পানী স্থাপন করেন ও সাহসী এবং কার্যক্রম লোকদিগকে তিব্বত, বর্খা, সিঙ্গাপুর, কাবুল, চীন প্রভৃতি স্থানে পাঠাইয়া বাণিজ্যগার সংস্থাপন করেন, তাহা হইলে অতি অল্প দিনের মধ্যে দেশের অবস্থা ফিরিয়া যায়। আমি নিজে উল্লিখিত কোনও ২ স্থানে গিয়া দেখিয়া আসিয়াছি যে তথায় আজ পর্য্যন্তও বাণিজ্যের খুব সুবিধা আছে। সামান্য কয়েক সহস্র টাকা ও কয়েক জন উद्यোগী কার্য্যপটু লোক হইলে যথেষ্ট অর্থ উপার্জন করা যায়।

শ্রীঅতুলবিহারী গুপ্ত।

তপোবন।

শান্ত তটিনীর তীরে, শান্ত তপোবন,
সুপ্ত মাতৃবক্ষে সুপ্ত, শিশুটী যেমন।
স্নিগ্ধ শ্যাম তরু রাজি,
ফুল ফলে ফুলে সাজি,
শাখা প্রশাখায় রচি প্রেমের বন্ধন,
রয়েছে ঘিরিয়া এই পুণ্য নিকেতন।
প্রভাতে প্রসন্ন প্রাণে, তাপস-কুমার,
শুদ্ধ, স্নাত, সুসংযত, চিত্ত নির্বিকার
পূর্ব গগণে রাখি
ভক্তি বিস্ফারিত আঁখি
নিরখিয়া সবিভার উদয় মহান
উচ্চারেন সবিস্ময়ে সামবেদ গান।

দলে দলে মৃগকুল, করে বিচরণ,
নহে ভীত, নহে ত্রস্ত, বিশ্বস্ত এমন।
পক্ষপটে সূচিত্রিত
অলকা ঐশ্বর্য্য কত,
নাচিছে ময়ূর দল ময়ূরীর সনে,
তালে তালে, তাপসীর নেত্র সঞ্চালনে।
অদূরে তাপস-বালা, হরিণ শাবকে,
সাজাইছে মাতৃস্নেহে কুসুম স্তবকে,
চঞ্চল হরিণ শিশু,
নহে যেন বণ্ড পশু,
মানবীর মমতায়, ভুলে গেছে বন,
আত্মাণিছে কুমারীর কর্ণ আভরণ।
সুপ্ত শার্দূলের পাশে উটজ প্রাঙ্গনে,
পূর্ণোদরা পয়স্বিনী বিশ্রাম শয়নে,
করি গীবা উল্লম্বিত,
নেত্র অর্ধ নিম্বলিত,
কচিং সঞ্চারে পুচ্ছ, করে রোমস্থন,
শায়িত শাবকে কভু করিছে লেহন।
নাহি হেথা হিংসা দ্বেষ, স্বার্থ কোলাহল,
বিষয়-বাসনা-শ্রোত বহেনা গরল।
শুধুই পাখীর তান
তাপসের সাম গান
নীরবে আকাশে উঠি প্রীতি প্রস্রবন
অনন্তের প্রতিবিম্ব করিছে চুম্বন।
উদার আকাশ তলে উদার হৃদয়
জগতের মহাসত্য করিছে নির্ণয়।
মানবের এ জীবন,
আমিত্বের এ বন্ধন,
আত্মার দারুণ দৈন্ত—অন্ধতা কেবল;
জীবন জগত ব্যাপী নির্মুক্ত উজ্জল।
শান্ত এ আশ্রমে বসি ঋষির হৃদয়,
মহিমায় হিমালয়, করি পরাজয়,
সৃষ্টিয়া সহস্র-ধারা,
জ্ঞানগঙ্গা পুণ্যতরা,
করেন পশুত্ব নাশি দেবত্ব স্থাপন
মানবের মহাতীর্থ এই তপোবন।

৩তারা প্রসন্ন সিংহ

মহিলা কবি চন্দ্রাবতী ।

বনে অনেক সময় এমন ফুল ফুটে, রাজোষ্ঠানেও তাহার ভুলনা মিলেনা, সে বনফুলের সৌন্দর্য্য কেহ উপলব্ধি করিতে, কিম্বা সে সৌরভ কেহই ভোগও করিতে পারে না, বনের ফুল বনে ফুটে বনেই শুকায় । চন্দ্রাবতী এইরূপ একটি বনফুল, ময়মনসিংহের নিবিড় অরণ্যে, এক সময়ে এই সুরভি কুসুম ফুটিয়াছিল ।

বহুদিন পূর্বে ময়মনসিংহের এক ক্ষুদ্রপল্লিতে বসিয়া, অমর কবি বংশীবদন পদ্মাপুরাণ রচনা করিয়াছিলেন । কবি দ্বিজবংশী বা বংশীবদন একজন সাধক পুরুষ ছিলেন, তিনি কেবল পদ্মাপুরাণ নহে, পৌরাণিক আরও অনেক গুলি গ্রন্থ রচনা করিয়াছিলেন, ময়মনসিংহের সাহিত্য ভাণ্ডার বোধ হয় সেগুলি চিরদিনের জন্য হারাইয়াছে । সেগুলি খুঁজিয়া লইতে পারিলে, ময়মনসিংহের প্রাচীন ইতিহাস লিখিতে অনেক সাহায্য পাওয়া যাইত ।

শ্রীগৌরাজ বাহির হইয়াছিলেন ভগতের মুক্তি মন্ত্র হরি নাম প্রচারের জন্য, পাপী তাপী অসহায় কলির জীবের উদ্ধারের জন্য, আর কবি দ্বিজবংশী কবিতা লিখিয়াছিলেন তাঁহার দেশবাসীকে কবিতারূপ অমৃত উৎসোর জলপান করাইতে কিন্তু তদানিন্তন ময়মনসিংহ-বাসী তাহা বুঝিলেননা, কেহই সেই অমৃতপ্রস্রবণের সুরভি শীতল জলধারা পান করিয়া অমর হইতে চাহিলেন না । বংশীবদন বুঝিয়াছিলেন—সঙ্গীত ভিন্ন গত্যন্তর নাই, সঙ্গীতে বনের পশু মুগ্ধ হয় । তাই পরার্থে উৎসর্গীকৃত জীবন কবি বংশীবদন শিষ্যগণ লইয়া ঘরে ঘরে, দ্বারে দ্বারে, যাচিয়া যাচিয়া অমৃতেরকণা বিলাইবার জন্য বাহির হইলেন । সে অমৃত বিন্দু যে পান করিল সেই অমর হইল, গ্রামে গ্রামে দলে দলে সুকণ্ঠ গায়কগণ দল বাধিয়া কবিকৃত মনসার ভাসান গাহিয়া বেড়াইতে লাগিল, কবিও স্বয়ং ভাসান গাহিয়া বেড়াইতে লাগিলেন । প্রথমে লোকে সখ করিয়া ধান, চাল, পরস্য কড়ি দিয়া গান শুনিত । তারপর ক্রমে ক্রমে দেশ মাতিয়া উঠিল, কোথাহইতে এক প্রবলভাবের বজ্র আসিয়া দেশের সমস্ত কুরীতি কুপ্রথা অদল বদল করিয়া দিল । প্রাণ

মন ভাবের স্রোতে উৎসর্গীকৃত করিয়া দিল । পূর্ববদন নূতন ভাবের বজ্র আসিয়া গেল এমন কি সেই অমর সঙ্গীতে দস্যু কেনারামের পাষণ্ড হৃদয়ও গলিয়া গেল । সে তাহার পাপার্জিত ধনরাশি ব্রহ্মপুত্রের গভীর স্রোতে ভাসাইয়া দিয়া, কবির পদাশ্রয় গ্রহণ করিল ।

বহু শতাব্দী পার হইয়া গিয়াছে, আজও পূর্ববদন সে স্বর্গীয় সুধার আশ্বাদ ভুলিতে পারে নাই, আজও মনসা পূর্ববদনের সর্বশ্রেষ্ঠ দেবতা, আজও মেঘভরা আকাশ তলে, পল্লীকুটীরে বসিয়া লোকে সেই অমর সঙ্গীত গান করে । আজও সেই গীত শুনিয়া বরিষার ধারার জ্বাল কুলকামিনীগণ অশ্রুধারা বর্ষণ করেন । আজও ময়মনসিংহের শিক্ষিতা অশিক্ষিতা ও অর্ধশিক্ষিতা কুলললনাগণ নাটক নভেলের কথা দূরে রাখিয়া, পদ্মাপুরাণের নায়িকা বেহলার পুত চরিত্রের কথা ভাবিতে ভাবিতে তন্ময় হইয়া পড়েন । আজও তাঁহার সীতা সাবিত্রী অপেক্ষাও জন্ম ছুধিনী বেহলাকে অধিক চেনেন, অধিকতর ভাবে আপনার বলিয়া মনে করেন । আজও ময়মনসিংহবাসীর কানে সেই গান, নূতনতররূপে দিন নাই, রাত নাই, অবিরাম, অবিশ্রান্ত ভাবে, রঞ্জিতা রনিয়া ধ্বনিত হইতেছে ।

“বেহলার জননেতে শিলা ধংশ পায়,
ধারাশ্রোতে জল বহে কুলবংশী গায় ॥

সেই দিনের কথা ময়মনসিংহের পক্ষে এক অতীত গৌরবের কথা । সেইদিন হইতে ময়মনসিংহ চিনিল, বুঝিল কবি কি ! কবিও কি ? সেই দিন হইতে ভাবে তন্ময় চিত্ত কতিপয় লোক এই কবির পদাশ্রয় করিলেন ।

যাঁহার কবিতা লোকের প্রাণের মধ্যে মনের মধ্যে সর্বদা প্রিয়জনের স্মৃতির জ্বাল ঘুরিয়া ফিরিয়া আসিয়া ভাসিয়া বেড়ায়, ছোট বড় নাই, স্থান অস্থান নাই, ঘাটে মাঠে যেখানে সেখানে, বাহার সঙ্গীত সর্বদা মানুষের মুখে মুখে ফেরে, তিনিই সাধারণের প্রাণের কবি, চন্দ্রাবতী পূর্ব ময়মনসিংহের সর্বসাধারণের প্রাণের কবি ছিলেন । বহুদিন হইতে শুনিয়া আসিতেছি—সেই অপূর্ব মন প্রাণ মাতান সঙ্গীত । মাঠে কৃষকেরা শিশুর মুখে, আদিনার কুলকামিনীদের মুখে, ঘাটে বাটে,

মন্দিরে, প্রাস্তরে, বিজনে, নদীর পুলিনে সেই সঙ্গীত ;
বিবাহে, উপনয়নে, অন্নপ্রাশনে, ব্রতে, পূজার সেই সঙ্গীত
ঘুরিয়া ঘুরিয়া ফিরিয়া ফিরিয়া কানে আসিয়া বাজে,
মরমের তিতর প্রবেশ করে, তারপর সেই কীর্ণ হইতে
কীর্ণতর শব্দ স্বর্গরাজ্যের কোন অদৃষ্টপূর্ব বিহঙ্গিনীর
শ্রাব, শ্রোতের মন তরঙ্গ ছুটাইয়া উর্দ্ধলোকে মিলিয়া
যায়, সেই মূহুর্তর শেষ চরণ টুকুতে সেই মহিলা কবির
স্মৃতিটুকু আনিয়া দেয়। প্রায়ই শুনি চন্দ্রাবতীভনে,
চন্দ্রাবতী গায়। শ্রাবণের মেঘ ভরা আকাশতলে ভরা
নদীতে যখন বাইকগণ সাঁঝের নৌকা সারিদিয়া বাহিয়া
যায়, তখন শুনি সেই চন্দ্রাবতীর গান, বিবাহে কুল
কামিনীগণ নব বরবধুকে স্নান করাইতে জল ভরণে
যাইতেছে সেই চন্দ্রাবতীর গান, তারপর স্নানের সঙ্গীত,
কৌরকার বরকে কামাইবে তার সঙ্গীত, বরবধুর পাশা
খেলা, তার সঙ্গীত সে কত রকম। পাশা খেলার একটা
সুন্দর মর্মস্পর্শী সঙ্গীত উপস্থিত করিলাম।

কি আনন্দ হইল সেইপো রসবন্দাবনে,
শ্রামনাগরে খেলার পাশা মনমোহিনীর সনে।

আজি কি আনন্দ.....।

উপরে চান্দোরা টাঙ্গান নীচে শীতলপাতি,
তার নীচে খেলার পাশা জমিদারের বেটী
আজি কি আনন্দ.....।

* * * *

চন্দ্রাবতী বহে পাশা খেলার মিনোমিনী
পাশাতে হারিল এবার শ্রাম গুণমণি।

আজি কি আনন্দ.....।

এত গেল সঙ্গীত। তারপর মেয়েলী ব্রতের চড়া,
তাহারও অধিকাংশ চন্দ্রাবতীর রচনা, ইহা ছাড়াও
প্রাচীন আচার পদ্ধতি অবলম্বনে চন্দ্রাবতীর হাসিকান্না
মিশ্রিত বহুবিধ কবিতা, বাদশার শাসন, “কাজীর বিচার
ডাকাত কেনারামের গান, দেওয়ান বড়া” প্রভৃতির রচনা
নীরবে বিশ্বস্তির অঙ্ককারে লুকুট হইয়া যাইতেছে।

বিজবংশীর পদ্মাপুরাণের সঙ্গে কবি চন্দ্রাবতীর অতি
যনিষ্ট সম্বন্ধ দেখিতে পাই। বিজবংশীকৃত পদ্মাপুরাণের
বহু দোহা, লাচারী চন্দ্রাবতীকৃত। আমরা ক্রমে তাহা
উদ্ধৃত করিয়া দেখাইব।

এখন দেখা যাউক এই চন্দ্রাবতী কে? শতাব্দীর
পর শতাব্দী যাইতেছে, আজও বাহার গান, বাহার ছড়ার
লোক ভাবে বিস্তার হইয়া রহিয়াছে, তিনি কে?
ময়মনসিংহের জন্ম তিনি এমন কি করিয়াছেন যে আজও
তাঁহার নাম স্মরণ করিয়া কুলজ হনয় ময়মনসিংহবাসী
তাঁহার চরণোদ্দেশে পুষ্পাজলি দিতেছেন। আজও ময়মন-
সিংহের ক্রিয়াকাণ্ড উৎসব সকলে চন্দ্রাবতী-স্মৃতি বিস্মৃতিত,
সমস্ত পূর্ব ময়মনসিংহ প্রাবিত করিয়া চন্দ্রাবতীর গান।
সে গানে আনিয়া দেয় পৃথিবীর অদেয় বস্তু, শীতল করে
ভাপিত প্রাণ—যুক্ত করে স্বর্গমর্তের বিপুল ব্যবধান।

চন্দ্রাবতী বিজবংশীদাসের একমাত্র কন্যা, আমরা
চন্দ্রাবতীকৃত রামায়ণ গীত হইতে আমাদের এই উক্তি
সমর্থন করিব। চন্দ্রাবতী তাঁহার রচিত রামায়ণে এইরূপ
লিখিয়াছেন।

ধারাত্রোতে ফুলেশ্বরী নদী বহে যার
বসতি যাদববন্দ করেন তখায়
ভট্টাচার্য্য বংশে জন্ম, অঞ্জনা বড়ণী
বাঁশের পালায় যর ছনের ছাউনী।
যট বসাইয়া সদা পূজে মনসায়
কোপ করি সেই হেতু লক্ষী ছেড়ে যার।

* * * *

বিজবংশী পুত্র হৈলা মনসায় বরে,
ভাসান গাহিয়া যিনি বিখ্যাত সংসারে।
যরে নাই ধান চাল চালে নাই ছানি,
আকর ভেদিয়া পড়ে উচ্ছলার পাণি
ভাসান গাহিয়া পিতা বেড়ান মগরে,
চালকড়ি যাহা পান আনি দেয় যরে।
বাড়াতে দরিদ্র আলা কষ্টের কাহিনী
তার যরে জন্ম লৈল চন্দ্রা অভাগিনী
সদাই মনসা পদ পূজে ভক্তিভরে
চালকড়ি পান কিছু মনসায় বরে।

* * * *

দূরিতে দরিদ্র দুঃখ দিলা উপদেশ
ভাসান গাহিতে যথৈ করিলা আদেশ।

বন্দনার চন্দ্রাবতী লিখিয়াছেন :—

সুলোচনী বাতা বন্দি বিজবংশী পিতা,
যার কাছে শুনিয়াছি পুরাণের কথা

শিক্ষিত, কি অশিক্ষিত প্রায় সকলেই ইহা সঙ্গীতে গাঁথিয়া রাখিয়াছেন। এই কথা রামায়ণ বংশপরম্পরা ক্রমে চলিয়া আসিতেছে। প্রচলিত কীর্তিবাসের রামায়ণ অপেক্ষা এই রামায়ণ তাহাদের কাছে অধিকতর মধুর বলিয়াই মনে হয়। কীর্তিবাসের রচনা যেমন সরল মিত্রাকরে লিখিত, কবি চন্দ্রাবতীর রামায়ণও ঠিক তদ্রূপ। তবে সুরে গীত হয় বলিয়া রচনায় কিছু বৈলক্ষণ্য আছে। প্রায় সবগুলি ছত্রেই “গো” শব্দ দেখিতে পাওয়া যায়। বোধ হয় সুন্দর শুনা যায় বলিয়াই এই “গো” শব্দটি তুলিয়া দিলে, ঠিক কীর্তিবাসী রামায়ণের সঙ্গে প্রায় মিলিয়া যায়। ঘটনাও ঠিক একরূপ তবে দুই চার বারগায় কথঞ্চিৎ অমিলও দৃষ্ট হয়। সীতার বনবাসের কারণটি অন্তরূপ। পূর্ব ময়মনসিংহের স্ত্রীলোকদের নিকট ইহাই সমধিক বিশ্বাস যোগ্য বলিয়া গৃহীত হইতেছে। তাহা এই।

শয়ন মন্দিরে একা গো সীতা ঠাকুরাণী,
সোনার পালকপরে গো ফুলের বিছানী।
চারিদিকে শোভে তার গো সুগন্ধী কমল,
সুবর্ণ ভূঙ্গার ভরা গো সরসুর জল।
নানা জাতি কল আছে সুগন্ধে রসিয়া,
যাহা চায় তাহা দেয় গো সখীরা আনিয়া।
ঘন ঘন হাই উঠে গো নয়ন চঞ্চল,
অন্ন অবশ অঙ্গ গো মুখে উঠে জল।
উপকথা সীতারে শুনায় আলাপিনী,
হেনকালে আসলো তথায় গো কুকুরা ননদিনী।
কুকুরা বলিছে বধু গো মম বাক্য ধর।
কিরূপে বঞ্চিলা তুমি গো রাবণের ঘর ?
দেবি নাই রাক্ষসে গো গুনিতে কাঁপে হিয়া,
দশমুণ্ড রাবণ রাজা গো দেখাও আঁকিয়া।
মুচ্ছিতা হইলা সীতা গো রাবণ নাম শুনি,
কেহবা বাতাস দেয় গো কেহ মুখে পাণ।
সখীগণ কুকুরারে করিল বারণ,
অমুচ্ছিত কথা তুমি গো বল কি কারণ।
রাজার আদেশ নাই বলিতে কুকুরা,
তবে কেন ঠাকুরাণীর গো মনে দিলে ব্যথা।
এবোধ না মানে গো কুকুরা ননদিনী,
বার বার সীতারে বলয়ে সেই বাণী।

সীতা বলে আমি তারে গো না দেবি কখন,
কিরূপে আঁকিব আমি গো পাণিষ্ঠ রাবণ।
যত করি বুকান সীতা গো কুকুরা না ছায়ে,
হাসি মুখে সীতারে সুধায় বায়ে বায়ে।
বিষলতার বিবকল বিব পাছের গোটা,
অন্তরে বিবের হাসি গো বাঁধাইল লেঠা।
সীতা বলে দেবিরাছি গো ছায়ার আকারে,
হরিয়া যখন ছুট লয়ে যায় ঘোরে।
সাগর জলেতে পরে গো রাক্ষসের ছায়া,
দশ মুণ্ড কুড়ি হাত রাক্ষসের কায়া।
বসে ছিল কুকুরা গো শুইল পালকপরে,
আবার সীতারে কর গো রাবণ আঁকিতে।
এড়াতে না পারে সীতা গো পাখার উপর
আঁকিলেন দশমুণ্ড গো রাজা লক্ষ্মণের।
শ্রমেতে কাভর সীতা গো নিজায় চলিল,
কুকুরা তালের পাখা গো বুকে তুলি দিল।

... ..

এই কুকুরা কৈকেয়ীর গর্ভজাত কন্যা। যেমন মা, তেমন বি; তার আবার ছোটকাল হইতে মহরা কর্তৃক শিক্ষিতা। সেও রাম সীতাকে বিবের মত দেখিত। অযোধ্যা যখন ভরতের হইল না তখন তাহা স্থান হউক এই ছিল তাহার কামনা। ফলেও তাহাই হইল। এইমাত্র দুর্মুখ আসিয়া রামচন্দ্রকে সীতাপবাদ শুনাইয়া গিয়াছে, পরক্ষণেই কুকুরা যাইয়া বলিল দাদা, তুমি কার্কে ভালবাস ? যে তোমার চখের তারা, বুকের নিধি, সে আজি দশমুণ্ড রাবণ পাখার উপর আঁকিয়া, বুকে তুলিয়া, চক্ষু বুজিয়া আছে। বিশ্বাস না হয় সূচক দেখিতে পার। একেত বজ্রাঘাত বিচ্ছিন্ন তরু, তার উপর আবার দাবাঘির দহন। ধীরে ধীরে রাম শয়ন মন্দিরে প্রবেশ করিলেন। দেখিলেন—ঠিক তাহাই। রঘুকুলকমলিনী তখন অলসভাবে ফুলশস্যার উপর পড়িয়া ঘুমাইতেছিলেন। তাহার চক্ষের উপর দশমুণ্ড অঙ্কিত পাখা। হায়, হায় জানকী জানিতেন না—কুকুরা কালসাপিনী তাহার শিরেরে বসিয়া দংশন করিবে!

তারপর সীতার বনবাস। অতি বড় পাখা হইয়া যে, সীতার ক্রন্দনে তাহাও গলিয়া যায়। কি সুবতী কি বসিঙ্গী কেহই সেই সময় অশ্রু-সংবরণ করিতে পারেন না।

অতি বড় হ্রস্ব মেয়েও তখন গীত শুনিয়া তন্ময় হইয়া পরে । চন্দ্রাবতী এই রামায়ণ শেষ করিতে পারেন নাই । সীতার বনবাস পর্য্যন্তই লিখিয়াছিলেন । ইতিমধ্যে আর এক দুর্ঘটনা ঘটয়া গেল । চির অন্তঃকণ্ঠ চন্দ্রাবতীর সেই প্রণয়ী যুবক তুহানলে পুড়িয়া পুড়িয়া, হুর্কিসহ জীবন ভার সহ্য করিতে না পারিয়া, চন্দ্রাবতীর উদ্দেশে একখানা পত্র লিখিয়া তাহার সাক্ষাৎ কামনা করিল । চন্দ্রাবতী পিতাকে সমস্ত জানাইলেন । পিতা অসম্মতি প্রকাশ করিয়া বলিলেন, তুমি যে দেবতার পূজায় মন দিয়াছ তাহারই পূজা কর । অন্য কামনা হৃদয়ে স্থান দিও না । চন্দ্রাবতী যুবককে একখানা পত্র লিখিয়া লাক্ষ্মী প্রদান করিলেন, এবং সর্বদুঃখহারী ভগবান শিবের চরণে মনপ্রাণ সমর্পণ করিতে উপদেশ দিলেন । অন্তঃকণ্ঠ যুবক পত্র পাঠ করিয়া তৎক্ষণাৎ চন্দ্রাবতীর স্থাপিত শিব মন্দিরের অভিমুখে ছুটিল । চন্দ্রাবতী তখন শিবপূজায় তন্ময়, মন্দিরের দ্বার ভিতর হইতে রুদ্ধ । হতভাগ্য যুবক আসিয়াছিল চন্দ্রাবতীর কাছে দীক্ষা লইতে, অন্তঃকণ্ঠ হুর্কিসহ জীবন প্রভূপদে উৎসর্গ করিতে । কিন্তু পারিল না, চন্দ্রাবতীকে ডাকিতেও সাহস হইল না । আদিনার ভিতর সন্ধ্যামালতীর ফুল ফুটিয়াছিল তারই দ্বারা কবাটের উপর চার ছত্র কবিতা লিখিয়া চন্দ্রাবতীর নিকট, বসুন্ধরার নিকট, শেষ বিদায় প্রার্থনা করিল ।

পূজা শেষ করিয়া চন্দ্রাবতী দ্বার খুলিয়া বাহির হইলেন । আবার যখন দ্বার রুদ্ধ করেন তখন সেই কবিতা পাঠ করিলেন, পাঠ করিয়াই বুঝিলেন—দেব-মন্দির কলঙ্কিত হইয়াছে । চন্দ্রাবতী জল আনিতে ফুলিয়ার খাটে গেলেন, যাইয়া বুঝিলেন, সব শেষ হইয়া গিয়াছে, অন্তঃকণ্ঠ যুবক ফুলিয়ার স্রোত ধারায় নিজের জীবনস্রোত ভাসাইয়া দিয়াছে ।

বনফুল শুকাইয়া উঠিল । ইহার পর চন্দ্রাবতী আর কোন কবিতা লিখেন নাই, এইরূপে রামায়ণ অপূর্ণ সমাপ্ত রহিয়া গেল । তারপর একদিন শিবপূজার সময় সহসা তাহার প্রাণবায়ু মহাশূন্যে মিলাইয়া গেল । আমরা যে উচ্ছল কোহিম্বর রত্ন চিরদিনের তরে হারাইলাম তাহা আর পাইলাম না ।

আমরা এগার চন্দ্রাবতীর কাব্যের আভাস মাত্র দিলাম । বারাস্তরে ইহার কবিত্বের বিস্তৃতভাবে আলোচনা করিতে চেষ্টা করিব ।

শ্রীচন্দ্রকুমার দে ।

বিশ্ববর্তী ।

আকাশ পথে ।

দক্ষিণ আফ্রিকার জোহানিস্‌বর্গস্থিত ইউনিয়ান অব্‌জর্‌বেটরীর ডিরেক্টর অধ্যাপক আর, টি, এ, ইনিস্ (R. T. A. Innes) গ্র্যান্ডাল অব্‌জর্‌বেটরীতে যে এক রিপোর্ট পাঠাইয়াছেন সেই রিপোর্টের মর্ম্ম এই যে বিশ্বের সীমা আবিষ্কৃত হইয়াছে । এই সংবাদে পৃথিবীর সমস্ত জ্যোতির্বিদগণের কৌতুহল উদ্দীপ্ত হইয়াছে ।

অধ্যাপক ইনিস বলেন যে বিশ্ব (অর্থাৎ যাবতীয় সূর্য্য চন্দ্র, পৃথিবী, নক্ষত্র, ধূমকেতু প্রকৃতির সমষ্টি) ছায়াপথের মধ্যবর্তী আকাশে অবস্থিত ; এবং সেই আশ্চর্য্য বেষ্টিত মধ্য পৃথিবী হইতে সর্বাপেক্ষা দূরবর্তী নক্ষত্রের দূরত্ব ৫৪০ আলোক সংবৎসরের সমান । অর্থাৎ অধ্যাপক ইনিসের গণনানুসারে বিশ্বের ব্যাসার্ধের মান ৬,১৩৪, ২৫১, ৬৮০, ০০০, ০০০ মাইল ; যেহেতু জ্যোতির্বিদদেরা বিশ্বাস করেন যে ছায়া পথ দ্বারা পরিবেষ্টিত আকাশাংশের কেন্দ্রের নিকটেই পৃথিবীসনাথ গ্রহমণ্ডলী অবস্থিত এবং যেহেতু আলোক প্রতি সেকেণ্ডে ১৮৬,০০০ মাইল অথবা এক বৎসরে পোণে ছয় কোআড্রিলিয়ন (quadrillion) মাইলের ও অধিক গমন করে । সুতরাং ১০৬০ বৎসরে আলোকের গতি ৬,৩৩৪,২৫১,৬৮০,০০০,০০০ মাইল । * একটা আলোক-রশ্মির পৃথিবীর ভ্রমণ কক্ষের ব্যাস পর্য্যটন করিতে ষোল মিনিট ছত্রিশ সেকেণ্ড লাগে ।

জোহানিস্‌বর্গের জ্যোতির্বিদ আরও বলেন যে ভ্রম

* এই গণনার কিছু ভুল আছে বলিয়া বোধ হয় । একের পর চত্বিশটা শূন্য বসাইলে এক ইংরেজী কোআড্রিলিয়ন এবং একের পর ১১টা শূন্য বসাইলে এক ক্রোক

বশতঃ যে নক্ষত্রগুলি হিলিয়াম (helium) নক্ষত্র নামে অভিহিত হইয়া থাকে সেই গুলি পৃথিবী হইতে সর্বাপেক্ষা অধিক দূরবর্তী। হিলিয়াম নক্ষত্রগুলিই ছায়া পথের বিশেষত্ব।

বিষয়গুলোর বহির্ভাগে কি কিছু আছে? এই বিষয়ে অধ্যাপক ইনিস কোন স্পষ্ট মত প্রকাশ করেন নাই কিন্তু তিনি ইহা বলিয়াছেন যে অত্যন্ত শক্তিশালী দূরবীক্ষণ দ্বারা আমাদের দৃষ্টি বিশ্বের বাহিরে আকাশের বহু দূরবর্তী স্থান ভেদ করিয়া থাকে কিন্তু সেই স্থানে কিছুই দৃষ্ট হয় না। বিশেষতঃ আমাদের এই বিশ্বের মত তারকামণ্ডলী পরিবৃত্ত অল্প কোন বিশ্বের চিহ্ন পরিলক্ষিত হয় না।

দক্ষিণ আফ্রিকার বায়ু অতি স্বচ্ছ। অধ্যাপক ইনিস সেই বায়ুর মধ্য দিয়া বিশ্বের বহির্ভাগে অনেক দূর পর্য্যন্ত দৃষ্টি চালাইয়াছিলেন কিন্তু তাঁহার দূরবীক্ষণ আকাশের সেই গূঢ়তম প্রদেশে নেবেউলি (Nebulae) নামক অস্পষ্ট মেঘের লেশ মাত্র আবিষ্কার করিতে পারে নাই। জ্যোতির্বিদেরা বলিয়া থাকেন নেবেউলিই জ্যোতিষ্কমণ্ডলীর আদিম অবস্থা। অনেক গুলি নেবেউলি দেখিতে পের্চের মত ঘুরান এবং এরূপ অস্বাভাবিক হয় যে তাহারা অতি প্রচণ্ডবেগে অবিরাম ঘুরিতেছে এবং ক্রমে ঘনীভূত হইয়া সংঘাত গোলকে পরিণত হইতেছে, যাহাতে উত্তরকালে জীবের আবির্ভাব হইতে পারে।

অধ্যাপক ইনিসের মতে নক্ষত্রের সংখ্যা অসীম নহে পৃথিবীর জন সংখ্যা অপেক্ষা অনেক অল্প। তিনি বিবেচনা করেন যে বিশ্বের উপাদান বা পরমাণুসমষ্টি সূর্যের উপাদানের ৪৪১,০০০ গুণ অধিক। অর্থাৎ বিশ্বের ছোট বড় সমস্ত গোলকের গুরুত্ব ৪৪১,০০০ সূর্যের গুরুত্বের সমান। এমন ৩০০ নক্ষত্র আছে যাহার প্রত্যেকটা ১০০ সূর্যের সমান; এমন ৫,০০০ নক্ষত্র আছে যাহার প্রত্যেকে ১০টা সূর্যের সমান; এবং সূর্য অপেক্ষা ছোট ৩৬,০০০,০০০ নক্ষত্র আছে যাহার মধ্যে ১,০০০,০০০টা নক্ষত্র প্রত্যেকে সূর্যের এক দশমাংশের সমান; ৫,০০০,০০০টা নক্ষত্রের প্রত্যেকটা সূর্যের এক শততমের সমান এবং ১০,০০০,০০০ নক্ষত্রের প্রত্যেকটা সূর্যের এক সহস্রতমের সমান। এই সমস্ত ব্যতীত ইতস্ততঃ বিক্ষিপ্ত

ক্ষুদ্র ক্ষুদ্র নক্ষত্রপুঞ্জ আছে যাহাদের উপাদানের সমষ্টি ১,০০০ সূর্যের উপাদানের সমান।

অধ্যাপক আরও বলেন যে সম্ভব অধিক সংখ্যক নক্ষত্রের উপরি ভাগের ঔজ্জ্বল্য সূর্যের ঔজ্জ্বল্য অপেক্ষা অধিক। অতএব সৌরমণ্ডলীতে যেমন পরমাণু সমষ্টি অল্প সংখ্যক গোলকে নিবদ্ধ বিশ্বের অন্তর্ভুক্ত ও সেইরূপ। পরমাণু সমষ্টির অল্প অংশই বড় বড় গোলকে আছে। নক্ষত্রগুলি প্রায় সমান ভাবে বিক্ষিপ্ত আছে—যেখানে বৃহদাকার নক্ষত্র আছে সেখানে ক্ষুদ্র নক্ষত্রও আছে এবং যেখানে ক্ষুদ্র নক্ষত্র আছে সেখানে বৃহৎ নক্ষত্রও আছে।

অধ্যাপক ইনিসের আরও কয়েকটা সিদ্ধান্ত এই যে আকাশে আলোকের বিকীর্ণণ তেমন অধিক নহে। সূর্য এবং নক্ষত্রগণের তাপ যে শূন্য আকাশে বিকীর্ণ হয় ইহা প্রমাণিত হয় নাই; এবং আলোকহীন সূর্যের অস্তিত্বের কোন প্রমাণ নাই যেহেতু আলোকহীন সূর্য একটাও জানা যায় নাই।

শ্রীবীরেশ্বর সেন।

সমুদ্র গর্ভ ।

সারজন মারে নামক প্রখ্যাতনামা পাশ্চাত্য পণ্ডিত সমুদ্রগর্ভ বিষয়ক এক বৃহৎ গ্রন্থ প্রকাশ করিয়াছেন। গ্রন্থকার এই পুস্তকে অনেক নূতন নূতন বিষয়ের অবতারণা করিয়াছেন। গ্রন্থখানি ২৯.৫০০ পৃষ্ঠায় সমাপ্ত এবং নানা প্রকার মানচিত্র ও ছবিতে পরিপূর্ণ। গ্রন্থখানি সুদীর্ঘ কাল ব্যাপিনী সাধনার ফল। ইহার আশ্চর্য নানাবিধ মনোরম তথ্য সজ্জিত এবং বিজ্ঞান অধ্যয়ন নিরত পাঠকদের প্রীতিকর। আমরা সংক্ষেপে সাহিত্য সমাজে এই গ্রন্থের পরিচয় প্রদান করিতেছি।

১৮৭২ খৃষ্টাব্দে সারজন মারে এবং গ্রেটব্রিটেনের কয়েক জন বিখ্যাত বৈজ্ঞানিক “Challenger” নামক জাহাজে আরোহণ করিয়া সাগর-গর্ভ পরিদর্শনের নিমিত্ত বহির্গত হন। ক্রমাগত চারি বৎসর কাল তাঁহারা উত্তর মেরু হইতে দক্ষিণ মেরু পর্য্যন্ত নানাস্থানে পরিভ্রমণ করিয়া সমুদ্র বিষয়ে নানা তথ্য সংগ্রহ করিয়াছেন। ভূমণ্ডলের

অধিকাংশই যেমন জলে আচ্ছাদিত, সেইরূপ জলজ উদ্ভিদ এবং জীবের সংখ্যাও অধিকতর বলিয়া নির্ণীত হইয়াছে ।

কয়েক বৎসর পূর্বে পণ্ডিত Huxley সাহেবের বেথিবিয়াস্ সিদ্ধান্ত (Bathybius theory) বৈজ্ঞানিক-দিগের বিশ্বয় জন্মাইয়াছিল । তিনি কতকগুলি সমুদ্রজ পদার্থ পরীক্ষা করিয়া প্রদর্শন করিয়াছিলেন যে, সমুদ্রের অতল জলেও—এমন এক শক্তি বিদ্যমান আছে, যাহা উদ্ভিদ এবং জীবের প্রাণদান করিতে পারে ; এবং যদি এক রাত্রিতেই ভূমণ্ডলের সমস্ত প্রাণীও বিনষ্ট হয়, তাহা হইলেও এই প্রাণদায়িকা শক্তি হইতেই জগত আবার প্রাণী সমাকীর্ণ হইবে । কিন্তু সার জন মার্নের এই সিদ্ধান্ত অপনোদন করিয়া অল্প মত প্রকাশ করিয়াছেন । মার্নের এবং তাঁহার দলভুক্ত বৈজ্ঞানিকদিগের মতামুসারে সমুদ্রের অতলগর্ভই জীবের সর্বশেষ বসতি । মৎস্যাদি জলজন্ত সর্বপ্রথমে অল্প জলেই বাস করিত, অধিক নিম্নে কোন প্রকার জীব অথবা উদ্ভিদের অস্তিত্ব ছিল না । কিন্তু ক্রমে যখন তাহাদের সংখ্যা অধিক হইতে লাগিল এবং ষাণ্ঠাভাবের নিমিত্ত ঈর্ষা এবং প্রতিযোগিতা আরম্ভ হইল, তখন অপেক্ষাকৃত দুর্বল এবং ক্ষুদ্র জন্তুগুলি গভীর জলে আশ্রয় লইতে বাধ্য হইল । ক্রমে ক্রমে তাহাদের দেহ এবং জীবনযাপনপদ্ধতি স্ব স্ব স্থানোপযোগী হইয়া উঠিল । এইরূপেই সমস্ত সাগরগর্ভ জীবের আবাস স্থান হইয়াছে । মার্নের নির্ণয় করিয়াছেন যে ৫ মাইল কিম্বা ততোধিক গভীর জলের নিম্নেও প্রাণী বিদ্যমান থাকিতে পারে কিন্তু ৩০০ ফুটের অধিক নিম্নে উদ্ভিদের উৎপত্তি সম্ভব নহে । ভূপৃষ্ঠ যেমন নানা দেশ এবং প্রদেশে বিভক্ত সমুদ্র জলেরও সেইরূপ নানা স্তর আছে । প্রথমস্তরে বৃহদাকার জন্তু বাস করে ; তাহারা সাধারণতঃ উদ্ভিদ-ভক্ষণ করিয়াই প্রাণধারণ করে । উক্ত স্তরবাসী কাহারও মৃত্যু হইলে, তাহার দেহ তল্লিন্ন স্তরে পতিত হয়, এবং তথাকার অধিবাসী তাহার দেহ ভক্ষণ করে । এইরূপে সকলেরই ষাণ্ঠবস্ত সংগৃহীত হয় । নিম্নতম স্তরের প্রাণীরা পুরীষ এবং আবর্জনা ভক্ষণ করিয়া প্রাণ ধারণ করে । অনেকে হয়ত মনে করিতে পারেন, সমুদ্রের জল সকল

হলেই একরূপ কিন্তু বাস্তবিক তাহা নহে ; স্তর ভেদে জলেরও গুণ ভেদ আছে ।

আমরা যেমন নিরন্তর বায়ুর ভার বহন করিতেছি কিন্তু তাহা অনুভব করিতে পারি না, জলজন্তুরাও সেইরূপ ভার বহন করিতেছে, কিন্তু ইহা তাহাদের বোধগম্য নহে । দুই মাইল সমুদ্রের নিম্নে প্রতি বর্গ ইঞ্চিতে দুই টন ভার আছে, কিন্তু অতি ক্ষুদ্র মৎস্যও সেই ভার অবহেলায় বহন করিতেছে । কোন মৎস্যই আপনার নির্দিষ্ট স্তর পরিত্যাগ করিয়া অন্য স্থানে যাইতে পারে না । যদি কোন ক্রোধান্ন মৎস্য অন্য মৎস্যের পশ্চাৎকাবিত হইয়া উর্ধ্ব স্তরে আগমন করে, তাহা হইলে তাহার মৃত্যু নিশ্চিত । জলের ভার লঘু হওয়াতে সে ক্ষীণ হইতে আরম্ভ করে, এবং ক্রমে পরেই তাহার দেহ বিদীর্ণ হইয়া যায় । অনেক ক্রোধান্ন মৎস্যের মৃতদেহ সমুদ্রে ভাসিয়া থাকিতে দেখা গিয়াছে । প্রবলের আক্রমণ হইতে দুর্বলকে রক্ষা করিবার জন্য সৃষ্টিকর্তার এ অতি অদ্ভুত উপায় বটে । জীবের প্রাণ ধারণের নিমিত্ত অক্সিজেন বায়ু (Oxygen) নিতান্ত আবশ্যিক । কিন্তু দুই মাইল জলের নিম্নে কি প্রকারে এই বায়ুর যাতায়াত ঘটে তাহা প্রথমতঃ একটা গুরু-সমস্যা বলিয়া বোধ হয় । কিন্তু বাস্তবিক পক্ষে এই ক্রিয়া অতি সহজে সম্পাদিত হয় । নদীর যেমন স্রোত আছে সমুদ্রেরও সেইরূপ স্রোত আছে ; সমুদ্রের এই স্রোত দুই প্রকার একটা আমাদের নয়ন-গোচর হয় ; ইহা জলের উপর দিয়াই প্রবাহিত হয় । কিন্তু অপরটা দুই তিন মাইল কিম্বা ততোধিক গভীর জলের নিম্নে প্রবাহিত । এই প্রকার স্রোত একস্থান হইতে উৎপন্ন হইয়া অতল জল ভেদ করিয়া অন্য এক স্থানে প্রবাহিত হয় এবং ইহার সাহায্যেই (Oxygen) বায়ু জলের নিম্নে প্রবেশ করে । আধার মেরু প্রদেশের শীতল জল বায়ু আকর্ষণ করিতে সমর্থ এবং তৎসাহায্যেও মৎস্যেরা প্রাণধারণের উপযোগী বায়ু প্রাপ্ত হইয়া থাকে । সমুদ্রের সহিত কোন বিশেষ সম্বন্ধ নাই বলিয়া Black seaতে কোন প্রকার জল স্রোত নাই এবং গভীর জলোপযোগী কোন প্রাণীও তথায় অবস্থান করিতে সমর্থ নহে ।

কখন-কখন প্রবল ঝটিকায় সমুদ্রের জল স্থানান্তরিত হওয়ার অতি নিম্ন প্রদেশের শীতল জল উপরে উত্থিত হয়। তখন স্তরভেদে হইয়া সহস্র সহস্র মৎস্য মৃত্যুমুখে পতিত হয়। ১৮৮৮ সালে উত্তর আমেরিকার পূর্ব উপকূলে প্রবল ঝড়ে বহুসংখ্যক প্রাণীর মৃত্যু ঘটে। বহুবর্গ মাইল ব্যাপিয়া মৃতের সংখ্যা ৬ ফিট উচ্চ হইয়াছিল।

মহুধ্য কখনও সমুদ্রের গভীরতম প্রদেশে গমন করিয়া নানাবিধ জন্তু এবং উদ্ভিদ সংগ্রহ করিয়া আনিতে পারিবে কিনা ইহা বৈজ্ঞানিকদিগের এক গুরু-চিন্তার বিষয় হইয়াছে। এই প্রশ্নের উত্তরে সার জন মাররে দৃঢ়ভাবে “না” বলা যুক্তি সঙ্গত মনে করেন নাই, কিন্তু তিনি এই বলিয়াছেন—“মানব চক্ষু সমুদ্রের অতি গভীর স্থান দেখিতে পারিবে না, ইহাই আমার মনে হয়”।

শ্রীমনোরঞ্জন রায় ।

ময়মনসিংহের ভক্ত রূপচন্দ্র ।

প্রাগ্‌জ্যোতিষ রাজ্যের সীমা প্রাচীন কালে যতদূরই বিস্তৃত থাকুক, বর্তমান গোহাটী প্রভৃতি স্থান ইহার সীমার অন্তর্ভুক্ত ছিল বলিয়া আধারিত। আয়তনের সঙ্কোচ সহকারে প্রাচীন প্রাগ্‌জ্যোতিষ রাজ্যই কামরূপ নামে অভিহিত হইয়াছে বলিয়া নির্দ্ধারিত। রঘুবংশে লিখিত হইয়াছে যে রঘু লৌহিত্য (ব্রহ্মপুত্র) পার হইলে প্রাগ্‌জ্যোতিষের কম্পিত হইয়াছিলেন। (৪৮১) যোগিনী তন্ত্রে কামরূপের পশ্চিমসীমায় করতোয়া নদীর নাম উল্লেখিত আছে; কিন্তু ঐ তন্ত্রেই শ্রীহট্টের পশ্চিম সীমা স্থলে লৌহিত্যের নাম লিখিত রহিয়াছে। যোগিনী-তন্ত্রে কামরূপের যে সীমা লিখিত হইয়াছে, উহা যদি রাষ্ট্রীয় সীমা নাও হয়, তথাপি কামরূপের সামা যে অনেক বিস্তৃত ছিল, তার সন্দেহ নাই।

প্রাচীন বৈষ্ণব গ্রন্থে লিখিত হইয়াছে যে, পাঠান রাজত্বের পূর্বেও কামরূপের অধিকার বঙ্গদেশের কোন কোন স্থানে ছিল। এক সময় ময়মনসিংহের এগারসিদ্ধুর

নগরটি কামরূপ রাজ্যের অধিকৃত ছিল বলিয়া উক্ত গ্রন্থে লিখিত আছে। উহা ব্রহ্মপুত্র তীরেই অবস্থিত।*

পূর্বে আমরা এই এগারসিদ্ধুরের সন্নিকটবর্তী ভিটাদিয়া গ্রামবাসী লক্ষ্মীকান্ত লাহিড়ীর নামোন্মেষ করিয়াছি; এ প্রস্তাবে তাঁহারই পুত্র রূপচন্দ্রের কথা অতি সংক্ষেপে কথিত হইবে।

রূপচন্দ্র বাল্যকালে লেখা পড়ায় মনোযোগী ছিলেন না বলিয়া পিতা কর্তৃক তিরস্কৃত হন, এবং একদিন কাহাকেও না বলিয়া নবদ্বীপ গমন করেন। নবদ্বীপে কিছুদিন মধ্যেই তিনি অতুল অধ্যবসায় সহকারে অধ্যয়ন পূর্বক ছাত্র বর্গের মধ্যে প্রভূত প্রতিপত্তি প্রতিষ্ঠিত করেন, তাঁহার পরিশ্রম ও প্রতিভার পুরস্কার স্বরূপ পণ্ডিত সমাজ তাঁহাকে “আচার্য্য” উপাধি প্রদান করেন। যখন রূপচন্দ্র এই উপাধি প্রাপ্ত হন, তখন নবদ্বীপের পণ্ডিতগণ ত্রায় শাস্ত্র লইয়া উন্নত, ধর্ম বলিয়া কিছু আছে, তদ্বিষয়ে পণ্ডিতবর্গের মন তখন ধাইত না, তদবস্থায় রূপচন্দ্রও একরূপ নাস্তিক হইয়া উঠিয়াছিলেন। রূপচন্দ্রের অধ্যয়ন লিপ্সা নবদ্বীপে নিবৃত্ত না হওয়ার ততোধিক অধ্যয়নের জন্ত তিনি পুণা নগরে যাত্রা করেন। তৎকালে নীলাচলের পথেই দক্ষিণদেশে বাইতে হইত, রূপচন্দ্রও শ্রীক্ষেত্রে উপস্থিত হইলেন ও সংকীর্্তন-নিরত নদীয়ার নিমাইটাদকে দূর হইতে দেখিতে পাইলেন। নিমাইর নর্ত্তন-কীর্্তন দর্শনে রূপচন্দ্রের তর্ক-নিষ্ঠ কঠোর চিন্তাও বিচলিত হইল; তাঁহার বোধ হইল, জগতের সার এই নবীন সন্ন্যাসী—আর তাঁহার কীর্্তনই একমাত্র অমুকরণীয়। কিন্তু সূচুহুর রূপচন্দ্র নিজ হৃদয়ের ভাব বুঝিয়া আত্মরক্ষার উপায় করিলেন, তাড়াতাড়ি শ্রীচৈতন্যকে দূর হইতেই প্রণাম করিয়া জগন্নাথ দর্শন পূর্বক পলাইলেন ও তথা হইতে পুণাতে পৌঁছিয়া বেদাদি অধ্যয়নে প্রবৃত্ত হইলেন।

বিক্রমশালী জিগীষু রাজত্বগণের স্মার প্রথর পণ্ডিত বর্গও পূর্বকালে দিগ্বিজয়ে বহির্গত হইতেন ও প্রতিদ্বন্দ্বী

* “বঙ্গদেশে কামরূপ রাজ্য অতি গুহ।

পাঠানে লইল ভাষা করি মহাযুদ্ধ ॥

সে দেশের রাজধানী এগারসিদ্ধুর।

ব্রহ্মপুত্র পারে স্থিত অতি মনোহর ॥”

শ্বেমবিলাস গ্রন্থ।

পরাজয়ে জয়পত্র সংগ্রহে সমুৎসুক ছিলেন। পুণাতে অধ্যয়ন সমাধা পূর্বক এই পণ্ডিত প্রয়োগ সেই রীতি অনুসারে পণ্ডিত-পরাজয়ে প্রবৃত্ত হইলেন। পুণা হইতে যাত্রা করিয়া, পথে যথায় যে পণ্ডিতের নাম শুনে, বিচারার্থ তৎসমীপে উপস্থিত হন ও তাঁহাকে পরাজয় পূর্বক জয়পত্র সংগ্রহ করেন। এইরূপে পণ্ডিত সমাজের ভয়োৎপাদন করিয়া তিনি বৃন্দাবনে উপস্থিত হইলেন। বৃন্দাবনের রূপসনাতনের নাম দূর হইতে শুনিয়াছিলেন, তাই বিচারার্থী হইয়া তাঁহাদের নিকট উপস্থিত হন।

গৌড়াধিপতি হসেনশাহের ভূতপূর্ব অত্যন্ত সচিব রূপসনাতন মহাপণ্ডিত হইলেও, তাঁহার ঐশ্বর্য্যাত্যাগী দীনচরিত্র সন্ন্যাসী ছিলেন; বিভাগক্ষিত রূপচন্দ্রের সহিত তাঁহার বিচারে প্রবৃত্ত হইবেন কেন? তাঁহার তাঁহার 'আটোপ টঙ্কার' শ্রবণে মাত্র ঈষদ-হাস্ত করিলেন ও বাক্য ব্যয় ব্যতিরেকে জয়পত্র লিখিয়া দিলেন; বহির্শুধ তार्কিক সহ বৃথা সম্ভাষণে সময়ক্ষেপ করিলেন না।

রূপচন্দ্র ভাবিলেন যে ভয়ে ভ্রাতৃবৃগল তৎসহ বিচারে বৃত্ত না হইয়া স্বতঃ জয়পত্র প্রদান করিয়াছেন; তাই তিনি তদ্রূপ আলাপ করিতে করিতে যমুনার তীরপথে বাইতে ছিলেন। শ্রীরূপের শিষ্য (ও ভ্রাতৃপুত্র) শ্রীজীব যমুনার ঘাট হইতে গুরুনিন্দা শুনিতে পাইলেন; গুরুনিন্দা শ্রবণে তাঁহার কর্ণরন্ধ্র যেন দগ্ধ হইতে লাগিল, তিনি আর সহিতে পারিলেন না, গর্জিত পণ্ডিতকে বিচারার্থ আহ্বান করিলেন।

সেই যমুনা ঘাটেই ঘোরতর বাক্যুদ্ধ আরম্ভ হইল, সপ্তমদিনের বিচারে রূপচন্দ্র পরাজিত হইলেন; রূপচন্দ্র তখন রূপসনাতনের স্বেচ্ছায় জয়পত্র প্রদানের প্রকৃত কারণ বুঝিতে পারিলেন। রূপচন্দ্রের তখন অনুতাপ জন্মিল, রূপসনাতনকে মনে মনে অবজ্ঞা করিয়াছিলেন বলিয়া, প্রায়শ্চিত্ত স্বরূপ তিনি শ্রীরূপের শিষ্য গ্রহণে

প্রয়াসী হইলেন। কিন্তু তখন তাঁহার অশীষ্ট সিদ্ধ হইল না; বৈষ্ণবীয় মন্ত্র দীক্ষালাভের তখনও তাঁহার যোগ্যতা জন্মে নাই বুঝিয়া শ্রীরূপ দীক্ষা দিলেন না, শুধু হরিনাম গ্রহণের উপদেশ মাত্র প্রদান করিলেন। কিন্তু তাহাতেই রূপচন্দ্রের জীবনে আশ্চর্য্য পরিবর্তন ঘটিল, নারায়ণে অবিচলিত-চিত্ত রূপচন্দ্র তদবধি রূপনারায়ণ নামে পরিচিত হইলেন।

বহুদিন রূপচন্দ্র গুরুসন্নিধানে বৃন্দাবনে ছিলেন, তাহার পর তিনি বঙ্গদেশে আগমন করেন। বঙ্গদেশে পঞ্চপল্লীর রাজা নরসিংহ রায় সহ প্রথমেই তাঁহার পরিচয় হয় এবং রাজানুরোধে তিনি তথায় অবস্থিতি করেন।* ঐ সময়ে খেতরীতে নরোত্তম ঠাকুরমহাশয়, পদকর্তা গোবিন্দদাসের জ্যেষ্ঠ রামচন্দ্র কবিরাজ সহ অবস্থিতি করিতেছিলেন, ঠাকুরমহাশয় কারুসন্তান হইলেও তাঁহার অসাধারণ গুণে আকৃষ্ট হইয়া অনেক ব্রাহ্মণ তাঁহার নিকট মন্ত্র গ্রহণ করেন। ইহাতে পূর্ববঙ্গের হিন্দু সমাজে তখন এক আন্দোলন উপস্থিত হইয়াছিল।

পঞ্চপল্লীর রাজসভায় অনেক পণ্ডিত ছিলেন, দিগ্বিজয়ী রূপচন্দ্রের নামও দেশ বিদেশে বেশ প্রসিদ্ধ হইয়া পড়িয়াছিল; ইহাতে নানাদেশের বিশিষ্ট জনগণ নরসিংহের দরবারে উপস্থিত হইয়া ঠাকুরমহাশয়কে দমনের প্রার্থী হন। সমাগত লোক সকলের সাগ্রহ অনুরোধে ও প্রার্থনায় পণ্ডিতমণ্ডলী সহ রাজা নরসিংহ খেতরীতে আগমন করেন। কিন্তু ফল বিপরীত হইল; রূপচন্দ্রের পাণ্ডিত্য, ভক্তির মাধ্যমে ডুবিয়া গেল,—তিনি এবং রাজা নরসিংহ নরোত্তমের শিষ্য হইলেন।

রূপচন্দ্র তৎপর যখন জন্মভূমি ময়মনসিংহে আসিলেন, তখন তিনি সাধু পিতার উপযুক্ত পুত্র রূপেই, পরমগুরু রূপেই আসিয়াছিলেন। এদেশে অনেকেই যে তাঁহার কাছে ভক্তি সিদ্ধান্ত শ্রবণে কৃতার্ধ হইয়াছিলেন, তাহা বলা বাহুল্য।

শ্রীঅচ্যুতচরণ চৌধুরী তত্ত্বনিধি।

* "সকীর্ণনে কৈলা মহাপ্রভুর দর্শন।
দূরে থাকি শ্রীচৈতন্যে প্রণাম করিয়া।
অগ্ন্যধ দর্শন কৈলা আনন্দিত হৈয়া ॥
সেখা হৈতে মহারাষ্ট্র পুণা নগরীতে।
বেদাদি পড়িতে গেলা হরষিত চিতে ॥"

শ্ৰেণবিলাস গ্রন্থ।

* শ্ৰেণবিলাস গ্রন্থ ১৫২২ পৃষ্ঠায় রচিত হয়, গ্রন্থকার পঞ্চপল্লীতে উপস্থিত হইয়া রূপচন্দ্রের নিকট কিছুদিন যোগাযোগ অধ্যয়ন করিয়াছিলেন।

আনন্দ সম্মিলন।

ময়মনসিংহ আনন্দ সম্মিলনে গঠিত।

এস সবে এস আজি শোক দুঃখ ভুলি,
এসহে আনন্দ মনে, এ আনন্দ সম্মিলনে,
মুছিয়া মনের মলা ঘুণা গ্লানি গুলি !
ভুলি হিংসা ভুলি ঘেব, শত্রু মিত্র নির্কির্শেব,—
সরল প্রসন্ন মনে এস প্রাণ খুলি,
উদার আকাশ সম, হৃদয় বিশালতম,
বিরিট বিশাল বিখে দেই কোলাকুলি,
এস ভাই এস আজি শোক দুঃখ ভুলি !

এস মুছে অশ্রুজল—লাজ লজ্জা ভুলি,
আনন্দের জন্মভূমি, আনন্দের দেশে তুমি
জন্মিয়াছ, মহানন্দে এস বাহু তুলি,
আনন্দ চরিত্রে ধর্ম, আনন্দ পবিত্র কর্মে,
এ দেশে আনন্দতীর্থে,—পুণ্য পদ ধুলি
পাইয়ে কৃতার্থমুগ্ধ, ধরনীতে ধন্য ধন্য !
তুমিও আনন্দ ময় দেখ চক্ষু খুলি,
হেথা নাই দুঃখ ক্লেশ, কেন ম্লান হীন বেশ,
বন্ধ যে ভরসা হীন কক্ষে ভিক্ষা খুলি,
কেন যে পরের দ্বারে, রূপা প্রার্থী বারে বারে,
আমেরিকা আফ্রিকায় কেন তুমি কুলি ?
এ দেশ কি অন্ন নাই, এ দেশে কি নাই ঠাই ?
ভবিষ্য আনন্দ ডাকে হেলায়ে অঙ্গুলী,
এস ভাই ঐক্যে সখ্যে করি কোলাকুলি !

কেন তুমি মোহমুগ্ধ, কেন আছ ভুলি,
আনন্দের ঞ্চায় সত্য, শিক্ষা দীক্ষা সে মহত্ত্ব,
আয়ত্ত করিয়া লও গুণ-কর্ম গুলি !
অতুলন ভ্রাতৃত্বাবে, মহাশক্তি প্রাণে পাবে,
বিখ্যাসে নিঃস্বাসে যাবে নাগপাশ খুলি,
উত্তম উৎসাহে তার, দূরে যাবে অন্ধকার,
পাইবে আনন্দ পথ যাহা গেছ ভুলি !
এমন আনন্দ ভরা, রত্ন আহরণ করা,
সংঘমী সম্রাট সম বস্ত্রে পর তুলি,
এ নব আনন্দ দৃশ্যে, আনন্দ জাগিবে বিখে,
না রহিবে শোক দুঃখ—ঘুণা গ্লানি গুলি,
এস ভাই ঐক্যে সখ্যে করি কোলাকুলি !

শ্রীগোবিন্দচন্দ্র দাস।

১৮ই মাঘ, ১৩২০।

শুভ-দৃষ্টি।

তৃতীয় পরিচ্ছেদ।

(৪)

১৫ই অগ্রহায়ণ, ঢাকা। এখানে আসিয়াই শুনিলাম,
শৈবালের বিবাহ হয় নাই। বর পক্ষের ব্যবহারের
দোষে, অকারণ পণের দাবিতে—বিবাহ ফিরিয়া গিয়াছে।
চণ্ডীবাবুর অবস্থা এমন নহে যে তিনি তাহার কণ্ঠা
জামাতাকে ২৪ হাজার টাকা নগদ না দিতে পারেন।
দান সামগ্রীতে দিবার ব্যবস্থাও ছিল, ইহা অপেক্ষা অনেক
অধিক। চণ্ডীবাবু জিদের লোক নহেন; অন্তায় দাবি
রক্ষা করিবারও পক্ষপাতী নহেন; বিশেষ মেয়ে বিবাহে
পণ দেওয়াও ছেলে বিবাহে পণ লওয়া। তাঁহার মেয়ে
বিবাহে পণের কথা ছিলনা, অকস্মাৎ বিবাহ সম্ভায়
ছেলের পিতা গুঁ ধরিলেন—নগদ কিছু দিতে হইবে।
চণ্ডীবাবু বলিলেন—তবে কসাইর সহিত সঙ্ঘর্ষ করিব না।
বিবাহ ফিরিয়া গেল।

সাক্ষাতে চণ্ডীবাবু বলিলেন—কসাইর সহিত সঙ্ঘর্ষ
হইতে ভগবান দেন নাই—ভগবানের অভিপ্ৰায়
মঙ্গলময়।

১৯শে অগ্রহায়ণ। বিকালে আফিস হইতে আসিয়া
দেখি, টেবিলের উপর জল খাবার রাখিয়া শৈবাল
আমিয়ার জন্ত অপেক্ষা করিতেছে। শৈবালের ঘনিষ্ঠতার
উপর এখন আর আমার সন্দোচ ভাব নাই। আমি
কাপড় ছাড়িতে না ছাড়িতেই অর্গেণ বাজিয়া উঠিল।
অবসন্ন প্রাণে শয্যায় পড়িয়া শৈবালের সঙ্গীত সুধা পান
করিতে লাগিলাম।

চণ্ডীবাবুর আসিতে বিলম্ব হইলে আমার নিকট
তিনি যেন কত দায়ী—এইরূপ ভাবে বিলম্বের কৈফিয়ত
দেন—অতি সরল সে কৈফিয়ত।

আজও কৈফিয়ত দিলেন। কিছুক্ষণ সঙ্গীত শ্রবণ
করিয়া আমি ধর্ম সঙ্ঘর্ষে তাহার মত জিজ্ঞাসা করিলাম।
দেখিলাম, ধর্ম সঙ্ঘর্ষে তাঁহার মত অত্যন্ত উদার। তিনি
সকল ধর্মকেই শ্রেষ্ঠ বলিয়া মনে করেন। তাঁহার ভিতর
গোড়ামী নাই, নেকাষি নাই।

তাঁহার মতের সার ভাগ এইরূপ ।

“সৎগুরুর উপদেশ ব্যতীত কোন ধর্মেরই মূল তত্ত্ব লাভ করা যায় না । ভগবানকে জানা বা তাঁহার নিকট পঁছার পথই ধর্ম পথ । সে পথ বিভিন্ন ধর্মাবলম্বীর পক্ষে ভিন্ন ভিন্ন হইতে পারে কিন্তু সকলেরই চরম লক্ষ্য বা গন্তব্য স্থান এক । সেই প্রশস্ত ধর্ম ক্ষেত্রের দ্বার পথের চাবি—সৎগুরুর নিকট হইতে লাভ করিতে হইবে । ধর্ম মন্দিরের সোপান শ্রেণী নিষ্কটক নহে ! গুরুর নিকট হইতে চাবি গ্রহণ করিয়া ধর্ম ক্ষেত্রের অর্গল মুক্ত করিতে হইবে । তার পরেই সোপান শ্রেণী । সোপানের নিয়পুঞ্জি অতিশয় পিচ্ছল ; এই সোপান অতিক্রম করিতে দৃঢ়তা চাই, লক্ষ্য স্থির চাই, সুতরাং অবলম্বন ব্যতীত অতিক্রম করা কঠিন । এখানেই কেহ কেহ প্রতিমা পূজার আবশ্যতা উপলব্ধি করেন ; কেহ নিরাকার ত্রয়ের কল্পনা করেন, কেহ ভগবানের প্রতিনিধি স্বরূপ দ্বিতীয় কোন মহাত্মাকে অবলম্বন করিয়া এই সোপান পংক্তি অতিক্রমের ব্যবস্থা করেন, ফলে সকলই এক । এখানে কোন অবলম্বন চাইই । এতদ্ব্যতীত এখানে ভীত ও তরল মন স্থলিত হইবার পদে পদে সম্ভাবনা আছে, তাই কতক পরিমাণে লৌকিক অনুষ্ঠানের এই স্থানে আবশ্যকতা আছে । প্রাথমিক উদ্যমে লৌকিক অনুষ্ঠান ব্যতীত চিত্ত শুদ্ধি হয় না । পুষ্প বিশ্ব পত্রে নয়নকে, ধূপ-চন্দনে চিত্তকে, হস্ত পদ প্রক্ষালনে মনের নিকট শরীরকে, বিগুহ্ন করিতে হইবে । পূজার ধর বা উপাসনা মন্দির, জুম্মা বা চার্চ বেশ পরিষ্কার রাখিবে ; তারপর বিহীত অনুষ্ঠানের সহিত আশ্রয় স্বরণ করিয়া ভগবানের পাদ পদ্মাভিমুখে ভক্তি বৃত্তি পরিচালনা করিতে হইবে ।

“ভক্তিবৃত্তি দৃঢ় হইলে লৌকিক অনুষ্ঠান আবশ্যক হইবেনা । তখন ভক্ত দ্বিতীয় সোপানে উঠিতে সমর্থ হইবে । তখন ভগবানের অবাচিত দান—জগতের প্রাকৃতিক দৃশ্য দেখিয়া নয়ন চরিতার্থ ও মন শান্ত করিতে চেষ্টা করিবে । তীর্থ ভ্রমণ, ধর্ম গ্রন্থ পাঠ, মহাপুরুষগণের উপদেশ শ্রবণ করিয়া ভগবানকে লাভ করিবার উপায় অন্বেষণ করিবে । এই সোপানে ভক্তের তত্ত্বজ্ঞান লাভ হইবে ।

“তত্ত্বজ্ঞান লাভ হইলে আর কোন কিছুর আবশ্যক হইবে না । তখন তাঁহার নিকট সাকার নিরাকার নাই, প্রতিনিধি গুরু নাই । ভক্ত তৃতীয় সোপানে আরোহণ করিয়া ভগবানের সমীপবর্তী হইবে ! এই সোপানে যোগ সাধনার ক্ষেত্র ।

“জীবায়া—পরমাত্মারট অংশ ; জীবায়া মল সংযুক্ত পরমাত্মা নির্মল । যোগ সাধনায় জীবায়া মল শূন্য হইয়া পরমাত্মার সমকক্ষতা লাভ করিবে । তখন ভক্ত চতুর্থ সোপানে উঠিবে—তাঁহার “অহংব্রহ্ম” বলিবার অধিকার হইবে, ইহাই ধর্ম জগতের শ্রেষ্ঠস্থান, এই পন্থাই সর্বজাতির ব্রহ্ম বা ভগবান লাভের পন্থা ।”

বাস্তবিক চণ্ডীবাবুর ধর্ম মত শুদ্ধ । আমি তাঁহাকে এপর্যন্ত কোন নির্দিষ্ট সম্প্রদায় ভুক্ত বলিয়া জানিতে পারি নাই । হিন্দু ব্রাহ্মণ খৃষ্টীয়ান সকল সম্প্রদায়েই তিনি আগ্রহে যোগদান করিয়া থাকেন । আমি নিজে যে কোন সম্প্রদায় ভুক্ত তাহাও বুঝিতে পারিতেছি না । কোন কোন বিষয়ে আমি চণ্ডীবাবুর সম্পূর্ণ বিপরীত । তিনি সকল স্থানেই যাতায়াত করেন, আমি কোনস্থানেই যাই না ; ব্রাহ্ম, খৃষ্টান, হিন্দু কোন সম্প্রদায়ের সহিতই আমার বিশেষ সহানুভূতি নাই । সৎপথে থাকিয়া অর্থ উপার্জন ও ভগবানের নাম স্মরণ—আমি মানুষের সৎধর্ম বলিয়া মনে করি ।

১৯ শে অগ্রহায়ণ রাত্রি ৯টা । আহারের পর শয্যায় শুইয়া শুইয়া কতক্ষণ এক মনে চণ্ডীবাবুর ধর্ম ব্যাখ্যা চিন্তা করিতেছিলাম ; শেষ বাক্ষ্য বাবুর ধর্ম ব্যাখ্যা খানা লইয়া একটু উচ্চৈশ্বরে পাঠ করিতে লাগিলাম ।

শৈবাল কখন আসিয়া আমার নিকট বসিয়া ছিল, আমি টের পাই নাই । পাশ ফিরিতে বাইয়া দেখি—শৈবাল । বড়ই ঘৃণা হইল । আমি বলিলাম “শৈবাল এত রাত্রে তুমি এখানে কেন” ?

শৈবাল বলিল—“তাহাতে দোষ কি ?”

আমি বলিলাম “দোষ” কতি আছে বৈ কি ।”

শৈবাল—‘আমাকে না বলিলে আমি বুঝিব কি করে ?’

আমি—“সে কথা কাল, বলিব, এখন বলিবার সময় নহে । লোক চক্ষে অস্তিত্ব এটা ভাল দেখায় না ?”

শৈবাল—“লোকের কথায় কি হইবে? আমি নিজেতো কোন অন্টার দেখিতেছি না।”

আমি কোন উত্তর করিলাম না, দেখিয়া শৈবাল বলিল—“আমার আসাটা কি তবে ছুরভিসন্ধির বলিয়া মনে করেন?”

আমি—“এরূপ—অনুমান করা অন্টার কি?”

শৈবাল উঠিয়া দাঁড়াইল। তাহার চক্ষে অশ্রুধারা; সে আস্তে আস্তে বলিল—“তবে আমি যাই।”

আমি প্রত্যুত্তর করিলাম না।



“শৈবাল যাইতে যাইতে কি যেন বলিবে বলিয়া ফিরিয়া দাঁড়াইল।”

শৈবাল যাইতে যাইতে কি যেন বলিবে বলিয়া ফিরিয়া দাঁড়াইল। অপমানে ও ঝিকারে যেন তাহার বক্ষ-পঞ্জর বিদীর্ণ হইয়া যাইতে ছিল। কিছু না বলিয়া চক্ষু মুছিতে মুছিতে ধীরে ধীরে চলিয়া গেল।

অশান্ত-হৃদয়ে “গীতা” খানা খুলিলাম এবং একমনে ভগবানের উদ্দেশে বলিলাম—

“ভগবান তোমার ইচ্ছা পূর্ণ হউক।”

নারায়ণ দেব ।

শেষ অংশ ।

অপর এক বিষয় সম্বন্ধে সতীশ বাবু এবং অচ্যুত বাবু ও বিরজা বাবুর মধ্যে মতান্তর উপস্থিত হইয়াছে। নারায়ণ দেবের পদ্মাপুরাণে ভণিতা আছে—

“নারায়ণ দেবে কয়, সুকবি বল্লভ হয়,
নারীগণে দিতেছে জোকায়।”

সতীশ বাবু বলেন “কবিবল্লভ” নারায়ণ দেবের উপাধি।

অচ্যুত বাবু ও বিরজা বাবু বলেন, কবিবল্লভ তিন্ন এক ব্যক্তির নাম, সু নামের বিশেষণ। বিরজা বাবু অধিকন্তু বলেন, নামটি কবিবল্লভ হইতে পারে এবং কেবল বল্লভও হইতে পারে। তাহার মতে নাম - বল্লভ এবং সুকবি বিশেষণ হইলে যোজনটা ভাল মানায়।

সরল ও সহজ ভাবে বুঝিতে গেলে কবিবল্লভ উপাধি বলিয়াই বুঝা যায়। কবিবল্লভ নাম কাহারও শুনা যায় না এবং এমন নাম রাখিতেও দেখা যায় না। অচ্যুত বাবু

লিখিয়াছেন পূর্বে কবিবল্লভ নামে কোন ব্যক্তি ছিল, এমন সন্ধান তিনি পাইয়াছেন। যদি সন্ধান পাইয়া থাকেন, বাস্তবিক তাহা নাম নহে, উপাধি। উপাধিতেই সেই ব্যক্তি বিশেষরূপে প্রসিদ্ধ ও পরিচিত হইয়াছিলেন, তাই নাম লোপ পাইয়া উপাধিটি রহিয়া গিয়াছে। চণ্ডী কাব্যের রচয়িতাকে সর্বসাধারণে কবিকঙ্কণ বলিয়াই জানে। যুকুন্দরাম চক্রবর্তী নাম অল্প ব্যক্তির নিকটই পরিচিত। আলোচ্য পদোক্ত ‘কবিবল্লভ’ নাম হইতে পারে না। পূর্বের সু টি ইহার বিষম অন্তরায় হইয়া দাঁড়াইয়াছে। বিশেষ কোন নামের পূর্বে ‘সু’ ব্যবহৃত হয় না; হইতেও পারে না। সুযুকুন্দরাম, সুভারতচন্দ্র হয় না;

উল্লিখিত পদটির কি অর্থ হয়, এখন দেখা যাউক । আমরা দেখি ইহার সরল অর্থ এই হয়,—নারায়ণ দেব, যে স্কবিবল্লভ হয়, সে হয়—নারীগণে জোকায় দিতেছে । অচ্যুত বাবু বলেন, কেহ এই অর্থ করে, “নারায়ণ দেব কবিতা লিখিয়া স্বীয় বহু কবিবল্লভ নামক ব্যক্তিকে শুনাইতেন, শুনিয়া তিনি ‘হয়’ বলিয়া অনুমোদন করিতেন ।” অচ্যুত বাবুর অর্থটি হাস্যজনক হউক বা না হউক, রহস্যজনক বটে । কেননা কবিবল্লভ নারায়ণ দেবের বহু ছিলেন, নারায়ণ দেব কবিতা লিখিয়া তাঁহাকে শুনাইতেন, তিনি হয় করিতেন—এ সকল ঐতিহাসিক তথ্য তথ্যনিধি মহাশয় কোথায় পাইলেন ? উল্লিখিত পদটিতে বা পদ্মাপুরাণের কোন স্থলে এ সকল কথাগুলো লেশও নাই ।

কবিবল্লভ যে নারায়ণ দেবের উপাধি ছিল, সতীশ বাবু তাহা নারায়ণ দেবের অগাধ স্থানের উক্তি দ্বারা সপ্রমাণ করিয়াছেন । তবে সতীশ বাবু যে লিখেন, নারায়ণ দেবের স্বহস্ত লিখিত পদ্মাপুরাণ হইতে পরিচয় সূচক কবিতা উদ্ধৃত হইয়াছে, একথা আমরা বিরজা বাবুর সহিত এক মত হইয়া অত্যাঙ্কিই মনে করি । নারায়ণ দেবের স্বহস্ত লিখিত ৫০০ কি ৪৫০ বৎসরের পুঁথি এইক্ষণ কখনই বর্তমান থাকিতে পারে না । আমরা যে সকল পুঁথি এইক্ষণ প্রাপ্ত হই, বিপরীত প্রমাণ না হওয়া পর্য্যন্ত, তাহা নারায়ণ দেবের নিজ পুঁথি হইতে হস্ত পরম্পরায় লিখিত হইয়া আসিয়াছে, মনে করিব এবং সত্য বলিয়া গ্রহণ করিব । সতীশ বাবু নারায়ণ দেবের পদ্মাপুরাণ হইতে এই এই কবিতা উদ্ধৃত করিয়াছেন—

(১) “কায়স্থ পণ্ডিত বড় বিদ্যা বিশারদ ।

স্কবিব বল্লভ খ্যাতি সর্বগুণ যুত ॥”

(২) “স্কবিব বল্লভ হয়ে দেব নারায়ণ ।

এক লাচাড়ী কহে অনাদি জনম ॥”

এই দুইটি কবিতা দ্বারা স্পষ্টই দেখা যাইতেছে ‘কবিবল্লভ’ নারায়ণ দেবের উপাধি ছিল । প্রথম কবিতাটি সম্বন্ধে বিরজা বাবুর বিতর্ক এই,—বিদ্যাশিশারদ, সর্বগুণ যুত ইত্যাদি আড়ম্বর পূর্ণ আত্মপ্রাধা সূচক শব্দগুলি এক জন গ্রাম্য কবির পক্ষে অসম্ভব বোধ হয় । ইহা নিশ্চয়ই

পরবর্তী যোজনা ।” নারায়ণ দেবের লেখার স্থানে স্থানে ইহা অপেক্ষা অধিকতর শকাড়ম্বর দৃষ্ট হয় । নারায়ণ দেব বিনয়ভাবে যাহাই বলিয়া থাকুন না কেন, তিনি পণ্ডিত ছিলেন । বিনয় এবং আত্মপ্রাধা এ দুইই কবিগণ করিয়া থাকেন । আত্মপ্রাধা না করিয়াছেন, এমন কবি অল্পই জন্ম গ্রহণ করিয়াছেন । আত্মগরিমার প্রতিমূর্তি শ্রীকণ্ঠ ভবভূতি গ্রন্থ লিখিয়া বলিয়াছিলেন, আমি এ গ্রন্থে যে পাণ্ডিত্য প্রকাশ করিলাম, তাহা বুঝে, আমার সমকালে এমন পণ্ডিত জন্মে নাই । তবে—“কালোহরং নিরবধি বিপুলোচ পৃথ্বী ।” স্মরণে কোন কালে এই পৃথিবীর কোন স্থলে কেহ জন্মিতে পারে । আমাদের বাঙ্গলার কৃষ্ণিবাস এবং মুকুন্দরাম আপন আপন কাব্যে স্বীয় স্বীয় পাণ্ডিত্যের বড়াই করিয়া গিয়াছেন । ভারতচন্দ্র নিজেই মহাকবি বলিয়া গর্ব করিয়াছেন,—

“শুনি অরে মহাকবি ভারত ভারত ।

এমন না দেখি আর চাহিয়া ভারত ॥”

বাঙ্গলার কবি কেশরী শ্রীমধুসূদন নিজের কল্পনাকে (প্রকারান্তরে নিজকে) আদেশ করিয়াছেন,—

“—রচ মধুচক্র গৌড় জন যাহে.

আনন্দে করিবে পান সুধা নিরবধি ।”

যদি সকল কবিই আত্মপ্রাধা করিতে পারেন, তবে সে কালের প্রাচীন কবি নারায়ণদেব করিয়াছেন দোষ কি ? দ্বিতীয় কবিতাটার সম্বন্ধে বিরজা বাবু সতীশ বাবুকে জিজ্ঞাসা করিয়াছেন,—“উদ্ধৃত পংক্তি দ্বয়ের তিনি কিরূপ ব্যাখ্যা করেন ? ‘হয়ে’ পদের অর্থ কি, ইহা কাহার সহিত অর্থিত ? তৎপর অচ্যুত বাবু বেক্রম রহস্যকর অর্থ করিয়াছেন, তিনিও উক্ত পদ দ্বয়ের সেই-রূপ অর্থ করিয়াছেন । অর্থাৎ “আমি নারায়ণদেব অনাদি জনম বিষয়ে এক লাচাড়ী করিতেছি, এই বিষয়ে স্কবিবল্লভ ‘হয়ে’ অর্থাৎ হাঁ করেন ।” কথিত কবিতাটির এই অর্থ হয় কি ? আমরা ইহার ব্যাখ্যা এইরূপ করি,—দেব নারায়ণ স্কবিবল্লভ হয়ে (হয়), সে অনাদি জনম বিষয়ে এক লাচাড়ী কহে । দেব নারায়ণ কর্তা, হয়ে ক্রিয়া এবং স্কবিবল্লভ বিশেষণ । হয় এবং হাঁ এক শব্দ বা একার্থ বোধক নহে । ‘হয়’

ক্রিয়া, 'হাঁ' অব্যয় । 'হয়ে' শব্দ উচ্চারণে সংক্ষিপ্ত হইয়া, হয় হইয়াছে । * প্রাচীন বাঙ্গলায় হয়েই ছিল ।

এই 'সুকবিবল্লভ' বাক্যটির আলোচনায় বিরজা বাবু আমাদের এক কৈফিয়ত তলব করিয়াছেন । আমাদের সম্পাদিত বংশীদাসের পদ্মপুরাণের প্রস্তাবনায় আমরা লিখিয়াছি, নারায়ণ দেব পদ্মপুরাণ রচনা করিয়া যশস্বী হইলেন এবং কবিবল্লভ উপাধি লাভ করেন ।" এইরূপ লিখিতে তিনি আমাদের জিজ্ঞাসা করিয়াছেন, "গ্রন্থ রচনা পূর্বে না উপাধি লাভ পূর্বে, উপাধি লাভ যদি পরে হয়, তাহা হইলে 'সুকবিবল্লভ' পদটা কি ভবিষ্যৎ উপাধি প্রাপ্তির প্রত্যাশায় নারায়ণ দেব গ্রন্থ মধ্যে যোজনা করিয়া দিয়াছিলেন ?" ইহার উত্তর একেবারেই দেওয়া যাইতেছে । গ্রন্থ রচনা পূর্বে, এবং উপাধি লাভ পরে হইলেও, নারায়ণ দেব সুকবিবল্লভ পদটা ভবিষ্যৎ উপাধি প্রাপ্তির প্রত্যাশায় গ্রন্থ মধ্যে দেন নাই, উপাধি প্রাপ্ত হইয়াই দিয়াছেন । গ্রন্থকর্তার জীবৎমানে গ্রন্থের কোন স্থানের পরিবর্তনে বা পরিবর্তনে তাঁহার সম্পূর্ণ অধিকার থাকে এবং গ্রন্থকার তাহা করিয়া থাকেন । নারায়ণ দেবের পদ্মপুরাণের হস্ত লিখিত পাণ্ডুলিপি ছিল ; তাহাতে হস্তদীর্ঘ হওয়ারই কথা ; যে সকল গ্রন্থ মুদ্রিত হয়, তাহাতেও সংস্করণে সংস্করণে গ্রন্থকার পরিবর্তন করেন । কবি বর্তমানে মেঘনাদ বধের দ্বিতীয় সংস্করণে স্থানে স্থানে পরিবর্তন করিয়াছেন । হেমচন্দ্রের 'বৃত্র সংহারে' প্রথম সংস্করণে প্রথম পংক্তি ছিল—

"বসিয়া পাতাল পুরে সর্ব-দেবগণ ।"

দ্বিতীয় সংস্করণে কবি স্বয়ং তাহা পরিবর্তন করিয়া লিখিয়াছেন,—"তাড়িত পাতাল গর্ভে দেবতা সকল ।" মুদ্রিত গ্রন্থেই যদি এই হয়, তবে নারায়ণ দেব তাঁহার

* সংস্কৃত 'ভবতি' শব্দ, উচ্চারণ 'ভঅতি' । প্রথম পরিবর্তনে 'ভঅদি' হইয়াছে । বর্ণীয় লঘু প্রাণ বর্ণ গুলিতে হকার যুক্ত হইয়া মহাপ্রাণ বর্ণগুলি হইয়াছে, যথা রহ=ভ । সুতরাং 'ভঅদি'=বহ-অদি । এই রহঅদি দ্বিতীয় পরিবর্তনে বা প্রাকৃতে হন্ গুলি লুপ্ত হইয়া হঅই হইয়াছে । তৃতীয় পরিবর্তনে বাঙ্গলায়, হঅ+ই=হএ বা হয়ে হইয়াছে । তাহাই সংক্ষিপ্ত করিয়া আমরা 'হয়' বলি ।

হস্ত লিখিত পাণ্ডুলিপিতে 'সুকবিবল্লভ' পদটি পরে বসাইয়া দিবেন, বিচিত্র কি ? বিরজা বাবু কেবল পরের দোষোদ্ঘাটনে অশেষ যত্ন করিয়াছেন, কিন্তু হুঃখের বিষয়, স্বীয় মত সমর্থন পক্ষে বিন্দু মাত্রও প্রমাণ দিতে পারেন নাই ।

এইরূপ 'মগধ' পর্কের আলোচনায় প্রবৃত্ত হওয়া যাউক । এই মগধই উপরের লিখিত সকল প্রবন্ধের মেরুদণ্ড বলিয়া বোধ হইতেছে । যতদূর বুদ্ধিতে পারা যায়, এই সম্বন্ধীয় সমুদয় বাক্যবিশিষ্ট এই 'মগধ' শব্দটার উপর নির্ভর করিতেছে । 'মগধ' হইতেই বেহার, কামাখ্যা, শ্রীহট্ট, কবিবল্লভ, ইত্যাদি বাহির হইয়াছে । অতএব 'মগধ' সকল অনর্থের মূল । উহার আলোচনা প্রয়োজনীয় । কোনও পদ্মপুরাণে নাকি—

"নারায়ণ দেবে কয় জন্ম মগধ ।"

এই পদ পাওয়া গিয়াছে । যিনি এই পদটি পাইয়াছেন, তিনি অবস্থার প্রতি লক্ষ্য না করিয়া, দিগ্বিদিক জ্ঞান না করিয়া, এক লক্ষ্যে এই সিদ্ধান্তে উপনীত হইয়াছেন যে, নারায়ণ দেবের জন্ম 'মগধে' হইয়াছে । শ্রীযুক্ত দীনেশ চন্দ্র সেন মহাশয় "আর্য্যাবর্তে" তাঁহার প্রবন্ধে লিখিয়াছেন,—"নারায়ণ দেব তাঁহার পদ্মপুরাণের এক স্থানে লিখিয়াছেন চাঁদ সদাগরের জ্ঞী সনকা বেহারীয়া রাজার কণা ছিলেন । দ্বিজবংশী লিখিয়াছেন মগধের নিকটবর্তী কোন প্রদেশের হলবাহক জাতীয় বছাই নামক রাজা মনসা দেবীর পূজা প্রবর্তিত করেন । নারায়ণ দেব স্বয়ং মগধে জন্ম গ্রহণ করিয়া রাত্ হইয়া পূর্ব বঙ্গে ময়মন-সিংহের বুড়গ্রামে বাস করেন । সুতরাং এই তিন প্রমাণ দ্বারা অনুমতি হয় যে, মনসা মঙ্গলের উপাখ্যান আদৌ মগধ অঞ্চলের কথা ছিল ।" দীনেশ বাবুর তিন প্রমাণের এক প্রমাণ, নারায়ণ দেব লিখিয়াছেন, চাঁদ সদাগরের জ্ঞী সনকা বেহারীর রাজার কণা ছিলেন, সুতরাং নারায়ণ দেব বেহারীয় এবং পদ্মপুরাণের উপাখ্যানটিও বেহার অঞ্চলের বটে । আমরা ইহার ঠিক বিপরীত ভাব বলি । দীনেশ বাবু নারায়ণ দেবের অথবা বংশীদাসের পদ্মপুরাণ হইতে কিছু উদ্ধৃত করেন নাই ; করিলে ভাগ হইত । যাহা হউক তিনি নিজে যাহা লিখিয়াছেন, তাহা ধরিয়াই

আমাদিগের বলিতে হইবে। 'বেহারীয়া' রাজার কথা বলাতেই কবি অথবা উপাখ্যান বেহার অঞ্চলের হইতে পারে না। সনকার পিতার নাম শঙ্খপতি সাধু। এই শঙ্খপতি সাধুকে রাজা বলা হইয়া থাকিলে বুঝিতে হইবে, তিনি বেহারের সাধুগণের প্রধান ছিলেন। বেহার একটি প্রদেশ। এই প্রদেশের কোন বিশেষ স্থানে শঙ্খপতি বাস করিতেন। এক প্রদেশের লোকে অন্য প্রদেশের কোন বিশেষ স্থানের কোন ব্যক্তির নাম বলিতে হইলে, প্রদেশ উল্লেখে বলিয়া থাকে, কিন্তু নিজ প্রদেশের কোন স্থানের কোন ব্যক্তির নাম বলিতে উক্ত বিশেষ স্থান উল্লেখ করে। যেমন, বঙ্গের লোকে সুরেন্দ্র বাবুর নাম বলিতে বাঙ্গালার সুরেন্দ্র বাবু বলে; বাঙ্গালার লোকে বালগঙ্গাধর তিলকের নাম বলিতে বঙ্গের বালগঙ্গাধর তিলক বলে। কিন্তু বাঙ্গালার লোকে সুরেন্দ্র বাবুকে কলিকাতার বা বরাহনগরের, এবং বঙ্গের লোকে বালগঙ্গাধর তিলকে পুনার তিলক প্রভু বলে। পদ্মাপুরাণকার নারায়ণ দেব অথবা তাঁহার উপাখ্যান বেহার অঞ্চলের হইলে, তিনি 'সনকার' পিতার বিশেষ বাসস্থান উল্লেখ করিতেন, বেহারীয়া রাজার বা সাধুর কথা বলিতেন না। দীনেশ বাবুর আর এক প্রমাণ, দ্বিজবংশী লিখিয়াছেন মগধের নিকটবর্তী কোন প্রদেশের বাছাই নামক হলবাহক রাজা মনসা দেবীর পূজা প্রবর্তিত করেন। মগধের নিকটবর্তী স্থানে বাছাই রাজা ছিল, বিরজা বাবু এ কথা অস্বীকার করিয়া দ্বিজবংশীর পদ্মাপুরাণের ঐ অংশ উদ্ধৃত করিয়াছেন এবং দেখাইয়াছেন বাছাই রাজার নগর নিবধ ও কালঞ্জরের মধ্যে। এই নিবধ ও কালঞ্জর ভারতবর্ষের দক্ষিণে—মাজ্রাজে, বেহারে মছে। আমরা দীনেশ বাবুকে জিজ্ঞাসা করি, তিনি 'নিবধ' স্থলে মগধ বলিয়া পড়েন নাইতো? ভ্রম প্রমাদ সকলেরইতো হইতে পারে। দীনেশ বাবুর শেষ প্রমাণ, নারায়ণ দেব স্বয়ং মগধে জন্ম গ্রহণ করিয়াছেন, কেননা, "নারায়ণ দেবে কর জন্ম মগধ।"

এই 'জন্ম মগধ, সঙ্ঘর্ষে রহন্ত আছে, তাহা অচ্যুত বাবুর কথা আলোচনার পর উদ্ঘাটিত হইবে। এইরূপ এই মাত্র বলি যে, নারায়ণ দেব তাঁহার পূর্বপুরুষ হইতে

বাসস্থানের পরিচয় অন্তর্ভুক্ত দিয়াছেন, অন্যতায় 'জন্ম মগধ' কথাটা অসংলগ্ন, খাপ ছাড়া দৃষ্ট হয়।

শ্রীযুক্ত অচ্যুতচরণ চৌধুরী তত্ত্বনিধি মহাশয় দীনেশ বাবুর 'মগধ' অস্বীকার করেন না। তিনি এই 'মগধ' বেহারে না হইয়া, শ্রীহট্টে হওয়ার পক্ষে একান্ত আশ্রয় স্বীকার করিয়াছেন। তিনি বলেন, "শ্রীহট্টে মগধ বলিয়া একটা বিলুপ্ত-রাজ্য ছিল।" এই কথার প্রমাণার্থে তাঁর চিহ্ন দিয়া, পাদটিকায় কামাখ্যা তন্ত্রের এক বচন উদ্ধৃত করিয়াছেন। সে বচন এই,—

ত্রিপুরা কোকিকা চৈব জয়ন্তী মণিচন্দ্রিকা।

কাছারী মাগধী দেবী অস্মামী সপ্তপর্কতাঃ।

ইহাতে দেখা গেল, যে সপ্তপর্কত লইয়া কামাখ্যা তন্ত্রে মাগধী নামে একটা পর্কত আছে। তৎপর দেখাইয়াছেন শ্রীহট্টের এক প্রাচীন কবির পাঁচালীতে আছে,—"শ্রীহট্ট নগর বাস মগধ নৃপতি।" তৎপর বলিয়াছেন,—"জল সুখার নিকটবর্তী আজমীরগঞ্জ যে এক সময় এক ক্ষুদ্র রাজ্যের রাজধানী ছিল, ষ্ট্রুয়ার্ট সাহেবের বাঙ্গালার ইতিহাসে তাহা লিখিত। গত ত্রৈষ্ঠ্য মাসের প্রতিভা পত্রিকায় প্রকাশিত হস্তাক্ষিত এক খানা মেপে কি সূত্রে শ্রীহট্ট সহরের উত্তরে মগধ নির্দেশিত হইয়াছে বুঝিতে পারা গেল না।" অচ্যুত বাবু কি বলিলেন আর কি প্রমাণ করিলেন, তিনিই বুঝিয়া দেখুন। বলিলেন শ্রীহট্টে মগধ নামে এক লুপ্ত রাজ্য ছিল। প্রমাণ করিলেন, প্রথমে, কামাখ্যায় মাগধী নামে এক পর্কত আছে। তৎপর শ্রীহট্টে মগধ নামে এক নৃপতি ছিল। তৎপর আজমীরগঞ্জ এক সময় এক ক্ষুদ্র রাজ্য ছিল। তৎপর একখানা মেপে কি সূত্রে শ্রীহট্ট সহরের উত্তরে (অর্থাৎ কামাখ্যায়) মগধ নির্দেশিত হইয়াছে বুঝিতে পারিলেন না। সুতরাং আমাদিগকে বাধ্য হইয়া বলিতে হইয়াছে, তিনি কি সূত্রে এই সকল অপ্রমাণ লইয়া শ্রীহট্টে 'মগধ' প্রমাণ করিতে প্রস্তুত হইলেন, আমরাও বুঝিতে পারিলাম না। অচ্যুত বাবু আরও বলেন,—নগরের রামধন ভট্টাচার্য্য তাঁহাকে লিখিয়াছেন নারায়ণ দেব তাঁহাদের নগর গ্রামে ছিলেন, পরে ময়মনসিংহ জেলার বুড়গ্রামে বাইয়া বাস

করেন। নারায়ণ দেবের সময় ৪৫০ বৎসরের পূর্বে নির্দিষ্ট হয়, বর্তমান সময়ের রামধন ভট্টাচার্যের কথা গুলি প্রত্যেকের মত বোধ হইতেছে। এই সকল কথা অচ্যুত বাবু বিনা প্রমাণে অমান চিন্তে বিখান করিয়া, আমাদের বিশ্বাসের জ্ঞান তাঁহার প্রবন্ধে স্থান দিয়াছেন। এই সকল কথার কোন মূল্য আছে কি? অচ্যুত বাবুর সহকারী লেখক বিরজা বাবু দেখাইয়াছেন, “মাগধী নামে একটা পর্বত কামরূপ বা কামাখ্যা দেশে আছে। শ্রীহট্ট ও সেই কামরূপের অন্তর্গত ছিল।” অতএব তাঁহার মতে মাগধী শ্রীহট্টের অন্তর্গত। অপরূপ যুক্তি। এই যুক্তি অনুসারে দীনেশ বাবুর পক্ষ হইতে বলা যাইতে পারে, ময়মনসিংহ নামে একটা জেলা বাঙ্গলা প্রদেশে আছে। বেহারও সেই বাঙ্গলা অন্তর্গত ছিল, সম্প্রতি পৃথক হইয়াছে; অতএব ময়মনসিংহ বেহারের অন্তর্গত ছিল। এইরূপ, প্রমাণ ও যুক্তির উপর নির্ভর করিয়াই অচ্যুত বাবু তৎপ্রণীত শ্রীহট্টের ইতিবৃত্তে লিখিয়াছেন,—“ময়মনসিংহ যে কবিকে লইয়া গৌরব করিতে প্রয়াসী, জলসুখা পরগণার নগর গ্রামে সেই নারায়ণ দেব জন্ম গ্রহণ করেন, ইহার অকাট্য প্রমাণ পাওয়া গিয়াছে।” এই সকল দেখিয়া অবাক হইতে হয়। যুক্তি প্রমাণের এই অশেষ বিড়ম্বনা দেখিয়া, এষ্ট সাহিত্য বিভাগের সংশ্রবে আসি, আমাদের ইচ্ছা ছিলনা। কিন্তু মগধের অন্বেষণে এক শ্রীহট্টেই যখন এত গণ্ডগোল; তখন ময়মনসিংহ, কুমিল্লা ঢাকা, ফরিদপুর, বরিশাল ইত্যাদি জেলার লোক মগধের তল্লাসে প্রবৃত্ত হইলে এবং ঐ ঐ জেলার সাহিত্য রথিগণ একত্র হইলে, তখন সাহিত্যে একটা কুরুক্ষেত্র হইয়া দাঁড়াইবে, এই ভাবিয়া নীরব থাকিতে পারিলাম না।

নারায়ণ দেবের নিজের উক্তি—

“পূর্ব পুরুষ মোর বড় গুরুমতি।

রাঢ় ছাড়িয়া বুর গ্রামেতে বসতি”

আবার ‘জন্ম মগধ’ও পাওয়া গিয়াছে, তাই, বোধ হয়, দীনেশ বাবু লিখিয়াছেন, নারায়ণ দেব মগধে জন্ম গ্রহণ করিয়া, রাঢ় হইয়া বুরগ্রামে আসিয়া বসতি করিয়াছিলেন। কিন্তু নারায়ণ দেবের উক্তি মতে বুঝা যায়, তাঁহার পূর্বপুরুষগণ রাঢ় ছাড়িয়া বুরগ্রামে যান। এখানে তিনি

মগধের নাম উল্লেখ করেন নাই। অবস্থা মতে ‘মগধের’ সহিত নারায়ণ দেবের জন্মের কোন সম্বন্ধ থাকি দৃষ্ট হয় না। সম্বন্ধ রাখিতে গেলে, আমরা আনুমানিক এক সংস্থা করিয়া দিতে পারি, তাহা এই,—নারায়ণ দেবের পূর্বপুরুষগণ রাঢ় ছাড়িয়া বুরগ্রামে আসিয়া বসতি করিয়াছিলেন, তাঁহার পিতা নরসিংহ দেব মগধে কোনও কারবার কি চাকরী করিতেন, তিনি মধ্যে মধ্যে তথায় সস্ত্রীক বাস করিতেন, তাহাতে নারায়ণ দেবের জন্ম মগধে হয়। এরূপ সংস্থায় সকলদিক রক্ষা হয়।

কিন্তু জিজ্ঞাসা করি—শব্দটা কি সত্য সত্যই মগধ? দ্বিজবংশীর পদ্মাপুরাণ সম্পাদন সময়ে আমরা অনেক পদ্মাপুরাণ চর্চা করিয়াছি। কোন কোন পদ্মাপুরাণে এই পদটি পাইয়াছি, কিন্তু ‘মগধ’ শব্দ পাই নাই, মুগধ শব্দ পাইয়াছি। সন্দেহ ভঞ্জনার্থে এখনও কয়েকখানি পদ্মাপুরাণ অনুসন্ধান করিয়া দেখিলাম, এক খানিতে কবিতার এই পদটির পায়াইছি,—

“নারায়ণ দেবে কর জন্ম মুগধ

ভট্ট মিশ্র নহে পণ্ডিত বিশারদ

মুগধ শব্দের একটি অর্থ মূর্খ। প্রাচীন কবিগণ অনেক স্থলেই মূর্খ শব্দ স্থলে মুগধ শব্দের ব্যবহার করিয়াছেন। অনেক প্রাচীন পুঁথিতে তাহা পাওয়া যায়। কবি নারায়ণ বিনয়ার্থে এই শব্দের ব্যবহার করিয়াছেন, ফলে তিনি জন্মমূর্খ ছিলেন না। উদ্ধৃত কবিতার দ্বিতীয় চরণের শব্দাবলীতেই তাঁহার পাণ্ডিত্যের পরিচয় পাওয়া যায়। বিরজা বাবু বলিয়াছেন বিষয়টি ক্রমে রহস্যময় হইয়া উঠিতেছে। আমরা এখানে একটু রহস্য করিতে ইচ্ছা করি, কেহ কিছু মনে করিবেন না। সাহিত্যে এ প্রকার রহস্যের চলন আছে। বাঙ্গলার সুরসিক নাটককার দীনমঙ্গু মিত্রের নাটকের ডিপুটী বাবু মুচিরামকে ষটিরাম পড়িয়া, চাপরাসীকে বলিয়াছিলেন, বোলাও ষটিরামকে। এখানে মুগধ পড়িতে মগধ পড়া হয় নাই ত? পূর্বে ষ (মু) এইরূপে লিখা হইত। মুগধ শব্দে এইরূপ ‘ষ’ই পাইয়াছি। এই ‘ষ’কে ম বলিয়া ভ্রম হওয়া আশ্চর্য্য কি? অথবা পুঁথিলেখক ‘ষ’কে পরিষ্কার ‘ম’ লিখিয়াও রাখিতে পারে। তাহাতেই এই রহস্যের উদ্ভব হইয়াছে। আর

একটা রহস্যের কথা বলি—এক কাঞা বাবুর দিল্লী, লন্ডো, আজমীর প্রভৃতি স্থানে কারবার ছিল। তিনি এক দিবস দিল্লী হইতে আজমীর গিয়াছিলেন। তাহার গোমস্তা বাবুর বাটীতে চিঠি লিখিলেন, “বড় বাবু আজমীর গয়া”। কাঞা নাগরীতে আকার, ইকার, বড় থাকে না, তাই চিঠি পড়িতে বড় গোল যোগ বাঁধে। অনেকে একত্র হইয়া পাঠ উদ্ধার করেন। এখানেও অনেক কাঞা বাবু একত্র হইলেন এবং পড়িতে লাগিলেন, আজমর, আজমর—পড়িতে পড়িতে সিদ্ধান্ত করিলেন, বড় বাবু আজমর গয়া। এস্থলেও বোধ হয়, মুগধ স্থলে মুগধ লিখা হইয়াছে। এবং তাহাতেই বিভ্রাটের উৎপত্তি।

শ্রীরামনাথ চক্রবর্তী ।

ইতর প্রাণীর মনোবৃত্তি ।

ঘোড়ার গণিত-জ্ঞান ।

ঘোড়ার পুস্তক পড়িতে পারে, অঙ্ক কথিতে পারে, এমন কি মনের কথা ভাবার প্রকাশ করিতে পারে ;— এইরূপ আজ্ঞাবি কথার আধারা সময় সময় শুনিতে পাই।



মহম্মদ ও তারিক ।

এই সকল বিবরণ যদি বিশ্বস্ত, বিশেষজ্ঞ ও সুপ্রসিদ্ধ ব্যক্তিগণ কর্তৃক সমর্থিত হয়, তবে সাধারণের তাহাতে

কিছুদিন পূর্বে হারভন্ অষ্টেন নামক এক সাহেব হ্যান্স নামধারী তাহার একটা ঘোড়ার বিবিধ কৌশল প্রদর্শন করিয়া সমগ্র ইউরোপকে বিস্ময়ান্বিত করিয়াছিলেন। ঐ সকল কৌশল কৌশল ঘোড়ার বুদ্ধি বৃত্তির পরিচায়ক বলিয়া সুধীবৃন্দ এক বাক্যে স্বীকার করিয়া ছিলেন। কিন্তু সুপ্রসিদ্ধ ডাক্তার ফাংষ্ট এই কার্যে বিরুদ্ধ মত প্রকাশ করিলেন এবং তীব্র সমালোচনা প্রকাশ করিয়া বুঝাইলেন যে অশ্বপালক অষ্টেনের সঙ্কেত অসুসারে ঐ ঘোড়া প্রশ্নগুলির উত্তর দিয়া থাকে। মনে করুন ঘোড়াটি তাহার ধুরের আঘাত দ্বারা শব্দ উৎপাদন করিয়া সংখ্যা বাচক প্রশ্নের উত্তর দিতেছে,—ঠিক সংখ্যাটিতে উপনীত হইবা মাত্র উপস্থিত জন মণ্ডলীর অজ্ঞাতে অশ্বভঙ্গী দ্বারাই হউক কি অন্য কোনও প্রকারে ঘোড়াকে উহা সঙ্কেতে জানাইলেই ত হইতে পারে। ডাক্তার ফাংষ্টের এই মত প্রকাশ হইলে পর অষ্টেনের সকল কৌশল ও শিক্ষা পণ্ড হইবার উপক্রম হইয়াছিল। কিন্তু তথাপি কেহ কেহ জেদ্ করিয়া বলিলেন যে, এইরূপ সঙ্কেত গ্রহণেও যদি উত্তর নিভুল হয়, তবুও ঘোড়াটির চাতুর্যের প্রশংসা করিতে হইবে।

সংবাদ পত্রে এই সকল সমালোচনা ও বিরুদ্ধ মত পাঠ করিয়া ক্রল নামক মনস্তত্ত্ববিৎ এক ব্যক্তি অতিশয় কৌতূহলাবিষ্ট হইয়া পড়িলেন। তিনি ১৯০৫ খৃঃ অব্দের মে মাসে অষ্টেনের সমীপে উপস্থিত হইয়া তাহার ঘোড়ার কৌশল ও শিক্ষার পরিচয় গ্রহণ করিলেন, এবং ঐ সকল বিরুদ্ধ মতের অযৌক্তিকতা প্রতিপন্ন করিবেন বলিয়া ঘোষণা করিলেন। এবার বিশেষ সতর্কতা অবলম্বন করা হইল, ঘোড়ার সম্মুখে সঙ্কেত প্রকাশ করার সর্ব-প্রকার সুযোগ নিবারিত করা হইল, তথাপি হ্যান্স পূর্ববৎ নিভুল ভাবে প্রশ্নগুলির উত্তর দিল।

ক্রল ভাবিতে লাগিলেন, হ্যান্সের এই

কার্য কি উহার বিশেষ ক্ষমতার পরিচায়ক, না অশ্বভাতির বুদ্ধি বৃত্তির নিদর্শন? এই প্রশ্নের মীমাংসার লক্ষ্যক্রম হইল

মহম্মদ ও জরিফ্ । ১২০৮ খৃষ্টাব্দের ২রা নবেম্বর তারিখ হইতে ঘোড়া দুইটির রীতিমত শিক্ষা আরম্ভ হইল। অষ্টেনের শিক্ষাপ্রণালী অনুসারে প্রত্যেক সংখ্যা বুঝাইতে হইলে ঘোড়ার খুর দ্বারা সমান সংখ্যক আঘাত করিতে হয়। কিন্তু ক্রম এইরূপ শিক্ষা দিলেন যে দশক বুঝাইতে হইলে বামপদের এবং একক বুঝাইতে হইলে দক্ষিণ পদের খুর দ্বারা আঘাত করিতে হইবে। তিন দিন মাত্র শিক্ষাদানের পর দেখা গেল যে অশ্ব দুটি শিক্ষকের উচ্চারণ অনুসারে বোর্ডের উপর লিখিত ১, ২, ৩, প্রভৃতি প্রথম সংখ্যাগুলি মুখের দ্বারা স্পর্শ করিয়া দেখাইতে পারে! দশ দিন অতীত হইলে পর মহম্মদ ৪ পর্যন্ত গণনা করিতে সক্ষম হইল। কয়েক দিবস গত হইলে



ক্রম জরিফকে অঙ্ক শিখাইয়েছেন।

পর শিক্ষক তাহাকে দশকের অর্থ বুঝাইয়া দিলেন; এবং দশক বুঝাইতে কিরূপে বামপদ ব্যবহার করিতে হইবে, এবং একক বুঝাইতে হইলে দক্ষিণ পদ ব্যবহার করিতে হইবে, তাহা হৃদয়ঙ্গম করাইয়া দিলেন। ১৪ই নবেম্বর তারিখে অর্থাৎ শিক্ষারম্ভের ১২ দিন পরে মহম্মদ গুহুরূপে সহজ সহজ যোগ ও বিয়োগ অঙ্ক কবিত্তে পারিল, যথা ১+৩, ২+৫ ইত্যাদি, ৮-৩ ইত্যাদি। ১৮ই নবেম্বর তারিখে ক্রম সাহেব পূরণ ও ভাগ অঙ্ক শিখাইতে প্রবৃত্ত হইলেন, এবং ২১শে তারিখে ভগ্নাংশ ও ভগ্নাংশের যোগ শিক্ষাদিতে লাগিলেন। ডিসেম্বর

মাস মধ্যে মহম্মদ কিছু ফরাসী ভাষা শিক্ষা করিল, এবং ফরাসী এবং জর্মান উভয় ভাষায় জিজ্ঞাসিত গণিতের প্রশ্নের সমাধান করিতে সক্ষম হইল। পরবর্তী বৎসরের মে মাসে মহম্মদ বর্গ ফল ও ঘন ফল বাহির করিতে এবং গণিতের কঠিনতর প্রশ্নের উত্তর দিতে সক্ষম হইল।

১২০৯ খৃষ্টাব্দের ফেব্রুয়ারী মাসে পুস্তক পাঠ ও শব্দ উচ্চারণ শিক্ষা আরম্ভ হইল। চারি মাস শিক্ষা গ্রহণের পর জরিফ তাহার সম্মুখে উচ্চারিত সকল শব্দই মুখে প্রকাশ করিতে পারিল। আশ্চর্যের বিষয় এই, দুইটি ঘোড়াই স্বরানুরূপ উচ্চারণ করিতে বিশেষ চেষ্টা করিত। ঘোড়া দুইটি কিরূপ কথোপকথন অভ্যাস করিয়াছিল, নিয়ে তাহার বিবরণ প্রদত্ত হইল। মহম্মদ তাহার

পশ্চাতের এক পদে আঘাত প্রাপ্ত হইয়া কাতর হইয়া পড়ে তাহার চিকিৎসার্থ পশুচিকিৎসক মিঃ মিটম্যান আনীত হন এবং ক্ষত স্থানে জলপটীর ব্যবস্থা করিয়া দিয়া যান। পর দিন ডাক্তার ডেকার ঐ স্থানে উপস্থিত হইলে পর তাহাকে জরিফের সমীপে এইরূপে পরিচিত করাইয়া দেওয়া হয়—“গতকাল্য মহম্মদকে দেখিবার জন্ত যে ডাক্তার মিটম্যান আসিয়াছিলেন, উঁহার ঞায় এই ভদ্রলোকটিও একজন ডাক্তার। ইনি মানুষের চিকিৎসক, ঘোড়ার নহেন।” প্রায় অর্ধ ঘণ্টা ব্যাপি গণনা ও উচ্চারণ

অনুশীলনের পর জরিফকে জিজ্ঞাসা করা হইল—

“এই ভদ্রলোকের নামটি কি এখনও তোমার স্মরণ আছে?”

জরিফ তাহার নিজের ভাষায় উত্তর দিল—

“Dgr” (ড্‌গ্‌র্)

প্রশ্ন—“এই ভদ্রলোকটি কি করেন?”

উত্তর—“Dgtr” (ড্‌গ্‌ট্‌র্)

প্রশ্ন—“একটা অঙ্কর ভুল করিতেছ নয়?”

উত্তর—“O”

প্রশ্ন—“কোন স্থানটাতে?”

উত্তর—“২”

সম্প্রতি ক্রম আরও কয়েকটি খোড়া সংগ্রহ করিয়াছেন। তন্মধ্যে একটা খোড়া অন্ধ, এবং ব্রাণ শক্তিহীন। কিন্তু খোড়াটা আশ্চর্য্যরকম গণিতবিদ। উহার শ্রবণ শক্তি এবং স্পর্শ জ্ঞান এরূপ প্রখর যে সহজ সহজ গণিতের প্রশ্ন তাহাকে শুনাইলে কিম্বা তাহার চর্ম্মের উপর লিখিয়া দিলে, অনায়াসে উত্তর সমাধান করিতে পারে।

ক্রম সাহেব তাঁহার অভিজ্ঞতার ফল গ্রন্থাকারে প্রকাশ করিয়াছেন। পুস্তকখানির নাম—“Thinking Animals ; contributions to the Animal Psychology on the basis of Personal Experiments.” *

শ্রীঅবিনাশচন্দ্র রায়।

তামাকু তত্ত্বে বিপত্তি ।

উদীয়মান সাহিত্যসেবী ললিতকৃষ্ণ ‘অরুণের’ সহকারী সম্পাদকের কার্য্যভার লইয়া নব উৎসাহে সাহিত্যসেবায় মনপ্রাণ সমর্পণ করিয়াছেন। এতখানি অতিশয়োক্তির কারণ এই, ললিতকৃষ্ণ একটি চতুর্দশী বালিকাকে সঙ্গিনী করিবার সুযোগ পাইয়াও সাহিত্য সেবাকে ভুলিয়া যান নাই। বরং কিরণশশীর সহচর্যা অপেক্ষা বাণীর সেবাতেই তাহার সময় ও মন, শক্তি ও স্মৃতি অধিক ব্যয়িত হইত।

কিরণশশীর তাহাতে অধিক আপত্তি ছিল না। তবে রাত্রি ৯টার পর নীরিহ প্রদীপটির প্রতি তাহার যে বিভ্রূতা ভাব ছোটবেলা হইতেই জাগরিত ছিল—এখন ব্যয়োবৃদ্ধির সহিত সে ভাব জর্ধার পরিণত হইয়াছিল।

সে দিন রাত্রির আহারাদির পর যখন কিরণ শয়নগৃহে আসিল, “তখন ললিতকৃষ্ণ সোহাগ-কম্পিত স্বরে বলিলেন—আচ্ছা কিরণ তুমি একটু তামাক সাজ দেখি—ততরূপে আমি—মগজে একটা আটিকেল চাব করে ফেলি।

কিরণ একটু দার্শনিক রাগের প্রয়োগ দেখাইয়া বলিল—“ও আমি পারিব না। খেতে হয় নিজে সেজে খাও। মেয়ে মানুষ তামাক সাজে এ আমি কখনো দেখি নাই।”

ললিতকৃষ্ণ বলিলেন—“মেয়ে মানুষ বাইসিকল চড়বে, চুরট খাবে, গাজ সাতরাবে, হারমনিয়ম বাজাবে, থিয়েটারে রাজা সাজবে—আর স্বামীর আদেশ প্রতিপালন করিয়া নির্জন গৃহে তামাকটা সাজিতে পারিবে না?”

স্বামীর বাক্যব্যয়ের পূর্বেই কিরণ আলবোলায় উপর হইতে কলিকাটি লইয়া তামাক সাজিবার আয়োজন করিতেছিল—তামাক সাজিতে সাজিতে সে বলিল—“সেগুলি যারা করে, তারা তামাকও খায়, না খেলেও হৃদয় বাদে খাবে। আমরা এও করবো না, তামাকও সাজবো না।”

কিরণ তামাক সাজিয়া কলিকাটি আলবোলায় উপর রাখিয়া—ঘুণা ও সোহাগ মিশ্রিত স্বরে বলিল—কি বিল্লী গন্ধ—এও লোকে খায়? দেখ দেখি কোথায় হাত ধুই—এখন।”

ললিতকৃষ্ণ সোহাগের মাত্রা আরও একটু বাড়াইয়া বলিলেন—“আমার মাথায়ই হাতটা মুছে ফেল না।”

মুচ্চিক হাসিয়া কিরণ হাত ধুইয়া ফেলিল।

ললিতকৃষ্ণ নল মুখে দিয়া টানিতে টানিতে কিরণের দিকে চাহিয়া তন্ময়ভাবে বলিলেন—তামাক অতি উপাদেয়—সর্ব চিন্তার প্রহৃতি—তোমরা না থাকিলেও জগৎ চলিবে—কিন্তু তামাক না থাকিলে—এক দিনও—না। যাই হউক আজ তামাক সম্বন্ধেই—একটা প্রবন্ধ লিখে তোমাকে তামাকের উৎপত্তি—স্থিতি—বিস্তৃতি—ও কার্য্য দেখাইয়া দিব। বসো তুমি—ঘুমাও মইৎ—”

কিরণ প্রমাদ গণিল। সে বলিল—“ও হবে না। বিছানায় প্রদীপ রেখে সারারাত কাটান হবে না।”

ললিতকৃষ্ণের মগজে তখন তামাকের চাব হচ্ছিল। তিনি পত্নীর সহিত “সওয়াল জবাব” করিয়া তামাকু-চিন্তার বিচ্ছেদ ঘটান আপাততঃ সঙ্গত মনে করিলেন না। সুবোধ বালকটির জ্বর মাত্র টানিয়া মৃত্তিকার আশ্রয় লইলেন।

কিরণ অনন্তোপায় হইয়া শয়্যায় গা চালিয়া পড়িয়া রহিল। ললিতকৃষ্ণ কাগজ কলম—লইয়া বসিলেন—কিরণকে বলিলেন “ঘুমাইও না—প্রবন্ধ শুনিতে হইবে।”

ললিতকৃষ্ণ যখন প্রবন্ধের ধসরা প্রস্তুত করিয়া উঠিয়া

* Scientific American হইতে।

ঘড়ীর দিকে চাহিলেন—তখন রাত্রি সাড়ে দশটা হইয়া গিয়াছে। তিনি খসরা পড়িয়া শুনাইবার জন্ত কিরণকে ডাকিলেন—কিরণ তখন গভীর নিদ্রায় থাকিয়া তাহার সকল ঐৎসুক্য ব্যর্থ করিয়া দিল।

বহু ডাকাডাকি হাঁকাহাঁকিতেও যখন মলিতকৃষ্ণের অরসিকা পত্নী তাহাকে ‘রস নিবেদনের’ সুযোগ দিলেন না, তখন নবীন সাহিত্যিক বরকৃষ্ণের শ্লোক স্মরণ করিয়া রসজ্ঞ পাঠকের অনুসন্ধানে বাহির হইলেন।

ভবদেব ঘোষও সাহিত্যিক। তবে “অরুণের” সুযোগ্য সম্পাদকের আয় প্রবীণ নহে, সহকারী মলিত কৃষ্ণের আয় নবীনও নহে। মাঝামাঝি সাহিত্যিক। ভবদেব প্রত্নতত্ত্ববিদ। ভবদেবের সাহিত্যচর্চা প্রত্নতত্ত্বেই স্মরণপাত নহে। তিনি প্রথম জীবনে কবি ছিলেন। পয়ার মিলাইয়া মিলাইয়া রাশিকৃত কবিতা লিখিয়াও যখন ভবদেব দেখিতেন, সে কবিতা গুলিকে গাঢ় পরিবর্তিত করিতে হইলেও ঠিক তাহাই থাকে—তখন তিনি কিছু নিরাশ হইতেন। তারপর যখন পত্রিকা সম্পাদকগণ তাহার কবিতা গুলি স্বল্প পত্রিকায় প্রকাশ করা দূরে থাকুক তাহার রিপ্লাই টীকেট দেওয়া পত্র গুলিরও পর্যাপ্ত সম্ভাষণ জনক জবাব দেওয়া উচিত মনে করিল না, তখন তিনি একেবারেই নিরাশ হইলেন। কিন্তু তথাপি হাল ছাড়িলেন না। তাঁহার কবিতাপুঞ্জ লইয়া স্থানীয় “অরুণ” সম্পাদকের আশ্রয় গ্রহণ করিলেন। অরুণের প্রবীণ সম্পাদক তাঁহার কবিতাগুলি একে একে পাঠ করিয়া একদিন অতি সহানুভূতির ভাষায় তাহাকে বুঝাইয়া দিলেন—যে (১) কবিত্ব একটা ভগবৎ প্রদত্ত বিশেষ গুণ, তাহা সকলে পায় না, এবং যে কেহ মাথার ঘাম পায়ে ফেলিয়া লাভ করিতে পারেনা। (২) আমাদের নিত্য নৈমিত্তিক কার্যকলাপকে ছন্দে মিলাইয়া লিখিলেই তাহা কবিতা হইবে না। (৩) কবিতায় উচ্চভাব চাই, ওজন করা ভাষা চাই। (৪) ভাষা এবং ভাব সম্পদে সম্পদ-শালী হইলেও তাহা কবিতা হইবে না—যদি না ঐ কবিতা মানুষের কাণে ও প্রাণে রস সৃষ্টি না করিতে পারে,—

অতএব আপনি কবিতা মিলাইবার চেষ্টা পরিত্যাগ

করিয়া গল্প লিখিতে আরম্ভ করুন। আপনার গল্প লেখা আমি “অরুণে” প্রকাশ করিব।”

অরুণ সম্পাদকের সহানুভূতি সূচক উপদেশ শ্রবণ করিয়া ভবদেব বলিলেন—তবে তাহাই হউক।—কবিতা ব্যতীত আর কি সহজ বিষয় আছে—যাহা পুথি পত্র না পড়িয়াও লিখা যায়—?

সম্পাদক বলিলেন—আপনি প্রত্নতত্ত্ব লিখুন। প্রত্ন তত্ত্বে পুথি পুস্তক পড়িতে হয় না। তবে পুথি পুস্তকের নামগুলি জানা দরকার—সে একটা কেটালগ দেখিয়া বরং মুখস্থ করিয়া লইবেন। ‘অরুণ’ কার্যালয়ে এরূপ বহু কেটালগ আছে,—দিব আপনাকে।

সেই হইতে ভবদেব কবি বশাকাজকা একেবারে পরিত্যাগ করিয়া প্রত্নতত্ত্ববিদ হইয়া বসিয়াছেন। এখন ভবদেবের সাহিত্যপ্রভা যথার্থ গুণে না যাইতে পারিলেও গগণের চতুরাংশে সমুদিত বলা যাইতে পারে। মলিতকৃষ্ণ প্রত্নতত্ত্ব নবীন সাহিত্যিকগণ তাহার সাহিত্যিক উপদেশ শিরোধার্য করিয়া চলেন। অরুণের প্রত্নতত্ত্ববিষয়ী রাজনৈতিক সম্পাদক ভবদেবের প্রত্নতত্ত্ব প্রবন্ধ সাধরে তাঁহার পত্রে স্থান প্রদান করেন। অলমতি বিস্তরেন।

মলিতকৃষ্ণ তামাকু প্রবন্ধটি লিখিতে যে গবেষণায় পরিচয় দিয়াছেন, কিরণ সে গবেষণায় মর্যাদা রক্ষা করিল না, দেখিয়া তিনি একেবারে যাইয়া সাহিত্য সূহদ ভবদেবের গৃহে হাজির হইলেন।

ভবদেব বাম হস্তে হকাটা মুখে ধরিয়া রাশিয়া তাকিয়ায় বন্ধ স্থাপন করতঃ ‘অরুণের’ জন্ত “মানবের আদি বাসস্থান” গ্রন্থের বিস্তৃত সমালোচনা লিখিবার প্রয়াস করিতেছিলেন। এমন সময় “তামাকু তত্ত্বে” লেখক মলিত কৃষ্ণ যাইয়া তাহার গবেষণায় বিচ্ছেদ ঘটাইয়া দিলেন।

ভবদেব মাথা তুলিয়া বলিল—“এস—এইতো তোমাদের খাটুনিই খাটুচি—ভিলকের একখানা গ্রন্থ যদি যোগাড় করে দিতে, তবে সমালোচনাটা—হতো বেশ।

মলিতকৃষ্ণ ভবদেবের হাত হইতে হকাটা লইয়া বলিলেন—সে কোথা পাব? যাই হউক সে গ্রন্থ না পাওয়া গেলেও—আপনার সমালোচনার আমরা নুতন তত্ত্ব কিছু পাবই পাব।

ভবদেব উৎকট অভিজ্ঞতার বড়াই-বিকৃত-স্বরে বলিলেন—“সেত নিশ্চয়। নূতন কিছু তত্ত্ব আমার প্রবন্ধে থাকবেই—”

ললিতকৃষ্ণ কথা বৃদ্ধি করিলেন না। বলিলেন—এত রাতেও আপনাকে একটু ত্যক্ত না করিয়া পারিলাম না। যে দিন আপনার সহিত সাক্ষাৎ না হয়, সে দিন যেন লেখাতেও জমাট বাঁধে না। মনটা গুঁমট বাধিয়া থাকে—

ভবদেব—সত্তি নাকি ?

ললিতকৃষ্ণ কথাপারিলেন—“আজ এই কতকণ হলো একটা প্রবন্ধ লিখিবার চেষ্টা করিয়া কতটা কি করিয়াছি বলিতে পারি না। আপনি আমার প্রবন্ধটা না শুনিলে চলিবে না।”

ভবদেব আগ্রহ দেখাইয়া বলিল—“কি বিষয় লিখেছ, দেখি! অবশ্য দেখিব।”

ললিতকৃষ্ণ ভবদেবের হস্তে প্রবন্ধটা দিয়া হাস্তবিকসিত দৃষ্টে ভবদেবের দিকে চাহিয়া রহিলেন। ভবদেব পাতা উন্টাইয়া বলিলেন—বড় অপরিষ্কার লেখা দেখি—ফেয়ার করনি—তুমি পড়—আমি শুনি।

ললিতকৃষ্ণ ধীরে ধীরে প্রবন্ধটা পড়িয়া শুনাইতে লাগিলেন। প্রতি পেরাগ্রাফে তাঁহার হৃদয়ের পুঞ্জিভূত আবেগ ভার বাহির হইয়া যেন তাহা শূন্য করিয়া দিতেছিল।

“তামাকু জগতের সুখ ও শান্তির প্রসূতী। এই সুখ ও শান্তির নিদান মহাশয় কি কারণে যে ভারতীয় তাপস-ধর্মগণের চক্ষে ধূলী নিক্ষেপ করিয়া এককাল তাঁহাদিগের জ্ঞান ও বিজ্ঞানের অতীত রাজ্যে বিরাজিত ছিলেন, তাহা বলা যায় না। পাশ্চাত্য পণ্ডিতগণের মাস্তক প্রসূত চিন্তা ও গবেষণার ফলে দৃশ্য জগতে যে আবিষ্কার প্রতি নিয়ত সংঘটিত হইতেছে—তামাকু আবিষ্কার কাহিনী তাহার মধ্যে অন্ততম।

প্রত্নতত্ত্ববিদ পণ্ডিত মিঃ এনসাইক্লোপিডিয়া ব্রিটেনিকা বলিয়াছেন তামাকু আমেরিকার নিজস্ব সম্পত্তি। আমেরিকাই তামাকুটির গর্ভধারিণী জননী।

১৫৬০ খ্রীষ্টাব্দে এই সুমহান পদার্থ আমেরিকা বিজয়ী স্পেনিসার্ড দিগকর্তৃক প্রথম আমেরিকার আবিষ্কৃত হয়।

এবং তাহাদিগ কর্তৃক ঐ সময়েই তাহা ইয়ুরোপে আনীত হয়। আমেরিকার অন্তর্গত ইউকাতন প্রদেশস্থ তাবাকো নামক স্থানে এই পত্রের উৎপত্তি হেতু বিজ্ঞতা স্পেনিয়গণ এই পত্রকে তাবাকো নামে অভিহিত করেন। তৎপূর্বে ইহা অন্ত নামে অভিহিত হইত। কথিত আছে সুপ্রসিদ্ধ সার ওয়াটোর রেলি ১৫৮৫ খ্রীষ্টাব্দে ইহাকে ইংলণ্ডে পরিচিত করেন ও কি প্রকারে ব্যবহার করিতে হয় তাহা প্রদর্শন করেন।— * * * *

ভবদেব অধৈর্য্য হইয়া বলিলেন—তোমার প্রবন্ধ দেখিতেছি ঐতিহাসিক হইয়া উঠিয়াছে। ইহাকে ভারতীয় প্রত্ন তত্ত্ববিষয়ক প্রবন্ধ করিয়া না লইলে—পণ্ডিতম।

প্রবন্ধের প্রারম্ভেই ভবদেবের এইরূপ মন্তব্য ললিত কৃষ্ণের জমাট উৎসাহ একদম মাটি করিয়া দিল—ললিত কৃষ্ণ আত্মসমর্পণের ভাবে দীর্ঘ নিশ্বাস ফেলিয়া বলিলেন—“তবে এখন কি করিতে হইবে?” প্রবন্ধের বাকীটা শুনিবেন-না কি?”

ভবদেব—ও আর শুনিয়া কি হইবে? তুমি—ভারত-বর্ষে তামাকু ছিল না—এ লিখিয়াই সব মাটি করিয়া দিয়াছ

ললিত বলিল—মিঃ এনসাইক্লোপিডিয়া ত ভারতের নামও করেন না। বরং তামাকু নামটাকেও তিনি খাস বিদেশী বলিয়া লিখিয়া গিয়াছেন।”

ভবদেব অতিরিক্ত গাঙ্গীর্ষ্য অবলম্বন করিয়া বলিলেন—“ইংরেজী লেখা দেখিলেই—তোমাদের মাথা ঘুরিয়া যায়—বসি—ককীপুরাণটা কি কিছুই নহে।”

ললিত কৃষ্ণ আগ্রহের সহিত জিজ্ঞাসা করিল—“ককীপুরাণে কি আছে? আপনি পড়িয়াছেন কি।”

ভবদেব বলিল—ককীপুরাণে ককী মাহাত্ম্যই বিবৃত হইয়াছে। তাহাতে তামাকুটিরই চর্চা করা হইয়াছে। ককীপুরাণে আছে ভগবান শঙ্কর তাম্রপত্র প্রথম আবিষ্কার করেন। এবং তাহা অতি গোপনে সমুদ্র গর্ভে রক্ষা করেন। সমুদ্র মন্থনে যখন কালকূট উথিত হয়, তখন তাম্র পত্র কালকূটের সংমিশ্রনে কূট ভাব প্রাপ্ত হয় এবং ইহাতেই তাহার নাম তাম্র কূট হয়।”

ললিত উৎসাহের সহিত বলিল—বাঃ বাঃ এতো জানতাম না। আপনি শ্লোকটা বলিতে পারেন কি?

ভবদেব সেই ভাবে বলিলেন—“সবই বলিব। রামায়ণের সময় যে তামাকের প্রচলন ছিল, তাহার প্রমাণ অবশ্যই আছে। মহীরাবণ তামাক খাইতেন। সেখানে গিয়া হনুমান ও তামাক খাইয়াছিলেন। তাহার পাতাল পুরীই এখন আমেরিকানায়ে পরিচিত। মহীরাবণের চিহ্নই এখন বৈদেশীক জাতির গর্কের কারণ।

তারপর—রামায়ণে আছে—“তাম্র কূটে, হেমকূটে
/ চিত্রকূটে বৈদেহি।” বৈদেহি কিনা সীতা—
তাম্রকূট, চিত্রকূট এই তিনটাই পছন্দ করিতেন। তবে
তিনি তামাক সাজিয়া খাইতেন, কি পাতা খাইতেন, তাহা
স্পষ্ট বুঝা যায় না। বোধ হয় তিনি তামাক পাতাই
খাইতেন—আনুসঙ্গিক প্রমাণ—রামসীতার উপাসকগণ—
এখন তামাক পাতার প্রিয় সেবক।

মহাভারতে কথিত আছে ভৃকোদর কন্বী হারাইয়া
ছিলেন বলিয়া পাণ্ডবেরা পাশা খেলায় পরাজিত হইয়া
ছিলেন। কন্বী হারান সেই হইতেই পাপ বলিয়া
কথিত হইয়াছে।

যাত্রাগানের ভীম-অর্জুন তামাক খায়, ইহা সমীচীন
প্রমাণ না হইলেও আনুসঙ্গিক প্রমাণ বলিয়া গ্রহণ করা
যায়। নারদ ঋষির সু-প্রাচীন তাম্রকূট-ধূম-রঞ্জিত স্বপ্নও
তাহার প্রমাণ।

তুমি এইগুলির আলোচনা করিয়া প্রত্নতত্ত্বের হিসাবে
প্রবন্ধটিকে জমকালো করিয়া তুল—আমি একটা
গবেষণা মূলক ভূমিকা লিখিয়া দিব।”

অষ্টমীর চন্দ্র অস্ত গিয়াছে।

ললিতকৃষ্ণ যখন ভবদেব বাবুর সাহিত্যিক বেঠকে
হৃদয়ের প্রাচীন ভাবগুলি বিসর্জন দিয়া তৎস্থানে নূতন
চিন্তা সঞ্চয় করিয়া লইয়া রাস্তায় বাহির হইলেন, তখন
অষ্টমীর চন্দ্র অস্তমিত হইয়া গিয়াছে। ললিত কৃষ্ণের
কিন্তু তাহাতে জ্ঞানপও নাই। ললিতকৃষ্ণ তখনো
তামাকুত্তর সম্বন্ধেই চিন্তা করিতে ছিলেন।

ঠিক এমনি সময় তিন দিক হইতে কতগুলি
লোক আসিয়া তাহাকে একেবারে জড়াইয়া ধরিয়া
ফেলিল। একজন লোক বলিল—“চীৎকার করিলে এই
রিভলভারে একেবারে ফায়ার করিয়া দিব।” ললিত

ভয়ে চূপ করিয়া রহিল। একজন একখানা বস্ত্র দ্বারা
তাহার চক্ষু বাঁধিয়া ফেলিল। ললিত লোক গুলিকে
একবার দেখিবারও অবসর পাইল না। তাহারা
তাহাকে লইয়া চলিতে লাগিল।

কিছু দূরে আসিয়া তাহারা তাহাকে একখানা গাড়ীতে
তুলিল। ললিতকৃষ্ণ বুঝিল, যেন গাড়ী খানা তাহাদের
জন্মই অপেক্ষা করিতেছিল। গারোয়ান আসিল তারপর
কতক্ষণ পরে গাড়ী চলিতে লাগিল।

ললিতকৃষ্ণ কম্পিত কণ্ঠে বলিল—“আমাকে তোমরা
কোথায় লইয়া যাইতে চাও—আমার নিকট যে একটা
কপর্দকও নাই।” ভয়ে ললিত কাঁদিয়া ফেলিল।

একজন গর্জন করিয়া বলিল—“চূপরাও।”

গাড়ী আসিয়া থামিল। সকলে আবার অল্প হাটিয়া
চলিল। ১০। ১৫ পা হাটীয়াই একখানা গৃহে আসিয়া
একজন তাহার চক্ষু খুলিয়া দিল। গৃহ অন্ধকার।

ললিত কৃষ্ণকে একখানা বিছানায় শুইতে দিল।
একজন তাহার সহিত একত্র শয়ন করিল। আর সকলে
ফিসফিস করিয়া কি কথা বার্তা বলিয়া চলিয়া গেল।

(৪)

যখন ললিত কৃষ্ণের নিজা ভঙ্গ হইল তখন সূর্যদেব
বেলা চারি দণ্ডের সীমা অতিক্রম করিয়া আসিয়াছেন।
ললিত চক্ষু মেলিয়াই দেখে—এ কি—এ কি হইল? এ
কোন স্থান—যেন তাহার চির পরিচিত স্থান বলিয়া বোধ
হইতে লাগিল। পার্শ্ব ফিরিয়া দেখিল, পার্শ্বেই
একখানা খাম-যুক্ত চিঠি। চিঠিখানা কিরণের নামে
লিখিত। বিশ্বয়ের সহিত চিঠিখানা পড়িতে লাগিল।
চিঠি এইরূপ—
বৌদি,

এই সময়ে ও যদি তুমি তোমার ঘরের বাহু ঘরে না
রাখিতে পার, তবে তোমার কেমন শাসন; আমরা
আর কত নিজের খাইয়া বনের মহিষ তাড়াইব?

কাল রাত ১২½ টায় তোমার ভাই নিবারণ এসে খবর
দিয়ে নিয়োছিল, তাই রক্ষা—না হলে ব্যাপার খানা কি
হয়ে দাড়াতো বল দেখি! রাতছপরে যে ঘরে যুবতী স্ত্রী
ফেলে রেখে সাহিত্য-সুন্দরীর অভিসারে ভেঁ। ভেঁ। করিয়া

ঘুরিতে পারে, সেই বা কেমন, আর তার সেই স্ত্রীটাই বা কেমন ?

যাক্, আমরা আর কিছু বলব না, তোমার জিনিস তুমি শাসন করে দেখে শুনে রাখতে পার রাখ, না পার মাঠে মারা যাবে !

কল্যকার পালার জন্ত আমাদের বখসিস চাই—
কিন্তু। তোমাদের—নীলু।

অপর পৃষ্ঠার লেখা ছিল :—

ললিত,

দুঃখিত হইলাম—তুমি কাল ঘোর বিপদে পড়ে ছিলে ! কিন্তু তুমি ভাই বড় কাপুরুষ কাঁদিয়া গাড়ী না ভাসাইলে কি তোমার এই মূল্যবান সাহিত্যিক জীবন রক্ষার আর উপায় ছিল না ? যাক্, তোমার স্ত্রী নিবারণের নিকট যে টাকাটা কেশতৈল ক্রয়ের জন্ত দিয়াছিল, তাহার অর্দ্ধাংশ ব্যয়ে তাহার জন্ত অন্য একটা শিশি আনিয়া বাকী অর্দ্ধাংশ তোমার উদ্ধারের জন্ত কল্যা গাড়ী ভাড়ায় ব্যয়িত হইয়াছে। দরিদ্র সাহিত্যিকের গুরু দত্ত অবিধের বিধায় মবলক আষ্ট গুণা মাত্র দণ্ডের ব্যবস্থা করা গিয়াছিল। ফণি, মণি, নিবারণ সকলেই এ ব্যবস্থায় ভোট দিয়াছিল। আমরা যে তোমাকে উদ্ধার করিয়া ছিলাম, সে জন্ত মিষ্ট-মুখ করাতে হবে কিন্তু। বলি অর্দ্ধাঙ্গিনী অপেক্ষা সাহিত্য-সঙ্গিনী বড় কি ? এখন আসি ইহাতে আনন্দ হয় বিশেষ, না হয় তাহাও বিশেষ, কেন না আমি তোমার নীলু।”

গত রাত্রে ইতিহাস পাঠ করিয়া ললিত কৃষ্ণ লজ্জায় একেবারে যেন মরিয়া গেলেন। কিরণ নিশ্চয় চিঠি পড়িয়া এখানে রাখিয়া গিয়াছে, চিন্তা করিয়া ললিতের মুখ একেবারে শুকাইয়া গেল। এমন সময় কিরণের মূহ মূহুর বন্ধার তাহার কর্ণ কুহরে আসিয়া সুখা বর্ষণ করিল—

“সারা রাত আটকল চাব কর্নে আর দিনে দুপুর পর্যন্ত ঘুমালেই খাওয়া দাওয়ার কাজ হবে নাকি ? বাজার হবে না ? ঠিকা লোকটা তো জল দিতে এখনো আসে নাই—চাল নাই। কয়লা ও আনতে হবে—”

কথার ভাবে ললিত কৃষ্ণ বুকিলেন কিরণ এখনও

চিঠিটা পড়িয়া দেখে নাই। তিনি আরও বুকিলেন, সাহিত্যের প্রভাব অপেক্ষা স্ত্রীর প্রভাব বাস্তবিকই অধিক।

“সুবুদ্ধি উড়ায়” হেসে ললিত তেয়ি ভাবে হাসির লহর তুলিয়া বলিলেন—তৈগ-তগুস-বঙ্গ-ইকন—বলে যাও, বলে যাও, বলি এগুলি না থাকলেও তোমার তেল তো এসেছে। আর আমার তামাক—সেতো অবশি আছে।

তেল আর তামাক যখন আছে, তখন আর চিন্তা কি ? আজ থেকে তুমিই আমার আটকল, তুমিই আমার ধন দৌলত “ঘরে লক্ষ্মী সরস্বতী, আমি অধিলের পতি, হোক গে এ বসুমতী যার খুসিতার।”

সাহিত্য সেবক ।

আ

শ্রীআনন্দনাথ রায়—১২৬২ সালের অগ্র-হায়ণ মাসে জেলা ফরিদপুরের অন্তর্গত জপসা গ্রামে শ্রীযুক্ত আনন্দনাথ রায় জন্মগ্রহণ করেন। তাহার পিতার নাম স্বর্গীয় হরনাথ রায়। আনন্দনাথের সপ্তম বৎসর বয়সক্রমে জপসা বঙ্গ বিদ্যালয় স্থাপিত হয়, এই সময় তিনি ঐ বিদ্যালয়ে অধ্যয়ন জন্ত প্রেরিত হন। ত্রয়োদশ বৎসর বয়সক্রমে কালে ঐ বিদ্যালয় ইংরেজি বিদ্যালয়ে পরিণত হয় এবং তিনি তাহাতে ভর্তি হন। এইরূপে কিছুকাল ইংরেজী স্কুলে অধ্যয়ন করিয়া অকস্মাৎ মাতৃবিয়োগে পাঠ পরিত্যাগ করিতে বাধ্য হন।

এই সময় হইতে তিনি সংবাদপত্র ও সাময়িক পত্রাদি পাঠ করিতে অত্যন্ত ভালবাসিতেন এবং কিছু কিছু লিখিতে চেষ্টা করিতেন ও তাহা ‘ঢাকার হিন্দুহিতৈষী’ পত্রিকায় প্রকাশ করিতেন। ১২৮৮ সালে আনন্দবাবু “ললিত-কুমুম” নামে একখানা নাটক লিখেন। এই সময় ৩৭রাজকৃষ্ণ রায়ের সহিত এই গ্রন্থ উপলক্ষে তাঁহার পরিচয় হয়। রাজকৃষ্ণ বাবু তাঁহার বীণাপ্রেমের নাটকখানা মুদ্রিত করিয়া দেন। এই গ্রন্থ তাহার তৎকালীন পরিচিত—রমাক্যুস্ত সেন নামে প্রকাশিত হয়। এই সময়

রাজস্থানের ইতিহাস প্রকাশিত হইলে তাহা পাঠ করিয়া আনন্দ বাবুর দেশের ইতিহাস লিখিতে ইচ্ছা হয় এবং তিনি ঐতিহাসিক তত্ত্বালোচনায় ব্রতী হন। ফলে তিনি ভারতীতে “বিদূষী আনন্দময়ী”, নব্যভারতে “সাধক কবি রামগতি”, নির্মাল্যে “কবি শিবচন্দ্র সেন” প্রভৃতি প্রবন্ধ বাহির করেন। ঐ প্রবন্ধগুলিও রমাকান্ত সেন নামে প্রকাশিত হয়। অতঃপর আনন্দ বাবু বঙ্গীয় বার ভৌমিকগণের ইতিহাস সংগ্রহে নিযুক্ত হন। এবং বিবিধ সাময়িক পত্রে ঐ সকল প্রবন্ধ প্রকাশ করেন। সম্প্রতি তাঁহার ‘বার ভূঞার’ ইতিহাস গ্রন্থাকারে প্রকাশিত হইয়াছে। তিনি ফরিদপুরেরও একখানা ইতিহাস লিখিতে চেষ্টা করিয়া তাহার কতক অংশ প্রকাশ করিয়াছেন।

আবদুল ওয়াহেদ :—নোয়াখালী জেলার অন্তর্গত চরমটুরা গ্রামে ১৮৮৪ সনে মৌলবী আবদুল ওয়াহেদ জন্মগ্রহণ করেন। তাহার পিতার নাম মৌলবী আবদুল্লা। মৌলবী সাহেব এফ, এ পর্য্যাপ্ত পড়িয়া ১৯০৩সনে শিক্ষা বিভাগে কার্য্য আরম্ভ করেন ও ১৯১৯সর নোয়াখালী জেলা স্কুলে শিক্ষকতা কার্য্য করিয়া বর্তমানে চট্টগ্রাম নর্ম্মাল স্কুলে শিক্ষকতা করিতেছেন। তিনি “মোরাতোমা প্রতিভা”, “আহ্মদ চরিত” কোরাণের উপদেশ, সুধা-বিন্দু প্রভৃতি গ্রন্থ প্রণয়ন করিয়াছেন।

আবদুল করিম বি. এ. :—১৮৬৫ সনের সেপ্টেম্বর মাসে শ্রীহট্ট সহরে মৌলবী সাহেব জন্মগ্রহণ করেন। এবং তথায় শিক্ষা লাভ করেন। ১৮৮৬ খৃষ্টাব্দে কলিকাতা বিশ্ববিদ্যালয় হইতে বি. এ. পাশ করিয়া কলিকাতা মাদ্রাসার সহকারী শিক্ষকের কার্য্য করিতে থাকেন ও পরে মুসলমান শিক্ষার সহকারী স্কুল ইনস্পেক্টরের পদে নিযুক্ত হন। সেই পদ হইতে ক্রমে বিভাগীয় ইনস্পেক্টরের পদে উন্নীত হইয়াছিলেন।

মৌলবী সাহেব “ভারতে মুসলমান রাজত্ব” নামক একখানা ঐতিহাসিক গ্রন্থ লিখিয়াছেন। ইংরেজী ও বাঙ্গালা ভাষায়ও তাঁহার দুইখানা ছুদ পাঠ্য “ভারত-বর্ষের ইতিহাস” গ্রন্থ আছে।

আবদুল করিম—জেলা চট্টগ্রামের অধীন পটিয়া থানার সূচক্রদণ্ডী গ্রামের এক সম্ভ্রান্ত বংশে ১২৭৮

সালে মৌলবী আবদুল করিম জন্ম গ্রহণ করেন, তাহার পিতার নাম সেখ মুরুদ্দিন। তিনি পটিয়া উচ্চ ইংরেজী বিদ্যালয় হইতে ১৮৯৩সনে এণ্ট্রেন্স পরীক্ষায় উত্তীর্ণ হইয়া এফ,এ পর্য্যাপ্ত অধ্যয়ন করেন। তিনি পাঠ্যাবস্থাতেই সংস্কৃত ভাষার অমুশীলন করিতেন। ১৮৯২ সনে তিনি কবির নবীনচন্দ্র সেনের সহিত পরিচত হইয়া তাঁহার উৎসাহে সাহিত্য চর্চা আরম্ভ করেন এবং বিবিধ মাসিকপত্র পত্রিকায় প্রবন্ধ লিখিতে থাকেন। কিছু দিন ইনি ‘কহিনুর এবং নব-নূর’ পত্রিকা সম্পাদনেও সহায়্য করিয়াছেন। ইনি প্রাচীন বঙ্গ সাহিত্যের অলোচনার বহুদিন ব্যয় করিয়াছেন। এই কার্য্যের পুরস্কার স্বরূপ বঙ্গীয় সাহিত্য পরিষদ তাঁহাকে বিশেষ সদস্য শ্রেণীভুক্ত করিয়া সম্মানিত করিয়াছেন। তিনি নরোত্তম ঠাকুর, কৃত “রাধিকার মানভঙ্গ” নামক একখানি প্রাচীন পুথি সম্পাদন করিয়াছেন।

কলেজ পরিত্যাগ করিয়া মৌলবী সাহেব প্রথমে সরকারী আদালতের কেয়ানী গিরি গ্রহণ করেন। এই কার্য্য হইতে কবির নবীনচন্দ্র সেন তাহাকে চট্টগ্রাম কমিসনর আফিসে লইয়া যান। পরে কিছুদিন শিক্ষকতা কার্য্য করিয়া ১৯০৬ সনে চট্টগ্রাম স্কুল ইনস্পেক্টরের আফিসে নিযুক্ত হন।

আবদুল জব্বার :—ময়মনসিংহ জেলার গফরগাও থানার অধীন বনগ্রামে ১২৮৯ সালে মৌলবী আবদুল জব্বার জন্মগ্রহণ করেন। তাঁহার পিতার নাম মুনসী সেখ মোহম্মদ নেকবর।

মৌলবী সাহেব মধ্য বাঙ্গালা স্কুলে কতক দিন অধ্যয়ন করিয়া আরবী ও পার্শী পড়িতে প্রবৃত্ত হন।

পাঠ্য অবস্থা হইতেই মৌলবী সাহেব সাহিত্য চর্চায় ব্রতী হন। তিনি বহু মাসিক পত্রে প্রবন্ধ লিখিয়া থাকেন। ১৩১৩ সালের কার্তিক মাসে তাহার প্রথম গ্রন্থ “বকা শরীফের ইতিহাস” বাহির হয়। তৎপর “ইসলাম চিত্র” মদিনা শরীফের ইতিহাস”, “ইসলাম সঙ্গীত”, “আদর্শ রমণী” প্রভৃতি গ্রন্থ প্রকাশিত হয়।

হরিশচন্দ্র ।

ওহো,

যসী লিপ্ত বসুন্ধরা, সকলি আঁধারে ঘেরা,
 আঁধারে আবৃত ঘোর অভাগার হিয়া,
 হেন নৈশ অন্ধকারে, কে আসে ও ধীরে ধীরে,
 করুণ বিলাপে কেঁদে বুকে করে নিয়া ?
 শ্মশানে আমার বাস, আমি চণ্ডালের দাস,
 করেছি চণ্ডাল সম আচার বিচার,
 চণ্ডাল আবার প্রভু বারে বারে কেন তবু
 মায়া দয়া দেয় উকি হৃদয়ে আমার ?
 কাঁদে ওই অভাগিনী, হারায় হৃদয়মণি,
 কেহ নাই বুঝি ওর দিবে যে সাহায্য ;
 ওই গুন ওকি বলে, “বাছা ঘুমায়েছে কোলে”,
 অভাগী নিজেই করে আত্মপ্রতারণা !
 ওগো ঘুমায়েছে বটে, এ ঘুম সবারি ঘটে,
 আজ ছেলে, কাল মাতা, ঘুমাবে সকলে ।
 চিরদিন ভ্রমে রবে, হঠাৎ ঘুমিয়ে যাবে,
 আমিও ঘুমায়ে যাব সে দিন আসিলে ।
 চিরদিন এ রমণী, ছিল না ত অভাগিনী,
 কণমাত্র আগে ছিল পুত্রের জননী,
 আহা স্বপনের প্রায়, এই আসে এই যায়,
 অভাগার মনে পড়ে পুরাণ কাহিনী ।
 ছিল, ছিল—সবি ছিল, কোথা সব লুকাইল,
 বড় জালা মনে এলে অতীত রাগিনী,
 অদ্যের মাঝে থেকে অদ্য চাপিয়ে বুকে,
 বেঁচে আছি, ভুলে গেছি—কে আমি আপনি ।
 যাই তবে আর কেন, চপলা বারেক হান,
 একি একি ? দেখি ওকি ! সেই মুখখানি ।
 পারি না ভাবিতে আর হা অদৃষ্ট অভাগার,
 এই ছুটি হয় যদি সেই ছুটি প্রাণী ।
 তাই ওগো, তাই—তাই, একি ! রোহিতাশ নাই ?
 কাঁদে অভাগিনী শৈব্যা করে কোলে নিয়ে ।
 এখনো রয়েছি বেঁচে, রোহিতাশ ছেড়ে গেছে,
 অভাগায় রেখে গেল বুকে শেল দিয়ে ।

কি ভীষণ কর্মফল, শৈব্যা, যুহু আধি জল,
 অভাগার কোলে দাও অভাগার ধন,
 এস দেই এ শ্মশানে, পূর্ণাহতি ছুটি প্রাণে,
 বিশ্বামিত্র, যনোরথ হউক পূরণ ।
 শ্রীহৈমবতী দেবী ।

সে কালের চিত্র ।

ময়মনসিংহ সভা ও ছাত্রসভা ।

১৮৭৮ সন ; তখন ঢাকা ময়মনসিংহ রেলওয়ে লাইন
 হয় নাই ; ষ্টীম নেভিগেশন কোম্পানীর ষ্টীমার সার্ভিস ও
 এত প্রশস্ত ও বিস্তৃত ছিল না । অশিষ্টিত ও অনিয়মিত
 ২।১ খানা ষ্টীমার মাঝে ২ সুবর্ণখালী অথবা ঢাকা যাইয়া
 ধরা যাইত । সে সময়ে ময়মনসিংহ হইতে কলিকাতা
 যাতায়াত নিতান্ত অসুবিধা জনক ছিল, আমাদের দেশের
 লোক সেদিকে যাইতে সহজে সন্মত হইত না । সরকারী
 কোন কার্যোপলক্ষে কালেক্টরী হইতে জনৈক কর্মচারীর
 কলিকাতা যাওয়ার প্রয়োজন হইয়াছিল, কেহই যাইতে
 সন্মত হইল না । আমি গবর্ণমেন্টের খ্যায়ে যাতায়াত
 করিয়া কলিকাতা দেখিতে পাইব এটা এক শুভ সুযোগ
 মনে করিলাম এবং আগ্রহ পূর্বক হইতে সন্মত হইলাম ।
 নৌকা-পথে ঢাকা পর্যন্ত যাইতে ৬ দিন লাগিয়াছিল,
 তার পর তথা হইতে ষ্টীমারে দুই দিনে গোয়ালন্দে
 পহুঁছিয়া ছিলাম । বাবু কৃষ্ণকুমার মিত্র ও বাবু কালী-
 শঙ্কর স্কুল তখন কলেজে পড়িতেন, আমি যাইয়া তাঁহা-
 দের মেছেই অবস্থিতি করিয়াছিলাম । শ্রীযুক্ত সুরেন্দ্রনাথ
 বন্দ্যোপাধ্যায় তখন সবে মাত্র সিভিল সার্ভিস হইতে
 বরসাত হইয়া স্বাধীন জীবনে পদার্পণ করিয়াছেন ;
 তাঁহার প্রথম রক্ততা England's duty towards
 India প্রকাশিত হইয়াছে । কৃষ্ণকুমার ও কালীশঙ্কর
 বাবুর সনভিব্যাহারে সুরেন্দ্রবাবুর ভালতলার বাড়ীতে
 যাইয়া তাঁহার সহিত সাক্ষাৎ করিয়াছিলাম এবং দেশের
 উন্নতিকল্পে আমরা কি করিতে পারি সে সম্বন্ধে তাঁহার
 নিকট হইতে অনেক উপদেশ লইয়াছিলাম । সুরেন্দ্র
 বাবু জামাদিগকে হিন্দু পেটিমেন্টের সম্পাদক সুপ্রসিদ্ধ

কৃষ্ণদাস পাল মহাশয়ের নিকট লইয়া গিয়াছিলেন এবং “ভারত মিহিরের” প্রতিনিধি বলিয়া আমাদেরকে পরিচিত করিয়াছিলেন। ময়নসিংহের “ভারত মিহির”, তখন সাপ্তাহিক পত্রিকা সকলের মধ্যে লক্ষ্যপ্রতিষ্ঠ কাগজ বলিয়া পরিচিত ছিল, এবং তাহার সহিত আমাদেরও সংশ্লিষ্ট ছিল। কৃষ্ণদাস বাবু ভারত মিহির সম্বন্ধেই সংক্ষেপে কিছু উপদেশ দিয়া আমাদেরকে বিদায় করিয়াছিলেন, কিন্তু সুরেন্দ্র বাবুর বাড়ীতে আমরা ক্রমাগত কয়েক দিন যাতায়াত ও জলযোগ করিয়াছিলাম, এবং তাঁহার উদার ও অমায়িক ব্যবহারে নিতান্ত আপ্যায়িত হইয়াছিলাম। তিনি তখনই বলিয়াছিলেন যে দেশের জন্ত আমরা যাহা কিছু করিব তাহা ব্রিটিশ গবর্নমেন্টের বিরোধী হইবেনা। ভারত সাম্রাজ্য শাসন করা অতি কঠিন ও সমস্তাপূর্ণ ব্যাপার, সুতরাং গবর্নমেন্টকে সাহায্য করা আমাদের কর্তব্য, এবং তাহাদেরও এ সাহায্য গ্রহণ করা উচিত। এই কথা উভয় পক্ষকে অর্থাৎ গবর্নমেন্ট এবং দেশবাসীদিগকে বুঝাইবার জন্তই তিনি Indian association (ভারতসভা) স্থাপন করিয়াছেন। সুরেন্দ্র বাবু বাঙ্গাল দেশের লোকদিগকে এবং ব্রাহ্মসমাজের যুবকদিগকে খুব কাজের লোক বলিয়া প্রশংসা করিয়াছিলেন, এবং প্রাচীন সম্প্রদায়ের রক্ষণশীল লোকেরা যে উন্নতির কাজ মাত্রই নানা বিষয় বাধা উপস্থিত করেন তাহা দেখিয়া দুঃখ প্রকাশ করিয়াছিলেন। সেই উপলক্ষে তিনি তখন বলিয়াছিলেন—“আর ২০ বৎসর পরে দেখিবেন, এক দল লোক আসিবে যাহারা আমাদেরকে old fools বলিয়া পেছনে ফেলিয়া চলিয়া যাইবে, তাহাদের সঙ্গে যোগ রাখিয়া চলা আমাদের পক্ষে কঠিন হইবে।” বিশ বৎসর না হইক ত্রিশ বৎসর পর দেখিলাম সুরেন্দ্র বাবুর ভবিষ্যৎ বাণী অক্ষরে অক্ষরে ফলিয়া গেল।

কলিকাতা হইতে ফিরিয়া আসিয়া, ময়নসিং এসোসিয়েশন, নাম দিয়া, ইণ্ডিয়ান এসোসিয়েশনের এক শাখা সভা স্থাপন করিয়াছিলাম। বাবু শরৎচন্দ্র চৌধুরীর যত্নে ময়নসিংহ সহরে একটা মাইনর স্কুল প্রতিষ্ঠিত হইয়া অনেকদিন পর্যন্ত চলিয়াছিল। শরৎ বাবু কতক দিন পর্যন্ত সহরের নানাস্থানে ভাড়াটিয়া বাড়ীতে

কাহারো অগ্রহদত্ত বাড়ীতে স্কুলের কাজ চালাইয়া শেষে স্কুলের মাঠে এক বাঙ্গলা উঠাইয়াছিলেন। সেই স্কুলঘরে ময়নসিংহ সভার প্রথম অধিবেশন হয়, এবং স্থানীয় উকীল স্বর্গীয় দীনানন্দ চক্রবর্তী বি, এল, মহোদয়কে সে অধিবেশনের সভাপতির আসনে বরণ করিয়া সভার কার্য প্রণালী এবং কার্যকারক নির্ধারণ করা হয়। উপস্থিত সভ্যগণ সম্পাদকের পদে আমাকেই নিযুক্ত করেন। ১৮৮০ সনের পুলিশ বিভাগে প্রবেশ করিয়া সহর হইতে মফস্বলে চলিয়া যাওয়ার পূর্ব পর্যন্ত আমি উক্ত সম্পাদকের পদে নিযুক্ত থাকিয়া আমার ক্ষুদ্র শক্তিতে ময়নসিংহ এসোসিয়েশনের কাজ চালাইয়াছিলাম। পরে বাবু অনাথ বন্ধু গুহ উকীলকে এই কাজের ভার দিয়া আমি জামালপুর চলিয়া যাই।

কলিকাতা হইতে আসিয়া আমার দ্বিতীয় কাজ Students association স্থাপন করা। সেই মনোরঞ্জিকা ক্লাব উঠিয়া যাওয়ার পর হইতে ছাত্রদিগের সাধারণ সম্মিলনের আর কোনস্থান ছিলনা। এবার ছাত্র সমাজ খুব জাঁকাল রকমের হইল। ছাত্রও জুটিয়াছিল কয়েকজন উৎকৃষ্ট লোক, তাই তাহাদিগকে লইয়া মনের মত কাজ করতে পারিয়াছিলাম। তাহারা আমাকেই তাহাদের সভার সভাপতির পদে স্থায়ীরূপে নিযুক্ত করিয়াছিল আমিও আত্মাদের সহিত তাহাদের কার্য পরিচালনের ভার গ্রহণ করিয়াছিলাম। ভূতপূর্ব ডেপুটি ম্যাজিস্ট্রেট স্বর্গীয় গগনচন্দ্র দাস, আনন্দমোহন কলেজের প্রিন্সিপাল স্বর্গীয় বৈকুণ্ঠকিশোর চক্রবর্তী, তারিণীচরণ নন্দী, শ্রীমান উপেন্দ্রকিশোর রায় চৌধুরী, শ্রীমান গগনচন্দ্র হোম, শ্রীমান নবকুমার সমাদ্দার, শ্রীমান মহেশ্বর চক্রবর্তী, স্বর্গগত হরেন্দ্রচন্দ্র তালুকদার, শ্রীমান বৈকুণ্ঠনাথ সোম প্রভৃতি ছাত্রগণ এই সভার অগ্রণী ছিলেন। ইহারা সকলেই পড়া শুনাতে যেমন উৎকৃষ্ট ছাত্র ছিলেন, তেমনি বাহিরের কাজে উৎসাহ উত্তমের জলন্ত মূর্তি এবং কর্তব্য পালনে কঠোর নীতিপরায়ণ ছিলেন। যে কোন সংকালের অন্তর্ধান করা গিয়াছে, তাহাতেই এই সকল যুবক প্রাণ মন দিয়া খাটিয়াছেন। ইহাদের মধ্যে যেকোন প্রীতির বন্ধন ও ভ্রাতৃত্বভাবের সম্মিলন দেখিয়াছি, সেরূপ সচরাচর দেখিতে পাওয়া যায় না।

ছাত্র সভায় মাঝে মাঝে উৎসব করা যাইত তাহাতে সহরের গণ্য মান্য শিক্ষিত লোকদিগকে নিমন্ত্রণ করা হইত। তাঁহারা ছাত্রগণের রচিত প্রবন্ধাদি শ্রবণ করিয়া ও উৎকৃষ্ট উৎকৃষ্ট গ্রন্থ হইতে নির্বাচিত বিষয় যে ছাত্রগণ দক্ষতার সহিত অভিনয় করিত তাহা দেখিয়া মুগ্ধ হইয়া যাইতেন।

এই সকল যুবকের সংসর্গে থাকিয়া, তাহাদিগকে লইয়া নিত্য নুতন কাজ করিয়া, কত যে বিগ্ৰহ আমোদ সন্তোষ করিয়াছি, কত আনন্দ আনন্দে যে কাল কাটা-ইয়াছে, তাহা আজ এই জীবনের শেষ ভাগে স্মরণ করিয়াও সুখবোধ হয়। সেবাব্রতে ইহারা সর্বদাই অগ্রসর ছিল। সহরে কোথাও রোগীর সংবাদ পাইলে তাহারা দলবলে যাইয়া সেখানে উপস্থিত হইত এবং রাত্রি জাগিয়া ও দিনে খাটিয়া, শুক্রবা ও চিকিৎসা দ্বারা রোগীকে সুস্থ করিয়া তুলিত। এহলে আর একটি লোকের নাম উল্লেখ না করিয়া পারিতেছি না। বাবু শরচ্চন্দ্র রায়। সেই ধর্মপ্রাণ কর্মবীর শরচ্চন্দ্র রায় সকল কাজে আমাদের সহযোগী ছিলেন। তিনি এই ছাত্র-গণের যে সুধু পৃষ্ঠপোষক ছিলেন তাহা নহে। তিনি ইহাদের পিতা মাতাভ্রাতা বন্ধু একাধারে সকলই ছিলেন। ইহারা তাঁহার কাছে সকল প্রকার আবদারই করিত, তিনিও যথাসম্ভব তাহাদের মন যোগাইতে চেষ্টা করিতেন। ইহাদের কল্যাণ কামনার শারীরিক পরিশ্রম, মানসিক চিন্তা এবং কত অর্থ ব্যয় করিতেন! আমরা তাঁহার সঙ্গে পরামর্শ করিয়া সকল কাজ করিতাম এবং তাঁহাকে সঙ্গে লইয়া অদম্য উৎসাহ উত্তমে প্রত্যেক কাজে মাতিয়া যাইতাম। তিনি তাঁহার এ জগতের কার্য শেষ করিয়া স্বর্গরাজ্যে চলিয়া গিয়াছেন। তাঁহার অন্তিমকালে তাঁহার সহধর্মী ও সহকর্মী বন্ধুগণ মনের সামনে তাঁহার চিকিৎসা ও সেবা শুক্রবা করিয়া এবং পরিচর্যার সঙ্গে সঙ্গে তাঁহাকে তাঁহার প্রাণের প্রিয়তম ব্রহ্মনাম ওনাইয়া আপনাদিগকে কৃতার্থ করিয়াছেন।

শ্রীকালীকৃষ্ণ ঘোষ।

সংসঙ্গ ।

সাবানে শুধালো নারী বল কি যায়,
অদৃশ্য গোলাপ বাসে বেঁধেছ হিয়ায় !
সাবান কহিল তারে মোর অন্তরে
এক নিশি কেটেছিল গোলাপের সনে।

গোলাপ শুকালো যবে, গন্ধটুকু তারি।
বন্ধুত্বের স্মৃতি সম, বন্ধে লয়ে ফিরি !
তৈল মাত্র আমি সার ;—সুজনের সনে
সহবাসে পুত্রলাভ ঘটেছে জীবনে !

শ্রীশুরেশ চন্দ্র সিংহ।

গ্রন্থ—সমালোচনা ।

পদ্মিনী—শ্রীশুরেন্দ্রনাথ রায় প্রণীত। প্রকাশক গুরুদাস চট্টোপাধ্যায় এণ্ড সন্স। মূল্য দেড় টাকা। প্রকাশক গ্রন্থ খানাকে যতদূর সম্ভব নয়নাভিরাম চিত্রে ও বেশ ভূষায় সজ্জিত করিয়াছেন। গ্রন্থে রাজপুত-কুল গৌরব ভীম সিংহের পত্নী পদ্মিনীর উপাখ্যান সরল ভাষায় বিবৃত হইয়াছে। গ্রন্থকার সেই চিরপুরাতন রাজপুত গাঁথাকে ভাষার সৌন্দর্য্যে ও ভাবের মাধুর্য্যে নুতন করিয়া পাঠকের সমক্ষে স্থাপন করিয়াছেন। গ্রন্থখানি বঙ্গ মহিলাদিগের উপহারের পক্ষে মনোজ্ঞ হইয়াছে। গ্রন্থকার স্ত্রী পাঠ্য গ্রন্থ লিখিয়া যশস্বী হইয়াছেন। এ গ্রন্থে তাহার যশো সৌরভ অক্ষুণ্ণ রহিয়াছে।

সৌরভ



স্বর্গীয় মহেশচন্দ্র সেন ।

ASUTOSH PRESS, DACCA.

সৌরভ

দ্বিতীয় বর্ষ । }

ময়মনসিংহ, চৈত্র, ১৩২০ ।

{ ষষ্ঠ সংখ্যা ।

দস্যু কেনারাম ।

(চন্দ্রাবতীর গীত অবলম্বনে লিখিত)

কয়েক শতাব্দী পূর্বে একদিন চৈত্রমাসের অপরাহ্ন বেলায় এক দল ভাসান গায়ক ভয়ে ভয়ে প্রান্তর পথ অতিক্রম করিতেছিল ।

ভয়ে ভয়ে কেননা তদানিন্তন দেশের অবস্থা বড় ভাল ছিল না । লোকসংখ্যা ও বসতি অতি বিরল ছিল । যোজনের পর যোজন ব্যাপিয়া দীর্ঘ প্রান্তর হেমন্তে বৃক্ষলতা সম্ভারিত “নল খাগরে” আচ্ছাদিত মহাবনে পরিণত হইত, আবার গ্রীষ্মাবসানে সেই বিপুল বনভূমি বর্ষার জলে দিগন্ত পর্য্যন্ত ডুবিয়া মহাসাগরের মত কল্কল করিত । সমধিক উচ্চভূমিতে বহুলোক একসঙ্গে মৌমাছির ঞায় বাস করিত । এইরূপ বসতিকে লোকে সেকালে “আটী” বলিত । পরিণয়াদি যাহার তাহার আটীতেই সম্পন্ন হইত । দুচার মাইল দূরের এক আটীর লোক অল্প আটীর লোককে চিনিত না, অথবা চিনা দিতে ইচ্ছাও করিত না । লোক চলাচলের তেমন রাস্তা ঘাট ছিল না, প্রকাশ্য রাস্তা অপেক্ষা গোপনে জঙ্গলের ভিতর দিয়া চলাফিরা করার রীতি ছিল । বড় বড় বৃক্ষতল মনুষ্যের অতিধিশালা ছিল । তেমন বৃক্ষ অধুনা আর দেখা যায় না । দূরদেশে যাইতে হইলে পাহাগণ প্রায়ই বৃক্ষতলে আশ্রয় গ্রহণ করিত । প্রাণান্তেও কেহ কোন গৃহস্থের বাসভূমিতে আশ্রয় লইত না; পাছে গৃহস্থ নিদ্রিত পাহের বৃকে ছুরি

বসাইয়া ধন প্রাণ হরিয়া লয়, আবার গৃহস্থও কোন দিন স্বীয় বাসভবনে অতিথিকে আশ্রয় দিত না, পাছে সেই অতিথি দস্যুরূপ ধরিয়া গৃহস্থামীর ধন প্রাণ লুণ্ঠন করে । রাজ্য একরূপ অরাজক ছিল । কেহ কাহাকেও বিশ্বাস করিত না । মানুষ দস্যুর নামান্তর ছিল মাত্র । দূরদেশে যাইতে হইলে জীবনের আশা ছাড়িয়া দিতে হইত । মাসাধিক পূর্ক হইতে আত্মীয় কুটুম্বের বাড়ীতে নিমন্ত্রণ ধাওয়ার সুরূ হইত । যাত্রার দিন মহাযাত্রার ঞায় কান্না কাটির রোল পড়িয়া যাইত । ডাকাত দেশের সর্বময় প্রভু ছিল । লোকে টাকা পয়সা মাটির নীচে পুতিয়া রাখিত । কিন্তু তাহাও নিরাপদ ছিল না ।

“টাকা পয়সা রাখে লোকে মাটিতে পুতিয়া
ডাকাতে কাড়িয়া লয় গামছা মোড়া দিয়া ।
ডাকাত দেশের রাজা বাদশায় না মানে,
উজার হইল রাজ্য কাজীর শাসনে ।
“দৈহত’ পাইয়া সবে ছাড়ে লোকালয়,
ধনে প্রাণে মরে প্রজা চন্দ্রাবতী কয় ।”

দেশের অবস্থা যতই অরাজক হউক না কেন, মানুষ তখন একেবারে অসুখী ছিল না । পেটের দায়ে লোকে এক্ষণে যেমন উঠান পর্য্যন্ত চষিয়া খায়, তখনকার অবস্থা তেমন ছিল না । ভূমি প্রচুর শস্য দান করিত, অতি সামান্ত মাত্র স্থানে অপর্ধ্যাপ্ত পরিমাণে শস্য উৎপন্ন হইত । পালিত পশুর সংখ্যা অত্যধিক ছিল—গরুতে প্রচুর দুগ্ধ দান করিত, হুধের কোনও মূল্য ছিল না, চাহিলেই পাওয়া যাইত ।

“বাধানে মহিব আর পালে যত গাই
কত যে চড়িত তার লেখা জোখা নাই।”

সেই বিপদ সমুদয় সময়ে গায়কগণ ধীরে ধীরে প্রান্তর পথ অতিক্রম করিতেছিলেন। তাঁহাদের কাহারও হাতে মুদঙ্গ, কাহারও হাতে করতাল, কাহারও হাতে একতারা ; সকলেরই বেশভূষা সন্ন্যাসীর মত। ইহাদের মধ্যে যিনি দলের নায়ক, তাঁহারই উপর সর্বাঙ্গে দৃষ্টি কেন্দ্রীভূত হয়। তাঁহার সৌম্য মূর্তি নিশীথ-যজ্ঞানল-শিখার ঞ্চার উজ্জ্বল। প্রশান্ত মহাসাগর তুল্য অচঞ্চল। যেমন শান্ত, তেমন গভীর। মুখমণ্ডলে উজ্জ্বল জ্যোতি বিভাসিত। বিশাল ললাটে চন্দন পুণ্ড্র, দেখিলেই মহাপুরুষ বলিয়া ভক্তি করিতে ইচ্ছা হয়। মনে হয়—সশিষ্য ছুঁকীসা যেন অতিথি বেশে পাণ্ডব সদনে চলিয়াছেন।

বিশাল প্রান্তর পুতনা রাক্ষসীর মতন যোজনব্যাপী দেহ লইয়া পড়িয়া রহিয়াছে, দিগন্তে বনরাজি নীলা কালো পাহাড়ের মত আকাশ প্রান্তে মিশিয়া গিয়াছে, স্থানে স্থানে মঞ্চোপরি বসিয়া কৃষক শিশু গান ধরিয়াছে। শালী ধাত্ত সকল প্রায় শাকিয়া উঠিয়াছে। স্থানে স্থানে বিশাল প্রান্তর-তরু ক্ষুদ্র বনের পিতৃতুল্য সুদীর্ঘ সুপত্র শোভাময়, তাহাতে বসিয়া প্রকৃতির পোষ-মানা পাখী সকল গান গাহিতেছিল—তাহা সরল, সুন্দর, মর্ম্পর্শী ও ভাবময়।

গায়কগণের মধ্যে কেহ কেহ সেই তানে তান মিলাইয়া স্বর্গ মর্ত্যের বিপুল দূরতা যুক্ত করিয়া দেবতা ও মানুষের মাঝখানে একটা মিলন রেখা টানিয়া দিতেছিল। ক্রমে তাঁহারা একটা নিবিড় বনের সন্নিকটে আসিয়া উপস্থিত হইলেন। এমন সময় সহসা পার্শ্ববর্তী “নল খাগরা” বন নড়িয়া উঠিল, পাছে কোনও হিংস্র জন্তু দল বাঁধিয়া তাঁহাদিগকে আক্রমণ করে, সেই ভয়ে সকলেই ধমকিয়া দাঁড়াইলেন। কিন্তু কোথায় হিংস্র জন্তু ! সহসা একদল বন্য লোক আসিয়া তাঁহাদের চারিদিক ঘেঁড়াও করিল। দস্যুদিগের প্রত্যেকের হাতে শানিত খাণ্ডা, পরিধানে “মাল কোঁচা” ধুতি, যেমন দৃঢ় দেহ, তেমন বলিষ্ঠ চেহারা; তাহাদের মধ্যে যে ব্যক্তি দলপতি

সে দেখিতে একটি কালো পাহাড়ের মত ; দীর্ঘ দেহ, সুদৃঢ় মাংসপেশী, আশ্চর্যমুগ্ধিত ভূজ, দীর্ঘ নাসিকা, বিশাল ললাটের উপর যেন নরহস্তা নাম লেখা রহিয়াছে। সুদৃঢ় বক্ষস্থল যমপুত্রীর কবাটের মত দয়ামায়ামুগ্ধ নিরেট পাবাণ।

দলপতি অগ্রসর হইয়া বলিল—“চিনিতে পারিতেছ আমরা কে ?”

মহাপুরুষ বলিলেন—“বিষধর সর্পকে কে না চেনে ? বেশ চিনিয়াছি, তোমরা নরহস্তা দস্যু।”

দস্যুপতি বলিল—“তবে দাও সঙ্গে যাহা আছে—টাকা কড়ি।”

মহাপুরুষ বলিলেন—“কিছুই নাই, এই কয়েকখানা ছেঁড়া কাপড় মাত্র।”

দস্যু কিঞ্চিৎ অপ্রস্তুত হইয়া বলিল—“সেকি ! বাড়ী বাড়ী গান গাহিয়া ফির, পয়সা পাওনি ?”

মহাপুরুষ বলিলেন—“গান শুনিয়া পয়সা দিবে এ অঞ্চলের লোক আজও তেমন হয়নি ; দেবতার লীলা গাহিয়া সবে মানুষের মন গলাইবার চেষ্টা করিতেছি মাত্র।”

রুক্মস্বরে দলপতি বলিল—“তা হউক, কিছু চাই না, নরহস্তার নরহত্যাই পরমানন্দ। আমরা তোমাদিগকে হত্যা করিব। জয় মা কালী ! জয় মা শ্মশানকালী !”

দস্যুগণের বিকট করতালি ও হুহুকারে বনভূমি প্রতিধ্বনিত হইল। মহাপুরুষ বলিলেন—“সাধু ! নরহত্যা মহাপাপ তা তুমি জান না ?”

বিকট হাসিয়া দস্যুদলপতি বলিল—“পাপ ? নরহত্যা পাপ ? নরহত্যা যদি পাপ হয়, তাহলে আমার পাপ ওজন করিলে পৃথিবীর চাইতেও অধিক হইবে। জীবনের তিন ভাগ নরহত্যা করিয়া কাটায়েছি ; এই অল্প কয়েক দিনের জন্য তোমার কাছে ধর্ম শিক্ষা করিব ? আমি পাপ পুণ্য মানি না।”

মহাপুরুষ বলিলেন—“সাধু, তোমার পরিচয় জিজ্ঞাসা করিতে পারি কি ?”

আবার সেই হাসি। প্রান্তরের পশু পক্ষী কাঁপিয়া উঠিল—“খে হো আমাকে চেন না ? আমি কেনারাম।”

নাম শুনিয়া যেন গাছের শুকনো পাতা ঝর্ ঝর্ করিয়া পড়িয়া গেল । ডালের পাখী সটকে পালাইল । ভীত ভ্রম্ভভাবে অশ্রুত গায়কগণ পেছন ফিরিয়া সরিয়া দাঁড়াইলেন । বোধ হয় সশরীরে কৃতান্তকে দেখিলেও তাঁহারা এতদূর চমকিত, এমনি ধারা ভয়-ভ্রম্ভ হইতেন না । সকলেরই মুখ শুকাইয়া উঠিল । মহাপুরুষ কিন্তু হালুৎ অচল অটল, হিমাত্রি শৃঙ্গবৎ অকম্পিত । কেনারাম চমকিত হইয়া বলিল,—“সে কি ঠাকুর ! বসুন্ধরার যদি চেতনা থাকিত, তা হলে সেও আমার নামে শিহরিত, আর তুমি ঠাকুর একটুকুও চম্কাইলে না ?”

মহাপুরুষ ঈষৎ হাসিয়া বলিলেন—“ভয় ? জীবনে—ভয় কা’কে বলে জানি না, আমি মৃত্যুকে পর্য্যন্ত ভয় করি না, তোমাকে ভয় করিব ?”

কেনারাম, তাঁহার সহস্র বদন মণ্ডল, প্রশান্ত চন্দন চর্চিত চিন্তা বর্জিত ললাটের দিকে চাহিয়া যেন বিস্মিত ভাবে বলিল—“ঠাকুর তুমি কে ?”

ঠাকুর বলিলেন—“আমি ব্রাহ্মণ ।”

কেনারাম বলিল—তা’ত দেখিতেছি, নাম বল না !”

উত্তর হইল—“দ্বিজবংশী ।”

নিমন্তক প্রাস্তরের উপর দিয়া বায়ু হা হা করিয়া বহিয়া গেল ।

কেনারাম আরও আশ্চর্য্যান্বিত হইয়া বলিল—ঠাকুর তুমিই দ্বিজবংশী ! তোমার গানেই না নদী উজান বয়, পাবাণ গলিয়া যায়, আকাশের মেঘ কাঁদিয়া বর্ষে ?

মহাকবি বলিলেন—“পাবাণ গলান সহজ কথা, কিন্তু মানুষ যদি একবার পাবাণ হইয়া দাঁড়ায়, তবে তাকে গলান ভেম্নি কঠিন হইয়া পড়ে ।”

কেনারাম বেশ বুঝিতে পারিল, একথা কেবল তাহাকেই লক্ষ্য করিয়া বলা হইতেছে, বুঝিয়াও কোন উত্তর দিল না, মুগ্ধ ভাবে মহাপুরুষের আপাদ মস্তক নিরীক্ষণ করিতে লাগিল ।

ঠাকুর বলিলেন—“কেনারাম” তুমি ধন লইয়া কি কর ?”

কেনারাম বলিল—“কি করিব ?”

ঠাকুর বলিলেন—“ভোগ কর—না পরকে বিলাও ।”

কেনারাম বলিল—“কা’কে বিলাব, বাঘ ভালুককে ? তা’রা ধন লয়ে কি করিবে ?

মহাপুরুষ উত্তর করিলেন—“কেন দরিদ্রকে ।”

কেনারাম বিরক্তির সহিত বলিল—দরিদ্রকে দান করিব ? দেখ ঠাকুর, ধন পাইলে দরিদ্র আর দরিদ্র থাকিবে না । সে তখন অহঙ্কারী অধিনয়ী—ধরার কলঙ্ক স্বরূপ হইবে । ধনে লোভ, লোভে মত্ততা । আমি ধন লোভে মত্ত হইয়া যে কুকার্য্য করিতেছি, তা’র জন্য নিজকে নিজে অনেক সময় ধিক্কার দেই ।

মহাপুরুষ বলিলেন—“তবে ভোগ কর !”

কেনারাম বলিল—“তাই ভাবি, যে ধন উপার্জন করিয়াছি, বসিয়া খাইলে সাত পুরুষেও ফুরাইবেনা । কিন্তু লোভের এমনি টান, তবু কেবল উপার্জনই করিতেছি, ভোগ করিবার অবসর কোথায় ?”

ঠাকুর বলিলেন—“তবে কর কি ?”

কেনারাম বলিল—“যার ধন তা’র কাছে লুকাইয়া রাখি ।”

ঠাকুর আবার বলিলেন—“ধন কা’র ?”

কেনারাম বলিল—“কেন ? বসুন্ধরার ধন বসুন্ধরার কাছে লুকাইয়া রাখি ।”

ঠাকুর—“তাতে লাভ কি ?”

কেনারাম—“লাভ কতি আমি ঠাকুর জানি না । দেশে এত এত ধনী লোক পড়িয়া রহিয়াছে, তাহাদের ধনে কাল্য গরীবের কি লাভ হইতেছে ? কথায় কথায় অনেকটা সময় বহিয়া গেল, এইবার ঠাকুর মৃত্যুর জন্ত প্রস্তুত হও ।”

মহাকবি বলিলেন—“কেনারাম একটু সবুর কর, আজ আমার জীবনের শেষ দিন, মৃত্যুকে আলিঙ্গন করিতে যাইতেছি, একবার ওয় শোধ গাহিয়া লই, জীবনের শেষ গান ।” কেনারাম বলিল তবে গাও ঠাকুর যতক্ষণ পর্য্যন্ত আবার খাণ্ডা হাতে না লই ।” তখন—

“আকাশ চাঁদোয়া হইল, শুনে পশু পাখী

কেনারাম বসিল হাতের খাণ্ডা রাখি,

উড়ে যায় পাখী আসি বসিল ডালেতে,

মমসা ভাসান গায় অঙ্গনার স্মৃতে ।”

বিশীর্ণ প্রাস্তরের উপর ছুঁকা শ্রামল গালিচা পাতার, তার উপর কেনারাম দলবলসহ বসিয়া গেল । গীত আরম্ভ হইল । আজিকার এই গান ইহা জীবনের শেষ গান । তাহার প্রতি কথায়, প্রতি অক্ষরে, অশ্রুধারা বহিতে লাগিল, শ্রোতা গায়ক সকলেরই মন গলিয়া গেল । আজিকার এই গান কেনারামের জন্ম নহে, এ মর জগতের জন্ম নহে, আকাশ প্রাস্তর প্লাবিত করিয়া চন্দ্র সূর্য্যকে পিছন ফেলিয়া গায়কের কণ্ঠস্বর বিধাতার সিংহাসন তল পর্য্যন্ত পৌছিল । সন্ধ্যা মিলাইয়া গেল, নীল চন্দ্রাতপ তলে হীরার ঝার জ্বলিতে লাগিল । অন্ধকার যখন ঘনীভূত হইয়া আসিল, তখন প্রভুর ইচ্ছিত পাইয়া দস্যুগণ মশাল জ্বলিয়া দিল ।

গীত চলিল । ঐশ্বর্য্যের উচ্চচূড়ে প্রতিষ্ঠিত মহাবাহু চন্দ্রধর । তাঁর ছয়পুত্র চৌদ্দডিক্কা, জলে স্থলে অক্ষুণ্ণ প্রভাব । সে রাজহতী চম্পক, দেবতারও আকাঙ্ক্ষিত । এত সুখ এত সৌভাগ্য জগতে আর কাহারও নাই । শত শত সামন্ত রাজা তাঁহার আজ্ঞাবহ দাস । দান্তিক, অঘোর পত্নী, চিরনির্ঝিকারহৃদয় মহাবাহু চন্দ্রধর, অদ্বিতীয় রাজ রাজেশ্বর !

পরক্ষণেই আবার একি ! মহাপ্রোতে চন্দ্রধরের সেই বড়ৈশ্বর্য্য কোথায় ভাসিয়া গেল । চির চঞ্চলা লক্ষ্মী তাঁহার ধনরত্ন সুখসৌভাগ্য লইয়া পলাইয়া গেলেন । হতভাগ্য চন্দ্রধরের ছয়পুত্র মরিল, চৌদ্দডিক্কা ডুবিল, একুশরত্ন ভাঙ্গিয়া পড়িল । কোথায় গেল সেই সুখ সৌভাগ্য ? মহাপ্রোতে নিপাতিত বালীর জালালের মত দেখিতে দেখিতে কোথায় ভাসিয়া গেল । রাজহতী অমর বাহু চম্পক আজ শ্মশান । সামন্ত পতি চন্দ্রধর আজ পথের ভিখারী । বড়ে পড়া ফুলের মত রহিল কেবল তাঁহার ছয়টি বিধবা পুত্রবধু !

ঐদেখ ধীরে ধীরে, বাণিজ্য লক্ষ্মী আবার চন্দ্রধরের অক্ষগতা হইলেন । সপ্ত সমুদ্র চন্দ্রধরকে আবার ভাঙার ভরিয়া ধনরত্ন দান করিল । কমলা আবার রত্ন-ভাঙার জমকাইয়া বসিলেন । অভভেদী একুশরত্ন আবার সূর্য্য কিরণের গতি রোধ করিয়া দাঁড়াইল । অসীম সমুদ্রও তাঁহার প্রভাবে সসীম । বায়ু তাঁহার আজ্ঞাবহ । বাণিজ্য লক্ষ্মী তাঁহার করতল গত । সুখ যখন আসে, তখন মানবের কোন আকাঙ্ক্ষাই অপূর্ণ থাকিতে দেয় না ।

শ্মশানে আবার ফুল ফুটিল । একদিন পূর্ণিমার টাঁদের মত একটা নবকুমার পাটেশ্বরী সনকার শূণ্ণ অন্ধ যুড়িয়া বসিল, জয়-জোকোর ও মঙ্গল গীতে আবার চন্দ্রধরের নব নির্ম্মিত পুরী মুধরিত হইয়া উঠিল ।

আবার সেই কাল শ্রোতের টান, আবার সব ভাসিয়া গেল । যুবরাজ লক্ষ্মীন্দর সর্পদংশনে প্রাণত্যাগ করিলেন । কোথায় রহিল তার লোহার মাজস ! দান্তিক রাজা আগে বুঝিতে পারে নাই যে, জগতে কাল-অগোচর কোন পদার্থই নাই ।

“দ্বিজবংশী গায় গীত, বেউলা হইল রাড়ী,
কেনারামের চক্ষের জল বহে দর দরি ।
যখন গাহিল পিতা বেহুলা ভাসান,
হাতের খাণ্ডা ভূমে থইয়া কান্দে কেনারাম”

পাষণ গলিয়া গেল । তখন রাত্রি প্রভাত হইয়াছে, দস্যুগণের মশাল জ্বলিয়া জ্বলিয়া আপনা হইতেই নিবিয়া গিয়াছে, আকাশের হীরার ফুল শিশিরাকরে ছুঁকাবনের উপর ঝড়িয়া পড়িয়াছে । কেনারাম বলিল—“ঠাকুর তোমার দান অমূল্য, বুঝি দেবতার ভাঙারেও তাহার মূল্য মিলিবে না । আমি তোমাকে ষৎকিঞ্চিৎ দক্ষিণা দিব, যদি দস্যু বলিয়া ঘৃণা না কর—কিন্তু জানিও আজ হতে আর আমি দস্যু নহি, যে খাণ্ডা ত্যাগ করিয়াছি, ইহা-জীবনে আর তাহা গ্রহণ করিব না ।”

প্রভুর ইচ্ছিত পাইয়া দস্যুগণ বনভূমি হইতে ঘড়ায় ঘড়ায় ধন বহিয়া আনিতে লাগিল, মুহূর্ত্ত মধ্যে কেনারাম কুবেরের ভাঙার সাজাইয়া বলিল—“ঠাকুর এই লও ।”

মহাপুরুষ দস্যুর রক্ত মাথা ধন ভাঙার হইতে চকিত দৃষ্টিতে নয়ন ফিরাইয়া লইয়া বলিলেন—“কেনারাম ! তোমার এখন বসুন্ধরার অঙ্কেও স্থান পাইবে না, এ মহাপাপের ধন আমি লইয়া কি করিব ? তোমার ধন ভূমিই লও, গৃহস্থের মুষ্টিভিক্ষাই আমার পক্ষে সুবর্ণ মুদ্রা ।”

কেনারাম অনেকক্ষণ নির্ঝিকভাবে দাঁড়াইয়া রহিল । সে যেন দাঁড়াইয়া ২ তাহার জন্মার্জিত পাপের সংখ্যা এক ছুই করিয়া গণিতেছিল । তাহার বিশাল ললাটে আশ্র-মানির বিষম জ্বালা ফুটিয়া বাহির হইতেছিল । সে

কম্পিত কণ্ঠে বলিল—“তবে চল ঠাকুর, আজ আমার পাপার্জিত ধনের সদ্যাবহার করিব।”

বিপুল জলরাশি লইয়া শৈরব কল্লোলে মহানদী ফুলেশ্বরী (বর্তমানে ফুলিয়া) বহিয়া যাইতেছে, মহাস্রোতে ঐরাবত ভাসিয়া যায়, ঐ দেখে কেনারাম তাহার জীবনের উপার্জিত সমস্ত ধন রাশি মহাস্রোতে একে একে ভাসাইয়া দিতেছে, কত টাকা কড়ি মোহর জহর কতছিন্ন কণ্ঠা কামিনীর রত্নালঙ্কার, একে একে সব ভাসিয়া গেল । কেনারাম তাহার নরঘাতী ভীষণ খাণ্ডা মহাস্রোতে ফেলিয়া দিয়া বলিল—“ঠাকুর, সব বিসর্জন দিয়াছি, বাকী মাত্র এই জীবন, দাঁড়াও ঠাকুর আজ তোমার সম্মুখে, তোমার ঐ পুণ্যময় দেহ দেখিতে দেখিতে কেনারাম তাহার জীবন স্রোত এই মহাস্রোতে মিশাইবে।”

মহাকবি বাধা দিয়া বলিলেন—“আর তোমাকে জীবন বিসর্জন দিতে হইবে না, তোমার জীবনের দ্বিতীয় অঙ্ক আরম্ভ হইল, সে নরঘাতী দস্যু কেনারাম আর নাই। ফুলেশ্বরীর জলে ডুবিয়া মরিয়াছে। পুণ্যস্রোতে অবগাহন করিয়া এসো, আমি তোমাকে মুক্তিমন্ত্র প্রদান করি, আজ হতে তুমি আমার প্রিয়তম শিষ্য মধ্যে পরিগণিত হইলে।”

কেনারাম স্নান করিল, পুণ্যস্রোতে যেন তাহার পাপ-জীবনের সমস্ত কলঙ্ক ধৌত হইয়া গেল ; মনের পরি-বর্তনের সঙ্গে সঙ্গে তাহার আকৃতিরও সহসা অদ্ভুত পরি-বর্তন ঘটিল । এইরূপে মহাপুরুষ-সংস্পর্শে কেনারাম অচিরেই নবজীবন লাভ করিল, এবং মহাকবির প্রিয়-তম শিষ্য ও সুকণ্ঠ গায়ক বলিয়া দিনদিন প্রসিদ্ধি লাভ করিতে লাগিল । তার পর প্রভুর সমস্ত সদৃশ্য রাশির অধিকারী হইয়া একদিন—

“কেনারাম কহে প্রভু ঘরে যাও তুমি
চাউল কড়ি যাহা পাই লয়ে আসি আমি ।”

মহাকবি তাঁহার জীবনের সমস্ত কার্য ভার কেনারামের উপর অর্পণ করিয়া ঘরে গেলেন, কেনারাম নগর ঘুরিয়া “মনসা ভাসান” গাহিয়া বেড়াইতে লাগিল । যে কেনারামের নাম শুনিলে লোকে প্রাণভয়ে শিহরিয়া উঠিত, সেই কেনারামের গানে আজ সমস্ত দেশ পুলকে রোমাঞ্চিত হইতে লাগিল ।

“এইরূপে ভাসান প্রচারে ঘরে ঘরে,
পাষণ গলিয়া জল বহে শত ধারে,
কেনারাম গায় গান করে বৃক্কের পাতা,
পয়ার প্রবন্ধে ভনে দ্বিজবংশী সূতা।”

যে প্রাস্তরে মহাকবি দস্যু কর্তৃক আক্রান্ত হইয়াছিলেন, তাহার নাম “জালিয়ার হাওর” । সেই বিশাল প্রাস্তর যয়মনসিংহ জেলায় আজও বর্তমান আছে, কবি চন্দ্রাবতী লিখিয়াছেন—

“জালিয়া হাওর নাম ব্যক্তত্রিভুবন,
দিনেকের পথ যুরি নলখাগর বন ।
ভাসান গাহিতে পিতা যান দেশান্তরে,
পথে পেয়ে কেনারাম আঙুলিল তারে ।”

“দস্যু কেনারামের পালা” এতদঞ্চলের একটা কোতুহলপূর্ণ ঘটনা । সুকণ্ঠ গায়কগণ আজও কেনারামের পালা গাহিয়া বেশ ছুপয়সা উপার্জন করেন । ইহার সঙ্গে দেশের বহু কালের বিগত স্মৃতি বহু পরিমাণে জড়িত আছে । আজ আমরা তাহার কিঞ্চিৎ আভাস প্রদান করিলাম ।

শ্রীচন্দ্রকুমার দে ।

তিব্বত অভিযান ।

ভীষণ রজনী ।

—:~:—

কারী হইতে প্রায় তিন মাইল দূরে নারাং নামক হ্রদ আছে । শীতের প্রকোপে ইহার অধিকাংশ বরফে জমিয়া গিয়াছিল । মধ্যে মধ্যে কয়েকটা স্থানে জল ছিল । ঐ সকল স্থানে নানা প্রকার মৎস্য প্রচুর পরিমাণে ছিল বলিয়া সাহেবেরা প্রায়ই তথায় যাইতেন । আমি ও মাঝে মাঝে যাইতাম । এই হ্রদে আমরা প্রায়ই যাইতাম বলিয়া আমরা তথায় একটা ক্ষুদ্র ঘর প্রস্তুত করাইয়া ছিলাম । ইহার প্রাচীর দারুময় এবং ছাতের উপর টিন দেওয়া হইয়াছিল । কোনও কোনও দিন আমাদের মধ্যে কেহ কেহ গল্প করিয়া ঐ স্থানে রজনী অতিবাহিতও করিতাম ।

একদিন বেলা একটার সময় আমরা ঐ স্থানে উপস্থিত হইলাম। সে দিন আমাদের সহিত তিন জন সাহেব, দুইজন বাঙ্গালী (আমি ও সেন মহাশয়)—দুই জন শিখ কর্মচারী, তিনজন গুর্খা ও একজন তিব্বতীয় ভৃত্য ছিল। সমস্ত বন্দোবস্ত ঠিক ছিল। সামান্য বিশ্রামের পর প্রায় সকলেই মাছ ধরিতে বসিলাম। প্রথমেই সেন মহাশয় এক প্রকাণ্ড রুই মাছ গাঁথিয়া ফেলিলেন। খেলাইয়া যখন মাছটা তুলিয়া ফেলা হইল, তখন দেখা গেল যে, ওজনে উহা পনের সেরের কম নয়। ছিপে এত বড় মাছ ধায়, তাহা আমার ধারণা ছিল না। তাহার পর একজন গুর্খা কর্মচারীর পালা। ইহার হইলে কত বড় মাছ খাইল তাহা অবশ্য আমরা প্রথমে বুঝিতে পারি নাই। মাছটা—গাধা ইইবা মাত্র অতি ভীষণ বেগে হ্রদের অন্তরিক্কে ঘাইতে লাগিল। শেষে এমন হইল, বুঝি ছিপ তাঁঙ্গিয়া যায়। তাহার পর সহসা মাছটা যেন খুব নিস্তেজ হইয়া পড়িল। গুর্খা এই সময় হ্রদের ধারে এক ধানা উচ্চ পাথরের উপর দাঁড়াইয়া ছিল। মাছটা নিস্তেজ থাকিবার পর আবার সহসা এমন ভীম বেগে ছুটিল যে, গুর্খা সামলাইতে না পারিয়া জলের মধ্যে পড়িয়া গেল। নিকটেই আমাদের বড় ডাক্তার সাহেব দাঁড়াইয়াছিলেন। গুর্খা যে সাঁতার জানেনা, তাহা তিনি জানিতেন; চক্ষুর নিমিষে তিনি কোট ও শ্লিপার ছাড়িয়া হ্রদের মধ্যে লাফাইয়া পড়িলেন। এই সময়ের মধ্যে গুর্খা কিন্তু দুই বার ডুবিয়া গিয়া ভাসিয়া উঠিয়াছিল ও খানিক দূর চলিয়া গিয়াছিল। তৃতীয় বার ডুবিলার অগ্রেই সাহেব ঘাইয়া তাহার গ্রীবা দেশ চাপিয়া ধরিলেন। গুর্খার বাহাদুরী এই যে, এ অবস্থাতেও সে ছিপটা ছাড়িয়া দেয় নাই। সাহেব তাহাকে উহা ছাড়িবার জ্ঞান পুনঃ ২ অগুরোধ করাতোও সে কর্ণপাত করিল না। এই সময় আর একটা ঘটনা উপস্থিত হইল, গুর্খার একটা অতি প্রকাণ্ড পাহাড়ী কুকুরও হ্রদের তীরে উপস্থিত ছিল। সে প্রভুকে জলে পড়িতে দেখিয়াই জলে ঝাঁপ দিয়াছিল। প্রথমে সে অন্তরিক্কে ভাসিয়া গিয়াছিল, কিন্তু শেষে বিশেষ চেষ্টার পর সে প্রভুর নিকট উপস্থিত হইল। যে সময়ে সাহেব আসিয়া গুর্খাকে ধরিলেন, ঠিক সেই সময়ে

কুকুরটা ও তাহার প্রভুর কোটের পশাদিক মুখে চাপিয়া ধরিল। এখন ব্যাপার বুঝুন—সাহেব গুর্খাকে ধরিয়াছেন—গুর্খার এদিকে এক প্রকাণ্ড মাছ, অপরদিকে এক বিপুল দেহ কুকুর। সেই ডিসেম্বরের শীতে এই ভাবে জড়া জড়ি করিতে করিতে সাহেব অতি কষ্টে গুর্খাকে তীরে উঠাইলেন। কিন্তু মাছটা তখনও পর্য্যস্ত কাবু হয় নাই। অনেক চেষ্টার পর তাহাকে জল হইতে উঠান হইল। এত বড় মাছ বোধ হয় কখনও দেখি নাই। মাছটা মহাসের—ওজনে ২৮ সের ২ ছটাক। কেবল মাছটাই প্রায় ৮ সের। শুনিলাম, এই হ্রদে ৪০।৪২ সের ওজনের পর্য্যস্ত মাছ অনেক আছে।

আমাদের দেশে জামাইর পাতে আস্ত রুইএর মুড়া দেওয়া হয়। বাবাজীদের পাতে এই রকম একটা মুড়া পড়িলে বোধ হয় তিনি তৎক্ষণাৎ স্বপ্নের বাড়ী ত্যাগ করেন—দহসা ইহাকে মহিব বা ঐরূপ কোন ও জন্তুর মাথা বলিয়া ভ্রম হওয়া বিচিত্র নহে!

অপরূহে আমরা মাছধরা বন্ধ করিলাম। সে রাত্রি ঐখানে কাটাইব বলিয়া পূর্ব হইতে স্থির করিয়াছিলাম। আহারের আয়োজন প্রস্তুতই ছিল। আমরা সেন মহাশয়ের মৎস্যটা রন্ধন করিয়া মনের সাথে আহার করিলাম। আমরা আহারাদি করিয়া ধূমপান করিতেছি, এমন সময় একজন সংবাদ দিলেন যে, খুব শীঘ্র একটা প্রবল ঝড় আসিবার বিশেষ সম্ভাবনা। কথাটা বড় একটা কেহ কানে তুলিলেন না। ইহার মিনিট কয়েক পরেই সহসা অদূরে এক অস্বাভাবিক শব্দ শুনিতে পাইলাম। এই পার্শ্বত্যাগ প্রদেশের ঝড়ের অভিজ্ঞতা সকলেরই কিছু কিছু ছিল। একটা ঝড় যে আসিতেছে তাহা তখন সকলেই বুঝিতে পারিলাম। আমাদের তিব্বতীয় ভৃত্য এই সময় সবেগে ঘরের মধ্যে প্রবেশ করিয়া দ্বার বন্ধ করিয়া দিল। পর মুহূর্ত্তে বাহিরে ঝড়ের ভীষণ আক্ষালন শুনিতে পাইলাম। কি ভীষণ ব্যাপার! ঝড়ের কি গভীর নিনাদ! মনে হইল, এখনই বুঝি সমস্ত ঘরখানাকে কোনও দূর পাহাড়ের উপর উড়াইয়া লইয়া যাইবে, আর সঙ্গে সঙ্গে আমাদের ইহ জীবনের খেলা সাক্ষ হইবে। কিন্তু ভাগ্যক্রমে ঘরখানা ছুইটা

পাহাড়ের আড়ালে ছিল বলিয়া পবন দেব আমাদের কোনও অনিষ্ট করিতে পারিলেন না। আমরা সকলে ঘরের সমস্ত গবাক ও স্বাইলাইট ভাল করিয়া বন্ধ করিয়া আগুনের ধারে আসিয়া বসিলাম।

এই সময়ে হৃদের মধ্যে যেন সহস্র সহস্র ভূত প্রেত ভাণ্ডব নৃত্য করিতেছিল। ঝড়ের বেগে বরফ সকল ইতস্ততঃ বিক্ষিপ্ত হইয়া পরস্পরের উপর আসিয়া পড়িতেছিল—মনে হইতেছিল বৃষ্টি পর্বত পর্বতের উপর পড়িয়া সহস্র সহস্র খণ্ডে চূর্ণ বিচূর্ণ হইতেছে। হৃদের দক্ষিণ দিকে ঠিক জলের উপর হইতে একটা পর্বত মস্তক উত্তোলন করিয়া দাঁড়াইয়াছিল। উহার উপর হইতে বৃহৎ বৃহৎ প্রস্তর খণ্ড মাঝে মাঝে হৃদের মধ্যে পড়িতেছিল।

এই সময়, ঠিক কি জ্ঞানিনা, ছোট ডাক্তার সাহেবের পেটে বিষম বেদনা আরম্ভ হইল। সে অবস্থায় যতদূর সম্ভব আমরা চেষ্টা করিলাম, কিন্তু বেদনা কোনও মতে হ্রাস পাইল না। রোগী যাতনায় ছটফট করিতে লাগিলেন। অবশেষে বড় ডাক্তার সাহেব বলিলেন যে, উপস্থিত অবস্থায় নীচ কোনও উপযুক্ত ঔষধ না দিলে উহা কোনও মতে যাইবে না। বলা বাহুল্য, সঙ্গে আমাদের কোনও ঔষধই ছিল না। এখন ফারী হুর্গে না যাইলে উপায়ান্তর নাই। কিন্তু এই ভীষণ সময়ে কে এই তিন মাইল পথ যাইতে সাহস করিবে? সকলেই মুখ চাওয়া চায় করিতে লাগিলেন। কিন্তু অধিকরণ আমাদের আশাটিকে ভাবিতে হইল না। বড় ডাক্তার সাহেব স্বয়ং এই ভার গ্রহণ করিলেন। পরের জ্ঞান এমন স্বার্থত্যাগ আমি খুব কম দেখিয়াছি। আমি ইংরাজ সামরিক বিভাগে অনেক দিন কাজ করিতেছি—ইংরাজ যেমন কথায় কথায় জীবনকে তুচ্ছ করিয়া ভীষণ বিপদের সম্মুখে অগ্রসর হয়, আমাদের দেশের লোকেরা তাহা পারেনা। বহুদিনের পরাধীনতাই বোধ হয় আমাদের এই ভীকৃত্যের কারণ।

বাহা হউক, ডাক্তার সাহেব সর্কাজ বিশেষভাবে আবৃত করিয়া প্রস্তুত হইলেন। একটা বরফের ছড়ি তির সঙ্গে আর কিছুই লইলেন না। খুব গরম এক

পেয়ালা চা পান করিয়া তিনি কক্ষদ্বার উন্মুক্ত করিলেন। তখনও প্রবল ঝড়ের প্রকোপে ভীষণ বেগে বরফ বৃষ্টি হইতেছিল। এই বরফ বৃষ্টির মধ্যে দরজা খুলিয়া দিবা মাত্র বোধ হয় ৩০।৪০ সের বরফ গৃহের মধ্যে প্রবেশ করিল। এমন ভীষণ ভাবে বরফ পড়িতেছিল, তাহা আমরা দরজা খুলিয়াই বিশেষ ভাবে বৃষ্টিতে পারিলাম। প্রকৃতির এই ভীষণ ভাব দেখিয়া সাহেব একবার মুহূর্তের জ্ঞান ধমকিয়া দাঁড়াইলেন। কিন্তু পরক্ষণেই আমাদের গকে ঘর বন্ধ করিতে বলিয়া সেই গাঢ় অন্ধকার মধ্যে অদৃশ্য হইয়া গেলেন।

এইবার আমি সাহেবের নিষ্কের কথায় তাহার সে দিনকার কাহিনী বর্ণনা করিব:—“কয়েক পদ যাইতে না যাইতে আমি বৃষ্টিতে পারিলাম যে ব্যাপার বড় গুরুতর। দুর্ভাগ্যক্রমে আমাকে ঝড়ের উজানে যাইতে হইতেছিল। হাওয়ার এমন ভয়ানক বেগ যে প্রথমে অগ্রসর হওয়াই আমার নিকট সম্পূর্ণ অসম্ভব বলিয়া মনে হইল। যেন কোনও ভীষণ দানব আমার সবলে ঠেলিয়া ফেলিতেছিল। ইহার উপর বরফ। উহা যেন তীক্ষ্ণ মোটা মোটা সূচের ঞায় আমার মুখে (অপর্যাপন্ন অঙ্গ উত্তমরূপে আবৃত ছিল) বিধিতে লাগিল। যতদূর সম্ভব মুখ আবৃত করিয়া চলিতে লাগিলাম। রাস্তা যদি ভাল হইত, তাহা হইলেও অনেকটা সুবিধা হইত। পার্শ্বত্যা পথ—কোথাও নীচু, কোথাও উঁচু। তাহার উপর বরফ পড়িয়া এক এক স্থানে আমার হাঁটু পর্যন্ত বসিয়া যাইতেছিল।

“এইভাবে কতদূর গিয়াছিলাম, ঠিক বলিতে পারি না। একে ভয়ানক ঝড়, তাহার উপর ভীষণ পথ, সকলের উপর জমাট অন্ধকার,—মনে হইল অন্ধকার এক দুর্ভেদ্য প্রাচীরের মত আমার চারিদিকে দাঁড়াইয়া আছে। খানিক দূর গিয়া মনে হইল যেন কোনও প্রাণী আমার অনুসরণ করিতেছে। ঝড়ের বেগ মাঝে মাঝে কম হইতেছিল বলিয়া কোন জন্তুর নিঃশ্বাসের শব্দ যেন স্পষ্ট শুনিলাম। কাণ পাতিয়া রহিলাম। কিন্তু ঠিক এই সময়ে ঝড় পুনরায় প্রবল হওয়াতে আর কিছু বুঝিলাম না। এবার কিন্তু বিলক্ষণ সতর্ক হইয়া

চলিলাম। সহসা চপলার উজ্জল প্রভায় চারিদিক আলোকিত হইয়া উঠিল। তখন বেশ স্পষ্ট দেখিলাম, কয়েকটা নেকড়ে বাঘ আমার দক্ষিণে ও বামে আমার সঙ্গে সঙ্গে অগ্রসর হইতেছে। আমার দৃঢ় বিশ্বাস সংখ্যায় তাহারা ২৫,৩০ টার কম হইবে না।

“প্রথমে আমি একটু কিংকর্তব্যবিমূঢ় হইয়া পড়িলাম। আমার নিকট কোনও প্রকার অস্ত্রাদি ছিল না। আমি জানিতাম যে, এই পাহাড়ের নেকড়েরা বড়ই দুর্দান্ত এবং এক এক দলে ১০০।১৫০ পর্য্যন্ত থাকে। মানুষ দেখিয়া ইহারা মোটেই ভয় পায় না। অনুমানে বুঝিলাম, আমাকে এখনও অনেক দূর যাইতে হইবে। এ অবস্থায় মারাংহুদে ফিরিয়া যাওয়াই যুক্তি সঙ্গত মনে করিলাম। কিন্তু ফিরিয়া যাওয়াও এখন বড় কম বিপজ্জনক নয়। পশ্চিমদ্যে উহার নিশ্চয়ই আমাকে আক্রমণ করিবে। এইরূপ ভাবিতে ভাবিতে আমি অতি ধীরে ধীরে অগ্রসর হইতেছিলাম। এক্ষণে সহসা মুহূর্তকালের জ্ঞাত গতিরোধ করিয়া ভাবিতে লাগিলাম। এই সময়ে আর একবার বিদ্যুৎ দেখা দিল। দেখিলাম আমার ঠিক বামদিকে একটা নাতি উচ্চস্থান। মুহূর্তের মধ্যে কর্তব্যস্থির করিয়া আমি তীরবেগে সেই দিকে ছুটিলাম। বুঝিতে বিলম্ব হইল না যে নেকড়েরাও আমার সঙ্গে সঙ্গে আসিতেছে। আমার তখন সেদিকে লক্ষ্য করিবার অবসর ছিল না। সকলেই জানে, নেকড়েরা দৌড়িবার সময় উচ্চস্থানে শীঘ্র আরোহন করিতে পারে না। এই জ্ঞাত বোধ হয় সে গুলি আর আমার অনুসরণ করিতে পারিল না।

“খানিক দূর গিয়া আমি আবার নীচে নামিয়া পড়িলাম ও দক্ষিণদিকে ফিরিয়া আবার ছুটিলাম। এই সময় আমি বড়ের সঙ্গে সঙ্গে যাইতেছিলাম স্মৃতরাং আমাকে তত কষ্ট পাইতে হইল না। তাহার পর আমি যে কি প্রকারে নারাং এর গৃহদ্বারে পুনরায় আসিয়া উপস্থিত হইলাম তাহা আমার আদৌ মনে নাই। দরজায় কয়েকবার সজোরে আঘাত করাতে ভিতর হইতে দরজা খুলিয়া দিলে। তোমরা যদি উহা খুলিতে বিলম্ব করিতে, তাহা হইলে আমার প্রাণরক্ষা হইত না।”

এইবার আমাদের কথা বলি। ডাক্তার সাহেব

চলিয়া যাইবার অল্পক্ষণ পরে রোগীর বেদনা কিছু কম বোধ হইল, এবং তিনি নিদ্রিত হইয়া পড়িলেন। আমরা তখন সকলে আগুনের চারিদিকে বসিয়া সিগার টানিতে লাগিলাম। ইহার প্রায় অর্ধঘণ্টা পরে আমরা সহসা দরজার উপর ভীষণ আঘাতের শব্দ শুনিতে পাইলাম। প্রথমে আমরা সকলেই খুব ভীত ও বিস্মিত হইয়া পড়িলাম। এমন অসময়ে কে আসিল? কোনও হিংস্র জন্তু নয়ত? আবার আঘাত পড়িল—এবার উপরি উপরি কয়েকবার সজোরে ধাক্কা পড়িল। এবার বাহির হইতে কেহ অত্যন্ত ব্যস্ত ভ্রম্ভ ভাবে বলিয়া উঠিল— “ভগবানের দোহাই! শীঘ্র দরজা খোল।” সকলেই বুঝিলাম, বড় ডাক্তার সাহেব। নিমেষের মধ্যে দরজা খোলা হইল। সাহেব মাতালের মত টলিতে টলিতে প্রবেশ করিলেন ও তাড়াতাড়ি বলিলেন, “বন্ধ কর, বন্ধ কর। নেকড়ে বাঘ আমার পিছনে লাগিয়াছে।” তৎক্ষণাৎ দ্বার বন্ধ করিয়া দেওয়া হইল। সাহেবের প্রবল পরমায়ুর বল! দ্বার বন্ধ করিতে না করিতে ঠিক ঘরের সম্মুখে অনেকগুলো নেকড়ের গর্জন শুনিতে পাইলাম। শীকার হাতছাড়া হইল দেখিয়া তাহারা ভীষণ রবে চীৎকার করিতে করিবে দ্বারে আঘাত করিতে লাগিল।

গৃহের দ্বারটা ছিল পশ্চিম দিকে; উহার উত্তর দিকে একটা গবাক্ষ ছিল। জানালাটা বন্ধ ছিল বটে, কিন্তু উহার দ্বার বিশেষ মজবুত ছিল না। এই গোলযোগের সময় একখাটা কাহারও মনে ছিল না। ডাক্তার সাহেব গৃহের মধ্যে প্রবেশ করিয়াই আগুনের নিকট বসিলেন। একজন শিখ কর্মচারী তাহার হাত ও পা আগুনে সঁকিয়া দিল। ইহার পর এক গ্লাস ত্রাণ্ডি পান করিয়া যখন তিনি কতকটা সুস্থ হইলেন তখন বলিলেন “এই হিমালয় প্রদেশের নেকড়েগুলো বড়ই ভীষণ। ভাগ্য আজ নিতান্ত ভাল ছিল, তাই উহার হাত হইতে বাঁচিয়া আসিয়াছি।” তার পর তিনি সংক্ষেপে সমস্ত বৃত্তান্ত বর্ণনা করিয়া বলিলেন, “ইহারা শীঘ্র যাইবে না। আমাদের উচিত এখন হইতে বিশেষ সাবধান হওয়া। তোমরা অস্ত্রাদি ঠিক রাখ। কে জানে কিভাবে উহার আক্রমণ

করিবে।” অমুসন্ধানে দেখা গেল যে, আমাদের সহিত সাতটা রিভলভার আছে। পূর্বেই বলিয়াছি, আমাদের ভৃত্যকে লইয়া আমরা সর্বসমেত ১১ জন ছিলাম। তাহার মধ্যে ছোট ডাক্তার সাহেব পীড়িত। বিশেষ অমুসন্ধানে একখানা কুড়ালী, একখানা বড় দা, আগুন নাড়িবার একটা বড় লোহার দণ্ড বাহির হইল। তখন অগ্নাদি এই ভাবে বিভক্ত হইল— রিভলভার সাতটা— দুই জন সাহেব, দুইজন শিখ, দুই জন গুর্খা ও আমি পাইলাম। অবশিষ্ট গুর্খাকে ও সেন মহাশয়কে দা এবং কুড়ালী ও ভৃত্যকে লোহদণ্ড দেওয়া হইল।

এইখানে পাঠক জিজ্ঞাসা করিতে পারেন, আপনারা কাহার সহিত লড়াই করিবার জন্য এই সব আয়োজন করিলেন? নেকড়েয়াত ঘরের বাহিরে। নেকড়া ঘরের বাহিরে বটে, কিন্তু দরজা ভাঙ্গিয়া ঘরের মধ্যে প্রবেশ করিতে অধিক বিলম্ব হয় না। যাহা হউক নেকড়েয়া যে প্রকার সজোরে দরজায় ধাক্কা দিতেছিল, তাহাতে আমরা বিশেষ শক্তিতাবে অবস্থিতি করিতে ছিলাম। উহারা সংখ্যায় বোধ হয় খুব অধিক ছিল। কারণ, এই সময়ে উহারা ঘরের চারিদিক হইতে আমাদিগকে আক্রমণ করিবার চেষ্টা করিতেছিল। এক এক বার এমন সজোরে ধাক্কা দিতে লাগিল যে মনে হইল এইবার বুঝি সমস্ত ভাঙ্গিয়া পড়িল।

এই ভাবে কিয়ৎক্ষণ গত হইলে সহসা এক দিকে ‘সব্ সর্ব’ শব্দ হইল। চাহিয়া দেখি, ঘরের পূর্কোক্ত গবাক্কাটা ভাঙ্গিয়া গিয়াছে। একটা বৃহৎ নেকড়ে ঐ ভগ্নপথে স্বীয় মস্তক প্রবেশ করাইয়া দিয়াছে। সে সময়ে সেন মহাশয় ঐ জান্নার নিকট দাঁড়াইয়াছিলেন। নেকড়েকে দেখিবামাত্র তিনি দুই হস্তে কুঠার ধরিয়া সজোরে উহার মস্তকে আঘাত করিলেন। এক বিকট চীৎকারের সহিত নেকড়েটা অদৃশ্য হইয়া গেল। দেখিতে দেখিতে গবাক্কের ছিদ্রপথ আরও খানিকটা বাড়িয়া গেল এবং এক সঙ্গে দুইটা নেকড়ে প্রবেশ করিবার উদ্যোগ করিল। একজন শিখ কর্মচারি উপর্যুপরি দুইবার গুলি করাতে সে দুইটিও অদৃশ্য হইল।

এই সময়ে বাহিরে একবার চপলা প্রকাশ পাওয়াতে ভগ্ন গবাক্ক পথে দেখিলাম, বহুতর নেকড়ে বাঘ ইতস্ততঃ

ঘুরিয়া বেড়াইতেছে। প্রাণটা কাঁপিয়া উঠিল। এক দিকেই যখন এত, তখন চারিদিকে না জানি আরও কত আছে। গবাক্কাটা যে ভাবে উহারা ভাঙ্গিয়া ফেলিয়াছে, তাহাতে ব্যাপার বড় সুবিধা জনক বলিয়া মনে হইল না। অকস্মাৎ আর এক দিকে “গড় গড়” শব্দ হইয়া উঠিল। চাহিয়া দেখি, ঘরের আর এক দিকের প্রাচীর খানিকটা ভাঙ্গিয়া ফেলিয়াছে ও সঙ্গে সঙ্গে দুটা নেকড়ে গৃহে প্রবেশ করিয়াছে। আমি ও আমার সাহেব একত্রে বন্দুক চালাইলাম। নেকড়ে দুইটা তখনই অদৃশ্য হইল। এইখানে বলা উচিত যে, বন্দুকের প্রথম শব্দেই ছোট ডাক্তার জাগিয়াছিলেন। তাহার শরীর অনেকটা সুস্থ বোধ হইতেছিল কিন্তু দুর্বলতার জন্য তিনি আর এই অদ্ভুত যুদ্ধে যোগদান করিলেন না।

আমরা অনবরত গুলি চালাইতে লাগিলাম। এই ভাবে প্রায় এক ঘণ্টা কাল পর্য্যন্ত যুদ্ধ চলিল। ইহার মধ্যে আমরা কেহই এক নিমিষের জন্যও বিশ্রাম করিবার অবসর পাই নাই। তবে আমরা বিশেষ সাবধান থাকিতে নেকড়েয়া আর কোনও নূতন স্থান জাগিতে পারিল না। ইহার মধ্যে যে কতগুলো বাঘ নিহত হইয়াছিল, তাহা ঠিক জানিতাম না। অমুমানের বোধ হইল ৫০.৬০ টার কম নয়।

রাত্রি প্রায় ১২টার সময় আমরা জানিতে পারিলাম যে, আমাদের গুলি প্রায় ফুরাইয়া আসিয়াছে। সর্বনাশ! হিসাব করিয়া দেখা গেল যে, আর আমরা সাত জনে প্রত্যেকে মোটে সাতবার করিয়া বন্দুক চালাইতে পারি। এদিকে নেকড়েদের সংখ্যা যে হ্রাস পাইতেছে তাহা আদৌ বুঝিতে পারিলাম না। এই ভীষণ জন্তুর সহিত বিনা বন্দুকে যে কি প্রকারে সমস্ত রাত্রি যাপন করিব তাহা বুঝিতে পারিলাম না। এমন ভীষণ বিপদে আর কখনও পড়ি নাই। যাহা হউক, পরামর্শ স্থির হইল যে, নিতান্ত প্রয়োজন না হইলে আর বন্দুক ব্যবহার করা হইবে না। আমরা চারিজন করিয়া আট জন লোক উক্ত ভগ্ন স্থানঘরের সম্মুখে দণ্ডায়মান হইলাম। পূর্কোক্ত কুড়ালী দা ও লোহ দণ্ড ব্যতীত আমরা বন্দুকের মুখও সজোরে চাপিয়া ধরিয়া ঐ স্থানে নেকড়েদের জন্য অপেক্ষা করিতে

লাগিলাম । নেকড়েরা মুখ বাড়াইবা মাত্র আমরা প্রাণ-পণ শক্তিতে আঘাত করিতে লাগিলাম । দুই তিনবার এই ভাবে কার্য চলিল ; কিন্তু তাহাতে ফল ভাল না পাওয়াতে আমরাদিগকে পুনরায় বন্দুক ব্যবহার করিতে হইল । ভয় গবাকের বিস্তৃতি খুব অধিক ছিল বলিয়া একবারে তিন চারিটা বাধ ঐ পথে প্রবেশ জ্ঞত চেষ্টা করিতে লাগিল । ঐ স্থানে আমি, দুইজন শিখ ও একজন গুর্খা দাঁড়াইয়াছিলাম । তিনটাকে আমরা তাড়াইলাম বটে, কিন্তু একটাকে কোনও মতে প্রতিরোধ করিতে পারিলাম না । সেটা একবারে আসিয়া ঘরের মধ্যে উপস্থিত হইল । বড় ডাক্তার সাহেব এই প্রকার ঘটনার জ্ঞত প্রস্তুত ছিলেন । তাঁহার এক গুলিতে উহার মস্তক চূর্ণ হইয়া গেল ।

এইভাবে কতকগুলি যুদ্ধ চলিত বা উহার পরিণাম কি হইত, তাহা বলা যায় না । তবে ভগবানের অসীম করুণা বলে এক সামান্য ঘটনার ঐ ভীষণ বিপদ হইতে উদ্ধার লাভ করিলাম । ঝড়ের বেগ তখনও সমভাবেই চলিতেছিল । এক বিন্দুও হ্রাস পায় নাই । সঙ্গে ২ বরফ পড়াও চলিতেছিল । তবে আমরা বিশেষ ব্যস্ত ছিলাম বলিয়া ঐদিকে লক্ষ্য করিবার কিছুমাত্র অবসর পাই নাই । পূর্বোক্ত নেকড়েটা যে সময়ে ঘরের মধ্যে ডাক্তারের গুলিতে নিহত হইল, সেই সময় অকস্মাৎ অতি ভীষণ শব্দে সমস্ত আকাশ গর্জন করিয়া উঠিল । সঙ্গে ২ সমস্ত স্থানটা তীব্র আলোকে যেন ঝলসিয়া গেল । এমন বিকটশব্দ বা এ প্রকার তীব্র আলোক বোধ হয় কখনও দেখি নাই । শব্দের প্রভাবে সমস্ত ঘরটা বেশ স্পষ্ট কাঁপিয়া উঠিল । সুধু একবার নয় । ক্রমান্বয়ে চারিবার ঐরূপ ভীষণ বজ্রনাদ ও চপলার আবির্ভাব হইল । যখন সমস্ত পুনরায় নিস্তরক ও অন্ধকার ময় হইয়া পড়িল, তখন আমরা আবার যুদ্ধের জ্ঞত প্রস্তুত হইলাম । কিন্তু আমরাদিগকে আর যুদ্ধ করিতে হইল না, আমরা বুকিতে পারিলাম যে, নেকড়ের দল একবারে অদৃশ্য হইয়াছে । সমস্ত রাত্রি আমরা জাগিয়া রহিলাম, তাহারা কিন্তু আর দেখা দিল না ।

শ্রীঅতুলবিহারী গুপ্ত ।

রাজপুতের অধঃপতন ।

পাঠানগণ দিল্লীতে তিন শত বৎসরাধিক কাল রাজত্ব করিয়াছিলেন । কিন্তু সমগ্র ভারতবর্ষ তাঁহাদের শাসনাধীন হয় নাই । পাঠান শাসনকালে ভারতবর্ষে বহু সংখ্যক স্বাধীন মোসলমান রাজ্য প্রতিষ্ঠিত হইয়াছিল । এই সকল মোসলমান রাজ্যের পার্শ্বেই হিন্দু রাজ্যগণও সর্গোরবে রাজ্য শাসন করিতেন । পাঠানগণ তরবারি বলে দেশ জয় করেন, এই তরবারি সাহায্যেই তাঁহারা দেশ শাসন করিতেন । পাঠানগণ স্বধর্মের প্রচার করে সাতিশয় উৎসাহী ছিলেন । তাঁহাদের উৎকট সাধনার বঙ্গদেশের এক তৃতীয়, রাজপুতনার একাধিক, কাশ্মীর ও সিন্ধু দেশের অধিকাংশ এবং গুজরাট ও মালবের বহু অধিবাসী ইসলাম ধর্ম গ্রহণ করিয়াছিল । এই সকল কারণে হিন্দু জাতি পাঠান শাসনপতিদের অসুরাগী হইতে পারে নাই ।

পাঠান শাসন ধ্বংস প্রাপ্ত হইলে অবস্থান্তর উপস্থিত হইয়াছিল । রাজনীতিজ্ঞ কুলের বংশে পাদশাহ আকবর হিন্দু মুসলমানকে প্রীতি সূত্রে আবদ্ধ করিয়াছিলেন । তিনি বীরকুলাগ্রগণ্য রাজপুত জাতির হৃদয় অধিকার করিবার অভিপ্রায়ে তাহাদের রাজত্ববৃন্দের সঙ্গে বৈবাহিক সম্পর্ক স্থাপন করিতে আরম্ভ করেন । আকবরের উত্তরাধিকারীগণও এই নীতির অনুসরণ করিয়াছিলেন । বহু সংখ্যক রাজপুত রাজার আত্ম বিস্মৃতি উপস্থিত হয় । তাঁহারা মোগল রাজের সঙ্গে বৈবাহিক সূত্রে আবদ্ধ হন এবং দিল্লীর মুক্ত শক্তির গৌরব রক্ষা ও বৃদ্ধির জ্ঞত আত্ম নিয়োগ করেন । কিন্তু তাদৃশ কুল বিগর্হিত সম্পর্ক সংস্থাপন জ্ঞত সময় সময় তাঁহাদের অন্তঃপ্রকৃতি বিদ্রোহ অবলম্বন করিয়া তাঁহাদিগকে পীড়িত করিত ; তদুপরি তাঁহারা রাজপুত কুলচূড়া উদয়পুরের রাণা এবং তদধীন সামন্তবর্গের স্ফূর্ণার পাত্র ছিলেন, সমস্ত দেশের হিন্দু জনপুঞ্জের অপ্রিয় ও নিন্দা ভাজন হইয়াছিলেন । এই ভাবে সময় অতি-বাহিত হইতেছিল, একরূপ সময়ে পাদশাহ আওরঙ্গজেব সিংহাসন আরোহণ করিয়া হিন্দুর ধর্মের ও জাতির নিপীড়ন

করিতে প্রবৃত্ত হন। তাঁহার দারুণ কষাঘাতের ফলে রাজপুত অধিপতিদের আত্ম বিস্মৃতি সম্পূর্ণরূপে দূরীভূত হয়, তাঁহাদের অন্তঃপ্রকৃতি এবং হিন্দুর জন-মত জয় লাভ করে। তাঁহারা মোগল রাজের স্বর্ণ শৃঙ্খল উন্মোচন করিয়া পুনর্বার আপনাদের কুলোচিত পবিত্রতা ও তেজস্বিতা লাভ কর্ত্ত উন্মুখ হন।

আওরঙ্গজেবের উত্তরাধিকারী বাহাদুরশাহ রাজপুতের সহিত পুনর্বার প্রীতির সম্পর্ক স্থাপন করিতে অভিলাষী হন এবং রাজপুত জাতির শীর্ষ স্থানীয় অম্বর ও যোধপুরের অধিপতি দ্বয়কে দরবারে আনয়ন করিবার জন্ত তাঁহাদের নিকট স্বীয় পুত্রকে প্রেরণ করেন। তাঁহারা মোগল দরবারে উপনীত হইলে পাদশাহ তাঁহাদের সমস্ত অসন্তোষের কারণ দূর করিয়া তাঁহাদের সঙ্গে সন্ধি স্থাপন করেন। কিন্তু বাহাদুর শাহের-রাজপুত জাতির সঙ্গে সখা স্থাপনের সমস্ত প্রয়াস ব্যর্থ হইয়াছিল। তাঁহার সমস্ত যত্ন যোধপুর ও অম্বরের অধিপতি যুগলকে মোগল রাজ্যের অনুরাগী ও হিতৈষী করিতে পারে নাই।

এই অধিপতি যুগল বাহাদুরশাহের নিকট হইতে স্বদেশে প্রত্যাবর্তন কালে উদয়পুরে গমন করিয়া রাণার সঙ্গে সন্ধি সূত্রে আবদ্ধ হইলেন। এই সন্ধি স্থাপন দ্বারা তাঁহারা মোগলের সহিত রাজনৈতিক এবং বৈবাহিক সম্বন্ধ পরিহার করিতে অস্বীকার করিলেন। সুদীর্ঘকাল অন্তে তাঁহারা রাজপুত কুলতিলক পবিত্র রাণার সঙ্গে একত্র ভোজন করিতে পারিলেন এবং বৈবাহিক সূত্রে আবদ্ধ হইলেন। মহাত্মা টড নির্দেশ করিয়াছেন যে, এই ত্রিবল্যক সন্ধির ফলে রাজপুতগণ বাবরের প্রতিষ্ঠিত সিংহাসন ভূপাতিত করিতে সমর্থ হইয়াছিলেন।

এই সময় হইতে রাজপুত জাতির প্রাধান্য উত্তরোত্তর বৃদ্ধি প্রাপ্ত হইতে থাকে; বাহাদুরশাহের পরবর্তী ফরকশিয়রের সময় রাজপুতের শক্তি বর্দ্ধিত এবং দিল্লীর প্রভুত্ব সঙ্কুচিত হইয়াছিল। অম্বরাদিপতি জয়সিংহ এবং যোধপুরাদিপতি অজিতসিংহ রাজপুত রাজ্য কুলে সর্বাপেক্ষা অধিক ক্ষমতাশালী ছিলেন। জয়সিংহ সসৈন্তে আগ্রার দ্বার দেশে উপনীত হন এবং অজিত সিংহ ফরকশিয়রের বিধবা মহিষীকে (ইনি অজিত

সিংহের কন্যা) বল পূর্বক স্বভবনে লইয়া যান। মোগল সাম্রাজ্যের পরিচালক সৈয়দ ব্রাহ্মণ ইহাদিগকে প্রশমিত করিবার জন্ত জয়সিংহকে সুরাটের এং অজিতসিংহকে আজমীর ও গুজরাটের কর্ত্ত্ব প্রদান করেন; ইহাতে তাঁহাদের আধিপত্য দিল্লীর পক্ষাশ ক্রোশ দূরবর্তী স্থান হইতে ভারত মহাসাগর পর্য্যন্ত সমগ্রদেশে সংস্থাপিত হয়।

বস্তুত রাজপুত জাতির ত্রিবল্যক সন্ধি তাহাদিগকে অধিকতর শক্তি শালী করিয়া তুলিয়াছিল। কিন্তু অন্যদিকে এই সন্ধির ফলে কালক্রমে তাহাদের সমস্ত মহিমা ও গৌরব অন্তর্হিত হয়। উদয়পুরের রাজকুলের সহিত অম্বর ও যোধপুরের অধিপতি যুগল বৈবাহিক সম্পর্ক-স্থাপন করিয়া অস্বীকার করেন যে, উদয়পুরের রাজ কুমারীদিগের গর্ভজাত সন্তান সর্বাপেক্ষা উচ্চ সম্মান প্রাপ্ত হইবে। যদি পুত্র হয়, তবে রাজসিংহাসনের অধিকারী হইবে; কন্যা হইলে, সম্ভ্রান্ত রাজকুলে সমর্পিত হইবে, প্রাণ থাকিতেও তাহাদিগকে মোগলকরে অর্পণ করিয়া আত্মকুলকে কলুষিত করা হইবে না। ইহাতে তাহাদের চিরন্তন জ্যেষ্ঠ স্বত্বাধিকারের ব্যভিচার হইল। যে প্রথা আবহমান কাল অক্ষুণ্ণ ভাবে প্রচলিত হইয়া আসিতেছিল, তাহার আকস্মিক বিপর্যয়ে বিষময় ফল সমুৎপন্ন হইল। যোধপুর ও অম্বরের রাজ্যদ্বয় এই চিরন্তন প্রথার ব্যভিচার করিয়া রাজপুতনার মধ্যে অন্তর্বিচ্ছেদ সমুদ্ভাবিত করিলেন। তাহার নিবারণার্থ মহারাষ্ট্রীয়গণ মধ্যস্থ স্বরূপে রঙ্গক্ষেত্রে অবতীর্ণ হইলেন, কিন্তু রাজপুত জাতির দুর্ভাগ্য ক্রমে তাহাদের সংস্পর্শ মোগলের শৃঙ্খলাপেক্ষা কঠোর হইল। তাদৃশ কঠোর স্পর্শে রাজস্থান অন্তঃসার শূন্য হইল; তাহার মহিমা ও গৌরব অন্তর্হিত হইল। *

পাণিপথের তৃতীয় যুদ্ধের প্রাকালে তেজস্বী রাজপুত জাতি নির্জীব হইয়া পড়িয়াছিল, এই সময় মলহররাও হোলকার উদয়পুর রাজ্যে প্রবেশ লাভ করিয়াছিলেন। তাঁহার ইচ্ছিতেই তত্রত্য রাজকার্য্য পরিচালিত হইতেছিল। জাহাজি সিদ্ধিয়া যোধপুর রাজ্যে প্রাধান্য স্থাপন করিয়া ছিলেন, যোধপুরের অধিপতি তাঁহার হস্তে

* যজ্ঞেশ্বর বাবু কর্ত্ত্বক অনুবাদিত টডের রাজস্থান।

ক্রীড়নক মাত্র ছিলেন । অম্বরাধিপতি জয়সিংহ পরলোক-
গত হইলে উদয়পুরের রাজকুমারীর গর্ভগাত কনিষ্ঠ পুত্র
মাধোসিংহ জ্যেষ্ঠ ভ্রাতাকে অতিক্রম করিতে উদ্যত হইলেন
এবং হোলকারের সাহায্যে স্বীয় অতীষ্ট সিদ্ধ করিলেন,
হোলকার আপন কৃতকার্যের পুরস্কার স্বরূপ অম্বর
রাজ্যের বিপুল ভার আপন হস্তগত করিয়া লইলেন ।
ইহার তিনবৎসর পর মাধোসিংহ অকালে কাল গ্রাসে
পতিত হইলেন এবং তাঁহার অকর্মণ্য ও অপ্রাপ্ত বয়স্ক
উত্তরাধিকারিগণের আমলে মহারাট্টাদের ঘোর তাণ্ডব
উপস্থিত হইল, তাহাতে সমগ্র যোধপুর রাজ্য ক্ষত বিক্ষত
হইতে লাগিল । এই ভাবে মহারাট্টাদের উৎপীড়নে
ক্রমে ক্রমে সমগ্র রাজস্থান শ্রীহীন ও নিরক্ষর্য হইয়া
পড়িয়াছিল ।

শ্রীরামপ্রাণ গুপ্ত ।

আমেরিকার অন্ধনিবাস ।

আমেরিকার নিউইয়র্ক নগরে অন্ধদিগের হিতকারী
এক সভা স্থাপিত হইয়াছে । সাধারণের স্বেচ্ছাপ্রদত্ত অর্থ
সাহায্যে এই সদনুষ্ঠান পরিচালিত হয় । বিগত ছয় বৎসর
যাবত এই মণ্ডলী স্থাপিত হইয়া থাকিলেও, ইতিমধ্যে
অন্ধদিগের দুরবস্থার অপনোদন জ্ঞাত সমিতি অসামান্য
চেষ্টা করিতেছেন ও যথেষ্ট সফলতা লাভ করিয়াছেন । দৃষ্টি
হীনতা রোগ নিবারণ উদ্দেশ্যে এই মণ্ডলীর উদ্যোগে
ব্যবস্থাপক সভা আইন প্রণয়ন করিয়াছে ; স্বাস্থ্য
পরিষৎ এবং চিকিৎসক-সমাজও সর্বদা উহাদের সহায়তা
করিয়া থাকেন । উহাদেরই চেষ্টায় নিউইয়র্কের সাধারণ
বিদ্যালয়েও অন্ধ ছাত্রগণ ভর্তি হইতে পারে । এক্ষণে সাধারণ
বিদ্যালয়ে প্রবিষ্ট অন্ধছাত্রের সংখ্যা ১৬০ । এই মণ্ডলীর
উদ্যোগে অন্ধ বালক বালিকার শিক্ষাও বাধ্যতা মূলক
করিয়া শিক্ষাবিধি সংশোধিত করা হইয়াছে ; সুতরাং সে
দেশে এক্ষণে অন্ধগণ আর অজ্ঞানতাপূর্ণ অসহায় জীবন
যাপন করে না, অথবা ভিক্ষাবৃত্তি অবলম্বন করেনা । এই
মনীষীগণেরই চেষ্টায় অন্ধগণের বোধগম্য বিশেষ অন্ধরে

মুদ্রিত "Search Light" নামক একখানা সাময়িক
পত্রিকাও প্রকাশিত হইতেছে । ইঁহারা এখন দৃষ্টি
হীনতারূপ বিরাট সমস্যার সহিত সংগ্রামে প্রবৃত্ত
হইয়াছেন, এবং বিবিধ প্রকারে অন্ধ মানবের দুরবস্থা
অপনোদনে বদ্ধপরিকর হইয়াছেন ।—সর্বাপেক্ষা বিশ্বাসের
বিষয় এই যে, এই মণ্ডলীর কর্মসাধ্যাক্ষণও সকলেই অন্ধ ।
ডাঃ জন ফিন্লে ইহার সভাপতি, শ্রীমতী হেলেন কেলাঁর
সহকারী সভাপতি, এবং উইনিফ্রুড্ হোন্ট্ ইহার
সম্পাদিকা । ইঁহারা সকলেই অন্ধ ।



বায়ামাপারে অন্ধগণ ব্যায়াম ও নানাবিধ ক্রীড়া করিতেছে ।


এই মণ্ডলীর উদ্যোগে নিউইয়র্ক নগরে অন্ধদিগের
বাসের জ্ঞাত এক বিরাট অট্টালিকা নির্মিত হইয়াছে ।
এই অন্ধ নিবাসে অন্ধদিগের মানসিক, শারীরিক ও
নৈতিক শিক্ষাদানের অতিসুন্দর ব্যবস্থা করা হইয়াছে ।
চিরঅন্ধকারে নিমজ্জিত দৃষ্টিশক্তি হীন অন্ধদিগের
উপকারার্থে এই অট্টালিকাটি উৎসর্গীকৃত—সেই জ্ঞাত
উহার নাম রাখা হইয়াছে "Light House" বা আলোক
গৃহ । দৃষ্টিহীনতাকে উপেক্ষা করিয়া অন্ধেরা বাহ্যতে
কার্যকরী শিল্প অভ্যাস করিতে পারে, এবং নিজেদের

তৈয়ারী শিল্প দ্রব্যের বিনিময়ে অর্থোপার্জন দ্বারা আবশ্যিক ব্যয়াদি নির্বাহ করিতে পারে, প্রত্যেক অন্ধকে এইরূপ শিক্ষা দিবার ব্যবস্থা করা হইয়াছে । বিশ্ব-সমাজ হইতে সম্পূর্ণ স্বতন্ত্র জীবন যাপন করাই অন্ধের পক্ষে বিশ্ব সঙ্কট এবং পর প্রত্যাশী ভাবে দাসত্বপূর্ণ জীবন আরও দুর্ভীষহ । অন্ধের জীবনের এই প্রধান অসুবিধাগুলি দূর করিবার উদ্দেশ্যে অন্ধ নিবাস এইরূপ ভাবে নির্মিত হইয়াছে যে, প্রত্যেকেই স্বাধীন ভাবে আত্মনির্ভর করিয়া কাজে কর্মে গতিবিধিতে চক্ষুমান মাননের সমকক্ষভাবে চলিতে পারে । কর্মক্ষেত্রের প্রত্যেক বিভাগে অন্ধদিগকে পরিপূর্ণ শিক্ষাদান করাই এই সমিতির উদ্দেশ্য ।

লাইট হাউস পাঁচতলা প্রকাণ্ড বাড়ী । উহার অভ্যন্তর এরূপ কোশলে নির্মিত এবং গৃহ সামগ্রী ও তৈজস পত্র এরূপ ভাবে স্থাপিত যে অন্ধদিগের কোনও অসুবিধা ভোগ করিতে হয় না । আঙুন লাগিলে পলায়নের পথ, রেলিং দেওয়া প্রশস্ত সিঁড়ি, স্থানেই মুক্ত রোয়াক প্রভৃতি নির্মিত হওয়াতে অন্ধনিবাসটা চক্ষুহীনদিগের সম্পূর্ণ উপযোগী হইয়াছে । গ্রীষ্মকালে ইচ্ছামত মুক্ত বায়ুতে চলাফিরা করিবার উদ্দেশ্যে বাড়ীর প্রত্যেক তলাতেই এক একটা মুক্ত গ্যালারী ও রোয়াক আছে । সিঁড়ি গুলি এরূপ ভাবে গঠিত যে অন্ধগণ অন্ধের সাহায্য ব্যতীত অনায়াসে তাহাতে উঠিতে ও নামিতে পারে ।

এই প্রাসাদের সর্বনিম্নতলে বয়ন শিল্প অভ্যাসের স্থান, উপরিভাগে গ্যালারী দেওয়া আছে । প্রাসাদের এই অংশ শিল্পকার্যে নিপুণ পরিশ্রমী অন্ধ কারিকরগণে সর্বদা পরিপূর্ণ থাকে, অন্ধ রমণীগণ সুদক্ষ হস্তে অসংখ্য তাঁত পরিচালনা করিয়া থাকেন, এবং বিবিধ প্রকার শিল্পদ্রব্য উৎপন্ন করেন । বস্ত্রবয়ন ও বুদ্ধি নির্মাণ কার্যে উহারা যথেষ্ট উন্নতি দেখাইয়াছেন । এই সকল অন্ধ নর-নারীর নির্মিত দ্রব্যসমূহ প্রতিযোগিতা ক্ষেত্রে চক্ষুমানদিগের নির্মিত শিল্পদ্রব্যের সহিত দাঁড়াইয়া থাকে, এমনকি কোনও ২ দ্রব্য উৎকৃষ্টতর বলিয়া আদরনীয়ও হয় । আদর্শরূপ ছয় রঙের সূতার দ্বারা উহারা নানাবিধ ছিটের কাপড় বুনিতে পারে । কয়েক দিন শিক্ষা গ্রহণের পরই উহারা অন্ধের সাহায্য ব্যতীত কার্য

করিতে পারে । অন্ধ বালিকাগণ তাঁতে সূতা পরাইতে পারে, এমনকি ৪০০ সূতা পর্যন্ত পরাইয়া থাকে, ঐসকল সূতা মাকুতে বাঙ্কিয়া অনায়াসে বস্ত্র বয়ন করিয়া থাকে । কোন্ স্থানে কোন্ রংএর সূতা ব্যবহার হইবে এবং নমুনাতে কিরূপ আছে - কেবল এই টুকু সাহায্য তাহাদের প্রয়োজন । দ্বিতলে অতি সুন্দর প্রদর্শনী গৃহ । অন্ধদিগের নির্মিত নানাবিধ শিল্পদ্রব্য—গৃহসামগ্রী, কার্পেট, রগ, বস্ত্র, ছিট, মশারী, লেস, ব্যাগ, গদি, সূচীশিল্প, বুদ্ধি প্রভৃতি—তথায় বিক্রয়ার্থ রক্ষিত থাকে । সর্ব পশ্চাতে সুন্দর একখানি মিউজিয়ম, উহাতে বহু পূর্বকাল হইতে সংগৃহীত অন্ধদিগের নির্মিত বহুবিধ শিল্পদ্রব্য ও চিত্রাদি



অন্ধ বালিকাগণ খেলা শেষ করিয়া ছাদের উপর হইতে কোঁড়িয়া নামিতেছে ।

রক্ষিত আছে ; ঐ সকল দ্রব্যসমূহ এমনই শৃঙ্খলার সহিত সজ্জিত যে উহা হইতে অন্ধদিগের মানসিক ও সর্ববিধ উন্নতির পরিচয় গ্রহণ করা যাইতে পারে । ত্রিতলে নানা বিভাগীয় কার্যালয় ও বালক বালিকা ও বয়স্ক অন্ধদিগের শিক্ষার জন্য গৃহশ্রেণী । এই স্থানে অন্ধদিগের নামের তালিকা রাখার জন্য আদমশুমারীর কার্যালয় । নিউইয়র্কের অন্তর্গত দশ হাজারেরও উপর অন্ধের নাম এই তালিকাভুক্ত হইয়াছে, ঐ সকল অন্ধ নর-নারীর

তদ্ব্যবধানের কার্য এই মণ্ডলী গ্রহণ করিয়াছেন। মিষ্টার স্বাণ্ডলিন্ নামক এক অঙ্ক এই কার্যের সম্পূর্ণ ভার গ্রহণ করিয়াছেন। স্বাণ্ডলিন অঙ্ক হইবার পূর্বে সংবাদপত্র সম্পাদক এবং ফটোগ্রাফী কার্যে বিশেষজ্ঞ ছিলেন। এই গৃহের সর্বাপেক্ষা দর্শনীয় বিষয় অঙ্কদিগের জন্ম নির্মিত ব্যায়ামাগার ও ক্রীড়ালয়। চক্ষুস্বান্দিগের অপেক্ষা চক্ষুহীনদিগের শারীরিক উপকারিতার জন্ম ব্যায়াম ও ক্রীড়া অধিক প্রয়োজনীয়। অঙ্কদিগের শারীরিক উন্নতি বিধান এবং বুদ্ধিবৃত্তির বিকাশের জন্ম ব্যায়ামাগারে বর্তমানকাল প্রচলিত সর্ববিধ সরঞ্জাম রক্ষিত আছে। একজন সুদক্ষ ব্যায়াম শিক্ষকের হস্তে এই কার্যভার গুস্ত আছে। এই শিক্ষক মহাশয়ও প্রায় অঙ্ক হইয়া গিয়াছেন। ছাদের উপর মুক্ত আকাশতলে বিস্তৃত বাগান ও খেলার স্থান, উহাতে স্কেটিং, ড্রিল, নৃত্য প্রভৃতি খেলা হইয়া থাকে। দৌড়াদৌড়ি খেলিবার জন্য রেলিং দেওয়া প্রশস্ত ও সুদীর্ঘ রাস্তা আছে। অঙ্ক বালক বালিকাগণ সাধারণ খেলোয়ারদের মত উহাতে স্বচ্ছন্দে দৌড়াদৌড়ি করিয়া থাকে। প্রাঙ্গনে বিরাট চৌবাচ্চা রাখা হইয়াছে, উহাতে অঙ্কগণ সাতার দেওয়া অভ্যাস করে, বহু সংখ্যক স্নানাগারে উহার স্বচ্ছন্দে অবগাহন, স্নান ইত্যাদি করিয়া থাকে। অঙ্কদিগের সর্ববিধ উন্নতি ও কল্যাণ কামনার নিউইয়র্কের এই সমিতি সর্বদা ব্যাপ্ত আছে। ভগবান্ এই মহাত্মভবনরনারীমণ্ডলীর সাধু ইচ্ছা সফল করুন।

শ্রীঅবিনাশচন্দ্র রায় ।

ভুবন রায় ।

ত্রিপুরার অন্তর্গত গ্রামগ্রাম নিবাসী রায় (ব্রাহ্মণ) বংশে ভুবন রায় জন্ম গ্রহণ করেন। তাঁহার পিতার নাম ভোলানাথ রায়। মাতার নাম লক্ষ্মী দেবী। লক্ষ্মী দেবীর অন্য নাম সর্বমঙ্গলা। ১৭৫১ শকাদে (১২৪১ বঙ্গাব্দে) ভুবনচন্দ্র ভূমিষ্ট হন। তাঁহার জন্মের অল্প কয়েকদিন পরেই ভোলানাথ রায় পরলোক গমন করেন। পিতৃহীন শিশু পুত্রটিকে লক্ষ্মীদেবী নিতান্ত কষ্টে প্রতি-

পালন করিয়াছিলেন। জগজ্জননী ভুবন ভুবনচন্দ্রকে অসাধারণপ্রতিভা প্রদান করিয়া ছিলেন। শিশুকালে তিনি পাঠশালায় বাঙ্গালা ও মধ্যতবে পারশ্র ভাষা অধ্যয়ন করতঃ ১২ বৎসর বয়সে কৃতদ্বিষ্ণু হইয়া ছিলেন।

বাল্যকাল হইতে ভুবনচন্দ্র বিশেষ সঙ্গীতানুরাগী ছিলেন। প্রথমত তিনি গ্রামগ্রাম নিবাসী নটজাতীর রামগতি সরদারের নিকট সঙ্গীত শিক্ষা আরম্ভ করেন। পশ্চাৎ বহু সংখ্যক কলাবৎ ও উস্তাদের নিকট গীতবাস্ত শিক্ষা করতঃ ভুবনচন্দ্র সঙ্গীত শাস্ত্রে বিশারদ হইয়া ছিলেন। সাধক মণ্ডলীর মধ্যে অনেকেই সঙ্গীত রচনা করিয়াছেন, কিন্তু ভুবনচন্দ্রের গায় এরূপ সঙ্গীত শাস্ত্রে বিশারদ অনেকেই ছিলেন বলিয়া আমরা অবগত নহি। যে রামগতি বাল্যকালে ভুবনের শিক্ষক ছিলেন সেই রামগতি শেষ জীবনে ভুবনের শিষ্য বলিয়া আপনাকে গৌরবান্বিত মনে করিতেন।

ত্রয়োদশ বর্ষ বয়স্ক কালে ভুবনচন্দ্র বিষয়াশ্বেষণে কুমিল্লা নগরীতে গমন করেন। শৌভাগ্য বশতঃ এই সময় ত্রিপুরার মাজিষ্ট্রেট সাহেবের অধীনে একটা মোহরের পদ শূন্য হয়। ভুবন সেই পদ প্রার্থী হইয়া পারসী ভাষায় দরখাস্ত করেন। তাঁহার সুন্দর হস্তলিপি ও রচনা নৈপুণ্য দর্শনে কর্তৃপক্ষ ত্রয়োদশ বর্ষীয় বালক ভুবনকেই সেই পদে নিযুক্ত করেন। কিছুকাল বিশেষ দক্ষতার সহিত সেই পদোচিত কার্য সম্পন্ন করতঃ তিনি দ্বিতীয় শ্রেণীর ওকালতি পরীক্ষায় উত্তীর্ণ হইয়াছিলেন। এই সময় তিনি পুলিশ সবইন্সপেক্টরের পদ প্রাপ্ত হইয়া ছিলেন। কিন্তু অল্পকাল মধ্যেই তিনি পুলিশ কর্মচারিদিগের পুতিগন্ধময় কর্ম জীবনের আত্মাণ প্রাপ্ত হইয়া সেই পদ পরিত্যাগ করিবার জন্ম লাভায়ািত হইলেন।

এই সময় ত্রিপুরার সঙ্গীতানুরাগী মহারাজ বীরচন্দ্র মাণিক্য বাহাদুর কুমিল্লায় আগমন করেন। ভুবনচন্দ্র মহারাজের সহিত সাক্ষাৎ করেন।

তাঁহার স্বরচিত সঙ্গীত শ্রবণে মুগ্ধ হইয়াও গুণাবলীর পরিচয় প্রাপ্ত হইয়া গুণগ্রাহী মহারাজ তাঁহাকে চাকলে রোসনাবাদের পেস্কারের পদে নিযুক্ত করেন।

এই সময় তিনি জনৈক কোলাচারি সাধুর সঙ্গলাভ করেন এবং তাঁহার উপদেশানুসারে তিনি সুরাপানে অব্যাহত হন। উত্তর কালে এই সুরারাক্ষসীই তাঁহার সর্কনাশ সাধন করিয়াছিল। সুরার প্রসাদে তিনি শেষ জীবনে কপর্দকহীন ভিখারী হইয়াছিলেন।

ভুবনচন্দ্র ২৩ বৎসরের অধিক পেশারের কার্যে নিযুক্ত ছিলেন না। কতকগুলি ছুটি লোকের চক্রান্তে তিনি রাজ মন্ত্রী ব্রজমোহন ঠাকুর কর্তৃক পদচ্যুত হইয়া ছিলেন। তৎপর তিনি রাজধানী আগরতলায় গমন করেন। এই সময় তিনি তাঁহার পূর্বপদ লাভের জন্য চেষ্টা করিয়াছিলেন, কিন্তু ভাগ্যলক্ষী তাঁহার প্রতি প্রসন্ন হইলেন না।*

তদনন্তর ভুবনচন্দ্র ময়মনসিংহের কোন জমীদারের নায়ের হইয়া জামালপুরে গমন করেন। তথায় সঙ্গীত শাস্ত্র বিশারদ জনৈক ব্রহ্মচারীর সঙ্গলাভ করতঃ তাহার সাহায্যে সঙ্গীত শাস্ত্রে আরও অধিকতর দক্ষতা লাভ করিতে সক্ষম হইয়াছিলেন। সঙ্গীত সম্বন্ধে এই ব্রহ্মচারীই ভুবনচন্দ্রের প্রকৃত গুরু বটে। জামালপুর পরিত্যাগ করতঃ তিনি কলিকাতা, মুর্শিদাবাদ প্রভৃতি স্থানে গমন করিয়া ভিন্ন ভিন্ন জমীদারের অধীনে নায়েরী করিয়া প্রচুর অর্থ সংগ্রহ করিয়াছিলেন। কিন্তু সুরা-রাক্ষসীর রূপায় সর্কস্বাস্ত হইয়া অবশেষে দেশে প্রত্যাভর্তন করতঃ নবীনগরের মুন্সেফী আদালতে ওকালতি আরম্ভ করেন। লক্ষ্মীঠাকুরাণী কিন্তু তাঁহার প্রতি আর সদয় হইলেন না। ব্যবসায়ের প্রতি তাঁহার কিছু-যাত্রা অনুরাগ ছিল না। জগজ্জননী নাম গানই তাঁহার প্রকৃত ব্যবসা হইয়াছিল। তিনি মায়ের পাদপদ্মে আত্ম-সমর্পণ করতঃ মুক্তির প্রস্তুত সোপান প্রস্তুত করিতে-ছিলেন। যদিরাপানে তিনি যখন চন্দ্রচন্দ্র মুদ্রিত করিয়া পথে ঘাটে মাঠে পড়িয়া থাকিতেন, তখনই তাঁহার জ্ঞান-নেত্র বিকশিত হইত। জগজ্জননী তখন তাঁহার হৃদয়ে

মহাসুরা ঢালিয়া দিয়া কলুষিত নরলোক হইতে তাঁহাকে বহু উর্দ্ধে লইয়া বাইতেন, চিদানন্দজ সুমধুর সঙ্গীত রচনা করিয়া মায়ের গুণগান করিতেন। ধন ভুবনচন্দ্র! তোমার জন্ম দ্বারা গ্রামগ্রাম—ত্রিপুরা পবিত্র হইয়াছে। সর্কবিঘ্না ঠাকুরের পর মীর্জাহসেন আলী, তৎপর রামহুলালের তিরোধানের পর ত্রিপুরাবাসী তোমাকে পাইয়াছিল। কিন্তু তোমার জীবিতাবস্থায় তাহারা তোমাকে চিনিত পাবিল না। অনেকে তোমাকে অনেক প্রকার যন্ত্রণা দিয়াছে, এই সকল নর পিশাচগণ এইক্ষণ কোথায়? তাহাদের নাম চিরকালতরে ডুবিয়া গিয়াছে আর তোমার নাম ও যশ দেশ দেশান্তরে ঘোষিত হইতেছে :—

“শ্রামগ্রামে রায় ভুবনমোহন,
তব গুণ গানে মোহিত ভুবন ;
তাজিয়ে এখন মর্ত্ত ভুবন

গিয়াছ তোমার সদনে ॥”

ভুবন রায়ের শ্রামাসঙ্গীত মালসী দেশ প্রসিদ্ধ। শ্রামা বিষয়ক সঙ্গীত ব্যতীত তিনি অসংখ্য নানা প্রকার সঙ্গীত রচনা করিয়া গিয়াছেন। কালীবিলাস, মান বিলাস, রাবণ বধ প্রভৃতি যাত্রা গানের কতক-গুলি পালা তিনি রচনা করিয়াছিলেন। তাঁহার রচিত হিন্দী সঙ্গীতে তাহার অসাধারণ ক্ষমতার পরিচয় প্রাপ্ত হওয়া যায়। রাবণ বধ হইতে বারণের উক্তি একটা গীত এস্থলে উদ্ধৃত হইল :—

সিদ্ধ মিশ্র—ঠুংরী।

আমার হলকি বেয়ারাম
কেবল হেরিরাম, দুর্কাদল শ্রাম, জটাধারী ॥
বিমানের ধরাতে, সনুখে পার্শ্বতে,
দক্ষিণে পশ্চাতে, (হেরি) রাম ধনুকধারী ॥
(আমার) কোথা গেল তেজ, ইন্দ্রিয় নিশ্চেজ,
কফপিত্ত বায়ু হইল সতেজ ;
যে মকরধ্বজে নাষিবে সে তেজে,
কালবশে বিষ ক্রিয়া তয়তারি ;
সুঘুয়া ইড়া, পিঙ্গলা ত্রিশিরা,
বেগে বহে তাণা নিবারিতে নারি,

*ভুবনচন্দ্রের সঙ্গীত প্রকাশক লিখিয়াছেন যে, এই সময় তিনি “নায়ের দেওয়ানের” পদ প্রাপ্ত হন। কিন্তু বর্তমান প্রবন্ধ লেখক এইসময় আগরতলা রাজ কার্যে নিযুক্ত ছিলেন। তিনি ভুবনচন্দ্রকে তথায় বেকার অবস্থায়ই দর্শন করেন।

কি করি কি করি কিসে প্রাণ ধরি ;
 (আমার) হইল দুর্কলে সবলা নাড়ী !
 সন্নিহিত আবল্যে নয়ন মুদিলে
 রাম বলে প্রাণ উঠে শিহরি ।
 ভাবিলে সে রাম, ত্রিদোষ বেরাম
 হয় যে আরাম বলিতে নারি ।
 রাম কণ্ঠ রোগে রাম কালভোগে
 রাম বিনে কি ঔষধ আছে তারি ।
 বটীতার রাম, পথ তার রাম
 রাম অনুপানে ভুবনে তারি ॥ *

একটা সঙ্গীতে কলির প্রজাবন্দকে ভুবনচন্দ্র বিশেষ
 রূপে আপ্যায়িত করিয়াছেন । আমরা তাহার “কলির
 লীলা” সঙ্গীতটা এস্থলে উদ্ধৃত না করিয়া বিরত হইতে
 পারিলাম না ।—

বেহাগ—আঁকা

কলির লীলা আজব খেলা চেয়ে দেখনা ভাই ।
 কলে হৃদ মজা কলির প্রজা হেরে বলিহারি যাই,

* পূর্ববঙ্গের বিখ্যাত পাঠক কৃষ্ণকান্ত ভট্টাচার্য্য মহাশয়ের
 রচিত রাবণের উক্তি একটা সুন্দর গীত শ্রুত হওয়া যায় । আমরা
 তাহা এস্থলে উদ্ধৃত করার লোভ সঞ্চারণ করিতে পারিলাম না ।

ইমন পুরবী একতারা ।

আমি হারি নাই, হারি নাই, হারি নাই ।

বল কিসে হারি, গোলক বিহারী,

আমি কলেতে হারিতে পারি নাই ॥

দায় পরে ভূমি এসেছ হেথায়, আমি যাই নাই অযোধ্যায়,

চেতনারগরে রহিয়াছ ঘারে হারি হয় কিনা তাই ॥

যম অস্ত শূন্য করিয়া গোলোক, নরমুর্ক্তি ধরি এলে মর্তলোক ;

জিনিয় তোমাকে, তোমায় হেথা রেখে আমি পুলকে

গোলোকপুরে যাই ॥

যে বলে আমার হইয়াছে হারি, বুঝিবার ভ্রম তাহারি,

হারি বলি তার, অধোগতি যার, অস্তে না পায় শ্রীহারি ।

হারিতাম, যদি তোমায় মারিতাম, অপরাধ নিরয় মাঝে ভুবিভাম,

রণে হারিলাম, তবে তরিলাম, এমন হরিলাম কোথা গেলে পাই ।

আগম শ্রুতি পুরাণে প্রচার, মরণে যা মতি, সেই পতি তার ;

সমকে প্রত্যক্ষ দেখে নারায়ণ, দশানন করে ধরাতে শয়ন,

ঐবীণ চরিতার্থ করি মুদিল নয়ন, এখন হরি প্রীতে হরি বল ভাই ।

মাকে পরায় নেকড়া পাচড়া, মাগকে দেয় শাড়ী ঢাকাই ॥
 নবাবাবুগণ সাহেবী ধরণ ।

চাঁপ দাড়ি প্রণাম ছাড়ি কচ্ছে হেণ্ড সেকেন্ ,
 কাঁটা ছেঁড়া কর্চে ভক্ষণ হিন্দু যবন প্রভেদ নাই ।

নব্যানারীগণ এলবার্ট ফেসান্ ।

টেরী সীতা বেনী বেঁধে বেড়ায় পরীগণ ।

উলস্‌তায় ষ্ট্রিকিং বোনে শাণ্ডী-দাসী খাটাই ॥

পেটুক ব্রাক্‌স ফোঁটার বিচক্ষণ

চিনি সন্দেশ মণ্ডা মিঠাই খেতে বিলক্ষণ,

নম নমিয়ে চণ্ডী পড়ে শ্লোকের অর্থ বোধ নাই ॥

চোর চুটী মাতাল রাড় ছিনাল বৈতাল,

হরি নামের ভেক ধরিয়ে বাড়াচ্ছে জঞ্জাল ।

যাতে ইচ্ছা তাতে মজে জাতিকুলের বিচার নাই ॥

সরাপ গাঁজা খোর বদমায়েস প্রচুর ।

কালী শিবের ভান করিয়ে নেশাতে বিভোর ।

মৎস্য মাংস * * নিয়ে আমোদ করে কাল কাটাই ॥

বেহাল ভুবনে বলে যতনে ।

সার করিয়ে গুরু নাম ভাব এককনে ।

দয়ালচাঁদের দয়া বিনে ভবপারের উপায় নাই ।

ভুবনচন্দ্র তিনটি গীতে আত্ম দুঃখ কাহিনী বর্ণনা
 করিয়াছেন । তৎপ্রবণে হৃদয় বিস্মীর্ণ হয় । তন্মধ্যে
 একটা গীত এস্থলে উদ্ধৃত হইল ।

সরফরদা—আড়াঠেকা —

মাগো ভবদারা, কি দোষে আমার

দক্ষিণ হস্তের বৃদ্ধাজুলী ভেঙ্গে কলে সারা ॥

লিখা পড়া হল ক্ষান্ত, আহার কর্চে প্রানান্ত, ১

ধর্তে কর্চে কতই কষ্ট জীয়ন্তে যা হলেম মরা ॥

অঙ্গনিলে, চক্ষু নিলে আঁতের * পীড়া সঞ্চারিলে,

আতুর কলে কাগী মোরে গৃহ হল কারা ;—

করে নাহি কড়া কড়ি কিপে এ জীবন ধরি,

যেরে ফেণ যা শঙ্করী, ভুবন তবে বাঁচে তারা ।

যখন ভুবনচন্দ্র হৃদশার চরম সীমায় উপনীত হইলেন,
 সেই সময় জগজ্জননীর করুণা বিন্দু বিন্দু প্রকাশিত হইতে
 আরম্ভ হইল । দয়াময়ী আর থাকিতে পারিলেন না,

* অস্তবৃদ্ধি—হারিয়া ।

তাহার প্রিয়পুত্রকে কোড়ে গ্রহণ করিবার জন্ত লালায়িত হইলেন। অবশেষে ১২৯৬ বঙ্গাব্দের জ্যৈষ্ঠ মাসে একদিন নিশীথ সময়ে দীর্ঘকায়—জটাজুট মণ্ডিত লম্বিত ঋণ তেজঃপুঞ্জ কলেবর এক মহাপুরুষ নিঃশব্দ পাদবিক্ষেপে গৃহে প্রবেশ করতঃ ভুবনচন্দ্রের শয্যাপার্শ্বে উপবিষ্ট হইলেন। তৎপর অনেকক্ষণ ব্যাপিয়া মৃদুস্বরে ভুবনচন্দ্রের সহিত আলাপ করিয়া গৃহ হইতে বহিষ্কৃত হইলেন। ভুবনচন্দ্রের মুখ কমল আনন্দে ভাসিয়া গেল। তৎপর দিবস প্রাতে জ্বালাযন্ত্রণাময় নরলোক পরিত্যাগ করতঃ ভুবনচন্দ্র আনন্দের সহিত জগজ্জননীর কোড়ে আশ্রয় গ্রহণ করিলেন।

শ্রীকৈলাসচন্দ্র সিংহ।

বাল্য-বন্ধু।

শ্রামনগর মধ্য ইংরেজী স্কুলের মাইনার ক্লাশে পড়িবার সময় অজিত ও নির্মল পাশাপাশি বসিত বলিয়া হেড পণ্ডিত মহাশয় তাদের দুজনকে “মাণিক জোড়” বলিয়া ডাকিতেন। সে জন্ত স্কুলের ছেলেদের হাতে এই দুটি প্রাণকে অনেক উৎপাত সহিতে হইয়াছে। কিন্তু অতিশয় আশ্চর্যের বিষয় এই যে, পণ্ডিত মহাশয়ের উপাধিদানের পূর্বে, অজিত কিম্বা নির্মল কেউ তাহাদের দুজন্যের মধ্যে কোনও প্রকার সখ্যতাশ্চক বন্ধুত্ব বন্ধনের অস্তিত্ব অনুভব করে নাই। এখন সর্বপ্রকার বর্হিশক্রর আক্রমণ হইতে আত্মরক্ষা করার জন্ত পরস্পরের সাহায্যে এই নবাবিস্কৃত বন্ধুত্বের দুর্গটী সুরক্ষিত করা অত্যন্ত আবশ্যক হইয়া উঠিল। রাজনৈতিক ব্যাপারেই এরূপ বন্ধুত্বের প্রয়োজন ও সমাদর দেখা যায়; বিখ্যালেই এরূপ বন্ধুত্বের বড় বিশেষ একটা প্রভাব দেখা যায় না।

সে যা হোক, যে বন্ধুত্ব বাহিরের প্রয়োজনের ভিতর জন্ম গ্রহণ করিয়া, বাচিয়া থাকিবার জন্ত শুধু বর্হিজগতের উত্তেজনার অপেক্ষা রাখে, সে বন্ধুত্ব শিথিল বৃন্ত ফুলটীর মত নিতান্তই ক্ষণস্থায়ী হইয়া থাকে। এ ক্ষেত্রেও, উৎপাত যখন আস্তে আস্তে পড়িয়া গেল, তখন বন্ধুত্বের প্রয়োজনটীও আর সজীব থাকিল না। কাজেই দুই

বন্ধুর হৃদয়-তটে স্মৃতির একটা মাত্র রক্তরেখা টানিয়া রাখিয়া সে বন্ধুত্বের নির্মল ধারা শব্দ গন্ধ স্পর্শের জগত হইতে অনেক খানি দূরে সরিয়া গেল।

নির্মল এখন কলিকাতা সহরের একজন উপাধিধারী ডাক্তার বেশ বাধা ‘পশার’ করিয়া বসিয়াছে। সে এখন ঢের টাকা রোজগার করে। যদিও গরীব মহলেই নির্মলের ‘পশার’, তবু সে কুটুম্বিতা টুকু বজায় রাখিতে চায়, ধনী লোকদের সহিত; জীবন-সঙ্গীতের সুরটী বাধিতে চায়, সৌভাগ্য লক্ষীর সুপুর ধ্বনির সহিত। মানুষ সে অবস্থায় আসিয়া পঁহছিলে অভাবটাকে আর কিছুতেই শ্রদ্ধার চোখে দেখা যায় না এবং দৈন্ত্যশ্রিত পরম-হংসকেও পদে পদে অপরাধী বলিয়া মনে হইতে থাকে।

অজিত এখন কলিকাতা সহরেই একটা বেসরকারী স্কুলে মাষ্টারী করে। যদিও সেখানে “সিলভার টনিক” টার ভাল রকম বন্দোবস্ত নাই, তবু, নির্মল শিশুরাজ্যের চির নবীন আনন্দের মাঝে তার অনেকখানি প্রাণের ক্ষুধা চরিতার্থ হয়। সে অসচ্ছন্দতাটাকে নিরবচ্ছিন্ন দুঃখ বলিয়া মনে করে না। এই হিসাবে অজিত নির্মলের চাইতে ধনী। একথা অস্বীকার করা যায় না!

* * * *

মৃঙ্গাপুর ষ্ট্রীটের ধারে একটা দোতাগা বাড়ীতে নির্মল বাস করে। তার পাশে স্বর্ণকমল বাবুর বাড়ী। তার পরেই একটা ছেলেদের মেস। তারি একটা কামরায় অজিত বাসা করিয়া থাকে।

দুজন্যের বাড়ী যদিও এত কাছাকাছি, তবু নির্মলের সহিত অজিতের দেখা শুনাটা বেশী ভাগ পথে ঘাটেই শেষ হইত। অজিত মাঝে মাঝে নির্মলের বাড়ী গিয়াও দেখা শুনা করিত বটে, কিন্তু নির্মল অজিতের “চীল কোঠার” মত ছোট কামরাটীর মাঝে বড় একটা দেখা দিত না। এখনকার আলাপ গুলিও যেন আগেকার মতন জমিয়া উঠে না। এখন যেন ভদ্রতার আদান প্রদানই বেশী; তার ভিতরে কোনও রূপ আন্তরিকতা দেখা যাইত না। কখনো কখনো পুরাণো সুখ দুঃখের আলোচনার ভিতর দিয়া গত শৈশব এক একবার উঁকি দিয়া পালাইয়া যাইত। কিন্তু বন-জঙ্গল-ফুল-কাঁটার

ভিতর দিয়া, হুটী হৃদয়ে গোপনে আনা গোনা করিবার যে ছোট একখানা সরু পথ পড়িয়া গিয়াছিল, সেটা আজ কোথায় ? যেন বহুকালের বিস্মৃতি, অনাদি যুগের ধলা— জমিয়া সে পথের রেখাটা এখন একেবারে মুছিয়া গিয়াছে!

অজিত ও নির্মল দুইজনেই অবিবাহিত। কোনও প্রকার চিরকুমার স্তম্ভর সত্য না হইয়াও এই দুটি যুবক কেন যে এত দিন বঙ্গদেশের কতাদায় গ্রন্থ পিতৃকুলকে একরূপ নির্মম ভাবে বঞ্চনা করিয়া আসিয়াছে, সে সম্বন্ধে কোন কৈফিয়ৎ তাদের নোট বইএর কোণে লেখা ছিল না। কিন্তু আইবড় কন্ঠার পিতাদিগের অভিধানেই হোক, কি মনস্তত্ত্ব সম্বন্ধীয় অথবা কোন গোলযোগ বশতঃই হোক, নির্মলের নিকট তাহার সজ্জিত আসবাব পূর্ণ কামরাগুলি কিছু দিন হইল ভারি ফাঁকা ফাঁকা ঠেকিতে আরম্ভ হইয়াছে। মার্কেল পাথরে বাধা ঝকঝকে ঘরের মেঝের উপর কারো ছাণি চঞ্চল পদপল্লবের সুন্দর আঘাত পড়ে না—দেয়ালে ঝুলানো ছোট বড় আয়না-গুলিতে দেখিবার মত একটা মুখের ছবি ফুটিয়া উঠে না। আলনার উপর রংবেরঙের সাড়ি সাজাইয়া রাখিবার মত মানুষটা পর্য্যন্ত নাই!

গরীব স্কুল মাষ্টারের যদিও এসব উৎপাত ছিল না, তবু তার হৃদয়-কুঞ্জ আকাজ্জক গন্ধজাল জড়িত অতৃপ্ত ফুলগুলির ফাঁকে ফাঁকে একটা জীবন সঞ্জিনীর খোঁজ পড়িয়া গেছে। বসন্তের ফুল যখন ফুটিতে আরম্ভ হয়, তখন কোকিলের কুহবর আপনি মনে পড়িয়া যায়! হৃদয়াকাশে সবে আশার শুভ্র আলোকপুঞ্জ ফুটি ফুটি করিতেছে সে শুভ্রতাকে বিচিত্র করিবার জন্ত তখনো প্রেমাক্রম রাস্তা হইয়া উঠে নাই! তরুরাজির শিরে শিরে সবে লাবণ্যের পরশ লাগিয়াছে, নীচের দিকে তখনো নিশী-থের ছায়াটুকু দেয়ী করিতেছিল। অজিত ও নির্মলের মনোরাজ্যের অবস্থাটা যখন কতকটা এই ধরণের, তখন সহসা প্রাচীমূলে উষাতারা অত্যন্ত উজ্জলভাবে দেখা দিল।

চিকিৎসা ব্যাপারে রোগী নিরোগ অনেকেরই অনেক প্রকার লাভালাভ হইয়া থাকে, এবং নুতন ডাক্তারেরা যে চিকিৎসা করিতে আসিয়া অনেক নুতন ভঙ্গ আবিষ্কার করিয়া ফেলেন, সে সম্বন্ধে ছোট গল্পে

দীর্ঘ বর্জতা করা অনাবশ্যক। এই চিকিৎসা উপলক্ষেই একদিন স্বর্ণকমল বাবুর বাড়ীতে নির্মলের ডাক পড়িয়া গেল। স্বর্ণকমল বাবুর মেয়ে উষার জ্বর। নির্মলের কুইনাইনের স্তোরে উষার শরীর দুই দিনে সারিয়া গেল। নির্মলের বাহাহুরী এই যে, উষা সারিয়া উঠিয়া বলিল, কুইনাইন যে একরূপ সর্বপ্রকার তিক্ততা বর্জিত ও সুখাত্ত হইতে পারে, তা সে ইতঃপূর্বে জানিত না। স্বর্ণকমল বাবু নির্মলকে ভিজিটের টাকা শোধ করিয়া দিতে গেলেন, কিন্তু সে কিছুতেই ভিজিট লইল না। অথচ কি জন্ত লইবে না, স্বর্ণকমল বাবুকে তার কোনও সম্ভাব জনক কৈফিয়ত দিতে পারিল না। সে স্বর্ণকমল বাবুকে মাথা চুলকাইতে চুলকাইতে একটু লাগ হইয়া উঠিয়া যা কৈফিয়ত দিল, তার মোটা মুটি মানে—প্রতিবেশীর কাছে নেহের দাবীই সঙ্গত, ভিজিটের প্রত্যাশা উচিত নহে।

নির্মলের কৈফিয়তে কিন্তু স্বর্ণকমল বাবুর বিশ্বয় কাটিল না। তিনি মনে মনে বলিলেন—যে কলিকাতা সহরে খণ্ডর বাড়ীতে স্ত্রীকে চিকিৎসা করিয়া পর্য্যন্ত ডাক্তারেরা ভিজিট আদায় করিয়া থাকে; সেখানে প্রতিবেশীকে খাতির করিয়া ভিজিট না লওয়ার কথা আর ইতঃপূর্বে শুনা যায় নাই। ছোকরাটা বোধ হয় নুতন ডাক্তার—আজ্ঞো টাকার উপর তেমন মায়া বসে নাই!

সেই হইতে স্বর্ণকমল বাবুর বাড়ীতে নির্মলের যাওয়া আসা আরম্ভ হইল। স্বর্ণকমল বাবুর পরিবারের সহিত এই ভাল মানুষ ডাক্তারটির আত্মীয়তা যে অতি অল্প সময়ের মধ্যেই ঘনিষ্ঠ হইয়া উঠিল, তার কারণ হিন্দু হইলেও স্বর্ণকমল বাবু উচ্চ শিক্ষিত সহরের লোক; তবে তাঁর অন্তঃপুর একেবারে 'বেপরদা' এমন কথা বলা যায় না, তবে তাঁহার জানালা দরজায় লেশযুক্ত নেটের হাপ পরদাই দেখা যাইত, এবং তাদের ফাঁক দিয়া আলো এবং হাওয়া দুই-ই অন্তঃপুরে প্রবেশ করিত।

সন্ধ্যাবেলা অবসর পাইলেই, নির্মল নিরীহ ভক্তটির মত স্বর্ণকমল বাবুর বৈঠকখানায় আসিয়া জুটিত। সেখানে সে সমাধি, সাহিত্য, রাজনীতি, দেশের কথা, বিলাতের কথা লইয়া একাই আসন্ন গুলজার করিয়া তুলিত। কথা বলার ও পান খাওয়ার সে নুতন সত্যটির সহিত

আর কেউ আঁটিয়া উঠিতে পারিত না। সময় সময় বাপের আদেশ মত, উষা আসিয়া তার পিতার বন্ধু-বান্ধবদিগকে চা বিতরণ করিয়া যাইত, কখনো বাটায় করিয়া পান আনিয়া দিয়া যাইত, চায়ের টেবিলের চারিদিক হইতে যখন বর্জ্যতার বড় অত্যন্ত তুমুল হইয়া উঠিত, তখন উষা কখনো তার পিতার চেয়ারটির হাত ধরিয়া দাঁড়াইয়া সেই সব কথাবার্তা শুনিত। ক্রমশঃ নিশ্বলের অবস্থা এমন হইয়া উঠিল যে উষার খাস হাতে তৈরী চায়ের নেশা এড়াইয়া সন্ধ্যাবেলা কোনও রোগীর বাড়ী যাওয়া অসাধ্য হইয়া উঠিল। এবং যে দিন সন্ধ্যায় উষা উপস্থিত থাকিত, সে দিন নিশ্বলকে তর্কযুদ্ধে কেহ হঠাইতে পারিত না।

নিশ্বল স্বর্ণকমল বাবুর বাড়ীতে যাতায়াত শুরু করিয়াই দেখিতে পাইল, অজিত সেখানকার সাক্ষ্য-সভার রীতিমত সভ্য। সে যেভাবে হাজিরা দিয়া আসিতেছে, তাতে তার নিষ্ঠা সঙ্কে কারো কোন সন্দেহ থাকিতে পারে না। নিশ্বল সেখানে অজিতকে দেখিয়া অত্যন্ত বিস্মিত হইয়া গেল, এবং অজিতও নিশ্বলকে দেখিতে পাইয়া লাল হইয়া উঠিল! অথচ নিশ্বলের যেমন বিস্মিত হইবার কোনও অজুহাত ছিল না, তেমনি অজিতেরও ততটা অপ্রতিভ হওয়ার কোন সঙ্গত কারণ ছিল না।

কোনও একটা বিষয় লইয়া তর্ক উঠিলে, নিশ্বল যেমন বড়ের মত বকিয়া গিয়া অনেকটা গায়ের জোরে নিজের মতগুলির অধুনাীয়তা প্রতিপন্ন করিয়া বাহাদুরী লইতে পারে, অজিত তা পারিত না। সে নিজে মুখচোরা মানুষ, তার মুখ চোখের উপর কেমন একটু মেরেলি লাজুক ভাব। তর্কযুদ্ধে সে মোটে ভিঁড়িতেই চাহিত না বলিয়া নিশ্বল তাকে ভীকু কাপুরুষ প্রভৃতি বদনাম দিয়া ছলে বলে কৌশলে তর্কের মধ্যে টানিয়া আনিয়া শেষকালে তার মতগুলিকে নির্দয়ভাবে গলা টিপিয়া মারিত, এবং এই অবস্থায় নিশ্বলের সহিত অন্টার যুদ্ধে পরাজিত হইয়াও অজিত যেরূপ হাসিতে থাকিত, তাহাতে তার উপর সকলেরই মায়্যা হইয়া গিয়াছিল। ফলে বাস্তবিক অজিত স্বর্ণকমল বাবুর মজলিসে হারিয়াই বশস্বী হইয়াছিল!

* * * * *
সে দিন সন্ধ্যার পর স্বর্ণকমল বাবুর বৈঠকখানায় আমাদের দেশের বিবাহ পদ্ধতির আলোচনা হইতেছিল। নিশ্বল আমাদের দেশের বিবাহ পদ্ধতির উপর বড় বড় জলন্ত কামানের গোলা নিক্ষেপ করিতেছিল, নিশ্বলের অতটা উত্তেজনার কারণ এই যে বিষয়টার মধ্যে তার একটা ব্যক্তিগত স্বার্থের ছিট ছিল এবং সে সন্ধ্যায় বর্ষার দুর্ধোগ বশতঃ নিশ্বল ও অজিত ভিন্ন আর কোনও সভ্য সেদিন উপস্থিত ছিলেন না। বিশেষতঃ স্বর্ণকমল বাবু সে দিন বাড়ীতে ছিলেন না। সভ্য দুটির চায়ের ভূষণ মিটাইতে আসিয়া উষা ঠেকিয়া সভাপতি হইয়া পড়িয়াছে।

নিশ্বল বলিতেছিল :—“বিবাহ করিবার মূলধন হচ্ছে খাঁটি ভালমাসা ; আজ কালকার দিনে এ সব ব্যাপারে যদি বাপ মা হস্তক্ষেপ কতে আসেন, তবে আর তাঁদের পদ-মর্যাদা বজায় থাকবে না।”

অজিত বলিল :—“সমাজের শৃঙ্খলা জিনিষটা যখন মানুষের খেয়ালের বিরুদ্ধে যায়, তখন শৃঙ্খলাটাকেই মানুষের নিকট বন্ধনের মত শক্ত ঠেকে! কিন্তু সে ধারণাটা সম্পূর্ণ ভুল।”

নিশ্বল গর্জিয়া বলিল :—“তোমার আজো সত্যিকালের সংস্কারগুলো ঘুচলো না! সমাজের শৃঙ্খলা টেকে গিয়ে, আমাদের নিজেদের রুচি যদি তাঁরা পদে পদে অগ্রাহ্য করেন, তবে শেষকালে আমাদের জীবনের বিশৃঙ্খলার জন্ত দায়ী হবে কে?”

অজিত—“রুচিটাকে সব সময় বাপ মার অভিজ্ঞতার চাইতে বড় করে ভাবলে শীগগিরই সমাজটাকে একটা প্রকাণ্ড ডাইভোস কোর্ট করে খাড়া কতে পারো! তাহলে আগে আইন করে ডাইভোসের বন্দোবস্ত কর, তার আগে রুচি রুচি বলে ক্ষেপে উঠলে চলবে না।”

নিশ্বল—“মাপ কর অজিত, বাপ মা হলেই যে তাঁরা সব সময়ই ঠিক বুঝবেন, আর আমরা সব সময়েই ভুল করবো, সেরূপ মনে করবার দিন আর নেই।”

অজিত—“আমরা যদি তা মনে না করি, তাতে আমাদের নিজেদের মর্যাদা যে খুব বেশী বাড়ে, তা মনে হয় না।”

নির্মল—“এখানে পদমর্যাদার কথা হচ্ছে না, ভুল ভ্রান্তির কথাই হচ্ছে।”

অজিত—“ভুল করার সম্ভাবনাটা যখন আমাদের দিকেই বেশী, তখন, এক্ষেত্রে তাঁদের চাইতে আমাদের দিকে সাবধানতার প্রয়োজনটা বেশী।”

নির্মল তার বাক্যতুণ হইতে আর একটা স্মৃতিশূন্য শব্দ ভুলিতেছিল, এমন সময় শ্রীমতী সভাপতি মহাশয়া বলিলেন :—“ডাক্তার বাবু, আপনার তর্কটা যেন আধখানা রকম হচ্ছে! এ সব ব্যাপারে ছেলে মেয়ের মতামতের উপর বাপ-মার নজর থাকা উচিত কিন্তু বাপ মাকে একেবারে বাদ দিলে, ব্যাপার যে বিষয় হয়ে গড়াবে।”

তর্কযুদ্ধে অজিতের এই প্রথম জিৎ! নির্মল সেদিন এমন বিচলিত হইল যে তর্কে হারিয়া মানুষ কখনো এত বেপরোয়া বিচলিত হয় না। নির্মল মনে করিল, যে সভাপতিটাকে জিনিয়া লইবার জন্ত সেদিনকার মল্লযুদ্ধে সে সভাপতিই নিজে স্বহস্তে অজিতের ললাটে বিজয় ফোটা টিপিয়া দিলেন!

* * * * *

পদদিন সকাল বেলা দুই তিনটা কল ফিরাইয়া দিয়া, নির্মল তার বসিবার ঘরে একটা খবরের কাগজ লইয়া অন্তমনস্কভাবে নাড়া চাড়া করিতেছিল। এমন সময় একটা টুইলের টেনিস-সার্ট গায়ে অজিত চটিজুতার চট চট শব্দে নির্মলের শান্তিতঙ্গ করিয়া ঘরের ভিতর ঢুকিয়া পরিল।

অজিতকে দেখিয়া নির্মল চট করিয়া তার তখনকার মনের ভাবটা চাপিয়া গেল। সে বিষয়ে নির্মলের ওস্তাদি বিলক্ষণ ছিল। অজিত সরল প্রকৃতির মানুষ। মুখখানি তার মনোরাজ্যের একখানি নিখুঁত স্বচ্ছ আয়না স্বরূপ। হৃদয়ের ক্ষুদ্রাদপি ক্ষুদ্র সুখ দুঃখের কণিকাগুলিও যেন তার মুখের উপর একটা প্রতিবিম্ব রাখিয়া যাইত। কিন্তু নির্মল সম্পূর্ণ ভিন্ন প্রকৃতির লোক।

নির্মল একটু বিস্ময়ের সহিত হাসিয়া বলিল :—

“একি, অজিত যে!”

অজিত প্রকৃতভাবে বলিল :—“সেই রকমি বোধ হচ্ছে”—

নির্মল একটু ব্যঙ্গছলে বলিল :—“স্বর্ণকমল বাবুর বাড়ী থেকে শুভাগমন হচ্ছে বোধ হয়?”

অজিত একটু অপ্রতিভ হইয়া বলিল :—“দিব্য পটু-রিডিং শিখেচো-বাহোক!”

নির্মল একটু বুক ফুলাইয়া বলিল :—“তুমি কি আমায় নেহাৎনাড়ী টেপা বড়ি মনে কর নাকি?”

অজিতের মুখ আলো করিয়া স্বচ্ছ হাসি ফুটিয়া উঠিল। কারণ আজ তার সমুদয় অন্তঃকরণটা লাবণ্যে মাধুর্য্যে উছলিয়া পড়িতেছিল। সেটাকে একটা দুর্লভ মনে করিয়া নির্মল মনের ভাব চাপা দিবার জন্ত একটা আলস্য সূচক হাই তুলিতে তুলিতে বলিল :—“হঠাৎ সকাল বেলা কি মনে করে?”

“তোমায় একটা সুখবর দিতে এসেছি।

নির্মল কাষ্ঠ হাসি হাসিয়া বলিল :—“কি রকম?”

“ঈশান কোণে একটা প্রজাপতির নিরীহ উপস্থিতি!”

নির্মল হাসির চেষ্টা করিয়া বলিল :—“প্রিচিয়াস ফর ওল্ড প্রজাপতি ঠাকুরদা। তা-তাই আমরা ইতর লোক মিষ্টানের প্রত্যাশা রাখি কিন্তু।

নিরীহ ভালমানুষটির মত অজিত হাসিয়া বলিল—“তাহবে এখন, কিন্তু আমি যে তোমার নিকট এসেছি, আমাকে একখানা হেল্থ্ সাটিফিকেট লিখে দিতে হচ্ছে!”

নির্মল হাসিয়া বলিল :—“কেন, খণ্ডর বাড়ী থেকে হেল্থ্ সাটিফিকেট তলপ করেছে নাকি?”

অজিত বলিল :—না। ঠিক করেচি, বিয়ের আগেই একটা লাইফ ইনসিওর করে রাখবো। জীব জন্ত খোরাকীর বন্দোবস্ত না করে যে আজকালকার দিনে লোকের মরবারও অধিকার থাকে না!”

নির্মল খুব এক পশলা হাসিয়া লইয়া পরে বলিল :—“ঠিক বলেচ অজিত—চিকিৎসা করবার সময় প্রায়ই দেখতে পাই, লোকগুলি জীব জন্তে কোনও বন্দোবস্ত না করে অনবরত মারা যাচ্ছে! সে তো মরা নয়, কেবল ঘরের জীকে ফাঁকি দেওয়া!”

এরপর হাসাহাসিটা একটু থামিলে পর, অজিত বলিল :—“তা হলে আসচে কাল বিকালে তুমি আমার একজামিন করবে, বল?”

“বিলক্ষণ! তোমার যখন খুসী, আমার ডেকে পাঠিও!”

“তা হলে কথা থাকল তবে—কালই।”

নিশ্চয়! এতে তোমার কোম্পানির তরফ থেকে আমাদেরও যে বিলক্ষণ দুপয়সা প্রাপ্তি আছে। আমাদের গরজও স্মৃতরাং নিতাস্ত কম নয়।”

* * * *

পরদিন বিকাল বেলা নিশ্চল মাঝারি রকমের একটি গ্রাডেটোন ব্যাগ ভরিয়া নানারকম হাতিয়ার পাতি লইয়া জুতার মস্ মস্ শব্দে মেসটি সচকিত করিয়া অজিতের কামরায় প্রবেশ করিল। অজিত জানালার রেলিংএর উপর কনুই রাখিয়া, এবং হাতের মুঠির উপর চিবুক গুলু করিয়া বাহিরের আকাশের দিকে চাহিয়াছিল। মিলনোৎসুক হৃদয়ের সবটুকু আনন্দ তার মুখ খানা আলোক করিয়া রাখিয়াছিল।

অজিত জানে তার শরীরে কোনও অসুখ বিসুখ নাই ভিতরের কোনও যন্ত্রও পীড়িত নয়। তার পর পরীক্ষার ভার পড়িয়াছে, বাল্য বন্ধু নিশ্চলের উপর। এ অবস্থায় নিশ্চল হয়তঃ কোনরূপ পরীক্ষা না করিয়া অথবা নামমাত্র পরীক্ষাটা সারিয়া দিয়াই হেল্ থ সাটিফিকেট লিখিয়া দিবে। নিশ্চলকে ব্যাগ হস্তে ঢুকিতে দেখিয়াই অজিত বলিয়া উঠিল :—“ব্যাগে পুরে অত শত কি নিয়ে আসচো! অনায়েসন করবার মতলব আছে নাকি?”

নিশ্চল অত্যন্ত পাণ্ডুর হাসি হাসিয়া অজিতের বাঁ হাত স্পর্শ করিয়া বলিল :—“আরে কি পাগল! পুরো-পুরি ভিজিটটা হজম করবো, আর একটা পরীক্ষাও করবো না! চুপ করে দাঁড়াও ভূমি, জামাটা খোল।

জামা খোলা হইলে পর, নিশ্চল অজিতকে অতিশয় মনোযোগের সহিত পরীক্ষা করিতে লাগিল। অজিত পরীক্ষাটাকে যত সহজ মনে করিয়াছিল, বাস্তবিক নিশ্চলের পরীক্ষা তত সহজ হইল না। আধঘণ্টা ধরিয়া অজিতের শরীরটা অসংখ্যবার চাড়া চাড়া করাতে অজিতের বিরক্তি ধরিয়া গেল। তার পরেও যখন নিশ্চল অজিতের বাম ফুসফুসের উপর তৃতীয় বার ষ্টেথোস্কোপ যন্ত্র পাতিয়া কাণের সঙ্গে লাগাইল, এবং তার পর

ইনজেকসন করিয়া রক্ত পরীক্ষা করিল, তখন অজিত ধৈর্য্য রাখিতে না পারিয়া বলিয়া উঠিল :—

“গায়ে বড্ডো লাগ্চে নিশ্চল, ওসব বাজে ফষ্টিং এখন রেখে দাও, এতো জানলে তাই লাইফ ইনসিওরেন্স করার নামেই আমার অস্তিত্ব হতো।”

নিশ্চলের পরীক্ষা তখনো শেষ হয় নাই, সে অজিতের ঠাট্টার দিকে মন না দিয়া পরীক্ষাই করিতেছিল। অনেকক্ষণ পরীক্ষা করিয়া শেষকালে নিশ্চল যখন ধামিল, তখন অজিতের মনে হইল যেন ঘাম দিয়া জ্বর ছাড়িল। অজিত হাসিয়া বলিল :—

“তা হলে সাটি ফিকেট খানা কখন লিখে দিচ্ছ?”

নিশ্চল তখন তার ষ্টেথোস্কোপ যন্ত্রটা সামলাইতে ছিল। সেই গুরুতর ব্যাপারটা লইয়া সে যেন এতই ব্যস্ত ছিল যে সে অজিতের কথাটা শুনিয়াও শোনে নাই।

পরীক্ষা শেষ হইয়া গেলে অজিত দেখিতে পাইল। নিশ্চল কেমন যেন নিশ্চেষ্ট ও অগ্ৰমনস্ক। অজিত আরো একবার নিশ্চলকে সাটিফিকেট খানার কথা মনে করিয়া দিলে, নিশ্চল, কি যেন চিন্তা করিতে করিতে বলিল :—

“সে আমি নিজেই পাঠিয়ে দেবো এখন। তোমার একটু পরিশ্রম হয়েছে, এটা খেয়ে ফেল।” বলিয়া একটা মেজার গ্লাসে একটা ঔষধ ঢালিয়া দিল।

দুচারটা বাজে কথা হওয়ার পর নিশ্চল অজিতের নিকট হইতে বিদায় গ্রহণ করিল। কিন্তু কয়েক পা গিয়াই নিশ্চল আবার অজিতের কাছে ফিরিয়া আসিল। তাহার চোখে দুশ্চিন্তার ছায়া, মুখ খানা যেন কেমন বিবর্ণ। সে যেন কি একটা কথা অজিতকে বলিবার জন্য ফিরিয়া আসিয়াছে অথচ সে কথাটা বলি বলি করিয়া যেন তার মুখে ফুটিল না! নিশ্চলকে ফিরিতে দেখিয়া অজিত বলিল :— “কি ফিরলে যে?” নিশ্চল জিব দিয়া শুষ্ক ঠোঁট ভিজাইয়া লইয়া বলিল :—“ষ্টেথোস্কোপটা ফেলে গেছি নাকি?”

অজিত বলিল :—না। তখন নিশ্চল এক পা দুই পা করিয়া অজিতের কামরার বাহির হইয়া গেল।

নিশ্চলের দুশ্চিন্তা সন্ধ্যা অজিতের কোন খেয়াল ছিল না। তখন অজিতের হৃদয়াকাশে ভাবের রান্না মেঘের কোলে উষার কণক কান্তি ফুটিয়া

উঠিয়াছে। আসন্ন সৌভাগ্যের ঘন নেশায় সে তখন বিভোর। এখন সে তার সুখচিন্তার সহিত একলা থাকিবার ছুটি পাইলে বাঁচে! নির্মল চলিয়া যাওয়া মাত্র অজিত তার প্রেমের সুরভি মাখা, স্বপ্নের জ্যোৎস্না মাখা, আনন্দের নিশীথ জগতে মাতালের মত একাকী ঘুরিয়া বেড়াইতে লাগিল! এমন অবস্থায় আমাদের তরুণ স্কুল মাষ্টারটি যদি সাটিফিকেটটার কথা একেবারে ভুলিয়া গিয়া থাকে, সে জ্ঞান মনোবিজ্ঞান দায়ী!

* * * *

সন্ধ্যা অনেকক্ষণ মিলাইয়া গিয়াছে। আকাশ ভরা আঁধার তারায় তারায় ছাইয়া গিয়াছে। কে যেন আকাশ ব্যাপী কালো মকমলের জমিনের উপর উজ্জল তারা বসাইয়া মনোহারি জ্বরির কাষ করিয়া রাখিয়াছে! নক্ষত্রালোকিত অন্ধকারে গাছপালা গুলি ছায়া স্তপ বলিয়া মনে হয়। বাহিরে একটা ছায়াচ্ছন্ন অস্পষ্ট দালানের অর্ধমুগ্ধ দ্বার পথে ভিতরের রক্তিমভ আলো দেখা যাইতেছে। কোথাও অন্ধকারাচ্ছন্ন তরুলতার ফাঁকে ফাঁকে ছোট্ট গৃহ দীপ ঝরা তারার মত মিট মিট করিতেছে। আকাশের কোণে অদৃশ্য মেঘে কীণ বিদ্যুৎ থাকিয়া থাকিয়া চমকিতে ছিল—আর আকাশের তারাগুলি এক একবার শিহরিয়া উঠিয়া ভয়ানক পাণ্ডুর হইয়া যাইতেছিল!

অজিতের সঙ্গে উষার বিবাহের আর তিনটা দিন মাত্র বাকী। নির্মল অসুখের অভ্যুত্থান দিয়া একটা ‘কল’ ফিরাইয়া দিয়া, একাকী শুষ্ক রক্তহীন মুখে তার বসিবার ঘরের টেবিলের উপরিস্থিত জলস্ত লেম্পটার সম্মুখে নীরবে দাঁড়াইয়াছিল।

এমন সময় একটা বর্ণী বায়ুর মত অজিত বিবর্ণ মুখে সে ঘরের ভিতরে আসিয়া প্রবেশ করিল। অজিতকে দেখিয়া নির্মলের মুখ সহসা মৃতের মত আরো রক্তশূন্য হইয়া গেল।

অজিত ধপ করিয়া একটা চেয়ারের উপর বসিয়া পড়িয়া, কীণ কণ্ঠে বলিল—“আমার লাইফ ওরা ইনসিওর কর্বেনা, এই মাত্র ডাকে কোম্পানীর চিঠি পেয়েছি! নির্মল বজ্রাহত পথিকের মত স্তম্ভিত হইয়া দাঁড়াইয়া

রহিল, কোনও কথা বলিল না। অজিত তাকে চুপ করিয়া থাকিতে দেখিয়া বলিল :—“নির্মল শুনে?”

নির্মল ধীরে ধীরে উত্তর করিল :—“তা খুব সম্ভব। আমার মাফ করবে ভাই, আমি তোমার হেলথ সম্বন্ধে ভাল রিপোর্ট কত্তে পারিনি!”

অজিত বার কয়েক ঢোক গিলিয়া বলিল :—“কেন কেন, আমার তো কোন অসুখ বিসুখ নাই!”

নির্মল শুষ্ক মুখে বলিল :—“তোমার হৃদিকের ফুস ফুসেই ক্যাভিটি ফরম হয়েছে বলে বোধ হয়!”

“তার মানে?”

“সান্নাতিক যক্ষ্মা রোগ!”

অজিত একটুকু চুপ করিয়া থাকিয়া যক্ষ্মা রোগীর মতই কাহিল স্বরে উত্তর করিল :—“ঈশ্বরের দোহাই দিয়ে বলচি নির্মল! কোন কথা লুকিওনা ভাই, ঠিক করে বল।”

নির্মল স্নেহভরে অজিতের হাতখানি তার হাতের উপর তুলিয়া লইয়া বার দুই কাশিয়া উত্তর করিল—

“আর কারু কাছে হলে আমি আজ সত্য গোপন করতুম, মিথ্যা কথা বলতে একটুও অজিত হতুমনা কিন্তু আজ আমার আজন্মের বন্ধুর জ্ঞান, ভাবি বন্ধু পত্নী উষার মঙ্গলের জ্ঞান—সত্য কথা লুকাতে পারি না, সে জ্ঞান আমার মাপ করো!”

অজিত চেয়ারটার উপর গা ছাড়িয়া দিয়া নিতান্ত নিরুপায় ভাবে নির্মলের পানে চাহিয়া বলিল :—“তবে আমার জীবনের আর কোন আশা নেই, নির্মল?”

নির্মল স্নেহ বিগলিত কণ্ঠে বলিল—“সে কথা কিসি মাকুষে বলতে পারে! তবে এই পর্য্যন্ত বলতে পারি, আমাদের চিকিৎসা শাস্ত্রে এ রোগের কোন চিকিৎসা নাই।”

অজিত প্রতিধ্বনির মত বলিল—“কোন চিকিৎসা নাই?”

নির্মল নম্রকণ্ঠে বলিল—“আমি যত দূর জানি নেই!”

অজিত মৃত্যুশয্যাশ্রিত আসন্ন রোগীর মত কাহিল স্বরে বলিল :—“তবে আর আমার কদিনের মেয়াদ?”

নির্মল বলিল—“সে কথাও কি কেউ ঠিক করে বলতে পারে অজিত! ভাল চিকিৎসা হলে এ সব রোগী অনেকদিন বাঁচতেও দেখা যায়।”

অজিত অত্যন্ত ম্লান ভাবে বলিল—“আশা! আরকেন!
এখন পরমেশ্বর আমার শীগগীর শীগগীর সরালেই বাঁচি!

নির্মল পাশের কামরা হইতে একটা মেজার গাশে
করিয়া খানিকটা টিমুলেট আনিয়া অজিত কে ধাওয়াইয়া
দিয়া বলিল :—“রাত হতে চলো ; চল তোমার আমি
তোমার ঘরে রেখে আসি !” এই বলিয়া নির্মল অজিতকে
হাত ধরিয়া চেয়ার হইতে উঠাইল। অজিত দুর্বল অশক্ত
রোগীর মত তার হাত ধরিয়া চলিল।

অজিত কে তার ঘরে আনিয়া শোয়াইয়া যাইবার
পূর্বে নির্মল বলিল :—আজ তোমার ফুস ফুসের অবস্থা
ভাল নয়, সাবধানে থেকো ভাই! একদিন তোমার
সম্পূর্ণ বিশ্রাম চাই! কোনও রূপ পরিশ্রম বা উত্তেজনার
কাষে যাওয়া হবে না! আজকের একটা সাধারণ মনের
পরিবর্তনের ধাক্কাই তুমি ভাল করে সামলাতে পারনি
—এর উপর আবার নূতন উপসর্গ সব এসে জুটলে
ভারি মুস্থিলে ফেলবে আমায় !”

নির্মল যাইতে ছিল। অজিত সহসা তার হাত ধানি
চাপিয়া ধরিয়া নিরুপায় শিশুটির মত নির্মলের মুখের
পানে চাহিয়া আবেগের সহিত বলিল :—“আজ তুমি
ঠিক বন্ধুর কাষ করেছ নির্মল। উষাকে আজ তুমি আসন্ন
বৈধব্যের হাত থেকে বাঁচালে! কিন্তু এত যদি করলে,
তবে আমায় আর একটা শেষ উপকার তুমি করবে না?

নির্মল ভাঙ্গা গলায় বলিল—“কি?”

অজিত বলিল—“একবার স্বর্ণ কমল বাবুর কাছে যেতে পার?”

নির্মল কিছুক্ষণ চিন্তা করিয়া বলিল—“ইচ্ছে তো
করে না; তবে তুমি যদি নিতান্ত না ছাড় তবে
অবিশ্রি।”

অজিত একটু আশ্বস্ত হইয়া বলিল :—আমি এখন
স্বর্ণ কমল বাবুর কাছে ধবরটা লিখে পাঠাইব! কিন্তু
কাল সকালে যদি তুমি একবার তাঁকে গিয়ে সব কথা
ভেঙ্গে বল, যদি বল, এতে আমার কোনও ছলনা নাই
মরবার সময় কি আমার ছলনা সাজে।

নির্মলে কিছুক্ষণ চুপ করিয়া থাকিয়া পরে বলিল :—
বড় কঠিন, বড় মর্মান্তিক কাজের তার চাপাচ্ছ কিন্তু, তবু,
অজিত, তোমার জন্যে আমি সব কষ্টে রাজি আছি।

* * * *
পরদিন সকালে অজিতের ঘরের দরজা খুলিয়া
দিতেই যখন গায়ে হলদি মাখিয়া বিবাহের বেশে
প্রভাতের সোণালি রোদ অজিতের বিছানার উপর
হাসিয়া উঠিল, তখন আর আর দিনের মত আজ অজিত
লাফ্ দিয়া বিছানা হইতে উঠিয়া পড়িল না! তার
মনে হইল যেন তার উঠিবার শক্তি নাই, আর বুঝি
বিছানা ছাড়িয়া উঠিতে হইবে না! সে ক্রান্তনের
সার্টটা গায়ে দিয়া হতভাগ্য চিরকুণ্ড রোগীর মত চোখ
মুদ্রিয়া বিছানার উপর চিৎ হইয়া পড়িয়া রহিল।

সহসা ঘরের মধ্যে লোকের পায়ের শব্দ শুনিয়া
অজিত চোখ মেলিয়া চাহিয়া দেখে, একটা ডাক্তার তার
বিছানার পাশে আসিয়া বসিলেন। সঙ্গে স্বর্ণকমল
বাবু! স্বর্ণকমল বাবু তার বিছানার নিকটে আসিলে,
সে একবার তার দুর্বল হাত দুখানি মেলিয়া স্বর্ণকমল
বাবুর পায়ের ধূসা মাথায় তুলিয়া লইতে চেষ্টা করিল
কিন্তু পারিল না। বাস্তবিক এক রাত্রিতেই তার হাত
দুটী এতই স্নীর্ণ, এতই শিথিল হইয়া গিয়াছিল!
স্বর্ণকমল বাবু তার শুষ্ক বিবর্ণ মুখ, কোটর গত চক্ষু এবং
দুর্বল শীর্ণ দেহ দেখিয়া বাস্তবিক শিহরিয়া উঠিলেন।
এক রাত্রিতে সে এতই শুকাইয়া গিয়াছিল!

অজিত অধীর ভাবে সবলে স্বর্ণকমল বাবুর হাতখানি
বুকের উপর চাপিয়া ধরিয়া বলিল :—

“আমার অজ্ঞাতকৃত অপরাধের যা দণ্ড তা স্বয়ং
মৃত্যুরাজের হাত থেকে নিচে বসেচি—এখন আপনারা
আমায় মার্জনা করুন! আজি না জেনে, না বুঝে
আপনাদের যথেষ্ট মনোকষ্টের ও অযশের কারণ হয়েচি!”

স্বর্ণকমল বাবু অজিতের বুকের উপর নিঃশব্দে হাত
বুলাইয়া দিতে লাগিলেন। বলিবার মত একটা কথাও
যেন তাঁর মনে যোগাইতেছিল না!

কিছুক্ষণ পর, অজিত অত্যন্ত কাহিল ভাবে বলিল :—
“তবু আজ নির্মলকে আমি বারে বারে ধন্যবাদ না দিয়ে
ধাকতে পারচি না। নৈলে বিবাহের পরে রোগটা ধরা
পড়লে আপনাদের যে কি সর্বনাশ হতো, তা ভাবতেও
আমার গা শিউরে উঠছে!” অজিত যখন স্বর্ণকমল

বাবুর সঙ্গে কথা কহিতেছিল তখন স্বর্ণকমল বাবুর সঙ্গী ডাক্তারটী খুব মনোযোগের সহিত তাঁর পকেট ঘড়ির সহিত মিলাইয়া অজিতের নাড়ির গতি পরীক্ষা করিতে ছিলেন। নাড়ী দেখা শেষ হইলে পর, ডাক্তার অজিতের পানে তাকাইয়া বলিলেন :—তোমার অস্থির খবর পেয়ে, উষা তো একেবারে বিছানা নিয়েচে !”

অজিতের দীর্ঘনিশ্বাসটা যেন তার বকের দুর্বল প্রাচীর বিদীর্ণ করিয়া বাহির হইয়া আসিল। অজিত আর কোন কথা কহিল না দেখিয়া ডাক্তার একটু বাহাদুরী দেখাইবার ভাণ করিয়া বলিলেন :—“উষার বিশ্বাস আমার হাতে একবার রোগী এসে পড়লে তার আর কোনও ভয় নাই! সে মনে করে আমি ঘণ্টাখানেকের ভিতরেই তোমায় একেবারে আরাম করে দিতে পারব—কেমন, না স্বর্ণকমল বাবু ?”

এই বলিয়া তিনি স্বর্ণকমল বাবুর পানে চাহিলেন। স্বর্ণকমল বাবু হাসিতে চেষ্টা করিলেন—কিন্তু সে হাসি অত্যন্ত শূন্য! অজিত ডাক্তারের পানে তার কাতর চোখটী তুলিয়া ধীরে ধীরে বলিল :—“কিন্তু আমার ব্যারাম যে মানুষের চিকিৎসার বাইরে চলে গেছে !”

ডাক্তার অজিতের বকে ষ্টেথোস্কোপ যন্ত্র বসাইতে বসাইতে বলিলেন :—“আমি বলছি কি তোমায়! উষার যেকোন অসম্ভব ভক্তি আমার উপর, তাতে সে কি আমায় ঠিক মানুষ বলে মনে করে তোমার বোধ হয় ?”

বুক পরীক্ষা করা শেষ হইলে ডাক্তার একটু হালকা হইয়া বলিলেন :—“আচ্ছা, এখন ব্যারামের হিষ্টী-টা আমার খুলে বল দেখি একবার !”

তখন নিশ্চল তার ব্যারাম সম্বন্ধে যা যা বলিয়াছিল, সব কথা অজিত আনুপূর্বিক খুলিয়া বলিলেন। ডাক্তার কিছু গভীর হইয়া বসিয়া তাহা শুনিলেন। তারপর বলিলেন :—“দেখ অজিত, তোমার বন্ধুর মতের সঙ্গে আমার মতটা কিছুতেই মিলে না !”

অজিত বলিল :—“নিশ্চল বলচে আমার সম্বন্ধে আর কোন সন্দেহ থাকতে পারে না !”

ডাক্তার হাসিয়া বলিলেন :—উষা যেমন আমায় মানুষ মনে করে না, তুমিও দেখছি নিশ্চল বাবুকে শাপ-

ভ্রষ্ট দেবতা বলে মান দেখছি !” ডাক্তারের আশ্বাসপূর্ণ কথায় এখন অনেকটা জোর পাইয়া, অজিত যেন সত্যি সত্যি অনেকটা সুস্থ বোধ করিল !

এর পর ডাক্তার স্বর্ণকমল বাবুর কাণে কাণে ফিস ফিস করিয়া কি বলিলেন—স্বর্ণকমলের মুখখানি যেন সে গোপন সংবাদে উজ্জল হইয়া উঠিল, অজিত তা দেখিতে পাইল। তার পর ডাক্তার অজিতের দিকে ফিরিয়া বলিলেন :—আমার বন্ধু স্বর্ণকমল বাবু তোমায় নিয়ে কিছু বিপদগ্রস্ত—এখন তুমি যদি রাজি হও, তবে আমি একবার তোমায় চিকিৎসা করে দেখতে পারি, কি বল !”

অজিত খুব ফুর্তির সহিত বলিল :—“স্বচ্ছন্দে! সেতো আমার সৌভাগ্য—এতে আমার আপত্তি হবে কেন !” ডাক্তার আবারও অজিতের বুকটা যন্ত্রদ্বারা পরীক্ষা করিয়া বলিলেন :—আমার মনে হয় তোমার পীড়া সম্বন্ধে নিশ্চল বাবুর ধারণটা কিছু বেশী রকম! তোমার বিছানায় শুয়ে থাকবার কোন দরকার দেখি না আমি! দিব্যি খেয়ে দেয়ে হাঁটা চড়া করে বেড়াতে পার এখন !”

অজিত বিছানার উপর উঠিয়া বসিয়া অবাক হইয়া বলিল :—“নিশ্চল আমায় একেবারে বিছানাথেকে উঠতে মানা করে দিয়াছে !”

ডাক্তার বলিলেন :—“আমার চিকিৎসার প্রণালীটা নিশ্চল বাবুর প্রণালী থেকে সম্পূর্ণ পৃথক! আচ্ছা তিনি কি তোমায় কোন অধুধ খেতে দিয়ে গেছেন ?”

অজিত কুলুঙ্গির উপর একটা ঔষধের শিশি দেখাইয়া দিয়া বলিল পূর্ব রাত্রে নিশ্চলের ব্যবস্থা মত সে ঐ ঔষধ খাইতে ভুলিয়া গিয়াছিল! শিশিটার সিপি খুলিয়া বার দুই তিন ভ্রাণ লইয়া ডাক্তার বাবু শিশিটা জানালা গলাইয়া ফেলিয়া দিয়া স্বর্ণকমল বাবুর দিকে ফিরিয়া বলিলেন :—“দেখ স্বর্ণকমল, আসচে কালই বিয়েটা সেরে ফেল ! তারিখ পিছিয়ে দেবার কোনও দরকার দেখছি নে আমি !”

স্বর্ণকমল বাবু হাত মুখে বলিলেন—“আচ্ছা !”

অজিত এবার ঠিক সুস্থ লোকের মতই বিছানা হইতে উঠিয়া দাড়াইল। গত রাত্রে যে সে একবিন্দু জলও স্পর্শ করে নাই, সেজন্য সে এখন কিছু মাত্র দুর্বলতা বোধ করিল না।

* * * *

যখন সময়ে অজিতের সঙ্গে উষার শুভ বিবাহ নিৰ্ব্বিঘ্নে সম্পন্ন হইয়া গেল। বিবাহের দিন সকাল বেলা দেখা গেল, নিৰ্ম্মলের ঘরের ছয়ার জানলা সব বন্ধ।

অজিত অনুসন্ধান করিয়া জানিল, নিৰ্ম্মল কলিকাতা হইতে ব্যাবসা তুলিয়া হঠাৎ কোথায় চলিয়া গিয়াছে; সে কথার কেউ কোন সঠিক খবর দিতে পারে না।

বিবাহের পর দিন স্বর্ণকমল বাবুর বাড়ীর বারান্দায় ইজিচেয়ারে বসিয়া পূৰ্ব্বোক্ত ডাক্তারটি অজিতের সঙ্গে গল্প করিতেছিলেন। স্বর্ণকমল বাবু বারান্দায় ফুলের টব গুলির পাশে পায়চারি করিতে করিতে বেড়াইতে ছিলেন। নিকটে ক্যানবাসের আড়ালে একখানা ছোট টেবিলের উপর উষা চা তৈরি করিতেছিল।

আকাশে টাদ উঠিতেছিল। কিছুক্ষণ পরে অজিত বলিয়া উঠিল—আমার সঙ্গে নিৰ্ম্মলের এ চালাকিটা করবার কি দরকার ছিল, আমি তা ঠাহর করে উঠতে পাচ্ছি না!

ডাক্তার বাবু বলিলেন—অতি সাদা কথা! উষার সঙ্গে তোমার বিয়েটা বাতিল করে দেবার জগে।

অজিত বলিল—এতে তার এমন কি স্বার্থ ছিল!

ডাক্তার বাবু বলিলেন—যেখানে ভালবাসার সঙ্গে হিংসা এসে জড়ায় সেখানে মানুষ কি না কত্তে পারে!

অজিত ব্যাপার খানা ভাল করিয়া বুঝিতে না পারিয়া বলিল—তার আবার কার সঙ্গে কবে ভালবাসা হলো! আর হিংসাই বা কত্তে যাবে কাকে!

ডাক্তার হাসিয়া বলিলেন—ঐ টুকু যদি তুমি একটু তলিয়ে দেখতে যে ভালবাসা কারো একচেটে নয় তাহলে তোমার অনর্থক এত ঝকঝক সইতে হতো না।

স্বর্ণকমল বাবু জিজ্ঞাসা করিলেন—আচ্ছা ডাক্তার বাবু ভালকথা মনে পড়লো, আপনি যে সেদিন অজিতের ঘর থেকে অমুখ শুদ্ধ শিশিটা ফেলে দিলেন, তার মানে?

ডাক্তার অত্যন্ত গম্ভীর হইয়া বলিলেন—সে কথা ভাবতে আমার এখনো গা কাঁটা দিয়ে ওঠে! ওটা ছিল হাইড্রোসফাটিক বিষ!

অজিত সে কথা শুনিয়া লগ্নু মেঘের আড়ালকরা চাঁদের মত অত্যন্ত পাণ্ডুর হইয়া গেল। উষার হাত হইতে পসিলেনের উপর ফুল কাটা সুন্দর চায়ের বাটিটা হঠাৎ মেঝের উপর পড়িয়া টুকরা টুকরা হইয়া গেল!

শ্রীমুরেশ চন্দ্র সিংহ।

মহেশচন্দ্র সেন।

জন্ম—১২৬১ সন ২ই পৌষ।

মৃত্যু—১৩২০ সন ১৭ই কাঙ্কন।

ময়মনসিংহ জেলার অন্তর্গতঃ কুষ্টিয়া সেনবাড়ীর সুপ্রসিদ্ধ ভূম্যধিকারী বংশে মহেশচন্দ্র সেন মহাশয় জন্মগ্রহণ করেন। ইহার পিতার নাম রামতনু সেন। শৈশবেই মহেশচন্দ্রের পিতৃবিয়োগ হয়। বাল্যকালে তিনি শিক্ষার্থ ময়মনসিংহ নগরে প্রেরিত হন।

মহেশচন্দ্র যখন ময়মনসিংহের তদানীন্তন হার্ডিঞ্জ স্কুলে অধ্যয়ন করেন, তখন ৮ দীননাথ চৌধুরী মহাশয় উক্ত স্কুলের জনৈক শিক্ষকছিলেন। একদিন উক্ত শিক্ষক মহাশয় মহেশচন্দ্রের রচনা দেখিয়া মস্তব্য প্রকাশ করিয়াছিলেন—“ইহার রচনার বর্ণাশুদ্ধি এরূপ যে নিয় শ্রেণীর ছাত্রের পক্ষেও লজ্জাজনক; কিন্তু ইহার রচনা কৌশল দেখিয়া অনুমান হয়, যে কালে সে একজন সুলেখক বলিয়া পরিচিত হইতে পারিবে।” দীনবাবুর এই ভবিষ্যদ্বাণী উক্তর কালে অক্ষরে অক্ষরে ফলিয়াছিল।

তৎকালে এ জেলায় ইংরেজী শিক্ষার প্রচলন অত্যন্ত কম ছিল, সুতরাং মহেশচন্দ্র ছাত্রবৃত্তি শ্রেণী পর্য্যন্ত অধ্যয়ন করিয়াছিলেন। ছাত্রবৃত্তি পর্য্যন্ত পড়িয়াই তাহার ধারণা জন্মিল যে, বাঙ্গালা ভাষা তাঁহার বেশ আয়ত্ত হইয়াছে। তখন তিনি তৎকালীন শ্রেষ্ঠ মাসিক পত্র “বান্ধবে”র গ্রাহক হইলেন; কিন্তু প্রথমতঃ কোন প্রবন্ধেই দস্তশুট করিতে সক্ষম হইলেন না, তখন তাঁহার সে ভ্রম দূর হইল; তিনি বুঝিলেন কিছুই শিখেন নাই। তখন হইতেই তিনি সাহিত্য আলোচনার প্রতি মনোনিবেশ করিলেন। এবং বিপুল উদ্যম ও অক্লান্ত পরিশ্রমের সহিত নানাগ্রন্থ অধ্যয়ন করিতে প্রবৃত্ত হইলেন। তিনি বহু মাসিক ও সাপ্তাহিক পত্রের গ্রাহক হইয়া নিয়মিতরূপে অধ্যয়ন করিতে লাগিলেন; এইরূপে তাঁহার সাহিত্য-চর্চা আরম্ভ হইল। ক্রমে মহেশচন্দ্রের লেখনি ধারণের বাসনা জন্মিল। তৎকালীন “আর্য্য-প্রভা” নামক মাসিক পত্রিকায় তাঁহার সর্বপ্রথম রচনা প্রকাশিত হয়। তৎপরে ‘বান্ধব’, ‘নব্যভারত’ ‘আরতি’ প্রভৃতি মাসিক পত্রিকায় তিনি একজন নিয়মিত লেখক ছিলেন। একদিন যে

“বান্ধব” পত্রিকার প্রবন্ধ বৃত্তিতে তিনি অসমর্থ ছিলেন, কালে অশুশীলনের ফলে, মহেশচন্দ্রের প্রবন্ধ “ভারত-মহিমা” সেট গৌরবান্বিত মাসিক পত্রের গৌরব বৃদ্ধি করিতে সমর্থ হইয়াছিল। বান্ধব-সম্পাদক স্বর্গীয় কালীপ্রসন্ন ঘোষ স্বয়ং উক্ত প্রবন্ধটি পাঠ করিয়া মুক্ত কণ্ঠে প্রশংসা করিয়াছিলেন এবং তাঁহাকে ‘বান্ধবের’ সহকারী সম্পাদক হওয়ার জন্য অনুরোধ করিয়াছিলেন।

আমরা তাঁহার উক্ত প্রবন্ধটির কয়েক ছত্র এস্থলে উদ্ধৃত করার প্রলোভন সম্বরণ করিতে পারিলাম না। তিনি লিখিয়াছেন “অন্যদেশে নদী আছে—গঙ্গা নাই ; পর্বত আছে—হিমালয় নাই ; পাহাী আছে—কোকিল নাই ; ফল আছে—আম্রনাই ; ফুল আছে—সুগন্ধ নাই ; ভাষা আছে—দেববাণী সংস্কৃত নাই ; ধর্মগ্রন্থ আছে—বেদ ও উপনিষদ নাই ; তর্কশাস্ত্র আছে—ষড়দর্শন নাই ; জাতি আছে—ব্রাহ্মণ নাই ; তীর্থ আছে—বারাণসী নাই। এ হেন ভারতের সহিত অন্যান্য দেশের তুলনা সম্ভবে ?” উল্লিখিত কথা কয়টি কত ভাবব্যঞ্জক !

মহেশচন্দ্র সমাজ-সংস্কারের পক্ষপাতী ছিলেন ; একান্ত গোড়ামি ভালবাসিতেন না। যখন এ দেশে সহবাস সন্নতি আইন সম্বন্ধে ঘোর আন্দোলন, তৎকালে তিনি “নব্য ভারত” মাসিক পত্রে ‘সহবাস সন্নতি ও সমাজ’ শীর্ষক একটি সুদীর্ঘ প্রবন্ধ প্রকাশ করেন। উক্ত প্রবন্ধে তাঁহার অসাধারণ পাণ্ডিত্য, চিন্তাশীলতা ও মনস্বীতার পরিচয় প্রাপ্ত হওয়া যায়।

“আরতি” মাসিক পত্রিকায় ‘প্রকৃতি-গ্রন্থপাঠ’ শীর্ষক প্রবন্ধে মহেশচন্দ্রের সর্বতোমুখী প্রতিভা দৃষ্ট হয়। উক্ত প্রবন্ধে তিনি দর্শন, বিজ্ঞান, ইতিহাস ও জ্যোতিষের আলোচনা করিয়াছেন। আরতিতে তিনি কবি সত্রাট রবীন্দ্রনাথের “চোখের বালি” উপন্যাসের যে নির্ভীক সমালোচনা করেন তাহা যেমন পাণ্ডিত্যপূর্ণ তেমনই রসাত্মক।

মহেশচন্দ্র সর্বপ্রথম “আদর্শ কবি” নামক গ্রন্থ প্রকাশ করেন। তাহার শেষ গ্রন্থ—“প্রবন্ধলহরী।” ইহাতে ভিন্ন ভিন্ন মাসিক পত্রিকায় প্রকাশিত তাঁহার কতিপয় প্রবন্ধ ও নূতন কয়েকটি সন্দর্ভ সন্নিবেশিত হইয়াছে।

ঐ গ্রন্থের “প্রকৃতি-সুন্দরী” শীর্ষক সন্দর্ভটি প্রণয়ন সময়ে আমি তাহার সঙ্গে ছিলাম। সাক্ষাৎসঙ্গ সময়ে উহা এক ঘণ্টায় লিখিত হইয়াছিল। উক্ত সন্দর্ভটি যে ভাষায় তিনি পুস্তকে লিপিবদ্ধ করিয়াছেন, সেই গভীর ভাষাতেই তিনি অনর্গল বলিয়া গিয়াছিলেন ; আমি পেন্সিলে লিখিয়া লইয়াছিলাম। সে দিন তাঁহার উপস্থিত অদ্ভুত রচনা-শক্তি দেখিয়া আশ্চর্যান্বিত হইয়াছিলাম। তিনি আমাকে বলিয়াছিলেন, উপস্থিত রচনা-শক্তি ও তর্ক করিবার শক্তি তিনি কবিওরালাদিগের নিকট হইতে অনেকটা শিক্ষালাভ করিয়াছিলেন।

মহেশচন্দ্রের প্রতিভা সর্বতোমুখী ছিল। একদা, তাঁহার ভবনে পূর্ববঙ্গের প্রসিদ্ধ নৈয়ায়িক শ্রদ্ধেয় শ্রীযুক্ত হেরম্বনাথ ঞায়র মহাশয়ের সহিত তাঁহার “জ্ঞানান্তর” সম্বন্ধে বিচার হয়। পণ্ডিত মহাশয় তাঁহাকে পরাস্ত করিতে সক্ষম হইন নাই। অবশেষে পণ্ডিত মহাশয় বলিলেন “বৈষয়িক ব্যক্তিগণের মধ্যে দর্শনশাস্ত্রে এরূপ অভিজ্ঞ ব্যক্তি প্রায়ই দৃষ্ট হয় না।” মহেশচন্দ্র নিজে বলিয়াছেন “আমি দর্শনশাস্ত্রের কি জানি ? ছিটা ফোটা যা’ জানি তাহাই শুছাইয়া বলিয়া তর্ক করি।”

মহেশচন্দ্রের কয়েকটি বৈজ্ঞানিক প্রবন্ধ “নব্যভারত” মাসিক পত্রিকায় প্রকাশিত হইয়াছিল। তিনি “বিবিধ সন্দর্ভ” নামক আর একখানা পুস্তক প্রণয়নের উপকরণ রাখিয়া গিয়াছেন।

সঙ্গীতে মহেশচন্দ্রের বিশেষ অনুরাগ ছিল। তন্মধ্যে কবি গানেই তিনি সমধিক আগ্রহ প্রকাশ করিতেন। তিনি অনেক সময় কবি গানের উত্তর প্রত্যুত্তর রচনা করিয়া দিতেন। তাঁহার প্রণীত “সঙ্গীত প্রেমাজলী” গ্রন্থেও তাঁহার কবিত্বের যথেষ্ট নিদর্শন রহিয়াছে।

কবি-গীতিকে আধুনিক শিক্ষিত সম্প্রদায়ের রুচি সন্নত করণার্থ তিনি বহু অর্থব্যয়ে দুইটি সুপ্রসিদ্ধ কবির দলে পোষাক দান করিয়াছিলেন এবং কবিগীতির অন্যান্য আবশ্যিক সংস্কার সাধন করতঃ তাঁহার উদ্দেশ্যের পথে বহুদূর অগ্রসর হইয়াছিলেন। তদীয় সন্দর্ভান্তের অনুরোধে ইদানীং প্রসিদ্ধ দল সমূহে পোষাকের প্রচলন হইয়াছে এবং আবশ্যিক পরিবর্তনও হইতেছে।

তিনি ভিন্ন ২ জেলা সমূহের শ্রেষ্ঠ কবিওয়ালাগণকে তাঁহার ভবনে আহ্বান করিয়া গান শুনিতেন।

আঁকীবন ঐশ্বৰ্য্যের ক্রোড়ে লালিত পালিত হইয়াও তিনি নৈতিক চরিত্র নির্মল রাধিতে সক্ষম হইয়াছিলেন। তদানীন্তন কালে, আঢ্য বংশের অধিকাংশ লোকেরা বিলাস-ব্যসনে নিমগ্ন থাকিতেন। অসংখ্য কু-লোক আদিয়া যুটীত। কিন্তু মহেশচন্দ্র কখনও সৎ-পথ হইতে পদস্থলিত হন নাই। তিনি কদাচ মাদক দ্রব্যের বশীভূত ছিলেন না। এমন কি জীবনে কখন ধূমপানও করেন নাই। চরিত্রহীন কু-লোক কখনও তাঁহার নিকট প্রশ্রয় পাইতনা। তিনি ব্রাহ্মণ পণ্ডিতও শিক্ষিত লোকদিগের যথেষ্ট সমাদর করিতেন। বহু ব্রাহ্মণ পণ্ডিতকে বাৎসরিক বৃত্তি দিতেন। বিচারে তাঁহার মনঃপূত হইলে তিনি পণ্ডিতের বৃত্তি দ্বিগুণ বর্দ্ধিত করিয়া দিতেন। দরিদ্র সাহিত্যসেবী ও তাঁহার নিকট যথেষ্ট সাহায্য প্রাপ্ত হইত। কবির শ্রীযুক্ত গোবিন্দ চন্দ্র দাস মহাশয়কে তিনি এক সময় যথোচিত অর্থ সাহায্য করিয়াছিলেন।

আজ কয়েক বৎসর যাবতই মহেশচন্দ্রের স্বাস্থ্য উন্নত হইয়া গিয়াছিল। কতক কাল বায়ুর পীড়ায়, পরে অগ্নি-মান্দ্য রোগে ভুগিতে থাকেন। নানাবিধ চিকিৎসায় কোনও ফল না হওয়ায় তিনি স্বাস্থ্য লাভের আশায় বিভিন্ন স্বাস্থ্যকর স্থানে অবস্থান করিতেছিলেন। উহাতে উন্নতস্বাস্থ্যের কথঞ্চিৎ উপকার দর্শিলেও অবশেষে নিদারুণ ক্যান্সার (Cancer) রোগে আক্রান্ত হইলেন। বাড়ীতে কয়েক মাস চিকিৎসার পর কোনও ফল না হওয়ায় তিনি চিকিৎসার্থ কলিকাতা গমন করেন। সেখানেও কোন ফল হইল না। অবশেষে এই দুঃস্থ রোগেই তিনি ইহ জীবন পরিত্যাগ করিলেন।

মহেশচন্দ্রের পারিবারিক জীবন সুখের ছিল। তিনি কখনও প্রিয়জন-বিয়োগ জনিত শোক পান নাই। তিনি স্ত্রী, পুত্র, কন্যা, পৌত্রও দৌহিত্রাদিতে পরিবেষ্টিত ছিলেন। ভগবান সেই শোক-সন্তপ্ত পরিবারের শান্তি বিধান করুন।

শ্রীরাধেন্দ্রকিশোর সেন।

শুভ-দৃষ্টি ।

তৃতীয় পরিচ্ছেদ ।

(৫)

২০শে অগ্রহায়ণ। দিনের বেলায় আর শৈবালকে দেখিতে পাইলাম না। আফিস হইতে আসিয়া দেখি যথা স্থানে জল-খাবার রক্ষিত হইয়াছে। পঁচাকে ডাকিয়া জিজ্ঞাসা করিলাম—“তোমার দিদি কোথা রে?” সে দৌড়িয়া দিদিকে ডাকিতে গেল; আমি বড়ই গোল পড়িলাম। মনে মনে স্থির করিলাম, যদি শৈবাল আসিয়াই উপস্থিত হয়, তবে তাহাকে মিষ্ট দু চারিটা সহুপদেশ প্রদান করিব এবং কাল এত রাত্রিতে কি অভিপ্রায়ে আসিয়াছিল তাহা জিজ্ঞাসা করিব।

আমি এইরূপ ভাবিতেছি এমন সময় শৈবালের মা আসিয়া আমাকে বলিলেন—“যোগেশ, তুমি একবার ভিতর কোঠায় এস দেখি, শৈবালের অস্থখ করেছে, দুপুরে কিছু খায়নি।”

কর্তা তখনও অফিস হইতে আসেন নাই। আমি কর্তা ঠাকুরাণীর পশ্চাৎ পশ্চাৎ বাড়ীর ভিতরে গেলাম।

শৈবাল কক্ষল গায়েদিয়া শুইয়া আছে। আমি নিকটে বসিয়া জিজ্ঞাসা করিলাম—শৈবাল তোমার কি হইয়াছে? শৈবাল কোন উত্তর করিল না।

গৃহিণী শৈবালের বাম হাতখানা ধরিয়া আমার হাতে রাখিয়া বলিলেন—“নাড়ী ধরিয়া দেখ দেখি।”

আমার বন্ধে ঘন ঘন স্পন্দন হইতে লাগিল। আমি বলিলাম—“আমার নাড়ী জ্ঞান নাই।” শৈবাল হাত টানিয়া লইল। শৈবাল যেন কঁাদ কঁাদ অবস্থায় পাশ ফিরিয়া শুইল। তাহার অস্থখ বৃত্তিতে আমার বাকী রহিল না।

যে যেমনটা চায়, ঠিক তেমনটা নাপাইলে অসন্তুষ্ট হয়। আমি শৈবালের হাত পরীক্ষা করিলাম না, দেখিয়া গৃহিণী কিছু অসন্তুষ্ট হইলেন। কাহাকেও অসন্তুষ্ট করাটা আমার আদৌ ইচ্ছা নহে। আমি মনোভাব বধাসত্ত্বপ পরিবর্তন করিয়া শৈবালের কপাল ধরিয়া দেখিলাম। অভিমানে শৈবাল কপাল সরাইয়া নিল বটে, কিন্তু আমি একটা ঔষধ ব্যবস্থা করিতে ছাড়িলাম না। আমি গৃহিণীর

মনস্কৃষ্টি বিধান জ্ঞান আমার কামরার আসিয়া measure glassএ হোমিওপ্যাথির এক ডোজ লইয়া নিয়া শৈবালকে দিলাম। গৃহিণী বলিলেন—“খেয়ে ফেল।”

শৈবাল ঔষধের কি ব্যবস্থা করিল, তাহার তদন্ত করা আর আবশ্যক মনে করিলাম না।

সন্ধ্যার পর বসিয়াছিলাম। কি যেন কি একটা অশ্রাব বোধ হইতেছিল। প্রতিদিন এই সময় শৈবালের ব্রহ্মসঙ্গীত যেন মনের সকল অশ্রাব অভিযোগ পূরণ করিত। বসিয়া তাহাই ভাবিতেছিলাম, এমন সময় চণ্ডী বাবু আসিয়া ডাকিলেন, আমি তাড়া তাড়ি উঠিয়া আসিলাম। তাঁহার সেই সরল কৈফিয়ত—“দেওয়ানীতে একটা বড় complicated case নিয়ে একেবারে রাত হইয়া গেল। একটু এস দেখি, শৈবালের অসুখ হইয়াছে।”

আমি বলিলাম “ও কিছু নয় ; ছুপরে কিছু খায়নি, পিত্ত বেড়ে অসুখ হ’য়েছে, এখন কিছু খেলেই সেরে যাবে।

আমার কথায় চণ্ডীবাবুর মনে শান্তি আসিলনা। তিনি বাড়ীর সকল লোক একত্র করিলেন।

তাঁহার বাড়ীতে লোকের অভাব নাই। তিনি বহু লোকের অন্ন যোগাইয়া থাকেন। ১০।১২ টী দরিদ্র স্কুলের ছাত্র, ৪।৫ টী আশ্রয়হীন অন্নবেতন-ভোগী আফিসের কর্মচারি, একজন ডাক্তার, একজন কবিরাজ, এতদ্ব্যতীত দরিদ্র মকেল ও উপরি লোকেরত অভাব নাই। তখন যাহারা বাসায় ছিলেন সকলকে ডাকাইয়া তিনি কর্তব্য নির্ধারণ করিতে বসিলেন। শেষ—রজনী ডাক্তারের নিকট তাড়াতাড়ি গাড়ী পাঠানই ঠিক হইল। আমি দেখিয়া শুনিয়া অবাক হইয়া রহিলাম।

ছুটা স্কুলের ছেলে গাড়ী লইয়া ডাক্তার আনিতে গেল। আমাকে শৈবালের নিকট বসিতে বলিয়া চণ্ডীবাবু হাত মুখ ধুইতে গেলেন। আমি অনিচ্ছা সত্ত্বেও শৈবালের নিকট বসিয়া তাহাকে জিজ্ঞাসা করিলাম—“শৈবাল তোমার এখন কেমন বোধ হইতেছে?”

শৈবাল মুখ গুঁজিয়া কাঁদিতে লাগিল—কি সর্বনাশ হুঁফাইতে হুঁফাইতে শৈবাল বলিল “কেন আপনি আমাকে অবিশ্বাস করিলেন?”

আমার বুক ছুর ছুর করিয়া স্পন্দিত হইতেছিল। একটুক সামলাইয়া বলিলাম—“শৈবাল আমি তোমাকে অবিশ্বাস করিনাই। তুমি যদি সেরূপ কিছু বুঝিয়া থাক, তবে তাহা সম্পূর্ণ ভুল বুঝিয়াছ। আমি আজই সন্ধ্যার সময়ে সেকথা তোমাকে বুঝাইয়া বলিব মনে করিয়া ছিলাম। কিন্তু তোমার অসুখ, তাই চেষ্টা করিয়াও তোমাকে বলিতে পারিনাই। আমার কথায় ও আচরণে মনে আঘাত পাইয়া থাকিলে ক্ষমা কর। আমি কাহারও মনে আঘাত দিতে চেষ্টা করিনা। কেবল আত্মরক্ষাই আমার উদ্দেশ্য ছিল।”

শৈবাল চোখ মুখ মুছিয়া বলিল—“তবে এখন বলুন ; আপনি আমাকে কাল কেন তাড়াইয়া দিয়াছিলেন?”

বিষম অভিযোগ। আমার বকের ভিতর যেন কে হাতুরি পিটাইতেছিল। আমি মনে প্রাণে ভগবানের নাম জপিতেছিলাম এবং বলিতেছিলাম—“হে ভগবান তোমার ইচ্ছা পূর্ণ হউক।”

শৈবালের অভিযোগ শুনিয়া আমি বলিলাম—“ছি শৈবাল, আমি কি তোমাকে তাড়াইয়া দিয়াছিলাম। তুমি নিজ হইতেইত চলিয়া আসিয়াছিলে।”

“শৈবাল—সেকি আপনার অবহেলার ইঙ্গিতে নহে?” কথায় কথা বাড়ে। আমার এইরূপ কথোপকথনের আদৌ ইচ্ছা ছিলনা, সুতরাং আমি হার মানিতে বাধ্য হইলাম। আমি তর্কের উপসংহার মনস্থ করিয়া বলিলাম—“তুমি সুস্থ হও, আমি কাল সকল কথা তোমাকে বুঝাইয়া বলিব।”

শৈবাল বলিল—“আপনি আজ না বলিলে আজ রাত আমার অসুখ বৃদ্ধি হইবে।”

আমি বলিলাম—“উপায় নাই।”

এই সময় চণ্ডীবাবু আসিলেন। ছেলেরা আসিয়া বলিল—ডাক্তার বাবু আসিয়াছেন।

ডাক্তার আসিয়া ষথারীতি—Prescription করিয়া চলিয়া গেল।

আহারের পর চণ্ডী বাবু বলিলেন “চল আমরা শৈবালের নিকট বসিয়াই গল্প করি।” আচ্ছা বলিয়া আমি তাহার পশ্চাৎ পশ্চাৎ চলিলাম। তিনি বলিলেন

“শৈবালের অশুখে বড়ই অশুখ বোধ হচ্ছে। সন্ধ্যার পর কেমন ধাত হইয়াছে যোগেশ, একটু ভগবানের নাম না হ'লে যেন প্রাণটা খালি খালি বোধ হয়।”

চণ্ডীবাবুর এই মন্তব্যে আমার সম্পূর্ণ সহানুভূতি ছিল। বিশেষ আমিই বর্তমান ব্যাপারে অপরাধী। আমার পক্ষে শৈবালের মানসিক ভাব পরিবর্তনের সাহায্য করা কর্তব্য মনে করিয়া আগ্রহের সহিত বলিলাম—“শৈবালের সঙ্গীত আমি ভুলিতে পারিব না। শিলং ছিলাম সেখানেও তাহার গান যেন কাণে সর্বদাই বাজিত। কি মধুর সুর।” আমার প্রশংসা কীৰ্ত্তনে শৈবালের মুখ উজ্জ্বল হইয়া উঠিল। সে ধীরে ধীরে বলিল, “আপনি কেবল মুখেই বলেন—”

আমি বলিলাম—“সেকি শৈবাল, আমি কি তোমার সঙ্গীতের একজন নিয়মিত শ্রোতা নই?”

শৈবাল—“আপনি ঘর হইতে বাহির হন না বলিয়া, আমার গান শুনে ন।”

আমি—“তোমার গান শুনিয়া অপরিসীম আনন্দ পাই বলিয়াই বাহির হই না।”

শৈবাল—“নিশ্চয়ই না।”

আমি বলিলাম—“তবে আর উপায় নাই।”

শৈবাল—“তবে আপনি আমার চিঠি গুলির উত্তর দেন নাই কেন?”

আমি—“সে পৃথক কথা।”

চণ্ডীবাবু হাসিয়া বলিলেন “তুমি আমার দুই খানা চিঠি ও হজম করেছ।”

আমি—“আমাকে ক্ষমা করিবেন। আমার চিঠি লিখিবার অভ্যাস নাই, কাহাকেও লিখি নাই।”

চণ্ডীবাবু—“তবে তোমার নিজের কাজ কর্তব্য চলে কেমন করে? বন্ধু বান্ধব রাখতে হলে এসব কি চাই না? ভদ্রতা বিসর্জন করিলে চলবে কেন?”

আমি—“সংসারে বন্ধু বান্ধবের দায় রাখি না। বাড়ী ঘরেরও দায় রাখি না। আত্মা, অর্থ ও চাকুরী এই তিন দায় লইয়াই আপাততঃ চলিতেছি। আত্মার অবমাননা করিতে নাই, অর্থ ব্যতীত সংসারে স্থান নাই, আমার পক্ষে চাকুরী ব্যতীত অর্থ নাই—তাই এ তিনটা রাখিয়াছি।”

শৈবাল হঠাৎ উঠিয়া বসিয়া আমার হাত টানিয়া লইয়া বলিল—“দেখি, আপনার হাত দেখি?”

চণ্ডীবাবু বলিলেন—“শৈবাল “হাত দেখা” পুঁথি পড়ে সামুদ্রিক শিখেছে। সে সকলেরই অতীত ও ভবিষ্যৎ জীবনের অনেক ঘটনা বলিয়া দিতে পারে।”

হাত দেখিয়া শৈবাল আমার গত জীবনের অনেক ঘটনা বলিয়া যাইতে লাগিল। আমি শুনিয়া স্তম্ভিত হইয়া গেলাম। চণ্ডীবাবু গণনা মিলিতেছে দেখিয়া মুগ্ধ হইয়া শুনিতে লাগিলেন। আমি অনেক কথার উত্তর দিলাম, অনেক দিলাম না, শেষ বেগতিক দেখিয়া হাত টানিয়া লইয়া বলিলাম—“আজ থাক।”

শৈবাল আগ্রহের সহিত বলিল “কাল প্রাতে ভাল করিয়া আপনার হাত দেখিব।”

চণ্ডীবাবু আমাকে বলিলেন—“রাত্রি অধিক হইয়াছে এখন ঘুমাইতে যাও।” আমি চলিয়া আসিলাম।

শৈবাল ডাকিয়া বলিল—“কাল হাত ধুইবার পূর্বে আমি আপনার হাত দেখিব। হাত ধুইবেন না কিন্তু।”

২১শে অগ্রহায়ণ। প্রতি দিনই অতি প্রত্যাষে ঘুম ভাঙে। আজ উঠিয়া দেখি শৈবাল আমার বিছানার পার্শ্বে বসিয়া আছে। আমি বড়ই বিরক্ত হইয়া বলিলাম—“শৈবাল তোমার একটু বিবেচনা নাই, এত সকালে এখানে আসা তোমার উচিত হইয়াছে কি? তুমিতো শিশু নও, তোমার মা বাপ দেখলে কি মনে করবেন?”

“আমি মাকে না বলে এখানে আসিয়াছি—আপনার কি এই বিশ্বাস?” গম্ভীর স্বরে শৈবাল এই কথাটা বলিয়া আমার মুখের দিকে চাহিয়া রহিল।

আমি হঠাৎ কোন উত্তর দিতে পারিলাম না। ধীরে ধীরে বলিলাম—“তবে কি তোমার মা বাপ জানেন যে তুমি এই রাত্তি থাকতে আমার ঘরে আসিয়াছ?”

শৈবাল ছল্ ছল্ নেত্রে বলিল—“আপনার কি বিশ্বাস?”

আমি বলিলাম—“তুমি না বলিলে আমি কেমন করিয়া জানিব।”

শৈবাল—“সেদিন আপনি আমাকে কষ্ট দিয়াছেন আজও কি আপনি সেরূপ ব্যবস্থাই করিবেন?”

আমি বলিলাম—“তুমি এত বড় মেয়ে পিতা মাতার আজ্ঞাতে এইরূপ যথেষ্ট চলিলে, আমি সেরূপ ব্যবস্থা করিব তাতে আর বিচিত্র কি?”

শৈবাল—“আপনি কি আমাকে সেইরূপ মনে করেন?”

আমি রুদ্ধ স্বরে বলিয়া উঠিলাম—এত কথা বলিবার ও শুনিবার সময় নাই। তুমি এখন চলিয়া যাও নতুবা আমিই তোমাদের গৃহ ত্যাগ করিব।

শৈবাল হঠাৎ আমার পায়ে ধরিয়া বলিল—“আমায় ক্ষমা করুন, আমাকে এরূপ সন্দেহ করিয়া আমার প্রাণে আঘাত দিবেন না। আমি পরীক্ষা দিয়া, প্রমাণ করিয়া আপনার নিকট বিশ্বাসী হইতে চাই না।”



শৈবালের কর স্পর্শে আমার পা হইতে মাথায় ঘন একটা বিদ্যুৎ প্রবাহ ছুটয়া গেল।

আমি রুদ্ধ স্বরে বলিলাম—“তুমি এখন চলিয়া যাও।”

শৈবাল দৃঢ় স্বরে বলিল—“আমি যাইব না। আপনি ভ্রম করিয়াছেন।”

আমি বলিলাম—“তবে আমিই চলিলাম।”

আমি দ্রুতবেগে বাহির হইয়া গেলাম।

ক্রমশঃ।

গারো পল্লিতে একদিন।

রাজ কার্যে আদিষ্ট হইয়া আমরাগকে একবার কতকদিনের জন্য দুর্গাপুর থাকিতে হয়। দুর্গাপুর সুসঙ্গ পরগনার সম্মানিত রাজাদিগের রাজধানী। সুসঙ্গ ময়মনসিংহ জেলার উত্তর সীমানায় অবস্থিত। সেখানে অনেকগুলি পাহাড় আছে, তাহা ইতঃপূর্বে সুসঙ্গের মহা রাজারই খাসদখলে ছিল। সে পাহাড়ে রাজাদিগের হাতীধরার খেদা ছিল; প্রতি বৎসর বহু হস্তী ধৃত হইত। ইংরেজ গবর্ণমেন্ট ১৮৬৯ সনে Hill Act পাস করতঃ উক্ত পাহাড়গুলি সুসঙ্গ রাজের হস্তচ্যুত করিয়া খাস করিয়া লইয়াছেন। পাহাড় গুলি গারো পাহাড়ের সংলগ্ন। গারো হিল জেলার ও ময়মনসিংহ জেলার সীমান্ত চিহ্ন এলোমেলো ভাবে উভয় পাহাড়ের মধ্য দিয়া সংস্থাপিত হইয়াছে। সেই সীমান্ত চিহ্ন। দুর্গাপুর রাজভবন হইতে ৬।৭ মাইল অন্তর উত্তরে অবস্থিত। দুর্গাপুরের চতুঃস্পার্শ্ববর্তী রাজাদিগের মধ্যে গারো এবং হাজঙ্গের (হাইজঙ্গের) সংখ্যাই অধিক। হাজঙ্গগণ সাধারণত সমতলক্ষেত্রে বাস করে, গারোদিগের অধিকাংশেরই বাসস্থান উচ্চ উচ্চ টিপির উপর। কোন কোন স্থানে বৃক্ষের উপরেও দেখিতে পাওয়া যায়।

আমরা সন্ধ্যার প্রাকালে দুর্গাপুরে পহুঁছিয়াছিলাম। আষাঢ় মাস। প্রাবৃত লক্ষীর ঘন জলধর সমাচ্ছন্ন সান্ধ্য গগন ক্রোড়ে নিবিড় ঘন তরুরাজি সমন্বিত প্রাকৃতিক সৌন্দর্যের পাদ দেশে ক্ষুদ্র রাজধানী থানা বড়ই মনোরম দেখাইতেছিল। রাজধানীর পাদ প্রকাশন করিয়া পার্কতী সোমেশ্বরী তরঙ্গ তঙ্গে অঙ্গ দোলাইয়া প্রবাহিত হইতেছিল। সাহেবেরা (মাজিষ্ট্রেট, পুলিশ ও ডাক্তার সাহেব প্রভৃতি) এ পারেই রহিলেন। আমরা নদী পার হইয়া রাজধানীর ক্রোড়ে আশ্রয় লাভ করিলাম। বর্ষায় সোমেশ্বরীর স্রোত বড়ই প্রবল হয়। তাই এখানে তখন কোন নৌকার বন্দোবস্ত করা যাইতে পারে না। কোন্দা নৌকাই এখানকার প্রচলিত স্রোতযান। বড় বড় গাছের এক একটা বাকল দ্বারা এক এক একটা কোন্দা প্রস্তুত হয়। গারো এবং অন্যান্য পার্কতীয় জাতি ইহার পরিচালন

কার্যে বড়ই অত্যন্ত। চারিটা কোন্দা একত্র বাঁধিয়া তাহার উপর তক্তার পাটাতন আঁটিয়া আমাদের পারাপারের জন্য এক খেয়া প্রস্তুত করা হইয়াছিল।

পরদিন আমরা আবাদিগের নির্ধারিত কর্তব্য সম্পাদনে তৎপর হইলাম। মহা ঘটা পড়িয়া গেল। রাজধানীতে হস্তীর অভাব নাই। রত্নমালা মণি মাণিক্য খচিত করি পৃষ্ঠে আরোহণ করিয়া আমরা বিদ্রোহী দমনে অভিযান করিলাম। শূণ্য-পৃষ্ঠ কতকগুলি হস্তীও আবাদিগের অনুসরণ করিল। আমরা পাহাড়ের পর পাহাড়, গ্রামের পর গ্রাম পার হইয়া চলিলাম। সাহেবেরা ইত্যবসরেই তাহাদের স্ব স্ব গুণপনার পরিচয় দিতে ক্রটি

গ্রামের বা দেশের যাহারা প্রতিনিধি হইয়া আসিয়াছে, তাহারা সাহেবের সহিত অগ্রসর হইয়া আলাপ করিল। তাহাদের সহিত কথা বার্তায় বুঝলাম, তাহারা নিজ স্বার্থসিদ্ধির জন্য অকাতরে মিথ্যা, প্রতারণা এমন কি নরহত্যা করিতেও কুণ্ঠিত হয় না। স্বার্থসিদ্ধির জন্য অসৎ পথ অবলম্বন প্রয়াসী হইলেও তাহারা সরল বিধানের সহিত সকল কার্য্য করিয়া থাকে, কৌশলে ও মিথ্যার প্রশয় দেয় না।

গারো জাতি রাজ তক্ত। সে ভক্তি ভাবে, ভয়ে নয়। ভয় তাহাদের মনে একেবারেই নাই।

গারো দিগের বাস স্থান গুলি বড়ই অপরিষ্কার।

তাহারা ঘরে টং বা মাচা বাধিয়া দোতলার উপর বাস করে। নিচে অপরিষ্কার জঙ্গল, তাহাতে তাহাদের ক্রম্পণও নাই। ঘর গুলি ও অপরিষ্কার এবং বায়ু গমনা গমনের পথ শূণ্য।

বৃক্ষোপরি গৃহ গুলি খেনখেনপ্যাচর কোন মহাপ্রাণীর গৃহ বলিয়া মনে হয়। পর্বতের নিম্নদেশ হইতে উখিত কোন বৃক্ষের সমান্তরাল কাণ্ডে পর্বত গাত্র হইতে বংশ দণ্ড পাতিত করিয়া মঞ্চ প্রস্তুত করতঃ তাহার উপরে ছনের চাল ও চতুষ্পার্শ্বে দরমার বেড়া আঁটিয়া স্বর্গরাজ্যে যেন একটা ক্ষুদ্র জীব



গারো স্ত্রী ও পুরুষ।

করেন নাই। দুইটা শৃগাল শিশুকে অনায়াসেই বধ করিতে সমর্থ হইলেন।

দ্বিপ্রহরের কিছুপূর্বে আমরা আসিয়া এক গারোর টঙ্গে (বাড়িতে) অতিথি হইলাম। মহারাজার বন্দোবস্ত গুণেই আমাদের কোন বিষয়ে কোন অসুখ হইতে পারে নাই। আমাদের পঁছঁবার পূর্বেই গারো ও অন্যান্য অধিবাসিরা আসিয়া তথায় উপস্থিত হইয়াছিল। গারোরা মহারাজকে দেখিয়া যথেষ্ট সজ্জন সূচক অভিবাদনাদি করিল। সাহেব অস্ত্রাস্ত্রের প্রতি যেন তাহারা ক্রম্পণই করিল না।

নিবাস বাধিয়া লয়। অরণ্যচর হিংস্রক জন্তুদিগের উপদ্রবেই না কি তাহাদিগকে একরূপ সাবধানতা অবলম্বন করিতে হয়।

গারোদিগের মধ্যে একতা এবং একপ্রাণতার অভাব নাই। উহারা বাঙ্গালীর ঠায় স্ব স্ব প্রধান নহে। সমাজের মধ্যে এক জনের উপর প্রাধান্য সংস্থাপন করিয়া অপর সকলে নিরাপদে থাকিতে ভালবাসে। “নখমা” বা প্রধান ব্যক্তি যাহা করিবে, তাহাতে কাহারও আপত্তি থাকে না। সামাজিক শাসন সংরক্ষণের ভারও তাহাদের হস্তেই ন্যস্ত থাকে।

সে দিন সেই মহারণ্যের মধ্যে, সমাজের অধস্তন অসভ্য বর্কের জাতি হইতে রাজপুরুষেরা যে সংসাহস, একপ্রাণতা ও নির্ভীকতার পরিচয় পাইয়া আসিয়াছিলেন, পরাধীন ভারতের কোন জাতি হইতেই রাজপুরুষ ইংরেজ এইরূপ ব্যবহার পাইতে প্রত্যাশা করিতে পারেন না।

তাহাদের সরল বিশ্বাসের নিকট আমাদের রাজনীতির কূটসূত্রগুলি ছিন্ন ভিন্ন হইয়া গেল। বিদ্রোহী-দিগকে পাঁচ দিবসের জন্য চিন্তা করিতে অবকাশ দিয়া আমরা রাজধানীতে প্রত্যাবর্তন করিলাম।



গারো জাতির বাস গৃহ।

পর দিন প্রাবৃটলক্ষী গড়াইয়া পড়িলেন। ঘোর ঝনঝটায় জগন্মণ্ডল সমাচ্ছন্ন করিয়া বারিপাত হইতে লাগিল। বিশ্বগ্রাসী আহবে সোমেশ্বরী গর্জন করিয়া উঠিল। উশৃঙ্খল জল কল্লোল দেখিতে দেখিতে তট রেখা অতিক্রম করিয়া রাজধানীর উপর দিয়া প্রবাহিত হইয়া চলিল। আমরা ভয়ে ভয়ে মরিয়া হইয়া রহিলাম। ভয় হইয়াছিল বটে কিন্তু সেই ভয়ের পার্শ্বে ই যে একটা অনির্কচনীয় সৌন্দর্য্য ও কোতুহল মনোমধ্যে জাগ্রত হইয়াছিল, তাহা অতীব মনোরম।

দুই দিন অশ্রান্ত বর্ষণের পর বারিপাত বন্ধ হইল।

সঙ্গে সঙ্গে সোমেশ্বরীর বিশ্বগ্রাসী মূর্তী ও অস্তিত্ব হইল। আমরা নিশ্চিন্ত হইলাম।

নির্দিষ্ট দিবসে গারোপ্রতিনিধিরা আসিয়া রাজধানীতে সমবেত হইল। কিন্তু সে দিন ও বিশেষ কিছুই হইল না। আরও কয়েক দিনের সময় দেওয়া হইল।

ইত্যবসরে আমরা আমাদের সুদীর্ঘ দিবস গুলির একটা সম্ভাবহারের অনুষ্ঠান করিলাম। পাহাড় পরিভ্রমণ এবং গারোদিগের সামাজিক আচার ব্যবহার ও আভ্যন্তরিণ অবস্থা পরিজ্ঞাত হইবার বাসনা বড়ই বলবতী হইয়া

উঠিয়াছিল। তদনুসারে ব্যবস্থা করিয়া তৎকার্য্যে নিযুক্ত হইলাম। এইরূপে এক এক দিন, এক এক দিক করিয়া আমাদের কার্য্য সমাধা করিতে লাগিলাম।

এক দিন আমরা লঙ্কর ভঙ্গের কুঠী দেখিতে চলিলাম। ভঙ্গ, গারো-দিগের বিচারক। তাহার কুঠি গারোহিল জেলায় অবস্থিত, দুর্গাপুর হইতে ৮ মাইল উঃ পঃ কোণে। ৫৬ মাইল চলিয়াই

আমরা ময়মনসিংহ জেলার সীমানা অতিক্রম করিলাম।

আমরা ভঙ্গের বাজারে উপনীত হইলাম। আমাদের সৌভাগ্য বশত সে দিন হাট বার ছিল। বাজারে প্রবেশ করিয়া আমাদের আকবরসাহের মোহিনীমেলার প্রসঙ্গ মনে পড়িল। গারোবালিকা এবং যুবতীতে বাজার ধান ভরপুর। যুবতী বিক্রয় করিতেছে, বালিকা ক্রয় করিতেছে। বালিকা বিক্রয় করিতেছে, যুবতী ক্রয় করিতেছে; যেন এ গিরি-প্রাচীর অভ্যন্তরে আসিয়া এক অভিনব স্বর্গীয় স্বাধীনতা শিক্ষা সভ্যতা ও স্ত্রী স্বাধীনতার লীলাভূমি বৃটনের স্বাধীনতা কে ধিকার দিয়া এক অভিনব স্ত্রী স্বাধীনতার রাজ্য সৃষ্টি করিয়াছে।

ভদের হাটে প্রধানত গারোদিগের শিল্পজাত ও কৃষিজাত জিনিসই বিক্রীত হয়। তাহাদের কৃষিজাত জিনিসের মধ্যে ধান, চাউল, কলাই, মাকাজু, চিংড়া, কুটী, আলু, তরমুজ ইত্যাদিই প্রধান। শিল্পজাত জিনিস—কাপড়, ছালা, কাপড়ের ধলি, বাঁশের দরমা, বেতের জিনিস ইত্যাদি। গারোদিগের প্রস্তুত কাপড় তাহাদেরই পরিবার উপযুক্ত। ঠিক বিলাতি টিকনের ছায় শক্ত, বহর ১ হস্ত অপেক্ষা অধিক সাধারণতঃ হয় না। ইহাই তাহাদিগের একমাত্র লজ্জা নিবারণ পক্ষে সাহায্য করিয়া থাকে। ঐ বস্ত্র খণ্ড পুরুষগণ মেংটার ছায় ব্যবহার করে এবং রমণীগণ নাড়ীর মিরে কটা দেশের চতুর্দিকে ঘেরিয়া পরিধান করে। উহা রমণীগণের আলু স্পর্শ করিতে কদাপি অধিকারী। তাহারা অস্ত্র-অঙ্গে প্রায় কোন প্রকার বস্ত্র ব্যবহার করে না। তাহাতে সাক্ষাৎ কালে আমরাই লজ্জা বোধ করিলাম বটে কিন্তু তাহারা অল্পমাত্রাও লজ্জিত বা সঙ্কোচিত হইল না। কোন রমণী তাহার স্তন্যপায়ী শিশুটিকে পৃথক বস্ত্রখণ্ডে আবৃত করিয়া স্বীয় বস্ত্রখণ্ডে বন্ধন করত স্তন পান করাইতে করাইতে পয়সা হস্তে ইতস্ততঃ ভ্রমণ করিতে ছে। কেহ বা নিজামের শিশুকে গুঠদেলে রক্ষা করিয়া খরিদ শিক্রিতে নিযুক্ত।

এই পল্লীলোক গুলি হাট করিবার্থক বস্ত্রখণ্ডে সন্তান বধিরা গুঠে বোকাই মোট লইয়া উর্দে পর্কত গাত্রে আরোহণ করে তখন সে দৃশ্য দেখিলে অশির্চয়ান্বিত হইতে হয়।

বাজারে পশু পক্ষী ও যথেষ্ট বিক্রয়ার্থে প্রস্তুত ছিল। তাহাদের মধ্যে হরিণ, শূকর, ময়ূর, ময়না, মদনা, টীয়া প্রভৃতিরই আয়দানি অধিক। এই সমস্ত পশু পক্ষী প্রায়ই বৈদেশিক ক্রয়কারীদিগের নিকট বিক্রীত হইয়া থাকে। গারোদিগের প্রস্তুতি বেত এবং বাঁশের জিনিস বড়ই শক্ত এবং মমোরম। অনেক বৈদেশিক ক্রেতা ভদের হাটে বেত বাঁশ তুলা প্রভৃতি ক্রয় করিতে আসিয়া থাকে।

গারোদিগের নিজ ব্যবহারের জিনিস তাহারা নিজেরাই প্রস্তুত করিয়া লয়। তাহাদিগের প্রধান খাদ্য

চাউল; তাহাও-মিজেরাই কৃষিকার্য্য দ্বারা উৎপন্ন করিয়া লয়। যে পরিবারে কর্মক্ষম পুরুষ লোকের অভাব বা অল্প কোন প্রতিকূল কারণে কোন বিষয় সংগ্রহ করিতে অক্ষম, তাহারা এক জিনিস বিক্রয় করিয়া তৎমূল্যে অন্য জিনিস ক্রয় করিয়া লয়।

গারোদিগের পুরুষেরা হল চালনা, শীকার এবং কাঠ সংগ্রহ ইত্যাদি পুরুষোচিত কার্য্য করিয়া থাকে। স্ত্রীলোকেরা গৃহকার্য্য করিয়া অবসরক্রমে পুরুষদিগের সাহায্য করিয়া থাকে। এমন কি হল চালনাও তাহাদিগকে যথেষ্ট সাহায্য করিতে দেখা যায়।

বাজারে উৎপন্ন দ্রব্যের মধ্যে পঁচামৎস্যের আয়দানিই খুব বেশী। যে কোন স্থানের অবিক্রীত মৎস্য, বিক্রেতারা পঁচাইয়া ভদের হাটে বিক্রয় করিতে লইয়া যায়। পঁচা মৎস্য গারোদিগের বড়ই প্রিয়। যে কোন খাদ্য দ্রব্য তাহারা পঁচাইয়া খাইতে ভালবাসে।

গল্পছলে বর্তমান মহারাজা বাহাদুরের নিকট শুনিয়াছি, স্বর্গীয় মহারাজা দিগের খেদার বাহির হইবার দিনে রাজবাড়ীতে গারোদিগের একটা প্রকাণ্ড ব্রহ্মের ভোজ হইত, সেই ভোজের পূর্বে হইতে মৎস্য এবং হরিণ, ছাগ প্রভৃতির মাংস সংগ্রহ করিয়া তাহা পঁচাইয়া রাখা হইত। ভোজের দিনে ঐ সমস্ত পঁচা মৎস্য এবং মাংস প্রচুর লক্ষ্যসংযোগে অর্ধ পক অবস্থায় খাইয়া তাহারা বড়ই সন্তুষ্ট হইত। মধ্যে মধ্যে তাহা মৎস্যের ব্যঞ্জন দেওয়া হইত বটে কিন্তু তাহা তাহারা বড় পছন্দ করিত না। সেই পঁচা মৎস্যের দুর্গন্ধ সত্ত্বর আমাদিগকে বাজার ছাড়িতে বাধ্য করিল। আমরা ভদের কুঠিতে উপস্থিত হইলাম।

ভদের গৃহে উপস্থিত হইয়া গানিলাম। লঙ্করভঙ্গ আমাদিগের সহিত সাক্ষাৎ করিতে রাজধানীতে চলিয়া গিয়াছে। তাহার জামাতা গৃহে উপস্থিত ছিল। আমাদিগকে সাদরে অভ্যর্থনা করিল। তাহার বিশাল দ্বিতল আটচালার আমাদের বিশ্রাম স্থান নির্ধারিত হইল।

গৃহটা বেশ পরিষ্কার। হলটা খুব প্রশস্ত। চতুর্দিকে আয়নার জানালা। প্রতি ধামে ধামে হরিণ-শূক এবং তরুণি আট্টু ডিয়োর সুরঞ্জিত দেবদেবীর চিত্র।

আমরা হলে প্রবেশ করিলাম। লঙ্করের যুবতী কন্যা তাহার স্বাভাবিক উলঙ্গদেহ লইয়া আসিয়া আমাদের তীক্ষ্ণ আগ্রহ দৃষ্টিকে সঙ্কোচিত করিয়া দিল; আমরা দৃষ্টি-অবনত করিলাম। হলের ভিতরের আসবাব পত্র অতি সামান্য, একখানা টেবিল, খান কয়েক চেয়ার ও এক খানা লৌহখাট। জানিলাম, এ ঘর তাহাদের ব্যবহার জন্ত নহে। দেখিলাম, অস্ত্রাস্ত্র সাধারণ গারো-দিগেরস্তায় তাহাদেরও টংবা চাক্র পূর্ব কথিত রূপে অতি সামান্যভাবে নির্মিত।

সেই স্বভাব স্পন্দী বন বালিকা আমাদের জন্ত সহস্তু তাঙ্গুল চরণ করিখা আনয়ন করিল। একখানা রিকণ্ডিতে প্রদত্ত হইল। পান আশু, সুপারি অর্ধকাটা চুনপাত্র বারিবিহানে বিদীর্ণ-বন্ধ। আমরা যথা সম্ভব যত্নে সেই অপ্রত্যাশিত উপচৌকন গ্রহণ করিলাম ও বিমল আনন্দে চর্ষণ করিতে লাগিলাম। এদিকে লঙ্কর জামাতা তামাকু লইয়া সমর্জনা করিলেন। কেহ কেহ তাহারও মর্জাদা রক্ষা করিতে ইতস্ততঃ করিলেন না।

এই স্থানে আমরা বহুক্ষণ অপেক্ষা করিয়া গারো-দিগের আচার ব্যবহার ও রীতি নীতি সম্বন্ধে অনেক কৌতূহলাবহ গল্প শুনিয়া সেদিনের জন্ত বিদায় হইলাম।

বিবাহ পণে বালিকার আত্মবলি।

আমাদের হিন্দুসমাজে যে সমুদয় অশাস্ত্রীয় কদাচার অহরহ জনগণের হৃদয়শোণিত পান করিতেছে, তাহাদের মধ্যে বিবাহে পণ গ্রহণ প্রথাই বর্তমান সময়ে সর্বাধিক ভয়াবহ, বিকট দর্শন। ইহার ঘোর পীড়নে, নিদারুণ শোষণে কত কত গৃহ যে দারিদ্র্যের নিম্পেষণে পীড়িত হইয়াছে ও হইতেছে, কত শাস্তিময় সংসার অশান্তির আলয় হইতেছে, কত কত নর নারী দুর্কিসহ ঋণভারে অস্থির হইয়া পড়িয়াছেন তাহার ইয়ত্তা করা যায় না। চক্রে উপরই আমরা সর্বদা ইহার অনেক দৃষ্টান্ত দেখিতেছি। নাট্যকারের লেখনী এ প্রথার বিরুদ্ধে অগ্নি উদগীরণ করিয়াছে, নাট্যশালার কসাই সদৃশ বরের পিতার অভিনয়ে দর্শক বর্গ ছি ছি করিয়াছেন, সংবাদ ও

সাময়িক পত্রের স্তম্ভ ইহার অনিষ্টকারিতা বিষয়ক প্রবন্ধে পূর্ণ হইয়াছে, বঙ্গ ইহার বিরুদ্ধে আলামগ্নী বক্তৃতা প্রদান করিয়াছেন কিন্তু তাহাতে এ প্রথার কেশাগ্রও 'কম্পিত' হয় না; দিন দিনই ইহার প্রভাব, ইহার অত্যাচার বাড়িয়াই যাইতেছে। এই দীন লেখক কর্তৃকও "মানসী" পত্রিকার স্তম্ভে এই গুরুতর সামাজিক সমস্যার সমাধান কল্পে ইহার অনিষ্ট কারিতা প্রদর্শিত হইয়াছে; কিন্তু আসলে ঐ-সব উপায় ব্যর্থ হই হইয়াছে! তাহা না হইলে



স্বগীয়া কুমারী স্নেহলতা ।

আজ এই কুমারীর আত্ম-বলিদানের মর্মান্তিক সংবাদ আমাদের কাছে শুনিতে হইত না! ভগবতীর অংশভূতা কুমারী রক্তে আজ বঙ্গভূমি কলুষিত হইত না বাল্যলী হিন্দুর মুখে এই চিরস্থায়ী কলঙ্ক কালিমা লিপ্ত হইত না! চতুর্দশ বর্ষীয়া কুমারী স্নেহলতা যখন দেখিল তাহার বিবাহের ব্যয় সঙ্কলনের জন্ত তাহার স্নেহময় পিতা উদ্বাস্ত হইতে চলিয়াছেন, তাহার বিবাহের চিন্তায় তাহার পরম ভক্তি ভাজন পিতৃদেবের মুখমণ্ডল মসী মলিন, তখন সে পিতা মাতার মঙ্গলের জন্ত, তাহাদিগকে

স্বীয় পৈত্রিক আবাসে স্মরণার্থিত রাখিবার জন্ত, পিতাকে স্বীয় বিবাহ দায় মুক্ত করিতে স্বতঃ প্রবৃত্ত হইল ! তাহার ভাবী খণ্ডের অর্থ লালসার প্রীতি ঘৃণায় সে তাহার অমূল্য জীবন স্বহস্তে সমাজের এই কুপ্রথার পায়ে বলিদান দিল ! হিন্দু সমাজ হিন্দু সাধনা হইতে ভ্রষ্ট হইয়া, ত্যাগের পবিত্র মন্ত্রের পরিবর্তে ভোগের দাসত্ব স্বীকার করিয়া আজ ব্রাহ্মণ কুমারীর হত্যাপরাধে পাতকী হইলেন ! ইহাপেক্ষা লজ্জা, ইহাপেক্ষা পরিভ্রাণ, ইহার চেয়ে অধঃপতন আর আছে কিনা জানিনা !

শিক্ষিতাভিমাত্রী ব্যক্তিগণও যে এই প্রথার দাসত্ব হইতে মুক্ত নহেন, তাঁহারাও যে একটি চাপরাস বাঁধা পাত্রে পশ্চাতে দশজন দাঁড়াইয়া নিলামের ডাক চড়াইতে থাকেন, আর বরের পিতা একজনকে কথা দিয়াও তাহার পর উচ্চতর প্রলোভনে সে প্রতিশ্রুতি প্রত্যাহার করিয়াছেন এইরূপ ব্যাপার হিন্দু সমাজে বিরল নহে । এইরূপ একটা ব্যাপার লইয়া দুই বৎসর পূর্বে 'নায়ক' পত্রে অনেক পত্র কাটাকাটিও হইয়াছে । স্বাবর সম্পত্তি হীন, মধ্যবর্তী অবস্থার এক ভদ্রলোকের এফ এ, পাশ পুত্রের ডাক ২২০০ টাকা পর্য্যন্ত উঠিলে তিনি "ধতম" করেন নাই এরূপ ঘটনাও জানি স্মৃতরাং শিক্ষিতদিগের কথা আর কি বলিব ?

যতই কণ্ঠাকর্তাগণ সমাজের ভয়ে এই সব জলৌকা সদৃশ বর পক্ষগণকে স্বীয় শরীরের রক্ত শোষণ করিতে দিতেছেন, ইহাদের রক্ত পিপাসা ততই বাড়িয়া যাইতেছে । যাহার ঘরের চালে খড় নাই, তিনিও পুত্রের বিবাহে সোণার শ্যাজ, রূপার কমোড, আর মোটরকার দাবী করিয়া বসিতেছেন, আমরা কণ্ঠার পিতৃগণ নতশিরে তাহাতেই সম্মত হইতেছি ? অর্থবান লোকেরাই এই সব অর্থ পিশাচগণের লালসা আরও বাড়াইয়া দিয়াছেন । তাঁহারা দিতে সক্ষম, স্মৃতরাং দিতেছেন বটে কিন্তু তাহার প্রভাব অক্ষয়গণের মধ্যেও বিস্তৃত হইয়া তাহা দিগকে ত্রাহি ত্রাহি ডাক ডাকাইয়াছে !

এই অত্যাচারের পরিণতি, এই মহাপাপের স্মৃতিস্তম্ভ ফল—এই নিম্পাপাকুমারীর আত্মবলি ! যদি এই কুমারীর জীবন আহুতিতেও এই রাক্ষস যজ্ঞের পরিসমাপ্তি না হয়

তাহা হইলে অনেক ঘরেই এই স্নেহলতা নাটকের করুণ অভিনয় চলিতে থাকিবে ! মা সর্বসংসহা বঙ্গজননী কোলে স্নেহলতার অভাব নাই ! হিন্দু সমাজের কালিমালিপ্তমুখে আর কখন কোন কলঙ্ক দাগ পড়িবে তাই ভাবিতেছি !

এই রক্ত শোষণী প্রথারও নাকি পরিপোষক আছেন জানিয়া অতিমাত্র বিস্মিত ও ক্ষুব্ধ হইয়াছি ! তাঁহারা বলেন যে পুত্রই পিতার সব বিষয় সম্পত্তি ফাঁকি দিয়া খাইবে, কণ্ঠা কিছুই পাইবে না এটাও বড় অশ্রুত কথা ! পুত্র বংশ রক্ষার ভার পাইবে, পিতৃকুলের মান, সম্মান প্রভৃতি রক্ষার দায়িত্ব তাহার উপর । কণ্ঠা অশ্রুকুলে প্রদত্ত হইতেছে এই প্রদানের কি কোনই মূল্য নাই ! কণ্ঠার কি নিজের একটা মর্যাদা নাই ! কণ্ঠার ভরণ পোষণের ভার যেমন বরপক্ষ গ্রহণ করিবে, কণ্ঠাও তার পরিবর্তে তাহার নিজ জীবন সে সংসারের সেবার ঢালিয়া দিবে, বংশের রক্ষা করিবে—সংসারের ধাত্রী হইবে, সেটাকি কিছুই নহে ?

স্নেহলতার এই শোচনীয় আত্মবিসর্জনে মৃতকল্প হিন্দু-সমাজ আবার সঞ্জীব হইয়া উঠিয়া দৃঢ় পণে স্বীয়বন্ধ হইতে এই কলঙ্ক মুছিয়া ফেলুন আমাদের এই সনির্বন্ধ অনুরোধ ।

শ্রীযত্ননাথ চক্রবর্তী

অতৃপ্তি ।

প্রাণের আমার কোথায় ক্ষত
বুঝিয়া কেনরে বুঝিনা
প্রতীকার তরে বুরি ঘরে ঘরে
কিছু'ত গুঁজিয়া পাই না !
ধনের তরে ঘুরছি যত
অভাব আমার বাড়ছে তত
তুষার জালায় সাগর-বেলায়
ছুটিতে মনের বাপনা ;
প্রাণের আমার কোথায় ক্ষত
বুঝিয়া কেনরে বুঝিনা !

হ্য-লোকে-ভুলোকে কিছূত আমার
মনের মত যায় না দেখা
ধরার মাঝে প্রবাসী এমন
আমিই কিরে শুধু একা !
কি যেন এক অসীম ক্ষুধা
মিটে বুঝি পাইলে সুধা
গ্রাস করিলে বিশ্ব খানা
তবু যেন থাকবে ফাঁকা ;—

ধরার মাঝে প্রবাসী এমন
আমিই কিরে শুধু একা !
কি জানি কোন্ সুদূর দেশে
বিশ্ব খানার পর পারে—
দৃশ্টি তার মানস উজল
আকুল আজি করুছে মোরে !
সেথায় বুঝি সুধার ধারা—
অসীম সবাই সংখ্যা হারা,—
মিটায় জীবের তৃষ্ণা অসীম
বর্ষ বরিষে সদাই ব'রে—
কি জানি কোন্ সুদূর দেশে
বিশ্ব খানার পর পারে !

তাই ত ধরার ধনে মানে
ভূপ্তি নাইক আমার বুঝি
বিশ্ব খানার কানায় কানায়
মনের মানুষ পাই না খুঁজি !
প্রাণে আমার যাহার আশা
যেথায় আমার প্রাণের বাসা
সেথায় গেলে তৃষ্ণা ক্ষুধা
চিরতরে যাবে মজি ;

তাইত ধরার ধনে মানে
ভূপ্তি নাইক আমার বুঝি !
অগ্নি অতৃপ্তি,—হোত্রী-রূপিনি,
হৃদে আমার সদাই থাক !
মহাত্মার হোমানলে
বন্ধ খানা তপ্ত রাখ !

যেথায় গেলে ভাঙবে সৃষ্টি
যাহার কোলে চির মুক্তি
সেথায় যে'তে হৃদয় আমার
দিবা নিশি তপ্ত রাখ ;—

অগ্নি সজনি,—হোত্রী রূপিনি,
হৃদে আমার সদাই থাক !

শ্রীযোগেশচন্দ্র চক্রবর্তী

গ্রন্থ সমালোচনা ।

পূর্ব বঙ্গ পালরাজগণ শ্রীবীরেন্দ্রনাথ বসু ঠাকুর প্রণীত । বর্তমান ঢাকা জেলার অন্তর্গত ভাওয়াল, কাশীম-পুর, চাঁদপ্রথাপ, সুলতান প্রথাপ এবং তালিপাবাদ, এই পাঁচটি পরগণার অধিকাংশ নিবিড় অরণ্য-সমাকুল ; এই অরণ্যের অন্তরালে প্রাচীন ইতিহাসের বহু উপকরণ লুক্কায়িত আছে । এই প্রদেশের প্রাচীনত্বের সর্বপ্রধান প্রমাণ, ইহার অতি পুরাতন মৃ্ত্তিকা । মৃ্ত্তিকা পুরাতন বলিয়া তাহার অধিকাংশই কঙ্কর এবং তাহাতে লোহার অংশ অত্যন্ত অধিক ; দ্বিতীয় প্রমাণ বহু স্থানের ইষ্টক স্তূপ, মৃৎ প্রাচীর, বৃহদায়তন দীর্ঘিকার অবশেষ, ইত্যাদি । পুরাতত্ত্ববিদ পণ্ডিতগণ নির্দেশ করিয়াছিলেন যে প্রাচীন কালে এই সকল স্থানে অনেক নরপতি বাস করিতেন ; তাঁহাদের কেহ কেহ বৌদ্ধধর্মাবলম্বী ছিলেন । আমাদের সমালোচ্য গ্রন্থে এইরূপ তিনজন বৌদ্ধ নরপতি (শিশুপাল, যশোপাল এবং হরিশ্চন্দ্র পাল) এবং তাঁহাদের ভগ্নাবশেষ রাধানীর বৃত্তান্ত বর্ণিত হইয়াছে । লেখক বঙ্গ সাহিত্যের সেবায় নূতন ব্রতী, তিনি কল্প ও পরিশ্রম সহকারে জন প্রবাদ এবং ইংরাজী বাঙ্গলা ঐতিহাসিক গ্রন্থ অবলম্বনে নানা তথ্য লিপিবদ্ধ করিয়াছেন । তাঁহার উদ্ভ্রম প্রশংসনীয় । গ্রন্থের বিষয় বিস্তার সুন্দর এবং ভাষা সরল । আমরা গ্রন্থ পাঠ করিয়া সন্তোষ লাভ করিয়াছি ।

লেখক শ্রীশরচ্চন্দ্র চৌধুরী বি,এ, প্রণীত । গ্রন্থকার একজন সাধুব্যক্তি, ছাত্রবৃন্দের হিত সাধন কল্পে আত্মোৎসর্গ করিয়াছেন । গ্রন্থকার সরল ভাষায় বৈজ্ঞানিক ভাবে ব্রহ্মচর্যের উপকারিতা এবং অসংযত আচার ব্যবহারের অনিষ্ট কারিতা প্রদর্শন করিয়াছেন । আমাদের বিশ্বাস যে, ছাত্রগণ এই গ্রন্থ পাঠ করিয়া প্রভূত শিক্ষা ও উপকার প্রাপ্ত হইবেন ।

সৌরভ



সাহিত্য সম্মিলনের সভাপতি ।

মহানহোপাধায়

পণ্ডিত-রাজ শ্রীযুক্ত নানবেন্দ্র তর্করত্ন ।

শ্রীযুক্ত রামেন্দ্রশুন্দর ত্রিবেদী ।

শ্রীযুক্ত বিজেন্দ্রনাথ ঠাকুর ।

শ্রীযুক্ত অক্ষয়কুমার মৈত্রেয় ।

শ্রীযুক্ত ব্রজেন্দ্রনাথ শীল ।

ASUTOSH PRESS, DACCA.

সৌরভ

দ্বিতীয় বর্ষ । }

ময়মনসিংহ, বৈশাখ, ১৩২১ ।

{ সপ্তম সংখ্যা ।

আবাহন ।

(১)

আলো করি সকল ভুবন স্বর্ণ-বরণ গায়
হিমালয়ের শৃঙ্গ হতে আয় মা নেমে আয় !
দিগবিসারী হিমগিরি কণ্ঠা কুমারিকা

(তোমার) শ্রামল আঁচল ছড়িয়ে দিয়ে দেওমা দেও দেখা,
নাচিয়া উঠুক সাগর বক্ষঃ হিরণ কিরণ ছা'য়
আলো করি সকল ভুবন স্বর্ণ-বরণ গায়,
আয় মা নেমে আয় !

(২)

জ্বগেছিলি একদিন এম্মি প্রভাত বেলা
বিক্ষা হ'তে হিমশৃঙ্গে কল্লি কতই খেলা;
শক্তিময়ি ! শক্তির চেউ আকাশ জোড়া গতি
ছুটলো বেগে, দিগ্‌বিদিগে, ভুবন আলো জ্যোতি;

(উঠলো) নবীন তানে প্রণব গানে ঋষির তপোবনে
অনাসক্তি, ত্যাগের গীতি ধনীর সিংহাসনে ।
(হ'লো) ভূপের মাথার কিরীট নত শীর্ণ ঋষির পায় ।
আলো করি সকল ভুবন স্বর্ণ-বরণ গায়
হিমালয়ের শৃঙ্গ হতে আয় মা নেমে আয় !

(৩)

— হ'লিয়ে দিয়ে কমলপদ, সাগর বক্ষোপরি
কাঞ্চনশৃঙ্গে, ললিত অঙ্গে মোহন মূর্তি ধরি
বসলে তুমি, চরণ চুমি ছুটলো সাগর জল
পেয়ে, তোমার পদ, কোকনদ গরবে বিহ্বল ।

(হেরি) কোটা সূত, ভক্তি নত, স্তম্ভ ক্ষীর ধারা —
বইল হেসে, বক্ষঃ ভেসে, চেতন ভরা ধরা ।

স্নেহাবেশে পড়লো ধসে, শ্রামল আঁচল ধানি—
সাজলে জগদ্ধাত্রী, ভুবন-কর্ত্রী সারা ধরার রাণী ।
(ছুটলো) উষার আলো, জগৎ পেলো নবীন শক্তি তা'য়;
আলো করি সকল ভুবন স্বর্ণবরণ গায়—
হিমালয়ের শৃঙ্গ হ'তে আয় মা নেমে আয় !

(৪)

মোহন সুরে, উঠলো পরে মধুর বীণার তান,
প্রথম পরাণ পেয়ে বিশ্ব শুনলো প্রভাত গান
কানন কোলে, কুসুম দোলে, ভ্রমর পাগল ভ্রাণে-
গন্ধবহ বইল মন্দ, বিহগ গাইল বনে ;
কুলধনু, ফুলের ধনু মোহন ফুলের শর—
প্রণয়সূত্রে—প্রথম হেথা বাঁধলো বাসর বন্ধ,
রসিক কবি আঁকলো কত মোহন ছবি ধ্যানের
নাচলো বীরের তপ্ত শোণিত রুদ্রবীণার জ্বলনে
আত্মদর্শী, গাইল ঋষি—উচ্চ সাধন গান
বিশ্বময়ের-বিধমাবে স্বরূপ অধিষ্ঠান,
ঢালিয়া দিলো শোণিত মতী আপন পতির পায়—
হিমালয়ের শৃঙ্গ হ'তে আয় মা নেমে আয় !

(৫)

আয় মা আয় বসে আছি তোমার মুখ চেয়ে
হইল কত, সময় গত জীবন গেলো বয়ে
নামলো ধীরে, ভুবন ঘিরে আঁধার কাণ্ডে রাতি
রইলো পিছে, অতীত মাঝে ভাসুর অরূপ ভাতি
জাগবে তুমি, পু'জবো আমি অমাবস্তা রাতি
(ছুটলো) পৌর্ণমাসী, জগৎ হাসি, দিক্‌ জাগিয়ে ভাতি
আলো করি সকল ভুবন স্বর্ণবরণ গায়
হিমালয়ের শৃঙ্গ হ'তে আয় মা নেমে আয় !

মালীর যোগান ।

(কবিগান প্রসঙ্গে)

রাজার আদেশ, মালীকে ফুল যোগাইতে হইবে । কিন্তু আজকাল ফুল যোগান বড় দায়, একেত ভাল ফুল মিলেইনা, তাতে আবার যে কয়েকটি আছে, তাহাও দুপ্রাপ্য । কোনটি বা পাতায় ঢাকা, মানব চক্ষের অগোচরে পড়িয়া রহিয়াছে ; কোনওটি বা কাঁটা বনে ঘেরা, তুলিতে গেলে মালীর প্রাণান্ত কোনটি ; বা ছিন্ন দল, কোনওটি বা কীটদষ্ট, আর যে কত বাণী হইয়া, পড়িয়া ঝড়িয়া ধুলিসাৎ হইয়াছে, কে তার সংখ্যা করে ! বেশী দুঃখ এই ঝড়ে পড়া ফুলগুলির জন্ত, এগুলি কেবল ফুটিয়াই শেষ, কেউ তুলিয়া নিয়া দেব পদে উৎসর্গ করিল না—হায় বনের ফুল, তুমি কেন ফুটিয়াছিলে !

কিন্তু একটি কথা ; সেকালের সমজদারগণ যদি এইরূপ এক একটি বাগান সাজাইয়া রাখিতেন, তাহলে মালীকে এমনি বেগ পাইতে হইত না । তেমন রক্ষণ শীল লোক সেকালে অতি অল্পই ছিলেন । মালী কাঁটা ভাঙ্গিয়া বহু কষ্টে একটি ফুটন্ত ফুল সংগ্রহ করিয়া বাবুর হাতে দিল, বাবু ক্ষণিক তাহার সৌন্দর্য্য সৌরভের প্রশংসা করিয়া মালীকে যৎকিঞ্চিৎ পারিশ্রমিক দিয়া নূতন ফুল আনিতে আদেশ করিলেন, মালী বহু কষ্টের সমানীত ফুলগুলি, মহাশ্রোতে ভাসাইয়া দিয়া আবার নূতন ফুলের অন্বেষণে গেল । এইরূপে কাল শ্রোত যুগে যুগে কত মান্দার নিন্দিত ফুল যে ভাসাইয়া নিয়াছে, সারা জীবন কাঁদিলেও আর তাহা ফিরিয়া পাইব না ! তাই বলিতেছিলাম, সেকালের সমজদারগণ যদি বাড়ীতে বাগান সাজাইয়া ফুলগুলি সযত্নে রক্ষা করিয়া আসিতেন, তাহলে দেশে আজ ফুলের অভাব হইত না ।

এখন ফুল যোগান বড় দায় ! ফুল তুলিতে গেলেই কায়া আসে । একেত ফুল দুপ্রাপ্য, তার উপর আবার কুচি ভেদ । সকলে একরকম ফুল ভালবাসেন না ; কেউ ফুটন্ত গোলাপ ফুলটি চান, কেউ কনে বউটির মত সুই ফুলটিকে একটু বেশী আদর করেন, কেউ মালতীর মালা গাছটি গলে দুলাইতে তৎপর, কেউবা বকুলের

গন্ধে থাকুল, কেউ বা গন্ধরাজের উগ্র স্বাণে মাতোয়ারা । ফুলের রাজ্যে যেমন, সাহিত্য রাজ্যেও তেমনি । ছেলেরা ভালবাসে খোস গল্প, সুবকেরা ভালবাসে বুনিয়াদি প্রেমের টপ্পা, অপেক্ষাকৃত প্রাচীন ধারা তাঁহাদের মধ্যে কেহবা ঐতিহাসিক ভঙ্গুসংগ্রহার্থে উঠিয়া পড়িয়া লাগিয়াছেন, কেহবা ধর্ম্মতত্ত্বে মন দিয়াছেন ।

হুড়ু জগৎ নিত্য পরিবর্তনশীল । মানবের কুচির পরিবর্তনের সঙ্গে সঙ্গে, জগতের ভাষা, সাহিত্য, ভাব, চিন্তা—নিত্য পরিবর্তিত হইতেছে । আজ যাহা ভাল ছিল, কাল তাহা ভাল লাগেনা । পরিবর্তন প্রিয় সমাজ পুরাতনকে ধীরে ধীরে সরাইয়া, নূতনকে হৃদয়ে স্থান দিতেছে । তাই সেকালের প্রাচীনেরা যাহা ভাল বাসিতেন, নব্য সম্প্রদায় তাহা চায় না ।

সেকালের প্রাচীন সমজদারগণ ভালবাসিতেন, কবিওয়ালা ও সুমুর ওয়ালীর গান, সখী সংবাদ, পাঁচালী, টপ্পা ইত্যাদি । অশ্লীলতার ভাজ আছে বলিয়া, নব্য সম্প্রদায়, সেগুলিকে দেশ হইতে নির্কাসিত করিতে চাহিতেছেন । তাহার স্থান যাত্রা ও থিয়েটার সম্প্রদায় অধিকার করিয়া বসিয়াছে । সর্ব প্রকার অশ্লীলতা দেশ হইতে নির্কাসিত হউক, তার জন্ত দুঃখও নাই, খেদও নাই ; কিন্তু দুঃখ এই, আমরা বাহিরের আবর্জনা তুলিয়া লইয়া তাহা আনিয়া ধরে স্থান দিতেছি । সেকালের সীতার বনবাস, রাম বনবাস প্রভৃতি পালা সমাজকে সত্য ধর্ম্ম, পাতিব্রত কত কিনা শিক্ষা দিয়াছে । কিন্তু আধুনিক পালা গুলির প্রতি একটু সন্দেহ ভাবে দৃষ্টি করিলে দেখা যায়, লোকের মনোরঞ্জনের জন্ত, কবিগণ আপন আপন গ্রন্থে, কেবল নৃত্য গীতের বাহুল্য মাত্র দেখাইয়াছেন । ফলে অশ্লীলতা ষোল কলার পূর্ণ হইয়া অভিনয়ের সঙ্গে ঢুকিতেছে । মগধ মিলনের কবি নিজে রস বর্ণনার অক্ষম হইয়া, বিদ্যাসুন্দর হইতে ধার করিয়া নারীগণের পতি নিন্দাটি পর্য্যন্ত গীতাভিনয়ে স্থান দিয়াছেন । তারপর অপরিণীতা গৌরীর মুখে বন মালা শোভিত নারায়ণকে দেখিয়া যে কথা বলাইয়াছেন, সেস্থানে কবি তিরস্কারেরও অল্পপযুক্ত । সীতার বনবাসে বনবাসিনী বিরহ বিধুরা সীতার সম্মুখে, ব্যাধগণের

অস্বাভাবিক তাগুব নৃত্য কেবল লোক মনোরঞ্জনের জ্ঞান টানিয়া বুনিয়া খাড়া করিয়াছেন। যোগমায়ার পুতনার সেই অঙ্গ ভঙ্গি ও মাসীর গানটি কতটুকু শীলতা পূর্ণ তাহা আমরা বুঝিয়া উঠিতে পারিলাম না। এমনকি পুত্রশোকাতুর বৃদ্ধ দশরথের সম্মুখে নর্তকীগণের একটা নাচ দিতে “দশরথ উদ্ধারের” বেহায়া কবি একটুও ইতঃস্তম্ভ করেন নাই! বলিহারি লোকরঞ্জনৈচ্ছা! বলিহারি কলির জীবের রুচি! তারপর আর একটি চং, প্রত্যেক পালাতেই একটি হান্ত রসিক বয়স্ক থাকে চাই; এই সকল জীবের কথায় হান্ত রসের উদ্রেক হওয়া দূরে থাকে বরং মনে বিরক্তিরই সঞ্চার হয়। হাসিতে যাওয়ারও একটা কায়দা আছে; হাসির কথায় মুন্সিয়ানা থাকে চাই, নতুবা রঙ্গমঞ্চে অবতীর্ণ হইয়া মুখে যা আসে, বলিতে থাকিলে তাতেও লোকে হাসিবে, সে হাসি অবশ্য পৃথক ভাবে। পাগলের পাগলামি দেখিয়া লোকে হাসি রাখিতে পারে না, তাই হাসে। অল্পদিন হইল একখানা নূতন গীতাভিনয়ের অভিনয় দেখিয়া-ছিলাম, নামটা তাহার সহস্রস্বক্ক রাবণ বধ। হাজার মাথার একটা রাবণ ছিল। দশ মাথার জ্বালায়ই একবার দেবগণকে শুদ্ধ অস্তির হইতে হইয়াছিল, তা’তে আবার যে রাবণ আপন কাঁধে মাথা মুণ্ডের একটা হাট বসাইয়া রাখিয়াছিল সে যে কিরূপ ভীষণ হইতে পারে তাহা সহজেই অনুমেয়। সেই রাবণটার ছিল একটা শালা, নাম তার ভদ্রমুখ। ভদ্রমুখটা তেমনি একটা বয়স্ক। সেই ভদ্রমুখ শালা রঙ্গমঞ্চে অবতীর্ণ হইয়া এমনি ভাষায় বলিতে লাগিল যে অনেক চাষার ছেলের মুখ দিয়াও সেরূপ ভাষা বাহির হয় না।

ইহারও একটা কারণ আছে। নাটক-নভেল-কাব্যকার সকলকেই সমালোচনার আঙুনে পুড়িতে হয়, কিন্তু গীতাভিনয় গুলির সমালোচনা হইতে বড় দেখা যায় না। সেই জন্মই বোধ হয় এইরূপ অবাধ বিচরণ। কিন্তু এই অবাধ বিচরণের ফল বড় ভাল হইতেছে না। যে গীতাভিনয়গুলি পল্লীগায়ের অশিক্ষিত ও অর্ধশিক্ষিত লোকের শিক্ষাদাতা, সেগুলি এইরূপ ক্ষুদ্র কবি বা আদৌ কবি নামের অল্পপয়স্ক লোকের হাতে পড়িয়া তাহাদের

নিজস্ব হারাইতে বসিয়াছে। তবে একথাও অবশ্য স্বীকার্য্য, যে গীতাভিনয় রচয়িতাদিগের মধ্যেও এমন লোক আছেন, যাহারা শ্রেষ্ঠ কবির আসন্ন পাইবার যোগ্য।

এতো গেল গীতাভিনয়-কর্তাদের কথা। ধরিতে গেলে বুঝুরওয়ালার ও থিয়েটারের অভিনেত্রীগণ একই জাতীয় লোক। আধুনিক সভ্যতার হিসাবে ও রুচিভেদে, আমরা কিন্তু বুঝুরওয়ালীগণকে যে চক্ষে দেখি, থিয়েটারের অভিনেত্রীগণকে সে চক্ষে দেখি না। বুঝুরওয়ালীগণ আধুনিক সামাজিকগণের চক্ষে হীনা ও উপেক্ষিতা, পক্ষান্তরে থিয়েটারের অভিনেত্রীগণ দুর্ভাগ্য ও সম্মানিতা। রুচি একই জিনিষকে দুই ভাগে কাটিয়া, এক ভাগ আঙ্গুকুড়ে ফেলিয়াছে, অপর ভাগকে সম্মানে বকের উপর স্থান দিয়াছে।

সে কালের কবিওয়ালাগণও এক্ষণে সমাজের চক্ষে অবজ্ঞাত ও উপেক্ষিত। মনিষী দীনেশচন্দ্র তাঁহার “বঙ্গভাষা ও সাহিত্যে” এই শ্রেণীর লোককে অর্ধচন্দ্র দ্বারা বিদায় পূর্বক সমাজ হইতে বহিস্কৃত করিবার ব্যবস্থা দিয়াছেন। অশ্লীলতার হিসাবে এই সমস্ত লোক যেমন “অর্ধচন্দ্র” পাইবার যোগ্য, তেমনি সুমধুর কাস্ত পদাবলী, ও ভাবময় মধুর সঙ্গীত রচনার জ্ঞান ইহারা বঙ্গ সাহিত্যের এক একটি রত্নাসন পাইবার অধিকারী।

কবিওয়ালাগণকে লোকে যতই দোষী সাব্যস্ত করুক না কেন, একবারে ষোল আনা দোষ তাঁহাদের স্কন্ধে চাপান যায় না। তজ্জন সমাজও অল্পাধিক পরিমাণে দায়ী। নিরক্ষর গ্রাম্য কবিওয়ালাগণ কেবল বয় উপার্জন, কিম্বা ভাষা-সাহিত্যের উন্নতির জ্ঞান কবিতা রচনা করেন না। ইহা তাঁহাদের উদর পালনের একমাত্র পন্থা; অর্থ উপার্জনই তাঁহাদের একমাত্র লক্ষ্য। এমতাবস্থায় কবিকে কথায় কথায় লোকের মুখাপেক্ষী হইতে হয়। দেশ কাল পাত্র যাহা চায়, বাধ্য হইয়া তাঁহাদিগকে তাহাই করিতে হয়। তা না হইলে লোক-সমাজে তাঁহাদের প্রসার প্রতিপত্তি বজায় থাকে কোথায়? মনে করুন ভাগবত রামায়ণ মহাভারত প্রভৃতি পুরাণ প্রসঙ্গ লইয়া কবির লড়াই বাধিয়াছে। উভয়ে যথাশাস্ত্র তাহার ব্যাখ্যা আরম্ভ করিয়াছেন। উন্নত ভাব, উন্নত

চিন্তা, মধুময় পদাবলী, মাধুর্যের প্রসবন শত মুখে উপ-
লিয়া উঠিতেছে। কত কুর্ভিবাস, কত কাশীদাস, কত
বিজ্ঞাপতি চণ্ডীদাস তাঁহাদের জিহ্বাগ্রে। ভাষা সহস্র
মুখে সফেন জাহ্নবীর ধারার ঞায় কলকলে বহিয়া যাই-
তেছে। সভা নিস্তর, নীধর, সভাসদগণ নীরব। অমনি
কোন কোন বদ-রসিক সমজদার আদেশ করিয়া বসিলেন,
'মোট ভজন' চাই। তখনি শাস্ত্রকাহিনী, পুরাণকাহিনী
পরিভ্যক্ত হইল; দেখিতে দেখিতে সভাসদগণের বিকট
হাস্য ও করতালীতে চারিদিক মুখরিত হইয়া উঠিল। সে
সব অশ্রাব্য অশ্লীল ভাষা ও সঙ্গীত শ্রবণ করিয়া অনেকে
হয়ত কানে হাত দিলেন। এইখানে বলিতে হইবে
গঙ্গাজল নিজে কলুষিত ছিল না আমরাই নিজ দোষে
তাহা কলুষিত করিয়াছি। শোনা যায়, গর্দভ স্রোতের
জল পান করে না, জল খোলা করিয়া তবে পান করে;
এইজন্য আমরা গাধাকে কত নিন্দা করিয়া থাকি।
কিন্তু মানুষ আপনার দোষ দেখে না, পরের দোষ ঢাক
বাজাইয়া প্রচার করিয়া ফিরে।

আমরা নিজের দোষে ভালকে মন্দ করিয়া তুলিয়াছি।
এইজন্য ময়মনসিংহের সুপ্রসিদ্ধ কবিওয়ালারা রামগতি
সরকার আক্ষেপ করিয়া বলিয়াছিলেন—“সঙ্গীত-
জীবীদের মধ্যে প্রত্যেকেরই একটা মান সম্মান আছে।
কেবল কবিওয়ালাগণের তাহা নাই। ধিয়েটার সম্প্রদায়
রঙ্গমঞ্চের উপর দাঁড়াইয়া কত ক্ষুর্ভি করে, বাই-ধেমটা-
ওয়ালারা করাসের চাদরের উপর পায়ের ধূলা ঝাড়িয়া
দেয়, চূর্ভাগ্য কবিওয়ালাদের াকিন্ত মাটির বিছানা
দূর হইল না। ইহার কারণ লোকে আমাদেরকে একটা
যাত্রার সংএর মত বিবেচনা করে। অশ্লীলতা বক্বাজীই
আমাদের পেশা। নপুংসক গুণ্যের গান ও আমাদের
কবিওয়ালাদের গান লোকে একই পংক্তিতে স্থান
দিয়াছে। দোষ কিন্তু আমাদের নহে; অশ্লীলতা প্রচার
আমাদের উদ্দেশ্য নহে। শাস্ত্র আলোচনা, সঙ্গীত রচনা,
মানুষকে মধুর হরির নাম প্রদান করা, নির্দোষ আমোদ
প্রমোদে ভুলাইয়া রাখা—ইহাই আমাদের লক্ষ্য। কি
করি. লোকে তা বুঝে না। তাহারা স্বচ্ছ জল খোলা
করিয়া পান করিবে, আমাদের, কি দোষ। দোষ

আমাদের—আমরা এই, ঘৃণ্য পেশাটা ছাড়িয়া দেই
না কেন?”

কথাগুলি যেমন সত্য, তেমনি মর্মান্বন। পায়ের
কোনও স্থান ছুঁতে আক্রান্ত হইলে, জীবন নাশের
ভয়ে, ডাক্তার তাহার সমস্তখানি পা কাটিয়া ফেলেন।
হতভাগ্য ব্যক্তি চিরদিনের জন্য অঙ্গহীন হইয়া পড়ে।
ইহজীবনে তাহার আর সে অভাব পূর্ণ হয় না। ভাষা
সাহিত্যের অঙ্গ হইতে অশ্লীলতা রূপ ছুঁতে আক্রমণ
ব্যর্থ করিবার নিমিত্ত, আমরা তাহার সেইরূপ একখানি
পা কাটিয়া ফেলিতেছি, সে অভাব ইহজীবনে আর পূর্ণ
হইবে না, স্ননিশ্চয়। যত দিন বাচিয়া থাকি, সেই ছিন্ন
অঙ্গের অভাব, পলে পলে, প্রতি পাদক্ষেপে, আমাদেরকে
যে কি মর্মান্বনদী যাতনা প্রদান করিবে, আমরা তাহা
সময়ে টের পাইব। হাঁসের একটা অঙ্গুষ্ঠ ক্ষমতা আছে
শুনা যায়, নীর ও ক্ষীর একত্র মিশাইয়া দিলে, নীর ত্যাগ
করিয়া ক্ষীর পান করে। কিন্তু উন্নত জীব মানুষের সে
ক্ষমতা নাই। তাই আমরা নীরের সহিত ক্ষীর ত্যাগ
করিয়াছি। কীটের জন্য এমন দেব দুর্ভেদ্য পুষ্পকে
জন্মের মত বিসর্জন দিয়াছি।

এইবার ময়মনসিংহের দাশুরায়-রামগতি সরকার
ও অন্যান্য কবিওয়ালাগণের কয়েকটা গান নিয়ে সন্নি-
বেশিত করিলাম। ভরসা আছে, পাঠকগণ ইহা হইতেই
উল্লিখিত কথাগুলির সত্যতা হৃদয়ঙ্গম করিতে পারিবেন।
বঙ্গালার গীতি কবিতার অভাব নাই। তথাপি আমা-
দের বিবেচনায়, এই সমস্ত গান সংগৃহীত হইলে, বঙ্গালা
ভাষার অনেক পুষ্টি সাধিত হয়। ময়মনসিংহের সাহি-
ত্যের ইতিহাসে এইগুলি অমূল্য মণি মানিকোর ঞায়
স্থান পাইবার যোগ্য। যেমন কোনও বহুমূল্য রত্নহার
হইতে, একটি মাত্র রত্ন স্থান চ্যুত হইলে সে স্থান শূণ্য
থাকিয়া যায়, সেইরূপ যদি কেহ কোনও দিন, ময়মন-
সিংহের সাহিত্য ভাণ্ডারের রত্নগুলি লইয়া হার গাঁধিতে
চেষ্টা করেন, তাহা হইলে, সেই হারের, এমন স্থান অপূর্ণ
থাকিয়া যাইবে, যে কোনও উজ্জল রত্নেও সে স্থানের
অভাব দূরীভূত হইবে না। আমাদের মনে হয়, বহুদিন
হইতে সেই রত্নগুলি একটি ছইটি করিয়া হারাইয়া

যাইতেছে, এখনও চেষ্টা করিলে তাহার কথঞ্চিৎ সংগৃহীত হইতে পারে ।

ময়মনসিংহের কবিওয়ালাগণের এই সকল গান এত সহজে নষ্ট হইবার কয়েকটি কারণ আছে । প্রথম কারণ ময়মনসিংহের বহু কবির কবিতা, কাব্য, পুরাণ মুদ্রযন্ত্রের অভাবে মানব নয়নের গোচরী ভূত হয় নাই । অবশ্য তৎকালীন ময়মনসিংহে ধন-কুবেরের অভাব ছিলনা । ময়মনসিংহে বহুপরজাস্ত ভূম্যধিকারীর বাস, তবে তাঁহারা এইরূপ পাপামুষ্ঠানে, যে ছুপয়সা জমাসেবেরস্থায়, বাজে খরচ লিখেন নাই, এজন্য তাঁহাদিগকে ধন্যবাদ দেওয়া যায় । অধচ শুনা যায় এই সমস্ত ভূম্যধিকারী-গণের মধ্যে সঙ্গীত প্রিয় সমজদার লোক অনেক ছিলেন । দ্বিতীয় কারণ তদানিস্তন ময়মনসিংহে রক্ষণ শীল লোক অতি অল্পই ছিলেন । সঙ্গীত, কথকতা, ছড়া পাঁচালী, তাঁহারা এককানে শুনিয়েছেন অল্প কান দিয়া তাহা বাহির হইয়া গিয়াছে । এইরূপ অনাদরে ও রক্ষণ শীল লোকের অভাবে ময়মনসিংহের সাহিত্য ভাঙার হত সর্বস্ব হইয়া পড়িয়াছে ।

তৃতীয় কারণ—কবিগাথকগণের কর্ণ পটাহভেদী চিৎকার, ও সঙ্গীতের ভাষার জড়তায় অনেক সময় শ্রোতাগণ সঙ্গীতেরপদ গুলি একেবারেই বুঝিয়া উঠিতে পারিতেন না । এইরূপ নানা কারণে বোধ হয় লোকে দিন দিন কবিগানের উপর বীতশ্রদ্ধ হইতে লাগিল ।

চতুর্থ কারণ—গ্রামে গ্রামেই সম-প্রতিদ্বন্দী দল ছিল । এক দল কোনও রূপে একটি গান সংগ্রহ করিয়াছে, সে দল সেই গানটিকে এমনই সন্তর্পণে রক্ষা করিয়াছে, যে প্রতিদ্বন্দী ঘৃণাকরে তাহার একটি মাত্র চরণ ও পাইতে না পারে, এদিকে অন্য দলও এইরূপ নূতন গান সংগ্রহ করিয়া আনিয়াছে । একদল একদিন একটি গান গাহিলে, অন্য দল সে গানটি আর কখনও গায় নাই । এইরূপেও কত অমূল্য সঙ্গীত কবিওয়ালাগণের হাতের লিখা খাতার পড়িয়া পঁচিয়াছে ।

আমাদের মনে হয় অধঃপতনের সর্বশ্রেষ্ঠ কারণ, কবির দলে প্রতিভাশালী লোকের অভাব । দাশুয়ায় যদি আবার জন্মগ্রহণ করেন ; তবে হয়ত লোকে সখ

করিয়া আবার কবি গান শুনিতে যাইবে । একটা লোকের অভাবে, একটা সম্প্রদায় বিলুপ্ত হইয়া যায় । দাশুনাই, গান শুনে কে ? শুনায়ইবা কে ? অশ্লীলতাও একটি কারণ হইতে পারে, কিন্তু আমাদের বিবেচনায় ইহা একটি অতি সঙ্কীর্ণ কথা । এইরূপ অস্থায়ী ভাব দেশকাল পাত্রভেদে জন্মে, আবার দেশকাল পাত্রভেদে অন্তর্হিত হইয়া যায় ।

অনেক লোক এমন আছেন যাহারা বলেন, কবি গান শুধু অশ্লীল নয়, ভাববর্জিত ও নীরস । তাঁহাদের কথা সত্য । এ সম্বন্ধে একটা রসের কথা আছে, এক ব্যক্তি অন্ধকারে বসিয়া মণ্ডা খাইতেছিল । দুর্ভাগ্য ক্রমে সেই মণ্ডার ভিতর ছিল একটা টিকিয়া । পথিক, সর্বাঙ্গে সেই টিকিয়াটাই মুখে পুরিয়া দিয়া, চিবাইতে চিবাইতে বলিলেন, “হায় হায় ভগবান ছনিয়ার মণ্ডার মিঠাও তুলিয়া লইয়াছেন ।” যাহারা এইরূপ অন্ধকারে, টিকিয়া খাইয়া, মণ্ডার স্বাদ বুঝিতে চেষ্টা পাইয়াছেন, তাহাদিগকে বুঝাইতে যাওয়া বিড়ম্বনা মাত্র । আর যাহারা কেবল মাত্র, অশ্লীলতার ভাজ আছে বলিয়া নাসিকা কুঞ্চিত করেন, তাহাদিগকে ময়মনসিংহের কবি রামগতির এই কয়েকটি সঙ্গীত পাঠ করিতে অহুরোধ করি । ময়মনসিংহের বিভিন্নস্থানে এইরূপ অসংখ্য সঙ্গীত লোকের মুখে মুখে ফিরিতেছে । সেই ভাবময় সঙ্গীত মুক্তাবলী একা সংগ্রহ করা সুকঠিন । আমরা সবগুলি গান আশুস্ত সংগ্রহ করিয়া উঠিতে পারি নাই, কতকগুলি ছিন্ন দল, কতকগুলির ছএকটি পাপড়ি মাত্র নয়না স্বরূপ গাঁধিয়া দেওয়া হইল । আমাদের বিশ্বাস, বিভিন্ন স্থান হইতে কুড়াইয়া লইয়া, এই সমস্ত সঙ্গীত সংগ্রহ করিতে পারিলে, একখানি প্রথম শ্রেণীর গীতি কাব্য হইতে পারে ।

১। চন্দ্রাবলীর কুঞ্জে গিয়ে রইলেন রসময়,

তাঁরি আশাতে—বৃন্দে-চিত্রে-ললিতে,

মন সাথে নিকুঞ্জ সাজায় ।

তুইলে ঠাপার কলি,

গন্ধরাজ ফুল, সক্ষ্যামালী, মালতী, একুল,

তুইলে মন সাথে বনফুল,

টপস, বেলা, সেকালিকে,

ককচুড়া, কাঠ মালিকে—

কুঞ্জ দেখে শ্রীরাধিকের প্রাণ হইল আকুল ।
 না পেয়ে সে কুঞ্জের দেখা, কাতরা হইয়ে,
 সখীগণের বদন চেয়ে, বলতেছে ললিতের কাছে
 আর নিশি নাই, প্রাণ সহি গো ! শ্রামের আসার আশা কি আছে ?
 ঈধু আসবে বইলে,
 মন সাধে কুসুম ভুইলে, গোধে ছিলাম হার--
 মনে বাসনা ছিল আমার--
 বকুল, বেলী, সেফালিতে,
 হার গেথেছি বিনা স্মৃতে,
 ভুলাইতে নন্দের স্মৃতে, পলে দিতাম তাঁর ।
 যার আশাতে কুঞ্জে বসি,
 জাগিয়ে পোহালেম নিশি,
 কেবল তারা গুণে সারা হলেম সহি ।
 আশা তরু তলে বসে,
 ছিলাম সখি, ফুলের আশে,
 অভাগিনীর কর্ম দোষে, ডাল ভেঙ্গে সব কল নিয়াছে।
 আর নিশি নাই, প্রাণ সহি গো ! শ্রামের আসার আশা কি আছে ?

(কুমুদ)

করলেম কুমুদ প্রেমের একাদশী, ঐ পোহাল নিশি ।
 যার আশাতে করলেম শয্যা,
 সে আইল না পেলেম লজ্জা, হলেম উদাসী,
 আমার অঙ্গে নাই সে বল,
 কি করিব বল,
 যে জালা জালাইল কালশশী, ঐ পোহাল নিশি,
 —করলেম কুমুদ প্রেমের একাদশী ।

উল্লিখিত গানটির উপর, পাঠকগণ একটু মনোযোগ করিবেন । এখানে অশ্লীলতার নাম গন্ধও নাই । অধচ আদি হইতে অস্ত পর্য্যন্ত সরস ভাব ।

পাঠকগণ, এই অভিসার রজনীকে তিন ভাগে বিভক্ত করিয়া মানস নয়নে একবার সেই পীরব যৌবন ভারাক্রান্তা বোড়শী গোপ যুবতীগণের গতি বিধি লক্ষ্য করিতে থাকুন । কুঞ্জবাসিনীগণ সকলেই অভিসারিকা । সকলেই শ্রাম সন্দর্শনাভিলাসিনী । প্রথম রজনীতে ফুল তোলা । বাগান ভরা ফুল, আকাশ ভরা তারা । নীচে শিশির মুক্তা খচিত দুর্কাদলের গালিচা, তাহার উপর অলঙ্কৃত রঞ্জিত, নুপুর শিজিত, চরণের ছুটাছুটা । অলঙ্করণে দুর্কাদল রঞ্জিত হইতেছে । এই ফুলটি আমার প্রিয়তম কেশব ভালবাসেন, রাধা নিজে এই ফুলটি তুলিতে

পারিল না, চিত্রা ও ললিতার কাছে কত অশ্রু নয় করিয়াছে, চিত্রা-ললিতা পুষ্পশাখা নত করিয়া ধরিল, হয়ত রসিকা চিত্রা ও ললিতা পুষ্প শাখাটিকে এমন ভাবে নোয়াইয়া ধরিল যে রাধা তাহা ধরে ধরে ধরিতে পারে না । ঐ দেখুন রাধা হৃপায়ের বৃহদ্রুষ্ঠের উপর ভর রাধিয়া, উকি দিয়া ফুলটি ধরিতেছে ; একদিকে অঞ্চল স্থানচ্যুত হইয়া ভুলু ঠিত হইতেছে । তাহার বদন মণ্ডলে কি সুন্দর রঞ্জিত আভা ।

এইবার রাধা ফুল তুলিল । ফুলটি তুলিতে তাহার যতটুকু কষ্ট হইয়াছিল, তুলিয়া ততটুকু আনন্দ পাইল । বহুকষ্টে বহু আগ্রহে ফুল তোলা শেষ করিয়া মধ্য রাত্রে শ্রাম বিলাসিনী কুঞ্জ সাজাইতে চলিলেন । একটি মালা দশবার গাধিয়া, একটি ফুল একস্থানে দশবার বসাইয়াও, রাধার মনোমত্ত হইতেছেন । সখীদের কাছে বার বার জিজ্ঞাসা করিতেছে, কিরূপ ভাবে কুঞ্জ সাজাইলে কুঞ্জটি কুঞ্জ-মোহনের নয়নাভিরাম হইবে । এদিকে সখীদের স্নেহও তাহার মতের ঐক্য হইতেছেন । রাধাতো ভাবিয়াই আকুল, যাহা হউক বহু পরিবর্তনের পর কুঞ্জ সাজান শেষ হইল, রাধা সর্বাপেক্ষা যত্নের সহিত বাগানের বাছা বাছা সুগন্ধি ফুলে একটি নয়ন মনোমোহন মালা গাঁধিয়া রাখিয়াছে । প্রিয়তম আসিলে, এই মালাটির দ্বারা, সর্বপ্রথম তাহার অভ্যর্থনা করিবে ।

শেষরাত্রে উৎকর্ষা । কৈ শ্রামত এখনও পর্য্যন্ত এলোনা ! চিত্রে, ললিতে, ঐ শোন্ নিশাচর পক্ষী সকল কলরব করি; তেছে । রাত্রি বুঝি প্রভাত হইয়া আসিল ! কৈ শ্রামত এলোনা ! রাধা বার বার দ্বার খুলিয়া আকাশের দিকে চাহিতেছে, অন্তমনস্ক হইয়া তারা গণিতেছে, এক, দুই, তিন, তারা গুলি ও ক্রমে মলিন হইতে চলিল । কৈ শ্রামত এলোনা । তখন বৃক্ষপত্রের পতন শব্দে, নিশাচর পাখীগণের পক্ষ বিধ্বনন শব্দে, প্রতি পতন শীল পদার্থের শব্দে, রাধা চমকিয়া উঠিতেছে, এই বুঝি শ্রাম আসিতেছে—কিন্তু কৈ শ্রামত এলোনা । কখনও নিজেই পায়ের শব্দে, কখনও সখীগণের পায়ের শব্দে, রাধা আত্মহারা হইয়া শ্রামের আগমন ভাবিয়া পুলকিত হইতেছে,—আবার সেই ভাবাস্তর, কৈ শ্রামত এলোনা । কি উৎকর্ষা, কত-

বার ফুলশয্যার উপর একাকিনী শুইয়া, নিদ্রার ভান করিয়াছিল, কিন্তু নিদ্রা আসিবে কেন ? নিদ্রাকৈতো রাধা চায়না, রাধা চায় শ্যাম । একবার হয়ত পুষ্পাসনের উপর বসিয়া রাধা ভাবিয়াছিল, এখন যদি শ্যাম আসেতো মান করিব, কথা কইবনা ; কিন্তু হায় কা'র সঙ্গে মান, শ্যামত এলোনা !

এদিকে ফুলশয্যা বাণী । হইতে চলিল । রজনীর শেষ তারা গুলি জলিয়া জলিয়া নিবিয়া যাইতেছে, পূর্বাশা গগন, ধীরে ধীরে রক্তিমরাগে রঞ্জিত হইতেছে । তখন রাধা কাঁদিতে কাঁদিতে—“সখিগণের বদন চেয়ে, বলতেছে ললিতার কাছে, আর নিশি নাই প্রাণ সহিগো ! শ্যামের আসার আশা কি আছে ?”

এই যে একটা কথার ভাব সহস্র কথায়ও ব্যক্ত করা যায় না, বঙ্গের শ্রেষ্ঠ কবিগণের ভনিতায়ও এমন দুইটা কথা বিরল, এই একটা কথার উপর কত গুলি কথার নির্ভর করিতেছে । রাধার মনে কত কথা, কত উৎকর্ষা এই একটা কথা দ্বারা ব্যক্ত হইতেছে । মনের ভিতর ভাব আসে, কিন্তু ভাষায় প্রকাশ করা যায় না, নিরাশ প্রনয়িনী রাধার তৎকালীন মনের ভাব, পাঠকগণ, মনে মনে উপলব্ধি করিতে থাকুন—সেই একটা পদ—“শ্যামের আসার আশা কি আছে ?”

তার পর রজনী প্রভাত হইল । নিষ্ঠুর শ্যাম আর আসিল না । রাধা সখীগণের সহিত সে রাত্রি কৃষ্ণ প্রেমের একাদশী করিলেন । একবারে নিরঙ্গু উপবাস ! কিন্তু সেই রজনীর ফল আবার কৃষ্ণকে হাতে হাতে পাইতে হইয়াছিল ।—

যখন—

২ । “চন্দ্রাবলীর কৃষ্ণ হতে, রজনী প্রভাতে,

রাধার নাথ রাধার কৃষ্ণে যান,

রাধে কমল মুখী, হয়ে মন দুঃখী,

(শ্যামের উপরে) করলেন দুর্জয় মান ॥

রাধার মান দেখে শ্যাম গিরিধারী ব্যস্ত অতিশয়,

সে যে কেনে রাধার কাছে কয়, ব্যস্ত অতিশয়,

(বলে)—তুমি গো রাই ব্রহ্মধরী,

আমি তোমার আজাকারী,

এ অপরূপ কমা কর প্যারী, ধরি তোমার রাজ্য পায় ।”

শ্যামকে তদবস্থ দেখিয়া সহচরীগণ বলিতেছেন—

তোমার মনের ভাব কেশব কিছুই বুঝতে নারি,

তাইতে জিজ্ঞাসি হরি ! বল খুলে,

কৃষ্ণ কও হে শূনি, ও শ্যাম চিন্তামণি,

ভাস কেন নয়ন জলে ।

তুমি গোলক বিহারী হরি,

ব্রহ্মেতে বংশীধারী

(ত্রিগুণধারী—)

তোমার নাম নিলে জীবে তরে ভববারি,

শ্রীচরণ যেমে ছিল, দ্রবমতী গঙ্গা হল,

কোন পঙ্গা হবে বল চক্কের জলে ?

কৃষ্ণ কও হে শূনি, ও শ্যাম চিন্তামণি,

ভাস কেন নয়ন জলে ।

যেমন রাজ্য ভয়ে শণী ব্যস্ত,

তেমনি দেখতে পাই ।

ভালবাসি বইলে তাই জিজ্ঞাসি,

কৈ হে চুড়া, কইহে বাঁশী,

কি জন্ম হে কালশশী, শশীর মুখে মধুর হাসি নাই,

যেমন সীতা হারা হয়ে বনে, কেঁদেছিলেন রাম,

আমরা রামায়ণে শুনিলাম, কেঁদেছিলেন রাম

আজ কি হারা হয়ে রাধার চরণ, বিচ্ছেদ অশ্রু হচে পতন,

ধরে রাধার চরণ, রামের মতন, করছ রোদন বাঁকা শ্যাম ?

(রুমুর)

বল বল শূনি গুণমণি ওই চাঁদ বদনে,

বলতে বাধা কিহে রাধার নাথ, কি হয়েছে আজ রাধার সনে,

মণিহারা শশীর মতন গুণমণি হলে কেনে

হয়ে কি ধন হারা, এমনি ধারা, ধারা বহে ছনয়নে ।

উল্লিখিত গানটির মধ্যে “ধরি তোমার রাজ্যপায়” কথাটি কত মধুর, শুনিলে জয়দেবের সেই “দেহিপদ-পল্লব” কথাটি মনে হয় । অথচ জয়দেবের সেই “দেহিপদপল্লব মুদারম্” হইতে একেবারে ধার্মবাক্যলী-কবির, এই “ধরি তব রাজ্যপায়” কথাটি অধিকতর পরিচিত বলিয়া মনে হয় নাকি ? কি মধুর ভাবময় ! যেন আমাদের সর্কাপেক্ষাপ্রিয়, পরিচিত গানটি কেহ হারমোনিয়ম দ্বারা কানের কাছে সা রে গা মা করিয়া ধীরে ধীরে বাজাইয়া নিতেছে । গানটি শুনিলে

কুঞ্জ দেখে শ্রীরাধিকের প্রাণ হইল আকুল ।
 না পেয়ে সে কক্ষের দেখা, কাতরা হইয়ে,
 সঙ্গীগণের বদন চেয়ে, বলতেছে মলিতের কাছে—
 আর নিশি নাই, প্রাণ সহি পো ! শ্রামের আসার আশা কি আছে ?
 নৈধু আসবে বইলে,
 মন সাধে কুমুম ভুইলে, গেঁথে ছিলাম হার—
 মনে বাসনা ছিল আমার—
 বকুল, বেলী, সেফালিতে,
 হার গেথেছি বিনা স্মৃতে,
 ভুলাইতে নন্দের স্মৃতে, পলে দিতাম তাঁর ।
 যাঁর আশাতে কুঞ্জে বসি,
 ভাগিয়ে পোহালেম নিশি,
 কেবল তারা গুণে সারা হলেম সহি ।
 আশা তরু তলে বসে,
 ছিলেম সখি, ফুলের আশে,
 অভাগিনীর বর্ষ দোষে, ডাল ভেঙ্গে দন ফল নিয়াছে।
 আর নিশি নাই, প্রাণ সহি পো ! শ্রামের আসার আশা কি আছে ?

(কুমুর)

করলেম কক্ষ প্রেমের একাদশী, ঐ পোহাল নিশি ।
 যাঁর আশাতে করলেম শয্যা,
 সে আইল না পেলেম লজ্জা, হলেম উদাসী,
 আমার অঙ্গে নাই সে বল,
 কি করিব বল,
 যে জালা জালাইল কালশশী, ঐ পোহাল নিশি,
 —করলেম কক্ষ প্রেমের একাদশী ।

উল্লিখিত গানটির উপর, পাঠকগণ একটু মনোযোগ করিবেন । এখানে অশ্লীলতার নাম গন্ধও নাই । অথচ আদি হইতে অন্ত পর্য্যন্ত সরস ভাব ।

পাঠকগণ, এই অভিসার রজনীকে তিন ভাগে বিভক্ত করিয়া মানস নয়নে একবার সেই পীরব যৌবন ভারাক্রান্তা বোড়শী গোপ যুবতীগণের গতি বিধি লক্ষ্য করিতে থাকুন । কুঞ্জবাসিনীগণ সকলেই অভিসারিকা । সকলেই শ্রাম সন্দর্শনাশ্রিতা । প্রথম রজনীতে ফুল তোলা । বাগান ভরা ফুল, আকাশ ভরা তারা । নীচে শিশির মুক্তা খচিত দুর্কাদলের গালিচা, তাহার উপর অলঙ্কৃত রঞ্জিত, নুপুর শিজিত, চরণের ছুটাছুটা । অলঙ্করণে দুর্কাদল রঞ্জিত হইতেছে । এই ফুলটি আমার প্রিয়তম কেশব ভালবাসেন, রাধা নিজে এই ফুলটি তুলিতে

পারিল না, চিত্রা ও ললিতার কাছে কত অহুন্নয় করিয়াছে, চিত্রা-ললিতা পুষ্পশাখা নত করিয়া ধরিল, হয়ত রসিকা চিত্রা ও ললিতা পুষ্প শাখাটিকে এমন ভাবে নোয়াইয়া ধরিল যে রাধা তাহা ধরে ধরে ধরিতে পারে না । ঐ দেখুন রাধা দুপায়ের বৃহাস্পৃষ্ঠের উপর ভর রাধিয়া, উকি দিয়া ফুলটি ধরিতেছে ; একদিকে অঞ্চল স্থানচ্যুত হইয়া ভুলুর্গত হইতেছে । তাহার বদন মণ্ডলে কি সুন্দর রক্তিম আভা ।

এইবার রাধা ফুল তুলিল । ফুলটি তুলিতে তাঁহার যতটুকু কষ্ট হইয়াছিল, তুলিয়া ততটুকু আনন্দ পাইল । বহুকষ্টে বহু আগ্রহে ফুল তোলা শেষ করিয়া মধ্য রাত্রে শ্রাম বিলাসিনী কুঞ্জ সাজাইতে চলিলেন । একটি মালা দশবার গাধিয়া, একটি ফুল একস্থানে দশবার বসাইয়াও, রাধার মনোমত হইতেছেন । সখীদের কাছে বার বার জিজ্ঞাসা করিতেছে, কিরূপ ভাবে কুঞ্জ সাজাইলে কুঞ্জটি কুঞ্জ-মোহনের নয়নাভিরাম হইবে । এদিকে সখীদের সঙ্গেও তাহার মতেব ঐক্য হইতেছেন । রাধাতো ভাবিয়াই আকুল, যাহা হউক বহু পরিবর্তনের পর কুঞ্জ সাজান শেষ হইল, রাধা সর্বাপেক্ষা যত্নের সহিত বাগানের বাছা বাছা সুগন্ধি ফুলে একটী নয়ন মনোমোহন মালা গাধিয়া রাধিয়াছে । প্রিয়তম আসিলে, এই মালাটির দ্বারা, সর্বপ্রথম তাঁহার অভ্যর্থনা করিবে ।

শেষরাত্রে উৎকর্ষা । কৈ শ্রামত এখনও পর্য্যন্ত এলোনা ! চিত্রে, ললিতে, ঐ শোন্ নিশাচর পক্ষী সকল কলরব করি; তেছে । রাত্রি বুঝি প্রভাত হইয়া আসিল, কৈ শ্রামত এলোনা ! রাধা বার বার দ্বার খুলিয়া আকাশের দিকে চাহিতেছে, অশ্রুমনস্ক হইয়া তারা গণিতেছে, এক, দুই, তিন, তারা গুলি ও ক্রমে মলিন হইতে চলিল । কৈ শ্রামত এলোনা । তখন বৃকপত্রের পতন শব্দে, নিশাচর পাখীগণের পক্ষ বিধ্বনন শব্দে, প্রতি পতন শীল পদার্থের শব্দে, রাধা চমকিয়া উঠিতেছে, এই বুঝি শ্রাম আসিতেছে—কিন্তু কৈ শ্রামত এলোনা । কখনও নিজের পায়ের শব্দে, কখনও সখীগণের পায়ের শব্দে, রাধা আত্মহারা হইয়া শ্রামের আগমন ভাবিয়া পুলকিত হইতেছে,—আবার সেই ভাবান্তর, কৈ শ্রামত এলোনা । কি উৎকর্ষা, কত-

বার ফুলশয্যার উপর একাকিনী শুইয়া, নিদ্রার ভান করিয়াছিল, কিন্তু নিদ্রা আসিবে কেন ? নিদ্রাকৈতো রাধা চায়না, রাধা চায় শ্যাম । একবার হয়ত পুষ্পাসনের উপর বসিয়া রাধা ভাবিয়াছিল, এখন যদি শ্যাম আসেতো মান করিব, কথা কইবনা ; কিন্তু হায় কা'র সঙ্গে মান, শ্যামত এলোনা !

এদিকে ফুলশয্যা বাণী । হইতে চলিল । রজনীর শেষ তারা গুলি জলিয়া জলিয়া নিবিয়া যাইতেছে, পূর্বাশা গগন, ধীরে ধীরে রক্তিমরাগে রঞ্জিত হইতেছে । তখন রাধা কাঁদিতে কাঁদিতে—“সখিগণের বদন চেয়ে, বলতেছে ললিতার কাছে, আর নিশি নাই প্রাণ সহিগো ! শ্যামের আসার আশা কি আছে ?”

এই যে একটি কথার ভাব সহস্র কথায়ও ব্যক্ত করি যায় না, বঙ্গের শ্রেষ্ঠ কবিগণের ভনিভায়ও এমন দুইটি কথা বিরল, এই একটি কথার উপর কত গুলি কথার নির্ভর করিতেছে । রাধার মনে কত কথা, কত উৎকর্ষা এই একটি কথা দ্বারা ব্যক্ত হইতেছে । মনের ভিতর ভাব আসে, কিন্তু ভাষায় প্রকাশ করা যায় না, নিরাশ প্রনয়িনী রাধার তৎকালীন মনের ভাব, পাঠকগণ, মনে মনে উপলব্ধি করিতে থাকুন—সেই একটি পদ—“শ্যামের আসার আশা কি আছে ?”

তার পর রজনী প্রভাত হইল । নিষ্ঠুর শ্যাম আর আসিল না । রাধা সখীগণের সহিত সে রাত্রি কৃষ্ণ প্রেমের একাদশী করিলেন । একবারে নিরসু উপবাস ! কিন্তু সেই রজনীর ফল আবার কৃষ্ণকে হাতে হাতে পাইতে হইয়াছিল ।—

যখন—

২। “চন্দ্রাবলীর কৃষ্ণ হতে, রজনী প্রভাতে,

রাধার নাথ রাধার কৃষ্ণে যান,

রাধে কমল মুখী, হয়ে মন চুঃখী,

(শ্যামের উপরে) করলেন দুর্জয় মান ॥

রাধার মান দেখে শ্যাম গিরিধারী ব্যস্ত অতিশয়,

সে যে কেনে রাধার কাছে কয়, ব্যস্ত অতিশয়,

(বলে)—তুমি গো রাই ব্রহ্মধরী,

আমি তোমার আজাকারী,

এ অপরূপ কমা কর প্যারী, ধরি তোমার রাজা পার ।”

শ্যামকে তদবস্থ দেখিয়া সহচরীগণ বলিতেছেন—

তোমার মনের ভাব কেশব কিছই বুঝতে নারি,

তাইতে জিজ্ঞাসি হরি ! বল খুলে,

কৃষ্ণ কও হে শনি, ও শ্যাম চিন্তামণি,

ভাস কেন নয়ন জলে ।

তুমি গোলক বিহাটী হরি,

ব্রহ্মেতে বংশীধারী

(ত্রিগুণধারী—)

তোমার নাম নিলে জীবে তরে ভববারি,

শ্রীচরণ যেমে ছিল, দ্রবময়ী গঙ্গা হল,

কোন গঙ্গা হবে বল চক্কর জলে ?

কৃষ্ণ কও হে শনি, ও শ্যাম চিন্তামণি,

ভাস কেন নয়ন জলে ।

যেমন রাহুর ভয়ে শণী ব্যস্ত,

তেমনি দেখতে পাই ।

ভালবাসি বইলে তাই জিজ্ঞাসি,

কৈ হে চুড়া, কইহে বাঁশী,

কি জন্ম হে কালশশী, শশীর মুখে মধুর হাসি নাই,

যেমন সীতা হারা হয়ে বনে, কেঁদেছিলেন রাম,

আমরা রামায়ণে শুনিলাম, কেঁদেছিলেন রাম

আজ কি হারা হয়ে রাধার চরণ, বিচ্ছেদ অশ্রু হচে পতন,

ধরে রাধার চরণ, রামের মতন, করছ রোদন বাঁকা শ্যাম ?

(মুর)

বল বল শনি গুণমণি ওই চাঁদ বদনে,

বলতে বাধা কিহে রাধার নাথ, কি হয়েছে আজ রাধার সনে,

মণিহারী শশীর মতন গুণমণি হলে কেনে

হয়ে কি ধন হারা, এমনি ধারা, ধারা বহে ছনয়নে ।

উল্লিখিত গানটির মধ্যে “ধরি তোমার রাজাপায়” কথাটি কত মধুর, শুনিলে জয়দেবের সেই “দেহিপদ-পল্লব” কথাটি মনে হয় । অথচ জয়দেবের সেই “দেহিপদপল্লব মুদারম্” হইতে একেবারে ধার্মবাক্যলী-কবির, এই “ধরি তব রাজাপায়” কথাটি অধিকতর পরিচিত বলিয়া মনে হয় নাকি ? কি মধুর ভাবময় ! যেন আমাদের সর্কাপেক্ষাপ্রিয়, পরিচিত গানটি কেহ হারমোনিয়ম দ্বারা কানের কাছে সা রে গা মা করিয়া ধীরে ধীরে বাজাইয়া নিতেছে । গানটি শুনিলে

আহার নিদ্রা থাকেনা, শৈশবের কত জীর্ণ পুরাতন স্মৃতি
আগিয়া উঠে ।

(কুমুর)

৩। মথুরায় এসে বৃন্দে, গবিন্দের পদারবিন্দে কয়,
সে যে ত্রিভঙ্গ বিহনে, নিত্য বৃন্দাবনে,
দিনের দিনে সব হইল শূন্যময় ।
আমরা জন্মের মতন, কুলমান আর জীবন যৌবন তোমাকে দিয়ে
কৃষ্ণ তোমার পদে আছি বিকাইয়ে ।
তুমি হলে না অক্ষুণ্ণ,
কেবল মজাইলে গোপীকুল
অক্ষুণ্ণ সাগরেতে গোপকুল দিলে ভাসাইয়ে ।
গোপীর সর্বস্ব ধন, ব্রজের জীবন, তুমি কৃষ্ণধন,
বিক্রীত হয়েছ এখন, এসে এই মথুরায় ।
বল বল ও নীল রতন, দিয়ে কি অমূল্য রতন,
কুজাধনী কিনেছে তোমায় ?

এই সঙ্গীতটি সম্পূর্ণ সংগ্রহ করিতে পারি নাই । ভাষা
ছন্দ ও ভাব মাধুর্যের হিসাবে এই গানটি তুলনা রহিত ।
আদ্যন্ত অনুপাসের অট্টহাসিতে সমৃদ্ধ ।

৪। অযোধ্যায় আসিয়ে, রাজধানীতে প্রবেশিয়ে—
প্রমাদ ভাবিয়ে ভরত কেন্দে কয়,
কৈ সে অযোধ্যায় সে শোভা কৈ ?
জয় পতাকা ধ্বজা কৈ ?
জয়ধ্বনি কৈ ?
নৃত্য গীত আর মঙ্গল বাণ কৈ ?
পিতে রাজেন্দ্রে দশরথ কৈ ?
রাজ্যেশ্বরী মাতা কৌশল্যা কৈ ?
ভ্রাতৃ বৎসল দাদা রামচন্দ্র কৈ ?
রাজলক্ষ্মী মাতা জানকী কৈ ?
বীরেন্দ্রে ভাই লক্ষণ কৈ ?
গুনে ভরতের খেদের কথা, কৌশল্যা পেয়ে ব্যথা (অপার)
কেন্দে বলে সর্বনাশ ঘটেছে ;
বাছা ভরত আর রে কৈ কৈ ।
তোম জননী কৈ কৈই রামকে বনবাস দিয়াছে ।
বাগ্নে তোম জননী তোম কারণ,
রামের অঙ্গের আভরণ,—বহুতে খুলে,
বন্ধ করে রেখেছে রে তুলে,—(তোকে পরাবে বইলে)
বাগ্নে সে সব অঙ্গে ধারণ করে,
রামের বেশে নোর কোলে আর রে,
চন্দ্র বদন নিরখিয়ে সুরাক্ রে তোম এ মার জীবন ।

লক্ষ্মী জানকী আর বাছা লক্ষণ, রামের সনে বনে যায়,
তাদের বেশ ভূষা অঙ্গের আভরণ

কেড়ে রাখিলে তোর মায়,
ক্রমে তিন শিশুরে পড়ায় যোগীর বেশ,
তোম মায় মনে কিরে হায় ! নাইরে দয়ার লেশ,
তবু শিশু রাম, করে তোর মাকে প্রণাম,
বলে মা হলেম বিদায় ।

আর একটি গানের কথা মনে পড়িতেছে, সেটি
নিমাই সন্ন্যাস । নবদ্বীপচন্দ্র বানপ্রস্থশ্রম অবলম্বন
করিলে পর পুত্র বিরহ বিধুরা শচীমাতা দিবসে প্রদীপ
জালিয়া নগর অন্বেষণ করিয়াছিলেন । গানটি বড়ই মর্ম-
স্পর্শী, ইহার প্রত্যেকটি পদ অশ্রুজলে গাঁথা—

“রাণী দিবসে জালিয়া বাতি
খুঁজে নগর পাতি পাতি,
ভাসিয়ে নহন জলে,
যাঁয়ে দেখে, তারে বলে,
দেইগে থাকলে দেয়ে বইলে,

প্রাণের নিমাই গেল কোন পথে।”

* * * * *

গানটি গাহিতে গায়কের কণ্ঠ রুদ্ধ হয় শ্রোতার নয়ন
অশ্রুসিক্ত হইয়া যায় । গৌর মাতার ক্রন্দনে পাষণ গলিয়া
ধারা বহে । গানটি সম্পূর্ণ সংগ্রহ করিতে পারি নাই ।

এইস্থানে আর একটি কথা বলা আবশ্যিক এই সকল
গান চিতান, পরচিতান, ধূয়া, লহর, মহরা, খাদ, কুমুর
প্রভৃতি বিভিন্ন অংশে বিভক্ত । এক একটি অংশের এক
এক রকম ছন্দ ও সুর ।

এইবার মালী তাহার কর্তব্য কার্য শেষ করিয়া
যোগদান দিয়া বিদায় মাগিতেছে । সৌন্দর্য্য বিশ্লেষণ
বিশেষজ্ঞের কাছে ; মালীর ইহার অধিক বলিবার
কিছুই নাই । *

শ্রীচন্দ্রকুমার দে ।

বিষ্ণুর বিকাশ।

বিষ্ণু ত্রিমূর্তির অন্ততম মূর্তি। সূতরাং তাঁহার বিকাশ সম্বন্ধে আলোচনা যে বিশেষ কৌতূকাবহ হইবে তাহাতে সন্দেহ নাই।

হিন্দুর সমস্ত প্রধান দেবতার ণায় বিষ্ণুর মূল কল্পনাও বেদেই দেখিতে পাওয়া যায়। “ইদং বিষ্ণুর্বিচক্রমে ত্রেখা নিদধে পদং সমূলহমশ্চ পাংস্বয়ে।” এই বৈদিক ঋক্টি অনেকেরই নিকট সুবিদিত। বিষ্ণু এইরূপে বেদে স্তুত হইলেও তিনি বেদের প্রধান দেবতারূপে স্তুত হন নাই। তদ্ভূদেস্তে বেদে অল্প কয়েকটি মাত্র মন্ত্রই বিরচিত দেখিতে পাওয়া যায়। একাধিকস্থলে “ইন্দ্রের সহিতই তাঁহাকে একত্র স্তুত হইতে দেখা যায়। একস্থলে (১।২২।১২) “তিনি ইন্দ্রের উপযুক্ত সখা”—“ইন্দ্রশ্চ যুজ্যঃ সখা,”— বলিয়া বর্ণিত হইয়াছেন। এই সমস্ত প্রমাণ হইতে ইন্দ্রের সহিতই বিষ্ণুর বিকাশের যোগ আছে, মনে করা যাইতে পারে।

আর্য্যগণ পঞ্চনদ প্রদেশে উপনীত হইলেই ইন্দ্রের বিকাশ হয়, ইহাই পুরাতত্ত্বজ্ঞদিগের মত। ইন্দ্রের নাম পারসীক বা পাশ্চাত্য কোন আর্য্যশাখার ভাষায় পাওয়া যায় না। ইহাতে তাঁহার বিকাশ যে ভারতবর্ষেই হয় তাহাই প্রমাণিত হয়। ভারতবর্ষ বর্ষাপ্রধান স্থান বলিয়া বর্ষায় অধিষ্ঠাতৃ দেব ইন্দ্রের বিকাশ ভারতবর্ষে হওয়া প্রাকৃতিক কারণেও সম্পূর্ণই স্বাভাবিক। ইন্দ্রের ‘বৃষা’ ও ‘মেঘবাহন’ নামে বর্ষার সহিত তাঁহার স্পষ্টযোগেরই প্রমাণ পাওয়া যায়।

ইন্দ্রের সহিত বিষ্ণুর নাম সংযুক্ত থাকায় বিষ্ণুরও বিকাশ যে ভারতবর্ষে হয়, তাহাই আমরা অনুমান করিতে পারি। বিষ্ণুকে বেদে যে ইন্দ্রের সখারূপে বর্ণনা করা হইয়াছে, তাহাতে ইন্দ্রের অপেক্ষা অপ্রধান বলিয়াই তাঁহাকে বুঝিতে পারা যায়। সূতরাং ইন্দ্রের পরে তাঁহার বিকাশ হয়, ইহাই সম্ভবপর বলিয়া বোধ হয়। বস্তুতঃ অভিধানে বিষ্ণুর যে নাম পাওয়া যায় তাহাও ইহারই সমর্থন করিয়া থাকে। অমরকোষে বিষ্ণুর নাম

পর্য্যয়ে লিখিত হইয়াছে—“উপেন্দ্র ইন্দ্রাবরজশ্চক্রপাণি-
শ্চতুর্ভুজঃ।” ‘উপেন্দ্র’ নামে বিষ্ণু যে ইন্দ্রেরই সহচর ও সহায় এই অর্থই উপলব্ধ হইতেছে। তিনি বেদে যে “ইন্দ্রশ্চ যুজ্যঃ সখা” বলিয়া অভিহিত হইয়াছেন, ‘উপেন্দ্র’ নামটি সম্পূর্ণরূপে তাহারই মর্ম্ম প্রকাশ করিতেছে। ‘উপেন্দ্র’ নামের পরই যে বিষ্ণুর ‘ইন্দ্রাবরজ’ নাম পাওয়া যায় তাহাতে বিষ্ণু ইন্দ্রেরই পরে জাত বলিয়া বুঝা যাইতেছে। ইহাতে বিষ্ণুর বিকাশ যে ইন্দ্রের বিকাশের পরবর্তী তাহা নিঃসন্দেহরূপে প্রমাণিত হইতেছে।

ইন্দ্র যেমন বৃষ্টি দান করেন, সূর্য্যও তেমনই বৃষ্টি দান করেন। শাস্ত্রে আছে :—

“অগ্নৌ প্রাস্তাহতিঃ সম্যাপাদিত্য মূপতিষ্ঠতে।
আদিত্যাজ্জায়তে বৃষ্টিবৃষ্টৈরন্নং ওতঃ প্রজা ॥”

“অগ্নিতে আহুতিদান পূর্ব্বকই সূর্য্যের সম্যক্ উপাসনা করা হয় ; সূর্য্য হইতে বৃষ্টি উৎপন্ন হয়—বৃষ্টি হইতে অন্ন জন্মে ও অন্ন হইতে লোক জন্মে।”

বিষ্ণু আদিত্যেরই অন্ততম ; যথা :—

তত্র বিষ্ণুশ্চ শক্রশ্চ জজ্ঞাতে পুনরেবহিঃ।
বিবস্বান্ সবিভাতৈবে মিত্রোবরুণ এবচ।
অংশোভগশ্চাতিতেজা আদিত্যাঃদাদশাঃশ্বতাঃ ॥”

বিষ্ণুপুরাণ ১।১৫।১০

ইহা হইতে বিষ্ণু যে সূর্য্যেরই রূপান্তর তাহা আমরা পরিষ্কার জানিতে পারিতেছি। বিষ্ণু সূর্য্যের রূপান্তর হইলেও ভারতবর্ষে যখন ইঁহার বিকাশ হইয়াছে—তখন ইঁহাকে বিশেষরূপে ভারতাকাশের সূর্য্যেরই রূপ বলিয়া বুঝিতে হইবে।

ভারতবর্ষেই আর্য্যগণ সূর্য্যকে মধ্যগগনে মস্তকের উপর প্রথম বিরাজমান দেখিতে পাইয়াছিলেন। তাঁহারা ভারতবর্ষের উত্তরে থাকিতে সূর্য্যকে তদ্রূপ মস্তকের উপর দেখিবার সম্ভাবনা ছিল না। ভারতবর্ষে আসিয়া মস্তকোপরি পরিদৃশ্যমান চতুর্দিক উদ্ভাসনকারী সূর্য্যকে প্রথম দর্শন করিয়া তাঁহার অপূর্ব ভাস্বররূপে আভূত হওতঃ আর্য্যগণ সর্বতোব্যাপী বলিয়া নূতন ‘বিষ্ণু’ নামে তাঁহার উপাসনা করিয়াছিলেন।

বিষ্ণু যে মধ্যাকাশেরই সূর্য্য দেবতা, আমাদের মধ্যাহ্ন গায়ত্রীর ধ্যানেই তাহার যথেষ্ট নিদর্শন দেখিতে পাওয়া যায় । মধ্যাহ্ন গায়ত্রীর ধ্যান এই—

(মধ্যাহ্নে) “বিষ্ণুরূপাঞ্চ তাক্ষ্যস্থানং পীতবাসসীম্ ।”

‘মধ্যাহ্নগায়ত্রী বিষ্ণুরূপা—তিনি গরুড়াকৃতা ও পীতবস্ত্রপরিহিতা’ । বিষ্ণুকে যে আমরা ‘গরুড় বাহন’ ও ‘পীতাস্বর’ রূপে দেখিতে পাই, তাহা মধ্যাহ্নগায়ত্রীর ধ্যান অনুসারে । সুতরাং তিনি যে বিষ্ণুর সহিত অভিন্ন তাহাই আমরা বুঝিতে পারিতেছি ।

সূর্য্য মধ্যাকাশে মাথার উপর আসিলে গরুড়জাতীয় বৃহৎ পক্ষী সকলকে তুলিয়ে আকাশে উড্ডীন হইতে দেখা যায়—তাহা হইতেই গরুড় বিষ্ণুর বাহনরূপে কল্পিত হইয়াছে । বিষ্ণুর ধ্যানেও আমরা তাঁহাকে স্পষ্টই মধ্যাহ্ন সূর্য্যরূপী বলিয়া বুঝিতে পারি ; যথা—

“ধ্যেয়ঃ সদা সবিন্দুমণ্ডল মধ্যবস্তী
নারায়ণঃ সরসিজাসন সন্নিবিষ্টঃ
কেয়ুরবান্ কনককুণ্ডলবান্
কিরিটী, হারী হিরণ্ময়বপু
ধৃতশঙ্খ চক্রঃ ॥”

এস্থলে বিষ্ণুকে কেবল সূর্য্যমণ্ডলের অধিষ্ঠাতা বলিয়াই বর্ণনা করা হয় নাই ; কিন্তু সূর্য্যের প্রথর মধ্যাহ্ন কিরণের স্বর্ণচ্ছটাও বিষ্ণুর স্বর্ণকাস্তি এবং স্বর্ণভূষণে আরোপিত হইয়াছে ।

মধ্য গগনে সূর্য্যের অবস্থান হইতে চতুর্দিকে তাহার কিরণ বিস্তারে মধ্যাকাশবস্তী সূর্য্যরূপী বিষ্ণু যে চতুর্ভুজ-রূপে কল্পিত হইবেন, তাহা সহজেই উপলব্ধি করা যায় ।

বিষ্ণু যে ‘চক্রপাণি’ নামে অভিহিত হইয়া থাকেন— তাহারও মূল বেদে পাওয়া যায় ; যথা—

চতুর্ভুজিঃ সাকং নবতিং চ নামান্তিচক্রং ন বৃত্তং ব্যতীরবীবিপৎ ।

বৃহচ্ছরীরো বিমিমান ঋক্ভিযুর্ধাকুমার প্রত্যোত্যাঙ্গং ॥” ৬

ঋগ্বেদ ১ম মণ্ডল ১০৫ সূক্ত ।

“বিষ্ণু গতি বিশেষ দ্বারা বিবিধ স্বভাব বিশিষ্ট, চতুর্ভুজি (কালাবয়বকে) চক্রের ত্রায় বৃত্তাকারে চালিত করিয়াছেন । বিষ্ণু বৃহৎ শরীর বিশিষ্ট ও স্তম্ভি দ্বারা পরিমেষ ; তিনি নিত্য তরুণ ও অকুমার, তিনি আহবে গমন করেন ।” এই বর্ণনা হইতে বিষ্ণুর চক্রটি যে

‘কালরূপচক্র’ তাহা আমরা স্পষ্টই বুঝিতে পারিতেছি ।

বিষ্ণু যে বিশেষরূপে জগতের রক্ষা ও পালনকর্তা হইয়া দাঁড়াইয়াছেন, তাহার সূচনাও বেদেই দেখিতে পাওয়া যায় ; যথা :—

“ত্রীণি পদা বিচক্রমে বিষ্ণুর্গোপা অদাভ্যঃ ।

অতোধর্ম্মাণি ধারয়ৎ ॥” ১৮

(ঋগ্বেদ ১ম মণ্ডল ২২ সূক্ত ।)

“বিষ্ণু রক্ষক, তাঁহাকে কেহ আঘাত করিতে পারে না, তিনি ধর্ম্ম সমুদয় ধারণ করিয়া তিনপদ পরিক্রম করিয়াছিলেন ।”

বিষ্ণুর বামনাবতারে তিন পদ বিক্ষেপে বলী দমনের পৌরাণিক উপাখ্যানেরও মূল এই ঋকে পাওয়া যাইতেছে । সূর্য্য পূর্বাকাশে উদিত হইয়া মধ্যাকাশ আরোহণ পূর্ব্বক পশ্চিম আকাশে গমন করতঃ আকাশের এই যে তিনস্থানে পরিভ্রমণ করেন, তাহাই বিষ্ণুর তিন পাদবিক্ষেপরূপে কল্পিত হইয়াছে । সূর্য্যের শূন্যে তিনস্থানে পরিভ্রমণের দ্বারা পৃথিবীর নিম্নপৃষ্ঠে অন্ধকার অপসারিত হয়, তাহাতেই প্রথমোদিত অরুণ-ভানু—বিষ্ণুর বামনাবতার ও জগদ্ব্যাপী ঘোর নিশাকার দৈত্যরাজ বলী রূপে কল্পিত হইয়াছে । বলীও পৃথিবীতে স্থান না পাইয়া পাতালে আশ্রয় গ্রহণ করিয়াছিলেন ।

এস্থলে অবতার-তত্ত্ব সম্বন্ধে দুই একটি কথা বলা কর্তব্য বোধ করি । আমরা বিষ্ণুরই অবতার কল্পিত দেখিতে পাই । ত্রিমূর্ত্তির অন্ত কোন দেবতারই অবতার দেখিতে পাই না । ঋগ্বেদের রক্ষা ও সাধুদিগের পালনই অবতারের উদ্দেশ্য । যথা গীতার—

“পরিজ্ঞানায় সাধুনাং বিনাশায় চ হৃষ্টতাম্ ।

ধর্ম্মসংস্থাপনার্থায় সন্তুভামি যুগে যুগে ॥”

বিষ্ণু ত্রিমূর্ত্তির রক্ষা ও পালন মূর্ত্তি বলিয়া ধর্ম্মরক্ষা ও সাধু পালনের জন্ত তাঁহারই অবতার কল্পিত হওয়া সঙ্গত । উপরি উদ্ধৃত বৈদিক ঋকে বিষ্ণুকে ঋগ্বেদের আশ্রয়রূপে আমরা যে বর্ণিত দেখিতে পাই, তাহাতে তাঁহার অবতার বাদের সারসত্যটাই নিহিত রহিয়াছে বলিয়া আমরা মনে করি ।

ইঙ্গ্র যেমন ‘মেঘবাহন’, বিষ্ণু যেমনই ‘নারায়ণ’ ;

উভয়ের সহিতই মেঘের যোগ আছে। কিন্তু ইন্দ্র কেবল পৃথিবীর উর্ধ্বরতা সম্পাদন করেন; বিষ্ণু দ্বারা যেমন পৃথিবীর উর্ধ্বরতা সাধিত হয়—তেমনই শগুদিও উৎপাদিত হইয়া জীব জগতের পুষ্টি এবং রক্ষাও সাধিত হয়। এই প্রকারে ইন্দ্রের অপেক্ষা বিষ্ণুর অধিক মাহাত্ম্য হেতু বিষ্ণুই অপর সকল দেবতার উপর প্রাধান্য লাভ করিলেন।

ইন্দ্রের অপেক্ষা বিষ্ণুর পূর্বোক্ত প্রাধান্য যে কোন সময়ে প্রখ্যাপিত হয়; তাহার আভাসও আমরা শাস্ত্রাদি হইতেই প্রাপ্ত হইতে পারি।

বিষ্ণু গোচারণ স্থানে বিশেষরূপে প্রকাশ পাইতেছেন বলিয়া আমরা বেদে বর্ণনা প্রাপ্ত হই। যথা—

“তা বাং বাস্ত ম্যশ্বাসি গমৈথ্য বক্রগাবো ভূরিশৃংগা অযাসঃ ।
অত্রাহ তদ্রুগায়স্ত বৃকঃ পরমং পদমবভাতিভূরি ॥” ৬

ঋগ্বেদ ১ম মণ্ডল ১৫৪ সূক্ত।

“যে সকল স্থানের স্থানে ভূরিশৃঙ্গ বিশিষ্ট ও ক্ষিপ্ৰগামী গোসমূহ বিচরণ করে, সেই সকল স্থানে গমনার্থ তোমাদের উভয়ের প্রার্থনা করি। এই সকল স্থানে বহু লোকের স্তুতি যোগ্য অশীষ্টবর্ষী বিষ্ণুর পরমপদ প্রভূত ক্ষুর্তি প্রাপ্ত হইয়াছে।”

এখানে গোচারণের স্থানটী বিষ্ণুর বিশেষ প্রকাশের স্থানরূপে বর্ণিত হওয়ায় বিষ্ণুর বিকাশ যে সূর্য্যের অপেক্ষাকৃত নিকটবর্তী ভারতবর্ষে আর্য্যদিগের অধিষ্ঠানের পর হয়, তাহারই প্রমাণ পাওয়া যাইতেছে। পরন্তু গোচারণের সঙ্গে বিষ্ণুর প্রকাশের বিশেষ যোগ হইতে আর্য্যদিগের গোপালন সময়ই যে বিষ্ণুর কল্পনা হয়, তাহাও বুঝিতে পারা যাইতেছে। বিষ্ণুর ‘গোবিন্দ’ নামে গোদিগের সহিত তাঁহার বিশেষ পরিচয়ের নিদর্শন পাওয়া যায়; তাহারও মূল আমরা এখানে পাইতেছি।

বিষ্ণুর যে এক নাম ‘শার্ঙ্গী’ তাহার ব্যাখ্যা আর্য্যদিগের গোপালনের মধ্যেই পাওয়া যাইতে পারে। শৃঙ্গ বাদন পূর্বক গোসকলকে গোষ্ঠে চালন করার নিয়ম যে কেবল আমাদের দেশেই প্রচলিত ছিল তাহা নহে—পাশ্চাত্য দেশেও প্রচলিত ছিল।

সোমরসের পরিবর্তে হবিঃ যোগে যজ্ঞ সম্পাদনের আবশ্যিকতা হইতেই আর্য্যগণ গোপালনের বিশেষ প্রয়ো-

জনীয়তা অনুভব করিয়াছিলেন বলিয়া বোধ হয়। গো যে যজ্ঞের জ্ঞান বিশেষ উপযোগী ছিল ‘হোমধেয়ু’ নামেই আমরা তাহা বুঝিতে পারি।

ব্রাহ্মণ্য ধর্ম্মের প্রাধান্য বিশেষ ভাবে প্রতিষ্ঠিত হইলেই যে বিষ্ণুর বিকাশ হয়, তাহা নারায়ণের নমস্কার মন্ত্রটী আলোচনা করিলে বিশেষরূপেই আমাদের হৃদয়ঙ্গম হইবে। সেই মন্ত্রটী এই—

“নমো ব্রহ্মণ্যদেবায় গোত্রাক্ষে হিতায়চ।

অপক্ৰিতায় কৃষ্ণায় গোবিন্দায় নমো নমঃ ॥”

এখানে নারায়ণকে যেমন ‘ব্রহ্মণ্যদেব’ বলা হইয়াছে তেমনই তাঁহাকে ‘গোত্রাক্ষহিত’ বলিয়াও বলা হইয়াছে। ইহাতে তিনি যে বিশেষরূপে ব্রাহ্মণ্য ধর্ম্মের পক্ষপাতী ও ব্রাহ্মণের পৃষ্ঠপোষক তাহার স্পষ্ট উল্লেখই পাওয়া যাইতেছে। তাঁহার ‘গোবিন্দ’ নামেও ‘গোর হিতকারী’ রূপে বর্ণনায় গোর সহিত তাঁহার বিকাশের যোগ স্পষ্টাকারেই প্রকটিত হইতেছে।

এই ব্রাহ্মণ্য ধর্ম্মের সময়—ভারতে তিহাসে ঋত্বিয়ের অধঃপতন ও ব্রাহ্মণের অভ্যুদয়ের কাল বলিয়া অনুমিত হয়। ইন্দ্র বলবীর্য্যেরই দেবতা। স্মরণ্য তিনি যে বিজয়ী ঋত্বিয়ের দেবতা হইবেন, তাহা সম্পূর্ণই স্বাভাবিক। ঋত্বিয়দিগের দ্বারা বিজয় ও সমৃদ্ধির জ্ঞান ইন্দ্র-যজ্ঞের অনুষ্ঠান সম্বন্ধে বহুল বর্ণনাই পাওয়া যায়। ব্রাহ্মণ বিশেষভাবে বিষ্ণুর উপাসক বলিয়াই ব্রাহ্মণ ব্যতীত আর কাহারও বিষ্ণু পূজায় অধিকার দেখা যায় না। ভারতবর্ষে প্রবেশ করিয়াই আর্য্যদিগকে বিশেষরূপেই আত্মকলহ ও অনার্য্য দমনে ব্যাপ্ত হইতে হইয়াছিল। এই সময়েই ঋত্বিয় প্রাধান্যের সময় ও ইন্দ্রোপাসনার সময়। ইহার পর আর্য্যগণ শাস্তিতে উপনিবিষ্ট হইলেই ব্রাহ্মণের প্রাধান্যের সময় ও তৎসঙ্গে হোম সম্পাদনের সময় আসে। এই সময়ে ব্রাহ্মণদিগের দ্বারা বিষ্ণু যজ্ঞদেব রূপে পরিণত হন। তাহাতেই “যজ্ঞোবৈবিষ্ণুঃ” (যজ্ঞই বিষ্ণু) এইরূপ শ্রুতি প্রচলিত হইয়াছে। এই হোমের জ্ঞানই ব্রাহ্মণগণ বিশেষরূপে গোপালন করিতে আরম্ভ করেন। এই গোপালনোপলক্ষেই গোপালন স্থানের নামানুসারে ব্রাহ্মণদিগের ‘গোত্রের’ উৎপত্তি হয়। গোপালন যে আদিত্যে ব্রাহ্মণদিগেরই কার্য্য ছিল—ব্রাহ্মণের গোত্রই

যে আর সকল জাতি প্রাপ্ত হইয়াছে—ঐহাদের নিজের যে কোন স্বতন্ত্র 'গোত্র' ছিল না—এই ঐতিহাসিক সত্য দ্বারাই তাহা প্রমাণিত হয় ।

গোপালনকে মূল করিয়া শাস্ত্রের সময়ে ব্রাহ্মণগণ বৈষ্ণবধর্ম প্রবর্তিত করিয়াছিলেন । এই কারণেই বোধ হয় ইহা অনেকাংশে অহিংসামূলক হইয়াছে । কিন্তু তান্ত্রিক ও অপর বৈদিক ধর্মের প্রতিকূল প্রভাব আসিয়া এই ধর্মের বিকাশে বাধা প্রদান করিয়াছিল । পরে শ্রীকৃষ্ণের জন্ম হইতে নিজেই বৈষ্ণবধর্মের পুনর্কার সম্ভবতা লাভের সময় আসিল । শ্রীকৃষ্ণ গোকুলে প্রথমেই 'ইন্দ্রযজ্ঞ' বন্ধ করিয়া দিয়া যেমন হিংসামূলক ধর্মের বিরুদ্ধে প্রথম প্রকাশ্য প্রতিপক্ষতা প্রদর্শন করিলেন, তেমনই বিষ্ণু যে ইন্দ্রেরই প্রতিদ্বন্দ্বী তাহারও প্রমাণ প্রদান করিলেন । শ্রীকৃষ্ণের দ্বারা বৈষ্ণবধর্মের অহিংসা ভাবের বিকাশের পরাকাষ্ঠা সাধিত হইল । তিনি গোপালন ধর্মেরও চূড়ান্ত দৃষ্টান্ত প্রদর্শন করিলেন । ঐহা 'গোপাল' নামে ইহার চির নিদর্শনই বিদ্যমান রহিয়াছে । তদীয় বাল্যলীলা স্থানের 'গোকুল' নামেও ঐহা গোসংস্রবেরই বিশেষ প্রমাণ পাওয়া যায় ।

শ্রীকৃষ্ণের সময় আর্ষ্যদিগের কৃষিজীবনের সময় (Agricultural stage)। ঐহা 'কৃষ্ণ' নামের ব্যুৎপত্তিতেও কৃষির সহিত যোগেরই প্রমাণ পাওয়া যায় । তদীয় অগ্রজের 'হলী', 'হলধর' নাম কৃষির আরও সুস্পষ্ট প্রমাণই প্রদান করিয়া থাকে । কৃষ্ণ যে 'মুরলীধর' নামে পরিচিত তাহাতেও কৃষিজীবনেরই পরিচয় পাওয়া যায় । পাশ্চাত্যদিগের মধ্যে বংশীবাদন যে বিশেষরূপে গোপালনের আনুসঙ্গিক 'shepherd's pipe' (রাখালের বাঁশী) কথায়ই তাহার স্পষ্ট নিদর্শন বিদ্যমান দেখা যায় ।

ভগবদগীতার শ্রীকৃষ্ণ বৈষ্ণব ধর্মকে অভূতপূর্ব নূতন রূপ ও নূতন জীবন প্রদান করেন বলিয়াই তিনি বিষ্ণুর অবতাররূপে পরিগণিত না হইয়া স্বয়ং বিষ্ণুরূপেই পরিচিত হইয়া থাকেন । এই প্রকারে সূর্য্যদেবতার বিষ্ণুর বিকাশ হইয়া শ্রীকৃষ্ণে বিষ্ণুর বিকাশের পরিপূর্ণতা সাধিত হইয়াছে ।

শ্রীশীতলচন্দ্র চক্রবর্তী ।

তিব্বত অভিযান ।

টুনার পথে ।

পরদিবস প্রাতঃকালে আমরা ফারী দুর্গে ফিরিয়া আসিলাম । গত রাত্রে বড় আপন ভীষণ প্রভাবের অনেক চিহ্ন গ্রাম ও দুর্গের মধ্যে রাখিয়া গিয়াছিল । দুর্গের দুইটি সর্বোচ্চ তোরণ বজ্রাঘাতে একবারে চূর্ণ হইয়া গিয়াছিল । পাঠক জানেন, দুর্গটি অত্যন্ত প্রাচীন । বহুদিবস মেরামত না হওয়াতে অনেক স্থান একবারে পতনোগ্রস্ত হইয়াছিল । উহাদের মধ্যে কয়েকটি স্থান গত রাত্রে পড়িয়া গিয়াছিল । দুর্গ মধ্যস্থ লোকজন চাপা পড়িবার ভয়ে সমস্ত রাত্রি জাগিয়া কাটাইয়াছিলেন ।

ইহার কয়েক দিবস পরে আমাদের জেনারেল সাহেব নূতন চূড়িতে ফিরিয়া গেলেন । এই সময়ে আমাদের খাদ্যদ্রব্যাদি ক্রমে ক্রমে কমিয়া আসিতেছিল । এই সকল আনয়ন করিবার জন্য কুলী ও খচ্চরই আমাদের প্রধান সহায় । কিন্তু যে সকল দ্রব্য আনীত হইত, তাহার প্রায় তৃতীয়াংশ বাহকেরাই খাইয়া ফেলিত । আমাদের সহিত এই সময়ে ফারীতে প্রায় ২০০০ সৈন্য ছিল । ইহাদের আবশ্যিক দ্রব্যাদি বহন জন্য প্রায় চারি হাজার কুলী ও আসিয়াছিল । এই বিপুল লোক সংখ্যার উপযুক্ত খাদ্য



আমাদের সিকিমী কুলিগণ বড়ী নির্মাণ করিতে লাগিল ।

জন্য আনারবের জন্য যে কি প্রকার আয়োজনের প্রয়োজন তাহা অনায়াসে অনুমান করা যাইতে পারে । ইহার জন্যই

জেনারেল সাহেব নূতন চুম্বিতে গমন করিয়াছিলেন। পর দিবস আমাদের সাহেব (কমিসেরিয়েটের প্রধান কর্মচারী) ও তাঁহাকে অনুসরণ করিলেন। গ্রামবাসীরা প্রায়ই আমাদের নিকট কোনও দ্রব্য বেচিত না। আমরা অনায়াসে বল প্রয়োগ করিতে পারিতাম। একপ অবস্থায় হয়ত কেহ আমাদেরকে অপরাধী করিতেন না। কিন্তু এবিষয়ে আমাদের উপর বিশেষ কঠিন আদেশ ছিল, দুই চারিজন সিপাহী এই আদেশ অমান্য করিতে অত্যন্ত কঠিন শাস্তি পাইয়াছিল।

এই সময়ে তিব্বতে যাইবার এক সহজ সাধ্য নূতন পথ আবিষ্কৃত হইয়াছিল। যে পথে আমরা আসিয়াছি, তাহার কষ্টের কথা বিবৃত হইয়াছে। পূর্বেই বালিয়াছি, ভারত হইতে তিব্বত গমনের এক পথ ফারী দুর্গের সম্মুখে আসিয়া শেষ হইয়াছে। ইহা ভোট রাজ্যের ভিতর দিয়া গিয়াছে। অনুসন্ধানে জানা গেল যে এইপথ খুব সুগম। আমরা তখন ভোটরাজ্যের অভিমত আনাইয়া এইপথ ব্যবহার করিতে আরম্ভ করিলাম।

ফারীতে প্রায় অর্ধেক সৈন্য রাখিয়া আমরা ৪ঠা জানুয়ারী টুনা অভিমুখে যাত্রা করিলাম।

পশ্চিমধ্যে আমরা 'চোরটেন্ কারপো' (খেত-গম্বুজ) দুর্গ দেখিতে পাইলাম। দুর্গস্বামীর নাম কর্ণেল চাও। তিনি একজন চীনা কর্মচারী। খুব উদ্বলোক বলিয়া মনে হইল। স্বয়ং অগ্রবর্তী হইয়া বিশেষ সন্মান ও যত্নের সহিত অধিকাংশ কর্মচারীকে জলযোগের জন্ত আহ্বান করিলেন।

ইহার নিকট শুনিলাম, রুষ কর্মচারী সুপ্রসিদ্ধ ভরুজিখু এই সময়ে লাসায় অবস্থান করিতেছেন। তিনি যে রাস্তা ভুলিয়া বা দলাই লামার চরণদর্শন করিতে আসিয়াছিলেন তাহা কেহই মনে করিবেন না। শুনিলাম তিব্বত যাত্রাতে ইংরেজের নিকট অবনত না হয়, তাহারই সং-পরামর্শ দিবার জন্ত তিনি লাসায় উপস্থিত হইয়াছেন। তিনি নাকি দলাই লামাকে ভরসা দিয়াছেন যে, রুষের ভয়ে ইংরেজ অবিলম্বে তিব্বত ছাড়িয়া পলায়ন করিবেন। কর্ণেল মহাশয় ইহাও বলিলেন যে, দলাই-লামার যে যে কর্মচারী ইংরেজের পক্ষ সমর্থন করিতেছিল, তিনি তাঁহাদিগকে অত্যন্ত কঠিন শাস্তি দিতেছেন।

পশ্চিমদিক আমরা প্রসিদ্ধ টংলা গিরিপথ (Pass) অতিক্রম করিতে আরম্ভ করিলাম। ইহার উচ্চতা প্রায় ১৫০০০ ফুট। জানুয়ারী মাসে এমন স্থানে যে কি প্রকার শীতের আধিপত্য, তাহা বোধ হয় আর বলিতে হইবে না। যেদিকে দেখি বরফের স্তূপ ভিন্ন আর কিছু দেখা যায় না। এই স্থানে আমাদেরকে এক রাত্রি থাকিতে হইয়াছিল। সমস্ত লোকের উপযুক্ত তাঁবু না থাকতে আমাদের কয়েক জন সিপাহী ও কর্মচারী বরফের ঘরে রাত্রি অতিবাহিত করিলেন। বরফের ঘরের কথা পুস্তকে পড়িয়াছিলাম বটে, কিন্তু স্বচক্ষে কখনও দেখি নাই। আজ চক্ষুকর্ণের বিবাদ ভঞ্জন হইল।

প্রথমে একটা স্থানে গোল দাগ করা হয়। তাহার পর ইষ্টকের আকারে বরফকে কাটিয়া লইয়া গুম্বুজের মত ঘর প্রস্তুত হয়। একখানা গোল চূপড়ী উলটাইলে যেমন দেখায় এই ঘরও অনেকটা সেই রকম। ইহার প্রবেশ দ্বার দুইপাকরে রাখা হয়। পাশের দিকে অনধিক দেড় বা দুই ফুট স্থান খালি রাখা হয় গৃহস্বামীকে গুড়ি মারিয়া ঘরের মধ্যে প্রবেশ করিতে হয়। লোক প্রবেশ করিবার পর একখানা বরফের বড় টুকরা দ্বারা ঐ গহ্বরের মুখ বন্ধ করিয়া দেওয়া হয়। অনেক গৃহের মাথার উপর ঐ প্রকার ছিদ্র থাকে। এই সব বরফের ঘর যে কি প্রকার আরাম জনক তাহা অনেকে জানেন না। তাঁবু অপেক্ষা ইহাতে অনেক গরম হয়। এই সকল এত গরম যে, এই জানুয়ারী মাসেও একখানা লেপ গায়ে দিয়া অনায়াসে রাত্রিবাস করা যায়। অনেকে হয়ত মনে করিতে পারেন যে, এই বরফের ইট সকল গলিয়া গৃহবাসীকে ভিজাইয়া দেয়। এ ধারণা একেবারে অমূলক। ঐ দিন রাত্রে আমি নিজে সখ করিয়া একটা বরফের ঘরে রাত্রি যাপন করিয়াছিলাম। সে দিন আমরা মাটির তেলের টোঙে চা ও ডিম সিদ্ধ করিয়াছিলাম। ইহাতেও ঘরের কোনও স্থান হইতে বরফ গলে নাই।

এই সমস্ত শীত প্রধান স্থানে অনেক সময় জলের জন্ত বড় কষ্ট পাইতে হয়। প্রাতঃকালে বরফ না গলাইলে এক বিন্দু জল পাওয়া যায় না। সে জল এত শীতল যে, তাহাতে হাত দিলে হাত যেন কাটিয়া দেয়। শুনিলাম.

এখানকার লোক রাতে শুইবার সময় ২৩টা বড় বোতলে বরফের ক্ষুদ্র ২ টুকরা তরিয়ানিভের পাশে রাখিয়া দেয়। প্রাতঃকালে ঐ সকল বোতল হইতে জল পাওয়া যায়।

এই গিরিশঙ্কটে শীত এত প্রখর যে, আমাদের সৈন্যদের বন্দুকের চোঙ প্রভৃতির মধ্যে, বরফ জমিয়া গিয়া সেগুলিকে একবারে অকর্মণ্য করিয়া দিয়াছিল। ঐ সময়ে যদি বিপক্ষ পক্ষ আমাদের আক্রমণ করিত, তাহা হইলে নিশ্চয় আমাদের দাঁড়াইয়া মার সহিতে হইত।

এইস্থান হইতে হিমালয়ের দৃশ্য অত্যন্ত মনোমুগ্ধ কর। দক্ষিণে চুমল-হরি গিরিশৃঙ্গ আকাশ পর্য্যন্ত চলিয়া

ছেলেবেলায় পড়িয়াছিলাম, “তিব্বত এক অধিতকা বা টেবিল ল্যান্ড”। তাহাতে এই বুঝিয়াছিলাম যে উহা একটা সমতল ভূমি, পাহাড় পর্বতের সহিত বড় একটা সম্বন্ধ নাই। আচ্ছ দেখি, ব্যাপার সম্পূর্ণ বিপরীত। যতদূর দৃষ্টি চলে, দেখি পর্বতের উপর পর্বত, তাহার পর পর্বত—ক্রমাগত চলিয়া গিয়াছে।

পরদিবস বেলা এগারটার সময় আমরা ঐ গিরি শঙ্কট পার হইয়া তিব্বতে পদার্পণ করিলাম। প্রথম কয়েক মাইল পথে আমাদের বিশেষ কষ্ট পাইতে হইল। সমস্ত স্থান ক্ষুদ্র উপল খণ্ডে পরিপূর্ণ। কুলীদের পায়ে



টনা উপত্যকায় ইংরেজশিবির অদূরে চুমল হরি শৃঙ্গ।

গিয়াছে। বামে ও পশ্চাতে অনন্ত পর্বত মালা সাগর প্রবাহের মত কোনও এক অজ্ঞাত রাজ্যে চলিয়া গিয়াছে। সম্মুখে আমাদের ঠিক নীচেই তিব্বত। ভগবানকে আরাধনা করিবার কি সুন্দর স্থান! এই জগুই আমাদের তীক্ষ্ণদর্শী প্রাচীন ঋষিরা হিমালয়ের এত পক্ষপাতী ছিলেন। গন্ধর্বলোক; কিন্নরলোক; কুবের লোক, বৈলাশ, অমরাবতী প্রভৃতি সমস্ত স্থান ইহার মধ্যে কল্পনা করিয়াছিলেন। তাঁহারা হস্ত ভাবিতেন, হিমালয় যখন এত সুন্দর অথচ দুর্গম, তখন দেবতারা ইহারই কোনওনা কোনও স্থানে অবস্থান করেন। ঈহারা সংসারের জালায় হর্জুরীভূত, শাস্তির অস্তিত্ব এক প্রকার ভুলিয়াই গিয়াছেন, তাঁহারা যদি একবার এখানে উপস্থিত হইতেন, তাহা হইলে ইহাকে যে অমরালয় বলিয়া মনে করিবেন ইহা নিশ্চয়।


জুতা না থাকিতে তাহারা খুব কষ্ট পাইতে লাগিল। ঋনিকদূর পরে দেখি চারিদিকে অনেক তিব্বতীয় গর্দভ চরিয়া বেড়াইতেছে। এখানে ইহাদের নাম ‘কিয়াং’। ইহারা প্রায় সবচেই দলবদ্ধভাবে বিচরণ করিতেছে। এতগুলো জন্তু চরিতেছে. অথচ ইহাদের কোনও রক্ষক নাই দেখিয়া বিস্মিত হইলাম। পরে জানিতে পারিলাম যে, ইহারা বহু গর্দভ, কাহারও রক্ষিত নহে। গর্দভ যে এত সুশ্রী হয়, তাহা আমি জানিতাম না। ইহাদের বর্ণ পাটকিলে মাঝে ২ কাল রংএর ডোর কাটা অনেকটা তেরার মত। তিব্বতীয়েরা বলে, ইহারা পোষ মানেন না। সাহেবেরা এই নুতন জন্তু দেখিয়া অত্যন্ত আনন্দিত হইলেন। তাঁহারা সন্দ্বন্দ করিলেন যে, কয়েকটা কিয়াং লইয়া চেষ্টা করিয়া দেখিবেন পোষমানে কি না!

এই প্রস্তরময় প্রান্তরের দৈর্ঘ্যপ্রায় ১২ মাইল।

এগারটার সময় রওনা হইয়া সন্ধ্যার কিয়ৎকাল পূর্বে ৬ মাইল, মাত্র গমন করিতে পারিয়াছিলাম। ষণ্টায় প্রায় এক মাইল পথ। স্থানটার অধিকাংশই সমতল বটে, কিন্তু উহা যে কি প্রকার হ্রগম, আমাদের উপরোক্ত বর্ণনা হইতে তাহা বেশ বুঝিতে পারা যাইবে। যাহা হউক সন্ধ্যার সময় আমরা 'টুনা' গ্রামে উপস্থিত হইলাম। গ্রামখানি খুব ছোট অধিবাসীর সংখ্যা একশতের অধিক হইবে না। পূর্বে এই গ্রাম নিকটবর্তী রামহুদের তটে অবস্থিত ছিল। তখন নাকি এখানে অনেক লোক বাস করিত। এখন ঐ হ্রদ অনেক দূরে সরিয়া যাওয়ায় গ্রাম হতশ্রী হইয়া পরিয়াছে।

আগার ফিরিয়া আসিল। শেষে একান্ত অসহ হওয়াতে ঘরে আগুন জালিয়া দিলাম।

পরদিবস আমরা প্রাতঃকালে গ্রামের মধ্যে প্রবেশ করিলাম। অনেক অসুস্থদের পর একটা উপযুক্ত স্থান মনোনীত করিয়া যথাসম্ভব শীঘ্র তাহাকে গড়বন্দী করিবার আয়োজন করা হইল। ইহার পর কাপ্তেন ওটলে তিক্ষিতীয়দিগের গতিবিধি পর্যবেক্ষণের জন্ত কয়েকজন অস্বাভাবিক সৈন্যের সহিত প্রেরিত হইলেন। তিনি টুনার পাঁচমাইল দূরে একদল তিক্ষিতীয় সৈন্য দেখিতে পাইলেন। তাঁহার মতে উহাদের সংখ্যা ২০০ র কম নয়। এই সময় আমরা ফারী হইতে সংবাদ পাইলাম যে,



টুনা উপত্যকা অতিক্রম।

আমরা গ্রামের বাহিরে একটি ঝরণার ধারে শিবির সন্নিবেশ করিলাম। সকলেই অত্যন্ত শ্রান্ত ছিলাম বলিয়া সামান্য জলযোগ করিয়া শয়ন করিলাম। এতদিন পর্যন্ত আমরা পাহাড়ে ২ ঘুরিতেছিলাম; সেইজন্য রাতে শয়ন কক্ষে আগুন না জ্বালাইয়া শুইতাম না। আজ আমরা সমতল ভূমিতে উপস্থিত। ভাবিলাম আজ আর আগুন জ্বালিব না। সন্ধ্যা-রাত্রি একরমক কাটিয়া গেল। কিন্তু রাত্রি বৃদ্ধির সঙ্গে ২ শীত এমন বৃদ্ধি পাইল যে, আমাদের হাত পা যেন জমিয়া যাইতে লাগিল। টংলার শীত যেন

সামরিক কর্মচারী গ্রান্ট সাহেব অস্বাভাবিক আশিবার সময় তাহার সহিত পশ্চিমদে কয়েকজন তিক্ষিতীয় লামার দেখা হয়। তাহাদের সহিত কথোপকথনের সময় তিনি সহসা আক্রান্ত হইলেন। সাহেবের সহিত কয়েকজন মাত্র দেশী সিপাহী ছিল। তাহারা হঠাৎ আক্রমণের বেগ সহ্য করিতে না পারিয়া পলায়ন করে। তিক্ষিত অভিযানের ইহাই প্রথম যুদ্ধ।

শ্রীঅতুলবিহারী গুপ্ত।

সইদখাঁর বিচ কোঠা

আটীয়া পরগণার পাঠান জমিদারগণের পূর্ব পুরুষ, আটীয়ার লোক-বাস স্থাপয়িতা, আদিম ভূম্যধিকারী সইদখাঁর বাসস্থান আটীয়া, রূপসী, ও পাকুল্যা— এই তিন স্থানেই প্রতিষ্ঠিত ছিল, বলিয়া জানা যায়। পাকুল্যাস্থিত সইদখাঁর ভবনে উত্তরকালে তদীয় বংশের বধু মতিবিবি বসতি করিতেন। এই মহীয়সী মহিলা, প্রতাপে ও অবদানে আটীয়ার পাঠান নাম উজ্জ্বল করিয়া গিয়াছেন। তাঁহার নির্মিত হস্ত্যে ও মসজিদে সইদখাঁর কীর্তি আবৃত হইয়া পড়িলেও সেই সুপ্রাচীন কাল হইতে, বর্তমান সময়ের কিছুকাল পূর্ব পর্য্যন্ত একটি ক্ষুদ্র মন্দির বা প্রকোষ্ঠ, “সইদখাঁর বিচকোঠা” নামে পরিচিত হইত। ধ্বংসকারী কালের আঘাতে এবং পাঠান জমিদার দিগের উত্তরাধিকারি গণের ইষ্টক লোলুপতার সইদখাঁও মতিবিবির কীর্তি সমস্তই বিলুপ্ত প্রায় হইয়াছে। এখন আর ‘বিচ কোঠা’ নাই; উহা যে স্থলে অবস্থিত ছিল, লোকে ভূপ্রাধিত প্রাচীর দেখাইয়া তাহার নির্দেশ করিয়া থাকে। (১)

‘বিচ কোঠা’ বা ‘গর্ভ-গৃহ’ নাম হইতে মনে হয়, এক কালে ইহা বৌদ্ধ মন্দির ছিল। নিভৃতে ভজন সাধনের জন্য বৌদ্ধ যুগে গর্ভগৃহ নির্মিত হইত। ইহার অন্ত নাম ‘অন্তর্গৃহ’ বা গম্ভীরা। হিন্দুদিগের মধ্যেও অন্তর্গৃহ নির্মাণের পদ্ধতি ছিল। নিভৃতে ভজন সাধনের জন্য উহা নির্মিত হইতই, মূল্যবান সামগ্রী রাখার জন্যও লোকে এরূপ প্রকোষ্ঠের প্রয়োজন বোধ করিত। শ্রীমদ্ভাগবতে অন্তর্গৃহের উল্লেখ আছে। শ্রীচৈতন্য মহাপ্রভু, শেষ দশায় দিবারাত্রি ‘গম্ভীরাতেই অবস্থান করিতেন। এই গম্ভীরা বা গর্ভগৃহই বিচকোঠা, অর্থাৎ গৃহের মধ্যের গৃহ। বাউলেরা এখন ও যোগ সাধনের

জন্য গম্ভীরা বা ‘ছিলা’তে বসিয়া থাকে। তাহাদের গম্ভীরা, ঘরের ভিটা খুঁড়িয়া নির্মিত হয়।

পাকুল্যা অতি প্রাচীন গ্রাম। ইহার প্রাচীনতার অনেক নিদর্শন পাওয়া যাইতেছে। ইহার নিকটে ভূমি ধনন কালে কয়েকটি প্রাচীন কামান পাওয়া গিয়াছে। বোধ হয় এক সময়ে পাকুল্যাতে বৌদ্ধ বিহার বা মন্দির ছিল। উত্তরকালে সইদখাঁ, সেই বৌদ্ধ গর্ভ গৃহকেই কেন্দ্র করিয়া আপনার আবাস নির্মাণ করেন, এবং গর্ভ গৃহ বিচ-কোঠা নামে প্রসিদ্ধ হয়। যাহা হউক ইহা অনুমান মাত্র।

প্রবাদ এই—যখন সইদখাঁ, আটীয়া পরগণার অধিপতি হন, সেই সময়ে এ পরগণার অধিকাংশ স্থানই জলমগ্ন ছিল। সইদখাঁ কোথায় বাসস্থান নির্মাণ করিবেন, স্বীয় গুরুকে জিজ্ঞাসা করিলে, তিনি বলেন, তুমি যে স্থানে অসম্ভব বীরত্বের কোন চিহ্ন দেখিলে, সেই বীর-ভূমিতেই স্বীয় আবাস নির্মাণ কর। সইদখাঁ, নৌকায় চড়িয়া বীর-ভূমির অনুসন্ধানে বাহির হইলেন, কিন্তু বহুদূর ভ্রমণ করিয়াও অসম্ভব বীরত্বের নিদর্শন কোথায়ও দেখিতে পাইলেন না। সন্ধ্যাকালে সইদখাঁর নৌকা এক প্রকাণ্ড চরের নিকটে ভিড়িল। সইদ, চরের দিকে চাহিয়া দেখিলেন, এক বৃহৎকার ভেক একটি বিষধর ফণীকে অবলীলায় গ্রাস করিতেছে। ভেকের এই অসম্ভব বীর্য্য-বর্জা দেখিয়া সইদ বুঝিলেন, ইহাই গুরু দেবের কথিত বীর-ভূমি। কিছুকাল মধ্যেই ভেক সর্পটিকে উদরসাৎ করিয়া সেস্থান হইতে চলিয়া গেল। ভেক, যে স্থানে উপবিষ্ট হইয়া সর্পটিকে গ্রাস করিয়াছিল সইদখাঁ সেই স্থানে এক লৌহ কীলক প্রোধিত করিয়া গুরুর নিকট আগমন করিলেন। গুরু, সমুদয় বিবরণ শুনিয়া সইদখাঁকে সেই স্থানে আবাসবাটি নির্মাণ করিতে আদেশ করিলেন। যে স্থানে লৌহ কীলক প্রোধিত হইয়াছিল, ঠিক সেইস্থানেই সইদখাঁর শয়ন বা ভজন গৃহ-বিচকোঠা নির্মিত হয়। সইদ, এই বিচ-কোঠার মধ্যে একাকী অবস্থান করিতেন। বিচ-কোঠার বাহির্ভাগে আরও গৃহ নির্মিত হইয়াছিল। উহার ধ্বংসাবশেষ এখন ও দৃষ্ট হইয়া থাকে।

এই জন প্রবাদ সত্য হইলে পাকুল্যা গ্রাম সইদখাঁ কর্তৃক প্রতিষ্ঠিত বলিয়া জানা যাইতেছে।

শ্রীরসিকচন্দ্র বসু ।

(১) পাকুল্যার বর্তমান জমিদার শ্রীযুত লালমিঞা সাহেবের বাটীর প্রাচীর সংলগ্নে দক্ষিণদিকে ‘বিচকোঠা’ অবস্থিত ছিল। ‘বিচকোঠার’ স্থান এক্ষণে দোলচাঁদারের জমিদার প্রসিদ্ধ মিঃ গজনবী সাহেবের অধিকার ভুক্ত। বোধ হয় ধরন করিলে এখনও বিচকোঠার কতক অংশ বাহির হইতে পারে। বিচকোঠার মধ্যে সইদখাঁর ব্যবহৃত কোন জব্য পাওয়া ও বিচিত্র নহে।

শুভ-দৃষ্টি।

তৃতীয় পরিচ্ছেদ।

(৬)

চণ্ডী বাবুও অতি প্রত্যাষে উঠেন। উঠিয়া তাঁহার নিত্য নৈমিত্তিক কৰ্ম—চাকর-বাকর গুলিকে ডাকিয়া তোলা, ছাত্রদিগকে উঠিয়া হাত মুখ ধুইয়া পড়িতে বলা, গরুর ঘরের অবস্থা ইত্যাদি দর্শন করিতেছিলেন। আমাকে দেখিয়া বলিলেন, “রাত দুদণ্ড থাকিতে শৈবাল তোমার হাত দেখবে বলে গিয়াছে। বাড়ীর ওঁরা নিষেধ করিলেন, ঠাণ্ডাটা যাক; আমি বলিলাম, যোগেশকে হাত ধুইতে আমিই নিষেধ করিব। মেয়ে কি স সব কথা শুনে? অসুখ বিসুখ নেই—”

চণ্ডী বাবুর কথায় আমি বেকুব হইয়া গেলাম। নিতান্ত অপরাধীটির মত শৈবালের উদ্দেশে পুনরায় আমার কক্ষে প্রবেশ করিলাম। তাঁহাকে কিছু না বলিয়া শৈবাল আমার মুখপানে চাহিয়া ফুঁফাইয়া ফুঁফাইয়া কান্দিতে লাগিল। আমি বলিলাম—“শৈবাল আমার ক্ষমা কর বোন, আমি না বুঝতে পেরে তোমার মনে আঘাত দিয়াছি, এখন জানতে পেরেছি—ভাল হউক মন্দ হউক, তুমি তোমার পিতামাতার জ্ঞাতসারেই আসিয়াছ।”

শৈবাল কান্দিতে লাগিল। আমি কম্পিত হস্তে তাঁহার চক্ষের জল মুছাইয়া দিলাম। সান্ত্বনা বাক্যে অনেক বুঝাইলাম।

শৈবাল বলিল—“সেদিন রাতও আপনি আমার প্রতি এরূপ ব্যবহার করিয়াছেন।”

আমি বলিলাম “সেইরূপ সময় আমার নিকট না আসিলেই আমি সুখী হইব।”

শৈবাল জেদ করিয়া বলিল—“কেন?”

আমি বলিলাম—“আমার কাজের ক্ষতি হয়।”

শৈবাল—“আপনি এটিক কথা বলেন নাই। আমি আপনার কাজের ক্ষতিই করিব।”

আমি হাসিয়া বলিলাম—“আচ্ছা করিও।”

শৈবাল—“সেদিন কি আপনি আমাকে কষ্ট দেন নাই?”

আমি দেখিলাম শৈবাল কেবল কথাই বৃদ্ধি করি-

তেছে। আমি চুপ করিয়া রহিলাম। শৈবাল পুনরায় বলিল—“আপনি নিশ্চয় আমাকে কোন বিষয় সন্দেহ করিয়াছেন।”

আমি—“না করিবার মত কি প্রমাণ দিয়াছ?”

শৈবাল—“আপনার নিকট প্রমাণ প্রয়োগ দ্বারা নির্দোষ হইতে যাওয়ারকে আমি নিতান্ত দুর্ভাগ্যের বিষয় মনে করি।”

আমি হাসিয়া বলিলাম—“আমি তোমার মত হাত দেখা শিখিলেও প্রমাণ নালাইয়াই বলিতে পারিতাম।”

শৈবাল হাসিল।

এইরূপ Shower and Sun shine এর পর আমি স্বকর্মে নিযুক্ত হইলাম।

(৭)

২৭ শে অগ্রহায়ণ। শৈবাল ভুলোকোর মত আমার পিছনে লাগিয়া আছে। সে যে কি বলিতে চায় বা করিতে চায়, কিছুই বুঝা যায় না। আমার অনেক মূল্যবান সময় তাহার অযথা আচরণ ও আকারে ব্যথা নষ্ট হইয়া যাইতেছে।

চণ্ডীবাবু ও তাহার গৃহিণী, কণ্ডার আচরণে সম্পূর্ণ উদাসীন। এ আপদ না ছাড়াইতে পারিলে আর ধর্ম রক্ষার আশা নাই। যাট হউক এবার ‘শুভে কুশলে’ পার পাইতে পারিলে আর এ পুতী মাড়াইব না—ইহাই স্থির করিলাম। এখন—“দয়া ধর্মিকেশ হৃদিস্থিতেন যথা নিযুক্তোয়ি তথাকরোমি”—ব্যতীত আর উপায় নাই।

সন্ধ্যার পর শৈবাল আসিয়া আমার নিকট বসিল। আমি তখন মুদ্রিত নয়নে কালীঘাটের কালী মূর্তির চিত্রের সম্বন্ধে ধ্যান করিতেছিলাম। ধ্যান সমাপন করিয়া বলিলাম—“কি মনে করিয়া শৈবাল?”

শৈবাল বলিল—“আপনি কোন দিনই আমার কোন কথায় মনোযোগ দেন না।”

আমি—“কবে কোন দিন তোমার কথায় মনোযোগ দিই নাই?”

শৈ—“কোন দিনই আপনার নিকট আমি কোন কথা বলিয়া সুখ পাইনি। আপনি প্রতি কথায় আমাকে অবহেলা করেন।” আমি লজ্জিত ভাবে বলিলাম—

“আমিত কখনও কাহারও মনে কষ্ট দিতে ইচ্ছা করিনা শৈবাল ! খাहा বলিবার তুমি নিশ্চিন্তে বলিয়া যাও ।’

শৈবাল—“আমি আপনার নিকট গীতা পাঠ করিতে ইচ্ছা করি ।”

আমি—“সুখের কথা । তোমার বাবাওতো প্রতি দিন গীতা পাঠ করেন । তাঁহার সঙ্গে রীতিমত পড়িলে ও তাঁহার ব্যাখ্যা শুনিলেই বোধ হয় তোমার যথেষ্ট হইবে ।

শৈবাল বিমর্ষ ভাবে বলিল—“আপনি আমাকে অন্তরে ঘৃণা করেন ।”

আমি—“একুপ অশ্রয় ভাবনা তোমার কেন হয় শৈবাল ?”

শৈবাল—“আপনি নিজে আমাকে গীতা পড়াইলে আপনার কি কোন অনিষ্ট হয় ?

আমি লজ্জিত হইয়া বলিলাম—“না, এমন কিছুই না ।”

শৈ—“তবে আমি আপনার নিকটই পাঠ শুনিব” ।

* * * *

শৈবালের সঙ্গীত অন্তে আমি গীতা পাঠ করিতে লাগিলাম । শৈবাল একাগ্র মনে গীতার শ্লোক ও তাহার বঙ্গানুবাদ শ্রবণ করিতে লাগিল ।

(৮)

দোল পূর্ণিমা । শৈবালের সহিত গীতা পাঠ করিয়া হৃদয়ে আনন্দ অনুভব করিতে লাগিলাম । এখন আর সঙ্কোচ নাই, ব্যবধান নাই । শৈবাল প্রতি দিন প্রাতে ও রাতে আমার নিকট বসিয়া গীতা পাঠ ও তাহার ব্যাখ্যা শ্রবণ করে এবং সন্ধ্যার পর পূর্ব রীতি অনুসারে পরমার্থ সঙ্গীত গায় ।

সন্ধ্যার পর চণ্ডী বাবু আসিয়া বসিলেন ।

শৈবাল হারমোনিয়মে গান ধরিল ।

গানে মুগ্ধ হইলাম, ভগবানের বরুণা শ্রবণ করিয়া বিহ্বল হইলাম । আবেগ ভরে বলিলাম, “শৈবাল, শিলং গেলে আর তোমার গান শুনিতে পাইব না ।”

চণ্ডীবাবু আমার কথার উত্তরে বলিলেন—“যোগেশ তুমি যদি কিছু মনে না কর তবে নিঃসঙ্কোচে একটা কথা বলিতে পারি । শৈবাল কে তোমার সঙ্গিনী করিয়া লও । শৈবাল এখন তোমারই স্থান গীতা ছাড়া কিছু বুঝে না, তোমাকে ছাড়া কিছু চায় না । আর দেখ, ধর্ম জীবনে

সহায়তা ব্যতীত উন্নতি নাই । সংসহারতাই ধর্ম জীবনের উন্নতির সহায় । আমি তোমাকে প্রাণের সহিত ভাল বাসি, আমার ইচ্ছা শৈবালকে তোমার হাতে সমর্পণ করিয়া তোমার ধর্ম জীবন যাপনের সহায়তা করি । শৈবাল তোমারই উপযুক্ত সঙ্গিনী ।”

কথার ভাব বুঝিয়া শৈবাল পূর্বেই চলিয়া গিয়াছিল । আমি চণ্ডী বাবুর কথার উত্তরে অতি সঙ্কোচ ভাবে বলিলাম—“আপনি আমার উপদেষ্টা ও প্রতি পালক ; আমার জীবনের অংশা ভাগ নহে । আমি সংসারের ভিতর নিজেকে আপাততঃ আবদ্ধ রাখিতে ইচ্ছা করি না । সংসার সৃষ্টি আমার ইচ্ছা নহে ।”

চণ্ডী বাবু হাসিয়া বলিলেন—“সংসারে নির্লিপ্ত থাকিয়া ভগবানের আন্বাদন পাওয়া কঠিন । সংসারের হর্ষ, বিবাদ, মান, অভিমান, সুখ, দুঃখ, বিপদ সম্পদের ভিতর দিয়া যিনি ভগবানের স্বভা অনুভব করিতে পারেন, তিনিই ভগবানের প্রকৃত ভক্ত ।”

আমি মাথা নীচের দিকে নিয়া বলিলাম—“স্বী সন্তো-গের বাসনার ভিতর ভগবৎ ভক্তির স্থান নাই । আমাকে ক্ষমা করিবেন ।”

চণ্ডী বাবু বলিলেন—“স্বী সহধর্মিণী । ধর্মের জ্ঞান, সহ বাসের জ্ঞান নহে । ধর্ম বিষয়ে একে অঙ্কে উন্নত করিবার জ্ঞান—সন্তোগ বা পুত্র উৎপাদনের জ্ঞান নহে ।”

আমি চুপ করিয়া রহিলাম । চণ্ডী বাবু বলিতে লাগিলেন—“দাম্পত্য ধর্মে সন্তোগ বিরতির দৃষ্টান্ত জগতে বিরল হইলেও অনুসন্ধান করিলে তাহা খুব বিরল নহে । সেবা গোসাই কাঞ্চনীকে আত্মীবন সহধর্মিণী রূপে রাখিয়া ছিলেন, কিন্তু কখনও সন্তোগ করেন নাই । বৈষ্ণব ধর্ম গ্রন্থে Chaste marriageএর এইরূপ দৃষ্টান্ত বিরল নহে । সেবা দাসী সন্তোগের জ্ঞান নহে—ধর্মের জ্ঞান । যে পামরেরা ধর্মের নামে অধর্ম সঞ্চয় করে, জগতে তাহারাই অধিক পাপী । জগতে ভালরূপ এইরূপ অপব্যবহার হইতেছে ।”

চণ্ডী বাবু বিবাহের সাপক্ষে এইরূপ শাস্ত্র সঙ্গত ও যুক্তি সঙ্গত কারণ দেখাইতে লাগিলেন । আমি চুপ করিয়া থাকিয়া মনে মনে ভাবিতে লাগিলাম—“অয়া কবিকেশ হৃদিস্থিতেন কথা নিযুক্তোমি তথা করোমি । (ক্রমশঃ)

জাতক।

পৃথিবীর সকল দেশেই অতি প্রাচীন সময় হইতে পুস্তকাকী প্রভৃতি ইতর প্রাণি কিম্বা ভূত প্রেতাদি অশরীরীদিগকে অবলম্বন করিয়া অনেক উপদেশজনক গল্প প্রচলিত হইয়া আসিতেছে এবং বুদ্ধ, মহান্দ, যীশু-খ্রীষ্ট প্রভৃতি ধর্মগুরুগণ এবং ব্যাসাদি পুরাণকর্তারা এই সকল গল্প উপলক্ষে মানুষকে নানা হিতকথা শিক্ষা-দিবার উপযোগিতা উপলব্ধ করিয়াছেন। মানব শিশু কিম্বা শিশুকল্প প্রাচীন মানব সকলেই এই সকল গল্পে অপেক্ষ আনন্দ ও উপদেশ প্রাপ্ত হইয়াছে।

এই সমস্ত রূপ-কথা বা উপকথা সংগ্রহ করিতে পারিলে দেশ বিশেষের প্রাচীন রীতি নীতি আচার ব্যবহার ও ধর্ম বিশ্বাস সুস্পষ্টরূপে বুঝিতে পারা যায়, সময় সময় মহাকাব্যাদির অল্প পর্যন্ত দৃষ্টি গোচর হইয়া থাকে। এই কারণে যুরোপের মনীষিগণ সাতশতাব্দী সহকারে দীর্ঘকাল যাবৎ উপকথা সংগ্রহ করিয়া আসিতেছেন। প্রাচীন ঈষপের কথা, মধ্য যুগের খৃষ্টান যাজকদিগের প্রণীত Jesta Romanorum, ইটালী-দেশীয় বোকাচিও এবং ইংলণ্ডের চসার প্রণীত কাব্য এই উদ্দেশ্যেই রচিত। বর্তমান সময়ে জার্মেনির গ্রীম নামক ভ্রাতৃদ্বয় এ সম্বন্ধে যে বিখ্যাত গ্রন্থ সংকলন করিয়াছেন তাহাও সকলের সুবিদিত। কিন্তু গ্রীমই বল, ঈষপই বল, বৌদ্ধ-জাতক সমূহের ভুলনায় এ সমস্ত সেদিনের কথা। যুরোপীয় পণ্ডিতেরা বলেন, পালিভাষায় লিপিবদ্ধ জাতক গ্রন্থ বোধহয় এতৎ সম্বন্ধে পৃথিবীর মধ্যে সর্বাপেক্ষা প্রাচীন। উত্তর কালে এই সমস্ত গল্পই রূপান্তরিত হইয়া পঞ্চতন্ত্র, হিতোপদেশ, কথা সরিৎসাগর, ঈষপের উপকথা প্রভৃতিতে দাঁড়াইয়াছে।

এই জাতক কি! বুদ্ধেরা বলেন এ সমস্ত ভগবান গৌতমবুদ্ধের অতীত-জন্ম বৃত্তান্ত। বুদ্ধ হইতে গেলে বহুবার জন্ম গ্রহণ করিয়া ক্রমশঃ কর্মফল বিনষ্ট করিতে হয়। যিনি বুদ্ধ হইয়াছেন, এই সমস্ত অতীত জন্মে তিনি “বোধিসত্ত্ব” বা “বুদ্ধাঙ্গুর” ছিলেন। এইরূপে গৌতমবুদ্ধ কোন জন্মে হস্তী, কোন জন্মে মর্কট, কোন জন্মে মৎস্য,

কোন জন্মে মৃগ, কোন জন্মে ব্রাহ্মণ, কোন জন্মে শ্রেণী ইত্যাদি হইয়াছিলেন। বুদ্ধপ্রাপ্তির সঙ্গে সঙ্গে তিনি জাতিস্বর হইয়াছিলেন, তখন এই সকল অতীত জন্ম বৃত্তান্ত তাহার মানস পটে উদ্ভিত হইয়াছিল। উত্তর কালে তিনি শিষ্যদিগকে উপদেশ দিবার সময় এই সমস্ত প্রাচীন কথার বর্ণনা করিতেন।

সমস্ত জাতকই যে বুদ্ধপ্রোক্ত তাহা গোপহর বৌদ্ধ ভিন্ন অন্য কেহ বিশ্বাস করিবেন না। কিন্তু তাহাদের অধিকাংশই যে অতীব প্রাচীন এবং কোন কোনটা বুদ্ধের সমসাময়িক তৎসম্বন্ধে সন্দেহ নাই। প্রবাদ আছে, অশোকের পুত্র মহীন্দ্র যখন সিংহল দ্বীপে ধর্মপ্রচার করিতে যান তখন পালি ভাষায় লিখিত এই জাতকগ্রন্থ সঙ্গে লইয়া গিয়াছিলেন। ইহার কিয়ৎকাল পরে উহা সিংহলী ভাষায় অনূদিত হয়। শেষে কি কারণে বলা যায় না, পালি ভাষায় লিখিত মূল গ্রন্থ বিনষ্ট হইয়া যায়। তৎপরে সুপ্রসিদ্ধ বুদ্ধঘোষ সিংহলী হইতে পালিতে উহার পুনঃ অনুবাদ করেন। ইহাও প্রায় দেড় হাজার বৎসরের কথা।

কিয়দিন হইল ডেনমার্ক, জার্মেনি ও ভারতবর্ষ এই তিন রাজ্যের রাজপুরুষদিগের সাহায্যে কোপেন-হেগন বাসী পণ্ডিতবর ফোস্‌বল এই জাতক গ্রন্থের পালি সংস্করণ প্রকাশ করিয়াছেন এবং কেম্ব্রিজ বিশ্ববিদ্যালয়ের সদস্যগণ ও মহামতি কাউয়েল সাহেবের তত্ত্বাবধানে ইহার ইংরেজী অনুবাদ সুসম্পন্ন করিয়াছেন।

এই গ্রন্থে মোট ৫৫০টি জাতক আছে। তাহাদের প্রত্যেকের ৩ অংশ। (১) প্রভূত্বপন্ন বস্ত, অর্থাৎ যে উপলক্ষে বুদ্ধদেব গল্পটি বলেন। (২) অতীত বস্ত অর্থাৎ প্রসূত জাতকংশ। (৩) সমবধান অর্থাৎ বুদ্ধদেবের সমসাময়িক কোন ব্যক্তি অতীত কালে কি ছিলেন তাহা প্রদর্শন।

জাতক আমাদের জাতীয় ধন--কারণ বৌদ্ধধর্ম ভারতবর্ষেরই ধর্ম এবং পালি ভাষা বোধহয় বাঙ্গালা ও বিহার উত্তর প্রদেশেরই প্রাচীন ভাষা। রায় সাহেব শ্রীবুদ্ধ ঈশানচন্দ্র ঘোষ এম, এ মহোদয় এই গ্রন্থের বঙ্গানুবাদ আরম্ভ করিয়াছেন; এই গ্রন্থ প্রকাশ হইলে

যে কেবল ধর্মমূলক একখানি সুচিন্তিত উপাখ্যান গ্রন্থের সংখ্যা বৃদ্ধি হইবে তাহাও নহে প্রাচীন সময়ের অনেক ঐতিহাসিক এবং সামাজিক বৃত্তান্তও জানা যাইবে ; এতদ্ব্যতীত বাঙ্গালা ভাষার অনেক শব্দের প্রয়োগের যুক্তিও বুঝিতে পারা যাইবে । তাহার এই অনুবাদ গ্রন্থ বাঙ্গালা ভাষা ও সাহিত্যে এক অভিনব সম্পদ প্রদান করিবে, উজ্জ্বল রায় সাহেব বাঙ্গালি মাত্রেই কৃতজ্ঞতা-ভাজন । আমরা সৌরভের পাঠকগণের জন্য একটি জাতক প্রকাশ করিলাম । যদি এগুলি পাঠকদিগের চিন্তাকর্ষণ করিতে পারে, তবে ক্রমে আরও প্রকাশ করিব ।

“সৌরভ” সম্পাদক ।

রাজাবাদ জাতক । *

[শাস্তা (১) ভেতনে অবস্থিতি করিবার সময় কোশল রাজকে উপদেশ দিবার জন্য এই কথা বলিয়াছিলেন । তৎসম্বন্ধে সবিস্তার বিবরণ ত্রিশকুন-জাতকে প্রদত্ত হইবে (৫২) ।]

একদা কোশল রাজাকে একটি চরিত্রদোষ সংক্রান্ত অতি জটিল বিবাদের মীমাংসা করিতে হইয়াছিল । ইহাতে বিলম্ব ঘটায় তিনি প্রান্তরার্থ সমাপন পূর্বক ধোত হস্তের জল শুকাইতে না শুকাইতেই অলক্ষ্য রথে আরোহণ করিয়া শাস্তার নিকট উপনীত হইলেন । তিনি শাস্তার প্রকৃতকমল-রমণীয় পাদবন্দনা করিয়া একান্তে উপবেশন করিলে শাস্তা জিজ্ঞাসা করিলেন, “মহারাজ যে আজ এসময়ে আগমন করিলেন ?” রাজা বলিলেন, “ভগবন্, অতঃপর একটি চরিত্র দোষ সংক্রান্ত জটিল বিবাদের মীমাংসা করিতে হইয়াছিল বলিয়া অবকাশ পাই নাই ; অনন্তর যেমন বিচার শেষ করিলাম, অমনি আহারাণ্ডে প্রক্ষালিত হস্ত শুষ্ক না হইতেই আপনার ঊর্চনার্থ এখানে উপস্থিত হইয়াছি ।” “মহারাজ, ধর্মশাস্ত্রসূত্রে এবং নিরপেক্ষভাবে বিচার করিতে পারিলে রাজার কুশল হয়, তিনি স্বর্গলোকের অধিকারী হইয়া থাকেন । আমার জায় সর্বজ পুরুষের নিকট উপদেশ গ্রহণ করিয়া আপনি যে যথাধর্ম নিরপেক্ষভাবে বিচার করিবেন, ইহা আশ্চর্যের বিষয় নহে ; কিন্তু পুরাকালে রাজগণ অসর্বজ পণ্ডিতদিগের উপদেশসূত্রে পরিচালিত হইয়াও যে নিরপেক্ষভাবে যথাধর্ম বিবাদনিষ্পত্তি করিতে পারিতেন, চতুর্বিধ

অপতিগমন (২) পরিহার করিয়া দশবিধ রাজধর্ম পালনে (৩) সমর্থ হইতেন এবং শাস্ত্রসূত্রে রাজ্যপালন পূর্বক দেহান্তে স্বর্গলোক লাভ করিতেন ইহা বিশ্বাস কর সন্দেহ নাই ।” অতঃপর শাস্তা সেই অতীত কথা আরম্ভ করিলেন ।

পুরাকালে বারাণসীরাজ ব্রহ্মদত্তের সময় বোধিসত্ত্ব তাঁহার অগ্রমহিবীর গর্ভে জন্মগ্রহণ করিয়াছিলেন । রাজা মহিবীর গর্ভরক্ষার্থ শাস্ত্রনির্দিষ্ট ক্রিয়াদির অনুষ্ঠান করিলেন ; এবং বোধিসত্ত্ব যথাকালে বিনাকষ্টে ভূমিষ্ঠ হইলেন । নামকরণ দিবসে আত্মীয় বান্ধবেরা তাঁহার “ব্রহ্মদত্ত কুমার” এই নাম রাখিলেন । তিনি কালক্রমে বয়ঃপ্রাপ্ত হইয়া তক্ষশিলানগরে গমন পূর্বক সর্বশাস্ত্রে পারদর্শিতা লাভ করিলেন এবং পিতার দেহত্যাগের পর রাজ পদে প্রতিষ্ঠিত হইয়া যথাধর্ম নিরপেক্ষভাবে প্রজা পালন করিতে লাগিলেন । বিচার করিবার সময় তিনি কখনও ক্রোধলোভাদির বশীভূত হইতেন না ।

রাজা যথাধর্মে রাজ্যশাসন করিতেন বলিয়া তাঁহার অমাত্যেরা ঞ্জায়সূত্রে বিবাদ নিষ্পত্তি করিতেন ; আবার অমাত্যেরা স্তম্ভবিচার করিতেন বলিয়া কূটার্ধকারকও (৪) দেখা যাইত না । কাজেই রাজ্যগণে আর অর্থাপ্রত্যর্ধীর কোলাহল শুনা যাইত না ; অমাত্যেরা সমস্ত দিন ধর্মাসনে বসিয়া থাকিতেন ; কিন্তু বিচার প্রার্থী কোন জনপ্রাণী দেখিতে না পাইয়া সন্ধ্যার সময় গৃহে ফিরিয়া যাইতেন । ফলতঃ এইরূপ সুব্যবস্থার গুণে অচিরে ধর্মাধিকরণ জনহীন স্থানের জায় প্রতীয়মান হইতে লাগিল ।

অনন্তর একদিন বোধিসত্ত্ব চিন্তা করিতে লাগিলেন, “আমি যথাধর্ম রাজ্যশাসন করিতেছি বলিয়া এখন আর কোন বিচারপ্রার্থী দেখা যায় না ; অর্থাপ্রত্যর্ধীর কোলাহল শ্রুতিগোচর হয় না ; ধর্মাধিকরণ নির্জন হইয়াছে । কিন্তু আমার কি কি দোষ আছে, তাহা এক-

(২) চতুর্বিধ অপতিগমন, যথা হন (অতি লোভ ইত্যাদি), দোষ (মাৎসর্য), মোহ (অবিজ্ঞা), এবং ভয় ।

(৩) দশবিধ রাজধর্ম, যথা, দান, শীল, পরিভ্যাগ, অক্রোধ, অরিহিংসা, ক্ষান্তি, আর্জব, মার্দ্দব, অবিদ্বোধন এবং তপঃ ।

(৪) কূটার্ধকারক = যাহারা মিথ্যা মকদ্দমা করে ।

* অববাদ = উপদেশ (বৌদ্ধসাহিত্য) ।

(১) শাস্তা, দশবল, তথাপত প্রভৃতি গৌতমবুদ্ধের উপাধি ।

বার দেখিতে হইতেছে। আমার এই এই দোষ ইহা জানিতে পারিলে সে গুলি পরিহার পূর্বক অতঃপর নিরবচ্ছিন্ন গুণেরই আশ্রয় লইতে পারিব।” তদবধি যে তাঁহার দোষ প্রদর্শন করিবে, সর্বদা তিনি তাহার অনুসন্ধানে প্রবৃত্ত হইলেন। কিন্তু যাহারা রাজভবনে বাস করিত তাহাদের মধ্যে কাহাকেও তিনি তাঁহার অগুণ বাদী বলিয়া দেখিতে পাইলেন না; পক্ষান্তরে সকলেরমুখেই নিজের গুণকীর্তন শুনিতে লাগিলেন। তখন তিনি ভাবিলেন, এই সকল লোক হয়ত ভয়বশতঃ আমার দোষের উল্লেখ না করিয়া কেবল গুণই বলিতেছে।” অতঃপর তিনি প্রাসাদের বহিঃস্থ লোকদিগের মধ্যে অনুসন্ধান করিলেন, কিন্তু সেখানেও নিজের নিন্দাকারক কাহাকেও দেখিতে পাইলেন না। শেষে তিনি ক্রমে ক্রমে নগরবাসীদিগকে জিজ্ঞাসা করিলেন, যাহারা নগরের চতুর্দ্বারের বাহিরে উপকণ্ঠভাগে বাস করে তাহাদিগকেও জিজ্ঞাসা করিলেন, কিন্তু কাহারও মুখে নিজের দোষ শুনিতে পাইলেন না। বরং সকলেই তাঁহার গুণের প্রশংসা করিতে লাগিল। তখন তিনি একবার জনপদ অনুসন্ধান করিবার সংকল্প করিলেন এবং অমাত্যদিগের হস্তে রাজ্যরক্ষার ভার দিয়া একমাত্র সারথি সহ রথারোহণে অজ্ঞাতবেশে নগর হইতে নিষ্ক্রান্ত হইলেন। তিনি এইরূপে প্রত্যস্ত ভূমি পর্যন্ত গেলেন, কিন্তু কুত্রাপি অগুণ বাদী কাহাকেও দেখিতে পাইলেন না; পরন্তু সকলের মুখেই নিজের গুণকীর্তন শুনিতে পাইলেন। স্মরণ্য তিনি রাজপথ অবলম্বনে পুনর্বার নগরাভিমুখেই যাত্রা করিলেন।

তৎকালে কোশলপতি মল্লিকও যথাধর্ম প্রজাপালন করিতেন, এবং কেহ তাঁহার দোষ কীর্তন করে কিনা ইহা জানিবার জন্ত তিনিও রাজভবনাদি কুত্রাপি অগুণবাদী দেখিতে নাপাইয়া এবং সর্বত্র নিজের প্রশংসাবাদই শুনিয়া পরিশেষে জনপদে ভ্রমণ করিতে করিতে ঘটনাক্রমে সেই সময়ে উক্ত অঞ্চলে উপনীত হইয়াছিলেন। এই দুই নরপতি বিপরীত দিক্ হইতে অগ্রসর হইতে হইতে শকটমার্গের এক নিম্ন অংশে পরস্পরের সম্মুখীন হইলেন। সে স্থান এত অপ্রশস্ত যে রথধরের পাশাপাশি বাইবার উপায় ছিল না।

কোশলরাজের সারথি বারাণসীরাজের সারথিকে বলিল, “তোমার রথ ফিরাইয়া পথ ছাড়িয়া দাও।”

সে বলিল, “তোমার রথই ফিরাও; আমার রথে বারাণসী-রাজ ব্রহ্মদত্ত রহিয়াছেন।”

“আমার রথেও কোশলরাজ মল্লিক আছেন। তোমার রথ ফিরাইয়া রাজ-রথ যাইতে দাও।”

বারাণসীর সারথি ভাবিল, “তাইত, ইনিও যে একজন রাজা! এখন উপায় কি করি? আচ্ছা, কোশলরাজের বয়স কত জানিয়া উভয়ের মধ্যে যিনি ছোট তাঁহার রথ খোলা যাউক, এবং যিনি বড় তাঁহাকে অগ্রসর হইতে অবসর দেওয়া হউক।” ইহা স্থির করিয়া সে কোশল-সারথিকে জিজ্ঞাসা করিল, “তোমাদের রাজার বয়স কত?” সে যে উত্তর দিল তাহাতে দেখা গেল উভয় রাজাই সমবয়স্ক। অতঃপর বারাণসীরাজের সারথি কোশলপতির রাজ্যপরিমাণ, সেনাবল, ঐশ্বর্য, যশ, কুল-মর্যাদা প্রভৃতির সম্বন্ধেও প্রশ্ন করিল এবং জানিতে পারিল—দুই জনেরই রাজ্য তিনশত যোজন বিস্তীর্ণ; এবং দুই জনেরই সেনাবল, ঐশ্বর্য, যশ, গোত্র, কুল প্রভৃতি তুল্যরূপ তখন সে স্থির করিল, ইহাদের মধ্যে যিনি চরিত্র-গুণে মহত্তর তাহারই সুবিধা করিয়া দেওয়া কর্তব্য। অতএব সে জিজ্ঞাসা করিল, “তোমাদের রাজার শীলাচার কীদৃশ?” ইহার উত্তরে “আমাদের রাজা অতীব শীলবান্” এই বলিয়া কোশল-সারথি নিম্নলিখিত গাঁথা দ্বারা স্বীয় প্রভুর গুণবর্ণনা করিতে লাগিল :—

“কঠোরে কঠোর, কোমলে কোমল, মল্লিক রাজার রীতি;
সাধুজনে তাঁর সাধু ব্যবহার, শঠে শঠ্য এই নীতি।
বর্ষিতে কি পারি চরিত্র তাঁহার; সংক্ষেপে বলিহু তাই;
অতএব রথ ফিরায়ে তোমার ছাড়ি দেহ পথ, তাই।”

ইহা শুনিয়া বারাণসীর সারথি জিজ্ঞাসা করিল, “তোমাদের রাজার কি কেবল এই সকল গুণ?” “হাঁ, আমাদের রাজার এই সকল গুণ।” “এই সকল যদি গুণ হয়, তবে দোষ কাহাকে বলে?” “এগুলি যদি অগুণ হয়, তবে না জানি তোমাদের রাজার কেমন গুণ!” “বলিতেছি, শুন।” অনন্তর বারাণসীর সেনাপতি নিম্নলিখিত গাঁথার ব্রহ্মদত্তের গুণগান করিল :—


“অক্রোধের বলে শাসেন ক্রোধীরে, অসাধুকে সাধুভায় ;
রূপণ বেজন, হেরি তার দান, মানে নিজ পরাজয় ;
সত্যের প্রভাবে মিথ্যারে, দমিতে এমন দ্বিতীয় নাই ;
তাই বলি রথ ফিরিয়ে তোমার ছাড়ি দেহ পথ, তাই।”

ইহা শুনিয়া মল্লিকরাজ এবং তাহার সারথি উভয়ে
রথ হইতে অবতরণ পূর্বক অশ্ব খুলিয়া লইলেন এবং রথ
ফিরাইয়া বারাণসীরাজকে পথ ছাড়িয়া দিলেন। অনন্তর
বারাণসীরাজ মল্লিকরাজকে কর্তব্যাকর্তব্য সম্বন্ধে উপদেশ
দিয়া রাজধানীতে ফিরিয়া গেলেন এবং জীবনান্তে স্বর্গ-
লাভ করিলেন। মহারাজ মল্লিকও তদীয় উপদেশ

মহীশূর রাজ্য ।

ইংরেজ ভারত ভূমির অধীশ্বর। তাঁহার আদেশে
ভারত ভূমির শাসনদণ্ড পরিচালিত হইতেছে ; কোন
স্থানে এই আদেশ সুস্পষ্ট, কোন স্থানে তাহা ইঙ্গিত মাত্র ।
শেষোক্ত স্থান দেশীয় বা কঃদ রাজ্য নামে পরিচিত ।
ভারত ভূমির বিপুল অংশ দেশীয় রাজ্য বৃন্দেয় শাসনা-
ধীন । তাঁহাদের অধিকাংশ অধিপতিই ইংরেজের
ইঙ্গিতে পরিচালিত হইয়া সুশৃঙ্খল ভাবে শাসন কার্য্য
নির্বাহ করিতেছেন এবং স্বরাজ্যের উন্নতি সাধন জন্ত

একাগ্রভাবে অবহিত
রহিয়াছেন । যে সকল
দেশীয় রাজা সুশাসন ও
প্রজারঞ্জে নিরত হইয়া
ভারতবাসীর শ্রদ্ধা ও
প্রীতি আকর্ষণ করিতে
সমর্থ হইয়াছেন, তাঁহা-
দের মধ্যে মহীশূরের
অধিপতি অগ্রতম । মহী-
শূর রাজ্য বিস্তৃত ও
ধন-ধাত্ত পূর্ণ । বর্তমান
মহীশূর রাজ্য ইংরেজের
অনুগৃহ-সৃষ্ট । এই
রাজ্যের পুনঃ প্রতিষ্ঠা
অবধি ইংরেজ সর্বদা



মহীশূর রাজ্য প্রাসাদ ।

শিরোধার্য্য করিয়া জনপদে ভ্রমণ করিতে লাগিলেন এবং
সেখানে কোন অশুভবাদী দেখিতে না পাইয়া স্বকীয়
নগরে প্রতিগমন করিলেন । অনন্তর দানাদি পুণ্যানুষ্ঠান
পূর্বক তিনিও জীবনাবসানে স্বর্গবাসী হইলেন ।

[সম্বন্ধান—তখন মৌল্যগ্যায়ন ছিলেন কোশল-সারথি ; আনন্দ
ছিলেন কোশল-রাজ ; সারীপুত্র ছিলেন বারাণসীর সারথি এবং
আদি ছিলেন বারাণসী-রাজ]।

শ্রীশশানন্দ্র ঘোষ ।

তৎসম্পর্কে অনুকূল ভাব পোষণ করিয়া আসিতেছেন ।
সম্প্রতি ভারত বিধাতা লর্ড হার্ডিঞ্জ মহীশূরাধিপতির
মর্যাদা বৃদ্ধি করিয়া তাঁহার সহিত নূতন সন্ধি সংস্থাপন
করিয়াছেন । আমরা এই উপলক্ষে মহীশূর রাজ্যের
কৌতুকবহু ইতিহাস সৌরভের পাঠক বর্গকে উপহার
দিতেছি ।

খৃষ্টিয় চতুর্দশ শতাব্দীতে ধারকার বহু বংশীয়
রাজপুত্রবর—বিজয় ও কৃষ্ণ মহীশূর প্রদেশের
অরণ্যানীর সৌন্দর্য্যে আকৃষ্ট হইয়া তথায় রাজ্য স্থাপনার্থ

গমন করেন। এইরূপ জন শ্রুতি প্রচলিত আছে যে, হাড়াগা (মহীশূর নগরের কিঞ্চিৎ দক্ষিণ পূর্বে স্থিত বর্তমান হাড়িমাড়া) রাজ্যের অধিপতির অল্পপস্থিতি সময়ে ও অনভিপ্রায়ে কোন এক প্রতিবেশী নীচ কুলোদ্ভব রাজার সহিত তাঁহার কন্যার বিবাহের প্রস্তাব হয়। দ্বারকার কুমার ছয় রাজ কুমারীর এই বিপন্ন অবস্থায় তাঁহার পক্ষাবলম্বনে এই বিবাহার্থী রাজাকে সম্মুখ যুদ্ধে পরাভূত করেন। এই যুদ্ধে পরাধিত নৃপতির তনুত্যাগ হইলে ভ্রাতৃঘর তৎপরিভাজক রাজ্য অধিকার করিলেন। রাজকুমারী যুবকঘরের শৌর্য্য ও বীরত্বে চমৎকৃত হইয়া তাঁহাদের মধ্যে বয়োজ্যেষ্ঠকে কৃতজ্ঞচিত্তে পতিত্বে বরণ করিলেন। বিজয় “বাদেয়ার” উপাধি গ্রহণ করতঃ শাসন কার্য্য পরিচালন করিতে লাগিলেন। এই বিজয় বাদেয়ারই মহীশূর রাজবংশের আদিপুরুষ বলিয়া প্রখ্যাত। এই নবাগত রাজ পরিবার ক্ষমতাশালী প্রতিবেশী রাজ্য বর্গের সহিত রাজ নৈতিক ও বাণিজ্যাদির উন্নতি করে সন্ধি স্থাপনের আবশ্যকতা উপস্থিত করিলেন। কালেনর রাজ পরিবার ইহাদের অন্ততম। নগ্ননগরের তিন মাইল দক্ষিণ পশ্চিম ও মহীশূর-উটকামন্দ রাজ্যের পার্শ্ব স্থিত বর্তমান ‘কালান’ গ্রামে এই রাজ পরিবার বাস করিতেন। এখনও উক্ত গ্রাম বাসিগণ একটা ভয় দুর্গ রাজ প্রাসাদের ধ্বংসাবশেষ বলিয়া নির্দেশ করিয়া থাকে। বিজয়ন বিশ্বাস করিয়া থাকেন যে মহীশূরের প্রস্তর লিপি বিশেষে ‘কালেনর’ রাজ্য বলিয়া লিখিত “টিমারাজ্য” এই রাজ পরিবারের স্থাপনিত। দাক্ষিণাত্যের একছত্রী সম্রাট বিজয়নগরাধিপগণের সহিত ঘনিষ্ঠ ভাবে সম্পর্কিত। টিমারাজ্য ১৫০৪ খৃঃ অঙ্গে কালগ্রাম স্থাপন করেন। বিজয়ের অধস্তন পুরুষ রাজ্য বাদেয়া ১৬১৭ খৃঃ অঙ্গে চেরিঙ্গাপত্তন স্বাধিকার ভুক্ত করিলে মহীশূর প্রদেশ হইতে বিজয়নগরের আধিপত্য লোপ পায়।

এই সময়ে মহীশূর প্রদেশের অন্ততর শাসনকর্তা কালাদিপতির প্রভূত ক্ষমতা ছিল। যুদ্ধে জয় লাভ করিয়াই হউক অথবা সন্ধি স্থাপন দ্বারাই হউক, রাজনীতি বিশারদ ও যোদ্ধা রাজ্য বাদেয়ার তাঁহাকে নিজ পক্ষাশ্রিত রাধার প্রয়োজন অনুভব করিলেন।

রাষ্ট্র ও বাণিজ্যের সৌকর্য্যার্থ ও বিজয় নগরাধিপতির আক্রমণ হইতে আত্মরক্ষার্থ বাদেয়ার রাজ্যের প্রস্তাব-নুযায়ী কালাদীশ তাঁহার সহিত সন্ধিসূত্রে আবদ্ধ হইলেন। আত্মরক্ষা ও পররাজ্য আক্রমণ জন্ত একতা সূত্রে সন্ধি স্থাপন ভারতেতিহাসে এই প্রথম। উক্ত সন্ধির সর্তানুসারে বাদেয়ার রাজ্যের উত্তরাধিকারীগণ কালেন পরিবারের যোগ্য ব্যক্তিদিগকে প্রধান মন্ত্রী ও সেনাপতি পদে নিযুক্ত রাখিতে প্রতিশ্রুত হইলেন। ১৭৬৩ খৃঃ অঙ্গে মহীশূর রাজ্য হাইদার আলী সাহার অধীন হওয়ার পূর্বে পর্য্যন্ত এই সর্ত অনুসারে কাজ হইয়াছে। কালেন পরিবারের পররাষ্ট্র স্বতন্ত্রতা করায়ও করিয়া বাদেয়ার রাজ্য মহীশূর প্রদেশে সর্বশক্তিমান হইলেন। মহীশূর নরপতি সপ্তম শাম রাজ (১৭৩১—১৭৩৪ খৃঃ অঙ্ক) প্রধান মন্ত্রী ও সেনাপতি দেবরাজের কনিষ্ঠ ভ্রাতা নন্দ রাজ্যের কন্যাকে বিবাহ করিয়া পাটরাণী করেন। এই সূত্রে দেবরাজ ও তাহার ভ্রাতা প্রভূত ক্ষমতা শালী হইয়া উঠেন। তাঁহারা অত্যন্ত কশ্মিষ্ঠ ছিলেন ও নিকটবর্তী কতিপয় রাজ্য জয় করিয়া মহীশূর রাজ্যের আয়তন বৃদ্ধি করিয়াছিলেন। গ্রাম রাজ্য অল্প বয়স হইলেও উক্ত ভ্রাতৃ ঘরের কর্তৃত্ব সহ করিতে না পারিয়া তাঁহাদিগকে কশ্ম চ্যুত করিতে অথবা তাহাদের ক্ষমতা হ্রাস করিতে সচেষ্ট হইলেন ; কিন্তু একেত্রে তাঁহার চেষ্টা ব্যর্থ হইল। অপর পক্ষে দেবরাজ সমস্ত কার্য্য তার তাঁহার ভ্রাতার হস্তে অর্পণ করতঃ স্বয়ং সত্য সত্যে নিলিষ্ট ভাবে থাকিয়া ইষ্টমঙ্গ সাধনে তৎপর হইলেন। তিনি বৈষ্ণব, শ্রীরামের উপাসক ও ধর্ম্ম ভীক ছিলেন। শাম রাজের উত্তরাধিকারী কুম্বরাজ বাদেয়ারের রাজত্বের চতুর্দশ বৎসরে ১৭৪৮খৃষ্টাব্দে নাবাশিপুর তালুকান্তর্গত তিরথকুবলা নামক স্থানে দেবরাজ “অগ্রহরা” প্রতিষ্ঠা করিয়া তাঁহার ভগবদ্ ভক্তির ও ধর্ম্ম জীবনের নিদর্শন রাখিয়া গিয়াছেন। চতুর চূড়ামণি নন্দ রাজ্য ১৭৪৬ খৃঃ অঙ্গে ধরাপুরাম ও ১৭৪৯ খৃঃ অঙ্গে হাইদার আলীর বাসস্থান বেবনহল্লি মহীশূর রাজ্য ভুক্ত করেন। এই সময় হাইদার আলীর সাহস ও বিপদে স্থির-বুদ্ধির পরিচয় পাইয়া তিনি তাঁহাকে ৫০ জন অশারোহী ও ২০০ পদাতিক সৈন্যের নায়ক

রূপে নূতন লক দুর্গের রক্ষক নিযুক্ত করিলেন। মহীশূর রাজ্যের তদানীন্তন প্রান্ত দেশে এই দুর্গটি অবস্থিত ছিল। সুমন্ত্রী নন্দরাজা আর্কট আক্রমণের সময় ক্লাইবের সাহায্যার্থ গমন করেন। কর্ণাট ভূপতি মহম্মদ আলি সময়োচিত সাহায্য লাভের আশায় নন্দরাজাকে ত্রিচিন্নপল্লির অধিকার ছাড়িয়া দিলেন। কিন্তু ইংরেজের

ধাধির ধাতু মূর্তি স্থাপন করিয়া একটি দেব মন্দির প্রতিষ্ঠা করেন। ১৭৫৮ খৃষ্টাব্দে নন্দরাজা মহারাজ কৃষ্ণ বাদেয়ারের নিকট হইতে পূর্ব সন্ধির সর্ত্তগুলি পুনরাবৃত্তি করিয়া একটি “ভাষাপত্র” প্রাপ্ত হন। ২০ বৎসর কাল রাজ কার্য সুচারু রূপে নির্বাহ করার পর উদীয়মান শক্তিশালী অকুতজ হাইদার আলী তাঁহাকে পদচ্যুত করিয়া



নিজ প্রাসাদে আবদ্ধ রাখেন। এই অবস্থায় কারাগারেই তাঁহার মৃত্যু হয়। অতঃপর হাইদার আলী মহীশূর রাজকে পদচ্যুত ও কারাবদ্ধ করিয়া স্বয়ং রাজ্যাধিকারী হন এবং উৎকট সাধনা বলে দক্ষিণাত্যের বিপুল অংশ স্বাধিকার ভুক্ত করিয়া সুবিস্তৃত রাজ্যের প্রতিষ্ঠা করেন। হাইদার আলী পরলোকগত হইলে উদীয় পুত্র ও উত্তরাধিকারী টিপু সুলতান ইংরাজ রাজের বিরুদ্ধাচরণ করিয়া নিজ রাজ্য বিনষ্ট কারণ ও চেরিঙ্গাপত্তন দুর্গ ধ্বংস সময় ইংরাজ হস্তে নিহত হন। অতঃপর ইংরাজ রাজ বাদেয়ারের বংশধরকে মহীশূর প্রদেশের আধিপত্যে পুনর্বার স্থাপন পূর্বক তায় পরতার পরিচয় দেন এবং হাইদার আলীর রাজ্যের অন্ত্যংশ ব্রিটিশ সাম্রাজ্য ভুক্ত করেন।

সপারিষদ মহীশূর রাজ।

অনুমতি ব্যতীত কর্ণাটরাজের ত্রিচিন্নপল্লি অথবা তাঁহার রাজ্যের অথ কোন অংশের আধিপত্য ত্যাগের অধিকার ছিল না। এই সূত্রে ইংরাজের সহিত নন্দরাজার মনো-মালিন্য উপস্থিত হয়। শিবতর্জ নন্দরাজা জামিল আশায় বিখ্যাত “পিরিখ পরণম” গ্রন্থোক্ত ৬৬ জন শৈব-

মহীশূরের বর্তমান মহারাজা উক্ত বাদেয়ার রাজার বংশাবতংস; কাল রাজের বংশধর এখনও মহীশূরের পৈতৃধাম।

শ্রীকেশবনাথ সেন।

সখের যাত্রা।

(১)

যোগেশ জমিদারের ছেলে, সুতরাং তাহার কতকগুলি খেয়াল থাকিতে পারে অর্থাৎ বড় লোকের খেয়াল থাকিলে তাহাতে দোষ নাই, আর গরীবের খেয়ালকে 'ঘোড়া রোগ' বলে!

কথাটা একটু ভাবিয়া বলিতে হইতেছে। যোগেশ ছেলে বেলা হইতে পিতৃহীন, সংসারে বিধবা মাতা ভিন্ন তাহার কোনও অভিভাবক ছিল না। অটল সংসার, ধন-ধাত্তে ভাঙার পরিপূর্ণ। এরূপ অবস্থায় যোগেশ এণ্টান্স পাস করিয়া যখন গ্রাম ছাড়িয়া কলিকাতায় পড়িতে চলিল, তখন মধুলোভে মধুমক্ষিকাকুলের ঞায় কন্ঠাদায়গ্ৰস্ত পিতৃকুল তাহার প্রতি যে লোলুপ দৃষ্টিপাত করিতে থাকিবে এবং তাহার মাতাকে সনির্ভর অমুরোধে ব্যতি-ব্যস্ত করিয়া তুলিবে তাহাতে আর আশ্চর্য্য কি! তবে যোগেশ যখন বলিল, “আমি প্রতিজ্ঞা করিয়াছি বিবাহ করিব না,” তখন সকলেরই আশ্চর্য্য হওয়ার কথা। মুরঝিয়া ঈষৎ হাসিলেন অর্থাৎ এটা একটা খেয়াল, কল্পনিন টিকিবে!

কলিকাতায় আসিয়া যোগেশ অঙ্গ, বঙ্গ, কলিঙ্গ, শাস্ত্র শৈব, বৈষ্ণব প্রভৃতি সকল সমাজে মিশিয়া একটা নুতন কথা শিখিল—‘আধুনিক ইংরেজী শিক্ষিতা মেয়েরা মেম-সাহেব, ইহাদের ছায়া মাড়ানও পাপ।’ সুতরাং যোগেশ পূর্বের প্রতিজ্ঞাটা একটু পরিবর্তন করিল অর্থাৎ বিবাহ-তো করিবেই না, যদিই করিতে হয় স্থলে পড়া মেয়েকে কিছুতেই বিবাহ করিবে না।

পাছে অতিমাত্রায় শিক্ষিত হইলে মনের পরিবর্তন ঘটে, এই ভয়ে এফ, এ ফেল করিয়াই যোগেশ সরস্বতীর কাছে বিদায় প্রার্থনা করিল। তখন উপেন, নরেন, হরেন, যোগেন প্রভৃতি বন্ধুর দল আসিয়া ধরিয়া বলিল “আমাদের একটা উপায় করিয়া দিতে হইবে অর্থাৎ তোমাদের জমিদারীতে আমাদিগকে চাকুরী দিয়া প্রাণে বাঁচাইতে হইবে।”

যোগেশ বলিল “তথাস্তু।”

(২)

গ্রামে পঁছিয়াই যোগেশ একটা লস্কাকাণ্ড বাধাইয়া দিল। বৃদ্ধ কর্মচারীগণ সকলেই বিদায় প্রাপ্ত হইলেন কারণ বার্ষিক্য বশতঃ তাঁহারা অকর্মণ্য হইয়া পড়িয়া ছিলেন। তারপর, সহচরগণ একে একে উজির, নাজির, কোতোয়াল, প্রভৃতির আসন অধিকার করিয়া বসিল।

সহচরগণ ভাস, পাশা, দাবা, ক্রিকেট, ফুটবল নিয়া পড়িলেন। এসব বিষয়ে তাঁহারা ভীম, দ্রোণ, কর্ণ অপেক্ষা নিকৃষ্ট ছিলেন না!

মা ছেলেকে কাছে পাইয়া ধরিয়া বসিলেন, “যোগেশ এ’বার তোর পড়া শেষ হইয়াছে, সুতরাং তো’কে বিবাহ করিতেই হইবে। আমি নাতি নাতিনীর মুখ না দেখিয়া মরিতে পারিব না।”

যোগেশ বলিল “বল কি মা! আমি যে প্রতিজ্ঞা করিয়াছি, প্রতিজ্ঞা লঙ্ঘন মহাপাপ, মা হইয়া তুমি আমাকে পাপ করিতে বলিলে কোন্ প্রাণে!”

মা রাগ করিয়া বলিলেন “এ’তো’র কি সৃষ্টি ছাড়া প্রতিজ্ঞা, আমি এ প্রতিজ্ঞা গুনিব না।”

সহচর দল আসিয়া বলিল, “তাইতো মা আমরাও কত করিয়া বলিতেছি—এমন প্রতিজ্ঞা আমরা গুনি নাই!”

মা তখন বন্ধুবর্গকে বলিলেন, “আচ্ছা বাবা তোমরাই কেন ও’কে বুঝিয়ে বল না।” তাহারা হাসিয়া বলিল বুঝিয়ে, শুঝিয়ে কিছু হ’বে না মা। তুমি অমুমতি দাও তো আমরা সংসারের যত মেয়ে আছে দেখিয়া যিনি যোগেশের উপযুক্ত তাঁহাকে বাছিয়া আনিয়া দিব!”

মা হাসিয়া বলিলেন, “তথাস্তু।”

যোগেশ রোষ কবায়িত লোচনে সহচর মণ্ডলীকে তীব্র গালিবর্ষণ করিয়া মার পদতলে পড়িয়া বলিল “মা! আমাকে আরও কিছু সময় দাও, একবার ভাল করিয়া চিন্তা করিয়া দেখি।”

মা অগত্যা বলিলেন “তথাস্তু,” তারপরে নির্জনে বসিয়া অশ্রু বিসর্জন আরম্ভ করিলেন; তাহার কারণ আজ যদি উনি বাঁচিয়া থাকিতেন, তবে কি যোগেশ এত অবাধ্য হইতে পারিত!

ভীষণ শেলের মত বিবাহটা যখন ভীষণবেগে যোগেশের কাছে পড়িতেছিল তখন সমস্রাজ্ঞকেপে তাহাকে প্রতিরোধ করিয়া যোগেশ দেখিল, একটা কিছু কাজ তাহার হাতে থাকা চাই; অর্থাৎ বৃদ্ধের দল তামাক খাইয়া গল্প করিয়া দিন কাটাইতে পারেন, কিন্তু যুবকেরা ভাস, পাসা দাবা ফুটবল ক্রিকেট লইয়াই ভূপ্ত থাকিতে পারেন না, আরও কিছু চাই।

সহচর মণ্ডলীকে ডাকিয়া যোগেশ বলিল, “বলতো এখন কি করা যায়।”

১নং বন্ধু উপেন বলিল এসোনা শিকার করিয়া আণা যাক্—Hunting is a manly game.

২নং হরেন্ বলিল, “শিকার ব্যয় সাপেক্ষ, বিশেষতঃ very dangerous. চল একদিন picnic আর একদিন বাইচ্ খেলা যাক্।

তখন ৩নং এবং ৪নং বন্ধুদ্বয় বাধা দিয়া নিজেদের মত প্রকাশ করিল, কাজেই বিবরণ ৩। ক্রমে মীমাংসার অতীত হইয়া উঠিতেছিল, সভাপতি যোগেশ বলিল “দেখ তোমরা ইংরেজী পড়িয়া সাহেব ঘেঁষা হইয়া পড়িয়াছ আমাদের দেশের পদ্ধতিগুলির প্রতি একবারও মনোযোগ দাও না। সাহেবদের চলাফেরা ও খেলাতে আমাদের শিক্ষণীয় বিশেষ কিছুই নাই—আচ্ছা মনে কর আমরা যদি একটা সখের যাত্রার দল গড়ি, তবে আমোদ ও শিক্ষা দুইই হইতে পারে।”

সহচরগণ বলিল “তাইতো, অতি উত্তম প্রস্তাব,” অর্থাৎ এবার যিনি প্রস্তাবক তাঁহার বিরুদ্ধে কাহারও কিছু বলিবার সাহস ছিল না।

যোগেশ উৎসাহের সহিত বলিল “একবার তাব দেখি যাত্রার লোকশিক্ষার কত উপায় রহিয়াছে, মিশনরী প্রথা অপেক্ষা যাত্রা ও কথকতা কত শ্রেষ্ঠ! একটা সখের দল করিয়া গ্রামে গ্রামে নীতি ও ধর্মের বিস্তার করিব। একাজে কোনও দোষ নাই, কাজেই বাহিরের লোক বেশী না লইয়া আমরাই পাঠ নিব, আমরাই গাহিব; সকলে উত্তোগ আরম্ভ কর।”

(৪)

পোষাক পরিচ্ছদ বস্ত্রাদি সংগৃহীত হইতে এক সপ্তাহও

লাগিল না। তাঁড়ারে যদি তেল থাকে তবে মাছ ভাজিতে বেশী বিলম্ব হয় না।

তখন ওস্তাদজী আসিয়া সেতারের কান যুচড়াইতে যুচড়াইতে বিভিন্ন প্রকার মস্তক ঘূর্ণন ও মুখভঙ্গীর সহিত সঙ্গীত আলাপ করিতে লাগিলেন। তাঁহার অখবিনিন্দিত স্বরের মুচ্ছনার ছেলের দল মাটিতে গড়াগড়ি দিতে লাগিল।

তিন সপ্তাহের মধ্যে ‘রিহাসেল’ শেষ করিয়া দল বাহির হইল। পালার নাম ‘কৃষ্ণলীলা’। গান শুনিয়া সকলে শিয়াল যাত্রার গল্প শ্রবণ করিল; কিন্তু রাধিকাটিতে ছিল বিশেষত্ব। যোগেশ তাহার সুন্দর চেহারা ও মিষ্ট গলা লইয়া যখন আসরে নামিত তখন দর্শকমণ্ডলী ভাবিত একটা নূতন কিছু দেখিলাম ও শুনিলাম।

দল সবেমাত্র বাহির হইয়াছে অমনি নিকটবর্তী হরিগ্রামের জমিদার রামকান্ত বাবু জিখিয়া পাঠাইলেন, “বাবা যোগেশ, আমাদের বাড়ীর মেয়েজ্ঞ তোমাদের গান শুনিতে চাহিতেছেন।”

যোগেশ সহর্ষে নিমন্ত্রণ গ্রহণ করিল।

সারাদিনে সাত ক্রোশ পথ অতিক্রম করিয়া সন্ধ্যার প্রাকালে গোযান রমাকান্ত বাবুর বাড়ীতে পহুছিল। সাদর অভ্যর্থনার প্রীত হইয়া যোগেশ অধিকারীর স্তায় বলিল, “রাত্রি আগা আমাদের অভ্যাস নাই, স্নতরাং কাল প্রাতে আমরা গান ধরিব।”

রাম বাবু বলিবেন “তথাস্ত।”

যোগেশ রাত্রি ভোজনের অন্তর মন্ডর মহলে নিমন্ত্রিত হইল। মা ছাড়া অন্য কোনও স্ত্রীলোকের সঙ্গে তাহার বড় একটা আলাপ পরিচয় ছিল না।

স্নতরাং মাথা হেট করিয়া লাজুক যোগেশ আহার করিতে বসিল। পরিবেশন কারিণী যখন ভাতের থালা ও ব্যঞ্জনের বাটীগুলি যোগেশের সম্মুখে রাখিতে লাগিল, তখন যোগেশের বুকের ভিতরটা ঘড়ির কাঁটার স্তায় ঠক্-ঠক্ করিয়া উঠিল। সে কিছুই খাইতে পারিতেছেনা দেখিয়া গৃহিণী পাতের কাছে আসিয়া বসিলেন এবং “এটা আগে খাও,” “ওটা খেট; একটু খাও” ইত্যাদি

সম্মেহ বাক্যে সেই নবীন যাত্রাওয়ালাকে আকর্ষণে ভোজন করাইলেন।

একটা চিত্তা যোগেশকে বড়ই ব্যতিব্যস্ত করিয়া তুলিল— কাল মে এই বাড়ীর মেয়েদের সম্মুখে রাধিকার বেশে কি করিয়া বাহির হইবে!

(৬)

পরদিন প্রাতঃকালে আসন্ন ক্রমি বুদ্ধবিগ্রহ, নর্তন, কুর্দন যাত্রার মামুলি দৃশ্যগুলি একে একে চলিতে লাগিল। অবশেষে যোগেশ আসরে নামিয়া গান ধরিল,

“কই কৃষ্ণ, কোথায় কৃষ্ণ, আমার কৃষ্ণধনে এনে দাও”
কি সুন্দর চেহারা আর কি মিষ্টি গলা! বৃদ্ধ বৃদ্ধারা চক্কের জল রাধিতে পারিল না, আর যুবকেরা বারংবার encore, encore বলিয়া রাধিকা ঠাকুরাণীকে বিব্রত করিয়া তুলিল। সকলের উপরে বিপদ হইল এই যে সকলেই তাহার দিকে অক্ষুণ্ণ নির্দেশ করিয়া বলিতে লাগিল “ইনিই শ্রামগ্রামের জমিদার যোগেশ বাবু।” স্মরণ্য রাধিকা ঠাকুরাণীর গলা যে একটু ধরিয়া আসিবে, আর কথা বলিবার সময় prompter কে তাহার আঁচল ধরিয়া টানিয়া দিতে হইবে, তাহা আর আশ্চর্য্য কি!

এইরূপে তিন অঙ্ক শেষ হইয়া গেল। বাহবাও যথেষ্ট মিলিল। কিন্তু চতুর্থ অঙ্কের প্রথম ভাগেই এক অভিনব দৃশ্য দেখা গেল। যোগেশ আসরে আসিয়া সবেমাত্র ললিতা সখীর চিবুক ধরিয়া গান ধরিয়াছে—

“সখি কালো রূপ আর হেরব না নয়নে,” অমনি তাহার চক্ষু আসরের পশ্চাৎ ভাগে মেয়েদের বসিবার স্থানের দিকে ফিরিল। বহুক্ষণ মেয়েরা চকের অন্তবালে বসিলেও তাহারা অল্পবয়স্কা তাহারা খোলা জায়গাতেই বসিয়া ছিল। সকলের সম্মুখে বসিয়া সেই পর নিবেশ কারিণী বডিস্ সেমিজ ধারিণী মেয়েটা তদগত চিত্তে যোগেশের গান শুনিতে ছিল—গানটা যেন তাহার কানের ভিতর দিয়া মরমে পশিয়া গিয়াছিল। দেখিয়াই যোগেশের মাথা ঘুরিয়া গেল। গানটা ও মধ্য খানে হঠাৎ থামিয়া গেল। দোষ ঢাকিবার লক্ষ্য ললিতা সখী বক্তৃতা আরম্ভ করিলেন কিন্তু রাধিকার মুখে টুঁ শব্দটি নাই। promp-

ter তিনবার তাঁহার আঁচল টানিয়া দিল কিন্তু রাধিক নীরব! দর্শকেরা হো হো করিয়া হাসিয়া উঠিল, সঙ্গে সঙ্গে যোগেশের পতন ও মুর্ছার আবির্ভাব হইল বিষম বিদ্রাট।

(৭)

যোগেশ চক্ষু মেলিয়াই দেখিল দুক্ষফেনোনিভ শয্যাঃ তাহার দেহ বিস্তৃত রহিয়াছে। চারিদিকে আতর গোলাপজলের ছড়াছড়ি। গৃহিণী তাহার চোখে মুখে গোলাপজল ছিটাইতেছেন, আর সেই মেয়েটা মাথার কাছে বসিয়া পাখা করিতেছে। বহুক্ষণ হাবুর চূর্ণেশ-নন্দিনীর সেবাপরায়ণা আয়েবার কথা তাহার মনে পড়িয়া গেল। যোগেশের মনে হইল ভাবিল এমন সেবা পাইলে সে চিরকাল মুর্ছিত হইয়া থাকিতে পারে।

যোগেশ চাহিবামাত্র গৃহিণী ব্যস্ত সমস্ত হইয়া বলিলেন, “লীলা, একটু সরবৎ তৈয়ার করিয়া আনতো মা।”

লীলা পাখা রাধিয়া সরবৎ করিতে গেল। গৃহিণী যোগেশকে বলিলেন “এখন কেমন আছ, বাবা?”

যোগেশ বলিল, “বেশ আছি।” প্রাণে তাহার প্রবল জোয়ার ভাটা খেলিতেছিল।

লীলা সরবৎ লইয়া আসিল; যোগেশ দেখিল কলিকালের স্থলে পড়া মেয়েরা ‘বাবু’ হইলেও সরবৎটা করে বেশ মিষ্টি!

লীলা চলিয়া গেল। গৃহিণী তখন লীলার কথা তুলিয়া বলিলেন “ওটা আমার মেয়ে—কলিকাতায় মেয়েদের স্থলে লেখা পড়া করিয়াছে, গান বাজনা কার্পেটের কাজ প্রভৃতি বেশ জানে।”

যোগেশ বলিল “তা’ না হবে কেন ও’তো আপনারই মেয়ে।” মনে মনে ভাবিল, নবেল, কার্পেট, হিষ্টিরিয়া এই তিনটা রোগ না থাকিলে কলিকালের মেয়েদের স্বামী নামক উপগ্রহটা জুটিবে কি করিয়া!

গৃহিণী বলিলেন “হাজার শিক্ষিতা হইলেও আজ কাল মেয়েদের বর জুটা ভার—লীলার লক্ষ্য ভারি চিত্তা হইয়াছে।”

যোগেশ ক্ষণকাল মৌন থাকিয়া সব শুনিল।

(৮)

যোগেশ বাড়ী আসিয়াই বলিল “যাত্রার দল ভাঙ্গিয়া দাও।”

১ নং বন্ধু বলিল “তা’ বেশ, ভাঙ্গিয়া দাও কিন্তু তোমার হঠাৎ মুছা হইল কেন, তা’র একটা নিকাশ দিতে হইবে।”

২ নং বন্ধু বলিল “তা’ আর বুঝতে পারলে না। মানুষের জীবনে মধ্যে মধ্যে একটা শুভ অবসর আসে তখন যাত্রা গাইতে গেলেও জামাই সেবা লাভ হয়।”

৩ নং বন্ধু বলিল “বেশ বুঝিতেছি ভবিতব্যানাং দারানি ভবন্তি সর্বত্র’ অস্বার্থ হ’ল ‘প্রেমের ফাঁদ পাতা ছুবনে, কে কোথায় ধরা পড়ে কে জানে।”

যোগেশ রাগিয়া বলিল “ফের যদি অমন কর, তবে আর তোমাদের সঙ্গে মিশিবনা।”

বেগতিক দেখিয়া বন্ধুরা একে একে উঠিয়া গেল, কেবল ৪ নং উপেন্ তখনো বসিয়া রহিল, সে জানিত যোগেশ তাহাকেই মনের কথা খুলিয়া বলিবে। যোগেশকে একাকী পাইয়া উপেন্ বলিল “আমি কিন্তু সব বুঝিয়াছি, কিছু বলিতে হইবে না—এখন শুভকর্মের উদ্যোগ করিব কি?”

যোগেশ বিষমবদনে বলিল “কিন্তু রামকান্ত বাবু রাগি হইবেন কি?”

উপেন্ উত্তেজিত হইয়া বলিল—“তুমি! নেহাৎ বোকা; যাত্রা গানের লীলা খেলাটা একরূপ মনে কর দেখি। তাঁহার সৌভাগ্য যে তোমাকে পাইতেছেন। আমি মা’কে বলিয়া সব ঠিক করিয়া দিতেছি।”

(৯)

শুভদিনে শুভরূপে লীলার সঙ্গে যোগেশের বিবাহ হইয়া গেল। বহুদিন পরে লীলা যোগেশের পুরাতন ডায়ারী খানা খুলিয়া দেখিল এক পৃষ্ঠায় লেখা রহিয়াছে, “বিবাহ তো করিবই না, যদিই করিতে হয় স্থলে-পড়া মেয়েকে কিছুতেই করিব না।”

লীলা যোগেশকে বলিল “আচ্ছা রাধিকা ঠাকুরণ, প্রতিজ্ঞা যে ভাঙ্গিয়াছেন তাহার প্রায়শ্চিত্ত কি?”

যোগেশ বলিল, “কেন, তুমিই তো আমার প্রতিজ্ঞা

ভঙ্গ করিয়াছ—সুতরাং তোমাকে সপ্তাহ নিরশু উপবাস করিতে হইবে।”

লীলা হাসিয়া বলিল “আমি আপনার পায়ে ধরিয়া সাধিতে গিয়াছিলাম কিনা!”

যোগেশ গম্ভীর ভাবে বলিল “তা’ বটে। সখি, মনোযোগ পূর্বক অবধান কর,” এই বলিয়া গান ধরিল,

“মনের দুঃখ আছে মনে

সে দুঃখ আর বলব কা’কে

পড়িলে প্রেমের পাকে ঘোর বিপাকে

মনের বল আর ক’দিন থাকে!”

শ্রীপ্রভাতচন্দ্র চক্রবর্তী।

বিধবা মেয়ে

প্রস্তুতিত অঙ্গে যার, শোভা রাশি সুন্দর সলাজ,
তারে দিয়া পড়িয়াছে বাঙ্গালায় নিষ্ঠুর সমাজ
প্রচ্ছন্ন অশ্রুর কাব্য! সক্রুণ ছন্দ বেদনার
লীলান্নিত লোধ পুষ্পে! মনে পড়ে মুরতি তোমার!—
তরুণ যোগিনী বেশে, চক্ষু যদি যবে চলেছিলে
যৌবন মঞ্জল পথে, বিরহ সাজায়ে নব-ফুলে!
শব্দ হীন করে তব কমণ্ডলু গঙ্গা বারি ভরা
স্বর্কণ ত্যাগের যজ্ঞে হাসি মুখে চলেছ কি ঘরা?
বঙ্গের বিধবা মেয়ে! কবি কহে, তারে আমি চিনি,
পঙ্ক হতে অশ্রু নীরে ফুটিয়াছে রক্ত কমলিনী!
একদা বিরলে বসি, বিধি নিজ ভাব চিত্রশালে
সৌন্দর্যের পূণ্য মূর্তি নিরমিলা নয়নের অলে
আমি ভাবি চিরদিন অশ্রুভরা সজল নয়নে
সৌন্দর্যের মাঝে বিধি এত অশ্রু রাখিলে কেমনে!

শ্রীসুরেশচন্দ্র সিংহ শর্মা।

সাহিত্য সেবক।

আওলাদ হোসেন (খান বাহাদুর)—
সৈয়দ আওলাদ হোসেন ১৮৫৮ খৃষ্টাব্দের জুলাই মাসে কলিকাতায় জন্ম গ্রহণ করেন। ইহাদের আদি বাসস্থান বর্ধমানের অন্তর্গত বাহাদুরপুর গ্রামে; বর্তমানে ঢাকা সহরে অবস্থান করিতেছেন। ইনি কলিকাতা মাদ্রাসা ও প্রেসিডেন্সী কলেজে শিক্ষালাভ করিয়া ১৮৭৬ খৃষ্টাব্দে রুয়েল সর্ভরেজেন্টার হন। ১৮৮৮ খৃষ্টাব্দে স্পেসিয়াল সর্ভরেজেন্টার পদে উন্নতী হন। ১৯০৬ খৃষ্টাব্দে পূর্ববঙ্গ ও আসাম প্রদেশের প্রথম Inspector of Registration পদ লাভ করেন। ১৯০৭ সনে ইনি খাঁ বাহাদুর উপাধি প্রাপ্ত হন এবং ১৯১৩ সনের ১লা আগষ্ট হইতে পেন্সন প্রাপ্ত হইতেছেন। ইনি ছোট বেলায় পার্সি আরবী পাঠ করেন, বাংলা পড়েন নাই। হাজারীবাগ হইতে ঢাকা জিলার ত্রীনগরে বদলী হইয়া বাঙ্গলা পরীক্ষা দিতে বাধ্য হন। ইহার Antiquities of Dacca নামক এক খানি ইংরেজী গ্রন্থ আছে।

আবদুল বারি—নিবাস নোয়াখালি জেলার অন্তর্গত মাইকদী গ্রাম। ইনি “কারবালা” নামক একখানা কবিতা পুস্তক লিখিয়াছেন।

আবুল আআলী মহাম্মদ হামিদ আলী :—সুত্তানপুর গ্রামে জন্ম গ্রহণ করেন। ১৮৯৪ সালে কলিকাতা মাদ্রাসা হইতে শেষ পরীক্ষায় উত্তীর্ণ হইয়া শিক্ষকতা কার্যে নিয়োজিত হইয়াছেন। ইনি “কামেমগধ, জয়নলোদ্ধার” কবিতা কুঞ্জ প্রভৃতি কবিতা গ্রন্থ লিখিয়াছেন।

আবদুল আজিজ চৌধুরী—নিবাস পাবনা জেলার অন্তর্গত জানকী গাঁতি। ইনি “সুলতান বলধি” নামক গ্রন্থ রচনা করিয়াছেন।

শ্রীমতী আয়েমাদিনী ঘোষ—ইনি একজন সুলেখিকা। বাঙ্গালা মাসিক পত্রিকাতে লিখিয়া থাকেন তাঁহার পরিচয় সম্বন্ধে তিনি যাহা লিখিয়াছেন তাহা নিয়ে উদ্ধৃত হইল।

“আমার পিতামহ ৮অন্তরকুমার দাস, পিতা ৮প্রাণ

কুমার দাস, নিবাস ফরিদপুর জেলার লুনসিং গ্রাম।
খন্দরালয় ঢাকা জেলা বিক্রমপুর পরগণার ষোলঘর গ্রাম। স্বামী শ্রীরাধালদাস ঘোষ, ঢাকা কলেজের প্রফেসর।
খন্দর শ্রীযুক্ত শরচ্চন্দ্র ঘোষ, উকীল।

“বাবা নব্যতন্ত্রী ছিলেন; উনবিংশ শতাব্দীর ভারত যখন বন্ধের উপর পুঞ্জিত আর্জনার ভারে ক্ষিপ্তবৎ হইয়া সব ছুঁড়িয়া ফেলিতেছিল সেই সময়ের সেই উত্তপ্ত উত্তেজনা তাঁহার রক্তে মিশ্রিত ছিল। হিন্দু সমাজ যে সব সংকীর্ণতায় সঙ্কুচিত হইয়া চলিত, ক্রুদ্ধ আক্রমণ কারীর মত তিনি তাহা ছিঁড়িয়া ফেলিয়াছিলেন; ভলে আমরা free Education পাইয়াছিলাম। কিন্তু তাহা দীর্ঘকাল স্থায়ী হইতে পারে নাই, চারুপাঠ তৃতীয় ভাগ-পঞ্চপাঠ তৃতীয় পাঠ Royal Reader No III বাল-শিক্ষার এই অতি ক্ষুদ্র ভাণ্ডার সঙ্গে লইয়া দ্বাদশ বৎসর বয়ঃক্রমে স্বামী গৃহে আসিলাম। বাবা আমাদের কখনও কোন নভেল ইত্যাদী পড়িবার অনুমতি দেন নাই সুতরাং সাহিত্য জগতের সহিত আমাদের কোন পরিচয় ছিল না। এমন কি বিরোধ বাবু ও বঙ্কিম বাবুর নামও আমাদের নিকট সম্পূর্ণ নুতন ছিল।

“বাবা Personal Assistant to the Commissioner ছিলেন; তিনি পশ্চিমে কাজ করিতেন; নগরোপকণ্ঠে নির্জনে লালিত হইয়া আমাদের সমাজ সংসার ও দেশ সম্বন্ধে কোনও ধারণা ছিল না, এবং মাষ্টার মহাশয়ও পড়ার বই গুলি ছাড়া আমাদের আর কিছুই সহিত বড় পরিচয় ছিল না। বর্ধমানে আমার infant class শেষ হয়, পরীক্ষায় প্রথম হইয়া dall ও Picture book এবং সঙ্গে সঙ্গে রামায়ণ ও মহাভারত প্রাইজ পাই। সপ্তম বৎসরের মধ্যে সেগুলি ও আরো কয়েকটি হিন্দু পুরাণ আমি শেষ করিয়াছিলাম। বাঁকীপুর স্কুলে Upper Primary দিয়া আমরা যখন ভাগলপুর আসিলাম তখন সেখানে স্কুল ভাল না থাকায় বাড়ীতে পড়ার বন্দোবস্ত করিলেন। আমাদের শিক্ষা সম্বন্ধে তিনি নিজে যথেষ্ট ক্রোধান্বিত করিতেন। কল্যাণোৎসব পালনীয় শিক্ষানীয়াত বহুত” এই নীতি বাক্যটির প্রতি তিনি অতি প্রকৃত ছিলেন।

নবম বৎসর বয়ঃক্রমে আমি হটাৎ একদিন কবি হইয়া পড়ি। ঘটনাটা যে বিশেষ কিছু বৃহৎ ছিল তাহা নয়, কিন্তু এক শারদ প্রভাতে ছোট, একটি পাখীর ছানা গাছের ডালে বসিয়া গান গাহিতেছিল, এমন সময় একটা দাঁড়কাক আসিয়া তাহাকে ঠোকরাইয়া মারিয়া ফেলিয়া দিল, আমরা তিন বোন তাহাকে তুলিয়া আনিলাম ও হরিনাম শুনাইয়া (রামায়ণে পড়িয়াছিলাম যে অন্তকালে হরি নাম শুনাইলে দেবদূত আসিয়া স্বর্গে লইয়া যায়) রাসীকৃত ফুলের ভিতর সমাধি দিলাম। সন্ধ্যায় আমরা সেখানে প্রদীপ আলি-তাম ও ফুলের মালা দিয়া ও ঝাউপাতা দিয়া সাজাইতাম। এই পাখীটির সমাধি প্রস্তরের উপরে আমরা তিন জনে একটা কবিতা লিখিয়া দিয়াছিলাম। সেদিন হইতে কারণে অকারণে অসম্বরণীয় একটা আকুলতা আমাকে স্বস্তিহীন করিয়া তুলিল এবং আমার শিশু বয়সে সহসা প্রকাশিত সেই অপক্লম জগতের নিরুদ্দিষ্ট পথে যাত্রীবশে গিয়া দাড়াইল। সে সময় আমি যে খাতা গুলি পূর্ণ করিয়া-ছিলাম তাহা, আমার একাংশ গোপন ধন ছিল এবং পাছে তাহা পাঠ করিয়া কাহারও হান্স রসের উদ্বেক হয়, এই জন্ত সেই পাখীটির মতই আমি সে গুলিকে স্মৃতিকার নিয়ে সমাধি দান করিয়াছিলাম।

একাদশবর্ষী বৃহৎ পরিবারে হিন্দু বধুর যে দায়িত্ব ভার গ্রহণ করিতে হয়, তাহা মাথায় লইয়া আমি যখন দাঁড়াই-লাম, তখন দেখিলাম পক্ষু হইয়া গিরি অতিক্রম করিতে উদ্ভত হইয়াছি। সময় সুযোগ ও সুবিধা অনস্তুষ্ট লক্ষীর মত যতই আমার নিকট হইতে সরিয়া যাইতে লাগিল ততই আমার চেঁচা প্রবলতর হইয়া উঠিতে লাগিল। বিমূখ ভাগ্যদেবীর দিকে চাহিয়া আমি কহিয়াছি— “কানি কত করবি কর, তবু না কাতর হবে চাঁদসদা-গর।” সাহিত্যের এই মন্দির তলে আমি আমার জীবনের দুটি শ্রেষ্ঠ ধন নিবেদন করিয়াছি, তাহা আমার স্বাস্থ্য ও চক্ষু। আমার আকাঙ্ক্ষার এ স্বর্ণ দেউলের উত্তরণ শিলার আমার সব ক্লেণ সেন হইয়া গিয়াছে। আমার ধলি শূন্য করিয়া নিবেদনের ডালি সাজাইয়া বিনিময়ে প্রসাদ যাহা পাইয়াছি—তাহা যশ নয়, প্রতিষ্ঠা নয়, গৌরব নয়; তাহা আমার প্রাণের পরম তৃপ্তি।

“নিবাদ একলব্যের মত আমার সাহিত্য সাধনা গুরুর কাছে হয় নাই; গুরুর নামে হইয়াছে। বিবাহের পর যে একটা পরম আনুকূল্য আমি পাই তাহা স্বামীর গ্রহরাশি। বন্ধের শ্রেষ্ঠ লেখকগণের একটা পুস্তকও তাহাতে বাদ ছিল না। বাঙ্গালির ঘরে এ সুযোগ অতি

কমই ঘটিয়া থাকে। রাত্রি আগিয়া আমি সে সমুদয় গ্রন্থ গভীর আগ্রহে পাঠ করি। বাঙ্গালা মাতৃ-ভাষা—সহজেই আমি আয়ত্ত করিয়া লইলাম। ইংরাজী অভিধান সম্বল হইল। কি ইংরাজী কি বাঙ্গালা উচ্চাঙ্গের সাহিত্য ছাড়া আমি কখনও পড়িয়া তৃপ্তি পাই নাই সুতরাং পড়ি নাই। লঘু প্রকৃতির লেখার উপর ছেলে বেলা হইতে আমি বীতশ্রদ্ধ ছিলাম। * * *

“আমার জন্ম তারিখ আমি অবগত নহি, সনও ঠিক বলিতে পারিলাম না। শতাব্দীর এক চতুর্থাংশ অতিক্রম করিয়াছি, এই মাত্র বলিতে পারি।

শ্রী আশুতোষ দাস গুপ্ত মহলা-নবীশ — বরিশাল জেলার অন্তর্গত ঝাউকাঠী গ্রামে ১২৮৫ সনের ৪ঠা আশ্বিন জন্মগ্রহণ করেন। তাঁহার পিতার নাম ৬বদনচন্দ্র দাস গুপ্ত মহলা-নবীশ। ইনি বাল্যকাল হইতেই সাহিত্য চর্চা করিয়া থাকেন। বরিশাল রাজচন্দ্র কলেজে অধ্যয়ন কালে “আশা” নামে একখানি ক্ষুদ্র মাসিক পত্রিকা প্রকাশ করেন। বর্তমানে শিবপুর (হাবড়া) হইতে “নন্দিনী” নামক একখানা মাসিক পত্রিকা সম্পাদন করিতেছেন।

শ্রী আশুতোষ রায়—ঢাকা জেলার অন্তর্গত সুরাপুর গ্রামে জন্ম গ্রহণ করেন। ইহার পিতার নাম শিবচন্দ্র রায়। আশুতাবু সিনিয়ার জুনিয়ার পরীক্ষা পাশ করিয়া ঢাকায় ওকালতি ব্যবসা করিতে আরম্ভ করেন। ইনি যুক্তি চিন্তামণি উপদেশ রত্নাকর “পদ্ম কুঁহুম” প্রভৃতি গ্রন্থ রচনা করিয়াছেন।

মহরম । শ্রীপূর্ণচন্দ্র ভট্টাচার্য্য অগীত ও ঢাকা পপুলার লাইব্রেরী হইতে শ্রীহরিরাম ধর বি এ বর্ডকু প্রকাশিত। মূল্য ৮০ আনা মাত্র। পূর্ণ বাবু অতি প্রাজ্ঞল ও মর্মান্বশি ভাবায় মহরমের বিবাদ ময় কাহিনী লিপিবদ্ধ করিয়াছেন। এই পুস্তক খানি সর্ব্বংশে সাম্প্রদায়িকতা পরিপূন্য এবং সর্ব্বজাতির পাঠাপ-যোগ্য হইয়াছে। ৪ খানি সুন্দর ছবিতে গ্রন্থখানির সৌষ্ঠব বর্দ্ধিত হইয়াছে। পুস্তক খানি দুই বর্গে মুদ্রিত।

প্রজ্ঞানন্দ । এই খানি ও শ্রীযুক্ত পূর্ণচন্দ্রভট্টাচার্য্য লিখিত এবং পপুলার লাইব্রেরী হইতে প্রকাশিত। মূল্য ৮০ আনা। হরি ভক্ত প্রজ্ঞানন্দের কাহিনী অতি মধুর ভাবায় লিখিত হইয়াছে। বালক বালিকাগণ এই পুস্তকে হরি ভক্তির তপস্বত্বের মাধুর্য্য উপলব্ধি করিয়া আনন্দিত হইবে। প্রবেশ হয় খানি সুন্দর চিত্রিত আছে।

সৌরভ



প্রোঢ়াবস্থায়
আচার্য্য দ্বিজেন্দ্রনাথ ।

আশুতোষ প্রেস, ঢাকা ।

সৌরভ

দ্বিতীয় বর্ষ । }

ময়মনসিংহ, জ্যৈষ্ঠ, ১৩২১ ।

{ অষ্টম সংখ্যা ।

শারদা তিলকের রচনা কাল ।

(বঙ্গীয় সাহিত্য-সম্মিলনের কলিকাতা অধিবেশনে পঠিত)

তন্ত্র গ্রন্থ সমূহের মধ্যে “শারদা তিলক” পণ্ডিত সমাজে সুপরিচিত । বহু শতাব্দী হইতেই ইহার পঠন পাঠনের পরিচয় পাওয়া যায় । এই গ্রন্থ প্রাচীন সূত্রগ্রন্থের রীতি অনুসারে লিখিত । ইহাতে অল্পাঙ্করে এত অধিক বিষয় বিস্তৃত হইয়াছে যে—টীকার সাহায্য ব্যতীত ইহার প্রতি-পাঠ বিষয় পরিস্ফুট হয় না । গ্রন্থকার স্বয়ংই ইহাকে তন্ত্রের সারসংগ্রহ বলিয়া নির্দেশ করিয়াছেন । তাঁহার এই গ্রন্থ টীকার সাহায্যে অধ্যয়ন করিলে, তাঁহার উক্তির সত্যতা পদে পদে প্রতিভাত হয় । বাস্তবিক উপাসনার উপযোগী এমন বিষয় প্রায় দেখা যায় না, যাহা এই গ্রন্থে সন্নিবেশিত হয় নাই । ঈদৃশ উপদেশ গ্রন্থের রচয়িতা মহাত্মা লক্ষণাচার্য্য কোন্ সময়ে ভারতের কোন্ ভূভাগ সমলঙ্কৃত করিয়াছিলেন, তাহা জানিতে কুতূহল হইয়া থাকে । কিন্তু গ্রন্থকারের উক্তির দ্বারা কোতুকাম্পদ বিষয়ের কিছুই জানা যায় না । তিনি গ্রন্থের শেষ ভাগে যে আত্ম পরিচয় দিয়াছেন, তাহাতে এই মাত্র জানা যায় যে—তাঁহার প্রপিতামহ “মহাবল” নামক পণ্ডিত আশ্রিত শিষ্য সমূহকে মুক্তিরূপ ফলদান করিয়াছিলেন । মহাবলের পুত্র ‘আর্য্য পণ্ডিত’ নামে প্রসিদ্ধিলাভ করিয়াছিলেন । উক্ত আর্য্য পণ্ডিত ‘দেশিক বারণেন্দ্র’ বলিয়া কীর্তিত হইয়াছেন ; এই বিশেষণ হইতে বুঝা যায়,—সে কালের “দেশিক” (গুরু) সমাজে তিনি শ্রেষ্ঠতা লাভ করিয়াছিলেন ।

তাঁহার পুত্র শ্রীকৃষ্ণ দেশিক “দেশিক” নামে অভিহিত হইয়াছেন । উক্ত শ্রীকৃষ্ণই দেশিকেন্দ্র লক্ষণের পিতা । লক্ষণ দেশিক সমগ্র বিজ্ঞাতে এবং বিবিধ কলাতে অতীব প্রসিদ্ধি লাভ করিয়াছিলেন । গ্রন্থকার এই মাত্র বলিয়াই আত্ম-পরিচয় প্রদান প্রয়াস হইতে নিবৃত্ত হইয়াছেন । কিন্তু তাঁহার গ্রন্থের উপাদেয়তা এবং দুর্জয়তা হেতু অনেক মহাত্মাই ইহার টীকা প্রণয়নে প্রয়াসী হইয়াছিলেন । সংপ্রতি উক্ত গ্রন্থের তিনখানি টীকা আমাদের হস্তগত হইয়াছে । টীকায় লক্ষণাচার্য্যের বিষয় কিছুই বর্ণিত হয় নাই । মাধব ভট্ট বিরচিত “গূঢ়ার্থদীপিকা” টীকাতেও মূলগ্রন্থকারের কোনও পরিচয় নাই ।

কিন্তু মাধব ভট্ট কৃষ্ণ “পদার্থাদর্শ” টীকায় বর্ণিত গ্রন্থকারের গুরু পণ্ডিতের এবং শিষ্যশ্রেণীর ক্রম নির্দেশানু-সারে জানা যায় যে শ্রীকৃষ্ণের শিষ্য বসুমন্ত, তৎশিষ্য সোমানন্দ, সোমানন্দের শিষ্য উৎপলাচার্য্য, উৎপলা-চার্য্যের শিষ্য লক্ষণাচার্য্য, লক্ষণের শিষ্য অভিনব গুপ্ত ও অভিনব গুপ্তের শিষ্য ক্ষেমরাজ । ক্ষেমরাজের শিষ্যগণ ক্ষেমরাজ হইতে লক্ষণ পর্য্যন্ত এবং উৎপলাচার্য্য হইতে শ্রীকৃষ্ণ পর্য্যন্ত গুরু সমূহকে প্রণাম করিয়াছেন । লক্ষণা-চার্য্যের শিষ্য অভিনব গুপ্ত এবং কাশ্মীরীয় শৈবাচার্য্য ‘পরমার্থ সার’ রচয়িতা অভিনব গুপ্ত একই ব্যক্তি বলিয়া মনে হয় । কাশ্মীরীয় অভিনব গুপ্তের একজন প্রসিদ্ধ শিষ্যের নামও ক্ষেমরাজ, এই ক্ষেমরাজ “শিবসূত্র বিম-র্ষিণী” রচনা করিয়া গিয়াছেন । অভিনব গুপ্ত খৃষ্টীয় একাদশ শতাব্দীর প্রথম ভাগে আবির্ভূত হইয়াছিলেন ।

সুতরাং লক্ষণাচার্য্য ইহার কিছু দিন পূর্বে আবির্ভূত হইয়াছিলেন।

শারদা তিলকের প্রথমাংশে সৃষ্টি প্রক্রিয়ার বর্ণনা প্রসঙ্গে যে সকল বিষয়ের অবতারণা করা হইয়াছে, তাহাতে তাত্ত্বিক দর্শনের অনেকটা স্বতন্ত্রতার পরিচয় পাওয়া যায়। স্ফোটবাদি বৈয়াকরণদিগের মত উপস্থাপন করিয়া তাহার নিরসনেও মতান্তরের খণ্ডনরূপ দার্শনিক রীতির অনুসরণ দেখা যায়।

গ্রন্থকার বর্ণিত জগদুপাদান “নাদ বিন্দুর”সহিত মহা-বৈয়াকরণ ভর্তৃহরিকৃত বাক্য পদীয়েয় সম্পর্ক পরিলক্ষিত হয়। শারদা তিলক পাঠে মনে হয়,—সে কালের তাত্ত্বিক-সমাজে বিবিধ দর্শনের এবং জ্যামিতি প্রভৃতি শাস্ত্রের বিশেষ চর্চা হইত। কারণ কুণ্ডের অথবা তোরণ প্রভৃতির নির্মাণ জ্যামিতির সাহায্য ব্যতীত কিছুতেই হইতে পারে না। ইহাতে বাস্তব বিজ্ঞানজ্ঞানেরও আবশ্য-কতা উপলব্ধ হয়। এই গ্রন্থের ব্যাখ্যা প্রসঙ্গে রাঘব ভট্ট বহু গ্রন্থ হইতে প্রমাণ উদ্ধৃত করিয়াছেন। তাহাতে গৌতম কৃত তন্ত্র ব্যাকরণেরও উল্লেখ দেখা যায়। সুতরাং ইহা বলা যাইতে পারে যে—ব্যাকরণের নিয়মেও তন্ত্রশাস্ত্র স্বতন্ত্রতালভ করিয়াছিল।

লক্ষণাচার্য্যের আবির্ভাবকাল তন্ত্র সাহিত্যের পূর্ণ বিকাশের যুগ বলিয়া উল্লিখিত হইবার যোগ্য। ক্রমে ক্রমে অবনতির ফলে তন্ত্রের দার্শনিক মত নিবন্ধ গ্রন্থ হইতে নির্কাসিত হইয়াছে। গুরু শিষ্য কেহই আর দার্শনিক তর্কের প্রয়োজন অনুভব করেন না।

সুতরাং গুরু শিষ্যের লক্ষণ নিরূপণ হইতেই তন্ত্রমার প্রভৃতি নিবন্ধের উপক্রম, এবং পদ্ধতি রচনা, মন্তোদ্ধার, স্তব-কবচ সংগ্রহ প্রভৃতিতে উপসংহার দেখা যায়। এমন কি দীক্ষা প্রভৃতির অনুষ্ঠানেও শারদা তিলকের তুলনায় পরবর্ত্তি গ্রন্থে অনেকটা সুগমতার পরিচয় পাওয়া যায়। মনে হয়, এই সময় হইতেই গুরুতা—ব্যবসায় রূপে পরি-গণিত হইয়াছে, এবং “উপদেশঃ কলৌযুগে” এই উপদেশ প্রচারিত হইয়াছে। অমুরারোপণ প্রভৃতির খুঁটিনাটি বাদ দিয়া সহজ দীক্ষা পদ্ধতি সংগৃহীত হইয়াছে।

টীকাকার ‘রাঘব’ আত্মপরিচয় দানে কার্পণ্য প্রকাশ

করেন নাই। পদার্থাদর্শের উপসংহারে তিনি যে পরিচয় দিয়াছেন, তাহাতে জানা যায়—‘দক্ষিণদিকে গোদাবরী নদীর শোভমান উপকণ্ঠে জনস্থান নামক প্রসিদ্ধ লোক-পূর্ণ স্থান ছিল; মহারাষ্ট্র দেশের সেই স্থানে রামচন্দ্র সীতা ও লক্ষণের সহিত হৃষ্টচিত্তে বাস করিতেছিলেন।

সেই স্থানে মহাপ্রসিদ্ধ বিগ্গছ ব্রাহ্মণ কুলে উদারচেতা ভট্টগ্রামেশ্বর জন্মগ্রহণ করিয়াছিলেন, তিনিই আদি মহেশ সিংহ নামে অভিহিত হইয়াছিলেন।

তাঁহা হইতে কুশাগ্রভূম্য তীক্ষ্ণ বুদ্ধি, ভট্ট পৃথ্বীধর জন্ম-গ্রহণ করেন, ইনি অনেক প্রকারে ভট্টগ্রন্থ, বেদান্তশাস্ত্র ও মহাভাষ্য অধ্যাপনা করিতেন।

কতিপয় দিবসের পর পবিত্রচেতা এই ভট্ট পৃথ্বীধর শিব রাজধানী বারাণসী পুরীতে গমন করিয়া শরীর বিনাশ পর্য্যন্ত তথাতেই বাস করিয়াছিলেন।

উক্ত পৃথ্বীধর হইতে এই রাঘবভট্ট জন্মগ্রহণ করিয়া-ছেন, ইনি অসাধারণ নীতিজ্ঞ, জ্ঞানশাস্ত্রে এবং বেদান্ত-শাস্ত্রে পণ্ডিত, ভট্টমতানুযায়ী মীমাংসাশাস্ত্রে প্রসিদ্ধ ও সাহিত্যের রত্নাকর স্বরূপ। ইনিই আয়ুর্বেদের নিধি কলা বিষয়ে কুশল, কামশাস্ত্রে ও অর্ধশাস্ত্রে গুরু, সঙ্গীতে নিপুণ ও সদাগম নিধির পারদর্শী।

তিনি ১৫১০ পরিমিত রৌদ্র নামক বৎসরে পৌষ মাসে শুক্রবারে গুরুপক্ষীয় অষ্টমীযুক্ত সপ্তমী তিথিতে কাশীধামে এই টীকা রচনা করিয়াছেন।

এই ১৫১০ সালকে বিক্রম সম্বৎ ধরিয়া লইলে ১৪৫৪ খ্রীষ্টাব্দ ‘পদার্থাদর্শের’ রচনা কাল স্থির করিতে হয়।

রাঘব নিজকে যেরূপ বহুদর্শী রূপে নির্দেশ করিয়া-ছেন, তাহাতে আপাতদৃষ্টিতে তাঁহাকে আত্মপ্রাণারত বলিয়া বোধ হইতে পারে, কিন্তু তাঁহার এই উপদেশের গ্রন্থ পাঠ করিলে, স্বভাবতই যেন তাঁহার প্রতি একটা অগাধ ভক্তির উদ্বেক হয়। তিনি যে সকল ছুপ্রাপ্য গ্রন্থ হইতে প্রমাণ উদ্ধৃত করিয়াছেন, তাহার প্রতি লক্ষ্য করিলে এবং ব্যাখ্যা নৈপুণ্যের প্রতি মনোনিবেশ করিলে যেন বলিতে প্রবৃত্তি হয়,—‘শারদা তিলকের’ তাৎপর্য্য একমাত্র তিনিই বুঝিতে ও বুঝাইতে পারিয়াছেন।

তিনি এত প্রসিদ্ধিলাভ করিয়াছিলেন যে গ্রন্থের নাম

না থাকিলেও রাঘব শুটুধত বলিয়াই স্মৃতি প্রভৃতি গ্রন্থকারগণ তাঁহার গ্রন্থ হইতে বচন উদ্ধৃত করিয়াছেন।

শারদা তিলকের অনেক পাঠাস্তর দেখিতে পাওয়া যায়, বাঙ্গালার পুস্তকে, বেনারসে মুদ্রিত পুস্তকে এবং ঢাকাত্তে পাঠের এত বৈষম্য লক্ষিত হয় যে, রাঘবের সাহায্য না পাইলে, এই সমস্ত পাঠের বিচার করা সম্ভব হয় না। রাঘব অনেক পাঠ ধরিয়া বিচারের দ্বারা প্রকৃত পাঠ স্থির করিয়াছেন, তাহাতে বোধ হয়, রাঘবের বহু পূর্ব হইতেই সম্প্রদায় ভেদে পাঠভেদ সংঘটিত হইয়াছিল।

শ্রীগিরীশচন্দ্র বেদাস্ততীর্থ।

ময়মনসিংহের দাশুরায়।

মানুষ' যায়, কিন্তু তাঁর স্মৃতি থাকে। সে দাশুরায় নাই, কিন্তু তাঁহার স্মৃতি, বঙ্গ সাহিত্যের ইতিহাসের পরতে পরতে, আঁকা রহিয়াছে। সে স্মৃতি মুছিয়া ফেলিতে, কালেরও সাধ্য নাই। বাঙ্গালার স্বর্ণখনি আবার মাইকেল হেমচন্দ্রের মত রত্নপ্রসব করিতে পারে, কিন্তু সে দাশুরায় বুকি আর হইবে না। পশ্চিম বঙ্গের সাহিত্যের ইতিহাসে, দাশুরায়ের স্মৃতি উজ্জ্বল ভাবে অঙ্কিত রহিয়াছে। কিন্তু ময়মনসিংহের সাহিত্যের ইতিহাসে, ময়মনসিংহের দাশুরায়ের কথা কিছুই নাই। পশ্চিম বঙ্গের স্মার, ময়মনসিংহেও কবিওয়ালাদের গানে, একবার ভাবের বান ডাকিয়াছিল। এক্ষণে সে স্রোতের ভাটা পড়িয়াছে। ময়মনসিংহের সাহিত্যের ইতিহাসে, তাহারই একটা ক্ষুদ্র স্মৃতি আঁকিয়া রাখা বর্তমান প্রবন্ধের উদ্দেশ্য।

ঠিক কোন্ সময়, কোথা হইতে এই মহাস্রোত আসিয়া, ময়মনসিংহের জলা ভূমি ভাসাইয়া দিয়াছিল, তাহা আমরা ঠিক বলিতে পারিব না। বোধ হয় অষ্টাদশ শতাব্দীর প্রথম ভাগে, পশ্চিম বঙ্গ হইতেই এই ভাবের বজা সর্বপ্রথম ময়মনসিংহের উপকূলে আসিয়া সাড়া দেয়। ঠিক সেই সময় কয়েক জন কবিওয়ালা, এতদঞ্চলে আবির্ভূত হন। ইহাদের মধ্যে দুইজন ছিলেন সর্বশ্রেষ্ঠ।

ময়মনসিংহের বিভিন্ন স্থানে আরও দুই একজন থাকিতে পারেন, কিন্তু যতদূর জানি, পূর্ব ময়মনসিংহে তাঁহাদের প্রতিধ্বনি ছিল না। শুধু পূর্ব ময়মনসিংহে কেন, ঢাকা জেলার প্রসিদ্ধ কবিওয়ালা গণও ইহাদের কাছে হারিয়া গিয়াছেন। ইহাদের একজনের নাম রামনাথ ওরফে রামু, অন্য জনের নাম রামগতি; একজন ময়মনসিংহের নিধুবাবু, অন্য জন—দাশুরায়। রামগতি সরকার ও রামু সরকার এই নামেই ইহারা সর্বসাধারণের নিকট পরিচিত ছিল। রামগতি জাতিতে নাপিত, রামনাথ জাতিতে মালী। ইহারা উভয়েই নিরক্ষর, এমন কি নিজের নামটা পর্যন্ত দস্তখত করিতে শিখে নাই। অথচ এমন কোনও পুরাণ নাই, এমন কোনও শাস্ত্র নাই, যাহা তাহাদের কর্তৃগত না ছিল। সরস্বতী যেন তাঁহাদের কর্ণেই বাস করিতেন।

প্রতিভা যে কেবল বিশ্ববিদ্যালয়ের উপাধিধারী দিগের গলায়ই বরমাল্য প্রদান করিবে, তাহা নহে। স্থানবিশেষে দেখা যায়, জগতের অনেক হেয় অনাদৃত লোকও দেব হুল্লভ প্রতিভার অধিকারী হইয়া থাকেন। এই প্রতিভার বলেই মূর্খ কালিদাস জগতের সর্বশ্রেষ্ঠ কবি, এই প্রতিভার বলেই দস্যুপতি রত্নাকর, আজ জগতগুরু বাম্বাকী নামে পূজিত, বোপদেব পণ্ডিত-শিষ্টোমণি। প্রতিভা দেবের দান, দেবতা যাকে ভালবাসেন, তিনিই সেই অলৌকিক মহাদান প্রাপ্ত হন।

সাগরের অতল জলে কত মহারত্ন অলিতেছে, দুর্গম কর্ণক বনে কত শত সুবী কুমুম ফুটিয়া আবার ঝড়িয়া পড়িতেছে, অন্ধকার গিরি গহ্বরে কত শত অমূল্য হীরকখণ্ড লুকাইত রহিয়াছে, মানুষ তাহার খোজ রাখে না।

পল্লী জননীর শাস্ত-শীতল কোড়ে এমন দুই একজন লোক জন্ম গ্রহণ করেন, যাহারা উপযুক্ত সাহায্য ও আশ্রয় পাইলে, জগতের শ্রেষ্ঠ পুরুষগণের মধ্যে স্থান পাইবার যোগ্য। কিন্তু কেবল উপযুক্ত সাহায্যের অভাবে, উপযুক্ত ক্ষেত্রের অভাবে, সেই সকল বীজ অসুরেই বিনষ্ট হইতেছে। ইহার ফলে মানবের জাতীয় জীবনের একদিক অন্ধকার সমাচ্ছন্ন থাকিয়া যাইতেছে।

প্রদীপ কেবল তাহার নিজের ক্ষুদ্র দীপাধার টুকুকে আলোকিত করেনা, পার্শ্ববর্তী পুঞ্জাকৃত অন্ধকার রাশি ছরীভূত করিয়া মানবকে তাহার গন্তব্য পথ দেখাইয়া দেয়। সূর্য্যাকিরণ কেবল রবির পরিধিকে উজ্জ্বল করিয়া দ্বন্দ্ব থাকেনা, বিশ্ববস্তুকে সমুজ্জ্বল করিয়া তুলে। প্রতিভাশালী ব্যক্তি স্বীয় দীপ্তালোকে তাঁহার নিজের আদিনাটুকু আলোকিত করেন না, পরন্তু পৃথিবীর অনেক ছুঁপনের অন্ধকার রাশি অপসারিত করিয়া দেন। এইরূপ একজনের প্রতিভার আলোকে আমরা দশজনকে চিনিয়া লইতে পারি। দশটা ছুঁপের কারণ হৃদয়ঙ্গম করিতে সমর্থ হই।

পূর্ব ময়মনসিংহের আধুনিক কবিওয়াল গণের মধ্যে আরও দুই জনের নাম উল্লেখ যোগ্য। একজন কালীচরণ দে অপর জন বিজয়নারায়ণ আচার্য্য। প্রতিভাশালী হইলেও বিজয় নারায়ণ অকাল-কোকিল, কেননা ময়মনসিংহের সে সুখ বসন্তে কালিচরণ অকালে অনন্তধামে যাইয়া বিজয়কে স্থান ছাড়িয়া দিয়াছে।

বলিলে হয়ত অভ্যক্তি হইবে না, এইরূপ প্রতিভাশালী অনেক লোক, বনফুলের মত পল্লীগ্রামের নির্জন অরণ্যে ফুটিয়া আপনি ঝড়িয়া পড়িতেছে। তাঁহাদের আকাঙ্ক্ষা উন্নত সব তাঁহাদের অকাল সংসার-চিন্তা-জর্জরিত-দুঃখ দৈন্তের বিষম জালার আকুলিত-জীবনের সঙ্গে সঙ্গে শ্মশানের চিত্তানলে পুড়িয়া ভস্মভূত হইতেছে, ছায়ার ঘেড়া কুসুম কলিকার মত, রুদ্ধ-আলো প্রদীপের মত, নিয়তির ছিদ্রহীন অরণ্যের মধ্যে পড়িয়া ফুট ফুট ফুটিতে পারে নাই। তাঁহাদের কাতর ক্রন্দন, হা হতাশ, শিক্ষিত অধিবাসীর কর্ণমূলে পৌঁছায় নাই। মানুষ আপন ভাইকে চিনিয়া লইতেছে না। বিলাসিতার বিষম স্রোতে গা ঢালিয়া দিয়া বিপুল ধনরাশি জগতের হের কার্য্যে জলের মত ধরচ করিতেছে। যাহার বিন্দুমাত্র সংসারের লোক-হিতার্থে ব্যয় করিলে জগতের অনেকগুলি বহুমূল্য জীবন রক্ষা পাইতে পারিত, অনেক মহার্ঘ রত্ন আবিষ্কৃত হইত। আমরা হেলায় এইরূপ কত রত্ন পারে দলিয়া যাইতেছি, কত সুরভি কুসুম পল্লীর বিজন বনে ফুটিয়া অকালে ঝড়িতেছে, কেউ তাহার জন্ত মুখের

আক্ষেপটুকুও করে না। রাজোচ্চানের প্রসুতি গোলাপ, গন্ধরাজের ইতিহাস অনেকেই লিখেন, কিন্তু বিজন বনান্তরাল স্থিত বনফুলের জন্ত কেউ কাঁদে না, মানবের জাতীয় ইতিহাসে ইহা একটা ছুঁপনের বলক।

মূল প্রসঙ্গের বহির্ভূত হইলেও, এইস্থানে আর একটা লোকের কথা না বলিয়া থাকিতে পারিলাম না। সে একজন ভিক্ষকের কথা। বিধাতা তাহাকে ভগ্নাক করিয়া সৃষ্টি করিয়াছেন। জগতে তাহার আপনার বলিবার কেহই নাই। উদরান্ন সংগ্রহের জন্ত তাহার অস্ত্র কোন সংস্থান নাই। কিন্তু বিধাতা তাহাকে এমন এক অমূল্য বস্তু দান করিয়াছেন, যাহার প্রভাবে, সে সমস্ত পল্লীবাসীর আদরনীয়। সে বাড়ীতে বাড়ীতে আপনার রচিত সঙ্গীত, ছড়া, ইত্যাদি গান করিয়া বেশ ছুঁপসা রোজগার করে। তাহার বিরচিত কলির বোঁ, গাজীচরিত, গোষ্ঠবিহার প্রভৃতি সঙ্গীত ও ছড়া আমি স্বকর্ণে শুনিয়াছি, তাহা বেশ ভাবময় ও সরল। পল্লীবাসীগণ ইহার দ্বারা নিত্য নূতন ছড়া গান তৈয়ার করাইয়া শুনিয়া থাকেন। চারিটা পয়সা দিলে সে তৎক্ষণাৎ বসিয়া বসিয়া একটা দীর্ঘ ছড়া শুনাইয়া দিবে। এমন তার আশ্চর্য্য দৈবশক্তি। ‘জলের ঘাটে কুলের বউ’ নামে তাহার একটা উৎকৃষ্ট ছড়া আছে। তাহা বেশ কবিত্বপূর্ণ। পল্লীবাসীগণ, এই কাণা ফকিরকে লইয়া, নানা প্রকার আমোদ প্রমোদ করিয়া থাকে। আমার বিশ্বাস উপযুক্ত শিক্ষাপ্রাপ্ত হইলে এই ব্যক্তি একজন ইতিহাসপ্রসিদ্ধ লোক হইতে পারিত।

উপরে যে লোকটির কথা বলিলাম, আমাদের আলোচ্য প্রবন্ধের কবিওয়ালাগণও সেই জাতীয় মিয়নর গ্রাম্য কবি—বিধাতার অমূল্য দানের অধিকারী। পূর্বে আমরা যে দুইজন কবিওয়ালার কথা বলিয়াছিলাম, তন্মধ্যে রসবর্ণনার রামগতি সর্বশ্রেষ্ঠ। ময়মনসিংহের তদানীন্তন ভূম্যধিকারিগণ, এমনকি রাজধানী সুসঙ্গের মহারাজগণ পর্যন্ত তাহার অপাধারণ কবিত্বশক্তিতে ও সঙ্গীত শ্রবণে মুগ্ধ ছিলেন।

কবি রামগতির বালক ধরসের কথা আমরা অবগত নহি। তবে ষতদূর শুনা যায়, ছোটকাল হইতেই কথার

কথায় মিল দিয়া কথা বগার একটা অভ্যাস তাহার ছিল। শৈশব সখাগণের সঙ্গে যখন মাঠে গরু চরাইতে যাইতেন, তখন তিনি নানাপ্রকার কথায় ও সঙ্গীতে, তাহাদের সকলকে মুগ্ধ করিতেন। যে ছরস্ত ছেলে, তাহার আদেশ প্রতিপালন করিতে হেলা করিত, তিনি তাহার নামে এমন শ্লেষ-জড়িত টপ্পা বাঁধিয়া গাহিতেন, যে সে হতভাগ্য উপহাসে জর্জরিত হইয়া দল ছাড়িয়া পলায়ন করিতে বাধ্য হইত। তিনি সঙ্গীতে যেমন সুকণ্ঠ, রহস্তে তেমনি বাস্তব ছিলেন।

যুবক বয়সে কবি তাঁহার স্বগ্রাম বাসিনী কোন এক পল্লী মহিলার কলঙ্ককর কাহিনী লইয়া একছড়া রচনা করেন। এই ঘটনা হইতে গ্রামের লোক তাহার উপর এমন বিরক্ত হয় যে, তিনি অন্তোপায় হইয়া গ্রাম ছাড়িয়া পলায়ন করেন। এই সময় ঢাকা জিয়ার এক প্রসিদ্ধ সুমুরওয়ালীর দল, ময়মনসিংহের নানা স্থানে গান গাহিয়া, বেড়াইতে ছিল। বিধাতার ইচ্ছিতে কবি তাহাদের দলে প্রবেশ করিলেন। স্বভাব কবি রামগতিকে বেশী দিন সুমুরওয়ালীর দলে শিক্ষা-নবিষ থাকিতে হইল না। মধ্য বয়সে তাঁহার অসাধারণ প্রতিভা চারিদিকে বিস্তৃত হইয়া পড়িল। সেই বিজন বন কুসুমের গন্ধ যিনি অনুভব করিলেন, তিনিই মুগ্ধ হইলেন।

একদিন ময়মনসিংহ দুর্গাবাড়ীতে বিক্রমপুরের দুইজন প্রসিদ্ধ কবিওয়ালার সঙ্গে কবি রামগতির পাল্লা হইয়াছিল। তদানীন্তন সমজদারগণ সেই দিন কবি রামগতিকে মুক্তকণ্ঠে প্রশংসা করিয়াছিলেন। খ্যাতির সঙ্গে সঙ্গে কবি, সুসঙ্গ রাজধানীতে আহৃত হইলেন। তখন মাঘ মাস, দরিদ্র কবি প্রথমেই মাঘের নিদারুণ শীতের একটা টপ্পা বাঁধিয়া গাহিলেন। রাজ সরকার হইতে কবিকে একজোড়া শাল পুরস্কার দেওয়া হইল। কবি কৃতজ্ঞতা জ্ঞাপনার্থে আরও একটা সুন্দর টপ্পা বাঁধিয়া গাহিলেন। তাহাতে প্রাচীনতম রাজবংশের অনেক কীর্তি কাহিনী গাঁথা ছিল, ময়মনসিংহের মুকুটমণি মহারাজগণের কীর্তি কথা, রাজধানী সুসঙ্গ ও সোমেশ্বরীর মিষ্ট জলের সুন্দর বর্ণনা ছিল। সঙ্গীতটা দীর্ঘ বিধায় উদ্ভূত করিতে পারিলাম না আক্ষেপ রহিল। মাঘের

শীতের সুন্দর টপ্পাটা, ভেসে পিলেরা পর্যাস্ত মনের তিতর গাঁথিয়া রাখিয়াছে। শব্দ নৈপুণ্যে, পদ যোজনায় ও অনুপ্রাসের অনাবিল স্ফুট হাসিতে ইহা একটি প্রথম শ্রেণীর টপ্পা।

গৌরীপুরের সরকারে তখন কবিওয়ালীগণের অভ্যস্ত প্রসার ছিল, শারদীয়া পূজা উপলক্ষে কবি রামগতি দলবল সহ গৌরীপুরে আসিয়া আসরে নামিলেন। গৌরীপুরের তদানীন্তন সমজদার ভূম্যধিকারী কবি রামগতির একটা মাত্র সঙ্গীত শ্রবণ করিয়া তাহাকে একশত টাকা পুরস্কার দিয়াছিলেন। সেই সঙ্গীতটিতে বিষ্ণুসুন্দরের নারীগণের পতি নিন্দার মত বাড়ীর, কর্তা হইতে আরম্ভ করিয়া ঘোড়ার সহিসের পর্যাস্ত বর্ণনা ছিল।

একবার ঋণের দ্বায়ে কবির বাড়ীঘর নীলাম হইয়া যায়, দাণ্ড বিশ্বাস নামে এক প্রাচীন সমজদার লোক তাহাকে কয়েক ধও ভূমি দান করিয়া তাহার উপস্থিত বিপদের সহায়তা করিয়াছিলেন। কিন্তু সেই সমস্ত ভূমি নিতাস্তই অক্ষুণ্ণ ছিল। উচিত বক্তা কবি ভাব বুঝিয়া এই দুঃখের সময়ও আঠারবাড়ী যাইয়া একটা সুমধুর টপ্পা বাঁধিয়া গাহিয়াছিলেন। সেই টপ্পাটিতে তাহার অতীত জীবনের সমস্ত সুখ দুঃখের কাহিনী গাঁথা ছিল। শেষ ভাগে তাহার উপকারী প্রভুর দানের বিষয় একটু শ্লেষজড়িত ছিল। আমরা বহুকষ্টে তাহার কথঞ্চিৎ মাত্র সংগ্রহ করিয়া দিলাম।

“মহিমা সাগর বরধর্ম অবতার,
হতভাগ্য রামগতি, দিল দরখাস্ত পাতি,
ধর্ম পতি করুণ সুবিচার।
অন্ন কষ্টে ছরদৃষ্টে মরেছে মোর জ্যেষ্ঠ ভাই,
বাবুজী গো! এ বিপদে রক্ষা কর্তা কেহ নাই।
পাঁচশ টাকার দায় বন্দী,
হয়ে ছিলাম সুকুন্দি,
ভিটা ছেড়ে ফতেপুরে যাই
দেইখে দাণ্ড বিশ্বাস জমী দিল,
বুন্দে হয়না মাঝকমাই।

সুকুম্ভীর সম্পদশালী বাবুদের অভ্যাচারে, কবিকে বাড়ীঘর ছাড়িয়া পলাইতে হইয়াছিল । আমরা “মাগীর যোগান” প্রবন্ধে কবির কয়েকটা ভাবময় সঙ্গীত, সৌরভের পাঠকবর্গকে উপহার দিয়াছি । এবারও বহুকষ্টে একজন প্রাচীন সমাজদারের নিকট হইতে কতকগুলি সুন্দর ছড়া সংগ্রহ করিয়া উপস্থিত করিলাম । ইহা যমুনার খেয়া ঘাটের একটা সুন্দর বর্ণনা । কৃষ্ণ খেয়া ঘাটের মাঝি, রাধা সঙ্গীগণ সহ পুষ্প তুলিতে যমুনার পর পারস্থিত নিধুবনে যাইতেছেন ! কৃষ্ণকে দেখিয়া রাধা সঙ্গীগণকে বলিতেছেন—

ছিছি সখি ! একিআলা,
খেয়ার মাঝি সেও যে কাল,
উপরে কালো মেঘের জাল,
কালো দেখি তাল তমাল ।
কালো দেখি মাথার চুল,
কালো দেখি বনের ফুল,
শিখীর পেখম কদম গাছে,
তাতেও কালোর চিহ্ন আছে ।
আমরা খত গোপের নারী,
কালো রূপ না দেখিতে পারি ।
কালার নৌকায় উঠতে ভয়,
সোনার অঙ্গ মলিন হয় ।
উঠব না আর কালার নায়,
সাত্রে নি সই যাওয়া যায় ।

উত্তরে সখীগণ বলিতেছে—

ছিছি সখি ! একি ব্যথা,
এই কি তোমার মনের কথা ?
খেয়ার নৌকায় হব পার,
মোদের কেন এই বিচার !
কালো মাঝির নাগে বাবে,
তাতেই অঙ্গ মলিন হবে ?
শ্রাম বিচ্ছেদে আকুল হলে,
কালো তমাল আলিঙ্গিলে,
তখন ত সই হওনি কাল,
আজ কেন এ মনের মলা !

হাতে লয়ে ফুলের সাজি ;
ডাকদিয়ে বলে, খেয়ার মাঝি ।
শীঘ্র শীঘ্র কর পার গলার কণ্ঠী পুরস্কার ।

কৃষ্ণ ধীরে ধীরে আনিয়া, খেয়া নৌকা পারের লাগাইলেন । কিন্তু পার হইতে নৌকা কিঞ্চিৎ দূরে রহিল । গোপবালাগণের সঙ্গে তাঁহার একটা কথা আছে । বোড়শী ব্রহ্ম যুবতীগণ, তখন ফুলের ডালা হাতে করিয়া যমুনার রক্ত সৈকতে দণ্ডায়মানা, চন্দ্রমণ্ডল যেন যমুনার খেয়ার ঘাটে নামিয়া দাঁড়াইয়াছে ।

কৃষ্ণ সে কথাটা বলিতেছেন—

শুনলো সুন্দরীগণ,
খেয়ার মাঝির নাছার পণ ।
বোল বছরের যুবতী ;
তোমরা যত রসবতী ।
নদীতে আজ তুফান ভারী,
একেই আমার জীর্ণ তরী,
তাইতে আমার বিষম ভয়,
তরীতে ভয় নাহি সয় ।
উলঙ্গ হয়ে যত ধনি !
তীরে রাধ বসন ধানি,
তাতে ও কিছু পাতল হবে
তরীতে মোর ভয় সহিবে ।

শুনিয়া গোপ যুবতীগণ চটিয়া লালা । কী—খেয়ার মাঝির এত বড় কথা ! উলঙ্গ হয়ে নৌকায় উঠতে হবে ? কৃষ্ণও ছাড়িবার পাত্র নহেন । তিনি যমুনার জল খেলার কথা তুলিয়া তাহাদিগকে কিছু উত্তম মধ্যম শুনাইয়া দিলেন । কথা গুলি বড়ই শিক্ষাপ্রদ কিন্তু অশ্লীল । সমাজে এমন অনেক বিষয় আছে, যাহা লজ্জাকর হইলেও কতক অভ্যাস দোষে, কতক চির প্রচলিত বলিয়া আমরা ত্যাগ করিতে পারিতেছি না; যাহা হউক এইখানে এই কয়েক ছত্র কবিতা তুলিয়া দিতে দ্বন্দ্ব রহিলাম । লজ্জা পাইয়া গোপযুবতীগণ কৃষ্ণকে অশেষ প্রকার অত্যাচার করিতে লাগিল ।

খেয়ার মাঝি আবার বলিল—

ফুল ভুলতে যাও পর বাগানে,
 চেয়ে দেখনা নিজের ধনে,
 অঙ্গে ফুটা কত না ফুল,
 সংসারে নাই ইহার মূল ।
 নয়ন দুটা অপরাধিতা,
 বাহু দুটা পদ্মের লতা,
 বদন যেন শতদল,
 ওষ্ঠ যেন বিহ্বফল,
 তোমাদের এই ফুলের মধু ;
 পিইতে পাগল ভ্রমরবধু ।
 নিজের ঘরে খুইয়া ধন,
 পরের ঘরে দিচ্ছ মন ।
 শুন আমার একটা কথা,
 মনে আমার আছে ব্যথা ।
 নিজের আমার বাগান নাই,
 পরের ফুলে উড়ে যাই ।
 আমি হলেম ধেরার মাঝি,
 তোমরা যৌবন ফুলের সাজি,
 মনে আমার দুঃখ তাই,
 পরসা কড়ি নাহি চাই
 যদি কর যৌবন দান,
 তবেই আমার বাঁচে প্রাণ ।

এইবার রাধা আর রাগ সামলাইতে পারিলনা, কী—

ছোট লোকের বড় কথা !
 প্রাণে বড় বাজল ব্যথা,
 ধেরার মাঝি, বাগের মালী,
 ছোট লোক, আর ঘাষের হালি ।
 নৌকাতে আর না উঠিব,
 সাঁতরে নদী পার হইব ।
 ধেরার মাঝির বেহায়াপণা,—
 চাইলে দিতাম কানের সোনা ।
 কোন মুখে চায় যৌবন দান,
 পরসা নানেয় নিবে ধান ।
 এক পরসার ধেরানী,
 যোর কেন এত কোটানী ?

ঠিক কথাইত, পরসা না নেয়, ধান নিবে, এক পরসার
 চাকর, তার কেন এত জাঁক ।

কথাগুলি শুনিয়া মালিনীর প্রতি. বিজ্ঞার রসের
 তিরস্কারটা মনে পরে । রাধা তখন সঙ্গিনীগণ সহ রাগের
 মাধুর সাঁতার দিয়া বসিল । যমুনার নীলতরঙ্গে
 যৌবন তরঙ্গ ভাসিল । নক্ষত্রমণ্ডল সহ চন্দ্র যেন যমুনা
 জলে ধসিয়া পড়িয়াছে । এমন সময়, সহসা বংশীধারীর
 মোহন বাঁশী বাজিয়া উঠিল । সেই বাঁশীর স্বরে যমুনা
 উজান বহিয়া চলিল, সেই উজান স্রোত ঠেলিয়া,
 অবলা গোপযুবতীগণ পারে যাইতে পারিল না,
 মধ্য নদীতে ক্লাস্ত দেহে তাহারা বিপদের কাণ্ডারী
 মধুসুদনকে ডাকল । এইবার মধুসুদন-কৃষ্ণ রসরঙ্গ
 ভুলিয়া, একে একে তাহাদিগকে আলিঙ্গন করিয়া
 নৌকায় ভুলিয়া লইলেন ।

এই ধানে কবিওয়ালাদের আর একটা অসাধারণ
 ক্ষমতার কথা না বলিয়া থাকিতে পারিলাম না । ঢোল
 সাহানা বাজিতেছে, গায়কগণ দ্রুত উচ্চারণে লহর টানিয়া
 যাইতেছে, সেই অবস্থায় এইরূপ সুদৃঢ় সঙ্গে মিল জুটাইয়া
 কবিতা রচনা করা অভ্যাসটা বোধ হয় কবিওয়ালাগণেরই
 নিজস্ব । পৃথিবীর সর্বশ্রেষ্ঠ কবিগণেরও বোধ হয় সে
 ক্ষমতা নাই ।

কবি রামগতি সম্বন্ধে একজন প্রাচীন সমজদার
 ব্যক্তি বলিয়াছিলেন—“দেশ রামগতিকে চিনিলা না ।
 তার এক একটা টপ্পার দাম লাখ টাকা । তাহার
 অসাধারণ শক্তির কথা, আমি শত মুখেও বলিয়া শেষ
 করিতে পারিব না । সে লেখা পড়া আদতে শেখে নাই,
 অথচ বাগ্দেরী যেন তাহার জিহ্বাগ্রে বাস করিতেন ।
 রামগতি যে লিখা পড়া জানিত না, আমি তাহা পূর্বে
 জানিতাম না । আমি একদিন তাহাকে কৃষ্ণিবাসী
 রামায়ণ পড়িতে দিয়াছিলাম, কারণ রামগতি সুকণ্ঠ ।
 রামগতি হাসিয়া বলিল, সরস্বতী আমার প্রতি সেক্ষপা
 করেন নাই । শুনিতে চান, আমি অমনি শুনাইব ।
 আশ্চর্যের বিষয় কবি তখন পুস্তক রাখিয়া তাহার কণ্ঠ
 গাঁথা নুতন রামায়ণ আমাকে শুনাইতে বসিল । আমি
 কৌতূহল বশতঃ একখানা খাতা লইয়া তাহার নুতন

রামায়ণ লিখিতে চেষ্টা করিয়াছিলাম। কয়েক ছত্র পর্য্যন্ত লিখিয়াছিলাম মনে পড়ে—

সুন্দর সরযু তটে অযোধ্যানগর।
দশরথ নামে তথা এক নৃশবর ॥
কৌশল্যা কেকয়ী আর সুমিত্রা সুন্দরী।
পরাক্রান্ত নৃপতির তিন পাটেখরী ॥

কয়েক ছত্র লিখিয়া আর পারিলাম না। ভাষা এমনি দ্রুত বেগে চলিতে লাগিল, যে তাহার সঙ্গে হাটিয়া যাওয়া দূরের কথা, ঘোড়ায় চড়িয়া যাওয়াও হুঃসাধ্য, কাজেই কেবল গুনিয়া গেলাম।”

আমি বলিলাম, এসব ছাড়িয়া কবি যদি, একখানা রামায়ণ লিখিয়া যাইতেন,—তবে দেশের অনেক উপকারে আসিত। তিনি আবার বলিলেন—পেশা ছাড়িয়া দিলে অন্ন জুড়ে কোথায়? কেবল নদীর জল খাইয়া রামায়ণ লিখা যায় না। তাতে আবার ময়ননসিংহ হেন যায়গা।—যেখানে মুদ্রা আছে, মুদ্রা যন্ত্র নাই, যে দেশের পদ্মাপুরাণ পশ্চিম বঙ্গের বটভলার আশ্রয়ে যাইয়া রক্ষা পাইয়াছে, সে দেশের কবির রামায়ণ, রচিত হইলেও জলা ভূমির কীট সকলের হাতে, লোক-লোচনের গোচরীভূত হইবার পূর্বেই সঙ্গতি লাভ করিত সন্দেহ নাই।

আমি আবার বলিলাম—কবি এমন আশ্চর্য্য প্রতিভা সম্পন্ন হইয়াও কেন এমন অশ্লীলতার আশ্রয় লইয়াছিলেন বুঝিতে পারিলাম না। তাহাতে সেই প্রাচীন সমাজদার ব্যক্তিগণ বলিলেন, স্বয়ং রামায়ণের সঙ্গে আমার এই বিষয় লইয়া কথা ছিল। রাম গতি বলিয়াছিল—

“প্রথম মস্থনে উঠলো সুধা
মিটলো লোকের ভব সুধা।
তাতেই সবে হারা দিশ্
অধিক মস্থনে উঠলো বিধ।—

এটা অধিক মস্থনের ফল। দেখুন দেবের নৈবেদ্য ও শূকরের খাদ্য উভয়ই সংসারে পাওয়া যায়। যাহার যাহা ইচ্ছা সে তাহাই আহাৰ করে।” গুনিলে আশ্চর্য্য হইবে, সঙ্গীত রচনায় তাঁহার এমন এক অসাধারণ ক্ষমতা ছিল যে পদ-যোজনা করিতে তাঁহাকে আদৌ ভাবিতে হইত না। একদিন নবমী নিশির আরতির শেষে আমি

বলিলাম—রামগতি, তোমার একটা মাল্‌সী গুনি। না ভাবিয়া না চিন্তিয়া সে অমনি আরম্ভ করিল—

“পায়ে ধরিরে নবমী নিশি, আর প্রভাত হইওনা,
তুমি প্রভাত হলে, নয়ন ধুলে, নয়ন তারা আর হেরব না,
আঁধার ঘরের চাঁদের আলো—বড় স্নেহের ধন উমা
হ'লে নয়ন তারা, উমা হারা, দেহেতে প্রাণ আর রবে না।
দুদিনের জন্ত পেয়েছি তারে, ভাল করে আজও হেরি না
(মায়ের চাঁদ মুখ খানি ভালকরে)

বল না হতে বোধন, করি বিসর্জন,

কেমনে এমন সুবর্ণ প্রতিমা।”

“গাইতে গাইতে তাঁহার কণ্ঠ রোধ হইয়া আসিল। আমি দেখিলাম, পদ-যোজনা করিতে তাঁহাকে বিন্দু মাত্রও ভাবিতে হইল না। জিজ্ঞাস্যে যেন সরস্বতীর অধিষ্ঠান। ভাব দেখিয়া মনে মনে স্বভাব কবির চরণে প্রণত হইলাম। মনে মনে তাঁহার পদধূলি লইলাম। বৃদ্ধের কথায় আমিও মনে মনে স্বভাব কবির চরণে, উদ্দেশে প্রণাম করিলাম।

কবি রামগতির উপমাগুলি বড় সুন্দর। তিনি মুহূর্ত্তে একটা মাত্র কথার শত শত উপমা দিয়া বসিতেন। সেই কথা গুলি যেমন মধুর তেমনি ভাবময়। যেন নদীতরঙ্গের মত, একটীর উপর আর একটা, উঠিয়া পড়িয়া খেলা করিয়া, কল কল ঢল ঢল ভাবে ছুটিয়া চলিয়াছে। কয়েকটা উপমা নিয়ে প্রদান করিলাম।

১। যেমন সুগৃহী আর সবিতা,
সুরভী আর সুমাতা।
কুলের কণ্ঠা কমলে
সংপুল আর, বেল ফুলে।
সতী নারী গঙ্গা জল ইত্যাদি।

২। কুপুত্র আর বলদে,
কুগৃহ আর গারদে,
কুভৃত্য আর কুকুরে,
কুসঙ্গী আর শূকরে।
অসৎ নারী বন্ধজল
হাটের বেত্না—মাকাল ফল ইত্যাদি।

- ৩। যেমন জলের শোভা কমলে,
চক্কের শোভা কাজলে,
ওঠের শোভা ভানুলে।
সতী নারীর পতি শোভা
কুলের শোভা ছাওয়ালে। ইত্যাদি।
- ৪। স্রোত হীনা তটিনী,
কুলহীনা ভামিনী,
শস্য হীনা মেদিনী—ইত্যাদি।
- ৫। মূর্খ পুত্র রাড়ী স্বী,
এর চাইতে আর দুঃখ কি ?
- ৬। যেমন জলের শোভা কমলিনী
পদ্মের শোভা ভানু।
তেমনি কুমুদিনীর চন্দ্র শোভা
রাধার শোভা কানু। ইত্যাদি।
- ৭। পেচক বাসে আঁধারে,
ময়লা বাসে শুকরে।
বায়স বাসে মাকালে,
হংস বাসে শৈবালে।
চাতক বাসে মেঘের জল,
গাধা বাসে ঘোলা জল।
পদ্ম কুলের মধু খুইয়া,
করী বাসে মৃগাল খাইয়া।
কুকার্যে কুলোকের মতি,
কুলটা বাসে পরের পতি।
চোঁরে বাসে পরের ধন
অসৎ পথে পাপীর মন। ইত্যাদি।

একদিন তনৈক কবিওয়ালা কবি রামগতিক প্রশ্ন করিয়াছিল, যে কলিতে জগন্নাথ কে? রহস্যচ্ছলে কবি উত্তর দিয়াছিলেন—

“যাঁর ঘরে আছে সতী নারী, গোলায় আছে ধান,
গোয়ালেতে ছুঁবতী ছুঁ করে দান।

পুত্র যাঁরে মেরে যাছ, অর্জে খাওয়ান ভাত,

যাঁর পুকুরে যাছ জল, সেই তো জগন্নাথ।”

আর একদিন ঢাকা জিলার একজন কবিওয়ালা
(জাতিতে শাখারী) কবি রামগতিকে জিজ্ঞাসা করিয়া—

ছিল—আকাশে ধূমকেতুর উদয় হয় কেন? কবি এই
বৈজ্ঞানিক প্রশ্নের মীমাংসা করিতে না পারিয়া রহস্যচ্ছলে
উত্তর দিয়াছিলেন—

যাঁর শব্দেতে দেবতা ভুট,

তারে কেটে করিস কয়,

সেই পাপেতে আকাশেতে

ধূম-লোচন উদয় হয়।

কবি রামগতির আর একটা অসাধারণ ক্ষমতা ছিল,
লোককে হাসাইতে হাসাইতে একবারে কাঁদাইয়া
ফেলিত। শেষ বয়সে কবি ঘোড়ায় চড়িয়া আসর গানে
বাইতেন। কিন্তু সে ঘোড়াটাও অধিকক্ষণ সোয়াবের ভর
সহ্য করিতে রাজী ছিলনা। দশ মাইল স্থান বাইতে
কবিকে পাঁচ মাইল হাটিয়া বাইতে হইত। একদিন কোনও
স্থানে বাইতে কবি ঘোড়াটাকে টানিয়া লইয়া বাইতে
ছিলেন। পথে একজন ভদ্র লোক রামগতিকে জিজ্ঞাসা
করিয়া ছিলেন—কি রামগতি ঘোড়াটাকে হাটিয়ে নাও
যে? কবি হাসিয়া বলিলেন—আর খানিক দূর যেরেই
কোলে করিব। এইরূপ রসের কথায় কবি পথের
লোককে পর্য্যস্ত অনাবিল আনন্দ দান করিতেন।

শৈশবে যে বালক মাঠে রাখাল বালকগণের সহিত
গরু চড়াইত, উত্তরকালে সেই, বালক আপন অসামান্য
প্রতিভার বলে, আবার বৃদ্ধ বনিতার হৃদয় ছুঁড়িয়া বসিয়া
ছিল। এমন কি ঢাকা জেলার বিক্রমপুর পরগণার
সমজদারগণ পর্য্যস্ত কবি গাহানা শুনিবার জন্য কবিকে
স্বস্ত ভবনে আহ্বান করিয়া লইতেন এবং তাহার স্মৃধুর
ভাবময় সঙ্গীতগুলি, বিভিন্ন জেলার কবিওয়ালাগণ
ক্রয় করিয়া লইত। রামগতির গান শুনিবার জন্য
লোকে দশ মাইল পথ হাটিয়া চিড়া মুড়ী খাইয়া বাইতেও
কষ্ট বোধ করিত না। আজও লোকে আশ্চর্য করিয়া
বলে, রামগতি নাই শুনিব কি!

এমন যে প্রতিভা সম্পন্ন লোক, তাহার শেষ দশা যে
কি ভয়ঙ্কর হইয়াছিল, তাহা শুনিতেও হৃৎকম্প হয়।
শেষ বয়সে কবি দাণ্ড বিশ্বাসের সেই অতুর্কর ভূমি
খণ্ড পরিত্যাগ করিয়া, আত্মীয় বান্ধবের নিকট হইতে
শেষ বিদায় গ্রহণপূর্বক, কিশোরগঞ্জ মহকুমার অন্তর্গত,

বড়াইল বাগারের নদী তীরবর্তী জন-মানব-শূন্য এক অশুখ বৃক্ষ বুলে আসিয়া আশ্রয় গ্রহণ করিলেন। সেখানে একখানি সামান্য পর্ণকূটীর বাঁধিয়া জীবনের শেষ করদিন কাটাইতে লাগিলেন। ক্রমে তাঁহার শেষ দিন নিকটবর্তী হইতে চলিল। কবি বুদ্ধিতে পারিলেন এ যাত্রা আর রক্ষা নাই, কালের হাত হইতে উদ্ধার পাইবার জন্য কবি জগন্নাথ মহাকালীর চরণে শরণ লইয়া গাহিয়াছিলেন—

“জল বিশ্ব জলে যেমন,
আছে দেহের মধ্যে জীবন তেমন—
রবেনা মা কখন ;
অন্তে রাখিস মা তব পদে এই নিবেদন ।
যেমন ধারা নিশির শেষে পদ্ম পত্রের জল,
জীবন তেমনি হয় চঞ্চল,
মা, মা গো ঘন ঘন বহে নিখাস,
এ জীবনে নাই গো বিখাস,

অনিত্য জীবনের আশা, আমার সকলি বিফল।”
কবি বুদ্ধিতে পারিলেন এ অনিত্য নখর জীবনের আর আশা নাই। জীর্ণ জীবন মন্দিরে, সর্ব-ধ্বংসকারী কালের অপ্রতিহত প্রভাব আসিয়া পৌঁছিতেছে ; অচিরেই তাঁহাকে বিশ্বের মায়াপাশ কাটিতে হইবে। তাব বুদ্ধিয়া কবি তখন গাহিয়াছিলেন—

“আমার বাকি কি আর গমনে,
যে দিন বাধবে এসে শমনে ।
আমার দিনের নাই বাকি,
তাইতে মা ডাকি, তারা তারা বলে বদনে ।
মাগো ! দীন বেশেতে যাব যে দিন,
নিকট হলো বিকট সে দিন,
সেদিনের আর বাকি কদিন,

আমার শেষ হয়ে এলো।”

গভীর রজনীতে একদিন কবির নিখাস মহাশূন্যে মিলাইয়া গেল। বলিতে বুক কাটিয়া যায়, যুযুঁ কবির শেষ পিপাসার তাহার ওষ্ঠে এক বিন্দু জল দেয়, এমন বন্ধু কেহ ছিলনা। একদিন সহস্র সহস্র লোক বাহার একটা যাত্রা কথা শুনিবার জন্য উদ্গ্রীব হইয়া থাকিত, আজ

তাঁহার এই শোচনীয় অসহার মৃত্যু ! একটা কীট পতঙ্গ অসহায়ে পড়িয়া মরিলে তাহারও জন্ম দুঃখ হয়, কিন্তু রামগতির এই শোচনীয় মৃত্যুতে ময়মনসিংহবাসীর প্রাণে একটু আঁচরও লাগে নাই।

কেহ চিনিল না, কেহ বুঝিল না, এমনি ভাবে অনাদরে আমরা, আমাদের দাণ্ডাধকে দীন বেশে নদীতীরে বিসর্জন করিয়া আসিলাম। অমর কবি মধুসূদনের শোচনীয় অসহার মৃত্যু বঙ্গের, শুধু বঙ্গের কেন, সমস্ত ভারতের দুর্ভাগ্য ; আর ময়মনসিংহের দাণ্ডায়ের মৃত্যু ময়মনসিংহের দুর্ভাগ্য। জানি না বিধাতার অভিশম্পাতগ্রস্ত ময়মনসিংহের ভাষা-সাহিত্য অহম্যা পাষণীর ঞায় কবে কোন মহাপুরুষের চরণ স্পর্শে আবার সঞ্জীবিত হইবে ! অনাদরে ময়মনসিংহের বহরত্ন হারাইয়াছে, চণ্ডীদাসই বল, আর রামপ্রসাদই বল, এ অঞ্চলে জন্মিয়াছিল সবই। জন্মে নাই—কেবল রসগ্রাহী ও গুণগ্রাহী ব্যক্তি।

শ্রীচন্দ্রকুমার দে ।

শুভ-দৃষ্টি ।

চতুর্থ পরিচ্ছেদ ।

গীতার উপদেশ ; চণ্ডীবাবুর বদাশ্রুতা, জীবনের উন্নতি, ভবিষ্যতের উপায়, গৃহীণীর কর্তব্য, এবং সর্বোপরি শৈবালের একাগ্রতা, সরলতা ও ধর্ম ভাব আলোচনা করিয়া আমি শৈবালকে জীবনের সঙ্গিনী করিলাম।

শিলং—লাবানে একখানা ক্ষুদ্র বাসা ভাড়া করিয়া ছুজনে থাকিতাম। ঠাকুর চাকর রাখিলাম না। শৈবাল ঠাকুর চাকরের স্থান অধিকার করিল। ঝরণার জল, মুক্ত সমীরণ, দূর পর্বতের বিচিত্র দৃশ্য, উশতাকার নগ্ন সৌন্দর্য্য সর্বোপরি শৈবানের নাম—আমাদের মনে অনন্ত শান্তি প্রদান করিতে লাগিল।

শৈবালের সঙ্গীত শুনিয়া পাড়ার সকলই মোহিত হইয়া গেলেন। তাঁহারা অনেকেই সন্ধ্যার পর আসিয়া

আমাদের কীর্তনে যোগদান করিতেন। এইরূপে অ.ম.দের Honey moon কাটিয়া বাইতে লাগিল।

একদিন আমাদের কীর্তন সম্বন্ধে আফিসে একটু মন্তব্য শুনিলাম। গৃহে আসিয়া শৈবালকে সাবধান করিয়া কীর্তন বন্ধ রাখিলাম। সন্ধ্যার পর আমাদের ভাবাপন্ন ২১ জন বন্ধু আসিয়া রসিষ্টেন। তাহাদের সহিত গীতা ও অন্যান্য ধর্ম গ্রন্থাদি পাঠ করিতাম। শৈবাল প্রকোষ্ঠান্তরে থাকিয়া তাহা শুনিত। গভীর রাত্রিতে শৈবাল গান করিত, আমি তন্ময় চিত্তে শুনিতাম।

একদিন শৈবাল বলিল—“আজ পাড়ার মেয়েরা সহরে বাইবেন। তাঁহারা আমাকেও বাইতে বলেন।”

আমি বলিলাম—“শিলিং লাবান হইতে দু মাইল নীচে এতদূর পাহাড়ের রাস্তায় তুমি হাটীতে পারিবে না।”


কোন দিন আমাকে বলিত, কোন দিন আমাকে বলিত না। এদিকে ধর্ম চিন্তায়ও তাঁহাকে যেন কিছু কিছু করিয়া উদাসীন দেখিতে লাগিলাম। বিলাসিতাটা ধীরে ধীরে যেন তাঁহার মানস ক্ষেত্র জুড়িয়া বসিতেছিল। একদিন সে আমাকে বলিল—“আপনার লম্বা দাঁড়ি, লম্বা চুল, ও লম্বা নখ গুলা ফেলে দিন। আমি বলিলাম—“এই লম্বা দাঁড়ি লম্বা চুলেরই কি তুমি একদিন আদর করিতে না!” শৈবাল লজ্জিত হইয়া বলিল—“ফেলে দিলে ভাল হ'য়ে পুনরায় উঠত।”

আমি আর কিছু বলিলাম না। আমি নিজের ভিতরও দেখিলাম অল্পে অনেকটা দৈন্ত্যতা প্রবেশ করিয়াছে। মানসিক অবস্থা পর্যালোচনা করিয়া ভগবানকে ডাকিলাম ভগবান—“তোমার ইচ্ছা পূর্ণ হউক।”

(২)

সন্ধ্যার পূর্বে গৃহের সম্মুখে উচ্চ শিলাধাণ্ডে বসিয়া জীবন নাটকের অন্ধ গভীরগুলি তন্ন তন্ন করিয়া বিশ্লেষণ করিতেছিলাম; সন্ধ্যে ছিল আমাদের আফিসের নবীন বাবু। নবীন বাবু আমার এক বয়সি, এতদিন এক সন্ধ্যেই ছিলাম, সংসার পাতিয়া পৃথক হইয়াছি।

ঝরণা হইতে প্রবল বেগে মহাশব্দে জল পরিত্যক্ত।



“উর্ধ্বে পর্কত গাত্রে পার্কত্য পল্লি, নিরে সুবিন্দু উপত্যকা ভূমি।”

শৈবাল বলিল—“তাঁহারা নাকি প্রায়ই এই পথ হাটীয়া বান।”

আমি বলিলাম—“তাঁহারা জান তা আমি জানি, তুমি এত দূর বাইতে পারিবে না।”

শৈবাল—“না গেলে তাঁরা কি মনে করিবেন?”

আমি—“তুমি যদি হাটীতে না পার, তবে আর তাঁরা কি মনে করিবেন।”

শৈবাল—“হাটতে পারব।”

আমি—“তবে যেও।”

এর পর—শৈবাল প্রায়ই পাড়া বেড়াইতে বাইত।

নিরে শিলংএর সুবিন্দু উপত্যকা ভূমি; উর্ধ্বে নিরে পর্কত গাত্রে পার্কত্য পল্লি। কোথাও নির ভূমিতে কোথাও উচ্চ ভূমিতে মেঘ-পুঞ্জ বিচরণ করিতেছিল। প্রকৃতির এই রম্য সৌন্দর্য্য আমার মনে অসুখাত্মক শান্তি প্রদান করিতে পারিতেছিল না।

নবীন অনেক কথা বলিল। আমি একান্ত মনে শুনিলাম। বাহা শুনিলাম তাহা চিন্তা করিতে হতকম্প হয়। চক্ষু জলে বন্ধ ভাসাইয়া নবীনকে সকল কথা জানাইলাম। নবীন বড়ই স্পষ্টবাদী। সে বলিল—তুমি তোমার জীবনকে নিজেই নষ্ট করিয়াছ। এখন হুঃখ করিলে কি

হইবে? আমি তোমার গীতা ভক্তির পরিণাম বড়ই বিষয় দেখিতেছি। বাস্তবিক যে পাবণ ধর্ম পত্রীকে তুচ্ছ করে—সে গীতা পাঠের অযোগ্য। আমি এতদিন যদি জানিতাম, তুমি পূর্বে আর একটা বিবাহ করিয়াছিলে, তবে কখনই এ ভণ্ডামির সমর্থন করিতাম না। এখন তোমাকে কিছুদিন পুড়িয়াই মরিতে হইবে, নতুবা প্রায়শ্চিত্ত হইবে না।

আমি চুপ করিয়া রহিলাম—বলিলাম বাস্তবিক আমি পাবণ, গীতার অবমাননা করিয়াছি—সতীলক্ষ্মীর অতি-সম্পাতে আমাকে পুড়িয়া মরিতে হইবে। আমি আকুল প্রাণে বলিলাম—“নবীন, তাই এখন আর ভৎসনা করিলে কি হইবে। আমাকে উপদেশ দাও।”

নবীন বলিল—“উপদেশ আর কিছুই নহে। অশান্তি, শান্তি সকলি ইন্দ্রিয়ের অধীন। অশান্তিকে মনে না আসিতে দেওয়াই শান্তি। পুনরায় সংসারত্যাগ করিয়া গীতা নিরা বাহির হও, শান্তি পাইবে। অথবা অশান্তিকেই শান্তি বলিয়া বরণ করিয়া লও, আপদ চুকিয়া যাইবে।

আমি নীরবে চিন্তা করিতে লাগিলাম। নবীন বলিল—“তুমি ত্রিশ বত্রিশ বৎসরের বুড়ো আর তোমার স্ত্রী বোড়শী যুবতী। তোমার কর্কশ গীতার উপদেশ কি তার উন্নত যৌবনকে প্রবোধ দিতে পারে? তুমি চন্দ্রশেখর হ'লে সে শৈবলিনী হবে এ আশ্চর্যের বিষয় কি? দাঁড়ি চুল কামিয়ে নবীন যুবকটি সেজে তার মনোস্তম্ভি কর—দেখবে গৃহে পুনরায় শান্তি আসিবে। সংসার প্রাঙ্গনে কি সন্ন্যাসীর আশ্রম খাপ খায়?”

নবীনের স্পষ্ট কথার আমি রাগ করিলাম না। বলিলাম—তাই ঠিক কথাই বলিয়াছ, কিন্তু উপায় কি? নবীন বলিল—“শৈবালের চরিত্র আমি জানি। চণ্ডীবাবু, তাঁহার গৃহিনী, ভেলে, মেয়ে সকলেরই চরিত্র প্রশংসনীয়। চণ্ডীবাবু সকলকেই সৎ মনে করিয়া আপনার ভাবেন। তাঁহার কণ্ঠাও ঠিক তাঁহারি মত সরল। সরল লোক নিজের ইষ্টানিষ্ট বুঝে না। তাঁহার পাছে বদলোক লাগিলে অতি সহজেই তাহাকে নষ্ট করিতে পারে। চণ্ডীবাবুর স্ত্রায় সরল ও ধার্মিক লোক এ জগতে হ্রস্ব। আমি চণ্ডীবাবুর অন্ন খাইয়া বিভ্রান্ত্যাস করিয়াছি।

জগদীশ প্রভৃতিও চণ্ডীবাবুর তুলে বর্জিত, এখনও তাঁহার বাসার নিঃসম্পর্কীয় বহু দরিদ্র ছাত্র প্রতিপালিত হইতেছে। এমন পিতার মেয়ে তোমার ভবিষ্যের অভাবে নষ্ট হইয়া যাইতেছে, বড়ই আক্ষেপের বিষয়।

আমি অনন্তোপায় হইয়া বলিলাম—“তুমি যাহা বলিলে তাহা ঠিক। এখন কি করিব?”

নবীন—“যাহাতে জগদীশ তোমার বাসা না মাড়াইতে পারে তাহাই কর। শৈবালকে বন্ধ কর, ধর্মোপদেশ দাও, কথাটা বুঝাইয়া বল। আমার স্ত্রী যদি তাহাকে কোন হিতোপদেশ দিতে যায়, তবে হিতে বিপরীত হইতে পারে। ইহা তোমারি কার্য্য। দ্বিতীয়—তুমি কয়েক দিনের জন্য গীতাখানা তুলে রেখে তোমার মতে ও তাহার মতে সামঞ্জস্য করিয়া সংসার চালাও। একেবারে তোমার মতও চালাইও না, একেবারে তার মতেও চলিও না। দেখা যাক কি হয়? আজ এই পর্য্যন্ত।”

আমি মনে মনে ভাবিলাম—“ভগবান তোমার ইচ্ছা পূর্ণ হউক।

(৩)

রাত ৮টা, বিছানায় শুইয়া আছি। শৈবাল আহার করিয়া আসিয়া কাছে বসিল।

আমি বলিলাম—“কাল দাঁড়ি ও চুলটা কেলে দিব। শৈবাল আমার লম্বা দাঁড়িটার হাত বুলাইতে বুলাইতে বলিল—“কাজ নাই।”

আমি—“তবে কেন সে দিন বলেছিলে?”

শৈবাল হাসিয়া বলিল—“বলেছি তাতেই কি দোষ হয়েছে?”

আমি—“তুমি একটা বলে না করা অস্ত্রায় বৈ কি?”

শৈবাল—“তবে আমি বললাম, কাটায়া হরকার নাই।”

আমি—“শৈবাল আমি আর আজ থেকে গীতা পড়ব না।”

শৈবাল—“সীতাত আপনার মুখই হইয়াছে, ও আর পড়া না পড়া সমান।” আর একটা ধর্ম পুস্তক পড়ুন শুনি।

আমি—“শৈবাল, আমি একটা কথা জিজ্ঞাসা করব, তুমি সত্য কথা বলবে?”

শৈবাল—“আপনার কি বিশ্বাস?”

আমি—“আমার বিশ্বাস তুমি সত্য বলবে।”

শৈবাল—“যদি আমি মিথ্যা বলি, তাও তবে আপনি সত্য বলে মর্মে করবেন,—না?”

আমি—“অবশ্য।”

শৈবাল—“তবে আর এই মুখবন্ধ কেন?”

আমি লজ্জিত হইয়া বলিলাম—“যাক্—তুমি এখন নবীন বাবুর বাড়ী হইতে “রামকৃষ্ণের জীবনী” খানা আমতে পার কি?”

শৈবাল দরজা খুলিয়া দেখিয়া আসিয়া বলিল—“বড় অঙ্কার. আপনি একটুক দাঁড়ালে দেখতে পারি।”

“আমি দাঁড়ালে আর তুমি কেন?”

“আচ্ছা” বলিয়া শৈবাল হাড়িখানটা লইয়া বাহির হইতে উদ্ভত হইল।

আমি বলিলাম—“কোন সাহসে তুমি এতরাত নবীন বাবুর বাড়ী বাবে, ছিঃ।”

শৈবাল অপ্রতিভ হইয়া বলিল—“আপনি বললেন তাই যাব।”

আমি—“আমি বলিই কি তুমি যাহার তাহার নিকট যাবে?”

শৈবাল—“আপত্তি কি?” আপনার আপত্তি না হ'লে, যাহার নিকট বলিবেন, তাহার নিকটই আমি যাইতে পারি। নবীন বাবুতো আপন লোকই।”

আমি—“নবীন বাবু তোমাদের আপন লোক কি প্রকারে?”

শৈবাল—“তিনি যে আমাদের বাসায় থাকিয়া পড়িতেন। আমাকে কত কোলে কাঁধে লইয়াছেন।”

আমি—“তোমার সঙ্গে কি এখানে আসিয়া তাঁহার দেখা হইয়াছে?”

শৈবাল—“না, তাঁর সঙ্গে দেখা হয় নাই। গত বছর মাঘ মাসে তিনি আমাদের বাসায় গিয়াছিলেন। সেখানে দেখা। এখানে তাঁর স্ত্রী আমাকে সকল কথা বলিয়াছেন।

আমি—“তোমার পূর্ব পরিচিত কাহারও সহিত এখানে আসিয়া সাক্ষাৎ হইয়াছে কি?”

শৈবাল—“আজ জগদীশ বাবু আসিয়াছিলেন।

তিনিই প্রায়ই আসেন। তিনি ঢাকার আমাদের বাসায় থাকিয়া পড়িতেন।”

আমি—“জগদীশ বাবু যে আসিয়াছিলেন ও আসেন, তাহা তুমি আমাকে বল নাই।”

শৈবাল—“আপনিওতো কখন জিজ্ঞাসা করেন নাই।”

আমি—“এ আমার কর্তব্য না তোমার কর্তব্য।”

শৈবাল হাসিয়া বলিল—“উভয়েরই কর্তব্য।”

আমি একটু ক্রোধভাবে বলিলাম—“আমার কর্তব্য কিসে?” শৈবাল বিমর্ষভাবে বলিল—“আপনি রাগ করিতেছেন।” আমি নম্রভাবে বলিলাম—“কর্তব্যের অবহেলা করিয়াছ, তাই রাগ হইতেছিল।”

শৈবাল বলিল—“আমি সারাদিন একলাটি বসিয়া যে, কাজ করি, সেখানে যখন যাই, যাহারা যখন আসেন যান, সকল বিষয়েরই কি প্রতিদিন নিকাশ দিই, না আপনি নিকাশ নেন? যদি নিতেন, তবে সেটা কর্তব্য বলিয়া মনে করিতাম, না দিলে ক্রটি হইত।”

আমি বলিলাম—“জগদীশ বাবু আসিয়া কি করেন?” শৈবাল—“তিনি গান শুনিতে চান, নানা রকম গল্প করেন।”

আমি উত্তেজিত হইয়া বলিলাম—“জগদীশ বাবুর এইরূপ আসা যাওয়া কি তুমি দোষের মনে কর না?”

শৈবাল—“না আমি তাহা দোষের মনে করি নাই। আমি বলিলাম—“জগদীশের সহিত আর কোথাও তোমার সহিত সাক্ষাৎ হইয়াছে?”

শৈবাল নিঃসঙ্কোচে বলিল—“আর একদিন তাহার বাসায়।” আমি উত্তেজিত কণ্ঠে বলিলাম—“তুমি এই দুই মাইল পথ পাহাড়ের নীচে গেলে কাহার অজুমতি লইয়া, কে তোমার সঙ্গে গিয়াছিল?”

শৈবাল নির্ভিক চিত্তে বলিল—“আপনার অজুমতি লইয়া পাড়ার অস্ত্র মেয়েদের সঙ্গে।”

আমার অত্যন্ত ক্রোধ হইল। আমি ক্রোধ চাপিয়া রাখিতে পারিলাম না। বলিলাম—“তুমি যে অভিযানে যাইবে, তাহা আমাকে জানাও নাই।”

শৈবালের মুখ লাল হইয়া গেল। সে বলিল—“আপনি অস্ত্র বলিতেছেন, আমাকে এরূপে কষ্ট দিবেন না।”

শৈবাল কখনও মিথ্যা কথা বলিত না। অস্ত্রায় হউক অথবা হউক, যাহা করিত নিঃসঙ্কোচে প্রকাশ করিত। ইহা আমি সর্বদাই লক্ষ্য করিতাম। পাছে আমার প্রশ্নের উত্তরে কোন নিদারুণ সত্য কথা বলিয়া ফেলে, তাই আমি সেদিন জগদীশ সঙ্কে আর কোন কথা উত্থাপন করিলাম না।

আমি শান্তভাবে বলিলাম— “তোমাকে জগদীশের নিকট দেখিয়া ও জগদীশকে তোমার নিকট দেখিয়া পাড়ার লোকে নানা কথা মনে করিতেছে।”

শৈবাল নির্ঝক চিন্তে বলিল— “লোকের কথায় আমার কি হইবে। আপনি কি মনে করিতেছেন?”

আমি বলিলাম— “পর জীব পর পুরুষের সহিত হস্ত পরিহাস করিতে যাওয়া অসঙ্গত, এ কথা কি তুমি অস্বীকার করিতে পার? তাহাতে আবার জগদীশ অবিবাহিত যুবক, তাহার সহিত নির্জনে অসময়ে হস্ত পরিহাস গল্পগুস্তব! ছিঃ শৈবাল, এই কি তোমার পিতা তোমাকে শিক্ষা দিয়াছেন!”

শৈবাল আমার পারে ধরিয়া বলিল— “আমার পিতা যেরূপ শিক্ষা দিয়াছেন, ভাল হউক মন্দ হউক, নিঃসঙ্কোচে তাহা পালন করি। আপনি নিষেধ করুন, করিব না। কথা সন্দেহ করিয়া আমাকে কষ্ট দিবেন না। আমার বাবাকে দোষী করিবেন না।”

আমি আপাততঃ চুপ করিয়া রহিলাম।

(ক্রমশঃ)

নিষাদল ।

বিশুদ্ধ নিষাদল বর্ণ ও গন্ধহীন কঠিন পদার্থ; লবণের অপেক্ষাও তীব্র আনান্দযুক্ত। জলে ইহা দ্রব হয় এবং ইহার জলীয় জীবন হইতে পাখীর পালকের সদৃশ অতি সূক্ষ্ম দানা বাধিয়া থাকে। উত্তাপ দিলে ইহা না গলিয়া একেবারে বাষ্পাকারে পরিণত হয়। এই বাষ্প শীতল হইলে পুনরায় কঠিন হইয়া পড়ে। এই গুণ আছে বলিয়া নিষাদল অপর কোন দ্রব্যের সহিত মিশ্রিত থাকিলে উত্তাপ দ্বারা সহজে উহা হইতে পৃথক করিতে পারা যায়।

বাজারে সাধারণতঃ যে নিষাদল পাওয়া যায়, তাহা অর্ধ স্বচ্ছ সুলভ বিশিষ্ট। ইহাকে সহজে ভগ্ন বা চূর্ণ করা যায় না। ইহা গুলিবার সময় জল বেশ লীতল হইয়া পড়ে। ১০ ভাগ নিষাদল ১০০ ভাগ জলে গুলিলে প্রায় ১৮ ডিগ্রি তাপ নামিয়া যায়। নানাবিধ দ্রব্যে রঙ ধরাইতে ইহার আবশ্যক হয়। টিন মিজিগণ ডাঙবাল দিবার সময় ইহা ব্যবহার করে। যে ধাতুর উপর ঝাল লাগাইতে হইবে তাহা উত্তপ্ত করিতে হয়। উত্তপ্ত করিলে তাহাতে মরিচা ধরে। নিষাদল দিলে ঐ মরিচা দূর হয় এবং টিন গলিয়া ধাতুর উপর বেশ শক্ত হইয়া লাগিয়া যায়। চিকিৎকসগণ ঔষধার্থে ইহার ব্যবহার করেন। সোড়া, ফটকিরি নানা প্রকার রং, নীলরঙ প্রভৃতি প্রস্তুত করিতে ইহার আবশ্যক হয়। রসশালার নানা রাসায়নিক প্রক্রিয়ায় ইহার ব্যবহার আছে। তাড়িত স্রোত উৎপাদক কোন কোন ব্যাটারিতেও ইহার আবশ্যক।

খৃষ্টীয় ৭ম শতাব্দীতে নিষাদল এলিয়া হইতে ইউরোপে নীত হইয়াছিল বলিয়া নির্দ্বারিত হইয়াছে। বৈজ্ঞানিক গণ মনে করেন যে এলিয়া বাসিগণ ইতিহাস।

ইহা আথেন্সস্থিত সন্নিবর্তিত প্রদেশ হইতে সংগ্রহ করত, কারণ আথেন্স গিরির অগ্নুৎপাত কালে ধাতুস্রাব-প্রবাহিত স্থানের কৃষ্ণ লতাধিধ্বংস দ্বারা ইহার উৎপত্তি হয়। এই স্বভাবজাত পদার্থই মানব প্রথম প্রাপ্ত হইয়াছিল। পরবর্তী কালে ঠিক কোন শতাব্দীতে তাহা বলা যায় না—মিশর হইতে নিষাদল ইউরোপে আমদানি হইত। মিশর বাসিগণ চুলীতে উষ্ট্রের বিষ্ঠা দগ্ধ করিয়া ইহা প্রস্তুত করিত। ইউরোপে ইহাই সাল আন্থনিয়াকম্ নাম প্রাপ্ত হইয়াছিল। কিন্তু আলেকজান্দ্রিয়ার প্রসিদ্ধ আল্ কেমিষ্ট বা রসশাস্ত্রবিদগণ লবণ ও সর্জিকাকারকে সাল আন্থনিয়াকম্ নাম প্রদান করিয়া ছিলেন। এই দুই পদার্থ মিশরের নিকটস্থ লিবিয়া বরু-ভূমিতে প্রচুর পরিমাণে পাওয়া যাইত। ঐ স্থানে জুপিটার-আমন নামে এক মিশরীয় দেবতার মন্দির বর্তমান ছিল। এই দেবতার নাম হইতে আল্ কেমিষ্টগণ লবণ ও সর্জিকাকারকে সাল্-আন্থনিয়াকম্ বা আমনদেবতার লবণ

নাম প্রদান করেন। মিশরে নিষাদল যখন প্রথম আবিষ্কৃত হইল, তখন ইহাকে সম্ভবতঃ নূতন সাল্ এই নাম দেওয়া হইয়াছিল। ইউরোপে লবণ, ও সজ্জিকাকারের পরিবর্তে নিষাদলয়ে সাল্—আম্মনিয়াকম নামে কেন প্রসিদ্ধি লাভ করিল, তাহা বলা যায় না। সাল্ আম্মনিয়াকম নাম ইউরোপে যাকে কিছু দিনের জন্য সাল্-আম্মনিয়াকম নামে পরিবর্তিত হইয়াছিল। কিন্তু পুনরায় সাল্-আম্মনিয়াকম নামই প্রচলিত হইয়াছে।

ল্যাটিন ভাষার গ্রন্থে সাল্-আম্মনিয়াকম নাম প্রাপ্ত হওয়া যায়। এই গ্রন্থ ত্রয়োদশ শতাব্দীতে লিখিত হইয়াছিল। অতএব দেখা যাইতেছে যে নিষাদল ইহার পূর্বে মিশর হইতে ইউরোপে আনীত হইয়াছিল। এই গ্রন্থে, নরমুক্ত ও লবণ সংযোগে ইহার উৎপাদন প্রণালী বর্ণিত আছে।

খৃষ্টের ১৭শ শতাব্দীতে রবার্ট বয়েল নামক সুপ্রসিদ্ধ ইংরাজ বৈজ্ঞানিক লিখিয়া গিয়াছেন যে পূর্বদেশে উষ্টের মূত্র হইতে সাল্-আম্মনিয়াকম প্রস্তুত করা হয়; কিন্তু ইউরোপে নরমুক্ত হইতে ইহা উৎপাদন করা হইয়া থাকে। এই প্রণালী প্রাচীন ভারতে জানা ছিল না।

ভারতবর্ষে এই দ্রব্য নবসার ও চুলিকালবণ নামে প্রসিদ্ধ হইয়াছিল। খৃষ্টীয় ত্রয়োদশ শতাব্দীতে লিখিত রসার্নব নামক গ্রন্থে ইহার উল্লেখ দেখিতে পাওয়া যায়। * রস-রত্নসমুদয় নামক রসায়ণ গ্রন্থে নিষাদলের উৎপত্তি ও গুণ সম্বন্ধে বিশেষ বিবরণ প্রদত্ত হইয়াছে। এই গ্রন্থ সম্ভবতঃ খৃষ্টীয় চতুর্দশ বা পঞ্চদশ শতাব্দীতে লিখিত হইয়াছে। ইহা হইতে জানা যাইতেছে, † কাষ্ঠ ও কোমল বংশ খণ্ড পচিয়া এবং ইষ্টকের পাকায় নিষাদল যে উৎপন্ন হয়, তাহা ভারতীয়গণ আবিষ্কার করিয়াছেন। কিন্তু নরমুক্ত ও লবণ যোগে ইহার উৎপত্তি প্রণালী ভারতে তখন জানা ছিল না।

উপরি লিখিত ইতিহাস পর্যালোচনা করিলে আমরা

* গন্ধ তালক সিন্ধু চুলিকাষ্টকং তথা। ২ম পটল। ২
গন্ধক, হরিভাল, সমুদ্রলবণ, চুলিকা ও টকম (সোহাগা)।
আম্বুরী টকগন্ধেব নবসার ভবেবচ। ১০ম পটল। ৮০-৮৪
সরিঙ্গা, সোহাগা ও নবসার।

† করীর পীলু কাষ্ঠেবু পচ্যমানেষু চোস্তবঃ।

কংরো সৌ নবসারঃ স্ফটিকালবণাভিধঃ ॥

নবসার ও সাল্ শব্দে এবং চুলিকা লবণ নামের সাহিত ইহার মিশরীয় উৎপাদন প্রণালীর বিশেষ সংযোগ দেখিতে পাই। অতএব ত্রয়োদশ শতাব্দীর পূর্বে নিষাদল মিশর দেশ হইতে ভারতবর্ষে আসিয়াছিল এরূপ অনুমান যে সমস্ত তাহা সকলেই স্বীকার করিবেন। ত্রয়োদশ শতাব্দীতে লিখিত ল্যাটিন ভাষার গ্রন্থেও সাল্-আম্মনিয়াকম নাম বর্তমান। ইহা দ্বারা বুঝা যাইতেছে যে একই সময়ে মিশর হইতে নিষাদল ইউরোপ ও এসিয়ার আনীত হইয়াছিল এবং সার বা সাল নামে প্রসিদ্ধি লাভ করিয়াছিল। “ইষ্টক দহন কালে ইহা জন্মায় বলিয়া ইহার চুলিকা লবণ নাম হইয়াছে”—রসরত্ন সমুদয়ে এইরূপ বর্ণনা আছে। কিন্তু ত্রয়োদশ শতাব্দীতে লিখিত রসার্নবে ইষ্টক দহনে ইহার উৎপত্তি হয় এরূপ উল্লেখ নাই। ইহা হইতে অনুমান হয় যে ইহার উৎপত্তি স্থান মিশর দেশীয় প্রণালী হইতে চুলিকা লবণ নাম প্রথম প্রযুক্ত হয়। এই নাম হইতে সন্দেহ পাইয়া সম্ভবতঃ ভারতীয়গণ অপরাপর চূনীতে ইহার অন্বেষণ করেন ও ইষ্টক দহনের পাকায় ইহার সাক্ষাৎ লাভ করেন। সেই জন্য পরবর্তী কালে ইষ্টক দহনের পাকায় উল্লেখ দেখিতে পাই। নবসার এক্ষণে নিষাদল নামেই ভারতে প্রসিদ্ধ রহিয়াছে দেখিতেছি। নিষাদল নাম কোথা হইতে ও কল্পে আসিল? পারস্ত ভাষায় নিষাদলকে নৌসদর্ বলে। নৌসদর্ বা নৌসদল্ যে ভারতে নিষাদল হইয়া পড়িয়াছে তাহা বুঝাইবার অধিক আবশ্যিক নাই। অতএব দেখিতেছি যে আধুনিক সময়ে মুসলমানগণ নিষাদল নাম ভারতে প্রচার করিয়াছেন। আচার্য্য প্রফুল্লচন্দ্র রায়ও

ইষ্টিকা দহনে স্ফটিক পাণ্ডুরং লবণং লঘু।

তদ্বৎ নবসারায়ং চুলিকা লবণং চতৎ ॥

রসেজ্ঞ জারণং লোহজাবণং ঞঠরাগ্নিকং।

শুল্ক পীহাস্তশোষণং ভূক্ত মাংসাদি জারণং ॥

কোমল বংশ ও পীলু কাষ্ঠ পচিলে নবসার নামে এক প্রকার কার উৎপন্ন হয়। ইহাকে চুলিকা লবণ বলে। ইষ্টক গোড়াইয়ার সময়ে লঘু, পাণ্ডুর বর্ণ এই লবণ জন্মে বলিয়া ইহার নাম নবসার ও চুলিকা লবণ হইয়াছে। ইহা পারদ পরিষ্কৃত করে, লৌহজন করে, এবং ঞঠরাগ্নি বৃদ্ধি করে। শুল্ক রোগ, পীহা ও মূত্রশোষ নষ্ট করে এবং ভূক্ত মাংস জীর্ণ করে।

মনে করেন, নবসার শব্দ পারসিক নৌসদর শব্দ হইতে আসিয়াছে । *

নিবাদলে নাইট্রোজান, উদজান ও ক্লোরিন এই তিন মূল পদার্থ বর্তমান । একটা নিবাদল অণুতে নাইট্রোজান (N) এক পরমাণু, উদজান (H) চারি পরমাণু ও ক্লোরিন (Cl) এক পরমাণু আছে । অতএব ইহার সাস্কেতিক নাম (N H 4 Cl) । দক্ষ চূনের পাথরের বা চূনের সহিত মিশ্রিত করিলে ইহা হইতে এমোনিয়া নামে এক বাষ্প উদ্ভূত হয় । এই বাষ্প অতি তীব্র একপ্রকার গন্ধ যুক্ত এবং জলে অত্যন্ত দ্রাব্য । উদ্ভিজ্জাত রক্তবর্ণ লিটমাসকে ইহা নীলবর্ণে পরিণত করে । এইজন্য ইহা আলকালি বা ক্ষার জাতীয় পদার্থ । এই বাষ্পকে বায়ু মধ্যে দক্ষ করা যায় না ; কিন্তু অম্লজান বায়ু মধ্যে ইহা পীতবর্ণ শিখা যুক্ত হইয়া দক্ষ হয় । শব্দ জ্রাবক (H cl), গন্ধক জ্রাবক (H₂ SO₄), সোরা জ্রাবক (HNO₃) প্রভৃতি জ্রাবকের সহিত সহজে মিশ্রিত হইয়া ইহা ভিন্ন ভিন্ন লবণ জাতীয় পদার্থ প্রস্তুত করে । শব্দ-জ্রাবক দ্বারা নিবাদল বা এমোনিয়াম ক্লোরাইড ; গন্ধক জ্রাবক দ্বারা এমোনিয়াম সল্ফেট ; এবং সোরা জ্রাবক দ্বারা এমোনিয়াম নাইট্রেট উৎপন্ন হয় ।

পাথুরিয়া কয়লা আবদ্ধ লৌহ পাথ্রে উত্তপ্ত করিলে উহা হইতে বাষ্পীয় পদার্থ বহির্গত হয় । এই বাষ্পে নানা প্রকার বাষ্পীয় পদার্থ মিশ্রিত থাকে । ইহাদের মধ্যে দুইটা—এমোনিয়া ও অম্লারাম বাষ্প । জলে এই দুই বাষ্প দ্রবণীয় বলিয়া কয়লা সত্ত্ব বাষ্প জলের মধ্য দিয়া সঞ্চালিত করা হয় । এই জলে এমোনিয়া বাষ্প ও অম্লারাম বাষ্প মিশ্রিত হইয়া এমোনিয়া কার্বনেট নামে যৌগিক পদার্থ উৎপন্ন করে । চূনের সহিত মিশ্রিত হইয়া ইহা হইতে এমোনিয়া বাষ্প উদ্ভূত হইলে উহা শব্দ জ্রাবকের মধ্যে প্রবেশ করান হয় । শব্দ জ্রাবকের সহিত এমোনিয়া মিশ্রিত হইলে রাসায়নিক ক্রিয়া দ্বারা নিবাদল উৎপন্ন হয় । বর্তমান কালে এই প্রক্রিয়া দ্বারা নিবাদল প্রচুর পরিমাণে প্রাপ্ত হওয়া যায় ।

শ্রীতারাপদ মুখোপাধ্যায় ।

তিব্বত অভিযান ।

টুনায় শীতকাল ।

পর দিবস ১০ই জানুয়ারী টুনায় ৪০০ সৈন্ত ও ৪ টা তোপ রাখিয়া জেনারেল সাহেব ফারীতে কিরিয়া গেলেন । আমি ও সেন মহাশয় টুনায় রহিলাম । রায় মহাশয় আমাদের সহিত নুতন চূষি পর্য্যন্ত আসিয়াছিলেন । এই সময় প্রবল শীত পড়াতে তিনি আমাদের সহিত আর অগ্রসর হইতে অনিচ্ছা প্রকাশ করেন । অগত্যা তিনি ঐ স্থানেই রহিয়া গেলেন ।

এই স্থানে অনেক জিজ্ঞাসা করিতে পারেন, আমরা ফারীতে এক আড্ডা বসাইয়াছিলাম । তবে টুনায় আবার উহার প্রয়োজন কি ছিল ? আমি পূর্বেই বলিয়াছি, টুনা তিব্বতের ঠিক প্রবেশ দ্বারে । এ পর্য্যন্ত তিব্বতীয়-দিগের বিষয়ে আমাদের কর্তাদের সম্পূর্ণ অল্প প্রকার ধারণা ছিল । তাহার মনে করিতে, উহারা অত্যন্ত দুর্ব্বল যোদ্ধা । তাহার পর আবার শুনিয়াছিলাম যে, টুনায় অদূরে বহুসংখ্যক তিব্বতীয় সৈন্ত সংগৃহীত রহিয়াছে । এই জন্য আমরা আর অগ্রসর হওয়া যুক্তি সঙ্গত মনে করিলাম না । সামান্য সৈন্ত লইয়া খাস তিব্বতের মধ্যে প্রবেশ করা যুক্তিযুক্ত কিনা তাহার অনুসন্ধানের জন্য আমরা তিব্বতের প্রবেশ পথে কয়েক দিনের জন্য অবস্থান করা উচিত মনে করিয়াছিলাম । শত্রুর রাজ্যে অল্প সৈন্ত লইয়া শিবিরের মধ্যে থাকা নিরাপদ নয় বলিয়া টুনায় এই অস্থায়ী দুর্গ নির্মিত হইয়াছিল । এ পর্য্যন্ত আমরা তিনটি স্থানে অস্থায়ী দুর্গ নির্মাণ করিয়াছিলাম । নুতন চূষি, ফারী ও টুনা । ইহাদের মধ্যে প্রথমোক্ত স্থানের শীত বিশেষ কষ্টদায়ক ছিল না । তিব্বতীয়েরা কিন্তু বলিল, এবার তিব্বতে শীতের প্রকোপ বড় কম । হইতে পারে, কিন্তু আমার নিকট ফারী ও টুনায় শীত এক প্রকার অসহ্য মনে হইত ।

আজ বেলা দুইটার পর হইতে বরফ পড়িতে আরম্ভ করিল । রাত্রে হাড়তাল শীত বোধ হইল । ডাক্তার সাহেবের পরামর্শে আজ আমরা রাত্রে শুড়ার চামড়ার ধলির ভিতর শয়ন করিলাম । ইহাতে শ্বশ ও মস্তক

ছাড়া আর সমস্ত দেহ ধলির মধ্যে থাকে। পূর্বেও কয়েকবার ইহা ব্যবহার করিবার জন্য অসুস্থ হইয়াছিলাম, এতদিন ব্যবহারের সুযোগ হয় নাই। আজ ব্যবহার করিলাম। প্রথম প্রথম বাধ বাধ ঠেকিতে লাগিল কিন্তু শীঘ্রই ঐ ভাব দূর হইল।

এ দেশে বেলা নয়টার আগে প্রাতঃকাল হয় না। ৯ টার পরে সূর্য্যদেব দেখা দেন। এই জন্য সাধারণতঃ ১০ টার আগে কেহ শয্যা ত্যাগ করে না। ইচ্ছা হইলেও দারুণ শীতের জন্য সম্ভবপর হয় না। আমি চিরদিন ব্রাহ্মমুহূর্ত্তে শয্যা ত্যাগ করিতাম। কিন্তু এখানে সে অভ্যাস ছাড়িতে হইল। শেষে এমন হইল যে চাকর যখন নয়টার সময় গরম চা লইয়া ডাকাডাকি করিত, তখন অত্যন্ত বিরক্তি বোধ করিতাম। এক এক দিন তাহাকে প্রহার করিবারও ইচ্ছা হইত। এক এক দিন তাহার হাত হইতে চা'র পেয়লা লইয়া ছুড়িয়া ফেলিয়া দিতাম। কোনও কোনও দিন অনেক ডাকাডাকিতেও না উঠাতে চাকর, চার পেয়লা টেবিলের উপর রাখিয়া চলিয়া যাইত। ষট্টি খানেক পরে উঠিয়া দেখিতাম চা'র উপর বরফের সর (Ice-cream) জমিয়া গিয়াছে।

বরফের এইরূপ দৌরাণ্য প্রায় সর্বদাই সহ্য করিতে হইত। এক দিন আকিসে যাইয়া দেখি দোয়াতের মধ্যে একখানা বরফ রহিয়াছে। আর একদিন নয়টার সময় উঠিয়া এক ষটি গরম জল লইয়া শৌচ কর্ণে গেলাম, সে দিন পায়খানায় আমাকে ২০।২৫ মিনিট থাকিতে হইয়াছিল, জল-শৌচের সময় দেখি ষটির মধ্যে জল আদৌ নাই— এক চাপ বরফ জমিয়া রহিয়াছে। আর একদিন প্রাতঃকালে চাকর না থাকিতে নিজেকেই তামাক গাণ্ডিতে হইল। গড়গড়ার উপর কলিকা বসাইয়া টানিতেছি, শব্দ নাই। প্রথমে ভাবিলাম, গড়গড়াটা বন্ধ হইয়া রহিয়াছে, শেষে কিন্তু আবিষ্কৃত হইল—গড়গড়ার সমস্ত জল বরফ হইয়া গিয়াছে। এইরূপ ঘটনা মধ্যে মধ্যে প্রায়ই হইত।

এই অভিযানের সময় ১১ টা হইতে ১ টা বা ২ টা পর্য্যন্ত আকিসের কাজ করিতে হইত। তাহার পর আহারাদি করিতাম। তাহার পর প্রায়ই বেড়াইতে যাইতাম। প্রবল শীত ছিল বটে, কিন্তু জড় ভরতের মত

বসিয়া থাকিতে ইচ্ছা হইত না। এই পাহাড়ে হাওয়ার এমন কিছু ছিল, যাহার জন্য আমরা সকলেই শ্রমসহিষ্ণু হইয়া পড়িয়াছিলাম। এক স্থানে অনেকক্ষণ বসিয়া থাকিতে পারিতাম না। শিকার করিবার হুকুম না থাকিতে বড় কষ্ট হইত, সময় কাটান বড় কঠিন হইত। মাঝে মাঝে পুস্তকাদি ও সংবাদপত্র পাইতাম বটে, কিন্তু তাহাতে অধিকক্ষণ মন লাগাইতে পারিতাম না। একটা হারমনিয়ম সঙ্গে লইয়া গিয়াছিলাম। সন্ধ্যার পর প্রায়ই তাহার সহিত আলাপ পরিচয় করিতাম। কলিকাতার ডাক সপ্তাহে একবার মাত্র পাইতাম।

এ বৎসরে এখানে নাকি প্রয়োজনাক্রম বরফ পড়ে নাই; তাহার জন্য অধিবাসীরা বিশেষ চিন্তিত হইয়া পড়িয়াছিল। কারণ এখানে বৃষ্টিপাতের পরিমাণ অত্যন্ত কম হেতু চাষ প্রভৃতির সুবিধা বরফ পাতের উপর নির্ভর করে। এবার বরফ পাত কম হওয়ার এখানকার লোকদের বিশ্বাস, এই কম বরফ পাতের জন্য আমরাই দায়ী। দারজিলিং হইতে টুনা পর্য্যন্ত আমরা তার বসাইয়াছিলাম বটে, কিন্তু অনেক সময় হেলিও-গ্রাফের (Heliograph) সাহায্যও গ্রহণ করা হইত। এই যন্ত্র নিম্ন লিখিত প্রকারে পরিচালিত হইত। একটা উচ্চ পর্ব্বতের উপর অগ্নি আলিয়া তাহার সন্মুখে একখানা দর্পণকে নানা প্রকারে নাড়া হইত। তিন ২ কথা বুঝাইবার জন্য তিন ২ সঙ্কেতিক কথা আছে। এই প্রথা পার্শ্ব প্রদেশেই সম্ভব। সাধারণতঃ ইহা রাত্রি কালে ব্যবহৃত হয়। অধিক দূর হইলে দূরবীক্ষণের সাহায্যে সঙ্কেত পাঠ করা হয়। অজ্ঞ তিব্বতীয়েরা মনে করিত যে, এই যন্ত্র দ্বারা আমরা এদেশের বরফ পাত বন্ধ করিয়া দিয়াছি। একদিন টুনার কয়েকজন অধিবাসী আসিয়া আমাদের সন্নিবেশে অসুস্থ হইয়াছিল যে, আমরা যেন দয়া করিয়া বরফ পড়াটা একবারে বন্ধ করিয়া না দিই।

আমরা তাহাদের প্রার্থনার কর্ণপাত না করিলেও ভগবান করিলেন। কয়েকদিনের মধ্যে ধুব বরফ পড়া আরম্ভ হইল। বাঙ্গলা দেশের বৃষ্টির মত অবিশ্রান্ত পড়িতে লাগিল। সাত আট দিন পর্য্যন্ত সূর্য্যদেব সম্পূর্ণ অদৃশ্য রহিলেন। তারপর ছুই একদিন ঈষৎ রোদ্দ দেখা দিল।

আবার কয়েকদিবস পর্যন্ত সেই ভাবে রহিল। বাহিরে বেড়াইতে যাওয়া একরকম বন্ধ হইল। আমি ও সেনতা আমাদের ছোট ঘরটির মধ্যে বসিয়া হয় তামাক ভস্ম করিতাম, নতুবা দাণ খেলিতাম। ইংরাজি প্রবাদ আছে,—সর্কাপেকা হুহু কাৰ্যা—কোনও কাজ না করা। কথাটার অর্থ আজ আমরা সহজেই বুঝিতে পারিলাম।

শ্রীঅতুলবিহারী গুপ্ত ।

প্রজাপতির নিবন্ধ ।

কৃপমণ্ডক আপনার ক্ষুদ্র গতি হইতে একেবারে লাগরের সীমাহীন বারিরাশির মধ্যে যাইয়া পড়িলে তাহার যে ছরবস্থা হয়, সুদূর নির্জন পল্লিকক্ষ হইতে বিপুল জনমানবের মীর্ণ কলিকাতার ত্রিতল অট্টালিকায় প্রবেশ করিয়া সরোজকুমারেরও সেইরূপ অবস্থা দাঁড়াইল। নবীন যুগের নবীন সভ্যতার উজ্জল আলোক প্রভা তার অন্ধময় পল্লিকক্ষকে বলসাইয়া দিবে, ইহা আর বিচিত্র কি? সরোজ সন্ধ্যার পর প্রতিদিন ভিতর হইতে গৃহ-দ্বার বন্ধ করিয়া কার্ডবোর্ডে—

“সন্ধ্যা ৬টা হইতে ৭।০টা উপাসনা”—লিখিয়া তাহার দরজার উপর ঝুলাইয়া দিত। সন্ধ্যার স্নানোচ্ছল আলোকরাশি যখন রজনীর অন্ধকারে ডুবিয়া যায়, সরোজের হৃদয় আকাশ তখন এক নবীন আশার আলোকে সমুজ্জল হইয়া উঠে, অন্তরবীণার এক বিচিত্র রাগিনী ধ্বনিত হইয়া উঠে এবং চক্ষুর সম্মুখে এক তেজোদীপ্ত এবং গর্ভ স্ফীত মূর্তি উদ্ভাসিত হইয়া উঠে।

সন্ধ্যা ৬টা—৭।০টা সরোজ যাহার উপাসনার ব্যাপ্ত থাকিত, সে সরোজের প্রতিবেশি কত্তা—কমলা। সরোজ এই দেড় ঘণ্টা কাল বাতায়ন সম্মুখে আরাম কেশরায় শয়ন করিয়া তৃপ্ত নেত্রে এই কিশোরীর রূপসুধা পান এবং সন্ধ্যাত সুধা উপভোগ করিত।

কমলার আরত আঁখির স্নিগ্ধ দৃষ্টি সরোজের সর্কনাশ ডাকিয়া আনিল,—তার নীলারিত দেহের ললিত গতি সরোজের বুকে এক নবীন রসের ঢেউ তুলিয়া দিল,—

আর তার যধু কণ্ঠের সুধা-গীতি রঙীন নেশার সরোজের চিত্ত ভরপুর করিয়া তুলিল।

ভগবন্তের প্রিয় শিষ্যের মত যতই দিন বাইতে লাগিল, ততই তার উদগ্রীব আগ্রহ রাশি ভগ্নীকৃত পুণ্যের মত তাহাকে তাহার আকাঙ্ক্ষিত স্বর্গের জন্ত নিতান্তই লালা-রিত করিয়া তুলিল—অবশেষে সরোজ স্থির করিয়া ফেলিল, যেমন করিয়াই হউক—কার্য্য করিতেই হইবে।

(২)

সে দিন সরোজ তাড়াতাড়ি কলেজ হইতে চলিয়া আসিয়াছে—কির সাথে Engagement. কিন্তু সরোজের আগ্রহ বুঝিয়া কি চলে না সুতরাং এ অসময়ে তার দর্শন পাওয়া একপ্রকার অসম্ভব। সরোজ তীর্থের কাকের মত কি'র প্রতীক্ষা বসিয়া রহিল।

সময় তার আর কাটে না। নির্কাসিত মানবের দিনগুলি কুরাইতে চাহে না, মৃত্যুর ভয়ালদণ্ড যার মাথার উপর ঝুলিতেছে তার প্রতি দণ্ড বৎসরে পরিণত হয়, আর মিলনাগ্রহব্যাকুল যুবকের বুকে ব্যথা হানিবার জন্তই মূর্ছভঙলি যেন ধীরে ধীরে পা টিপিয়া টিপিয়াও সরিতে চাহে না।

সরোজেরও সেই অবস্থা—কির আগমনে যতই বিলম্ব হইতে লাগিল, তার মনের উদগ্রীব আগ্রহ ক্রমে বর্ধিত হইয়া তাহাকে ততই পীড়া দিতে লাগিল। এমন সময়ে তপ্তহৃদয়ের মরু-নন্দনসম কি আসিয়া সরোজের সম্মুখে উপস্থিত হইল। সরোজ তাহাকে আপন নিভৃত কক্ষে ডাকিয়া ধীরে ধীরে ভিজাসা করিল—

‘বলি কি, কোন খোঁজ খবর করতে পারলে কি?’ কি তার স্বাভাবিক উচ্চকণ্ঠ যথাসাধ্য সংযত এবং সংহত করিয়া,—বাম হস্ত খানা পৃষ্ঠদেশ বিলম্বিত করিয়া, সম্মুখের দিকে হেলিয়া, তর্জনী ঘুরাইয়া বলিল—“তা পেরেছি বই কি? কিন্তু তোমার এই ঘটকালির জন্ত আমায় কি বকসিস্ দেবে বল!”

সরোজ উচ্ছ্বসিত কণ্ঠে বলিল—“তা যদি সব ঠিক করে দিতে পার ত, আমার সাথে যা কুলার, আমি তোমার সন্তুষ্ট করে দেব।”

কি—“তবে এখন একটু মুখ মিষ্টি করে দাও?”

সরোজ বুঝিল কি যে ধবর আনিয়াছে, তাহাও নিশ্চয়ই মিষ্ট এবং মধুর । একটি রৌপ্যমুদ্রা কির হাতে ওঁজিয়া দিয়া সরোজ বলিল—“বল, ধবর কি ?”

কি—“ধবর যে ভাল, এই রূপার চাক্টিই তার প্রমাণ ।”

সরোজ উদ্ভিগ্ধচিত্তে বলিল—“আর ঠাট্টা করোনা কি, সত্যি করে বল, ব্যাপার খানা কি ?”

কি—“ওগো ঠাট্টা নয় গো ঠাট্টা নয়—এই মাসের ভেতরেই তোমার ‘আইবর’ নাম যুচবে—বুঝলে ? গিন্নি ত রাজি । রাজি বলে রাজি, যেন হাতে হাতে স্বর্গ পেলে । তোমার মত সোনার চাঁদ ছেলে পেরেও যদি সন্তুষ্ট না হবে, ত হবে কিসে ? তা আমিই কি আর তোমার কথা কম করেছি ? এমন ছেলে হাত ছাড়া করলে শেষে হার আপশোষ করবে—এই সব বলে করে গিন্নির মন ভঞ্জেছে । তা তুমি নিশ্চিন্তি থাকতে পার, আমি ঠিক বলছি গিন্নির যা রকমদেখলুম তাতে বাবুর মত না হয়ে যার না—তুমি কালই সব জানতে পাবে এখন ।”

সে রাত্রে অনেক চেষ্টা সবেও সরোজের ভাল ঘুম হইল না । অর্দ্ধ জাগ্রত অবস্থায় যে স্বপ্নরাজে বিচরণ করিয়া ফিরিল । তাহা কত বিচিত্র, কত মোহময়, কত মধুময়, কত আশাতীত, কত কল্পনাশীত, কত আনন্দময় ! কত আশা, কত আকাঙ্ক্ষা লইয়া তার ভবিষ্যৎ জীবনের মধুময় চিত্র সে গড়িয়া তুলিতে লাগিল,—তার রঙীন বাসনারাশি তাহাকে যে কল্পলোকের রাজাসন দান করিল, সে দেখিল, তাহার পাশে রাণীর আসনে উপবিষ্ট তার সেই প্রতিবাসী কন্যা—কমলা ।

(৩)

পরদিনস কি আসিয়া তার মিশিলিঙ্গ কালো দাঁত-গুলি বিকশিত করিয়া যখন সরোজকে ওভসংবাদ দান করিয়া তার ঘটকালির স্বার্থকতার উপযুক্ত পুরস্কারের কথা পুনঃস্মরণ করাইয়া দিয়া গেল, তখন রাত ৯টা । সরোজ তখনই বাড়ীতে বৌদিদির নিকই চিঠি লিখিতে বলিল—

প্রিয়পুত্র—

বৌদি, আজ অনেকদিন পর বহু নজির পত্র লইয়া

তোমার ঘরে উপস্থিত হইতেছি, আমার উপস্থিত মোকদ্দমার উকীল তোমাকেই স্থির করিয়াছি—নতুবা আর কেউ আমার পক্ষে দাঁড়াইয়া কৃতকার্য হইবে তেমন ভরসা দেখি না । তোমার হাতে সব সমর্পণ করিয়া আমি অনেকটা নিশ্চিন্ত হইলাম ।

সত্যি বৌদি, সংসারে যার বৌদি নাই তার যেন কিছুই নাই ! এমন মধুর সম্পর্ক দুনিয়ার আর কিছু আছে বলিয়া জানি না । একদিকে তোমরা আমাদের পূজনীয়, অপরদিকে তোমরাই আমাদের হস্ত পরিহাস, ক্রীড়া কোঁড়কের সঙ্গিনী । তোমরাই আমাদের স্তায় শুক নীরস মরুস্থলদয়ে করুণার শান্তিফল সিঞ্চন করিয়া থাক—তোমরাই আমাদের ভবিষ্যৎ জীবনে আশার উজ্জল আলোক জালিয়া থাক । তোমরা না থাকিলে কি এ সংসার—সংসার হইত ?

আজ আমি যে কারণে তোমার কাছে উপস্থিত—চিন্তা করিয়া ইহার গুরুত্ব বুঝিতে চেষ্টা করিও—আমার বিকৃত মস্তিষ্কের খামখেয়ালী ভাবিয়া হাসিয়া উড়াইও না ।

হয়ত শুনিয়া সুখী হইবে যে পূর্বের মত বিবাহে অনিচ্ছা বা অরুচি আমার আর নাই । এতদিন তোমাদের শত পীড়াপীড়ি সবেও আমি বলিয়া আসিয়াছি, বি, এ পাশ না করিয়া বিবাহ করিব না । তার উপর ইহাও আমার চিরকালের ইচ্ছা যে যাহাকে চিরকালের অন্ত জীবন সঙ্গিনী করিতে হইবে, যে ধর্ম্মে কর্ম্মে সমাজে সর্বদা আমার একমাত্র অবলম্বন হইবে, তাহাকে অমন হঠাৎ কেবলমাত্র পিতামাতার কথার উপর নির্ভর করিয়া সম্পূর্ণ আত্মসমর্পণ করিতে পারি না ।

সত্য কথা বলিতে কি বৌদি, আমি সেরূপ এক বিবাহ স্থির করিয়া বাসিয়া আছি, এখন তোমাদের অস্বমোদন হইলেই হয় । তুমি একটু চেষ্টা করিলেই সকলের মত করাইতে পারিবে, ইহাই আমার বিশ্বাস—তাই বলিয়াই তোমাকে ব্যারিষ্টার নিযুক্ত করিয়াছি ।

আমি যে পরিবারে বিবাহ স্থির করিয়াছি, তাহা কলিকাতার সম্মানিত এবং সম্ভ্রান্ত পরিবার । মেয়েটির নাম কমলা—সাক্ষাৎ কমলারই মত সে দেখিতে, তাহার দিব্য মোহন কান্তি, তার বিচিত্র মধুর অঙ্গ সৌষ্ঠব, তার

সুখা নিশ্চিন্ত কর্তব্য—সত্য কথা বলিতে কি বৌদি, তোমার নারীহৃদয়কেও চঞ্চল করিয়া তুলিবে—পুরুষ ত কোন ছার ! তার রূপের চাইতে গুণের প্রশংসা আমি বেশি করি। তার সুন্দর শাস্ত স্নিগ্ধ স্বভাবখানি যাহাকে সম্মুখে পায়, তাহাকেই আপন করিয়া লইতে চায়। সে একাধারে যেমন গান গাহিতে এবং বাজাইতে পারে—তেমনই উল, কার্পেট, কামিজ, বডিস প্রভৃতি সেলাইর কাজও যথেষ্ট জানে—মোটের উপর তোমরাও তাহাকে পাইলে সুখী এবং সন্তুষ্ট হইবে একথা আমি নিঃসন্দেহে বলিতে পারি। আমার মুখে তার অধিক প্রশংসা অশোভন দেখায় বলিয়াই এখানে ধামিতে বাধ্য হইলাম। আমার বিশ্বাস কমলা সত্য সত্যই আমার গৃহে কমলার আসন প্রতিষ্ঠিত করিবে। তার বয়সের কথা হয়ত জানিতে চাহিবে। আমাদের সমাজে যেরূপ কচিখুকীর প্রচলন আছে, আমি সেরূপ পছন্দ করি না—পছন্দ করি না বলিয়াই যাহাকে বাছিয়া বাহির করিয়াছি, সে পূর্ণ-যৌবনা বোড়শী ! যাহাকে লইয়া জীবনের হৃৎস্পন্দ সুখের মীমাংসা করিতে হইবে, সে যদি পূর্ণ বিকশিত বুদ্ধি না লইয়া আমার নিকট আসিল, তবে কেমন করিয়া তাহা সন্তুষ্ট হইবে ?

তোমাকে মনের কথা বলিতে আমার আপত্তি হওয়া উচিত নয়, তাই বলি কমলাকে যদি আমার করিতে না পারি, তবে আমার জীবন মরুভূমিতে পরিণত হইবে, সংসার আমার নিকট বিষময় বলিয়া মনে হইবে এবং ভবিষ্যৎ আমার নিকট নৈরাশ্রের অন্ধকারে মজ্জমান বলিয়া প্রতীত হইবে। বৌদি, যেমন করিয়া হউক মা, বাবা এবং দাদার মত তোমাকে করাইতে হইবে। এদিকে আর যা কিছু, সবই আমি স্থির করিয়াছি—কমলার মা, বাবা আমাকে তাহাদের আপন করিয়া লইতে নিতান্তই উৎসুক।

আমি তোমার পত্রের প্রতীকার রহিলাম। পূজ্য পূজনীয়দিগকে আমার প্রণাম দিও এবং নিও। আমি ভাল, বাড়ীর সকলের কুশল সংবাদ লিখিতে তুলিওনা। ইতি।

তোমার স্নেহের
সরোজ

পুঃ—মা, বাবা এবং দাদার মত জানিয়া পত্র পাঠ উত্তর দিতে ক্রটি করিও না।

(৪)

সরোজ ছুইখানা চিঠি পাইল। একখানা সরোজের পিতা লিখিয়াছেন, অপর খানা তার বৌদির চিঠি—ভারী মোটা খামে। বউ দিদির চিঠি খানা সরোজ আগে খুলিয়া পড়িতে লাগিল। তিনি লিখিয়াছেন—

“স্নেহের ঠাকুর পো, তোমার চিঠিতে আশাতীত সংবাদ পাইয়া আনন্দে উৎফুল্ল হইলাম। কবে তোমার অঙ্ক লক্ষ্মীকে তোমার পাশে দেখিয়া সুখী হইব, সেই দিন গুণিতেছি।

তুমি যে স্বয়ং-বর হইতে বাইতেছ এ সংবাদে আমি যতটা সুখী হইয়াছি, আর কেউ ততটা সন্তুষ্ট হইতে পারেন নাই। কারণ তাহাদের ক্রটি নিতান্তই সেকেলে ধরণের। এতদিন যাহাকে এত অমূল্য বিনয় করিয়াও কিছু করিয়া উঠিতে পারিলাম না, জাহার সহসা এই মতি পরিবর্তনে সকলেই যে সুখী, সন্তুষ্ট এবং আশ্চর্যান্বিত হইয়াছেন, একথা লেখাই বাহ্যিক।”

চিঠিখানি যতই পড়িতে লাগিল সরোজের অন্তর ততই আনন্দে পুলকিত হইয়া উঠিতে লাগিল।

“তুমি যে কমলার কথা লিখিয়াছ সে যে তোমারই উপযুক্ত একথা আমি সহস্রবার স্বীকার করি। এমন কি মা'কে পর্যন্ত তার কথা এমন ভাবে বলিয়াছি যে তিনি বলিয়াছেন ‘আহা, এমন লক্ষ্মী বোমা কি আমি পাব ?’ তুমি তাকে লইয়া সুখী হইবে ইহাও আমার খুবই বিশ্বাস।”

সরোজ ভাবিল মা'র পর্যন্ত মত পাওয়া গিয়াছে, আর ভাবনা কি ? সে মনে মনে নাচিয়া উঠিল।

“তোমার দাদারও এ বিবাহে নিতান্ত অমত আছে বলিয়া মনে হইলনা ; বিশেষত তোমার মনের দিকে চাহিয়া এবং আমার মুখে কমলার শত প্রশংসা শুনিয়া, তার মত অনেকটা পরিবর্তিত হইয়াছে।”

সরোজ ভাবিল, তা বৌদি এমনই ত হইবে, দেবরের হৃৎকণ্ঠ বুলিয়া তাহা দূরীকরণে বন্ধ পরিকর না হইলে সে আবার বৌদি কিসের ? কৃতজ্ঞতার তার মস্তক বৌদির চরণ তলে লুটাইয়া পড়িতে চাহিল।

“কচি ধুকীকে ঘরে আনার পক্ষপাতী আমিও নহি, কমলার মত বোড়নীকে পাইলে তুমি যে সন্তুষ্ট হইবে, তা অনুমান করিতে পারি। কমলা আমাদের গৃহে কমলার আসন প্রতিষ্ঠা করুক, ইহাই আমার ইচ্ছা।”

সরোজ দেখিল বৌদিদিও তারই মতন কমলার জন্ত ব্যাকুল হইয়া পড়িয়াছেন—সে মনে মনে বলিল, সেজন্ত ভাবনা কি বৌদি; আমি কমলাকে গৃহে নেবই নেব, অন্ততঃ তোমার সন্তুষ্টি সাধনের জন্ত হইলেও নেব। এরূপ ক্ষেত্রে মানুষের মনে পরোপকারের ইচ্ছাটা সর্ব-দাই জাগ্রত থাকে এবং নিজ স্বার্থ অপেক্ষা পরের স্বার্থ সাধনের জন্ত প্রবল আগ্রহ জাগিয়া উঠে।

“কিন্তু এত চেষ্টা করিয়াও কিছু করিয়া উঠিতে পারিলাম না”—লাইনটি পড়িয়া সরোজের মাথা ঘুরিয়া গেল। যতই অগ্রসর হইতে লাগিল ততই তার চিত্তের সরসতা এবং মুখের প্রফুল্লতা অন্তর্হিত হইতে লাগিল।

“একমাত্র বাবার অমতে সকলই পণ্ড হইয়া গেল। তিনি আমাদিগকে ডাকিয়া বুঝাইয়া বলিলেন ‘চিন্তা করিয়া দেখ’—আমরাও চিন্তা করিয়া দেখিলাম—নিজে দেখিয়া শুনিয়া বিবাহ করিবার রীতি আমাদের দেশে প্রচলিত নাই। আমরা হিন্দু—প্রজাপতির নির্বন্ধের উপর নির্ভর করাই আমাদের সঙ্গত—পুরুষাত্মকমে তাহাই চলিয়া আসিয়াছে এবং তাহাতেই সুখে আমাদের সংসার কাটিয়া যাইতেছে। দেখিয়া শুনিয়া বহু পরীক্ষা করিয়াও অনেকে জীবনে সুখী হইতে পারেন নাই, এরূপ দৃষ্টান্তও বিরল নহে।

“মানুষের রূপ চিরস্থায়ী নহে। দুদিন পরে রূপের নেশা কাটিয়া যায়। গান বাজনা, উল কার্পেটের কাজ দরিদ্র হিন্দুগৃহের উপযোগী বলিয়া মনে হয় না। সামান্ত গৃহস্থালী কাজ জানিলে আমাদের হিন্দুগৃহ লক্ষ্মীত্ৰী মণ্ডিত হইয়া উঠে। তোমার জন্ত দেশে-যে-যে স্থির করা হইয়াছে, এ অঞ্চলে তাহার অসুস্থ রূপবতী এবং গুণবতী মেয়ে আর দুইটি নাই। বয়সেও সে নিতান্ত কচিধুকী নয়। ১৩। ১৪ বৎসরের মেয়েকে তুমি আপন ইচ্ছানুরূপ শিক্ষা দীক্ষার সাঙ্গাইয়া লইতে পারিবে।

“কলিকাতার মেয়ে আমাদের ঘরে ধাপ ধাইবে কিনা

তাহাও চিন্তার বিষয়। আমার মতে দেশে বিবাহ করাই যুক্তি সঙ্গত। আশা করি মতি যখন ফিরিয়াছে, তখন ভগবান তোমার এ মতলবও ফিরাইবেন।

“আমরা অবলা, সুতরাং আমাদের বলের পরিচয় দিতে যাওয়া ধৃষ্টতা বই আর কি? তোমার জন্ত যথা সাধ্য চেষ্টা করিয়াও ব্যারিষ্টারীতে ফেল হইলাম। আশা করি, আমার কোন অপরাধ লইবে না। শীঘ্র উত্তর দিও। ইতি—

তোমার বৌদি।

সরোজ হতাশভাবে পিতার চিঠি পড়িতে লাগিল।

“কল্যাণবরেষু—

আমার অজ্ঞাতে এবং অমতে তুমি যে বিবাহ-প্রস্তাব স্থির করিয়া বসিয়াছ, জানিতে পারিলাম। আমার বংশে এমন কুলঙ্গার এখন পর্য্যন্ত কেহ জন্মে নাই। তোমার সাহস এবং ধৃষ্টতা দেখিয়া আমি যৎপরোনাস্তি আশ্চর্য্যান্বিত হইলাম। আমি রামপুরে তোমার বিবাহ স্থির করিয়াছিলাম—আগামী ফাল্গুনে দিনও স্থির করিয়াছিলাম। এখন তুমি যে প্রকার স্বেচ্ছাচারী হইয়া উঠিয়াছ, তাহাতে আমাদের মতে তোমার মত হইবে বলিয়া মনে হয় না; তাই লিখি, তোমার ইচ্ছানুরূপ কার্য্যে প্রবৃত্ত হইলে বর্তমান মাস হইতে ধরচ পত্র বন্ধ করিয়া দেওয়া হইবে।

আঃ শ্রীরামহরি দেব শর্ম্মণঃ।

বৌদিদির চিঠি পড়িয়া সরোজ মর্মান্বিত হইয়াছিল কিন্তু তাহার পিতার চিঠি তাহার উষ্ণ মস্তিষ্ককে একে-বারে বিকৃত করিয়া দিল। সে যে কি করিবে, কিছুই স্থির করিতে পারিল না—অবশেষে কার্ডে লিখিল—

“শ্রীচরণেষু—

বৌদি, তোমার চিঠি পাইলাম। তুমি আমার জন্ত এত করিয়াও কিছু করিতে পারিলে না বলিয়া হৃঃষিত হইও না। আমারই অদৃষ্ট মন্দ—নতুবা ভগবানই মতি ফিরাইবেন কেন? মতি ফিরাইলেন ত আমার সাধ-আশা মিটাইলেন না কেন?

সে যাক, আমি যে কি করিব, কিছুই ঠিক করিতে

পারি নাই। তবে তোমাদের সঙ্গে সম্পর্ক আমার চির-
দিনের তরে ঘুচিবে এ কথা সুনিশ্চয়। ইতি

তোমাদের হতভাগ্য
সরোজ।

পুঃ—আগামী মাঘোৎসবে ব্রাহ্মধর্মে দীক্ষিত হইব
হ্রির করিয়াছি। এ সংবাদ সকলকে জানাইতে পার।

প্রজাপতির নির্বন্ধের উপর নির্ভর করা পুরুষের
কর্তব্য নহে, উহা নিতান্ত দুর্বল হৃদয়ের পরিচায়ক। সঃ

বাড়ীর চিঠি বন্ধ করিয়া সরোজ আর একখানা চিঠি
লিখিল। তারপর বিকে ডাকিয়া গোপনে একখানা তাহার
হস্তে দিয়া অপর খানা সে নিজে পোষ্ট করিতে গেল।

যথা সময় বি ফিরিয়া আসিয়া সরোজের হাতে এক
খানা চিঠি দিল। সরোজ সাগ্রহে চিঠি পড়িতে লাগিল।
“প্রিয় সরোজ বাবু,

আপনার বাড়ীর পত্র বি মাকে দেখাইয়াছে। মা
আপনাকে ২৫ টাকা করিয়া পড়ার খরচ দিতে স্বীকৃত
হইয়াছেন। আপনার আর কষ্ট করিয়া আসিবার
প্রয়োজন নাই। এখন বত শীঘ্র মঙ্গল-কার্য সম্পন্ন হইতে
পারে, ততই ভাল। ভগবান উভয়কে সুখী করুন।

আপনার কমলা।”

পিতার চিঠি পাইয়া সরোজ নিরুপায় হইয়াছিল।
কমলার চিঠি তাহার মনে অমৃত বল সঞ্চার করিয়া দিল।
সরোজ হ্রির-সঙ্কল্প হইয়া বউ দিদির লিখিল।

“ত্রিচরণে—

বৌদি, আগামী ২০ শে অগ্রহায়ণ আমার কুমার-
জীবনের অবসান হইবে। কমলাই আমার ব্রত ভঙ্গের
প্রধান শত্রু হইয়া দাঁড়াইয়াছে। তুমি আমাদের মিলনে
সুখী হইবে জানি—তাই আজ তোমাকে এ সংবাদ
জানাইতেছি। আশীর্বাদ করিও, যেন সুখী হইতে
পারি। তোমাদের সকলকে এ সময় পাইলাম না এবং
সকলে মিলিয়া এ আনন্দ উপভোগ করিতে পারিলাম
না—ইহাই হুঃখ রহিল। এ সংবাদ আর কাহাকেও
জানাইবার দরকার নাই।

তোমার মেহের
সরোজ।”

(৫)

বিবাহ হইয়া গিয়াছে। পুষ্প শয্যার সুগন্ধ রাশির
মধ্যে সরোজ যখন সোহাগ কল্পিত স্বরে ডাকিল
‘কমলা’—তখন তাহার কমলা জড় পুষ্পলিবাৎ নির্বাক
নিষ্পন্দ জীবটির গায় থাকিয়া তাহার সকল আদর সস্তা-
ষণ নিফল করিয়া দিল। কমলার সরল সুন্দর মুখ খানা
পাউডারের অমাবশ্যক আবরণে নিতান্তই অশোভন
দেখাইতেছিল, তাই সরোজ ধীরে ধীরে চেপির অঞ্চলে
মুখখানা মুছাইতে বাইতেছিল, এমন সময় পেছন হইতে
কে যেন এক জম সরোজের চক্ষু টিপিয়া ধরিয়া জিজ্ঞাসা
করিল—“বলুন ত আমি কে?” সরোজ নিতান্ত অপ্রতিভ
হইয়া বলিল—“তা কেমন করে বলব?”

“না বলে ছাড়ব না।”

“তবে তাই হোক”—

অগত্যা সে আর কি করিবে—বাধ্য হইয়াই চক্ষু ছাড়িয়া
সরোজের সম্মুখে আসিয়া বলিল—“দেখুন দেখি,
চিন্তে পারেন কি না?”

সরোজ অবাক হইয়া বলিয়া উঠিল—“এ কি এ
কমলা—তুমি”—

কিশোরী হাত সংবরণ করিতে পারিল না—উচ্চহাস্তে
বলিয়া উঠিল—“হাঁ, আমি তোমার বড় দিদি, কমলা,
আর এ আমার ছোট বোন সরলা।”

সরোজের বন্ধপঞ্জর ভেদ করিয়া একটা দীর্ঘশ্বাস
বাহির হইয়া গেল। সে বুঝিতে পারিল, সে প্রতারিত
হইয়াছে। মূল-শয্যা তাহার নিবট কণ্টকশয্যা বলিয়া
প্রতীয়মান হইল, সে বুকের ভিতর আলা লইয়া ছুটিয়া
বাহির হইয়া গেল, কমলা হাত ধরিয়া তাহাকে রাখিতে
পারিল না।

পরদিন বৌদিদি সরোজের পত্র পাইয়া অবাক
হইলেন।—সরোজ লিখিয়াছে—

বৌদি, তোমাদের ইচ্ছাই পূর্ণ হোক। যথা সময়ে
বাড়ী পৌঁছিব। প্রজাপতির নির্বন্ধই নির্বন্ধ।

তোমার মেহের

সরোজ।

শ্রীপ্রফুল্লকৃষ্ণ ঘোষ।

অতীত-স্মৃতি।

আজ এই মধুর প্রভাতে একটা অতীত কাহিনী বলিবার জন্য এই প্রয়াস। সে খুব বেশী দিনের কথা নয়। আমরা কলিকাতা হইতে আসিতেছিলাম, গোয়ালন্দ ষ্টামারে উঠিয়া সস্তরক্ষি পাতিয়া কয়েকজন বন্ধু বসিলাম। সঙ্গে একটা হারমোনিয়ম। চাবি টানিয়া ‘গাট’ টিপিলে হারমোনিয়ম সকলের নিকট যেমন ভাবে কাঁ-কাঁ করে, আমাদের নিকটও তাহার চাইতে ভাল কিছু করিতে-ছিলনা। আমরা সাত আটজন বন্ধুপাটির সবাই এই-রকম ওস্তাদী দ্বারা ষ্টামারের যাত্রীদিগের বিশেষ উপদ্রব ঘটাইলেও, আমরা নিজের কোনও ক্রটিই দেখিতে পাই নাই। বহুটা কখনও আমার হাতে কখনও বা অন্য কোনও ‘নীলকমলের’ হাতে পড়িয়া কেবল তারস্বরে আর্দ্রনাদ করিতেছিল। অবশ্য আমরাও যথাসাধ্য তাহার সঙ্গে সুর মিলাইয়া সমবেদনা প্রকাশ করিতে ক্রটি করি নাই। পরে শুনিয়াছি, আমাদের গানের প্রথম সূত্র-পাতের সময় একটা শিশু তাহার মায়ের কোলে মুছা গিয়াছিল। এবং যাত্রীরাও বিশেষ কিছু করিবার উপায় নাই ভাবিয়া ষ্টামারখানিকে” মনোরথ গতিতে চালাইবার জন্য ভগবানের নিকট প্রার্থনা করিতেছিল। তবে যাহারা হারমোনিয়মের সহিত সম্পূর্ণ অপরিচিত, এমন ছই একটা লোক হাঁ করিয়া কলের বাজনা ও আমাদের রাসভ-রাগিণীর অমির দ্বারা পান করিতেছিল। আমরা তাহা-দিগকে পরম যত্নে আমাদেরই পার্শ্বে আসন দিতেছিলাম। এবং ইহাতে আমরা নিজকে ওয়াটার্লুর যুদ্ধ জেতা অপেক্ষা কম বিজয়ীমনে করিতে পারি নাই।

টুইলের শার্ট গায় দেওয়া একটা মাঝারি গোছ চেহারার ভদ্রলোক একপাশে দাঁড়াইয়া আমাদের অভিনয় দেখিতেছিলেন। আমরা তাঁহার দিকে লক্ষ্য করিবার বিশেষ আবশ্যকতা অনুভব করি নাই।

একপদ ছইপদ করিয়া সকলেই কিছু সঙ্গীত উচ্চারণ করিলেন, অতঃপর খানিক সঙ্গীত-সমালোচনা হইল এবং পুনরায় রাগিণী ভাঁজিবার প্রস্তাব গৃহীত হইল। এবার ফরমাইস। কেহ আমাকে, কেহ বা অন্যকে হুকুম করিতে

লাগিলেন। এইভাবে কে ভাল গায়—তাহার বাছনি লইয়া একটা গুণগোল চলিল; সেই দণ্ডায়মান ভদ্র-লোকটি দ্বিধা হাশ্ব করিয়া কহিলেন” কৈ, আপনারা ত আমাকে গান করিতে বলেন না।” অমনি সকলে সম-স্বরে “হাঁ-হাঁ—আসুন-বসুন—গা-ন” ইত্যাদি বলিতে বলিতে ভদ্রলোকটিকে একপাশে বসিতেদিলাম। তিনি বসিয়া হারমোনিয়মটি কোলের উপর তুলিয়া লইলেন;—তখনই বুঝিলাম—“সামান্য মানুষ বুঝি না হবে এ জন”।

একটু হাসিয়া তিনি বলিলেন—কি পারিব? অমনি চারি দিক হইতে ফরমাস পড়িল—কেউবা যাত্রা, কেহ থিয়েটার, কেহ রবিঠাকুর, কেহ বা ডি. এল. রায়,—তখন স্বদেশীর খুব ধর জোয়ার—কেহ কেহ স্বদেশী সঙ্গীতের বায়না ধরিলেন—আর কেহ বা কীর্তনের কথা পাড়িলেন। সপ্তরথী পরিবেষ্টিত ভদ্রলোকটি আমারদিকে চাহিয়া কহিলেন” কৈ, আপনিত কোনও ফরমাস দেন নাই?” “আমি আর কি বলিব—তবে যদি জানেন—রজনী সেনের ছ’একটা গান হইলে বেশ হইত।”

“কোনটা—গাইব?”

অনেকে অনেকটা ফরমাস দিলেন, আমি বলিলাম—“বাণীর” “স্নেহ বিহ্বল, করুণা ছল ছল” গানটি যদি জানেন—গান। তখন—মধুর কণ্ঠে মধুর গান ষ্টামার খানিকে মাতাইয়া তুলিল। এমন গান ত জীবনে আর শুনি নাই; চক্ষু মুদিয়া ছইহাতে হারমোনিয়ম বাজাইতে ছিলেন—গায়কের চক্ষুহুটি দিয়া ছইবিন্দু অশ্রুঝরিল—সে গান শুনিয়া আমাদের চারিদিকে ষ্টামারের সমুদয় লোক,—নরনারী ময় খালাসী আসিয়া জমায়েৎ। গায়কের বিশ্রাম নাই, বিরক্তি নাই, আলস্য নাই, সুরেরও কোনও বিকৃতি নাই;—এক একে বাণীর সবগুলি গান গায়িলেন! পদ্মাবকে বুঝি এমন অমৃত দ্বারা আর কোনওদিন বর্ষণ হয় নাই; জাহাজ খানি বুঝি এমন আরাম আর কখনো অনুভব করে নাই, তাই কি আজ পদ্মা নিস্তরঙ্গ—ষ্টামার আনন্দে মধুরগামী!

হঠাৎ গায়ক কহিলেন “উঠি—সময় হয়েছে নিকট,—এখন বাঁধন ছিড়িতে হবে।” তারপর এ গানটিও গাইলেন, জিজ্ঞাসা করিলাম—কোথায় যাবেন, “মস্ত—মাতুলালয়ে।”

বুকটা ধরাসু করিয়া উঠিল—জিজ্ঞাসা করিলাম—
“মহাশয়ের বাড়ী ?

উত্তর—“পাবনা জিলায় ।”

মুখে যেন আর কথা সরিতেছিলনা ; না জানি ইনি
কে ? বড় কষ্টে জিজ্ঞাসা করিলাম—‘নাম’ ?

‘রজনীকান্ত সেন’ ।

হায় না জানিয়া এই দেশবিখ্যাত ব্যক্তির সমক্ষে কি
ছেলেমিই না করিয়াছি ! সকলে যোড়হাতে দাঁড়াইলম !
“আমাদের ক্রটি মনে রাখবেন না বলুন !”

রজনী বাবু কাঁদিয়া ফেলিলেন । “আজ এই অল্প
সময়ের বন্ধুতা, পরিচয়, আনন্দ—জীবনে বড় বেশী অনু-
ভব করি নাই ! হুঃখ এই—এখনি কেন জাহাজ এখানে
আসিল—কেন এ সুখের অবসান হইল । আপনারা
যদি কুণ্ঠিত হন—বড় ব্যথা পাব । খোলা অন্তরে যদি
কথা না বলেন, তবে আমার পরিচয় দেওয়াটাই অস্বাভাবিক
হইল বুঝি !”

তার পর প্রত্যেকের নিকট বিদায় লইয়া রজনী বাবু
বিদায় হইলেন—জাহাজ যেন নিরানন্দময় হইয়া উঠিল ।

এই প্রথম—এই শেষ সাক্ষাৎ ! তারপর যখন মৃত্যু
শয্যায় দেখিলাম, তখন সেই মূর্ত্তিমান মুখর-সঙ্গীত বেদনার
অশ্রুজলে প্লাবিত !

শ্রীপূর্ণচন্দ্র ভট্টাচার্য্য ।

অভাব ও হুঃখ ।

অভাব—পলাও দূরে

এস হুঃখ ! নতশিরে

করি আবাহন !

সুখত চাহিমা আমি

আমার উপাস্ত ভূমি

দাও ও চরণ !

হুঃখ কহে—“অভাবেরে

ভাড়ায়ে দিতেছ দূরে

আসিব কেমনে ?

জীবনে মরণে সাধী

হুইয়ে এক হয়ে থাকি

শয়নে স্বপনে !”

শ্রীদেবেন্দ্রনাথ মহিষ্ঠা ।

বঙ্গীয় সাহিত্য সম্মিলন ।

কলনাদিনী সুরধুনীরতটে, বিদ্বজ্জন মণ্ডলীর আবাস
ভূমি, বাঙ্গালির জ্ঞান বিজ্ঞানের আদর্শস্থল, যুক্তবঙ্গের
রাজধানী কলিকাতা মহানগরীতে বঙ্গ-বাণী মাতার ভক্ত
উপাসক মণ্ডলীর সপ্তম মিলনোৎসব সম্পন্ন হইয়া
গিয়াছে । চট্টগ্রাম অধিবেশনের পর বাণীর দীন-পল্লি-
সেবকগণ রাজধানীর সম্মিলনে যোগদান করিবার জন্য
বুক বাঁধিয়া অপেক্ষা করিতেছিলেন, কিন্তু কলিকাতা
সম্মিলনের কর্তৃপক্ষ তাঁহাদের পৈ বাসনার অন্তরায়
হইলেন । প্রথম অন্তরায় তাঁহাদের দিন নির্ধারণে,
দ্বিতীয় অন্তরায় অসময়ে নিমন্ত্রণ প্রেরণে, তদুপরি নিমন্ত্রণে
কার্পণ্য প্রদর্শনে । নিমন্ত্রণ সম্বন্ধে ষয়মনসিংহ সাহিত্য-
সম্মিলনের কার্য্য বিবরণে লিখিত হইয়াছে “বঙ্গীয় গ্রন্থকার,
প্রবন্ধ লেখক, সংবাদ পত্র ও মাসিক পত্রের সম্পাদক,
সাহিত্য পরিষদের ও সাহিত্য সভার সভ্যগণ এবং বিভিন্ন
জেলায় উচ্চপদস্থ এবং সম্ভ্রান্ত ব্যক্তিগণকে এই উপলক্ষে
নিমন্ত্রণ করা হয় । * * * এই উপলক্ষে প্রায় আট
সহস্র নিমন্ত্রণ পত্র নানা প্রণালীতে সেশময় প্রেরিত হয় ।”
আর কলিকাতা সাহিত্য সম্মিলনের কর্তৃপক্ষ সুদূর
মফস্বলের দীন দরিদ্র সাহিত্য দেবীকে সাহিত্যের পীঠ
স্থান হইতে দূরে রাখিবার জন্য সম্মিলনের দিন বন্ধের
প্রথম দিন ধার্য্য করিয়াছেন এবং নিমন্ত্রণ প্রেরণে অস্বাভাবিক
বিলম্ব ও কার্পণ্য প্রকাশ করিয়াছেন ।

সম্মিলনের কর্তৃপক্ষ সুধু নিজদের সুখ সুবিধা লক্ষ্য
করিয়া চলিবেন, অপরের সুখ সুবিধা একবারও বিবেচনা
করিবেন না ইহা সমীচীন নহে । আমাদের মত সুদূর
প্রান্তবাসীকে সম্মিলনে যোগদান করিবার অবসর দেওয়া
সম্মিলনের কর্তৃপক্ষ উপযুক্ত বিবেচনা করেন নাই ।
কলে মফঃস্বল হইতে অধিক লোক কলিকাতা সম্মিলনে
যোগ দান করে নাই ।

যাহা হউক নিমন্ত্রণের অবস্থা ও ব্যবস্থা পর্যালোচনা
করিয়া কতিপয় বঙ্গুর সম্মিলনে যোগদান করিবার বাসনা
বিলুপ্ত হইল । স্থানীয় পরিষদের প্রতিনিধিরূপে সুখ
সম্মিলনে আনন্দ উপভোগ করিবার বাসনা বুক লইয়া

বৃহস্পতিবারের জন্ম হজুরে বিদায়ের আরজি পেশ করতঃ মিলনের পূণ্যতীর্থে যাত্রা করিলাম।

পরদিন প্রাতে সাড়ে সাত ঘটিকার সময় পূর্ব বঙ্গের কতিপয় সাহিত্য সেবীকে লইয়া মেইল ট্রেন শিয়ালদহে পৌঁছিল। গাড়ী হইতেই দেখিলাম, শ্রদ্ধাপদ অধ্যাপক শ্রীযুক্ত হেমচন্দ্র দাস গুপ্ত এম. এ. ও শ্রীযুক্ত দুর্গানারায়ণ সেন শাস্ত্রী মহাশয় কতিপয় স্বেচ্ছা সেবক সহ আমাদের অভ্যর্থনার জন্ম দাঁড়াইয়া আছেন। আমরা সাদরে অভ্যর্থিত হইয়া তাঁহাদের নির্দেশ মত অশ্ব-বানে আরোহন করিলাম।

গাড়ী হেষ্টিংস ষ্ট্রীটের ১০নং বাড়ীর সম্মুখে আসিয়া ধামিল। সম্মুখেই দেখিলাম গুপ্ত মল্লিক, হান্স-বদন ব্যোমকেশ বাবু ও কতিপয় স্বেচ্ছা সেবক। ব্যোমকেশ বাবু আমাদের সাদরে অভ্যর্থনা করিয়া লইলেন। তখন আমাদের বিছানা পত্র উপরে উঠিতে লাগিল। আমরা রাজ প্রাসাদ সদৃশ সেই বিশাল সৌধে আরোহণ করিতে লাগিলাম। স্বেচ্ছা সেবকগণ আমাদের পশ্চাৎ পশ্চাৎ চলিতে লাগিল। ত্রিভলককে আমাদের স্থান নির্দিষ্ট হইয়াছিল। আমাদের পূর্বেই চট্টগ্রাম, শ্রীহট্ট ও মালদহের সাহিত্য সেবীগণ সমবেত হইয়াছিলেন। আমরা—চাকা ও ময়মনসিংহের নিমন্ত্রিত ও প্রতিনিধিগণ আসিয়া তাঁহাদের সংখ্যা বৃদ্ধি করিলাম।

এইবার প্রাতঃভোজনের পালা। হাত মুখ ধুইতে না ধুইতেই দেখি—চা, লুচি, যোহনভোগ হাজির। আমরা অকাতরে তাহা গ্রহণ করিলাম। তখন একে অন্তের সহিত আলাপ পরিচয় আরম্ভ হইল। ইহাই মিলনের সুখ এবং সম্মিলনের স্বার্থকতা।

২৭শে চৈত্র শুক্রবার ২টার সম্মিলনের অধিবেশন।

গড়ের মাঠের উত্তর প্রান্তে হাইকোর্টের অনতিদূরে টাউন হলের বিস্তীর্ণ দ্বিতল কক্ষে সম্মিলনের স্থান নিহাযিত হইয়াছিল। বিশাল স্তম্ভ পরিশোভিত টাউন হল সজীব বৃক্ষ-রাজিতে, পাতাকা ও নানা বর্ণের কাগজ ধণ্ডে পরিশোভিত হইয়াছিল। পূর্বভাগে মঞ্চ। মঞ্চোপরি সভাপতি, দুই পার্শ্বে মহিলা এবং নিমন্ত্রিত ব্যক্তিগণ, সম্মুখে মঞ্চ-বলের প্রতিনিধি ও তার পশ্চাতে কলিকাতার

প্রতিনিধিগণের বসিবার স্থান ও বারান্দা দর্শকগণের জন্ম নির্দিষ্ট হইয়াছিল। ঘরে অসংখ্য বিজলী পাখা চলিতেছিল, বাহিরে নহবৎ বাজিতেছিল।

বেলা দুই প্রহর হইতেই টাউন হলে লোক সমাগম হইতে থাকে। মহিলাদের আসন শূন্য পড়িয়া ছিল।

মুহম্মদ মনোমদ মুনতানে নহবৎ বাজিতেছিল। সকলেই লাট বাহাদুরের জন্ম উৎসুক চিত্তে অপেক্ষা করিতে ছিলেন। সকলের মুখই বিপুল পুলকাক্ত। ঠিক আড়াইটার সময় বঙ্গেশ্বর হান্স মুখে সুসজ্জের মহারাজা, বর্ধমানের মহারাজাধিরাজ, কাশিম বাজারের মহারাজা, নদীয়ার মহারাজা বিনাজপুরের মহারাজা প্রভৃতি ও অন্যান্যকে সঙ্গে লইয়া সভা মণ্ডপে উপস্থিত হইলেন। সঙ্গে সঙ্গে সভাপতি বিজেন্দ্রনাথ, কবি সত্ৰাট রবীন্দ্রনাথ আসিলেন। তখন করতালীতে চতুর্দিক মুখরিত হইয়া উঠিল। তারপর শুভকণ্ঠে শুভমিলনে কণকাল আনন্দের নীরব রোলে সভামণ্ডপ প্রফুল্ল হইয়া উঠিল।

একতান বাস্ত বাজিয়া উঠিল। “আমার বঙ্গবানী” নামক একটি সঙ্গীত গীত হইলে বঙ্গেশ্বর ইংরেজি বক্তৃতার সম্মিলনের উদ্বোধন ঘোষণা করিলেন।

লাট বাহাদুর সম্মিলনে বাংলাদেশ বক্তৃতা করিবেন সকলেই এইরূপ আশা করিয়াছিলেন, এমন কি অভ্যর্থনা সমিতির সভাপতির বক্তৃতায়ও তাহাই বলা হইয়াছিল কিন্তু বঙ্গেশ্বর হৃৎকণ্ঠে করিয়া বলিয়াছেন—“তিনি আজও বাংলা ভাষা আয়ত্ত করিতে পারেন নাই।”

তৎপর সুর গুরুদাস ইংরেজি ভাষায় বঙ্গেশ্বকে ধন্যবাদ প্রদান করিলে ও মহারাজাধিরাজ বর্ধমান বঙ্গ ভাষায় তাহার সমর্থন করিলে পর সংস্কৃত কলেজের বেদাধ্যাপক শ্রীযুক্ত ঠাকুরদাস উপাধ্যায় এবং শ্রীযুক্ত পঞ্চানন বন্দ্যোপাধ্যায় বি.এ. দুটি সংস্কৃতশ্লোক পাঠ করেন।

অতঃপর অভ্যর্থনা সমিতির সভাপতি মহামহোপাধ্যায় শ্রীযুক্ত হরপ্রসাদ শাস্ত্রী “মানসী হইতে পুনর্মুদ্রিত” তাঁহার অভিভাষণ পাঠ করেন। অভিভাষণটি সম্মিলনের জন্ম লিখিত হইয়াছিল, কি মানসীর জন্ম লিখিত হইয়াছিল, তাহা আমরা এখনও বুঝিয়া উঠিতে পারি নাই। শাস্ত্রী মহাশয় আসন্ন গ্রহণ করিলে হৃৎকণ্ঠে

অত্র শ্রীযুক্ত বরদাচরণ মিত্র শিবসেন্ত্রী শীর্ষক একটি সুদীর্ঘ কবিতা পাঠ করেন। অতঃপর গত সন্মিলনের সভাপতি শ্রীযুক্ত অক্ষয়চন্দ্র সরকার তাঁহার সুদীর্ঘ বক্তৃতা পাঠ করিলেন। তারপর সুসঙ্গের মহারাজের প্রস্তাবে দিনাজপুরের মহারাজের সমর্থনে এবং কাশীমবাজারের মহারাজা ও ঐতিহাসিক শ্রীযুক্ত অক্ষয়কুমার মৈত্রের অসুখোদনে শ্রীযুক্ত দ্বিজেন্দ্রনাথ ঠাকুর সভাপতির আসন গ্রহণ করেন। সভাপতি মহাশয় একে স্থবির, তাহাতে ভয়-স্বাস্থ্য সূতরাং তিনি অভিভাষণের কতক পাঠ করিয়া কনিষ্ঠ সহোদর রবীন্দ্রনাথের হস্তে পাঠের ভার প্রদান করেন। রবীন্দ্রনাথ স্বীয় কঠ মাধুর্য্যে সে জনসম্মুখে কিছুকালের জন্য স্তম্ভিত করিয়া ফেলেন। সভাপতির অভিভাষণে আমরা বহু আশা করিয়াছিলাম। তিনি জ্ঞানকাণ্ডকে কর্মকাণ্ড অপেক্ষা শ্রেষ্ঠ প্রতিপন্ন করিতে যাইয়া যে কল্পিত উপাখ্যানের সহিত ছুই একটি মস্তব্য প্রকাশ করিয়াছেন, তাহাতে এক সন্দেহের মনে দারুণ আঘাতই লাগিয়াছে।

আমরা ময়মনসিংহ সন্মিলন হইতে দেখিতে পাইতেছি, সন্মিলনের সভাপতির অভিভাষণ পত্রিকা বিশেষের জন্য লিখিত হইতেছে; ইহা জন সাধারণের মধ্যে প্রচারের কোন ব্যবস্থা হইতেছে না। সভাপতির অভিভাষণ তাহাতে সাধারণের হস্তগত হয়, সমিতির কার্য পরিচালন সম্বন্ধে ভবিষ্যতে তাহার ব্যবস্থা করিলে বোধ হয় সমীচীন হয়। অতঃপর বঙ্গেশ্বর প্রস্থান করিলে তাঁহার সঙ্গে সঙ্গে রাজা মহারাজা সকলেই পৃষ্ঠ প্রদর্শন করিলেন। এইবার গত বৎসরের কার্য বিবরণ পাঠ প্রস্তুতি মামুলী কার্য চলিল।

সন্ধ্যার প্রাকালে বিষয় নির্বাচন সমিতিতে এক মহা ছলুছল ব্যাপার আরম্ভ হইল। কথা হইল, পর দিন এক সময়ে ভিন্ন ভিন্ন স্থানে ইতিহাস, সাহিত্য দর্শন ও বিজ্ঞান সম্বন্ধীয় প্রবন্ধের আলোচনা হইবে। এক পক্ষ বলেন, ইহাই হউক; আর এক পক্ষ বলেন, না—তাহা হইতেই পারে না, একই সভায় সমস্ত প্রবন্ধ আলোচিত হউক। দ্বিতীয় পক্ষের মত সাহিত্যকে সর্বজনীন করিতে হইবে, বিশেষজ্ঞদের জন্য বঙ্গীয় সাহিত্য-সন্মিলন নহে; ইহার জন্য

স্বতন্ত্র ব্যবস্থা হইতে পারে। বঙ্গীয় সাহিত্য-সন্মিলন জনসাধারণের, সূতরাং ইহাতে সর্ব বিষয় সরল করিয়া বুঝাইতে হইবে। ষাঁহারাই বৈজ্ঞানিক জগতে বিপুল আন্দোলন সৃষ্টি করিয়াছেন, তাঁহারাই যদি যাত্ন-ভাষায় জনসাধারণকে তাহা বুঝাইতে পারেন, তবেই সন্মিলনের সার্থকতা। প্রথমবারে দ্বিতীয় পক্ষেরই সংখ্যা বৃদ্ধি দেখা গেল। কিন্তু কর্তৃপক্ষ পূর্বেই কার্য প্রণালী স্থির করিয়াছিলেন, এমন কি ভিন্ন ভিন্ন সন্মিলনের সভাপতি পর্যন্ত নিয়োগ হইয়াছে সূতরাং কর্তৃপক্ষের সম্মানের প্রতি লক্ষ্য করিয়া অনেকে ব্যবস্থা পরিবর্তনে রাজি হইলেন না সূতরাং তাহা ভোটে উঠিল। যখন ভোটে উঠিল, তখন গোল বাধিল। টানাটানি ছড়াছড়ি আরম্ভ হইল। ফলে প্রথম পক্ষের জয় হইল। পর দিন চার সভায় চারটি অধিবেশন হইবে স্থিরকৃত হইল।

রজনীতে “সাহিত্য পরিষৎ সন্দিরে” প্রতিনিধি ও সমাগত সাহিত্য সেবীদিগের জলযোগের ব্যবস্থা ছিল। সূতরাং সানন্দে তাহাতে যোগদান করিলাম।

পরদিন যথা সময়ে প্রবন্ধ পাঠের জন্য চারিটি আসন বসিল। বাড়োয়ারী পূজায় যেমন একস্থানে যাত্রা, এক স্থানে ধিয়েটার, একস্থানে সার্কাস, একস্থানে কবি বসিয়া যায়, আর লোকজন চতুর্দিকে কেবল ঘুরিয়া ঘুরিয়া একবার এটা একবার সেটা দেখিয়া বেড়ায়, এই দিনের সভা গুলিও তেমনি হইল। জুতার মস মস শব্দ, বাক্যালাপের পুঞ্জিত্যকোলাহল, আর করতালির চটপট শব্দ—দর্শন-বিজ্ঞান-সাহিত্য-ইতিহাসের সূচিস্থিত গবেষণার মূহ মন্দধ্বনিকে অতি নিম্নে রাখিয়া অপ্রতিহত প্রভাবে রাজত্ব করিতে লাগিল।

ঐতিহাসিক বিভাগের সভাপতি ছিলেন—শ্রীযুক্ত অক্ষয়কুমার মৈত্রের; পাঠের জন্য প্রবন্ধ উপস্থিত হইয়াছিল ২০টি। সাহিত্য বিভাগের সভাপতি ছিলেন মহামহোপাধ্যায় শ্রীযুক্ত যাদবেশ্বর তর্করত্ন; প্রবন্ধ ছিল ২৬টি। দর্শন বিভাগে সভাপতি ছিলেন ডাঃ প্রসন্নকুমার রায়; প্রবন্ধ ছিল ৯টি। বিজ্ঞান শাখার সভাপতি ছিলেন—অধ্যাপক শ্রীযুক্ত রামেন্দ্রসুন্দর ত্রিবেদী; প্রবন্ধ ছিল ১৬টি।

সুখের বিষয় এই যে এই প্রবন্ধ সমূহের মধ্যে আমরা এই তেলার সাতটি প্রবন্ধ দেখিতে পাইয়াছিলাম। তন্মধ্যে ঐতিহাসিক বিভাগে দুইটি, সাহিত্য বিভাগে দুইটি, বিজ্ঞান শাখার দুইটি ও একটি উল্লেখ্য কবিতা ছিল।

সভা ভঙ্গের পর অধ্যাপক সুবোধচন্দ্র মহলানবিধ মাজিক লেণ্টার্নের সাহায্যে বাঙ্গালির খাণ্ডের মধ্যে বিজ্ঞান সম্বন্ধে কি প্রকারের দ্রব্য কত আছে এবং আমাদের স্বাস্থ্যরক্ষার জন্ত আর কি প্রয়োজন, তাহা বিশদ ভাবে সমবেত সাহিত্য সেবীকে বুঝাইয়া দেন। পরিশেষে তিনি দেশের কতিপয় শ্রেষ্ঠব্যক্তির খাণ্ডের তালিকা তুলনাকরিয়া তাহা প্রদর্শন করেন।

এইদিন সন্ধ্যায় ইউনিভারসিটি ইনষ্টিটিউট বঙ্গীয় সমবেত সাহিত্য সেবীদিগকে আমন্ত্রণ করিয়া তাহাদের “চন্দ্রশুভ্র” অভিনয় দেখাইবার ব্যবস্থা করেন। তাহাদের পোষাক পরিচ্ছদ সকালের গ্রীকদিগের ব্যবহার্য বস্ত্রের অনুরূপে প্রস্তুত ছিল। সকলেই এই অভিনয় দেখিয়া প্রীত হইয়াছিলেন।

শনিবার প্রাতে পুনরায় বিধা নির্বাচন সমিতির অধিবেশন হইল। এই সভায় কাশিম বাজারের মহারাজা বাহাদুর সভাপতি ছিলেন। সভায় বহু বাদ প্রতিবাদ আরম্ভ হয়। এই সময় কোন কোন কর্তৃপক্ষকে ধৈর্যের সীমা লঙ্ঘন করিতে দেখিয়া আমরা মর্শ্বাহত হইয়াছিলাম।

তৃতীয় দিন প্রথমে ইতিহাস ও সাহিত্য বিভাগের সাক্ষী প্রবন্ধ পঠিত হয়। পরে সাধারণ সভার অধিবেশন হয় এবং আচার্য্য বিজ্ঞানেশ্বরের অনুরূপস্থিতে মহামহোপাধ্যায় যাদবেশ্বর তর্করত্ন সাধারণ সভার সভাপতি হন। মূল সম্মিলনের সভাপতি বিজ্ঞানেশ্বরকে প্রথম দিনের পর আর সভায় দেখা যায় নাই; মূল সভাটা যখন চারি ভাগে বিভক্ত হইয়া গেল, মূল সভাপতির তখন আর স্থানই বা কোথায়? তাহাকে দিয়া প্রয়োজনই বা কি? এই দিন বহু প্রস্তাব উত্থাপিত ও গৃহীত হয়।

তৎপর বাগ্মীপ্রবর শ্রীযুক্ত বিপিনচন্দ্র পাল “সাহিত্যে সময়” সম্বন্ধে এক সারগর্ভ বক্তৃতা প্রদান করেন। তিনি বলেন “সম্মিলনকে চারি ভাগে বিভক্ত করিতে চাও কর, কিন্তু মূলটিকে দুর্বল করিতে হইবে; ভাষাকে

সর্বজনীন করিতে হইবে। দু চার জন বিশেষজ্ঞ থাকিতে পারেন, তাহাদের কার্য্যে জগত মুগ্ধ হইতে পারে, তাহাতে ভাষা গঠিত হইবে না। ভাষা গঠিত হইবে, যদি সাধারণ ভাষা সম্যক উপলব্ধি করিতে পারে।”

এইবার আমন্ত্রণের পালা। মাননীয় কাশিমবাজার রাধিপতি জানাইলেন যে বর্ধমানের মহারাজাধিরাজ বাহাদুর আগামীবর্ষে বর্ধমানে অধিবেশন করিবার জন্ত সম্মিলনকে আমন্ত্রণ করিয়াছেন। এই সময় যশোহরের পক্ষ হইতে রায় ষড়নাথ মজুমদার বাহাদুর সম্মিলনকে আগামীবর্ষে যশোহরে আহ্বান করেন। দেখা গেল, কেহই বর্ধমানের সীতাভোগ ও মিহিদানার লোভ সম্বরণ করিতে রাজি নহেন, কাজেই আগামীবর্ষে বর্ধমানে ও তারপর বৎসর যশোহরে সম্মিলনের অধিবেশন হইবে স্থির হইল।

প্রস্তাবাদি সমর্থনের মাঝেও একটু বেশ বাদ প্রতিবাদ চলিয়াছিল। শ্রীযুক্ত দুর্গাদাস লাহিড়ী মহাশয় ময়মনসিংহের প্রস্তাবিত দুঃস্থ সাহিত্য সেবীদিগের জন্ত করুণ প্রার্থনা করিতে গিয়া একটু বিপর্য হইলেন। বিষয় নির্বাচন সমিতিতে যখন এ প্রস্তাব উঠে নাই, তখন আর উঠিতে পারে না, এইরূপ একটা অভ্যুত্থানে তাহার কথা পরিভ্রান্ত হয়। কিন্তু লাহিড়ী মহাশয় ছাড়িবার পাত্র নহেন, তিনি চীৎকারে চতুর্দিক কাঁপাইয়া তুলিলেন, তখন ব্যোমকেশ বাবু এক ব্যবস্থা আছে বলিয়া মুখে আশ্বাস প্রদান করিয়া ঘোষণা করিলেন যে, ময়মনসিংহের গৃহীত প্রস্তাবানুসারে বঙ্গীয় সাহিত্য পরিষদের হস্তে সঙ্গ্রহ প্রণয়ন জন্ত শ্রীযুক্ত বিনয়কুমার সরকার এম,এ ৫০০০ টাকা দিতে প্রতিশ্রুত হইয়া দুই হাজার টাকা প্রদান করিয়াছেন।” কিন্তু দুঃস্থ সাহিত্য সেবীদিগের জন্ত যে কি ব্যবস্থা হইল, আমরা তাহা বুঝিতে পারিলাম না। এই প্রস্তাব এই ভাবেই চাপা পড়িয়া গেল।

অবশেষে সভাপতিকে ধন্যবাদ প্রদানের পর বাণীর সেবকগণের মিলনোৎসব-কার্য্য আনন্দ কোলাহলের মধ্যে সমাপ্ত হইল।

সভা ভঙ্গের পর পূর্ববঙ্গের সাহিত্য-সেবীগণ টাউন

হলের এক প্রকোষ্ঠে সমবেত হইয়া সাহিত্যের উন্নতির জন্ত “পূর্ববঙ্গ সন্মিলন” নামে এক মিলনোৎসব প্রয়োজন বলিয়া এক প্রস্তাব করেন। তাহা কার্যো পরিণত করিবার জন্ত এক কার্য্যকরী সমিতি গঠিত হয়।

এই দিন সন্ধ্যায় বঙ্গীয় সাহিত্য সন্মিলনে সমবেত সাহিত্য সেবিগণের সম্বন্ধনার জন্ত কলিকাতা সাহিত্য সভা কাশিমবাজারের মাননীয় মহারাজের ভবনে এক সাহ্য সমিতির আয়োজন করেন। সৌভাগ্য ও শিষ্টাচারের অবতার মহারাজা বাহাদুর সকলকে অভ্যর্থনা করেন। এই স্থানে গান-বাদ্য, পান-ভোজনের সহিত আমাদের মিলনোৎসব যথুরেণ সমাপয়েৎ” হইল।

অভ্যর্থনা সমিতির কর্তৃপক্ষ আমাদের জন্ত যেরূপ সুব্যবস্থা করিয়াছিলেন তাহা তাহাদিগেরই উপযুক্ত। সেই বিশাল রাজপুরী সদৃশ রাজ-প্রাসাদ, বিছাৎ পাখা, দরিদ্র পল্লিবাসী আমরা কল্পনাও করিতে পারি না। আর তাঁহাদের আদর আপ্যায়ন সে কথা কি বলিব! দেখিলাম কলিকাতা বিশ্ববিদ্যালয়ের কর্ণধার ডাক্তার দেবপ্রসাদকে, আর পরিষদের বর্তমান কর্ণধার রায় যতীন্দ্রনাথকে তাহাদের উদার ব্যবহার অভ্যাগত মাথেকেই সন্তুষ্ট করিয়াছে। সর্বোপরি আমাদের সদানন্দ বোম্বাই বাবুকে আমরা আমাদের হৃদয়ের অজস্র ধন্যবাদ প্রদান করিতেছি। হুই দিন পূর্বে তিনি তাঁহার প্রাণের পুতুলিকে নীমতলার মহাশয়ানে ডালি দিয়াও হর্ষোৎফুল্ল মুখে দিন মাই রাত্রি মাই, সর্বদা পার্শ্বে থাকিয়া আগন্তুক সাহিত্য-সেবীদিগের পরিচর্যা করিয়াছেন। আমরা তাঁহার এ ব্যবহার ভুলিতে পারিব না।

শ্রীনরেন্দ্রনাথ মজুমদার।

পঞ্চ-অভিভাষণ।

গঙ্গার উৎপত্তি স্থান মহাতীর্থ। বর্তমান বাঙ্গালা সাহিত্যের জন্মভূমি পুণ্যক্ষেত্র কলিকাতা মহানগরে, সাহিত্যের সপ্তম কুন্ত মেলায়, সাধকগণ সমবেত হইয়া চিন্তের শুদ্ধি এবং চিন্তার শক্তি সঞ্চয় করিয়াছেন। অভ্যর্থনা সমিতির সভাপতি মহানহোপাধ্যায় শ্রীযুক্ত হরপ্রসাদ

শাস্ত্রীর অভিভাষণে সাহিত্য-দেবতার মঙ্গল আশ্রিত বাঞ্জিয়া উঠিয়াছিল। উহাতে দীপের আলোক, ধূপের গন্ধ এবং শঙ্খঘণ্টাধ্বনি কিছুই অভাব ছিল না। তাঁহার নানা তথ্যপূর্ণ অভিভাষণের প্রত্যেক অঙ্কের উল্লেখ এখানে সম্ভবপর নহে। কলিকাতার ইতিহাসের সঙ্গে সঙ্গে বাঙ্গালা ভাষার সুবর্ণ বঙ্গরী কিরূপে কৃতী সেবকগণের যত্নে চারিদিকে সুশোভিত হইয়া উঠিয়াছিল, শাস্ত্রী মহাশয় উহার অতি সুন্দর চিত্র প্রদান করিয়াছেন। আমরা তাঁহার বক্তৃতার একটা মাত্র স্থান উদ্ধৃত করিতেছি—

“বাঙ্গালী আত্মবিস্মৃত জাতি। প্রাচীনকালে বাঙ্গালার যে এত প্রভাব, এত আত্মপৌরব ছিল, বাঙ্গালীরা এখন সে কথা ভুলিয়া গিয়াছে। এখন বাঙ্গালী সমুদ্রে যাইতে চায় না। উপনিবেশ স্থাপনত দুয়ের কথা। শিল্প বাণিজ্যেও বাঙ্গালীর যথেষ্ট অবনতি হইয়াছে। * * সাহিত্য চর্চায় যদি আবার শিল্প বাণিজ্যের উন্নতি হয়, সাহিত্য-সেবিগণ যদি আবার বাঙ্গালীদিগকে শিল্পী ও বণিক করিয়া তুলিতে পারেন, সাহিত্যেরও উন্নতি হইবে, বিজ্ঞানেরও উন্নতি হইবে, শিল্প বাণিজ্যেরও উন্নতি হইবে।”

বাঙ্গালী আত্মবিস্মৃত জাতিই বটে। আপনার শক্তি তৌল করিতে পারিলে বাঙ্গালী দুঃতাজিল্যের আরও অনেক উর্ধ্বে উঠিতে পারিত। সুপ্ত-শক্তির চিত্র দেখা-ইয়া বঙ্কিমচন্দ্র, রমেশচন্দ্রে সাহিত্য-প্রতিভার প্রাণপ্রতিষ্ঠা করিয়াছিলেন। সপ্তম সাহিত্য সন্মিলনে ইংরেজী দীক্ষায় শিক্ষিত বাঙ্গালী, ভরসা করি, আপনাকে চিনিয়া বাঙ্গালা সাহিত্যের সেবা করিতে সমর্থক স্বভাব হইবে।

* * *

সন্মিলনের সভাপতি ঠাকুর দ্বিজেন্দ্রনাথের অভিভাষণ তাঁহার আজীবন জ্ঞান চর্চার কল স্বরূপ। তিনি যে কল্পিত আখ্যায়িকার তাঁহার অভিভাষণ সমাপ্ত করিয়াছেন সংক্ষেপতঃ তাহা এইরূপ :—

“সেকালে এই ভারতবর্ষে তত্ত্বজ্ঞান ছিলেন রাজর্ষি আর পরা-বিদ্যা ছিলেন রাজমহিষী। বিজ্ঞান ছিলেন একমাত্র নাবালক পুত্র। রাজর্ষি তত্ত্বজ্ঞান তাঁহার রাজ্য ও এই শিশুপুত্রের ভার রাজমহিষী স্বৃতি-পুরাণের হস্তে রাখিয়া পরীসহ তপোবনে প্রয়াণ করিলেন। তখন রাজ্যে ভীষণ দুর্ভিক্ষ। নরী স্বৃতি-পুরাণ রাজভাতাভাণের তক্ষ্য সকল বাহাতে-এবারা পাইতে পারে তাহার ব্যবস্থা করিলেন,

কিন্তু এই ব্যবস্থা প্রাণ সাধারণের মনঃপুত হইল না। তাহার তাহা বিনামূল্যে অথবা অতি সামান্ত মূল্যে পাইতে দানী করিল। মন্ত্রী উপায় নাই দেখিয়া ভাণ্ডারের সেই বিস্কৃত ভদ্রারের সহিত নানাপ্রকার অর্ধহীন ও অসার ক্রিয়া কর্ণের তেজাল (?) মিলাইয়া প্রাণাধিককে সামান্ত মূল্যে দিতে লাগিলেন। বিজ্ঞান আপত্তি করিল—আপনি এই কদর্য সামগ্রীগুলো বাজারে চালাইতেছেন—ও যে বিব। মন্ত্রী বলিলেন—“ঐ জব্যগুলিরই মধ্যে দুই চ’রি কোটা অমৃত বাহা সন্মোচিত আছে, তাহা অমন ধারা দশবিশ হাঁড়ি বিবকে গিলিয়া খাইতে পারে।

“কিছুদিন পরে মন্ত্রীর কার্যভার বিজ্ঞান কাদিতে কাদিতে আপনার জননী ভারতভূমি হইতে জন্মের মত বিদায় গ্রহণ করিলেন এবং স্বীয় বাহুবলে পাশ্চাত্য ভূখণ্ডে আপনার আধিপত্য অটলরূপে প্রতিষ্ঠিত করিলেন। এদিকে রাজভাণ্ডারে অসার জিনিসের তেজালে বিস্কৃত আধ্যাত্মিক ধর্ম চাপা পড়িয়া যাইতে লাগিল।

উপসংহারে বিজ্ঞাননাথ বলিয়াছেন :—

রাজ ভাণ্ডারের তেজাল ভক-পথে সামগ্রীতে এক আধ কোটা অমৃত বাহা সন্মোচিত রহিয়াছে—তাহা সত্য। রামায়ণ ও মহাভারতে দেশের আধ্যাত্মিক সভ্যতাকে মৃত্যুর হস্ত হইতে বাঁচাইয়া রাখিয়াছে। মন্ত্রীর উপায় রাখিয়া বিজ্ঞান যে পিতার অনভি-মতে আপনার জননীভূল্য জনভূমিকে কেলিয়া পশ্চিম ভূখণ্ডে রাজ্য প্রতিষ্ঠা করিয়াছেন—এটা তাহার উচিত কার্য হয় নাই। তাহার উচিত ছিল পিতৃভূমি পরিত্যাগ না করিয়া পিতার নিকট পরমার্থিক সত্যের মন্ত্র গ্রহণ করিয়া নিজ অপূর্ণ জ্ঞান ভাণ্ডারের শূন্য ভাগটা পূরাইয়া লওয়া। বাইহটক বিজ্ঞান যদি হিতসাধন চান তবে ক্রিয়া পিতার নিকট দীক্ষিত হউন এবং অর্থাৎ সত্যতার যৌবরাজ্যের সিংহাসন অধিকার করিয়া পিতার চিরপোষিত মন-কামনা পূর্ণ করুন। তাহা হইলে প্রাচ্য প্রতিচ্য উভয় রাজ্যেরই মঙ্গল হইবে।”

সাহিত্য সম্মিলনে সাহিত্য সেবকগণ প্রাচীন সাহিত্যা-চার্যের হস্তে সাহিত্যের সুবর্ণ থালা দেখিবার আশা করিয়াছিলেন।

* * *

সাহিত্য সভার সভাপতি মহামহোপাধ্যায় পণ্ডিতরাজ শ্রীযুক্ত বামবেশ্বর তর্করত্নের অভিভাষণ পাণ্ডিত্যপূর্ণ। তিনি একস্থানে বলিয়াছেন—

“বাহারা মাতৃ সমৃদ্ধিতে ঐশ্বর্যশালিনী বঙ্গভাষাকে দেখিয়া ঐশ্বর্যশূন্য করিয়া দীনা করিতে চান, বাহারা বিদেশের দৃষ্টান্তে বঙ্গ ভাষাকে অলঙ্কারশূন্য করিয়া বিধবার বেশে সাজাইতে চান, তাঁহা-সিগকে বলিবার কিছুই নাই। পাশ্চাত্য জগতের মহাকবি মিল্টনও

ভারতীয় রীতিতে কবিতাশুনরীকে সাজাইয়াছেন, স্পষ্ট দেখাইতে পারি। অবশ্য রূপকে (নাটকে) পাত্রবিশেষের মুখে প্রাদেশিক শব্দেরই ব্যবহার সঙ্গত। তাই বলিয়া পণ্ডিতের মুখে, রাজার মুখে, মন্ত্রীর মুখে প্রাদেশিক শব্দের ব্যবহার সঙ্গত নয়। পণ্ডীর বিবয়ের বক্তৃতা করিতে বাইরা প্রোডুমণ্ডলীর মনে উন্মাদনা আনিতে ইচ্ছা করিয়া যদি কেহ প্রাদেশিক ভাষার বক্তৃতা করেন, সে বক্তৃতা জলের মত উপরে উপরে ভাসিয়া যায়, ক্ষুদ্র নদীর ক্ষুদ্র বীচের মত তাৎ-কালিক ক্ষুদ্র ভাবের সৃষ্টি করিয়া পাদমূলমাত্র স্পর্শ করিয়া চলিয়া যায়। আবার যে বক্তৃতার শব্দের বন্ধার আছে, ডব্বর বন্ধ আছে, গুফনকৌশল আছে, সে বক্তৃতা কর্ণমূল স্পর্শ করিয়া উপরে উপরে ভাসিয়া যায় না। অগাধ, অকূল, কেনিল জলানিধির হিমাজি শৃঙ্গ-স্পর্ধি উচ্চ উত্তাল, শুভ্র মুক্তাবধী তরঙ্গের মত পণ্ডীর মেঘ গর্জনে ছুটিয়া সত্যমণ্ডলীকে আপ্যায়িত করিয়া কেলে, আকূল করিয়া ফেলে, অধীর করিয়া তোলে, মূর্ছার মধ্যে আকাশে ভুলিয়া ভূমিপৃষ্ঠে উৎক্ষিপ্ত করিয়া সঙ্গে সঙ্গে শরীরের সমস্ত রানি, মনের সমস্ত অবসাদ লইয়া চলিয়া যায়। সেইরূপ বক্তৃতা ভিন্ন মনে অভূতপূর্ব ভাবাবেশ হয় না, তেজের সঞ্চার হয় না, উন্মাদনা আসে না। তেজ সঞ্চার করিতে হইলে তেজস্বিনী ভাষার প্রয়োজন। ওজোশূণ্য না থাকিলে ভাষার তেজস্বিতা হয় না। সংস্কৃতবহুল বাক্যের প্রয়োগ ভিন্ন ভাষার ওজোশূণ্য আসে না।

বাহারা কথ্য ভাষাকে লেখ্য ভাষা করিতে চান, তাঁহারাও কখনও ধর্মকে ‘ধর্ম’ উচ্চারণ করেন না। পুরস্বীর্গের অনেকের মুখে, অশিক্ষিত ইতঃশ্রেণীর সর্বসাধারণের মুখে, ধর্মই আমরা শুনিতে পাই। ইহা দ্বারা কি বুঝিব, প্রকৃত শব্দ কি অবধারণ করিব? অক্ষম লিঙ্গার উচ্চারিত, বিকৃত শব্দকে শব্দসমাজের আসনে বসাইলে ইংরেজের উচ্চারিত টুনিকেও ভূমির আসনে বসাইতে হয়। মহামনা বঙ্কিমচন্দ্রও সর্বত্র টেকচাঁদী ভাষার অনু-বর্তন করেন নাই; ছানবিশেষে তাঁহার লেখনী বিভাসাগর মহাশয়ের ভাষাকে পর্যন্ত অতিক্রম করিয়া সমাসবহুল বাক্যের সৃষ্টি করিয়াছে। মহাকবি রবীন্দ্রনাথের গানেও আমরা সংস্কৃত শব্দরাশির সমাবেশ দেখিতে পাই। তাঁহার কৃত প্রাচীন সাহিত্য নামক গ্রন্থও আমা-দের কথার সম্যক্ সমর্থন করিবে। এ কথা অবশ্য স্বীকার্য যে, বাহাদিপের সংস্কৃত ভাষার ও সংস্কৃত ব্যাকরণে সম্যক্ বুৎপত্তি নাই তাঁহাদিপের কৃত সমাসগ্রন্থি, তাঁহাদিপের কৃত সন্ধিবন্ধ প্রবন্ধের পৌরব বৃদ্ধি করে না; প্রত্যুত সেই প্রবন্ধের সঙ্গে সঙ্গে ভাষার আবর্জনা আনয়ন করিয়া ভাষাকে কলুষিত করে। ভাবপৌরবে যদি সেই প্রবন্ধের, সেই পুস্তকের সমাজে আদর হয়, তবে সঙ্গে সঙ্গে সংক্রামক পীড়ার স্তায় সেই দুই গ্রন্থন যে নবীন লেখকদিগকে আক্রান্ত করিয়া ভাষাকে আক্রমণ করিবে তাহাতে সন্দেহ নাই। সংস্কৃতানভিজ্ঞ লেখকগণ অনবধানতা বশতঃ লেখনীচালনার, লেখনীর

আধাতে ভাষাসুন্দরীরা লাগেগোচ্ছাসিত অনিন্দ্যসুন্দর দেহের নানা স্থানে যে পুষ্পোদিতপূর্ণ কতের সৃষ্টি করিয়া সৌন্দর্যের কণি করিতেছেন, চূর্তাগাবশতঃ তাঁহাদিগের সেই সমস্ত ভ্রম প্রশংসিত হইলেও মোহবশে তাঁহারা ভাষা বুঝেন না। তর্কবিচার লীলাক্ষেত্র বঙ্গভূমিতে জন্মগ্রহণ করিয়া তর্কে কেন তাঁহারা হটিবেন? তাঁহাদিগের সেই অশুদ্ধ পদমালা রক্ষার জন্য বলিয়া উঠিবেন,—“ইহা সংস্কৃত ভাষা নহে, বাঙ্গালা ভাষা। ইহাতে সংস্কৃত ব্যাকরণের সূত্র খাটিবে কেন?” উত্তরে বলিতে পারি—সমাস ও সন্ধি কাহার? বাহার নিকট হইতে সন্ধি, সমাস গ্রহণ করিয়াছ, তাহার নিয়ম মানিবে না—ইহা কেন? ডাক্তারী ঔষধ খাইবে, অথচ ডাক্তারের প্রেস্ক্রিপ্‌সন্ মানিবে না; রসায়নবিজ্ঞান না জানিয়া নিজেই প্রেস্ক্রিপ্‌সন্ করিলে যে দোষ হয়, এখানে তাহাই হইবে।”

বাঁহারা বাঙ্গালা ভাষার জন্ম পত্রিকার উহার রাশি নক্ষত্রের অবস্থান এখনও স্থির করিতে পারেন নাই, তাহাদের নিকট তর্করত মহাশয়ের উক্তি মনঃপূত হইবে কিনা জানি না। বাঙ্গালা ভাষাকে আরবি ও পার্সি ভাষা প্রধান করিতে কাহারও কাহারও প্রয়াস দেখা যাইতেছে। যিনি বাঁহার ক্রোড়েই কেন বঙ্গভাষাকে স্থাপন করুন না, ভাষা আপনার জননীকে চিনিয়া লইয়াছে। যা এক, ধাত্রী অনেক।

* * *

দর্শন শাখার সভাপতি ছিলেন ডাঃ ব্রজেননাথ শীল। তাঁহার অনুপস্থিতিতে ডাঃ প্রসন্নকুমার রায় সভাপতির আসন গ্রহণ করেন। তিনি বলিয়াছেন—

“দার্শনিক-সাহিত্যের উন্নতি করিতে হইলে পরিভাষার অভাব দূর করিতে হইবে। দার্শনিক সাহিত্যের উন্নতির আর একটা উপায় পরম্পরের তার বিনিময়ের ব্যবস্থা। বাঙ্গালা ভাষা যখন পরিপুষ্ট হইবে, ইহার শব্দ-দৈর্ঘ্য যখন সূচিতবে, বাঙ্গালা ভাষার পুস্তক যখন অন্য ভাষার অনুদিত হইবে, তখন হয়ত আমাদেরও আর ইংরেজির সহায়তা আবশ্যিক হইবে না। কিন্তু যতদিন তাহা না হয়, ততদিন ইংরেজি ভাষার আমাদের চিন্তার কল সাধারণের নিকট উপস্থিত করিতে সংকুচিত হইবার কোনও কারণ নাই। কারণ জগতের বিচারালয়ের সমক্ষে সে, গুলিকে উপস্থিত করা, ভারতের বিভিন্ন অংশের মধ্যে এইরূপ চিন্তার প্রচার করা আপাততঃ কেবল ইংরেজি ভাষার দ্বারাই হইতে পারে। আপাতদৃষ্টিতে এরূপ প্রণালী বঙ্গ-ভাষার উন্নতির অন্তরায় বলিয়া মনে হইতে পারে, কিন্তু আমি মনে করি যে পরোক্ষভাবে ইহার দ্বারাও বঙ্গসাহিত্য লাভবান হইবে। দেশে দার্শনিক চিন্তার প্রচার হইলেই বাঙ্গালা দার্শনিক সাহিত্য

তাহার দ্বারা নিশ্চয়ই উপকৃত হইবে। *কোনও জাতির দার্শনিক সাহিত্য পরিপুষ্ট করিতে হইলে কেবল মৌলিক অনুসন্ধানের উপর নির্ভর করিলে চলিবে না। অনুবাদের মূল্যও এখানে খণ্ডিত করা কর্তব্য। তির তির জাতির মধ্যে এইরূপেই তাবের আদান প্রদান হইয়া থাকে। এইরূপ বিনিময়ের দ্বারা জগতের সমস্ত সাহিত্য সর্বকালে উন্নতি ও বিস্তৃতি লাভ করিয়া থাকে।”

* * *

বিজ্ঞান শাখার সভাপতি শ্রীযুক্ত রামেন্দ্রসুন্দর ত্রিবেদী বলিতেছেন—

“আমার যেটুকু অভিজ্ঞতা, তাহার উপর ভর করিয়া আমি বলিতে বাধ্য যে বাঙলা ভাষা জনসাধারণের সম্মুখে পদার্থ বিজ্ঞানের প্রচার কার্যে একবারে অসমর্থ নহে। রসায়ন শাস্ত্রের বিবিধ মৌলিক এবং যৌগিক দ্রব্যের পারিভাষিক নামগুলা এবং তাহাদের গঠনবিজ্ঞাপক সাঙ্কেতিক চিহ্নগুলা ইংরেজি রাখিব কি বাঙলার ভাষান্তরিত ও রূপান্তরিত করিব, তাহা লইয়া একটা বিবাদ বহুকাল হইতে চলিত আছে। আপাততঃ সেই বিবাদের মীমাংসার কোন সম্ভাবনা দেখি না, কিন্তু সেই বিবাদের নিশ্চিন্তি পর্যন্ত বাঙলা দেশের শিক্ষার্থীরা—ইংরেজি ভাষার বাহাদের দখল নাই তাহারা—রসায়ন বিজ্ঞান রসায়নদানে যে একবারে বঞ্চিত থাকিবে, ইহা উচিত নহে। উদ্ভিদ বিদ্যা এবং প্রাণিবিদ্যা বিবিধ উদ্ভিদ জাতির এবং প্রাণিজাতির নামকরণে লাতিন ভাষার আশ্রয় লন; সেই উৎকট নামগুলি কোন কালে বাঙলা ভাষার ধাতুর সহিত মিলিতে চাহিবে কি না তাহা বলিতে পারি না। কিন্তু যেমনই হউক—লাতিন নামগুলি বজায় রাখিয়াই হউক অথবা তাহাদের অনুবাদের চেষ্টা করিয়াই হউক—উদ্ভিদতত্ত্বকে এবং প্রাণিতত্ত্বকে বাঙলা সাহিত্যে স্থান দিতেই হইবে। ভূবিদ্যা এবং পণ্ডিতেরা বিবিধ আকরিকের ও বিবিধ শিলাধাতুর যে সকল নাম সর্বদা ব্যবহার করেন, বাঙ্গালীর কোমল বাগ্‌যন্ত্র তাহার উচ্চারণে হিঁড়িয়া যাইবার আশঙ্কা আছে, তাহা খণ্ডিত করি। বাঁহারা করাত এবং হাতুড়ি হাতে পাহাড়ে পাহাড়ে লাকাইয়া বেড়ান, তাঁহাদের দেহ ও মন আপেটের ও কোরগুনের কাঠিন্দ পাইয়াছে সন্দেহ নাই। আমাদের বাগ্‌যন্ত্রের এই কোমলতা দেখিয়া তাঁহাদের হৃদয় কোমল হইবে, এরূপ আশা করি না; কিন্তু ঐ নামগুলিকে কাটিয়া ছাঁটিয়া একটুকু মোলায়েম করিয়া লইলেই যদি আমাদের বাগ্‌যন্ত্রের এবং শ্রবণেন্দ্রিয় উত্তরেই তাহা গ্রহণ করিতে সম্মত হয়, তখন বাঙলা সাহিত্যের প্রতি সৃষ্টি করিয়া তাঁহাদের কঠিন অন্তঃকরণকে একটু করুণসার্জ করিতে আমি সনির্বিক অনুরোধ করিতেছি।”

* * *

সম্মিলনের প্রধান উল্লেখযোগ্য ঘটনা এই—উহাতে

সাহিত্য এবং বিজ্ঞান, দর্শন এবং ইতিহাস প্রত্যেকেই বিশিষ্ট মর্যাদা পাইয়াছিল। বর্ণমালার উচ্চারণে বেরুপ কণ্ঠ, তালু, দন্ত, ওষ্ঠ, মূর্ধা এবং নাসিকার প্রয়োজন ভাষার উৎকর্ষ সাধনে তেমনি সকল অঙ্গের পুষ্টি ও পরিচালনা আবশ্যিক। দর্শন বিহীন সাহিত্য অন্ধ; বিজ্ঞান শূন্য দর্শন দস্তখীন বুদ্ধের বাক্যের স্তায় অস্পষ্ট এবং অদ্ভুত। সাহিত্যবিহীন ইতিহাস ছিন্নমূলী অস্থায়ী বিশেষ।

যৌবন।

১

প্রমোদ নিকুঞ্জ মাঝারে প্রাণের,
বাঞ্ছিত মধুরে একটি বীণ;
ছিন্ন-তার হ'য়ে হইবে নিরব,
যৌবনের ভাতি হইলে লীন।

২

কুমুম কোরক অলস নয়নে,
হাসে স্নিগ্ধ হাসি উষার বায়।
গোধূলীর স্নান অঞ্চল পরশে
ফুল-ফুলবালা বরিয়া যায়।

৩

তরুণ অরুণ কিরণ বরণ,
অন্ত রবির উজল লেখা,
সব নিভে যায় আঁধারের কোলে
তধু থাকে বৃকে স্মৃতির রেখা।

৪

হেরিয়া এ সব যৌবনে-আমার
অড়াইয়া ধরি সকলে বৃকে

কালের শীতল পরশ হইতে
লুকাইতে চাই নিভৃত লোকে।

৫

যৌবন-চঞ্চল অঞ্চল-বাতাসে
প্রেম-সিদ্ধ মধি অমিয় উঠে।
বিরহের অশ্রু, মিলনের হাসি,
করি পান বসি জীবন-তটে।

৬

বিবাদ হইতে সুখেতে ছাঁকিয়া
দেয় উপহার বিশ্বের প্রাণে।
সু-রস রূপের দেয় ছিটাইয়া
বেই চায় তা'র নয়ন পানে।

৭

যাহা আছে মোর, লও সব, কাল,
অধরের সুধা, লোচন দীপ্তি,
চূর্ণিত চিকুর, নিটোল গঠন,
আসুক এ সনে অনন্ত সুপ্তি।

৮

সৌন্দর্য্য খুলিয়া নেওকে একে,
হৃদয় মাঝারে দিওনা উঁকি।
বাহিরে যা আছে হরে নিয়োঁ বাও,
যৌবন আমার রাখিয়া বাকী।

৯

ক'দিন বাঁচিব ভাবিনা কখনো,
মরনে আমার নাহি কো ডর।
যুঁতার সৈকতে দাঁড়াইব আমি
যৌবনের-বাহু করিয়া ভর।

১০

অস্তিম শয়নে চাহিগো হেরিতে,
পাতার নীলিমা, মলয়ানিল
বসন্তের হাসি, কৌমুদী-মাধুরী,
ললনা-ভরল-নয়ন-নীল ।
শ্রীমুরেশচন্দ্র পত্রনবিশ ।

সুবর্ণ পদক ।

ময়মনসিংহের গৌরব পণ্ডিত কুলাগ্রগণ্য মহাত্মা কালী বিদ্যালয়কারের নাম সর্বজন-পরিচিত । এই মহাত্মা বিখ্যাত স্মার্ত পণ্ডিত রত্নন্দনের “অষ্টাবিংশতিতম্বের” মত ধ্বংস করিয়া “অষ্টাবিংশতি তদ্বাবশিষ্ট” নামে বিরাট গ্রন্থ প্রণয়ন করেন ।

এই উত্তম গ্রন্থ অবলম্বনে পণ্ডিত ঘরের মতের পার্থক্য দেখাইয়া যিনি বঙ্গভাষায় উৎকৃষ্ট প্রবন্ধ লিখিতে পারিবেন তাঁহাকে কালীপুরের জমিদার সুকবি শ্রীযুক্ত বিজয়াকান্ত লাহিড়ী চৌধুরী মহাশয় একটা সুবর্ণ পদক প্রদান করিবেন । প্রবন্ধ আগামী ৩০শে মার্চের পূর্বে সৌরভ-সম্পাদকের নিকট পৌঁছান আবশ্যিক । পুরস্কার যোগ্য প্রবন্ধটা আগামী বঙ্গীয় সাহিত্য সম্মিলনের—বর্ধমান অধিবেশনে পাঠের জন্য উপস্থিত করা যাইতে পারে এবং সৌরভে প্রকাশিত হইবে । বিশেষ বিবরণ চিঠি লিখিলে জানিতে পারিবেন ।

কার্য্যাধ্যক্ষ—“সৌরভ” ময়মনসিংহ ।

মাননীয় ডিরেক্টার বাহাদুরের চিঠি ।

আমরা আজ্ঞাদের সহিত জানাইতেছি যে বঙ্গীয় শিক্ষা বিভাগের মাননীয় ডিরেক্টার বাহাদুর পূর্ব বাঙ্গালার উচ্চ ও মধ্য ইংরাজি স্কুল সমূহের জন্য “সৌরভ” অনুমোদন করিয়াছেন । তাহার চিঠির অনুলিপি নিম্নে উদ্ধৃত হইল ।

FROM—THE DIRECTOR OF PUBLIC
INSTRUCTION

Bengal.

TO—BABU KEDAR NATH MAZUMDAR,
Research House, Mymensingh.

Calcutta, the 15th. May, 1914.

Sir,

In reply to your dated 22nd. April 1914, I have the honour to say that the monthly magazine “Sourava” has been approved for the use of libraries attached to High and Middle Schools in the Dacca, Chittagong and Rajshahi Divisions. It will be included in accordance with the usual procedure, into the list of Newspapers, Periodicals and Magazines selected for use in Colleges and Schools in East Bengal.

I have &c.

SD/- ILLEGIBLE


For Director P. I.

চিত্র সম্বন্ধে কৈফিয়ত ।


কলিকাতা হইতে ব্লক করা ইয়া, ৯ টাকা হইতে ছাপাইয়া মফস্বল হইতে পত্রিকা বাহির করা যে কত দুর্লভ ব্যাপার তাহা ভুক্তভোগী ব্যতীত কেহ বুঝিতে পারিবেন না । এরূপ করিয়াও আমরা নির্দিষ্ট সময়েই “সৌরভ” বাহির করিয়া আসিতেছি ।

ক্রমশঃ আসের ব্লক কলিকাতা হইতে অল্প পর্য্যন্তও আসিয়া না পহঁছায়, নিয়মিত প্রচারের জন্য বিজ্ঞাপিত চিত্র ব্যতীতই এই সংখ্যা প্রকাশ করিতে বাধ্য হইলাম । এবারের চিত্রগুলি আগামী সংখ্যায় প্রদত্ত হইবে । ইতি,

কার্য্যাধ্যক্ষ—



ডাঃ অন্নকুমার দাস ।




মহামহোপাধ্যায়
ডীঃ জ্ঞ হরপ্রসাদ শাস্ত্রী ।



ডাঃ দেবপ্রসাদ সর্কারী ।



ডাঃ রাজেন্দ্রনাথ শাস্ত্রী বাহাজর ।



ডাঃ রাজেন্দ্রনাথ চৌধুরী ।

সৌরভ

দ্বিতীয় বর্ষ । }

ময়মনসিংহ, আষাঢ়, ১৩২১ ।

{ নবম সংখ্যা ।

গো জাতির উন্নতি ।

(বঙ্গীয় সাহিত্য সম্মিলনের ময়মনসিংহ অধিবেশনে পঠিত)

আমাদের দেশীয় গৃহপালিত পশুদির অবস্থা অতিশয় শোচনীয়, উহাদের অবস্থা ক্রমশঃই অবনতির দিকে অগ্রসর হইতেছে, একথা সকলেই স্বীকার করেন কিন্তু কি উপায় অবলম্বন করিলে গ্রাম্য পশুদির বর্তমান অবনতি দূর হইতে পারে, সে বিষয়ে কেহই চিন্তা করেন না অথবা চিন্তা করিলেও আপনাদের নির্দ্ধারিত উপায় কার্যে পরিণত করিবার চেষ্টা করেন না ।

গো এবং মহিষ জাতির শ্রীবৃদ্ধির সঙ্গে ভারতবাসীর সুখ স্বচ্ছন্দতা একান্ত জড়িত । গো মহিষ এ দেশের কৃষিকার্যের এবং ভার বহনাদি কার্যের প্রধান সহায় ; ইহারা কৃষকের একমাত্র সখল । ভারতবাসীর শারীরিক ও মানসিক শক্তি রক্ষার্থ গো এবং মহিষ দুই ও তজ্জাত নবনীত এবং ঘৃতাদি অত্যন্ত প্রয়োজনীয় । বর্তমান সময়ে বঙ্গালার সর্বত্রই গো এবং মহিষ জাতির হীনাবস্থা ঘটিয়াছে আমরা সময়ে সময়ে সংবাদ পত্রে এ বিষয়ের আলোচনা দেখিতে পাই । এতদ্বারা অনুমিত হয় যে শিক্ষিত সম্প্রদায় গো মহিষ জাতির অবনতি জনিত ক্লেশ ভীতভাবে অনুভব করিতেছেন । ইহা সাময়িক শুভ লক্ষণ, তাহাতে সন্দেহ নাই ।

৪০ । ৫০ বৎসর পূর্বে এ অঞ্চলের প্রায় সর্বত্রই গো-শালা গো পূর্ণ, বাধান (১) মহিষ পূর্ণ দেখা যাইত ।

(১) যেখানে রাত্রিতে পশুসকল রুদ্ধ করিয়া রাখা হয় ।

কিন্তু এক্ষণে আর গো শালায় ও বাধানে সেরূপ গো মহিষের সংখ্যা দেখা যায় না । অনেক স্থলে গোশালা ও বাধান পর্য্যন্ত অন্তর্হিত হইয়াছে । শতাধিক গো মহিষ পালন এক্ষণে কিম্বদন্তীতে পরিগণিত হইয়াছে । পূর্বে আমরা একটাকায় ২০ সের দুগ্ধ বিক্রয় হইতে দেখিয়াছি ; বর্তমান সময়ে টাকায় ৩ । ৪ সের দুগ্ধও সকল সময় পাওয়া যায় না । দুগ্ধ দুপ্রাপ্য হওয়ার দুগ্ধে ও ঘৃতে নানারূপ কদর্য ও স্বাস্থ্য হানিকর দ্রব্য বহুল পরিমাণে মিশ্রিত হইতেছে । বিত্তহীন দুগ্ধ ও ঘৃত সংগ্রহ নিতান্ত কষ্ট সাধ্য হইয়াছে, অত্রাবস্থার লোকের যে স্বাস্থ্যের হানি হইবে তাহার আর সন্দেহ কি ?

গো মহিষ জাতির অবনতিতে একদিকে যেমন দুগ্ধ ঘৃত দুপ্রাপ্য হইয়াছে, অত্রদিকে তেমনই কৃষিকার্যের ও গুরুতর ব্যাঘাত ঘটিয়াছে । ভূমিতে সার প্রদান ভিন্ন কৃষির উৎকর্ষতা সাধিত হইতে পারে না । এ দেশের কৃষক সম্প্রদায় মধ্যে গোময় এবং গোমূত্র ভিন্ন অন্যপ্রকার সার ব্যবহারের প্রথা প্রচলন নাই । গো সংখ্যার অল্পতা নিবন্ধন ঐ সকল সার দুপ্রাপ্য হওয়ার সার প্রধান ক্রমশঃ রহিত হইয়া আসিতেছে সারের অল্পতা জন্ম প্রচুর পরিমাণে শস্তোৎপত্তির ও ব্যাঘাত হইতেছে ।

আমাদের দেশে দিন দিনই সুবিস্তৃত চারণ ভূমি সকল কৃষিক্ষেত্রে পরিণত হওয়ার উপযুক্ত পরিমাণ ঋণাত্মকভাবে গৃহপালিত পশু সমূহ ক্রমশঃই দুর্বল হইয়া পড়িতেছে । জন সংখ্যার আধিক্য এবং শস্ত ক্ষেত্রের উর্বরতাশক্তি হ্রাস হওয়ার কৃষিক্ষেত্রে দ্রব্যাদি পূর্কোপেক্ষা মহার্ঘ্য

হইয়াছে। তন্নিস্ত কৃষকগণ গ্রামস্থ চারণ ভূমি গুলিতেও শস্তোৎপাদন করিতেছে। সেইরূপ এক্ষণে আর পূর্বের ন্যায় চারণ ভূমি দৃষ্টিগোচর হয়না। এদিকে কালধর্ম্যে অর্থের প্রয়োজনীয়তা এবং অর্থ লালসা বর্দ্ধিত হওয়ায় ভূম্যধিকারীরাও আয় বৃদ্ধির সুবিধা দেখিয়া প্রজার সহিত ঐ সকল ভূমির কর আদায়ের বন্দোবস্ত করিতেছেন। প্রচুর তৃণাভাবে পশুগণও ক্রমশঃই জীর্ণ শীর্ণ কলেবর ও ব্যাধিগ্রস্থ হইয়া অকালে কাল কালে পতিত হইতেছে।

পশু পালন করিয়া যে বিশেষ লাভবান হওয়া যাইতে পারে সে বিষয়ে আমাদের দেশীয় পশু পালকদের জ্ঞান অতি সঙ্কীর্ণ কাজেই পশু দিগের নিমিত্ত করপ্রদান করিয়া চারণ ভূমি রাখা তাহারা নিতান্তই কঠিন বলিয়া মনে করে। ইংলণ্ডের কৃষিক্ষেত্রের বাৎসরিক কর গড়ে প্রতি বিঘা ৭ সাতটাকা, চারণ ভূমির প্রতিবিঘার কর ১২ বারটাকা। ইহা ব্যতীত চারণভূমি চাষের ব্যয় আছে। একখানি ভূমি চারণভূমিতে পরিণত করিতে বিঘাপ্রতি ১২ টাকা হইতে ২০ টাকা ব্যয় হয়, ইহাতেই বৃষ্টিতে পায়ায় যে সেদেশে চারণভূমির আদর কত। এতাদিক ব্যয় করিয়াও ইংলণ্ডীয় পশুপালকগণ পশুপালন করিয়া বিলক্ষণ লাভ করিতেছেন। বিগত ১৮৮৩ খৃষ্টাব্দে ইংলণ্ড ও স্কটলণ্ডের পার্শ্বভূমি বাদে অবশিষ্ট ১০ কোটি বিঘা মধ্যে ৬ কোটি বিঘাভূমিই চারণভূমিরূপে নির্দিষ্ট হইয়াছিল। একথা শুনিলে হয়ত আমাদের দেশীয়গণ বিস্মিত ও স্তম্ভিত হইবেন।

আমাদের প্রাচীন আর্য্য মহাভাগ গো চারণ ভূমির কর গ্রহণ করা নিতান্ত পাপ জনক বলিয়া মনে করিতেন। আর্য্য ধর্ম্ম শাস্ত্র প্রণেতা মহর্ষি মনু স্বীয় সংহিতায় লিখিয়াছেন যে “শতং পরীহারো গ্রামন্যস্তাৎ সমস্ততঃ। সম্যাপাতা-জয়োবাপি ত্রিগুনো নগরশতু” অর্থাৎ গ্রামের সীমা হইতে চারিদিকে একশত ধনু (চারিশত হস্ত) অথবা চারিশত পরিমিত গাট্টি তিনবার প্রক্ষেপ পরিমিত স্থান গো চারণের নিমিত্ত পরিত্যাগ করিবে অর্থাৎ তাহাতে কোন প্রকার শস্ত বপন করিবে না। নগরের চতুর্দিকে ঐ নিমিত্ত ইহার ত্রিগুণ স্থান রক্ষা করিবে।

বর্তমান কালে প্রায় সমস্ত ভূমিই বিবিধ শস্তে পরিপূর্ণ, চারণ ভূমি বোধ করি অধিক চক্ষুগোচর হইবে না। বর্তমান সময় লোকের যেরূপ মনোভাব লক্ষিত হইতেছে তাহাতে পাশ্চাত্য কৃষি প্রাচ্য দৃষ্টান্ত যে কার্য্যকরী হইবে সে আশা স্কীণ, তবে ভূম্যধিকারীরা যদি গ্রামের চারণ ভূমিগুলির অল্পমাত্র কর গ্রহণ পূর্বক প্রজাদিগকে বন্দোবস্ত করিয়া দেন তাহা হইলেও কতকটা ফল দর্শিতে পারে, কিন্তু কেবল চারণ ভূমি নির্দিষ্ট করিলেই যে যথেষ্ট হইবে তাহা নহে, চারণ ভূমিতে পশু দিগের আহারোপযোগী পুষ্টিকর তৃণাদি যাহাতে যথেষ্ট পরিমাণে জন্মিতে পারে তাহারও উপায় বিধান করা আবশ্যিক হইবে।

প্রাচীন কালে হিন্দুদিগের প্রেত শ্রাদ্ধাদি উপলক্ষে উৎকৃষ্ট লক্ষণাক্রান্ত বৃষ ছাড়িয়া দেওয়ার প্রথা প্রচলিত ছিল। কিরূপ লক্ষণাক্রান্ত বৃষ উৎসর্গ করিতে হইবে, তৎসম্বন্ধে মহর্ষি কাত্যায়ন বলিয়াছেন “অব্যক্ত জীব বৎসায়ঃ পয়স্বিত্যাঃ সূতোবলী। একবর্ণো দ্বিবর্ণো বা যোবাস্তাদষ্টকা সূতঃ” ॥ অর্থাৎ যে বৃষ অবিকলাঙ্গ জীবিত বৎস হৃৎকবতীর পুত্র বলবান একবর্ণ বা দুইবর্ণ বিশিষ্ট এবং অষ্টকা তিথিতে জন্মগ্রহণ করিয়াছে সেই প্রকার লক্ষণাক্রান্ত বৃষ উৎসর্গ করিবে। এক্ষণে বিবেচনা করিয়া দেখিলে অনায়াসেই বৃষ্টিতে পারা যায় যে আর্য্য ঋষিগণের উদ্দেশ্য কত মহৎ ছিল এবং গো জাতির উন্নতি সাধন বিষয়ে তাঁহাদের কত দূরদর্শিতা ছিল। এই উৎসর্গীকৃত বৃষের যাহাতে বলক্ষয় না হয় আর্য্য ঋষিগণ তৎপক্ষেও বত্নের ক্রটি করেন নাই। মহামুণি গোভিল বলিয়াছেন “বৃষভস্ত সমুৎসৃষ্টং কপিলা বাপি কামতঃ যোক্তয়িত্বা হলং কর্ঘ্যাৎ ব্রতং চান্দ্রায়নং স্বয়ং ॥” অর্থাৎ যদি কেহ ইচ্ছা পূর্বক উৎসর্গীকৃত বৃষ কপিলা দ্বারা হাল চালনা করে তবে তাহাকে দুইটা চান্দ্রায়ন করিতে হইবে। ঐসকল বৃষকে সকলেই যত্ন করিতেন। সুতরাং গো বংশ বৃদ্ধির সহজ উপায় ছিল। গাভীদিগের সংযোগ বিধানের নিমিত্ত যশুরাধার বিশেষ প্রয়োজন হইতনা। ক্রমে দেশে পাশ্চাত্য সভ্যতা বিস্তার আরম্ভ হইলেও উৎসর্গীকৃত বৃষগুলিকে স্বেচ্ছামত বিচরণ করিতে দেওয়া হইত। সেই সময়েও বৃষাভাব

নিবন্ধন গোবংশ বৃদ্ধির তাৎক্ষণিক সম্ভাব হয় নাই। স্বেচ্ছা-বিহারী বৃষগুলি বিলক্ষণ হুইপুট ও বীর্ষ্যবান হইত এবং তাহাদের দ্বারা সচ্ছন্দে বিহারিণী বৎসত্রী হইতে যে সকল সন্তান জন্মিত তাহাও সমধিক বলিষ্ঠ হইত। অধুনা বৎসত্রীগুলিকে গৃহস্থেরা গ্রহণ করে বলিয়া তাহাদের আর সেরূপ সন্তান জন্মে না। অবশেষে ইংরাজী ১৮৬৮ সালের মিউনিসিপাল ৬ আইন প্রচার হইলে সমৃদ্ধিসম্পন্ন গ্রাম ও নগরগুলিতেই পৌণ্ড অর্থাৎ অস্থায়ীক পশু আবদ্ধ স্থান স্থাপিত হওয়ার প্রথমতঃ গ্রামস্থ বণ্ডগুলিকেই আবদ্ধ করিয়া সুলভ মূল্যে বিক্রীত করা হইল। হুইপুট কলেবর বৃষগুলি নিষ্ঠুর ক্রেতাদিগের হস্তে নিপতিত হইয়া কতকগুলি খাদকের উদরপূর্তি করিল ও কতকগুলি মুচ্ছাদিত হইয়া বাহকের ও হলচালকের কার্যে নিযুক্ত হইল, সুতরাং বৃষের সংখ্যা সঙ্কীর্ণ হইয়া পড়িল। অনন্তর কৃতক্লীব বণ্ড দ্বারা হলচালন প্রথা প্রচলিত হওয়ার বণ্ডের সংখ্যা আরও অনেক পরিমাণে হ্রাস হইয়া গিয়াছে। এক্ষণে বহু সংখ্যক গাভীর পাল মধ্যেও দুই একটি পূর্ণ বয়স্ক বণ্ড খুজিয়া পাওয়া স্কঠিন। এতদঞ্চলে সংযোগ ক্রিয়া সম্পাদনের জন্য বণ্ড রক্ষা করার পদ্ধতি প্রায় নাই বলিলেই হয়। অধিকাংশ স্থলেই যে সকল বণ্ড বলদ বানাইবার জন্য রাখা হয়, সেই সকল অপরিণত বয়স্ক বণ্ড দ্বারা সংযোগ ক্রিয়া সম্পন্ন হইয়া থাকে। সুতরাং সেই অপরিণত বয়সের নিস্তেজ ও দুর্বল বণ্ডের ঔরসে যে সকল সন্তান জন্মগ্রহণ করে তাহার কাঙ্ক্ষিত দুর্বল ও নিস্তেজ হইয়া থাকে। এই প্রকারে আমাদের দেশীয় পশুদিগের সংযোগ ক্রিয়ার ব্যতিচার বশতঃ বংশ পরম্পরায় তাহারা ক্রমশঃই ধ্বংসকার, স্কীর্ণ ও দুর্বল হইয়া পড়িতেছে। শরীর দুর্বল হইলে অতি অল্প কারণেই পীড়ার উৎপত্তি হয় এবং সেই পীড়া সহজেই স্কঠিন ভাবে পরিণত হইয়া প্রাণ বিনাশের কারণ হইয়া উঠে। অক্লীব ও কৃতক্লীবের সম্বন্ধে বিচার করিতে গেলে দেখা যায় যে অকৃতক্লীব পশু সকলের প্রকৃতি অপেক্ষাকৃত উন্নত, আর কৃতক্লীব পশু সকল স্বভাবতঃই নিরীহ। এই নিমিত্ত এক্ষণে হলচালনাদি শ্রমজনক কার্যে নিরীহের জন্য অনেকেই কৃতক্লীবকে অধিক মনো-

নিত করিয়া থাকেন। এই প্রকারে সামান্য অনুবিধার জন্য পশু জাতির ভাবি উন্নতির পথের অন্তরায় স্বরূপ পুং পশু সকলের পুংত্র বিনাশ করা নিতান্তই অনুচিত। প্রাচীন দূরদর্শী আর্ষ গণ গোবংশের ভাবি উন্নতির পথ অবরুদ্ধ হইবার আশঙ্কায় কৃতক্লীবগো দ্বারা হলচালন প্রথার অনুমোদন করেন নাই। মহামুনি পরাশর বলিয়াছেন “স্থিরাজং নীরুজং দৃপ্তং বৃষভং বণ্ড বর্জিতং বাহয়েদ্বিসস্ত্রাজং পশ্চাৎ স্নানং সমাচরেৎ।” অর্থাৎ স্থিরাজ, নিরোগ, গর্ভিত ও অক্লীব বৃষ দ্বারা দুই প্রহর কাল পর্যন্ত হলবাহন করিয়া পশ্চাৎ স্নান করাইতে হইবে। বাহন সকল হলবাহনাদিতে যাহাতে ক্লিষ্ট কিম্বা দুর্বল না হয় তৎপক্ষেও তদদর্শী পরাশর বিধি নিবদ্ধ করিয়া গিয়াছেন; যথা,—“হলমষ্টগবং ধম্মাং বড়গবং ব্যবসায়িনাম্ চতুর্গবং নৃশংসানাং দ্বিগবঞ্চ গবাসিনাম্” অর্থাৎ ৮টি গো দ্বারা হলচালন করাই ধর্ম্মসম্মত, ছয়টি গো দ্বারা হলচালন করা ব্যবসায়ীর কার্য এবং চারিটি গো দ্বারা হলচালন করা নৃশংসের কার্য ও দুই গো দ্বারা হলচালন করা গোখাদকের কার্য। মহাত্মা পরাশরের উপর্যুক্ত মূল্যবান উপদেশ ও শাসন বাক্য উপেক্ষা করাতেই গোজাতির এতাদিক দুর্গতি ঘটয়ছে। প্রাচীন আর্ষ্য ব্যবস্থা অনুসারে আটটি গো দ্বারা যদি হলচালন করা যায়, তাহা হইলে প্রাতঃকাল হইতে দুই প্রহর পর্যন্ত ক্ষেত্র কর্ষণ করিতে প্রিজোড়া গরুর পক্ষে ১½ ঘণ্টা মাত্র সময় লাগে, তাহার পরই বিশ্রাম জন্য অবসর পায়। ছয়টি বৃষ দ্বারা হলচালন করিলে প্রতি জোড়ার পক্ষে দুই ঘণ্টা কাল মাত্র পরিশ্রম করিতে হয়। চারিটি দ্বারা হলচালন করিলে প্রতি জোড়ার পক্ষে ৩ ঘণ্টাকাল পরিশ্রম করিতে হয়। বর্তমান কালে দুইটির অধিক গরু ক্রয় করিতে কেহ ইচ্ছা করে না, কিন্তু এক্ষণে কৃষকশ্রেণীর গৃহে গৃহে অনুসন্ধান করিলে দেখা যাইবে যে দুইটি কৃতক্লীব বৃষ দ্বারা হলচালন করাই তাহারা কর্তব্যকার্য-মধ্যে পরিগণিত করিয়াছে। দুইটি বাহন দ্বারা বাপক কাল অবিশ্রান্ত অনাহারে হলচালিত হওয়ার ক্রমেই যে ক্ষয়প্রাপ্ত হইয়া তাহারা অল্পকাল মধ্যে প্রাণ-ত্যাগ করিতেছে, তাহা কেহ ভ্রমেও মনে করে না।

বর্তমান সময়ে দুইটির অধিক গো কিনিতে গেলেই অধিক অর্থব্যয়ের আবশ্যক হয় সুতরাং সেই অর্থব্যয়ের আশঙ্কায় কেহই দুইটির অধিক গরু ক্রয় করিতে অগ্রসর হয় না। কিন্তু ইহা বিমম ভ্রান্তি। নিরন্তর পরিশ্রমে যখন বাহন সকল অল্পকাল মধ্যে ক্লিষ্ট হইয়া জীবন বিসর্জন করে তখন বাধ্য হইয়াই পুনরায় সেই অর্থব্যয়ই করিতে হয়, ইহা অপেক্ষা অদূরদর্শীতা আর কি হইতে পারে? দূরদর্শী পরাশর এই ভাবি অনিষ্ট নিবারণের জন্মই দুইটি গো দ্বারা হলচালকদিগকে 'গোধাদকের' ছায় পাপী বলিয়া নির্দেশ করিয়াছেন। হিন্দুধর্মাবলম্বীর পক্ষে এতদপেক্ষা কঠোর শাসন আর কি হইতে পারে। এই সকল সদুপদেশ অগ্রাহ্য করা হেতুই কৃষকদিগের সমৃদ্ধি ও গবাদির এত দুর্দশা উপস্থিত হইয়াছে।

আমাদের দেশের গোশালাগুলি এত নিয়ম করিয়া প্রস্তুত করা হয় যে, ঐ গোশালার মধ্যে আলোক কিম্বা বায়ু প্রবেশ করিতে পারে না। সুতরাং মেষের আর্দ্রতা দূর হয় না। এই প্রকার নির্মাণ দোষে উহা অত্যন্ত অপরিষ্কার ও অস্বাস্থ্যকর হইয়া থাকে। অতি ক্ষুদ্রায়তন বিশিষ্ট একখানা গোশালা মধ্যে অধিক সংখ্যক গরু সমস্ত রাত্রি দাঁড়াইয়া কাটায়। তাহাতে আবার অধিকাংশ স্থলেই মল মূত্রাদি পরিষ্কার করা হয় না; গোশালার বেড়াগুলি আবার একরূপ বিশৃঙ্খলভাবে প্রস্তুত করা হয় যে গোশালায় পশুগুলি প্রবল বায়ু, বৃষ্টি ও দারুণ শীতের আক্রমণ হইতে আত্মরক্ষা করিতে সক্ষম হয় না। সুতরাং একরূপ গোশালা যে গোগণের স্বাস্থ্যভঙ্গের কারণ হইয়া দাঁড়াইবে তাহা অনায়াসেই বুঝা যাইতে পারে। গোশালা সম্বন্ধে মহর্ষি পরাশর লিখিয়াছেন "গোশালা সূদৃঢ়া যস্ত শুচির্গোময় বর্জিতা। তস্য বাহাবিবর্জস্তে পৌষ নৈরাপি বর্জিতা। সক্রমুত্র বলিপ্তাঙ্গ বাহা যত্র দিনে দিনে। নিঃসরন্তি গবাং স্থানাং তত্র কিং পোষণাদিভিঃ।" অর্থাৎ যাহার গোশালা সূদৃঢ়, পবিত্র ও গোময় বর্জিত তাহার গোসকল পোষণ অভাবেও সচত পরিবর্জিত হইয়া থাকে কিন্তু যে স্থানে বাধান সকল মল মূত্রাদিতে বিলিপ্ত থাকে, তাহার গো সকল দিন দিন ক্ষয়প্রাপ্ত হয়। অন্তরূপ পোষণ দ্বারাকি হইতে পারে?

ইউরোপ ও আমেরিকার গো মেঘাদির উন্নতির বিবরণ শুনিলে বিশ্বয়ান্বিত হইতে হয়। "কলিং" নামক একজন সাহেবের ডর্হেম দেশীয় "কমেট" নামক একটি বৃষ ১১০০০ এগার হাজার টাকা এবং তাহার "লিলী" নামী গাভী ৪৭০০ চারি হাজার সাত শত টাকা মূল্যে বিক্রীত হইয়াছিল। ১৮৬২ খৃষ্টাব্দে ইংলণ্ডের প্রকাশ্য নিলামে কয়েকটি উৎকৃষ্ট গরু ১৬০০০, ১৭০০০ বোল সতের হাজার টাকা মূল্যে বিক্রীত হইয়াছিল। স্কটলণ্ড দেশবাসী প্রসিদ্ধ গো-পালক ডিউক অব আর্গাইলের একটি ষণ্ডের ৫০০০০ পঞ্চাশ হাজার টাকা মূল্য হইয়াছিল। ইহা বলা বাহুল্য যে, ইংলণ্ডে গরু সচরাচর এত অধিক মূল্যে বিক্রয় হয়না। উক্ত গরু সকল বিশেষ সুলক্ষণাক্রান্ত ছিল বলিয়া এত উচ্চ মূল্যে বিক্রয় হইয়াছিল। তবে ইহা বলা আবশ্যক যে খুব ভাল গরু ইংলণ্ডে ১০০০ হাজার টাকার কম মূল্যে সচরাচর পাওয়া যায় না। বিলাতে গরুর অবস্থা পূর্ব হইতেই যে একরূপ উন্নত ছিল তাহা নহে। গো জাতির উন্নতি এবং সেবা পরিচর্য্যার গুণে তথায় এক একটা গাভী ২০ কুড়ি ২২ ষাইশ সের পর্য্যন্ত দুগ্ধ প্রদান করিয়া থাকে। এ কথা আমাদের দেশীয় ব্যক্তিগণ অনেকেই অবিশ্বাস করিতে পারেন। কিন্তু বিলাতের বিশিষ্ট লোকের নিকট তথ্যানুসন্ধান করিলে তাহাদের ভ্রম নিশ্চয়ই দূর হইবার সম্ভাবনা। ইহা কি কম পরিতাপের বিষয় যে, যে ভারতবাসী আর্য্যগণের এককালে দ্রোণকীরী (বত্রিশ সের দুগ্ধ দাত্রী) গাভী ছিল, আজ কিনা সেই আর্য্য বংশধরগণকে বিদেশী গাভীর দুগ্ধ প্রদান ক্ষমতা বিষয়ে সংশয় ছেদ এবং প্রতীতি জন্মাইবার জন্ম ভিন্ন দেশস্থ ব্যক্তির নিকট অনুসন্ধান করার অনুরোধ করিতে হইল।

(১) বঙ্গদেশে "রাখাল" বলিতে চাষার একটি অজ্ঞান ও অজাত শূদ্র বালককে অথবা অকর্ম্মণ্য একটা নির্যোথ চাষাকে বুঝাইয়া থাকে। ইহারাই পশু রক্ষার্থে নিযুক্ত। যাহারা আত্মরক্ষা করিতে অসমর্থ তাহারা পশুদি রক্ষা করিতে কতদূর সমর্থ হইবে, কিঞ্চিৎ বিবেচনা করিয়া দেখিলে অনায়াসেই বুঝা যাইতে পারে। অনেক সময় উহারা অকারণে পশু গুলিকে নির্দয় রূপে

প্রহার, নানা প্রকারে যতনা প্রদান ও উপদ্রব করিয়া থাকে! রাখালগণ অধিকাংশ সময়ই তাহাদের অবস্থানের সুবিধা কর স্থানে পশুগুলিকে রাখিয়া থাকে। তথায় পশু-দের পানাহারের সুবিধা থাকুক বা না থাকুক সে বিষয়ে তাহারা ক্রক্ষেপ ও করেনা। কি প্রকারে তাহাদের বল বর্ধিত, উদর পূর্ণিত, স্বচ্ছন্দ বিহার পুষ্টি সাধিত ও স্বাস্থ্য রক্ষিত হয়, সে বিষয়ে তাহারা নিতান্ত অনভিজ্ঞ। পালিত পশুদিগের জীবন—রক্ষকের উপরেই নির্ভর করে; সেই রক্ষক যদি তাহাদিগের জীবন রক্ষা বিষয়ে সম্পূর্ণ অনভিজ্ঞ হয়, তবে আর তাহাদের জীবন রক্ষার উপায় কি?

(২) আমাদের দেশে ছুঙ্কের নিমিত্ত এবং হল চালন ও শকট বহনাদি শ্রম জনক কার্য সাধন জন্ত গো, মহিষ প্রতিপালিত হইয়া থাকে। অনেকেই এক শরীর হইতে এই উভয় উদ্দেশ্য সাধনের চেষ্টা পাইয়া থাকেন, কিন্তু পরস্পর বিরোধী লক্ষণ একাধারে থাকিতে পারেনা। একটা অঙ্গ বিশিষ্ট রূপে বৃদ্ধি পাইলে অপর একটা অঙ্গের বৃদ্ধি সেই সঙ্গে হ্রাস হয়। যে গাভী বা মহিষী দৃঢ়কায় তাহারা প্রায় ছুঙ্কবতী হয়না এবং যাহারা কোমলাঙ্গী তাহারা প্রায় অধিক ছুঙ্কবতী হইয়া থাকে।

(৩) গর্ভাবস্থায় গর্ভিনী পশু যদি সতত অপ্রসন্ন থাকে, তবে উৎকৃষ্ট পশুর সন্তানও অপকৃষ্ট হয়।

(৪) বিলোম অলুলোমের ফল,—হীনাবস্থায় পুং পশুর দ্বারা উন্নতাবস্থার স্ত্রী পশুর গর্ভসঞ্চারণ হইলে সন্তানগুলি হীনাবস্থা সম্পন্ন হইয়া জন্ম গ্রহণ করিতে দেখা যায়।

(৫) পূর্ব সংযোগ ক্রম,—হীনাবস্থায় পুং পশু সংযোগে উন্নতাবস্থার স্ত্রী পশুর ছুই একবার সন্তান উৎপন্ন হইলে তাহার ঐ ক্রম সহজে অপনীত হয় না, অর্থাৎ পুনর্বার উৎকৃষ্ট শ্রেণীর পুং পশু সহযোগেও তাহার গর্ভে উৎকৃষ্ট সন্তান জন্মেনা। ইহা বিশেষ রূপে পরীক্ষিত। আমাদের দেশীয় পশু পালকগণ এই সকল তত্ত্ব অপরিজ্ঞাত থাকায় পশুদিগের আভিজাত্যের ব্যতিচার ঘটতেছে।

(৬) সংযোগের ফলাফল,—অল্প ছুঙ্কবতী পশুর

গর্ভজাত পুংপশু অধিক ছুঙ্কবতী স্ত্রী পশুর সঙ্গে সংযুক্ত হইলে সেই গর্ভ ধারিণীর প্রথম প্রসূতাবস্থাতেই ছুঙ্কের পরিমাণ অনেক কমিয়া যায়। ইহা শুনিতে আশ্চর্য্য জনক বটে কিন্তু অনেক স্থলে ইহা পরীক্ষিত হইয়া সত্য বলিয়া স্থিরীকৃত হইয়াছে। সেই গর্ভে যদি স্ত্রী সন্তান জন্মে তাহা হইলে সেও অল্প ছুঙ্কবতী হয়।

(৭) নবোপার্জিত লক্ষণ বংশগত হইতে পারে,—স্থান কাল বা অবস্থা ভেদে বা শিক্ষাশুণে নূতন লক্ষণ উৎপন্ন হইলে তাহাও বংশগত হইতে দেখা যায়। যাহারা নূতন লক্ষণাক্রান্ত পশুদি উৎপাদন করিতে ইচ্ছা করেন তাহাদের পক্ষে ইহা বড়ই উপকারী।

(৮) পরিবর্তন,—আকার বা গুণের ভালর দিকে পরিবর্তন আবশ্যক হইলে জল বায়ু ও অনন্থা অনুকূল হওয়া আবশ্যক। তাহা প্রতিকূল হইলে বিপরীত দিকে পরিবর্তন হইয়া থাকে।

(৯) মিশ্রণ কার্য,—নানা দিগ্দেশীয় পুং পশু দ্বারা মিশ্রণ কার্য অধিক দূর পর্য্যন্ত চলেনা। কারণ অতি মিশ্রিত হইলে স্ত্রী জন্তু সকল বলহীন ক্ষুদ্রকায় হইয়া পড়ে, এই জন্তু জন্তুদিগের উন্নতি করিতে হইলে এক এক প্রদেশের উৎকৃষ্ট জন্তু নির্বাচন করিয়া তাহাদের সংযোগী স্থাপন করিতে হইবে; নচেৎ উন্নতি হয় না।

(১০) স্ত্রী ও পুংপশু একত্র কালের ফলাফল,—স্ত্রী ও পুং পশুদিগকে নিকট নিকট রাখিলে পুং পশুদিগের স্বাস্থ্যের হানী হইয়া থাকে এবং স্ত্রী পশুরা শীঘ্র শীঘ্র গর্ভ ধারণ করে।

(১১) গর্ভকালীন ক্রম,—প্রসব কালে কখন কখন সন্তানের এমন লক্ষণ দেখা যায়, যাহা কোন পূর্ব পুরুষে ছিলনা, মাতার চিষ্টার উপর এই সকল লক্ষণের উৎপত্তি নির্ভর করে।

(১২) অতি নিকট সম্পর্ক দ্বারা সন্তান উৎপাদন,—এক জোড়া পুং ও স্ত্রী পশু হইতে যে পাল উৎপন্ন হইল, সেই পাল বৃদ্ধির জন্তু পালের স্ত্রী বা পুং পশুর সহিত কখন সংযোগ স্থাপন না হয়, তাহা হইলে সে বংশে বা পালে আর ভিন্ন পালের শোণিত প্রবেশ করিতে পারিল না। কতকদিন এইরূপ চলিতে পারে। এবং তাহার

ফস ও ভাল, কিন্তু অধিক দিন এ নিয়মে বংশ বৃদ্ধি হইলে বংশের অবনতি হয় ।

(১৩) মিশ্র জন্ম,—উপরে যাহা বলা হইল, ইহা ঠিক তাহার বিপরীত । ইহার অর্থ এক পালের সহিত অল্প পালের পুং বা স্ত্রী পশুর সংযোগ স্থাপন । ইহাতে অবশ্য জন্মের ঠিক থাকে না, কিন্তু অগাধ অনেকগুণ পাওয়া যায়, যাহা এক জাতীর বল, দুগ্ধ দিবার ক্ষমতা প্রভৃতি গুণ ইহা দ্বারা অল্প জাতীতে উৎপাদন করা যায় ।

(১৪) অস্বদেশীয় গৃহপালিত পশুাদি পীড়িত হইলে চিকিৎসাভাবে প্রায়শই অকালে মৃত্যু মুখে পতিত হয় । সদাশয় গবর্ণমেন্ট সম্প্রতি পশু চিকিৎসা পদ্ধতি শিক্ষাকল্পে পশু চিকিৎসা বিদ্যালয় (Veterinary College) স্থাপন করিয়াছেন, এতদ্বারা সমূহ উপকার সাধিত হইয়াছে বটে, কিন্তু এখন পর্য্যন্ত আশারূপ ফল লাভ ঘটে নাই । বঙ্গভাষায় পশু চিকিৎসা বিষয় গ্রন্থাদির একান্ত অসম্ভাব লক্ষিত হয় । এবস্থিধ গ্রন্থাদি প্রচার বিষয়ে শিক্ষিত সম্প্রদায়ের মনোযোগ আকর্ষিত হওয়ার সময় উপস্থিত হইয়াছে । দেশের ধনী ও শিক্ষিত সম্প্রদায় সম্মিলিত হইয়া কার্য্য ক্ষেত্রে অবতীর্ণ হইলে এই অভাব অচিরেই পূর্ণ হওয়ার আশা করা যায় । দেশের স্থানে স্থানে পশুশালা (Dairy Farm) প্রতিষ্ঠিত করার প্রয়াসও সমীচীন বলিয়া মনে হয় । জৈন সম্প্রদায় পিঞ্জরাপোল স্থাপন করতঃ অশেষ কল্যাণ সাধন করিয়াছেন এবং করিতেছেন, তাঁহাদের সদৃ দৃষ্টান্ত অনুসরণীয় বটে । নিরক্ষর ও দরিদ্র কৃষক প্রভৃতির মধ্যে পশু পালনের উপকারিতা এবং তাহাদের স্বাস্থ্য প্রভৃতি উন্নতি বিধায়ক সরল ভাষায় লিখিত প্রবন্ধাদি পাঠ প্রথা প্রচলিত করার চেষ্টাও সম্ভব । গবাদি পশু বধের গতি রোধ করার চেষ্টা কর্তব্য হইলেও ইহা সর্ব্ব প্রকারে আমাদের আয়ত্ব নহে, গবর্ণমেন্ট ও দেশের ধনী এবং কৃতবিত্ত ব্যক্তিগণ মনোযোগী হইলে এ সম্বন্ধে সহুপায় উদভাবিত হইতে পারে । কলিকাতা প্রভৃতি প্রধান প্রধান নগরীতে গো পালকগণ গবাদির প্রতি যে প্রকার নিষ্ঠুর ব্যবহার করিয়া থাকে এবং তাহাদের প্রতি যত্নের যে অসম্ভব ও অমার্জনীয় শিথিলতা প্রদর্শন করে, তাহাতে নিতান্তই লজ্জিত ও পরিতপ্ত হইতে হয় । ফলতঃ ইহারা পরোক্ষভাবে গো বধের সহায়তা করিতেছে বলিয়াই মনে হয় । কঠোর রাজবিধি প্রচলিত থাকা স্থলেও ইহারা গবাদির প্রতি নিষ্ঠুরতার এক শেষ প্রদর্শন করিতেছে, ইহার প্রতিকার বাহ্যনীয় ও চিন্তনীয় ।

রাজধানী

সুসঙ্গ ।

কমলকমণ্ড সিংহ শর্মা ।

সেরি বাণিজ্য (বণিক) জাতক ।

[শান্তা * শ্রাবস্তীনগরে অবস্থানকালে লটনক হীনবীর্ষ্য ভিক্ষুসম্বন্ধে এইকথা বলিয়াছিলেন । এইব্যক্তি সাধনা ত্যাগ করিয়া বিহারে ফিরিলে অপর ভিক্ষুগণ তাঁহাকে শান্তার নিকট লইয়া গেলেন । শান্তা বলিলেন, “এই মার্গকলপ্রদ শাসনে প্রতিষ্ট হইয়া যদি তুমি উৎসাহ পরিত্যাগ কর, তাহা হইলে লক্ষ মুদ্রা মূল্যের সুবর্ণ পাত্র হইতে বঞ্চিত হইয়া সেরি বণিকের যে দুর্দশা হইয়াছিল, তোমারও সেইরূপ হইবে ।

অনন্তর ভিক্ষুগণ শান্তাকে সেই কথা সবিস্তার বলিবার জন্য অনুরোধ করিলেন ; শান্তাও তাঁহাদের অবগতির জন্য অন্তর প্রতীক্ষর সেই অতীত বৃত্তান্ত বর্ণন করিতে লাগিলেন :—]

অতি প্রাচীন সময়ে বোধিসত্ত্ব সেরি নামক রাজ্যে বাসনের কারবার করিতেন । তখন তাঁহার নাম ছিল, সেরিবান্ । সেরি রাজ্যে ঐ নামে আরও এক ব্যক্তি বাসনের কারবার করিত । উহার বড় অর্থ লাভসা ছিল । একদা বোধিসত্ত্ব তাহাকে সঙ্গে লইয়া তৈলবহ নদের অপরপারে অক্ষুপুর নগরে বাণিজ্য করিতে গিয়াছিলেন । সেখানে তাঁহারা কে কোন্ রাস্তায় ফেরি করিয়া বেড়াইবেন তাহা ভাগ করিয়া লইলেন ; কথা হইল একজন যে রাস্তায় একবার ফেরি করিয়া গিয়াছেন, অপরজন তাহার পরে সেখানেও ফেরি করিতে পারিবেন ।

অক্ষুপুরে পূর্বে এক অতুলসম্পত্তিশালী শ্রেষ্ঠ পরিবার বাস করিত । কালে কমলার কোপে পড়িয়া তাহারা নিধন হয়, একে একে পুরুষেরাও মারা যায় । যে সময়ের কথা হইতেছে, তখন ঐ বংশে কেবল একটা বালিকা ও তাহার বৃদ্ধা পিতামহী জীবিতা ছিলেন । তাঁহারা অতিকষ্টে প্রতিবেশীদিগের বাড়ীতে কাজকর্ম করিয়া দিনপাত করিতেন । বাড়ীর কর্তা সৌভাগ্যের সময় যে সুবর্ণপাত্রে ভোজন করিতেন, সেটা তখনও ছিল ; কিন্তু দীর্ঘকাল ব্যবহৃত না হওয়ার এবং আবর্জনার মধ্যে পড়িয়া থাকায় উহার উপর এত ময়লা জমিয়াছিল, যে সহসা উহা সোণার বাসন বলিয়া বোধ হইত না ।

* শান্তা, হুগত, দশবল, তথাগত প্রভৃতি গৌতমবুদ্ধের উপাধি ।

একদিন লোভী ফেরিওয়ালার “খালা ঘটা কিনিবে” “খালা ঘটা কিনিবে” বলিতে বলিতে ঐ শ্রেষ্ঠদিগের বাড়ীর পাশ দিয়া যাইতেছিল। তাহা শুনিয়া বালিকাটি বলিল, “আমায় একখানা বাসন কিনিয়া দাওনা, দিদিমা।” দিদিমা বলিলেন, “বাছা, আমরা গরিব লোক, পয়সা পাইব কোথায়?” তখন বালিকা সেই সোণার বাসনখানি আনিয়া বলিল, “এইখানা বদল দিলে হয় না কি? ইহা ত আমাদের কোন কাজে লাগে না।” বৃদ্ধা ইহাতে আপত্তি না করিয়া ফেরিওয়ালাকে ডাকিলেন এবং তাহার হাতে বাসনখানি দিয়া বলিলেন, “মহাশয়, ইহার বদলে আপনার এই বোনটিকে যাহা হয় একখানা নূতন বাসন দিন।”

বাসনখানি দুই একবার উন্টাইয়া পাণ্টাইয়া দেখিয়া ফেরিওয়ালার সন্দেহ হইল, সম্ভবতঃ উহা স্বর্ণনির্মিত। এই অসুস্থমান প্রকৃত কিনা তাহা পরীক্ষা করিবার নিমিত্ত সে সূচী দিয়া উহার পিঠে দাগ কাটিল এবং উহা যে সোণার বাসন সে সন্দেহে তখন আর তাহার কিছুমাত্র সংশয় রহিল না। কিন্তু মেয়েমানুষ দুইটাকে ঠকাইয়া ইহা বিনামূল্যে লইব এইরূপ ছুরতিসন্ধি করিয়া সে বলিল, “ইহার আবার দাম কি? ইহা সিকি পয়সায় * কিনিলেও ঠকা হয়।” অনন্তর সে নিতান্ত অবজ্ঞার ভাণ করিয়া বাসনখানি ভূমিতে ফেলিয়া সে স্থান হইতে চলিয়া গেল।

ইহার ক্ষণকাল পরেই বোধিসত্ত্ব সেই পথে ফেরি করিতে আসিলেন এবং “খালা ঘটা কিনিবে,” “খালা ঘটা কিনিবে” বলিতে বলিতে দ্বারে দ্বারে ঘুরিতে লাগিলেন। তাহা শুনিয়া বালিকাটি তাহার পিতামহীকে আবার সেই প্রার্থনা জানাইল। বৃদ্ধা কহিলেন, “যে বাসন বদল দিতে গিয়াছিলে তাহার ত কোন দামই নাই শুনিলে। আমাদের আর কি আছে, বোন, যাহা দিয়া তোমার সাধ পূরাইতে পারি?”

বালিকা কহিল “সে ফেরিওয়ালার বড় খারাপ লোক, দিদিমা। তাহার কথা শুনিলে গা জ্বালা করে। কিন্তু এ লোকটি দেখত কত ভাল, ইহার কথাও কেমন মিষ্ট। এ বোধ হয় ঐ ভাঙ্গা বাসন লইতে আপত্তি করিবে না।”

* মূল “অর্ধমাবক” এই শব্দ আছে।

তখন বৃদ্ধা বোধিসত্ত্বকে ডাকাইয়া বসিতে বলিলেন এবং বাসনখানি তাঁহার হাতে দিলেন। বোধিসত্ত্ব দেখিবা মাত্রই বুরিলেন উহা স্বর্ণনির্মিত। তিনি বৃদ্ধাকে সঙ্ঘোধন করিয়া বলিলেন, “মা, এ বাসনের দাম লক্ষমুদ্রা। আমার নিকট এত অর্থ নাই।”

বৃদ্ধা কহিলেন, “মহাশয়, এই মাত্র আর একজন ফেরিওয়ালার আসিয়াছিল। সে বলিল ইহার মূল্য সিকি পয়সাও নহে। বোধ হয় আপনার পুণ্যবলেই বাসনখানি এখন সোণা হইয়াছে। আমরা ইহা আপনাকেই দি; ইহার বিনিমবে আপনি যাহা ইচ্ছা দিয়া যান।” বোধিসত্ত্বের নিকট তখন নগদ পঁচিশ কাহণ এবং ঐ মূল্যের পণ্য দ্রব্য ছিল। তিনি ইহা হইতে কেবল নগদ আট কাহণ এবং তুল ও খলেটা লইয়া অবশিষ্ট সমস্ত বৃদ্ধার হস্তে অর্পণ করিলেন এবং অসুস্থতি লইয়া বাসন খানি গ্রহণ করিয়া যত শীঘ্র পারিলেন নদীতীরে উপস্থিত হইলেন। সেখানে একখানি নৌকা ছিল। তিনি ইহাতে আরোহণ করিয়া মাঝির হাতে আট কাহণ দিয়া বলিলেন, “আমাকে শীঘ্র পার করিয়া দাও।”

এদিকে লোভী বণিক শ্রেষ্ঠদিগের গৃহে ফিরিয়া বাসনখানি আবার দেখিতে চাহিল। সে বলিল “ভাবিয়া দেখিলাম তোমাদিগকে ইহার বদলে একেবারে কিছু না দিলে ভাল দেখায় না।” তাহা শুনিয়া বৃদ্ধা কহিলেন, “সে কি কথা, বাপু? তুমি না বলিলে উহার দাম সিকি পয়সাও নয়! এই মাত্র একজন সাধুবণিক আসিয়া ছিলেন। বোধ হয় তিনি তোমার মনিব হইবেন। তিনি আমাদিগকে হাজার কাহণ দিয়া উহা কিনিয়া লইয়া গিয়াছেন।”

এই কথা শুনিয়া মাত্র সেই লোভী বণিকের মাথা ঘুরিয়া গেল। সে পাগলের মত ছুটাছুটি করিতে লাগিল; সঙ্গে যে সকল মুদ্রা ও পণ্যদ্রব্য ছিল তাহা চারি দিকে ছড়াইয়া ফেলিল। অনন্তর উলঙ্গ হইয়া, হায়, সর্সনাশ হইয়াছে, ছুরাত্মা ছল করিয়া আমার লক্ষ মুদ্রার স্বর্ণপাত্র লইয়া গিয়াছে”, এইরূপ প্রলাপ করিতে করিতে এবং তুলাদণ্ডী মুদ্রারের আর ঘুরাইতে ঘুরাইতে সে বোধিসত্ত্বের অসুস্থস্থানে নদীতীরে ছুটিল। সেখানে

গিয়া দেখে নৌকা তখন নদীর মধ্যভাগ পর্যন্ত গিয়াছে সে “নৌকা ফিরাও” “নৌকা ফিরাও” বলিয়া চীৎকার করিতে লাগিল; কিন্তু বোধিসত্ত্ব নিবেদন করায় মাঝি নৌকা ফিরাইল না। বোধিসত্ত্ব অপর পারাতিমুখে অগ্রসর হইতে লাগিলেন; দুইবুদ্ধি বণিক একদৃষ্টিতে তাঁহার দিকে চাহিয়া রহিল; অনন্তর দারুণ যন্ত্রণায় তাহার হৃৎপিণ্ড বিদীর্ণ হইল; মুখ দিয়া রক্ত উঠিতে লাগিল এবং সেই মুহূর্ত্তেই তাহার প্রাণবিয়োগ হইল। ইহার পর বোধিসত্ত্ব দানাদি সংকার্য্যে জীবন যাপন করিয়া কর্ম্মফল ভোগের অন্ত লোকান্তর গমন করিলেন।

* * *

[কথাস্তে সম্যক্ সম্বুদ্ধ হইয়া শাস্তা এই গাথা পাঠ করিলেন :—

মুক্তি-মার্গ প্রদর্শক বুদ্ধের শাসন,
লভিতে সুফল তাহে কর প্রাণপণ।
নিরুৎসাহ অনুভাপ ভুঞ্জে চিরদিন,
বণিক্ সেরিভা যথা ধর্ম্মজ্ঞানহীন।

এইরূপে অর্হত্ত্ব লাভের উপায় প্রদর্শন করিয়া শাস্তা সত্যচতুষ্টয় ব্যাখ্যা করিলেন; তাহা শুনিয়া সেই হীনবীর্ঘ্য ভিক্ষু অর্হত্ত্বরূপ সর্বোত্তম ফল প্রাপ্ত হইলেন।

সমবধান—তখন দেবদত্ত (১) ছিলেন সেই ধূর্ত্ত বণিক্, এবং আমি ছিলাম সেই সুবুদ্ধি ও ধর্ম্মপরায়ণ বণিক্।]

শ্রীশ্রীশানচন্দ্র ঘোষ ।

(১) জাতকের অনেক অংশে দেবদত্তের উল্লেখ দেখা যায়। এই জন্ত তাঁহার সম্বন্ধে কতিপয় বৃত্তান্ত জানিয়া রাখা আবশ্যিক। দেবদত্ত পৌত্তমবুদ্ধের অন্ততম বিরোধী; কেবল তর্কে নহে, নানারূপ অসহুগার প্রয়োগ করিয়াও, তিনি পৌত্তমকে অপদহ করিবার চেষ্টা করিতেন। তিনি দুই তিন বার তাঁহার প্রাণনাশের পর্য্যন্ত অভিসন্ধি করিয়াছিলেন। কলত: যুধিষ্ঠিরের সম্বন্ধে যেমন দুর্ঘ্যোধান, পৌত্তমের সম্বন্ধেও সেইরূপ দেবদত্ত।

এই দেবদত্ত কে তাহা লইয়া মতভেদ আছে। কেহ কেহ বলেন তিনি শুদ্ধোদনের ভ্রাতৃপুত্র; যশ্বেবর-কেজে তিনিও যশোধারার পাণিগ্রহণার্থী ছিলেন, কিন্তু কৃতকার্য হইতে পারেন নাই। মতান্তরে দেবদত্ত কোলীরাজ সুপ্রবুদ্ধের পুত্র; যশোধারার সহোদর এবং শুদ্ধোদনের ভাগিনের। তাহা হইলে দেবদত্ত পৌত্তমের পিতৃতুত ভাই এবং যশোধারা পিতৃতুত ভগ্নী। পিতৃতুত ভগ্নীকে বিবাহ করা তৎকালে রাজকুলে, বিশেষত: শাক্যবংশে, দোষাবহ ছিল না।

পৌত্তমের বুদ্ধত্বলাভের ২০ বৎসর পরে দেবদত্ত, আনন্দ, অনিরুদ্ধ প্রভৃতি শাক্যরাজকুমারগণ এক সঙ্গে প্রব্রজ্যা গ্রহণ করেন। আনন্দ

ও অনিরুদ্ধ উভয়েই পৌত্তমের পিতৃব্য-পুত্র। ইহারা বধন শাক্যদেশ হইতে যাত্রা করেন, তখন উপালি নামক এক নাগপিতাকে সঙ্গে লইয়াছিলেন। প্রব্রজ্যা গ্রহণের সময় রাজকুমারগণ ‘আভরণাদি খুলিয়া উপালির হাতে দিয়া বলিলেন তুমি শাক্যরাজ্যে ফিরিয়া সংবাদ দাও যে আমরা প্রব্রাজক হইরাছি। উপালি দেখিলেন তিনি কুমারদিগকে রাখিয়া একাকী প্রতিগমন করিলে শাক্যদিগের কোপ-ভাঙ্গন হইবেন; তাহাতে তাঁহার প্রাণান্ত পর্য্যন্ত যত্নে পারে। তিনি ইহাও বিবেচনা করিলেন, “এই রাজপুত্রগণ বিপুল ঐশ্বর্যের অধিপতি হইয়াও যে সুখের আশায় সংসার ত্যাগ করিতেছেন. আমিই বা তাহা হইতে বঞ্চিত হই কেন?” “অতএব তিনিও প্রব্রজ্যা গ্রহণ করিলেন। উত্তরকালে উপালি বিনয়পিটকে পারদশী হইয়া “বিনয়ধর” উপাধিলাভ করিয়াছিলেন।

দেবদত্ত ধ্যানবলে ঋষিভাষ্য করিলেন; তিনি কামরূপ হইলেন এবং আকাশমার্গে বিচরণের ক্ষমতা লাভ করিলেন। কিন্তু তাঁহার প্রকৃতি নিরতিশয় ক্রুর ছিল বলিয়া তিনি এই ঋষিবল কেবল অসহ-দেয় সাধনেই নিয়োজিত করিতেন। তিনি বুদ্ধশাসনের বিরোধী হইয়া নিজেই একটা সম্প্রদায় গঠনের অভিপ্রায় করিলেন। তখন যশধরাজ বিশ্বিসার এবং কোশলরাজ প্রমেনজিৎ উভয়েই পৌত্তমের শিষ্য; কাজেই তাঁহাদের নিকট কোমল সাহায্য লাভের আশা না দেখিয়া দেবদত্ত বিশ্বিসারের পুত্র অজাতশত্রুকে হাত করিলেন। অজাতশত্রু তখন যুবরাজ। তিনি দেবদত্তের বাসার্থ একটা বিহার নির্মাণ করাইয়া দিলেন এবং সেখানে পঞ্চশত শিষ্যের জন্ত প্রতিদিন ভক্ষ্য ভোজ্য পাঠাইতে লাগিলেন। প্রবাদ আছে এই সময় হইতেই দেবদত্তের ঋষিবল বিনষ্ট হয়।

অতঃপর দেবদত্ত পৌত্তমের সহিত সস্তাব স্থাপনের চেষ্টা করিলেন; কিন্তু পৌত্তম তাঁহাকে সারীপুত্র ও মৌদ্গল্যায়ন অপেক্ষা উচ্চমর্যাদাদিতে অসম্মত হইলেন বলিয়া ঐ চেষ্টা ব্যর্থ হইল; দেবদত্তের প্রকৃতিও ইহার পর ভীষণতর হইয়া উঠিল। তিনি কুপরাশ্র দিয়া অজাতশত্রুকে পিতৃহত্যায় প্রবৃত্তিত করিলেন। অজাতশত্রু প্রথমে অস্ত্রাঘাতে পিতৃবধ করিবার সঙ্কল্প করিয়াছিলেন; কিন্তু পিতার নিকট গিয়া অস্ত্র চালাইতে পারেন নাই। শেষে দেবদত্তের বুদ্ধিতে তিনি পিতাকে কারারুদ্ধ করিয়া অশনে মারিবার ব্যবস্থা করেন।

অজাতশত্রু রাজা হইলে দেবদত্ত তাঁহার সাহায্যে পৌত্তমের প্রাণনাশের সুযোগ খুঁজিতে লাগিলেন। প্রথমে তিনি রাজার নিকট হইতে কতিপয় সুনিপুণ ধাতুচ্চ চাহিয়া আনিলেন। তিনি ভাবিয়া-ছিলেন, “ইহাদের দ্বারা পৌত্তমের প্রাণবধ করাইয়া শেষে ইহা-দিগকেও নিহত করাইব, তাহা হইলে কেহই আমার দুর্ঘ্যোধান কথা জানিতে পারিবে না।” কিন্তু ধাতুচ্চদিগের নেতা পৌত্তমকে লক্ষ্য করিয়া যে তাঁর নিকট গেল, তাহা তদতিমুখে না গিয়া বিপরীত

দিকে ছুটিল। এই অলৌকিক ব্যাপারে ধাম্বুদিগের চৈতন্য হইল। তাহার গৌতমের নিকট ক্ষমা চাহিয়া তদীয় শাসনে প্রবেশ করিল।

ইহার পর দেবদত্ত স্থির করিলেন গৌতম যখন গৃধ্রকুটের নিকট দিয়া গমন করিবেন, তখন পাহাড়ের উপর হইতে যন্ত্রবলে প্রকাণ্ড শিলাখণ্ড নিক্ষেপ করিয়া তাহার প্রাণনাশ ঘটাইতে হইবে। সঙ্কল্পমত কার্য্যও হইল; কিন্তু শিলাখণ্ড পতিত হইবার কালে ভাঙ্গিয়া গেল; উহার এক অংশমাত্র গৌতমের পায়ে উপর আসিয়া পড়িল। জীবকের চিকিৎসার গুণে গৌতম এই ক্ষত হইতে আরোপ্য লাভ করিলেন।

তখন দেবদত্ত আর এক বুদ্ধি বাহির করিলেন। অজাতশত্রুর “নালাগিরি নামে এক প্রকাণ্ড হস্তী ছিল। দেবদত্ত স্থির করিলেন কল্যাণ গৌতম যখন ভিক্ষার্চ্যায় বাহির হইবেন, তখন এই হস্তীকে মদ খাওয়াইয়া রাখণথে ছাড়িয়া দিলে এ তাঁহাকে পদতলে নিষ্পেষিত করিয়া ফেলিবে।” এ কথা গৌতমের কর্ণগোচর হইল; তাঁহার শিষ্যেরা তাঁহাকে সে দিন ভিক্ষার্চ্যায় বাহির হইতে নিষেধ করিলেন; কিন্তু তিনি কোন নিষেধ শুনিলেন না। তিনি অষ্টাদশ বিহারের ভিক্ষুগণসহ যথাসময়ে ভিক্ষায় বাহির হইলেন; নিধে সর্ক্সাগ্রে চলিলেন। এদিকে নালাগিরি গুণ্ড আক্ষালন করিতে করিতে উভয় পার্শ্বস্থ গৃহাদি ভগ্ন করিয়া সচল গুণ্ডশৈলের স্তায় তাঁহার অভিমুখে অগ্রসর হইতে লাগিল। এক দুঃখিনী রমণী তাহার শিশু সন্তান লইয়া উহার সম্মুখে পড়িল। মত্তহস্তী তাহাদিগকে গুণ্ড দ্বারা ধরিতে যাইতেছে দেখিয়া গৌতম বলিলেন, “আমাকে মারিবার জন্যই দেবদত্ত তোমায় মদ খাওয়াইয়াছে; আমি যখন উপস্থিত আছি, তখন এই অনাথার উপর আক্রোশ কেন?” এই কথা শুনিয়া মাত্র নালাগিরির মত্ততা বিদূরিত হইল; সে অতি শান্তভাবে অগ্রসর হইয়া গুণ্ডদ্বারা গৌতমের চরণ বন্দনা করিল। অমনি সমবেত জনসমূহ হইতে মহানুজয়ধ্বনি উথিত হইল; বাহার অঙ্গে যে আভরণ ছিল, সে তাহা উন্মোচন করিয়া নালাগিরিকে উপহার দিল; তদবধি নালাগিরির নাম “ধনপালক” হইল।

পিতৃহত্যা-জনিত পাপে অজাতশত্রু স্মৃষ্টি ভোগ করিতে পারিতেন না; অনুতাপনলে তাঁহার অন্তরাগ্না নিয়ত দক্ষ হইত। শেষে তিনি জীবকের পরামর্শে গৌতমের শরণ লইলেন এবং তাঁহার পাদ-মূলে পড়িয়া নিজের দোষখ্যাগন করিলেন। গৌতমও তাঁহাকে প্রকৃত অনুতপ্ত জানিয়া উপাসক-সম্প্রদায়ভুক্ত করিয়া লইলেন। তদবধি দেবদত্তের প্রতিপত্তি গেল; রাজত্ব হইতে প্রতিদিন পঞ্চাশত ভিক্ষুর ভক্ষ্য ভোগ্য আসা বন্ধ হইল; দেবদত্তের শিষ্যগণ তাঁহাকে পরিত্যাগ করিল। তিনি নিজে ভিক্ষায় বাহির হইলেন; কিন্তু নগরবাসীরা তাঁহার ভিক্ষাপাত্র ভাঙ্গিয়া ফেলিল। তখন দেবদত্ত গৌতমের নিকট গিয়া বিবাদ নিষ্পত্তির প্রস্তাব

করিলেন। তিনি বলিলেন, “আপনি ভিক্ষুদিগের অন্য ছয়টি নূতন নিয়ম প্রবর্তিত করুন, তাহা হইলে আমি পুনর্বার আপনার সম্প্রদায় ভুক্ত হইব।” এই ছয়টির মধ্যে এখানে দুইটি নিয়ম সম্বন্ধে কিছু বলা যাইতে পারে। দেবদত্ত বলিলেন, ভিক্ষুরা শ্মশানলক বস্ত্রখণ্ড ব্যতীত অন্য কোন বস্ত্র ব্যবহার করিতে পারিবেন না এবং কদাচ মাংস আহার করিবেন না। বস্ত্রসম্বন্ধে গৌতম উত্তর দিলেন, “আমার শিষ্যদিগের মধ্যে অনেকেই ভিক্ষুবংশীয়; শ্মশানে যাইতে তাহাদের প্রবৃত্তি হইবে না; বিশেষতঃ তাহারা যদি বস্ত্রদান গ্রহণ না করে, তাহা হইলে উপাসকদিগের মধ্যেও দানধর্ম্মানুষ্ঠানের ব্যাঘাত ঘটিবে। অতএব এ নিয়ম চলিতে পারে না।” মাংসত্যাগের প্রস্তাব সম্বন্ধে গৌতম দেখাইলেন যে ভিক্ষালক খাওয়ার কোন বিচার হইতে পারে না। উপাসকগণ প্রত্যাশী হইয়া দিবে, ভিক্ষুরা সন্তুষ্টচিত্তে তাহাই আহার করিবে। যদি কেহ মাংস দেয়, তবে প্রাণিবধজনিত পাপ দাতার ভোক্তার নহে। বিশেষতঃ দেশভেদে যখন খাদ্যভেদ দেখা যায়, তখন এ খাদ্য গ্রাহ্য, এ খাদ্য অগ্রাহ্য, এরূপ নিয়ম অসম্ভব।

অনন্তর দেবদত্ত গৌতমের দল ভাঙিতে প্রবৃত্ত হইলেন। তাঁহার প্রয়োচনায় পঞ্চাশত ভিক্ষু কিয়ৎকালের জন্য বুদ্ধশাসন পরিহারপূর্বক তদীয় সম্প্রদায় ভুক্ত হইল বটে; কিন্তু সারীপুত্র আসিয়া তাহাদিগকে বুদ্ধশাসনে ফিরাইয়া লইয়া গেলেন; তখন দেবদত্ত নিতান্ত নিক্রপায় হইয়া পড়িলেন; দারুণ মনস্তাপে তাহার কঠিন পীড়া হইল; তিনি শব্দ্যাপত্ত হইলেন। এই সময়ে তিনি স্থির করিলেন “জেতবনে গিয়া গৌতমের নিকট ক্ষমা প্রার্থনা করি এবং তাঁহারই শরণ লই।” তিনি শিবিকারোহণে জেতবনান্তিমুখে যাত্রা করিলেন। গৌতম লোকমুখে এই সংবাদ জানিতে পারিয়া বলিলেন, “দেবদত্ত শত চেষ্টা করিলেও আমার দর্শন পাইবে না।” প্রকৃতপক্ষেও তাহাই ঘটিল; দেবদত্ত জেতবন বিহারের নিকট শিবিকা হইতে অবতরণ পূর্বক পদব্রজে যাইবার সঙ্কল্পে যেমন ভূতলে পদার্পণ করিয়াছেন, অমনি পৃথিবী বিদীর্ণ হইয়া অবাচি হইতে ভীষণ বহির্শক্তি উথিত হইল এবং তাঁহার সর্ক্সরীয় বেষ্টিত করিল। “আমি গৌতমের শ্যালক; আমাকে তাঁহার নিকট লইয়া যাও; হে গৌতম, আমার রক্ষা কর, বলিয়া দেবদত্ত কত চীৎকার করিলেন; কিন্তু তিনি রক্ষা পাইলেন না, নরকেই গেলেন। বৌদ্ধেরা বলেন, দেবদত্ত মৃত্যুকালে বুদ্ধের শরণ কামনা করিয়াছিলেন বলিয়া, পরিণামে যখন পাপকর হইবে, তখন তিনি পুনর্বার কুশলভাজন হইতে পারিবেন।

তিব্বত অভিযান

বরফের মধ্যে রাত্রি বাস ।

আমরা দারুণ শীত ভোগ করিতে লাগিলাম বটে, কিন্তু তজ্জন্ম কাহারও কোনও অশুধ করিল না। জ্বর, সর্দি, প্রভৃতি শীতের সহচর সকল আদৌ দেখা দিল না। প্রথম ২ আশাদের কষ্ট বোধ হইত; কিন্তু ক্রমে ২ উহা সহ হইয়া গেল। চুষী হইতে টুনা পর্য্যন্ত দ্রব্যাদি ও ডাক আনিবার জন্ম যে সকল লোক নিযুক্ত হইয়াছিল, তাহারা সমস্ত দিন সেই শীত ও বরফের মধ্যে থাকিয়াও বেশ সুস্থ ছিল। যে সকল সিপাহী রাত্রিকালে ফাঁকা জায়গায় দাঁড়াইয়া পাহারা দিত তাহাদের মধ্যে কয়েকজন নিউমোনিয়ায় মারা পড়ে। অনেকসময় হাত, পা ও নাক বরফে জমিয়া গিয়া রক্ত চলাচল বন্দ হইয়া যাইত কিন্তু ইহার চিকিৎসা সকলেই জানিত বলিয়া ইহাতে কাহারও বিশেষ কোনও অনিষ্ট হয় নাই। পোষ্টাফিসের একজন বেহারী কেরানী বিশেষ অসাবধান হওয়াতে দক্ষিণ হস্ত ও পদ জমিয়া গিয়া মৃত্যু মুখে পতিত হইলেন। শুনিলাম, তিনি খালি পায়ে অনেকক্ষণ পর্য্যন্ত কাজ করিয়াছিলেন। তাঁহাকে রক্ষা করার জন্ম অনেক চেষ্টা করা হইল কিন্তু কোনও ফল হইল না। গলার স্বর আমাদের সকলেরই ভারী হইয়া পড়িয়াছিল। আমার খুবই ভারী হইয়াছিল। সৌভাগ্য ক্রমে, আমি গায়ক নই, তাহা হইলে হয়ত একটা বিষম কাণ্ড করিয়া বসিতাম।

টুনাতে রোজ রোজ ধরে বসিয়া থাকিয়া আমরা অত্যন্ত বিরক্ত হইয়া পড়িয়াছিলাম; সেই জন্য একদিন আমরা সাত জনে (একজন বাঙ্গালী তিন জন সাহেব দুই জন ওর্থা ও একজন শিখ) নাংলুহুদ মাছ ধরিতে গিয়াছিলাম। বাহারী বনের গ্রাম্য পুঙ্করিণীতে তামাক টানিতে ২ মাছ ধরেন, তাহারা আমাদের এই গল্প শুনিয়া বুঝিবেন যে, মাছধরা অনেক সময় পুঙ্করিণীকার অপেক্ষাও অধিকতর কষ্টকর এবং বিপজ্জনক। এই সময়ে নাংলু হুদের অধিকাংশ স্থান বরফে আবৃত ছিল বটে, কিন্তু স্থানে ২ বরফ ছিলওনা। আমরা এই প্রকার দুইটি

স্থানে বসিয়া মাছ ধরিতে ছিলাম। কিন্তু সেখানে সুবিধা না হওয়াতে আমরা অন্তত্বে যাটবার কল্পনা করিলাম।

একস্থানে খানিকটা বরফ জমিয়াছিল। হুদেরতট হইতে ঐ স্থান পর্য্যন্ত প্রায় ৭.৮ রশি স্থান বরফ জমিয়াছিল। আমরা স্থির করিলাম ঐ বরফের অপর প্রান্তে গমন করিয়া ছিপ ফেলিব। এক স্থানে থাকিলে সকলের সুবিধা হইবে না জানিয়া আমরা ভিন্ন ২ স্থানে যাইয়া বসিলাম। প্রথম ছিপ ফেলিয়াই একবার চারিদিকে চাহিয়া দেখিলাম, ঐ বরফের উত্তর প্রান্তে আমি ও দুই জন সাহেব ও দক্ষিণ প্রান্তে অবশিষ্ট সকলে বসিয়াছিল। একবার মাছ ধরিতে আরম্ভ করিলে মাহুঘের আর কোনও জ্ঞান থাকে না। তখন 'কাদের সাপ' বলিবার অবস্থা হয়। বিশেষ, যদি খুব মাছমার, তাহা হইলেও কথাই নাই। ছিপ ফেলিতে না কেলিতে কাতনার সজোর-টান পড়িল। ৩০।৪০ হাত সূতা নকত্র বেগে খুলিয়া গেল। তাহার পর সুবিধা পাইয়া খানিকটা টানিয়া আনিলাম। আবার ছাড়িয়া দিলাম। এই ভাবে প্রায় আধ ঘণ্টা খেলাইবার পর প্রায় ১৬ সের এক মাছ উলিয়া ফেলিলাম। এইরূপে ছয়টা মাছ ধরিবার পর ছিপ ফেলিতেছি এমন সময় এক উচ্চ চীৎকার ধ্বনি শুনিয়া চমকিয়া উঠিলাম। চাহিয়া দেখি, আমাদের একজন সাহেব চীৎকার করিতে ২ আমাদের দিকে সবেগে ছুটিয়া আসিতেছেন। তাহাকে ঐ ভাবে আসিতে দেখিয়া আমরা ছিপ ফেলিয়া দাঁড়াইলাম। তিনি আসিয়া যাহা বলিলেন তাহাতে আমরা বিলক্ষণ ভীত হইয়া পড়িলাম। এই সময়ে আমাদের অপর চারিজন লোক ও চীৎকার করিতে ২ আমাদের দিকে দৌড়াইয়া আসিতেছিল।

ঘটনাটা এই :—পূর্বেই বলিয়াছি; আমরা তিন জন ঐ বরফের উত্তর প্রান্তে অর্থাৎ কিনারা হইতে সর্বা-পেক্ষা দূরে বসিয়াছিলাম। অপর চারিজন তীরের নিকট ছিলেন। কিজন্ম বলা যায় না, ঐ বৃহৎ বরফ খণ্ডটা দুইভাগে বিভক্ত হইয়া গেল। একখণ্ড কিনারার সহিত লাগিয়া রহিল; অপরটা আমাদের তিন জনকে লইয়া হুদের অন্মদিকে ভাসিয়া চলিল। আমরা সকলেই

বিশেষ ভাবে ব্যস্ত হিলাম বলিয়া প্রথমে কেহই ইহা জানিতে পারি নাই। যখন জানিলাম, তখন উত্তরের মধ্যে প্রায় ২৫।৩০ হাত ব্যবধান হইয়া পড়িয়াছে। আমরা তিনজনে ঐ বরফের তীরের দিককার কিনারায় বাইরা অপর তিন জনকে চীৎকার করিয়া কহিলাম, “আপনারা শীঘ্র একখানা নৌকা সংগ্রহ করুন। তাহা না হইলে আমরা বড়ই বিপদে পড়িব। শীঘ্র যান!” তাঁহারা সম্মতি জ্ঞাপন করিয়া হৃদের তটের দিকে চলিয়া গেলেন।

চূর্তাগ্যক্রমে, এই সময়ে সন্ধ্যার ছায়া আসিয়া পড়িতে ছিল। এই পার্শ্বত্যা দেশের সবই বিচিত্র। নগ্নটার আগে সূর্য্যদেব প্রায় দেখা দেন না। এদিকে আবার চারিটা বাজিতে না বাজিতে তাঁহার দপ্তর বন্ধ হয়। সহসা মনে হইল—সেটা কৃষ্ণ পক্ষ। ভাবিলাম, বিপদ যখন আসে বজ্রবাহু সঙ্গ করিয়া আনে।

আমরা যে বরফ খণ্ডের উপর ছিলাম তাহার দৈর্ঘ্য ৩০ হাত এবং বিস্তার ২০ হাতের অধিক হইবে না। উহার প্রায় সর্বত্র সমতল ছিল, কেবল দুই তিন স্থানে বরফের স্তম্ভ জন্মিয়াছিল। আমরা তিনজনে উহার একটার আড়ালে বাইরা বসিলাম। এই সময় হাওয়া বেশ জোরে বহিতে আরম্ভ করিয়াছিল; মনে হইল শীঘ্রই বড় আরম্ভ হইবে। এই খোলা জায়গায় রাত্রিকালে যদি বরফ পড়া ও বড় আরম্ভ হয়। তাহা হইলে আমাদের যে ভীষণ ছরবছা হইবে তাহা ভাবিলেও প্রাণ শিহরিয়া উঠে। ঐ সামান্য হাওয়াতেই আমরা কাঁপিতে আরম্ভ করিয়াছিলাম। মাহ ধরিতে আসিয়াছিলাম, সন্ধ্যার পূর্বেই ফিরিয়া যাইব স্থির ছিল। সেই জন্ত আমরা বিশেষ পাত্র বস্ত্রাদি সঙ্গ আনি নাই। এই সব কথা আলোচনা করিতেছি, এমন সময় এক জন সাহেব পকেট হইতে চুরুট বাহির করি ধরাইতে আরম্ভ করিলেন। তখন সকলেই সেই পথ অবলম্বন করিলাম। অনেকটা আরাম পাইলাম।

হাওয়া ক্রমেই বাড়িতে লাগিল। রাত্রে যে আর কেহ আমাদের উদ্ধার করিতে পারিবে, সে আশা ক্রমেই হ্রাস পাইতে লাগিল। আমরা জানিতাম, এই

শীতকালে হৃদের কোনও স্থানে কোনও নৌকা বা ডিক্কি নাই। ইহার নিকটে কোনও লোকায় ও নাই। আমাদের সঙ্গীরা যদি টুনায় ফিরিয়া গিয়া নৌকার সন্ধান করেন, তবে নটা দশটার কমে কোনও মতেই ফিরিতে পারিবে না। ততরাত্রে হৃদ ভীষণ অন্ধকারে আচ্ছন্ন হইয়া পড়িবে। ততকালে আমরা যে ইহার কোথায় ভাসিয়া যাইব, কে জানে। বিশেষ যদি রীতিমত বড় আরম্ভ হয়, তাহা হইলে হৃদ টুনা হইতে কেহই আসিতে পারিবে না। পাঠক হৃদ এই এখন আমাদের বিপদের গুরুত্ব বুঝিতে পারিয়াছেন।

আমরা যতই এই সব কথা আলোচনা করিতে লাগিলাম, ততই আমরা অধিকতর হতাশ হইয়া পড়িতে লাগিলাম। এই সময় অন্ধকার অত্যন্ত গভীর হইয়া পড়িয়াছিল ও আমরা শীতের প্রকোপে অধিকতর অবসন্ন হইয়া পড়িতেছিলাম। ক্রমে ২ আমার সর্বাঙ্গে এক নূতন ধরণের অবসাদ উপস্থিত হইতেছিল, ও আমার মনে হইতেছিল খানিকটা ঘুমাইলে সমস্ত কষ্টের অবসান হইবে। আমার সঙ্গী দুই জনই সৈনিক পুরুষ একজন কাপ্তেন ও অপর জন লেফটেন্যান্ট। কাপ্তেন সাহেব আমার ঠিক পার্শ্বেই বসিয়াছিলেন ও আমার ভাব কতক বুঝিতে পারিতেছিলেন। আমি যখন ঘুমাইবার অভিপ্রায়ে দুই হাঁটুর মাঝখানে মাথাটা রাখিবার যোগাড় করিতেছিলাম তখন তিনি আমার দুই হস্ত ধরিয়া সজোরে আকর্ষণ করিলেন। নিমেষের মধ্যে সমস্ত অবসাদ পলায়ন করিল। তিনি কহিলেন, “যদি বাঁচিতে চাও, ঘুমাইওনা। ঘুমাইলে আর জাগিতে হইবে না। চল খানিকটা দৌড়া দৌড়ি করি।” সাহেব নিজে আমার হাত ধরিয়া উঠাইলেন ও আমার হাত ধরিয়া ছুটিতে লাগিলেন। অপর সাহেব বিনা বাক্যব্যয়ে আমাদেরকে অনুসরণ করিতে লাগিলেন।

মিনিট দশেক এইরূপ করিবার পর ছোট সাহেব (অর্থাৎ লেফটেন্যান্ট) কহিলেন, “টুনা হইতে যদি কেহ আসে তবে আপনার ঠিক স্থান তাহারা কি প্রকারে জানিতে পারিবে? খানিকটা আশুণ আলান যার নাকি?” বড় সাহেব বলিলেন, “আলানত খুব উচিত। কিন্তু

আলাইব কি ? আমাদের সঙ্গে এমন কোনও বজ্রাদি নাই, যাহা আমরা আলাইতে পারি। যাহা আছে তাহাই আমাদের পক্ষে অনেক কম। আমাদের কাহারও কাছে যদি রিভলভার থাকে আওয়ার করিতে পার। আমার সঙ্গে কিছুই নাই।” আমাদের ও সেই অবস্থা। মাছ ধরিতে আসিয়া বোধ হয় খুব কম লোকই সঙ্গে রিভলভার আনিয়া থাকেন।

ইহার পর আমরা আর বসিতে সাহস করিলাম না। বেড়াইতে বেড়াইতে চুরুট টানিতে লাগিলাম। এই ভাবে বহুক্ষণ অতিবাহিত হইল। আমার মনে হইল, রাত্রি অতিবাহিত হইবার আর অধিক বিলম্ব নাই। ছোট সাহেব বলিলেন “তাহা নয়, তবে ছুইটার আমল বটে। আচ্ছা ঘরটাই একবার দেখা যাক না।” কিন্তু দেখা যায় কি প্রকারে ? তখনও বড় বেশ চলিতেছে। হ্রদের জল উদ্দাম নৃত্য করিতেছে। বরফ খণ্ড সকল পরস্পরের সহিত প্রতিহত হইয়া অতি ভীষণ শব্দ করিতেছে। এতক্ষণ লক্ষ্য করি নাই, কিন্তু এক্ষণে দেখিলাম যে, আমাদের বরফ দ্বীপ একস্থানে আবদ্ধ হইয়া পড়িয়াছে—তাহা না হইলে হয়ত এতক্ষণ অল্প কোনও বরফ খণ্ডের উপর পড়িয়া চূর্ণ বিচূর্ণ হইয়া যাইত। যাহা হউক, অনেক ঘন্টার পর আমরা একটি দিয়াশলাইর কাঠি আনিয়া ঘড়ি দেখিলাম। কিন্তু একি ! এখনও নয়টা বাজে নাই ! ঘড়িটা নিশ্চয়ই বন্ধ হইয়া গিয়াছে। তাহাও ত নয়। তখন আবার আর একটা কাঠি আনিয়া অল্প একটা ঘড়ি দেখিলাম। তাহাতেও ঐ সময়। তখন অগত্যা বিশ্বাস করিতে হইল। কিন্তু আমিত একবারে হতাশ হইয়া পড়িলাম। এই ভীষণ দুর্ভোগের মধ্যে এখনও প্রায় ১০ ঘণ্টাকাল কষ্টে জীবিত থাকা কখনও সম্ভব নয়। কতবার যে টুনীর সেই গরম ঘরের ভিতরকার আমার ক্ষুদ্র শয্যাটির কথা মনে পড়িল তাহা বলিতে পারি না। দেশের কথা, আশ্রয় স্থানের কথা মনে পড়াতে প্রাণটা বড় অস্থির হইয়া পড়িল। আর যে আমাদের কাহাকেও দিখিতে পাইব তাহার বিন্দুমাত্র আশা ছিল না। এই সময় চুরুটটা নিবিয়া যাওয়াতে বড় সাহেবের চুরুটে উহা ধরাইয়া ঘন ২ টানিতে আরম্ভ করিলাম।

বড় সাহেব কিন্তু বিন্দুমাত্র নিরাশ হইলেন নাই। তিনি বহুক্ষণ হইতে নানা উপায়ে আমাকে প্রবোধ দিতেছিলেন। মধ্যে মধ্যে আমার সহিত নানা প্রকার হাসির গল্প করিতেছিলেন, গান করিতেছিলেন। বড়ের প্রকোপে তাঁহার অনেক কথা ডুবিয়া যাইতেছিল বটে, তবুও তদ্বারা আমি বধেই উৎসাহিত হইতেছিলাম। ঘড়ি দেখিবার পর এই ভাবে আরও ধানিকক্ষণ অতিবাহিত হইল। এমন সময় ছোট সাহেব অতি ভীষণ চীৎকার করিয়া কহিলেন, “বাঁচিবার উপায় পাইয়াছি—পাইয়াছি—পাইয়াছি—আর ভয় নাই—পাইয়াছি।” সহসা এই ব্যাপারে ও সঙ্গে সঙ্গে তাঁহার নৃত্য দর্শনে (মধ্যে মধ্যে বিদ্যুৎ দেখা দিতেছিল) আমরা তাঁহার মাথা বিগড়াইয়া গিয়াছে বলিয়া মনে করিলাম। বড় সাহেব তাঁহার উভয় হস্ত ধারণ করিয়া কহিলেন, “কি ব্যাপার ? কি পাইয়াছে ?” ছোট সাহেব নিতান্ত উৎসাহের সহিত কহিলেন, “আমরা যদি বরফের ঘর প্রস্তুত করি—” তাঁহার কথা শেষ হইতে না হইতে বড় সাহেব তাঁহাকে আলিঙ্গন করিয়া কহিলেন, “ধন্য পরমেশ্বর ! এ সোজা কথাটা এতক্ষণ কাহারও মনে পড়ে নাই ! সত্যসত্যই তুমি আজ আমাদের জীবন রক্ষা করিলে। এস এখনই কাজ আরম্ভ করা যাউক।”

বলা বাহুল্য আমরা তৎক্ষণাত্ ঐ কার্যে প্রবৃত্ত হইলাম। বড় তখনও পর্যাপ্ত সমানভাবে চলিতেছিল। সমানভাবে কেন ?—উহার বেগ বৃদ্ধি হইয়াছিল। কারণ, হ্রদের জল এখন চারিদিক হইতে উচ্ছসিত হইয়া আমাদের উপর আসিয়া পড়িতেছিল। তখন আমাদের সমস্ত হৃদয় উৎসাহে পরিপূর্ণ। আমরা এই নূতন বিপদকে তুচ্ছ করিয়া বরফ কাটিতে আরম্ভ করিলাম। আমাদের সকলের নিকটই এক এক খানা ছোরা ছিল। তাহার সাহায্যে একঘণ্টার মধ্যে আমাদের উপযুক্ত পরিমাণ বরফ বড় বড় ইষ্টকের আকারে কাটিয়া লইলাম। তাহার পর—প্রায়—সাতহাত পরিমিত ভূমি গোলাকার ভাবে ঐ ইষ্টকের দ্বারা ঘেরিয়া ফেলিলাম। ইহার দ্বার আমরা উগরে রাখিয়াছিলাম। উহার মধ্যে প্রবেশ করিয়া পূর্ব সংগ্রহিত—একখানা বড় বরফের

সাহায্যে এই গৃহের দ্বার বন্ধ করিয়া দিলাম। আমরা যখন উহার মধ্যে প্রবেশ করিবার উদ্যোগ করিতেছি, তখন বরফ পড়িতে লাগিল। একে এই ভীষণ ঝড়, তাহার উপর বরফ পড়া। বাহিরে থাকিলে আমরা যে নিশ্চয়ই মৃত্যু মুখে পতিত হইতাম, তাহাতে আর কোনও সন্দেহ নাই। বরফের ঘরের মধ্যে গমন করিয়াই আমরা সকলে মঙ্গলময় ভগবানকে পুনঃ ২ ধন্যবাদ দিতে লাগিলাম তাহারই অপার করুণা বলে ঠিক উপযুক্ত সময়েই ছোট সাহেবের মনে এই বরফের ঘরের কথা মনে হইয়াছিল। কি আশ্চর্য্য! আমাদের শয্যার কথা এখনও বলা হয় নাই। আমরা যদি বরফের উপর শয়ন করিতাম, তাহা হইলে হয় ত জমিয়া যাইতাম। কিন্তু বড় সাহেবের অভিজ্ঞতাকে শত ২ বার ধন্যবাদ। আমরা বেশ গরম শয্যা পাইয়াছিলাম। পাঠক জানেন, এই উপস্থিত বিপদ আরম্ভ হইবার পূর্বে আমি কয়েকটা বড় ২ মাছ ধরিয়াছিলাম। সাহেব দুই জনও প্রায় ১২ ১৩ টা ধরিয়াছিলেন এবং সন্ধ্যার পূর্বেই এই ১২ টা মাছ আমাদের নিকট সংগ্রহ করিয়া রাখিয়াছিলাম। ষাঁহারা মাছ ধরেন তাঁহারা জানেন শীকারীর মাছ প্রাণ অপেক্ষাও প্রিয়তর। তাই তত বিপদেও আমরা মাছগুলি নিজেদের নিকট রক্ষা করিয়াছিলাম। বরফের ঘরে প্রবেশ করিবার সময় কাপ্তেন সাহেব বলিলেন মাছ গুলাকে ভিতরে লইয়া চল। শয়ন করিবার জন্ত এমন ভাল বিছানা আর কোথাপাইব? উহাদের রক্ত এখনও গরম। ইহাদের উপর শয়ন করিলে খুব আরামে থাকিব। এমন বিচিত্র শয্যার কথা আপনারা বোধ হয় আর কখন শুনে নাই কিন্তু ঐ শয্যাই সেদিন আমাদের নিকট রাজ শয্যার অধিক মূল্যবান মনে হইয়াছিল।

সমস্ত রাত্রি ঐ একই প্রকার দুর্ঘ্যোগ চলিল। কিন্তু যখন চারিদিকে প্রকৃতি দেবী উক্ত রূপ সাংঘাতিক ক্রীড়ার নিমগ্ন তখন আমরা বেশ আরামের সহিত মৎস্য শয্যায় সুখে নিদ্রা ভোগ করিতেছিলাম। অনেকে হয়ত শুনিবে বিশ্বাস করিবেন না যে, ঐ রাত্রে আমরা বরফের ঘরে মৎস্য শয্যায় যে প্রকার আরাম

পাইয়াছিলাম, তাহা আমরা পাকা বাড়ীর বিচিত্র শয্যায়ও পাই নাই।

পর দিবস প্রাতঃকালে ঘরের দ্বার উন্মোচন করিতে গিয়া দেখি উহা জমিয়া গিয়াছে। সমস্ত রাত্রি বরফ পড়াতে আমাদের ঘরের চারিদিকেও প্রায় ৪ ফুট পুরু এক বরফের স্তর জমিয়া গিয়াছিল। প্রায় এক ঘণ্টা কাল বিশেষ পরিশ্রমের পর দ্বার উন্মুক্ত হইল। বাহিরে আসিয়া দেখি আমাদের 'বরফ দ্বীপ' হ্রদের অন্তর্দিককার তটে আসিয়া সংলগ্ন হইয়া রহিয়াছে। মাছগুলি সেই বরফের ঘরের মধ্যে রাখিয়া আমরা তীরের উপর উঠিলাম। সেখান হইতে টুনায় পঁহুঁহিতে প্রায় বেলা এগারটা বাজিল।

অনুসন্ধানে অবগত হইলাম যে গত রাত্রে আমাদের সঙ্গীরা টুনায় উপস্থিত হইয়া আমাদের বিপদের কথা জ্ঞাপন করিলে তৎক্ষণাৎ বোটের জন্ত প্রথমে দুর্গের মধ্যে ও পরে গ্রামে বিশেষভাবে অনুসন্ধান হয়। হুতাগ্যক্রমে কোনওস্থানে উহা প্রাপ্ত হওয়া যায় নাই। গ্রামের মধ্যে থাকিলেও বোধ হয় কেহ দিতে সাহসী হয় নাই। তখন পাঁচজনলোক ঐ হ্রদের অভিমুখে গমন করেন। সে সময়ে ভীষণবেগে ঝড় বহিতেছিল। চারিদিক দুর্ভেদ্য অন্ধকারে আচ্ছন্ন। উহারা কয়েকটা মশাল জালিবার চেষ্টা করেন। কিন্তু বিফল মনোরথ হইলেন। কয়েকবার বন্দুকের আওয়াজ করা হয়, ঝড়ের জন্ত তাহা আমরা শুনিতে পাই নাই। যাহা হউক, ইহার পর ইহারা সকলে টুনায় ফিরিয়া যান।

আমরা টুনায় ফিরিয়া গিয়া কয়েকজন লোক পাঠাইয়া দিলাম। তাহারা আমাদের মাছগুলি টুনায় লইয়া গেলে সে দিন রাত্রে প্রাণ ভরিয়া মাছের পোলাও খাইয়া অবসাদ ঘুচাইলাম।

শ্রীঅতুলবিহারী গুপ্ত।

সমতট ।

বঙ্গদেশের অন্তর্গত বিক্রমপুর যে একটি প্রাচীন স্থান, তাহা কাহারও অবিদিত নাই। উহার প্রাথমিক অবস্থার বিষয় পর্যালোচনা করিয়া অনেকের মত এই যে উহাই প্রাচীন সমতট। পরে যে কারণেই হউক উহা বিক্রমপুর অভিধা প্রাপ্ত হইয়াছে।

ইউরোপীয়দের মধ্যে যাহারা এই কথা সম্বন্ধে আলোচনা করিয়াছেন, তন্মধ্যে “ফাণ্ডসন” সমগ্র ঢাকা জেলাকে এবং “ওয়ার্টনার” ফরিদপুরের পূর্ব ও ঢাকা জেলার উত্তরবর্তী স্থানকে, সমতট আখ্যায় প্রযুক্ত করিয়াছেন। এই দুই কথার প্রতি লক্ষ্য করিলে, প্রথম কথায় বিক্রমপুরকে সমতটের অংশ বিশেষ ও পরবর্তী লেখকের মতানুসরণ করিলে কেবল এক বিক্রমপুরই সমতট বলিয়া জানা যায়।

“ইংচিঙ” বলেন, সমতট ভারতবর্ষের পূর্বস্থানে সন্নি-
বিষ্ট; উহাতেও বিক্রমপুর পরিত্যক্ত হয় না।

মতামত যাহাই হউক অর্থাৎ একমাত্র বিক্রমপুরই সমতট বা উহা সমতটের অংশ বিশেষ বলিয়া নির্দেশিত হউক, তাহাতে কিছু ক্ষতি বৃদ্ধি নাই; তবে সমতটের প্রধান কেন্দ্র বা সদর স্থান যে বিক্রমপুর ছিল, উহা প্রতিপাদন জন্য আমরা যৎকিঞ্চিৎ কারণ নির্দেশ করিতে অভিলাষী হইয়া এই প্রবন্ধের অবতারণা করিয়াছি।

ইতিহাসজ্ঞগণ অবশ্যই পরিজ্ঞাত আছেন, স্থানের নাম, সীমা প্রভৃতি অনেক সময়েই রাজবিধানানুসারে পরিবর্তিত ও পরিবর্তিত হইয়া থাকে। কত প্রাচীন স্থান তৎকালীন নাম পরিহার করিয়া নূতন নামে পরিচিত হইতেছে। কত প্রদেশ অত্র প্রদেশের অন্তর্গত হইয়া পূর্ব নামের অস্তিত্ববিহীন হইয়াছে। এইরূপ বিষয়ের কোনরূপ উদাহরণ প্রদর্শন আবশ্যক মনে করি না। সমতট হইতে বিক্রমপুর নামের পরিণতি ও রাজ-শক্তির পরিচায়ক ভিন্ন আর কিছুই নহে।

ইতিহাস ও ভূগোল পর্যালোচনা দ্বারা আরও উপলব্ধি হয়, অনেক সময়ে কোন কোন ক্ষুদ্র স্থানের নাম হইতেও কোন বৃহৎ প্রদেশের বা বৃহৎ প্রদেশের নামানুযায়ী

সদর স্থানের নাম নির্দেশিত হইয়াছে। যেমন বেহার একটা নগর, আবার এই বেহার যে প্রদেশের অন্তর্গত উহার নামও বেহার।

টোডরমল্ল বঙ্গদেশটা নানা সরকারে বিভক্ত করিয়া-
ছিলেন, দেখা যায় প্রায় প্রত্যেক সরকারের অন্তর্গত একটা মহালেরও ঐ নাম। যেমন সরকার পূর্ণিয়া, সরকার কতেয়াবাদ, সরকার খলিফেতাবাদ, সরকার সোনারগাঁ, প্রভৃতি প্রত্যেকের অন্তর্গত ৪০:৫০ টা করিয়া মহাল আছে, উহার একটীর নাম আবার প্রত্যেক সরকার সাদৃশ্য। বর্তমান জেলাগুলির নাম ও এইভাবে অনেকটা ষটিয়াছে। নিম্নলিখিত বিবরণের সামঞ্জস্য বিধানার্থে পূর্বভাগেই আমাদিগকে এই কথা গুলি বলিয়া রাখিতে হইল।

প্রায় শত বৎসর অতীত হইল, পদ্মার প্রচণ্ডতরঙ্গা-
ঘাতে, বিক্রমপুরের অন্তর্গত একটা বর্ধিকু স্থান বিলয় প্রাপ্ত হইয়া গিয়াছে। বহু জাতীয় হিন্দু এই স্থানের প্রধান অধিবাসী ছিল; মুসলমানের সংখ্যা বিরল দৃষ্ট হইত। এইস্থানটির নাম ছিল সমতট। এখন বিক্রমপুরের বহু গ্রামের নাম পরিবর্তন করিয়া যেমন অর্থ সঙ্গত করিয়া লইবার প্রথা দাঁড়াইয়াছে (১) পূর্বে তাহা ছিল না। আমরা যে সময়ের কথা বলিতেছি তখন উহার ঐ নামই ছিল। অধুনা কোন কারণ বশতঃ এই নামের উল্লেখ করা প্রয়োজন হইলে “সোমকোট” নামেই পরিচয় প্রদান করা হইয়া থাকে।

বিদেশীয় লেখকগণ কেহ কেহ সমতটের স্থানে, সলকট, সকলট প্রভৃতি নাম ব্যবহার করিয়াছেন। উহা যে কেবল তাহাদের স্বেচ্ছা প্রণোদিত ব্যবহার তাহা নয়, নামের পরিবর্তনের সহিত ঈষৎ উচ্চারণগত পার্থক্যই তাহাদের দ্বারা সাধিত হইয়াছে।

যে সময় এইস্থান সমুদ্র তীরবর্তী ছিল, তখন উহার নাম ছিল সমতট। ইহা হইল আভিধানিক নাম। সাধারণ লোকে উচ্চারণের সৌকর্য্যার্থে। উহাকে সংকট ও বিজ্ঞ লোকে সমকট উচ্চারণ করিত

(১) কাওলীপাড়া “কালীপাড়া” সোণারটং “সোণারং” মাই-
নার “মহিনার” প্রভৃতি

কলিকাতার স্থলে, পূর্ববঙ্গবাসীরা কৈলকাতা ও স্থানীয় অধিবাসীরা কলকাতা ব্যবহার করিয়া থাকে । দীর্ঘ উচ্চারণ স্থানে প্রায়ই হ্রস্ব উচ্চারণ করিতে লোকে সুবিধা পায় বলিয়া প্রকৃত নামের অনেক সময়ে বিকৃতি ঘটাইয়া থাকে ।

যাহারা এই সমকট সম্বন্ধে সন্দিহান, তাহারা ১৭৬৪ খ্রীঃ অব্দের র্যানালের অঙ্কিত মানচিত্রে অনুসন্ধান করিলেই এই স্থানটী প্রাপ্ত হইতে পারিবেন । যেখনা হইতে একটা ক্ষুদ্র নদী বাহির হইয়া দুই ভাগে বিভক্তান্তর বিক্রমপুরের বন্ধভেদ করিয়া পদ্মার সহিত যে স্থানে সন্মিলিত হইয়াছে উহার অনতিদূরে অধচ উভয় স্রোত-ধারা মধ্যবর্তীস্থানে এই সমকোটের অবস্থান ছিল । উহার সন্নিকটেই “খাগটীয়া” একটা মন্দির বন্ধে ধারণ করিয়া, বীর প্রভাব বিস্তার করিতেছে । যে নদীতীরে এই গ্রামবন্দর বর্তমান ছিল উহার নাম কালীগঙ্গা ।

আমরা বলিতে সাহসী এই সমকট যে (১) প্রাচীন সমতটের সদর স্থান ছিল তাহা সন্দেহ নাই । এই সমকট (সমতট) হইতে প্রদেশের নাম হইয়াছিল অথবা প্রদেশের নাম অনুসারেই সদর স্থানের নামকরণ হইয়াছিল তাহা অবধারণ করা সহজসাধ্য নহে ।

শ্রীআনন্দনাথ রায় ।

জীবন মরণ ।

(১)

হে পতি, মুরতি তব আঁকিয়া হৃদয়ে,
নিরন্ত পূজিব সুখে প্রেমের প্রস্থানে,
যরিলেও পরপারে সঙ্গে যাব নিরে
আমারো হবেনা ক্ষতি তোমার মরণে ।

(১) বোড়শ শতাব্দী হইতে এই স্থানটী বেড়ের এক প্রধান সমাজ স্থান ছিল, যথা—

“রাজপাশার রাম আর সোমকোটের নিম ।
দায়ুদীয়া কোয়রপুকে ভ্রামাঠার চিন ॥”

ঘটক বিশারদ—

(২)

মরণ দেহের নাশ করে অল্পকণে,
কিন্তু অবিনাশী সদা এ প্রেমের জাল,
ধ্বংশ না করিতে পারে সহস্র মরণে,
এজালে জড়িত মোরা রব চিরকাল ।

(৩)

আমুক মরণ, নাশ করুক শরীর,
অমর হইয়া রব আমরা হৃৎজন ;
আত্মা নাশ করিবারে পারে কোন বীর ?
সমান প্রেমের রাজ্যে জীবন মরণ ।

শ্রীঅনুজাসুন্দরী দাস গুপ্তা ।

নারায়ণদেব

(প্রভাতর)

“সৌরভের” মাঘ ও ফাল্গুন সংখ্যায় শ্রীযুক্ত রামনাথ চক্রবর্তী মহাশয় নারায়ণদেব সম্বন্ধীয় পূর্ব প্রকাশিত প্রবন্ধাদির আলোচনা করিয়া একটি প্রতিবাদ প্রকাশিত করিয়াছেন, তাহা বিবেচনা করিয়া আমাদের কয়েকটি কথা বক্তব্য আছে । নারায়ণদেব সম্বন্ধে রংপুর সাহিত্য পরিষৎ পত্রিকায় সতীশ বাবুর যে প্রবন্ধ প্রকাশিত হয়, নব্য ভারতে অচ্যুত বাবুর ও পঞ্চানন বাবুর যে প্রবন্ধ মুদ্রিত হয়, এবং আর্ধ্যাবর্ত্তে দীনেশ বাবু যাহা লিখেন, তিনি তাহা পাঠ করেন নাই ; রংপুর সাহিত্য পরিষৎ পত্রিকায় আমরা সতীশ বাবুর প্রবন্ধের যে অর্থোক্তিকতা প্রদর্শন করিয়াছি, এবং অচ্যুত বাবু সাহিত্য সংবাদ পত্রে নারায়ণ দেব সম্বন্ধে যে অভিমত প্রকাশ করেন, যাত্র তাহাই অবলম্বনে প্রতিবাদটি করিয়াছেন ।

চক্রবর্তী মহাশয়ের মতে সতীশ বাবু নাকি “তাঁহার উক্তি তিনটি সুদৃঢ় প্রমাণের উপর সংস্থাপন করিয়াছেন!” যদি এই প্রমাণ ত্রয় দুর্বল না হইয়া সুদৃঢ় হইত, তবে লেখক মহাশয় তাহা প্রতিবাদে উদ্ধৃত করিলেইত তদীয় কার্যসিদ্ধি হইত, পাঠকও দেখিতে পাইতেন যে প্রমাণ-গুলির দৃঢ়তা কতদূর ; তাহা না করিয়া সেই দুর্বল প্রমাণকে

উহা “সুদৃঢ়” এইমাত্র বলাতেই তাহা সুদৃঢ় বলিয়া প্রমাণিত হইবে কি? সতীশ বাবুর উক্ত প্রমাণত্রয়ে আমরা দোষ প্রদর্শন করিয়াছিলাম, তাহা নাকি সতীশ বাবুর পক্ষে “অক্ষুণ্ণ তিন্ন প্রতিকুল হয় নাই!”

সতীশবাবু লিখিয়াছিলেন—“ময়মনসিংহের শিশু মাতৃ-সত্ত্বের সঙ্গে নারায়ণ দেবের সরস পাঁচালীর সহিত পরিচিত হইয়া থাকে,..... পূর্ববঙ্গালার মুসলমান শিশুগণ এখনো তাহাদের সুপবিত্র ধর্মগ্রন্থ কোরাণ সরিপের শ্লোক শিক্ষার পূর্বে ‘নারায়ণ দেবে কয় নরসিংহসুত’ প্রভৃতি কবিতাংশ শিক্ষা এবং অর্ধক্ষুণ্ণ জড়িতস্বরে আবৃত্তি করিয়া শ্রোতৃ-বর্গের কর্ণে মধুধর্ষণ করিয়া থাকে।” এতৎ প্রসঙ্গে অনেক কথাই বলিতে পার যায়; এই কথাগুলির অধিকাংশই মুসলমানগণ স্বীকার করিতে প্রস্তুত হইবেন না। এতদুক্তি উপলক্ষে আমাদের লিখিত “হুই বৎসর পূর্বের কথা লিখিতেছি, নারায়ণদেব কোন জেলার লোক, তাহা অনেকেই জানিতেন না, ময়মনসিংহের কয়েক স্থানের টোলের প্রাচীন অধ্যাপক হইতে জিজ্ঞাসায় এই উত্তর পাইয়াছি যে তিনি পূর্বদেশের লোক, ময়মনসিংহের কি না তাঁহার জানেন না।” এই কথার উত্তরে “সৌরভে” বলা হইয়াছে, উপরিউক্ত উক্তির দ্বারা নাকি সতীশ বাবুর উক্তি সমর্থিত হইয়াছে!! এতদস্বপ্নে আমাদের উক্তির উপলক্ষে লেখক জিজ্ঞাসা করিয়াছেন, বংশীদাস নিজে নারায়ণ দেবের পদ্মাপুরাণের নফল করিবার সময় স্থানে স্থানে স্বীয় নামটি বসাইয়া দেওয়ার কথা “কোন্ ময়মনসিংহবাসী স্বীকার করিবেন? স্বীকার করিতে পারেন কি?” তাঁহার এই জিজ্ঞাসার উপর আমাদেরও একটা জিজ্ঞাসা আছে, যখন বংশীদাসের পদ্মাপুরাণ পৃথক আছে কি না কেহ জানিত না, যখন নারায়ণদেবের পদ্মাপুরাণ কথার সহিতই মাত্র ময়মনসিংহবাসী পরিচিত হইয়াছিল, তখন নারায়ণদেবের পদ্মাপুরাণে বংশীদাসের ভণিতা দৃষ্টে তাঁহাদের বংশী সম্বন্ধে কি ধারণা ছিল? তাঁহারা কি তখন মনে করিতেন না যে, বংশীনামক একব্যক্তি নারায়ণদেবের গ্রন্থ মধ্যে স্বীয় নামে ভণিতাগুলি লাগাইয়া বা যুড়িয়া দিয়াছেন? এক্ষণে উহা অস্বীকৃত হইতে পারে, কিন্তু তখন ঐরূপ মনে করা

ব্যতীত অন্য পথ ছিল কিনা পাঠক মহাশয়ই বিবেচনা করুন।

সতীশ বাবুর পূর্বোক্ত উক্তি সম্বন্ধে আমরা বলিয়াছিলাম যে, চাণক্য, মদনমোহন তর্কলঙ্কারের গাথার সহিত অত্রাণ স্থানের ত্রায় ময়মনসিংহবাসী শিশুদিগেরও পরিচয় হইয়া থাকে বলিয়া তাঁহাদিগকেও ময়মনসিংহের বলিতে হইবে কি? চক্রবর্তী মহাশয় “সৌরভে” এই কথার যে সমালোচনা করিয়াছেন, তাহা এই—“চাণক্য, মদনমোহনের গাথা অত্রাণ স্থানের শিশুর ত্রায় ময়মনসিংহের শিশুরও পরিচয় হয়, কাহ্নেই একা ময়মনসিংহবাসী তাঁহাদিগকে আপনার বলিতে পারেনা, কিন্তু নারায়ণদেবের গাথার সহিত একা ময়মনসিংহের শিশুর পরিচয় হয়, সুতরাং তাঁহাকে ময়মনসিংহবাসী আপনার বলিয়া ভাবা স্বাভাবিক।”

এস্থলে ‘একা’ শব্দটির প্রতি পাঠক লক্ষ্য করিবেন। নারায়ণদেবের পদ্মাপুরাণ এক ময়মনসিংহ জিলা ব্যতীত অন্যত্র প্রচারিত নাই, ইহাই কি লেখকের অভিপ্রায়? হইলে আমরা তাঁহাকে ধন্যবাদ দিয়া নিরস্ত হইতে পারি কিন্তু বর্তমান বা চক্রবর্তীপরিগণা প্রভৃতি স্থানের পাঠক এই কথাটা বিশ্বাস করিয়া লইলেও, শ্রীহট্ট, ত্রিপুরা প্রভৃতি স্থানের পাঠক বর্গ এতৎপাঠে কি মনে করিবেন? নারায়ণদেব তাঁহাদেরও সুপরিচিত ‘একা’ ময়মনসিংহবাসীর নহেন। আমাদের প্রবন্ধের একস্থানেই অচ্যুত বাবুর ত্রিপুরায় দৃষ্ট এক নারায়ণী পদ্মাপুরাণের প্রসঙ্গ আছে; সাহিত্য সংগ্ৰহে প্রকাশিত তদীয় প্রবন্ধে, শ্রীহট্টের প্রতি পন্নীতেই নারায়ণী পদ্মাপুরাণ ধ্বংসকার কথা লিখিয়াছেন; বাস্তব পক্ষেও তাহা দৃষ্ট হয়। তদবস্থায়ও লেখক কিরূপে পূর্বোক্ত উক্তিটি লিপিবদ্ধ করিলেন, আমরা বুঝিতে অসমর্থ। বস্তুতঃ নারায়ণী পদ্মাপুরাণের সহিত ‘একা’ ময়মনসিংহের শিশুই মাতৃসত্ত্বের সহিত পরিচিত নহে, শ্রীহট্ট, ত্রিপুরা প্রভৃতির শিশুরাও মাতৃকোলে থাকিয়া উহা শ্রবণ করে, সুতরাং নারায়ণদেবকে “ময়মনসিংহবাসীর আপনার বলিয়া ভাবা স্বাভাবিক” চক্রবর্তী মহাশয়ের এই উক্তিটিও সতীশবাবুর বাক্যের ত্রায়ই বাস্তব নহে। “আমরা দেখিয়াছি, মাতা

স্তম্ভপায়ী শিশু জোড়ে করিয়া পদ্মাপুরাণের পাঁচালী শুনিয়াছেন।” তাঁহার এই কথায় সতীশবাবুর অতিরঞ্জিত কথা সমর্থিত হইতে পারিবে না, অসুস্থানে এইরূপ আবিষ্কারের ফল শ্রীহট্ট জেলার স্থানে স্থানে প্রতি বৎসর ‘শ্রাবণী’তেই পরিদৃষ্ট হইবে।

‘শ্রাবণী’ (মনসা পূজা) উপলক্ষে এখনও শ্রীহট্টের স্থানে স্থানে পদ্মাপুরাণ পাঠ এবং পদ্মাপুরাণের গীত হইয়া থাকে; নৌকাপূজায় পদ্মাপুরাণ গীত হওয়া পূজার একটা অঙ্গ হইয়াই দাঁড়াইয়াছে। বিশেষ আড়ম্বরে সর্ব-দেবীর সহিত মনসা-মূর্তি পঠিত করিয়া নৌকাপূজা এক শ্রীহট্টেই প্রচলিত। * ‘শ্রাবণী’তে ঘরে ঘরে মনসা পূজার কথা ছাড়িয়া দিলেও শ্রীহট্টে নিম্ন শ্রেণীর মধ্যে অসংখ্য পরিবারে অসংখ্য স্থানে মনসার ‘ঘট’ স্থাপিত আছে, এবং তাহার নিত্যপূজা হয়। তুলনায় শ্রীহট্টের সঙ্গে এ বিষয়ে অন্য কোন জিলাই সমকক্ষ হইবে না। আর ইহারা হয় নারায়ণ দেব, নয় যজ্ঞীঘর প্রভৃতির সহিত পরিচিত, তদবস্থায় লেখকের প্রমাণটি উলটাইয়া শ্রীহট্টের দিক হইতেও বলা যাইতে পারে যে, নারায়ণদেব সহ শ্রীহট্ট বাসী যেমন পরিচিত, তেমন অন্য কোন জিলার লোকই নহে, অতএব শ্রীহট্ট বাসীর তাঁহাকে “আপনার বলিয়া ভাবা স্বাভাবিক”। কবির গোড়গ্রামে বাস হেতু ময়মনসিংহের অধুনা একটা দাবি চলিতেছে মাত্র।

তাঁহার পর লেখক বলেন—“পঞ্চানন বাবু একটি প্রবন্ধে অহেতুক অতিরিক্ত ভাবে বলিয়াছিলেন যে বুদ্ধগ্রাম পূর্বে শ্রীহট্ট সরকারের অন্তর্গত ছিল। সতীশ বাবু তাঁহার প্রবন্ধে পঞ্চানন বাবুর এই কথার প্রমাণ চাহিয়াছিলেন। পঞ্চানন বাবু ভ্রম বশতঃ হঠাৎ এই কথা বলিয়াছিলেন বুঝিয়া বোধ করি বিজ্ঞানোচিত মৌনাবলম্বন করিয়াছেন। মনুষ্য মাত্রেই ভ্রম করে।”

লেখকের লেখার কৌশলটি পাঠক লক্ষ্য করিবেন, যেন পঞ্চানন বাবু তাঁহাকে বলিয়াছেন, হাঁ আমার ভ্রমই হইয়াছে, তবে যখন লিখিয়াছি, তখন কথাটা কিরাইব

কেমন করিয়া তাই মৌনাবলম্বন! লেখক যাহাই বলুন, কিন্তু পঞ্চানন বাবু যে “তত্র মৌনংহি শোভনম্” ভাবিয়া মৌনাবলম্বন করেন নাই, তাহা তাঁহাকে কে বলিল? এ সম্বন্ধে পঞ্চানন বাবুর মত কি, তাহা না জানিয়াই উহা তাঁহার ভ্রম বলিয়া ধরিয়া নেওয়াটা উপযুক্ত হইয়াছে কি? আর যদিই বা তাঁহার কথা স্বীকার করিয়া লওয়া যায়, তথাপি ইহা বিবেচনার বিষয় যে, লোকে সাধারণতঃ কোন কথা অতিরিক্ত ভাবে হঠাৎ বলিয়া থাকে? লোকে শিক্ষিত কথা অপেক্ষা অনাবৃত সত্য কথাটাই হঠাৎ বলিয়া থাকে। এবং তাহার উপর অনেক সময় জয় পরাজয় নির্ভর করে।

“বুদ্ধগ্রাম যখন ময়মনসিংহ জেলার অন্তর্গত, তখন চিরদিনই উহার অন্তর্গত আছে”, লেখকের এই উক্তিটাই কি একটা প্রমাণ? যখন ময়মনসিংহ জেলা গঠিত হয় নাই (১২৫ বৎসর পূর্বে), তখন বোড়গ্রাম শ্রীহট্টের অন্তর্গত ছিল কিনা, ইহা কি জিজ্ঞাস্য হইতে পারে না? * যখন চিরদিন ময়মনসিংহ জিলা ছিল না, তখন “চিরদিনই উহার অন্তর্গত আছে” কথার মূল্য কতদূর? ময়মনসিংহ জেলা গঠিত হইবার পূর্বে যখন জোয়ানসাহী প্রভৃতি পূর্ববর্তী স্থান গুলি শ্রীহট্ট জিলার অধীনে ছিল, তখন বর্তমান ময়মনসিংহের পূর্বপ্রান্তীয় বোড়গ্রাম যে শ্রীহট্ট হইতে পৃথক ছিল, কোন প্রমাণে লেখক তাহা বলেন? ফসতঃ প্রমাণ ব্যতিরেকে “চিরদিনই উহার অন্তর্গত” ইত্যাদি বলিয়াও প্রমাণের জগৎ অন্তর্গত উল্টা দোষ দেওয়া সমীচীন নহে। বোড়গ্রাম নসিরাজদিয়া পুরগণান্তর্গত কথাটা জানিয়াও প্রকাশ না করিলে আমাদেরই পক্ষে মিথ্যার প্রশ্রয় দেওয়া হইত, এসম্বন্ধে আমরা পূর্বেই বলিয়া রাখিয়াছি যে নসিরাজদিয়া পুরগণাটি কতদিনের এবং জোয়ানসাহীর খারিজা কিনা, যদি না হয়, তবে তৎকালে শ্রীহট্টান্তর্গত স্থান মধ্যে উহা

* ওনা যাইতেছে যে, ময়মনসিংহ জেলা তিনটি পৃথক জেলার বিভক্ত হইবে, যদি তাহা হয়, তবে বোড়গ্রামের ভাগ্য কোন নব জিলার সহিত সম্বন্ধিত হইবে বলা যায় না। এবং “চিরদিনই উহার অন্তর্গত” এ উক্তি ভবিষ্যতে কেহ বলিলে যেমন হইবে, এখনও ঠিক তেমনই হইতেহেনাকি?

* আমরা সত্যের অহুরোধে প্রকাশ করিতেছি যে ময়মনসিংহ জিলারও স্থানে স্থানে এইরূপ আড়ম্বরের সহিত মনসা পূজা পদ্ধতি প্রচলিত আছে। নোঃ সঃ।

ছিল কিনা (কেননা জোয়ানসাহী ছাড়াও বহুমান শ্রীহট্টের অন্তর্নিবিষ্ট ছিল) ইত্যাদি বিষয়ের আলোচনা এখনও বাকি রহিয়াছে ।

যাহা উল্লেখিত হইল, সত্যনিষ্ট ব্যক্তির এসব বিষয় আলোচনার পূর্বে মতখ্যাপন সমীচীনতাজ্ঞাপক হইবে বলিয়া বিবেচিত হইবে না; লেখক ইহার কোন কথা আলোচনা করিয়াছেন? সহজ পথ ছাড়িয়া বক্রপথে চলিলে, তাহা বঙ্গ সাহিত্যের প্রতি অভ্যাচার" বলিয়া কি অভিহিত হইবে না?

জোয়ানসাহী পরগণা কোন সময়ে শ্রীহট্টের অন্তর্গত ছিল কিনা তাহার নাকি প্রমাণ হয় নাই! কেদার বাবু এবং অচ্যুত বাবুর বাক্য লেখক মহাশয়ের নিকট গ্রাহ্য না হইলেও এ বিষয়ে আইন ই আকবরি এবং ইষ্ট ইণ্ডিয়া কোংর পঞ্চম রিপোর্ট (১৮১২ ইং) ইত্যাদি ঐতিহাসিক গ্রন্থের প্রমাণ বোধ হয় অগ্রাহ্য হইবে না। নারায়ণ দেবের বংশাবলী লইয়া চক্রবর্তী মহাশয় অনেক কথা বলিয়াছেন, বঙ্গ তালিকা অকৃত্রিম প্রমাণিত না হওয়া পর্য্যন্ত এসব কথাই কোন কস দর্শিবে না। (ক্রমশঃ)

শ্রীবিরজাকান্ত ঘোষ ।

বাসনা ।

বাঁধন হারা নয়ন-ধারা
বন্ধুছে কাহার লাগি,
জীবন ভরে কাহার ভরে
হৃদয়-অনুরাগী!
তরুণ তপন, ভাঙ্গলো স্বপন—
তন্ম্রা গেল টুটে;
বীণার তানে, মধুর গানে
হৃদয় ভরে উঠে।
গগণ মেঘে কিরণ মেঘে
খুল্লে ত্রিদিব-ধার,
বকুল ভলে, কুম্ব-দলে
পূজার উপচার।

বা কিছু আক, জীবনের কাছ
চালবো তাঁহার পাশ!
জীবন স্বামী, বাহার আমি
প্রাণ তাঁহারে চায়!

শ্রীজগদীশচন্দ্র রায় গুপ্ত ।

তিনটি রত্ন-কণিকা ।

আমাদের জন্মভূমি সোণার বাঙ্গলার সোণার মাটিতে শুধু আজ সোণা ফলিতেছে এমন নয়,—মা আমাদের চির দিন স্বর্ণ প্রসবিনী! আধুনিক কালে আমাদের নবীন-চন্দ্র, হেমচন্দ্র, রবীন্দ্রনাথকে গর্ভে ধরিয়া মা আমাদের যেমন গরবিনী, প্রাচীন কালে চণ্ডীদাস, জ্ঞানদাসাদি অসংখ্য কবিরত্নকে বুকে ধারণ করিয়া ও মা আমাদের তেমনই গৌরবাধিতাছিলেন। আজ আমাদের রবীন্দ্রনাথের কবিত্ব সৌরভে প্রতিচ্য ভূষণ পর্য্যন্ত আমোদিত হইয়া উঠিয়াছে। হিন্দু হউন আর মুসলমান হউন, কে এমন বাঙ্গালী আছে, যিনি বাঙ্গলার জন্ম গ্রহণ করিয়াছেন বলিয়া আজ নিজকে সৌভাগ্যশালী মনে না করিতেছেন? কলতঃ যে রত্নগর্ভার গর্ভে চণ্ডীদাসাদির জন্ম হইতে পারিয়াছিল, সেই গর্ভে রবীন্দ্রনাথাদির মত কবির জন্ম কিছু বিচিত্র ব্যাপার নয়। এরূপ হওয়াই স্বাভাবিক। যাহা স্বাভাবিক, ঠিক তাহাই হইয়াছে। প্রত্যেক বাঙ্গালী সন্তানের হৃদয়ে গৌরবাধিতা ধারণা থাকা উচিত। এই ধারণা তাহাকে স্বীয় মহত্ব স্বরণ করাইয়া দিবে,—এই ধারণা তাহাকে সেই মহত্ব-রক্ষার প্রচেষ্টায় প্রণোদিত করিবে। এই ভাব বাঙ্গালীর চক্ষুর সন্মুখে এক সুমহৎ আদর্শ ধরিয়া দিবে। সেই আদর্শ ধরিয়া বাঙ্গালী আপনার ভবিষ্যৎ জীবন গড়িয়া তুলিবে।

বলিয়াছি, চণ্ডীদাসাদির জন্মস্থানে রবীন্দ্রনাথের মত কবির জন্ম একান্ত স্বাভাবিক। সেই স্বাভাবিকতা সত্ত্বে পরিণত হইয়াছে বলিয়া আজ আমরা আনন্দে উৎফুল্ল হইয়াছি। কিন্তু বাহাদের মনীষাও প্রতিভা তিল তিল সঞ্চিত হইয়া অবশেষে রবীন্দ্রনাথ রূপে মহা মহীকূলে

ব্যাপ্ত হইয়াছে, হুঃখের বিষয়, সেই প্রাচীন কবিগণের অনেকে আজও আমাদের জানের অগোচর রহিয়া গিয়াছেন। প্রাচীন বঙ্গ সাহিত্যের আলোচনা এখন অনেক বাড়িয়াছে সত্য কিন্তু হুঁচাঃজনে যাহা করিয়া গিয়াছেন, তাহার আলোচনা লইয়াই অনেকে ব্যস্ত,—নূতন নূতন ভাষ্যবিহারের দিকে অতি কম লোকেরই মনোযোগ আকৃষ্ট হইয়াছে। বাঙ্গালার প্রাচীন সাহিত্যের পরিসর হিসাবে প্রাচীন সাহিত্যোদ্ধারের কার্য এখনো কিছু হয় নাই বলিলে ও অতুক্তি হয় না। আরো বহুদিন এই ক্ষেত্রে কার্য করিলে তবে যদি তাহার একটা কিনারা হয়। আমাদের নবীন লেখকগণের নবোদ্ভূত অস্ত্রের লিখিত অসার গল্প ও কবিতার অহুবাৎসে অপব্যয়িত না করিয়া যদি এই অতি প্রয়োজনীয় কার্যে নিয়োজিত করেন, তবে মাতৃভাষার উপকারের সঙ্গে সঙ্গে তাঁহাদের সাহিত্য সাধনা সার্থক হইতে পারে। স্বগ্রামে ও স্বদেশে লিখিবার মত কত জিনিস পড়িয়া রহিয়াছে। অথচ সেই সব ঘরের রত্ন ফেলিয়া তাঁহারা পরের চর্কিত চর্কণ করিয়াই আপনাদের শক্তির অপচয় করিবেন, ইহা নিতান্তই কোভের কথা। এক দিনের আলস্তে আমাদের কত মহাই রত্ন যে অনন্ত কালের কোড়ে চিরদিনের জন্য মিশিয়া বাইতেছে, তাহার পরিমাণ করা বাইতে পারে না। এখনো সময় আছে। এখনো নবীন লেখকগণ সে দিকে মনোনিবেশ করুন।

কালালের হাতে মানিক পড়িলে তার যেমন আনন্দ হয়, মাতৃ ভূমির এক জন প্রাচীন কবির আবিষ্কার করিতে পারিলে আমারও তেমন আনন্দ হইয়া থাকে। প্রাচীন পুঁথি নাড়া চাড়া করিতে করিতে সম্প্রতি তিন জন প্রাচীন কবির তিনটি রত্নকণিকা সূক্ষ্ম পদ পাওয়া গিয়াছে। পদগুলি পাইয়া আমার যে আনন্দ হইয়াছে, বাঙ্গালী পাঠকগণকে তাহা বিলাইয়া দেওয়ার লোভ সঞ্চার করিতে পারিলাম না। আমার পরিশ্রমের সফলতার আমি যেমন সুখী,—পাঠকগণ পদগুলির আশ্বাদন করিয়াও তেমন সুখী হইবেন। এই দেখুন না কেমন সুন্দর উপভোগযোগ্য জিনিস সকল আজও দেশের নানা স্থানে অর্ধশত পড়িয়া রহিয়াছে :—

বিনোদিনী বিলম্ব করিতে না ছুয়াএ।
 ছুয়া পথ নিরঙ্কিতে রহিয়াছে প্রাণনাথে
 রাধা বোলি মুরড়ি বাজাএ ॥
 নপুর কিকিনী কেয়ুর কুণ্ডল মণি
 পরিহরি কর লো গমন।
 প্রিয় সখীর গলে ধরি নীল নীচৌপল পরি
 দেখ গিয়া ও চান্দ বদন ॥
 তুরা রূপ হেরি হেরি আকুল মুরারি
 হেরিতে হরল গেয়ান।
 কহে দ্বিজ পার্কীণী শুন শুন পুণাণ্ডী
 অলঙ্কিতে নিকুঞ্জ পয়ান ॥ ১।

বেলোয়ার রাগ।

বদলে খুইয়া যাও বাণী।
 তবে সে আদিবা হেন বাসি ॥
 ও বাণী যতনে খুইয়ু,
 গন্ধ চন্দন দিয়ু,
 হীরা মণি মানিক্যে ভড়িয়া।
 যখনে তোমার তরে
 ও বুক বেদনা করে
 নিবারিয়ু হুঃখ বাণী বৃকে দিয়া ॥
 বাণীটি ছুই কুল খাইল,
 কুলের কলঙ্ক টেল,
 বাণী নহে পরম দারুণি।
 সে বাণী সঙ্গতি জাইব,
 আর নি আসিতে দিব,
 আনি দিব রসিক রমণী ॥
 দ্বিজ মাধবে কহে,
 সোণা নহে রূপা নহে,
 কেবল বাণের আগা বাণী।
 দিব্য কর প্রাণ নাথ,
 মোর মাধে দিয়া হাত,
 মুঞি তোমার হৈয়া যাইয়ু দাগী ॥ ২।

পর্যাপ্ত সে জানে ।

মরম হৃৎক পরাণে সে জানে ॥

কিরূপে দেখিব কালা কালিন্দীর কুলে ।

ধড়ে ধৈর্য নহি মানে ।

অধর রঞ্জিতা ভুরুর ভঞ্জিতা

চূড়াটি বাক্যাছে ঠানে ॥

নিবেধ ন মানে বিধম সন্ধানে

হাত্যাছে গোবিন্দের বাণে ।

আগিতে ঘুমিতে আন না লয় চিতে

কা লয়ার বীণীর সানে ॥

চিত্ত ধরান দিয়া রাখিতে না পারি হিয়া

অনাস্তে বাকি টানে ।

বীণী বাজাএ নিতি কায়ার পিরীতি

বুজিতে বুঝন থাকি ।

কহে শিবচরণ দাসে প্রেম ভক্তি পাশে


মুই কেনে না গেলু বাকি ॥ ৩ ।

কবিতার সৌন্দর্য্য বুঝাইবার জিনিস
নহে, বুঝিবার জিনিস । সেরূপ বুঝিবার
ক্ষমতা বাহার আছে, তিনিই বলিবেন, এই
গুলি কবিতা নয়—সুধা নিশ্চিন্দিনী রত্ন
কণিকা । এমন কবি ও ভাব সম্পদের
অধিকারী না হইলে সাক্ষ্যে কি অজ্ঞ প্রতীচ্য
জগৎ বাঙ্গালী কবির কবিতায় এমন বিমুগ্ধ
হইতে পারিত ?

একটু বলিয়া রাখা ভাল, আমরা কবিতাগুলি পাইয়া
বুকে করিয়া রাখিয়াছি । কিন্তু এই সুধা বাহার আমা-
দিগকে দিয়া গিয়াছেন, তাঁহাদের কোন সন্ধান পাই
নাই । এই সুধা হইতে যে আমরা বঞ্চিত হই নাই,
ইহাই পরম সৌভাগ্য । আপাততঃ ইহাতেই সান্ত্বনা
লাভ করা যাউক ।

শ্রী আবদুল করিম ।

পুরীর নক্সা ।



বড় দাণ্ড বা বড় রাস্তা ।

ক। অক্ষয় স্তম্ভ, ২২ হাত উচ্চ । ঘ। ছাউনি মঠ, দিওলে ।
গ। ছাউনি মঠ—দিওলে । ঘ। বিধেশ্বর লিঙ্গ । ১। মূলমন্দিরে রত্ন
বেদী । ২। লোকনাথ ও ৩। মদনমোহন (৭জনপ্রাণ দেবের প্রধান
প্রতিনিধি ঘর) । ৪। জয় ও বিজয় দ্বারপালঘর । ৬। গুরুড়স্তম্ভ ।
৭। রত্নশালা হইতে ভোগ বাহকদের আবৃত রাস্তা । ৮। সত্য
নারায়ণ । ৯। রাখাকুণ্ড । ১০। অক্ষয় বট কল্প বৃক্ষ তরিলে ২টি বৃক্ষ
১১। সর্বমঙ্গলা । ১২। মার্কণ্ডেশ্বর শিব । ১৩। গণেশ । ১৪। ক্ষেত্র-
পাল । ১৫। মুক্তি মণ্ডপ বা ব্রহ্মাসন । ১৬। নৃসিংহ । ১৭। চন্দ্র
মণ্ডপ । ১৮। রোহিণী কুণ্ড ও কাক । ১৯। বিমলাদেবী (বৎসরে
একটি বলি, দুর্গাপূজার সময়) ২০। বেণীমাধব । ২১। বুলাবন ।
২২। কুণ্ড । ২৩। সিদ্ধি গণেশ । ২৪। কারাকুণ্ড একাদশী (পুরীতে
একাদশীর উপবাস নাই) । ২৫। কুণ্ড । ২৬। সরস্বতী । ২৭। দক্ষিণে-
খরী কালী । ২৮। লক্ষ্মীদেবী । ২৯। সূর্য্য নারায়ণ । ৩০। রাম
লক্ষণ । ৩১। চাহনি মণ্ডপ । ৩২। ভেট মণ্ডপ । ৩৩। শীতলা । ৩৪।
ময়দার টেকি ঘর । ৩৫। গঙ্গা কূপ । ৩৬। যমুনা কূপ । ৩৭। ডাকঘর ।

ক্ষেত্র কাহিনী।

(এই প্রবন্ধের পূর্বাংশ সৌরভের ১ম বর্ষের শ্রাবণ ও ভাদ্র সংখ্যায় প্রকাশ করিয়াছিলাম। আবার রথযাত্রা আসিয়াছে। রাজা ও সম্পাদক উভয়ই সমান। “অস্তি নাস্তি ন জানাস্তি দেহি দেহি পুনঃ পুনঃ”—ভাগিদের জায়ে ভরা দিত চিত্তে দপ্তর কাড়িয়া বাকী শেষ করিলাম। (লেখক)।

লক্ষ্মীদেবীর বিরহসঞ্জাত দুর্জয় অভিমান ও পুনর্যাত্রার দিবস দম্পতি কলহ-রূপ বহুবারে লঘু ক্রিয়ার বিষয় পূর্বে কীর্তন করিয়াছি। তৎপরে শ্রীমতীর ইচ্ছিতে দেবদাসীগণ সিংহদ্বার খুলিয়া দিয়াছে। এতদিন পর আমরাও পুনরায় মন্দিরে প্রবেশ করিবার সুযোগ প্রাপ্ত হইয়া ক্ষেত্র কাহিনীর উপসংহার করিতেছি।




পুরীর সমুদ্র স্নান।

সিংহদ্বার অতিক্রম করিয়া বহু প্রস্তর সোপান উল্লঙ্ঘন করিতে হয়। দেখিলাম, পাথরের উপর নামের আঁচর কাটিয়া বহু নর নারী অমর হইবার উৎকট বাঞ্ছা প্রকাশিত করিয়াছেন। শ্রীমন্দিরের ভিতর প্রাঙ্গণে বামদিকে অক্ষয় বট। মার্কণ্ডেয় মূর্তির সুদীর্ঘ পরমায়ুর প্রবাদ সকলেই অবগত আছেন। প্রলয়ের জলপ্লাবন কালে জীবিতাবশিষ্ট একমাত্র মার্কণ্ডেয় ঠাকুর যখন সাঁতার কাটিয়া এই অক্ষয় বটের অগ্রশাখা ধরিয়া প্রাণের আশা করিতেছিলেন, তখন নির্দয় শমনও তাঁহার অগ্রকেশ ধারণ করিয়া সে আশা ব্যর্থ করিতে উদ্বৃত্ত হইয়াছিল। উপায়ান্তর না দেখিয়া ভক্তবৎসল শ্রীকৃষ্ণ মূনিঠাকুরকে স্বীয় বিশাল উদর মধ্যে লুকায়িত রাখিয়া সমরাজকে প্রবঞ্চনা করিয়াছিলেন। রাধে কৃষ্ণ মারে কে? মারে কৃষ্ণ

রাধে কে? পৃথিবীতে বাঁচিয়া থাকিবার আশার মত আর আশা নাই। অন্নং গলিতং পলিতং যুগুং তথাপি কেহ জীবনের আশা ভাঙে পরিত্যাগ করে না। বৃদ্ধ মার্কণ্ডেয় শ্রীকৃষ্ণের নিকট অমর বর প্রাপ্ত হইয়া এক সরোবর নির্মাণ করিলেন এবং তাহার তীরে দেবালয় স্থাপন পূর্বক শ্রীকৃষ্ণ চিন্তায় তিনি অত্যাধিক জীবন অতি-বাহিত করিতেছেন। শ্রীমন্দিরের উত্তর পশ্চিম কোণ হইতে যে রাস্তা উত্তর দিকে গিয়াছে, সেই পথে মার্কণ্ডেয় সরোবরে যাইতে হয়। মার্কণ্ডেয় মূর্তির পরমায়ুর গায় উক্ত বটবৃক্ষও অক্ষয়। ভগবান শ্রীকৃষ্ণ অত্যাধিক এই তরুমূলে অবস্থান করিয়া ভক্ত বাঞ্ছা পরিপূর্ণ করিতেছেন। একটা তাঁহার নাম বটকৃষ্ণ ও বৃক্ষের নাম বাঞ্ছাকল্প বৃক্ষ। এখানে নানা দিগ-দেশীয় স্ত্রীলোকের জনতা। শাখাচূষ পক ফল মস্তকে কিম্বা অঞ্চলে পতিত হইলে মনস্কামনা সিদ্ধির প্রথম লক্ষণ। বাঞ্ছাবক ইহার অপেক্ষা ফলপ্রাপ্তির পকতর লক্ষণ আর কি হইতে পারে? স্মৃতরাং কত স্ত্রীলোক যে অক্ষয়বট তলে সমস্ত দিবস অঞ্চল পাতিয়া বসিয়া থাকিয়া ঐশ্বর্যের পরীক্ষা দিয়া থাকেন, তাহার ইয়ত্তা নাই। কত উড়িয়া বালকবৃন্দ পাঠে অবহেলা করিয়া পরীক্ষার “পাশ” কামনায় অবিরাম কল্পতলায় কালকর্তন করিয়া হাতে হাতে প্রতিফল পাইয়া থাকে, তাহারও সংখ্যা নাই।

*তীর্থক্ষেত্রে পাহুকার ব্যবহার নাই। মন্দিরের ক্ষেত্রও প্রস্তর মণ্ডিত। স্মৃতরাং নগ্নপদ-বিচরণে অনভ্যস্ত শিক্ত বাবুগণ যখন মধ্যাহ্ন-মার্গে কোপালন হইতে উদ্ধার মানসে উত্তম প্রস্তর উল্লঙ্ঘন করিতে করিতে ভ্রমিত পদে অক্ষয় বটের শরণ লইতে ধাবিত হন, তখন সে দৃশ্য পরম করুণ! বাবুদের অঞ্চল নাই, বটবৃক্ষের মেওয়ার প্রতিও লোভ নাই; চাই শুধু বটের চরণ ছায়া। বটের গায় মহাবৃক্ষ হিন্দুদের বড় সেবার যোগ্য। নাই বা থাকিল ফল, “ছায়া কেন নিবার্য্যতে।” যেখানে জনতা সেই-খানেই বট। তীর্থক্ষেত্র, বাজার, কাচাণী প্রাঙ্গণ ইত্যাদি। বট প্রায়ই অক্ষয়। শিবপুরের গার্ডেনে যে প্রকাণ্ড বৃক্ষ শাখা প্রশাখা, পৌত্র প্রপৌত্রাদি লইয়া বহু স্থান অধিকার পূর্বক-বিরাজ করিতেছে, তাহার বয়স

নির্ণয় হয় নাই। কেহ কেহ বলের উহার উপরে বসিয়া ভূষণি কাক পৌরাণিক দেবীযুদ্ধ দর্শন করিয়াছিল। বটবৃক্ষের ইংরাজী নাম “বেনিয়ান ট্রি।” দোকানদার বেণেরা হাতে বাজারে বট গাছের তলায় বসিয়া জিনিস পত্র বিক্রয় করে; সাহেবেরা তাহা দেখিয়াই ঠাহর করিয়া লইয়াছেন এটা বেণিয়াদের গাছ। সেই জন্ত ঐরূপ নামকরণ। সে যাহা হউক পুরীতে আসিয়া একজন মবীন ভাবুক কবিকে এই কল্পতরুমূলে বসিয়া কল্পনা সাধনা করিতে দেখিয়াছি। এই বটতলা-কবির কাব্য প্রকাশিত হইয়াছে কিনা, তাহা জানি না।



অক্ষয়বট ত্যাগ করিয়া আমরা সম্মুখে মুক্তিমণ্ডপে উপস্থিত হইলাম। ইহা কেন্দ্রপাল ও নরসিং দেবের মধ্যস্থিত একটি উচ্চ বেদী। অক্ষয়বট ও মুক্তি-মণ্ডপ তীর্থস্থানের অঙ্গ বলিয়াই বোধ হয়। প্রয়াগ এবং গয়াধামেও অক্ষয়বট বিদ্যমান; আবার বিশ্বেশ্বর মন্দিরেও দক্ষিণ পার্শ্বে মুক্তিমণ্ডপ বিরাজমান। কথিত আছে, জগন্নাথ মন্দিরের প্রতিষ্ঠা সময় স্বয়ং ব্রহ্মা এই স্থানে উপবেশন করিয়া প্রতিষ্ঠা বিধি পর্য্যবেক্ষণ করিয়া ছিলেন। এজন্ত ইহার অপর নাম ব্রহ্মাসন। অধুনা সর্বলোক-পিতামহের গদি উত্তরাধিকার সূত্রে কেবল কয়েকজন স্থানীয় “ব্রাহ্মণ-পণ্ডিত” দখল করিয়া বসিয়াছেন। তাঁহারা বলেন তাঁহারা

ব্যতীত আর কোনও পৌত্রেরই এখানে উপবেশন করিবার অধিকার নাই। একজন প্রবীণ উকীল লাগাইয়া একটা স্বত্বের মামলা করিয়া দেখিলে হয়।

শুনিতে পাই বঙ্গদেশে প্রায় প্রতিগ্রামেই নিষ্কর্মা লোকদের একটা আড্ডা আছে, এবং তাহাকে ব্যঙ্গভাষায় “মুক্তিমণ্ডপ” বলা যায়। পুরীর এই মূল মুক্তিমণ্ডপে উক্ত “ব্রাহ্মণ পণ্ডিত” দের উপবেশন কার্য্য ব্যতীত প্রকৃত “ব্রাহ্মণ এবং পণ্ডিত” দেরও একটা সভার অধি-বেশন কার্য্য হইয়া থাকে। এই পণ্ডিত সভা অনেক

সংকার্য্য করিতেছেন এবং শাস্ত্রালোচনার ইহাদের বিশেষ অনুরাগ। যোগ্যপাত্রে উপাধি বিতরণও এক কার্য্য। বঙ্গ-দেশে ব্রাহ্মণরত্ন, কায়স্থরত্ন ইত্যাকার উপাধি বোধ হয় শীঘ্রই প্রচলিত হইবে। উড়িষ্যা দেশের উপাধিগুলি এখনও পুরাতন কলেবর ত্যাগ করিয়া নব নব ছেহ ধারণ করে নাই। উপাধির নাম যথা, ‘উত্তর-কবাট’ অর্থাৎ রাজ্যের উত্তর দ্বারের রক্ষক। ‘দক্ষিণ-কবাট’

দক্ষিণদ্বারের প্রহরী। জগন্নাথ মন্দিরের পূর্ব দ্বারের নাম সিংহদ্বার। উহা সর্বপ্রধান দ্বার। সুতরাং পূর্ব কবাট উচ্চতম সম্মান বোধক; এই উপাধিটি ‘জি-সি-এস-আই’ এর মত বিরণ। একদা আমার এক অন্তরঙ্গ বন্ধু বলিয়া ছিলেন, আমার প্রতিবেশীরা অনেকেই “রাজা”, আমাকে ‘রাজা’ করিয়া দিতে পার? আমি বলিলাম, তোমার বেশী টাকা পয়সা নাই, দান ধ্যান নাই, রাজা হবে কিসে? তিনি উত্তর করিলেন, আমি তা বলছি না; আমি বলছি কি যে ব্রাহ্মণ পণ্ডিতেরা ব্যাকরণের সাহায্যে এমন একটা নূতন উপাধি নির্মাণ করিতে পারেন না যাতে রাজার মত একটা বক্তার বা আওয়াজ বহিরা যায়, যাতে আমি ‘রাজা’ না হইয়াও রাজা বনিয়া যাই, কিম্বা

যাতে আমি রাজা হইয়াও রাজা বনিয়া না যাই? আমি বলিলাম, “তা হবে না। রাজা উপাধি গবর্ণমেন্ট দেন। তুমি এক কাজ কর। তোমার তেমন বিজ্ঞা বুদ্ধি নাই, সম্বলের মধ্যে শুধু এক দেব দিকে ভক্তি। বিজ্ঞাত্বণ, জ্ঞানরত্ন এগুলি মানাইবে না, তুমি ভক্তি চক্ষু হও গে। তার জন্তে গাঁটের খেকে পাঁচসিকা ধরচ করিতে হইবে।” সেই অবধি বন্ধুবর আশা স্বত্ব আছেন।

মুক্তিমণ্ডপে দণ্ডবৎ প্রণিপাত করিয়া আমরা রোহিণী-কুণ্ডে উপনীত হইলাম। ইহা একটা ক্ষুদ্র চৌবাচ্চা। জ্যৈষ্ঠ পূর্ণিমাতে স্নানযাত্রার সময় লক্ষ্মীগ্রহে রোহিণী-

প্রবেশ করিল। একটা পাখীর অধম পাপ জন্ম কাক, তারি জন্তে স্বর্গের দরজা দুই ফাক হইয়া গেল! এই দেখিয়া বিচারপতি ধর্মরাজ (যম) অতিশয় বিবধ হইগেন। তখন অন্তর্যামী ভগবান পুরুষোত্তম কহিলেন, “হে ধর্মরাজ! তোমার ক্ষুদ্র হইবার আবশ্যক নাই। এই জগন্নাথক্ষেত্রে দণ্ড যোজনের ভিতর তোমার শাসন চলিবে না। এই তীর্থের মনুষ্য পশু পক্ষী কীট পতঙ্গের প্রতি তোমার অধিকার রহিল না।” হায়! তদবধি পৃথিবীর ধর্ম-রাজ্য ক্রমশঃ ধাস হইয়াছে ও হইতেছে।



শ্রীমন্দির—ক্ষেত্র।

কুণ্ডের জল দ্বারা জগন্নাথ দেবের স্নান সম্পন্ন হয়। প্রলয়কালে সমুদ্রের জল বৃদ্ধি প্রাপ্ত হইয়া রোহিণী-কুণ্ডে বিলীন হইয়াছিল। একদা এক কাক স্নান করিতে আসিয়া ইহার পবিত্র জলে পক্ষের আঘাত করিয়াছিল। সেই পক্ষাঘাত করিয়া শরীরে জলের একটু ছিটা পাওয়া আর তৎক্ষণাত্ হীনজন্ম কাক শব্দ চক্র গদা পদ্ম ধারী চতুর্ভুজ বিষ্ণুভূগা দেব দেহ ধারণ পূর্বক আকাশে উড্ডীয়মান হইয়া একেবারে বৈকুণ্ঠলোকে

কুণ্ডের ভিতর প্রস্তরময় কাকমূর্তি আছে। যাত্রীগণ উহা হস্তদ্বারা স্পর্শ করিয়া ললাট স্পর্শ করেন। ললাটে লেখা থাকিলে বৈকুণ্ঠ বাস হবেই হবে। প্রণামের পর “প্রণামী” রাধিতে হয়। পাণ্ডা নন্দন স্বর হইতে হরেক রকম কত ফগুলি রৌপ্যমুদ্রা আনিয়া কুণ্ডের জলের ভিতর সাজাইয়া রাখে। তাহা দেখিয়া যাত্রীদের বুকিতে হইবে এখানে পদসার কর্ম নন্দ টাকা কিম্বা আধুলি চাই। কিম্বা তৃতীয় শ্রেণীর বৈকুণ্ঠ যাত্রীর পক্ষে অন্ততঃ একটা

সিকি গাঁট হইতে ছাড়িতেই হইবে। বৈকুণ্ঠদ্বারের টিকেট নেহাৎ সস্তা নয়! কেহ একটি পরস্য ফেলিলে, পাণ্ডার পো তখনই তাহা তুলিয়া অল্প লুকাইয়া রাখে।

অতঃপর দক্ষিণ পশ্চিম কোণে বিমলাদেবীর মন্দির। মন্দিরের বারান্দায় উপবিষ্ট পুরোহিতগণ আমাদেরকে দূর হইতেই হস্তসঙ্কেতে সাদরে আহ্বান করিতে লাগিল। তাঁহাদের ভয় পাছে আমরা উক্ত মন্দিরে মস্তকস্বর্ষণ না করিয়াই অত্র দিকে অগ্রসর হই। কলিকাতার বাজারেও দোকানদারেরা পাণ্ডাদের প্রতি ঐরূপ সাদর আহ্বান করিয়া সৌজন্য প্রদর্শন করিয়া থাকে। শ্রীশ্রীজগন্নাথ দেবের মূলমন্দিরের চতুঃপার্শ্বে বহু দেবদেবী ঘর তুলিয়া অবস্থান করিতেছেন। বেণীমাধব, বৃন্দাবন, সিদ্ধিগণেশ, সরস্বতী, সূর্য্যনারায়ণ রামলক্ষণ, শীতলা প্রভৃতি অসংখ্য দেবতাদের দ্বারা এই আনন্দ নিকেতন অষ্টপ্রহর মুখরিত। আমাদের দেশে বড়লোকের গৃহ এইরূপই মাসী, পিশি, দূরসম্পর্কীয় আত্মীয় স্বজনদের উপনিবেশ স্থাপন হইয়া থাকে। গোবিন্দপুরের জমিদার নগেন্দ্রনাথ দত্ত ও সূর্য্য-মুখীর আশ্রয়ভবন এইপ্রকার আনন্দ কোলাহলে পরিপূর্ণ ছিল। সাহেবদের রাজ্য অট্টালিকাগুলি একটি বিশাল নিস্তরতার রাজ্য বলিয়াই বোধ হয়। বাহির হইতে ভিতরে জনপ্রাণী আছে বলিয়া বোধ হয় না। এখানে মাসী পিশি এবং ডাক হাঁক নাই। রাগাঘর প্রায় এক মাইল দূরে। চাকর বাকর নীরব ধীর পাদবিক্ষেপে বিচরণ করে।

এখানে সর্বদেবতাই বিরাজমান। যাহারা শৈব তাঁহাদের জন্ত শিব আছেন; যাহারা শাক্ত তাঁহাদের জন্তই এই বিষ্ণুমন্দিরে বিমলাদেবীর আবির্ভাব। সুতরাং আশ্চর্য্যের বিষয় নহে। এই স্থানে সংবৎসরে দুর্গোৎসবের নবমীপূজার দিবস একটি ছাগ বলিদান করা হয়। সেদিন মূল মন্দিরের দ্বার বন্ধ থাকে এবং সমস্ত দেবালয় বিস্তৃত গোময় জলে প্রক্ষালিত করার পর পর-দিবস প্রাত্যহিক ক্রিয়াকলাপ পুনরায় আরম্ভ হয়। প্রসঙ্গক্রমে বলা যাইতে পারে যে চৈতন্যদেবের রূপায় উড়িষ্যা-দেশ হইতে হিংসাপ্রবৃত্তি একেবারে উঠিয়া গিয়াছে। এদেশে নবাগত বাবুদের আহারে অক্লি হইলে চামারদের

শরণাপন্ন হইতে হইবে, অল্প কেহ পাঁটা কাটিবে না। কিন্তু হায়, এতাব বুকি আর থাকে না! রেল হওয়ার পর পুরীর নাম জাকিয়া উঠিয়াছে। এখন অহরহ কলিকাতা হইতে হাওয়া খোরের আমদানি। ইহাদের কেবল হাওয়াতে পেট ভরে না, সুতরাং মিউনিসিপালিটি ইহাদের জন্ত একটা ব্যবস্থা করিয়া দিয়াছেন। আমাদের সহযাত্রী—বাবুর মাংসভক্ষণের প্রবৃত্তি ছিল। বলিতে লজ্জা বোধ হইতেছে বৃথামাংসেও ইহার আপত্তি নাই। পাচক ত্রাস্কণকে এদেশে “পূজারী” বলে। বাবুর পূজারী বলিল মর্কট-বাজারে উক্ত বিপণি আছে। নামটি বেশ—“মর্কট-বাজার”। এদেশে মর্কটের প্রাধান্য, তাহার বৃক্ষের ফল ও ক্ষেত্রের শস্তাদির স্বভঙ্গইয়া গৃহস্থদের সঙ্গে সতত বিরোধ উত্থাপন করিয়া থাকে। ভাবিলাম কালীর monkey temple এর ঠায় পুরীর মর্কট-বাজারের ঐরূপ নামকরণ। কিন্তু ভ্রম দূর হইয়াছে! মিউনিসিপালিটি দয়া করিয়া বড়দাণ্ডের (বড়-সড়ক) পার্শ্বে এক বাজার স্থাপন করিয়াছেন, উহার নাম market ইহাকেই লোকে “মর্কট-বাজার” বলে!

বিমলা মন্দিরে প্রণামী রাখিয়া আমরা উত্তরাভিমুখে অগ্রসর হইলাম। ডাহিনে মূলমন্দিরের নিয়ে একটি অতিক্রম স্থানে কারাকর একাদশী ঠাকুরাণীকে দেখিলাম। পুরীতে একাদশীর উপবাস না করিলে সাজা নাই। একাদশী ঠাকুরাণী আর কি করিতে পারেন, তিনি নিজেই কারাকর।

একদল যুবক অপেরা গ্লাসের সাহায্যে উর্ধ্বমুখী হইয়া মন্দির গাত্রের শোভা নিরীক্ষণ করিতেছিল। আমরা ইহাদের হইতে তৎক্ষণাৎ মুখ ফিরাইয়া পরমানন্দ সহকারে “আনন্দ-বাজারে” প্রবেশ করিলাম। তখন আমাদের পাষণ হৃদয়েও কিরূপ সরস ভাবের সঞ্চার হইয়াছিল, তাহা বলিবার নয়। এষ্টস্থানে সামান্য পরস্যার বিনিময়ে শ্রীশ্রীমহাপ্রভুর মহাপ্রসাদ বিতরণ করা হয়। এই পরম পবিত্র ক্ষেত্রে আর জাতিভেদ নাই, ব্রাহ্মণ ও চণ্ডাল একত্র একপাত্রে অন্নাহার করিতেছে। ইহা হইতে সার্বজনীন উচ্চতর প্রেম আর কি হইতে পারে? হে বঙ্গের কূপ-বিহারী গ্রাম্যভেকগণ, সমুদ্রযাত্রা-শাস্ত্রে

নিবিড় বটে, তবু রেল চড়িয়া একবার সমুদ্রতীরে গিয়া শ্রীশ্রীজগন্নাথ দেবের চরণধূলী লইয়া আইস, মন প্রফুল্ল হইবে, সঙ্গীর্ণতা চলিয়া যাইবে, দলাদলি কলহ দূর হইবে এবং গ্রামে গ্রামে পুনরায় সুশীতল বায়ু প্রবাহিত হইবে।

মানবেদীর পশ্চিমে প্রশস্ত উন্মুক্ত ক্ষেত্রে আনন্দ বাজার অবস্থিত। ছায়ার স্থাননা থাকায় পূর্বে দুপ্রহর সময় যাত্রীদের বড় কষ্ট হইত। ভূতপূর্ব ম্যানেজার বাবু রাজকিশোর দাস ১৩১৮ সনে মহাপ্রসাদ ক্ষেত্রে একটা টাইলের ছাদ বিলিষ্ট গৃহ নির্মাণ করিয়া দিয়াছেন। মন্দির-তহবিল হইতে দৈনিক ভোগ দেওয়া হয়, এবং প্রত্যহ এই ভোগ কনট্রাক্টারদের নিকট বিক্রয় করা হয়। কনট্রাক্টার নিজ ইচ্ছামত মূল্যে যাত্রীদের কাছে আনন্দবাজারে মহাপ্রসাদ বিক্রয় করেন। প্রসাদ ছোট, বড়, মাঝারি—হরেক রকম হাঁড়ি, আলসা ও ভাঁড়ে বিক্রয় হয়। যাত্রীরা হাঁড়ি ভাঙ্গিয়া আহার করেন, অল্প পাত্র ব্যবহার করেন না। এইরূপে বহু ভাঙ্গা হাঁড়ি আনন্দ বাজারে ইতস্ততঃ বিক্রিষ্ট আছে। কনট্রাক্টারদের লোক সেই উচ্ছিষ্ট ও পরিত্যক্ত ভগ্নাংশগুলি সংগ্রহ করিয়া রাখে এবং যাত্রীদের নিকট তাহাই ভোজন পাত্র রূপে ব্যবহৃত হয়। ভক্তির নিকট ঘণা নাই। কিন্তু স্বাস্থ্য-রক্ষার হিসাবে এই প্রথা অতি দূষণীয়। নূতন ম্যানেজার সুহৃদর শ্রীযুক্ত রায় সাহেব গৌরগাম মহাস্তি মহাশয়কে এবিষয়ে বলিয়াছিলাম। তিনি এদিকে দৃষ্টি করিবেন, প্রতিশ্রুত হইয়াছেন।

পুরীর রাজা শ্রীজগন্নাথদেবের সর্বপ্রধান সেবক এবং মন্দিরের অধিকারী। সর্বপ্রথমে রাজার দস্ত রাজভোগ ও পরে সাধারণ ভোগ নিবেদন করা হয়। পুরীরাজের পূর্ব পুরুষগণ গঙ্গাবংশীয় স্বাধীন নরপতি ছিলেন। কিছু পূর্বে ইহাদের খুর্দায় রাজধানী ছিল। ১৮০৩ সনে ইংরাজ উড়িষ্যা অধিকার করেন। তদবধি ইহার পুরী সহরে প্রতিষ্ঠিত আছেন। এ বংশের বর্তমান রাজার নাম শ্রীমুকুন্দদেব। ইনি গবর্ণমেন্ট হইতে মাসিক ২,৩০০ পলিটিকাল পেন্সন ভোগ করিতেছেন। মন্দিরের সমস্তিঘরে বড় রাজার পূর্বধারে ইহার বাড়ী। বাড়ীর

তেমন বাহু শোভা নাই। রাজা এখন গৃহস্থ বাহুব, সুতরাং গৃহের ভিতরেই দিবানিশ অবস্থিতি করেন, বহির্গমন করেন না। কোন দরবারেও শুভ গমন নাই। শ্রীমন্দিরের কার্যের সুশৃঙ্খল পরিচালনার জন্য সদাশয় গবর্ণমেন্ট এক বৎসর যাবৎ জটনক ডেপুটী কালেক্টার নিযুক্ত করিয়াছেন। জনসাধারণ ইহাতে পরিকুষ্ট। রেল হওয়ার পর একরূপ ব্যবস্থা অনিবার্য। মন্দিরের ম্যানেজার পুরীরাজের নিকট হিসাব নিকাশ দিতে বাধ্য কিম্বা নিযুক্তিদাতা গবর্ণমেন্টের নিকটই তিনি দায়ী তৎসম্বন্ধে একটা মামলা চলিতেছে, শুনিয়া আসিয়াছি। কটকের সবজজ রাজার আবেদন নামঞ্জুর করিয়াছেন। তৎপর হাইকোর্ট কি বলিয়াছেন, জানি না। বড় দাগের অপর পার্শ্বে দোলমণ্ডপের নিকট দ্বিতল গৃহে টেম্পল ম্যানেজারের আফিস। মন্দিরের অন্য আলাহিদা ধানাও আছে। নাম টেম্পল-পোলিস। পাহাড়াওয়ালাদের পাগড়ি ও চোখ দুই-ই লাল, কিন্তু সকলেই হিন্দু।

উড়িষ্যা দেশে পুরীরাজের সম্মানসূচক একটা স্বতন্ত্র অক্ষ প্রচলিত আছে। উহার নাম অক্ষ। (N. B. উচ্চারণ অংক, হসন্ত। ওড়িয়াগণ শব্দের সাধারণতঃ অক্ষরান্ত উচ্চারণ করেন, যথা, ফল (ফল অ.) ইত্যাদি। কিন্তু শব্দের শেষে যুক্তাক্ষর থাকিলে আমাদের উণ্টা উচ্চারণ করেন। যথা প্রসন্ন (প্রসন্) মিশ্র (মিশর)। আনন্দও এখন মিত্র না বলিয়া মিত্রির বলি। বর্তমান অক্ষ ৪১। শ্রীমুকুন্দদেব ৪১ বৎসর যাবৎ গদিতে প্রতিষ্ঠিত আছেন ইহা বুলিলে ভুল হইবে। কারণ ০ এবং ৬ সংখ্যা বাদ দিতে হয়। এ দুটা অন্তর্ভুক্ত। ৫এর পর ৭ এবং ৯ এর পর ১১ ইত্যাদি। আমাদের দেশে মহাজনেরাও অক্ষের পিঠে শূণ্য ভাল বাসেন না। ১০৯ স্থলে ১০১ আদায় করিতে পারিলেই শুভকর।

পুরীতে বহু মঠ আছে। মঠের মোহান্তগণ চিত্র-কুমার। ভূসম্পত্তি হইতে অনেকের লক্ষাধিক আয়। বিষয় ভোগ বাসনা ইহাদের শাস্ত্রে নিষিদ্ধ। কোন কোন মোহান্ত মহারাজ সময় অপব্যয়ের বিরোধী, একমুঠই বোধ হয় “মোটর কারে” আরোহণ করিয়া যাতায়াত কার্য সমাধা করিয়া থাকেন। পুরীসহরে মোহান্তগণই সর্বে-

সর্বা, পুণ্ডরীকজের অস্তিত্ব সাধারণে জানিতে পারে না। কয়েকটি মঠের নাম উল্লেখ করা যাইতে পারে।

(১) রাধাকান্ত মঠ—শ্রীচৈতন্যদেব নীলাচলে আগমন করিয়া এই স্থানে অবাস্থিতি করিতেন। এখনও তাঁহার কাঁধা ও কমণ্ডলু সম্বন্ধে রক্ষিত আছে। বালেশ্বর জেলার ভদ্রক সহরে শান্তিয়া নামক পল্লীতে শ্রীচৈতন্য একদিন রাত্রি বাস করিয়াছিলেন। সেখানে গৃহস্বামী গোস্বামী মহাশয়ের বাড়ীতেও আমরা মহাপ্রভুর ব্যবহৃত কীর্তি কাঁধা সন্দর্শন করিয়াছি। (২) শ্রীশঙ্করানন্দ মঠ—বর্তমান মোহান্ত শ্রীসচ্চিদানন্দ সরস্বতী। (৩) রাধবদাস মঠ—শ্রীজগন্নাথ রামানুজ দাস। ময়মনসিংহ জেলার উত্তর পূর্বাংশে ইঁহার জমিদারী আছে। (৪) উত্তর পার্শ্ব মঠ। (৫) দক্ষিণ পার্শ্ব মঠ। (৬) সিদ্ধ বকুল মঠ। (৭) রাজ গোপাল বা এমার মঠ ইত্যাদি। মোহান্তগণ অনেক সংকার্য্যে দান ধ্যান করিয়া অর্থের সদ্যবহার করেন; এজন্য উচ্চ রাজপুরুষদের সঙ্গে ইঁহাদের সদ্ভাব আছে।

মোহান্ত মহারাজদের পর পুরীর পাণ্ডাদের প্রাধান্য পরিলক্ষিত হয়। পাণ্ডা শব্দের ওড়িয়া বানান পণ্ডা। মূলে পণ্ডিত শব্দের সঙ্গে ঐক্য আছে। পণ্ডিতদের জায় জামবল না থাকিলেও ইঁহাদের অনেকেই ধনবলে বলীয়ান। ইঁহাদের অর্দ্ধ যুক্তিত মস্তক এবং অভ্যঙ্গ মর্দিত হৃষ্ট কলেবর দেখিতে অতি মনোহর। অনেকেই গৌরবর্ণ সুপুরুষ। স্বয়ং কমলাদেবী বোধ হয় ইঁহাদের রূপেই মুগ্ধ হইয়াছেন। গরুর পাণ্ডাদের সঙ্গেও সরস্বতীর বিবাদ, এজন্য কমলাদেবী তাঁহাদের গৃহলক্ষ্মী। অল্পদিন হইল গয়াধামে গমন করিয়াছিলাম। তখনক পাণ্ডা হুঃখ করিয়া বলিয়াছিলেন, “বাবুজী আমার গোমাষ্টারের (গোমস্তা) কাছে পুছ করুন আমার পিতামহের কয়টা হাট (হস্তি) ছিল।” তাহা শুনিয়া আমার কবি বচন মনে হইল, কিষ্ট তুষ্ট থাকিলে ইষ্টই হয়, আর তিনি কুষ্ট থাকিলে কি অনিষ্ট না হইতে পারে!

“উষ্ট্রে, লুপ্তি রং বা বং বা

তই প্রদস্তা নিবিড় নিতম্বা।”

মহাকবি কালিদাস পূর্বে হস্তীমূর্খ ছিলেন। তিনি আল পণ্ডিত সাজিয়া কালীদেবী নারী জনৈকা অসামান্ত

রূপ লাভ্য সম্পন্ন বিদ্বতী রমণীর পাণি গ্রহণ করিয়া- ছিলেন। শুভরাত্রিতে একটা উট ডাকিয়া উঠিয়াছিল। কালীদেবী জিজ্ঞাসা করিলেন নাথ! ও কি ডাকিতেছে? কালিদাস বলিলেন, উট। জিহ্বার জড়তা অন্য পূর্ণ উচ্চারণ হইল না। স্ত্রী পুনরপি জিজ্ঞাসা করিলেন, কি বলিলে! এবার কালিদাস বলিলেন “উষ্ট”। তখন স্বামীর মূর্খতা দেখিয়া রূপাভিমানিনী কালীদেবী অনুতাপ করিতে লাগিলেন এবং উল্লিখিত শ্লোক আবৃত্তি করিয়াছিলেন। বোধ হয় কালীদেবী divorce করার পর বাক্‌দেবী কালিদাসের প্রতি অমুকম্পা করিয়া ছিলেন। শুনিতেছি, হোনারের জন্মস্থানের জায় কবি কালিদাসের জন্মস্থান নির্ণয় উপলক্ষে বঙ্গীয় সাহিত্য মহলে সংপ্রতি একটা টেই চৈ ও বাক্‌বিতণ্ডা চলিতেছে। কোন বিশেষজ্ঞ ব্যক্তি জানাইয়াছেন ব্রহ্মপুত্র তীরস্থ কালিপুর গ্রামে কালিদাস তাঁহার প্রথমা স্ত্রী কালীদেবীর সঙ্গে বসবাস করিয়াছিলেন, পরে কালীপুর ত্যাগ করেন। বলা বাহুল্য কালীপুর নামটীও নাটক কবি দম্পতির স্মৃতিই বহন করিতেছে। তৎপর তিনি বর্তমানের অন্তর্গত ইতিহাস প্রসিদ্ধ উজানি গ্রামে (বর্তমান নাম মঙ্গল কোট) রাজা বিক্রমকেশরীর সজায় আগমন করিয়া- ছিলেন। এ সব কথা কতদূর সত্য তাহার বিশেষ আলোচনা আবশ্যিক।

গত ১৩১২ সনে শ্রীমন্দিরের আয়ব্যয়ের হিসাব পাঠকদিগকে উপহার দিয়া প্রবন্ধের উপসংহার করিতেছি।

আয়

গত বৎসরের •তহবিলে উষ্ট	৪২,৭১২
ভূসম্পত্তির আয়	৬৩,৬৪৮
মন্দিরে গৃহীত	২৮০২০
যাত্রীদের নিকট হইতে	৫৮৫৭৮
নিবিধ	৬৮১৬
অগ্রিম আয়	৭৫০২

মোট ২১৪,২৮০

ব্যয়	
দৈনিক পূজার ব্যয়	১১৫,৫২৭
কর্মচারীর বেতন	৩০,১২২
গবর্ণমেন্টের প্রাপ্য এবং আইন ধরচ	২০,০২১
পুরীরানের প্রাপ্য	৪,৫১৩
বিবিধ ব্যয়	১৬,২৪৩
ডিপজিট প্রদান ও অগ্রিম ব্যয়	১১০২২
	<hr/>
	মোট ব্যয় ১,৯৮,২১৮
উৎস জমা	১৬০৬৫
	<hr/>
	২,১৪,২৮৩

১৩১৯ সনে পূজার ব্যয় বেশী হইয়াছে। তাহার কারণ শ্রীশ্রীজগন্নাথদেবের নব-কলেবর। অত্যাশ্চর্য বৎসর পূজার ব্যয় সম্ভব কি পচাত্তর হাজার টাকায় সম্পন্ন হয়। নবকলেবরে—২৫০০০ টাকা ব্যয় হইয়াছে, এবং “শুভিচা বাড়ীর” সংস্কার কার্যে—২০,০০০ টাকা ধরচ হইয়াছে। গতবৎসর বৈকুণ্ঠ ভবনের সংস্কার কার্য দেখিয়া আসিয়াছি।

শ্রীপরমেশপ্রসন্ন রায়।

শুভ-দৃষ্টি।

চতুর্থ পরিচ্ছেদ।

(৪)

কার্তিক মাসে ঢাকায় নাশিয়া আসিলাম।

চণ্ডী বাবুর একটা মোহরেরকে দূরে একখানা বাড়ী দেখিতে বলিলাম। চণ্ডী বাবু ও তাহার গৃহিণী অত্যন্ত প্রতিবাদ করিলেন। আমি নিতান্তই অনিচ্ছা প্রকাশ করিয়া শুভ দিনে শবুর বাড়ী হইতে নুতন বাসায় আসিলাম। পঁচা ও তাহার সমপাঠী রাখালকে শৈবাল আদর করিয়া সঙ্গে লইল।

শিলংএর ঘটনার পর শৈবালের একটু অভিমান দেখা দিয়াছিল। সে আর কোথাও বাইতে চাহিত না, কাহারও সঙ্গে কথা কহিত না। এমন কি, আমার সহিতও প্রাণ ধুলিয়া কথা কহিত না।

এক দিন প্রাতে বসিয়া পঁচা ও রাখালকে পড়াইতে-

ছিলাম, শৈবাল রাখালকে ডাকিয়া লইয়া গেল। আমি যেন দেখিলাম, শৈবাল একখানা কাগজ রাখালের হাতে দিয়া কি বলিল, রাখাল কাগজ খানা পকেটে রাখিয়া চলিয়া গেল। সংসারের কোন কিছুই আমি ইতঃপূর্বে লক্ষ্য করিতাম না। কিন্তু এখন সকল খুটিনাটির প্রতিই লক্ষ্য করি। শৈবালও আমার এই সন্দেহ ভাব লক্ষ্য করিত, তাই উভয়ের মধ্যে যেন ক্রমে একটা নিশাল ব্যবধান সৃষ্টি হইতে লাগিল। ভগবান জানেন ইহার জন্ত কে দায়ী—আমি না শৈবাল ?

এ কার্যেও শৈবাল আমার ব্যবহার লক্ষ্য করিল, আমি শৈবালকে লক্ষ্য করিলাম। আমার দোষ কাটা-ইবার জন্ত ছুতা ধরিয়া শৈবালকে বলিলাম—“তুমি বড় স্বার্থপর, রোজ রাখালের পড়া নষ্ট কর।” কেন পঁচাকে দিয়া কাজ করতে পার না কি ?

শৈবাল বলিল—“তারও একটা কৈফিয়ত দিতে হ'বে নাকি ?”

আমি—“সে তোমার ইচ্ছা।”

শৈবাল—আমি রাখালকে পঁচা অপেক্ষা অধিক ভালবাসি, রাখালের কার্যে আমার বিশ্বাস আছে ; পঁচার কাজে অনুমাত্রও বিশ্বাস করি না।”

আমি—“ঐ আগেরটা মিথ্যা পাছেরটা সত্য।” শৈবাল হুঃখিত হইয়া বলিল—“আপনি আমাকে সর্বদাই এরূপ কষ্ট দেন। আমি কখনও মিথ্যা কহিতে শিখি নাই। আপনি “মিথ্যা” ও “সন্দেহ” এই দুইটা জিনিস আমার চিন্তার ভিতর প্রবেশ করাইয়া দিতেছেন।” আমি লজ্জিত হইয়া বলিলাম “ক'মা কর। নিজের মার পেটের ভাই অপেক্ষা পরের ছেলেকে যে কেহ অধিক ভালবাসিতে পারে, তাহা আমি জানি না, শুনিও নাই।”

শৈবাল—“স্নেহের ভিত্তি চরিত্রের উপর, গুণের উপর। তাহা সে স্নেহ করিতে জানে, সে বুঝে।”

বাস্তবিক এই শিশুর চরিত্র ও গুণে আমি এই কয় দিনেই এত মুগ্ধ হইয়াছিলাম যে আমি শৈবালের কথার সমর্থন করিতে বাধ্য হইলাম।

রাখাল ফিরিয়া আসিবার পূর্বেই আমি আফিসে চলিয়া গেলাম। বিকালে আফিস হইতে আসিয়া

বালকের অহুস্কান করিলাম । তখনও রাখাল বা পঁচা কাহাকেও পাইলাম না । আমার চিন্তা হইল—“রাখাল চিঠি লইয়া গেল কোথায় ?”

শৈবালকে ডাকিয়া জিজ্ঞাসা করিলাম—“রাখাল পঁচা এরা সব গেছে কোথায় ?”

শৈবাল বলিল—“বোধ হয় নদীর ধারে গেছে ।”

আমি বলিলাম—শৈবাল একটা কথা জিজ্ঞাসা করি—“রাখাল প্রাতে গেছিল কোথায় ?”

শৈবাল ভয়কণ্ঠে বলিল—“আপনার মনে কি সন্দেহ হয় ?”

আমি বলিলাম—“জিজ্ঞাসা করিলে দোষ আছে কি ?”

শৈবাল—“তবে আমি না বলিলে কোন দোষ আছে কি ?”

আমি বলিলাম—“সে তোমার ইচ্ছা ।”

শৈবাল দৃঢ় মনে বলিল—“তবে আমি বলিতে চাই না ।”

আমি শৈবালের নিকট এই অপ্রত্যাশিত উত্তর পাইয়া নিজকে বড়ই অপমানিত মনে করিলাম । ইহার অবশ্যই প্রতিকার করিতে হইবে বলিয়া স্থিরপ্রতিজ্ঞ হইলাম । এখন রাখাল আসিলেই হয় ।

আমি ছাদে বেড়াইতেছি । নীচে রাখালের শব্দ শুনিলাম । আমি রাখালকে ডাকিলাম, শিশু নাচিতে নাচিতে ছাদে উঠিয়া আমার সম্মুখীন হইল ।

আমি বলিলাম—“রাখাল আজ প্রাতে চিঠি নিয়ে কাকে দিলে ?”

রাখাল কহিল—“কার চিঠি ?”

আমি বলিলাম—“তোমার দিদির ।”

রাখাল চুপ করিয়া রহিল ।

আমি বলিলাম—“যদি মিথ্যা কথা বল, তবে এই বেত দিয়ে মারব ।”

রাখাল ভয়ে কাঁদিতে লাগিল ।

আমি—“আচ্ছা, তোমার দিদি তোমায় কোথায় পাঠাইয়াছিল ?”

রাখাল—“বলিব না, দিদি মানা করিয়াছেন ।”

আমি বেত দেখাইয়া বলিলাম—“না বলিলে তোমাকে মারিব ।”

রাখাল মাটির দিকে চাহিয়া বলিল—“দিদি মানা

করিয়াছেন ।” রাগে আমার সর্ব শরীর কাঁপিতে লাগিল । জীবনের সমস্ত ক্রোধ যেন পুঞ্জীভূত হইয়া এই দুৰ্গপোষ্য শিশুর জন্ত অপেক্ষা করিতেছিল । আমি তাহার ক্ষুদ্র পকেট হইতে টানিয়া চিঠি বাহির করিয়া লইলাম । এবং বলিতে কষ্ট হয়—সেই ছুথের শিশুকে নিতান্ত নির্দয়ভাবে বেড়াঘাত করিলাম । বালক চীৎকার করিয়া মাটিতে পড়িয়া গেল । রাখালের কান্না শুনিয়া নীচ হইতে শৈবাল দৌড়িয়া আসিয়া তাহাকে কোলে



“শিশুকে কোলে নিয়া নামিয়া গেল ।”

লইল । আমি ক্রোধ সম্বরণ করিতে না পারিয়া শৈবালের পৃষ্ঠে ক্রোধের উপসংহার করিলাম । শৈবাল নীরবে পৃষ্ঠ পাতিয়া বেড়াঘাত সহ্য করিতে করিতে শিশুকে কোলে নিয়া নামিয়া গেল । মুহূর্ত মধ্যে আমি প্রকৃত হইলাম । দারুণ অহুশোচনার আমার বক্ষ বিদীর্ণ হইতে লাগিল । মনে মনে ভগবানকে ডাকিলাম—“ভগবান তোমার ইচ্ছা পূর্ণ হউক ।”

এই দারুণ লজ্জাকর অভিনয়ের পরও আমার খেয়াল কমিলনা। Office room এ বাইরা কপাট বন্ধ করিলাম, তারপর রাখালের পকেটে প্রাপ্ত চিঠি পাঠ করিতে লাগিলাম। চিঠি পাঠ করিতে করিতে আমার চক্ষে অনবরত জল ধারা বহিতে লাগিল।

আমি চিৎকার করিয়া বলিলাম—“হায় হায় ভগবান এ কি সত্য? তুমি মঙ্গলময় তোমার ইচ্ছা পূর্ণ হউক।” যুগপৎ আমার সমস্ত অতীত জীবনের কাহিনী মনন সমক্ষে ভাসিয়া উঠিতে লাগিল। আমি টেবিলের উপর মাথা রাখিয়া কান্দিতে লাগিলাম। হায়, সরলা তুমি এখন কোথায়? আমি কাঞ্চনের পরিবর্তে আজ কাঁচ খণ্ড লইয়া ব্যস্ত; রত্ন ফেলিয়া মৃৎখণ্ডের উপাসক। ভগবান্ বল দাও। রাখাল বাবা তোকে আজ কসাইর তায় ব্যবহার করিয়াছি। ননীর পুতুল হায়, হায়। একের পাপে অন্নের শণ্ড, আমি কি পাষণ্ড। আমি অনবরত কাঁদিতে লাগিলাম—অনন্ত বৃশ্চিক দংশনে যেন আমার প্রাণ ক্ষত বিক্ষত হইয়া যাইতে লাগিল।

“কোথায় রাখাল।” আমি দ্বার খুলিয়া রাখালের নিকট গেলাম। ছেলেটা শৈবালের কোলে অজ্ঞান হইয়া পড়িয়াছে। আমি শৈবালের বন্ধ হইতে রাখালকে টানিয়া নিজ কোলে লইলাম। দেখিলাম বালক তখনও চক্ষু মেলিতেছে না। আমি শৈবালকে বলিলাম দেখিতেছ কি, জল আন—শীঘ্র জল আন! শৈবাল দৌড়িয়া জল আনিয়া মাথায় জল দিতে দিতে রাখাল চাহিল। আমার মুখের দিকে চাহিয়াই—“দিদি” বলিয়া চিৎকার করিয়া পুনরায় অজ্ঞান হইয়া পড়িল। শৈবাল আমার কোল হইতে তাহাকে তুলিয়া লইল; আমি বাতাস করিতে লাগিলাম।

শৈবাল কান্দিতে কান্দিতে বলিল—“ডাক্তার ডাকুন সিগ্গির। চাকরকে ডাক্তারের অস্ত্র প্রেরণ করিয়া, আমি বসিয়া দারুণ মনস্তাপে স্ত্রীলোকের তায় কাঁদিতে লাগিলাম।

ডাক্তার আসিয়া দেখিয়া বলিল—“অতি সাবধানে থাকিতে হইবে, Heart fail করিতে পারে।

রাত্র ১২ টার সময় জ্বর দেখা গেল। শৈবাল

রাখালকে বুকে লইয়া রহিল আমি এক দৃষ্টে মুখেরদিকে চাহিয়া বসিয়া রহিলাম। কাহারও চ'খে ঘুম নাই।

রাত্রে শিশু প্রলাপ বকিতে লাগিল। “দিদি ধর ধর।” “আমাকে মারিবেননা।” “দিদি মানা করিয়াছে” “মা দেখ” “দেখলেনা।” “শৈবাল প্রতি কথায়” বাট বাট “দাদা এই যে আমি” “কালই তোমার মা আসবেন” “কাহার সাধ্য তোমাকে মারে” ইত্যাদি বলিতে লাগিল। আমি প্রাণের বেদনায়, বিবেকের তাড়নায়, গত জীবনের কাহিনী স্মরণ করিয়া, কেবল অশ্রুপাত করিতে লাগিলাম। ডাক্তার বলিলেন—জ্বরটা অধিক হইয়াছে, যাই হউক তাতে চিন্তার বিষয় কিছুই নাই।

শৈবালকে জিজ্ঞাসা করিলাম ‘রাখালের মাতাকে কেমন করিয়া আনিবে, কোথায় তিনি? শৈবাল বলিল—“আমাদের মোহরের মাধব দাদা জানেন। তিনিই রাখালকে আমাদের বাড়ীতে স্থান করিয়া দিয়াছিলেন।”

আমি বলিলাম—“তাঁহাকে কালই আনাইবার বন্দোবস্ত কর।”

শৈবালের উদ্‌যোগে পর দিন ৯টার গাড়িতে মাধব রায় মহাশয় চলিয়া গেলেন। সেদিন আর শৈবালের সহিত আমার কোন বাক্যালাপ হইল না। অথচ উভয়ই এক বিছানায় রাখালের পার্শ্বে বসিয়া রহিলাম।

ক্রমশঃ।

ভারতীয় আৰ্য্যগণের শিক্ষাচার পদ্ধতি

আৰ্য্য সমাজে যত প্রকার শিক্ষাচার আছে, নমস্কার প্রথা তন্মধ্যে প্রধান। নমস্কার যে কেবল শিক্ষাচার সূচক, তাহা নহে; ভক্তি ও শ্রদ্ধার পরিচায়ক এবং ঐহিক পারলৌকিক মঙ্গল দায়ক। দেবতা, ব্রাহ্মণ ও গুরুজন এবং আপনা হইতে শ্রেষ্ঠ নমস্ত ব্যক্তিকে নমস্কার করা শিষ্টতা ও সত্যতা অনুমোদিত এবং ভক্তি ও শ্রদ্ধাতিশয়া হেতুক। সর্বদেশে সর্বজাতির মধ্যে শিক্ষাচার সূচক

অভিবাদন প্রথা কোন না কোন প্রকারে প্রচলিত আছে; কিন্তু শ্রদ্ধা ও ভক্তি প্রকাশক সন্মান জ্ঞাপক নমস্কার প্রথা আর কোন দেশে ও সমাজে নাই। আদিম কাল হইতে নমস্কার প্রথা হিন্দু সমাজে প্রচলিত হইয়া অত্যাধিক বর্তমান আছে। চুঃখের বিষয়, অসুকরণের অপরিহার্য্য অসুযোগে বর্তমান বঙ্গ সমাজেও নমস্কারের অস্তিত্ব হইতে আরম্ভ হইয়াছে।

দেব মূর্তি দর্শনে ভক্তি ভাবে প্রণাম করা অবশ্য কর্তব্য। পিতা মাতা প্রভৃতি গুরুজন এবং ব্রাহ্মণ ও আপনাপেক্ষা বয়োবৃদ্ধ বিজ্ঞা বুদ্ধিতে শ্রেষ্ঠ ব্যক্তিকে নমস্কার করিলে—যেমন তাঁহাদের সন্মান রক্ষা হয়, তেমনই নিজেরও আয়ু, যশ, ধন সুখাদি বৃদ্ধি এবং অশেষ মঙ্গল লাভ হইয়া থাকে। নমস্কার না করিলে যে দোষ হয়, তাহা শাস্ত্রে উক্ত আছে। যথা ;—

“দেবং বিপ্রং গুরুং দৃষ্টা ন নমেদ্যস্ত সন্নমাৎ ।

সকাল সূত্রং ব্রহ্মতি যাবচ্ছত্র দিবাকরৌ ॥

ব্রাহ্মণঞ্চ গুরুং দৃষ্টা ন নমেদ্যোনরাধমঃ ।

যাবজ্জীবন পর্য্যন্ত মন্তুর্চির্বনোত্তবেৎ ॥

অর্থাৎ দেবতা, ব্রাহ্মণ, গুরু দেখিয়া সন্নমের সহিত নমস্কার না করিবে, যতদিন চন্দ্র সূর্য্য উদয় হইবে ততদিন কালসূত্র নামক নরকে বাস করিতে হইবে। তার ইহ জীবনে আমরণ পর্য্যন্ত অশুচি যবন সদৃশ হইবে।

নমস্কার কয় প্রকার এবং কোন কোন স্থানে কিরূপ অবস্থায় নমস্কার করিতে নাই, প্রাচীন শাস্ত্র কর্তারা তাহা বিস্তারিতরূপে প্রকাশ করিয়া গিয়াছেন। নমস্কার তিন প্রকার ; কায়িক, বাচিক ও মানসিক। যথা :—

“কায়িকো বাগ্ শুশ্রুশ্চৈব মানস স্ত্রিধিঃ স্মৃতঃ ।

নমস্কারস্ত শুশ্রুশ্চৈরুত্তমমধ্যম মধ্যম ॥”

এই তিন প্রকার নমস্কার উত্তম মধ্যম ও অধম ভেদে ত্রিবিধ। যথা কায়িক—হস্ত পদাদি বিস্তৃত করিয়া ভূতলে পতিত হইয়া ললাট দ্বারা ভূমি স্পর্শ করিয়া দণ্ডবৎ নমস্কার উত্তম। জাঙ্গুলি দ্বারা ভূমি স্পর্শ করিয়া ভূতলে ললাট স্পর্শ দ্বারা নমস্কার মধ্যম; আর পথে ঘাটে দেখা হইলে হাত ঘোড় করিয়া কপালে ঠেকাইয়া যে ‘কুড়ুলে-নমস্কার’ তাহাই অধম। আমাদের দেশে করশিরঃ সংযোগে

অধম কুড়ুলে নমস্কারই এখন পথে, ঘাটে সমাজে ঘুরিয়া বেড়াইয়া নমস্কারের অস্তিত্ব রক্ষা করিতেছে।

নমস্কারে দেখিলে নমস্কার করা সর্বত্রই কর্তব্য এবং সর্বতোভাবে বিধেয়। কিন্তু রাত্রে নমস্কার নিষিদ্ধ। তাহার প্রমাণ মহাভারতে উক্ত হইয়াছে। যথা:—

“রাত্রৌ নৈব নমস্কর্য্যা তেনাশী রতি চারিকা ।

অতঃ প্রাতঃ পদংদবা প্রযোক্তব্যে চ তে উভে ॥”

রাত্রে নমস্কার ও আশীর্বাদ করিতে নাই। যদি করিবার প্রয়োজন হয়, তবে নমস্কার আশীঃকর্তা উভয়েই প্রাতঃ শব্দ যোগ করিয়া করিবে। নব্য সম্প্রদায় প্রায়ই এসংবাদ রাখেননা। কিন্তু প্রবীন সম্প্রদায় এখনও “প্রাতঃ প্রণাম” বলিয়া রাত্রে প্রণাম করিয়া শাস্ত্রের মর্যাদা রক্ষা করিতেছেন।

দেবতার প্রণাম সম্বন্ধে এরূপ কোন নিষেধ বিধি নাই। কিন্তু গভীর জ্ঞান সম্পন্ন লোক হিত চিকীর্ষু শাস্ত্র কর্তারা কি উদ্দেশ্যে রাত্রে প্রণাম ও আশীর্বাদ করিবার নিষেধ বিধি করিয়াছেন, তাহার গুঢ় তত্ত্ব উপলক্ষি করা মাদৃশ ক্ষুদ্র বুদ্ধির দূরধিগম্য।

অপর্য্য মহাত্মারা রাত্রে নিষেধাজ্ঞা দিয়াও আবশ্যিক স্থলে বিধি করিয়াছেন; কিন্তু স্থান ও সময় বিশেষে নমস্কার ও আশীর্বাদ করিতে একেবারেই নিষেধ করিয়া গিয়াছেন। যথা :—

“পুষ্পহস্তো বারিহস্ত শৈলাভ্যাঙ্গো জলস্থিতঃ ।

আশীঃকর্তা নমস্কর্তা উভয়োর্নরকং ভবেৎ ॥

দূরস্থং জলমধ্যস্থং ধাবন্তঃ যদপর্কিতং ।

ক্রোধবস্তং বিজানীয়াৎ নমস্কারঞ্চ বর্জয়েৎ ॥”

পুষ্প কিম্বা জল হস্তে থাকিলে, তৈল মাখা অবস্থায় এবং জলে থাকিয়া নমস্কার বা আশীর্বাদ করিলে উভয়েরই নরক ভোগ হইবে। আর যে ব্যক্তি দূরে আছে (তোমাকে দেখিতেছেননা) জল মধ্যস্থ, যে দোড়াইতেছে, যে অহঙ্কার গর্কিত, যে ক্রুদ্ধ, এরূপ ব্যক্তিকেও নমস্কার করিবেনা।

আর সভাস্থলে, বক্তৃতালায়, দেবতারতনে ব্যক্তি বিশেষকে নমস্কার করিবেনা। এরূপ স্থানে কাহাকে নমস্কার করিলে পূর্ব সঞ্চিত পুণ্য নষ্ট হয়। যথা :—

প্রস্তুত হন। পীড়িত হওয়ার পরীক্ষা দিতে পারেন নাই। এদিকে সংসারের চাপে তিনি বিষয় কার্যে মনোনিবেশ করেন। কিছুকাল সরকারী আফিসে কেরানীর কার্য করিয়া তিনি জামালপুর মাইনর স্কুলে শিক্ষকতা কার্য গ্রহণ করেন। ১৮৮৪ সনে তিনি মোক্তারী পাশ করিয়া জামালপুরে ব্যবসা আরম্ভ করেন। ব্যবসায় তিনি বেশ সুনাম ও অর্থ উপার্জন করিয়াছিলেন। ঈশ্বর বাবু কৃষিকার্যে বিশেষ অভিজ্ঞ। তিনি জামালপুরে একটা বিরাট আদর্শ কৃষি ক্ষেত্র প্রতিষ্ঠা করিয়াছেন। একরূপ কৃষিক্ষেত্র পূর্ববঙ্গে ছুটি নাই। এই কার্যে তিনি তাহার আত্মীয় সঞ্চিত অর্থ ও জ্ঞান ব্যয় করিয়াছেন। তিনি সময় সময় স্টেটসম্যান, ইন্ডিয়ান মিরর, অমৃত বাজার প্রভৃতি সংবাদ পত্রে কৃষি ও উদ্ভানতত্ত্ব সম্বন্ধে প্রবন্ধ লিখিয়া থাকেন। তিনি বাঙ্গালা মাসিক পত্রেও তাহার অভিজ্ঞতার ফল প্রকাশ করিয়া বাঙ্গালা ভাষাকে অনেক নূতন সম্পদ প্রদান করিয়াছেন। তাহার লিখিত বহু প্রবন্ধ তেলেগু ভাষায় অনূদিত হইয়াছে।

ঈশ্বরবাবু বাঙ্গালা ভাষায় উদ্ভানতত্ত্ব বারিধি নামে এক সুবৃহৎ গ্রন্থ লিখিয়াছেন। শীঘ্রই এই বিরাট গ্রন্থ পুস্তকাকারে বাহির হইবে। সারতত্ত্ব ও উদ্ভিদতত্ত্ব ও মৃত্তিকাতত্ত্ব প্রভৃতি কতকগুলি ক্ষুদ্র গ্রন্থ ও আছে।

ঈশ্বরবাবু লণ্ডন নগরস্থিত “রয়েল হর্টিকাল. সোসাইটি কর্তৃক সত্য মনোনীত হইয়া F. R. H. S. উপাধি প্রাপ্ত হইয়াছেন।

আরতি ।

বিহঙ্গ কলরবে

আজিকে আমার কানন ধানিতে

তোমার আরতি হবে।

শিশির সজল পল্লব রাজি

ফুলে ফুলে ফুলে উঠিয়াছে সাজি

হে দয়িত ভুব আগমনে আজি

পুলকিত হেরি সবে ;

আমার রচিত কানন ধানিতে

তোমার আরতি হবে।

সাধ করে আমি আজি

আঁচলের ফুল দিছি পথে ডালি,

ভান্দিয়া ফেলেছি সাজি।

যে ফুল ফুটেছে সুবাসে শোভায়

পরশিয়া তারে নাশিবনা হার,

করা ফুল দিতে তোমার পূজায়

পরাণ উঠিছে সাজি’।

আঁচলের ফুল দিছি পথে ডালি,

ভান্দিয়া ফেলেছি সাজি।

নিজ হতে মাজ প্রাণ

ভুলিয়া গিয়াছে পূজার মন্ত্র —

ভুলিয়া গিয়াছে গান।

আজিকে ফুল ফুল শোভা মাঝে

ভ্রমর কণ্ঠে বাজে বীণা বাজে,

সেথা যেয়ে আমি বন কোন্ লাজে

ভুলি প্রাণহীন তান।

তাই ভুলিয়া গিয়াছি পূজার মন্ত্র

ভুলিয়া গিয়াছি গান।

শ্রীসুধীরকুমার চৌধুরী ।

“সুবর্ণ পদক ।”

ময়মনসিংহের গৌরব পণ্ডিতকুলাগ্রগণ্য মহাত্মা কালী বিদ্যালয়কারের নাম সর্বজন-পরিচিত। এই মহাত্মা বিখ্যাত আর্ড পণ্ডিত রত্নন্দনের “অষ্টাবিংশতিতত্ত্বের” মত খণ্ডন করিয়া “অষ্টাবিংশতি তত্ত্বাবশিষ্ট” নামে বিরাট গ্রন্থ প্রণয়ন করেন।

এই উভয় গ্রন্থ অবলম্বনে পণ্ডিত দ্বয়ের মতের পার্থক্য দেখাইয়া যিনি বঙ্গভাষায় উৎকৃষ্ট প্রবন্ধ লিখিতে পারিবেন তাঁহাকে কালীপুরের জমিদার সুকবি শ্রীযুক্ত বিজয়কান্ত লাহিড়ী চৌধুরী মহাশয় একটা সুবর্ণ পদক প্রদান করিবেন। প্রবন্ধ আগামী ৩০শে মার্চের পূর্বে সৌরভ-সম্পাদকের নিকট পৌছান আবশ্যিক।

কার্যাব্যাহক—“সৌরভ” ময়মনসিংহ।

সৌরভ



শ্রীযুক্ত উপেন্দ্রকিশোর রায়চৌধুরী, বি,এ

U. RAY & SONS.

সৌরভ

দ্বিতীয় বর্ষ । }

ময়মনসিংহ, জ্যৈষ্ঠ, ১৩২১ ।

{ দশম সংখ্যা ।

সইদ খাঁ পন্নি ।

(ময়মনসিংহ সাহিত্য পরিষদে পঠিত)

প্রায় চারিশত বৎসর পূর্বে এক মহিমাম্বিত বীরপুরুষ, তদানীন্তন মোগলাধিকারের পূর্বপ্রান্তে সুশাসন ও সুব্যবস্থা প্রতিষ্ঠিত করিয়া জনশূন্য এক বিস্তৃত প্রদেশে লোক-নিবাস স্থাপন করিয়াছিলেন। আজ আমরা সেই অবদান-গরিষ্ঠ মহাত্মার কথা বলিব।

ইতিহাসে সইদ খাঁর নাম বিশেষভাবে কীর্তিত না হইলেও যে আটীয়া পরগণায় তাঁহার সংখ্যাতীত কীর্তি-চিহ্ন রহিয়াছে, সেই বিস্তৃত প্রদেশের প্রত্যেক অধিবাসী আজিও তাঁহার নাম ভক্তি ও শ্রদ্ধার সহিত উচ্চারণ করে। আজিও গ্রাম্য বৃদ্ধগণ স্নিগ্ধ ছায়া-তরু-তলে উপবেশন করিয়া যুবক ও বালকদিগের নিকটে সইদ খাঁর চরিত্রকথা কীর্তন করিয়া থাকে। সইদ খাঁর আমল, আটীয়া পরগণার সত্য যুগ। সেই যুগ কেবলই ধন-ধাত্তপূর্ণ, কেবলই পুণ্য-প্রতিষ্ঠার-পবিত্র ও সুখ-শান্তিতে স্নিগ্ধ। সে যুগে গোশালায় মধুর হৃদয় ধারাধ্বনি, মাঠে বুকের গভীর গর্জন-শব্দ, দেবালয়ে শব্দঘটা নিনাদ ও আরতির-ধ্বনিস্রব। সে যুগের কথা বলিয়া বুকের চক্ষু অশ্রুপূর্ণ হয়, সে আমলের বর্ণনা শুনিয়া যুবক বিশ্বয়ে আপনাদের পিতৃভূমির দিকে একবার চাহিয়া দেখে। প্রাচীনকালের নির্দেশ করিতে হইলে আটীয়া পরগণার নিরঙ্কর কৃষক বলে—“ও সেই সইদ খাঁর আমলের কথা”। সইদ খাঁ কে? তাহা অনেকেই জানে না,

কিন্তু “সইদ খাঁর আমল” বলিলে সকলেই বুঝে উঠা স্মরণাতীত অতীত কাল।

পাঠান কররাণী বংশ বাঙ্গালার ইতিহাসে বিখ্যাত। এই বংশের তাজ খাঁ, সোলেমান কররাণী, বায়েজিদ খাঁ পন্নি ও দাউদ, বাঙ্গালার তক্তে বসিয়া স্বাধীন-রাজত্ব করিয়া গিয়াছেন। ইহার মধ্যে সোলেমান ও তদীয় কনিষ্ঠ পুত্র দাউদই বিশেষ প্রসিদ্ধ। দাউদ, বাঙ্গালার শেষ পাঠান ভূপতি। দাউদের ছিন্নমুণ্ড আগ্রায় প্রেরিত হইবার পরেই বাঙ্গালা মুল্লক মোগলের অধীন হয়। দাউদের পতনের পরে তদীয় অপ্রাপ্ত বয়স্ক পুত্র কস্তা আগ্রায় প্রেরিত হয়। মহাত্মা আকবর এই অরাতি-সম্বলিত-গণের ভরণপোষণের সুব্যবস্থা করিয়াছিলেন বলিয়া “আকবর নামাতে” লিখিত আছে।

কররাণী বংশের এই বিবরণ পাঠ করিয়া মনে হইতে পারে, দাউদের সম্মানগণের আগ্রায় গমনের সঙ্গে সঙ্গেই বাঙ্গালার সহিত কররাণী-পন্নি-পাঠানদিগের সম্বন্ধ বিচ্ছিন্ন হইয়া যায়। কিন্তু প্রকৃতপক্ষে তাহা নহে। সোলেমান কররাণীর জ্যেষ্ঠ পুত্র বায়েজিদ খাঁ পন্নির বংশ এখনও বঙ্গদেশে বিস্তৃত আছে। দাউদের পুত্রকস্তা দিগের মতই বায়েজিদের পুত্র ও আকবর বাদশাহের অঙ্গুগ্রহ প্রাপ্ত হইয়াছিলেন। আমরা প্রবন্ধারম্ভে যে সইদ খাঁর নাম উল্লেখ করিয়াছি ইনিই সোলেমান কররাণীর জ্যেষ্ঠপুত্র বায়েজিদ খাঁ পন্নির কনিষ্ঠপুত্র। বায়েজিদের জ্যেষ্ঠ পুত্রের নাম সেধ মহম্মদ। উড়িষ্যার মোগলপাঠানের যুদ্ধে সেধ মহম্মদের মৃত্যু হয়। সেধ মহম্মদের পুত্র বা কস্তা কেহ

ছিল কিনা জানা যায় না। সেইদরীয়া বাল্যকাল হইতেই আটীয়া পরগণায় ছিলেন, তাঁহার বংশধরগণ এখনও আটীয়ার জমিদার। কররাণীবংশের ভারতবর্ষে আগমন এবং বাঙ্গালার আধিপত্য প্রাপ্তির সহিত সেইদরীয়া বিবরণ, আকবর নামা প্রভৃতি ইতিহাস, আটীয়া পরগণার প্রচলিত লোকপ্রবাদ ও আটীয়ার পাঠান জমিদারগণের শাহী ফরমাণ প্রভৃতি হইতে নিম্নলিখিত রূপ অবগত হওয়া যায়।

তাজ খাঁ, সোলেমান খাঁ, এমাদ খাঁ ও ইলিয়াস খাঁ—চারি সহোদর। ইঁহারা পাঠান জাতির পল্লিবংশসম্বৃত। কররাণ গ্রামে বাস নিবন্ধন ইঁহাদের পূর্বপুরুষ কররাণী বলিয়া পরিচিত হইতেন। ইঁহারা কররাণী বংশীয় হইলেও এই সহোদর চারি ভ্রাতার মধ্যে একমাত্র সোলেমান খাঁই কররাণী বলিয়া ইতিহাসে উল্লিখিত হইয়াছেন। অপর তিন ভ্রাতা খাঁ উপাধিতেই পরিচিত। সোলেমানের জ্যেষ্ঠ পুত্র বায়েজিদ, বায়েজিদ খাঁ বা বায়েজিদ খাঁ পল্লি(১) নামে পরিচিত ছিলেন। সোলেমানের কনিষ্ঠপুত্র দাউদ, কেবল দাউদ বলিয়াই ইতিহাসে উল্লিখিত। বায়েজিদের জ্যেষ্ঠ পুত্রের নাম ইতিহাসে সেখ মহম্মদ লিখিত হইয়াছে। বায়েজিদের কনিষ্ঠপুত্র সেইদ, সেইদ খাঁ পল্লি বা কেবল সেইদ খাঁ বলিয়া অভিহিত হইয়াছেন। এই নামাবলী হইতে দেখা যায়, এই কররাণী পাঠানদিগের সাধারণ উপাধি ছিল—খাঁ, কেহ কেহ খাঁ উপাধির সহিত স্বীয় বংশ পরিচায়ক 'পল্লি' শব্দও লিখিতেন, কেহ কররাণ বাসী (কররাণী) পরিচয়ও দিতেন, কেহবা 'সেখ' বলিয়াও আপনাকে অভিহিত করিতেন।

কররাণী ভ্রাতৃচতুষ্টয় অস্বারোহী সৈনিক বা অস্ব-বিক্রেতা রূপে আফগানিস্থান হইতে ভারতবর্ষে আগমন করেন। আকবর নামায় লিখিত আছে, যাত্রাকালে ইঁহাদের পিতা বলিয়াছিলেন,—“যদি হিন্দুস্থানে বাদশাহের দরবারে অদৃষ্ট প্রসন্ন না হয়, তাহা হইলে অস্ব বিক্রয় করিয়া দেশে ফিরিয়া আসিও।” তখন শেরশাহ হার পুত্র সেলিম শাহশুর দিল্লীর বাদশাহ। শেরশাহ

ও তদীয় পুত্রের পাঠান-প্রীতির কথা ইতিহাস-বিশ্রুত। পাঠান বলিয়াই তাজ খাঁ ও তদীয় ভ্রাতৃগণ বাদশাহের আশাতীত অনুগ্রহ প্রাপ্ত হইলেন। সেলিমশাহ এই নবাগত পাঠানদিগকে এক এক প্রদেশের শাসনভার প্রদান করিলেন। পল্লি কররাণী দিগকে আর অস্ব বিক্রয় করিয়া দেশে ফিরিয়া যাইতে হইল না।

ইহার পর শুরবংশের অধঃপতন সময়ে তাজ খাঁ বলে ও কোশলে গোড়রাজ্য অধিকার করেন। তাজ খাঁ, চতুর ছিলেন, বাদশাহ আকবর, পাঠানদিগের প্রভুতার উচ্ছেদ করিতে উদ্যোগী হইলে তিনি উপঢৌকন পাঠাইয়া বাদশাহের প্রীতিবর্দ্ধন করিলেন। সুতরাং দিল্লী ও আগ্রা লইয়া বাস্তব মোগল সম্রাট বাঙ্গালারদিকে আর ফিরিয়া চাহিলেন না। তাজ খাঁর মৃত্যুর পরে তাহার ভ্রাতা সোলেমান কররাণী বাঙ্গালার স্বাধীন ভূপতি হন। সোলেমান, উড়িষ্যা, কাগরুপ ও কোচরাজ্য আক্রমণ করিয়াছিলেন কিন্তু মোগল অধিকারে হস্তক্ষেপ করেন নাই। অধিকন্তু উপঢৌকন পাঠাইয়া আকবরের প্রীতি রক্ষা করিতেন। সুতরাং সোলেমানের অধিকারে আকবর বাদশাহ, হস্তক্ষেপ করিতে ইচ্ছুক হন নাই।

সোলেমানের রাজত্ব পূর্বদিকে বাঙ্গালার সীমান্ত পর্য্যন্ত বিস্তৃত ছিল। প্রবাদ আছে—পশ্চিমদিকে মোগল অধিকারের সীমা, স্বীয় রাজধানীর নিকটবর্তী বলিয়া সোলেমান, বাঙ্গালার পূর্বপ্রান্তে যে রক্তবর্ণ উন্নতভূমি ঢাকা হইতে মধুপুর দিয়া কড়ইবাড়ী পর্য্যন্ত বিস্তৃত—যাহা মুসলমান ইতিহাসে 'কোহস্থানে ঢাকা' নামে আখ্যাত,—উহারই একদেশে নিজ রাজধানী স্থাপন করিতে ইচ্ছা করিয়াছিলেন। এই প্রবাদের সত্যতা সম্বন্ধে ঐতিহাসিক প্রমাণ না থাকিলেও প্রাপ্ত রক্ত মৃত্তিক-ভূমির মধ্যে “কররাণীর চালা” নামে এক বহু বিস্তৃত সমপৃষ্ঠ ভূমি এবং উহার মধ্যস্থ প্রাচীন দীর্ঘিকা প্রভৃতি উক্ত প্রবাদের যাথার্থ্যের অনুকূল প্রমাণ দিতেছে। কররাণী চালার উত্তর দিকে “সহর গোবিন্দপুর।” এখন উহা জনশূন্য ও অরণ্যে পরিণত হইলেও নাম শ্রবণেই অস্মিত হয়, এককালে উহা সমৃদ্ধ নগররূপে বর্তমানছিল। সোলেমান কররাণী এই সহর গোবিন্দপুরের রামনারায়ণ

(১) ইতিহাসে বায়েজিদ ও বায়েজিদ খাঁ এবং আটীয়ার মসজিদের শিলালিপিতে 'বায়াজিদ খাঁ পল্লি' লিখিত আছে।

গড়গড়ি নামক কোনও ব্রাহ্মণের এক রূপসী কন্যা বিবাহ করেন বলিয়া জনশ্রুতি আছে। কেহ কেহ বলেন, সোলেমান কররাণী নহে, তদীয় জ্যেষ্ঠপুত্র বায়েজিদ খাঁ পন্নি, রামনারায়ণ গড়গড়ির কন্যা বিবাহ করেন। এই ব্রাহ্মণী পত্নীর গর্ভে বায়েজিদের কনিষ্ঠপুত্র সইদ খাঁর জন্ম হয়। যাহা হউক ইহা জনশ্রুতি মাত্র। তবে ‘নহাযুগা জনশ্রুতিঃ’ ; সইদখাঁর মাতৃকুল যে হিন্দু ও ব্রাহ্মণ, তাহা নানারূপ জনপ্রবাদ হইতেই প্রতিপন্ন হয়। ইতিহাস কিন্তু এ সম্বন্ধে নীরব। জনশ্রুতির ক্ষীণ আলোকে বিশ্বাস ভিন্ন একেত্রে আর উপায় নাই।

যে কারণেই হউক, “কোহস্থানে ঢাকার” কররাণী চালায় সোলেমানের রাজধানী স্থাপনের কল্পনা ও উদ্যোগ কার্যে পরিণত হইতে পারে নাই বলিয়াই মনে হয়। তিনি স্বীয় জ্যেষ্ঠপুত্র বায়েজিদ খাঁ পন্নিকে পূর্বপ্রদেশের শাসন কর্তৃত্ব প্রদান করিয়া তাণ্ডায় গমন করেন। বায়েজিদ, কররাণী চালায় অনতিদূরে আপনার যে আগাস বাটী নির্মাণ করেন, উহার ধ্বংসাবশেষ এখনও বিদ্যমান আছে। নিরক্ষর পাহাড়বাসী লোকে উহাকে বাইজ খাঁ (বায়েজিদ খাঁ) রাজার বাড়ী বলে।

‘কোহস্থানে ঢাকা’ নিতান্ত অস্বাস্থ্যকর স্থান। বোধ হয় এই অস্বাস্থ্যকরতা নিবন্ধনই বায়েজিদ খাঁ পন্নি গড়ের আবাস পরিত্যাগ করিয়া ভেড়ে (১) আগমন করেন ; এবং বর্তমান টাঙ্গাইল মহকুমার অদূরে স্বনামে বায়েজিদপুর গ্রাম স্থাপন করিয়া তথায় আপনার আগাসবাটী নির্মাণ করেন। বায়েজিদ খাঁ পন্নির এই বাটীর ধ্বংসাবশেষ ও দীর্ঘিকা প্রভৃতি এখনও বায়েজিদপুরে (বাজিংপুরে) বিদ্যমান আছে। লোকে উহাকে বাইজ খাঁ চৌধুরীর বাড়ী বলে। বায়েজিদ খাঁ পন্নি, পূর্বপ্রদেশের রাজস্ব সংগ্রহ করিতেন বলিয়া এ দেশের লোকে তাঁহাকে চৌধুরী বলিত।

পূর্বেই উক্ত হইয়াছে, বায়েজিদ, সোলেমান কররাণীর জ্যেষ্ঠপুত্র। সোলেমানের অসুস্থতার সংবাদ পাওয়া বায়েজিদ, তাণ্ডায় গমন করেন। (৯৮১ হিঃ), এবং

পিতার মৃত্যুর পরে বাঙ্গালার সিংহাসনে আরোহণ করেন। কিন্তু তাহাকে অধিক দিন এ সৌভাগ্য ভোগ করিতে হয় নাই। সিংহাসন লাভের ত্রয়োদশ দিবসে তাহার পুত্র হান্সু, তাঁহাকে দরবার গৃহ মধ্যেই ছুরিকাঘাতে বিনাশ করে।

হান্সু, একপক্ষে বায়েজিদের জ্যেষ্ঠতাত পুত্র, অন্যদিকে তাঁহার সহোদরা ভগিনীর স্বামী ছিল। রাজ্যলাভে, হান্সুকে এই নিষ্ঠুর কর্মে প্রবর্তিত করে। তাহা খাঁ, বাঙ্গালা অধিকার করেন, এইজন্য হান্সু, বাঙ্গালার সিংহাসন নিজের প্রাপ্য বলিয়া মনে করিত।

হান্সু, রাজ্যলোভে বায়েজিদকে বধ করিলেও সিংহাসন গ্রহণ করিতে পারে নাই। অবিলম্বে, বায়েজিদের কনিষ্ঠ ভ্রাতা দাউদ, হান্সুকে বধ করিয়া ভ্রাতৃহত্যার প্রতিশোধের সহিত সিংহাসন গ্রহণ করিলেন।

বায়েজিদের জ্যেষ্ঠপুত্র সেখ মহম্মদ, তাণ্ডায় পিতামহ সোলেমান কররাণীর নিকটে থাকিতেন। পিতার অপঘাত মৃত্যুর পরে তিনি পিতৃব্য দাউদের বশংবদ হইয়া মোগলের বিদ্রোহী হন এবং দাউদের মতই মোগল পাঠানের সংঘর্ষকালে, তাঁহার মৃত্যু হয়।

বায়েজিদ তাণ্ডায় গমন কালে স্বীয় কনিষ্ঠ পুত্র সইদ খাঁ ও তদীয় মাতাকে বায়েজিদপুরে রাখিয়া যান। তাঁহার গমনের অব্যবহিত পরেই গৌড়রাজ্যে রাষ্ট্রবিপ্লব উপস্থিত হয়। দাউদ, মোগল সম্রাটের বিদ্রোহী হইয়া কেবল স্বনামে খোতবা ও শিক্কা প্রচলিত করিয়াই সন্তুষ্ট হন নাই। স্বীয় অসীম সৈন্যবল দর্শনে দৃষ্ট হইয়া মোগল অধিকার আক্রমণ করেন। ফল, মোগল ও পাঠানে বাঙ্গালার অধিকার লইয়া বহুবর্ষব্যাপী যুদ্ধ আরম্ভ হয়। এই সময়ে সইদ খাঁ অপ্রাপ্ত-বয়স্ক ছিলেন। পিতৃব্য দাউদ বা জ্যেষ্ঠ ভ্রাতা সেখ মহম্মদ এই বিপ্লবকালে কেহই তাঁহার সংবাদ লন নাই। সুতরাং বায়েজিদের বিধবা পত্নী বালক সইদকে লইয়া এই সময়ে বড়ই বিপন্ন হইয়া পড়িয়াছিলেন। যে পর্য্যন্ত বাদশাহ আকবর সইদ খাঁকে অনুগ্রহ না করিয়াছিলেন, ততদিন বোধ হয় তাঁহাকে কষ্টেই দিন যাপন করিতে হইয়াছিল। দাউদের পতনের পরেই সইদের কষ্টের দিন গত হয়। বাদশাহ আকবর

(১) রক্তবর্ণ মৃত্তিকা বিশিষ্ট উন্নতভূমির নাম গড় বা টেকর। নিম্নভূমিকে ‘ভড়’ বলে।

সইদের সংবাদ অবগত হইয়া তাঁহাকে মোগলাধীন বাদশার পূর্বোক্তর প্রাস্তে জারগীর প্রদানের সঙ্গে সঙ্গে সীমান্তরক্ষক শাসনকর্তার পদে নিযুক্ত করেন। সইদ খাঁ পল্লি, করতোয়া হইতে পূর্বদিকে ব্রহ্মপুত্র পর্য্যন্ত স্থানের শাসন ও সংরক্ষণ করিতে থাকেন।

দাউদের পতনের পরেও মোগল পাঠানের যুদ্ধের বিরাম হয় নাই। পাঠানেরা উড়িষ্যা হইতে বিতাড়িত হইয়া কোহস্থানে ঢাকা ও ভাটী প্রদেশে আশ্রয় গ্রহণ করে। ঘোড়াঘাট হইতে দক্ষিণ ও পূর্বদিকবর্তী স্থান সমূহের মধ্যে বারংবার যুদ্ধ হইতে থাকে। ধামরাই অঞ্চলে

যুদ্ধে শাহাবাজকনুর সাহচর্য্য করিতে দেখিতে পাই। আর কোনও যুদ্ধে তিনি উপস্থিত ছিলেন বলিয়া জানা যায় না।

আসল তুমার জমায় পরগণা বিভাগ হইলে আলোপ-শাহী ও বড়বাজু প্রভৃতি পরগণা সইদ খাঁর শাসনাধীন থাকে। এই সময়ে সইদ খাঁ, বায়েজিদপুর পরিত্যাগ করিয়া আটীয়াতে আপনার আবাস নির্মাণ করেন। ইহার পর তৎকর্তৃক আটীয়ার প্রসিদ্ধ মসজিদ নির্মিত হয়। উক্তর কালে আলম নদী, সইদ খাঁ পল্লির মনোরম ভবন আপন উদরসাৎ করিলেও সইদের কীর্ত্তি একবারে বিলুপ্ত হয় নাই। এখনও আটীয়ার মনোহর মসজিদ, সইদ খাঁ



আটীয়া মসজিদ ।

ওসমান খাঁ, ভাটী প্রদেশে ঈশা খাঁ পাঠানদিগের নেতা হইয়া মোগলদিগের সহিত যুদ্ধ করিতে থাকেন। এই বিপ্লবে সমগ্র পূর্ববঙ্গ ও ভাটী অঞ্চলে অরাজকতা উপস্থিত হয়। মোগল ও পাঠান উভয় সেনাই দেশ লুণ্ঠন করিলেও পাঠানেরাই এ বিষয়ে অধিক অভ্যাচার করিয়াছিল। কিন্তু আশ্চর্য্যের বিষয় এই ঘোর বিপ্লবের সময়েও সইদ খাঁর প্রভাপে পাঠানগণ তৎধীন প্রদেশে কোনও অভ্যাচার করিতে পারে নাই। সইদ খাঁ পল্লি এই যুদ্ধে বিশেষ লিপ্ত ছিলেন বলিয়া মনে হয় না। আমরা তাঁহাকে একবার মাত্র কোহস্থানে ঢাকার অন্তর্গত সন্তোষপুরের

পল্লির সৌন্দর্য্যাসুরাগ, ভগবৎভক্তি, ও শক্তি সামর্থ্যের পরিচয় দিতেছে। এই মসজিদের শিরঃস্থিত শিলাফলকে লিখিত আছে :—

(পঞ্চাংশ)

“ব দৌরে শা নূরউদ্দীনে জাঁহাগীর,
গেনাশোদ্ বশ্ মসজিদ হাএ আলা ।
সইদ খানে পল্লি হাম্ মসজিদে সাধুত,
কে ইয়াবদ্ আজরে আ দরদারে ওক্বা ।
চু তারিখস্ ব মোস্তম্ আজ্ খেরদ্ গোক্ ত,
কে আর সৈয়দ আজা কল্লাহো-খয়রা । (১)

(১) এই চরণের অক্ষর গণনায় ১০১৮ অক্ষ পাওয়া যায় ।

(গষ্ঠাংশ)—মসজিদে সইদ খানে পন্নি, এব্নে
বায়েজিদ খানে পন্নি ব আনজান রসিদ। ১০১৮”

বঙ্গানুবাদ।

(পষ্ঠাংশ)—নূরউদ্দীন জাঁহাগীর শাহের রাজত্বকালে

যখন তাহার নির্মাণের তারিখ আমার বুদ্ধির নিকট
অন্বেষণ করিলাম, তখন বুদ্ধি বলিল—হে সৈয়দ, পরমেশ্বর
তোমাকে উত্তম ফল প্রদান করুন।

(গষ্ঠাংশ)—বায়েজিদ খাঁ পন্নির পুত্র সইদ খাঁ
পন্নির মসজিদ নির্মিত হইল। ১০১৮ হিজরী।



শাহেন শাহ দরগা।

অনেক উত্তম উত্তম মসজিদ প্রতিষ্ঠিত হইল। (সেই
সময়ে) সইদ খাঁ পন্নিও পরকালে কল প্রাপ্তির আশায়
একটি মসজিদ নির্মাণ করিলেন। (লেখক বলেন)

সইদ খাঁর একশত বৎসর পূর্বে 'বাবা আদম
কাশ্মীরী' নামে একজন মুসলমান তপস্বী আটীয়া গ্রামের
প্রতিষ্ঠা করেন। শাহেন শাহ বাবা আদম কাশ্মীরীর

পুণ্য প্রভাবে আটীয়া তৎকালে হিন্দু ও মুসলমানের নিকট পুণ্যক্ষেত্ররূপে পরিণত হইয়াছিল। এক্ষণে সইদখাঁর বাস নিবন্ধন আটীয়া প্রাদেশিক রাজধানী হইয়া আর ও বিখ্যাত হইল। যদিও বাদশাহ আকবর আটীয়া পরগণা নামে কোন ও মহালের সৃষ্টি করেন নাই, তথাপি আটীয়া গ্রামের প্রসিদ্ধি এবং সইদ খাঁ ও তাহার বংশধরগণের প্রভাবে আলোপশাহীর পশ্চিমার্দ্ধ আটীয়া পরগণা নামে বিখ্যাত হইয়া উঠে।

আলোপশাহীর পশ্চিমার্দ্ধ তৎকালে বিরল বসতি ও অরণ্য পূর্ণ ছিল। এই ভূমির অধিকাংশ স্থানে, সইদ খাঁর সময়ে নিম্নভূমি ও বিল ছিল। সইদ খাঁ, এই 'ভড়' প্রদেশে গ্রাম ও নগর প্রতিষ্ঠিত করিতে উद्यোগী হইলেন। প্রচুর পরিমাণে নিকর, ব্রহ্মত্র, দেবত্র, পীরপাল, প্রভৃতি প্রদান করিয়া তিনি এই প্রদেশে ব্রাহ্মণ কাষস্থ বৈষ্ণব প্রভৃতি উচ্চ শ্রেণীর হিন্দু এবং সৈয়দ, পাঠান, প্রভৃতি সম্ভ্রান্ত মুসলমান ভদ্র লোকদিগকে স্থাপন করেন। সাধারণ প্রজাও তাঁহার অনুগ্রহে বঞ্চিত হয় নাই। জাতিবর্ণ নির্কিংশেবে তিনি প্রজা মাত্রকেই স্বকীয় কর্ষিত ভূমির ½ পঞ্চমাংশ বিনাখাজানার ভোগ করিতে দিয়াছিলেন। এই নিকর ¼ এক পঞ্চমাংশের নাম— "সরকমী"। আজিও আটীয়ার প্রজাগণ, সইদখাঁ পন্নির প্রদত্ত এই সরকমী ভোগ করিয়া আসিতেছে। এইরূপ উদার দানের দৃষ্টান্ত সেই অবদানের যুগেও বঙ্গদেশে আর নাই। সইদখাঁর দান পাইয়া জন শূন্য আটীয়া পরগণা লোক পূর্ণ ও সমৃদ্ধ হইয়া উঠে। বাস্তবিক, সইদখাঁ পন্নির "আটীয়া পরগণা গঙ্গরহের" লোকস্থিতি ও সমাজ প্রতিষ্ঠার মূল।

মুসলমান সমাজে সইদখাঁর প্রভাব সহজেই অনুমান করা যাইতে পারে। হিন্দু সমাজের উপর তাঁহার ও তদীয় বংশধরগণের কিরূপ প্রভাব ছিল এবং এখনও আছে, আমরা তাহাই বলিতেছি। ব্রাহ্মণ; কাষস্থ ও বৈষ্ণব সমাজে বঙ্গালী ব্যবস্থা প্রচলিত ছিল এবং এখনও আছে। পাঠান ভূপতিগণ এই জাতি ত্রয়ের সামাজিক সম্বন্ধে কোন কর্তৃত্ব করেন নাই। কিন্তু এই তিন জাতি ব্যতীত, তাঁহার হিন্দু সমাজের অন্ত

সমুদয় জাতির সমাজপতি ছিলেন। এখনও নবশাক, নমশূদ, মালী, প্রভৃতি জাতির সমাজ সম্বন্ধে আটীয়ার জমিদারগণই কর্তৃত্ব করিয়া থাকেন। সইদ খাঁ ও তদীয় বংশধরগণই এই সকল জাতির মধ্যে নূতন কোলিগ মর্যাদা প্রদান করিতেন। এই কোলিগের নাম "প্রাধাণ"। নবশাক প্রভৃতি মধ্য ও নিম্ন শ্রেণীর হিন্দু, ইহাঁদিগকর্তৃক দুই ভাগে বিভক্ত হইয়াছিল। সেই দুই ভাগের নাম 'প্রধান ও 'জন'। প্রধানেরাই কুলীন। 'পরধানী' (প্রাধাণ) লাভ করিতে হইলে পাঠান চৌধুরীকে 'নজর, দিতে হইত। পাঠান চৌধুরী-গণ সম্বন্ধে হইয়া কাহাকে বিনা নজরেও প্রাধাণ মর্যাদা প্রদান করিতেন। নমশূদ সমাজে প্রধানের উপরেও আরও একটা পদবী আছে। উহার নাম "তেরাই"। "তেরাইর" অনুমতি ভিন্ন অশৌচান্তের পর নমশূদেরা মৎসাহার করিতে পারেনা। তেরাই পদবী বিশেষ নজর দিলে মিজিত। পাঠান চৌধুরী গণের পূর্ব সমৃদ্ধি ধ্বংসের সহিত, তাহারা এক্ষণে হিন্দু সমাজের উপর কর্তৃত্ব করিতে যেন শিথিল হইয়াছেন বলিয়া বোধ হয়। এখন কোনও "জন" প্রাধাণ প্রার্থী হইয়া জমিদার সরকারে উপস্থিত হইয়াছে—এরূপ কচিৎই দেখা যায়। "প্রাধাণ" প্রথা প্রবর্তন সইদখাঁ পন্নির এক বিশেষ কীর্তি।

সইদ খাঁ পন্নির আটীয়াতে আবাস বাটী নির্মাণ করিয়া ছিলেন, একথা পূর্বেই উক্ত হইয়াছে। সইদখাঁর পুত্র ফতেখাঁ ও আটীয়াতেই বাস করেন কিন্তু পৌত্র সলিমখাঁ চৌধুরী আটীয়ার আগস পরিভ্রম্যগ করিয়া কোহস্থানে ঢাকার সন্নিকটে সলিমনগর নামে এক গ্রাম প্রতিষ্ঠা করিয়া তখন বসতি করেন। সলিম খাঁ পন্নির প্রথমে আটীয়া ও আলোপশাহীর চৌধুরী ছিলেন, শেষে চট্টগ্রামের সুবেদার হইয়া তথায় গমন করেন এবং অবশিষ্ট জীবন চট্টগ্রামেই যাপন করেন। তাঁহার সম্বন্ধে এই প্রবাদ প্রচলিত আছে :—

“সলিম পন্নির বাঘ মার
চাটগাঁওকা সুবেদারী ॥”

সলিম পন্নির পুত্র মইন খাঁ চৌধুরী, সলিমনগরের

অদূরে স্বনামে মইননগর গ্রাম প্রতিষ্ঠিত করিয়া তথায় আপন্যুর দেওয়ান খানা, ও আবাস বাটী নির্মাণ করেন। মইননগরের পুরাতন নাম গোড়াই, মইন খাঁ চৌধুরী স্বীয় নামে উহার নূতন নাম করণ করিলে ও উহার পুরাতন নাম বিলুপ্ত হয় নাই। সেইদ খাঁ পন্নির বংশধরগণ বহুকাল পর্য্যন্ত এই মইননগর বা গোড়াই গ্রামে বসতি করেন। সেইদখাঁর অধস্তন ৯ম পুরুষ সাদতআলী খাঁ, গোড়াই পরিত্যাগ করিয়া করটীয়া গ্রামে স্বীয় বসতি স্থাপন করেন। এক্ষণে সাদত আলীখাঁর পৌত্র (সইদ খাঁর অধস্তন ১১শ পুরুষ) শ্রীযুক্ত ওয়াজেদ আলী খাঁ পন্নি (ইহাঁর অন্য নাম চাঁদ মিঞা) ও তদীয় বৈমাত্রেয় ভ্রাতৃগণ করটীয়াতেই বাস করিতেছেন। ইহাঁরাই সেইদ খাঁর শেষ বংশধর।

এক্ষণে আর সমগ্র আটীয়া পরগণা সেইদ খাঁর বংশধর দিগের হস্তে নাই! গৃহবিবাদে ও বংশবিস্তারে তাঁহাদের আটীয়ার জমিদারীর অধিকাংশ বহুধা বিভক্ত ও নান্য বিভিন্ন বংশীয়ের হস্তগত হইয়া পড়িয়াছে। কিন্তু সম্পত্তির পরিমাণ অল্প হইয়া আসিলেও যে উদারতা ও অবদানের জন্য পন্নি বংশ প্রসিদ্ধ সেই উদারতা ও অবদান আজিও সেইদ খাঁর শেষ বংশধর আটীয়ার পাঠান-শ্রেষ্ঠ শ্রীযুক্ত ওয়াজেদ আলী খাঁ পন্নির চরিত্রে সম্যক্ই বিদ্যমান রহিয়াছে। আজিও তাঁহার দানে সহস্র দুঃখীর দুঃখ দূর হইতেছে এবং আজিও অসংখ্য অসমর্থ দরিদ্র প্রজা, নামে নিষ্কর না হইলে ও কার্য্যতঃ বহুক্ষমী তাঁহার নিকট হইতে নিষ্কর ভোগ করিতেছে।

যে পাঠান বংশ দ্বারা একটি বিস্তৃত প্রদেশে লোক নিবাস স্থাপিত ও সমাজ ব্যবহৃত, হইয়াছিল, তাহাদের বংশধারা এইরূপ :—

- (১) সোলেমান কররাণী হজরত আলা।
- (২) বায়েজিদ খাঁ পন্নি
- (৩) সেইদ খাঁ পন্নি
- (৪) ফতে খাঁ
- (৫) সলিম খাঁ চৌধুরী বা সলিম পন্নি।
- (৬) মইন খাঁ চৌধুরী

- (৭) মুনায়েম খাঁ চৌধুরী
- (৮) খোদা নেওয়াজ খাঁ চৌধুরী
- (৯) আলোপ খাঁ চৌধুরী
- (১০) ফয়েজ আলী খাঁ
- (১১) সাদত আলী খাঁ
- (১২) মাহমুদ আলী খাঁ
- (১৩) ওয়াজেদ আলী খাঁ পন্নি (চাঁদ মিঞা)
শ্রীরসিকচন্দ্র বসু।

আত্ম সমর্পণ।

আজকে হ'তে রাখবোনা আর
কিছু আমার তরে।
সবি আমার তোমায় দেব
হৃদয় খালি করে।
প্রাণ দেব, এ হৃদয় দেব,
দেব অশ্রু হাসি।
দেব আশার আলোক সনে
আঁধার রাশি রাশি।
দেব উষার কনক কিরণ
নিশির ঘোর কালো।
নিদাঘ ঘেরা দীর্ঘ খাস,
বর্ষা ঘেরা আলো।
জগত আমার চেলে দেব
তোমার পদতলে।
হৃদয় আমার বিলিয়ে দেব
চরণ পদ্মদলে।
আজকে হ'তে রাখবো না আর
কিছু আমার তরে—
সবি আমার তোমায় দেব
হৃদয় খালি করে।

শ্রীবিভাবতী.সেন।

বরণ, আত্মহত্যা ও সমাজ ।

স্নেহলতার শোচনীয় আত্মহত্যার সংবাদে দেশময় যে একটা প্রবল আবেগ তরঙ্গ প্রবাহিত হইয়াছিল, তাহাতে সমাজে পণপ্রথার রাক্ষসী মূর্তির তিরোধানই আমরা আশা করিয়াছিলাম এবং সেই আশা প্রণোদিত হইয়াই সমাজের উদ্বোধনে যত্ন করিয়াছিলাম। তৎপরে সব সভা সমিতিতে যখন যুবকদিগকে লইয়া প্রতিজ্ঞা করান হইতে লাগিল, তখন মনে মনে একটা আশঙ্কা জাগিয়া ছিল যে পাছে এসব আবেগও আন্দোলন অনেকটা হুজুগে পর্যাবসিত হয়। আর এইসব প্রতিজ্ঞাবদ্ধ যুবকদল এবং তাহাদের অভিভাবকগণের মধ্যে একটা বিতণ্ডা ও মতভেদের সূচনা করিয়া পাছে সমাজের মধ্যে আর একটা বিপ্লবের উৎপত্তি হয়। যে সব পণপ্রথা নিবারিণী সমিতি স্থাপিত হইয়াছে, তাহাদের সকলের কার্যপ্রণালী অবগত নহি; তবে দুই তিনটির সম্বন্ধে যাহা জ্ঞাত আছি তাহাতে দেখিতে পাইতোছি যে কতদায়গ্রস্থ অভিভাবকগণের তালিকা ক্রমশঃই দীর্ঘাৎ দীর্ঘতর হইতেছে কিন্তু বিনা পণে বিবাহেচ্ছু বরের তালিকা একরূপ শূন্য বলিলেও বলা যায়। সংবাদ পত্রে বিনাপণে পুত্রের বিবাহদিব বলিমা বাহার নাম স্বাক্ষর যুক্ত পত্র প্রকাশ করিয়াছেন তাহাদের কাহারও কাহারও নিকট আমরা পত্র লিখিয়া জানিয়াছি যে কাহারও বা তিন চারিটি পুত্র বা তৎস্থানীয় বালক আছে কিন্তু তাহার বিবাহযোগ্য নহে অর্থাৎ ১০।৮।৬।৪ এইরূপ বয়স; কাহারও বা এখন বিবাহ দিবস সুবিধা হইবে না! আবার “সঞ্জীবনীতে” একরূপ পাঠ করিয়াছি যে কোন কোন বিবাহে পণ লওয়া হয় নাই বলিয়া সংবাদ পত্রে ঘোষণা করা হইয়াছে, কিন্তু প্রকৃত পক্ষে সে সব স্থলেও পণ গৃহীত হইয়াছে !!

এই সকল ব্যাপার দেখিয়া শুনিয়া আমরা বুঝিতেছি যে আমাদের হুজুগ প্রায়স্তর যে অপবাদ আছে এ ক্ষেত্রেও তাহা হইতে আমরা মুক্ত হইতে পারি নাই। একথা আমরা অস্বীকার করি না যে হুজুগ দ্বারাও সময় সময় কতকটা কাজ হয় কিন্তু একথা একরূপ নিশ্চয় করিয়াই

বলা যাইতে পারে যে হুজুগের উপর অক্ষুণ্ণিত কার্যের ফল স্থায়ী হয় না। স্বদেশী আন্দোলনের সময়কার অনেক ঘটনাতেও এই সত্য পরিষ্ফুট হইয়াছে। হুজুগের মুখে নাম কিনিবার জন্ত অনেকে প্রতিজ্ঞা করিয়াছেন, কিন্তু গোপনে গোপনে সে প্রতিজ্ঞা নিজেই ভাঙ্গিয়াছেন। ঘরে বিদেশী জিনিস ব্যবহার করিয়াও বাহিরে স্বদেশীর বক্তৃতা দিয়াছেন। অনেকে যেমন স্বার্থ সাধনের জন্ত স্বদেশীর বিপক্ষে দাঁড়াইয়াছেন, অল্পে আবার সেইরূপ স্বার্থ সাধনের জন্ত স্বদেশী সাঙ্গিয়াছেন, আমি জানি একজন নব্য উকীল ক্রাসনাল স্কুল খুলিবার জন্ত তীব্র বক্তৃতা প্রদান করেন, আর তৎস্থানীয় গবর্ণ-মেন্ট সাহায্যকৃত বিদ্যালয়টিকে যো জাতির বিদ্যালয় বলিয়া তাহার উপর তীব্র মন্তব্য প্রকাশ করিয়া মুক্ত কণ্ঠে বালকগণকে সে বিদ্যালয় ত্যাগ করিতে উত্তেজিত করেন। ইহারই কিছু দিন পরে বিশ্বস্তহস্তে জানিতে পারি যে ঐ উকীল বাবুটি মুন্সেফীর জন্ত ওমেদার এবং সে জন্ত স্থানীয় মুন্সেফ বাবুদের সঙ্গে সুপারিশের প্ররামর্শ করিতেছেন। যেখানে বি, এল, উপাধিধারী শিক্ষিতগণেরই মনে মুখে এইরূপ সামঞ্জস্য, সেখানে অল্পে পক্ষে কা কথা!

ঐ সময়কার হুজুগে বালক দলের মধ্যে একটা ভ্রান্ত ধারণা হইয়াছিল যে যে কোন উপায়ে একবার জেলে যাইতে পারিলেই স্বদেশ সেবার চরম পরিণতি হইল। আর কিছু করিতে পারি বা না পারি নিতান্ত পক্ষে ‘বন্দেমাতরং’ বলিয়া পুলিশের সম্বন্ধে উপস্থিত হইতে পারিলেই জেলে বাওয়ার পথ সুগম হইতে পারে; আর জেলে গেলেই সঙ্গে সঙ্গে ইংরাজি, বাঙ্গালা, উর্দু, হিন্দী সব ভাষার সংবাদ পত্রে দেশ সেবক বলিয়া নাম ছাপা হইয়া যাইবে, গুণগানে দেশ ভরিয়া যাইবে; মুক্তির সময় ফুলের মালা, স্বদেশী কীর্তন, সভা, বক্তৃতা হয়ত মেডেল আদিও মিলিবে! এ হুজুগের প্রলোভন সহজ নহে; সম্ভায় নাম কিনিবার, স্বদেশ পেম্বী হইবার একরূপ পস্থা ত্যাগ করাও সহজ নহে সুতরাং কতক কতক বালক ঐরূপ হুজুগের মত্তত্বতেই জেলে বাওয়ার জন্ত ব্যগ্র হইত! ঐরূপ বালকগণকে বুঝান যে কত কঠিন ছিল, তাহাদিগকে নিয়ম সংঘমের অধীন করিয়া রাখিতে যে কত কষ্ট পাইতে

হইত তাহা ভুল ভোগীই জানেন। আমি একথা বলি না যে সকলেই ঐরূপ ভ্রান্তির খেলাই জেলে গিয়াছে। তবে অনেক বালক যে গডলিকা প্রবাহে ভাসিয়া স্বদেশী সাজিয়া ছিল, তাহাতে কোন সন্দেহ নাই।

দুঃখের বিষয় যে বরপণের এই আন্দোলনেও সেই ছজুগের পরিচয় পদে পদে পাওয়া যাইতেছে; ইহাতে সমাজের পরিণাম চিন্তা করিয়াও সময় সময় মনে বড় আতঙ্ক উপস্থিত হইতেছে।

হিন্দু শাস্ত্রের শিক্ষা—আত্মহত্যা মহাপাপ। এজন্য অশেষ কষ্ট সহ করিলেও হিন্দু কদাচিৎ আত্মহত্যা করিয়া থাকে। হিন্দু রমণীগণও অশ্রুত বদনে অশেষ কষ্ট সহ করে তথাপি আত্মহত্যা দ্বারা সাধারণতঃ সে কষ্টের লাঘব কামনা করে না।

সহমরণ প্রথা রহিত হইবার পর সময় সময় স্বামীর মৃত্যুতে সাধ্বী পত্নী আত্মহত্যা দ্বারা সহমরণের অভাব পূরণ করেন ইহা দেখা যায়। সেরূপ আত্মহত্যাও সন্তানবতী কর্তৃক অনুষ্ঠিত হইতে দেখা যায় না; যৌবনহীনা, সন্তানহীনা রমণীই সময় সময় দুর্ভাগ্য স্বামী বিয়োগ বেদনা সহ করিতে অক্ষমা হইয়া স্বামীহীন জীবন 'তুচ্ছ বোধে অনলে' আহুতি প্রদান করেন।

স্নেহলতার মৃত্যুর কিছুকাল পূর্বে সৌরভের জন্মস্থান ময়মনসিংহ জেলায়ই একটি বোড়শী সাধ্বী এইরূপ স্বামী বিরহিতা হইয়া কেরসিন তৈল সহায়ে অনলে আত্ম বিসর্জন করেন, সংবাদ পত্রে সে কথা পাঠ করিয়াছিলাম। আরও অশ্রুত স্থল হইতেও সময় সময় এইরূপ বিবরণ প্রাপ্ত হওয়া গিয়াছে। এ প্রকার আত্মহত্যার উদ্দেশ্য অত্র প্রকার তাহা সকলেই সহজে বুঝিতে পারেন। ইহার সহিত বর্তমান আত্মহত্যা প্রথার তুলনা হইতে পারে না।

তারপর স্নেহলতার আত্ম বিসর্জন। তাহারও উদ্দেশ্য পিতা মাতাকে উদ্ধার হইবার দায় হইতে উদ্ধার করা। যদি তাহার বিবাহের জন্ত তাহার পিতাকে বসতবাটি বিক্রয় করিতে না হইত, হয়ত তাহা হইলে সে আত্মহত্যা করিত না। বাহা হউক এই আত্মহত্যার মূলেও পিতার প্রতি অত্যধিক ভক্তি প্রীতিই বর্তমান।

এইজন্যই এই মৃত্যুতে দেশের লোকের হৃদয়ে একটা শোকের তরঙ্গ বহিয়াছিল, একটা প্রবল উদ্বেগনার সৃষ্টি করিয়াছিল। তাহার ফলে লোকে তাহাকে প্রশংসা এবং সমাজকে নিন্দা করিয়াছিলেন। সাময়িক পত্রে তদনুরূপ প্রবন্ধ প্রকাশিত হইয়াছিল, স্নেহলতার ছবি ছাপা হইয়া বিক্রীত হইতেছিল এবং লোকে সাগ্রহে উহা কিনিতেছিল। ইহা হইতেই দুর্ভাগ্যক্রমে ছজুগের সৃষ্টি হইল। এবং অল্পদিনের মধ্যেই এক স্নেহলতা নহে অনেক স্নেহের আদরের লতিকা আমরা হারাইলাম। ইহাদের মধ্যে সকলের পিতাই যে স্নেহলতার পিতা হরেন্দ্র বাবুর কন্যার বিবাহের চিন্তায় অতিমাত্র বিব্রত হইয়াছিলেন তাহাও নহে। কাহারও কাহারও পিতার অবস্থা বেশ স্বচ্ছল ছিল এবং স্নেহলতার যৌতুকাদি দিতেও তিনি কাতর ছিলেন না, তথাপি কন্যা কেরসিন সহায়ে জীবন বিসর্জন দিল।

এই সেদিন যে ময়মনসিংহ সহরের এক ভদ্র লোকের ১৪৭ বর্ষীয়া কন্যা ঐরূপে প্রাণত্যাগ করিয়াছে, তাহার পিতাও নিতান্ত দরিদ্র নহেন! পণ দানেও অনিচ্ছুক নহেন। তবে এইসব মৃত্যুর হেতু কি? আমাদের আশঙ্কা হয় যে কুমারীগণের কোমল হৃদয়ে স্নেহলতার মৃত্যুর প্রশংসাতে একটা ভ্রান্ত ধারণা জন্মিয়াছে যে এইরূপে মরিতে পারিলেই খুব নাম হইবে; লোকে খুব প্রশংসা করিবে; সেই লোভে সেই নাম কেনার প্রলোভনে এই সব নবনীত স্নেহলতার দেহলতা অনলে আহুত হইতেছে! নতুবা যেখানে কারণ বর্তমান নাই সেখানে কার্য কি প্রকারে সম্ভব পর হয়? যেখানে কন্যা পক্ষ দান করিতে সক্ষম, সেখানে পণ বা যৌতুকাদি গ্রহণে কোন দোষ দেখি না। সেরূপ স্থলেও যদি কন্যা আত্মহত্যা করিতে থাকে, তাহা হইলে কি বুঝিতে হইবে না যে সেটা ছজুগে পড়িয়া ভ্রান্ত ধারণার বশে!

এদিকে তো এইসব কুমারী বালিকার এই ভাব! অত্রদিকে আবার দেখুন এই আন্দোলনে সমাজ কতদূর সংশোধনের পথে অগ্রসর হইতেছে, স্নেহলতার মৃত্যু সমাজ চক্ষে কিরূপ স্থায়ী চিহ্ন অঙ্কিত করিয়াছে

আমাদের পূর্ববঙ্গের কথাই ধরুন ! আমরা অতি বিশ্বস্ত সূত্র হইতে যে কতকগুলি সংবাদ পাইয়াছি তাহারই দুই একটা পাঠক বর্গকে উপহার দিতেছি !

ঢাকা কলেজের জনৈক এম,এ, বি,এল, উপাধি ধারী, প্রফেসর ঢাকার একখানা সাময়িক পত্রিকার সম্পাদক মহাশয় নিজেই নাকি ময়মনসিংহের একটা ধন গ্রন্থ যুবকের গলায় পা দিয়া পাঁচ হাজার টাকা গ্রহণ পূর্বক তাঁহার ভগ্নীকে গ্রহণ করিয়াছেন। আরও বিশ্বয়ের বিষয় এই যে কবিবর শ্রীযুক্ত গোবিন্দচন্দ্র দাসের সেই সুপ্রসিদ্ধ কবিতা “দাবা থাকুক আমার বিয়ে” সর্ব প্রথম এই সম্পাদক মহাশয়ই তাঁহার পত্রিকায় বাহির করিয়া বাহবা নিয়াছিলেন। যদি এইরূপ ব্যক্তির নিকট হটতে আমরা ঈদৃশ ব্যবহার প্রাপ্ত হই, তবে “বল্মা তারা দাঁড়াই কোথা !”

এই সংবাদটি পাইয়া আমি ক্রম ব্যথিত হইয়াছিলাম যে তাহা কি বলিব !

২য়—ঐ কলেজেরই আর একজন প্রফেসরও টাকা লইয়া বিবাহ করিয়াছেন মত। কিন্তু তিনি নাকি শ্বশুরের সঙ্গে একটা গোপন যুক্তি করিয়াছেন যে টাকাটা তিনি নিজে ক্রমে পরিশোধ করিবেন, আপাততঃ পিতার দাবী তিনি পূরণ করুন। ইহা দ্বারা তিনি উভয়কুল রক্ষা করিতে চেষ্টা পাইয়াছেন, এতন্তু আমরা আন্তরিক তাঁহাকে ধন্যবাদ দিতেছি, কিন্তু আশঙ্কা হইতেছে যে তাঁহার পিতা এই বিষয় যখন জানিতে পারিবেন তখন তিনি কি ভাবে ইহা গ্রহণ করিবেন, আর তখন পিতা পুত্র ইহা লইয়া কোন মনোমালিন্য ঘটবে কিনা?

৩য়—ময়মনসিংহের জমিদার প্রথিত নামা শ্রীযুক্ত গোপালদাস চৌধুরী এম, এ, মহাশয় সম্প্রতি তাঁহার একটা আত্মীয়ের বিবাহের জন্য একটি এম, এস, সি, পড়া পাত্র ঠিক করিয়া পাত্র পক্ষকে ২৫০০ টাকা অগ্রিম দেন। বিবাহের রাত্রিতে পাত্রপক্ষ শ্রীযুক্ত গোপাল দাস বাবুর কলিকাতার বাটীতে আসিয়া কোন তুচ্ছ অজুহাতে ঝরউঠাইয়া লইয়া যান। গোপালদাস বাবু নিরুপায় হইয়া সেই রাত্রেই কলিকাতা মেসে মেসে ঘুরিয়া বহুকষ্টে একজন পাত্র সংগ্রহ করিয়া কল্যাটিকে বিবাহ দিয়া জাতি

কুল রক্ষা করেন। বিষয়টি আদালত পর্যন্ত গড়াইয়াছে। এ ব্যাপার যেন আপোসে নিষ্পত্তি না হয়। ধর্ম্মাধিকরণে প্রকৃত মত্য নির্দ্ধারিত হউক এই আমাদের কামনা!

আমাদের সমাজের চরম শিক্ষিত গণের কার্যকলাপ হইতেই সমাজের আভ্যন্তরীণ অবস্থার পরিচয় পাওয়া যাইবে এবং এই স্নেহলতার মূহ্য জনিত বরপণ নিবারণ আন্দোলনে কতদূর সফল হইয়াছে তাহার প্রমাণ কতকটা পাওয়া যাইবে।

সমাজে কি মানুষ আছে যে এই সব কুমারী হত্যা দেখিয়া শিহরিয়া উঠিবে? নতুবা উচ্চ শিক্ষিত গণের মধ্যেও এইরূপ নীচতার নিদর্শন পাওয়া যাইত না। সমাজেরত এই অবস্থা! লাভের মধ্যে কতকগুলি বালিকা এই হুজুগের মধ্যে পড়িয়া নাম কিনিবার লোভে আত্মহত্যা করিয়া মরিতেছে। এতদুই অসদৃষ্টান্ত! এইরূপ উদ্দেশ্য লইয়া মহৎ কার্য্য করিলেও তাহাতে ক্ষুদ্রত্বের স্বার্থের কালিমা লিপ্ত হয়, ইহা বালিকাগণকে বুঝাইয়া দেওয়ার এই সময় এবং বালিকাগণেরও বুদ্ধিবান এই সময়!

বিভিন্ন সমাজের সমাজ পতিগণের কি চৈতন্য হইবে না? তাহারা স্ব স্ব সমাজের মধ্যে কি এই নূতন বিপদ নিবারণের কোন চেষ্টা করিবেন না? এবং বরপণের অত্যাচার কম করিতে উদ্যোগ করিবেন না? যদি তাহা না করেন, তাহা হইলে চাপরাশওয়াল উকীল, ডাক্তার, এম. এ, বি. এ, বি, এস, সি, প্রভৃতির অর্থ লিপ্সা আরও বৃদ্ধিই পাইতে থাকিবে, তাঁহারা প্রকাশ্যে বা গোপনে স্বীয় স্বীয় মনুষ্যত্ব বিসর্জন দিয়া অর্থ লাভের চেষ্টায় ফিরিবেন; আর অনর্থক এইরূপে কুমারীগণের আত্মহত্যা সমাজে ক্রমেই বাড়িয়া যাইবে। তাহার পরিণাম যে কি হইতে পারে তাহা চিন্তা করিলেও হৃৎ কম্প হয়। আর কুমারীগণকেও বলি যে, তাঁহারা হিন্দুর সম্মান, ইহা না ভুলিয়া ঐর্ষ্যে সাহসে বুক বাঁধিয়া সেই জীবন দাতা জগন্নাথকে মনে প্রাণে ডাকুন! তদন্ত জীবন অনলে বিসর্জন না দিয়া তাঁর চরণে অর্পণ করুন; তিনিই তাঁহাদের সুব্যবস্থা করিবেন!

শ্রীযত্ননাথ চক্রবর্তী।

হারাগো মাণিক।

—•—

ফিমেল ইস্কুলের বোর্ডিং এ বিভাগে এখন সকলেই ভালবাসে। এখানে তার স্নেহের ডাক নাম বিউটি এবং সকলে তারে এই নাম ধরিয়েই ডাকে। আমাদের বিশ্বাস, স্ত্রী সৌন্দর্য্য সমালোচনার পুরুষ জাতি এ পর্য্যন্ত যথেষ্ট অপকৃপাভিত্তির পরিচয় দিতে পারেন নাই। কারণ পুরুষ জাতির মধ্যে এমন অনেক লোক দেখা যায় যারা স্ত্রীলোক তো দূরের কথা পুথি পুস্তকে স্ত্রী প্রত্যয়ান্ত পদ পাইলে অতিরিক্ত প্রশংসার চোটে তার উপরেই লুটাইয়া পড়িতে চান। এহেন স্ত্রী জাতির মতামতের উপর বেশী আস্থা স্থাপন করা যায় না। কিন্তু স্ত্রী জাতির কথা আলাদা। যখন খাস মেয়ে মহলে স্ত্রীলোকের রূপের খ্যাতি রটে তখন সেস্থলে সৌন্দর্য্য টুকু নিরেট খাটি জিনিস বলিয়া মানিয়া লইতে বোধ হয় পাকা স্ত্রী বিবেচীরও কোন আপত্তি হইতে পারে না। এই নিরিখে ওজন করিলে বিভাগে সুন্দরী বলিয়া স্বীকার করিতে হইবে।

বিভা যখন প্রথম এই স্কুলে ভর্তি হইতে আসে, তখন তার বয়স—বছর চোদ্দ। সে আজ তিন বছরের কথা। একটা ছোকরা তাকে ভর্তি করিয়া দিবার জন্ত লইয়া আসিল। তাকে দেখিতে শুনিতে অনেকটা কলেজের ছোকরার মত, গায়ে টুইলের সার্ট, চোখে নিকেলের চশমা, গলায় চাদর নাই, মুখ খানা বেজায় ফ্যাকাশে; সে বিভাগে ইস্কুলে ভর্তি করিয়া তাকে বোর্ডিং এ রাখার সমুদয় বন্দোবস্ত করিয়া দিয়া গেল। ইস্কুলের 'এডমিশন' রেজিষ্টারে নাম লেখাইয়া দিল কুমারী বিভা, পিতার নাম বিভূতি ভূষণ রায়, ঠিকানা ২৪ নং বিপিন হালদারের বাড়ী। জরে পীড়িত থাকায় বিভূতি বাবু নিজে আসিতে পারেন নাই।

ইস্কুলের হেডমিস্ট্রেস ছোকরাটির কথা অনুসারেই বিভাগে ভর্তি করিয়া লইলেন। ইস্কুল ছুটির পর ঐ নূতন ছাত্রীটিকে বোর্ডিংএর লেডি সুপারিন্টেন্ডেন্টের নিকট হাজির করিয়া দিল। লেডি সুপারিন্টেন্ডেন্ট

ভারি চতুর মেয়ে; তিনিও একজন শিক্ষয়িত্রী। বিভাগের এডমিশন নেওয়ার সময়ে তিনি উপস্থিত ছিলেন। এবার বিভাগে নিজের হাতায় পাইয়া তাহাকে জেরা শুরু করিয়া দিলেন—“আচ্ছা যে ছোকরাটা তোমায় ভর্তি করে দিয়ে গেল, সে তোমার কে হয়?”

প্রশ্নটা শুনিয়া বিভাগের নেত্র পল্লব হইতে গলা পর্য্যন্ত শরী মুখ লাল হইয়া উঠিল। এত বেশী লাল হইল যে প্রশ্নটা না শুনিলে যে কেউ মনে করিতে পারিত বৃষ্টি বিভাগে এমন একটা অনুচিত প্রশ্ন করা হইয়াছে, যার উত্তর দেওয়া তার পক্ষে নিতান্ত লজ্জাকর!

বিভা মাটির দিকে চাহিয়া চাহিয়া অশেষে নিরুত্তর হইয়া থাকিল। কিন্তু চতুর লেডি সুপারিন্টেন্ডেন্ট ছাড়িবার পাত্রী নহেন। একটা অল্প বয়সের ছোকরার সহিত অবিবাহিতা কুমারীর এমন কি সম্পর্ক হইতে পারে, যা লাজের বাধা অতিক্রম না করিয়া প্রকাশ করা যায় না! বিভা এ প্রশ্নের কোন সহুত্তর দিতে পারিল না। এমন অবস্থায় মানুষের মনে নানারূপ অপ্রিয় কথা নানা গ্লানিকর সন্দেহ উদয় হওয়া কিছু মাত্র অস্বাভাবিক নয়। বোর্ডিংএর কর্ত্রীরও তাই হইল। তিনি বড়ের মত ছুটিয়া গিয়া কথাটা হেডমিস্ট্রেসের কানে তুলিলেন। একে মেয়ে রাজা, তাতে যুধিষ্ঠিরের অভিশাপ—সুতরাং দেখিতে দেখিতে কথাটা বোর্ডিংএর চারিদিকে আশুগের মত ছড়াইয়া পড়িল। এই কথা লইয়া বিভাগের সম্বন্ধে এমন একটা শিশী অশব্দ চারিদিকে বটুয়া গেল, যাহাতে বিভাগের বলিয়া কেন—বিদ্যালয়ের সম্পর্কিত যে কোনও ছাত্রীর সম্বন্ধে ওরূপ কোন কথা ওঠা বিদ্যালয়েরই কলঙ্ক।

অমনি হেডমিস্ট্রেসের খাস কামরায় কোর্ট মার্শেল বসিয়া গেল। বোর্ডিংএর কর্ত্রী পারেনত তখনি বিভাগে তার পোর্টমেন্টটা সঙ্গে দিয়া গলা ধাকা দিয়া একেবারে সদর রাস্তায় বাহির করিয়া দিয়া আসেন। বিভা আসামী সে পাথরের তৈরী পরিচীর মত শক্ত হইয়া দাড়াইয়া থাকিল, মুখে কথাটা নাই। মুখশ্রী সত্ত্ব ভূষণ পাত ক্ষিয় পদ্মের কুঁড়িটার মত গ্লান। সে মুখ দেখিয়া হেডমিস্ট্রেসের গুরু প্রাণে অস্তঃসলিলা রুদ্ধ মেহ সহসা

উচ্ছ্বসিত হইয়া তাঁর সমুদয় হৃদয় টুকু এক মধুর প্রাণে সরস করিয়া তুলিল। মানুষের হৃদয় যখন সরস হয়, তখন হৃৎস্পন্দনের বেদনায় সমুদয় চিত্ত ভরিয়া উঠিতে বিলম্ব হয় না, এবং সমুদয় বিশ্বজগৎ এক নূতন সৌন্দর্য্যে সমুজ্জল হইয়া উঠে। হেডমিস্ট্রেস খুব জোরের সহিত বলিলেন— “না, বিভা যাই হোক না কেন, সে যখন বিপদে পড়ে আমাদের আশ্রয় নিয়তে, তখন আমি একে ত্যাগ কন্তে পারিচি নে। অতীত খোয়া গেছে বলেই যে ওকে ভবিষ্যতে কিছু সঞ্চয় কন্তে দেওয়া হবেনা, এ কোন কাজের কথাই নয়।”

বিভা বড় শক্ত মেয়ে। তাড়নার চোটে সমুদয় বোডিংএ হুলস্থূল বাধিয়া গেল; তবু বিভার মৌনব্রত কিছুতেই ভঙ্গ হইল না। অবশেষে অনেক কথা কাটা কাটির পর স্থির হইল যে বিভার পিতাকে আসিবার জন্য চিঠি লিখিয়া দেওয়া হউক; তারপর তাঁর নিকট সব জানিয়া শুনিয়া পরে যা হয় একটা করা যাইবে, নচেৎ শুধু সন্দেহের উপর বিভাকে আশ্রয়চ্যুত করা সঙ্গত নয়।

বোডিংএর লেডি সুপারিন্টেন্ডেন্ট লোকটা মোটের উপর ভাল। কিন্তু তিনি বড় কড়া বিচারক। মানুষের কোনও প্রকার দুর্বলতাকে তিনি ক্ষমা করিতে জানিতেন না। বিচারকের হৃদয়ে যে জিনিসটা থাকিলে লোকের দণ্ড তিরস্কারও স্নেহ ও মঙ্গলে মণ্ডিত হইয়া উঠে, অপরাধী আপনি তার অপরাধ স্বীকার করিয়া সাক্ষ্যনেত্রে বিচারকের নিকট অপরাধের দণ্ড যাচিয়া লয়, অপরাধীর অপরাধ সবেও বিচারকের ক্ষমা স্তম্ভর চক্ষে যে করুণার অধিকারী হইয়া উঠে সেই জিনিষটার নাম করুণা। আমাদের লেডি সুপারিন্টেন্ডেন্ট মহাশয়ার হৃদয় ভাঙারে এই আশ্চর্য্য স্পর্শমণিটার অভাব ছিল। তাই তাঁর ইচ্ছার বিরুদ্ধেও বিভা বোডিংএ থাকিয়া গেল দেখিয়া তিনি বিভার উপর আন্তরিক চটিয়া গেলেন। বিভা যেন মানুষ নয়; কতকগুলি গুরুতর অমার্জনীয় অপরাধের সমষ্টি মাত্র—লেডি সুপারিন্টেন্ডেন্ট এই মনে করিয়া পদে পদে তাকে জর্জরিত করিবার চেষ্টা করিতে লাগিলেন। বোডিংএর ছাত্রীরা কখনো বিভার সঙ্গে মিশিত না। তার সঙ্গে দেখা হইলে সকলেই মুখ অন্ধকার করিয়া

সরিয়া পড়িত, সুবিধা যত ক্ষুদ্র ক্ষুদ্র বিষাক্ত বাক্য বাণে বিভার কোমল হৃদয় বিদ্ধ করিয়া দূর হইতে তার যাতনা দেখিয়া আমোদ বোধ করিত। ইহারা সকলে মিলিয়া লেডি সুপারিন্টেন্ডেন্টের নেতৃত্বে নির্দয় একদল সখের সেনা গঠিত করিল এবং তাদের এক মাত্র কর্তব্য হইল বিভার বোডিং স্থিত ক্ষুদ্র আশ্রয় টুকু তাহার নিকট হৃৎসহ করিয়া তোলা।

বিভা বড়ই লাজুক মেয়ে। তার সর্ব্বাঙ্গের অক্ষুট যৌবন মাধবী পত্রপল্লবের ছায়া ঢাকা স্বর্ণ বর্ণ ফুলের পাঁপড়ির মতই অত্যন্ত শিথিল ও ক্ষণভঙ্গুর! কিন্তু তার হৃদয়টা, সরু সোনার তারের মত, অত্যন্ত শক্ত ও ভারসহ। বাহিরে ঝড় যখন গাছ পালার ডাল ভাঙ্গে, পাতা ছিঁড়ে, তখনো যেমন ঘরের সাসি বন্দ করিয়া আলো জালিয়া কাজের মানুষ আপনার কাজটা নিপুনভাবে করিয়া যায়, তেমনি বিভাও চারিদিকের নির্দয় শ্রেণ ম্যানি হাসি ও টিটকারীর মধ্যে নীরবে আপনার কাজ টুকু সুসম্পন্ন করিয়া যাইত। স্নেহের অভাব যতই তার বুকে বাজিত, ততই সে আপনাকে কাজের ভিঁড়ের ভিতর নিমজ্জিত করিয়া রাখিত। সুতরাং অল্প কয়েক মাসের মধ্যেই বিভা ফিমেল ইন্সুলের মধ্যে সর্ব্বোৎকৃষ্ট ছাত্রী হইয়া উঠিল। লেখাপড়ায়, শিল্পে, সুকুমার কলা বিদ্যায়, গ্রহকর্ম্মে কিছুতেই আর কোন ছাত্রী বিভার সঙ্গে আঁটিয়া উঠিতে পারিত না।

এইভাবে কয়েক মাস কাটিয়া গেল। বিভার পিতার নিকট ইন্সুল হইতে যে চিঠি লেখা হইয়াছিল, তার কোনও জবাব আসিলনা। কিছু কাল অপেক্ষা করিয়া হেড মিস্ট্রেস আরেক খানা তাগিদ চিঠি পাঠাইলেন। আরও কয়েক মাস পার হইয়া গেল কিন্তু বিভার পিতাও আসিলেন না, চিঠিরও কোন জবাব আসিল না। এবার চিঠির মালীকের হাতে লেখা রসিদের জন্ত মানুষ দিয়া ইন্সুল হইতে বিভার পিতার নামে রেজেষ্ট্রী করা চিঠি গেল। কয়েক মাস পর কলিকাতা সহরের প্রায় সমুদয় গুলি পোষ্টাফিস প্রদক্ষিণ করার চিত্র স্বরূপ সন্ধ্যা মোহরাক্ষিপ্ত হইয়া শেষকালে ডেপুটি সের আফিস হইতে খামের একাংশ ছিন্ন হইয়া হেডমিস্ট্রেসের হাতে চিঠি

খানা ফেরত আসিল, তাতে পোষ্টাপিসের কৈফিয়ৎ লেখা ছিল, লিখিত ঠিকানায় বিভূতি ভূষণ রায় নামক কোনও লোকের উদ্দেশ্য পাওয়া গেলনা। অথচ আশ্চর্যের বিষয় এই যে ঐ নামে ঐ ঠিকানা হইতে বিভার নিকট মাসে মাসে রীতিমত মনিঅর্ডারে খরচ আসিতেছে।

রহস্য গাঢ় হইয়া উঠিল, আবার কোর্ট মার্শেল বসিল। বিভাকে আবারো অপরাধীর মত উপস্থিত করা হইল। মধু চক্রে লোষ্ট্র নিক্ষেপের ঞ্চায় বোর্ডিংএর ছাত্রীদের বাস গৃহগুলি আবার বিভার কথা লইয়া মুখরিত হইয়া উঠিল। কিন্তু এবারেও বিভার নিকট তার পিতা মাতার কিম্বা সে ছোকরাটির কোনও খবর পাওয়া গেল না। লেডি সুপারিনটেনডেন্ট তো চটিয়া লাল। বলিলেন ‘এ পাপটাকে এখনি ইস্কুল থেকে বিদায় করে দিয়ে আমাদের বিদ্যালয়টাকে কলঙ্ক মুক্ত করা হোক।’ আর এক জন শিক্ষয়িত্রী বলিলেন “এ রহস্যের তল যে কোথায়, তা তো কিছু ঠাহর করে উঠতে পারচি না!” আর এক জন বলিলেন—“পুলিশে খবর দাও? এসব রহস্য তারাই ভাঙতে জানে ভালো ইত্যাদি।

আবারও সুন্দর মুখের জয় হইল। বিচার অন্তে হেডমিস্ট্রেস ‘রায়’ দিলেন—এক মাসেই বিভা ইস্কুলের সর্বোৎকৃষ্ট ছাত্রী হইয়া উঠিয়াছে! তার স্বভাব চরিত্র যেরূপ মধুর তাতে তার সম্বন্ধে কোনও কলঙ্কের কথা আমরা মনেই আসে না। আমি বিভার ইস্কুলের মাইনে ফ্রি করিয়া দিলাম, তার বোর্ডিংএর খরচ আমি নিজে বহন করিব। বিভা নীবরে, নত শিরে আরক্ত মুখে বিচার ফল গ্রহণ করিল। মাসে মাসে বিভার খরচের টাকা মনি অর্ডার যোগে আসিয়া রীতিমত ইস্কুল হইতে ফেরত যাইতে লাগিল। এই ভাবে তিনটা বৎসর কাটিয়া গেল। বিভার স্বভাবের গুণে তাঁদের কলঙ্কের মত তার দোষের কথাটা এমন প্রায় সকলেই ভুলিয়া গিয়া তাকে ভাল বাসিতে আরম্ভ করিয়াছে। এমন কি, যে দিন বিভা ক্লাসে সর্বোচ্চস্থান অধিকার করিয়া মেট্রিকুলেশন ক্লাসে প্রমোশন পাইল সে দিন হইতে লেডি সুপারিনটেন্ডেন্টেরও বিভার সম্বন্ধে মতামতের আশ্চর্য্য পরিবর্তন দেখা গেল! এ জগতে মতামত এমনি হালকা জিনিষ বটে।

(২)

রিকাল বেলা এক পশলা বৃষ্টি হইয়া আকাশ পরিষ্কার হওয়ায় ইস্কুলের প্রাঙ্গন স্থিত সবুজ মাঠ খানি দিনান্তের স্নিগ্ধ আলোকে অত্যন্ত মনোরম হইয়া উঠিল। ইস্কুল ছুটি হওয়া মাত্র মেয়েরা দলে দলে ছুটিয়া আসিয়া সুন্দর মাঠ খানির উপর সজ্ঞ প্রস্ফুটিত নানা রঙ্গের ফুলের মত ছাইয়া ফেলিল। তাদের স্বচ্ছ আনন্দ ভরা হাস্য কাকলিতে মাঠ খানি মুখরিত হইয়া উঠিয়াছে যেন তার সবুজ বৃকের উপর দিয়া হাসির জোয়ার বহিতেছিল!

ইস্কুল ছুটির কিছুক্ষণ পর। বিভা একাকী ক্লাশ হইতে বাহির হইয়া মাঠ পার হইয়া বরাবর বোর্ডিংএর দিকে চলিয়া গেল। মাঠে যারা বেড়াইতে ছিল, তাদের পাশ কাটিয়া কারো পানে না চাহিয়া বিভাকে ত্রস্ত ভাবে চলিয়া যাইতে দেখিয়া মেয়েদের মধ্যে কেউ একটু মুচ্কে হাসিল, কেউ বা তার সঙ্গিনীর পানে চোখে ইসারা করিল। কিন্তু সেদিকে বিভার কিছুমাত্র লক্ষ্য ছিলনা!

বিভা তার কামরার ভিতরে গিয়া আর আর দিনের মত সেমিজ ও সারী বদল করিল না। আর আর দিনের মত আয়নার সমুখে দাঁড়াইয়া ভিজে তেয়ালে দিয়া মুখ চোখ ভাল করিয়া রগড়াইয়া মুছিয়া লইল না! আজ বিভার মুখ খানির স্পর্শ স্নুখে বঞ্চিত হইয়া অনাহত জোয়ালে খানা আলনার উপর নিস্তেজ ভাবে ঝুলিতে লাগিল। বিভা একটা চেয়ারের উপর বইগুলি কোন মতে ফেলিয়া দিয়া দাবানল বেষ্টিত বন ভূমি হইতে ভীত ত্রস্ত বনের হরিণী যেমন ভাবে বাহির হইয়া আসে, বিভাও তেমনি অস্থির ভাবে কামরা হইতে বাহির হইয়া বোর্ডিংএর দালানের বারান্দার উপর আসিয়া পড়িল!

বারান্দার বেলাং এর উপর ভর করিয়া সে শূন্য দৃষ্টিতে বাহিরের দিকে চাহিয়া থাকিল। তার মাথার ভিতরে রক্ত কিম্ব কিম্ব করিতেছিল। মুখের চেহারা মাটির মত বিবর্ণ! তার চোখের সমুখে, গাছ পালার সবুজ আকাশের ভিতর দিয়া অন্তগামী সূর্য্যের রক্তিম ছবিটা গলিত বৃহৎ পদ্মরাগ মণিটির মত দেখা যাইতে ছিল! কিন্তু সেদিকে তার চক্ষু ছিল না!

আজ কয়দিন রিভার হৃদয়ের ভিতরে একটা ভয়ানক বড় বহিতেছিল। বোর্ডিংএর লেডি সুপারিণ্টেন্ডেন্টের মাসতুতো ভাই বিভাকে বিবাহ করিতে চান। ছেলেটা ম্যাডিকেল কলেজে পড়ে।

লেডি সুপারিণ্টেন্ডেন্ট সুপারিসি করিয়া এ বিবাহে সকলেরই মত করাইয়া লইয়াছেন। হেডমিস্ট্রেস ঠিক এ প্রস্তাবটার অনুমোদন সূচক কোনও কথা স্পষ্ট করিয়া না বলিলেও, বিভার যে এখন বিবাহ করা দরকার, সে কথা স্বীকার করিয়াছেন! কিন্তু বিভা লেডি সুপারিণ্টেন্ডেন্ট মহাশয়ার নিকট আত্মীয়টার কবল হইতে উদ্ধার পাওয়ার জন্য অস্থির হইয়া উঠিয়াছিল অথচ সমুদয় ইস্কুল বোর্ডিং একদিকে আর সে একলা একদিকে। হয়তঃ সকলের মতের বিরুদ্ধে চলিলে এইবার তাকে ইস্কুল বোর্ডিং ছাড়িতে হইবে। এই সমুদয় আশঙ্কা ও সন্দেহে বিভার মন আজ কয়দিন ভারি অশান্ত হইয়া উঠিয়াছে।

এর মধ্যে বিভার কামরা হইতে তার পোর্টমেন্টের "তাল্লা ভাঙ্গিয়া এক আশ্চর্য্য চুরি হইয়া গিয়াছে। পোর্টমেন্টে তার ধোয়া সাড়ি গুলি সব সাজানো ছিল। সেমিজ গুলি ভাঁজ করা ছিল, একটা কাগজের বাক্সের ভিতরে তার হার ও কাণের ইহুদী মাকড়ী দুটো ছিল, সে সব কিছুই চুরি হয় নাই— তার বাক্স ভাঙ্গিয়া কেবল চুরি গিয়াছে—একখানা চিঠি! সে চিঠিতে একটা নাম ও একটা ঠিকানা ছিল, যা এতদিন বিভা নিজের বুকের ভিতরে, সকলের চোখের আড়াল করিয়া লুকাইয়া রাখিয়াছিল! এবং এই নাম ও ঠিকানাটা ঢাকিয়া রাখিতে গিয়া তাকে কত লাঞ্ছনা, কত গল্পনা, কত কলঙ্কের কথা শুনিতে হইয়াছে! সে চিঠির মধ্যে লেখকের দৈন্তের সহিত সংগ্রামের সক্রম ইতিহাস টুকু অশ্রু ভাষায় অতি সুন্দরিত করিয়া লেখা ছিল। কাজের বা অকাজের কোন কথা তাতে বেশী কিছু লেখা ছিল না! স্কুলে আগার পর বিভা ঐ এক মাত্র চিঠিই পাইয়াছিল। চিঠি খানা পড়া শেষ করিয়া অগ্নিতে আহুতি দিবার কথাটা চিঠিতে লেখা থাকিলেও বিভার অপরাধ—সে প্রাণ ধরিয়া তার প্রাণের জিনিষটা অগ্নির মুখে সমর্পণ করিতে

পারে নাই! বিভা কল্পনার চক্রে স্পষ্টই দেখিতে পাইল, তাকে যারা হিংসা করে, তারা তার চিঠি খানা হাতে পাইয়া কত হাসাহাসি করিতেছে—বলিতেছে—পত্য কেউ চিরদিন গোপন করিয়া রাখিতে পারেনা। এতদিনে সব গুপ্ত রহস্য প্রকাশ হইয়া পড়িয়াছে—

বিভা তন্দ্র ভাবে আকাশ পানে চাহিয়া ভাবিতেছিল; সহসা মুখের উপর একটা ভিজা নরম জিনিষের আঘাত পাইয়া চমকিয়া উঠিল। চাহিয়া দেখে, সমুখে যুধি দাঁড়াইয়া তার হাতে একটা পদ্যের নাল, তার ডগার উপরে একটা পদ্যের কলি, তাতে জলের কণা ওখনো লাগিয়া রহিয়াছে। যুধি মুখ টিপিয়া হাসিতেছিল। তাহার এই শীকর সিন্ধু কমলের স্নিগ্ধ স্পর্শেই বিভা ভাব-বিভোর চিন্তাজগত হইতে সচেতন বাস্তব জগতে জাগিয়া উঠিয়াছে।

যুধি লেডি সুপারিণ্টেন্ডেন্টের এবং বিভার ভাবী পতির আত্মীয়। যুধির আকস্মিক গুপ্তাগমনে বিভার বেশী একটা উৎসাহ দেখা গেল না। সে যুধিকে বলিবার মত একটা কথাও খুঁজিয়া পাইতেছিল না। কাজেই যুধিকেই কথা পাড়িতে হইল।

“ঠিক আধ ঘণ্টা হলো পাশে দাঁড়িয়ে আছি, সে দিকে একেবারে হাঁসই নেই দেখ চি! এতক্ষণ কোথায় ছিলে বিভা!” বিভা একটু ব্যঙ্গস্থলে বলিল:— “দেখতেই পাচ্চতো বোর্ডিংএর বারান্দায় রেলিং ধরে আগা গোড়া দাঁড়িয়ে আছি!” যুধি বলিল:— “কোকামো করো না ভাই! আমি তো দেহটার খবর জিজ্ঞাসা করিনি, মনটা কোথায় ছিল এতক্ষণ, তাই জিজ্ঞেস করচি; মুখ গুঁজে কি ভাবছিলে?”

বিভা মুখখানা আরো একটু ভার করিয়া বলিল:— “ভাবচি নিজের ভূত, ভবিষ্যৎ, বর্তমান! ভাবনার কি আমার কুল কিনারা আছে ভাই!”

যুধি বলিল— “ফের চালাকি! বসন্তের হাওয়া গায়ে লেগেছে—তুমি নিশ্চয় বিয়ের কথা ভাবচিলে—না ভাই?” বিভা যেন একটু আহত হইয়া উত্তর করিল— “সেটাও একটা মস্ত ভাবনার কথা বটে! যুধি হাসিয়া বলিল:— তা তোমার ভাবনার উপর টেকস বসাতে আসিনি আমি। কিন্তু আমার কথাটা হচ্ছে এই যে, এখন

যদি সোনার কাঠি ছুঁইয়ে তোমার ঘুম ভাঙাতে হয়, তবে তোমার বিয়ে হয়ে গেলে আমাদের কি উপায় হবে !”

বিভা এবার এক পশলা মধুর হাসিয়া বলিল—“আমিও তাই ভাবচিলাম যুধি ! এর একটা উপায় না করে, বিয়ে করাটা আমার পক্ষে ঠিক হবে না !”

যুধি বিভাকে একটা ঠেলা দিয়া বলিলঃ— “তামাসা রাখ, যাও—

বিভা তার নীল ছলনা হীন চোখের দৃষ্টি যুধিকার উজ্জল চোখের উপর স্থির করিয়া দৃঢ়স্বরে বলিলঃ— “চালাকি নয়, যুধি ; আমি ভেবে চিন্তে স্থির করেছি বিবাহে আমার রাজি হওয়া অসম্ভব !”

বিভার সে ছলনাহীন সরল চোখের দৃষ্টি দেখিয়া তার কথার এক রতিও অধিগ্রহণ করা যায় না। যুধিকা বলিল “বল কি বিভা ! কথা বার্তা সব এক রকম ঠিক ঠাক। হেডমিস্ট্রেস শুদ্ধ মত করেচেন, এতেও তোমার মনের ধটকা যাচ্ছে না—আশ্চর্য্য !

বিভা চুপ করিয়া থাকিল। তার অনিন্দ্য সুন্দর মুখ কাস্তি তীব্র বেদনার অমুভূতি মাখা ! কিন্তু যুধি বর পক্ষের ঘটকালি করিতে আসিয়াছিল। সেদিকে কোনও ভাবনা পাইয়া সে বিলম্ব চটিয়া উঠিতে ছিল। সে চটা সুরেই বলিল—“ছি বিভা ! এখনো ছরাশা কাটে নি, তোমার পাপের প্রলোভন এখনো দমন কন্তে শেখো নি ! আর কি তোমার বিবাহের আশা আছে ! তোমার চিঠির কথা যে সকলের জানাজানি হয়ে গেছে !”

কথা শুনিয়া বিভার মুখ ধানি প্রভাতের চাঁদটির মত সাদা হইয়া গেল। চিঠি চুরির রহস্যটা এতরূপে বিভা বেশ মর্মে মর্মে অমুদ্বব করিতে পারিল।

(৩)

কলিকাতা সহরে একটা অন্ধকার গলির ভিতরে একটা স্মৃত স্মৃতে দালানের নীচের তালার কামরায় পঞ্চজ একটা ভঙ্গা তক্তপোষের উপর একখানা ছেঁড়া মাদুর ফেলিয়া বসিয়াছিল ; তক্তপোষের উপর স্তপীকৃত লেখা অর্ধলুপা খাতা পত্র বই পুস্তকের রাশি। তাতেই তক্তপোষ খানার বেশীর ভাগ জুড়িয়া রাখিয়াছে। পঞ্চজের সমুখে একখানা খাতা খোলা পড়িয়া আছে।

কোলের উপর পুরাণো এস্রাজী টানিয়া লইয়া সে বাজাইতে ছিল :—

হৃদয় বেদনা বহিয়া

প্রভু এসেছি তা ধারে।

তুমি অন্তর্যামী, হৃদয় স্বামী

সকলি জানিছ হে !

ভাবের পাগল মানুষটিরই মত এস্রাজীর হৃদয় হঠতে একটা অশ্রুজল গঠিত বেদনার ছন্দ সুখের স্মৃতির সহিত সক্রমভাবে জড়িত হইয়া গৃহের ভিতর যেন উল্লাস হইয়া ফিরিতেছিল। নিদাঘের তীব্র জ্বালায় মধ্যাহ্ন নীরব—খোলা জানালা দিয়া ড়েণের গন্ধ লইয়া ক্লাস্তিকর গরম বাতাস ঘরের ভিতর আসিতেছিল। হৃদয়ের সুরের সহিত এস্রাজের কোমল রাগিনীটি এখনই মিলিয়া যাইতেছিল, তখনই পঞ্চজের মুদ্রিত চক্ষে সাদ্রপল্লবের উপর অশ্রুর কণা গুলি পুতির মালার মত ছলছল করিয়া উঠিতেছিল।

পঞ্চজের দেহ নড়িতে ছিল না। গানের সুরে তার হৃদয় ধানি নির্ম্মল সূর্য্য করোজ্জ্বল সুরভি প্রাস্তরের সবুজ ঢেউ এর উপর দিয়া যেন কোন এক ছায়া ঘন পল্লব নিবিড় পল্লীকুঞ্জের নিভৃত গৃহ পানে ভাসাইয়া লইয়া যাইতেছিল ! তার চোখের সমুখে ভাসিতেছিল—একখানি শাস্ত্র কুটীর, চারি ধারে নাল বনে ঘেরা নীল বনের মাঝে মাঝে কত রঙ্গের বনফুল হাসির মত ছড়াইয়া গেছে ! অঙ্গনে স্বর্ণ শস্ত্রের রাশি, কুটীর সোপানে কমলার স্বর্ণ পদ চিত্র রচিত ! সেখানে একটা তরুণ প্রাণ, পাশে একটা মাত্র তরুণ সঙ্গিনী—দুটি তরুণ হৃদয়ের নিত্যনয় মঙ্গলাকুষ্ঠানে প্রতিদিনের কর্ম্ম চেষ্টা, বিচিত্র সংসার যাত্রা, প্রফুল্ল জীবন লীলা সুন্দর তর হইয়া উঠিতেছে। দূর বনাস্তরাল হইতে গিরি নিব্বরিণীর তন্ত্রা মাখা কুলু কুলু ধ্বনির সহিত রাখালের বাণীর গান সুরভি বাতাসে ভাসিয়া আসিয়া কর্ম্মের রাগিনীতে বিশ্বাসের স্মৃতি মিলাইয়া দিতেছে !

আজ কোথায় সে প্রতিদিনের কর্ম্ম-চেষ্টা-সমুজ্জল সুন্দর সংসার, কোথায় সে গৃহ, কোথায় সে নবজীবনের তরুণ সঙ্গিনীটি ! সে মধুর স্বপ্নের সকলি নিঃশেষ হইয়া গিয়াছে কিন্তু সে স্বপ্ন স্বপ্নের স্মৃতি এখন হৃৎকের মূর্তি

ধরিয়া পিছে পিছে ফিরিতেছে ! তাই, পঞ্চজ নিরবচ্ছিন্ন দৈন্তের মাঝে খানে বীণাশাণির পদ্মাসন প্রতিষ্ঠিত করিয়া তার প্রতিদিনের অশ্রুমালা বাণীর চরণে বাঁধিয়া দিয়া সুখী হয় । তরুলতা ঘেরা ফল ফুলময় সুন্দর পৃথিবীর সহিত তার অন্তরের যোগসূত্রটি যেন ছিঁড়িয়া গিয়াছে ; পৃথিবীর নর নারীর বিচিত্র সুখ দুঃখের সঙ্গে যেন এখন তার প্রাণের সম্পর্কটিও যুচিয়া গিয়াছে ; এমনি করিয়া নিঃসঙ্গ পঞ্চজের দীর্ঘ দিন গুলি যেন কাটিতে চায় না ! পঞ্চজ নিত্য নূতন স্বপ্ন চয়ন করিয়া অক্লান্ত অধ্যবসায়ের সহিত বাণীর চরণে কণকাকলি দিয়া আসিতেছে । কিন্তু এ পর্য্যন্ত তার সাধনা সফল হইয়াছে—একথা বলা যায় না সাময়িক পত্রে প্রেরিত প্রবন্ধ ও কবিতা গুলি সম্পাদকেরা এ পর্য্যন্ত তাতে রীতি মত ফেরত দিয়া আসিতেছিলেন । দৈনিকে প্রেরিত প্রবন্ধ গুলি যদিও ফেরত আসিত না কিন্তু তার অধিকাংশই মৃদীর বেসাতির মোড়করূপে গৃহে গৃহে রপ্তানি হইল ! এত লাঞ্ছনা সত্ত্বেও সে বাণীর চরণাশ্রিত সুখ দুঃখের নিলয়টি পরিত্যাগ করে নাই ; কারণ মা বীণাশাণির নিকট ছাড়া কাঁদিয়া এমন সুখ আর কোথাও সে পায় নাই । কবিরা কাঁদিয়া শান্তি লাভ করিবার আশায় অনেক সময় বাণীর পুঞ্জরী হইয়া থাকেন, অর্থ বা যশোলাভের জন্ত নহে !

আজ কয়েক দিন হইল কলিকাতার কোনও বিখ্যাত পুস্তক প্রকাশকের নিকট পঞ্চজ তার নূতন গীতিনাট খানা পাঠাইয়া দিয়াছে, প্রকাশকের নিকট হইতে সে সম্বন্ধে কোনো জবাব না পাওয়ায় তার ভাগ্যে নূতন নহে ! আজ সে আরেক খানা নূতন ছন্দের নাটিকায় হাত দিয়াছিল । কিন্তু আজ কিছুতেই আকাশ হইতে তার উষ্ণ কল্পনা পাখীটিকে ফিরাইয়া আনিতে পারিতেছিল না । পাখী আজ সূর্য নীহারিকা পুঞ্জের কাছেই ঘুরিয়া মরিতেছিল, সে আর লেখনী মুখে পুষ্পবৃষ্টি করিতেছিল না । মনটা একেবারেই কাছে বসিতেছিল না । তাই কোলের উপর পুরাণো এশ্রাজী টানিয়া লইয়া পঞ্চজ “হৃদয় বেদনা বহিয়া, প্রভু, এসেছি তব ঘরে” বারে বারে এই গানটি বাজাইতেছিল, এমন সময় খোলা জানালা দিয়া বাহির হইতে ডাক পিয়ন ডাকিল

“বাবু চিঠি !” পঞ্চজ তাড়াতাড়ি এশ্রাজী ফেলিয়া উঠিতে না উঠিতে ডাক পিয়ন জানালার গরাদের ভিতর দিয়া দুখানি চিঠি ফেলিয়া দিয়া চলিয়া গেল !

পঞ্চজ তাড়াতাড়ি চিঠি দুখানি তুলিয়া লইল । এক খানি মুদ্রিত বিজ্ঞাপন-পৃষ্ঠ, আর এক খানা সাদা । মুদ্রিত খামের ভিতর ছিল—পুস্তক প্রকাশকের চিঠি, আর একখানা পাঁচশো টাকার চেক ! পুস্তক প্রকাশক লিখিয়াছেন, আপনার গীতিনাট খানা বিজ্ঞান সমাজে আদৃত হইয়াছে । ওপেলা বঙ্গমঞ্চের সহাধিকারী গীতিনাট খানা এক হাজার টাকায় ক্রয় করিয়াছেন । পাঁচশো টাকার চেক পাঠান গেল । পুস্তকের মুদ্রাঙ্কণ কার্য শেষ হইলে বাকি টাকা পাঠান যাইবে ।”

আর সাদাখামের ভিতরে ছিল একখানা মেয়েলি হাতে লেখা চিঠি ; হাতের লেখাটা তেমন পরিচিত নয় ! কিন্তু স্বাক্ষর কাঁদিনী—বিভা । বিভা লিখিয়াছে—

“বিভার কথা মনে পড়ে তো ? তোমার মনে পড়ুক আর না পড়ুক তোমাকে মনে কড়াইয়া দিবার অধিকার বিভার আছে ! আমি কি চিরকাল স্মৃতি লইয়াই কাটা-ইব ? ব্যর্থ জীবনের গোঝা লইয়া আমি দিন দিন বড় ক্লান্ত হইয়া পড়িতেছি এ সময়ে একবার আমাকে খোঁজ করা তোমার উচিত । যা ভাল মনে কর, করিও—
স্নেহের বিভা !”

বিভার কীর্ণ, মিনতি পূর্ণ আকুল কণ্ঠ স্বর যেন বিশ্ব-জগতের একমাত্র আর্ন্তরোদন ধ্বনির মত পঞ্চজের কাছে বারংবার বাজিতে লাগিল ।

(৪)

বোর্ডিংএর প্রাঙ্গনস্থিত একটা রুক্ষ চূড়া গাছের বিরল পত্র শাখার ফাঁকের ভিতর দিয়া শুক্রা অষ্টমীর রূপালি চাঁদ ঝমঝম করিতেছিল । বিভা তার কামরার ভিতরে একখানা চেয়ারে একলাটি বসিয়াছিল । টেবিলের উপর একটা উজ্জল কেরোসিনের ল্যম্প জ্বলিতেছিল । সন্ধ্যার স্নিগ্ধ বাতাসে প্রাঙ্গনস্থিত গাছ গুলির পত্র পল্লব গুলি মর্শ্বারিত হইতেছিল । চারিদিক নিস্তব্ধ ।

সহসা গৃহের কপাট নড়িয়া উঠিল । বিভা চমকিয়া উঠিয়া সেই দিকে চাহিয়া দেখে—একজন নিঃশব্দ

পদে তার কামরার ভিতরে প্রবেশ করিয়াছে। তাহার গা একখানা সাদা চাদরে আগা গোড়া ঢাকা, গায়ের চাদর খুলিয়া ফেলিয়া যখন সে বিতার দিকে আরো একটু অগ্রসর হইল, তখন বিতা। পুলক রোমাঞ্চিত দেখে বিশ্বয় বিস্ফারিত নেত্রে চাহিয়া দেখে—পঙ্কজ! দেহ কাস্তি মলিন, মুখের লাবণ্য টুকু শুষ্ক কেবল অধীরায়ত সুন্দর চোখ দুটিতে সেই তরুণ যৌবনের ঔজ্জ্বল্য মাধা! শুধু সেই চোখ দুটি দেখিয়াই সে পুরাণো মানুষটিকে চিনিয়া লওয়া যায়!

বিতার বক্ষঃস্থল আনন্দের আবেগে স্পন্দিত হইয়া উঠিল। বস্তুর উপরে সেফ্টি পিন দিয়ে আটা নীলাভ সাদীর আঁচল খানা সে স্পন্দন বেগে দ্রুত তালে নাচিয়া উঠিল। বিতা পঙ্কজ দুজনেই প্রথম কোন কথাই বলিতে পারিল না! তারপর অপ্রত্যাশিত মিলনের প্রথম উচ্ছ্বাসটা ধামিয়া গেলে পর বিতা মধুর কণ্ঠে জিজ্ঞাসা করিল :—

“অমন বেধবরি যে! তুমি তো বলেছিলে, তুমি আগে আমার খবর না দিয়ে আমার সঙ্গে দেখা কতে আসবে না!” পঙ্কজ একটু হাসিয়া বলিল, “আর লজ্জা দিয়ে কাজ কি বিতা, তুমি তো জান সব।”

বিতা যেন সহসা নক্ষত্র-লোক হইতে তারাটির মত ঝরিয়া পড়িল, এমনি ভাবে, আশ্চর্যান্বিত হইয়া বলিল :—

“আমি সব জানি, বলচো কি তুমি—আমি তো কথা বুঝে উঠতে পাচ্ছি না!”

পঙ্কজ পরম স্নেহ ভরে বিতার শুভ্র মৃণালের মত কোমল হাত দুখানি নিজের হাতের উপর তুলিয়া লইয়া বলিল :—

“আজকে আমার আসবার সময় হয়েছে বিতা। এতদিন পর দয়াময় আমাদের পানে মুখ তুলে চাইলেন। তবু তোমার আগে খবর দিয়ে ছি এক দিন সবুর করে আসতুম। কিন্তু আচ্ছ তোমার চিঠি পেয়ে আর আমার দেবী সইল না!” বিতা পঙ্কজের মুখের দিকে অবাক হইয়া চাহিয়া বলিল :—“আমি তোমার আসতে লিখেছি? চিঠি লিখিতে তোমার মানা, তবু তোমার আসতে লিখেছি! না তোমার ভুল হয়েছে!”

পঙ্কজ বলিল—“তুমি লেখনি?”

বিতা দৃঢ় কণ্ঠে বলিল—“কখনো না!”

পঙ্কজ ধীরে ধীরে বিতার হাত দুখানি ছাড়িয়া দিয়া পকেট হইতে এক খানা চিঠি বাহির করিয়া বিতার হাতে দিল। বিতা আলোর কাছে গিয়া চিঠি খানা পড়িয়া লাল হইয়া উঠিল। একটু চুপ করিয়া থাকিয়া বলিল, “এ যে সুবমার হাতের লেখা, সে আমার নাম জাল করেছে!”

পঙ্কজ একটু হাসিয়া চলিয়া যাইবার উপক্রম করিয়া বলিল, “তুমি আসতে লেখনি, আজ তবে আসি?—”

বিতা ছুটিয়া আসিয়া পঙ্কজের হাত জড়াইয়া ধরিল। বলিল, “না আমার অমন করে ফেলে যেয়ো না; তুমি আমায় এখান থেকে নিয়ে চল!”

ঠিক সেই সময় লেডি সুপারিংটোন ডেন্ট, হেড মিশ ট্রেস ও সুবমা একজন পুলিশ ইন্স্পেক্টার এবং একজন সবইনস্পেক্টার সঙ্গে লইয়া ঝড়ের মত ঘরের ভিতরে প্রবেশ করিলেন।

সবইনস্পেক্টার নেকড়ে বাঘের মত ছুটিয়া আসিয়া ধপ্ করিয়া পঙ্কজের হাত খানা ধরিয়া ফেলিলেন। বিতার সুন্দর কপোলতল তখন লজ্জায় অপমানে রক্তা দোপাটীফুলের মত লাল হইয়া উঠিয়াছে। ছোট ছোট চুলের গোছা গুলি কালো কালো ভুজঙ্গ শিশুর মত তার রক্তা কপোলের উপর ছলিয়া পড়িয়াছে!

বাধিনীর মত তেজের সহিত বিতা সবইনস্পেক্টার বাবুর দিকে অগ্রসর হইয়া বলিয়া উঠিল :—

“ইনি চোরও না বা ডাকাডও না, কোন কু মতলবেও এখানে আসেন নি! আপনারা একে অমন করে অপমান করবেন না।”

সুবমা আর চুপ করিয়া থাকিতে পারিল না, সে ঠাট্টার সুরে বলিল—“ছি! তা হবে কেন! ভুজ লোকটা নিশ্চয় দুপুর রাতে গঙ্গানানে যাচ্ছিলেন, পথ ভুলে এখানে এসে পড়েছেন!”

পঙ্কজ নতশিরে আরক্ত মুখে মাটির পানে চাহিয়া থাকিল।

ইনস্পেক্টার বাবু গম্ভীরভাবে একটা চেয়ারের উপর বসিয়া তাহার চোখের চশমাটা খসাইয়া ঘন ঘন নস্ত টানিতে লাগিলেন। তিনি এ পর্যন্ত কোনও কথা বলেন নাই, তাই বিতা একেবারে তাঁকে লক্ষ্যই করেন নাই।

লেডি সুপারিণটেনডেন্ট হেড মিশট্রেসের দিকে চাহিয়া ব্যঙ্গচ্ছলে বলিলেন—“কেমন, আপনি নিজের চোখ দুটোকে এখন সম্পূর্ণ বিশ্বাস কতে পাচ্ছেন তো?”

হেড মিশট্রেস গভীরভাবে দাঁড়াইয়া থাকিলেন, কোন উত্তর করিলেন না।

লেডি সুপারিণটেনডেন্ট বিভার দিকে ফিরিয়া ঘৃণার সহিত বলিলেন—“বিভা, কেলেঙ্কারীর আর জায়গা ছিল না তোমার! বাজারে দড়ি কলসীও তো ঢের ছিল!”

বিভার আহত বক্ষঃস্থল বাত্যাবিকোভিত সাগরের মত ক্রোধে অপমানে ফুলিয়া উঠিল। সে বলিল—

“স্বামী স্ত্রীর সঙ্গে দেখা কতে এলে যে কেলেঙ্কারী হয়, সেটা তো বুঝতে পাচ্ছি না। তারপর তিনিও স্বেচ্ছায় আসেন নাই, চক্রান্ত করেই তাকে এখানে উপস্থিত করা হয়েছে দেখছি।”

বিভা ঐ কটা কথা বলিতে বলিতে কাঁদিয়া ফেলিল। তার পাণ্ডুর মুখের শোভা টুকু অশ্রুর মুক্তামালায় সাজিয়া উঠিয়া যেন আরো মধুর হইয়া উঠিল। নীল চোখের মণি দুটা অশ্রু বাষ্পের ভিতরে দুটা শিশির লগ্ন নীল পদ্মের মত শোভায় ঢল ঢল করিতে লাগিল।

ইনস্পেক্টার বাবু যে চেয়ারটার বসিয়াছিলেন সেটা এবার একটু বেশী খচমচু করিয়া উঠিল। তিনি এবার বেশী করিয়া এক টিপ নশু টানিয়া ক্রমাগতঃ হাঁচিতে লাগিলেন।

বিভার কথা শুনিয়া হেড মিশট্রেস নববিশ্বয়ের সহিত তার দিকে তাকাইয়া বলিলেন—

“বিভা! কার স্বামীর কথা বলচো? তুমি তো অবিবাহিতা।”

বিভা একটু মাথা নীচু করিয়া পঙ্কজের পানে আঙ্গুল দিয়া দেখাইয়া বলিল—“না, আমি এঁর বিবাহিতা স্ত্রী!”

হেড মিশট্রেস আবারো জেরার ভাবে জিজ্ঞাসা করিলেন—“তবে এতদিন এ কথা ছাপিয়ে রেখেছিলে কেন?”

বিভা বলিল, সে অনেক কথা। মোটা মুটি কথাটা এই, আমার স্বামী সর্বদা সাহিত্যচিন্তার নিরন্ত থাকেন। এদিকে আমার খণ্ডর তাঁকে চাকুরী করিয়া সংসার পরিচালনার পথ করিতে আদেশ করেন। সাহিত্যাহুরাগী

আমার স্বামী পিতৃ আদেশ কর্ণপাত না করার আমার খণ্ডর মহাশয় তাহাকে কটু বাক্যে শাসন করেন। ফলে অভিমানী স্বামী আমার নিয়ে বেড়িয়ে পড়লেন। আমাদের যে তখন মাথা রাখবার স্থান ছিল না, তিনি তাও চিন্তা কতে অবসর পান নাই। শেষে তিনি আমার স্থলে ভর্তি করে দিয়ে সাহিত্য চর্চা করে নিজে বা রোজকার কতেন তাই আমাকে মণিঅর্ডার করে পাঠাতেন।”

হেড মিশট্রেস বলিলেন—“বিভূতিভূষণ তবে তোমার কে?” বিভা আর কোন কথা বলিল না।

লেডি সুপারিণটেনডেন্ট বলিলেন :— তবে আজকে এ হেয়ালী ভান্ডার সহসা কি আবশ্যক হলো?

এবার প্রশ্নের উত্তর দিল পঙ্কজ—

“বিভাকে আর এখানে গোপন করে রাখবার তত আবশ্যক নেই। যা সরস্বতী এখন যা কিছু দিচ্ছেন, তাতেই এখন আমাদের স্ত্রী পুরুষের একরকমে চলতে হবে!”

লেডি সুপারিণটেনডেন্টের নিজের কুটুম্বের সহিত বিভার সম্বন্ধ এমত অবস্থায় আর টিকে না বিবেচনা করিয়া কিছুকণ চুপ করিয়া থাকিয়া পরে পঙ্কজের পানে চাহিয়া তিনি বলিলেন :—আপনার নাম কি মহাশয়?”

“পঙ্কজ বিহারী মিত্র।”

পঙ্কজ বিহারী মিত্র যে একজন সুলেখক ও কবি একথা লেডি সুপারিণটেনডেন্ট জানিতে পারিয়াছিলেন। এমন কি এই মাত্র “আরাধনা” মাসিক কাগজে তিনি পঙ্কজবিহারী মিত্রের লেখা একটা প্রবন্ধের তারি তারিপ করিতেছিলেন। তিনি নীরবে চিন্তা করিতে লাগিলেন। তারপর আশ্বে আশ্বে বলিলেন—

“এ ব্যাপার যে আপাগোড়া সাজানো খাঁটি মিছে কথা নয়, তার প্রমাণ কি?”

এইবার বেতের চেয়ার হইতে প্রৌঢ় পুলিশ ইনস্পেক্টার বাবু উঠিয়া দাঁড়াইলেন। বিভা এতক্ষণ তাঁর প্রতি লক্ষ্যই করে নাই। এবার তাঁকে ভাল করিয়া দেখিয়া লজ্জা নন্দমুখী হইয়া সরিয়া দাঁড়াইল। তাঁর সম্মুখে পঙ্কজের মাথা মাটির দিকে আরো বেশী হেঁট হইয়া পড়িল। ইনস্পেক্টার বাবু বাষ্পাকুল মেত্রে অশ্রুতরা কণ্ঠে ডাকিলেন, “বিভা!” বিভা কাছে আসিয়া দাঁড়াইল। তার পর

পঙ্কজের দিকে মুখ কিরাইয়া বলিলেনঃ— এদিকে এসো পঙ্কজ। পঙ্কজও আজ সুবোধ শিশুটির মত তার কাছে ভিড়িয়া দাঁড়াইল।

তিনি ছুজনার মাথায় দুই হাত রাখিয়া সজল নেত্রে লেডি সুপারিণটেনডেন্টের দিকে চাহিয়া বলিলেনঃ—

“এরা যা বলেচে এ সব আগাগোড়া সত্য কথা, আমি হলপ করে বলতে পারি।”

লেডি সুপারিণটেনডেন্ট তবু উদ্ধত ভেরার সুরে প্রশ্ন করিলেন—“আপনি তা জানেন কি করে?”

ইনস্পেক্টার বলিলেনঃ—“এরা . আমারি হারাণো মানিক, পুত্র ও পুত্রবধু।”

শ্রীসুরেশচন্দ্র সিংহ।

প্রেম।

গানটা তোমার ছড়িয়ে গিয়ে
একটা উদাস বাতাসে,

আমার নিজস্ব কুটির পাশে
বইল মধুর আশ্বাসে।

ভগ্ন বীণায় আজকে আবার
বাঁধবো মূহু সুরটা তোমার ;
তোমার গানে বাজবে বীণা
উঠবে উর্ক আকাশে।

গানটা তোমার ছড়িয়ে গেল
একটা উদাস বাতাসে

তোমার বাঁশী বাজবে যখন
মধুর সন্ধ্যা সকালে,
আমি তখন ধরবো সে সুর,
হাসবো তোমার হারালে ;

তোমার সাথে পারবো কি না,
নাইকো আমার নাইকো জানা ;
নয়নু বেয়ে পড়বে ধারা

এ সুর তোমার মাতালে।

তোমার বাঁশী বাজবে যখন
মধুর সন্ধ্যা সকালে।

শ্রীসুধেন্দুমোহন ঘোষ।

মনসা ভাসান।

(চন্দ্রাবতীর গীত অবলম্বনে লিখিত)

শ্রাবণ মাস আসিলেই মনে পড়ে, সেই হতভাগিনী, সেই জন্ম ছুঃখিনী বেহলার কথা। চারিদিকে জলদকুন্তলা হান্তময়ী প্রকৃতির শ্রামচ্ছবি, উপরে জলদভালজড়িত আকাশ, দূরে শ্রামল বনরাজি, শিরোভাগে ধূম-কিরীট শোভা গিরিশঙ্করের অপূর্ব শোভা, নীচে স্বর্ণচূড় শস্ত ক্ষেত্র সকল ফলভরে অবনত। এই সময় বাঙ্গালার গৃহে গৃহে নবায়, দিকে দিকে আশার গান, চারিদিকে বিমলানন্দ। তারই মধ্যে কে যেন কোথা হইতে অলঙ্কিতে থাকিয়া আপন করুণ বীণাটী, রহিয়া রহিয়া বাজাইয়া দিতেছে। তাহার সেই মর্মস্পর্শী প্রতি করুণ স্বরভরে, মনে পড়ে সেই হতভাগিনী, সেই চিরছুঃখিনী বেহলার কথা। যখন দিগন্তে মেঘের গুড়ু গুড়ু ধ্বনিতে শৈশবের জীর্ণ পুরাতন স্মৃতি একটা একটা করিয়া মনের ভিতর আগাইয়া দেয়, সেই সঙ্গে মনে পড়ে ছুঃখিনী বেহলার কথা। শ্রাবণের রৌদ্র স্নাত নদীতে যখন বাইকগণ সাজের নৌকা সারি দিয়া বাহিয়া যায়, যখন তাহাদের সেই,
“কালনাগ মাজসে গেল লখাইরে দংশিয়া,
সায়রে ভাসিল বেহলা পতি কোলে লইয়া।”

প্রভৃতি অশ্রুজলে গাথা সরল ভাটিয়াল সঙ্গীতগুলি কানের ভিতর দিয়া মর্মস্থলে আঘাত করে, তখন মনে পড়ে, হায় এই শ্রাবণ মাসেই না, এইরূপ তরল বিক্ষুব্ধ নদীর উপর দিয়াই না, একদিন হতভাগিনী মৃত পতি বুকে করিয়া উদ্গাদিনী বেশে কোথায় কোন্ অজানিত দেশে ছুটিয়া গিয়াছিল। সেই অনির্কটমীর শোক গাথা আজও আমাদের কর্ণে চিরপুরাতন অধচ নিত্য নূতন রূপে ধ্বনিত হইতেছে। যন্ত্র সেই মহাকবিগণ, বাঁহারা সেই অমর সঙ্গীত গান করিয়াছিলেন। এই বিশ্ব-ভগতের কত ঘটনা, কত প্রবাহ পুরাতন হইয়া বিশ্বস্তির অতল গর্ভে লয় পাইতেছে, কিন্তু বেহলার স্মৃতি চির নূতন।

বাস্তবিক বাঙ্গালীর পক্ষে, বিশেষতঃ ময়মনসিংহ বাসীর পক্ষে শ্রাবণ একটা স্মরণীয় মাস। স্মৃতি ছুঃখে গড়া এমন মাস বুঝি আর নাই। হর্ষ বিবাদের

এমন উজ্জল রেখাপাত আর কোন মাসের উপরই দেখা যায় না। হাসি ও অশ্রুতে গড়া শ্রাবণ মাস ময়মনসিংহবাসীর বড় আদরের, এই সময় ময়মনসিংহের সার্কজনীন চর্গোৎসব বা মহাশক্তির অংশ রূপিনী নাগ মাতা বিবহরীর অর্চনা হইয়া থাকে। কুললনাগণ শ্রাবণী পঞ্চমীতে ষট্ স্থাপন করিয়া, সারা মাস নিত্য সন্ধ্যাকালে যত্নে ধূপ ধূনা জালিয়া, হলুধ্বনিতে আকাশ প্লাবিত করিয়া নিজ নিজ আবাসে নাগমাতার অধিষ্ঠান কামনা করেন। পুরুষগণ প্রত্যহ খোল করতাল সহযোগে তাহাদের সেই চির আদরের পুরাতন কাহিনী গান করিয়া হৃৎকৈন্দ্র অবগানের হস্ত হইতে কিছু দিনের জন্ত মুক্তি কামনা করেন। রমণীগণ তৎকালে নিশ্চেষ্ট থাকেন না। অবসর কালে পাড়ার সমস্ত সঙ্গিনীগণ মিলিয়া বেহাগর পবিত্র স্মৃতি লইয়া, তাহাদের কণ্ঠগাথা এক অপূর্ব সঙ্গীত গান করিয়া থাকেন। প্রচলিত নারায়ণ-দেব ও বংশী দাসের পদ্মাপুরাণ হইতে এই গীত একটু স্বতন্ত্র রকমের। আখ্যান বস্তু এক হইলেও ছন্দ ও সুর বিভিন্ন রূপ। এই সঙ্গীত রচয়িত্রী আমাদের প্রসঙ্গান্তরে বর্ণিতা—মহিলা কবি চন্দ্রাবতী।

কবি চন্দ্রাবতীর গানে দেখা যায় জালু মালুই পদ্মা পূজার প্রথম প্রবর্তক। তবে হালুয়াবছাইরও নাম পাওয়া যায়। বন্দনা গীতির পরে কবি চন্দ্রাবতী এক স্থানে গাহিয়াছেন—

“জালুর পুত্র কানাইয়া গো জাল বাহিতে যায়,
পদ্মার আদেশে কাল হংশে তাহার পায়।
পার্কতী কানায়ার মাও এই কথা শুনি,
আউলাইয়া মাথার কেশ গো ছুটে পাগলিনী।

* * * *

হেনকালে শুধায় গো একটা ষোগিনী
ছাই মাথা সর্ব্ব অঙ্গে গো গলদেশে ফনী।
চূড়াকারে বাঁকা কেশ গো পিজল বরণ,
পার্কতী কানায়ার ধরে গো তাহার চরণ।
আউলা পার্কতী গো, বলিছে মোর মাও
বিমানুলে হব দাসী গো ছাওয়ালে জীয়াও।

পদ্মার কপার কানাইর প্রাণ বাঁচিল। দেবী কোশলে

পার্কতীকে আপন পূজার উপদেশ দিয়া অস্তহিতা হইলেন।
তখন পার্কতী—

পঞ্চমীরে শুঁড়িতে গো অষ্টনাগ আঁকিয়া
তাহাতে স্থাপিল ষট্ ভক্তি যুত হইয়া।
জগাদি জোকর দিয়া গো পূজয়ে মনসা
পার্কতীর হইল পূর্ব মনের যত আশা।

ক্রমে এই কথা দেশময় রাষ্ট হইল। জালু এখন লক্ষ্মেশ্বর ; সে সোনার ভূজারে জল খায়, কপার পালকে পার্কতীকে লইয়া নিদ্রা যায়। কানাইয়াকে আর মাছ ধরিতে হয় না, রক্তভী নামে এক মৎস্য-ব্যবসারী ধনবান সওদাগরের কন্যাকে বিবাহ করিয়া জলটুঙ্গীর উপর বসিয়া হাওয়া খায়। এই কথা শুনি চাঁদের স্ত্রী সনকা। সাধারণতঃ দেবদেবীর উপর ষতটা ভক্তি বিশ্বাস থাকে, সনকার তদপেক্ষা কিছু অধিক ছিল। রাজপাটেশ্বরী তৎকণাৎ জালুর স্ত্রীকে আনিবার জন্ত সুবর্ণ শিবিকা প্রেরণ করিলেন। এবং অচিরেই তাহার নিকট হইতে পদ্মা পূজার সমস্ত বিবরণ অবগত হইলেন। অচিরেই মহা পূজার ধুম পড়িয়া গেল। সোনার মন্দিরে সোনার ষট্ স্থাপিত হইল। কঁাসর কাঁজরী শব্দ ধ্বনিতে, জয়-মঙ্গল গীতে, রাজবতী চম্পক মুখরিত হইয়া উঠিল। অগুরু, ধূপ, ধূনার গন্ধে আকাশ ভরিয়া গেল।

এই সংবাদ রাজ্যপতি চন্দ্রধরের কানে গেল। শৈব চূড়ামণি চন্দ্রধর, পাছে নব দেবতার পূজার ব্যস্ত সমস্তা সনকা, তাহার চির উপাশ্রু চন্দ্রচূড়কে অবহেলা করেন, এই ভয়ে হেমতাল নামক তাহার ভীম দর্শন তালের যষ্টি হাতে করিয়া মন্দিরে প্রবেশ করিলেন। উপরে রক্ত বেদিকার উপর স্থাপিত সুবর্ণ ষট্, নীচে শিলাসনে ধ্যানমগ্না সনকা। সনকা মন প্রাণ পদ্মার চরণে উৎসর্গ করিয়া বসিয়া আছেন। সহসা মন্দিরের ভিতর ক্রম করিয়া শব্দ হইল, চন্দ্র মেলিয়া চাহিয়া সনকা দেখিলেন, পাবণ স্বামী তাহার মহা পূজার সর্ব্বনাশ সাধন করিয়া, মন্দির হইতে বাহির হইতেছেন। শুধু ষট্ শতখণ্ড হইয়া রক্তবেদির উপর পড়াইয়া পড়িয়াছে। সনকা চৈতন্ত হারাইলেন। কি সর্ব্বনাশ!

দাস্তিক রাজা তৎকণাৎ বাহিরে আসিয়া—

“ঘোষণা করিয়া দিলা গো সপ্ত শত তোলে।

যে করিবে পদ্মা পূজা তারে দিবে শূলে ॥

এই হইতেই বিবাদের সূত্রপাত। সেই দিন হইতে নিষ্ঠুর রাজার আজ্ঞায়, পদ্মা পূজা দেশ হইতে নিৰ্বাসিত হইল। চন্দ্রধরের তাড়া খাইয়া—

“প্রাণ লয়ে পদ্মাদেবী উঠে দিলা রড়,

সীজ বৃক্ষের ডালেতে রহিলা করি ভর।

তখন পদ্মা স্পষ্টই বৃষ্টিতে পারিলেন, ছলে বলে চন্দ্রধরকে বশীভূত করিতে না পারিলে, পূজা প্রচলনের উপায় নাই। তারপর একদিন যখন সুনির্মল প্রভাতে চন্দ্রধর চৌদ্দ ডিঙ্গা লইয়া বাণিজ্য যাত্রা করিলেন, তখন একদিন সময় পাইয়া বিবহরি, কালীদহ নীরে তাঁহার চৌদ্দ ডিঙ্গা ডুবাইয়া দিলেন। ধনরত্নহ চৌদ্দ ডিঙ্গা, কালীদহের বিপুল আবর্তে তলাইয়া গেল। মহাস্রোতে ভাসিতে ভাসিতে, মৃত প্রায় চন্দ্রধর তাঁহার এক বন্ধুর ঘাটে যাইয়া কূল পাইলেন। কিন্তু পদ্মার কপট চক্রান্তে ভুলিয়া, তাঁহার সেই অন্তরঙ্গ বন্ধুও তাঁহাকে সেই দুঃসময়ে অপমানিত করিয়া তাড়াইয়া দিল।

সপ্ত দিনের অনাহার, ক্ষুধার তৃষ্ণার কঠাগত প্রাণ লইয়া চন্দ্রধর বনের মধ্যে ঘুরিয়া বেড়াইতে লাগিলেন। অকস্মাৎ এক রমণী সুবর্ণ ভূঙ্গারে জল, ও স্বর্ণপাত্রে সুরসাল বিবিধ জাতীয় ফল মূল লইয়া, তাহার সম্মুখে আসিয়া দাঁড়াইল। চন্দ্রধর জিজ্ঞাসা করিলেন, ইহা কি? রমণী বলিল—পূজার প্রসাদ। চন্দ্রধর আবার জিজ্ঞাসা করিলেন, কার পূজার? রমণী উত্তর করিল, পদ্মার। মহারোষে তাড়া করিয়া, চন্দ্রধর তাহাকে মারিতে গেলেন।

‘পদ্মার উচ্ছিষ্ট ফল লো তোর ঘৃণা নাই।

ফল জল রাখি আগে তোর মাথা খাই।’

বলা বাহুল্য কপট বেশধারিণী মনসা, সহসা বন মধ্যে অদৃশ্য হইয়া গেলেন। কিছুকাল পরে চন্দ্রধর, বনের মধ্যে এক পাকা কাঁঠাল দেখিতে পাইলেন। কিন্তু বাস্তবিক তাহা কাঁঠাল নহে। পদ্মার কপটে ভীমরূলের চাক তাহার নয়নে, কাঁঠাল রূপে প্রতিভাত হইতেছিল। হতভাগ্য রাজা তাহার ক্ষুধা নিবৃত্ত করিবার জন্য গাছে চড়িলেন। ঝাঁকে ঝাঁকে ভীমরূল আসিয়া, তীব্র দংশনে

তাঁহাকে অস্থির করিয়া তুলিল। গাছ হইতে পড়িয়া চন্দ্রধর লাফাইতে লাগিলেন। অন্তরীক্ষ হইতে পদ্মা শ্লেষ বাক্যে, চন্দ্রধরের কাটা ঘায়ে সূচ ফুটাইতে লাগিলেন—

“নৃত্য গীত নাহি দেখি না দেখি রাজন

কেবল বনের মধ্যে টাদের নাচন।”

চন্দ্রধরও প্রত্যুত্তর দিলেন—

“লঘু কাণি সময় পাইয়া উপহাসে

পরে ত বৃষ্টিব আগে যাই যদি দেশে।”

বহু কষ্টে হৃত সর্বস্ব রাজা গৃহে প্রবেশ করিলেন।

তারপর পদ্মার অমুচর বিষধরগণ, তাঁহার ছয় পুত্রকে সাতবার করিয়া দংশন করিল, সাতবারই মহাজ্ঞান বলে চন্দ্রধর তাহাদের প্রাণ দান করিলেন। তখন মনসা বেশ বৃষ্টিতে পারিলেন, মহাজ্ঞান হরণ ব্যতীত আর উপায়ান্তর নাই।

একদিন ঘোর বনে যুগয়ার্থ প্রবেশ করিয়াই—

“সম্মুখে দেখিলা রাজা আশ্চর্য্য রূপসী,

আকাশ হইতে বনে ধসিয়াছে শশী।

জটা জুট পিঙ্গল বর্ণ গো মাথার না কেশ

সোনার বরণ অঙ্গ গো যোগিনীর বেশ।”

যুবতী যোগিনীর সেই অপরূপ রূপলবণ্যে মোহিত হইয়া, নির্লজ্জ চন্দ্রধর, আপনি তাহার কাছে বিবাহ সম্বন্ধ মাগিলেন। রমণী বলিল—

“সকল আছে এক গো জানাই তোমায়ে,

মহাজ্ঞান জানে যেই বিয়া করি তারে।

চান্দ বলে মহাজ্ঞান গো জানি ভাল আমি,

আমারে করহ বিয়া গো সুন্দর রমণী।”

যোগিনী এই কথা শুনিয়া, চকিত দৃষ্টিতে নয়ন ফিরাইয়া লইল, যেন সে চন্দ্রধরের সেই কথায় আদৌ বিশ্বাস স্থাপন করিতে পারে নাই। বনফুলের উপর দিয়া একটা ভ্রমর উড়িয়া যাইতেছিল। কিন্তু হস্তে চন্দ্রধর, তাহা ধরিয়া আনিয়া, ছিন্নশর করিয়া ভূতলে রক্ষা করিলেন। তারপর মন্ত্র প্রয়োগ মাত্র ভ্রমর তৎক্ষণাৎ উড়িয়া আর একটা ফুলে যাইয়া বসিল।

যোগিনী ঈষৎ হাসিয়া আপন শ্রবণ-যুগল চন্দ্রধরের যুগের কাছে ধরিল।

তখন “মহাজ্ঞান দিলা রাজা আড়াই অক্ষর
অস্তরীক্ষে উঠি পদ্মা রথে কৈলা ভর ।
মূল স্ত্র ছিড়ে গেল, ভাবিয়া বিবাদ
চন্দ্রাবতী কহে রাজা ষটিল প্রমাদ” ।

হার ! এমন সুজলবতী বর্ষা কাদম্বিনী যে কেবল
বজ্রাঘ্নি পূর্ণ হইবে, হতভাগ্য রাজা তাহা জানিতে
পারে নাই । কিন্তু ভাবিয়া কি হইবে ? বিষদস্ত হীন
অজগরের ঞ্চার চন্দ্রধর, সর্কস্বাস্ত হইয়া ক্ষুধ মনে রাজ-
ধানীতে প্রত্যাবর্ত্ত হইলেন । তাঁদের আর এক মহার
ছিল, সে তাহার দক্ষিণ হস্ত স্বরূপ, ধ্বস্তরী ওঝা । পদ্মা
দেখিলেন ধ্বস্তরী নিহত না হইলে, বিবাদে জয়লাভের
আর কোন উপায় নাই ! এখন গোপিনী বেশে বিবহরী
শঙ্খপুরে যাইয়া, নানা ছল আলাপনে ওঝার স্ত্রীকে
এমনি মোহিত করিলেন যে, ধ্বস্তরী পত্নী বাধ্য হইয়া
তাহার সহিত সহেলা পাতিলেন । তাহার পর একদিন
ধ্বস্তরীর আহার্য্য বস্ত্রতে মনসাদেবী ছল করিয়া এমন
ভীত বিষ মিশাইয়া দিলেন, যে সেই মহাবিষে ওঝা আর
রক্ষা পাইলেন না । হতভাগ্য চাঁদ সওদাগরের দক্ষিণ-
বাহু ছিন্ন হইল । বিশল্যকরণী ও মৃতসঞ্জীবনী প্রভৃতি
পার্কীয় বনলতার চাঁদের যে যোজন ব্যাপী উদ্ভান
সর্প ভয় হইতে এককাল চম্পকরাজ্যকে রক্ষা করিয়া
আসিতেছিল, একদিন নাগবালাগণের নিশীথ আক্রমণে
সে উদ্ভানও সমূলে ধ্বংসীভূত হইল । নিরস্ত্র রথীর মত
চম্পক রাজ্য, দাঁড়াইয়া দাঁড়াইয়া আপন মৃত্যু দিনের
যেন প্রতীক্ষা করিতে লাগিল । তারপর পদ্মার আদেশে—

‘ছয় নাগে দংশিলেক ছয়টা কুমারে
কাঞ্চা রাড়ী ছয় বধু রহিলেক ধরে’ ।

ক্রমে সহস্র সহস্র লোক, সর্পাঘাতে প্রাণ হারাইতে
লাগিল । হতভাগ্য রাজা, প্রজার আর কোন উপায়
বিধান করিতে সমর্থ হইলেন না । দলে দলে প্রজাগণ,
রাজ্য ছাড়িয়া পলাইতে লাগিল । দেখিতে দেখিতে
সোনার চম্পক রাজ্য, নিশীথ শ্মশান ভূম্য নীরব, নিস্তর
ভাব ধারণ করিল । শ্মশানের কোলে শাখাপত্রহীন
তরুর ঞ্চার চন্দ্রধর, শেষ যুদ্ধের প্রতীক্ষার দাঁড়াইয়া
আছেন । আরতো তাহার পুত্র নাই । পুত্রশোকের ভয় কি ?

“নেড়া ষোড়া হইয়াছি বিধাতার বরে
এই বার লবুকানি দেখাইব তোরে ।”

কিন্তু ইহার কিছু দিন পরেই আবার—

“লক্ষ্মী কোলাগর দিনে জন্মিল কোঙর
সনকা রাখিল তার নাম লক্ষ্মীন্দর ।”

নবকুমারের মুখ দর্শন করিয়া, আনন্দের পরিবর্তে
চন্দ্রধরের মনে আতঙ্কেরই সঞ্চার হইল । লক্ষ্মীন্দরকে
দেখিলেই চন্দ্রধরের অন্তরের ভিতর কি যেন একটা
ছুরু ছুরু করিয়া কাঁপিয়া উঠিত । রাজ্য গিয়াছে, ধন
গিয়াছে, ছয় পুত্র গিয়াছে, পাছে ইহাকেও হারাই !
শুভ দিনে জ্যোতির্বিদ পণ্ডিত আনিয়া রাজা নবকুমারের
জন্মকোষ্ঠি তৈয়ার করাইলেন । কোষ্ঠির ফল বড় ভাল হইলনা ।

“গণক লিখিল কোষ্ঠি অতি অলক্ষণে ।

কালনাগে ধাবে পুত্রে কাল রাত্রির দিনে ॥”

হতভাগ্য রাজা কোষ্ঠির ফল আপনি শুনিলেন; সে সংবাদ
সনকাকে শুনাইতে সাহস হইলনা । ভাবিলেন পুত্রকে
চিরকুমার রাখিব । তাহলেত আর কালরাত্রি আসিবে-
না ! বিশ্ব বিধাতার নির্লক্ষণ খণ্ডাইতে পারে কার সাধ্য !
ক্রমে লক্ষ্মীন্দরের যৌবন কাল উপস্থিত, সনকা ধরিয়া
বসিলেন, পুত্রকে বিবাহ দিতে হইবে । চন্দ্রের কোণে অশ্রু
টুকু সে দিন আর রাজা সনকাকে দেখাইলেন না ।
বুকের ভিতর রাবণের চিত্র । পুত্রের বিবাহ দিবার কি
তাঁহার সাধ নাই ?—তবে—

তারপর একদিন ঢাক ঢোল সাহানার রবে চম্পক
নগরের রাজপথ মুখারত হইয়া উঠিল । লক্ষ্মীন্দরের
বিবাহ । বিবাহ উৎসবে চন্দ্রধর লগকালেরে জন্তুও যোগ
দান করিতে পারিলেন না । তিনি পুত্রের বাসর গৃহ
নির্মাণের জন্ত ব্যস্ত হইয়া পড়িলেন । সপ্ততল গিরিশৃঙ্গে
সেই বিশালকার লৌহ গৃহ নির্মিত হইল ।

নির্দিষ্ট দিনে চন্দ্রধর সেই লৌহ গৃহের চারিদিকে,
এক বিশাল ব্যূহ রচনা করিলেন ; ভীক্কুর নকুল, সর্পভূক
শিখণ্ডী, হাতী ষোড়া লোক লঙ্কর লইয়া স্বয়ং চন্দ্রধর
ভীমকার হেমতাল হাতে করিয়া, বিনিজ নরনে, ছুটিয়া
বেড়াইতে লাগিলেন । তারপর যখন নব দম্পতী বাসর
গৃহে প্রবেশ করিলেন, সহসা—

“ভাঙ্গিল মঙ্গল ঘট হয়ে শতখান,
দেখিয়া সনকা মার উড়িল পরাণ ।
জোকার না ফুটে কণ্ঠে অশুভ জানিয়া,
শকুনি গৃধিনী উড়ে মাঙ্গসে ঘেরিয়া”

এইরূপ অতি সস্তর্পণে, পুত্র ও পুত্রবধুকে মাঙ্গসে রক্ষা করিয়া, চন্দ্রধর নিশ্চিন্ত চিন্তে, মাঙ্গসের কবার্ট অর্গল বন্ধ করিলেন । হায় ! মূর্খ রাজা বৃত্তিতে পারে নাই, কাল অগোচর কোনও পদার্থই নাই এমন যে মাতৃগর্ভ, ছুরক কাল কীট তাহাতেও প্রবেশ করিয়া, জীবন কোরক অকালে বিচ্ছিন্ন করিয়া দেয় । লোহার মাঙ্গস ? সেত তুচ্ছ মর্ত-মানবের ভ্রম প্রমাদের অধীন ।

পরদিন প্রত্যবে, মাঙ্গসের দ্বার উন্মোচিত হইল । দাস্তিক রাজা দেখিলেন অকাল রাহুগ্রহ শশধরের স্তায় তাঁহার বিগত জীবন পুত্র, পার্শ্বে হিম মলিনা লতা তাঁহার সেই হতভাগিনী পুত্র বধু, শিলির সিন্ধু সেফালী কুমুমটার স্তায় রাত্রে ফুটিয়া দিবসের কোলে যেন ঘরিয় পড়িয়াছে ।

“শাখে কান্দে পাখীরা পশুরা কান্দে বনে,
বেহলা হইল রাড়ি কাল রাত্রির দিনে ।”

তখনই চারিদিকে সহস্র কণ্ঠে হাহাকার ধ্বনি উঠিল । পূর্ণিমার রাকার উপর অকাল অমাবস্তার কাল যানিকা পড়িয়া ধীরে ধীরে সমস্ত চম্পক রাজ্য আচ্ছন্ন করিয়া উলিল । রাজা পাগল, রাণী পাগলিনী, রাজ্য শ্মশান, চারিদিকে হাহাকার, শোক সিন্ধুর বিপুল উচ্ছ্বাস !

তারই মধ্যে একদিন হতভাগিনী মৃত পতিকে গলায় জড়াইয়া কলার মান্দাসে ভাসিয়া স্রোতস্বতীর শৈবালের মত, উন্মাদিনী বেশে কোন্ অজানিত দেশে ছুটিয়া চলিল । সনকা তখন ভাল মন্দ কিছুই বলিতে পারিলেন না । তিনি উন্মাদিনী ! দেখিতে দেখিতে ছয়টি মাস কাটিয়া গেল । পিতা পুত্রের বাসাসিক ক্রিয়া সম্পন্ন করিতে বসিয়াছেন । তিনবার অশ্রুজলে পিণ্ড কলঙ্কিত হইল । সহসা চন্দ্রধর পশ্চাতে নয়ন ফিরাইয়া দেখিলেন, এক অপূর্ব দেবীমূর্তি । দীন হীনা মলিন বসনা এক অসহয়া রমণী তাঁহার আশ্রয় ভিক্ষা করিতেছে । দেখিয়াই চন্দ্রধরের একটা বিগত স্মৃতি মনে পড়িল । সে এক সস্ত্র বিধবার কল্পণ মুখ কান্তি । কিন্তু অস্তরের বিশ্বাস মুখে ফুটিয়া বাহির

হইলনা । বেচে আছে কি সে হত ভাগিনী ! না না বৃথা আশা ! কোন দিন কোন প্রলয় স্রোতে, কোন্ মহাতরলের মুখে পড়িয়া ভাসিয়া গিয়াছে ! আর নাই, ইহ জীবনে আর তাহাকে—

সহসা গুঞ্জরীর নীধর জল রাশি ভেদ করিয়া দ্বিতীয় চম্পক ভূলা এক তরীর বহর ভাসিয়া উঠিল । তখনই চারিদিকে আনন্দের রোল পড়িয়া গেল ! ছয় ভাইর সঙ্গে আসিয়া লক্ষ্মীন্দর পিতার চরণ বন্দনা করিল । তখন ঘটা করিয়া পূজার আয়োজন হইল —

* * * * *
“সেই হতে মনসার পূজা জগতে প্রচার”

যে যে কামনা করে সিদ্ধি হয় তার ।
অপুত্রের পুত্র হয় নির্ধনের ধন,
মৃত পুত্র জিয়ে অন্ধ, পায় নয়ন ।
মনসা চরণ যেই পূজে ভক্তি ভরে,
সর্প ভয় হতে মাতা রাধেন তাহারে ।

* * * * *

পূজার উপাধান শেষ হইল । এখন সেই হতভাগিনীর কথা । যে ভীষণ লোক নিন্দা, গরীয়সী জনকনন্দিনীকে পর্যাস্ত লোক সমাজে কলঙ্কিতা করিয়াছিল, সেই লোক নিন্দার হস্ত হইতে পুণ্য প্রভাময়ী বেহলার জীবন নিষ্কৃতি পাইলনা । কঠোর পরীক্ষায় উত্তীর্ণ হইয়া পুণ্যবতী মহালোকে চলিয়া গেলেন । স্বর্গের সুরতি কুমুম মর্ত্যের কণ্টক বনে স্থান পাইবে কেন ?

ইহাই সহস্র বৎসরের অতীত কাহিনী, অথচ নিত্য নূতন । যুগযুগান্তরের অতীত কথা, অথচ যেন সেদিনের কোনও প্রত্যক্ষ ঘটনা । বেহলা ময়মনসিংহের বড় আদরের, বড় সোহাগের ধন । যেন কোনও সুবিশাল উপবনের একটি মাত্র আনন্দ কুমুম ! যেন কোন সন্তান বৎসল রাজার বংশের ছালা—একমাত্র ছুঁইয়া । সীতা সাবিত্রীর অপেক্ষা বেহলা ময়মনসিংহবাসীর অত্যধিক আদরের সামগ্রী । ঘরের মেয়ের মত সুপরিচিতা । সাবিত্রীর পিতার নাম অনেকেই না জানিতে পারে, কিন্তু চাঁদ বেনেকে না জানে, শাহ রাজাকে নাচেনে, বেহলাকে না বুকে, এমন লোক ময়মনসিংহে, কি শিক্ষিত কি

অশিক্ষিত সকল শ্রেণীর মধ্যেই বিরল। দশ বৎসরের মেয়েকে জিজ্ঞাসা করিলে, সেও বেহলার পুণ্য কাহিনী অনর্গল শুনাইয়া দিবে।

কিন্তু এই অনন্ত ভালবাসার মধ্যেও বেহলার প্রতি একটা অনাদরের ভাব লক্ষিত হইয়া থাকে! সীতা, সাবিত্রী নাম অনেকে রাখে, কিন্তু বেহলার নামে নিজ দুহিতার নাম রাখিতে বড় দেখা যায়না। যদি কেহ কাহাবেও আশীর্বাদ করে, তুমি সীতা সাবিত্রীর মত হও, তবে সে আশীর্বাদ অবনতশিরে গ্রহণ করিবে। কিন্তু যদি বসে বেহলার মত হও, তা হলে সর্বনাশ! বেহলার প্রতি এই অনাদরের কারণ বোধ হয় বেহলারই হতভাগ্য। এমন নিরবচ্ছিন্ন দুঃখ কারও ভাগ্যে ঘটে নাই। সীতা স্বামী সঙ্গে বনবাসিনী, সে ত্যাগ স্বীকারেও সুখ আছে। বিশেষ পতিব্রতা পতিসঙ্গে যেখানেই থাকেন দুঃখ বোধ করিবেন না ইহা স্বাভাবিক। সীতার যা দুঃখ অশোক বন-বাসকালে। পতি পরিত্যক্ত হইয়া বনবাসের কিছু দিন পরেই সীতা যমজ সন্তান কোলে লইয়া সকল দুঃখ পাসরিয়াছিলেন। বনবাসের অতি মাত্র দুঃখেও এই টুকু সুখ ছিল। আর সাবিত্রী—সাবিত্রীর দুঃখে বিদূষের প্রধরতা আছে। কিন্তু তাহা ভেমনি কণস্থানী। দুঃখের দাঁত হৃদয়ে বসিতে না বসিতেই আবার সুখ। সাবিত্রীর সে সুখ নিরবচ্ছিন্ন। কিন্তু বেহলার দুঃখের অন্ত নাই, অবধি নাই, কুল নাই, শেষ নাই, সংখ্যা নাই। যেন কোনও হতভাগ্য জলমগ্ন ব্যক্তিকে তরঙ্গের পর তরঙ্গ আসিয়া, কেবলই ডুবাইয়া ভাসাইয়া লইয়া যাইতেছে। উদ্ধার নাই,—মুক্তি নাই। বেহলা নিরবচ্ছিন্ন দুঃখভাগিনী। বেহলাকে সবাই আদর করে, কিন্তু বেহলার মত কেহই হইতে চায় না। চন্দ্রাবতী তাহার মেয়েলী সঙ্গীতের শেষ ভাগে লিখিয়াছেন—


“বেহলার মত দুঃখী নাই ধরা তলে
ভাসান কাহিনী গাথা নয়নের জলে।”

চন্দ্রাবতী এক নারীকে উপদেশ দিয়াছেন—

“বেহলার মত কেউ পতিব্রতা হয়।

বিখ্যাসে কিরাবে পতি চন্দ্রাবতী কর।”

শ্রীচন্দ্রকুমার দে।



৮ রজনীকান্ত চৌধুরী

আমরা গভীর শোকসন্তপ্তচিত্তে প্রকাশ করিতেছি যে আমাদের অকৃত্রিম সুহৃদ সুকবি রজনীকান্ত চৌধুরী মহাশয় বিগত ২০শে জ্যৈষ্ঠ তারিখে পরলোক গমন করিয়াছেন। রজনীকান্ত ময়মনসিংহ জেলার পরগণা রণভাওয়ালের অন্তর্গত ফরিদপুর গ্রামে জন্মগ্রহণ করেন। বাল্যকাল অবধিই কলাশিল্পে তাঁহার একান্ত অনুরাগ ছিল। তৎপরিঃ বৎসর কাল কলিকাতা আর্ট স্কুলে বিভাগভাষ্য করিয়া রজনী বাবু চিত্রশিল্পে বিশেষ খ্যাতি অর্জন করেন। তাঁহার অঙ্কিত নানাবিধ চিত্র অনেক গৃহ সুশোভিত করিতেছে। ৮ প্রমদাচরণ সেনের “সখাতে” ও রজনী বাবুর অঙ্কিত অনেক চিত্র ব্যবহৃত হইয়াছিল। ব্যঙ্গচিত্র অঙ্কনে রজনী বাবু বিশেষ কৃতিত্ব প্রদর্শন করিতেন।

রজনীকান্ত নিপুণ সাহিত্যসেবী ছিলেন। ময়মনসিংহের সাহিত্যের ইতিহাসে তাঁহার নাম স্বর্ণাক্ষরে নিখিত থাকিবে। কবিতা রচনার তিনি সিদ্ধহস্ত ছিলেন। লোকের অনুরোধ মত উপস্থিত সঙ্গীত ও কবিতা রচনার তাঁহার সুখ্যাতি ছিল। প্রায় ত্রিশ বৎসর পূর্বে ষাটশ মাসের বর্ণনা করিয়া তিনি “বার মাস” নামক একখানা কবিতা পুস্তক প্রকাশিত করেন। ঐ সময়ে এই পুস্তকখানি দেশ বিশেষে যথেষ্ট আদৃত হইয়াছিল। নীচেই এই পুস্তকের প্রথম সংস্করণ নিঃশেষিত

হইয়া যায়। পাঠক সমাজের আগ্রহাতিশয্য সত্ত্বেও দরিদ্র কবি উহার দ্বিতীয় সংস্করণ বাহির করিতে পারেন নাই। এই প্রাচীন পুস্তকখানা এক্ষণে ছুপ্রাপ্য হইয়া গেলেও রসিক কবি উহাতে যে সকল বিষয় বর্ণনা করিয়া গিয়াছেন তাহা এখনও অনেকের স্মৃতি পটে অঙ্কিত রহিয়াছে। তাজ মাসের বর্ণনায়—

“হায় কি মজা, হায় কি মজা,
মা করবে আজ ভালের পিঠা”

পাঠে অনেক বৃদ্ধের রসনারও জল সঞ্চার করিয়া থাকে। রজনী বাবু স্বহস্তে প্রস্তুত কয়েকখানা উদ্ কাট দিয়া এই পুস্তক খানা বাহির করেন। আমাদের মনে হয় “শিশু বোধকের” পরে “বারমাসই” প্রথম সচিত্র শিশুপাঠ্য বাঙ্গালা পুস্তক। এ বিষয়ে রজনী বাবুর মৌলিকতা প্রশংসনীয়।

কোন কৌতুক-কবিতাতেই রজনী বাবুর সাহিত্য-সেবা পর্য্যবসিত হয় নাই। সমাজের নানাবিধ দুর্নীতি ও কুরীতি দূরীকরণ মানসে তিনি কয়েকখানি সামাজিক খণ্ড কাব্যও প্রকাশিত করেন। কয়েক বৎসর হইল যিবাহে পণপ্রথার দোষ প্রদর্শন করিয়া তিনি “বাধা ভেঁতুল” নামে একখানা কবিতা পুস্তক বাহির করেন। “চিন্তা ও চাবুক”, “পূজার চাটনি”, “মাতৃ সঙ্গীত” প্রভৃতি কয়েকখানি কবিতা পুস্তকও তিনি প্রণয়ন করেন। মৃত্যুর অল্পদিন পূর্বেও রজনী বাবু “বর কর্তার কীর্তি মন্দির” নামে স্নেহলতার আত্মত্যাগ-কাহিনী প্রকাশিত করিয়া যান।

ময়মনসিংহ হইতে যে ‘আরতি’ নামক মাসিক পত্রিকা বাহির হইত, তাহার পরিচালকগণমধ্যে রজনী বাবুও একজন ছিলেন এবং মাঝে মাঝে তাঁহার রচনাও উহাতে প্রকাশিত হইত।

“আরতি” বাহির হওয়ার পূর্বে ময়মনসিংহ হইতে “বাসনা” নামক একখানা মাসিক পত্র বাহির হইবার উদ্যোগ হইয়াছিল, সেই উদ্যোগকারিগণ মধ্যেও রজনী বাবু একজন ছিলেন; এমন কি তিনি “বাসনার” মলাটের লক্ষ লক্ষাঙ্কিত পুকও প্রস্তুত করিয়া ফেলিয়া ছিলেন। মান্য কারণে “বাসনা” আর বাহির হয় নাই।

বিগত ১৩১৩ সালে ময়মনসিংহ হইতে “ছন্দুখ” নামক যে আকস্মিক পত্র বাহির হইয়াছিল, রজনীকান্তের বিদ্রোহাত্মক লেখা তাহাতেও প্রকাশিত হইত। দেশের কতিপয় নেতৃস্থানীয় ব্যক্তিকে বিক্রপ করিয়া “গঙ্গাজলী v. s. সুর্য্যভ্যালী” শীর্ষক যে কবিতাটি বাহির হইয়াছিল, তাহা রজনীকান্তেরই লেখনী প্রসূত। আমরা কবিতাটি নিম্নে উদ্ধৃত করিবার প্রলোভন সঞ্চার করিতে পারিলাম না :—

“শুন বার্তা ঠাকুর কর্তা, ভেঙ্গে বলি তোমারে।
বক্তাগিরি ফলাও সদা সকাল বিকাল ছপরে ॥
বলে কথা বুঝনা তা আছে কি এক ধেরানে।
ভাগ্যের কর্তা ভগবান, ভাগ্যে কি হয় কে জানে ॥
রাজাগিরি সোজা নয়, ফলের মত ফলে না।
চসমা চোকে বসে বসে হাত বাড়ালে মিলেনা ॥
দেশী বাণের ধাকা খেয়ে রাজ্য এলো ভাসিয়ে।
ভাগ্যে ছিল তাইতে গেল গলায় গলায় জড়িয়ে ॥
রাজা হয়ে বসলে তুমি, মন্ত্রী হল বিস্ফোটক।
শনি হয়ে চাপলো ঘাড়ে বুঝনা সে হক্ বেহক্ ॥
রাখা হলে কাজের বেলা কাজের মত চক্ষু চাই।
শুণের নিধি বলবো কি আর, সেটা তোমার মাত্র নাই ॥
তুমি কর ছুটাছুটি ভাগলপুরে কোলকাতায়।
কালো মুখে কন্দনাশা মন্ত্রী পিছে পিছে ধায় ॥
উজির নাজির বক্সি কোটাল এরাই মাটি করে সব।
হুদিন বাদে শুনতে হয় বা চারি দিকেই টি টি রব ॥
ছিছি বুদ্ধি, মিছামিছি সাত সমুদ্র ডিঙ্গালে।
পূর্ববাঙ্গালা দখল করল ছিলটি এক বাঙ্গালে ॥
গঙ্গাজলী দূরে ফেলি সুর্য্যভ্যালীর হবে জয়।
বল দেখি কর্তা বাবু এ ছুঃখ কি গারে সয় ॥
সে দিকেতে রণ সাজে যেতে বলছি কতবার।
তিনি মারেন সাম্য ভোজ লুচি মণ্ডা ফলাহার ॥
কল্পসের বেঁটা যদি ধুমে ধামে দিতে চাও।
সাজ পাজ নিরে ডরা পূর্ববঙ্গে চলে যাও ॥
দেশের মাধার কাঁঠাল ভেঙ্গে দেশের কর ব্যবস্থা।
মূলতবী চাউল আছে সেখা নিয়ে এসো কর, বস্তা ॥
বলা বাহুল্য এই কবিতায় দেশের তৎকালীন অনেক
কথার আভাস আছে।

প্রতি বৎসর দোল পূর্ণিমা উপলক্ষে হোলিগান লেখা রজনীকান্তের এক প্রধান কার্য ছিল।

আমরা অবগত হইলাম, রজনীকান্ত বহু অপ্রকাশিত কবিতা ও পুস্তক লিখিয়া গিয়াছেন ; দরিদ্র কবি ঐ সকল মুদ্রিত করিবার সুযোগ প্রাপ্ত হন নাই। ভগবান রজনীকান্তের আত্মার সঙ্গতি বিধান ও তাঁহার সন্তান সন্ততির প্রাণে সাধনা দান করুন, ইহাই আমাদের আন্তরিক প্রার্থনা।

শ্রীঅবিনাশচন্দ্র রায় ।

শুভ দৃষ্টি


চতুর্থ পরিচ্ছেদ ।

(৫)

সন্ধ্যার সময় রাখালের অর ছাড়িল। শৈবাল রাখালকে লইয়া বসিয়া রহিল। আমি মর্শ্ব বাতনার অস্থির হইয়া শান্তির কামনার ভগবামকে ডাকিতে লাগিলাম। বহু দিন পর পুনরায় “গীতা” খুলিলাম। কতকণ গীতা পাঠ করিলাম ; গীতা আর আমার শান্তি বিধান করিতে সমর্থ হইল না। প্রথম জীবনের ভাব রাজ্য যেন সংপ্রসারিত হইয়া আমাকে গ্রাস করিল। আমি সরলার চিন্তায় আত্মহারা হইলাম।

সেই বাসর গৃহ—সরলার ঢল ঢল মুখ-খানি, মৃদু মন্দ হাসি, ইঙ্গিতে সম্ভাষণ, সেই শুভ-রাত্রির হাত্ত পরিহাস, উপহার, অঙ্গুরী-বিনিময়—লক্ষ্যার কমনীর মূর্ত্তি কোথায় সে ? তারপর পুনরায় কলিকাতায়—সেই বিবাদের শান্ত মূর্ত্তি, তাহার পিতার মৃত্যু শব্দা, পায়ে ধরিয়া অনুরোধ, প্রাণের বেদনাপূর্ণ লিপি—আমি পাবও অমূল্য রত্ন পায়ে ঠেলিয়া এখন তাহার অন্ত উন্নত হইয়াছি। হায়—না জানি সে হৃৎধিনী কোথায়; কি-

ভাবে দিন কাটাইতেছে, উদরানের অন্ত কত লাঞ্ছনা কত গঞ্জনা সহিতেছে, আমি একবার চিন্তা করিতেছি না। মর্শ্ব পত্রীর মুখের দিকে না তাকাইয়া, পরিণামের দিকে লক্ষ্য না করিয়া—চলিয়া আসিলাম, বালিকা সারা রাত কাঁদিয়া আমার বুকে ভাসাইল, আমার পাবাণ বন্ধ বিচলিত হইল না। পা ধরিয়া আর একটা দিন থাকিতে অনুরোধ করিল—তাহার পিতাকে মৃত্যু শব্দার রাখিয়া—মুচ আমি—চলিয়া আসিলাম ! এর পর তাহার কি হইল, কোন দিকে গতি হইল, বাঁচিল কি মরিল, গৃহে রহিল, কি পথে বসিল কোন তত্ত্ব করিলাম না।



হাতবাক্স খুলিয়া সরলার “প্রীতি উপহার” ফটোখানা বাহির করিলাম। দেয়ালের গায়ে বোটার একখানা ছবি টাঙ্গান ছিল, তাহা ফেলিয়া দিয়া সরলার পুত্র মূর্ত্তি তাহাজে রক্ষা করিলাম। বড় দিনের ছুটিতে সরলাকে উপহার দিবার অন্ত আমার যে ফটো তুলিয়াছিলাম, তাহা তাহার দক্ষিণ পার্শ্বে রাখিলাম। সরলার অঙ্গুরীটি লইয়া হস্তে পরিলাম।

এই সময় পার্শ্বের বাড়ী হইতে হারমোনিয়াম সহ-
যোগে এই সঙ্গীতটী গীত হইতে লাগিল—

“আমার পরাণ যাহা চায়, তুমি তাই তুমি তাই গো।
তোমা ছাড়া এ জগতে মোর কেহ নাই কিছু নাই গো।
তুমি সুখ যদি নাহি পাও, যাও সুখের সন্ধান য'ও,
আমি তোমাবে পেয়েছি হৃদয় মাঝারে

আর কিছু নাহি চাই গো ॥

আমি তোমার বিরহে রহিয়া তোমাতে করিব বাস,
দীর্ঘ দিবস, দীর্ঘ রজনী দীর্ঘ বরষা মাস,
যদি আর কারে ভাল বাস, যদি আর নাহি ফিরে এস,
তুমি যাহা চাও তাই যেন পাই আমি যেন দুঃখ পাই গো ॥

সঙ্গীতটী কাণের ভিতর দিয়া গিয়া মর্মস্পর্শ
করিল। আমি অশ্রু রাধিতে পারিলাম না।

কলিকাতা হইতে লিখিত সরলার একখানা চিঠি
অশ্রুসিক্ত নয়নে আকুল প্রাণে পড়িতে লাগিলাম। চিঠি
খানাতে যেন গানের রাগিনীটী ধ্বনিত হইতেছিল—

সরলা লিখিয়াছে * * * আমি তোমার ধর্ম
পত্নী। শত অপরাধে অপরাধিনী হইলেও পরিত্যাগ
করিতে পার না। আজ বাবা মৃত্যু শয্যাতে নতুবা কখনই
তুমি আমাকে ফেলিয়া যাইতে পারিতে না। আমি শত
লাঞ্ছনা সহ করিয়া তোমার সঙ্গিনী হইতাম। * * *
বাবা সারিয়া উঠিলে আমাকে আসিয়া লইয়া যাইও
ইহাই একমাত্র অনুরোধ। * * * আমি তোমাকে এক
দিনের জন্য পাইয়া আকাশের চাঁদ হাতে পাইয়াছিলাম।
সেও তোমার অনুরোধ—অযাচিত কৃপা। আর একটা
দিন থাকিলে * * *

চিঠি কতবার পড়িলাম। কিছুতেই তৃপ্তি মিটিয়া না।
উদাস মনে ভগবানে অশ্রু সমর্পণ করিলাম।
ভগবান তোমার ইচ্ছা পূর্ণ হউক।

প্রাতঃকালে রাখাল ভালই ছিল। আমি কাছে বসিয়া
ডাকিলাম—“রাখাল তোমার কি হইয়াছিল?”

রাখাল চুপ করিয়া রহিল—

আমি আত্মদেখাইয়া বলিলাম—“একখানা ছবি
নিবে?”

রাখাল বলিল—“নিব।”

আমি—“তবে তোমার মার নিকট বলিওনা যে
আমি মারিয়াছি।”

রাখাল মুহূর্তের বলিল—“না বলিব না।”

আমি সেই যুগল চিত্র—“রাখালের পার্শ্ব দেয়ালে
ঝুলাইয়া রাখিলাম। বলিলাম—তোমার ছবি এখানে
ধাক। তুমিও দেখ আমিও দেখি, ধরিও না মষ্ট হইবে।”

রাখাল মাথায় সায় দিল। আমি দেখিলাম রাখাল
এখনও ভয় পাউতেছে।

আমি তাহার মাথায় ও গালে হাত বুলাইতে বুলাইতে
বলিলাম—“রাখাল আমি তোমাকে আর কোন দিন
মারিব না। তোমার কোন ভয় নাই। তুমি খাইবে
এখন?” রাখাল কথা বলিল না।

আমি বলিলাম—“তুমি ছবির বই নিবে?”

রাখাল বলিল—“আমি “মোহন ভোগ” নিব।”

পঁচাকে একখানা “মোহন ভোগ” আনিতে
পাঠাইলাম।

রাখাল শৈবালকে ডাকিল।

আমি বলিলাম—“কি চাও আমি দিতেছি।” সে
আমার নিকট কিছু চাহিল না। আমি বলিলাম কি চাও
যদি আমাকে বল, তবে আমি আমার এই সুন্দর আঙ্গুটী
তোমার হাতে দিতে পারি।

রাখাল বলিল—“বলি।”

আমি—“তোমার দিদিকে কেন ডাক?”

রাখাল বলিল—“সুখা পাইয়াছে।”

আমি শৈবালকে আসিতে বলিয়া, “অঙ্গুটী রাখা-
লের হাতে রাখিয় দিলাম। বলিলাম সাবধানে রাখিও।
হারাইয়া যাইবে। রাত আমাকে দিয়া ফেলিও।”

রাখালের নিকট আমি এমন অপরাধী যে তাহাকে
আমার সর্বস্ব দিয়াও সন্তুষ্ট করিতে ইচ্ছা হইতেছে।
বাস্তবিক শৈবাল যথার্থই বলিয়াছে, স্নেহের ভিত্তি
চরিত্রের উপর। শিশুর চরিত্র আমাকে মোহিত
করিয়াছিল।

আজ দুদিন শৈবালের সহিত “শুভ-দৃষ্টি” নাই। সেও
সুখ তুলিয়া আমাকে সন্তুষ্ট করে না। জানি না জগৎ-
পতির ইহাই শুভ ইচ্ছা কি না।

আফিসে যাইবার সময় অল্প দিকে ফিরিয়াই শৈবালকে বলিলাম “যে কোঠায় রাখাল আছে, সেখানেই তাহার মার স্থান করিয়া দিও; দেখিও ভদ্দ-কন্ডা অতিথি, তার কোনও অমর্যাদা না হয়। বয়সে যে বড় সেই প্রণাম্য, রাখালের মাকে প্রণাম করিয়া সংবর্দ্ধনা করিও। ২ টায় গাড়ী আসিবে, পঁচাকে ও চাকরকে ট্রেনে পাঠাইও, খাওয়া দাওয়ার যোগাড় রাখিও। সর্বদা সঙ্গে সঙ্গে থাকিও।”

শৈবাল মাথা হেঁট করিয়া তাহার কর্তব্যের তালিকা গুলিল।

(৫)

আফিস হইতে আসিবা মাত্র শৈবাল আসিয়া তাহার প্রতি অর্পিত কার্যের বিস্তৃত কৈফিয়ত দিল। এবার তাহার চক্ষু হুটী হাশ্বোজ্জল—“সে আমার মুখের দিকে নির্নিমেষ নেত্রে চাহিয়া বলিতে লাগিল, রাখালের মা আসিয়াছেন, আমার প্রণাম লইলেন না। তাহার অবস্থা বড়ই অসচ্ছল, পরিধানের বস্ত্রখানা নানা স্থানে সেলাই করা, দেখিয়া আমার বড় কষ্ট হইয়াছে। রাখালের জন্ম আমাদের নিকট যেন কত ধনী। আমার সম্মুখে তিনি চৌকীতে বসিতে সঙ্কোচ মনে করেন, বলিলেন আপনারা প্রতিপালক আমরা আশ্রিত। আমি কত করিয়া বলিলাম বসিলেন না, পরে নিজে বসিয়া তাহাকে চৌকীতে বসাইয়াছি। তাহার চেহারা ও চরিত্রের ভিতরু দিয়া যেন পুণ্য জ্যোতি ফুটিয়া বাহির হইতেছে। রাখাল উপযুক্ত মারের উপযুক্ত ছেলে।”

আমি কাপড় ছাড়িতে ছাড়িতে সব গুলিলাম, ছাড়িয়া বলিলাম—“রাখাল ত তাহার নিকট কিছু বলে নাই?”

শৈবাল বলিল—“আপনি যে ছবি, বই ও আংটা দিয়াছিলেন তাহা সে তাহার মাকে দেখাইয়াছে। আর আমি যে তাহাকে খুব ভালবাসি তাহা বলিয়াছে।”

আমি সাগ্রহে জিজ্ঞাসা করিলাম—“মারের কথা ত বলে নাই।”

শৈবাল বলিল—“রাখাল কি ভেমন ছেলে!”

আমি—“সে তোমারই শিক্কা।” শৈবাল হুঃখিত

হইল। আমি কথা কাটিয়া বলিলাম—“আমি রাখালকে দেখিব। দেখ সেখানে কে আছে।”

শৈবাল বলিল—“কেহট নাই কেবল রাখালের মা।”

আমি—“তাঁহাকে একটা বার সরিয়া যাইগে বল।”

শৈবাল তচ্ছলা ভাবে বলিল—“তিনি সরিয়া যাইবেন কেন?”

আমি—“তিনি এক সমাজের ভদ্দ স্ত্রী, তাঁহার সাক্ষাতে আমার যাওয়া অসঙ্গত নয় কি?”

শৈবাল পূর্কভাবে বলিল—“আপনি সকল বিষয়েই একটানা একটা “অসঙ্গত” দেখেন, ইহাও কি অসঙ্গত নহে? “সন্দেহ” “মিথ্যা” “অসঙ্গত” ইহাই আপনার মূল মন্ত্র। মনে পাপ না থাকিলে নিঃসঙ্কোচে কার্য্য করিতে হইবে।”

আমি শৈবালের সরল ভাবের নিকট লজ্জিত হইলাম বটে, কিন্তু প্রকাশে বলিলাম—“তোমার সরলতা ও সত্যবাদিতাই আজ আমাকে অশান্তির কটাহে পুড়িতেছে। তোমার এত সরল ব্যবহারের আমি পক্ষপাতী নই।”

শৈবাল অগত্যা তাহাই করিল। আমি রাখালকে ডাকিতে ডাকিতে ভিতর কক্ষে প্রবেশ করিলাম। দেখিলাম রাখাল অঙ্গুরী হাতে লইয়া “মোহন ভোগ” পড়িতেছে।

আমি বলিলাম—“ক্ষুধা পেয়েছে?”

রাখাল বলিল—“খাইয়াছি।”

দেখিলাম—শৈবাল ঘর খানাকে বেশ পরিষ্কার করিয়াছে। আমি বলিলাম—“বেশ বাবা পড়। আমি যে তোমাকে মেরেছি তাকি তুমি তোমার মাকে বলেছ?”

রাখাল হাসিয়া বলিল—“আপনিতো বলিলেন, আমার কি দোষ?”

শৈবাল হাসিয়া উঠিল। আমি ধীরে ধীরে চলিয়া আসিলাম।

(ক্রমশঃ)

আলুকী পরিবার ভুক্ত উদ্ভিদ।

বন্দ আলু বা মেটে আলু, কন্দ-মূল বিশিষ্ট লতাজাতীয় উদ্ভিদ। বঙ্গদেশে ইহা সচরাচর মেটে আলু নামে প্রসিদ্ধ। ইংরেজী ভাষায় ইহাকে যাম্ (yam) কহে। ইহার বৈজ্ঞানিক নাম ডাইওস্কোরিয়া (Dioscorea)। ইহা লতাজাতীয় উদ্ভিদ হইলেও সাধারণ লতার স্বভাব বিশিষ্ট নহে। ইহাকে পরিবেষ্টিকা উর্দ্ধগা লতা বলিলেও অত্যাুক্তি হয় না। ইহার গাছ স্বভাবতঃই অল্প গাছকে বেষ্টিত করিয়া উর্দ্ধদিগে গমন করিয়া থাকে ইহার নানা জাতি। কোন কোন জাতির পাতা অতিশয় সুন্দর। উদ্ভান শোভার জন্য এই সকল জাতির চাষ হইয়া থাকে। কোন কোন জাতির মূল খাদ্যরূপে ব্যবহৃত হয়। উহাদের মূল সুখাদ্য। কন্দমূল ও কাণ্ডের সংযোগ স্থান হইতে গুল্মমূল সকল বহির্গত হইয়া থাকে। ইহাদের কোন কোন জাতির পুরাতন মূল কখন কখন ২০।২৫ সের বা ততোধিক ওজন বিশিষ্ট হইয়া থাকে। এক বৎসর বয়সের মূল বড় হয় না। জাতি ও ভূমির অবস্থা বিবেচনার এক বৎসরে ইহাদের মূল ১ হইতে ৩ সের ওজনের অধিক কদাচিত্ হইয়া থাকে। ইহাদের মূল যতই অধিক বয়সের হইবে ততই ইহার আকারে বৃদ্ধি হইবে। কিন্তু ২।৩ বৎসরের উর্দ্ধ বয়সের মূল খাইতে সুস্বাদু হয় না। উহার মাংস কঠিন ও আঁশযুক্ত হয়। ইহাদের অধিকাংশ জাতির মাংস পিচ্ছিল। অগ্নি সংযোগে জলে সিদ্ধ করিয়া উহার পিচ্ছিল পদার্থ দূর করিয়া শুৎপর পাক করিতে হয়। ইহাদের কোন কোন জাতির বীজ হয়। গাছের কাণ্ড ও পাতার সংযোগস্থলে, ক্ষুদ্র ক্ষুদ্র ডালে ও কাণ্ডের মস্তকে মূলবৎ গুটি জন্মিয়া থাকে। উহারাই বীজের কার্য সাধন করে। এই সকল বীজমূল ধূসর বর্ণের হয়। উহাদের গাত্র কাটল রেখা-বিশিষ্ট অর্থাৎ কাটা কাটা রেখাবৃত। এই সকল বীজমূলও খাওয়া যায়।

ইহাদের কোন কোন জাতির পাতা বৃহৎ; হৃৎ-পিণ্ডাকার; অগ্রভাগ সরু; সমগ্রপাতা রেখাবিশিষ্ট ও তরঙ্গাকার। এইসকল রেখাই পত্রের পঞ্জরাস্থি। উহার

মধ্যশিরা হইতে বহির্গত হইয়া, পত্রের প্রান্তদেশ পর্যন্ত বিস্তৃত হয়। ইহাদের পাতা জলে পচাইয়া যে অস্থিপঞ্জর (Skeleton leaf) প্রাপ্ত হওয়া যায় উহা দেখিতে বড়ই সুন্দর। কোন কোন জাতির পাতা ক্ষুদ্র ও দীর্ঘাকার ও বক্র রেখাবৃত। ইহাদের পাতা গাঢ় ও চক চক সবুজ বর্ণ। কোন কোন জাতির পাতার তলদেশ বেগুণে বর্ণের। এই বর্ণ নয়নের প্রীতিকর। কোন কোন জাতির মূলের উপরি ভাগ লম্বা, ঐ অংশ আঁশ পূর্ণ ও কঠিন। সেই জন্য অখাদ্য। এই অংশ কঠন করিয়া রোপণ করিলে উহা হইতে নূতন গাছ উৎপন্ন হয়। ইহাদের বীজ হইতেও গাছ উৎপন্ন হইয়া থাকে। বীজ অর্ধে ধাসবীজ (Seedproper) বৃত্তিতে হইবে না। ইহাদের বীজ ক্ষুদ্র ক্ষুদ্র আলুর আকার। উহার গোলাকার বা দীর্ঘাকৃতি হয়। গাছের শাখায় শাখায় উহার বুলিয়া থাকে। উহার ভূপতিত হইলেই উহা হইতে নূতন গাছ উৎপন্ন হইয়া উহাদের বংশ বিস্তার কার্য সাধিত হয়।

ইহাদের কোন কোন জাতির কাণ্ড চতুষ্কোণ ও কোন কোন জাতির কাণ্ডগোল। কোন কোন জাতির মূলের উপরিভাগ গোল হইলেও উপরিস্থ কাণ্ড চতুষ্কোণ হয়। ইহাদের মূলের সংস্কৃত নাম আলুক বা আলুকী। ইহা শীত বীৰ্য্য, বিষ্টমুত্র, মধুর রস, গুরু, মলমূত্র নিঃসারক, রক্ত, দুগ্ধাচ্য, রক্তপিত্ত নাশক, কফানিল বর্ধক, বলকারক, শুক্রজনক ও স্তন্যবর্ধক।

“আলুকং শীতলং সর্বং বিষ্টমুত্রমধুরং গুরু।

সৃষ্ট মূত্রমলং রক্তং দুগ্ধাচ্যং রক্তপিত্তমুৎ।

কফানিলকরং বল্যং স্তন্যং শুক্রং স্তন্যবর্ধনম্।”

কোন কোন জাতির মূল মিষ্টাস্বাদ। আজকাল পৃথিবীর প্রায় সর্বত্র ইহা খাদ্যরূপে ব্যবহৃত হইতেছে। ইউরোপীয় জাতিও ইহা খাইতে ভাল বাসে।

অধুনা দক্ষিণ আমেরিকায় ও পশ্চিম ভারতীয় দ্বীপ-পুঞ্জ, বহুল পরিমাণে ইহার চাষ হইতেছে। এইসকল দেশের অধিবাসীরা ইহার মূল নিম্নত খাদ্যরূপে ব্যবহার করিতেছে। ইহারাই ইহাকে গোল আলুর মূলবর্তী বলিয়া গণ্য করিয়া থাকে। কয়েকটি জাতি এইসকল দেশের আদিম অধিবাসী, তন্মিত্র এদেশজাত আলুর মূলও এইসকল

দেশে নীত হইয়াছে। তথায় উহাদেরও চাষ হইতেছে। কয়েকটা জাতি জাপান ও চীন দেশেরও আদিম অধিবাসী। গ্রীষ্ম প্রধান দেশই ইহাদের চাষ পক্ষে বিশেষ উপযোগী। সমুদ্রের উপকূল হইতে ২০০০। ৩০০০ হাজার ফুট উচ্চ স্থানেও ইহারা জন্মিয়া থাকে। ইহারা আফ্রিকার কোন কোন অংশ, ভারতবর্ষ, সিংহলদ্বীপ, ভারত মহাসাগরীয় দ্বীপপুঞ্জ, মালয় ও ব্রহ্মদেশেরই আদিম অধিবাসী।

এদেশে রীতিমত ইহাদের চাষ হয় না। রীতিমত চাষ হইলে দুর্ভিক্ষের সময় ইহারা এদেশবাসীর মহত্বপূর্ণ সাধন করিতে পারে। এইক্ষণ কোন কোন দেশে রীতিমত ইহাদের চাষ হইতেছে। এদেশে সাধারণতঃ জঙ্গলস্থিত বৃহৎ বা মধ্যমাকার বৃক্ষের পাদদেশের নিকটে ইহাদের মূল বা বীজ রোপণ করা হয়। কখন কখন স্বভাবতঃই ইহাদের অজাগা (Selfsown) বীজ হইতেই গাছ উৎপন্ন হইয়া থাকে। পরে উহাদের মূল পরিপক হইলে উহাদিগকে উঠাইয়া লওয়া হয়। বর্ষাকালে ইহাদের গাছ সজীব থাকে। শীতকালে উহারা শুষ্ক হইয়া মরিয়া যায়। তৎপর বসন্তাগমনের সঙ্গে সঙ্গেই পুরাতন মূল হইতে নূতন গাছ বহির্গত হইয়া থাকে। ইহাদের মূলকে ঘরে উঠাইয়া রাখিলেও রোপণ করিবার উপযুক্ত সময় উপস্থিত হওয়া মাত্র উহা হইতে গাছ বহির্গত হইয়া থাকে। ইহাদের বীজ-মূল ঘরে রাখিতে হইলে মৃত্তিকার বা বালির উপরে রাখিতে হয়। বসন্ত বাটার বা উহার উপকণ্ঠস্থ আবাদ অল্পপযোগী জঙ্গলাকীর্ণ স্থানে ইহার চাষ করাই সম্ভব। কেননা তাহা হইলে অব্যবহার্য ভূমি হইতেও মূল্যবান ফসল প্রাপ্ত হওয়া যায়। প্রায় সকল প্রকার মৃত্তিকাতেই ইহা ওয়ে। অঠাল ও কঙ্করময় কঠিন ভূমি ইহাদের আবাদ পক্ষে উপযোগী নহে। হাল্কা দোয়াশ ও বালিপ্রধান মৃত্তিকাই ইহাদের চাষ পক্ষে বিশেষ উপযোগী। ইহাদের চাষে সারের ব্যবহারের বিশেষ প্রয়োজন হয় না। সার ব্যবহার করিতে হইলে পাতার সার বা অন্য কোন উদ্ভিজ্জসার ব্যবহার করিতে হয়। ইহার অভাবে পুরাতন গো-বিষ্ঠার সারও একরূপ মন্দনহে। জঙ্গলাকীর্ণ

ভূমিতে গাছের পাতা ও মূল ইত্যাদি পচিয়া স্বভাবতঃ যে সার উৎপন্ন হয় উহাই ইহাদের পক্ষে উৎকৃষ্ট সার। তবে আবশ্যিক মত অন্য সারও ব্যবহার করা যাইতে পারে, যে স্থানে ইহার চাষ করিতে হইবে ঐস্থানের মৃত্তিকার সহিত ছাইও পূর্বোক্ত সার মিশ্রিত করিয়া দিলে ইহাদের মূলের আকৃতি ও ওজন বৃদ্ধি হইয়া থাকে। কিন্তু এদেশে ইহাদের চাষে সার কদাচিৎ ব্যবহৃত হইয়া থাকে।

আংশিক ছায়াযুক্ত স্থান ইহাদের চাষ পক্ষে বিশেষ উপযোগী। ছায়াযুক্ত স্থানে ইহাদের গাছের তেজস্বিতা ও পাতার বর্ণ চাকচিক্য বৃদ্ধি হয়। রীতিমত ইহাদের চাষ করিতে হইলে অগ্রহায়ণ ও পৌষ মাসে ভূমিকে কোদাল দ্বারা ২। ৩ ফুট গর্ত করিয়া খুড়িয়া লইবে। কঠিন মৃত্তিকা হইলে উহাতে ছাই বালি ও উদ্ভিজ্জসার মিশ্রিত করিয়া উহাকে হালকা মৃত্তিকার পরিণত করিবে। তৎপর মাঘ মাস হইতে চৈত্র মাস মধ্যে ইহাদের মূল বা বীজ মূল রোপণ করিবে। এই সময়েই ইহার মূল বা বীজ হইতে গাছ বহির্গত হইতে আরম্ভ করে। যে সময় বীজ মূল হইতে স্বভাবতঃ গাছ বহির্গত হয় উহাই ইহার বীজ রোপণের উপযুক্ত সময়। সারি করিয়া ২। ৩ ফুট গভীর গর্ত করিবে। গর্তের পাশ ও ঐ পরিমাণ হওয়া প্রয়োজন। এইগর্তকে ছাই ও সার মিশ্রিত মৃত্তিকা দ্বারা পূর্ণ করিয়া তিনফুট দূরে দূরে বীজ বা মূল রোপণ করিবে। সমস্ত ক্ষেত্র পূর্বোক্তরূপে প্রস্তুত না করিয়া প্রত্যেক লাইনের ভিতরে ৩ ফুট অন্তর অন্তর তিন ফুট ধাই ও দুই ফুট পাশ গর্ত করিয়া উহা পূর্বোক্তরূপে মৃত্তিকা দ্বারা পূর্ণ করিয়া উহাতেও বীজ রোপণ করা যাইতে পারে। এই প্রণালী পূর্বোক্ত প্রণালী অপেক্ষা অল্প শ্রম ও ব্যয় সাধ্য। ইহাদের কোন কোন জাতির মূল (কন্দ) ২। ৩ ফুট লম্বা ও প্রায় ২। ৩ ফুট চৌড়া হয়। সেইজন্য গভীর কৃষ্টি ভূমিতে ইহাদের বীজ বপণ করা আবশ্যিক। রোপনের পরে উক্তবীজ হইতে গাছ বহির্গত হইলে উহাদিগকে বাউনী * দিয়া দেওয়া গিয়া আর ইহার অন্য

* বাউনী শব্দে ইহার গাছকে কোন গাছের, জঙ্গলার, বা উক্তরূপে কোন পদার্থের আশ্রয় গ্রহণ করাইয়া দেওয়াকে বুঝায়।

পাটি নাহি। সময় সময় ইহার মূল বায়ু উত্তাপ ও আলো প্রবেশের জন্য গাছের গোড়ার মৃত্তিকা উঠাইয়া দিতে হয়। রোপণের পরে এক বৎসর মধ্যে ইহাদের কোন কোন মূল খাইবার উপযোগী হয়। তখন দুইটি গাছের মধ্যবর্তী স্থান হইতে একটি করিয়া মূল উঠাইয়া নিয়া ঐ গর্ভে আর একটি ক্ষুদ্র মূল রোপণ করিতে হয়। তাহা হইলে একই ক্ষেত্রে দীর্ঘকাল ইহার চাষ চলিতে পারে। অবশিষ্ট মূল সকল দ্বিতীয় বৎসরে দ্বিগুণ বৃদ্ধি প্রাপ্ত হইবে। তৃতীয় বৎসরে উহার ত্রিগুণ পরিমাণ বৃদ্ধি প্রাপ্ত হইবে। ক্ষুদ্র মূল সকল (২৩ সের ওজনের) ১০ আনা হইতে কখন কখন ১০ মূল্যে বিক্রয় হয়। অধিক ওজনের হইলে কখন কখন ১০ আনা হইতে ১৮ টাকা মূল্যেও বিক্রয় হইয়া থাকে। ইহার চাষ অতি সামান্য ব্যয়েই হয়। বায়ের তুলনার লাভ অধিক হইয়া থাকে। এক বিঘা জমিতে অনূন ১৬০০ মূল রোপণ করা হইতে পারে। প্রত্যেকটি মূলের মূল্য গড়ে ১০ আনা হইলেও উৎপন্ন ফসলের মূল্য ১০০০ টাকা হইতে পারে। জাঙ্গিলা দেওয়া ভিন্ন ইহার চাষে আর অধিক ব্যয় কিছুই নাই। তথাপি উহার ও চাষের ব্যয় প্রতি বিঘায় ৫০ টাকা বাদ দিলেও প্রতি বিঘায় অনূন ৫০ লাভ হইতে পারে। অব্যবহার্য অমূর্করা ভূমি হইতে প্রতিবিঘায় ৫০ লাভ সামান্য নহে। ২১১ বৎসর অপেক্ষা করিয়া ফসল সংগ্রহ করিলে ইহাপেক্ষা অধিক লাভ হইবার সম্ভাবনা নিশ্চিত। এই জাতীয় আলুতে নানরূপ কীটের উপদ্রব হইয়া থাকে। উহার ইহাদের গাছের পাতা ও মূল খাইয়া থাকে, আলু গাছ কীটাক্রান্ত হইলে তৎক্ষণাৎ কীট বিনাশ করিবার উপায় বিধান করিবে।

শ্রীঈশ্বরচন্দ্র গুহ।

ভয়।

করিনি ভয়না কিছু তাঁহারি রূপায়
অলে ছিল ক্ষুদ্র দীপ ভিমির গুহার,
সন্দেহের কঁকা তারে যেরূপে তুলায়।
বিখ্যাসের কীণালোক নিবে না কি যায়।

শ্রীমহেশচন্দ্র ভট্টাচার্য।

সাহিত্য সেবক।

শ্রীউপেন্দ্রকিশোর রায় চৌধুরী—

ময়মনসিংহ জেলার কিশোরগঞ্জ মহকুমার অধীন ময়রা গ্রামে ১৭৮৫ শকাব্দার ২৮ শে বৈশাখ তারিখে উপেন্দ্র বাবু জন্ম গ্রহণ করেন। ইহার পিতার নাম ৬শ্রামসুন্দর রায়। উপেন্দ্র বাবুর পূর্ব নাম কামদারজন রায়। ৭ বৎসর বয়সে জাতি ধুলতাত ময়রার জমিদার স্বর্গীয় হরকিশোর রায় চৌধুরী মহাশয় কামদারজনকে দত্তক পুত্ররূপে গ্রহণ করেন। অতঃপর ইনি উপেন্দ্রকিশোর নামে পরিচিত হইলেন।

উপেন্দ্রকিশোর বাল্যকালেই অনন্য সাধারণ প্রতিভা-শালী ছিলেন। তেমন প্রতিভা কদাচিৎ দৃষ্ট হয়। তিনি যখন ময়মনসিংহ জেলা স্কুলে পড়িতেন তখন তাঁহার পিতা একদিন বক্তিয়াছিলেন “তুমি রাত্রিতে একটুও পড় না।” উপেন্দ্রকিশোর উত্তর করিলেন “পাশের কোঠায় শরৎ কাকা পড়েন, তাতেই আমার শিক্ষা হয়। দু’জনে পড়িয়া কেবল গণ্ডগোল বাড়ানো মাত্র।” হরকিশোর বাবু স্কুলে অনুসন্ধান করিয়া জানিলেন উপেন্দ্রকিশোর পড়া শুনার সকলের শ্রেষ্ঠ ছাত্র। এইরূপে ১২৮৫ সনে উপেন্দ্রকিশোর ময়মনসিংহ জেলা স্কুল হইতে ১৫ টাকা বৃত্তি লইয়া এণ্ট্রান্স পরীক্ষা পাশ করিলেন। ছোট বেলা হইতেই সঙ্গীত শাস্ত্র উপেন্দ্র বাবুর গভীর অনুরাগ ছিল। একদিন স্কুল হইতে আসিতে এক ব্যক্তির নিকট বেহালায় গৎ শুনিয়া আসিয়াই উপেন্দ্রকিশোর তাঁহার ভৃত্যকে কহিলেন “গোপী দা এখনই আমার জন্য একটা বেহালা কিনে আন দেরি করিলে গৎটা ভুলিয়া যাইবে।” বলা বাহুল্য প্রথম দিনেই ঐভাবে উপেন্দ্রকিশোর গৎ শিখিলেন। এখন ইহার সমকক্ষ বেহালা বাদক এ দেশে বিরল।

এণ্ট্রান্স পাশ করিয়া ইনি উচ্চ শিক্ষালাভের জন্য কলিকাতা যান। সেখানে প্রেসিডেন্সি কলেজ হইতে ১২৮৯ সনে বি, এ, পাশ করেন। এই সময় বংশী বাজান শিক্ষা করেন। বি, এ, পরীক্ষার সময়ও তিনি বংশীতেই ওয়র হইয়া থাকিতেন। পাঠ্য গ্রন্থের প্রতি তাহার বড় বেশী অনুরাগ ছিল ন।

উপেন্দ্রকিশোরের মত সরল ভাষায় শিশুদিগের গল্প রচনা এ পর্যন্ত কেহ করিতে পারিয়াছেন কিনা সন্দেহ। ইহাতে তাঁহার একটা স্বাতন্ত্র্য আছে। যখন ১৮৮৩ সনে প্রথমচরণ “সখার” আয়োজন করেন, তখন উপেন্দ্র কিশোর তাঁহার প্রধান সহায় ছিলেন। তারপর “সখা” “সাধী,” “সখাও সাধী” “যুকুল” প্রভৃতি শিশুপাঠ্য পত্রিকায় উপেন্দ্র বাবুর বহু সুন্দর সরল রচনা প্রকাশিত হয়। শিশু সাহিত্যে উপেন্দ্রকিশোর বাঙ্গালা ভাষায় যুগান্তর আনয়ন করিয়াছেন। তাঁহার ভাষার মালিত্য ও মাধুর্য্যে শিশুর হৃদয়ে এক নূতন তান বাড়াইয়া তুলে। এই সময় তিনি “ছেলেদের রামায়ণ” অতি ক্ষুদ্রাকারে বাহির করেন।

“দাসী,” “প্রদীপ,” “প্রবাসী” প্রভৃতি পত্রিকায় উপেন্দ্র বাবুর গবেষণাপূর্ণ বহু প্রবন্ধ প্রকাশিত হইয়াছে।

উপেন্দ্র কিশোর এক জন উচ্চ শ্রেণীর চিত্রকর। ইঁহার চিত্রাংলী পাশ্চাত্য প্রদেহেও সমাদৃত হইয়াছে। ইনিই এদেশে হাফটোন চিত্রের প্রথম প্রচারক; তাঁহার চিত্র সম্বন্ধে বিলাতী Process year Book এ বহু প্রশংসা-বাহির হইয়াছে। ইনিই চিত্র শিল্পী U. Roy নামে সকলের নিকট পরিচিত।

উপেন্দ্র বাবু একাধারে কবি ও চিত্রকর। ইঁহার “ছোট্ট রামায়ণ” পাঠ করিলে বুঝা যায় ইনি কেমন সুন্দর কবিতা লিখিতে পারেন।

উপেন্দ্র বাবু সম্প্রতি “সন্দেশ” নামে শিশুদের জন্য একখানি মাসিক পত্র সম্পাদন করিতেছেন। ইঁহার প্রণীত “ছেলেদের মহাভারত”, মহাভারতের গল্প, “টুন টুনির বই” “ছোট্ট রামায়ণ” “বেহালা শিক্ষা” “হারোমোনিয়ম শিক্ষা,” “সেকালের কথা” প্রভৃতি গ্রন্থ সর্বজন-পরিচিত।

নারায়ণ দেব ।

(২)

কবি বল্লভ উপাধি না নাম, তাহা লইয়া অতঃপর তর্ক উঠিয়াছে। লেখক বলেন—“সরল ও সহজ ভাবে বৃত্তিতে গেলে কবির বল্লভ উপাধি বলিয়াই বুঝা যায়। কবির বল্লভ নাম কাহারও শুনা যায় না।” যিনি বলেন উহা উপাধি, নাম হইতে পারে না, তাঁহার উচিত যে অল্প উদাহরণ দিয়া নিজ কথার সমর্থন করা। পঞ্চাশতরে উহা যে উপাধি নহে, নাম; তাহার বহু উদাহরণ আমরা দিতে পারি। লেখক বলেন—“অচুত বাবু সন্ধান পাইয়া থাকিলেও নাম নহে উপাধি, উপাধিতেই সেই ব্যক্তি পরিচিত।” “কবির বল্লভ নাম হইতে পারে না।” যদি তাহাই হয় তবে ত উপাধিতে পরিচিত অল্প ব্যক্তির প্রসঙ্গই আসিয়া পড়িতেছে, সে ব্যক্তি নারায়ণদেব হইতে ভিন্ন হইয়া পড়িতেছেন। অর্থাৎ কবির বল্লভ নারায়ণ দেবের উপাধি না হইয়া অল্পের উপাধি হইতেছে;—যে ব্যক্তি ঐ উপাধিতেই খ্যাত হইয়াছে। পঞ্চাশতরে উহা যে নাম, তাহা যেরূপে প্রমাণ—

“Kabiballab Ray the Progenitor of the family”—The modern History of Indian Chiefs Rajas & c, Vol II.

“খৃষ্টীয় ১৭শ শতাব্দীর মধ্যভাগে কবির বল্লভ নামে এক ব্যক্তি শ্রীহট্ট জন্ম গ্রহণ করেন।”

শ্রীহট্টের ইতিবৃত্ত ২১২ ৪ ৬৯ পৃঃ।

এই কবির বল্লভ শ্রীহট্টের প্রসিদ্ধ দস্তগীর বংশের প্রতিষ্ঠাতা। তদ্ব্যতীত আমরা অচ্যুত বাবু হইতে অবগত হইয়াছি যে শ্রীহট্টের ইতিবৃত্তের উত্তরাংশে আরও অনেক কবির বল্লভ নামক ব্যক্তির বংশ বিবরণ প্রদত্ত হইয়াছে। বঙ্গীয় সাহিত্য সেবক নামক চরিতাভিধানের সম্পাদক কবির বল্লভ নামক কবির পরিচয় দিয়াছেন। বল্লভ নামক এক কবিরও পরিচয় প্রদান করিয়াছেন। কবির বল্লভের কথা ছাড়িয়া দিলেও বল্লভ নামে বহু গ্রন্থকার প্রাচীন বঙ্গসাহিত্যে স্বীয় কীর্তি রাখিয়া গিয়াছেন। মহাভারতীয় “বিজয় গাওব” নামক গ্রন্থ প্রণেতা বল্লভের

নাম সাহিত্য সংবাদের প্রবন্ধে উক্ত হইয়াছে। “ভারত প্রসঙ্গ” প্রণেতা উক্ত বল্লভ দাসের ভাষাও “এ অঞ্চলের (ত্রিহট্টের) ভাষা হইতে বিভিন্ন নহে।” এই কথাও সাহিত্য সংবাদের প্রবন্ধে কথিত হইয়াছে। আমরাও মহাভারত সংস্কৃত “ছুর্কার পারণ” কাব্য প্রণেতা বল্লভ দ্বিজের উল্লেখ করিয়াছি এবং ইহাও বলিয়াছি যে এই বল্লভ ও নারায়ণ দেবের “সুকবি বল্লভ” একই ব্যক্তি হইতে পারেন।

অচ্যুত বাবু লিখিয়াছেন যে নারায়ণ দেব ও সুকবি বল্লভ এক গ্রাম বাসী ছিলেন। উভয়েই নগর হইতে উঠিয়া যান। অসম্ভব নহে যে একজন সন্নিকটবর্তী বোড় গ্রামে এবং অপর আটকাহনিয়া ধামে চলিয়া গিয়াছিলেন। তবে কবিবল্লভের বংশীয় (রথীভর গোত্রীয়) ব্রাহ্মণগণ মাধবপাশা ও মান্দারকান্দীতেও আছেন বলিয়া অচ্যুত বাবুর প্রবন্ধে পাওয়া যায়। হইতে পারে যে আটকাহনিয়া হইতে পরে এই সব স্থানবাসী হন। অথবা মাধবপাশা প্রকৃতি হইতে কবির জনৈক উর্ধ্ব পুরুষ আটকাহনিয়াতেও গিয়া থাকিতে পারেন।

“বসতি বল্লভ দ্বিজ তাঁহার দেশেতে।”

“হরকান্ত স্মৃত কবি কুমোর চরণে।”

এই দুই চরণের “কবি” এবং “বল্লভ দ্বিজ” একত্রে কবিবল্লভ হইতেছে। কবিগণের নামের পূর্বে “কবি” শব্দের প্রয়োগ অনেক দৃষ্ট হয়। যথা :—

“কহে কবি শেখর কি কহব কান।”

পদকল্পতরু ৪৬৩:৩।১৪ পন্নব।

অভিনব সৎকবি দাস জগন্নাথ

জননী জঠর ভয় নাশরে ॥

পদকল্পতরু ৭২৭।৩।২৫ পন্নব।

পদকল্পতরুতে বল্লভ দাসের প্রায় ২২টি পদ প্রাপ্ত হওয়া যায়। তন্মধ্যে একটির ভিত্তি

“আনন্দে নিমগন বল্লভ দাস।”

আর একটির

“নরোত্তম দাস আশ চরণে রহ

ক্রীষলভ মমভোর।” ৪২৮:৩।১৩ পন্নব।

এতদ্বারা এই পদকর্তাকে শ্রীনরোত্তম ঠাকুর মহা-

শয়ের সমসাময়িক অনুমান করা যাইতে পারে। বস্তুতঃ নিরপেক্ষভাবে বিচার করিলে বল্লভ বা কবি বল্লভকে উপাধিবলিয়া কখনই মনে হইবে না।

তাহার পর যখন নারায়ণ দেবের জাতি সম্বন্ধে পরস্পর বিসংবাদি মত রহিয়াছে, “জান না ধরে সে যে জাতিতে ব্রাহ্মণ” ইত্যাদি কথার সুমীমাংসা হয় নাই, যখন সতীশ বাবু অথবা চক্রবর্তী মহাশয় এই মূল বিষয়ে কোন সহজের না দিয়াই বংশাবলীর অনুসন্ধানে ব্যস্ত হইয়াছেন, তখন ইহা কৌতূহল পবেষণা বা অনুসন্ধিৎসা তাহা বুঝা যাইতেছে না। এ সম্বন্ধে আমরা যে অভিপ্রায় ব্যক্ত করিয়াছিলাম, তাহা সমীচীন কিনা, তাহা লইয়া কোন কথা যখন কেহ বলেন নাই, তখন লেখকেরই কথা মত এই মৌন তাহাদের সম্মতি বলিয়া ধরিয়া লইব কি? কিন্তু তাহা হইলে যে “কবি বল্লভ” উপাধি না হইয়া পৃথক ব্যক্তি হইয়া পড়েন!

“নারায়ণ দেবে কর, সুকবি বল্লভে হয়”

এই বিষয় লইয়াও লেখক কম ব্যতিব্যস্ত হন নাই। কবিবল্লভ লেখকের মতে নাম হইতে পারে না, “পূর্কের ‘সু’টি নাকি ইহার বিষম অন্তরায়”। কিন্তু এই ‘সু’টি যে পাদ পূরণে প্রযোজ্য হইয়াছে, আমরা তাহা বলিলেও লেখক তদ্বিষয়ে কিছু বলেন নাই। ত্রীমুত কালীকান্ত বিশ্বাস মহাশয়ের মতানুসারে ‘সুকবি’ বিশেষণও হইতে পারে, ইহাও বলিয়াছিলাম। লেখক ইহার অর্থ করিয়াছেন—“নারায়ণ দেব, যে সুকবি বল্লভ হয় সে কর” ইত্যাদি। লেখক ত সহজ ভাবে কবিবল্লভটি উপাধি বুঝিয়াছেন কিন্তু এই স্থলে ‘সু’টি উপাধির ব্যাধি স্বরূপ দাঁড়াইয়াছে কিনা জিজ্ঞাস্য। “যে সুকবি বল্লভ হয়” কেমন? “যে কবিবল্লভ” হয় হইল না কেন? তার পর উপাধি নামের সহিত নামের অংশস্বরূপই ব্যবহৃত হয়, নাম ও উপাধি এক সময়ে উভয়ে স্বতন্ত্রভাবে বিভিন্ন ক্রিয়ার কর্তারূপে ব্যবহৃত হওয়ার উদাহরণ আর কত আছে? কর এবং হয়, এই দুইটি ক্রিয়ার কর্তৃপদ অনুসন্ধানে লেখককে ‘সে’ আবিষ্কার করিতে হইয়াছে। ‘যে’ না হইলে ‘সে’ হয় না, তাই “যে সুকবিবল্লভ হয়” ইত্যাদি ব্যাখ্যা! এহলে জিজ্ঞাস্য হইতে পারে কি যে কোন্

ব্যাখ্যাটি অধিক “রহস্যজনক ?”—তাঁহার না আমাদের ?

কবিবল্লভ নারায়ণ দেবের বন্ধু ছিলেন কি না, বাঁহারা উপাধিবাদী, তাঁহাদিগকে ইহা বুঝান কঠিন । যে যে পুঁথিতে “সুকবিবল্লভ খ্যাতি সর্বগুণযুত” এইরূপ উক্তি পাওয়া যায় না সেই সেই পুঁথির পাঠক গ্রন্থমধ্যে কবিবল্লভযুক্ত ভণিতা পাইলে, ইহাকে নারায়ণ দেবের বন্ধু ব্যতীত আর কি অনুমান করিবেন ? পাঠকই বিবেচনা করুন । বংশীদাসের ও কবিবল্লভের ভণিতা একই নারায়ণী পদ্মাপুরাণে পাইলে, এই দুই ভণিতাকারক, নারায়ণ দেব হইতে বিভিন্ন ব্যক্তি, এরূপ বিবেচনা না করিবার কি হেতু থাকিতে পারে ? দুই ব্যক্তির একত্রে কাব্য রচনার সহ উদাহরণ সাহিত্যে বর্তমান । তদবস্থায় পূর্বোক্ত অনুমান স্বাভাবিক । লেখক ভিজ্ঞাসা করিয়াছেন যে কবিবল্লভকে যে নারায়ণ দেব কবিতা রচনা করিয়া গুনাইতেন, “ইহা পদ্মাপুরাণের কোন্ স্থানে” লিখিত আছে ? প্রশ্নটি বেশ হইয়াছে ; এই রীত্যানুসারে ত তাঁহাকেও বলা বাইতে পারে যে, বোড়গ্রাম যে ময়মনসিংহে চিরদিন ছিল, ইহা পদ্মাপুরাণের কোন্ স্থানে আছে ?

তাঁহার পর লেখক বলিতেছেন “কবিবল্লভ যে নারায়ণ দেবের উপাধি ছিল, সতীশ বাবু তাঁহা নারায়ণ দেবের অন্তান্ত স্থানের উক্তি দ্বারা সপ্রমাণ করিয়াছেন ।” এই অংশ পাঠে ত পাঠক বুঝিলেন যে, এ কথাটার কোন আপত্তিই নাই—ইহা প্রমাণিত সত্য । কিন্তু আমরা না বলিয়া পারিলাম না যে, কথাটা অমূলক, সতীশ বাবুর বাক্য প্রমাণিত সত্যরূপে পরিণত হয় নাই । লেখক যদি এস্থলে আমাদের প্রবন্ধের সহিত সতীশ বাবুর প্রবন্ধের তুলনা করিতেন, তাহা হইলেই সতীশ বাবুর প্রবন্ধের অনেক কথাই যে খণ্ডিত হইয়া অপ্রমাণিত হইয়াছে, তাহা প্রকাশ পাইত ।

“কায়স্থ পণ্ডিত বড় বিদ্যা বিশারদ ।

সুকবি বল্লভ খ্যাতি সর্বগুণযুত ॥”

এবং “সুকবি বল্লভ হয়ে দেব নারায়ণ

এক লাচারী কহে অনাদি জনম ॥”

ইহাইত সতীশ বাবুর প্রমাণ । লেখক মহাশয়ের

মতে কি ইহা অবিসংবাদী ? ‘কায়স্থ’ সম্বন্ধে আমাদের নূন কিছু বলিবার নাই । কিন্তু এসব অংশ অনেক পদ্মাপুরাণে না থাকায় ইহার প্রামাণ্যে আমাদের সন্দেহ আছে, ইহা কাহারও কর্তৃক যে প্রকৃষ্ট হইয়াছে তাহা বিবেচনার কারণ আছে, আমরা যেসকল লিখিয়াছিলাম সাহিত্য সংবাদের প্রবন্ধে দৃষ্ট হইল যে, অচ্যুত বাবুও তদ্রূপ অভিমত ব্যক্ত করিয়াছেন । তিনি লিখিয়াছেন—

“কায়স্থ পণ্ডিত বড় বিদ্যা বিশারদ ।

সুকবি বল্লভ খ্যাতি সর্বগুণযুত ॥”

ইত্যাদি আত্মপ্রাধান্যচক আত্মপরিচয় ও উপাধির উল্লেখ আছে । নারায়ণ দেব বিজ্ঞ ছিলেন বটে ; কিন্তু সেই দীনতা প্রকাশের যুগে তিনি স্বয়ং এইরূপ লিখিয়া গিয়াছেন মনে করিতে ইচ্ছা হয় না । ত্রীযুক্ত দীনেশ বাবু দ্বিশতাধিক বর্ষের প্রাচীন এক নারায়ণী পুঁথি পাইয়াছেন, উহাতে ইহা নাই । এই পদগুলি প্রকৃষ্ট বলিয়া গুনা যায় । অতি প্রাচীন হস্তলিখিত পুঁথি না পাওয়া পর্যন্ত ইহার সুমীমাংসা সুসঙ্গত হইবে না ।

সুসঙ্গত না হইবার বিশেষ কারণ, “ভট্ট মিশ্র নহে পণ্ডিত বিশারদ” প্রভৃতি উক্তির সহিত ইহার বিরোধ । এবং “জ্ঞান না ধরে সে যে জাজিতে ব্রাহ্মণ” এই উক্তির সহিত অসামঞ্জস্য । এই জন্মই ইহা প্রকৃষ্ট বা পরবর্তী যে জনা বলিয়া অবধারিত হইয়াছে । লেখক যদি এসকল বিষয়ের মীমাংসায় প্রবৃত্ত হইতেন, কেহই কিছু বলিত না, কিন্তু তিনি তদ্রূপ চেষ্টা না করিয়া কেবল অন্তের কথা উপর টিপনি করিয়াছেন । এস্থলেও আমাদের কথা টিপনি দিতে গিয়া বলিয়াছেন—“নারায়ণ দেবের লেখার স্থানে স্থানে ইহা অপেক্ষা অধিকতর শব্দাঙ্কুর দৃষ্ট হয় ।” কিন্তু তিনিই আবার বংশীদাসের ভূমিকার লিখিয়াছেন—নারায়ণ দেবের “ভাষা গ্রাম্য ইতর ও অশ্লীল” ইত্যাদি । এই দুইটি কথাই এখন লেখকের একই মুখে ব্যক্ত হইয়াছে, তখন নারায়ণের মুখে একবার “পণ্ডিত বড়” এবং আর বার “পণ্ডিত নহে” ইত্যাদি উক্তিভেদে অসামঞ্জস্য দেখিতে না পাইতে পারেন, কিন্তু অন্তে মনে করিতে পারে না কি যে, এত বড় গ্রন্থকার

নারায়ণ দেব নিজ গ্রন্থে পরস্পর বিরোধী বাক্য লিপিবদ্ধ করিবেন, অতএব ইহার একটা কথা নিশ্চিত পরবর্তী যোজনা। অবস্থা গতিকে “কায়স্থ পণ্ডিত বড়” ইত্যাদি কথাই পরবর্তী যোজনা বলিয়া বোধ হয়।

অতঃপর লেখক আমাদের কৃত অর্থে অনাস্থা প্রদর্শন (দোষ প্রদর্শন নহে) পূর্বক স্বয়ং “সুকবি বল্লভ হয়ে” ইত্যাদিরও একটা অর্থ করিয়াছেন, যথা—“দেব নারায়ণ সুকবি বল্লভ হয়ে (হয়), সে অনাদি জনম বিষয়ে এক লাচাটী কহে।” এ স্থলেও ‘সু’টির গতি করা হয় নাই কেন? তাহার কষ্ট-কল্পিত এইরূপ অর্থে উদ্দেশ্য কতদূর সিদ্ধ হইবে, তাহা পাঠকেরই বিবেচ্য। তাহার এই অর্থে ‘হয়’ ক্রিয়াপদ, ইহার অর্থ হাঁ (অন্য) নহে। এ স্থলে তিনি যে প্রণয় করিয়াছেন, তাহাতে বুঝা যায় যে, ‘হয়’ ক্রিয়া, ইহার অর্থ হাঁ হইতেই পারে না।

“হয় নয় একবার জিজ্ঞাসা করিয়া জান।” এইরূপ বাক্য এখনও পশ্চিম-বঙ্গে চলিত আছে। পূর্ববঙ্গে তো কথাই নাই।

“নারায়ণদেব পদ্মপুরাণ রচনা করিয়া কবিল্লভ উপাধি লাভ করেন’ বংশীদাসের ভূমিকায় উল্লিখিত এতদুক্তি উপলক্ষে আমরা জিজ্ঞাসা করিয়াছিলাম যে গ্রন্থরচনার পরে উপাধি লাভ ঘটিলে গ্রন্থের ভিতরে উপাধির কথা আসিতে পারেনা, যদি আসে তবে উহা প্রক্ষিপ্ত বলিয়া গণ্য হইবে। ইহার উত্তরে লেখক আমাদের প্রবেশ দিয়া বুঝাইতেছেন, —“গ্রন্থ কর্তার জীবদ্দশায় গ্রন্থের কোন স্থানের পরিবর্তনে বা পরিবর্তনে তাঁহার সম্পূর্ণ অধিকার থাকে এবং গ্রন্থকার তাহা করিয়া থাকেন। নারায়ণ দেবের পদ্মপুরাণের হস্তলিখিত পাণ্ডুলিপি ছিল, তাহাতে হ্রস্ব দীর্ঘ হওয়ারই কথা। যে সকল গ্রন্থ মুদ্রিত হয়, তাহাতেও সংস্করণে সংস্করণে গ্রন্থকার পরিবর্তন করেন।”

প্রাচীন হস্তলিখিত পুঁথিতেও হ্রস্ব দীর্ঘ হওয়ারই তো পরস্পর বিরোধী, যত স্থান পাইয়াছে। এই হ্রস্ব দীর্ঘ করাটা কিন্তু স্বয়ং গ্রন্থকারের না হইয়া অন্যের বলিয়াই মনে হয় না কি? গ্রন্থকারের হইলে অসামঞ্জস্যের কথা

করাও যায়, তবে এমন সিদ্ধান্ত করা সঙ্গত নহে যে, উহার। নিজ গ্রন্থে অসামঞ্জস্য রাখিয়াই পরিবর্তন করিতেন। বর্তমানে ছাপার বন্দোবস্ত থাকায় হ্রস্ব দীর্ঘ ষটিবার সুযোগ আছে, এক ফারমে যত ইচ্ছা তত কপি ছাপা হইয়া প্রচারিত হইতে পারে, গ্রন্থের বিজ্ঞাপনে পরিবর্তনের কারণ জ্ঞাপিত হইতে পারে। পূর্ব গ্রন্থকার গণ কি জানিতেন না যে তাঁহাদের একখানা হস্তলিখিত গ্রন্থে পরিবর্তন ঘটিলে, দূরান্তরে যে সকল প্রতিলিপি চলিয়া গিয়াছে, তাহা সংশোধনের উপায় নাই। এমতাবস্থায় নিজ গোঁড়ব ধ্যাপক দুইটা পংক্তি গ্রন্থকার যে নিজ গ্রন্থে না বসাইয়া দিলে তাঁহার নিদ্রা হইত না, এমন নহে,—বিশেষতঃ সেই দৈন্তপ্রকাশক বৈষ্ণবীয় যুগে। বিশেষ কথা আরও আছে, বর্তমানে হ্রস্ব দীর্ঘ ষটিতে পারে, বর্তমান কালের গ্রন্থকার-বর্গ সাধারণতঃ লোকের মনোরঞ্জনার্থ বা সাধারণ শিক্ষার জগুই গ্রন্থাদি প্রণয়ন করিয়া থাকেন। কিন্তু পূর্ব কবিবর্গ দেব দেবীর যে চরিত্র চিত্রণ করিতেন, তাহা অনেকস্থলেই দেবাদিষ্ট হইয়া। অনেক গ্রন্থকারই স্বীয় স্বপ্নাদেশের উল্লেখ করিয়া গিয়াছেন। এরূপ স্বপ্নকে তাঁহারা চিন্তা-জনিত ফলবিশেষ মনে না করিয়া বিশ্বাস করিতেন। কবি নারায়ণ দেবও লিখিয়াছেন:—

“চৌদ্দ বৎসরের কালে দেখিল স্বপন।

মহাভন সহিত পথেতে দরশন ॥

শিশু রূপেত গোসাই হাতেত করি বাশী।

আলিঙ্গন দিয়া বলে যায় মুখে হাঁসি ॥

গোবিন্দের আশা মোঃ সেই সে কারণ।

প্রণাম করিল মুঞি ভজিব চরণ ॥” ইত্যাদি।

ঈদৃশাবস্থায় তাঁহারা ভক্তিপূত চিত্তে যে সকল রচনা করিতেন তাহা যে দেব দেবীর কৃপালক্ষ, তাহা তাঁহারা স্বয়ং বিশ্বাস করিতেন; বিশ্বাস করিতেন বলিয়াই কাহারও “কণ্ঠে ভারতী দেবী” বসিতেন, কাহাকেও “মদন গোপাল লেখা” ইতেন, ইত্যাদি। বস্তুতঃ তাঁহাদের লেখা দেবাদিষ্ট (inspired) হইয়া। এসব কথা যদিই বা তর্কস্থলে গ্রন্থকারের হ্রস্ব দীর্ঘ করার কথা স্বীকার অপরিবর্তনীয়। এ সকল গ্রন্থ তাঁহারা দেবদেবীর স্বরূপ

ভূত জ্ঞান করিতেন, তাই অনেকস্থলে গ্রন্থপূজা প্রচলিত আছে। তাদৃশ দেবাদিষ্ট গ্রন্থের সহিত এখনকার গ্রন্থের তুলনায় যে বাগবিরোধ দোষ ঘটে তাহা কি লেখক ভাবিয়া দেখেন নাই ?

শ্রীবিরজাকান্ত ঘোষ ।

শর-শয্যা কাব্য ।

শ্রীহেমচন্দ্র ঘোষ বি, এল কর্তৃক বিরচিত ।

কবি হেমচন্দ্র ঘোষ বহুদিন পূর্বে নবজীৱনে কবিতা লিখিতেন। তাঁহার সেই সমস্ত কবিতা মানস প্রবাহ নামে গ্রন্থাকারে প্রকাশিত হয় এবং তাহা তৎকালের সমালোচক ও পাঠক সমাজে সান্তিশর সমাদর লাভ করে। অষ্টাবিংশতি বৎসর পূর্বে বঙ্গ সাহিত্যের সহিত প্রথম পরিচয় কালে আমরা মানস প্রবাহের কবিতাবলী পাঠ করিয়া আনন্দলাভ করিতাম। নবজীৱনের সেই প্রাচীন যুগে কবি শর-শয্যা কাব্য প্রণয়ন করেন। কিন্তু তৎপরেই তিনি “দুর্ভাগ্য বশতঃ শোক হৃৎ সস্তাপরূপ সংসারের অনন্ত বিড়ম্বনায় পড়িয়া বাণীর অর্চনা পরিত্যাগ করিতে বাধ্য হন, শর-শয্যা কাব্যও অপ্রকাশিতাবস্থায় ফেলিয়া রাখেন। সম্প্রতি সুদীর্ঘকাল অন্তে কবি শরশয্যা মুদ্রিত করিয়া পাঠক সমাজে অর্পণ করিয়াছেন। আজ শর-শয্যার সমালোচনা করিতে প্রবৃত্ত হইয়া পূর্ক স্থতির উদয়ে আমরা সুখানুভব করিতেছি।

শর-শয্যা সুবহু কাব্য গ্রন্থ,—অষ্টাদশ সর্গে বিভক্ত এবং নানা ছন্দে গ্রথিত। ইহাতে কুরুক্ষেত্র মহা সমরের এক রাত্রি এবং দুই দিনের ঘটনাবলী বিবৃত হইয়াছে। অষ্টম দিনের যুদ্ধাবসানে সন্ধ্যাকালে শ্রীকৃষ্ণ এবং পঞ্চ-পাণ্ডব শিবিরে উপবিষ্ট রহিয়াছেন, এমন সময়ে

দিগ্বাস স্বচ্ছদেহ দিগব্যাপি রূপ,

বিমল শীতল অঙ্গ, নিরমল জলে

আকাশের মূর্তি যেন,

পবন দেব তাঁহাদের শিবিরে প্রবিষ্ট হইলেন এবং আশ্রয় ভীমের হিতার্থে আগামী কল্যায় যুদ্ধে পঞ্চ পাণ্ডবের বিনাশ কর্ত্ত ভীমের প্রতিজ্ঞার অন্তর্য্য

বিষয় জ্ঞাপন করিলেন, তারপর এই বিপদ হইতে রক্ষার শরণাপন্ন হইতে উপদেশ প্রদান পূর্ক অস্বীকৃত হইলেন। এইরূপে গ্রন্থকার গ্রন্থারম্ভ করিয়াছেন।

তারপর কাব্যে কুরুক্ষেত্র মহাসমরে ভীমের অলৌকিক বীরত্ব কাহিনী এবং তাঁহার মহিমাময় মহাপ্রস্থানের মহান চিত্র অঙ্কিত করিতে কবি প্রয়াস পাইয়াছেন। কবির চাক্র তুলিকার সুকোমল স্পর্শে ভীমের গৌরবময় উজ্জ্বল চিত্র অতি সুন্দর পরিষ্কৃত হইয়াছে। মহর্ষি ব্যাসের অভুলনীয় চরিত্র শরশয্যা কাব্যে স্নান বা শ্রীহীন হয় নাই। কবি অতি কৌশলে সেই মহাপুরুষের শৌর্য্য বীর্য্য ও মহত্ব স্বীয় তুলিকায় পরিষ্কৃত করিয়া তুলিয়াছেন।

গ্রন্থকার ভীমের মুখে যে বাণী শুনাইয়াছেন আমরা এইখানে তাহার প্রতিধ্বনি করিলাম; গ্রন্থের একস্থানে আছে, ভীমের জননী স্বপ্নে পুত্রকে পাপপূর্ণ পৃথিবী পরিত্যাগ করিয়া যাইতে অনুরোধ করিতেছেন; তখন ভীম বলিতেছেন :—

“তোমার অধিক পূজা জননী ভারত,
ইহার প্রদত্ত ভক্ষ্য পানীয় আশ্বাদে
ধরিয়াছি এই প্রাণ; * * *
অতুল স্বর্গের সুখ চাহেনা গাঙ্গের।
ভুঞ্জিব নরক এই সংস্র বৎসর
তথাপিও ত্যজিব না বিপদে মাতার।
এইপ্রাণ, এইকায়, দেহের শোণিত—
জননী ভারত তরে কারব অর্পণ”।

গ্রন্থে এইরূপ বহু দেখাইবার জিনিস আছে; সৌরভের ক্ষুদ্র কলেবরে তাহা অসম্ভব। গ্রন্থখানি যিনি পাঠ করিবেন, তিনিই গ্রন্থকারের সুসলিল শব্দ বিজ্ঞাস, অভুলনীয় মাধুর্য্য, ভাষার লাগিত্য ও অসামান্ত কবিত্ব দেখিয়া মুগ্ধ হইবেন।

ধনুকাব্যে প্রাবৃত এই বঙ্গ সাহিত্যে আমরা আগাদের স্বভাবাসী গ্রন্থকার হইতে এইরূপ একখানি উপদেশ কাব্য গ্রন্থ উপহার প্রাপ্ত হইয়া আমরা সকলকে গৌরবাধিগ মনে করিতেছি।

সৌরভ



মাননীয় লর্ড কারমাইকেল

ASUTOSH PRESS, DACCA.

সৌরভ

দ্বিতীয় বর্ষ । }

ময়মনসিংহ, ভাদ্র, ১৩২১ ।

{ একাদশ সংখ্যা ।

ভারতবর্ষীয় শিল্প-কলা ।

কয়েক বৎসর হইতে ভারতবর্ষীয় শিল্পকলা সম্বন্ধে বেশ একটু আলোচনা হইতেছে। ইহার সম্পূর্ণ ইতিহাস আজও জানা যায় নাই। তবে ভিন্সেন্ট স্মিথ, কুমার স্বামী, অবনীন্দ্র নাথ প্রভৃতি ঐতিহাসিক ও শিল্পীগণের চেষ্টা দেখিয়া আশা করা যায় যে, তাহার ঐতিহাসিক তথ্য শীঘ্রই নির্দ্ধারিত হইবে। কোন্ নিভৃত গিরিগাত্রে প্রাচীন ভারতের প্রাচীনতম সভ্যতার শেষ নিদর্শন অজ্ঞাতভাবে যে পড়িয়া রহিয়াছে, দেশবাসী তাহার বড় সন্ধান রাখিত না, বিদেশীর যত্নে আজ সে কথা প্রচারিত হওয়াতে সভ্য জগৎ বিস্মিত হইয়া পড়িয়াছে। হতাদৃতা ভারত জননীর ললাটদেশে সেই সভ্যতার উজ্জ্বল প্রভার শেষ রেখাপাত দেখিয়া বিদেশী মুগ্ধ হইয়াছে। কিন্তু কয়জন শিক্ষিত বাঙ্গালী তাহার সংবাদ রাখেন ?

ভারতীয় চিত্রকলার ইতিহাস আলোচনা করিলে দেখিতে পাওয়া যায় যে, ভারতে এক সময়ে চিত্রবিদ্যার বিশেষ চর্চা হইয়াছিল। যে সময়ে এই বিদ্যা উন্নতির চরম সীমায় উঠিয়াছিল, সেই সময়েই অজস্তার চিত্র সমূহ অঙ্কিত হয়। এই চিত্র গুলির পরিচয় দেওয়া বৃথা। যুরোপে আজকাল অজস্তার চিত্র লইয়া যথেষ্ট আলোচনা হইতেছে এবং ইহার অদ্ভুত অঙ্কন পদ্ধতি দেখিয়া, যুরোপীয়গণ শত মুখে ইহার প্রশংসা করিতেছেন। গ্রিফিথ্ (Griffith) সাহেব বলেন অজস্তার চিত্রগুলি

প্রকৃতির ছবি এবং প্রকৃতির আয়ই উজ্জ্বল (all are taken from Nature's book, glowing after her pattern). সে দিন একজন ইংরাজ এই চিত্রগুলির অঙ্কন পদ্ধতির বিষয় আলোচনা করিতে যাইয়া বলিয়াছেন,—‘The Ajanta paintings are characterised by masterly power over line, long subtle curves being drawn with great precision in a line of unvarying thickness with one sweep of the brush.’ আমরা বর্তমান প্রবন্ধে অজস্তা চিত্রের সমালোচনা করিতে বসি নাই; নতুবা এরূপ আরও অনেক মত উদ্ধৃত করিতে পারিতাম।

• অজস্তার চিত্রগুলির সময় নিরূপন করিতে যাইয়া, Col T. H. Hendley বলেন, যে যুগে ভারতে সংস্কৃত সাহিত্যের বিশেষ উন্নতি হইয়াছিল, এবং যে যুগকে ইতিহাসে সাধারণতঃ সংস্কৃত সাহিত্যের যুগ বলা যায় সেই সময়েই (খৃঃ ৫০০-৬০০) এই চিত্রগুলি অঙ্কিত ও শিল্পবিদ্যার উন্নতি সাধিত হয়। সকল ঐতিহাসিক এসম্বন্ধে একমত না হইলেও ইহা দ্বারা চিত্রগুলির প্রাচীনত্ব সম্বন্ধে পাঠকগণের একটা মোটামুটি ধারণা হইবে।

ভারতের প্রাচীন চিত্র শিল্পের ইতিহাস আলোচনা করিলে দেখিতে পাওয়া যায় যে, অজস্তার চিত্রগুলি অঙ্কিত হইবার পর এবং মোগল সম্রাট আকবরের রাজত্ব কাল পর্য্যন্ত এই বিদ্যার কোনরূপ অমূল্য হ্রাস হয় নাই। এক সময়ে যে বিদ্যার এতদূর উন্নতি হইয়াছিল,

হঠাৎ তাহা কেন এতটা হতাদৃত হইল তাহার উত্তর দেওয়া সহজ নহে। যাহারা এ সম্বন্ধে আলোচনা করিয়া ছেন তাঁহারা বলেন, বৌদ্ধ ধর্মকে আশ্রয় করিয়াই চিত্রবিদ্যা ভারতে বিকাশ পাইয়াছিল, এবং বৌদ্ধধর্মের অবনতি হওয়াতেই এই বিদ্যার অবনতি ঘটে। শ্বিথ সাহেব বলেন—“এই সুদীর্ঘ সময়ের মধ্যে যে এই বিদ্যার চর্চা ছিল না, একথা বলা চলে না; বরং একথাই সঙ্গত যে সেই চর্চার সমস্ত চিহ্ন, কাল আপনার সর্বসংহারক হস্ত দ্বারা মুছিয়া দিয়াছে”। তাঁহার কথাটাই অনেকটা সঙ্গত বলিয়া মনে হয়। সে যাহা হউক আকবরের সময় হইতেই ভারতে পারশ্ব দেশীয় শিল্পের প্রচলন দেখা যায়। এই সময়ের চিত্রশিল্প পুস্তকের মধ্যেই নিবন্ধ ছিল। সে চিত্র যাহারা না দেখিয়াছেন, তাঁহাদিগকে এসম্বন্ধে কিছু বুঝান কঠিন। পুস্তকগুলি মন্থণ চর্মে বাধিয়া, শিল্পিগণ তাহাদের উপর নানা চিত্র সন্নিবেশ করিতেন। কোন পুস্তকের উপর বা অঙ্কমুকুলিত পুষ্পের উপর মধুকর গুণ গুণ করিয়া, ঘুরিয়া বেড়াইতেছে, কোন পুস্তকের উপর অপর কোন সুশোভন চিত্র সন্নিবেশিত থাকিত। আকবরের রাজত্বকালে একখানি আকবর নামার উপর এইরূপ অঙ্কিত করা হয়। সে খানি এখন বিলাতে Albert Museumএ রক্ষিত হইয়াছে। আজ কয়েক বৎসর ইহতে তাহার প্রতিলিপি গ্রহণ করিবার চেষ্টা হইতেছিল। বহু কষ্টে Hendley সাহেব কতকটা কৃতকার্য হইয়াছেন। এই প্রথম অঙ্কিত জয়পুরে ‘রাজনামা’ নামক আর একখানি পুস্তক পাওয়া যায়। Hendley সাহেব এখানিরও প্রতিলিপি প্রস্তুত করিয়াছেন। ইহাতে ৪০ লক্ষ পাউণ্ড ব্যয় হইয়াছে। ইহা দ্বারাও শিল্পিগণের কার্য কুশলতা কতকটা বুঝিতে পারা যায়।

আকবর বাদসাহ এই চিত্র বিদ্যা ভারতবাসীকে শিক্ষা দিবার জন্ত যথেষ্ট চেষ্টা করিয়াছিলেন। তৎকর্তৃক পারশ্ব দেশীয় শিল্পিগণ দ্বারা ভারতে এই বিদ্যা প্রচার করিবার কথা ভারতের ইতিহাসে পাঠ করিতে পাওয়া যায়। ইতিহাসে বহু শিল্পীর নামও আছে। কিন্তু ছঃখের বিষয় এই শিল্পিগণের বিস্তৃতজীবনী জানিবার কোন উপায় নাই।

আইন ই আকবর ই গ্রন্থে আকবর কর্তৃক শিল্প সম্বন্ধে উৎসাহ দিবার কথা দেখিতে পাওয়া যায়। ব্লকম্যান সাহেব কর্তৃক অমুদিত গ্রন্থ হইতে নিম্নে কয়েক ছত্রের বঙ্গানুবাদ দিলাম :—

“আকবর সাহ চিত্রবিদ্যার প্রতি যৌবন হইতেই অমুরাগ দেখাইয়া আসিতেছেন। সেই জন্ত এই বিদ্যার যথেষ্ট উন্নতি হইয়াছে। বহু চিত্রকর যথেষ্ট খ্যাতিলাভ করিয়াছেন। প্রতি সপ্তাহে দারোগা ও কেরানীগণ শিল্পিগণের চিত্র সমূহ বাদশাহের সম্মুখে রক্ষা করেন। তিনি চিত্রগুলির দোষ গুণ বিচার, শিল্পিগণের যোগাতা-মুসারে পুরস্কার ও মাসিক বৃত্তির বন্দোবস্ত করেন। চিত্রাঙ্কনোপযোগী দ্রব্যাদির মূল্য যাহাতে বাড়িতে না পারে, সে বিষয়েও তাঁহার বিশেষ দৃষ্টি ছিল। * * * প্রায় এক শত শিল্পী উচ্চতম শিল্প কুশলতার পরিচয় দিতেছে। অগাণ্ড সামান্য শিল্পীর সংখ্যা অত্যন্ত অধিক। হিন্দু শিল্পিগণের মধ্যেও উচ্চ শিল্পী আছে। তাঁহাদিগের দ্বারা অঙ্কিত চিত্র সমূহ অনেক সময়ে মুসলমানগণ কর্তৃক অঙ্কিত চিত্র সমূহকেও বর্ণ চাতুর্য্যে ও ভাবপ্রবণতায় হারাইয়া দেয়।”

এই আকবর বাদসাহের সময়েই আমাদের জাতীয় গৌরব রামায়ণ খানি নানাচিত্রে সুশোভিত হয়। আজকাল ছেলে ভূলাইবার জন্ত যাহারা অদ্ভূত চিত্র যোগে রামায়ণখানির মূল্য বৃদ্ধি না করিয়া তাহাকে বিক্রয় ভাঙ্গন করিয়া তুলিতেছেন, তাঁহারা যদি এই সব চিত্র একবার দেখেন, তবে নিশ্চয়ই তাঁহাদিগকে লজ্জায় নতশির হইতে হয়।

হিন্দুগণ কোন দিনই উদ্ভাবনী শক্তিতে কোন জাতি অপেক্ষা নূন ছিল না! আকবরের মৃত্যুর পর, জাহাঙ্গীরের রাজত্বকালে তাঁহাদিগের চেষ্টা এক অভিনব পথে চালিত হওয়ায় ভারতে আর এক নূতন চিত্রের উৎপত্তি হয়। সম্পূর্ণ দেশীয়, ছাঁচে, দেশীয় ভাবে আশ্রয় করিয়া শিল্পিগণ ছোট ছোট চিত্র আঁকিতে আরম্ভ করেন। এই সব ক্ষুদ্র চিত্র সংগ্রহ করিয়া রাখা হইত। এই প্রকারের বহু চিত্র ইংরাজ পুরুষগণের চেষ্টায় সংগৃহীত হইয়া বর্তমান সময়ে

বিলাতের British Museum এ রক্ষিত হইয়াছে। স্মিথ সাহেব বলেন যে, সাজাহান বাদসাহের রাজত্বকালে এই চিত্রের সমধিক উন্নতি ঘটিয়াছিল এবং তাহার পর হইতেই ইহার অবনতি ঘটে। কিন্তু ইহা যে ভারতবর্ষ হইতে একেবারে কোন সময়েই লোপ পায় নাই ইহা নিশ্চিত। কেননা মাওয়ার, জয়পুর প্রভৃতি বহু কদম ও মিত্ররাজ্যে এরূপ শিল্পীর একান্ত অভাব হয় নাই। ঐ সকল স্থানের শিল্পীগণ এখনও এইরূপ চিত্র অঙ্কনে য পট শিল্প কুশলতার পরিচয় দিয়া থাকেন।

এই সব চিত্রের বিষয় সাধারণতঃ—রাজদ্বার, সৈন্য সমাবেশ, বৃহৎ রচনা, শীকার যাত্রা প্রভৃতি। কোন চিত্রে বা বাদশাহ দরবার গৃহে সমাসীন, দ্বারে সশস্ত্র প্রহরী, পার্শ্বে সভাসদ ও দূরে বীণা গদিনী দণ্ডায়মান, কোন চিত্রে বা হস্তী পৃষ্ঠে বাদশাহ উপবিষ্ট, শত শত সশস্ত্র পদাতিক ও অঝারোহী সৈনিক তাঁহার আজ্ঞা প্রতীক্ষা করিয়া দণ্ডায়মান; আবার কোন চিত্রে বা নিভূতে নিরালা রাজকুমারী প্রেমাস্পদের প্রতীক্ষায় উদ্ভিগ্ন। চিত্রগুলি অতি সুন্দর। যুরোপীয় চিত্রের সহিত রুচির সামান্য ইতর বিশেষ থাকিলেও, সে সব চিত্র বিখ্যাত যুরোপীয় চিত্রকরগণের প্রসিদ্ধ চিত্র হইতে কোন অংশে হীন নহে; এ কথা আমাদের অভূক্ত নহে, স্বয়ং স্মিথ সাহেব বলিয়াছেন;—'The portraits are unsurpassed, the best being quite as good, as though different in technique, from the highest class of European miniature paintings.' এতদ্ব্যতীত চিত্রগুলি দুই শত বৎসরের প্রসিদ্ধ ব্যক্তিগণের দৈনন্দিন জীবনের এক একখানি নিখুঁত ফটো। এগুলি আমাদের ইতিহাসহীন দরিদ্র দেশের মুক ইতিহাস; ভাষা নাই, কিন্তু কোন কথাই অস্পষ্ট থাকে না। পৃথিবীর মধ্যে আর কোন দেশে এরূপ বহু ও সমগ্র ঐতিহাসিক চিত্র আছে বলিয়া আমরা বিশ্বাস করিতে প্রস্তুত নহি। এবিষয়ে আমরা অল্প সমস্ত জাতির তুলনার সৌভাগ্যবান, একথা কোন নিরপেক্ষ ঐতিহাসিকই অস্বীকার করিবেন না। মনুষ্য সমাজ ছাড়িয়া শিল্পীগণ প্রাণি জগতের প্রতিও দৃষ্টি দিয়াছিলেন। তাঁহাদিগের চিত্রে অঙ্কিত পশু,

পক্ষী, কীট, পতঙ্গ প্রভৃতি ও উদ্ভিদ জগতের মধ্যে বৃহৎ লতা প্রভৃতির চিত্র যেমন সুন্দর তেমনি নিখুঁত। কিন্তু আজ কয়জন শিক্ষিত ব্যক্তি সে চিত্র দেখিয়া চক্ষু সার্ধক করিয়াছেন অথবা তাহার সামান্য সংবাদ পর্যন্ত রাখিয়া থাকেন!

এই সব চিত্র সাধারণতঃ কাগজের উপর আঁকা হইত। কেবল Col Hannar যত্নে সংগৃহীত চিত্রের মধ্যে দুই একটি চিত্র চর্মের উপর অঙ্কিত দেখা যায়। ঐতিহাসিকগণ অনুমান করেন যে, হস্তীদন্তের উপর চিত্রাঙ্কন প্রথার তখনও সূত্রপাত হয় নাই। সম্ভবতঃ যুরোপীয়গণের অনুকরণে ইহার সূত্রপাত।

শীতল সিং নামক এক জন হিন্দু শিল্পী শিল্পচাতুর্যের যথেষ্ট পরিচয় দিয়াছেন। খৃষ্টীয় অষ্টাদশ শতাব্দীতে Richard Johnson নামক একজন ইংরাজ ওয়ারেন হেস্টিংসের পোদার ছিলেন। দেশীয় শিল্পের প্রতি তাঁহার দৃষ্টি আকৃষ্ট হয়। সেই সময়ে শীতল সিং কর্তৃক অঙ্কিত কতিপয় যোগল চিত্র তাঁহার হস্তগত হয়। তিনি ঐ চিত্রগুলি যত্নের সহিত বিলাতে পাঠাইয়া দেন। সেই হইতে যুরোপে যোগল চিত্রের আদর। জনসন্মুখে কার্য্য আরম্ভ করিয়াছিলেন, বহু ইংরাজ তাঁহার পর সেই কার্য্য সম্পন্ন করিবার চেষ্টা করিয়াছেন। ইহার পর টিপু সুলতানের রাজগৃহে রক্ষিত বহু চিত্র লণ্ডনে প্রেরিত হয়; ১৮৫৩ খৃষ্টাব্দে বিজাপুর হইতে জাহাজ গোঝাই করিয়া বিজাপুরের আদিলসাহ বংশীয় নরপতিগণ কর্তৃক সংগৃহীত চিত্র সমূহ লণ্ডনে চলিয়া গিয়াছে। ইহা ব্যতীত ব্যক্তিগত চেষ্টায় সংগৃহীত চিত্রের সংখ্যাও নিতান্ত কম নহে। আমরা যাহা মূল্যহীন মনে করিয়া বিলাইয়া দিয়াছি তাহাই সমজদারের হাতে যাইয়া আমাদের গৌরব বৃদ্ধি করিতেছে—তাহা এখন আমাদের দেখিবারও সুযোগ নাই!

শ্রীসুরেন্দ্রনাথ মিত্র।

তিব্বত অভিযান

প্রথম যুদ্ধ ।

এই দারুণ শীতের সময়ও আমাদের সেনাদের সীহেব নিশ্চেষ্ট বসিয়াছিলেন না। যাহাতে বিনা গোলযোগে তিব্বতের সহিত আমাদের বাণিজ্য সন্ধি স্থাপিত হয়, তাহার জ্ঞান তিনি প্রাণপণে চেষ্টা করিয়াছিলেন। ১২ই জানুয়ারী একজন তিব্বতীয় মৈনিক কর্মচারী ও তিনজন লামা লাসা হইতে টুনায় উপস্থিত হইলেন। কর্ণেল সাহেব

ফিরিয়া আসিল। ২রা মার্চ তিব্বতীয়েরা টুনা আক্রমণ করিবে বলিয়া প্রচার করিল। কিন্তু শেষে শুনিলাম, ঐ দিন একটা অমঙ্গল সূচক চিত্র প্রকাশ পাওয়াতে উহা স্থগিত রহিয়াছে। তাহার পর জ্ঞাত হওয়া গেল যে ১৬ই মার্চ কয়েকজন লামা আমাদের সর্কনাশ সাধনের জন্ত এক দৈব কার্যের আয়োজন করিয়াছেন। তিন দিন ধরিয়া উহা চলিয়াছিল। যাহাতে আমাদের সর্কনাশ হয় তজ্জন্ত দেশের সমস্ত প্রধান প্রধান অপদেবতার নিকট বর প্রার্থনা করা হয়। সে সময়ে আরাধ্য অপদেবতা মহাশয়েরা



সিপাহীদিগের অঙ্গ রক্ষার উপর বসিয়া তিব্বতীয় দিগের সহিত সন্ধির আলাপ ।

(ইয়ংহজব্যাও) নিজে তাঁহাদের সহিত সাক্ষাৎ করিলেন। কিন্তু ফল কিছুই হইল না। সন্ধির কথা উত্থাপিত হইলে তাঁহারা আমাদের চুপি ফিরিয়া যাইতে বলিলেন। কর্ণেল সাহেব এ বিষয়ে সম্পূর্ণ অসম্মতি জ্ঞাপন করিতে তাঁহারা প্রস্তুত করিলেন।

৭ই ফেব্রুয়ারী লাসা হইতে সংবাদ আসিল যে, ২৪ ঘণ্টার মধ্যে আমরা টুনা ও ফারী পরিত্যাগ না করিলে যুদ্ধ অনিবার্য। আমরা তাহার উত্তর দিলাম, উত্তর

বোধ হয় নিদ্রা মগ্ন ছিঙ্গেন; কারণ, উহাতে আমাদের বিন্দুমাত্র অনিষ্টের সম্ভাবনা দেখা গেল না।

২৯এ মার্চ টুনায় সমস্ত প্রয়োজনীয় দ্রব্যাদি উপস্থিত হইল। ইহার মধ্যে ১০৩ খানা আমাদের চিত্র পরিচিত একা গাড়ী উল্লেখ যোগ্য। শুনিলাম এ পার্শ্বত্যাগে দেশে ইহা ভিন্ন অপর কোনও যান যাতায়াত করিতে পারে না। দেখিয়া বিশেষ আনন্দিত হইলাম যে, রায় মহাশয়ও আসিয়াছেন। তিনি বলিলেন, “একে এই ভয়ানক দেশ,

তাহাতে আমি একা। বাঙ্গালা ভাষাটা বোধ হয় অনেকটা ভুলিয়া গিয়াছি। তাই তাড়াতাড়ি এখানে চলিয়া আসিলাম।” কিন্তু যখন তিনি শুনিলেন যে আমরা শীঘ্রই লাসার দিকে অগ্রসর হইব, তখন তিনি বিশেষ কাতর হইয়া পড়িলেন। আমাকে পুনঃ পুনঃ বলিলেন, “এমন কাজ করিওনা। আর ফিরিয়া আসিতে হইবে না। বউয়ের নোয়া গাছটা ইচ্ছা করিয়া ধসাইও না।” কিন্তু শেষে তাঁহাকেও আমাদের সহিত যাইতে হইল। তিনি বলিলেন, এই ঘোর বিদেশে তোমাদের দুজন ছেলে মানুষকে কেমন করিয়া এক ছাড়িয়া দিব। অগত্যা আমাকেও যাইতে হইবে।” আসল কথা কিন্তু তাহা নয়। তিনি যখন শুনিলেন যে, টুনায় অতি সামান্য সংখ্যক সৈন্য থাকিবে—অধিকাংশ লোকই আমাদের

প্রায় তিন মাইল অগ্রসর হইবার পর আমরা কয়েকজন তিক্ষতীয় কর্মচারীকে দেখিতে পাইলাম। পথের মাঝখানেই সিপাহীদের ওভারকোট বিস্তৃত হইল। তাহারান্তে তিনজন সাহেব তদোপরি উপবিষ্ট হইলেন। তারপর কথাবার্তা আরম্ভ হইল। ও হরি! সেই পুরাতন বুলি, “তোমরা চুপ্তি ফিরিয়া যাও, আর অগ্রসর হইওনা। হইলে আমরা যুদ্ধ করিব।” এই ফাঁকা আওয়াজ শুনিতে শুনিতে আমরা খুঁ অত্যন্ত হইয়া পড়িয়াছিলাম। স্মরণ্য অগত্যা সত্য ভঙ্গ হইল। তিক্ষতীয় মহাশয়েরা চলিয়া গেলেন, আমরা আবার অগ্রসর হইলাম।

এখন আমরা গিয়াসি অভিযুখে যাইতেছিলাম। ঐ স্থান লাসার খুঁ নিকট বলিয়া আমরা ঐস্থানে এই



যুদ্ধের এক মিনিট পূর্বে তিক্ষতীয় সৈন্যের অবস্থান।

সহিত যাইতেছে, তখন তাঁহারমত পরিবর্তন হইতে অধিকক্ষণ লাগিল না।

৩১শ মার্চ আমরা জেনারেল সাহেবকে অগ্রে করিয়া টুনা ত্যাগ করিলাম। সঙ্গে আমাদের প্রায় ১২০০ সিপাহী, ১৭টা তোপ ও দেড়শত গোরা ও দেশী শওয়ার চলিল। জগ্যাদি বহন করিবার জন্ত প্রায় ২৫০০ কুলি ও ২০০ খচ্চর এবং উপরোক্ত একা সকল চলিল। আমি যোগাড় করিয়া আমাদের তিন জনের জন্ত একখানা একা সংগ্রহ করিলাম। সৈন্যাদি চারিভাগে বিভক্ত হইল। বলা বাহুল্য প্রত্যেক ভাগ এক এক জন ইংরাজ কর্মচারীর অধীনে রক্ষিত হইল।

গোলযোগের নিষ্পত্তির আশা করিয়াছিলাম। কিন্তু আমাদের সে আশা বোধ হয় পূর্ণ হয় না। আরও কয়েক দূর যাইবার পর দেখি, পথের ঠিক পার্শ্বে একটি দুর্গ বেষ্টিত স্থানে বহুতর সশস্ত্র তিক্ষতীয় সৈন্য অপেক্ষা করিতেছে। এ পর্য্যন্ত এমন ভাব দেখি নাই। উহাদের ফাঁকা শাসন বাক্য শুনিয়া শুনিয়া আমাদের দৃঢ় ধারণা হইয়াছিল যে, লাসা পর্য্যন্ত কেহই আমাদের বিরুদ্ধে দণ্ডায়মান হইবে না। এই প্রকার বিশ্বাস ছিল বলিয়াই আমি কুচের সময় নির্ভয়ে চারিদিকে ঘুরিয়া বেড়াইতাম। কুচের সময় কমিসেরিয়েটের আসবাব ও বাবুগা প্রায়ই মধ্যস্থলে থাকে। আমি এই নিয়ম প্রায়ই লঙ্ঘন করি-

তাম। প্রায়ই অগ্রে অগ্রে যাইতাম। আজও তাহাই করিয়াছিলাম। আমাদের একা এবং সেন ও রায় মহাশয় অবশ্য যথাস্থানে ছিলেন। আমি একটা খচ্চরের উপর ধানিকটা আগে আগে যাইতেছিলাম। কয়েকজন ইংরাজ কর্মচারীও আমার সঙ্গে সঙ্গে ছিলেন। এখন সহসা এই ব্যাপার দর্শনে আমি পিছনে হটিয়া আসিলাম। আমাদের সমস্ত সৈন্য গতিরোধ করিল। অফিসরেরা ঘন ঘন তুর্য্যধ্বনি দ্বারা আদেশ প্রচার করিতে লাগিলেন। আমরা গতিরোধ করিয়া মাত্র তিক্ততীরেরা অদৃশ্য হইল। তখন একশত সিপাহী ও তিনজন কর্মচারী দুর্গের সম্মুখে উপস্থিত হইলেন। দুর্গের দ্বার উন্মুক্তই ছিল। তাঁহারা উহার মধ্যে প্রবেশ করিলেন। ভিতরে গিয়া উহার নিরাপদ সূচক বিউগল্ ধ্বনি করাতে আমরা সকলে ক্রমে ক্রমে দুর্গের দিকে অগ্রসর হইতে লাগিলাম। আমার কপালে কষ্ট ছিল, তাই আমি সকলের অগ্রে যাইয়াই উহার মধ্যে প্রবেশ করিলাম।

পূর্কোক্ত তিন জন কর্মচারী, আমি ও একশত সিপাহী দুর্গের মধ্যে কিয়দূর অগ্রসর হইয়াছি, এমন সময় দেখি প্রায় ২০০০ সশস্ত্র তিক্ততীর সৈন্য আমাদের দিকে অগ্রসর হইতেছে। বলা বাহুল্য আমি মুহূর্তের মধ্যে আমাদের সৈন্যের পশ্চাতে উপস্থিত হইলাম। ইতিমধ্যে জেনারেল সাহেব স্বয়ং আমাদের সহিত আসিয়া মিলিত হইয়াছিলেন। তিনি সম্মুখে অগ্রসর হইয়া তিক্ততীর দিগকে নিরস্ত হইবার আদেশ দিলেন। এ প্রকার হুকুম দেওয়া বড় সহজ কিন্তু তামিল করান বড় কঠিন। কয়েকজন বেশ ভাল মানুষের মত ঐ আদেশ পালন করিলেন। কিন্তু অবশিষ্ট সকলে গোলযোগ আরম্ভ করিল। শেষে ব্যাপার বিশেষ গুরুতর হইয়া পড়িল। একজন তিক্ততীর একজন শিথকে গুলি করিল। বেচারী মুহূর্তকাল ছটফট করিয়া পৃথিবী হইতে একেবারে বিদায় গ্রহণ করিল।

ইহার পর ক্রীতিমত যুদ্ধ আরম্ভ হইল। আমরা এ প্রকার ঘটনার জন্য প্রস্তুত ছিলাম না। সেই জন্য প্রথম কয়েক মুহূর্তের জন্য কাবু হইয়া পড়িয়াছিলাম। কিন্তু ইংরাজ কর্মচারীরা প্রকৃত বিপদের সময় যে কি প্রকার

ধীর ও স্থির থাকেন, তাহার প্রত্যক্ষ প্রমাণ আজ পাইলাম। তাঁহাদের সুশরিকালনা গুণে মুহূর্তের মধ্যে আমাদের সিপাহীরা ঠিক হইয়া দাঁড়াইল। ইহার পর দুই চারি মিনিট পর্যন্ত যুদ্ধ চলিল, ইংরাজ শিক্ষিত সৈন্যের নিকট তিক্ততীরদিগের বলবৃদ্ধি খাটিল না। তাহারা অস্ত্রাদি ফেলিয়া সবেগে পলায়ন করিতে লাগিল, আর আমাদের সিপাহীরা গুলি চালাইতে চালাইতে অগ্রসর হইল। মিনিট দশেক পরে যুদ্ধ শেষ হইল। তখন দেখা গেল, তাহাদের ৩০০ হত, ২০০ আহত ও প্রায় ২০০ বন্দী হইয়াছে। আমাদের পক্ষে ৭ জন হত ও ১০ জন আহত হইয়াছিল।

পূর্কোক্ত বলিয়াছি, আমি আমাদের সৈন্যের সঙ্গে সঙ্গে দুর্গের মধ্যে প্রবেশ করিয়াছিলাম। মনে করিয়াছিলাম, বরাবর যেমন হইয়াছে এবারও তিক্ততীরেরা তেমনি পলায়ন করিবে। বিপদের আর কোনও সম্ভাবনা নাই। তাহার পর যখন যুদ্ধ আরম্ভ হইল, তখন আমি প্রথমে হতবুদ্ধি হইয়া পড়িয়াছিলাম। কিন্তু যখন আমার পার্শ্ববর্তী ক্যাণ্ডলার সাহেব (Mr. Candler একখানি দৈনিক ইংরাজিপত্রের সংবাদ দাতা) আহত হইয়া পড়িয়া গেলেন, তখন আমার ঘেব চৈতন্য হইল। অর্ধ মিনিট একবার চারিদিকে চাহিয়া দেখিলাম, কিন্তু আশ্রয়ের উপযুক্ত স্থান দেখিলাম না। তখন আমি তাড়াতাড়ি আহত সাহেবের পার্শ্বে শয়ন করিলাম। আমি যে অত্যন্ত বুদ্ধমানের কাজ করিয়া ছিলাম, তাহা বুদ্ধিতে বিলম্ব হইল না। আমার শয়নর সঙ্গে সঙ্গে গুলি সকল আমার উপর দিয়া ছুটীতে লাগিল। প্রকৃত যুদ্ধ স্থলে ইহার আগে কখনও উপস্থিত ছিলাম না। ব্যাপার যে কি প্রকার ভীষণ তাহা ছাড়ে ছাড়ে বুঝিলাম।

এইস্থানে একটি বড় অদ্ভুত প্রথা দেখিলাম। যুদ্ধ যখন শেষ হইল, তখন আমরা যুদ্ধক্ষেত্রের চারিদিকে ঘুরিয়া ঘুরিয়া হতাহত দিগকে পৃথক করিতে ছিলাম। যখনই আমরা কোনও আহত তিক্ততীরের নিকটে উপস্থিত হইতে ছিলাম, তখনই সে তাহার জিহ্বা বাহির করিয়া অল্প প্রদর্শন করিতে লাগিল। শুনিলাম, ইহা কপা ভঙ্গার চিহ্ন। আমরা যখন উহাদিগকে হাঁস-

পাতালে লইয়া গিয়া সেবা করিবার বন্দোবস্ত করিলাম, তখন প্রথমে উহারা বিশেষ বিস্মিত হইয়াছিল। আহত শত্রুকে যে কেহ আবার সেবা করে, তাহা উহারা জানিত না। তাহারা স্পষ্টই বলিল, “আমরা যদি আপনাদিগকে ঐ আশ্রয় পাইতাম তাহা হইলে কখনও ছাড়িয়া দিতাম না।” কি সর্বনাশ! জীবহিংসার ঘোর প্রতিকূল মহাপুরুষ শাক্যমুনির শিষ্যগণের কি ভীষণ পরিণতি!

আমরা আহত সৈন্যদিগকে টুনায় প্রেরণ করিয়া অগ্রসর হইলাম। কিয়ৎক্ষণ পরে ২৥ মাইল দূরবর্তী ‘গুরু’ নামক গ্রামে পঁহছিলাম। (পরে উপরোক্ত যুদ্ধ এই গ্রামের নামে প্রসিদ্ধ হইয়াছিল।) এখানেও উহারা আমাদেরকে বাধা দিবার চেষ্টা করিল। অংশেষে যখন উহাদের প্রায় ১০০ জন বন্দী ও কয়েকজন হতাহত হইল, তখন তাহারা অন্ত্র পলায়ন করিল।

এই গ্রামে উহারা ৫০.৬০ মণ বারুদ সংগ্রহ করিয়া ছিল। উহা একস্থানে ছিল না। তিব্বতীয়েরা পলাইবার সময় কয়েক স্থানে আগুণ লাগাইয়া দেয়। ঐ সকল স্থানে যে বারুদ আছে তাহা আমাদের সিপাহীরা জানিত না। আগুণ নিবাইবার জন্য অনেকে ঐ সকল স্থানে প্রবেশ করিতে আমাদের কয়েকজন সৈন্য হত এবং আহত হইল। যাহা হউক, ইহার পর আমরা গুরু অধিকার ও তথায় এক ক্ষুদ্র সেনানিবাস স্থাপন করিলাম। এইস্থানে অস্থানের (চীন সম্রাটের নিযুক্ত তিব্বতের সর্বপ্রধান চীন কর্মচারী। ইনি লানায় অবস্থান করেন।) প্রেরিত দূতের সহিত আমাদের সাক্ষাৎ হইল। তাঁহার নিকট শুনিলাম যে, অস্থান স্বয়ং আমাদের সহিত গিয়াংসীতে সাক্ষাৎ করিবেন; এতদিন উপযুক্ত আয়োজনের অভাবে তিনি আসিতে পারেন নাই। তিনি আশা করেন যে, ঐ স্থানে আমাদের সমস্ত গোলোযোগের শান্তি হইবে।

শ্রীঅতুলবিহারী গুপ্ত।

সিন্ধু-গ্রন্থ।

(১)

মনে হয়, সিন্ধু, তুমি নীলের লেখন!

নিশা দিল চন্দ্রবিম্বু, তীর দিল দাঁড়ি,
তাহু দিল বর্ণমালা, বিসর্গ পবন,

বন দিল মকরন্দ মরম উপাড়ি।

নভ দিল তারাহারে শ্লোকের গাঁথুনী,

গিরি হীরকের কাজ ছত্রে ছত্রে করি’

দিল ঝরণায় ঢালি আনন্দ-লহরী,

মরু হাহা রস, মেঘ ছন্দের মাতুনী।

চক্রবাক্ যোড়া দিল চঞ্চু-চুমা-ধ্বনি।

যোগী দিল তপ আর কবি দিল গান,

রোগীশাশে জাগরিতা সেবাসুধা-ধনি,

শিশু ঢেলে দিল তার উলঙ্গ পরাণ।

জড় ও জীবের রক্তে তব গীতি লেখা,

কাল-তালপত্রে তুমি প্রাণ-স্বতিরেখা।

(২)

ফেনার মলাট, সিন্ধু, ও সুধা-প্রহরী,

যতনে ঢাকিছে তব মসী-মুক্তা সব,

তোমায়ে পড়িতে গিয়া গেছে ভয়ে সরি

কত জাতি, কত দেশ, বিবর্ত, বিপ্লব।

অধ্যায়ে অধ্যায়ে খোলে অজস্র ভুবন,

শব্দে শব্দে কত কাব্য, সঙ্গীত অক্ষরে,

উচ্ছ্বাস-তরঙ্গ দেখি’ কাল-শিশু ডরে,

কালি মাখাইতে এসে করে পলায়ন।

অনুপ্রাস উৎপ্রেক্ষায় অর্থে অলঙ্কারে

গড়াইছে সপ্তস্বর্গ সপ্তসুরে বাধা,

হুই পংক্তি মাঝে কত বাণী আধা আধা,

কি বালাই, উলটিতে পাতা আরও বাড়ে!

জ্ঞানের ধর্মের কত উত্থান পতন,

এই গ্রন্থে লিখে গেছে আত্ম-নিবেদন।

শ্রীপ্রমথনাথ রায় চৌধুরী।

বস্তু বিকার

বহুদিন হইল প্রসিদ্ধ লেখক অক্ষয় কুমার দত্ত মহাশয় 'বস্তু বিচার' নামক গ্রন্থ লিখিয়া গিয়াছেন। সে সময় বস্তুর বিচার ছিল, তাই বস্তু বিচার লেখার দরকার। এখন আর সে দিন নাই, ভারতে বস্তু বিচার এক প্রকার উঠিয়া গিয়াছে, বাল প্রভাবে বস্তু বিচারের স্থান বস্তু বিকারে অধিকার করিয়াছে। এখন যে দিকে চাই সে দিকেই কেবল বস্তু বিকার। বস্তু বিকারের অত্যাচারে আয়ুঃস্বাস্থ্য বল, বীর্য্য ক্রমশঃ ক্ষয় পাইয়া যাইতেছে, ধর্ম্ম কর্ম্ম লোপ পাইতেছে, দেশটা একেবারে কিড্ডুত কিম্বাকার হইয়া উঠিয়াছে, তাই আমরা বস্তু বিকার সম্বন্ধে আজ ২।১টা কথা বলিব।

হৃৎকের বিকার দধি, মাখন, ঘৃত ; ইক্ষু রসের বিকার গুড় চিনি প্রভৃতি ; তণ্ডুলের বিকার মুড়ী মণ্ড অন্ন। এই জাতীয় বিকার চিরদিন প্রচলিত, এই সকল বিকারের গুণ বৈজ্ঞানিকগণ ও চিকিৎসকগণ জানিয়াছেন, সুতরাং এই জাতীয় বিকারে লোকের ইষ্টভিন্ন অনিষ্ট নাই ; কিন্তু আজকাল যে এক প্রকার বিটকেলে চোরা বিকার আরম্ভ হইয়াছে তাহাই সমাজের সর্বনাশের মূল হইয়া দাঁড়াইয়াছে।

ঘৃত একটা উপাদেয় বস্তু, আয়ুর্বেদ বলেন ঘৃত বলাবর, পুষ্টিকর, তেজস্কর, ঘৃতে লাভগ্য আয়ুঃ বৃদ্ধি বৃদ্ধি হয়, স্মরণ শক্তি বৃদ্ধি পায়, বিষদোষ নষ্ট করে, ঘৃতে উন্মাদাদি মানসিক রোগ ও কুষ্ঠাদি কায়িক রোগ নষ্ট হয়। ঘৃত ভোজীর শরীরে সহজে জরা প্রবেশ করিতে পারে না। ঘৃত যজ্ঞ হোম শ্রাদ্ধাদি পারলৌকিক কার্যে, ও মিতান্ত প্রয়োজনীয়। পুরাতন ঘৃত বহু রোগে মহোপকারী।

এমন যে মহোপকারী বস্তু তাহা দেশে আর পাইবার উপায় নাই, এমন বস্তু বিকার ঘটনাছে যে ঘৃত বলিয়া যাহা বিক্রীত হইতেছে, তাহা অমৃতের পরিবর্তে হলাহল উদ্গীরণ করিতেছে। শূকর গরু ইন্দুর অজগর সর্প প্রভৃতির চর্কি ঘৃতে স্থান অধিকার করিয়া লোকের ধর্ম্ম ক্ষয়, আয়ুক্ষয়, স্বাস্থ্যক্ষয় করিতেছে। বহু চেষ্টায় বহু অর্থে

আমরা যে ঘৃত ক্রয় করি তাহাতেও কিছু না কিছু বাদাম তৈল বা সর্ষপ তৈল মিশ্রিত থাকিবে।

আজ তুমি মাখন দাগাইয়া সাক্ষাতে ঘৃত প্রস্তুত করাও তাহাতেও বিশুদ্ধ ঘৃত পাইবে না। গোপনন্দনগণ চর্কি মিশ্রিত চালানী ঘৃত দুগ্ধ মধ্যে নিক্ষেপ করিয়া ময়ূণ করিতে থাকে, তাহাতে দুগ্ধ হইতে কিঞ্চিৎ মাখন উঠিয়া মথিত চর্কিতে মিশ্রিত হয়, এই অদ্ভুত বস্তুই বাজারে মাখন নামে পরিচিত ও বিক্রীত।

গতবর্ষে অপর পক্ষের পার্শ্বগণ শ্রাদ্ধ সময়ে বহুচেষ্টা করিয়াও একটু ঘৃত মিলাইতে পারিলাম না, কিছু মাখন আনিলাম, মনে করিলাম মাখন গাগাইয়া ঘৃতে কার্য্য করিব।

পুরোহিত মন্ত্র পাঠ করাইতেছেন, কাজ আরম্ভ হইয়াছে, এদিকে মাখন গালাইতেছে, কিন্তু কার সাধ্য সেখানে থাকে, চর্কি পোড়ার গন্ধে নাক ঝালা পালা হইয়া যাইতে লাগিল। তখন আর উপায় নাই, ঘরে পুরাতন ঘৃত ছিল শ্রাদ্ধীয় দ্রব্যে তাহার কিছু নিক্ষেপ করিয়া মধুর অভাবে গুড়ের ব্যবহার পথ অবলম্বন করিলাম।

এইতো দেশের অবস্থা, এই ভয়ঙ্কর বস্তু বিকারের প্রতিকারের উপায় নাই, খাদক যাহা পায় তাহাই খায়, সুতরাং বিক্রেতাগণ বস্তু বিকার করিবেনা কেন।

অবশ্য রাজ পুরুষগণ কলিকাতা নগরীতে ভেজাল ঘৃত বিক্রেতা দোকানীদিগের মধ্যে মধ্যে অর্থ দণ্ড করিয়া থাকেন বটে, কিন্তু তাহাতে বিন্দু মাত্রও উপকারের প্রত্যাশা নাই কারণ ভেজাল ঘৃত বিক্রয় করিয়া মাসে যদি ১০০০ টাকা লাভ হয়, তবে বৎসরে কি ছয় মাস পরে সামান্য টাকা দণ্ড দিলে ক্ষতি কি? দণ্ডের টাকা যে দুই দিনেই আয় হইয়া যায়। এই অবস্থায় ভেজাল বিক্রেতাগণের যতদিনে কায়িক দণ্ড না হইবে ততদিনে এই উপদ্রব দূর হইবার আশা নাই। উহা যে কতদিনে ঘটিবে তাহা ভগবান্ই জানেন। কেবল ঘৃত নয়, যত কিছু উপাদেয় প্রয়োজনীয় জিনিস, তাহার সমস্তই বস্তু বিকার ঘটনাছে। মধু দৈব কার্যে, পিতৃকার্যে, ঔষধে, পানে, ব্যবহারের একটা নিতান্ত প্রয়োজনীয় বস্তু,

ইহা অখণ্ডিতের ঞায় নামে মাত্র অস্তিত্ব সম্পাদন করিতেছে।

বিক্রেতাগণ চিনির শিরায় কিঞ্চিৎ মধু প্রক্ষেপ করিয়া বিক্রয় করিতেছে, কেহ কেহ গুড়ের শিরাও মিশাইতেছে। পশ্চিমা মজুর গুলির মধ্যে কথকগুলি স্ত্রী পুরুষে কেবল চিনির শিরায় (যাহাতে একবিন্দুও মধু নাই) একটু কমলা লেবুর আরক মিশাইয়া কমলা মধু বলিয়া বিক্রয় করিতেছে।

আমরা পূর্বেই বলিয়াছি এখন আর বস্তু বিচার নাই; সমাজ যাহা পায়, তাহাই চক্ষু বুজিয়া ধায়। নচেৎ মুটে মজুরে আমাদিগকে এই ভাবে ঠকাইতে পারিত না।

জামালপুরের ওদিকে যাহারা মধুর চাক ভাজিতে যায়, তাহারা কলস ভরা চিনির শিরা সঙ্গে নিয়া যায়, চাক ভাজিয়াই ঐ চিনির শিরায় একটু একটু মধু মিশ্রিত করিয়া বিক্রয় করিয়া থাকে। ইহা ইহাদের নিজের মুখেই অনেকের নিকট প্রকাশ করিয়াছে। সুতরাং বিত্তহীন ও মধু ভুলোকে পাওয়ার আশাই নাই, ভূমিপুত্র মঙ্গল গ্রহেও পাওয়া যায় কি না সন্দেহ। দুধের দশাও আজ কাল ভঞ্জন। অনেকে মনে করিতে পারেন দুধে জল দেয় তাহাতে আর বিশেষ অনিষ্ট কি? অনিষ্ট আছে, অপরিষ্কার জলেও স্বাস্থ্যের হানি হয়। অনেকে আবার পূর্ব দিনের দুধ জাল দিয়া রাখে, সেই বাসী দুধ পর দিনের দুধে মিশ্রিত করিয়া বিক্রয় করিয়া থাকে। এই দুধ সকলের পক্ষেই, বিশেষতঃ বালক ও রুগ্নদিগের পক্ষে বিশেষ অপকারী। যাহারা পূর্বদিনের দুধ মিশায় না তাহারাও দুধ জাল দিয়া সর তুলিয়া জল মিশ্রিত করিয়া থাকে। এরূপ বস্তু বিকারেও স্বাভাবিক দুধের ফল পাওয়া যায় না। বিশেষতঃ বিক্রেতাগণ এক পাত্রে বহু গাভীর দুধ মিশ্রিত করিয়া থাকে। তাহার কোনও গাভী রোগা, কোনটা স্তঃ প্রসূতা, কোনটির হয়তো বসন্ত উঠিয়াছে, ইত্যাদি কারণে মিশ্রিত দুধে বহুরোগের বীজ নিহিত থাকে।

বিত্তহীন তৈল একেবারে হুপ্রাপ্য। যত প্রকার তৈল আছে, সব তৈলেই তেজাল চর্চিত্তেছে। আজকাল এক

প্রকার গন্ধহীন কেরোছিন বাহির হইয়াছে, ইহাও নাকি তিল তৈলাদিতে মিশ্রিত হইয়া থাকে।

শুনিতে পাই কৃত্রিম কুঙ্কমে (জাফরানে) অতি সূক্ষিত বস্তু থাকে। রক্ত ও বিবিধ অপবিত্র জিনিসে একটু কস্তুরী মিশ্রিত করিয়া ব্যবসায়ীগণ বস্তু বিকার ঘটায়। রোগীর পথ্যেও বস্তু বিকার প্রবেশ করিয়াছে। বালিতে ময়দা, এরাকট ও শটীর পালোতে চক্ চূর্ণ প্রবেশ করিয়া মহান্ অনিষ্ট করিতেছে। আজকাল রোগের ঔষধে বস্তু বিকার তীব্র মাত্রায় প্রবেশ করিয়াছে। আয়ুর্বেদীয় এক একটা ঔষধ বহু দ্রব্যের সংমিশ্রণে প্রস্তুত হইয়া থাকে। তন্মধ্যে গন্ধ বর্ণ ঠিক রাখিয়া বহু মূলে র বস্তুগুলি না দিলেও কেহ দেখিয়া ঠিক করিতে পারেন না। রাসায়নিক পরীক্ষা ভিন্ন আর কোন উপায়েই ঔষধ ঠিক কি না, বুঝিবার সাধ্য নাই। রসায়নবিৎ পণ্ডিত নিয়া কেহ ঔষধ খরিদ করিতে যায় না, সুতরাং ইচ্ছা করিলে নির্ভয়ে কৃত্রিম ঔষধ বিক্রয় করা যায়।

এই সুযোগ পাইয়া অনেকেই এখন সস্তা দরে কৃত্রিম ঔষধ বিক্রয় করিয়া পশার প্রতিপত্তি ও অর্থ লাভ করিতেছেন। এই বস্তু বিকারে ক্রেতার কেবল অর্থদণ্ড নয়, রোগীর প্রাণ নাশ পর্য্যন্ত ঘটবার সম্ভাবনা। জগতে এক শ্রেণীর লোক আছেন যাহারা সগুণে একটি পয়সাও ব্যয় করিতে কুণ্ঠিত, কিন্তু পাছ দিয়া সর্বস্ব গেলেও তাহা দেখেন না, ইহারাই অল্প মূল্যে কৃত্রিম ঔষধ ক্রয় করিয়া আছে অধিকতর ক্ষতিগ্রস্ত হইয়া থাকেন। আর এক শ্রেণীর লোক সরল ও বিশ্বাসী, তাহারাও সরল বুদ্ধিতে কৃত্রিম ঔষধ ক্রয় করিয়া প্রবঞ্চিত হইয়া থাকেন। যাহারা নিজে চিকিৎসক নহেন, তাহাদের মধ্যে অনেকেই বেতনগ্রাহী চিকিৎসক দ্বারা ঔষধ প্রস্তুত করাইয়া সস্তা মূল্যে বিক্রয় করিয়া থাকেন, কিন্তু একজনের ঔষধ আর একজনে করিলে কতদূর সাবধান-সতর্কতা নেওয়া হয়, তাহা সহজেই সকলের অনুমেয়। আবার যাহারা পরের বাড়ী থাকিয়া চিকিৎসা করেন, যাহাদের লোক নাই, অর্থ নাই, আয়োজন নাই, তাহারা বিরূপে খাটি ঔষধ বিক্রয় করিবেন তাহাও সহজে অনুমেয়।

অনুমেয় বটে কিন্তু অনুমান করে কে, চিন্তা করিয়াই

বা দেখে কে ? লোক ভুলান কথায়, বিজ্ঞাপনের চটকে বাহ্যাড়ম্বরের বাহুল্যে অনেকেই আত্মহারা হইয়া পুরেন, তাই বস্তু বিকারের এত বাড়াবাড়ি ।

ভাগ্যদোষে ভারতবাসীর ভূতের ভিতরেও ভৈজাল ঢুকিয়া পড়িয়াছে । দার্শনিকগণের মতে পঞ্চ ভূত, পাশ্চাত্য বৈজ্ঞানিকগণের গবেষণায় পঞ্চ ভূতে অনেক ভূত বাহির হইয়া পড়িয়াছে । এখন ভূত প্রায় চৌবটি । ভূতেও যখন ভৈজাল, তখন ভৌতিক পদার্থে ভৈজাল থাকিবে না কেন !

বস্তু বিকার যে কেবল অচেতন পদার্থেই ঘটিয়াছে তাহা নয়, আমাদের দেশে চেতন পদার্থেও বস্তু বিকার ঘটিয়াছে । যে যাহা নয়, সে যদি তাহা বলিয়া পরিচিত হয় কিংবা তদনুরূপ থাকে, তবেই আমরা তাহাকে বস্তু বিকার মনে করিয়া থাকি । দেশে অনেক উদারচেতা পরোপকারী মহা বুদ্ধিমান মহাবিদ্বান লোক আছেন, তাহারা অর্থের অভাবে, সহায় সম্পদ, যোগার যন্ত্রের অভাবে লোক সমাজে ও রাজদ্বারে কিছুমাত্র সম্মান গৌরব খ্যাতি লাভ করিতে পারেন নাই । তিনি যেকোন বস্তু সেভাবে প্রকাশ পাইতে পারেন নাই, বিকৃত ভাবে রহিয়াছেন । ইহাও একপ্রকার বস্তু বিকার বটে । এ বস্তু বিকারেও সমাজের যথেষ্ট হানি আছে । গুণের ও সাধুতার আদর না থাকায় দেশ অধঃপাতে যাইতেছে । উপযুক্ত সম্মান গৌরব সহায়ভূতি না পাইয়া তাহারা মৃগী হইতেছেন ও তাহাদের দীর্ঘ নিখাসে দেশ শ্মশান ক্ষেত্রে পরিণত হইতেছে । অপর দিকে মেকীর আদর বাড়িতেছে । যিনি বেকরপ পাত্র নহেন তিনি অর্থবলে, জিহ্বা বলে, যোগার বস্ত্র সহায় সম্পদের বলে, তদপেক্ষা সহস্রগুণ উন্নতি লাভ ও খ্যাতি গৌরভ লাভ করিয়া বড় বড় উপাধিতে অলঙ্কৃত হইয়া সমাজে প্রভুত্ব করিতেছেন । ইহাও এক প্রকার বস্তু বিকারই বটে । ইহাতেও সমাজের যথেষ্ট অনিষ্ট হইতেছে ।

এ দিকে আমাদের দেশটা পরাধীন, হইয়াও যেন স্বরাট স্বাধীন হইয়া উঠিয়াছে । কেহ কাহারও অধীন থাকিতে চায়না । ইহাও এক প্রকার বস্তু বিকারই বটে । চির দিনের চণ্ডাল জাতি এখন আর চণ্ডাল বলিয়া

পরিচয় দিতে চায় না । শৌণ্ডিকগণ বৈশ্ব বঙ্গিয়া পরিচয় দিতে সম্মুত্ত । এক প্রকার বস্তু আর এক প্রকার হইলেইতো বস্তু বিকার, স্মৃতরাং ইহাও বস্তু বিকারে পরিগণিত ।

এই বিকারে সমাজের অপকার কি উপকার আমরা সে কথার অবতারণা করিতে চাই না । উপকারই হউক, আর অপকারই হউক, ইহাও যে বস্তু বিকার তাহা বোধ হয় অনেকেই স্বীকার করিবেন । অর্থলোভে যাহারা বস্তু বিকারের সাহায্য করিয়া থাকেন, তাহাদের মধ্যেও ঘোরতর বস্তু বিকার ঘটিয়াছে । স্থূল কথা আমাদের দেশের চেতন পদার্থগুলিও এখন ঠিক স্বাভাবিক অবস্থায় নাই । হিংসা, ঘেব, পরশ্রীকাতরতা, আত্মশ্রুতি, ধূর্ততা, প্রবঞ্চনা, কপটতা প্রভৃতি অনেকের ভিতরে প্রবেশ করিয়া বস্তু বিকার ঘটাইয়াছে । আমরা চিকিৎসক । বিকার আমাদের চক্ষুঃশূল, বিকারের নাশ করাই আমাদের ব্যবসা ; কিন্তু এত বিকারের ঔষধ কোথায়, এ যে অসাধ্য ব্যাধি ! ভগবানের কৃপা শিল্প এ ব্যাধির ঔষধ নাই । এখনও সমাজ যদি সুপথ্যাশী হইত তবে রোগ এত বৃদ্ধি পাইতে পারিত না । একজনের দেখা দেখি দশ জনে কুপথ্য গ্রহণ করিতেছে । কাজেই দেশ রসাতলে যাইতেছে ।

শ্রীগিরিশচন্দ্র সেন কবিরত্ন ।

ঋণ-শোধ

নারায়ণ রায় যখন অশীতিবর্ষ বয়সে পৃথিবীর শেষ নিশ্বাস গ্রহণ করিলেন, তখন তাঁহার মনে এই দুঃখ ছিল যে তিনি পুত্র মহেশ ও হরিশের জন্ত কিছুই করিয়া যাইতে পারেন নাই । বস্তুতঃ গোলা ভরা ধান, গোয়াল ভরা গরু, জোত জমি প্রভৃতি যে সকল উপসর্গে চঞ্চলা লক্ষ্মী অচলা হইয়া থাকেন, নারায়ণ পুত্রদ্বয়ের জন্ত সে সকলের কোন বন্দোবস্ত করেন নাই । তবে, রায় মহাশয়ের মনে এই শান্তি ছিল যে, মহেশ ও হরিশ কখনও “তাই তাই, ঠাই ঠাই” হইয়া তাহাদের সর্বনাশ করিবে না; স্মৃতরাং মোটা ভাত, মোটা কাপড়ে তাহাদের দিন কোনও প্রকারে চলিয়া যাইবে ।

এদিকে বিশবৎসর বয়সে পিতৃহীন হইয়া মহেশ চারি দিকে আঁধার দেখিল। গৃহে তাহার ত্রয়োদশ বর্ষীয়া পত্নী ভিন্ন দ্বিতীয় লক্ষ্য ছিল না। হরিশ কাণ্ডজ্ঞান-হীন বালক। দুই ভাই উৎসাহের সহিত গ্রামের স্কুলে পড়িতেছিল। পিতার মৃত্যুর সঙ্গে সঙ্গে মহেশ যেন স্বপ্ন হইতে হঠাৎ জাগিয়া দেখিল সংসারটা গুরুভার প্রস্তরের তায় তাহার ষাড়ে চাপিয়া তাহাকে পিষিয়া মারিবার জন্য প্রস্তুত হইয়াছে। কাজেই অপরিপক্ব বয়সে সংসারের নিকট বিদায় লইয়া মহেশ সংসার রূপে মনঃপ্রাণ ঢালিয়া দিল। মহেশের পত্নী সৌদামিনী গৃহস্থধরের মেয়ে নভেল, কার্পেট মাথাধরা প্রভৃতি রোগগুলি তাহার আদৌ ছিল না। একটা চাকরের সাহায্যে সে বৃহৎ পরিবারের সকল কাজ সুশৃঙ্খলার সহিত সম্পন্ন করিয়া দিনান্তে রামায়ণ, মহাভারত প্রভৃতি পুস্তকগুলি লইয়া একটু বসিবার অবকাশ পাইত। সংসারের অত্যাগ নীরস, কবিত্বহীন কাজ মহেশকেই করিতে হইত। স্মরণ্য পতি পত্নী পরস্পরের সাহায্যে বৃহৎ সংসারটা কোনও প্রকারে চলিতে লাগিল।

মহেশও সৌদামিনী উভয়েরই আন্তরিক ইচ্ছা, হরিশ পড়িয়া শুনিয়া একটা পণ্ডিত হইয়া বাহির হয়। স্মরণ্য তাহারা হরিশকে কোনও কাজে ডাকিত না। তাহাদের উৎসাহে হরিশ দ্বিগুণ তেজে পড়িতে লাগিল এবং ক্লাসের সকল ছেলেকে হটাইয়া দিয়া ভ্রাতা ও ভ্রাতৃবধূর স্নেহ হৃদয়ের আন্তরিক আশীর্বাদ লাভ করিয়া কৃতার্থ হইল।

(২)

পিতার মৃত্যুর অল্পকাল পরেই মহেশ বেশ বুদ্ধিতে পারিল, তাহার অদৃষ্টটা যেন তত প্রসন্ন নহে। ক্রমে তিন বৎসর অজন্মা হইল। বাহির হইতে এক কপর্দকও ঘরে আসিল না, কিন্তু সংসারের ঠাঁট বজায় রাখিতেই হইল; অন্নবস্ত্রের অভাব সত্ত্বেও বার মাসের তের পার্কিন সমান ভাবেই চলিল। সকল প্রকার অভাবের মধ্যে পড়িয়া সপ্তরথী বেষ্টিত অভিমতুর তায় মহেশ অস্থির হইয়া উঠিল। এমুন সময় কলিকাতা হইতে একখণ্ড সংবাদ পত্র হরিশের পাসের খবর বুকে লইয়া উপস্থিত

হইল। হরিশ প্রবেশিকা পরীক্ষা পাস করিয়াছে শুনিয়া মহেশ আনন্দের পরিবর্তে বরং বিষাদ সাগরে হাবুডুবু খাইতে লাগিল। হরিশের পড়াতে আর বন্ধ থাকিতে পারে না! অনেক চিন্তা করিয়া মহেশ ভ্রাতার পড়ার বন্দোবস্ত করিবার জন্য মহাজনের শরণাগত হইল।

শুভদিনে হরিশ ভ্রাতা ও ভ্রাতৃবধূর চরণে প্রণত হইয়া, চিরপরিচিত স্নেহ-নীল পরিভ্যাগ করিয়া কলিকাতার তায় অজ্ঞাত রাজ্যের উদ্দেশ্যে ছুটীয়া চলিল! যাত্রার সময় সৌদামিনী অশ্রুবিজড়িত কণ্ঠে বলিল “দেখ ভাই, আমাদের যেন ভুলোনা”। হরিশ মার কথা বহুদিন হইল ভুলিয়া গিয়াছিল, কিন্তু আজ এই স্নেহময়ী মাতৃমূর্তির প্রতি দৃষ্টিপাত করিয়া উচ্ছ্বসিত অশ্রুপ্রাণের প্রতিরোধ করিতে পারিল না।

(৩)

রজনমন্ডের তায় সংসারের দৃশ্যটিও অবিবর্তিত পরিবর্তিত হইতেছে। হরিশ কলিকাতায় আসিয়া দেখিল ক্ষুদ্র ক্ষুদ্র কুটীর রাশির সমষ্টি—তাহাদের গ্রামধানার সঙ্গে তুলনা করিলে এ যেন স্বপ্নরাজ্য পরীর দেশ বলিয়া মনে হয়। গাড়ী ঘোড়া, ট্রাম, মিউজিয়াম, চিড়িয়াখানা, থিয়েটার প্রভৃতি অসংখ্য দৃশ্যে তাহার নয়ন ঝলসিয়া গেল। নূতন সৌন্দর্য্যরাশির সঙ্গে সঙ্গে, নূতন ভাব, নূতন সঙ্গী তাহাকে নাচাইয়া মাতাইয়া তুলিল। দেখিতে দেখিতে পল্লি-গ্রামের হরিশ একজন প্রকাণ্ড ‘সহরে’ হইয়া উঠিল। সার্ট, কোর্ট, কলার, সিগারেট প্রভৃতি সত্যতার কোনও উপসর্গই তাহার দৃষ্টি এড়াইতে পারিল না। মাস শেষে সে যে টাকার দাবী করিয়া পাঠাইত তাহা সংগ্রহ করিতে মহেশের হৃদয়ের রক্ত জল হইয়া যাইত কিন্তু হরিশ স্মৃতি সঙ্কন্দে পড়াশোনা করিতে পারিতেছে, এই আনন্দে মহেশ ও সৌদামিনী কষ্টকে কষ্ট জ্ঞান না করিয়া তাহার সকল দাবীই পূর্ণ করিয়া দিত।

কলিকাতার ভাবের তরঙ্গ ভাসিতে ভাসিতে হরিশ এক, এ, পাস করিয়া যে ডকেল কলেজে ভর্তি হইল। পাঁচবৎসর বধন কাটিয়া গেল তখন মহেশ জমি জমা বন্ধক রাখিয়া, ঘটা বাটা বিক্রয় করিয়া টাকা সংগ্রহ করিতে লাগিল। আর এক বৎসর পরে হরিশ ডাক্তার

হইয়া বাহির হইলেই সকল কষ্টের অবসান হইবে, এই আশায় মহেশের হৃদয়ে আনন্দের উৎস খুলিয়া গিয়াছিল। কিন্তু সংসার একেবারে অচল হইয়া গেল, পাল-পার্কিন বন্ধ হইল, এমনকি মধ্যে মধ্যে ভ্রাতৃ-বৎসলতার স্পুরস্কার স্বরূপ মহেশ সজীক উপবাস করিতে লাগিল। এত করিয়াও শেষ রক্ষা হইল না। অবশেষে একদিন ভয় প্রাণে মহেশ সৌদামিনীর কাছে আসিয়া বলিল “এখন উপায় কি? এখনও ছয় মাস বাকী আছে। আর টাকা ধার পাওয়া যায়না, আমি চারিদিক আঁধার দেখিতেছি।”

স্বামীর বিষয়, বিবর্ণ মুখের দিকে চাহিয়া সৌদামিনী মুহূর্তকাল চিন্তা করিল, তারপর বাক্স খুলিয়া একগাছি সোনার হার তাহার হাতে দিল। “কোনও চিন্তা নাই, ইহাতেই কুলাইবে, যদি না কুলায়, আরো আছে।” এই বলিয়া হাতের সোণার বাল্য স্পর্শ করিল।

একটা বৈদ্যুতিক স্পন্দনে মহেশের হৃদয় আলোড়িত হইয়া উঠিল। সৌদামিনীর পিতৃদত্ত অলঙ্কার খানা হাতে করিয়া মহেশের চক্ষু অশ্রুভারাক্রান্ত করিয়া উঠিল, উপায় নাই, তাই বিক্রয় না করিয়া সে স্নেহের দান মাধ্যম তুলিয়া লইল, তারপর ধীরে ধীরে চলিয়া গেল।

(৪)

হরিশ ডাক্তার হইয়া বাড়ী আসিল, তারপর চাকুরী লইয়া চলিয়া গেল। মহেশ ও সৌদামিনী অল্পকাল মধ্যেই তাহার ভাবান্তর লক্ষ্য করিয়া বিস্মিত হইল। এ হরিশ যেন আর সে হরিশ নহে। সে ভ্রাতা ও ভ্রাতৃবধূর প্রতি কেমন একটা অনাদর এবং অশ্রদ্ধার ভাব প্রকাশ করে, তাহাদের সঙ্গ হইতে আপনাকে মুক্ত করিতে পারিলে যেন শাস্তি লাভ করে!

দুই বৎসরেই হরিশের পসার বেশ জাঁকিয়া উঠিল। ভাগ্যলক্ষী এই নবীন ডাক্তারের হাট কোর্ট ও বসনভূষণের চাকচিক্যে আকৃষ্ট হইয়া নিজের অল্প ভাগ্য হইতে মুষ্টি মুষ্টি স্বর্ণরাশি লইয়া তাহার ভাগ্য পূর্ণ করিয়া দিতে লাগিলেন। জুড়িগাড়ী, কোঠাবাড়ী, আসবাবপত্র প্রভৃতি হরিশের কোনও কিছু অভাব রহিল না। অধিকন্তু সহরের প্রবীণ উকিল অমরেন্দ্র বাবু আপনার হার্মনিয়ম,

পিয়েনোবাদিনী কল্যা জ্যোৎস্নাকে হরিশের হস্তে সমর্পণ করিয়া কৃতার্থ বোধ করিলেন।

হরিশ এই দুই বৎসরে মহেশ ও সৌদামিনীর কোনও খবর লইবার অবসর পায় নাই। বিবাহের পরদিন মহেশ একখানা পোষ্টকার্ডে জানিতে পারিল, হরিশের বিবাহ হইয়া গিয়াছে। তাহার মস্তকে যেন চিরদিনের উন্নত আকাশটা ভাঙ্গিয়া পড়িল—“হার, এই কি সেই হরিশ, সৌদামিনী না খাওয়াইয়া দিলে যাহার খাওয়া হইত না।” সৌদামিনীর হাশ্ব প্রকল্প মুখ চিরদিনের অন্ত মেঘাচ্ছন্ন হইয়া গেল।

এদিকে পৈতৃক বাড়ীঘর যখন দেনার দায়ে নিলাম হইয়া গেল, তখন মহেশ নিরুপায় হইয়া হরিশের নিকট আশ্রয় প্রার্থনা করিতে বাধ্য হইল।

(৫)

হরিশের বৃহৎ অট্টালিকার একটা ক্ষুদ্র অঙ্ককারময় গৃহে মহেশ ও সৌদামিনী আসিয়া আশ্রয় লইল। হরিশ চক্ষুলাজ্জা এড়াইতে পারে নাই সুতরাং তাহাদিগকে স্থান দিতে বাধ্য হইল।

মহেশ এই নূতন আশ্রয়ে আসিয়া কিছুই নূতন দেখিতে পায় নাই। ভ্রাতার অনাদর সে সহিয়া থাকিতে শিখিয়া লইল। সংসারে দুঃখের বোঝা বহন করিতে যাহারা আসিয়াছে, তাহাদের সঙ্গ করিবার ক্ষমতা স্বভাবতঃই একটু বেশী থাকে। কিন্তু সৌদামিনী এই নূতন আশ্রয়ে আপনাকে অপমানিত জ্ঞান না করিয়া থাকিতে পারিল না। যে দিন সৌদামিনী হরিশের গৃহে পদার্পণ করিল, সেই দিনই জ্যোৎস্না ঠাকুরকে তাড়াইয়া দিল। সুতরাং রান্না বাস্না ও অন্যান্য কাজ কর্তব্য সৌদামিনীর ঘাড়ে আসিয়া পড়িল। জ্যোৎস্না এ সকল কাজে কখনও আসিত না, তাহার শরীর কারণে, অকারণে অসুস্থ হইয়া পড়িত। কাজ করিতে হয় বলিয়া সৌদামিনী দুঃখিত না হইয়া বরং আনন্দিত হইত। কিন্তু, জ্যোৎস্না যে তাহাকে সম্মানের চক্ষে না দেখিয়া বরং অনাদর করিত, তাহাকে দূরে দূরে রাখিত, এমন কি তাহার তিন বৎসরের ছেলে অনিল যাহাতে সৌদামিনীর কাছে না থাকিতে পারে তাহার অন্ত নানা কৌশলে ছেলেটিকে

ভুলাইয়া রাখিত—এ সকল বিষয় সৌদামিনীর স্বভাব-কোমল হৃদয়ে তীব্র বেদনা জাগাইয়া তুলিত। মুখ ফুটিয়া সে কাহাকেও কিছু বলিত না, কিন্তু দিন দিন তাহার শরীর ও মন ভাঙ্গিয়া পড়িতে লাগিল। মহেশ সকলই বুঝিত, সকলই দেখিত এবং উচ্ছ্বসিত অশ্রুবেগ রুদ্ধ করিবার জন্য দুই হাতে মুখ ঢাকিয়া চলিয়া যাইত।

(৬)

দিবা নিদ্রা শেষ করিয়া জ্যোৎস্না পিয়েনোর কাছে বসিয়া কয়েকটা সঙ্গীতের সুর মিলাইতেছিল, এমন সময় সৌদামিনী ধীরে ধীরে আসিয়া মেজের উপর বসিল। তাহার ক্রম, কঙ্কালসার দেহে রক্তের লেশ ছিল না, কোটর প্রবিষ্ট চক্ষু হইতে মৃত্যু সোৎসাহে—উঁকি মারিয়া দেখিতেছিল।

অনেকক্ষণ বসিয়া থাকিয়াও সৌদামিনী জ্যোৎস্নার সঙ্গে আলাপ করিবার সুযোগ পাইল না, জ্যোৎস্না তাহার দিকে দৃকপাতও করিল না। অবশেষে সৌদামিনীই ধীরে ধীরে বলিল “আজ তোমাকে একটা কথা না বলিয়া পারিতেছি না, বোন! আমার শরীরটা অসার হইয়া পড়িয়াছে, রান্নাবান্নার কাজ আমি তো আর চালাইয়া উঠিতে পারিব না। একটা রাঁধুনী না রাখিলে আর উপায় নাই।”

জ্যোৎস্না সৌদামিনীর দিকে না ফিরিয়াই বলিল, “রাঁধুনী রাখিলে কি করিয়া পোষায় বল। এই বৃহৎ সংসারের ধরচ কত কষ্টে চলে, তাহা কি আর বুঝিতে পার না।”

ধীরে ধীরে সৌদামিনী উঠিয়া আসিল। হরিশকে বলিয়াও সৌদামিনী কোনও সহস্বর পাইল না।

মহেশ যখন রক্তনের সহায়তা করিতে আসিল, তখন সৌদামিনীর অশ্রুজল আর বাধা মানিল না। কাঁদিয়া বসে ভাসাইয়া সৌদামিনী বলিল, “আমি ষত দিন বাঁচিয়া আছি, তুমি একাজে কিছুতেই আসিতে পারিবে না। তারপর, বাহা ইচ্ছা, করিও।”

সৌদামিনী নিজেই চাকর হরেরকৃষ্ণকে ডাকিয়া এক বেলা রাঁধিবার জন্য বলিয়াছিল, কিন্তু হরেরকৃষ্ণ তাহা গ্রাহ্যও করিল না। অত্যাগিনী সৌদামিনীও একদিন

গৃহিণী ছিল, তাহার স্মৃতির সংসারে তাহার ইন্দ্রিতেও চাকরু খাটিত। সেই সংসার কেন ভাঙ্গিল তাহা মনে করিয়া সৌদামিনীর চক্ষু দিয়া আশ্রন ছুটিতে লাগিল।

ভিন্ন ভিন্ন করিয়া শরীরের শেষ রক্ত বিন্দু অকৃতজ্ঞ দেবরের সেবায় উৎসর্গ করিয়া অবশেষে একদিন ম্লান সন্ধ্যার বিগুঞ্চ কুসুম কোরকের আয় সৌদামিনী পৃথিবীর কোলে বরিয়া পড়িল।

মহেশ কাঁদিল না; সে মনে করিল, সৌদামিনী কারাগার হইতে মুক্ত হইয়া আনন্দের রাজ্যে চলিয়া গিয়াছে।

(৭)

সৌদামিনীর মৃত্যুর পরে অত্যল্পকাল মধ্যেই মহেশ বৃদ্ধ হইয়া পড়িল; গুচ্ছ গুচ্ছ শুরু কেশ অকালে তাহার মস্তকে বার্ককোর বিজয়-পতাকা উড়াইয়া দিল। সে হাসিমুখে কাহারও সহিত বড় একটা আলাপ করিত না। নির্জনে হরিশের ছেলে অনিগকে কোলে করিয়া বসিয়া থাকিত।

বেশী দিন এ শাস্তি উপভোগ তাহার অদৃষ্টে ঘটিল না। জ্যোৎস্না হরিশকে নীগ্রই বেশ করিয়া বুঝাইয়া দিল যে মহেশ অনিলকে সত্যতা শিক্ষা দিতে পারে না; এতদ্ব্যতীত একজনের উপার্জনে দশ জনে বসিয়া খাওয়া অর্থের অপব্যবহার ভিন্ন আর কিছুই নহে।

অবশেষে হরিশ মহেশকে বলিল, “দাদা, আমাদের বৃহৎ সংসারের ধরচতো আমি একা কুলাইয়া উঠিতে পারিতেছি না, তুমিও যদি একটা চেষ্টা দেখ তবে ভাল হয়।”

মহেশ কিছুই বলিল না, সে দেখিল তাহার সম্মুখে একটা মূর্তি দাঁড়াইয়া আছে, তাহা মানুষ নহে; নির্মম পিশাচ। ক্রমাগত ষাত প্রতিঘাতে মহেশের হৃদয়ে সংসারের প্রতি একটা বিজাতীয় বিতৃষ্ণা জন্ম গ্রহণ করিয়াছিল; আজ তাহা সজীব ও সবল হইয়া তাহাকে মাতাল করিয়া তুলিল। গভীর রজনীতে অন্ধকার আসিয়া যখন সারা পৃথিবীকে গ্রাস করিল, তখন মহেশ ধীরে ধীরে আপনার অন্ধকার ময় কক্ষ হইতে বাহির হইয়া অনন্ত আঁধার ও অসীম বিশ্ব পরস্পর আলিঙ্গনবদ্ধ হইয়া যে সীমাহীন শূন্যতার সৃষ্টি করিয়াছিল, তাহারই কোলে মিশাইয়া গেল।

(৮)

যে মায়াবিনীর মায়াযষ্টিস্পর্শে দরিদ্রের পর্ণকুটীর রাজার প্রাসাদে পরিবর্তিত হইয়া যায়, তাহারই মায়া মন্ত্রবলে সেই রাজপ্রাসাদ কোথায় উড়িয়া গিয়া শুধু শূন্যতার সৃষ্টি করে ।

হরিশ যখন ভ্রাতা ও ভ্রাতৃবধূর হস্ত হইতে মুক্তিলাভ করিয়া একটা পৈশাচিক তৃপ্তি অনুভব করিতেছিল, তখন সহসা একদিন প্রভাতে তাহার স্বপ্ন ভাঙ্গিয়া গেল । যে ব্যাঙ্কে তাহার যথা সর্বস্ব গচ্ছিত ছিল, সেই ব্যাঙ্কের ম্যানেজার একখণ্ড ক্ষুদ্র কাগজে লিখিয়া জানাইলেন “ব্যাঙ্ক ফেল হইয়াছে ।” এই কথা কয়টার অর্থ কি ভয়ঙ্কর—হরিশ দুই দিনেই তাহা বেশ বুকিতে পারিল । তাহার হাতে এক কপর্দকও নাই, কিন্তু চাল, ডাল, তরিতরকারী ও বস্ত্রের দোকানে প্রায় হাজার টাকা দেনা । মহাজনের পাল যখন ক্ষুধার্ত ব্যাঙ্কের ঋণ খাতা হস্তে আসিয়া তাহাকে আক্রমণ করিল, তখন হরিশের জীবনটা একটা জীবন্ত অশান্তি বলিয়া মনে হইল ।

হরিশ বুদ্ধিমানের ঋণ ব্যবসায়ের আয় দ্বারা ঋণ পরিশোধ করিতে চেষ্টা করিতে লাগিল, কিন্তু ব্যবসায়ের স্রোতেও ক্রমে ভাটা পড়িতে লাগিল । চারিদিকে হাট কোর্ট ধারী নূতন ডাক্তারের দল মাথা তুলিয়া দাঁড়াইল এবং হরিশের মুখের গ্রাস কাড়িয়া খাইতে লাগিল । নিরুপায় হইয়া হরিশ বাড়ীখানা বিক্রয় করিবার ইচ্ছা প্রকাশ করিল । কিন্তু জ্যোৎস্না তাহা আদবেই পছন্দ করিলনা, তাহার সুন্দর মুখখানা বিবধ হইয়া উঠিল ।

অবশেষে হরিশ জ্যোৎস্নার অনভিমতেই বাড়ীখানা বিক্রয় করিয়া ঋণের দায় হইতে মুক্ত হইল । সহরের এক কোণে একটা পুরাতন স্ত্রীসেঁতে ভাড়াটে বাড়ীতে সপরিবারে আশ্রয় গ্রহণ করিল ।

একদিকে এই স্ত্রীসেঁতে বাড়ী, তার উপর রান্না বাসার সকল কাজ যখন জ্যোৎস্নার উপরে আসিয়া গড়াইল তখন সে হরিশকে ভৎসনার, টিটকারীতে, ক্রন্দনে ব্যতি ব্যস্ত করিয়া তুলিল । একদিকে, অতাব, অন্তর্দিকে এই মিঠুরতা হরিশকে তীব্রভাবে বুঝাইয়া দিল “ইহাই এ সংসারে পাপের ফল—প্রায়শ্চিত্ত ।”

(৯)

হরিশ বেশ বুকিতে পারিল তাহার জীবনটা বিড়ম্বনা ভিন্ন আর কিছু নহে । সারাদিন অতাবের সঙ্গে যুদ্ধ এবং জ্যোৎস্নার সঙ্গে ঝগড়া করিয়া তাহার মাথা বিগড়াইয়া গেল ।

জ্যোৎস্না আসিয়া বলিল “আমি এবাড়ীতে, এভাবে আর থাকিতে পারিব না । ভদ্রলোকের মেয়ে কখনো এত কষ্ট সহ্য করিতে পারেনা ।”

হরিশের ঐর্ষ্যের প্রাচীর আজ ভূমিসাৎ হইয়া গেল, কর্কশ স্বরে সে বলিল “যাও, তোমার যেখানেইচ্ছা যাইতে পার—তোমার ঋণ স্ত্রীর মুখ দেখিলেও পাপ হয় ।”

জ্যোৎস্নার সুপ্ত অভিমান রাশি চন্দ্রালোকে সমুদ্র বন্ধের ঋণ গর্জ্জন করিয়া উঠিল । সেই দিনই অনিলকে লইয়া সে কলিকাতায় তাহার ভ্রাতার নিকট চলিয়া গেল । ভৃত্য হরেকৃষ্ণ পূর্বেই বিদায় লইয়াছিল, সুতরাং আজ হরিশ একা ।

এই সঙ্গহীনতার মধ্যে হরিশ এক অনির্কচনীয় শান্তি লাভ করিল । তাহার আবশ্যিক সকল কাজ নিজের হাতে করিয়া বহুক্ষণ সে ভাবিবার অবসর পাইত । সে চিন্তা জীবনের পূর্বস্মৃতি—নিজের নিষ্ঠুর অকৃতজ্ঞতা ভিন্ন আর কিছুই নহে । ভ্রাতা ও ভ্রাতৃ বধূর উদ্দেশ্যে অনুতাপের অশ্রুবিন্দু বিসর্জন করিয়া সে এক স্বর্গীয় আনন্দ লাভ করিত ।

কিন্তু অবস্থা বিপর্যয়ে হৃদয়ে যে বিষম আঘাত লাগিয়া ছিল, শারীরিক কষ্টের সহায়তার তাহা হরিশকে ক্রমে দুর্বল হইতে দুর্বলতর করিয়া ফেলিল । তারপর সে ক্রমশঃ গ্রহণ করিল । এই নিঃসঙ্গ অবস্থায় তাহার মুখে একবিন্দু জল দিবার কেহই রহিল না । অনাহারে, অনিদ্রায়, দুশ্চিন্তায় হরিশ সেই শূন্যগৃহে অচেতন হইয়া পড়িল ।

(১০)

তিন দিন পরে চক্ষু মেলিয়া হরিশ দেখিল তাহার শয্যাপ্রান্তে এক সন্ন্যাসী বসিয়া রহিয়াছে । তাহার প্রশান্ত বদন ও উন্নত নাসিকা দেখিয়া হরিশ তৎক্ষণাৎ তাহাকে চিনিতে পারিয়া জড়াইয়া ধরিল ।

সন্ন্যাসী হরিশকে শান্ত হইতে বলিয়া তাহার সেবার

নিযুক্ত হইল। নিঃশব্দে ঔষধ পথ্য সংগ্রহ করিয়া হরিশকে সুস্থ করিয়া তুলিল।

হরিশ সুস্থ হইয়া আবার কাজকর্ম করিতে লাগিল। সন্ন্যাসী বিদায় প্রার্থনা করিলে হরিশ কান্দিয়া বলিল “দাদা, দুঃখের দিনে তোমাকে চিনিতে পারিয়াছি, কিন্তু সুখের দিনে তাহা পারি নাই। আমার পাপের প্রায়শ্চিত্ত আরম্ভ হইয়াছে। ছোট ভাই বলিয়া আমাকে মার্জনা কর। তোমার পায়ে ধূলি আমার মাথায় তুলিয়া দাও। আমাকে চরণে রাখ।”

সন্ন্যাসী বলিল “হরিশ, আমি তোমার সকল অপরাধ তুলিয়া গিয়াছি। কিন্তু ভাই, আমার সকল বন্ধন টুটিয়া গিয়াছে। আমি মুক্তির আনন্দে নির্ভয়ে যে দিকে চাই চক্ষু যায় বুরিয়া বেড়াইতেছি। আমাকে বিদায় দাও। আর দেখ, আমার স্ত্রী সর্বস্ব দিয়া তোমাকে মানুষ করিয়া ছিল। মৃত্যুর পূর্বে দুই বৎসর সে তোমার গলগ্রহ হইয়াছিল, দুই মুষ্টি অন্নের জন্ত তোমার নিকট ধনী হইয়া গিয়াছে। তাহার আত্মা বুঝিবা সেই ঋণের জন্ত ছটফট করিতেছে। আজ আমি তাহাকে ঋণমুক্ত করিতেই আসিয়াছিলাম, দ্বারে দ্বারে ভিক্ষা করিয়া যাহা কিছু সংগ্রহ করিয়াছি; তাহা গ্রহণ করিয়া হতভাগিনীকে মুক্তিদান কর, ইহাই আমার প্রার্থনা।”

সন্ন্যাসী গৈরিক উত্তরীরের ভিতর হইতে একমুষ্টি টাকা বাহির করিয়া হরিশের সন্মুখে রাখিল। হরিশ চক্ষুজল রোধ করিতে পারিল না, বজ্রাহতের ন্যায় দাদার চরণ প্রান্তে লুটাইয়া পড়িল। সন্ন্যাসী ঋণশোধ করিয়া ধীরে ধীরে অদৃশ্য হইয়া গেল।

শ্রীপ্রভাতচন্দ্র চক্রবর্তী।

সিদ্ধি মাওলা।

৬৮৯ হিজরী অব্দে সম্রাট জালাল উদ্দিন ফিরোজশাহ খিলজি যখন ভারতবর্ষে রাণত্ব করিতেছিলেন; সেই সময় সিদ্ধি মাওলা নামক এক জন সংসার বিরাগী সাধু পুরুষ দিল্লীতে আগমন করিয়া নানাবিধ অলৌকিক

কমতা প্রদর্শন পূর্বক, দিল্লীর অধিবাসীবর্গকে বিস্মিত ও চমৎকৃত এবং সম্রাটেরে নিভাস্ত ব্যতিব্যস্ত করিয়া তুলিয়াছিলেন। এই মহা তাপস সিদ্ধি মাওলার কিঞ্চিৎ বিবরণ নিয়ে বিবৃত করিতেছি।

পারস্যের অন্তর্গত জুরজান দেশে সিদ্ধি মাওলার জন্ম হয়। তাঁহার পিতার নাম শেখ হাসান জুরজানী। তাঁহার প্রকৃত নাম শেখ আবদুল কাওহ, “সিদ্ধি মাওলা” উপাধি বিশেষ। শৈশবেই সিদ্ধি মাওলার মাতৃপিতৃ বিয়োগ ঘটে। নিরাশ্রয় বালক তদেশীয় রাজকীয় বিদ্যালয়ে গমন করতঃ তথায় উচ্চ শিক্ষিত শিক্ষকের আশ্রয়ে জাতীয় বিদ্যা শিক্ষা করিতে আরম্ভ করেন এবং অত্যল্প কাল মধ্যেই স্বীয় মনোযোগ ও অধ্যবসায় গুণে জাতীয় বিদ্যায় বিশেষ পারদর্শিতা লাভ ও অগাধ জ্ঞান সঞ্চয় করিতে সক্ষম হন। অতঃপর তিনি উচ্চ শিক্ষাভিলাষী হইয়া কিয়দ্বিবস মিশরের বিখ্যাত সর্ব প্রধান বিদ্যালয় “জামে উল আজহারে” অধ্যয়ন করেন। মিশরবাসী শিক্ষিত ব্যক্তিগণ সকলেই শিক্ষা বিষয়ে সিদ্ধি মাওলার অতিশয় অকুরাগ দর্শনে বিশেষ প্রশংসা করেন। মিশরের “জামে উল আজহারে” শিক্ষা সমাপ্তির পর সিদ্ধি মাওলা ইউনান দেশে গমন করিয়া, তথাকার প্রধান প্রধান বিজ্ঞানবিদ পণ্ডিতগণের নিকট বিজ্ঞান শাস্ত্রের আলোচনা করেন। দেখিতে দেখিতে সিদ্ধি মাওলা বিজ্ঞান ও রসায়ন বিদ্যায় অগাধ জ্ঞানলাভ করিয়া তৎসাময়িক একজন প্রধান বিজ্ঞানবিদ পণ্ডিত বলিয়া পরিচিত হন। কিন্তু তাঁহার উচ্চ শিক্ষার সঙ্গে সঙ্গে সাংসারিক মায়া মমতার হ্রাস প্রাপ্ত হইতে লাগিল। তিনি একজন উচ্চ শিক্ষাপ্রাপ্ত পণ্ডিত হইয়াও যেন সংসার ধর্ম্যে সর্বদাই নিষ্কামী ও নির্গিপ্ত। ক্রমে সাংসারিক মায়ার পরাজয় ও বৈরাগ্যের জয় হইল। সংসারবিরাগী সুধীকুল ভাস্কর সিদ্ধি মাওলা শুধু দেশ পর্য্যটন ও নানা-দেশের সুদী মণ্ডলীর সহবাসে ঐহিক জীবন অতিবাহিত করিতে লাগিলেন। বোগদাদ, খোরাসান, সিরিয়া, পারস্য প্রভৃতি দেশের সাধক শ্রেষ্ঠ মহাপুরুষগণের সমাধি দর্শন এবং প্রকৃত সাধকের নিকট পরম তত্ত্বজ্ঞান শিক্ষা করিতে লাগিলেন। অতঃপর তিনি মহাত্মা ও মহর্ষি

শেখ ফরিদ উদ্দিনের নাম ও তাঁহার গুণানুবাদ শ্রবণে, তাঁহার সহিত সাক্ষাৎ মানসে ভারতবর্ষস্থিত শফরগঞ্জে আসিয়া উপস্থিত হইলেন এবং মহর্ষি ফরিদ উদ্দিনের শিষ্যত্ব গ্রহণ করিয়া কিয়দ্বিস পর্য্যন্ত তথায় ঈশ্বর চিন্তায় নিরত ও বিভোর থাকেন। তৎপর কঠোর সাধনায় সিদ্ধি লাভ করিয়া গুরুদেবের নিকট বিদায় প্রার্থনা করিলেন। মহর্ষি ফরিদ উদ্দিন তাঁহার প্রার্থনানুযায়ী তাঁহাকে “সিদ্ধি মাওলা” উপাধি প্রদান করিয়া বিদায় দিলেন বটে, কিন্তু যাত্রাকালে বলিয়াছিলেন, “সাবধান ! বাদশাহী দরবারের বড় লোক দিগের সহিত কখনও সৌহার্দ স্থাপন করিও না; তাহাতে তোমার মঙ্গল হইবে। যদি তাহা কর, নিশ্চয় তোমার সর্বনাশ হইবে। এবং শেষে মনস্তাপ মাত্র সার হইবে।”

যাহা হউক সিদ্ধি মাওলা মহর্ষি শেখ ফরিদ উদ্দিনের নিকট হইতে বিদায় গ্রহণ করিয়া দিল্লীর বাদশাহী দরবার এবং ভারত সম্রাটের অতুল ঐশ্বর্য্য ও শাসন বিধি দর্শন মানসে দিল্লীতে আসিয়া উপস্থিত হইলেন। তখন সুলতান বলবন ভারতের অধীশ্বর। বিপুল সমৃদ্ধিসম্পন্ন দিল্লী নগরীর অতুল মনোহারিত্ব ও প্রাকৃতিক সৌন্দর্য্যে বিমোহিত হইয়া সিদ্ধি মাওলা তথায় অবস্থান করিবার মানস করিলেন। অল্পদিন মধ্যেই তিনি দিল্লী নগরীতে একটা উচ্চ শ্রেণীর বিদ্যালয় ও একটা অতিথিশালা স্থাপন করিলেন। তাঁহার দ্বার হইতে কেহই রিক্তহস্তে ও অনাহারে ফিরিয়া যাইত না। তাঁহার অতিথিশালায় সার্বজনীন ভ্রাতৃত্বাব ও প্রেমভাব সর্বকণ বিরাজিত। কাহাকেও কোন বিষয়ে কখনও বিফল মনোরথ হইতে হয় নাই। জাতিবর্ণ নির্কিশেষে তাঁহার আদর যত সকলের প্রতিই সমান ছিল। ভিন্ন ধর্ম্মাবলম্বী ভিন্ন জাতীয় ব্যক্তিদিগের জন্তও সর্বকণ বিভিন্ন প্রকার আহার বিহারের বন্দোবস্ত থাকিত। তুরস্ক, পারস্য, খোরাসান, ইরান, স্পেন, এবং সিরিয়া প্রভৃতি দেশের নৃপতিবৃন্দ হৃদ্যস্ত মোগল দলপতি চেঙ্গিজ খাঁ ও তাহার সহকারীগণ কর্তৃক স্বদেশ হইতে বিতাড়িত হইয়া প্রবল প্রতাপাশ্রিত সুলতান বলবনের আশ্রয়ে বাস করিতেছিলেন। ঐ সমস্ত নৃপতি বৃন্দের সহিত নানাদেশ হইতে খ্যাতিনামা পণ্ডিত-

গণও অনেকেই আসিয়াছিলেন। ঐ সমস্ত বিভিন্ন দেশ-বাসী পণ্ডিত মণ্ডলী ও সুলতান বলবনের দরবারস্থ পণ্ডিতগণ সিদ্ধি মাওলাকে একাধিক্রমে পঞ্চমাস পর্য্যন্ত কেবল নানাবিধ জটিল প্রশ্ন করেন, মহাজ্ঞানী সিদ্ধি মাওলা সমস্ত প্রশ্নাবলীর যথাযথ উত্তর প্রশ্নের সঙ্গে সঙ্গেই প্রদান করিয়া পণ্ডিত মণ্ডলীকে বিস্মিত ও চমৎকৃত করিলেন। সকলে তাঁহার গুণগ্রামের ও অগাধ পাণ্ডিত্যের পুরিচয় পাইয়া তাঁহার শিষ্যত্ব গ্রহণ করিলেন। ভারতে আবার জ্ঞান বিজ্ঞানের চর্চার ব্যহগ্যতা আরম্ভ হইল।

সুলতান বলবন সিদ্ধি মাওলার গুণে বিমুগ্ধ ছিলেন, কিন্তু সিদ্ধি মাওলা একজন পরম ধার্মিক এবং সাধক মুসলমান হইলেও ধর্ম্ম বিষয়ে তিনি বাহ্যাড়ম্বরের বিরোধী ছিলেন। তিনি মসজিদ ও অশ্রান্ত উপাসনালয়ের উপাসনায় প্রায়ই যোগদান করিতেন না। তাঁহার নিজের জন্ত দাস দাসী অথবা তাঁহার পরিবার পরিজন কিছুই ছিল না। তিনি নিজে সামান্ত শাকায় খাইয়া জীবন ধারণ করিতেন, কিন্তু অতিথি অভ্যাগতদিগের জন্ত রাজভোগ প্রস্তুত করিয়া দিতেন। নিজে সামান্ত মাহুর ও কঙ্কল শস্যায় শয়ন করিতেন, কিন্তু আগন্তুকগণের নিমিত্ত বাদশাহী শয্যা সাজাইয়া রাখিতেন। তিনি দান দাক্ষিণ্যে ও অতিথি সেবায় একরূপ ব্যয় করিতেন যে, লোকে তাহাতে আশ্চর্য্যান্বিত হইত। তিনি কাহারও নিকট হইতে কখনও কোন উপঢৌকন গ্রহণ করিতেন না। একজন নিঃস্ব ফকির সর্বদা একরূপ অল্প ও বিপুল অর্থ ব্যয় করায় লোকে তাঁহাকে কিমিয়া-বিদ (যিনি অপকৃষ্ট ধাতুকে রাসায়নিক প্রক্রিয়ার স্বর্ণে পরিণত করিতে পারেন) বলিয়া সম্বোধন করিত। তাঁহার নিকট সর্বদাই বহু লোকের সমাগম হইত; সম্রাটের পুত্রগণ এবং রাজপরিবারের অশ্রান্ত ব্যক্তি স্বীয় অনুচরবর্গ সহ প্রায়শই তাঁহার নিমন্ত্রণ রক্ষা করিতেন। দিল্লীর অনেকের বাড়ীতেই রাত্রা করিবার প্রয়োজন হইত না। সম্রাট বলবনের জ্যেষ্ঠপুত্র কুমার মোহাম্মদ এবং তাঁহার অমাত্য কবিশম্রাট আমির খসরু সিদ্ধিমাওলার নিতান্ত অনুগত ছাত্র ছিলেন। আরও অনেকেই তাঁহার নিকট বিজ্ঞান ও হাকিমী বিদ্যা শিক্ষা করিতেন।

সুলতান বলবনের মৃত্যুর পর সিদ্ধিমাওলার ব্যয় আরও অনেক পরিমাণে বৃদ্ধি হইয়া পড়ে। কথিত আছে যে প্রত্যাহ ১০০০ এক সহস্র মণ ময়দা ও চাউল, ৫০০ পাঁচ শত মণ মাংস, ২০০ ছই শত মণ চিনি এবং এতদ্ব্যতীত আরও প্রভূত পরিমাণে চাউল, ডাইল, বৃত, তৈল ও অন্যান্য আহারীয় উপকরণ দরিদ্র ও আগন্তুক দিগকে বিতরণ করিতেন। প্রতিদিন ৩০০ তিন শত দরিদ্রকে বস্ত্রদান করিতেন। নগদ অর্থ দানের পরিমাণও যথেষ্ট ছিল। মোট কথা সিদ্ধিমাওলার দান দান্ধিগের নিকট স্বয়ং দিল্লীখরও পরাক্রম স্বীকার করিয়াছিলেন।

সম্রাট জালালউদ্দিন ফিরোজ শাহ যখন দিল্লীর সিংহাসন অলঙ্কৃত করিতেছিলেন, তখন কাজী জালালউদ্দিন নামক এক ব্যক্তি সিদ্ধিমাওলার নিভাণ্ড অমুরক্ত ভক্ত হইয়া উঠে। সে ব্যক্তি নানাবিধ কুহকবাক্যে সিদ্ধিম ওলাকে ঐহিক যশোমিষ্ট ও গৌরবাকাজী করিয়া তুলে। চাটুকার জালালউদ্দিন সিদ্ধিমাওলাকে সর্বদা বলিত— “হজরত! খিলিজিবংশের মুলোৎপাটন ও ভারতবর্ষে একচ্ছত্র ধর্ম মূলক শাসন-বিধি স্থাপন করিবার জন্ত পরম পিতা জগদীশ্বর আপনাকে ভারতে প্রেরণ করিয়াছেন। যখন আরব ও সমস্ত ইউরোপ ঘোর অজ্ঞান-তমসাক্ষর ছিল, যখন নানাবিধ অত্যাচার, অবিচার, ব্যভিচার, পগর্ষপহরণ প্রভৃতি পাপস্রোত সর্বত্র প্রবহমান ছিল, সেই সময় পশ্চিম গগনের জ্ঞান-মিহির স্বরূপ জগৎ-পূজ্য হজরত মোহাম্মদ মরুময় আরবদেশে জন্ম গ্রহণ করিয়া, সমগ্র পৃথিবীতে জ্ঞান বিতরণ পূর্বক অজ্ঞানাকার বিদূরিত এবং সাম্য ও একতা প্রচার করিয়া ইস্লাম রাজ্য স্থাপন করিয়াছিলেন। আপনাকে পরমেশ্বর সেইরূপ দৈববলে বলিয়ান করিয়া ভারতবর্ষে প্রেরণ করিয়াছেন। আপনার প্রতি সকলেরই এইরূপ বিশ্বাস।” সিদ্ধিমাওলা ধূর্ত জালালউদ্দিন ও অন্যান্য চাটুকারদিগের বাক্যে কর্ণপাত করিয়া সংসার-বিরাগ পরিহার করতঃ নখর জগতের অস্থায়ী ঐশ্বর্যের ভিখারী হইয়া উঠিলেন। আত্মজ্ঞান, তত্ত্বজ্ঞান ও পরমার্থ চিন্তাকে অগাধ জলধি জলে বিসর্জন করিয়া শিষ্টিদিগকে রাজোপাধির স্তায় নানাবিধ উপাধি প্রদান পূর্বক নানা কার্যে নিযুক্ত করিতে লাগিলেন। সংসারের কুহক

মায়ায়, কুহক লীলায় প্রলুব্ধ হইয়া আজ সংসার বিরাগী নিজাম সন্ন্যাসী ককির পাপ পঙ্কে নিপতিত হইলেন। কাজী জালাল উদ্দিনের কুমন্ত্রনার সিদ্ধিমাওলার হৃদয়ে রাজত্ব লাভের প্রবল স্পৃহা জন্মিল। স্বয়ং সিংহাসনাধিকার করিবার পথ পরিষ্কার করণ মানসে তাঁহার ছই জন শিষ্টিকে দিল্লীখরের হত্যা সাধন কার্যে নিযুক্ত করিলেন। ষড়যন্ত্র করিয়া স্থির হইল যে, শুক্রবার দিবস যখন সুলতান উপাসনার মসজিদে গমন করিবেন, সেই সময় তাঁহার জীবন হরণ করা হইবে। এতদ্ব্যতীত বলপূর্বক সিংহাসনাধিকার করিবার সঙ্কল্প সাধন মানসে দশ সহস্র অমুচর প্রস্তুত করিয়া রাখিলেন। ঐ সকল অমুচরবর্গের মধ্যে এক ব্যক্তি এই গুপ্ত ষড়যন্ত্রের কথা সম্রাটের নিকট ব্যক্ত করাত্তে সিদ্ধি মাওলা ও তাহার অমুচরবর্গ ধৃত হইল। অতঃপর অপরাধিগণকে বিচার মধ্যে দণ্ডায়মান করাইলে, তাহারা আপনাদিগকে নির্দোষ ঘোষণা করিতে লাগিল। অপরাধের সামুহলে কোন সন্তোষজনক প্রমাণ পাওয়া গেল না বিধায় কয়েকজন হিন্দু রাজকর্মচারীর পরামর্শ মতে অগ্নি পরীক্ষা করা স্থির হইল। অগ্নি পরীক্ষা মুসলমান শাস্ত্রানুসৃত নহে বলিয়া সম্রাটের আলেমগণ প্রতিবাদ করিতে লাগিলেন; অগ্নিপরীক্ষা রহিত হইল। ছইজন ষড়যন্ত্রকারীর বিরুদ্ধে কথঞ্চিৎ প্রমাণ হওয়ার তাহাদিগকে প্রাণদণ্ডে দণ্ডিত এবং সিদ্ধি মাওলা ও কাজী জালাল উদ্দিনকে বন্দী করিবার আদেশ হইল। অবশিষ্ট ষড়যন্ত্রকারীদিগকে দেশ হইতে বিতারিত করা হইল।

যখন শাস্তিরক্ষকগণ সিদ্ধি মাওলাকে বিচারগৃহ হইতে কারাগারে লইয়া যাইতেছিল, তখন সুলতান তাহার প্রতি লক্ষ্য করিয়া কয়েকজন স্ত্রীকে বলিলেন, “এই ব্যক্তিই আমার প্রাণ নাশের জন্ত ষড়যন্ত্র করিতেছিল, ইহার অপরাধের বিচার তোমরাই কর।” সুলতানের স্বেদ উক্তি শ্রবণ মাত্র একজন ভৃত্য দৌড়িয়া গিয়া সিদ্ধি মাওলাকে অস্ত্রাঘাত করিতে লাগিল। সিদ্ধি মাওলা তাহাতে বাধা না দিয়া অবিকম্পিত স্বরে সামুনের বলিতে লাগিলেন—“হে প্রিয় সুহৃদ! যত শীঘ্র পার, আমাকে আল্লাহ্ তাবার নিকট পাঠাইয়া দাও।”

অস্বাভাবের পর অস্বাভাব হইতেছে, সিদ্ধি মাওলা অবিচলিত ভাবে সম্রাটকে লক্ষ্য করিয়া বলিতে লাগিলেন; “হে সম্রাট! আমাকে নীচ নিহত করিতে মনস্থ করিয়াছ বলিয়া আমি অত্যন্ত দুঃখী হইয়াছি; কিন্তু ধার্মিক ও নির্দোষ লোককে যত্ননা প্রদান করা মহাপাপ। নিশ্চয় জানিও যে আমার অভিসম্পাত তোমার এবং তোমার বংশের উপর পতিত হইবে।” সিদ্ধি মাওলার তেজঃপূর্ণ তীব্রবাক্য শ্রবণ করিয়া সুলতান বিষমবদনে চিন্তা করিতে লাগিলেন। অকস্মাৎ তাহার বদন মণ্ডলে এক গভীর চিন্তার ভাব প্রকটিত হইল। কিন্তু সুলতানের এক পুত্র সিদ্ধিমাওলার নিতান্ত বিদ্রোহী ছিলেন, তিনি সুলতানের দ্বিতীয় আদেশের অপেক্ষা না করিয়া, জনৈক মাহতকে অগ্রসর হইয়া সিদ্ধি মাওলার প্রাণবধ করিতে ইচ্ছিত করিলেন। মাহত রাজকুমারের ইচ্ছিত ক্রমে সিদ্ধি মাওলাকে তৎক্ষণাৎ হস্তীর পদতলে দলিত করিয়া হত্যা করিল।

হায়! ঈশ্বরপ্রেমিকের কি অসাধারণ ক্ষমতা! ভক্তের প্রতি দয়াময় বিশ্ব-পিতার কি প্রগাঢ় মেহ! কি দয়া! সেই মুহূর্ত্তেই চতুর্দিক অন্ধকার করিয়া ভীষণবেগে এক বার্তা সমুখিত হইল এবং দিবালোককে এক ঘণ্টা কাল পর্যন্ত রাত্রির স্থায় অন্ধকারাচ্ছন্ন রাখিয়া ভয়ঙ্কর ভাবে বহিতে লাগিল। সুলতানের মনোহর হর্ম্ম্যাবলী সমস্ত চূর্ণ বিচূর্ণ হইয়া গেল, দিল্লী নগরী শ্মশান সদৃশ হইল, বহু লোক হতাহত হইয়া এক মহা ভয়ঙ্কর দৃশ্যের সৃষ্টি করিল। সুলতানের ২ পুত্র ও সহধর্ম্মিণী প্রাণত্যাগ করিলেন। তারিখে কিরোজসাহীতে লিখিত হইয়াছে “এই ভয়ঙ্কর সিদ্ধি মাওলার প্রেতাশ্মারূপ ভূর্ণডের বিকট আওবে দিল্লী নগরীর প্রায় অর্ধেকের বেশী লোক অকালে কালের কবলে পতিত হইয়াছিল। ১২৯১ খৃষ্টাব্দে এই ঘটনা সংঘটিত হয়। সেই বৎসরই আবার ভারতে মহা দুর্ভিক্ষ হইয়া সহস্র সহস্র লোক মৃত্যুমুখে পতিত হইয়াছিল।”

সৈয়দ মুকুল হোসেন কাশিমপুরী ।

বাদল রাতে ।

বাতাশুন পাশে বসিয়া বিরলে
আকাশের পাশে চাহি
ভাবিতেছি আজি কত কিষে কখা
আঁখিভলে অবগাহি’ ।
ঝরে-বারিধারা ববু ববু ববু
অবিরল ধারে ধরণীর পর,
আঁখি কোণে মোর অশ্রুজাগিরা
কীরবে মিলায় আঁখিতে,
যোগ নিখিলের উৎসব সাধে—
ছিলনা, চাহিনি রাখিতে ।

ধারের কাছেতে আঁধার জমেছে
বাহির ষায়না দেখা,—
বিজুগী স্বপনে চমকি গগনে
টানিছে হতশ রেখা ।
পাগল বাতাস মোর ঘরে পশি’
বুধা কা’রে খুঁজি’ ফিরিছে নিশসি’ ;
চকিতে ফিরিয়া পশিছে আবার,
ছুরাশায় বুক বাঁধিয়া,
না জানি কাহারে খুঁজিছে আকুলে—
মরে কা’র লাগি’ কাঁদিয়া !

কত কথা আজি পড়িতেছে মনে
আজিকে এতরা ভাদরে,
হৃদয়ে আমার আগারে তুলিছে—
ভুলে যাওয়া কা’র আদরে ।
মনে পড়ে তুমি আসিলে কেমনে
আধা আগরণে, আধেক স্বপনে,
পলকের তরে বলকি আলোড়ক
পহন আঁধারে মিলালে?
জাগিরা উঠিছ কাঁদিতে কেবল
কাঁদাতে কণিক হাসালে ।

তুমি এসেছিলে, তুমি যে আসিবে,

একথাটি ভাবি কেবলি ;

সার্থক তাই বাদলা এ ঘোর,

সার্থক তাই সকলি।

বিজুলী আজিকে আমার-ই লাগি'

খুঁজিছে তোমারে নিশি জাগি' জাগি',

বাতাস পাগল, হতাশ আমার

নিবেদিতে তব চরণে

প্রলয় আজিকে আনিছে মরণ—

পাই যদি তোমা' মরণে।

আঁধারে আমার হৃদয় পূর্ণ

বাহির পূর্ণ আঁধারে,

আঁধারের মাঝে পাইছু বলিয়া

পাইছু পূর্ণ তোমারে।

আঁধারে কাটিল জীবন বাহার

আলোক নয়নে সহে কি তাহার ?

অন্ধজনের আলোকের পরে

অধিকার কিছু আছে কি ?

অশ্রুর ঝড় বহে যে হৃদয়ে

আলোক সেখায় বাঁচে কি ?

শ্রীস্বধীরকুমার চৌধুরী।

ভাস্করের শৈশব স্মৃতি।

শৈশবের অনেক গীর্ণ পুরাতন স্মৃতি, অনেক অতীত কাহিনী বুলে করিয়া ভাস্কর আস আসে, আবার চলিয়া যায়। ভাস্করের সেই জ্যোৎস্না পুলকিত যামিনী, চন্দ্রকর বিধৌত তটিনী, কুমুদ কমল-শোভিত তরঙ্গায়িত হৃদ, দূর প্রান্তরে নব বিকসিত কুমুমের বলমল রূপালী আভা, আকাশে রৌদ্র কিরণ দ্বাত সোনালী রূপালী নানারঙ্গের মেঘ, তাহাদের মুহুমুহুর গমন, গুরুগভীর গর্জন, নিত্য ইন্দ্রধনুর আবির্ভাব, এই সকলের সঙ্গে মনের যে কি একটা অবিচ্ছিন্ন সঙ্ঘর্ষ বলিতে পারি না। এই সকল দেখিলে মনে পড়ে শৈশবের সেই গীর্ণ পুরাতন কথা।

কবে কোন দিন এমনই ভাস্করমাসের টাঙ্গিনী রজনীতে এক বিদেশী নৌকার মাঝি তরঙ্গায়িত নদীর উপর দিয়া গাহিয়া বাইতেছিল :—

“হয় মন মোহিনী, তবে এস গো ত্রিলাচনী”

আজও মনে পরে তার সেই গানটা। কত কাল বহিয়া গিয়াছে, আজও তাহা ভুলিতে পারি নাই। আজও যেন ভাস্করের সলিলসিক্ত বায়ু কাণের কাছে আসিয়া মায়ের আগমনী বীণ বাজাইয়া দেয়। নিত্য সকালে উঠিয়া সেকালী ফুলের হার গাধিয়াছি, খালের ধারে বসিয়া মিছামিছি মাছ ধরাধরি খেলিয়াছি, নদীর ভাটিয়াল স্রোতে কাগজের পান্সী ভাসাইয়া দিয়াছি; তাহার চন্দ্রলোকের পথ ধরিয়া রামধনুর দেশে ছুটিয়া যাইবে, তীরে দাঁড়াইয়া সতৃষ্ণ নয়নে কেবল তাহাই দেখিয়াছি। এই টাঙ্গিনী রজনীতে কত দিন সঙ্গীগণসহ আশার পান্সী বাহিয়া চন্দ্রলোক পানে ছুটিয়া চলিয়াছি। এইত চন্দ্রলোক বেশী দূরে নয়, এই শ্রামল বনরাজী নীলার পুরোভাগে সেই আলোক পূর্ণ দেশ— সেখানে দুঃখ নাই কেবল সুখ, বিবাদ নাই কেবল হর্ষ, বিচ্ছেদ নাই কেবল মধুর মিলন; সে দেশের মানুষ মরে না, ফুল শুখায় না, তারা লুকায় না; সে দেশে অমাবশ্য নাই, সারা বর্ষ পূর্ণিমা, অক্ষরস্ত জ্যোৎস্না, শীতল সুগন্ধি বায়ুতে সোনার পালকে শুইয়া সে দেশের লোক কত না সুখে নিদ্রা ধায়, সে দেশে গেলে সুখের অস্ত নাই, শাস্তির অবিধি নাই, চল তাই সেই দেশে। কিন্তু যতই চলিয়াছি, ততই যেন সেই আলোকপূর্ণ রাজ্য দূরে সরিয়া গিয়াছে। হায় তখন বুঝিতে পারি নাই—বুঝিতে পারি নাই যে, মোহিনী আশা এমনই প্রতারণার ফাঁদে ফেলিয়া, এমনই কত আলোকপূর্ণ রাজ্য চক্কের সম্মুখে ধরিয়া কত জাগ্রত স্বপন দেখাইবে। সে আশার স্বপ্ন তাঙ্গিয়া গিয়াছে। চন্দ্র উপর হইতে শৈশবের সেই রজনী কাঁচটা ধসিয়া পড়িয়াছে। দু দিনে পার্শ্বিক জগতের কত রূপান্তর।

বসন্ত ভাস্করমাস প্রাকৃতিক সৌন্দর্য্যে অতি রমণীয়। বিকচ কমল বসন্ত। ফুল ইন্দ্রিবরাকী শারদ সুন্দরীর প্রথম যৌবনোন্মেষ—এই ভাস্করমাসে। ষড়ঋতু ও গারমাস বর্ণনায় ময়মনসিংহের দরিদ্র পল্লীকবি নয়ান ঘোষ ভাস্করমাসের

প্রাকৃতিক সৌন্দর্য্য বর্ণনা করিয়া এক সুমধুর ছড়া গাঁথিয়া ছিলেন। ভাদ্রের চাটনীতে তাহা উপভোগ্য বটে। শৈশবের সেই চির পরিচিত ছড়াটির কিয়দংশ পাঠকগণকে উপহার দিতেছি।

আধলা গাধলা দিন করেছে ভাদ্রমাসের রাতি,
ঘরের কোণে কুলের বউ আলিয়া দিছে বাতি ।
বেঙ ডাকিছে ঘন ঘন কচু বনের মাঝে,
ভরা গাঙ্গে ঢেউ ছুটেছে আকাশ ভরা সাজে ।
নদী নালায় জল ধরে না পান্‌সী ভাসে স্মৃতে,
গাঙ্গের তলার মাণিক জালায় ভাদ্রের চান্নি রাতে ।
ভোর গিয়াছে কমল বনে আনতে ফুলের মধু,
ফুলের কাণে গুণ গুণিয়ে গাইছে ভ্রমর বধু ।
সোনা রূপার মেঘের পাহাড় কাঁদিরে খাচ্ছে হুল,
ঘন বাদরে ফুটেছে হাসি ধরকে জিরার ফুল ।
রোদ উঠেছে মেঘ নেমেচে

শিয়াল ঠাকুরের বিয়া ।

ভিজা পথে করিম চলে

পাতলা মাথায় দিয়া ।

কলসী কাঁকে বউ চলেছে

যম যমুনার জলে ।

এমন সময় বাজল বাঁশী

কদম গাছের ডালে ।

যম চলিল আগে, চরণ

রইল পথের মাঝে ।

না জানি আজ কালার বাঁশী

কোন গহনে বাজে ।

পিছল পথে আছাড় ধরে

পরল রাণা চলি ।

নিজের দোষে কলসী ভাঙ্গি

পথকে দিল গালি ।

ভাব দেখিয়া মনের ছঃখে

বলছে নরান ঘোষ ।

বাঁশীর রোলে হচট খেলে

পথের কিবা দোষ ।

শৈশবে ক'খ শিখিবার আগেই নরান ঘোষের ছড়া-

গুলি কণ্ঠস্থ করিয়াছিলাম—আজও তাহা মনে পড়ে। সে শৈশবের এক অতীব সুমধুর জীবন স্মৃতি। নরান ঘোষের গুণে মুগ্ধ আরও একজন ময়মনসিংহের পন্নী কবি ভাদ্রমাসের প্রাকৃতিক সৌন্দর্য্যের বর্ণনার একস্থলে গাহিয়াছেন—

“দিনের বাতী নিমি ঝিমি

রাতের মাণিক তারা ।

ঘরে বাসে শুনব এখন

নরান ঘোষের ছড়া ॥”

ফলতঃ শৈশবের পরিচিত শ্রদ্ধা ভাজন এই কবি যুগলের সুমধুর ছড়া ও সঙ্গীতগুলি সুখদ ও উপভোগ্য বস্তু। যেখন সরল তেমনি সুন্দর, জ্যোৎস্নার মত বিকসিত, পদ্মের মত সুগন্ধি, শিশুর হাসির মত অনাবিল স্বচ্ছ ।

প্রাকৃতিক সৌন্দর্য্যে ভাদ্রমাস যেমন রমণীয়, তেমনি তাহাতে গর্ভ ও গৌরব করিবার জিনিষ অনেক রহিয়াছে। এই ভাদ্রমাসেই জগন্মাতার পূজার আয়োজন ; পূজা অপেক্ষা আয়োজনে আড়ম্বর বেশী। আর এক কথায় ধরিতে গেলে ভারতবর্ষে যতগুলি আয়োদ উৎসব আছে ভাদ্র তাহার সকলের উপর সতর আনা দাবী করিতে পারে। ভাদ্রমাস ভগবান শ্রীকৃষ্ণের জন্ম মাস। যে কান্নু ছাড়া গীত নাই, উৎসব নাই, ব্রত পূজা নাই, ভারতের আকাশে, পাঠালে, অনলে, অনিলে, পাহাড়ে, সাগরে, নিকরে, বনে, উপবনে, পুলিনে, প্রান্তরে, যাহার গুণগাথা অহর্নিশ অবিরাম অবিশ্রান্ত ভাবে ধ্বনিত হইতেছে, নদীর জলে, বনের ফুলে, চাঁদের জ্যোৎস্নায়, লতার, পাতায় যাহার সুমধুর স্মৃতি বিরাজিত, সেই জুবন মনোমোহন কালরূপ ভাদ্রমাসেরই কৃষ্ণাষ্টমীতে দৈবকীর শূন্য অঙ্ক আলোকিত করিয়াছিল। পতিত পাবন ভূতার হরণ কংশবেশী মধুকৈটভ দর্পহারী জনার্দন সাধুগণের পরিত্রাণ ও দুষ্কৃতিগণের বিনাস হেতু ভাদ্রমাসেই ভূতারতে জন্ম গ্রহণ করেন। এ হেন শ্রেষ্ঠতর সৌভাগ্য আর কোন মাসেরই অদৃষ্টে ঘটে নাই।

বিশেষ বে বাঁশীর রবে, যমুনা উছলিত, বৃন্দাবন পুলকিত, ব্রজাঙ্গনা বিমোহিত, আবার বাসি ফুল ঝরিভ, বনের ধেনু ফিরিত, ছয় রাগ ছত্রিশ রাগিনী বাহাতে

সতত বিরাজিত, সেই মোহন বাণীর অনাদাতা যে বাণ, প্রবাদে বলে, ভাদ্রমাসেই তাহার জন্ম । এতটা সৌভাগ্য সবেও কোণ্ঠির্বিদগণ ভাদ্রমাসের প্রতি একটু যেমন কুটিল কটাক্ষ করিয়াছেন । যে ভাদ্রমাসের অনাবিল জ্যোৎস্না-ময়ী রজনীতে নিবাত শ্রোতস্বিনীর তলদেশ পর্য্যন্ত দৃষ্টি গোচর হয়, সেই বিকসিত কোমুদী রাশি ও স্বচ্ছ সরল সৌন্দর্য্যের আধার ভাদ্রের চন্দ্রকেই তাহার নষ্টচন্দ্র বলিয়া নির্দেশ করিয়াছেন ! নষ্টচন্দ্র দেখিলে নাকি স্ত্রীলোকের কলঙ্ক রটে, পুরুষের অপযশ ঘটে । যাহার অকলঙ্ক সৌন্দর্য্য, অতুলিত শোভা, তাহার দিকে ভ্রমেও ফিরিয়া চাহিতে নাই ; কি কঠোর আদেশ ! তাহা ছাড়া অনেক স্থলে অনেক জাতির মধ্যে ভাদ্রমাসে বিবাহও নিষেধ । শুনা যায় এই ভাদ্র মাসেই নাকি চির হতভাগিনী বেহলা মৃত পতিকে গলায় জড়াইয়া, সাগরে ভাসিয়াছিল । তাই ভাদ্র মাসে ঝিকে বাপের বাড়ীতে, কিম্বা বৌকে খণ্ডর নাড়ীতে আনিতে নাই ।

ভাদ্রের প্রস্তুতী গাভীর দুগ্ধ অপবিত্র, কোন দেব কার্য্যে ব্যবহৃত হয় না, বিধবার অভক্ষ্য । হিন্দুর দৈনন্দিন গৃহ কার্য্যে যে গোময় ব্যবহৃত হয়, ভাদ্রে তাহাও অপবিত্র । শ্রাবণের গোময় দ্বারা ভাদ্রের অভাব দূর হইয়া থাকে । ভাদ্রে হিন্দুর পক্ষে গরু কেনা বেচা উভয়ই নিষেধ । এমন কি জুতা পর্য্যন্ত কিনিতে নাই । এই সকল প্রবাদ প্রবচনের মূলে কোন সত্য নিহিত আছে কিনা, এবং বঙ্গের বিভিন্ন স্থানে তাহার প্রচলন আছে কিনা, জানিনা । কিন্তু ময়মনসিংহের অনেক স্থলে আজও সেই আচার পদ্ধতি অব্যাহত রূপে চলিতেছে ।

ভাদ্রের অল্পকূলেও কতকগুলি প্রবাদ প্রবচন আছে । “ভাদ্রে তালের পিঠা, বড় মিঠা, খাইলে নাকি যায় বনের লেঠা ।” দেবের নৈলেছের প্রধান উপকরণ যে নারিকেল, ভাদ্রেই তাহা আহারের উপযোগী হইয়া থাকে ।

“ডাকদে বলে ধনা, ভাদ্রে নারিকেল বুনা ।”

ডাকের বচনে আছে,

“ভাদ্র মাসে কুড়ার রাও, ঢুকে ঢুকে পানি খাও” ।

ছেলে বেলায় ঠাকুর মার এই উপদেশটা মানিয়া চলিতাম । ছপুর বেলায় আকাশে যখন কুড়া পাখী

স্বপ্ন চীৎকারে আকাশ টাকে ছিঁড়িয়া ফাড়িয়া দিত, তখন জল ভরা গ্লাস মুখের কাছে ধরিয়া রাখিতাম ; প্রত্যেকটা শব্দে এক এক চুমুক জল খাইয়াছি, পেট ফাটিয়া যাইবার উপক্রম হইয়াছে, তথাপি পানে বিরতি নাই । আজও তাহা মনে পড়িলে হাসি পায় । “তাল নিহারী” বা “তাল নিঝুমী” নামে যে এক নিবাত প্রশান্ত রজনীর অস্তিত্ব কথা শুনা যায়, তাহাও ভাদ্র মাসেরই অনঙ্গত । প্রবাদ আছে, উন পঞ্চাশৎ বায়ুর সব ক’টি ভাই ভাদ্রের কোন অনির্দিষ্ট রজনীতে মগরাচলের নিভৃত গহ্বরে নিজ নিজ ভামিনী সহ বিহার করিতে চলিয়া যায়, তখন গাছের অতিকোমল পাতাটিও নড়ে না । পৃথিবী থাকে চেতন হারা, রজনী নিস্তব্ধ নিথর । শুনা যায় খুব ঝড় ডুফানেও নাকি তাল পড়েনা ; কিন্তু তাল পড়িবার এক নির্দিষ্ট সময় এই তাল নিহারী রাত্রি । পৃথিবী নাকি তখন বায়ু শূণ্য হয় । ঠাকুর মা বলিতেন, তাল শিশুগণ এই নিঝুম রজনীতে নিরাতঙ্কে মায়ের কোলে মিজা যায় ; দুষ্ট সরতান এই অবসরে তাহাদিগকে ঠেলিয়া ফেলিয়া দেয়, ঠাকুর মার সেই কথার মনের ভিতর কি এক অমূলক ভিত্তির সঞ্চার হইত । কিন্তু হায়, আজ সেই অমূলক চিন্তা সত্যে পরিণত হইয়াছে । কোথা সেই মাতৃ অন্ত—সকল আলা জুড়াইবার স্থান । দুষ্ট সরতান কোন অশুভ অবসরে চেতন হারা দেহটাকে ঘূমের ঘোরে কঁতই না নীচে ঠেলিয়া ফেলিয়া দিয়াছে । বাহার কোলে শুইয়া ছিলাম, কোথায় সেই মূর্ত্তিমতী করুণা ? কোথায় সেই শৈশব ? কোথায় সেই শীতল স্নেহ মায়ের কোল, বাহাতে উঠিলে স্বর্গ স্নেহ ভুলিয়া যাইতাম । আজ স্বর্গ ভ্রষ্ট নন্দ্রের মত, বহু নীচে গড়াইয়া পড়িয়াছি ।

বরষার উৎপত্তি ও অবস্থিতি সম্বন্ধে আরও একটা ছড়া আছে, যথা—

“আবাঢ়ে উৎপত্তি

শ্রাবণে যুবতী

ভাদ্রে পোয়াতি

আখিনে বুড়া

কার্ত্তিকে দেয় উড়া”

আবাচের নূতন জলের উৎপত্তির সঙ্গে সঙ্গে ময়মনসিংহ বাসীর মনে আরও ছইটী চির পুরাতন ভাবের বঙ্গা নিত্য নূতনতর রূপে আসিয়া ঢেউ খেলাইতে থাকে । একটী বাইছ খেলা, অপরটী ঘাটু গান । 'ছইটীই বহু কালের পুরাতন কাহিনী । আবাদ বৃদ্ধ, ইতর ভঙ্গ নিষ্কিণেবে এ ছটী সকলের প্রিয় ও প্রীতিপদ । এই ছইটীরই পূর্ণ পরিণতি ভাদ্র মাসে । সাধারণতঃ অপেক্ষাকৃত ভাটী অঞ্চলেই ইহার প্রসার প্রতিপত্তি অধিক । আবাচ হইতেই পল্লী গ্রামের যুবক ও ছেলের দল তাহাদের চির প্রিয় ভাটীগাল সঙ্গীতগুলি লইয়া ব্যস্ত হইয়া পড়ে । এই সকল সঙ্গীত এতদ অঞ্চলে সারি গান নামে প্রসিদ্ধ । এই সকল গানে এমন একটু কি যেন মাধা থাকে যাহা শুনিতে বহুদিনের বিস্মৃত কত নিশির কত স্বপ্ন ; কত দিনের কত ভুগা কথা—একটী একটী করিয়া মনের ভিত্তর জাগিতে থাকে ।

শ্রাবণ মাস আসিতেই পল্লী বাসিগণ তাহাদের বাইছের নৌকাগুলির সংস্কারে মন দেয় ; কেহ বা 'নূতন নৌকা কিনিয়া আনে । এই সমস্ত নৌকা সাধারণ নৌকা হইতে একটু স্বতন্ত্র রকমের ; সুদীর্ঘ অথচ অল্প পরিসর । আয়তন নৈর্ঘ্যে ৬০ ফিট হইতে ৯০ ফিট পর্য্যন্ত, প্রস্থ ৪। ফিট মাত্র । দেশ ব্যাপিয়া এই সময় একটা জ্বাবের সাড়া পড়িয়া যায় । শ্রাবণ যাইতে না যাইতেই নৌকা গুলিকে নানা বর্ণে রঞ্জিত করিয়া ফুল-পাখী-লতার-পাতার ইন্দ্রধনুর মত করিয়া তুলে । গলইয়ের উপর বিচিত্র পেষম ধরা মধুর, সারস পাখী, রাজ হাঁস, প্রভৃতি গাড়িয়া ভাসাইয়া দেয় । বাস্তবিক সে সৌন্দর্য্য চক্রে না দেখিলে উপলব্ধি করা যায় না । শতশত ইন্দ্রধনু যেন আকাশ ছাড়িয়া শ্রাবণের নিধর জলের উপর পড়িয়া খেলা করিতে থাকে । ঘাটে ঘাটে সেই অপরূপ দৃশ্য । শ্রাবণে পল্লী বাসীর চক্রে ইহাই সর্বাপেক্ষা প্রিয় দর্শন । যে গ্রামে বাইছের নৌকা নাই, সে গ্রামের লোক হতভাগ্য ও নিধন । শ্রাবণ গত হইয়া ভাদ্র যাই আসিল, অমনি চারিদিকে সাজ সাজ রব । শ্রাবণের শেষ সংক্রান্ত দিন হইতেই বাইছ খেলার সূত্রপাত ; যেখানে বাইছ খেলা হয়, চলিত কথায় তাহাকে আরং বলে । শত শত বৎসর

ধরিয়া সেই আরং গুলি যেন কত যুগের পুরাতন স্মৃতির ভাণ্ডার খুলিয়া বসিয়া আছে । কাহাকেও সংবাদ দিতে হয় না, নির্দিষ্ট দিনে ঝাঁকে ঝাঁকে নৌকা সকল জামান্দেধিবার জন্ত যেন সারস পাখীর মত নানা দিক হইতে উড়িয়া আসিতে থাকে । এই সকল নৌকাকে তাবেস-গীরের নৌকা বলে । প্রত্যেক আরং তিন হইতে পাঁচ সহস্র নৌকা এবং পনর হইতে পচিশ হাজার লোক আসিয়া একত্র হয় । বাহারো পদব্রজে আসে, তাহারো নদীর উচ্চ পাহাড়ের উপর সারি বাঁধিয়া দাঁড়ায়, ইহাদের সংখ্যাও পাঁচ সহস্রের কম নহে । ভাটী অঞ্চল বাসীদের পক্ষে এরূপ অধিক সংখ্যক লোক দেখিবার এমন সুভ অবসর আর নাই ।

সে এক অপূর্ণ দৃশ্য । জাতি ভেদ নাই, হিংসা ঘেব নাই, সকলই একমাত্র আনন্দে মাতোয়ারা । হিন্দুর নৌকার মুশলমান, মুশলমানের নৌকার হিন্দু, গলা গলি, কোলা কুলি, কি মধুর ভাব ! ভাদ্রের ভরা নদীর উপর এই মহান দৃশ্য—মধুর মিলন যে একবার দেখিয়াছে, জীবনে সে আর তাহা ভুলিতে পারিবে না । এই মধুর মিলন কেত্র ময়মনসিংহ বাসীর পক্ষে একটী সুখ স্বপ্নের মত ।

বেলা অপরাক্ত হইতেই সেই প্রিয়দর্শন নৌকাগুলি কোন ভ্রমণশীল সঙ্গীতের মত নানা দিক হইতে ছুটিয়া আসিতে থাকে । তাহাদের প্রত্যেকেই বিচিত্র বর্ণে রঞ্জিত, দেখিলে বোধ হয় যেন কোন দূর চন্দ্রলোক হইতে সুদৃশ্য বিহঙ্গ সকল জল কেলি মানসে নরকত্র পথে ছুটিয়া আসিতেছে । বাইকগণ দৃঢ়হস্তে বৈঠা ধরিয়া বসিয়াছে, তাহাদের হৃদয়ে আনন্দ ধরে না । শত শত বৈঠা তালে তালে উঠিতেছে পড়িতেছে । কোনও নৌকা শৃঙ্খল ছিন্ন উন্মাদের মত নদীর জলে ছুটা ছুটা করিতেছে । কোনও নৌকা সারিগান গাহিয়া প্রোভুবন্দের মনে ভয়দ ভুলিতেছে, বৈঠাতে আবদ্ধ যুজ্বুর মধুর নিকণে তালে তালে বাজিতেছে । নিমাই-সন্ন্যাস, কৃষ্ণলীলা, জলভরা, কুঞ্জসাজান প্রভৃতি লইয়া পল্লী কবিগণ 'যে সকল কবিতা রচনা করিয়াছেন, চলিত কথায় তাহাদিগকে সারিগান বলে । তাহাই এই সকল নৌকা গীত হইয়া থাকে । একজনে গলুইর উপর দাঁড়াইয়া নাচিয়া নাচিয়া পদাবলি

গাহিতে থাকে ; চলিত কথায় তাহাকে বয়্যতি বলে। একব্যক্তি ঢুলুকে ভাল ধরে, অপর সকলে লহর টানিতে থাকে। নিমাই সন্ন্যাসের একটি সারি গানের নমুনা নিয়ে প্রদত্ত হইল।

সকলে—“মাগ কান্দে রে নিমাই চান সন্ন্যাসে যায় রে।

বয়্যতি—শচী মায়ের কান্দনেতে বিকের পত্র করে।

সকলে—নিমাই চাণ সন্ন্যাসে যায় রে।

বয়্যতি—যখন জন্মিলে রে নিমাই নিমতরু মূগে।

হইয়া কেন না মর্ছিলে, না লই গাধ কোলে ॥

সকলে—নিমাই চান সন্ন্যাসে যায় রে।

বয়্যতি—আগে যদি জানতাম রে নিমাই যাইবে রে
ছাড়িয়া।

এমন অল্পকালে গোরে না করাইতাম বিয়া ॥

সকলে—মায়ের ছল ও চান গেলে কোথাকারে।

অভাগিনী বিষ্ণুপ্রিয়া (নিমাই রে) দিয়া গেলে কারে ॥

এই সকল গানের সরল ভাব ও ভাষায়, শ্রোতার প্রাণ কাঁদাইয়া তুলে। অজানিত ভাবে চকের পলক ভিজিয়া উঠে।

জল ভরার একটি সারি গান এইরূপ—

সকলে—“ও সই যাবে নিগো যমুনার জল আনিবার
ছলে।

কি রূপ দেখিয়া আইলাম কদম্বের মূলে ॥ ও সই...

বয়্যতি—একদিন রাধে মনের বেলায় কিনা কাম
করিল।

দেখ সোনার কলসী কঁকে লইয়া যমুনাতে গেল ॥

সকলে—ও সই কি রূপ দেখিয়া আইলাম কদম্বের
মূলে।

বয়্যতি—কাহার পিঙ্কন লাগ নীল, কাহার পিঙ্কন
সাদা, সুন্দর রপিকার পিঙ্কন কৃষ্ণ নামটী লেখা।

সকলে—ওই সই ইত্যাদি

বয়্যতি—জলের ঘাটে গিয়া রাধা কিনা কাম করিল,
(দেখ) বসন খানি রাইখ্যা পাড়ে জলেতে নামিল ॥

সকলে—ও সই যাবে নিগো—

বয়্যতি—সখীগণ সঙ্গে রাধা জল কেলি করে,

কলসী গেল স্নেহে ভাইয়া বসন নিল চোরে।

বয়্যতি—গলা পানিত থাকিয়া রাধা বসন খানি চার,

কালি বলে এইরূপে কি বসন দেওয়া যার।

সকলে—ও সই যমুনার জল আনিবার ছলে।

বয়্যতি—কোমর পানিত থাকিয়া রাধা চাহিল বসন
শ্রাম বলে রাধে তোমার নাইকি সরম ?

সরমে ভরমে কি হইবে—

“তখন হাটু জলে থাকিয়া রাধা চাইল বসন খানি

কৃষ্ণ বলে দেখি তোমায় তীরে আইস খনি !

তীরে উঠিয়া রাধা বলে বসন দাওহে শ্রাম,

কৃষ্ণ বলে আগে রাধে যৌবন কর দান।

সকলে—ও সই যাবে কিগো যমুনার জল আনিবার
ছলে।

আদিরশের বর্ণনায় অনেক পল্লীকবি ভারতচন্দ্রের উপর টেকা দিয়াছেন।

তারপর বাইচ খেলার আরম্ভ। দুই দিকে বহুদূর পর্যন্ত কোথাও সরল কোথাও বক্র রেখার জায় দর্শক মগুনী, মধ্যে ভাদ্রের ভরা নদী উন্নত যৌবন তরে ধই ধই করিতেছে। এই বিলোল তরঙ্গ রাশির উপর বাইচের নৌকাগুলি সারি রাখিয়া প্রতিযোগিতা ক্ষেত্রে অগ্রসর হইল। একবারে দশ বার খানা নৌকা সারি দিয়া নক্ষত্র বেগে ছুটিল। এই সময় বাইচগণের মনে এক বিষম উত্তেজনার সঞ্চার হইয়া থাকে। কে কারে হারাইবে। বৈঠার আঘাতে নদীর জল রাশি ফটিক চূর্ণের মত যেন ঠিকরিয়া পড়িতে থাকে।

নির্দিষ্ট স্থানে উপস্থিত হইলে পর হার জিত হইয়া গেল। যে নৌকা হারিয়া গেল, সে যেন উত্তমহীন ক্লান্ত সারসপক্ষীর মত একস্থানে নিশ্চল হইয়া বসিল ; আর জয়ী নৌকা যোদ্ধ পুরুষের মত সগর্বে হেলিয়া ছলিয়া চলিতে লাগিল। এইরূপে ক্রমে হার জিতের পর সর্বশেষ ফাইনেল। দর্শকগণের মধ্যে তখন যে বিপুল আগ্রহ দৃষ্ট হয়, তাহা বর্ণনা করা হুঃসাধ্য। দুইটী নৌকা অগণিত দর্শক মগুনীর দৃষ্টিপথের মধ্য দিয়া উৎসাহিতের মত ছুটিয়া বাইতেছে। ত্রিশ সহস্র লোকের নয়ন তাহাদের উপর কেন্দ্রীভূত হইয়াছে। যেন দুইটী উজ্জীর্ণমান বিহঙ্গ পরস্পর আড়াআড়ি ভাবে ব্যোম পথ

আলোড়িত করিয়া ছুটিয়াছে। কি উত্তম! কি উৎসাহ! উভয়েই যেন মহারণে ত্রুতী। ইহার মধ্যে যে নৌকা জয় লাভ করিল, তাহার যশোগানে ভাদ্রের নদী ভরিয়া গেল।

জয় উল্লাসে বিজয়ী নৌকা আপন ঘাটে গিয়া লাগিল। তখন কুলবালাগণ জয় জ্যোকারে তাহার অভ্যর্থনা করিল। ধাতু দুর্বা লইয়া “আর্গিরা পুছিয়া” নৌকার ললাটে সিন্দুরের ফোটা দিল। গলুইয়ের উপর ঘূতের বাতি জালিয়া দিল। এ প্রদীপ সারা রাত্রি জলিবে। নিবিলেই সর্কনাশ। ভবিষ্যতে আর তার জয় লাভের আশা নাট। সে দিন হইতে সে নৌকার চলা ফিরা ভাব ভঙ্গি একটা ভারি রকমারি হইয়া গেল। যেন সে একটা বড় কেলা ফতে করিয়া আসিয়াছে। সেই বিজয়ী নৌকা অণু কোন দিন পৃথক আরঙ্গে উপস্থিত হইলে, তাহার লাল নীল নানা রঙ্গের বিচিত্র পতাকার উপর সর্কাগ্রে দর্শক মণ্ডলীর দৃষ্টি কেন্দ্রীভূত হয় এবং নদীর তরঙ্গে ফুল ফেলিয়া সেই বিজয়ী নৌকার অভ্যর্থনা করা হইয়া থাকে। বাইচ শেষে আরঙ্গের অবস্থা এক শোচনীয় নীরবতার পরিণত হইয়া থাকে। বোধ হয় যেন সহসা দমকা হাওয়া লাগিয়া সেই জন শৃঙ্খল ভাঙ্গিয়া চূড়মার হইয়া গেল। যেন কোন ভীষণ ঘূর্ণিবাতে রেণু পরমাণুর মত কে কোথায় উড়িয়া গেল। এই পূর্ণ এক বৎসরের জন্ত বিদায় গ্রহণ পূর্বক “চল যাই আপন দেশে” প্রকৃতি স্মৃষ্টি সারি গান গাহিতে গাহিতে যে যাহার আবাস মুখে চলিয়া গেল। একদিনের অমৃত জন কলরব মুখরিত আরঙ্গস্থল পুনরায় পূর্ণ এক বৎসরের জন্ত নীরব ভাষার আপন অতিধিগণকে বিদায় দিয়া যেন আকুল প্রাণে তাহার বিরহ বেদনার সঙ্গীত গাহিতে লাগিল।

এই আমোদজনক ব্যাপারটি, ময়মনসিংহবাসীর পক্ষে যেমন প্রাচীনতম, তেমনি প্রিয়। শুনা যায় চাঁদ সদা-গরের সৌখীন পুত্রগণ ইহার প্রবর্তক। বোধহয় ময়মন-সিংহবাসীগণের মনের উপর চন্দ্রধরের অসীম প্রতিপত্তি হইতেই এই জনরবের সৃষ্টি। যে কোন ঘটনা বিশেষের আদি অন্ত খোজ করিতে যখন ময়মনসিংহবাসী অসমর্থ হইয়াছেন, তখনই তাহার দোষগুণ চন্দ্রধরের উপর চাপাইয়া দিয়াছেন। এই জনরব সত্য হউক আর মিথ্যা

হউক বাইচখেলা যে অতি পুরাতন তাহাতে আর সন্দেহ নাই।

একদিন পরিব্রাজক মুখে এই বাইচখেলার কথা দিল্লীর সিংহাসনতল পর্য্যন্ত পৌছিয়াছিল। দিল্লীর রাজ-পুরুষগণ যখন এতদঞ্চলে উপনিবেশ স্থাপন করিতে ছিলেন, তখন রোয়াইল বাড়ীর রাজভবন হইতে কুমার মসজিদজালাল কোতুহল পরবশ হইয়া বাইচ খেলা দেখি-বার ইচ্ছা প্রকাশ করায় ভাদ্রমাসের প্রথম তারিখে ফতেপুরের নদীতে এইরূপ একটা আরঙ্গ স্থান নির্দিষ্ট হয়। ফতেপুরের নদী আশ্রম সেই বিগল স্মৃতিটুকু বুকে লইয়া আসিতেছে। প্রতি বৎসর এই নির্দিষ্ট তারিখে তথায় সমারোহ সহকারে আরঙ্গ জমিয়া থাকে। কাহাণীও সংবাদ দিতে হয় না। নির্দিষ্ট সময়ে লোক আপনি আসিয়া উপস্থিত হয়। এই অঞ্চলে আরও অনেকগুলি আরঙ্গ আছে। তন্মধ্যে ফতেপুরের আরঙ্গই সর্কশ্রেষ্ঠ। আরও একটু গৌরবের বিষয় এই যে ইহার সঙ্গে দিল্লীসিংহাসন অধিষ্ঠাতাগণের একটা ক্ষুদ্র স্মৃতি জড়িত রহিয়াছে।

এই সকল আরঙ্গস্থান পূর্ব ময়মনসিংহবাসীর কাছে অতি প্রিয়। শৈশবে ও কৈশোরে বহুবার এই মিলন ব্যাপার সচক্রে দর্শন করিয়াছি। এখন সেই আমোদ তরঙ্গ মানব ক্রটির পরিবর্তনের সঙ্গে সঙ্গে ক্রমশঃ মন্দিভূত হইতেছে।

শ্রীচন্দ্রকুমার দে ।

ধাতু সমূহের উৎপত্তি কল্পনা ।

প্রত্নতত্ত্ববিদগণ স্থির করিয়াছেন যে প্রাচীন মিশরে রসায়ণ শাস্ত্রের এবং প্রাচীন ব্যাবিলনে জ্যোতিষ শাস্ত্রের বীজমন্ত্র প্রথম উচ্চারিত হইয়াছিল। পরে গ্রীকগণ তাঁহাদের শিষ্যরূপে এই মন্ত্রদ্বয় লাভ করিয়াছিলেন। গ্রীকদিগের মধ্যে যখন নানাপ্রকার বিজ্ঞান চর্চার আদর বর্দ্ধিত হইয়াছিল, সেই সময়ে আলেকজান্দ্রিয়া নগর সর্ক-প্রকার বিজ্ঞানচর্চার একটা প্রধান কেন্দ্ররূপে প্রতিষ্ঠা লাভ করে। যাহারা তথায় রসায়ণ শাস্ত্র চর্চা করিতেন লোকে

সৌরভ



মাননীয় লেডী কারমাইকেল

ASUTOSH PRESS, DACCA.

ঐহাদিগকে আল্কেমিষ্ট বলিত। কিরূপে নিকৃষ্ট ধাতুকে সুবর্ণ বা রক্ততে পরিণত করিতে পারা যায় তাহার উপায় উদ্ভাবন করাই ঐহাদের প্রধান উদ্দেশ্য ছিল। খৃষ্টীয় পঞ্চদশ শতাব্দী পর্যন্ত এই পরশমণি অন্বেষণে পাশ্চাত্য সভ্যজগৎ নিযুক্ত ছিল। গ্রীক আল্কেমিষ্টগণ মনে করিতেন বিভিন্ন ধাতু ভিন্ন ভিন্ন গ্রহদ্বারা পৃথীগর্ভে উৎপন্ন হইয়াছে। কিন্তু ব্যাবিলোনিয়ার গ্রহাচার্য্যগণই প্রথম সুবর্ণরক্ততাদি ধাতুদিগের সহিত সূর্য্য চন্দ্র প্রভৃতি গ্রহদিগের নিকট সম্বন্ধ কল্পনা করিয়াছিলেন।

খৃষ্টের ৫ম শতাব্দীতে নন-প্লেটো সম্প্রদায় ভুক্ত অলিম্পীওডর কোন্ ধাতু কোন্ গ্রহদ্বারা উৎপন্ন তাহা লিপিবদ্ধ করিয়া গিয়াছেন (১)। নিম্নে তাহা প্রদর্শিত হইল।

সম্ভান।	পিতা।
ধাতুর নাম।	গ্রহের নাম।
সুবর্ণ	সূর্য্য
রক্তত	চন্দ্র
তাম্র	শুক্ৰ
মৌহ	মঙ্গল
বঙ্গ	বুধ
সীসা	শনি
ইলেক্ট্রস	বৃহস্পতি

ইহার পরবর্ত্তীকালে (ঠিক কোন সময়ে তাহা জানা যায় না) বঙ্গকে বৃহস্পতির এবং পারদকে মাকু রিয়স বা বুধের সম্ভান বলা হইত। আলেকজান্দ্রিয়ার আল্কেমিষ্ট গণ কখন কখন পারদকে হার্মিসদেবের (মাকু রিয়সের গ্রীক নাম) বীর্য্য বলিয়া বর্ণনা করিয়াছেন।

অষ্টাদশ শতাব্দীর শেষ ভাগ পর্যন্ত ইউরোপে উল্লিখিত ধাতু সকল স্ব স্ব পিতৃভূত গ্রহের নামে পরিচিত হইত।

প্রাচীন ভারতের বিভিন্ন শাস্ত্র আলোচনা করিয়া আমরা দেখিতে পাই, ভারতীয় আর্থাগণ ধাতুসমূহের উৎপত্তির অল্প প্রকার কল্পনা করিতেন। ভারতের প্রাচীনতম শাস্ত্র ঋগ্বেদে কিন্তু এ সম্বন্ধে কোন অনুমান দেখিতে পাওয়া যায় না। অথর্ববেদ ও ত্রাঙ্কণ রচনার কালে এ বিষয়ে আর্থাগণের দৃষ্টি আকৃষ্ট হইয়াছিল। অথর্ববেদে হিরণ্যের তিন প্রকার জন্মলাভ উল্লিখিত হইয়াছে।

ত্রৈধাতং জন্মেনদং হিরণ্যমৈকং প্রিয়তমং বভূব।
সোমমৈকং হিংসিতস্তে পরাপতৎ।

অপামেকং বেধসা রেত আহুস্ততৎ তে হিরণ্যং ত্রিবৃৎ অস্ত
আয়ুধে ॥ অথর্ববেদ ৫।২৮।৬

“হিরণ্য তিন প্রকারে জাত ; একটি অগ্নির প্রিয়তম ; একটি সোমের—তাহা বধার্থে নিকৃষ্ট হইয়াছিল ; আর একটি জলের—তাহাকে লোকে বিধাতার বীর্য্য বলে। এই তিন প্রকার হিরণ্যই আয়ুধর।

অগ্নে প্রজাতং পরিযদ্ধিরণ্যমৃগং দধে অধিমর্ত্যেষু।

অথর্ববেদ ১৯ ২৬।১

“অগ্নি হইতে যে সুবর্ণ উৎপন্ন হয় তাহা মরণশীল মানবকে অমরত্ব প্রদান করে।”

দেবানামস্থি কৃশনং বভূব। অথর্ববেদ ৪ ১০.৭

“ইন্দ্রাদি দেবতাদিগের অস্থি (শত্রুর কারণভূত) কৃশন (সুবর্ণ) ছিল।”

অগ্নেরেতশ্চন্দ্রঃ হিরণ্যং। অস্ত্যঃ সংভূতং অমৃগং প্রজাসু ॥

তৈত্তিরীয় ত্রাঙ্কণ ১২ ১৪

“চন্দ্র-হিরণ্য অগ্নির বীর্য্য। প্রজার মঙ্গলের অল্প জল হইতে উৎপন্ন।

“From his (Indra's) seed his form flowed and became gold.” (শতপথ ত্রাঙ্কণ, The sacred books of the East series, Part V. p. 215)

“ঐহার (ইন্দ্রের) বীর্য্য হইতে ঐহার আকার বহির্গত হইয়া হিরণ্য হইয়াছিল।

উপরি উদ্ধৃত অংশে হিরণ্য, চন্দ্র-হিরণ্য ও কৃশন এই তিন প্রকার হিরণ্যের উল্লেখ রহিয়াছে। হিরণ্য ও কৃশন নাম দ্বারা সুবর্ণকে এবং চন্দ্র-হিরণ্য নাম দ্বারা রক্ততকে সম্ভবতঃ বুঝাইত। সোমের নিকট হইতে যে হিরণ্য

(১) According to the account of the Neo-Platonist Olympiodor (in the fifth century A.D.), gold corresponds to the sun, silver to the moon, copper to Venus, iron to Mars, tin to Mercury and lead to Saturn.

হননার্থ নিষ্কিপ্ত হইয়াছিল তাহাই গোধ হয় কুশন ।
কারণ অথর্ববেদের নিম্নলিখিত ঋকের ব্যাখ্যায় সাংগন
কুশন শব্দের অর্থ শক্রকৌণকারী বলিয়াছেন ।

সনো হিরণ্যজাঃ শম্বঃ কুশনঃ পাত্তং হসঃ ।

অথর্ববেদ ৪।১০।১

স হিরণ্যজাঃ সুবর্ণাৎ উৎপন্নঃ শম্বঃ কুশনঃ শক্রণাৎ
তনুকর্তা নো অস্মান্ অহংসঃ পাপাৎ পাতু রক্ষতু ।
সেই হিরণ্যজাত শক্রকৌণকারী শম্ব আমাদিগকে
পাপ হইতে রক্ষা করুন ।

অতএব দেখা যাইতেছে যে ভারতীয় আৰ্য্যগণ হিরণ্য
ও রক্তকে দেবতা সম্বৃত্ত বলিয়া কল্পনা করিতেন । যথা—
হিরণ্য ... ইন্দ্রের বীৰ্য্য হইতে উৎপন্ন
চন্দ্র হিরণ্য বা রক্ত অগ্নির বীৰ্য্য হইতে ”
কুশন (অন্ত প্রকার হিরণ্য) দেবতাদিগের অস্থি হইতে ”

অথর্ববেদে ইহাও দেখিতে পাওয়া যায় যে, মানবগণ
সূর্য্যের নিকট হইতে সুবর্ণ-হিরণ্য প্রাপ্ত হইয়াছিলেন ।

যদিহিরণ্য সূর্য্যোন্ সুবর্ণং প্রজাবস্তো মনব পূর্বে ঈশিরে ।

অথর্ববেদ, ১৯.২৬।২

“পূর্বেকালে পুত্র ও ভৃত্য পরিবৃত্ত মানবগণ সূর্য্যের
নিকট হইতে যে শোভন-হিরণ্য প্রাপ্ত হইয়াছিলেন ।”

ইহাতে সূর্য্যকে সূর্ণের দাতা বলিয়া জানা যাইতেছে ।
কিন্তু সূর্ণের উৎপত্তি সূর্য্য হইতে হইয়াছে এরূপ কোন
স্থানে উল্লেখ নাই ।

তাত্র, সীসা, লৌহ ও বস্তুর উৎপত্তি সম্বন্ধে নিম্ন-
লিখিত রূপ কল্পনা দেখিতে পাই ।

শ্রামময়োস্ত মাংসানি লোহিতমস্ত লোহিতং ।

অথর্ববেদ ১১.৩।৭

“(বিরাট পুরুষের বধন অন্ন পাক হইয়াছিল) শ্রাম
ময় অর্থাৎ লৌহ তাঁহার অন্নের মধ্যে মাংস এবং লোহিত
ময় অর্থাৎ তাত্র ইহার রক্ত ।”

ত্রপু ভম্ব হরিতং বর্ণঃ পুরুষমস্ত গন্ধঃ ।

অথর্ববেদ, ১১।৩.৮

“(পাক শেষে) বাহা ভম্ব ছিল তাহাই ত্রপু বা বস্ত্র ;
(সেই অন্নের) বর্ণ পীত ও গন্ধ পদ্মের মত ছিল ।”

সীসং ম ইন্দ্রঃ প্রায়চ্ছৎ তদজ যাতু চাতনং ।

অথর্ববেদ ১।১৬।২

“ইন্দ্র আমাকে সীসা প্রদান করিয়াছিলেন । ইহা
রক্ত পিণ্ডাচাদি নাশক ।”

From his (Indra's) navel his life breath
flowed and became lead—not iron nor silver.
(শত পঞ্চ ব্রাহ্মণ ; The sacred book of the East
series ; part v p. 215)

“তাঁহার (ইন্দ্রের) নাভিদেশ হইতে তাঁহার প্রাণ-
বায়ু বহির্গত হইয়াছিল এবং সীসা রূপে পরিণত
হইয়াছিল—উহা অন্নস কিম্বা রক্তত নহে ।”

অতএব দেখা গেল

তাত্র বা লোহিতময় বিরাট পুরুষের অন্নের রক্ত,

লৌহ বা শ্রামময় ঐ মাংস,

বস্ত্র বা ত্রপু পাকশেষে ভম্ব,

সীসা ইন্দ্রের প্রাণবায়ু হইতে উৎপন্ন ।

পুরাণে ষাতু দিগের উৎপত্তি সম্বন্ধে এইরূপ বর্ণনা
দেখিতে পাওয়া যায় ।

রক্ত—শিবের অশ্রু হইতে উৎপন্ন,

তাত্র—কার্ত্তিকের বীৰ্য্য হইতে ”

সীসক—সর্পরাজ বাসুকির বীৰ্য্য হইতে ”

লৌহ—লোমিল নামক দৈত্যের অন্ন প্রত্যঙ্গ হইতে ”

সুবর্ণ—অগ্নিদেবের বীৰ্য্য হইতে উৎপন্ন ।

P. C. Ray's Chemistry vol II

P. L XXXVII, foot note.

অতএব অথর্ববেদ ও ব্রাহ্মণ রচনার কালে ভারতীয়
আৰ্য্যগণ ষাতু সমূহের উৎপত্তি সম্বন্ধে যে কল্পনা করিয়া-
ছেন, তাহাতে প্রাচীন মিশর বা ব্যাবিলোনিয় কল্পনার
কোন ছায়াপাত হয় নাই । পৌরাণিক যুগেও ষাতু
সমূহের উৎপত্তির কল্পনা আৰ্য্যগণের সম্মত ছিল ; তবে
সে সময় সকল গুণিকে দেবতা হইতে উদ্ভূত কল্পনা না
করিয়া দৈত্য এবং সর্প হইতেও উৎপন্ন হইয়াছে এরূপ
বর্ণনা দেখিতে পাওয়া যায় ।

শ্রীভারাপদ মুখোপাধ্যায় ।

নারায়ণ দেব ।

(৩)

তাহার পর ‘মগধ’ পক্ষ । ইহাই যে সকল অনর্থের মূল তাহা সত্য । “নারায়ণদেবে কর জন্ম মগধ” ইহা গ্রহে না থাকিলে এবং শ্রীহটে “মগধ” নামক একটা স্থানের সংবাদ না পাওয়া গেলে আর কোন গোল হইত না ।

“মগধ” শব্দে দীনেশ বাবুর মতের প্রতিবাদ স্বরূপ লেখক বাহা বলিয়াছেন, তদ্বিবরে আলোচনার প্রয়োজন নাই । তদুপক্ষে তিনি লিখিয়াছেন “মগধের নিকট-বর্তী স্থানে বাহাই রাজ্য ছিল । বিরহা বাবু বিজয়বংশীর পদ্মপুরাণের ঐ অংশ উদ্ধৃত করিয়া দেখাইয়াছেন বাছাই রাজ্যের নগর নিবধ ও কালঞ্জরের মধ্যে । নিবধ ও কালঞ্জর মাজাজে—বেহারে নহে ।” এস্থলে লেখকের কৌশলটি এই যে, পাঠককে বুঝিতে দেওয়া হইয়াছে যে উদ্ধৃত উক্তি আমাদের বা আমাদের অভিপ্রেত । ইহা সত্য কিনা আমাদের কথা উদ্ধৃত করিলেই প্রতি-পন্ন হইবে । তাহা এই :—

“দীনেশ বাবু লিখিয়াছেন, ‘চাঁদ সদাগরের স্ত্রী সোনকা বেহারিয়া রাজ্যের কথা ছিলেন ।’ বেহার এই নাম দ্বারা তিনি পাটনা ও গয়া প্রভৃতি জেলা বুঝাইতে চেষ্টা করিয়াছেন । এস্থলে জিজ্ঞাস্য চাঁদ সদাগর কোন দেশের লোক ছিলেন ? তিনিও কি বেহারী ? চম্পক নগর কোথায় ? মনসার ভাসানের পুঁথি বেহার প্রদেশে আছে কি ? পদ্মপুরাণের কাহিনী কি ঐতিহাসিক ? তাহা হইলে ভিন্ন ভিন্ন কবি ভিন্ন ভিন্ন স্থানের উল্লেখ করেন কেন ?

“রত্নপাট মহানদী, বিহারীয়া হুই নদী, কালিন্দা আর যে কালিয়ানী” (বংশীদাস) শ্রীযুক্ত দীনেশ বাবুর বেহারে এই সমস্ত আছে কি ? তারপর—‘চাঁদ সদাগরের স্ত্রী সোনকার পিতৃপরিচয় বংশীদাস অল্পরূপ দিয়াছেন—

“মাণিক্য পাটলী দেশে, গঙ্গা বণিক্য বংশে,
সুরসার পুত্র পঞ্চপতি ।” এই মাণিক্য পাটলী কোথায় ? ইহা কি বর্তমান পাটনা ? তাহা হইলে পাটলীপুত্র না

লিখিয়া মাণিক্য পাটলী দেশ কেন ? শ্রীহটেও পাটলী নামক স্থান আছে ।”

“বংশীদাসের পদ্মপুরাণ হইতে নিম্নলিখিত অংশটুকু গ্রহণ করা হইল,—

“উত্তরে নিবধ দক্ষিণে কালঞ্জর ।

তার মধ্যে রম্য গিরি বাছাইর নগর ॥

হালকর্য বিনে তার অস্ত কর্য নাই ।

এতেকেই লোকে বলে হালুয়া বাছাই ॥

ইহাতে কি অনুমান হইতে পারে যে বাছাই বিহারের অধিবাসী ছিলেন ?” ইত্যাদি ।

পাটলী শ্রীহটে থাকার কথা বলিয়াছি, ‘মাণিক্য ভাণ্ডার’ নামক স্থানও শ্রীহটে এবং ত্রিপুরা প্রান্তে আছে । ভাটেরার ভ্রমফলকে “কালিয়ানী” নদীর উল্লেখ আছে, কালিয়ানী (কালনী) নদী শ্রীহটের একটি নদীর নাম ও ঐ নামে গ্রামও শ্রীহটে আছে । ‘রত্না’ রত্নাকরের সংক্ষেপ হইলেও প্রবাদ যে প্রাচীন কালে রত্না নামে শ্রীহটে এক নদী ছিল, উহা এক্ষণে ভরট হইয়া বিলুপ্ত হইয়াছে । “রত্নাং ভরাং” বলিয়া প্রাচীন দলিল পত্রের এখনও রত্নার পরিচয় পাওয়া যায় । আবার রত্না নামক নদীও হবিগঞ্জের উত্তরে বর্তমান আছে । পূর্বোক্ত কালনী নদী জলসুখার প্রান্তবাহী, মগধ রাজ্য জলসুখা প্রভৃতি স্থান লইয়াই ছিল বলিতে পারা যায় । জলসুখার “নগর” এখনও একটি প্রসিদ্ধ ও প্রাচীন গ্রাম । সূত্রাং পদ্মপুরাণের মগধ যে বেহার অঞ্চলীয় নহে, তাহা বোধ হয় কিনা । তাহা বিশেষ ভাবে আলোচনা করিলেই বুঝা যাইবে । শ্রীহটে সপ্তগ্রাম পাণ্ডুরা, ফরিদপুর প্রভৃতি স্থান আছে । ঐ সকল স্থানের অধিবাসী শ্রীহটে আগমন করিয়া স্বদেশের নামে গ্রাম স্থাপন করিয়াছিলেন । মগধও যে তদ্রূপ ভাবে নাম প্রাপ্ত হয় নাই, তাহা বলা যায় না । মগধ নাম হওয়াতে, পশ্চিমের মগধের অনু-করণে এই মগধকেও যে বংশীদাস “বেহার” বলেন নাই, তাহাই বা কিরূপে বলা যাইতে পারে ? ‘রত্না’, ‘কালিয়ানী’ (কালনী) ইত্যাদি নদীর নাম হইতে এই বেহার যে শ্রীহটের মগধ, তাহাই অনুমিত হয় ।

তারপর নিবধ ও কালঞ্জর কোথায় ? মাজাজে এই

নামে স্থান আছে সত্য। কিন্তু অনুসন্ধান ইহা যে শ্রীহট্টে মিলে না, এমন নহে। কালঞ্জরা নামে একটি গল্পী শ্রীহট্টের নবীগঞ্জের নিকটে পাওয়া যায়। এসব আলোচনার বোধ হয় যে, শ্রীহট্টের কবি, শ্রীহট্টের স্থান সমূহের উল্লেখ কাব্য রচনা করিয়াছেন। টাদ সদাগর বা সোনকার ঐতিহাসিকদের মূল দৃঢ় নহে। নারায়ণদেব এবং বংশীদাস ও কবিরাজ সঙ্কল্পে আলোচনার সহায়তা হইবে বলিয়াই এ সমস্ত কথা আমরা পূর্বে প্রবন্ধের জায় এস্থলেও উত্থাপিত করিলাম। এসঙ্কল্পে প্রকৃত রহস্য ভেদ করিতে হইলে, যাহারা নারায়ণদেবকে “চিরদিনই ময়মনসিংহের” বলেন এবং যাহারা তাঁহার জন্মস্থান শ্রীহট্টের নগর গ্রাম বলেন, এই উভয় পক্ষীয় কয়েক জন ব্যক্তি লইয়া যদি একটা কমিশন গঠিত হয় ও তাহারা সংশ্লিষ্ট স্থান গুলি ভ্রমণ করিয়া প্রমাণ সংগ্রহ করেন, তবে অনেকটা আশা করা যাইতে পারে।

আমরা নারায়ণদেবকে জোর করিয়া শ্রীহট্টে টানিয়া আনিতে ইচ্ছুক, এরূপ ভ্রান্ত ধারণা যেন কাহারও না হয়। যে শ্রীহট্টে রঘুনাথ শিরোমণি, অষ্টেতাচার্য্য, নীলাচর চক্রবর্তী, শ্রীবাসপণ্ডিতের জন্ম, পার্শ্বদ গুরারি গুপ্ত ও রাঘব পাণ্ডবীর প্রণেতার যে বাক্য সূচী শ্রীহট্টে বর্ণিত হইয়াছিল, যে শ্রীহট্টের প্রতিভা কালী ও নবদ্বীপ প্রভৃতি স্থানের প্রতিভাকেও জয় করিয়াছিল বলিয়া প্রমাণ পাওয়া যায়, সে শ্রীহট্ট নাগর্যের জন্ম কাঙ্গাল নহে। শ্রীহট্টের দ্বাবিংশতি পঞ্চপুরাণ-কারের মধ্যে বঙ্গীধর কোন অংশেই নারায়ণ হইতে হীন নহেন। এতদ্ব্যতীত শ্রীহট্টের ধর্ম প্রবর্তকও প্রচারকদের কথা ছাড়িয়াই দিলাম। বহু কৃতী পুত্রের জননী শ্রীহট্ট ভূমি হইতে এক নারায়ণ স্ফীত হইলে কাহারও ক্ষোভের কারণ হইবে না। আমরাও স্বীকার করি যে জন্মস্থান শ্রীহট্ট হইলেও তিনি ময়মনসিংহ বাসী হইয়াছেন। কিন্তু তাঁহার জন্মস্থান মগধের নগর গ্রাম, ইহা জানা সত্ত্বেও তাহা না বলিলে মৃত কবির আত্মার প্রতি অবিচার হয়।” অচ্যুত বাবুও ময়মনসিংহের গৌরব প্রকটনেই উদ্বুদ্ধ, ময়মনসিংহের গৌরব-খ্যাপক “সৌরভে” প্রকাশিত তদীয় প্রবন্ধাবলীই তাহার পরিচায়ক। নারায়ণদেবের

জন্মস্থান সম্বন্ধে তাঁহার সংশয় থাকার, তিনি তাঁহাকে শ্রীহট্টের কবি বলেন নাই, নব্যভাষ্যে বরং ভিন্নরূপ উক্তিই করিয়াছিলেন, এবং সেই অচ্যুত বাবু নিজ কথার পোষকজ্ঞানে অচ্যুত বাবুর সেই উক্তি তদীয় প্রবন্ধে প্রমাণরূপে উদ্ধৃত করিয়াছিলেন।

যাহা হউক এখন “মগধ” পর্বের সচিত্র প্রবন্ধের উপসংহার করিতেছি। “সৌরভে” এসঙ্কল্পে লিখিত হইয়াছে “শ্রীযুক্ত অচ্যুতচরণ চৌধুরী তত্ত্বনিধি মহাশয় দীনেশবাবুর মগধ স্বীকার করেন না। তিনি এই মগধ বেহারে না হইয়া শ্রীহট্টে হওয়ার পক্ষে একান্ত আশ্রয় স্বীকার করিয়াছেন। তিনি বলেন, শ্রীহট্টে মগধ বলিয়া একটা বিলুপ্ত রাজ্য ছিল। এই কথার প্রমাণার্থে পাদটীকায় কামাখ্যাতন্ত্রের একবচন উদ্ধৃত করিয়াছেন। সে বচন এই :—

ত্রিপুরা কোকিকা চৈব জয়ন্তী মণিচন্দ্রিকা ।

কামাখ্যা মাগধী দেবী অস্তামী সপ্ত পর্বতাঃ ॥

“ইহাতে দেখা গেল যে, সপ্ত পর্বত লইয়া কামাখ্যা তন্ত্রে মাগধী নামে একটি পর্বত আছে। তৎপর দেখাইয়াছেন শ্রীহট্টের এক প্রাচীন কবির গাঁচালীতে মগধ আছে, জলসুখার নিকটবর্তী আজমীরগঞ্জ যে এক সময় এক ক্ষুদ্র রাজ্যের রাজধানী ছিল, ষ্ট্রাট সাহেবের বাঙ্গালার ইতিহাসে তাহা লিখিত। গত জ্যৈষ্ঠ মাসের “প্রতিভা” পত্রিকায় প্রকাশিত হস্তাক্ষিত একখানা ম্যাপে কি স্থানে শ্রীহট্ট সহরের উত্তরে মগধ নির্দেশিত হইয়াছে বুঝিতে পারা গেল না। অচ্যুত বাবু বলিলেন শ্রীহট্টে মগধ নামে এক গুপ্ত রাজ্য ছিল। প্রমাণ করিলেন, প্রথমে কামাখ্যায় মাগধী নামে এক পর্বত আছে। তৎপরে শ্রীহট্টে মগধ নামে এক নৃপতি ছিল। তৎপর আজমীরগঞ্জ এক সময় এক ক্ষুদ্র রাজ্য ছিল। তৎপর একখানা ম্যাপে কি স্থানে শ্রীহট্ট সহরের উত্তরে (কামাখ্যায়) মগধ নির্দেশিত হইয়াছে বুঝিতে পারা গেল না। সুতরাং আমরাদিগকে বাধ্য হইয়া বলিতে হইয়াছে তিনি কি স্থানে এই সকল অপ্রমাণ লইয়া শ্রীহট্টে মগধ প্রমাণ করিতে প্রস্তুত হইলেন ?” “সৌরভ” ১৬০ পৃষ্ঠা।

“প্রথমতঃ” সপ্ত পর্বত লইয়া কামাখ্যা” ইহা তাঁহাকে

কে বলিল? একে আর অর্থ করিয়া পাঠকে ভ্রমে পাত্তিত করা কাহারও কর্তব্য নহে। অচ্যুতবাবুর প্রবন্ধে কুত্রাপি এরূপ উক্তি নাই, বাহাতে ঐ সপ্ত পর্কত লইয়া কামাখ্যা বুঝায়। কামাখ্যা ভঙ্গের বচনে পাওয়া যায় যে কামরূপ মহেশ্বরীর পাঠ শত যোজন বিস্তীর্ণ, তাহার মধ্যে সাতটি পর্কত আছে ইহাতে এরূপ বুঝায় না যে কামাখ্যা দেশের মধ্যেই উক্ত সাতটি পর্কত। সাতটি পর্কতের স্থান নির্ণয় অধুনা কঠিন নহে। ত্রিপুরা, কোকিকা (কুকি পাহাড়) জয়ন্তীয়া, মণি (মনিপু) চন্দ্রিকা (চন্দ্রগিরি), কাছাড়। এই স্থানগুলি শ্রীহট্টের পার্শ্বে, জয়ন্তীয়া, শ্রীহট্টে অঙ্গুর্গত। এই স্থানগুলির জায় যে মগধও একটি স্থান হইবে, তাহা বলাই বাহুল্য। এক্ষণে “শ্রীহট্ট নগর বাস মগধ নৃপতি” এই বাক্যের সহিত সম্বন্ধ বিধান করিয়া এই মগধকে শ্রীহট্টের অন্তর্গত বলা যায় কিনা, সুবোধ ব্যক্তি অবশ্যই তাহা বুঝিতে পারেন। তাহার পর “নগর” জগসুখার এক প্রাচীন পল্লী, জগসুখার আক্রমণের পরে যে এক সময় এক ক্ষুদ্র রাজ্য ছিল ষ্টুয়ার্ট সাহেবের গ্রন্থে তাহা জানা যায়; তদবস্থায় মগধকে ঐ স্থানেই বলা যাইবে না কেন তাহা বুঝা যায় না। “শ্রীহট্টে মগধ নামে এক নৃপতি ছিলেন” বলিয়া লেখক মহাশয় বলেন, একথা কে তাঁহাকে বলিয়াছে? মগধ নামে কোন নৃপতির কথা তো অচ্যুতবাবুর প্রবন্ধে পাওয়া যায় না? লেখক একে আর বলিয়া বার বার পাঠকের ভ্রান্তি জন্মাইতে চেষ্টা করিয়াছেন, ইহা তাঁহার পক্ষে কতদূর উচিত কার্য্য হইয়াছে, তিনিই বিবেচনা করুন। তৎপর বিগত জ্যৈষ্ঠ মাসের “প্রতিভা” পত্রিকায় ঢাকা নিবাসী শ্রীমুক্ত উপেন্দ্র চন্দ্র গুহ মহাশয় একটি প্রবন্ধের সহিত স্বয়ং একখানা আন্দাজি ম্যাগ অঙ্কিত কুরিয়া প্রকাশ করিয়াছেন; ঐ হস্তাক্ষিত ম্যাপে শ্রীহট্ট সহরের সংলগ্ন ভাবে উত্তরে মগধ লিখিয়াছেন। মগধ শ্রীহট্ট জিলার মধ্যে হইলেও শ্রীহট্ট সহরের উত্তরের হওয়ার প্রমাণ পাওয়া যায় না। তাই অচ্যুতবাবু জিজ্ঞাসা করিয়াছেন যে, কি হুজুে তিনি মগধ শ্রীহট্ট সহরের সংলগ্ন ভাবে উত্তরে হইবে বলিয়া লিখিয়াছেন? এরূপ প্রশ্ন করা অসঙ্গত হয় নাই, কেননা

উপেন্দ্র বাবু শ্রীহট্ট সহরের উত্তরে মগধ সন্নিবেশের কোন কারণ বা প্রমাণ নির্দেশ করেন নাই। সুতরাং সৌরভের লেখক মহাশয় ইহাতে কোন কথা ‘অপ্রমাণ’ পাইলেন বুঝা যায় না। তাঁহার প্রতিবাদে দেখিতে পাই যে ‘শ্রীহট্ট সহরের উত্তরে’ এই পদ্যে পশ্চাতে “(অর্থাৎ কামাখ্যায়)” এইরূপ লিখিত হইয়াছে। জিজ্ঞাসা করিতে পারি কি যে অচ্যুতবাবুর প্রবন্ধে “অর্থাৎ কামাখ্যায়” আছে কি? অর্থাৎ কামাখ্যায় লিখিয়া তিনিই কি পাঠকের এই ভ্রান্তি জন্মাইতেছেন না যে মগধ শ্রীহট্টে নহে কামাখ্যায়?

লেখক নাকি কোন কোন পয়াপুর্বাণে পাইয়াছেন যে,

“নারায়ণ দেবে কয় জন্ম মুগধ ।

ভট্টমিশ্র নহে পণ্ডিত বিশারদ ॥”

এইরূপ লিখিত আছে “মু”টি নাকি “ম”এর মত। সুতরাং অর্থ হোক বা না হোক মুগধই গণ্য হইল।

লেখক মহাশয় পূর্বে একবার “কায়স্থ পণ্ডিত বড় বিজ্ঞাবিশারদ” ইতি উক্তির পক্ষে ওকালতী যথেষ্ট করিয়া থাকিলেও এস্থলে বলিতেছেন—“মুগ্ধ শব্দের একটি অর্থ মূর্খ। প্রাচীন কবিগণ অনেক স্থলেই মূর্খ শব্দ স্থলে মুগ্ধ শব্দের ব্যবহার করিয়াছেন।”

এস্থলে আমাদের এফটা জিজ্ঞাস্য আছে, প্রাচীন কবিগণ মূর্খ শব্দ স্থলে মুগ্ধ শব্দের প্রয়োগ কোথায় করিয়াছেন, তাহা প্রদর্শন করিবেন কি? মুগ্ধস্থলে পরায়ে “মুগা” হইয়া গেল, কিন্তু জন্মের বেলায় “জনম” হইল না কেন? তাহা হইলে অন্তঃসৌন্দর্য্য অকরের মিল হইত, এস্থলেও ছন্দগতন ঘটিল না।

অনন্তর “কায়স্থ পণ্ডিত বড় বিজ্ঞাবিশারদ” এই উক্তির সহিত “ভট্টমিশ্র নহে পণ্ডিত বিশারদ” ইতি উক্তির সামঞ্জস্যও বেশ! নারায়ণদেব বোধ হয় এত অন্তর্ক ছিলেন না যে একবার যাহা বলিবেন, পরক্ষণেই তাহার বিপরীত উক্তি করিবেন। ইহাতে কি মনে হয়? ইহাতে কি মনে হয় না যে—

“কায়স্থ পণ্ডিত বড় বিজ্ঞাবিশারদ ।

সুকবি বল্লভ খ্যাতি সর্ব গুণবৃত্ত ॥”

এই প্রংক্তিধর পরাস্তী যোজনা? বহু প্রাচীন হস্ত-

লিখিত পুঁথিতে ইহা না থাকায় ইহাই বোধ হয় ।
শ্রীযুক্ত দীনেশ গাঙ্গু ২০০ বৎসর পূর্বকার যে পুঁথি পাইয়া-
ছেন, তাহাতেও উহা নাই, ইহা প্রক্ষিপ্ত আয়ত্তা পূর্বেও
বলিয়াছি ।

মুগ্ধ শব্দের অপভ্রংশে মুঢ় বলিয়া একটা শব্দই আছে ।
তা' ছাড়া অপভ্রংশেরও একটা রীতি আছে, যেমন মিত্র—
মিত্তির, চিত্র—চিত্তির, গুরু—গুরুর, গুরু—গুরুল (হিন্দী),
মুক্তা—মুকুতা ইত্যাদি । মুগ্ধ স্থলে যদি মুঢ় না হইত, তবে
মুগ্ধ হওয়া সম্ভব হইল কিনা বিবেচ্য । কাজেই বোধ
হইতেছে যে 'ম'এর স্থায় 'ম'কেই 'মু' পড়া হইয়া থাকিবে ।

প্রবন্ধ দীর্ঘ হইয়া পড়িল । সুতরাং এই স্থানেই শেষ
দাঁড়ি দিতে হইল ।

শ্রীবিরজাকান্ত ঘোষ ।

আলোচনা ।

সংস্কৃত শিক্ষাস্থ বিলাস ।

এই বিলাস-লালসা-পরিপূরিত বিংশ শতাব্দীতে সংস্কৃত
ভাষার অশুশীলন দুর্ভেদ্য বাপার রূপে পরিণত হইয়াছে ।
এই শব্দের, এই পবিত্র দেব-ভাষার আলোচনা করিতে
হইলে, মানস-রাজ্যে আর্ধ্য-ভাবের সুপ্রতিষ্ঠা আবশ্যিক ।
অমার্ধ্যভাবের বিন্দুমাত্র ছায়াপাত হইলে, ভোগ-লালসা
সামান্যরূপেও মানস-মধ্যে প্রবেশ লাভ করিলে, এ ভাষার
চর্চা তেমন কলদারিনী হইতে পারে না । কঠোর অধ্য-
বসায়, সম্যক্ কষ্ট সহিষ্ণুতা ও প্রথম ভোগ-বিতৃষ্ণা
এ ভাষাশুশীলনে নিত্য প্রয়োজনীয় । এ যুগে অনেকেই
প্রাকৃতিক গুণনিচয়ের সম্যগধিকারী না হইলেও, অল্প
অধ্যয়ন-ব্যয়-সংকল্পের ব্যবহৃতভাবে অথবা কৌশলিক
ব্যবসায় রক্ষার্থ বাধ্য হইয়া সংস্কৃত চর্চার প্রবৃত্ত হইয়া
থাকেন । সুতরাং তাঁহারা আশঙ্করূপ পারদর্শিতা প্রদর্শন
করিতে সমর্থ হন না ।

চতুর্দিকই সর্ববিধ বিষয়ই অধুনা মানবকে নিয়ত
ভোগমার্গে প্রবৃত্ত করিতে ব্যস্ত । আরাধ্যোপভোগার্থ
সুকোমল গন্ধিবিশিষ্ট কাষ্ঠাসন (চেয়ার), সুসজ্জিত
বিচক্রাঙ্গ টেবিল, নমন-রজন কারুকার্য সম্বিত কাচময়

আলোকধার ও স্বর্ণাকরাঙ্কিত বিবিধ বর্ণ রঞ্জিত এবং
সুমন্থণ কাগজে মুদ্রিত পুস্তক রাজি সতত আশে পাশে
চক্ষু যুগলের দৃষ্টি আকর্ষণ করিতেছে । কোথাওবা এগুলি
সংস্কৃত শিক্ষার্থীর প্রাক্তন সহপাঠিবৃন্দের সবিলাস-অধ্য-
য়নের সামগ্ৰীরূপে পরিণত হইয়াছে । সহপাঠীও আবার
চক্ষুর দোষাতাবেই সুবর্ণ-'ফ্রেম'-যুক্ত চশমার বিভূষিত
এবং 'হ্যাট কোটে' সুসজ্জিত হইয়াছেন ।

সতত চতুর্দিকে এগুলি প্রত্যক্ষীভূত থাকিয়া, ক্রমশঃ
অসক্তিতে সংস্কৃত-বিদ্যার্থীরও মানসিক পরিবর্তন সংঘটন
করিয়া থাকে । সাধারণতঃ পল্লীবাসী হইতে নাগরিকগণ
এই কারণ বশতঃই একটু বিলাস পরায়ণ হইয়া থাকেন ।
সতত পরিদৃশ্যমান দিগন্ত-বিস্তারি বিলাস-তরঙ্গে নির্গুণ
ধাকা বাস্তবিকই কঠিন ব্যাপার ।

মাসুখের অধঃপতন যত সহজে নিম্পন্ন হয়, উচ্চ স্থানে
আরোহণ তত অসম্ভব নহে ; উহা যত্ন-সাধ্য,—
পরিশ্রম-সাপেক্ষ । সংস্কৃত-বিদ্যার্থীবৃন্দও সহজেই যে
নয়নারায়ণ বিলাস-ব্যসনের মধুর আকর্ষণে আকৃষ্ট হইবেন,
উহার আর বিচিত্র কি ? তাঁহাদেরও কুশ-নির্মিত আসন,
মুগ্ধ-প্রদোপ ও হরিতালাদি-লিঙ্গ 'তোলট' কাগজে হস্ত-
লিখিত প্রাচীন পুস্তকাবলির প্রতি শ্রদ্ধা ও প্রীতি হ্রাস-
প্রাপ্ত হইতে থাকে,—উত্তরীয়ক মাত্র পরিচ্ছদে আর
তাঁহারা তৃপ্তি অনুভব করিতে পারেন না ! সংস্কৃতবিদ্যার্থি-
বৃন্দ স্বকীয় অবস্থার প্রতি দৃষ্টি-নিক্ষেপে, পূর্বতন-সহপাঠী
হইতে নিজ পার্থক্য জন্মগ্রহণ করিয়া বড় অধিক সময়
গাভীর্ঘ্য রক্ষা করিতে সমর্থ হন না !! বিলাস-ভোগের
সুযোগাতাবে নিজের প্রতি, এমন কি,—সংস্কৃত শিক্ষার
প্রতিও ক্রমে শ্রদ্ধাহীন হইয়া উঠেন ।

অবশ্য, ইহা জন্মের দুর্বলতা ব্যতীত কিছুই নহে ।
কিন্তু বর্তমান যুগে এতাদৃশ দৌর্বল্যের কারণ হইতে
পরিমুক্ত হওয়া, অনেকের ভাগ্যেই ঘটনা উঠে না ।
প্রথর-বিবেচনা-শক্তি রূপ সুদৃঢ় নৌকা না থাকিলে এই
তরঙ্গে নিমজ্জিত হওয়া অবশ্যস্বাভাবী ।

এই বিলাস-ব্যসনে আকৃষ্ট না হইয়া তৎপ্রতি সতর্ক
হওয়া পুঁথ-চরিত্র আর্ধ্যগণের চরমোদ্দেশ্য গণ্য করিয়া,
পবিত্র ভাবে অশুপ্রাপিত হইতে বতটুকু মানসিক-বলের

আবশ্যক, হুঁজাগ্যক্রমে অধুনা তাহা অধিকাংশ সংস্কৃত-শিক্ষার্থীর মধ্যেই বিরল। উদ্য প্রতিকূলাবস্থায় কেমন করিয়া 'উন্নতি-মার্গে' অগ্রসর হওয়া সম্ভাবিত হইতে পারে?

আমাদের মনে হয়, এই পবিত্র ভাষার অক্ষুণ্ণতায় নৈমিত্তিক যুগের অধিগণের অধলম্বিত পথে, তাঁহাদেরই আদর্শে—একটি সুনির্দিষ্ট রমণীয় স্থান নিরূপিত হওয়া আবশ্যক। তাহাতে ভোগ বাসনা কথঞ্চিৎ প্রশমিত হওয়ার আশা করা যাইতে পারে। নতুবা এই বিলাস-বটিকার বিশাল-বিবর্তে অবিচলিত থাকি অনেকের পক্ষেই সহজসাধ্য নয়।

হিন্দু জাতির নিকটে 'সংস্কৃত' দেব ভাষা বলিয়া কীর্তিত। শাস্ত্রকারগণ বলিয়াছেন,—

“সংস্কৃতং নাম দৈবী বা গদ্যাখ্যাতা মহর্ষিভিঃ”

হিন্দুর দৃষ্টিতে এই ভাষা পবিত্রতার আকর, এই স্বর্গীয় ভাষার উপাসকগণও সম্মানিত। এ শাস্ত্র কখনও ভোগ বিলাসের অক্ষুণ্ণ নহে;—ইহা ত্যাগী ও সংযমী হওয়ার উপদেশক;—এ শিক্ষার পরিণামে বিলাস-বাহুল্য নাই—বিলাসকে বিষবৎ পরিত্যাগ করাই এ শাস্ত্রের মূলমন্ত্র। সুপবিত্র নিরাকাম্য জীবন সংগঠনই এ শাস্ত্রের চরম লক্ষ্য যিনি লক্ষ্য ভ্রষ্ট হইয়া প্রথম হইতেই বিপথে চলিবেন তাঁহার 'প্রকৃত শিক্ষা' হইবে কেমনে? তিনি উত্তরের সংমিশ্রণে একটি 'বাবু-পণ্ডিত' সাজিতে পারেন; কিন্তু অর্ধাঙ্গনের চেমন অক্ষুণ্ণ নহে,—বিলাসেরও সাহায্য কারিণী নয়, এমন শিক্ষার শিক্ষিত হইয়া তাঁহাকে শুধু চির-অশান্তি ভোগ করিতে হইবে নাকি? উদ্দেশ্য ভ্রান্ত চিন্তের শাস্তি কোথায়?

শ্রীমুরারিমোহন ব্যাকরণতীর্থ।

সাহিত্য সেবক।

শ্রীউপেন্দ্রচন্দ্র গুহ—নিবাস ঢাকা জেলার অন্তর্গত বিক্রমপুর পরগণার কোলাগ্রাম, পিতার নাম পূর্ণচন্দ্র গুহ। উপেন্দ্র বাবু ১৯০২ সনে বি, এ পাস করিয়া শিক্ষা বিভাগে

প্রবেশ করেন, অতঃপর বি, টি, পাস করিয়াছেন এবং ঢাকা কলেজিয়েট স্কুলে শিক্ষকতা করিতেছেন। “কাহারের ইতিবৃত্ত” নামে তাঁহার একখানা গ্রন্থ আছে। তিনি মাঝে মাঝে ঢাকা রিভিউ ও সন্মিলনে এবং প্রতিভার প্রবন্ধ লিখিয়া থাকেন। তাঁহার বয়স ৫০ ৩৫ বৎসর।

শ্রীউপেন্দ্রচন্দ্র গুহ—১৮৯৭ সনে এম,এ, ও ১৯০১ সনে বি এল পাস করিয়া ঢাকাতে ওকালতি করিতেছেন। মাঝে মাঝে ঢাকা রিভিউ ও সন্মিলনে তাঁহার সমালোচনা ও প্রবন্ধ বাহির হয়। ঢাকা সাহিত্য পরিষদের ইনি সম্পাদক।

শ্রীউপেন্দ্রচন্দ্র রায়—১২৭৪ সালে ময়মনসিংহ জেলার অন্তর্গত আচমিতা গ্রামে জন্মগ্রহণ করেন। পিতার নাম ৮ রাজচন্দ্র রায়। উপেন্দ্র বাবু বাল্যকাল হইতেই গল্প ও পদ্য প্রবন্ধ লিখিতেন। স্কুলে অধ্যয়ন কালেই তিনি স্থানীয় “চারুবর্ত্তা”, “ভারত মিহির”, ‘কুমার’ প্রভৃতি পত্রিকায় কবিতা ও গল্প প্রবন্ধ লিখিতেন। ময়মনসিংহের লুপ্ত আয়তির ইনি একজন পরিচালক ছিলেন এবং মাঝে মাঝে বৎসর ইহার হস্তে “আয়তির” সম্পাদকীয় ভারও ব্রত হইয়াছিল।

শ্রীউপেন্দ্রচন্দ্র মুখোপাধ্যায়—জন্ম—১২৭১। শ্রাবণ সংক্রান্তি। পিতার নাম ৮ ভারতচন্দ্র মুখোপাধ্যায় ইঁহার আদি নিবাস অধুনা পদ্মা গর্ভস্থ তারপাশা গ্রামে ছিল। বর্তমান নিবাস ইছাপুরা গ্রামে। ইনি বিক্রম-পুরের অন্তর্গত আরিয়ল গ্রামে মাতুলালয়ে জন্ম গ্রহণ করেন। ৪ বৎসর বয়সে উপেন্দ্র বাবু মাতৃহীন হইয়া মতামহীর কোলে লালিত পালিত হন এবং ১০ বৎসর বয়সে পিতার সহিত ময়মনসিংহ ইঁহার গমন করেন। পিতা ময়মনসিংহ নর্ম্যালস্কুলের শিক্ষক ছিলেন। উপেন্দ্র বাবুর প্রাথমিক শিক্ষা ময়মনসিংহ হার্ডিঞ্জ স্কুলে আরম্ভ হয়। ময়মনসিংহ নর্ম্যালস্কুল উঠিয়া গেলে ভারত বাবু ঢাকা নর্ম্যালস্কুলে গমন করেন। সেখানে বডেল স্কুল হইতে উপেন্দ্র বাবু ১৮৭৮ খৃষ্টাব্দে ছাত্রবৃত্তি, ১৮ বৎসর বয়সে ঢাকা পবোজ স্কুল হইতে এণ্ট্রান্স, ২ বৎসর পরে ঢাকা কলেজ হইতে এক, এ, পরীক্ষার উত্তীর্ণ হন। ইহার ২-বৎসর পরে বি, এ, পরীক্ষা প্রদান করিয়া-

হিন্দেম, কিন্তু অকৃতকার্য। হইয়া ২৭ বৎসর বয়সে সরকারী কার্যে প্রবেশ করেন। এখন ইহার ২৫ বৎসর চাকরী হইয়াছে। অতিরিক্ত পরিশ্রমের ফলে ইনি বহুত্র রোগে আক্রান্ত হইয়াছেন। এখন পেন্সন গ্রহণ করতঃ সাহিত্যালোচনা করিতেছেন। দীর্ঘকাল যাবত ইনি ঢাকা বিভাগের মধ্য ইংরেজী ও মধ্য বাঙ্গালা ও উচ্চ প্রাইমারী পরীক্ষা সম্বন্ধে সম্পাদকরূপে কাজ করিয়াছেন। উপেন্দ্রবাবুর "চন্দ্রিতাভিধান" গ্রন্থ ১৯০৭ খৃষ্টাব্দে প্রথম বাহির হয়। ১৯১১ খৃষ্টাব্দে ইহার দ্বিতীয় সংস্করণ হইয়াছে। ইনি কিছু দিন ঢাকা সাহিত্য পরিষদের সম্পাদকের কার্যও করিয়াছেন। সম্প্রতি উপেন্দ্র বাবু একখানি বৃহৎ বাঙ্গালা অভিধান সম্পাদনে নিযুক্ত আছেন, এবং মাঝে মাঝে প্রতিভা ও ঢাকা রিভিউ পত্রিকার প্রাচীন সাহিত্য সম্বন্ধে আলোচনা করিয়া থাকেন।

ভ্রম সংশোধন ।

বর পণ, আত্মহত্যা ও সত্য প্রবন্ধে "সন্ন্যাসসিংহের একটা সুবকের সম্বন্ধে বাহা লিখিত হইয়াছে, তাহা ঠিক সংবাদ নহে। তাঁহাকে ঋণ গ্রহণ বলা যায় না। তাঁহার বিবাহে পাঁচ হাজার টাকা খরচ করা তাঁহার পক্ষে বিশেষ কষ্ট সাধ্য নহে; তাঁহার অত্যন্ত ভগ্নিদেবের বিবাহে তাঁহাকে ইহা অপেক্ষা অধিক ব্যয় করিতে হইয়াছে।

শুভ-দৃষ্টি

কোন অপরিহার্য কারণে এ সংখ্যার শুভ-দৃষ্টি প্রকাশ করা গেল না। আশ্বিনের (শারদীয়) সংখ্যার শেষ করিয়া দেওয়া হইবে।

পাটের গীত ।

ওরে, আমার সাধের পাট !
ভূমি, ছেয়ে আহ বাঙ্গলা মূলুক—
বাঙ্গলা দেশের মাঠ !

যে দেশে যেখানে যাই,
সেখান তোমার দেখতে পাট,
গ্রামে গ্রামে আকিস তোমার
পাড়ার পাড়ার হাট !

ধান ফেলিলে তোমার বোনে,
বাধা নিষেধ নাহি শোনে,
ছালার ছালার টাকা গোপে,—
চাষার বাড়ছে ঠাট !

যার ছিলনা ছনের কুড়ে,
তাহার এখন বাড়ী বুড়ে,
চৌচালা আট চালা কত,
কিম্বলি কপাট !

যার ছিল না ছেঁড়া পাটা,
মাটির সানকী বদনা বাটা,
প্রেট পেরালা পরিপাটা
এক পালং খাট !

মেঝে পুরা পেটী বুটী,
গিল্টিতে আর হয় না রুচি,
এখন সোণার বাউটা পঁচি,
উজল করে খাট !

তোমার হ'লে অল্প ফলন,
কঠিন বড় খাজনা চলন,
রাজা প্রজা সবার দলন,
বিষম বিক্রাট !

সার্ভিরা অস্ত্রীর লড়াই,
আমরা নাহি তারে ডরাই,
তোমার হ'ল খরিস বন্ধ,
তাই তে "গৌরাজ্ কাঠ" ।

মহাজনে দেয় না টাকা,
কি সে যার আর বেঁচে থাকে,
পঞ্জাবে মাজাজে আকাল,
বাঙ্গাল্য শুভ-হাট !

শ্রীগোবিন্দচন্দ্র দাস ।

আমার ছোট মামা জঙ্গ কোর্টের নাজীর ছিলেন । মনিমোহন বাবুর সহিত অল্প বিস্তর পরিচয় স্ত্রে একদিন সন্ধ্যার পর ছোট মামা মনিমোহন বাবুর সহিত আমার আলাপ পরিচয় করিয়া দিবার জন্ত তাঁর ডিস্‌পেনসারীতে লইয়া আসিলেন । তিনি প্রথমতঃ আমার ব্যবসার গন্ধ পাইয়াই আমার উপর নারাজ হইলেন ; তার পরে যে জন্ত আমার সম্প্রতি জাহাজীর বাদসার সহরে আগমন, তার সংবাদ অবগত হইয়া অবৃষ্টি-সংরম্ভ প্রারুটের মেঘধণ্ডের স্তায় সহসা অত্যন্ত গভীর ভাব ধারণ করিলেন । আমাদের দুজন্য মধ্যে আত্মীয়তা খুব গাঢ় হইবার সম্ভাবনা না থাকিলেও, একেবারে আলাপটাই বাদ হইয়া যায় দেখিয়া, মামা মনিমোহন বাবুকে জিজ্ঞাসা করিলেন :— “আজকাল সহরে কাহিল কাতরের ভাবগতিক কেমন, মনি বাবু ?” মনিমোহন বাবু মুখটা বেজায় বিকৃত করিয়া বলিলেন :— “আরে রাম রাম, সে কথা আর ভুলে কাজ কি নাজীর বাবু ; ঢাকা সহরো দেখি শেখ কালে দারজিলিং হয়ে উঠলো !”

আমি একটা কথা বলিবার উপলক্ষ্য পাইয়া একটু হাসিয়া বলিলাম :— “কি রকম ! শীতটা এবার কিছু বেশী পড়েছে নাকি ?”

মনিমোহন বাবু একটু রহস্য করিয়া বলিলেন :— “শীত নয় দাদা—শীত নয়, একেবারে চির বসন্ত ! লোকে এখন ঢাকা সহরে হাওয়া বদলাতে আসবে বলে মনে হচ্ছে ।”

আমি বলিলাম— “অন্ততঃ মানুষের স্থূল দেহটা যদিইন আছে, তখন আমাদের কালিদাসের মানুষী বিরহীর মত বসন্ত কাল দেখে অত ধাবড়াবার তো বিশেষ কোনো কারণ দেখি না!—”

মনিমোহন বাবু বলিলেন— মশার, মাপ করবেন, কালিদাসের বিরহীদের বসন্ত কালাতঙ্ক নামক ব্যামো বা তার চিকিৎসা সম্বন্ধে আমার জ্ঞান বড়ই অল্প ! তবে ব্যামো-পীড়াটা বাস্তবিক মানুষের স্থূল দেহের কি স্থূল দেহের, অন্তর্গত, আজ কাল তাতেও নানা রকম গোল লাগিয়ে উঠছে ! তাই ভয় হয়—এলোপ্যাথি ব্যবসাটা বুঝি আর টেকে না ।

আমি একটু হাসিয়া বলিলাম— “কথাটা ভাল করে বুঝতে পারা গেল না !”

মনিমোহন বাবু রহস্যবিৎ বিজ্ঞের মত মাথা নাড়িয়া বলিলেন :— “তা কথাটার মাঝে কতকটা আধি ভৌতিক কতকটা আধি দৈবিক রহস্য আছে বটে, সব কথা খুলে না বললে ব্যাপার খানা ভাল করে বুঝতে পারবেন না । কিন্তু তা হলে ঐ তত্ত্বপোষে তোষকটার উপর বেশ একটু আঁট হয়ে বসা যাক ! বেতের চেয়ারে আলাপ হয়ে বসে বলতে শুরু করে বোধ করি কথাটা ভাল জমবে না ।”

শেখ পঙ্কের বিবাহ করিয়া অবধি ছোট মামা আমার রাত্রি ৮টার পর ঘরের বাহির থাকিতেন না । আমার একটু পাকা বন্দোবস্তের লক্ষণ দেখিয়া তিনি আমাকে রাখিয়াই চলিয়া গেলেন ।

আমি মনিমোহন বাবুর ফরমাস মত জুতা খুলিয়া তত্ত্ব পোষের তোষকের উপর আসন করিয়া বসিলাম । ডাক্তার হাত নাড়িয়া, মুখ ব্লাইয়া, চোক পাকাইয়া আড়াই ঘণ্টা ব্যাপী দীর্ঘ গল্প জুড়িয়া দিলেন ।

মনিমোহন বাবু ঝুলানো কেয়াসিন লেম্পটার আলো একটু চড়াইয়া দিয়া বলিতে আরম্ভ করিলেন ।— “সে আজ প্রায় পঁচিশ বৎসরের কথা । সে সময়ে নব্যবঙ্গে চসমা ও লম্বা দাঁড়ির নুতন আমদানী—সুতরাং আমার চোখে জিরো নম্বরের চসমা এবং মুখে প্রচুর পরিমাণে দাঁড়ির উপদ্রব ছিল । সে বৎসর সমস্ত ঢাকা সহর ভীষণ কলেরা রোগের সংক্রামন বিবে দূষিত হইয়া উঠিল । ঘরে ঘরে মৃত্যু ককালরূপ ধারণ করিয়া ফিরিতে লাগিল । অতএব শুভলগ্ন উপস্থিত দেখিয়া আমি রণ বেশে কলেরার সহিত সম্মুখ সংগ্রামে প্রবৃত্ত হইলাম । আমার কোট পেটালুনের উপর মাথার মেটেরংএর জার্মান বাবু ক্যাপ, কারণ তখনো কলিকাতা টাননীচকের সস্তা হ্যাট বাজারে আমদানী হয় নাই । হাতে রুরোডাইন ও ক্যালোমেল নামক বক্রণ ত্রন্দাত্ত-লইয়া সে যাত্রা চিকিৎসায় যে পরিমাণে যশোলাভ ঘটিয়াছিল, অথও মণ্ডলাকার গুল রক্তত থণ্ড লাভ হইয়াছিল, তাহা অপেক্ষা ডের বেশী ! কারণ সে কালে ঢাকা এত সস্তা হয় নাই, পথে যাতে আজ কালকালকার মত এত নানা প্যাথির

ডাক্তারের ছড়া ছড়িও ছিল না, এবং এসিষ্ট্যান্টসার্জনদের বাজার দর এখনকার চাইতে ঢের বেশী চড়া ছিল !”

যদিও মণিমোহন বাবুর আক্ষেপ পূর্ণ কথা গুলির মধ্যে যথেষ্ট পরিমাণে করুণ রস মিশ্রিত ছিল, তবু বক্তৃতাটা অতি দীর্ঘ হইয়া পড়িতেছে আশঙ্কার আমি বলিলাম :—

“সে আধি ভৌতিক কথার রহস্যটা কিন্তু এসিষ্ট্যান্ট সার্জনদের পাল্লায় পড়িয়া মাঠে মারা যাবার যো হচ্ছে—” মণিমোহন বাবু একটু মুরুক্ষিয়ানা ভাবে বলিলেন :—

“সে দিকেই পাড়ি জমবে এখন। “পারিপার্শ্বিক” অবস্থার সঙ্গে যোগ রেখে বলতে হচ্ছে কিনা সেই, জন্মে পথে যা একটু ঘুরপাক আছে !”

বেগতিক দেখিয়া আমাকে চুপ করিতে হইল। ডাক্তার আবার বলিতে আরম্ভ করিলেন :—

“ভরা ভাদ্র মাস। সেদিন যেন ঢাকা সহরের মাথার উপর বাদলের আকাশ ভাঙ্গিয়া পড়িয়াছিল। অবিশ্রান্ত ঝর ঝর—ধারাপাতের আর বিরাম নাই। দেবদারু গাছ গুলির পাতা আকাশে উড়াইয়া দিয়া, শিথিল বৃক্ষ সুখিকার অনাধ ফুল-গুলি সিক্ত কাননভলে বিলুপ্ত করিয়া দিয়া, দমকা হাওয়া মৃত্যুর হাহাকার বিদীর্ণ-নগরের বুকের উপর দিয়া দীর্ঘ নিঃশ্বাসের মত হু হু শব্দে বহিতেছিল।

“সন্ধ্যা যখন মিলাইয়া আসিল, তখন ভজ্জহরি বসাকের কর্ণরোধ হইয়া গিয়াছে। তার দুই বাহুতে দুইটা হাইপোডার্মিক নিডলের খোঁচা দিয়া তার সম্বন্ধে ভিজিট লাভের আশা পরিত্যাগ করিতে হইল। মির্জা সাহেবের নিকার বিবির তখনো আশা আছে—মনে করিয়া সে বাড়ী হইতে ভিজিটের বাকীটাকাটা আদায় করিতে গিয়া দেখি, নিকার বিবি সাদা “তপন” পরিয়া নিঃশব্দে দোলার চড়িতেছেন! টাকাটা নগদ আদায় হইল না দেখিয়া ক্ষুণ্ণ মনে, সিক্ত বস্ত্রে, ক্লান্ত দেহে, যখন ঘরে ফিরিলাম, তখন রাত্রি আন্দাজ আটটা।

“শরীরটা কেমন একটু অর অর করিতেছিল, দেখিয়া জীর নিকট আটার পুরু রুটী এবং গরম কোর্নার ফরমাস দিয়া বাহির বাড়ীতে বৈঠক খানা ঘরে বসিয়া এক গ্লাস গ্লাসপেন নামক ফরাসী ড্রাকারস পান করিলে পর, অর অর ভাবটা একেবারে দূর হইয়া মনটা ক্রমশঃ প্রফুল্ল হইয়া আসিতে লাগিল।”

মণিমোহন বাবু আমার মুখে একটু বিরক্তির চিহ্ন দেখিয়া বলিলেন :—দেখুন মহাশয়! যে হেতু আপনার নিকট সকল কথা খুলিয়া বলিতে প্রবৃত্ত হইয়াছি, সে হেতু আপনার নিকট কোনও প্রকার অপ্রিয় সত্যও গোপন করিবার আবশ্যক নাই! একবার “কলে” মানিকগঞ্জ গিয়া নেহাৎ ম্যালেরিয়ার ভয়েই মদ ধরিয়া ছিলাম, সে কথা বলা বাহুল্য। যদিচ ঢাকার আসার পর ম্যালেরিয়ার আশঙ্কা দূর হইল, তথাপি ম্যালেরিয়ার ঔষধটার মাথা কাটাইয়া উঠিতে পারিলাম না! আপনাদের নুতন ব্রিটিশ ফার্মাকোপিয়ারতে কি লেখে জানিনা; কিন্তু আমার নিজের অভিজ্ঞতা লক্ষ জান এই যে, যতক্ষণ মদের নেশা না ছুটিয়াছে ততক্ষণ “এনাফিলন” মশার হাতে মরণশীল স্বপ্ন প্রাণ বাঙ্গালীর আর কোনও ভয় নাই!

“বৈঠক খানা ঘরের খোলা জানালা গুলি দিয়া আমার মুখের উপর আর্দ্র হাওয়া যতই লাগিতে লাগিল, আমার মনোবৃত্তির উপর ড্রাকারসের প্রভাব ততই রক্তীন হইয়া উঠিতে লাগিল। যদিও আমার বৈঠকখানা ঘর তেমন সাজানো ছিলনা, এবং সবুজ চিমনির উপরে একটা উজ্জল কেয়াসিনের আলোই জ্বলিতেছিল, তবু আমার মনে হইল যেন আমি এক ভাড়িতালোক উদ্ভাসিত সুসজ্জিত রঙ্গ মঞ্চের উপর দাড়াইয়া আছি! বিচিত্র রঙ্গভূমি! আর আমি তার একমাত্র অভিনেতা! নাগিকার প্রতীকার উদ্ভাস্ত নাগক যেমন রঙ্গমঞ্চে অস্থির ভাবে পাদ চারণা করিতে করিতে নেপথ্যের পানে ঘন ঘন সতৃষ্ণ দৃষ্টিপাত করে, আমিও সেই ভাবে খোলা জানালা দিয়া বাহিরের ঝিল্লিরব মুখরিত অন্ধকার নিশিথের পানে চাহিলাম। যদিও সে রাতে মেঘাচ্ছন্ন আকাশের কোথাও একটা তারা ছিল না; তবু আমার জানালার কাছে আসিতেই মনে হইল যেন নক্ষত্র খচিত অনন্ত আকাশে আর একটা তারারও স্থান নাই! যেন আমার আশ্চর্য্য নাগিকা জলদ জালের বহিরাবরণ ছিন্ন করিয়া আকাশের সুনীল পটে নক্ষত্র পুঞ্জ লেখা একখানা বিচিত্র রহস্য লিপি, তার অদৃশ্য সুন্দর হস্তে বিশ্বয়ের নেপথ্য রাজ্য হইতে আমার পানে উন্মুক্ত করিয়া রাখিয়াছে!

“রাত্রি ক্রমশঃ গভীর হইয়া আসিতেছিল। এবং যদিও আমার বাড়ীর ত্রিসীমানায় কোনও প্রকার ফুল গাছের শিকড় পর্য্যন্ত ছিলনা। তবু যেন খোলা জানালা দিয়া কেতকীর স্নিগ্ধ গন্ধে আমার অচেতন বৈঠক খানা ঘরটা শুদ্ধ বিভোর হইয়া গেল! অর্থাৎ মোটা কমাটি কপাটা এই যে তখন আমার ভাব জগতে অত্যন্ত উর্দ্ধগতি হইয়া গেছে। সুতরাং গৃহিণীর নিকট যে আটার রুটি ও গরম কোম্বার ফরমাস দিয়াছিলাম, সে কথা আদৌ আমার মনে ছিলনা।”

মণিমোহন বাবু হঠাৎ খামিয়া পড়িয়া আমার মুখের পানে চাহিয়া জিজ্ঞাসা করিলেন “গল্পটা আপনার কেমন বোধ হচ্ছে?” আমি একটু মুচকি হাসিয়া বলিলাম— “মন্দ নয়! তবে কিনা কাব্যের মিষ্টতাটা কিছু বেশী কড়া হয়ে পড়চে!”

মণিমোহন বাবু একটা ছোট এলাচি ছাড়াইতে ছাড়াইতে বলিলেন :—“গল্প বলতে হলে একটু মাধুর্য্য রসের মিশাল চাই দাদা, নৈলে গল্পে দানা বাঁধবে কেন? বাবুচর প্রায় পার হয়ে এসেচি। এইবার ঘটনার স্রোত বইবে!”

মণিমোহন বাবু বলিতে লাগিলেন :—এমন সময় বেহারা বৈঠকখানার রুদ্ধ দরজায় একটা ষা দিয়া ডাকিল “হুজুর!”

সে শব্দে আমার ভাব-বিভোর চিত্তে সহসা রেগীর স্বপ্ন ফুটিয়া উঠিল! তাই বলিয়া উঠিলাম :—

“কে হরকিষণ?—কেয়া বাৎ রে, কোথাও রোগী চৌগী দেখতে যানে হউগা কি?”

আমার হিন্দুস্থানী ভাষায় যে পরিমাণ দখল মজঃফর-পুর জেলা নিবাসী নবাগত হরকিষণ গোস্বালার খাঁটা “বাবু বাবুলায়” দখল, তদনুরূপ! সে বলিল—

“যেবে হোবে হুজুর! একটা শুদ্ধর আদমি বাহের ঠারা আছে!”

“আমি ঘরের সদর দরজা খুলিয়া দিবা মাত্র চট্ করিয়া একটা ছোকরা আমার ঘরে ঢুকিয়া পড়িয়া বরাবর আমার সম্মুখে আসিয়া দাঁড়াইল।

“দীর্ঘ পাতলা একহারা চেহারা তার। পরণে

মিহি ধুতি, গায়ে ফিণফিণে পাতলা পাঞ্জাবী জামা, গলায় চাদর নাই। ফুটফুটে রং, কালো ফুলের পাঁপড়ির মত কপালের চারিদিকে কৌকড়ানো চুলের ঝুঁকুনি লুটাইয়া পড়িয়াছে। ছোকরাটার বয়স অল্প, তখনো মুখের উপর হইতে মেয়েলি ছাপটা যুচে নাই। বনের হরিণের মত ডাগর ডাগর বাধাপূর্ণ চোখ দুটা! মনে হয় কাঁদিলে বুঝি সে চোখ হইতে এখনি মুক্তা ঝরিয়া পড়ে! আমি তীব্র দৃষ্টিতে একবার তাহার আপাদ মস্তক দেখিয়া লইয়া বলিলাম—

“কি চাই মশায়?”

“একবার আপনাকে দয়া করে ‘কলে’ বেরুতে হচ্ছে!” আমি একটু গভীর হইয়া বলিলাম :—

“দয়ার কথা বলচেন কি, সেতো আমাদের নিত্য কর্ম; তবে কিনা রাতের ‘কলে’ আজ কাল আমি ডবল ভিজিট চার্জ করে থাকি, দিন কালটা ভাল নয় কিনা!”

“ছেলেটা আমার কথায় কোনও জবাব না দিয়া পকেট হইতে নিঃশব্দে দুইটা সস্তারিণ বাহির করিয়া টেবিলের উপর রাখিয়া দিল।

“যেখানে আট টাকায় কাজ হইত, সেখানে এরূপ সহজ ভাবে বিনাবাক্যবাহে দুইটা গোটা সস্তারিণ ফেলিয়া দিতে দেখিয়া আমি অবাক হইয়া সে চঞ্চল ছোকরার সুন্দর মুখখানার পানে চাহিলাম। সেও আমার মুখের পানে চাহিয়াছিল, কিন্তু তার পলকহীন উদাস নয়নের দৃষ্টি কেমন যেন লক্ষ্য হীন! মৃত পথিক যে দৃষ্টিতে আমাদের তরুলতা ঘেরা বিচিত্র সুখদুঃখ মাথা সজীব পৃথিবীর পানে তাকাইয়া থাকে, ছোকরার চাহনি কৃতকটা সেই ধরণের। শীতল তুষারময় দৃষ্টি! আমার বোধ হয়, সে চাহনিতে একটা তপ্ত রক্তময় সন্ত-স্পন্দিত মানব হৃদয় চিরকালের জন্য গমিয়া বরফ হইয়া যাইতে পারে!”

তার পর মণিমোহন বাবু ল্যাম্পের আলোটা আরো একটু চড়াইয়া দিয়া আবার বলিতে আরম্ভ করিলেন :—

“আমি ছোকরাকে জিজ্ঞাসা করিলাম :—

“কোন দিকে যেতে হবে?”

“লালবাগ—পরি বিবিধ কবরের দিকে।”

“যদিও তখন আমার কাটা বয়স এবং শরীর মজবুত,

এবং মরিব বলিয়া আদৌ বিশ্বাস ছিল না, তবু জানি না কেন, রাত্রিকালে কবরের দিকে যাইতে হইবে শুনিয়া গা-টা কেমন যেন ভার হইয়া উঠিল। যাহোক বাকবাক সতারণ ছোটোর পানে চাহিয়া তবু অনেকটা স্তম্ভ বোধ করিলাম। তখন কোচমানকে গাড়ী জুড়িগর অল্প আদেশ দিয়া তাড়াতাড়ি সাজ পোষাক করিয়া পাশের কামরা হইতে বৈঠকখানার ফিরিয়া দেখি, ছোকরাটা মৃতবৎ পাণ্ডুর মুখে উদ্ভিন্ন অস্থির ভাবে একবার উঠিতেছে একবার বসিতেছে, কখনো জানালা দিয়া কি দেখিতেছে, আবার কখনো ঘরের ভিতরে অস্থিরভাবে পায়চারি করিয়া বেড়াইতেছে। কিছুতেই যেন সে স্তম্ভ হইতে পারিতেছিল না!

“আমি পোষাক পরিয়া তার দিকে একটু অগ্রসর হইয়া বলিলাম—রোগের হিষ্টীটা একটু আমার বলুন দেখি মশায়। তাহলে ব্যাগে পুরে ছ চারটা ঔষধও সঙ্গে নিতে পারি! ছোকরা আমার প্রশ্ন শুনিয়া একেবারে চমকিয়া উঠিল। কতকণ ইতস্তত করিয়া পাণ্ডুর বিবর্ণ মুখে আমার কাণের কাছে চুপি চুপি বলিল :—

“ব্যারামটা ভাল করে ঠাহর করা যাচ্ছে না—তবে ওপিয়াম পয়জনিং বলে মনে হচ্ছে!”

“আমি একটু ব্যস্তভাবে বলিয়া উঠিলাম :—“পুলিশে খবর দেয়া হয়েছে?”

“ছোকরাটা ক্ষীণ প্রতিধ্বনির মত অতি নির্জীব কণ্ঠে বলিল :—গোল করবেন না ডাক্তার বাবু, বড় ঘরের কথা!

“এতকণে বুকিতে পারিলাম কেন আট টাকা ভিজিটের স্থানে দুইটা গেটা মোহর আসিয়া পড়িল! বড় লোকের খাস অন্দর মহলের ট্রাজেডী ঢাকা দিতে পয়সা খরচ আছে বটে। আমি অধিকতর প্রাপ্তির সম্ভাবনায় খুসী হইয়া একবার আকাশের পানে চাহিলাম, বোধ হইল যেন আকাশের সব তারাগুলি একেবারে সতারণ হইয়া গিয়াছে।

“আমি গৌফ জোড়াটার একটা চাড়া দিয়া মুরকিগানা-ভাবে বলিলাম— তাহলে ভিজিটের উপর আরো কিছু বেশী ধরে দিতে হবে। ছোকরা একটু মানভাবে হাসিল। সে হাসিটার মানে “না” অর্থে তর্জমা করিবার আমাব

কোনও সঙ্গত কারণ ছিল না! প্রাপ্তির কথাটা এখানে আরো খোলাসা করিয়া রাখিতে ইচ্ছা হইয়াছিল কিন্তু আমি এ বিষয়ে আর কথা বাড়াইলাম না। কারণ কথায় বলে নেবু বেশী টিপিলে তিতো হইয়া যায়।

“গাড়ী তখনো সদর দরজায় আসে নাই। আমি ওপিয়াম কেসের উপযোগী সব রকম এনটিডোট, ষ্টমাক পাম্প প্রভৃতি লট বহর একটা ছোট গ্লাডষ্টোন ব্যাগে পুরিতে পুরিতে ছোকরাটিকে জিজ্ঞাসা করিলাম :—

“রোগী পুরুষ কি স্ত্রীলোক?”

“স্ত্রীলোক।”

“আপনার কে হন তিনি?”

“আত্মীয়। সম্বন্ধ অতি ঘনিষ্ঠ, আমার ইহকাল পর-কাল সেই আত্মীয়তার ডোরে বাঁধা!”

বাক্যের কুহেলিকা ভেদ করিয়া আসল সম্পর্কটা অনুমান করিয়া লইতে আমাকে বেশী বেগ পাইতে হইল না। ছোকরার কণ্ঠস্বর স্তম্ভিত, অপূর্ণ আবেগ ভরা এবং অপরিপূর্ণ অশ্রুপূর্ণ! সে কণ্ঠস্বর শুনিয়া আমার মনে হইল—পৃথিবীতে এখনো ভালবাসা আছে, স্বর্গেও বধেষ্ঠ অশ্রু আছে এবং স্বর্গ মর্ত্যে সুখহঃখ ময় হাসি অশ্রুমাখা ভালবাসার সম্পর্ক আছে!

“এমন সময় গভীর নিশীথের নিয়ন্তরে একটা শব্দের তরঙ্গ তুলিয়া আমার গৃহ-ভিত্তি কম্পিত করিয়া দরজার সমুখে গাড়ী আসিয়া দাঁড়াইল! ছোকরাটা আর দেরী না করিয়া নিঃশব্দ পাদবিক্ষেপে সিঁড়ি দিয়া নামিয়া গিয়া আমার আগেই গাড়ীতে উঠিয়া বসিল। পরে আমাকে ডাকিয়া বলিল :—

শীগগীর আসুন ডাক্তার বাবু! দেগী হলে হয়তঃ আর তাকে গিয়ে আমরা দেখতে পাবো না!

“কথাগুলির ভিতর দিয়া স্নেহের অমঙ্গল আশঙ্কা যেন মথিত হইয়া উঠিতেছিল! আমি ধীরে ধীরে, গভীরভাবে ব্যাগ হাতে করিয়া গাড়ীতে আসিয়া বসিলাম। আমার চক্ষে অশ্রুবিন্দু ছিল না বটে কিন্তু মাহুঘের চরম বিপদের সময় আমার অস্বাভাবিক গাভীর্ষাটা ভিতর হইতে আমাকে পীড়া দিতে ছিল। প্রিয়জনের বিপদে মাহুঘের ব্যাকুলতাই স্বাভাবিক, গাভীর্ষাটাই নিতান্ত অকরণ!

নিশীথের ছায়ামান সুস্থ রাজ পথের উপর দিয়া আমাদের গাড়ী ছুটিতে লাগিল! গাড়ীর চাকার শব্দে রাস্তার দুধারের নিদ্রিত গাছ পাল্মা গুলির মূল, যেন কাঁপিয়া কাঁপিয়া উঠিতে ছিল!

“রাস্তার দুই পাশের রুদ্ধধার নিদ্রিত গৃহ স্তম্ভ, তদ্রূপ গাছ পাল্মাগুলি, টেলিগ্রামের তার, ল্যাম্প-পোস্টের রঞ্জিত আলো একে একে চলন্ত চিত্র-দৃশ্যের মত আমার সমুখ দিয়া পেছনে সরিয়া যাইতে লাগিল! তখন আকাশে মেঘের যবনিকার এক অংশ ছিন্ন করিয়া কৃষ্ণা দশমীর বাঁকা চাঁদ দেখা দিয়াছিল। সে রাস্তার পাশে পাশে, কখনো বৃক্ষশ্রেণীর আড়াল দিয়া কখনো জলাশয় পার হইয়া মঙ্গলাকাঙ্ক্ষী প্রিয়জনের মত আমার সঙ্গে সঙ্গে ছুটিতে ছিল,—এ দুর্দিনের রজনীতে এক মাত্র সেই আমাকে পরিত্যাগ করে নাই!

“ছোকরার নির্দেশ মত নানা অলি গলি ঘুরিয়া, অনেক রাস্তার মোড় ফিরিয়া, অবশেষে আমাদের গাড়ী মস্ত একটা দোতালী বাড়ীর সমুখে আসিয়া দাঁড়াইল। গাড়ী আসিবার মাত্রই ছোকরাটি চট্ করিয়া গাড়ী হইতে নামিয়া পড়িয়া একবার নিঃশব্দে আঙ্গুল দিয়া সেই বাড়ীটা দেখাইয়া দিয়া সে বাড়ীর আলো ছায়া-মাখা প্রকাণ্ড আঙ্গিনার মধ্যে যে হঠাৎ কোথায় অদৃশ হইয়া গেল, তাহা আমি ভাল করিয়া ঠাহর করিতে পারিলাম না। আমি ধোলা ফটক দিয়া প্রবেশ করিয়া সেই বাড়ীটার পানে ধীরে ধীরে অগ্রসর হইলাম। অস্পষ্ট অরুচির মধ্যে সে রুদ্ধ ঘর শূন্য পুরী একটা নিস্তরু দৈত্য প্রহরীর মত নিশীথের বন্ধের উপর ঠিক সোজা হইয়া দাঁড়াইয়া ছিল।

“আঙ্গিনায় প্রবেশ করিয়া আমার বিশ্বয় আরো ঘনীভূত হইয়া উঠিল। সে বাড়ীর কক্ষগুলিতে, কি আঙ্গিনার কোনও খানে, কোনও রূপ মানুষের সাদা পাইলাম না। গৃহের কোনও একটা প্রকোষ্ঠ হইতে একটা ক্ষীণতম আলোক রশ্মিও বাহির হইয়া আসিয়া সে প্রাঙ্গনে রেখা পাত করে নাই। মানুষের আসন্ন বিশদের সময় যেমন চারিদিকে আয়ীর স্বপ্নের একটা ব্যস্ত ছুটাছুটি পড়িয়া যায়—সে বাড়ীতে নেকরূপ কোন লক্ষণও দেখা গেল না। চারিদিক নীরব—ঝড় বহিবার পূর্বে প্রকৃতি যেরূপ নিস্তরু হইয়া যায়, কতকটা যেন সেইরূপ!

“যদিও অনেকদিন মধ্য রাত্রে একা ঘরে বসিয়া মরা মানুষের মাথার খুলি সমুখে রাখিয়া নিঃশব্দচিত্তে ম্যাডিকাল স্কুলের পড়া মুখস্থ করিয়াছি, কত দিন মরা মানুষের হাড় দিয়া তাল বাজাইয়া গুন্ গুন্ করিয়া তাল বাসার গান আওড়াইয়াছি, কতদিন হাসপাতালে রোগীর ‘ডিউটী’ করিতে করিতে ঘুমাইয়া পড়িয়াছি, উঠিয়া দেখিয়াছি আমি মৃতের সঙ্গে এক গৃহে রাজিবাস করিয়াছি কিন্তু কোন দিনও মনের মধ্যে কোনও প্রকার ভয়ের উদ্রেক হয় নাই। আজ, জানি না কেন, সে বাড়ীটার আঙ্গিনার ভিতরে পা দিতেই আমার গা-টা কেমন ছম্ ছম্ করিয়া উঠিল।

“একবার মনে হইল, রোগী দেখিয়া কাঁচ নাই, ঘরে ফিরিয়া যাই। অমনি পকেটের সন্ধানিণ দুইটা এক সঙ্গে বাজিয়া উঠিয়া অতি মিষ্ট ভাষায় মৃদু ভাবে আপত্তি জানাইল। তাই সাহসের উপর ভর করিয়া সমুখের দিকে অগ্রসর হইলাম। দুই এক পা করিয়া আঙ্গিনা পার হইয়া সিঁড়ির ধাপ গুলি পার হইয়া দালানের নীচের তালার সদর দরজার সমুখে আসিয়া দাঁড়াইলাম। দরজাটা যেন ভিতর হইতে বন্ধ বলিয়া বোধ হইল। দুই একবার এদিকে ওদিকে তাকাইয়া সঙ্গীর ছোকরাটির অন্বেষণ করিলাম কিন্তু কোথাও কাহাকে দেখিতে পাইলাম না। আমি একটু বিরক্ত ভাবে চোঁচাইয়া বলিলাম :—

“কোথা গিয়েছেন মশায়। দরজা যে বন্ধ দেখছি, ভিতরে যাবে কেমন করে?”

ছোকরাটি দালানের ভিতর হইতে, পরিচিত কণ্ঠে বিনীত ভাবে জবাব দিল :—

“দরজা তো খোলাই রয়েছে ডাক্তার বাবু। যা দিলেই দরজা খুলে যাবে।”

“দরজায় ধাক্কা দিতেই কপাট দুটা মৃদু আর্তনাদ করিয়া খুলিয়া গেল। আমি চট্ করিয়া দালানের ভিতরে প্রবেশ করিয়া দেখি চারিদিকে নীরব অন্ধকার। নিজের অবয়বই ভাল করিয়া দৃষ্টি গোচর হয় না। তবু নিকটে কিছা দূরে যে কোথাও মানুষ আছে, তাহা অসুস্থবেগে বুঝিতে পারিলাম না। একটা ভীতি মিশ্রিত বিশ্বয় আমার হৃদয় অভিভূত করিয়া ফেলিল। একবার ইচ্ছা হইল

পালাইয়া যাই, কিন্তু পেছন দিকে পা যেন চলিল না! আবার সে ছোকরাকে লক্ষ্য করিয়া ডাকিলাম :—“এ যে ঘোর অন্ধকার দেখছি, পথ দেখে যাবো কেমন করে?” ছোকরাটা যেন আমার খুব নিকট হইতেই উত্তর করিল :—“হু পা এগুলোই বা দিকে আপনার দোতালায় উঠবার সিঁড়ি, বরাবর চলে আসুন না!”

“অন্ধকারময় অপরিচিত স্থানে পরিচিত ব্যক্তির পক্ষে এরূপ হুকুম করায় যথেষ্ট রসিকতা আছে—স্বীকার করি, কিন্তু অপরিচিত লোকের পক্ষে সেরূপ কড়া হুকুম পালন করা তত সহজ নয়! তাই আমি বলিলাম :—

“একটা আলো দেখাতে পারেন?”

“ছোকরাটা একটু ক্লান্ত ভাবে বলিল :—“আলো ফালো যোগাড় করে আনতে আরো ঢের দেবী হয়ে পড়বে! আপনি একটু ধরে ধরে চলে আসুন না উপরে!”

“এযাত্রা আমি বিলক্ষণ চটিয়া উঠিলাম। ছোকরাটাকে খুব কয়েকটা কাঁজানো কথা শুনাইয়া দিবার ইচ্ছা হইল। কথাগুলি ঠোঁটের গোড়ায় আসামাত্র আবার গোটা মোহর ছুটার কথা মনে পড়িল! তারা যেন আমার পকেট হইতে “মহারাজী” দোহাই দিয়া বলিল :—ডাক্তার কর কি, কর কি! এক্ষেত্রে আরো যে প্রাপ্তি সম্ভাবনা আছে! সুবিধামত ভিজিট কবুল হইলে, তোমাদের যে পরলোক পর্য্যন্ত যাইয়া চিকিৎসা করিয়া আসা উচিত।

“মোহরের ‘দৈববাণী’ টা আমার নিকট নিতান্ত মন্দ ঠেকিল না। ভাবিলাম এতদূর আসিয়া, রোগীটার একবার নাড়ী টিপিয়া না গেলে সভারিণ ছুটো হজম হইবে না। পকেটে সিগারেট ও দেশলাই ছিল। সে দেশলাইএর কাঠি পোড়াইতে পোড়াইতে সিঁড়ির মাঝামাঝি তক উঠিয়া আবার চারিদিকে চাহিয়া দেখিলাম—অন্ধকার ব্যতীত আর কোথাও কিছু নাই! আমি চিৎকার করিয়া বলিলাম :—বাঃ কাউকে যে কোথাও দেখতে পাচ্চিনা!

“আবার সিঁড়ির সর্বোচ্চ প্রান্ত হইতে ছোকরার পরিচিত কণ্ঠ শোনা গেল :—

“চলে আসুন না ডাক্তার বাবু! আমি সিঁড়ি দিয়ে উপরে উঠে গেছি! আপনি কি ভয় পেয়েছেন?”

‘আমি বলিলাম না’! কারণ ভয়টা কাপুরুষের লক্ষণ এবং সে বিষয়ে কোন অবস্থাতেই কেউ স্বজ্ঞানে স্বীকারোক্তি করিতে রাজি নয়। দ্বিতীয়তঃ এবার ছোকরার কথা শুনিয়া মনে আবার কয়েকটা সাহসের ফুলিঙ্গ দেখা দিল! একরতি সাহসের লাগাল পাইয়া—ভয় হইয়াছিল বলিয়া মনে মনে একটু লজ্জিত হইলাম। ভয় যে একেবারে গিয়াছিল, তাও নয়; তবে ছোকরার মুখে অভয় পাইয়া অনেকটা ভরসা হইয়াছিল বটে! দেশলাইএর আলোর সাহায্যে বাঁকি কয়টা সিঁড়ির ধাপ পার হইয়া দোতালার প্রশস্ত বারান্দায় আসিয়া উপস্থিত হইতেই অন্ধকারটা যেন একটু পাতলা বলিয়া মনে হইল।

“সেই ম্লান জ্যোৎস্নায় ছোকরাটা নিঃশব্দে দাঁড়াইয়া আমার প্রতীক্ষা করিতেছিল। কিন্তু তার মুখ এবার এত সাদা ও রক্তহীন বলিয়া বোধ হইল যে সে পাণ্ডুর জ্যোৎস্না হইতে সেটা পৃথক করিয়া লইয়া দেখাই যেন শক্ত!

“আমি বারান্দায় আসা মাত্রই ছোকরাটা একবার তার ডুবার-নীতল-দৃষ্টিপাত করিয়া আমাকে দেখিয়া লইয়া নীরবে বারান্দাদিয়া বরাবর সমুখের দিকে চলিতে আরম্ভ করিল, আমিও বিনাবাক্যব্যয়ে তার পেছনে পেছনে চলিতে লাগিলাম।

“চলিতে চলিতে হঠাৎ একটা শব্দ শুনিয়া একবার মুহূর্তের জন্য থমকিয়া দাঁড়াইলাম। আমার বোধ হইল যেন ঠিক আমাদের পাশের কক্ষশ্রেণীগুলির ভিতর হইতে একসঙ্গে অনেকগুলি উচ্ছ্বসিত দীর্ঘনিশ্বাসের ধ্বনি গুঞ্জনাইয়া গুমরাইয়া উঠিতেছে! মনে হইল যেন অনেকগুলি ব্যথিত হৃদয়ের দীর্ঘনিশ্বাস কোনও একটা অনির্দিষ্ট মর্মান্বিত যন্ত্রণার অব্যক্ত ধ্বনিরূপে কক্ষ হইতে কক্ষান্তরে অশাস্তভাবে নিয়ত পরিভ্রমণ করিতেছে! যেন এই রুদ্ধকার কক্ষগুলির ভিতরে অনেক পুত্রহীনা জননী, কত পত্নীহারা পুরুষ, কত পতিহীনা অনাধিনী বহু যুগ-যুগান্তর কারারুদ্ধ থাকিয়া আশেবে মূর্তিহীন বেদনাময় দীর্ঘনিশ্বাসে পরিণত হইয়া সে শূণ্য পুরা পরিবেষ্টন করিয়া রাখিয়াছে! আমার বার বার মনে হইতে লাগিল, যেন আমিও মরিয়া গিয়াছি। যেন আমি লোকালয় ছাড়াইয়া, তরুণতাময় শ্রামল পৃথিবী ছাড়াইয়া অনেক অতৃপ্ত বাসনা

অনেক অপূর্ণ আকাঙ্ক্ষা লইয়া পরলোকের এক অনন্ত দীর্ঘ নিখাসময় অন্ধকার পাশুশালায় পদার্পণ করিয়াছি— পরলোক ভিন্ন এমন নিরানন্দ দীর্ঘনিখাসের নট্যাশালা আর কোথায় থাকি সম্ভব পর ?

“ছোকরা সমুখের দিকে চলিতেছিল, আমি মস্তমুখের মত তার অনুসরণ করিতেছিলাম !

“মনে হইল যেন সে দীর্ঘনিখাসের পথ দিয়া আমরা দুজনে বহু দেশ বহু জনপদ বহু রাজ্য ছাড়াইয়া চলিলাম, অথচ যখন সেই ছোকরা আমাকে লইয়া সেই দালানেরই একটা কক্ষান্তরে প্রবেশ করিল তখন সবিস্ময়ে উপলব্ধি করিলাম, সেই দালানের উপরতালার একটা মাত্র বারান্দা ছাড়াইয়া আসিয়াছিমাত্র, আর কোথাও যাই নাই!

“কামরায় ঢুকিয়া দেখিলাম একটা পিলমুজের উপরে ছোট্ট একটা মল্লিকায়া তৈল দীপ মিটমিট করিয়া জ্বলিতেছে। সে অল্পই আলোকে ঘরের ভিতরের অন্ধকার যেন আরো জঘাট বাধিয়া রহিয়াছে বলিয়া মনে হইল। আরো দেখিতে পাইলাম, মেঝের উপরে একটা বিছানার উপর একটা দীর্ঘ পদার্থ শোয়ান, তার আপাদ মস্তক একখানা পাতলা কমলা রঙের চাদর দিয়া ঢাকা! ঘরে আর কেহ নাই, কিছু নাই!

“কিছুক্ষণ পরে সেই ছোকরাটি “এই যে আপনার রোগী” মাত্র এই ক’টা কথা বলিয়া, অতি বিবর্ণ মুখে, কম্পিত হস্তে ধীরে ধীরে, অতি সন্তর্পণে সেই শয্যাস্থিত কমলা-রঙের লঘু যশনিকা তুলিয়া ধরিতেই সে বঙ্গভূমির এক ভীষণ দৃশ্য আমার চোখের সমুখে পরিষ্কৃত হইয়া উঠিল!

“আমি দুই চক্ষু প্রাণপণ বলে বিস্ফারিত করিয়া দেখিতে পাইলাম, সে বিছানার উপর এক শীর্ণ দীর্ঘ কঙ্কালাকৃতি নারীরাপী মনুষ্য মূর্তি! ঠিক সেই সময় পাশের একটা কামরায় একটা মেয়েলীমূর্তির কান্না আমার কাণে আসিয়া পহুছিল! মানুষের ভাষাশীত করুণ, মানুষের সহনাতীত দুঃসহ সে রোদনধ্বনি! সে নিস্তরু রাত্রে, সে বিরাট শূণ্যত্বনে, সে উচ্ছ্বসিত দীর্ঘনিখাসের নিভৃত রাত্রে সে বিলাপধ্বনি সমুদয় পরলোকের একমাত্র কন্দন ধ্বনির মত আমার কাণে আসিয়া শব্দিল!

“আমি ধীরে ধীরে নারীর শীতল রিক্তাভরণ মণিবন্ধ স্পর্শ করিয়া দেখিলাম কোথাও জীবনের নাড়ী স্পন্দিত হইতেছে না। ধীরে ধীরে বকের চর্ম্মাবৃত অস্থিপঞ্জরের উপর ষ্টেথোস্কোপ যন্ত্র বসাইয়া কেবল নিজের বকের ধুক ধুক শব্দ শুনিগাল মাত্র! তার নিশ্চল হৃদয়ের কোথাও একটুকু প্রাণ অবশিষ্ট ছিল বলিয়া বাধ হইল না! হাত পা বরফের মত শীতল। আঙ্গুলগুলি শুকনা পাতার মত, রক্তশূন্য!

“শরীরের দিক দেখা শেষ হইলে রোগীর মুখের পানে চাহিয়া আমার চোখে জল আসিতে চাহিল! কি সুন্দর মুখ! ব্যাধির স্পর্শে নবযৌবনের লাবণ্যরাশি তার অঙ্গে কতকগুলি শুষ্ক করা পাপড়িমাত্র ফেলিয়া রাখিয়া উড়িয়াগিয়াছিল বটে,—কিন্তু মুখ ধানিতে তার তখনো সদ্যছিন্ন মাধবীগুচ্ছের মতন অমান কোমলতা মাখানো! মরা গাছটির আগ-ডালে কতকগুলি পত্র-কিশলয় তখনো শ্রামল, আর সেই পত্র-গুচ্ছের ভিতরে যেন একটা ফুলের মত একখানা মুখ,—তার সবগুলি পাপড়ি তখনো শুকাই নাই! মুখের উপর শব্দের কুড়ির মত দুটা মুদ্রিত চক্ষু! চোখের পাতার উপর মৃদু আঘাত করিবা মাত্র ঘননেত্র পল্লবের ছায়ায় দুটা সুন্দর মদিরায়িত চক্ষু খুলিয়া গেল! রক্ত করবীর পাপড়ির মত জীবন্তির অধরপুটে রঙ্গীন নেশার মত একটু হাসি! সে চক্ষু, সে হাসি দেখিয়া মৃত্যু আমার মনে হইল, সে মরে নাই, ঘুমাইয়া ছিল মাত্র; এখনও অনেক দূরে, আশা! বুঝি বা এ যাত্রা বাঁচিলে বাঁচিতেও পারে! বাস্তবিক, এ জগতে এরূপ জীবন্ত রোগীর সহিত আর কখনো আমার সাক্ষাৎ হয় নাই।

“চোখ মেলিয়া সে আশ্চর্য্য নারী, আমার পানে তার শীর্ণ দীর্ঘ কঙ্কালময় তর্জনী উত্তোলন করিয়া বিস্ময়ের সহিত সেই ছোকরাকে মৃদুস্বরে জিজ্ঞাসা করিল—

“এ-কে—ইনি কে গো?”

সে বলিল। “ডাক্তার”

স্ত্রীলোকটি অগাধ হইয়া বলিল—“ডাক্তার! ডাক্তার কেন? ডাক্তার দিলে আমার কি হবে?”

“আমি বলিলাম—“কি হয়েছে আপনার?”

স্রীলোকটী পরিষ্কার গলায় উত্তর করিল:—“আর কি হবে আমার! আমি যে মরে গেছি!”

“এখন কেমন বোধ হচ্ছেন?”

“সর্কাজে বিষের জ্বালা—গা পুরে গেল!”

“কতক্ষণ এরূপ বোধ হচ্ছে?”

স্রীলোকটী একটু হাসিবার চেষ্টা করিয়া বলিল:—
“কতক্ষণ! অনেকক্ষণ—অনেক দিন—অনেক বছর ধরে এই ভাবে চলচে—আরো অনেক বছর ধরে চলবে! আপনি ডাক্তার হয়ে বুঝতে পাচ্ছেন না, যে আমি মরে গেছি!”

“তখন আমার কপাল ঘামিয়া গিয়াছে। বিকারের রোগী অনেক রকম দেখিয়াছি; কিন্তু এটা যে কোন ধরণের রোগী তা হঠাৎ ঠাহর করিতে পারিলাম না। তবু আমি সাহস করিয়া বলিয়া ফেলিলাম—ও সব কি বক্চেন আপনি—মরা মাত্মে আবার কথা কয়?”

“সে কঙ্কালসার নারী মূর্তি এবার হি হি করিয়া হাসিতে হাসিতে বিছানায় উঠিয়া বসিয়া বলিল:—

“মরা মাত্মে কথা কয় না? কয় বই কি! এই দেখুন না, আমিই কথা বলচি”।

“এই বলিয়া সে কঙ্কালসার মূর্তা বিছানায় বসিয়া হি হি করিয়া অনর্গল হাসিতে লাগিল! আমার মনে হইল, সেই সঙ্গে চারিদিকের রুদ্ধ কামরা গুলি হইতে এক সঙ্গে একটা অটুহাসির রোল পড়িয়া গেল! সে তীব্র উচ্ছ্বসিত অসংযত হাসি উচ্চ হইতে উচ্চতর, তীব্র হইতে তীব্রতর হইয়া যেন আমাকে প্রদক্ষিণ করিয়া ঘুরিতে ঘুরিতে আকাশের দিকে উঠিতে লাগিল!

“চাহিয়া দেখি বালকটীও আমার পাশে নাই। আমি পাগলের মত সে ঘর হইতে ছুটিয়া বাহির হইয়া, লম্বা বারান্দা পার হইয়া তিন লাফে সিঁড়ি দিয়া নীচে নামিয়া পড়িয়া বাড়ীর আঙ্গিনায় পহুছিলাম। তারপর আমি আমার গাড়ীর আলো লক্ষ্য করিয়া আঙ্গিনার ভিতর দিয়া সেই দিকে বরাবর ছুটিতে লাগিলাম! আমার মনে হইল যেন একদল অদৃশ্য দেহহীন স্ত্রীপুরুষ, দ্রুতপদে হাসির করতালি ত্রাজাইয়া আমার পেছনে পেছনে ছুটিয়া আসিতেছে! আমি আরো বেশী দৌড়াইতে লাগিলাম। তারাও সেই ভাবে দৌড়াইতে লাগিল!

“অবশেষে যখন আমি গাড়ীর পাদানির উপর দাঁড়াইয়া, ভীতি বিকৃত কণ্ঠে স্পষ্ট কোচমানকে জাগাইয়া দিয়া বলিলাম, “হাঁকাও ভূরবগ্; জলদি হাঁকাও”—তখন মনে হইল কার যেন দীর্ঘ নিখাসের উষ্ণ বায়ু আমার মুখের উপর আসিয়া লাগিল! মনে হইল, কার যেন এগানকেশের একটা গুচ্ছ আমার উৎকর্ষা-পাণ্ডুর কপোল স্পর্শ করিয়া গেল!

“গাড়ী রাস্তা দিয়া তীরবেগে ছুটিয়া চলিল! আমি গাড়ীতে বসিয়া যেন স্পষ্ট শুনিতে পাইলাম, আমার গাড়ীর দুই পাশে হাসির ঝড় বহিতেছে! সেই হা হা হি হি শব্দ করিয়া একদল অদৃশ্য স্ত্রীপুরুষ আমার গাড়ীর দুই পাশ ঘরিয়া বাতাসের মত ছুটিয়া চলিয়াছে!

“আমি কাঁপিতে কাঁপিতে গাড়ীর দুই দিকের দরজা জানালা বন্ধ করিয়া দিলাম! গাড়ীর ভিতরটায় একটা নিকষ কৃষ্ণ গাঢ় অন্ধকার জমিয়া উঠিল—আমি তবুও যেন দেখিতে পাইলাম—আমার সেই মৃতকল্পা কঙ্কালাকৃতি রুগ্ননারী আমার সম্মুখের বেঞ্চে বসিয়া আমার পানে, অনিমেষ-অত্যাঙ্কল চোখে তাকাইয়া কেবলি অনর্গল হি হি করিয়া হাসিতেছে! তার পরে ঠিক কি হইয়াছিল তা বলিতে পারি না। কারণ আমি গাড়ীর ভিতরেই মূচ্ছিত হইয়া পড়িয়া ছিলাম!”

গল্প বলিতে বলিতে মণিমোহন বাবু যেন বেশ একটু পরিশ্রান্তই হইয়াছিলেন। বোধ হয় সেই অশুভ গল্পটার এই খানেই নায়কের পতন ও মূচ্ছা সংঘটন করিয়া যবনিকা পাত কার্যটা নির্বিঘ্নে সারিয়া দিয়া, আমার দিকে তাকাইয়া হাসিমুখে বলিলেন:—“কেমন বুঝলেন!”

একে রাত্রি কাল, তাহাতে ভৌতিক গল্প! এখন আমাকে বাসায় কে রাখিয়া আসিবে আমিও শুক্মুখে কেবল সেই কথা ভাবিতেছিলাম।

আমি বলিলাম—আশ্চর্য্য ভৌতিক ব্যাপার! কোন বৈজ্ঞানিক মাসিক পত্রিকায় দিলে আলোচনা হতে পারে ভাল! অন্ততঃ কোন শারদীয় সংখ্যায় গল্প বলে লিখেদিলেও পাঠকদের অবকাশের সময়টা কাটবে ভাল। আড্ডাগুলিও জমবে ভাল। মণিমোহন বাবু বলিলেন—
“ঠিক কথা।”

শ্রীমুরেশচন্দ্র সিংহ।

বিজ্ঞাপন-বিজ্ঞান ।

(A Psychological Science)

৬৬ নং বীডন স্ট্রীটে কোন কালে 'হরেক রকম বাজীও বাকুদের কারখানা' ছিল কি না, জানি না ; কিন্তু সে কালের ভট্টাচার্য মহাশয় যে সেখানে একবার "হরেকর কমবা জীওবা রুদের কারখানা ডাউন" পড়িয়া তাহার অর্থ বুঝিতে পারেন নাই, তাহা চির প্রসিদ্ধ। আজিও যদি কেহ সমস্ত বিজ্ঞাপনের মানে করিতে সাহসী হন, তবে ভট্টাচার্য মহাশয়ের অবস্থায় পড়িবেন না, একথা জোর করিয়া বলা চলেনা।

বিজ্ঞাপনের ক্রম বিকাশ কোথায় গিয়া ঠেকিবে, জানা যায় না। কিন্তু একটা ক্রম বিকাশ যে হইতেছে তাহা ঠিক। যে যত নূতন রকমের বিজ্ঞাপন দিবে তাহার তত বাহাছুরী এবং তার জিনিসের বোধ হয় কাটুতিও তত বেশী। জানি না, কালে ইহা একটা বিজ্ঞানে পরিণত হইবে কিনা এবং বিশ্ব বিদ্যালয়ে পড়াইতে হইবে কিনা, কিন্তু এখনই ইহা এমন জটিলতা অর্জন করিয়াছে যে অনেক বুদ্ধিমানকে হতবুদ্ধি হইতে হয়, অনেক বিদ্বানকে অজ্ঞ প্রতিপন্ন হইতে হয়। আমরা এ বিষয়ে কিছু বলিতে চেষ্টা করিয়া নিজের মূর্খতাই প্রকাশ করিব কিনা জানি না।

প্রবন্ধ লিখিবার শাস্ত্রানুযায়ী—প্রথমেই একটা সংখ্যা দিতে হয়। বিজ্ঞাপনের সংখ্যা দেওয়া বড় সোজা ব্যাপার নয়। তথাপি আমরা চেষ্টা করিব, কারণ যশোলিপ্সা মানুষের একটা বহুমূল বাসনা। কালক্রমে যখন বিজ্ঞাপন পাঠ একটা শাস্ত্রে পরিণত হইবে, তখন ঐ শাস্ত্রের মহা-মহোপাধ্যায়গণ আমাদেরকে—যদিও আমরা অকৃতকার্য, তথাপি প্রথম অধ্যাপক বলিয়া একবার স্মরণ করিবেন—এই যশের আশায় এই অসম্ভব কার্যে হস্তক্ষেপ করিতে সাহসী হইরাছি। বিজ্ঞাপনের সাধারণ, ব্যাপ্তিগত অর্থ, প্রকাশন। যে কোন মনের ভাব প্রকাশ করাকেই বিজ্ঞাপন বলা চলে। জানান অর্থেই বিজ্ঞাপন সংস্কৃতে সাধারণতঃ ব্যবহৃত হয়। সংস্কৃতে যে অর্থই হউক না কেন, বাংলার বিজ্ঞাপন কথাটা 'বিক্রয় বস্তুর, অস্তিত্ব প্রকাশন' অর্থই রূঢ়।

নূতনরূপে বিজ্ঞাপন দুই প্রকার, কথিত ও লিখিত।

আর বিজ্ঞাপ্য বস্তু—চন্দ্র সূর্য্য ছাড়া পৃথিবীর প্রায় সবই। তবে কতকগুলি বস্তু আছে, যাহার মৌখিক বিজ্ঞাপন এখনও চলে নাই—যেমন বর বিক্রয়। পিতা যখন পাশ করা ছেলে বিক্রয় করেন, তখন ছেলেকে মাথায় করিয়া রাস্তায় রাস্তায় ডাকিয়া ফিরেন না। এম্বলে লিখিত বিজ্ঞাপনই চল। ক্রমে প্রতিযোগিতার বৃদ্ধির সঙ্গে সঙ্গে মৌখিক বিজ্ঞাপনও চলিবে কিনা বিবেচ্য। কতকগুলি বস্তু আছে, যাহার লিখিত বিজ্ঞাপন সম্ভব পর নয় ;—যেমন "এক পয়সায় তিন দিয়াশলাই!" আবার কোন কোন জিনিস আছে, যাহার উভয় প্রকার বিজ্ঞাপনই চল ;—যেমন সন্দেশ !

এই দুই প্রকার ছাড়া বিজ্ঞাপনের একটা তৃতীয় প্রকার দৃষ্ট হয়,—তাহা 'মৌন' ;—যেমন মফঃস্বলের উকীল। ইনি সাইন বোর্ড ও রাধেন না, রাস্তায় 'উকীল চাই' বলিয়া ডাকিয়াও ফিরেন না ; বাসায় বসিয়া সতৃষ্ণ নয়নে রাস্তার দিকে চাহিয়া থাকেন, অথবা কাছারীর নিকটে, বট গাছটির তলায়, ক্রত পায়চারি করেন ; তাতেই তাঁর বিক্রয় বস্তু বিজ্ঞাপিত হয়। সহরের উকীল মোস্তারগণ প্রায়ই বাড়ীর দেয়ালে নিজের নাম ও উপাধি (বি. এল. বা বি. এ. ফেল) ছাপাইয়া রাধেন, ইহা তাঁহাদের লিখিত বিজ্ঞাপন। ব্যারিষ্টারগণ মফঃস্বলেও বাড়ীর গায়ে নাম ছাপাইয়া বিজ্ঞাপন দেন এমন দেখা যায়।

মৌন বিজ্ঞাপনের একটা প্রকার ভেদ—প্রদর্শনী। যেমন মুদীর ও মনোহারীর দোকান। সহরের ছালাও কুলি দেখিয়াই সাধারণতঃ চাউলের দোকান চেনা হয়। লাকরির দোকানও কুলি মার্ক। কাঁসারির বিজ্ঞাপনকেও মৌন বলা যাইত, কিন্তু তার দোকানের সামনে গেলেই "কি চাইলেন, বাবু" বলিয়া সে তাকে কতকটা 'মৌখিক' বা 'কথিত' করিয়া ফেলে। আবার কোন কোন জিনিস আছে, যাহার অবস্থা-ভেদে মৌন ও কথিত এই উভয় প্রকার বিজ্ঞাপনই দৃষ্ট হয় ;—যেমন, 'দই'। রাস্তায় যখন বিক্রয় হয়, তখন উহা চির পরিচিত মৌখিক বিজ্ঞাপন ; আর দোকানে যখন বিক্রয় হয়, তখন সে বিক্রি মৌন বিজ্ঞাপনে। কিন্তু মাঝে ২ পথিককে 'কি নিবেন বাবু' বলায় উহা মৌখিক হইয়া পড়ে।

‘কি চাইলেন’ বলতে স্পষ্টই বুঝা যায় যে, দিবার মত কিছু আছে। কিন্তু সাইন বোর্ড বিহীন মফঃস্বলের মোস্তাফিজের বাসায় গেলে যখন ‘আসুন’ বলিয়া ডাকা হয়, তখন ইহা মৌখিক বিজ্ঞাপনে পরিণত হয় কিনা, সে বিষয়ে আচার্য্যদের মত ভেদ দৃষ্ট হয়। তবে, যদি মোস্তাফিজের ফরাসের উপর হাত বাস্তব কাছে একটি লম্বা খাতা খোলা পড়িয়া থাকে, যদি কলমটি কালির দোয়াতে আকর্ষণ মজ্জিত থাকে, আর যদি ঘরে বেশী লোকের সমাগম না থাকে, যদি মোস্তাফিজকে দেখিয়া মনে হয় যে তিনি অনেক কথা বার্তা বলিয়া পরিশ্রান্ত হইয়া পড়েন নাই, তাহা হইলে ইহা মৌখিক বিজ্ঞাপন মনে কর যাইতে পারে; আর তা না হইলে ইহা ভদ্রতা মাত্র, বিজ্ঞাপন নয়।

পাছে গোল হইয়া যায় সেই জন্ত আবার বলিয়া নেওয়া দরকার যে বিজ্ঞাপনের আমরা তিনটি প্রকার পাইয়াছি :—লিখিত, কথিত, মৌন। মৌনের আবার একটি প্রকারভেদ—বিক্রয় বস্তুর প্রদর্শনী। কথিতেরও তেমনি একটা প্রকারভেদ আছে, যাহার আমরা নাম দিতে পারি—‘যাত্রা ভাষিক’,—যেমন চাষি বিক্রেতার বিজ্ঞাপন। বাস্তবজ্ঞের বিজ্ঞাপন প্রায়ই এরূপ—যেমন হারমোনিয়মের দোকানের “পেঁ পেঁ”। গানের কলের দোকানের সামনে গেলে “সমরেন্দ্র, সমরেন্দ্র” অথবা “পাপীয়াসী রাকসী” প্রভৃতি ঘাই উহাকে চেনা যায়; ইহা যাত্রা-ভাষিক কি যাত্রা ভাষিক এ বিষয় স্মরণতঃ মত ভেদ চলে।

কথিত বা মৌখিক বিজ্ঞাপনকে অল্প এক প্রণালীতে আরও দুই শ্রেণীতে বিভক্ত করা যায়;—যথা, চল ও অচল। “পান-চুরট দেশলাই” যখন রেলওয়ে স্টেশনে বিক্রয় হয়, তখন উহা এক জায়গায় থাকিয়াই হাঁকে স্মরণতঃ তখন উহা অচল মৌখিক। কিন্তু যি যখন রাস্তার রাস্তার “বী-জি-জি” রূপে বিচরণ করে, তখন উহা চল-মৌখিক বিজ্ঞাপন।

লিখিত বিজ্ঞাপনও চল এবং অচল ভেদে দুই প্রকার। সাইন বোর্ড প্রভৃতি অচল বিজ্ঞাপন—স্থানে বসিয়া বক্তব্য ঘোষণা করে। ডাক্তার যখন কাঁঠ ফলকে নিজের নামের

আগে ‘মিষ্টার’ দিয়া অস্ত্রে বড় বড় অক্ষরে এম্,ডি লিখেন এবং তার পর ‘অদৃশ্য অক্ষরে বন্ধনীর ভিতর ‘চিকাগো’ লিখিয়া টানাইয়া রাখেন, তখন উনি অচল বিজ্ঞাপনে বিজ্ঞাপিত হন। আবার যখন বিবাহেচ্ছুর ‘সুন্দরী পাত্রী আবশ্যক হয়, এবং “ক, C/o ম্যানেজার, হিতবাদী” এই নামে যাহাদের দিবার মত পাত্রী আছে তাহাদের নিকট হইতে চিঠি আহ্বান করেন, তখন তিনি চল-লিখিত বিজ্ঞাপনের আশ্রয় নেন। আবার যখন “অস্ত রজনী”! ক্ষীরোদ বাবুর নূতন নাটক। পলিন! হাসির ফোয়ারা! গানের বরণা!” ট্রাম গাড়ীতে ছড়াইয়া পড়ে, কিংবা যখন “হতাশ রোগীর আশার কথা। অবধৌতিক চিকিৎসা” হাতে হাতে বিলি হয়, তখনও উহা চল-লিখিত বিজ্ঞাপন। কিন্তু গোয়ালিনী মার্কা গাঢ় দুগ্ধ ব্যবহার করিবার অনুজ্ঞা যখন দেয়ালের গায়ে আঁটা থাকে, তখন উহা অচল-লিখিত বিজ্ঞাপন। অত্যাগ শ্রেণীর বেলায় যেমন, এখানেও তেমনি কতকগুলি লিখিত বিজ্ঞাপন আছে যাহা চল কি অচল ঠিক করিয়া বলা যায় না;—যেমন কলিকাতায় ট্রামের গায়ে যে লেখা আছে “ইহা হস্তদ্বারা স্পর্শিত হয় নাই। ইহাতে মাঠা সম্পূর্ণ থাকে। ইহা ভারতগাভীর পাঁচ সের ছফের সমান!!” তাহা যেখানে লেখা আছে সেইখানেই থাকে বটে কিন্তু ট্রাম তো সহর জুরিয়া ঘুরিয়া বেড়ায়।

লিখিত বিজ্ঞাপনের অন্তর্ভুক্ত এক প্রকার সাদৃশ্যিক বিজ্ঞাপন আছে; যেমন ‘এই ধানে সিন আঁকা হয়’। এই সঙ্গ যখন একটি ছোট সিনও টানাইয়া রাখা হয়, তখন সিনটী লিখিত সঙ্কেত। চশমার দোকানের সামনে যখন দুইটি প্রকাণ্ড চক্ষু মিটি মিট করিতে থাকে—তখন উহাও সঙ্কেত।

বিজ্ঞাপনের আর একটি মিশ্র জাতি দৃষ্ট হয়, যথা ‘আদালতের নিলামের বিজ্ঞাপন’। ইহা উল্লিখিত প্রধান তিনটি জাতির সংমিশ্রণে উৎপন্ন;—ইহা যাত্রা-ভাষিক, কারণ ঢোলের বাস্তব আছে; ইহা চল-কথিত, কারণ একজন হাঁকিয়া বেড়ায়; ইহা চল-লিখিত, কারণ একটি লিখিত ইস্তাহার ও সঙ্গ বিলি হয়।

লেখক ও গ্রন্থকারগণ সাধারণতঃ চল-লিখিত

বিজ্ঞাপনেরই আশ্রয় গ্রহণ করিয়া থাকেন। মাঝে মাঝে এই নিয়মের ব্যতিক্রমও দৃষ্ট হয়; যেমন, ‘মধি প্রণীত স্মসমাচার’ যখন হাতে করিয়া ফিরি করা হয়, তখন উহা চল কথিত বিজ্ঞাপন। গ্রন্থকারদের চল-লিখিত বিজ্ঞাপনে একটা বিশেষত্ব আছে; তাহাদের অনেক সময়ই রান্না না জন্মিতেই রামায়ণ হয়। যেমন, ‘নুতন বই! সুহিত্য সমাজে সুপরিচিত, প্রবীণ লেখক বঙ্গমায়ের অঙ্গরক্ষা শ্রীযুত চিরঞ্জীব শর্মা প্রণীত “নাগা জাতির ইতিহাস”। সামাজিক, রাষ্ট্র-নৈতিক অর্থনৈতিক—নানা তথ্যে পরিপূর্ণ। যুবক যুবতী, ছাত্র শিক্ষক, ধনী-নিধন, সকলের সমান ভাবে পড়া উচিত! ছাপা কাগজ অতি সুন্দর। মূল্য আড়াই টাকা মাত্র। শীঘ্রই প্রকাশিত হইবে। কিন্তু যাহারা আগামী ৩০ শে আঘাটের পূর্বে গ্রাহক শ্রেণী ভুক্ত হইবেন, তাহারা কেবল মাত্র পাঁচ সিকায় পাইবেন।’ বলা বাহুল্য, ৩০শে আঘাটের পরও এই বিজ্ঞাপন প্রচারিত হয়।

চল-লিখিত বিজ্ঞাপন কখনও কখনও সংবাদ পত্রে সংবাদ রূপে প্রচারিত হয়। যেমন ‘সদর ও মফঃস্বলের সংবাদ’ স্তম্ভে যখন থাকে, “কলিকাতায় সার্কাস। আমরা সুখের সহিত জানাইতেছি যে এই সার্কাস ইউরোপ ও আমেরিকায় তাঁহাদের জীড়াকৌশল প্রদর্শন করিয়া সম্প্রতি কলিকাতায় গড়ের মাঠে তাঁবু করিয়াছেন। এবার অনেক নুতন খেলা দেখান হইবে।”—তখন, ইহা সংবাদ পাঠকের নিকট যেমন সংবাদ, তেমনি সার্কাসটির পক্ষে একটা চল-লিখিত বিজ্ঞাপন। ‘কলিকাতার সুপ্রসিদ্ধ চশমা বিক্রেতা ও চক্ষু পরীক্ষক ওয়াল্টার বৃশ্ণেলের প্রতিনিধি মিঃ ফেরিয়ার সম্প্রতি ঢাকায় আসিয়াছেন এবং ডাক বাংলার অবস্থিতি করিতেছেন’—ইহা একাধারে সংবাদ ও বিজ্ঞাপন। আবার, “কলিকাতা হাইকোর্টের সুপ্রসিদ্ধ উকীল শ্রীযুক্ত রামাপদ চট্টোপাধ্যায় এম,এ,বি,এল সম্প্রতি একটা জটিল দেওয়ানী মোকদ্দমায় ময়মনসিংহে বাইতেছেন; সেখানে তাঁহার প্রায় পন্থ দিন দেবী হইবার কথা।” ইহা যে নিরবচ্ছিন্ন সংবাদ তাহা কে লিখে? বশোলিপু ব্যক্তির অনেক সময় সংবাদ-পত্রাদির সঙ্গে বন্দোবস্ত করিয়া নিজেদের চল-ফিরার

সংবাদ ছাপাইয়া থাকেন; ইহাও একাধারে সংবাদ ও বিজ্ঞাপন। যেমন, ‘কতেপুরের সুপ্রসিদ্ধ জমিদার শ্রীযুত মৌলবী মহম্মদ ইয়াছিন মহাশয়ের সঙ্গে গত কল্যাণাট সাহেবের এক ঘণ্টা ধরিয়া কথা বার্তা হইয়াছিল।’

বহুদূরী চল-লিখিত বিজ্ঞাপন কখনও সংবাদ, কখনও বা সমালোচনা রূপে ও বিরাজ করে। যেমন “পল্লিচিত্র—কাব্য গ্রন্থ। শ্রীযুত জৈনমোহন কারকুন প্রণীত। মূল্য আট আনা মাত্র। প্রাপ্তিস্থান, বেঙ্গল মেডিকেল লাইব্রেরী, ২০১নং কর্ণওয়ালিস স্ট্রীট, কলিকাতা। লেখক নুতন হইলেও বইখানা ভাল হইয়াছে।” ইহা একাধারে সংবাদ, সমালোচনা ও বিজ্ঞাপন।

সমালোচনা যখন বিজ্ঞাপনের কাজ করে, তখন উহা ছায়া বাজীর পুতুলের মত পিছনে অদৃশ্য লেখকের নিজের তারের টানে নাচে। জোলা যেমন ছেলে না জন্মিতেই বাজারে ছেলের নাম কিনিতে গিয়াছিল, তেমনি আমাদের ‘বেঙ্গলী’ ‘মানসী’তে ‘ঠাকুরাণীর কথা’ প্রকাশিত হইবার তিন মাস পূর্বেই তাহার সমালোচনা বাহির করিয়াছিলেন। তাহা চল লিখিত বিজ্ঞাপন; এ বিজ্ঞাপনে কে তার টানিয়াছিল, তাহা দেখা না গেলেও অনুমান করা চলে।

বই পড়িয়া ভাল কি মন্দ, যাহারা বিচার করিতে না পারে, তাহারা প্রায়ই সমালোচনা দেখিয়াই বই কিনে। তাদের জন্ত অনেক সময় গ্রন্থকার নিজেই সমালোচনা লিখিয়া ছাপিয়া থাকেন। বিলাতে নাকি ইহাতে কোন দোষ নাই এবং ইহা প্রায়ই হইয়া থাকে। ‘নব্যভারতের কল্যাণে আমরা অবগত হইয়াছিলাম সম্প্রতি ‘প্রবাসীও’ এ দেশে এই নির্দোষ কলাবিজ্ঞাতীর চূর্চা আরম্ভ করিয়াছিলেন। গ্রন্থকারের নিজের লিখিত সমালোচনা—বিজ্ঞাপন ও সমালোচনার পমশ্রণ না অমিশ্র’ বিজ্ঞাপন, এ সম্বন্ধে নৈয়ামিকদের মধ্যে এখনও বিতণ্ডা চলিতেছে।

বিজ্ঞাপনকে মোটামুটি উপরের লিখিত কয়েকটি শ্রেণিতে বিভক্ত করিলেই যথেষ্ট; ইহার চেয়ে বেশীদূর বাইতে গেলে, রহস্য ক্রমেই ঘনাইয়া চলিবে এবং আমরাও পথ হারাইয়া বাইতে পারি।

বিজ্ঞাপনের জাতিভেদের রহস্য ছাড়া আর এক রকম রহস্য আছে; যাহা গূঢ়তর। সেটা আর কিছু না—অনেক

বিজ্ঞাপনের অর্থ করিতে মাথা ঘামিয়া যায়। যেমন, বিজ্ঞাপনে যখন থাকে 'এই খানে উৎকৃষ্ট খাওয়ার সন্দেশ পাওয়া যায়,' তখন আপাততঃ যেন মনে হয় যে বিজ্ঞাপন দাতা পরবার জিলিপি অথবা শুইবার নিমকী বিক্রয় করেন না। কিন্তু এই অর্থ ঠিক কি না, কে জানে? আবার যখন দেখি 'সন্ন্যাসী প্রদত্ত সর্করোগ হর মাহুলা কেবল পাঠানের ধরচ বাবত মাত্র পাঁচ সিকা লইয়া বিনামূল্যে বিতরিত হয়,' তখন উহা সন্ন্যাসী না সংসারীর প্রদত্ত, ঠিক বুঝিয়া উঠিতে পারি না। ব্রাহ্মকমান্ অর্থ কাল মাহুৰ, এবং কখনও কখনও সাদা মাহুৰের নাম; কিন্তু কথাটি যখন অচল-লিখিত বিজ্ঞাপনে বিরাজ করে, তখন উহা কাল কি সাদা মাহুৰের দোকান ঠিক বুঝা যায় না। "লা-ব্রেড্রইস্‌স্" কে রাবড়ি মনে করিয়া বাটা হস্তে ধরের বাহির যে কেহ কেহ না হন, তা নয়।

গূঢ়ার্থতা আলঙ্কারিকের মতে কাব্যের দোষ; কিন্তু বিজ্ঞাপনে অনেক সময় ইহাই গুণ। যেমন, 'হিতবাদী' 'বঙ্গবাসী' বলিয়া ডাকিলে ভোরের ঘুম সহজে ভাঙেনা; কিন্তু 'আলিপুরে বোমার মামলা', চিৎপুরে খুন' বলিয়া ডাকিলে পত্রিকা খানা কিনিবার ইচ্ছা সহজেই হয়। "অকাল বার্কক্যে হিন্দুজাতি দিন দিন অধঃপাতে যাইতেছে" বলিয়া আরম্ভ করিলে স্বভাবতঃই মনে হইবে বঙ্গা নিতান্তই স্বদেশ বৎসল; তারপর আস্তে আস্তে যদি বলা হয়, 'কুস্তলীন ব্যবহার করিলে চুল পড়া নিবৃত্তি হয় এবং অকাল বার্কক্যেও দূরিত হয়, তাহা হইলে বিজ্ঞাপনটী কমে ভাল।

গূঢ়ার্থতা ছাড়া বিজ্ঞাপনের আরও অলঙ্কার আছে। শ্লেষ বা স্বার্থবোধকতা তার মধ্যে একটি। "কেহ গড়িবেন না" দেখিয়া যদি কেহ না পড়েন, তবে তিনি বাক্যের একটি অর্থ গ্রহণ করিলেন মাত্র; উদ্দেশ্য বুঝিলেন না। ইহার প্রকৃত উদ্দেশ্য সম্পূর্ণ বিরুদ্ধ।

সংশয় ও অনেক সময় বিজ্ঞাপনের অলঙ্কার হয়; যেমন "বিভূক্ত ব্রাহ্মণের হিন্দু হোটেল" বলিলে স্বতঃই সন্দেহ উপস্থিত হয়, বিভূক্ত ব্রাহ্মণের অহিন্দু হোটেল হইতে পারে কিনা। তেমনি, যখন কেহ নিজকে আপনা হেয় সেই চির পরিচিত অমুক বলিয়া বিজ্ঞাপিত করেন,

তখন নাকি অনেকেই লজ্জিত হন এবং মনে করেন, তাইত! চেনা লোকটিকে চিনিতে পারিলাম না!

বিজ্ঞাপনের আর একটি অলঙ্কার ইহার আর্ষ-প্রয়োগ। যেমন একজন লিখিতেছেন—“বিণাপানী ঔষধালয়” এইখানে বিণা এবং পানী বানান দুইটি আর্ষ। “আপনাদের সেই চির পরিচিত গিরিশচন্দ্র চক্রবর্তী স্বয়ং সহস্রে পাচক কর্তা”—এখানে কয়েকটি আর্ষ প্রয়োগই আছে।

বিজ্ঞাপন শাস্ত্রে অদ্ভুত রসের ছড়াছড়ি দৃষ্ট হয়। যেমন, “হাজার হাজার লোক মৃত্যুমুখে পতিত! বাংলা দেশ প্রায় জনমানব শূন্য!” বড় বড় অক্ষরে ইহা লিখিয়া নীচে খুব ছোট ছোট অক্ষরে লিখা হয়; “হইতে যাইতোছিল, এমন সময় আমাদের ‘অর ত্রিপুরারি-সুধা’ লক্ষ লক্ষ লোকের প্রাণরক্ষা করিবার জন্য আবিষ্কৃত হইয়াছে”—

বিজ্ঞাপনে কলা বিদ্যারও যথেষ্ট পারিপাট্য দৃষ্ট হয়। ছবি ব্যতীত কবিতাও খুব পাওয়া যায়। যেমন, ‘অন-জামাই ভাগিনা, কেহ নহে আপনা;—ইহাধাগা ঔষধ বিশেষের ভাল হইতেছে এই কথা প্রকারান্তরে বলিবার চেষ্টা হইতেছে। ‘মুষ্কিল আসানের বড়ী, অরের গলায় দড়ী’—একটি ঔষধের বিজ্ঞাপন মাত্র নয়, একটি উৎকৃষ্ট কবিতাও!

বিজ্ঞাপনে সঙ্গীত কলারও অভাব নাই। তবে, সঙ্গীতটা প্রায় চল কথিতেই সীমাবদ্ধ। যেমন, কলিকাতায়, রি=ঈ=পু=উ—ক ঝ—অ=অ;” অথবা স্ত্রী=কঠোখিত, “মাটা লেবে গো=ও—ও;”। ঢাকার “কু-ও-ও-” তে ও কিছু সঙ্গীত বিদ্যা আছে বলিয়া কেহ ২ মনে করেন।

বিজ্ঞাপনে চিত্রকলা সম্বন্ধে ভূরি ভূরি গ্রন্থ রচনা করা চলে। সাধারণ একটি প্রবন্ধে সে সম্বন্ধে কিছু বলিতে প্রয়াস পাওয়া যুক্ততা মাত্র। তথাপি একেবারে কিছু না বলিলে প্রবন্ধ অপূর্ণ থাকিয়া যায়। ‘ইংলণ্ডের সর্বোৎকৃষ্ট শিশু’—এই শিরঃ-পংক্তির নীচে কয়েকটি নাহুস্ মুহুস্ ছেলে মেয়ের ছবি দেখিয়া কাহার মনে না আনন্দ হয়? এবং কাহার না এমন একটি ছবি ধরে রাখিতে ইচ্ছা হয়? কিন্তু যিনিই ছবিটা নিবেন, তিনিই জালে পড়িবেন; কারণ, “ইহার সর্বলই মেলিন্স্ ফুড্ ব্যবহার করিয়া

ধাকেন !” আবার, একটা সুগোল সুঠাম শিশু-মুখ এক কামড় খাইয়াই বিকুটী ফেলিয়া দিয়া কাঁদিতেছে আর বলিতেছে, ‘এ ত এলেন চেরীর বিকুট নয়’! এই চিত্র দেখিয়া চিত্রকরের প্রশংসা করিব না বিজ্ঞাপন দাতার প্রশংসা করিব ?

এত সব অলঙ্কারে অলঙ্কৃত বিজ্ঞাপন শাস্ত্রকে বিশ্ব-বিদ্যালয় কেন যে গ্রহণ করিতেছেন না, বলা দুষ্কর। বিশ্ব-বিদ্যালয়ে গৃহীত না হওয়া পর্য্যন্ত কোন বিদ্যাকে আমরা বিজ্ঞান বলিয়া মনে করিতে পারি না। কিন্তু ইতি মধ্যেই বিজ্ঞাপনের বহুবিধ নামকরণ হইতে আরম্ভ হইয়াছে ; ইহাতেই প্রমাণ হয়, ইহার আদর কত বাড়িতেছে।

বিজ্ঞাপনকে কেহ জুয়াখেলা, কেহ কলাবিজ্ঞা, কেহ বা বিজ্ঞান কেহ বা ব্যবসা, প্রভৃতি নানা নামে অভিহিত করিয়া থাকেন। সুতরাং দেখা যায় বিজ্ঞান’ নামটা ইতি-মধ্যেই ইহাকে দেওয়া হইয়াছে। পি, সি, বার্টন নামক এক ব্যক্তি ইতিমধ্যেই অত্যন্ত ভেজের সহিত বলিতে আরম্ভ করিয়াছেন যে ‘বিজ্ঞাপনকে এখন আর জুয়াখেলা বা অণু কিছু বলা চলে না ; ইহা এক্ষণে বিজ্ঞানে পরিণত হইয়াছে।’ বাস্তবিকই, যখন অধ্যাপক পল্ চেংরিটনের মত লোক বিজ্ঞাপন সম্বন্ধে বই লিখিতে আরম্ভ করিয়াছেন, তখন নিশ্চয়ই ইহার বিজ্ঞান-প্রাপ্তির আর বেশী বিলম্ব নাই। অধিকন্তু, সম্প্রতি আবার বিলাতের ‘রিভিউ অব রিভিউস’ পত্রিকা বিজ্ঞাপন সম্বন্ধে পৃথিবীর বড় বড় লোকদের মত সংগ্রহ করিতে আরম্ভ করিয়া ইহার মূল্য আরও বাড়াইয়া দিয়াছেন। এমন অবস্থায়—যখন মিঃ বার্টন বার্নিহাম প্রদর্শনীতে বিজ্ঞাপনকে মনোবিজ্ঞান শাস্ত্রের অন্তর্গত বলিয়া প্রকাশ্য ভাবে প্রচার করিতেছেন এবং মিঃ গারেণ্ড, মিঃ ওয়াডসওয়ার্থ এমন কি প্রফেসর পল্ চেংরিটন পর্য্যন্ত যখন বিজ্ঞাপন শাস্ত্র সম্বন্ধে গ্রন্থ লিখিয়াছেন এবং রিভিউ অব রিভিউস এ বিষয় ওকালতি করিতেছে, তখন নিশ্চয়ই ইহা সিদ্ধান্ত করা বাইতে পারে যে বাণিজ্য প্রধান বিলাতের বিশ্ববিদ্যালয় গুলিতে কালেবা বিজ্ঞাপন ক মনোবিজ্ঞানের অন্তর্গত করিয়া তাহার অধ্যাপনাও আরম্ভ হইতে পারে। আমাদের মনে হয়, কলিকাতা বিশ্ব

বিদ্যালয়ের অধ্যাপকদের এখন হইতেই কিছু কিছু করিয়া বিজ্ঞাপন শাস্ত্র পাঠ করিতে আরম্ভ করা উচিত ; কারণ কে জানে কবে কাহাকে উহা পড়াইতে হইবে ?

শ্রীউমেশচন্দ্র ভট্টাচার্য্য ।

শুভদৃষ্টি ।

পঞ্চম পরিচ্ছেদ ।

রাত্রি ৯টা। আমি গীতা পড়িতে ছিলাম। শৈবাল এতক্ষণ রাখালের মার নিকট ছিল, আসিয়া আমার পার্শ্বে ঘুমাইয়া পড়িয়াছে। দেখিলাম গাঢ় নিদ্রা। গীতা বন্ধ করিয়া উঠিলাম। রাখালের কোঠার আলো জলিতে-ছিল, আমি শাস্তির অন্বেষণে ধীরে ধীরে দ্বার ঠেলিয়া চোরের তায় সে কক্ষে প্রবেশ করিলাম। ধীরে ধীরে শয্যার নিকট যাইয়া কম্পিত কর্ণে ডাকিলাম—“সরলা।”

আলু ধালু বেশে সরলা উঠিয়া আমার বুকে পড়িল। আট বৎসরের পুঞ্জিত শোকাধেগ উচ্ছসিত হইয়া উভয়কে প্লাবিত করিল। বিশ্বের অনন্ত শাস্তি, অনন্ত করুণা, অনন্ত আশীর্বাদ যেন মহাকিলনের বার্তা পাইয়া ছুটিয়া আসিল।

সরলার শুভ-দৃষ্টি বিশ্বপ্রেম লইয়া আমার দৃষ্টির ভিতর লয় পাইল। আমি তাহার করুণ কাহিনীর বিনিময়ে তাহার গণ্ডে প্রেমের প্রতিদান পুনঃ পুনঃ মুদ্রিত করিয়া দিলাম। শুভ-দৃষ্টির জয় হইল।

নীরবে বহুক্ষণ শাস্তি সুখ উপভোগ করিলাম। কাহারও মুখ হইতে কথাটি ফুটিল না। উভয়ের সতৃষ্ণ মৌন আঁধি উভয়ের প্রাণের কথা মৌন ভাষায় ব্যক্ত করিতে লাগিল। বহুক্ষণ পরে আমি বলিলাম—“সরলা তুমি আমাকে চিন্তে পারুলে কি করে ?”

সরলা চক্ষু মুছিয়া বলিল—“তুমি আমার হৃদয়ে চির প্রকাশিত ; রাখালের হাতে অঙ্গুরী দেখিয়াই তোমাকে বুঝিয়াছি। রাখাল বলিল—“এ ছবি খানাও তিনি আমাকে দিয়াছেন। ছবি খানা দেখিয়া বুঝিতে কিছুই বাকি রহিল না। তার পর তুমি রাখালকে ডাকিতে

ডাকিতে রাখালের নিকট আসিলে, চক্ষু কর্ণের বিবাদ
ভঙ্গন হইল। তোমাকে অপ্রত্যাশিত ভাবে পেয়েছি, ইহা
অভাগিনীর প্রতি ভগবানের বিশেষ অনুগ্রহ।

আমি হুঃখিত হইয়া বলিলাম—“তুমি অভাগিনী
কেন সরলা ?

সরলা—“তুমি অভাগিনী করিলেই অভাগিনী।”
নতুবা অভাগিনী কেন হইবে। সরলা ধামিয়া বলিল—
“তুমি রাখালকে চিনিলে কেমন করিয়া ?”

সরলার হাতে একখানা চিঠি দিয়া বলিলাম—এই সেই
সৌভাগ্যালিপি, রাখালের পকেটে কাল পাইয়াছিলাম।
দেখ দেখি চিন্তে পার কিনা ?

সরলা চিঠি দেখিয়া বলিল—“এ আমার চিঠি, আমি
মাধব দাদাকে লিখিয়াছিলাম। তিনিই রাখালকে চণ্ডী
বাবুর বাড়ী যোগাড় করিয়া রাখিয়াছিলেন। এ চিঠিতে
তুমি আমাকে চিনিলে কেমন করিয়া ?

আমি বলিলাম—“চিঠিতে পরিচয়ের অভাব কি ?
যাহা কিছু সন্দেহ ছিল, মাধব রায়ের নিকট তাহাও
জানিয়া বুঝিয়াছি।

এরপর শীতের সেই সুদীর্ঘ রজনী সরলা তাহার
বিষাদ পূর্ণ কাহিনী বর্ণনার অতিবাহিত করিল। তাহার
পিতার মৃত্যু, স্নানদায়ে সম্পত্তি নষ্ট, ভ্রাতাদিগের উশ্মলতা,
অন্নাতাবে উপবাস ক্রেশ, মাধব রায়ের রূপায় রাখালের
পাঠের ব্যবস্থা, আমাদের ধামার জমির যৎসামান্য আয়
ছাত্রা মাতা পুত্রের ব্যয় নির্বাহ—একে একে সকল কথা
বিস্তৃত করিল। নিবিষ্ট চিন্তে তাহা আমি শুনিলাম।
অতঃপর আমিও আমার অজ্ঞাত বাস, সন্ন্যাস, চণ্ডী বাবুর
বাসায় অবস্থান, বিবাহ সকল কথা আনুপূর্বিক বলিয়া
তাহার নিকট কমা ভিক্ষা চাহিলাম।

সরলা আমাকে বুকে টানিয়া লইয়া বলিল—“আমি
তোমাকে সম্মুখে পাইয়া তোমার রাখালকে যে তোমায়
বুঝাইয়া দিতে পারিলাম, ইহাই আমার পরম সুখ, পরম
সৌভাগ্য। ইহার পর মৃত্যুতে আর আমার কষ্ট নাই।
এখন জীবনে শান্তি উপভোগ কর—আমি কায়মনো
বাক্যে ভগবানের নিকট প্রার্থনা করি।”

সরলা আমার বুকের কাছে মুখ লুকাইয়ে কাঁদিত্তে,
লাগিল।”

আমি বলিলাম—“সরলা এ সংসার তোমার, আমি
অদৃষ্ট দোষে তোমার সম্মান করিতে পারি নাই। কষ্ট
দিয়াছি বলিয়া কি আমাকে কষ্ট দিবে ? সত্যীর অবমাননা
করিয়া যে কষ্ট পাইতেছি তাহা হৃদয় চিড়িয়া না দেখাতে
পারিলে তুমি বুঝিবে না। শৈবাল তোমার ছোট বোন,
তুমি যেরূপ ব্যবস্থা করিবে, সেইরূপই হইবে। আমি
এতদিন শান্তি খুজিয়া আসিয়াছি, এখন তাহাই ভোগ
করিব। তোমার পবিত্র ব্যবহারে আমার সংসার শান্তি-
ময় হউক।”

এইরূপ দীর্ঘ নিখাম ও তপ্ত অশ্রুর বিনিময়ে সে সুখ
নিশি অবসান হইল।

আমি সরলাকে সাবধান করিয়া দিলাম—“শৈবালকে
তুমি পরিচয় দিও না, আমি দিব।”

(২)

প্রাতঃকালে আমি বাহির হইয়াছিলাম। সূর্য
বুরিয়া চণ্ডীবাবুর বাসায় গেলাম। চণ্ডীবাবু বলিলেন—
“এই যে যোগেশ, আমিও যে তোমার বাসায় গিয়াছিলাম।
আমরা কলিকাতা যাব, তা শৈবাল সঙ্গে যাইতে চাহিয়া-
ছিল। এ বিষয়ে তোমার নিকট বলিতে আমাকে
সংবাদও দিয়াছিল। আমি সেদিন যাইতে পারি নাই।”

চণ্ডীবাবু একটু ধামিয়া পুনরায় বলিলেন—“রাখাল
সংবাদ নিয়ে এনেছিল বলে, পচা বলে, তুমি নাকি
রাখালকে * * * এগুলি যোগেশ কি বলবে * * * তোমার
পক্ষে * * * আমি শুনে অবধি * * *।

আমি মাথা নীচু করিয়া থাকিয়াই বলিলাম, আমাকে
কমা করুন, আমি হঠাৎ অজ্ঞাতে একটা নিতান্ত কুর্কম
ক'রে ফেলেছি। সেজন্য এ তিন দিন কাণ্ডকে মুখ
দেখাইনি।”

চণ্ডীবাবু সম্বলিত হইয়া বলিলেন—“ক্রটি বুঝতে পেরেছ
যখন, তখন আর কোন কথা নাই। শৈবাল যেতে চেয়ে-
ছিল, তা আমাকে কেন—তোমাকে বলেইতো হ'তো—
এ সঙ্কোচ ভাব—এ ভাব বাবা তুমিই শিখাইয়েছ।

আমি “আচ্ছা” বলিয়া মাথা নীচু করিয়া ধীরে ধীরে
চলিয়া আসিলাম।

বড়ই লজ্জিত হইলাম। শৈবাল রাখালকে তাহার

বাবার নিকট চিঠি দিয়া পাঠাইয়াছিল; তবে আমাকে তাহা বলিল না কেন? রাখালকেই বা বলিতে নিষেধ করিল কেন? শৈবাল বড় অভিমানিনী তাহাকে সন্দেহ করিলে সে এরূপই করিয়া থাকে। আমারও এইরূপ রজ্জু দেখিয়াই সর্পদ্রম হয়। এইরূপ সন্দেহেই আমি আমার জীবন অশান্তি পূর্ণ করিয়াছি। বাস্তবিক আমার জঙ্কোচ ভাব ও সন্দেহ শৈবালের চরিত্রকে আমার নিকট দুর্বোধ করিয়া তুলিতেছিল।

বাপার আসিয়া দেখিলাম—শৈবাল মুখ গম্ভীর করিয়া বসিয়া আছে। আমি মাটির দিকে চাহিয়াই বলিলাম—
“শৈবাল তুমি কলিকাতা যাইতে প্রস্তুত হও।”

আমার ব্যবস্থায় যেন মর্ষশীড়িত হইয়া শৈবাল বলিল—“আমি কলিকাতায় যাইব আপনাকে কে বলিল?”

আমি—“তোমার বাবা বলিয়াছেন।”

শৈবাল—“আপনি কি বলিলেন?”

আমি—“আমার বলবার কি আছে? আমি আপত্তি করি নাই।”

শৈবাল—“রাখালের যা এসেছেন এ অবস্থায় আপনি আপত্তি করিলেন না কেন?”

আমি বলিলাম—“আপত্তির কি কারণ আছে। তাঁরা আছেন, চাকর আছে, বরং কদিনের জন্য একটা ঠাকুর রেখে দিব।”

শৈবাল চিন্তা করিয়া বলিল—“এমন অবস্থায় আমি যাব না।”

আমি—“তা বেশ না যাও সেও ভাল।”

আফিসে যাইবার সময় শৈবালকে ডাকিয়া বলিলাম—
“অতিথির যত্ন করিও।” শৈবাল ছল্ ছল্ নেত্রে আমার মুখের দিকে চাহিল। আমি মুখ ফিরাইয়া চলিয়া আসিলাম।

(৩)

শৈবালকে তিন দিন মুখতুলিয়া চাহিয়া আদর করি না। অভাগিনী সেই অনাদর মর্ষে মর্ষে অশ্রুত্ব করিতেছে। অতিথির সম্মুখে গৃহকর্ত্রী কর্ত্রার অনাদর

পাইলে, তাহা তাহার পক্ষে দারুণ মনোকষ্টের কারণ হয়। শৈবাল সে মনোকষ্ট চাপিয়া রাখিয়া শুক প্রাণে অতিথির সম্বন্ধনা করিতেছে—দেখিয়া আমি কষ্ট অশ্রুত্ব করিলাম।

সন্ধ্যার সময় গৃহে আসিয়া শৈবালকে ডাকিলাম—
“শৈবাল বাতাস কর। বড় গরম হইয়াছে।”

শৈবাল কাষ্ট হাসি হাসিয়া বলিল—“পৌষ মাসে বাতাস করিব, পাখা কোথায়?”

আমার বাতাসের কোন প্রয়োজন ছিল না—তবু বলিলাম—“তোমার আঁচল দিয়াই কর।” শৈবাল তাহাই করিতে লাগিল।

আমি বলিলাম—“তুমি সেদিন রাখালকে তোমার বাবার নিকট পাঠাইলে—তবু কথাটা বলেন না কেন?”

শৈবাল সমস্ত দিন মর্ষ যাতনা চাপিয়া রাখিয়াছিল, আমার এই প্রশ্নে সে বাঁধ ভাঙ্গিয়া গেল।

রুদ্ধকণ্ঠে বলিল—“ফেন আপনি এরূপভাবে জিজ্ঞাসা করিয়াছিলেন।”

আমি—“এ কথা জিজ্ঞাসা করিয়া কি কোন অপরাধ করিয়াছিলাম।”

শৈবাল—“আপনি সন্দেহ করিয়া জিজ্ঞাসা করিয়া ছিলেন।”

আমি—“কি প্রকারে বুঝিলে?”

শৈবাল—“আপনার কথার ভাবে ইঙ্গিতে। কৈ” আপনিত পূর্বে আমাকে এরূপ করিতেন না। জগদীশ বাবুর ঘটনার পর হইতেই আপনার মনে একটা বৃথা সন্দেহ হইয়াছে; আপনি অতি সামান্য কারণেও আমাকে অবিশ্বাস করেন। আমি আপনার এই ব্যবহারে বড় কষ্ট পাই। আপনিও কষ্ট না পান তাহা নহে।

আমি বলিলাম—“তা তুমি বলিলেই সব গোল চুকিয়া বাইত। তুমি নিজেত বলিলেই না, বরং রাখালকেও নিষেধ করিয়া রাখিয়াছিলে—ইহা কি সন্দেহের কারণ নহে।”

শৈবাল নিঃশঙ্কোচে বলিল—“আপনি সন্দেহ করিয়া ছিলেন বলিয়াই আমি উত্তর দেই নাই, সন্ধ্যার সময় রাখাল আসিলে তাহাকেও নিষেধ করিয়াছিলাম। প্রয়োজন

দেখিলে আমি নিজেই বলিতাম। আপনি যে এরূপ অভিনয় করিবেন, তাহা কি কখনও মনে করিয়াছি।”

আমি—‘আমার কোন বিষয় সন্দেহ হইলে কি তাহা তুমি বুঝাইয়া দিবে না?’

শৈবাল গর্কিতভাবে বলিল—“মিথ্যাকথা ও মিথ্যা ব্যবহার শিখি নাই, সঙ্কোচ, অসঙ্কোচ জানি না, পাপ পুণ্যও বুঝি না। পিতামাতা যাহা শিক্ষা দিয়াছেন, তাহাই শিক্ষা করিয়াছি। সে শিক্ষার ভিতর হইতে আপনি যাহা নিষেধ করিয়াছেন, তাহা দোষ বলিয়া পরিত্যাগ করিতেছি। ইহার পর আপনি যদি অন্য় ব্যবহার করেন, অন্য় সন্দেহ করেন, অবিশ্বাস করেন, কৈফিয়ৎ দিয়া আপনাকে সন্তুষ্ট রাখিতে পারিব কদিন? আমার কৈফিয়তেই বা আপনার প্রত্যয় হইবে কেন?”

আমি বলিলাম—“তবে কি কোন সন্দেহ উপস্থিত হইলে তাহার মীমাংসা না করিয়া সেই সন্দেহের বোঝাই বহন করিতে হইবে?”

শৈবাল বলিল—“বিশ্বাস থাকিলে কেন সন্দেহ হইবে। “সন্দেহ” অবিশ্বাসের প্রসূতি, মিথ্যার ছায়া। আপনার যাহাতে বিশ্বাস আছে তাহাতে সন্দেহ থাকিবে না, তাহাতে মিথ্যাও প্রবেশ করিতে পারিবে না।”

আমি বলিলাম—“তুমি কোন ক্রটি করিলে কি তোমাকে কিছু জিজ্ঞাসা করিতে পারিব না?”

শৈবাল—“আপনি ভুল করিতেছেন, ক্রটিতে বিশ্বাস অবিশ্বাসের কিছু নাই।”

আমি—“কেন, তুমি একটা ক্রটি করিয়া যদি করিয়াছ বলিয়া ভয়ে অস্বীকার কর!”

শৈবাল—“যাহার প্রতি আপনার দৃঢ় বিশ্বাস, সে কার্য করিয়া তাহা অস্বীকার করিবে, এ চিন্তা আপনি করিবেন কেন?”

আমি—“যদিই—ধর না কেন—সে অস্বীকার করে?”

শৈবাল—“তবে সে অবিশ্বাসী মিথ্যাবাদী—তাহাকে আপনি সন্দেহ করিতে পারেন। এরূপ স্থলে মিথ্যাবাদীর কৈফিয়তকেই বা কেমন করিয়া বিশ্বাস করিবেন।”

আমি শৈবালের তর্কে হারিয়া চুপ করিয়া রহিলাম।

শৈবাল বলিল—“বাবার নিকট গুনিয়াছি “সন্দেহ”

অনেক জীবনকে দুঃখপূর্ণ ও শান্তিহীন করে। অনেক সোনার সংসারকে ছারখার করে। নিজ জীবনেও আমি তাহা অনেক অভূতব করিতেছি।”

শৈবাল কান্দিয়া ফেলিল।

আমি শৈবালের কথা মগ্ন মগ্ন অভূতব করিয়া তাহাকে টানিয়া লইলাম। এবং য়েহ গদগদ কণ্ঠে বলিলাম—“শৈবাল আর তোমাকে কখনও সন্দেহ করিব না। যাহা হইয়াছে, তাহার জন্ত ক্ষমা চাহিতেছি। আইস, তোমার সঙ্গেও ‘তে-রাত্র’ পরে একটা “শুভ-দৃষ্টি” করিয়া আপোষ করি।” শৈবালের সহিত শুভ-দৃষ্টির পর আপোষ হইয়া গেল। আমি হাসিয়া বলিলাম—“এ আপোষে কি কোন সন্তু রাখিতে হইবে?”

শৈবাল—“অবশ্য।”

আমি—“কি কি!”

শৈবাল—“সন্দেহ, প্রতারণা ও মিথ্যা ব্যবহার করিতে পারিবেন না।”

আমি কাগজ লিখিয়া বলিলাম—“স্বাক্ষর কর।”

শৈবাল হাসিয়া বলিল—“আমি কেন স্বাক্ষর করিব, আপনি করুন। আমি সেরূপ ব্যবহার করি না, সুতরাং স্বাক্ষর করিব না। অগত্যা হাসিতে হাসিতে লিখিলাম—আগামী সোমবার হইতে এই আপোষ নামা কার্য্যকরী হইবে।—আমি স্বাক্ষর করিয়া দিলাম। শৈবাল তাহা হাতে নিয়া ছিঁড়িয়া ফেলিয়া দিল। আমি বলিলাম—“এতো অতি ক্ষুদ্র মোকদ্দমার আপোষ হইল। এরপর একটা বৃহৎ স্বত্ব সব্যস্তের মোকদ্দমাও বে দায়ের আছে; তুমি যেরূপ বক্তৃতা করিতে পার, তাহাতে সেটার নিষ্পত্তি যে কিরূপ হইবে, তাহা বলিতে পারি না।”

শৈবাল খিলখিল করিয়া হাসিয়া উঠিল। আমি বলিলাম—“বহু দিন তোমার গান শুনি না, একখানা গাও দেখি।”

শৈবাল বলিল—“ভদ্র লোকের মেয়ে একলাটী বসে আছে, আমরা এখানে গান গাইব, একি ভাল দেখায়?”

আমি একটুক চমকিত হইয়া বলিলাম—“ওঃ সে কথা যে মনেই ছিল না। তুমি তো তোমার কর্তব্য কর নাই—আজকার ডায়রি দাও নাই। রাখালের মার কিরূপ ঘট করলে—তিনিই বা কি কি করিলেন?”

শৈবাল নিঃসঙ্কোচে বলিল—“আপনার অশ্রয় ব্যবহারে আমি বড়ই কষ্ট অনুভব করিতেছিলাম। তাই আজ প্রাণ খুলিয়া তাঁহার সহিত কোন গল্প করিতে পারি নাই। বিশেষ তিনিও গল্প শ্রিয় নহেন। তিনি প্রাতে ও বিকালে রান্না করিতে গিয়াছিলেন—আমি দিই নাই। তিনি সকল সময় কাজ লইয়াই থাকিতে ভালবাসেন। দেখিতে না দেখিতে, নিষেধ করিতে না করিতে কাজ করিয়া ফেলেন। বড় ঠাণ্ডা মেজাজি ও মিষ্ট ভাষী, এমন লোকের সহবাস ঘটয়াছে, তাহা আমাদের সৌভাগ্য। আমাকে তিনি দিদি বলিয়া ডাকেন। আমি এখন দেখিতেছি মাতা পুত্র উভয়েরই দিদি—” বলিয়া শৈবাল হাসিয়া উঠিল।

আমি সাগ্রহে বলিলাম—“তিনি এমন মিষ্টভাষী, তবে আমার সহিত আলাপ করাইয়া দাও না। বেশ একত্রে বসিয়া তিন জনে গল্প গুজব করিব।”

শৈবালের মুখ কাল হইয়া গেল, একটু চিন্তা করিয়া বলিল—“আপনার সহিত তাঁহার কি সাক্ষাৎ আলাপ পরিচয়—হয় নাই।”

এইমাত্র আপোষনামা লিখিয়াছি। আমি কি বলিব মনে মনে চিন্তা করিয়া বলিলাম—“দেখ দেখি তিনি কি করিতেছেন?”

শৈবাল ফিরিয়া আসিয়া বলিল—“পঁচা ও রাখালকে পড়াইতেছেন।”

ইহার পর শৈবাল মহা উদ্বিগ্ন ভাবে বলিল—রাখালের মার সহিত আপনার—

আমি শৈবালের মুখ হইতে কথা বাহির হইতে না হইতে বলিলাম—“আজ খেতে টেতে দিবে না নাকি?”

শৈবাল ছাড়িল না। ক্রমেই আরও অধিকতর উদ্বিগ্ন হইয়া উঠিতে লাগিল।

আমি শৈবালের সরল ও নির্ঝিকার চরিত্র ভাবিয়া আদর করিয়া তাহার গায়ে হাত বুলাইয়া বলিলাম—“শৈবাল এ কথা না শুনিলেই কি নয়?”

শৈবাল—“আপনার যদি কোন আপত্তি থাকে, এবং আমার পক্ষে তাহা শোনা অপ্রয়োজন মনে করেন—আমি শুনতে চাই না।”

আমি সেই ভাবে বলিলাম—“আমার কোন আপত্তি নাই, তোমারও কোন অপ্রয়োজন নহে। তবে সে একটা অতি বড় মোকদ্দমা—আপাততঃ উদরের প্রবোধ দাও, নিজেও প্রবোধ লইয়া আইস। তার পর নিশ্চিন্তে সমস্ত রাত্রির জন্ত মোকদ্দমাটা লইয়া বসি। তুমি বিচারক হইও। এটাই সেই স্বহৃদসাব্যস্তের মোকদ্দমা। বড় জটিল মোকদ্দমা।

(৪)

রাত্রি ৯টা। শৈবালকে বলিলাম—“মোকদ্দমার শুনানি আরম্ভ করা যাক।”

শৈবাল বলিল—“না, আমি শুনতে চাই না।”

আমি—“তবে কিন্তু আমার দোষ নাই।”

শৈবাল—“আমি কি আপনাকে দোষী করিতেছি।”

আমি—“আজ না কর, আর একদিন করবে।”

শৈবাল—“কেন করিব?”

আমি—“তবে এত আগ্রহের সহিত জিজ্ঞাসা করেছিলে কেন?”

শৈবাল—“আপনি আমাকে রাখালের মার সহিত আপনার পরিচয় করাইয়া দিতে বলিয়াছিলেন, তাই জিজ্ঞাসা করিয়াছিলাম।”

আমি—“আমি যদি বলি, আমার সহিত রাখালের মার পূর্বে আলাপ ছিল, তবে তুমি কি মনে করিবে?”

শৈবাল সরল ভাবে বলিল—“আপনি ঠাট্টা করিতেছেন মনে করিব।”

আমি আগ্রহ সহকারে বলিলাম—“কেন?”

শৈবাল বলিল—“কাল আফিস হইতে আসিয়া আপনি রাখালকে দেখিতে অতিশয় সাবধানতা অবলম্বন করিয়াছিলেন।”

আমি বলিলাম—“আর আমি যদি বলি, তাঁর সহিত আজ পর্য্যন্তও আলাপ নাই”—

শৈবালের মুখ বিবর্ণ হইয়া গেল; সে কোন কথা বলিল না।”

আমি শৈবালের মানসিক ভাব বুঝিতে পারিলাম না, তাহাকে আদর করিয়া বলিলাম—“তবে শৈবাল, তুমি আমার নিকট হইতে কিরূপ উত্তর পাইলে সুখী হও।”

শৈবাল কাণ্ডর স্বরে বলিল—“আমি আপনার নিকট

উত্তর চাইনা। উত্তর উত্তরই আমার নিকট সমান কষ্ট দায়ক। স্বামী-দেবতা, আমার কার্যের বিচার করিবার অধিকার স্ত্রীর নাই। আমি আপনার উত্তর চাইনা।”

আমি বলিলাম—“শৈবাল তোমার মনে সন্দেহ হইয়াছে। শৈবাল নিঃসঙ্কচিত্তে বলিলাম—“হাঁ, কোন কারণে হইয়াছে। উপায় নাই।”

আমি বলিলাম—“কাল রাত আমার সহিত রাখালের মার আলাপ হইয়াছে।”

শৈবাল পূর্ববৎ বলিল—“তা আমি দেখিয়াছি।”

আমি লজ্জিত হইয়া বলিলাম—“তুমি দেখলে কেমন করিয়া?”

শৈবাল অগ্নান বদনে বলিল—“রাত আপনাকে বিছানায় না দেখিয়া রাখালকে দেখিতে গিয়াছিলাম। এই কি আপনার প্রথম আলাপ?”

আমি—“তার পর জিজ্ঞাসা কর।”

শৈবাল পুনরায় বলিল—“এই কি আপনার প্রথম আলাপ?”

আমি—“না শৈবাল—আট বৎসর পূর্বে রাখালের জন্মের বৎসরও তাহার সহিত আলাপ ছিল।

শৈবালের হৃদয়ের গুরুভার যেন একটু লঘু হইয়া গেল।

আমি বলিলাম—“এ উত্তরে কি তুমি সুখী হইলে?”

শৈবাল আগ্রহের সহিত বলিল—“হইয়াছি, তবে আমার আরও দুই একটা কথা জানিতে ইচ্ছা হইতেছে।”

আমি—“জিজ্ঞাসা কর।”

শৈবাল—“কাল তবে রাখালকে দেখিতে এত সঙ্কোচ বোধ করিতে ছিলেন কেন?”

আমি—“আমার সন্দেহ হইয়াছিল। শৈবাল, আট বৎসর পূর্বে বাহার সহিত দেখাছিল, তিনিই যে রাখালের মা, তখনও নিঃসন্দেহ জানিতে পারি নাই।”

শৈবাল বড় কৌতূহলের সহিত শুনিতে লাগিল।

সে কি বলিতে যাইতেছিল হঠাৎ ধামিয়া গেল।

আমি বলিলাম—“ধামিলে কেন?”

শৈবাল—“আর জানিবার কোন প্রয়োজন নাই।”

আমি—“আরও কিন্তু মজা আছে।

শৈবাল তখন পুনরায় জিজ্ঞাসা করিল—“তার পূর্বেও কি পরিচয় ছিল?”

আমি—“ছিল।”

শৈবাল—“বাঃ বড় মজাতো, তাহলে তিনি আপনার কেহ হন?”

আমি—“হাঁ, শৈবাল, তিনি আমার স্ত্রী, তোমার দিদি।”

শৈবালের মনের ভার একেবারে লঘু হইয়া গেল। তাহার মনে আনন্দ ধরে না। সে হাত তালী দিয়া এক দৌড়ে সরলার নিকট চলিয়া গেল। আমিও অগত্যা তাহার পশ্চাৎ অনুসরণ করিলাম।

সরলা তখন রাখালকে বুকে লইয়া ঘুমাইতে ছিল। শৈবাল তাহাকে ডাকিল—“দিদি।” সরলা উত্তর করিল—“দিদি।”

আমি বলিলাম—“সরলা, শৈবাল—তোমরা দুবোনের শুভ-দৃষ্টি-হটক, হৃদয়ে হৃদয়কে শুভ-দৃষ্টিতে দেখ। আমি ও তোমাদিগকে শুভ-দৃষ্টি করি।”

সরলা শৈবালকে বক্ষে চাপিয়া লইল। শৈবাল সরলার পায়ের ধুলা লইল।

আমি ভগবানের নাম স্মরণ করিয়া

সেই প্রীতি সন্মিলনকে

শুভ-দৃষ্টিতে

নিরীক্ষণ

করিলাম।


অযাচিত।

অন্ধ আবেগে তৃপ্তির লাগি সারাটা নিখিল ধরা
ঘুরিয়া ফিরিয়া বাসনা আমার—পাপ মঙ্গিনতা ভরা।
বাহির হইতে চমক হেরিয়া, ব্যর্থ প্রয়াসে ফিরে—
বসে আছ ওগো তৃপ্তিদ তুমি স্থানটুকু সব জুড়ে।

তিব্বত অভিযান ।

গিয়াংসী পথে ।

আমরা যখন গুরু ত্যাগ করিলাম, শীতের প্রকোপ অনেকটা কম বোধ হইল । একে এপ্রেল মাস, তাহার উপর আমরা এখন আধিত্যকা ভূমিতে অবস্থান করিতে ছিলাম । তিব্বতে এ সময়ে বসন্ত কাল । আমাদের দেশে পৌষ মাসে যে প্রকার শীত, এখন আমরা তাহাই অনুভব করিতে ছিলাম । শীত বস্ত্রাদি (এদেশের) সমস্তই গুরুতে পড়িয়া রহিল,—কারণ, আমরা সকলেই জানিতাম, পুনরায় শীত আরম্ভ হইবার পূর্বেই আমরা ফিরিতে পারিব ।



রাম হ্রদ—অদূরে চুমলহরি শৃঙ্গ ।°

কিয়দূর গিয়া আমরা 'রাম' হ্রদের পশ্চিম তটে উপস্থিত হইলাম । ইহা এইবার আমরা বেশ স্পষ্ট দেখিলাম । পূর্বে যখন দেখিয়াছিলাম, তখন ইহা বরফ আবৃত ছিল । এখন প্রায় সমস্ত বরফ গলিয়া গিয়াছিল । সামান্য কিছু কিছু বরফ কিনারার কাছে ছিল । শুনিলাম, ইহা দৈর্ঘ্যে ১৫ ও প্রস্থে প্রায় ৬মাইল । আমরা যেখানে দাঁড়াইয়াছিলাম, তাহার ঠিক অপর পারে বিশাল চুমল হরি পর্বত শৃঙ্গ আকাশকে আলিঙ্গন করিতেছে । এই উচ্চ শৃঙ্গের প্রায় সমগ্র ভাগ সাদা ধপ ধপ করিতেছে । হ্রদের জল সম্পূর্ণ নীল বর্ণ, ঠিক যেন সমুদ্র । নীল আকাশের নীচে সাদা চুমলহরি, তাহার কোলে আবার ল হ্রদের জল—সে শোভা দেখিবার জিনিস । সাহেবেরা

এই স্বর্গীয় দৃশ্যের ফটো উঠাইয়া লইলেন । তিব্বতে এ প্রকার হ্রদ আরও অনেক আছে । প্রায় সকলেরই জল নীল বর্ণ ও লবণ ময় । বোধ হয় এই জন্ম ভূগোল বিদেয়া অনুমান করেন যে, কোনও এক প্রাচীন যুগে সমস্ত হিমালয় প্রদেশ, তিব্বত সহ বঙ্গোপসাগরের নীচে অবস্থিত ছিল ।

এই হ্রদের মধ্যে সহসা অতি ভীষণ বেগে ঝটিকা আরম্ভ হইল । এই পার্শ্বত্যা প্রদেশের ঝড় বড় অদ্ভুত । আগমনের পূর্বে নোটিশ দিতে জানে না । কোথাও কিছু নাই, সকলে এদিক ওদিক ঘুরিয়া বেড়াইতেছি, এখন সময়ে দিগন্ত ব্যাপিয়া ঝড় আরম্ভ হইল । আমরা যথাসম্ভব শীঘ্র শিবির সংস্থাপন করিলাম । এমনই

কাজের শৃঙ্খলা, যে ৫৭ মিনিটের মধ্যে এত লোকের তাঁবু সব খাটান হইয়া গেল । কিন্তু উহা শেষ হইবার আগেই ঝড়ের বেগ অত্যন্ত বৃদ্ধি পাইল বলিয়া আমরা চাকরদের তাড়া দিতে লাগিলাম । কাজে কাজেই উহারা যেমন ভেমন করিয়া কাজ শেষ করিল । এই নির্কূ ক্রিতার ফল কিন্তু হাতে হাতে পাইলাম ।

ঝড় যখন আরম্ভ হয়, তখন বেলা চারিটা । তত ঝড়ে রক্ষণ হওয়া অসম্ভব বলিয়া আমরা তিনজনে কয়েক পেয়াল চা ও খানকয়েক পাউরুটি খাইয়া সেদিনকার মত খাওয়া শেষ করিলাম । সন্ধ্যার পর ঝড়ের বেগ আরও বৃদ্ধি পাইল । তখন রায় মহাশয় তাঁহার অতি মোটা কর্কশ গলায় 'আমায় কোথায় আনিলে, গানটা যথাসাধ্য চড়ায় গাহিতেছিলেন । তাঁহার বিশ্বাস ছিল যে, তাঁহার সুর বিশেষ মিষ্ট, এবং সেইজন্য তখন তত্ব চড়া সুরে ধরিয়া-ছিলেন ; কারণ, ঝড় এত জোরে বহিতেছিল যে চীৎকার না করিলে কেহ কাহারও কথা শুনিতে পাইতেছিল না, এবং আমরা না শুনিলে তাঁহার গানটা মাঠে মারা যায় । সেন মহাশয় একটা কেবাসিনের টিন স-জোরে

চাপড়াইয়া ভাল রাখিতেছিলেন। আমি অশ্রু ক্রোড়ের অভাবে তাম্রকূট সেবনে নিযুক্ত ছিলাম। প্রকৃতি দেবীর এই উৎপাতের সময় আমরা যে কিছু কম উৎপাত করিতে ছিলাম তাহা নয়। তবে সূখের বিষয় আমাদের এই ব্যাপার আর কেহ জানিতে পারিতেছিল না।

সহসা গান বন্ধ করিয়া রায় মহাশয় আমার দিকে ফিরিয়া বলিলেন, “মেহানত করিছ আমি, আর ফল ভোগ কর্চ তুমি! বলি, কিছু আছে কি?” আমি কলিকাটা উঠাইয়া তাঁহার গড়গড়ায় বসাইয়াছি মাত্র, এমন সময় তাঁবুটা সশব্দে আমাদের উপর পতিত হইল। তাহার



চুমলহরির পাদদেশে তিব্বতীয় চমর (গোরু) সমূহ।

পর, দুই এক মিনিট পর্যন্ত আমি স্তম্ভিত ভাবে বসিয়া রহিলাম। হঠাৎ “বাহিরে এস! বাহিরে এস!” শুনিয়া তাঁবুর বাহিরে আসিলাম—ছোট তাঁবু, আশাত যে বিশেষ কিছুই লাগে নাই, তাহা না বলিলেও চলে। বাহিরে আসিয়া দেখি, সেন মহাশয় আমার অগ্রেই বাহির হইয়াছেন। ইতিমধ্যে তাঁবুর ভিতর হইতে ভীষণ চীৎকারধ্বনি শুনিতে পাইলাম; “ওরে বাবারে! আগরে, আমি ম’লাম-রে! ওরে তোরা শেষে কি আমায় অপঘাতে মার’লি!” আমরা হাসিব কি কাঁদিব ভাবিয়া পাইলাম না। তাঁহাকে বাহিরে আসিতে অনেক অনুরোধ করিলাম, কিন্তু কোনও ফল হইল না। তিনি

চীৎকার করিয়া কাঁদিতে ২ বলিলেন, “ওরে আমার সর্কান্ন যে একবারে ছাতু-হয়ে গেছে। কি ক’রে বা’ব? হাত পা সব ভেঙ্গে গেছে।” তাঁহার ক্রন্দন ও এইসব কথা শুনিয়া বিলম্বণ ভয় হইল। তাড়াতাড়ি ভিতরে প্রবেশ করিলাম। দেখি; তিনি বেশ আরামের সহিত গড়গড়া টানিতেছেন। আমি বলিলাম; এই বুঝি আপনার সর্কান্ন চূর্ণ হইয়াছে?” তিনি ক্রুদ্ধভাবে বলিলেন, “হাত পা ভেঙ্গে গেলে তামাক খাইতে নাই, ইহা কোন শাস্ত্রে লেখে?” যাহা হউক, অনেক কষ্টে তাঁহাকে বাহিরে আনা হইল ও ধরাধরি করিয়া লইয়া

গিয়া অশ্রু এক তাঁবুর মধ্যে আশ্রয় গ্রহণ করিলাম। তাঁহার যে হাত পা ভাঙ্গে নাই, তাহা তাঁহাকে বুঝাইতে আমাদের বিশেষ বেগ পাইতে হইয়াছিল।

পরদিন বাহির হইয়া আমরা বেলা দশটার পর ‘চালু’ গ্রামে উপস্থিত হইলাম। গ্রাম ধানির চারিদিকে যবের ক্ষেত, চাষের সুবিধার জন্য রাম হ্রদ হইতে কয়েকটি খাল কাটাওয়া ক্রোড়ের মধ্যে আনা হইয়াছে। কয়েকজন আধুনিক ইতিহাস লেখকের মতে প্রসিদ্ধ

চীন পরিব্রাজক হুয়েনসাং ভারতবর্ষ হইতে ফিরিবার সময় এই গ্রামে কয়েক দিবস বিশ্রাম করিয়াছিলেন। অধিবাসীরা সামান্য কৃষক—এ বিষয়ে অবশ্য কোনও সংবাদ দিতে পারিল না। এইখানে বসিয়া রাখা ভাল যে, অনেকের মতে উক্ত পরিব্রাজক মহাশয় তিব্বতে আদৌ পদার্পণ করেন নাই।

চালুর কিয়দূরে ‘কালী’ হ্রদ। ইহা অনেকটা রাম-হ্রদের মত। তবে আকারে উহা অপেক্ষা অনেক ছোট। ইহার তিনদিকে পাহাড় এবং জল স্রবৎ লাল। দেখি-লাম, হ্রদের মধ্যে অপরিমিত মৎস্য। অসংখ্য বক ও অন্যান্য পক্ষী সকল অনবরত মাছ শিকার করিতেছে।

নানা জাতীয় হংস উহার মধ্যে বিচরণ করিতেছে । আমি কিন্তু মোত সামলাইতে পারিলাম না । একজন ভূটিয়াকে ছই আনা পরসা দেওয়াতে সে ৫৭ মিনিটের মধ্যে ছইটা বড় বড় মাছ ধরিয়া দিল ।

কালী হ্রদের ঠিক তটে এক খানি ক্ষুদ্র গ্রাম । অধিবাসীর সংখ্যা ৩০।৩৫ ঘরের অধিক হইবে না । উহাদের মধ্যে এক গ্রামপতি ভিন্ন আর একজনও মানুষের মতন মানুষ দেখিলাম না । শুনিলাম গ্রামের অধিকাংশ যুবক আমাদের সহিত যুদ্ধ করিবার জন্য গিয়াংসী গিয়াছে । যদি সত্য সত্যই যুদ্ধ হয়, হয়ত উহাদের কেহই ফিরিবে না ।

পরদিবস আমরা 'সামদা' গ্রামের নিকটবর্তী হইলাম । আমরা শুনিয়াছিলাম, ঐ স্থানে তিব্বতীয়েরা আমাদেরকে বাধা দিবার জন্য প্রস্তুত হইয়া আছে । সেই জন্য গ্রামে প্রবেশ করিবার পূর্বে একদল অখারোহী সৈন্য ব্যাপারটা ঠিক জানিবার জন্য প্রেরিত হইল । তাহারা দেখিল গ্রামের প্রায় মধ্য স্থলে অনুমান ৭০০ তিব্বতীয় সৈন্য এক সুরক্ষিত স্থানে অবস্থান করিতেছে । উহাদের মধ্যে প্রায় ৪০।৫০ জন লামাও ছিল । তাহারা আমাদের অখারোহী সৈন্যদিগকে নিকটে আহ্বান করিল । তাহারা ইংরাজ শিক্ষিত সৈন্য । অসভ্যোচিত হয় ব্যবহার কখনও শিক্ষা করে নাই । লামারা তিব্বতের পুরোহিত—পুরোহিতেরা সব দেশে ধার্মিক বলিয়াই প্রসিদ্ধ । এইজন্য আমাদের সিপাহীরা নিঃশঙ্কচিত্তে তাহাদের নিকট অগ্রসর হইল । কিন্তু তাহারা অহাদের দুর্গের ৫০।৬০ গজের মধ্যে উপস্থিত হইবা মাত্র বিশ্বাসঘাতক তিব্বতীয়েরা তাহাদের উপর গুলি চালাইতে লাগিল । কয়েক জন আহত হইয়া পড়িয়া গেল । অবশিষ্ট সৈন্যেরা নীরবে এই ব্যবহার হজম করিল না । তাহারা উহার উত্তর দিল এবং আহত সঙ্গীদিগকে উঠাইয়া লইয়া ফিরিয়া আসিল । তাহাদের উপর যদি যুদ্ধ করিবার আদেশ থাকিত, তাহা হইলে তাহারা কখনও ঐভাবে ফিরিত না । শেষ পর্যন্ত যুদ্ধ করিত । তাহা হউক আমরা যখন সদল বলে গ্রামের মধ্যে প্রবেশ করিলাম, তিব্বতীয়েরা তখন অদৃশ্য হইয়াছে ।

ইহার পর আমরা 'নিয়াং' নদী প্রাপ্ত হইলাম । ইহা গিয়াংসীর তলদেশ ধৌত করিয়া তিব্বতের প্রধান নদী 'সাংপো'তে যাইয়া মিলিত হইতেছে । এই সাংপোই যে হিমালয় ত্যাগ করিবার পর 'ব্রহ্মপুত্র' নাম গ্রহণ করিয়াছে, তাহা সকলেই জানেন । এখন হইতে আমরা তিব্বতের বাহ্যিক অবয়বের বেশ পরিবর্তন বুঝিতে পারিলাম । এতদিন পর্যন্ত কেবলই পাহাড় দেখিয়া আসিতেছিলাম ; এখন সমভূমি আরম্ভ হইল—অবশ্য পার্শ্বত সমভূমি (অধিত্যকা) । আগে গ্রাম বড় একটা দেখিতাম না ; এখন ক্ষুদ্র ক্ষুদ্র গ্রাম প্রায়ই দৃষ্টিগোচর হইতে লাগিল ।

এতদিন পর্যন্ত আমরা একটা বিষয় বিশেষ ভাবে লক্ষ্য করিয়া আসিতেছিলাম । দেশের যেখানে সেখানে বৌদ্ধমঠ । যেখানে দুর্গম পর্বত, ৭০।৮০ মাইলের মধ্যেও লোকালয় নাই, যেখানে বার মাসই দুর্ভিক্ষ শীত, সে সব স্থানেও মধ্যে মধ্যে মঠ দেখিয়াছিলাম । তখন মনে করিয়াছিলাম, বিপদ গ্রস্ত পৃথিবীকে রক্ষা করিবার জন্য যুরোপের আলপ্‌স্‌ পর্বতের মত এই দুর্গম হিমালয় প্রদেশের ও স্থানে স্থানে মঠ স্থাপিত হইয়াছে । এখন বুঝিলাম, তাহা নয় । গ্রামের মধ্যেও মঠের সংখ্যা খুব অধিক । তিব্বত লামাদিগের রাজ্য । লামারাই এখানকার সর্বময় কর্তা । সেই জন্য লামাদিগের সংখ্যা ও এত অধিক । এমন অবস্থায় মঠের যে প্রাচুর্য্য হইবে, তাহাতে আর বিচিত্র কি ? আর একটি কথা বলা আবশ্যিক । বৌদ্ধ ধর্ম গ্রন্থের নানা প্রকার পদ সকল প্রায়ই পর্বত গাত্রে খোদিত দেখিতে পাইতাম । পর্বতের গায়ে ছোট ছোট প্রস্তর খণ্ড সকল বসাইয়া অক্ষর সকল লিখিত হইয়াছে । এক একটা অক্ষর প্রায় ২০ ফুট লম্বা । কি বিষয় ব্যাপার সহজেই বুঝা যায় । এই সকল লেখা বহুদূর হইতে বেশ স্পষ্ট দেখিতে পাওয়া যায় ! পাঠক জানেন, পর্বত গাত্রে বা গুহার ভিতর এই ভাবে লিখিবার প্রথা আমাদের দেশের বৌদ্ধ নৃপতিগণের সময়ও প্রচলিত ছিল । অশোকের নাম এ বিষয়ে এক প্রধান সাক্ষ্য । অনেকেই হয়ত জানেন, মহারাজ কনিষ্কের সময় বৌদ্ধ-ধর্ম তিব্বতে প্রচারিত হয় । ইহাতে আমাদের মনে হয়

য, পর্ত গাত্রে লিখিবার প্রথা এ দেশে ভারতবর্ষ হইতেই নীত হইয়াছে।

নিয়াং নদীর তটে আমরা অবগত হইলাম যে, চারি মাইল দূরে দুইটি পর্তের মধ্যে এক অপ্রশস্ত স্থানে কয়েকশত তিব্বতীয় সৈন্য অবস্থিতি করিতেছে। উহারা পর্তের উপর এমন স্থানে কয়েকটা তোপ রাখিয়াছে যে, আমরা যেমন ভাবেই অগ্রসর হই না কেন আমাদের সম্মুখে অবস্থান করিবে। আমরা যখন ঐ স্থানের নিকটবর্তী হইলাম, তাহারা তোপ চালাইতে লাগিল। কিন্তু আমরা পূর্ব হইতে সাবধান ছিলাম বলিয়া বিশেষ কোনও অনিষ্ট হইল না। তোপের আওয়াজ হইবামাত্র একার ঘোড়া সকল অত্যন্ত অস্থির হইয়া পড়িল। তিন জন কুলী এক একটা ঘোড়ার মুখ ধরিয়া রাখিয়াও তাহা-দিগকে সামলাইতে পারিতেছিল না। আমি ষষ্ঠের উপর ছিলাম বলিয়া আমাদের একার রায় ও সেন মহাশয় মাত্র বসিয়াছিলেন। ঘোড়াগুলো যখন লক্ষ রক্ষ করিতেছে, তখন রায় মহাশয় স্বয়ং লাগাম ধরিয়া বসিলেন এবং কুলীরা তাহার ঘোড়ার মুখ ধরিয়াছে বলিয়া তাহা-দিগকে ভৎসনা করিতে লাগিলেন। তাহারা অগত্যা উহার মুখ ছাড়িয়া দিল। ঠিক এই সময়ে কয়েকটা তোপ গর্জিয়া উঠিল। তখন রায় মহাশয়ের পক্ষীরাজ মহাশয় একা লইয়া উর্দ্ধ্বাসে ছুটিল! দুর্ভাগ্য ক্রমে পথের মধ্যে একখানা বড় পাথর ছিল। তাহার সহিত ধাক্কা লাগিবা মাত্র একা উলটাইয়া গেল! বলা বাহুল্য আরোহী দুই জনই ৫৭ হাত দূরে যাইয়া পড়িলেন। সেন মহাশয় একে যুবক, তাহার উপর এক পাশে ছিলেন বলিয়া বিশেষ আঘাত পাইলেন না। কিন্তু রায় মহাশয়ের দুর্দশার একশেষ হইল। শরীর তিনচারি স্থানে কাটিয়া গেল; কাঁপড়, জামা লগু ভঙ হইল।

জেনারেল সাহেব দুইদল গুর্খাকে ঐ তোপ অধিকার করিবার জন্ত প্রেরণ করিলেন। তাহাদের পৃষ্ঠ রক্ষার জন্ত দুই দল শিখ সৈন্য গমন করিল। প্রায় এক ঘণ্টা যুদ্ধের পর তিব্বতীয়েরা পলায়ন করিল। তাহারা যে ভীক বা কাপুরুষ এমন যেন কেহ মনে না করেন। স্নানকার যুদ্ধে তাহারা বিলক্ষণ সৌর্য ও বীর্য দেখাইয়া-

ছিল। কিন্তু ইংরেজের উন্নত অস্ত্র সস্ত্র ও যুদ্ধ প্রণালীর নিকট তাহাদিগকে বাধ্য হইয়া পরাভব স্বীকার করিতে হইয়াছিল। গুনিলাম, তিব্বতীয়দিগের প্রায় ১৫০ জন হতাহত ও ১০০ জন বন্দী হইয়াছে। আমাদের হতাহতের সংখ্যা ঠিক জানিতে পারিলাম না। তাহার কারণ এই যে, এসব কথা প্রায়ই গোপন রাখা হয়।

যে স্থানে এই যুদ্ধ হইল তাহার তিব্বতীয় নাম আমরা জানিতাম না। রক্তে এই স্থান লোহিত বর্ণ ধারণ করিয়াছিল বলিয়া জেনারেল সাহেব ইহাকে Red Gorge নামে অভিহিত করিলেন। গিয়াংসী হইতে ইহা প্রায় ২ মাইল দক্ষিণে। যাহাউক, যুদ্ধের পর আমরা আর বিশ্রাম করিবার অবসর পাইলাম না। তৎক্ষণাৎ রওনা হইলাম এবং পুনরায় নিয়াং নদীর তটে আসিয়া উপস্থিত হইলাম। নদী পার হইবার পুল ছিল। কিন্তু শত্রুসৈন্য উহার ঠিক অপর দিকে অবস্থান করিতেছিল বলিয়া উহার প্রায় তিন মাইল উজানে এক স্থানে নদী পার হইলাম। তাহার পর নদীর কিয়দূরে এক উন্মুক্ত প্রশস্ত ময়দানে শিবির সন্নিবেশ করিলাম। গুনিলাম, সহরের প্রসিদ্ধ দুর্গ 'গিয়াংসীজং' আমাদের শিবির হইতে দুই মাইলের অধিক নহে।

প্রথম ষণ্ড সমাপ্ত।

শ্রীঅতুলবিহারী গুপ্ত।

উকিলের লাইব্রেরী।

ও কি গ্রন্থ? দণ্ডবিধি! ফেলে দাও দূরে।
ওখানা কি? কার্যবিধি! নিক্ষেপ সাগরে।
গাদা গাদা ওকি বাঁধা? ল-রিপোর্টার!
এখনি আশুন আলি করহ সংকার।
কি আশ্চর্য! অগতের জুয়াচুরী দিয়া
আলমার্য গুলি তব ফেলেছ ভরিয়া?
হায় কত অর্থ বৃষ্টি কতই আগ্রহ,
করিয়াছে কুকাণ্ডের প্রকাণ্ড সংগ্রহ!
অলিতেছে নামগুলি অনল অন্ধরে—
আগে পাপ-প্রোত-আত্মা পঞ্জর ভিতরে।

ফেলে দাও গঙ্গাজলে, ধোও প্রতি স্তর !
 পাপ-কলুষিত-কঙ্ক—পাপের দপ্তর ।
 দিবা রাত্রি একি চর্চা ? “ও করেছে খুন”—
 “ও ছিঁড়েছে পাল ওর, ও ছিঁড়েছে গুণ ।”—
 “রহিম মেরেছে রায়ে না পাইয়া লুণ”—
 “খোদা বকস্ হরিয়াছে মাগুদের বোন্ ।”
 “ফুলজান পান দিতে দেয় নাই চূণ—
 চেরাগালী তাই তারে করিয়াছে খুন ।”
 “মজুর না লিয়া নিল ফজু কারকুন”—
 “হরি দিছে মুরারির আড্ডায় আঙন”—
 “নব্বানের কান নিছে গদার শকুন”—
 এই জপ—সিদ্ধি ওই টাকার একুন ।
 এই তন্ত্রে, এই মন্ত্রে গেঁথে গেঁথে নধি,
 মুদ্রা গণি যায় দিন, অনিদ্রায় রাত্রি ।
 বিশ্ব সাক্ষী সাক্ষী তাই, সাক্ষীগণ দিয়া
 বলাও অন্ত কত অমৃত বলিয়া ।
 ফেলে দাও, রেখোনাকো দূর হো'কু ছাই,
 জাল-জুয়াচুরী-বেদ আপদ বালাই ।
 নিত্য নিত্য লও কত “পরামর্শ-ফিস”,
 লও মোর পরামর্শ দিতেছি gratis ।

* * *

সমস্ত আলমারা ব্যাপি আছে যত স্থান—
 “ভগবৎ গীতা” মাত্র রাখ একখান ।
 প্রতি পত্রে রত্নমণি, রাখ যত্ন করে ।
 মনচোরা বাঁধা সেথা ভক্তি কারাগারে ।
 জাল-জুয়াচুরী-গাথা যদি ভাল লাগে,
 সে প্রাণচোরার কথা পড় অহুরাগে ।
 গায়ে পর, হৃদে ধর, তাঁর নামাবলী,
 ভব জলধির সেই একমাত্র জালী ।
 ফেলরে রক্ত মুদ্রা ফেলে দাও হেম,
 সব চুরী চেয়ে ভাল চুরী তাঁর প্রেম ।
 “জাল” “জাল” জপনায় ছিঁড় মায়া-জাল
 দূর হয়ে যাবে যত যন্ত্রণা-জঞ্জাল ।
 মরা মরা বলি রাম পেল রক্তাকর,
 মনচোরা জপ, পাবে পরশ পাথর ।

আসিবে তোমার তরে ত্রিদিবের রথ,
 রাখ একখানি গ্রন্থ—“গীতা-ভগবৎ ।”

মনোমোহন সেন ।

মরিয়াম ।

বঙ্গদেশে যে সকল ফল পাওয়া যায়, তাহা ব্যতীত
 ব্রহ্মদেশে আরও অনেক প্রকারের ফল দেখিতে পাওয়া
 যায় । কতকগুলি বাস্তবিকই সাধারণের পক্ষে খুব সুন্দর
 ও সুস্বাদু আর কতগুলি শুধু এদেশবাসীগণই পছন্দ
 করিয়া থাকে । ইহার মধ্যে কয়েক রকম ফল কেবল
 তরকারীতেই খাওয়া যায় ।

ফলাদির ভিতরে মরিয়াম ও ডুরিয়াম বিশেষ উল্লেখ-
 যোগ্য । মরিয়ামের গাছ বহু ডাল পালা বিশিষ্ট ।
 দেখিতে কতকটা বকুল গাছের মতন । ফলগুলি দেখিতে
 জলপাইয়ের মতন ; তবে আরতনে আরও বড় হইয়া
 থাকে । চৈত্র ও বৈশাখ মাসে মরিয়াম পাকিয়া থাকে ।
 পাকিলে সিন্দুরের মতন লাল হয় । সবুজ পত্রের পার্শ্বে
 রক্তিম মরিয়াম ফল সুশোভিত বৃক্ষগুলি চৈত্র ও বৈশাখ
 মাসে বড়ই মনোরম দেখায় । তখন মাণ্ডালে ও সেগা-
 ইনের (Sagaing) বাজারে বহু পরিমাণে মরিয়াম
 দেখিতে পাওয়া যায় । ঐ সকল জায়গাতেই নাকি
 মরিয়াম অধিক জন্মিয়া থাকে ।

মরিয়াম অতি প্রয়োজনীয় ফল । কচি অবস্থায়
 উহার অম্বল সুস্বাদু ও হজমকারক । পাকিলে খুব টক ।
 মিষ্ট মরিয়ামও পাওয়া যায়, তবে পরিমাণে খুব কম ।
 ইহার গন্ধের সহিত আমের গন্ধের কিঞ্চিৎ সাদৃশ্য আছে ।
 মিষ্ট মরিয়াম ছুঁকেও খাওয়া যায় ।

মরিয়াম শিয়াল ও কুকুরের কামড়ের ঔষধ । এখান-
 কার লোকেরা বলিয়া থাকে যে একটি মাত্র মরিয়াম
 খাইলে শিয়াল ও কুকুরের কামড়ের আভ্যন্তরীণ বিষ
 নষ্ট হইয়া থাকে । অপরিপক অবস্থায় উহা আঁচার
 করিয়া রাখিলে, দেড় কি'ছুই বৎসর ভাল অবস্থায়
 থাকে । ইহার আঁচার সুস্বাদু ও রুচিকারক । মধুর

ভিতরে ডুবাইয়া রাখিলে বহু বৎসর অবিকৃত অবস্থায়ও থাকিতে পারে।

মরিয়াম সহজে একটা বিশ্বয়জনক প্রবাদ আছে। ব্রহ্মদেশে শিয়াল দেখিতে পাওয়া যায় না। বর্মারা বলিয়া থাকে যে এ দেশে বহু মরিয়াম গাছ আছে; শিয়াল ঐ গাছের ছাওয়া পর্য্যন্ত সহ্য করিতে পারে না; তাই শিয়াল দেখিতে পাওয়া যায় না। তবে কুকুরের সংখ্যা এদেশে কম নহে। ইহা সত্য যে ব্রহ্মদেশে শিয়াল নাই অথবা এত কম যে দেখিতে পাওয়া যায় না। আমি ব্রহ্মের বহু স্থান ভ্রমণ করিয়াছি ও জঙ্গলময় স্থানে রাজিবাস করিয়াছি কিন্তু কখনও শিয়াল দেখি নাই অথবা শিয়ালের ডাক শুনি নাই। আমার একজন পোষ্টাফিসের ইনস্পেক্টার বন্ধুকে একথা জিজ্ঞাসা করায় তিনিও বলিলেন যে তিনি ব্রহ্মদেশে বিশ বৎসরের অধিক কাল বহু স্থানে গমন করিয়াছেন ও জঙ্গলাকীর্ণ স্থানে অসংখ্যবার রাজি বাপন করিয়াছেন; কিন্তু তিনি কোথায়ও শিয়ালের ডাক শুনে নাই। এদেশের বহু পুরাতন বাঙ্গালী অধিবাসীদিগকে একথা জিজ্ঞাসা করায় তাহারাও ঐ প্রকার বলিলেন। কারণ যাহাই হউক বিষয়টা আশ্চর্য্যই বটে।

শুনিতে পাই যে স্বনামধন্য ধোদাধ্যক্ষ মিঃ ক্লার্ক সাহেব আজ প্রায় ১৫ বৎসর হইল ২৪টা শিয়াল ভারতবর্ষ হইতে সংগ্রহ করিয়া জাহাজে এদেশে আনিয়া উত্তর ব্রহ্মদেশে ছাড়িয়া দিয়াছিলেন। এখন উহাদের কিছা উহাদের বংশধরগণের চিহ্ন পর্য্যন্তও ঐ অঞ্চলে পাওয়া যায় না। মরিয়ামের প্রভাবই বোধ হয় ইহার কারণ।

শ্রীউপেন্দ্রচন্দ্র মজুমদার।

অদ্ভুত স্বপ্ন।

(১)

বহু তৈল মর্দন করিয়া বন্ধুবর দেবেন্দ্রনাথ যখন অবশেষে “ডেপুটি” রূপ অক্ষয় স্বর্গ লাভ করিলেন, তখন বন্ধুবর্গের অহুরোধ একেবারে এড়াইতে না পারিয়া অগত্যা একটা প্রীতিভোজ দিতে সম্মত হইলেন। আমরা

এক পেট ক্ষুধা লইয়া সন্ধ্যার সময় তাঁহার গৃহে সমাগত হইলাম। বিখ্যাত গায়ক জনপ্রিয় বাবু তাঁহার সঙ্গীত সুধা স্বারা আমাদের চিত্ত বিনোদন করিতে নিয়োজিত হইলেন; তাঁহার সুমিষ্ট স্বর লহরি অন্তঃস্থল স্পর্শ করিয়া আমাদেরিগকে অভিভূত করিয়া তুলিল।

অশ্রান্ত গানের পরে অবশেষে ৬ দ্বিজেন্দ্রলাল রায়ের “তানসেন-বিক্রমাদিত্য-সংবাদ” গানটি হইল:— দুই জন বন্ধু কোরাস দিতেছিলেন। আমি একটি তাকিয়ার উপরে মাথা রাখিয়া দ্বিজেন্দ্রলালের অসাধারণ প্রতিভার কথা ভাবিতে ভাবিতে কখন যে ঘুমাইয়া পড়িয়াছিলাম, তাহা টের পাই নাই। মনে হইল,—

প্রাতভ্রমণ করিবার উদ্দেশে Esplanade এ গিয়াছি, তথা হইতে হাঁটিতে হাঁটিতে ক্রমে Hall and Anderson এর দোকানের সম্মুখে আসিয়া পড়িলাম; সমস্ত দোকান পাট বন্ধ থাকায় স্থানটি যেন খাঁ খাঁ করিতেছিল! পার্শ্বে ই Park Street, মনে করিলাম আর অধিক দূর অগ্রসর হইব না, Park Street দিয়া বুরিয়া Wellesleyর ট্রাঙ্ক ধরিব; তদনুসারে কিছু দূরে যাইতেই দেখিলাম প্রকাণ্ড কম্পাউণ্ড ওয়াল একটা বাড়ী; আরও নিকটে আসিয়া দেখিলাম, গেটের সম্মুখে খেত পাথরের উপরে স্বর্ণাকরে লিখিত রহিয়াছে,—

Raja VIKRAMADITYA

of

UJJAINEE.

বুঝিলাম ইহাই রাজার কলিকাতায় বাস ভবন; সম্মুখে দারোগান কটিদেশে তরোয়াল বাধিয়া পাহাড়া দিতেছিল, আমি প্রবেশ করিতে গেলে বাধা দেওয়া দূরে থাকুক আমাকে যে দেখিতে পাইল সেজন্য কোন লক্ষণও দেখাইল না! রাজা বিক্রমাদিত্যের নাম বহুবার শ্রবণ করিয়াছিলাম, তাঁহাকে দেখিবার জন্য অত্যন্ত কোতূহল হইল; আমি আর কোনও দিকে দৃষ্টিপাত না করিয়া, বিস্তৃত সোপানাবলী অতিক্রম পূর্বক রাজার ড্রয়িং রুমে প্রবেশ করিলাম। রাজা তাঁর নয় বন্ধুর সহিত বসিয়া খোস গল্প করিতেছিলেন, তাঁহাদিগকে দেখিয়াই বুঝিবে^{ব্য} পারিলাম ইঁহারা সেই নব রত্ন। তাঁহারাও যখন আমাকে

দেখিতে পাইলেন না, তখন ভাবিলাম, ইহা হয় তো আমার অশরীরী আত্মা হইবে অথবা মহাত্মা Stead কথিত Double নম্বর বেশ পরিত্যাগ করিয়া আসিয়াছি। কথা বার্তা শুনিয়া বুঝিলাম, নবরত্নের এক জন— বাঙ্গালা মাসিকের সম্পাদক, এক জন ইংরাজী দৈনিকের সম্পাদক, এক জন ছোট গল্প লেখক, এক জন উদীয়মান কবি, এক জন সমালোচক, একজন লাইফ ইন্সিয়ারেন্স কোম্পানির ডিরেক্টর, একজন থিয়েটারের ম্যানেজার, একজন সঙ্গীত শিক্ষক ও একজন বিলেত ফের্তা বেকার; ইহাদের মুখ্য কার্য্য হইতেছে, সকালে ও সন্ধ্যার পরে রাজার নিকটে আসিয়া আড্ডা জমানো, তাহার সহিত আর একটা ক্ষুদ্র গৌণ উদ্দেশ্যও আছে,—তাহা রাজার চা ও সিগারের ধবংস সাধন ।

মাসিক সম্পাদক মহাশয় পকেট হইতে রুমাল বাহির করিয়া তাঁহার স্বর্ণ মণ্ডিত 'Pince nez' ধানি ভাল করিয়া মুছিয়া লইলেন; তারপর পুনরায় উহা নাকে বসাইয়া বলিলেন, “দেখুন রাজা, আর ইতস্ততঃ করিবেন না, যাহা হয় একটা লিখিতে আরম্ভ করুন। বলিতেছেন, বাঙ্গলা লেখা আপনার অভ্যাস নাই, কিন্তু আপনার জীবনীর যে অংশটুকু “বেতাল পঞ্চবিংশতি” নামে বটতলা হইতে বাহির হইয়াছিল, তাহা যদিও একটু juvenile, কিন্তু বেশ interesting জীবনের অন্যান্য more serious ঘটনাগুলি যদি একটু গুছাইয়া লিখিয়া দেন, তাহা হইলে আমি সানন্দে তাহা বাহির করিব। ভাবার জন্ম ভাবিবেন না, বঙ্গভাষা এখন বেওয়ারিস; উহার স্বয়ং সঙ্কে ব্যারিষ্টারের বক্তৃতা হইয়া গিয়াছে বটে, কিন্তু এখনও রায় বাহির হয় নাই।”

রাজা সিগারের ট্রেটি সম্পাদক প্রবরের দিকে অগ্রসর করিয়া দিয়া সলজ্জ বলিলেন, “আচ্ছা, চেষ্টা করা যাইবে।”

ছোট-গল্প-লেখক মহাশয় হস্তস্থিত সিগার জ্বালাইবার পর 'vesta' র বাক্স সম্পাদক মহাশয়ের দিকে ঠেলিয়া দিয়া বলিলেন, “যদি লিখিতেই হয়, তাহা হইলে নীরস ‘জীবন চরিত’ লিখিবেন না, কেহ পড়িবে না। তার পরে ‘ছোট গল্প’ নাম দিয়া ছাই-ভস্ম যাহা লিখিবেন,

তাহাই পাঠক বর্গ আগ্রহের সহিত পড়িবে। বাঙ্গলার যাহারা বঙ্কিমচন্দ্র রবীন্দ্রনাথের নাম শুনে নাই তাঁহারা পর্য্যন্ত ছোট গল্প লেখক দিগের নাম একডাকে বলিয়া দিতে পারেন।”

উদীয়মান কবি মহাশয় কি বলিতে বাইতেছিলেন এমন সময় খানসামা ট্রেয় মধ্যে করিয়া একখানা টেলিগ্রাম রাজার হস্তে দিয়া বলিল “পিয়ন এইমাত্র দিয়া গেল হজুর;” রাজা উহা পাঠ করিয়া আনন্দে টেবিল চাপরাইয়া বলিলেন, “Grand news”; তারপর সঙ্গীত-শিক্ষক মহাশয়ের দিকে চাহিয়া বলিলেন “গজেন্দ্র বাবু আপনি clubএ খবর দিবেন, বিখ্যাত ওস্তাদ মিঞা তানসেন অল্প আমার বাড়ীতে আসিতেছেন, এই রাত্রেই তাঁহার গান হইবে। আমি His Majesty আকবর সাহর নিকট wire করিয়াছিলাম,—তানসেন তাঁহারই Court Musician কি না,—দিল্লি হইতে এই উত্তর আসিয়াছে; ওস্তাদজি পাঁচ দিনের বিদায় লইয়া আসিতেছেন, অল্প প্রাতঃকালেই পৌছাইবেন।”

সকলে সম্মুখে আনন্দধ্বনি করিয়া উঠিলে গজেন্দ্র বাবু উঠিয়া; বলিলেন,—“তাহা হইলে আমি এখন উঠি; আজ রবিবার, আমাকে সত্যদিগের বাড়ী ঘুরিয়া ঘুরিয়া clubএর subscription সংগ্রহ করিতে হইবে, সেই সঙ্গে সংবাদটাও প্রচার করিয়া দেওয়া যাইবে।”

গজেন্দ্র বাবু চলিয়া গেলে রাজা খানসামাকে আদেশ করিলেন শীঘ্র যেন Private Secretary মাধব বাবু, তাঁহার বড় মোটর গাড়ীতে করিয়া তানসেন মিঞাকে হাব্‌ড়া ষ্টেশন হইতে লইয়া আসে। তারপর ওস্তাদজির থাকিবার বন্দোবস্তের জন্ম আর একটি কর্মচারীকে যথাযোগ্য উপদেশ দিয়া বন্ধুবর্গের নিকটে আসিয়া বসিলেন।

‘বিলাত ফের্তা’ মহাশয় দস্তুর ভিতরে সিগার রাখিয়া “ফরাসী ধরণে” কাসিতে কাসিতে বলিলেন, “Rajah, there will be a grand party, this evening, eh? রাজা সন্মিত বদনে অস্তকার উৎসবে সকলকে যোগদান করিবার জন্ম সনির্বন্ধ অহুরোধ করিয়া একবার “Auction Bridge” খেলিতে বসিলেন। তখন খানিকক্ষণ পর্য্যন্ত “one in no trump” “Two

in hearts" প্রভৃতি চীৎকারে কক্ষটি মুখরিত হইয়া উঠিল। ক্রমে বার দুই rubber শেষ করিয়া নবরত্নের সকলেই একে একে প্রস্থান করিলেন; তথাপি ওস্তাদজির দেখা নাই! রাজা পুনঃপুনঃ French loindowর দিকে চাহিতে লাগিলেন। বলিতে কি আমিও তানসেন মিঞাকে দেখিবার জন্য কম উদ্গীৰ হই নাই! কলিকাতার প্রায় সকল ওস্তাদই তাঁহার গানের যে প্রকার শ্রদ্ধ করিয়া থাকেন, তাহাতে আসল লোকটাকে দেখিতে আগ্রহ হওয়া স্বাভাবিক। যাহা হউক, আরও অর্ধঘণ্টা পড়ে মোটর ভেঁপু বাজাইয়া প্রাসাদে প্রবেশ করিল। রাজা ওস্তাদজিকে অভ্যর্থনা করিয়া আনিবার জন্য নীচে নামিয়া আসিলেন। তানসেন মিঞাকে দেখিয়া কিন্তু বড়ই নিরাশ হইতে হইল! আমি ভাবিয়া-ছিলাম তাঁহার চেহারা এমনই কোমল ও সুন্দর হইবে যেন দেখিয়াই মনে হয় লোকটার দেহ শুধু রাগ, রাগিনী, গমক, মুচ্ছা দ্বারা নির্মিত,—নিখাস প্রখাসের ভিতরে ছন্দ যেন আপনি ধরা দেয়; কিন্তু লোকটাকে সে রকম কিছু না দেখিয়া মন স্বতঃই ধারাপ হইয়া গেল। যাহা হউক, রাজা তাঁহার হস্ত মর্দন করিয়া বলিলেন "মহাশয়ের নাম অবগত ছিলাম, অস্ত্র দেখিয়া ধন্য হইলাম। আপনি কি রাস্তার কোথাও নামিয়াছিলেন, এত বিলম্ব হইল যে?"

ওস্তাদজি প্রত্যভিবাদন করিয়া বলিলেন, না মহাশয়, 'হগলি ব্রিজ' পার হইয়াই আপনার বাড়ীতে উঠিতেছি; ট্রেনটাই আজ একটু late হইয়া গিয়াছে।

রাজা ওস্তাদজিকে তাঁহার নির্দিষ্ট কক্ষে লইয়া গেলেন; খানসামা ইতিপূর্বেই টেবিলের উপরে চাের সরঞ্জাম ও টোট, ডিম প্রভৃতি রাখিয়া গিয়াছিল, রাজার অমুরোধে ওস্তাদজি খাইতে কসিলেন। রাজা বলিলেন, "চা পানান্তে গোসল করিয়া হাজুরি খানা মুখে দিন। Long journeyতে অত্যন্ত শ্রান্ত হইয়াছেন, একটু বিশ্রাম আবশ্যিক। আজ রাত্রে বহু গণ্য যাত্র লোক আপনার গান শুনিতে আসিবেন।"

তানসেন ব্যস্তভাবে বলিলেন, "তাহা হইলে শীঘ্র একজন লোক টেনে পাঠাইয়া দিন, আমার বাস্তবস্ত্র গুলি লইয়া আসুক; 'পিরানো' আর 'ব্যাঙ্কোর' 'টিউন' আমাকে ছুপুর বেলাই ঠিক করিয়া লইতে হইবে। নিজের যন্ত্র না হইলে আমার গান ভাল ক্রমে না, তাই, দিল্লি হইতে এসকল সঙ্গে করিয়া আনিতে হইয়াছে; এগুলি সব France হইতে special order দিয়া আনীত।"

• রাজা তৎক্ষণাৎ প্রাইভেট সেক্রেটারিকে ডাকাইয়া বাস্তবস্ত্র গুলি আনাইতে আদেশ দিলেন।

(২)

সান্দ্য-ভ্রমণ করিতে করিতে পুনরায় উজ্জয়িনীর-রাজ বাটীতে আসিলাম! দেখিলাম, সিংহদ্বার নানা প্রকার পত্র, পুষ্প ও পাতাকাধারা সজ্জিত হইয়া উৎসব বেশ ধারণ করিয়াছে; বড় বড় দুইটি arch light বহু দূর পর্য্যন্ত তীব্র আলোক বিকীর্ণ করিয়া রাস্তার অগণিত লোকের দৃষ্টি আকর্ষণ করিতেছে। আমি নূতন পোষাকে আবৃত-সশস্ত্র-দরোয়ানদের পার্শ্ব দিয়া ভিতরে প্রবেশ করিলাম; সোপানের উপরে লাল সালু দেওয়া হইয়াছিল, উহা অতিক্রম করিয়া উপরে উঠিতেই দেখিলাম, সম্মুখস্থ বৃহৎ হলটিতে বিস্তৃত ফরাস ও মছলন্দ পাতিয়া রাখা হইয়াছে; মাঝে মাঝে আতর-দান, গোলাপদান এবং রৌপ্য পাত্রে রক্ষিত সোনালি তবক দিয়া মোড়া সুগন্ধি পান রহিয়াছে। উপরে ইগেষ্টিক্ কাড় হইতে শত শত বাতি নানারঙ্গের বাল্ব দিয়া রঙ্গিন রঙ্গি বাহির করিয়া কক্ষটিকে রামধনুর আয় সুন্দর করিয়া তুলিয়াছে! স্বয়ং রাজা তাঁহার নব রত্নের সহিত নিমন্ত্রিত ব্যক্তিগণের অভ্যর্থনায় নিযুক্ত রহিয়াছেন।

ক্রমে হলটি কলিকাতার ধনমান ও জ্ঞানমান লোক দ্বারা পরিপূর্ণ হইয়া গেল; তখন রাজা ও তাঁহার নব-রত্নগণ তানসেন মিঞাকে লইয়া মঙ্গলের মধ্যভাগে বসিলেন।

শুনিলাম গান করিবার সময় তানসেন মিঞার হস্ত পদাদি এত ভীষণ ভাবে সঞ্চালিত হইয়া থাকে যে দ্বিজেন্দ্রলালের 'হরিশদ' কেও হারমানাইয়া দেয়;—কোনও বাস্তবস্ত্র এমনকি তানপুরা পর্য্যন্ত তাঁহার পক্ষে তখন বাজানো সম্ভবপর হয়না। গান করার দক্ষ তাঁহাকে জীবনে নাকি আর স্বতন্ত্র কোনও ব্যায়াম

করিতে হয় নাই!—কাজেই গজেন্দ্র বাবু প্রভৃতির উপর পিয়ানো ইত্যাদি বাস্তবজ্ঞাদি বাজাইবার ও তাঁহাদের সতর্ক বন্ধ লইবার ভার পড়িল।

অর্ধশতাব্দীকাল সুর ঠিক করিয়া লইয়া ওস্তাদজি প্রথমেই রবীন্দ্রনাথের “তোমারি রাগিনী জীবন কুঞ্জ” ধরিলেন। গান শুনিয়া বুঝিলাম লোকটা ওস্তাদ বটে; কারণ কথা গুলি যদি স্পষ্ট বুদ্ধিতে না পারিতাম, তাহা হইলে সুর কিম্বা মুখভঙ্গি কিছু ঘারাই মনে হইত না যে উহা সেই সর্বজন পরিচিত জৈবর সঙ্গীত। যাহাহউক ৬৪ গুন বাঁট করিবার পর যখন ‘সম্’ এ আসিয়া থাকিলেন, তখন সকলেই ধর্মাস্ত্র কলেবর হইয়া পড়িয়াছিলেন।

গান ধামিতেই রাজা করজোরে বলিলেন, “মহাশয়! আমরা কলিকাতাবাসী; রবীন্দ্রনাথের গান বর্তমান যুগের শ্রেষ্ঠতম জিনিষ হইলেও, তাহা শোনা আমাদের পক্ষে কিছুমাত্র আয়াস সাধ্য নয়। যাহাতে ভারতীয় সঙ্গীত কলার শ্রেষ্ঠত্ব সহজে উপলব্ধি করিতে পারি, এই রূপ গান হউক।”

তখন ওস্তাদজি উর্দু ভাষায় একটি সংক্ষিপ্ত বক্তৃতা দিলেন; আমি একজন মৌলবী রাখিয়া কিছুদিন উক্ত ভাষার চর্চা করিয়াছিলাম, সুতরাং তাঁহার বক্তৃতা বুদ্ধিতে বিশেষ কষ্ট হইল না। উপসংহারে তিনি বলিলেন, “ভারতীয় সঙ্গীত কলার বিশেষত্বই হইতেছে—উহার রাগ ও রাগিনী; এগুলি এমন ভাবেই গঠিত যে যথাসময়ে রাগিনীতে তান উঠিলে উহার ভিতরকার গুঢ়তম ভাবটা ফুটিয়া না উঠিয়াই পারেনা। সকলকে এসম্বন্ধে Music Doctor Alfred Westharp মহোদয় Royal Asiatic Society র Bengal branch এ যে বক্তৃতা দিয়াছেন তাহা পাঠ করিতে অস্বরোধ করি। তবে তিনি যাহা বলিয়াছেন, তাহার সহিত আমি আর একটু যোগ করিয়া দিতে চাই; ভারতীয় সঙ্গীতকলা শুধু মনস্তত্ত্ব নয়, উহাতে পদার্থ বিজ্ঞানের অস্তিত্বও যথেষ্ট পরিমাণ আছে। আমি হুইটি গান গাহিয়া আপনাদিগকে তাহার প্রমাণ দিব।”

এই বলিয়া ওস্তাদজি মল্লার রাগিনীতে একটা গান ধরিলেন; রাজা সকলের অগ্রে বসিয়াছিলেন, সুতরাং ওস্তাদজি তাঁহার দিকে মুখ ফিরাইয়াই গাহিতে লাগিলেন।

গানের ‘আস্থায়ী’ পায় হইতে না হইতেই দেখি রাজার কপালে বিন্দু বিন্দু জল কণা সঞ্চিত হইয়াছে! উহা ঘাম না জল তাহা ঠিক বুদ্ধিতে পারিলামনা; কিন্তু সে সন্দেহ বড় বেশীকণ রহিলনা; গান ‘অস্তরার’ শেষ সীমায় পৌছাইবার পূর্বেই তাঁহার চুল ও পোষাক রীতিমত সিক্ত হইতে লাগিল! ইলেক্ট্রিক ফ্যানের হাওয়ার রাজা কাপিতে লাগিলেন! কিন্তু সে রকম অবস্থায় কোন উচ্চ বাচ্য করিয়া গানটা নষ্ট করা যায় না, তাই খানসামা Water proof আনিয়া দিলে তিনি তাহা গারে দিয়া গানের ‘সঞ্চায়ী’ ও ‘আভোগ’ অংশটুকু শুনিলেন। আভোগের সময় য়ুহু য়ুহু মেঘ গর্জনের শব্দ হইয়াছিল; তবে উহা রাস্তার গাড়ীর শব্দ কিনা তাহা ঠিক বলিতে পারি না। যাহাহউক উপস্থিত স্রষ্টাবর্গ ভারতীয় সঙ্গীত কলায় পদার্থ বিজ্ঞানের এতাদিক অস্তিত্বের প্রমাণ পাইয়া যুগপৎ বিম্বিত ও স্তম্ভিত হইয়া গেলেন। তখন ওস্তাদজি বলিলেন “এইবার আমি ‘দীপক’ গাহিব, আপনারা শুনুন।”

রাজা ‘মল্লার’ শুনিয়া এইমাত্র বেশ পরিবর্তন করিয়া আসিয়াছিলেন, সুতরাং সম্মুখে বসিয়া পুনরায় ‘দীপক’ শুনিতে তাঁহার আদৌ ইচ্ছা হইল না। তিনি উঠিতেই ওস্তাদজি লজ্জিত হইয়া বলিলেন, “এবার কাহারও দিকে মুখ ফিরাইব না, দৃষ্টি আমার নিজের দেহের উপরেই আংছ থাকিবে।”

আমার কিন্তু কথাটা শুনিয়াই বুক ধড়াস ধড়াস করিয়া উঠিল; মনে হইল, পূর্বেই গান গাওয়ার দরুণ ওস্তাদজির ভিতরকার ‘ভারতীয় সঙ্গীত কলা শক্তি, যেরূপ উন্মাদনো অবস্থায় আছে, তাহাতে এখনই ‘দীপক’ গাহিলে একটা কিছু অনর্থ ঘটতে পারে। কার্য্যেও তাহাই হইল; ‘দীপক’ রাগিনীতে এক তান দিতেই তৎক্ষণাৎ ওস্তাদজির পায়জামা ধরিয়া উঠিল! তখন মহা হলস্থল পড়িয়া গেল; কেহ ওস্তাদজির কাপড় নিতাইতে ব্যস্ত, কেহ জল আনিতে ব্যস্ত, কেহ ‘আপন বাঁচাইতে’ ব্যস্ত,—মহা হট্টগোল—চীৎকার। গজেন্দ্র বাবু গজেন্দ্র শরীর লইয়া পিয়ানোর ডালা চাপা পড়িলেন; ছোটগল্প লেখক এবং উদীয়মান কবিতে এমনই মাথা

ঠোকটুকি হইয়া গেল যে তাঁহাদের কপাল ফুলিয়া উঠিয়া সেখানেও এক একটা পকেট এডিসনের মাথার স্তায় দেখাইতে লাগিল; বিলাত ফের্তা মহাশয় 'বান্ধালিরই মত চম্পট পরিপাটি' দিবার মহৎ উদ্দেশ্যে প্রণোদিত হইয়া, লাফাইবার জন্ত যেই একখানা চেয়ারের উপরে উঠিয়াছেন, অমনই ইলেক্ট্রিক ফ্যানের চলন্ত ব্লেডে মাথা কাটিয়া বর বর করিয়া রক্ত পড়িতে লাগিল! স্বয়ং রাজা এরূপ ভাবে পড়িয়া গেলেন যে পার্শ্ব পরিবর্তন করিবার সামর্থ্যও তাঁহার রহিল না। যাহা হউক নিমন্ত্রিত ভদ্রলোকদিগের গায়ে ছিটাইবার জন্ত বারান্দায় কয়েক বালুতি গোলাপ জল ছিল, তাহাই ঢালিয়া সেক্রেটারি মাধব বাবু কোনও রকমে আগুন নিভাইলেন, কিন্তু তখন ওস্তাদজির সর্কান্নে ফোস্কা পড়িয়া গিয়াছিল! আমি ভাবিলাম কল্যা প্রাতে এঘটনা নিশ্চয়ই নানা রংএ রঞ্জিত হইয়া "Statesman" প্রভৃতিতে বাহির হইবে, এবং তাহাতে তানসেন মিঞার 'গীতবান্ধ' নিশ্চয়ই জগৎময় প্রসিদ্ধ হইয়া পড়িবে। এসকল কথা ভাবিতেছি এমন সময় কে আমার স্বন্ধে হস্তার্পণ করিল, চাহিয়া দেখি, ইনি নবরত্নেরই একজন। তিনি কর্কশ স্বরে বলিলেন, "কে হে তুমি এখানে দাঁড়াইয়া? তোমাকে নিশ্চয়ই invite করিয়া আনা হয় নাই।" আমি আত্মাকে হটাৎ অশরীরী অবস্থা হইতে সশরীরীতে পরিণত হইতে দেখিয়া কিংকর্তব্যবিমূঢ় হইয়া গেলাম। কি বলিতে যাইতে ছিলাম এমন সময় রত্ন মহাশয় বিরালী সিকার ওজনে এক ধাক্কা মারিলেন! সেই ধাক্কাতেই আমার ঘুম ভাঙ্গিয়া গেল। চাহিয়া দেখি, সে রত্নটি আর কেহই নহে, বজুবর দেবেন্দ্রনাথ; তিনি বলিতেছেন, "খু! ঘুমাইতেছ যে! এত ধাক্কাইতেছি তবু বাবুর ঘুমই ভাঙ্গে না! উঠ অন্ন প্রস্তুত।"

তখন বুঝিলাম, এতক্ষণ যাহা দেখিয়াছি, তাহার সকলই স্বপ্ন। খাইতে খাইতে স্বপ্ন বিবরণ সকলের নিকট প্রকাশ করিলাম; তখন এসম্বন্ধে নানাপ্রকার সমালোচনা চলিল। একজন দার্শনিক বন্ধু বুঝাইয়া দিলেন—জন প্রিয় বাবুর গান এত মর্ষ স্পর্শি হইয়াছিল যে ঘুমাইলেও তাহাই স্বপ্নে দেখিয়াছি। বজুবর দীনেশচন্দ্র

প্রায় তিনবৎসর হইল "থিওসফির গর্ভে" পড়িয়া গিয়াছিলেন, অস্তাবধি উঠিতে পারেন নাই; তিনি বলিলেন "এই স্বপ্ন বিবরণ London এর Theosophical Societyতে পাঠানো উচিত; আত্মা সম্বন্ধে নূতন theory বা হর হইতে পারে।"

শ্রীঅমরেন্দ্রনারায়ণ আচার্য্য চৌধুরী।

মিলন।

(সত্য ঘটনা অবলম্বনে)

সতর বৎসরের যুবক ধনরাজ স্বাবলম্বনে জীবিকা অর্জন মানসে আজ ছাপ্রা জিলা হইতে বঙ্গের এক সুদূর পল্লীতে আসিয়া উপস্থিত হইয়াছে। নিঃসম্বল সে যুবক। পরিধানে একখানি জীর্ণ বস্ত্র, মস্তকে একখানা চাদর জড়ান এবং বগলে একটি পুরাতন জীর্ণ ছাতা। ডুলসী দাসের অসম্পূর্ণ দোহা গাহিয়া গাহিয়া সে নিঃস্বহায় যুবক দৈনিক যাহা কিছু উপার্জন করিত, তাহা হইতে যৎ-কিঞ্চিৎ ব্যয় করিয়া কখনও ছাতু কখনও ভুংরি খাইয়া জীবন ধারণ করিতে লাগিল। এইরূপে সপ্তাহ কাল কাটাইয়া একদিন অপরাহ্নে সে পুরাতন পাছকা সংস্কারোপযোগী কয়েকটা অস্ত্র সংগ্রহ করিয়া লইল। সারা দিন কাজ করিয়া ধনরাজ যাহা উপার্জন করিত, তাহা হইতে ২।১ পয়সার কিছু খাইয়া দিন যাপন করিত এবং সন্ধ্যার পরে এক মুঠা আনের যোগার করিত। শয়নের জন্ত তাহার কোনও ভাবনা ছিল না। পথিপার্শ্বে বটবৃক্ষ তলেই তাহার সুখ-শয্যা রচিত হইত। মেঘ বর্ষণের সম্ভাবনা দেখিলে কখনও কোনও গৃহের বারেন্দায়ও সে আশ্রয় গ্রহণ করিত।

সেদিন অবিরাম বারিপাত হইতেছিল। ধনরাজ অক্লান্তোপায় হইয়া নিকটস্থ স্থল গৃহের বারেন্দার একপার্শ্বে আসিয়া উপবেশন করিল। অবিরাম প্রবল বর্ষণে অক্লান্ত স্থান না পাইয়া কয়েকটি গাম্য কুকুরও তাহার একধারে লাঙ্গুল গুটাইয়া পরমানন্দে নিদ্রা যাইতেছিল। সে সময় যুধ প্রকালন মানসে স্থলের প্রধান শিক্ষক রামতারং মুখোপাধ্যায় বারেন্দার এক পার্শ্ব দিয়া এক পাড় জল

হস্তে তাহার ককে প্রবেশ করিতেছিলেন। বিবাহাদি না করাতে সুল গৃহের একটি ককেই তাহার স্থান সঙ্কলন হইত। এবং তথায় তিনি স্বচ্ছন্দে অবস্থান করিতেন। তাহার হিন্দুধর্মে বিশেষ আস্থা ছিল; কিন্তু লোকে তাঁহার অতিরিক্ত বাড়াবাড়ি দেখিয়া তাঁহাকে গোড়া হিন্দু নামে অভিহিত করিত। রামতারণ বাবু বারেন্দ্রাতে উঠিয়াই দেখিতে পাইলেন যে কয়েকটি কুকুর পরিবেষ্টিত হইয়া একখানা জীর্ণ বস্ত্র গায়ে কে যেন বসিয়া রহিয়াছে। তিনি “ওখানে কে?” বলিয়া চীৎকার করিয়া উঠিলেন। ধনরাজ তখন ভূমিষ্ঠ হইয়া প্রণাম করতঃ বোড় হস্তে উঠিয়া দাঁড়াইল। “নারায়ণ, নারায়ণ” বলিয়া—গাড়ু মাটিতে রাখিয়া মস্তকে দুই হাত স্থাপন করতঃ মাষ্টার মহাশয় আপনা আপনি বলিতে লাগিলেন—“ভগবান আজ কি রক্ষাই করিয়াছেন!” এই জলে মুখ প্রক্ষালন করিলে এখনই পতিত হইতাম। অতঃপর ধনরাজকে লক্ষ্য করিয়া বলিলেন—“বেটা, চামার আজ তুই ছরভিসন্ধি করিয়াই আমার জাতি নষ্ট করিবার উপক্রম করিয়াছিলি। ভাল চাস তো এখনি বেরো।”

ধনরাজ উত্তর করিল, “হজুর সন্ধ্যার সময় অস্ত্রস্থান পাইব না মনে করিয়াই এখানে আসিয়াছি। আমার কি কয়েকটা কুকুরের পার্শ্বেও স্থান হইতে পারে না?” এই কথা শুনিয়া মাত্র রামতারণ বাবু ক্রোধে অগ্নিমূর্তি ধারণ করিলেন, এবং পায়ে কাঠ পাহুকা ধনরাজের গায়ে নিক্ষেপ করিয়া সরোবে বলিয়া উঠিলেন—“বেটার যত বড় মুখ নয় তত বড় কথা! দূরহ এখন হ’তে। নীচ চর্শকার হইয়া ব্রাহ্মণের সহিত বিচার! জানিস্না তোর ছায়া স্পর্শে স্নান করিতে হয়!” ধনরাজ বিনা বাক্য ব্যয়ে মাষ্টার মহাশয়কে পুনরায় অভিবাদন করিয়া প্রবল বৃষ্টির মধ্যে বাহির হইয়া পড়িল। মাষ্টার মহাশয়ের পাহুকা, নীচ জাতির স্পর্শে কলুষিত হইয়াছে বলিয়া সে রাত্রে তথায়ই পড়িয়া রহিল। তিনি পুনরায় পুষ্করিণীতে বাইরা হাত মুখ প্রক্ষালন পূর্বক গঙ্গাজল স্পর্শ করিয়া গৃহে প্রবেশ করিলেন।

দরিদ্র ধনরাজ সুল গৃহ হইতে বিতাড়িত হইয়া এক অশালায় আসিয়া আশ্রয় গ্রহণ করিল। সে অবধি সে

আর অপর কোনও ভদ্র-গৃহে পদার্পণ করিবার কোনও প্রয়োজন বোধ করে নাই। কিছুদিন পরে একখানা “শিশু গ্রন্থ” সংগ্রহ করিয়া সে নাগরী বর্ণ পরিচয় শিক্ষা করতে লাগিল। সে পথি পার্শ্বে বসিয়া অবসর সময়ে অধ্যয়নে ব্যস্ত থাকিত। তাহার একাগ্রতা দেখিলে মনে হইত যেন অধ্যয়নই তাহার জীবনের উদ্দেশ্য। কিছু দিনের মধ্যেই বর্ণমালা শেষ করিয়া তুলসির রামায়ণ পড়িতে আরম্ভ করিল। রামায়ণ পড়িবার সময়ে সে যে অতুল আনন্দ উপভোগ করিত, তাহা তাহার উদ্ভাসিত মুখমণ্ডল দেখিলেই স্পষ্ট প্রতীত হইত। অশালায় অশ্র-রক্ষকগণ ধনরাজ আসার পূর্বে নানারূপ অসত্য আমোদে দিন কাটাইত; এখন ধনরাজকে পাইয়া তাহারা সে সব ছাড়িয়া রাত্রিতে ধনরাজের ভজন গান ও রামায়ণ পাঠ শুনিত। এবং ধনরাজের সহিত তন্ময় হইয়া যাইত। সে সময়ে জীবিকা নির্বাহের জন্য সে অল্প কিছু সময় মাত্র কাজ করিত। তাহার টাকা পয়সার দিকে বিশেষ লক্ষ্য ছিল না। যে যাহা দিত তাহাতেই সন্তুষ্ট থাকিত।

এক ঔষধালয়ের পার্শ্বে ই ধনরাজ অবস্থান করিত। আজ সে ডাক্তার বাবুকে জানাইল তীর্থ ভ্রমণ মানসে সে ৬চন্দ্রনাথ যাইবে এবং তাহার একখানা কবলের অভাব। ডাক্তার বাবুর নিকট তাহার কিছু পাওনা ছিল; এবং তিনি তাহার গুণে বিশেষ মোহিত ছিলেন বলিয়াই বোধ হয় একখানা কবল যোগার করিয়া দিতে সম্মত হইলেন। সন্ধ্যার সময়ে ধনরাজ ঔষধালয়ে আসিয়া উপস্থিত। কাল ভোরে সে তীর্থ যাত্রা করিবে। সেখানে কয়েকটি ভদ্র লোক উপস্থিত ছিলেন। ধনরাজের ইতিহাস শুনিয়া সকলেই কিছু কিছু সাহায্য করিলেন। অধিকন্তু ধানার দারোগা বাবুর সহিত ৬চন্দ্রনাথের মহাশয়ের বিশেষ পরিচয় থাকাতো তিনি একখানা সুপারিশ পত্রও লিখিয়া দিলেন। ধনরাজ টাকা পয়সা লইতে প্রস্তুত ছিল না। সে চাহিতেছিল মাত্র একখানা কবল। বাই হউক সকলের বিশেষ অনুরোধে সে, ঐ অর্থ গ্রহণ করিল।

(২)

হরিহর বন্দ্যোপাধ্যায় বহুকাল সব্ব জনের কার্য

করিয়া এখন পেন্সন লইয়াছেন। বৃদ্ধ বয়সে ৬কাশীবাস মানসে বাঙ্গালী টোলাতে একখানা বাসা ভাড়া করিয়া তথায় অবস্থান করিতেছিলেন। তাহার দুই পুত্র ও এক কন্যা। পুত্রদ্বয় একজন মুসেফ্ ও একজন ইঞ্জিনিয়ার চাকরী উপলক্ষে উভয়েই সপরিবারে বিদেশে আছেন। একমাত্র কন্যা হেমনলিনী বৃদ্ধ পিতামাতার সহিত ৬কাশীধাম অবস্থান করিতেছে। হেমনলিনীর রূপ লাভ্যের ধ্যান্তি অল্প দিনের মধ্যেই বাঙ্গালী টোলায় ছড়াইয়া পড়িয়াছিল। এবং তাহার গুণে আশপাশের সকলেই মুগ্ধ হইয়াছিল! হেমনলিনী বৃদ্ধ বয়সে জন্মিয়াছিল বলিয়া পিতামাতার বড়ই আদরের ছিল। কিন্তু অতি আদরে লালিত পালিত হইয়াও তাহার স্বভাবের মাধুর্য্য নষ্ট হয় নাই। মেহের মেয়েকে পরের ঘরে দিতে হইবে বলিয়াই হউক, অথবা পিতা মাতা কুলীনে সংপাত্ৰ খুঁজিতে সময় লাগে বলিয়াই হউক হেমনলিনীকে কিছু অধিক বয়সে বিবাহ দিয়াছেন। আজ দুই বৎসর হয় হেমের বিবাহ হইয়াছে। সম্প্রতি দেশ হইতে বৃদ্ধ হরিহর বাবু, বৈবাহিকের অমুমতি গ্রহণ করিয়া হেমনলিনীকে কিছু দিনের জন্ত নিজের কাছে, ৬কাশীধামে আনিয়াছেন।

আজ হরিহর বাবুর বাড়ী নিস্তর, যেন এক বিপদের ছায়া পড়িয়াছে। গল্পের সঙ্ক্ষে একখানা গাড়ী দণ্ডায়মান। বাড়ীর উপর তালার এক কক্ষে পল্লীর কয়েকটি ভদ্র লোক মৌনভাবে বসিয়া রহিয়াছেন। ডাক্তার অতুল বাবু রোগীকে বিশেষভাবে পরীক্ষা করিয়া ঐ কক্ষে আসিয়া গভীরভাবে বসিলেন। তাহাকে অত্যন্ত চিন্তিত দেখিয়া সকলেই উদ্ভয় হইলেন এবং তাহাদের মধ্যে একজন জিজ্ঞাসা করিলেন; “ডাক্তার বাবু, আপনি রোগীর অবস্থা কিরূপ মনে করেন?”

ডাঃ-বাবু—“রোগীর অবস্থা তত ভাল নয়। তবে আমার ইচ্ছা হয় একবার ডাক্তার সাহেবের সহিত পরামর্শ করি।”

সকলেই ইহাতে একবাক্যে সন্মতি দিলে তিনি তৎক্ষণাৎ ডাক্তার সাহেবের জন্ত চলিয়া গেলেন; ডাক্তার সাহেব রোগীকে পরীক্ষা করিয়া অতুল বাবুর সহিত কি পরামর্শ করিলেন। অতঃপর রোগীর শরীরে পিচকারী

দ্বারা বিষ প্রয়োগ করাইয়া দিয়া একখানা ব্যবস্থা পত্র রাখিয়া চলিয়া গেলেন। অতুল বাবু যাইবার সময় বলিয়া গেলেন যে, “ডাক্তার সাহেবের মতে রোগী একরূপ চিকিৎসার বাহির হইয়াছে। তবে ইহাই আশীর্ষক শেষ চিকিৎসা! ইহাতে উপসর্গের কোনও বৈলক্ষণ্য না হইলে আপনারা অন্ত চেষ্টা করিতে পারেন।” ডাক্তার বাবুর এই কবুল জবাব শুনিয়া সকলেই সন্তুষ্ট হইলেন। হরিহর বাবু পাগলের মত এঘর ওঘর করিতে লাগিলেন; এবং ঘন ঘন ধূমপান করিতে লাগিলেন। পার্শ্বের বাড়ীর মেয়েরাও ডাক্তারদের জবাব শুনিয়া রোগীকে শেষ দেখা দেখিতে আসিয়াছেন। সুধা হেমনলিনীর সমবয়সী। অল্প দিনের মধ্যেই উভয়ের বেশ সদ্ভাব হইয়াছিল। সেও সেই সঙ্গে আসিয়াছিল। সকলেই রোগীর শয্যা-পার্শ্বে বসিয়া। রোগী অনবরত প্রলাপ নকিতেছে। মাঝে মাঝে কি যেন সাধু সন্ন্যাসীর কথা বলিতেছে। এই প্রলাপ শুনিয়া সুধা তাহার মাতাকে অন্তরালে নিয়া কি বলিল। ইহার পর প্রকাশ পাইল, রোগীর জ্বর হওয়ার পূর্ব দিন সে সুধার সহিত দশাশ্বমেধের ঘাটে স্নান করিতে গিয়াছিল। বাড়ী ফিরিয়া আসিবার সময়ে—পার্শ্বপার্শ্বে এক সন্ন্যাসী বসিয়াছিল, লোকের জনতাতে তাঁহার পাশ ঘেরিয়া আসার সময় হেমনলিনী সন্ন্যাসীর ছায়া পদ দলিত করিয়া আসে। পর মুহূর্ত্তেই উভয়ের মনে হইল যে কার্যটি অত্যন্ত গর্হিত হইয়াছে। তাহারা ফিরিয়া যাইয়া সন্ন্যাসীকে প্রণাম করিল; কিন্তু সন্ন্যাসী ধ্যানস্থ থাকাতে কিছুতেই ভ্রূকপ করিল না। উভয়ে ক্ষুব্ধ মনে গৃহে ফিরিল।

এই কাহিনী শুনিয়া বৃদ্ধদের সকলের মত হইল যে সন্ন্যাসীর নিকট ক্রমা তিক্রা ভিন্ন রোগ প্রতিকারের আর অন্য উপায় নাই। তৎক্ষণাৎ বৃদ্ধ হরিহর বাবু সুধাকে সঙ্গে করিয়া সন্ন্যাসীর উদ্দেশে বাহির হইলেন। পথে কিছু ফল সংগ্রহ করিয়া লইলেন। গজারধারে যাইয়া সুধার নির্দেশ মত উভয়ে সন্ন্যাসীকে প্রণাম করিলেন। সন্ন্যাসী বৃদ্ধকে পদ প্রান্তে দেখিয়া অত্যন্ত বিচলিত হইয়া উঠিল এবং তাহাকে ঐরূপ করিবার কারণ জিজ্ঞাসা করিল। হরিহর বাবু সমস্ত অবস্থা বিবৃত

করিলেন। সন্ন্যাসী বলিল; “বাবা, আমি সামান্ত মানব যাত্রী। ৩বিধেবরের নিকট প্রার্থনা কর, ফল পাইবে।” হরিহর বাবু সন্ন্যাসীকে ফল মূল অর্পণ করিলেন। সন্ন্যাসী উহা সবিনয়ে প্রত্যাখ্যান করিল। বলিল, “বাবা, ভগবান আজ আমার আহার প্রদান করিয়াছেন, আজ আর কোনও আহারের আবশ্যক নাই।” হরিহর বাবু ঐ ফলের ডালি সন্ন্যাসীর পাদস্পর্শ করাইয়া প্রসাদ রূপে গ্রহণ করিলেন, এবং সন্ন্যাসীর ধুনি হইতে কিছু ভয় আহরণ করিয়া সুধার সহিত বাড়ী প্রত্যাবর্তন করিলেন। বাসায় আসিয়া হেমকে প্রসাদী ডাবের জল একটু একটু খাওয়াইতে লাগিলেন। এবং ধুনির ভয় কপালে ও বক্ষে লেপন করিয়া দিলেন।

হেমের স্বামী আজ চারি বৎসর বাবত পাটনায় ওকালতী করিতেছিলেন। টেলিগ্রাম পাইয়া রাত্রিতে আসিয়া পঁহ- ছিয়াছেন। গাড়ী হইতে নামিয়া আসিয়াই তিনি রোগীর শয্যা পার্শ্বে উপবেশন করিলেন ও শুশ্রূষার ভার নিজ হস্তে গ্রহণ করিলেন। আহার করিতে অনুরোধ করিলে— তিনি ক্ষুধা নাই বলিয়া তাহা প্রত্যাখ্যান করিলেন। শুশ্রূষার সময় অন্ন আছে মনে করিয়াই যেন রোগীকে মুহূর্তের অন্তও ছাড়িতে ইচ্ছা হইতে ছিল না।

ভগবানের ইচ্ছায় শেষ রাত্রিতে অন্ন কমিতে লাগিল। বেলা প্রায় ৭সাতটার সময় অন্নের সম্পূর্ণ বিরাম হইল। ককে অপর কেহই ছিলনা, কেবল হেমও তাহার স্বামী। রোগী স্থির দৃষ্টিতে স্বামির মুখের দিকে তাকাইয়া বলিল “জল”। তিনি তৎক্ষণাত্ গঙ্গা জল মিশ্রিত ডাবের জল রোগীর মুখে তুলিয়া দিলেন। অতিদীর্ঘে হেম জিজ্ঞাসা করিল “তুমি কখন আসিলে।” তিনি আনন্দে অশ্রু বর্ষণ করিতে লাগিলেন, যেন তাহার বাক্য বোধ হইয়া সমস্ত প্রাণের আবেগ উত্তপ্ত জলের মত চকিতে আসিয়া গড়াইয়া পড়িতে লাগিল। তাহাদের এই মিলন সময়ে সুধা আসিয়া ককে প্রবেশ করিল। এই সময়ে সুধাকে দেখিয়া হেমের রোগ ক্রিষ্ট মুখ স্বেদ রক্তিমাত্মা ধারণ করিল। সুধার দিকে অঙ্গুলি নির্দেশ করিয়া স্বামীকে মুহূর্তে বলিল; “আমার দাদ, সুধা।” তিনি স্নান করিয়া বদনে করপুট মুক্ত করিয়া সুধাকে

অভিবাদন করিলেন; মুহূর্তেই হেম কত পরিচয় হইয়া গেল। সুধা হাসিয়া বলিল—“জানই বাবু আপনার বিরহেতেই হেম মরিতে বসিয়াছিল, নচেৎ আপনার স্পর্শ মাত্রেই জ্ঞান লাভ করিল কিরূপে?”

ক্রমে বাড়ীর ও পাড়ার সকলে আসিয়া উপস্থিত হইলেন। বৃদ্ধেরা বলিতে লাগিলেন, সন্ন্যাসীর রূপাঃ রোগী এবার জীবন লাভ করিয়াছে। ডাক্তার অতুঃ বাবু শুনিয়া বলিতে লাগিলেন; উহা আর কিছু নয় আমাদের ঔষধের গৌন ফল। কিন্তু কোনও কোনও অবিখ্যাসী যুবক বলিতেছিল যে অতিরিক্ত ঔষধ প্রয়োগে রোগ জটিল হইয়া পড়িয়াছিল এবং ঔষধ কাস্ত কর হইয়াছে বলিয়াই রোগী এ যাত্রা রক্ষা পাইল।

ক্রমে হেম সারিয়া উঠিল। কিছুদিন পরে একদিন সন্ধ্যা সময়ে স্বামী স্ত্রীতে মিলিয়া সন্ন্যাসীর চরণ বন্দনা করিতে চলিলেন। সুধাও সঙ্গে গেল। তিন জনে ৩শ্রীশ্রীবিধেবরে আরতি দর্শন করিয়া আসিয়া সাষ্টাঙ্গে সন্ন্যাসীকে প্রণাম করিয়া তাঁহার পদ প্রান্তে উপবেশন করিলেন। সন্ন্যাসী ধ্যানস্থ ছিলেন; কিছু কাল পবে চক্ষু মেলিয়া দুইটি রমণী মুষ্টি সম্মুখে দেখিয়া জিজ্ঞাসা করিলেন; “মা, তোমরা এখানে কেন?” এই প্রশ্ন শুনিয়া মাত্র যোড় হস্তে হেমের স্বামী পশ্চাৎ হইতে বলিলেন, “প্রভো, আমার স্ত্রী এবার আপনার রূপাতেই জীবন লাভ করিয়াছে।” ক্রমে হেম ও সুধা সমস্ত কাহিনী সন্ন্যাসীকে নিকট বিবৃত করিল। সন্ন্যাসী সহাস্তে বলিলেন “মা, তোমরা মহামায়া, তোমরা সকলই করিতে পার এ সকল তোমাদের লালা।” সন্ন্যাসী যুবককে সন্মোদন করিয়া বলিলেন;—“প্রার্থনা মানুষের কাছে নয়, প্রার্থনা করিতে হয় দেবতার কাছে, কারণ তিনিই একমাত্র নিয়ন্তা। ভেদ জ্ঞান ভুলিয়া ভগবানের প্রিয় কার্য সাধন করাই প্রকৃত সাধনা।”

সে সময় ধুনির কাষ্ঠ প্রজ্জ্বলিত হইয়া উঠিল। এবং কিছু সময়ের অন্ত সকলের মুখই পট্ট দেখা গেল। সন্ন্যাসী ও যুবক উভয়েই উভয়কে চিনিল। হেমের স্বামী আসিয়া সন্ন্যাসীর পদ প্রান্তে লুটাইয়া পড়িল। সন্ন্যাসীও তাহাকে উঠাইয়া আলিঙ্গন পাশে আবধ করিলেন। দুইটি রমণী অবাক হইয়া এই দৃশ্য দেখিতে লাগিল।

শ্রীহরিচরণ গুপ্ত।

